



here, augmented edition.

Chouy. 12.



LES SERMONS

ET INSTRUCTIONS

Chrestiennes, pour tous les iours de l'Ad-
uent, iusques à Noel:& de tous les Dimen-
ches & festes, depuis Noel iusques à Ca-
resme.

*Enrichis de quatre sermons non encores par cy devant imprim-
mez:desquels est faicte mention en la page suivante.*

Fidelement recueillis, ainsi qu'ils ont esté prononcez,
par feu de bonne memoire, monsieur M. François le
Picart, docteur en Theologie à Paris.



A PARIS,

Chez Nicolas Chesneau, rue S. Iacques, à l'enseigne
de l'escu de Froben, & du chesne verd.

1566.

AVEC PRIVILEGE DV ROY,
& de la Cour, pour dix ans.

417544

*Les quatre sermons adioustez en
ceste derniere edition, sont:*

Du iour sainct André , deux sermons.
Du iour de saincte Barbe , vn sermon.
Du iour de sainct Matthias , vn sermon.

Lesquels suiuent apres le dernier sermon
de la Quinquagesime.

ANOBLE HOMME ET VIGI-
lant pasteur , Monsieur maistre Pierre
Rousseau , Preuost de S. Laurens , & cha-
noine d'Angers , Nicolas Chesneau , son
treshumble seruiteur , Salut.

M Onseigneur, si nous voulons avec
iugement & diligéce cōsiderer &
poiser les choses, nous trouuerōs
que la profession des arts & sciē-
ces, & la grandeur & gloire des
principautez du monde ont telle affinité, &
sont si estroitement liées ensemble, que l'vne ne
peult exceller ny mesmes longuement subsi-
ster sans l'aide de l'autre, en sorte q̄ les riches,
les seigneurs, & puissans du monde ne peuuent
estre honorez ny demeurer celebres, sans l'or-
nement des lettres. Lesquelles aussi ne peuuent
fleurir & estédre leurs cours, si elles ne sont ai-
dées & entretenues par iceux riches & puissās.
C'est pourquoy il a tousiours esté dit, que l'hō-
neur, aide, & subuétion entretient, & auāce les
arts & sciences, lesquelles ne peuuent apparois-
tre au lieu ou elles sont mesprisées & delais-
sées. C'est aussi pourquoy on dit cōmunément:
que s'il y auoit des Césars, il se trouueroit assez
d'Horaces & Virgiles. Au contraire aussi, com-
ment eust paru & eust esté recommandée des
estrāgers, & de la posterité, la vertu & magna-
nimité d'Alexandre, de Cesar, de Scipio, & pa-
reillement tous autres genereux & vaillans hō-

mes, sans les escrits des Poëtes, Orateurs, & Historiographes, amateurs & professeurs des bonnes lettres? Certes sans les lettres, le cheualier & magnanime n'eust pas beaucoup excellé, deuacé entre les hōmes, le casannier lasche & coüart. Ce sont donc les lettres lesquelles estāt honorées, fauorisées, & entretenues, nourrissent la vertu, & rendēt les vertueux pour tousiours glorieux & recommandez. Pourquoy, si nous voulons auoir vn siecle heureux, & (comme lon dit) reuoir l'aage doré, il fault cōmencer à l'introduire par la faueur & auancement des bonnes lettres, desquelles vient tout bien, tout honneur, toute grandeur, comme d'ignorāce procede tout malheur, toute ignominie, & en toutes choses vergonneuse infelicité. Or cela estāt certain que la felicité, a commencement, progres, & perfection des bōnes lettres, ie ne pense estat plus propre & ordonné à les fauoriser & supporter, que cestuy de l'Eglise, lequel sans icelles est ridicule & cōtemplible, comme avec icelles est reueré & adoré.

Ce que cōsiderāt, Mōseigneur, & cognoissant que Dieu vous a enrichy de si bonnes parties, qu'estes amateur de toutes vertus, & principalement des hommes sçauans, aussi que ces presens sermons auoient esté premieremēt diuulguez, sous le nom de tres-uertueux prelat feu messire Iean de Breilrond, grand zelateur de l'honneur de Dieu, & de la foy Catholique, lequel vous a esleu & laissé en son lieu, cōme vn memorial de sa vertu, bōté, & affection vers les

bônes lettres , & amateur d'icelles: ie vous ay choisi entre plusieurs , pour soubs l'autorité de vostre nom , mettre en lumiere cest euure, non de telle quelle literature & matiere , que sont en nostre temps plusieurs escrits , qui ne meritent encherir le papier , & faire perdre le temps à plusieurs personnes , mais graue , & traittât choses nécessaires à tout homme pour estre sauué. Comme aussi il est venu d'une personne (selon le iugement de tous bien sentās) prouuée en toute vertu & eminēte en sçauoir, qui est defunct de bonne & heureuse memoire, Monsieur maistre François le Picart, docteur en Theologie à Paris, & tres-excellēt predicateur de la parole de Dieu. Lequel nous especrons & supplions la bonté eternelle , estre en ioye perpetuelle, & illec cōtinuer son bon zele & affectiō vers l'eglise de Iesus Christ, nous aidant par ses prieres à entēdre & effectuer la sainte & Euangelique doctrine, laquelle nous auons receuē de luy, soit par la voix, ou par escriture: Aussi vous donner, Mon-seigneur, longue vie en toute prosperité & santé, pour que, par vostre faueur & moyen , comme d'autres voz semblables, par le moyen des bonnes lettres, ignorance estant chassée , le vice soit cogneu & reiecté des Chrestiens , à la gloire de Dieu , exaltatiō du saint nom de Iesus Christ, & edification de son Eglise: Ainsi soit-il. De vostre maison à Paris, ce 10. Nouembre, 1564.

TABLE DES SERMONS SE- lon l'ordre de chacune sepmaine.

Deux sermons du premier Dimenche de
l'Aduent. Fueillet 1.

Lundy. fueil. 12

Mardy. fueil. 18

Mecredy. fueil. 23

Ieudy. fueil. 28

Vendredy. fueil. 33

Samedy iour & feste S. Nicolas. fueil. 38

De la seconde sepmaine.

Dimenche deux sermons. fueil. 44

Lundy iour de la Conception deux sermons.

fueillet, 55

Mardy. fueil. 66

Mecredy. fueil. 70

Ieudy. fueil. 74

Vendredy. fueil. 78

Samedy. fueil. 82

De la troisieme sepmaine.

Dimenche deux sermons. fueil. 86

Lundy. fueil. 98

Mardy. fueil. 103

Mecredy. fueil. 107

Ieudy. fueil. 111

Vendredy. fueil. 116

Samedy. fueil. 118

De la quatriesme sepmaine.

Dimenche deux sermons. fueil. 23

Lundy iour & feste S. Thomas. fueil. 133

Mardy.	fueil.134
Mecredy vigile de Noel.	fueil.141
Du iour de Noel.	fueil.147
Pour le iour & feste de saint Estienne.	fueil.154
Pour le iour saint Iean l'Euangeliste, deux sermons.	fueil.168
Pour le iour des saints Innocens.	fueil.180
Pour le dimenche dedans les octaues de Noel.	fueil.194
Pour le iour de la Circoncision.	fueil.205
Pour le iour & feste sainte Geneuiefue.	fu.218
Pour le iour & feste des Rois.	fueil.232
Pour le Diménche és octaues des Rois.	fueil.243
Pour le premier Dimenche apres les octaues des Rois.	fueil.252
Pour le deuxiesme Dimenche apres les octaues des Rois, deux sermons.	fueil.267
Pour le troisiésme Dimenche apres les octaues des Rois.	fueil.275
Pour le Dimenche de la Septuagesime.	fu.286
Pour le Dimenche de la Sexagesime.	fueil.298
Pour le Dimenche de la Quinquagesime.	f.310
<i>Plus sont adionstéz à la fin.</i>	
Pour le iour de la Purification de la vierge Marie, deux sermons.	fueil.327
De la chaire saint Pierre, deux sermons.	f.342

F I N.

EXTRAICT DV

Priuilege du Roy. .

PA R grace & priuilege du Roy, est defendu à tous Libraires, Imprimeurs, & autres qu'il appartiendra, d'imprimer, vèdre ny distribuer aucuns des *sermons faicts par feu Maistre François le Picard, docteur en Theologie, de tous les iours de l'Aduent, Fiestes & dimenches de l'Année, avec les Sermons de tout le Carefme*, sinon de ceux qu'aura imprimez ou faict imprimer Nicolas Chesneau libraire iuré en l'vniuersité de Paris, iusques à dix ans apres la premiere impression. A peine de confiscation & d'amende arbitraire, comme plus à plein est contenuës lettres sur ce données à Paris, le 6. Septembre. 1561.

Signées
De Courlay.

ET ledict Priuilege octroyé audict Chesneau, comme dessus a esté confirmé par arrest de la Cour de Parlement comme appert par l'extraict des registres d'icelle, faict en la chambre des vacations, le 26. de Septembre. 1561.

Signé

Du Tillet.

DV PREMIER

DIMENCHE DE

l'Aduent.

SERMON PREMIER.

*C'est traicté principalement
sur Iesus christ d'icelle
vray nuyt pour
parvenir au Roiaume
de Dieu.*

VÆCVNQVE scripta sunt, ad no. Rom. 8.

*stram doctrinam scripta sunt, ut per
patientiam & consolationem scriptu-
rarum spem habeamus.*



Je vous recõmande toutes choses dignes de recommandation : specialement l'estat & vnion de nostre mere saincte Eglise, nostre saint pere le Pape, monsieur de, &c. & tous ceux qui ont le gouuernement de noz ames en l'Eglise. Je vous recommande l'estat seculier: specialemēt la personne du Roy nostre Sire, la Royne, Messieurs les Enfans, le sang Royal, & tout le bon cõseil du Roy, la paix, & tous ceux qui ont le gouuernement de nous en la temporalité. Je vous recõmande l'augmentation & stabilité de la foy de nostre Seigneur Iesus Christ en nous, & en tous noz prochains, qu'il luy plaise de nous faire la grace de ne tōber, & à ceux qui sont tombés & desuoyés, que Dieu leur face la grace de retourner à la vraye cognoissance de Dieu, & de leur salut. Finablement ie vous recõmāde *infirmos & pauperes, &c.*

IL est escript: *Hæc est vita æterna ut cognoscāt te solū Deū Ioan. 17.*
verū, & quem misisti Iesum Christum. Cognoistre Dieu

Premier Dimenche

*La fin de
l'homme est vi
ure eternal-
lement.*

*Nous ne pou
uons en ce mō
de auoir frui
tiō de nostre
souuerain
bien.*

Psal. 16.

*L'amour
qu'auons de
Dieu en ce
mōde, est im
parfaict à
cause que la
cognoissance
qu'auons de
luy, est im-
parfaicte.*

qu'il est seul & vnique, nostre Seigneur Iesus Christ, c'est la vie eternelle, sçauoir Dieu & cognoistre nostre Seignr Iesus Christ, c'est viure eternellemēt: au contraire, ignorer Dieu ne cognoistre point nostre Seigneur Iesus Christ, c'est mort eternelle. Tout la fin de l'homme, c'est viure eternellemēt, tout ce que nous sçauriōs esperer & auoir, c'est viure eternellemēt. Voyla vostre fin, & nostre souuerain bien. La vie eternelle est dictē autremēt le souuerain bien, apres lequel on n'attēd plus rien. Nous sommes tousiours en ce desir & expectation, iusques à ce que nous y soyons paruenuz, c'est à clairement cognoistre Dieu, cōme il est, & nostre Seigneur Iesus Christ son fils. Quelque bien, grace, paix, consolation que nous ayōs en ce mōde icy ce n'est point nostre souuerain biē, car nous sommes en desir d'auoir mieulx. Je cognois Dieu par foy, c'est le commencement de vie eternelle, ce n'est pas là nostre souuerain biē, car nous sommes en expectation de mieulx auoir, c'est de voir Dieu comme il est. Auourd'huy pour le commencement de vie eternelle nous auons la foy de nostre Seigneur Iesus Christ, par la foy nous cognoissons Dieu: mais ceste vision est obscure: nous ne leuoyons pas en sa gloire & maiestē cōme il est. Et pource, nous attendons mieulx, c'est la parfaicte cognoissance de Dieu, qui est nostre souuerain bien, car quand nous le cognoistrōs, nous ne demanderons plus rien nostre faim & appetit sera assouuy & rassasiē, comme dit David. *Satiabor Domine cum apparuerit gloria tua.* Mais qu'il n'y ait plus de moyen entredeux, entre Dieu & moy, alors nostre desir cessera, cōme quād en ce monde on a desirē quelque chose, & puis on la vient a auoir, le desir cesse. I'auois faim & soif, mō appetit est cessē: car i'ay biē beu & bien māgé. En ce monde quelque amour & vnion que nous ayons avec Dieu, tousiours nostre appetit, est desir de mieulx auoir. Je n'ay point autre cognoissance de Dieu, que par la foy, ie ne puis offrir vn amour parfaict, sans auoir vne cognoissance parfaicte, & tout ainsi que nostre cognoissance de Dieu est imparfaicte, aussi l'amour & conionction que nous auons avec Dieu est imparfaicte: & cōbien que nostre foy fust aussi

grande comme a eu S. Pierre, toutesfois nostre amour est imparfaict: car continuellement i'offense, ou suis en continuel danger d'offenser. D'auantage quand ceste vnion que nous auons avec Dieu en ce monde, seroit tellement confirmée, qu'elle ne pourroit rompre, que fussions cōfirmes en grace: encores ne seroit elle pas en actuelle cōsideration de Dieu: car il fault que nous soyons distraicts pour l'infirmité de nostre nature. Combien que nous ne fussions separez de Dieu, mais confirmez en grace comme estoient les Apostres de nostre Seigneur Iesus Christ, *L'homme en* apres la reception du Sainct Esprit, toutesfois l'esprit de *ce monde en-* l'homme ne scauroit continuellement vacquer à Dieu: *core qu'il* car par necessité, il fault estre distraict, il fault dormir, *fust confirmé* & celuy qui dort actuellement, n'a pas l'amour de Dieu: *en grace, ne* & pourtant nostre appetit est tousiours de mieulx auoir, *scauroit a-* & d'auoir la vie eternelle, laquelle ne peut estre collo- *ctuellement* quée qu'en Dieu & en nostre Seigneur Iesus Christ, & *tendre en* pource, comme i'ay desia dit: *Hac est vita aeterna ut co-* Dieu. *gnoscant te soium Deum, &c.* La vie eternelle, le souuerain bien de l'homme, c'est de cognoistre vn seul Dieu, & nostre Seigneur Iesus Christ son fils. Donc entendons chrestiens que Dieu & la cognoissance d'iceluy & de Iesus Christ est nostre vie: au contraire, l'oubliace & ignorace de dieu, c'est nostre mort: & no^s sōmes morts quād nous *Nous som-* oublions Dieu. Tout mal procede de l'ignorace de Dieu: *mes morts,* & tout bien vient de la cognoissance de Dieu. Il fault *quand nous* donc entendre, que c'est que de Dieu. Tout ainsi qu'il est *oublies dieu.* nostre origine, nostre commencement aussi est il nostre consummation, & nostre fin, comme il est dit en l'Apocalypse: *Ego sum alpha & ω, principium & finis.* Je suis le *Apoc. I.* commencement & la fin, l'origine & la consummation de toutes choses, spécialement de l'homme, auquel Dieu a plus mis de graces qu'en toutes les autres creatures. *Il fault tou-* Puis que Dieu est nostre origine & commencement, *iltes noz eu-* fault donc que toutes noz euures commencent à Dieu, *ures cōmen-* & ordonner tout à luy, referer toute nostre vie à luy. Il *cer en Dieu* fault tousiours auoir Dieu pour son but, & pour son sco- *& ordonner* pe. On demāde à vn qui va sur les champs: Ou allez vous *tout à luy.* au giste? aussi il fault tousiours penser ou tendent noz

Premier dimenche

actions. Je m'applique à tel exercice, ou telle vacation; & bien ou tendez vous? Il fault que nous tendiõs à Dieu, que nous ordonnions toutes noz eures à Dieu qui est le souuerain bien, & la vie eternelle. Je me feray prestre, pourquoy? à quoy tendez vous? ou est vostre scope? vostre blanc? vostre signe? Si c'est pour autre fin que pour Iesus Christ, vo⁹ ne prouffirez point: ie vois en religiõ, pourquoy est-ce? pour paruenir à la vie eternelle & au souuerain bien, c'est à dire pour estre sauué. Si ie vis mal, on me dira: Et ou allez vous? car ma mauuaise vie me meine tout droict à perdition, & à dampnation eternelle. Donc en tout eure & exercice, que Dieu est nostre fin, veu & qu'il nous a créez pour estre sauuez, ordonnons tout pour l'amour de Dieu, & nous iouyrõs de ce que nous desirõs, soit vn eure maternelle ou autre, ie le fais pour l'amour de Dieu, puis que Dieu m'a mis en tel estat pour l'amour de luy ie l'exerce. Vous retiendrez donc bien cela, que Dieu & nostre Seigneur Iesus Christ est no

*L'homme
par sa mau-
uaise vie va
tout droict à
perdition.*

*Par nostre
vertu natu-
relle nous ne
scauriõs par-
uenir à la vie
eternelle.*

stre fin, auquel il fault tout ordonner. Le moyen de paruenir en ceste vie eternelle, de nostre force & vertu naturelle, nous ne pourrions pas posseder Dieu, la vie eternelle, tant sommes debiles & infirmes, il fault donc auoir quelque moyen pour y paruenir. Adā encores qu'il fust crée iuste & remply de toute science, en sorte qu'il auoit grand moyen de paruenir à ce souuerain biẽ, à la vie eternelle: neantmoins de foy, de sa vertu naturelle, sans l'aide de Dieu, il n'eust sceu estre sauué, ne paruenir à la vie eternelle: encores plus, il a perdu les graces que Dieu luy auoit dõnées. C'est l'homme qui est tombé entre les larrõs qu'il l'ont despouillé, & l'ont laissé à demy mort.

LUC. 10.

Homo quidā descendebat ab Ierusalem in Iericho, & incidit in latrones, &c. C'est Adā, toute nature qui estoit en paix, il a esté chassé de paradis terrestre par son offense, & a esté despouillé des graces qu'il auoit de sou sçauoir (car il en acqueroit) de sa vertu, car il n'est riẽ si debile & infirme: il est delaisné comme demy mort, comme vn homme qui a esté blessé, à grand peine se peult il releuer: aussi l'homme de sa vertu naturelle, ne se peult sauuer: Et mesme auant qu'il eust offensé Dieu, tousiours a eu affaire

de la grace de Dieu, & maintenant que nature humaine est pleine des playes du peché du premier homme, nous sommes ignorans, oublians, & insuffisans de nous mesmes: tout cela procede du premier homme, qui est demeure nauré. La volonté de l'homme est tant blessée, qu'elle est plus incline à mal qu'à bien. Si donc l'homme auoit affaire de la grace de Dieu deuant son peché: regardez depuis la cheute de l'homme, cōbien nous sommes infirmes, si nous regardons nostre vertu naturelle. De nous, nous ne sçaurions venir au souuerain bien qui est Dieu, ne iamais le posseder: Et pource, il nous a donné vn moyen par lequel nous pouuons iouyr de la vie eternelle. Si ie veulx aller à Orleans, il fault passer par le chemin: ie veulx aller en paradis, au souuerain bien, comment voulez vous assouuir vostre desir? c'est qu'il fault voir Dieu. Sainct Paul dit: *Non sumus sufficientes ex nobis, quasi ex nobis, &c.* Nostre inclination tend plus à mal qu'à bien: laquelle nous auons encourue par peché. Il est montré au commencement, que l'homme de sa nature est plus prompt à mal qu'à bien. Il nous fault donc auoir vn moyen pour aller en ceste vie eternelle, qui est il? c'est Iesus Christ, le fils de Dieu. Sainct Paul diēt: que c'est le mediateur de Dieu & des hommes. *Mediator Dei & hominum homo Iesus Christus*. Sans lequel nous ne sçaurions auoir la vie eternelle, c'est le chemin pour y aller, comme il dit: *Ego sum via, veritas, & vita*. C'est aussi l'huis: *Ego sum ostiū*. Si ie veulx entrer en la maison, il fault que i'ētre par l'huis: aussi si ie veux aller en paradis, il m'y faut aller par Iesus Christ, lequel est le moyen & nostre mediateur. Sans luy nous n'y sçaurions aller: Et pource dit S Pierre: *Nō est aliud nomen in quo oporteat nos saluos fieri*. Il n'y a point de nō donné aux hōmes que Iesus Christ pour estre sauuez, pour auoir remission de peché, & de trouuer grace deuant Dieu, d'estre viuant deuant Dieu par grace en ce monde, & en paradis par gloire, nous ne sçaurions auoir tous ces biens là, que par le moyen de nostre Seigneur, *quem proposuit Deus propitiatorem per fidē in sanguine ipsius*. C'est celuy par lequel vn chacun peut trouuer propiciation, grace, & remission: par lequel tout

La volonté de l'hōme est plus incline à mal qu'à bien.

2. Cor. 3.

1. Tim. 2.

Ioan. 14.

Ioan. 10.

Act. 4.

Premier dimenche

Gene. 22.

Nous sommes reunis avec Dieu par Iesus Christ.

le mōde est remis en amour & recōciliation avec Dieu, c'est celuy duquel a esté dit à Abraham . *In semine tuo benedicentur omnes gentes.* Ceste benediction, ceste grace, recōciliation, estre reuniz avec Dieu, vient de Iesus Christ. L'homme au commencement a esté crée en grace, en iustice originelle, il estoit innocēt, iuste, agreable à Dieu, & l'homme par son peché a esté separé de Dieu, il a cōmencé à estre seruiteur du diable, du monde, il a prins leur aliance, & a delaisié le party de Dieu. Il fault donc reuenir avec Dieu. Vous direz qu'il y a reconciliation, il y a donc eu inimitié deuant qu'estre reconcilié & se remettre en amour & amitié . Qui en est le moyen? nostre Seigneur Iesus Christ, qui est ceste reconciliation & benediction promise à Abraham. Quād on dit que nostre

Iacoit que Iesus Christ soit nostre mediateur: les saincts toutesfois ne laissent à estre nos mediateurs par leurs prieres & merites.

Seigneur est seul mediateur, ce n'est pas à dire que les benoists saincts de paradis ne soient aussi noz mediateurs: mais pource que nostre Seigneur est vnique & seul mediateur, reparateur, qui par sa mort a effacé noz pechez, ils les a remis, il donne grace aux hommes, & nous a meritē paradis: mais les saincts prient Dieu pour nous, & par leurs prieres sont moyens enuers Dieu, que la grace de Dieu nous soit appliquée. Comme vn emplastre qui est fait du medecin, vn garson l'appliquera à mon mal: L'emplastre, c'est la mort & passion de nostre Seigneur, & les saincts par leurs prieres sont moyens que l'emplastre nous soit appliqué, que nous aurons grace, remission, & serons reconciliez avec Dieu. & pource, nous disons, les saincts de paradis estre noz mediateurs, non pas qu'ils nous aient meritē la vie eternelle, la recōciliation des hōmes avec Dieu, car ce a esté seulement nostre Seigneur Iesus Christ, qui digne fuit a perire librum. C'est l'aigneau duquel parle S Iean: *qui occisus est ab origine mundi.* Et pourtant S. Pierre dit bien . *Non est aliud nomen datum sub celo hominibus, in quo nos oportet saluos fieri.* Il n'y a point d'autre nom que Iesus, qui soit moyen par sa mort & passion de nous auoir meritē grace, remission de noz pechez, & la vie eternelle . Les saincts de paradis impetrent bien pour nous: mais leurs prieres ne sont pas meritoires comme venant d'eux: *Quia meritum non transit in*

Apoc. 13.

Act. 4.

tertiam personam. I'impetrebien grace & remission pour autruy, comme a faict saint Estienne pour saint Paul, & sainte Monique pour S. Augustin son fils, ils n'ot pas merit  : mais ils ont impetr  , car telle remission c  siste en la grace & liberalit   de Dieu. Il n'y a que nostre seigneur *Il n'y a que Iesus Christ* qui nous ait merit   grace & remission de *Iesus Christ* noz pechez & la vie   ternelle, & ainsi il est dit seul me- *qui nous ait* diateur. D  cques nostre souuerain moyen c'est Dieu. De *merit   la re-* nous, comme de nous mesmes, nous n'y s  auri  s parue- *mission de* nir, car nous sommes imbecilles & plus prompts    mal *noz pechez* qu'   bien, Je despereray donc? Non ferez dea: car par au- *& la vie   -* tre moyen vous y pourrez paruenir, c'est par nostre sei- *ternelle.* gneur Iesus Christ: vivez bien, & par la grace de Dieu *Ioan. 15.* vous ferez sauuez, la mort & passion de nostre seigneur vous sera appliqu  e. Voila bon moyen: pourtant dit nostre Seigneur, *Petite in nomine meo.* Demandez en mon nom, aduouez-vous de moy, & vous aurez ce que vous demanderez. C'est merueille que de nostre Seigneur: son amour qu'il a enuers nous est dem  str   par l'effusion de son sang precieux, & comme il dit: *Maiorem charitatem nemo habet, qu  m vt animam suam ponat quis pro amicis suis.* Combien donc l'amour de nostre Seigneur est grand, lequel est mort pour ses ennemis, & par la mort nous sommes reconciliez    Dieu, & remis en plus grand amour que le pech   d'Adam n'a est   grand. *Nam ubi abundauit Rom. 5.* *delictum, super abundauit & gratia.* C'est donc nostre fin & nostre moyen que Iesus Christ, qui est ordonn   pour nostre propiciateur, aduocat & redempteur. Vous dites merueilles, qu'il fault cognoistre la fin, la vie   ternelle. Il est bien difficile de cognoistre le moyen comme la fin. Nous demourerons donc sans   sper  ce de salut, car ie ne s  aurois cognoistre la vie   ternelle, si elle ne m'est reuel  e: Le moyen d'y paruenir, c'est nostre seigneur Iesus Christ. Nous ne s  aurions de nostre vertu, de nostre force, cognoistre Dieu en Trinit   de personnes, car l'  criture dit: *Nemo nouit patrem nisi filius.* Personne ne cognoist *Matth. 11.* le pere que le fils, ny le fils que le pere, ouy bi   de nostre nature. Et que ferons nous donc? Et dea Chrestiens, vous auez les moyens de cognoistre Dieu & nostre seigneur

Premier dimenche

Iesus Christ : Cognoistre nostre seigneur Iesus Christ, c'est vn don de foy, nous auons plusieurs moyens, *primò* nous auons le tesmoignage de Dieu le pere, quand nostre sauueur a esté baptizé, & quand il s'est transfiguré, il a dit: *Hic est filius meus dilectus in quo mihi bene complacui.* Mais vous direz, ie n'y estois pas, vous n'y estiez seulement que par foy, vous auez d'autre tesmoignage, Dieu le pere donne vn autre moyen de cognoistre son fils, quand il inspire au cueur des personnes ou par les escriptures. N'auiez vous pas ouy dire vne reigle, que: *Facienti quod in se est Deus non denegat suam gratiam.* Qui est ceste grace? c'est cognoistre nostre sauueur Iesus Christ estre nostre mediateur. propiciateur, sanctificateur & redempteur, c'est par lequel, & par son merite, on a remissio de ses pechez, grace, & la vie eternelle, & Dieu ne denie point ceste grace à ceux qui font ce qui est en eux. Mais à celuy qui qu'est-ce à dire? vous auez memoire, volonte & entedement, vous pouuez entédre par le discours de nature qui est le souuerain bié qui gouuerne tout, *Inuisibilia Dei per ea que facta sunt à creatura mundi intellecta conspiciuntur.* Par le discours de nature, comme par les creatures, la terre, le soleil, la Lune, &c. Donc vous pouuez cognoistre qu'il y a vn souuerain qui gouuerne toutes choses. Et le Prophete Dauid dit: *Signatum est super nos lumen vultus tui Domine, &c.* Si vous entédez qu'il y a vn souuerain, vous entendez qu'iceluy doit estre craint, aimé & reueré sur tout: & quand vous ferez cela: vous ferez ce qui est en vous. Larcin est mauuais, fornicatio on cognoist par nature que c'est mal faict, nature demonstre que c'est bien faict que d'adorer vne premiere cause & aimer. Quand vous fuyez le mal & faictes le bié, vous faictes ce qui est en vous, & alors nostre Seigneur vous donnera le moyé de vostre salut, & vous paruiendrez à la vie eternelle par nostre seigneur Iesus Christ. Or donc, Dieu ne denie point sa grace, c'est la recognoissance de son fils Iesus Christ, qui est le moyen de nostre salut à quiconque faict ce qui est en luy Il est dit que *Cornelius Centurio* auoit la cognoissance de Dieu, il estoit hōme de bien, bon seruiteur de Dieu, qui faisoit aumosnes & oraisons:

Matth. 3.

Dieu ne denie sa grace à celuy qui faict ce qui est en foy.

Rom. I.

Psal. 4.

Quāt l'hōme fuit le mal & faict le bien, il faict ce qui est en foy.

Acto. 10.

mais vne chose luy defailloit, c'est qu'il n'auoit pas la cognoissance de nostre seigneur Iesus Christ, car toutes
 noz eures sans Iesus Christ ne seruiroient de rien. Cor
 nelius faisoit ce qui estoit en luy, il faisoit aumosnes & ne sont meri
 oraisons, Dieu luy enuoya vn Ange qui luy dist : *Oratio- toires sans*
nes tue & eleemosyna tue ascendunt in memoriam in conspe- Iesus Christ.
ctu Dei, & nunc mitte viros in Ioppem, & accers: Simonem Act. 10.
qui cognominatur Petrus, &c. Cest homme icy pour autāt
 qu'il viuoit bien en la loy de nature, desirant les moyens
 de salut, Dieu ne luy deffault: mais il luy enuoya S. Pier-
 re qui le baptiza, & l'instruit en ce qu'il deuoit faire. Vo^o
 auez vne autre exemple de *Eunucho Cādacis Regina.* Cest *Act. 8.*
 homme icy demandoit à se sauuer : mais il n'entendoit
 pas le moyen, il s'en alloit en son chariot, lisant ce passa-
 ge d'Esai: *Generationem eius quis enarrabit?* Dieu luy en-
 uoya saint Philippe qui luy demanda : Entendez vous
 bien ce que vous lisez? & il dit, comment si quelqu'un ne
 me le declare? Saint Philippe alors luy commença à luy
 euangelizer Iesus Christ, & en ce chemin trouuerent de
 l'eau, cest homme demanda à saint Philippe, puis que
 voicy de l'eau, qui m'empeschera d'estre baptizé? Tu le
 feras si tu veux croire que Iesus Christ est fils de Dieu, il
 fut baptizé, & saint Philippe fut mis là, cōme Abacuch
 en Babylone, sur le lac des Lyons, & cest *Eunuchus* s'en
 alla biē ioyeux. Je dis ces choses pour mōstrer que quād
 vne personne faiēt ce qui est en foy, & seulement adore
 celuy qui cognoist deuoir estre aimé, craint & reueré, &
 faisant de bonnes eures qu'il cognoist estre à faire par
 la loy de nature, & les maux à fuir, à cestuy-là Dieu ne
 denie point sa grace. Tous les philosophes qui sōt morts *Les philoso-*
 en idolatrie ne sont à excuser s'ils n'ont cogneu nostre *phes ont co-*
 Seigneur, car saint Paul dit : *Cum cognouissent Deum, non gneu Dieu*
sicut Deum glorificauerunt, &c. C'est à dire qu'ils auoient *par ses crea-*
 le moyen de cognoistre par les ourages de Dieu, com- *tures.*
 me du ciel, de la terre, & qu'il fault paruenir à vne fin, à
 vn souuerain bien. Et Aristote dit : *Primum mouens est im- Phys. 8.*
mobile: mais ils ont transferé l'hōneur qui est deu à Dieu
 le createur aux creatures, & pource, *Tradidit eos Deus in Rom. 1.*
reprobum sensum. Je cognois bien par mon naturel qu'un

Premier dimenche

La lumiere de nature enseigne que c'est mal fait, faire à autrui, ce qu'on ne veut droit à soy estre fait.
Ioan. 6.

Dieu ne tire à soy l'entendement ny la volonté de l'homme par contrainte, mais par sainte & douce inspiration.

1. Cor. 2. S. Bernard La cognoissance de Dieu est sauoureuse.

Acto. 19.

Matth. 20.

Dieu doit estre aimé. Nature dit qu'il ne fault faire à autrui ce qu'on ne voudroit à soy estre fait, & luy faire ce qu'on voudroit estre fait à soy-mesme. Vous voudriez bié estre supportez, supportez dōc les autres: vous ne voulez pas estre frappez, ne frappez donc pas autrui: & ainsi faisant, Dieu ne vous defaudra pas. Et pourtant, nostre fin c'est la vie eternelle: & le moyen d'y paruenir, c'est nostre seigneur Iesus Christ. Si vous ne l'avez ouy, il y a l'inspiration de Dieu au dedās, qui parle. Sainct Iean dit: *Nemo potest venire ad me, nisi pater qui misit me traxerit eū.* C'est à dire, que personne ne peult cognoistre, ny se ioin dre avec moy, si Dieu mon pere ne l'a tiré à soy. Ce tirement n'est pas contrainte, mais vn mouuement & inspiration de Dieu. *Et scriptum est in prophetis: Et erunt omnes docibiles Dei.* C'est à dire, qu'ils serōt enseignez de Dieu. comme le Centurion par l'Ange. Nous tenons cela ferme de la bouche de Dieu, qui veut que tout le monde soit sauué. Il est en nostre vouloir de l'estre: & en faisant du mieux que nous pourrōs, il nous enlumina. Or dōc la cognoissance de nostre seigneur Iesus Christ est neces faire pour estre sauué: & si nous faisons ce qui est en no^r en quelque lieu que nous soyons, soit aux Indes, ou aux terres neufues, Dieu nous inspirera & illuminera. Mais personne ne parleroit à nous? Le dis que Dieu fera de deux choses l'une, il vous inspirera, ou il vous enuoirra vn homme pour vous enseigner. Sainct Paul dit: *Deus reuelauit nobis per spiritum sanctum.* Sainct Bernard dit, que la cognoissance de Dieu est dite sauoureuse, cōme ie sçay que tel vin ou viande est bonne, mais ie n'ay point de goust ne saueur: aussi il y a plusieurs qui cognoissent nostre Seigneur, mais ils n'y ont point de goust ny saueur, car ils ne conduisent pas leur vie à l'intention de Iesus Christ. Le diable dist: *Exorcizis Iudeis, Iesum noui & Paulum scio, vos autem qui estis?* Aussi en tous estats vous direz que vous cognoissez la loy de Dieu, mais nostre vie y est toute contraire. Qu'est ce que Iesus Christ dit? que vous ne soyez point ambitieux, & que le plus grand soit comme le plus petit, & ministre: si ie trouuois goust à cela, ie ne demanderois pas tant de biens: nous disens le mieux

du monde, nous auõs les escritures à la bouche, & pleust à Dieu que nous les eussions aussi bié en nostre cuer. S'il n'y a seulement que de la sciēce acquise, c'est peu de chose, mais quād nostre seigneur inspire & reuele à quelque vn, il est du nōbre de ceux dont il est dit: *Et erunt docibiles* Ioan. 6.

Dei. Il est bien-heureux, car il prend la viāde qui est bien sauourée & se conforme à Iesus Christ. Et comme dit S.

Paul en l'epistre du iourd'huy. *Induimini dominum Iesum* Rom. 13.

Christum. Vestez vous de nostre seigneur Iesus Christ.

Soyez semblables à luy. Sainct Bernard dit, que celuy-là n'est point sans amour. Vous voyez que les simples gens n'ont point de science acquise, mais ils ont tant d'amour de nostre Seigneur, si sauoureux, c'est Dieu qui leur dōne, ce sont les escoliers de Dieu. Voila saint Bernard, il n'auoit seulemēt que les chesnes pour son maistre & do-

*La science
acquise sans
Iesus Christ
enfle.*

cteur. Je n'estime point la sciēce aquisē, sās Iesus Christ, car elle enfle plus qu'elle n'aide, comme dit saint Paul,

Scientia inflat, charitas edificat. I'ay le degré d'estude, &

puis, si vostre vie n'est cōforme à Iesus Christ, que vous

seruira cela? comme dit S. Iean: *Qui dicit se nosse Deum, &*

Ioan. 20.

mandata eius non custodit, mendax est, & in eo veritas non est.

Celuy-là est homme de bien, qui ne cherche autre chose

que faire la volōté de Dieu & a la cognoissance de Dieu:

mais il y a vne autre science: ie seray sçauant, ie presche-

ray, & ie suis vn ambitieux, ie cours apres les benefices,

ô abominatiō! horreur! Iesus Christ est venu, *Qui non ha-*

Luc. 9.

buit vbi caput suum reclinaret. Et les religieux preschent,

ce n'est pas pour sauuer les ames, mais pour attraper des

abbayes & eueschez: ie ne sçay si nous entendons bien

qu'il y a vn Dieu, Voulez vous estre abbé? soyez le plus

petit. Pourquoy le demandez-vous? C'est afin d'estre le

plus grand, & piller tout. Donc, comme dit saint Ber-

S. Bernard.

nard, ceste voye pour cognoistre Dieu, c'est eternelle in-

spiration. Nous auons vn autre moyen de cognoistre

Dieu, ce sont les sainctes escritures, comme dit saint

Iean. *Hæc autem scripta sunt vt credatis quia Iesus est Chri-*

stus filius Dei, & vt credentes vitam habeatis in nomine Dei.

Ioan. 20.

Nous sommes bié heureux d'auoir vn si grād Dieu que

Iesus Christ. Tout ce qui est escrit, c'est afin que vous

Premier dimenche

croyez à nostre seigneur Iesus Christ, qui est le fils de Dieu : ie y crois bien, que m'en aduiendra-il ? C'est afin que vous ayez la vie eternelle, & pourtant cela est bon, c'est pour ce que i'ay dit au commencement du sermon.

Rom. 5.

La sainte
escriure est
le moyen de
cognoistre
Iesus Christ.
Ioan. 1.

Quaecunque scripta sunt ad nostram doctrinam scripta sunt. Pour apprédre Iesuchrist, qu'est-ce que S. Paul a appris?

Iesuchrist crucifié, comme sainte Catherine, deuant les cinquâte dôteurs disoit, ne sçauoir autre que Iesuchrist, & que sa vie estoit nostre seigneur Iesus, & elle les rendit tous confus. Or voyla les moyens de cognoistre nostre Seigneur Iesus Christ par les escritures. Venez ça.

Quand S. Philippetrouua nostre Seigneur, ô quelle bonne rencontre, il vint dire à Nathanael: *Quem scripsit Moyses in lege & prophetis, inuenimus filium Ioseph à Nazareth*

Quand saint Iean Baptiste eut dit à S. André: *Ecce agnus Dei*, c'est à dire, voila le moyen de vostre salut que Iesus, ce n'est pas moy, ie ne suis pas le Messias, voy-le là, c'est luy qui est le reconciliateur, Saluateur, Redempteur, le voila, il faisoit ce qui estoit en luy. Saint André alloit à l'escolle de saint Iean Baptiste qui estoit vn maistre de verité. Saint André cognoissoit bien Dieu: mais il ne cognoissoit pas le Messias, que luy a enseigné saint Iean Baptiste? *Ecce agnus Dei*. Voyla le moyen de salut: Et incontinent saint André s'en alla & suyuit Iesus Christ.

S. André

apres auoir
esté à l'escho
le de S. Iean
Iesuchrist
puis y mena
par la main
son frere S.
Pierre.
Ioan. 1.

Conuersus autem Iesus, & videns duos discipulos Ioannis, quorum vnus erat Andreas, sequentes se dixit eis: Venite & uide

rum vnus erat Andreas, sequentes se dixit eis: Venite & uide Ne pensez pas qu'ils passerent ce iour là oyseux. Saint André auoit tant appris, qu'il auoit tout appris, sçauoir est Iesuchrist, & quād il l'eut appris, apres il s'en alla à son frere Pierre qui ne cognoissoit pas enco-

res Iesus Christ, & luy dist, mon frere, vous ne sçauiez pas. *Inuenimus messiam quod est interpretatū Christus.* Il le print par la main, & le mena à Iesus Christ. Ainsi faiçtes vostre deuoir, & ie veux estre damné si vous n'estes sauuez.

Et quand vous aurez trouué le moyen de salut, communiquez-le à vostre frere chrestié, à vostre prochain. Mais auioird'huy au lieu de prouoquer les autres à salut, on les prouoque à mal. Or ça. *Inuenimus messiam.* Et pource

mes amis, cest Aduent que fera on sinon que prescher Iesus Christ, son incarnation recõciliation, vostre propitiation & le moyen de salut, il fault donc mettre peine, car qui cherche, il trouue: Il est escript. *Sapientia dei inuenitur ab his qui se concupiscunt.* Donc le commencement c'est la bonne volonté, & fault plustost mourir, que de ne faire le bien que l'on cognoist, aussi saint André a trouué Iesus Christ: *Inuenimus Messiam.* La fin que nous pretendõs c'est la vie eternelle, & le moyen pour y paruenir c'est nostre sauueur Iesus Christ, car la loy & toutes les escritures & propheties regardent à nostre seigneur Iesus Christ. *Finis legu Christi.* Ils ne rendent à autre chose & pource quand nostre Seigneur a esté venu, la loy & les prophetes ont cessé. *Lex & prophete vsque ad Ioannem.* Saint Iean baptiste a esté le commencement de la loy euangelique, & la fin de la loy & des prophetes. Et pourtant regardons à nostre seigneur Iesus Christ, & tout ce qui est escript: c'est pour nostre doctrine, & pourueu que nous en suyuiõs Iesus Christ nous aurons consolation & esperance en luy. Dieu vous doint sa grace en ce monde, & sa gloire en l'autre. *Amen.*

*Roma. 10.
S. Iean Baptiste a esté la fin des prophetes & le commencement de la loy euangelique.*

*Autre sermon dudit iour, premier
dimanche de l'Aduent.*

L'esprit est exple au commencement du premier Euaugile

Q*uæque scripta sunt, ad nostram doctrinam scripta sunt.*

Nous disions aujourd'huy matin que nostre souuerain bien & la vie eternelle, c'est veoir Dieu & le cognoistre ainsi qu'il est, la vie eternelle, le souuerain bien, la fin, l'origine & la cõsommation de l'hõme, c'est Dieu, le moyen de paruenir, c'est nostre seigneur Iesus Christ Dieu & homme, & sans luy il est impossible de paruenir au souuerain bien, & de iamais en iouyr. Il est proposé propiciateur, reconciliateur & redempteur, à tous ceux qui voudront obeïr à son commandement. D'auantage, nous auons dit que nostre seigneur Iesus Christ a esté cogneu par le tesmoignage de son pere en son baptesme,

*Rom. 15.
La fin de l'hõme, c'est deien & le moyen pour paruenir à luy c'est Iesus Christ.*

Premier dimenche

& en sa trāsfiguration, auffi il est cogneu par la reuelatiō du ſainct Eſprit, & par les eſcritures. Noſtre Seigneur diſoit aux Iuiſs. *Scrutamini ſcripturas in quibus ſperatis vitam æternam habere, ille enim teſtimonium perhibent de me. Et Moyses de me ſcripſit.* En outre nous auons dit que la loy, & les prophetes, & toute l'eſcriture n'a point d'autre regard que Ieſus Chriſt, la loy meine les hommes à luy, & les prophetes l'annoncent. La fin, le ſcope, & le but de la loy & des prophetes c'eſt noſtre ſeigneur Ieſus Chriſt, & il fault qu'un chacun ſ'eſtudie, & mette peine d'entendre Ieſus Chriſt en ſon endroit, car c'eſt le ſouuerain bien, car celui qui faiſt ſon deuoir, & ce qui eſt en ſoy, il ſera illuminé de Dieu, & ne perira point, c'eſt à dire, que Dieu luy donnera le moyen pour ſon ſalut, comme au Centurion. Noſtre ſeigneur Ieſus Chriſt eſt venu en ce monde, afin qu'il fuſt ſemblable à nous. Ce temps icy on l'appelle l'Aduent, c'eſt à dire, que nous faiſons memoire de la venue de noſtre ſeigneur, de ſon incarnation, lequel eſt venu pour nous en ce monde. Monsieur ſainct Paul aujour-d'huy en l'eſpiſtre nous enhorſte de nous diſpoſer & preparer à receuoir noſtre ſeigneur, comme il eſt digne d'eſtre receu, & dit: *Scientes tempus, quia hora eſt iam de ſomno ſurgere.* Il eſt temps qu'il ſe fault reſueiller, & ne dormir pas tant comme nous auons faiſt. *Nunc propior eſt noſtra ſalus quam cum credidimus.* Noſtre ſeigneur Ieſus Chriſt eſt venu, & nous faiſons commemoration de ceſte venue, c'eſt de ſon incarnation, il eſt venu, c'eſt à dire, qu'il eſt faiſt homme. & quand nous rememorons la venue de noſtre ſeigneur, nous rememorons ce que ſainct Iean dit: *Verbum caro factum eſt.* C'eſt à dire, que le verbe, le fils de Dieu eſt faiſt homme, c'eſt le premier aduenement de noſtre ſeigneur, quand il a voulu eſtre incarné au ventre de la glorieuſe vierge Marie, & en faiſons memoire continuellement en ce temps icy de l'Aduent. Sainct Paul dit: *Scientes tempus, quia hora eſt iam nos de ſomno ſurgere.* Il n'eſt plus tēps d'eſtre pareſſeux, ne dormir plus, car nous auōs peché le temps paſſé. Et celui qui faiſt mal, il dort, ce dormir ſignifie l'eſtat de peché. La veille. *Vigilia.* ſignifie la condition du bon eſtat & l'eſtat de grace, & noſtre

Ioan. 5.

Le ſcope de
la loy c'eſt
Ieſus Chriſt.

Rom 13.

Ioan 1.

Celuy qui
fait mal dort
du ſommeil
de peché.

seigneur dit: *Vigilate & orate.* c'est à dire, que vous soyez en estat de grace, que vous ne soyez surprins. Et saint Paul dit: *Sorge qui dormis.* ce dormir là, c'est l'estat de pe- *Ephes 5.* ché, & la veille signifie l'estat de grace, il fault se resueil- *Veiller en* ler, n'estre point paresseux. Pourquoy? *Nunc enim propior* *Dieu signi-* *est nostra salus quā cūm credidimus.* car nostre salut est plus *fic l'estat de* pres qu'il n'a esté le temps passé. Cōformément à l'euan- *grace.* gile il dit: ne dormez plus, n'offensez plus. Le prophete dit: *Quiescite agere peruerse, discite benefacere.* C'est ce que monsieur S. Paul dit: *Hora est iam nos de somno surgere.* Et pourquoy? *Quia propior est nostra salus quā cūm credidimus* Sainct Iean Chrysostome dit: *Propè est resurrectio & ter-* *Chrysost.* *ribile dei iudicium, & dies domini* C'est à dire, que le iugement de Dieu s'approche: & pourtāt il n'est plus tēps d'offenser, principalemēt en ce temps icy que nous sommes plus pres du iugement que iamais. Autrement: *Nunc pro-* *Rom. 13.* *pior est nostra salus.* En ce tēps que nostre seigneur est venu, le salut est plus prochain que au parauant la venue de nostre seigneur. Tous les iustes qui declinoient, ne iouysoient pas de Dieu, du souverain bien, de la vie eternelle, combien qu'ils fussent iustes & mourussent en grace, ils n'estoiēt pas pourtant heureux, car ils descēdoient aux lymbes, car ils estoient priuez du souverain biē, c'est à dire de Dieu. *Hac est vita aeterna ut cognoscant te solum* *Ioan. 17.* *Deum & quem misisti Iesum Christum.* Ils estoient en tenebres & priuez de la vision de Dieu: maintenant, qui-conque decede en estat de grace & n'a rien qui le retarde de sa part, il iouyft de la vie eternelle. L'empeschement qu'il peut auoir de veoir incontinant Dieu, quand il decede, c'est quand il meurt en peché veniel, car il est impossible qu'une personne ayant quelque macule, puisse iouyr de la vie eternelle: *Quia nihil coinquinatum intra-* *Apoc. 2.* *bit in illam requiem.* Et peché veniel, combien qu'il retarde de la vision de Dieu, toutesfois il compatist avec soy la grace & l'amour de Dieu: toutesfois il s'en fault garder car pour vn peché veniel il fault aller en purgatoire, là ou est ostée la macule & puis on va en paradis. Aucunesfois vn homme meurt qui n'a point de peché veniel, toutesfois il ne va pas tout droict en paradis, car il n'a

Premier dimenche

celuy qui meurt avec peché veniel va en purgatoire. pas satisfaiët pour ses pechez en ce monde combien que le peché soit remis & pardonné, quant à la coulpe, mais non pas quât à la peine, & apres qu'il aura satisfaiët pour la peine deüe à son peché, il ira en paradis : & si ces empeschements là n'y sont quand on decede, on va tout droit en paradis, & iouÿst on du souuerain bien. Les gés de bien deuant l'incarnation & passion de Iesus Christ, combien qu'ils decedassent sans peché veniel, ou qu'ils auoient satisfaiët pour leurs pechez, toutesfois ils descendoient aux lymbes en attendant la venüe du Messias du Redempteur qui deuoit faire le payement pour toute nature humaine, & ceste satisfaction & solution n'estoit pas encores faicte, & pource, ils estoient priuez de la vision de Dieu, & le plus iuste des iustes Saint Iean Baptiste en a esté priué & est descendu aux lymbes des peres. Maintenant, s'il n'y a empeschement de nostre part, nous allons droitement en paradis & voyös Dieu, nous iouÿssons du souuerain bien de la vie eternelle. Et pourtant. *Nunc propior est nostra salus quam cum credidimus.* Cōme si saint Paul vouloit dire que nous deuons bien dōner de garde d'offenser Dieu & estre plus diligents que iamais, car ce temps icy. *Est tempus acceptabile.* Et quiconque se renomme de Iesus, & inuoke son nom comme il appartient, il sera sauué, comme dit saint Paul : *Quiconque inuquera le nom de Dieu il sera sauué : Hora est iam nos de somno surgere.* Car nostre salut est plus pres. plus prochain que à ceux du temps passé, lesquels ont vescu en peine & expectatiō du souuerain bien, qu'ils ne pouuoient auoir que par la venüe de Iesus Christ, & nous viuons aussi en ceste attente d'auoir le souuerain bien, sans laquelle attente ie ne pense point qu'une personne peust viure comme dit saint Paul : Si nous n'auions esperance en la future resurrection, nous serions les plus miserables que les bestes brutes, mais ceste esperance là nous faicte prendre les maux plus doux que miel : autrement cela se peut entendre, *Hora est, &c.* Leuez vous pour l'amour de Dieu Chrestiens, cessons de mal faire, & apprenons de faire bien. Nous voyons les pauuretez que nous engendrent les pechez. Nostre seigneur a aussi bonne oreille

Quand St Iean Baptiste a souffert martyre, il n'est allé susbit en paradis mais aux lymbes.

Rom. 10.

1. Cor. 15.

reille pour nous ouïr qu'il a eu le temps passé, criōs apres
 luy, eleuons noz mains au ciel, luy demandans pardon &
 misericorde, & il se retournera vers nous: car comme dit
 Esaie, *nō est abbreviata manus Domini nec auris eius aggraua*
ta. Sa puiffance n'est pas diminuée, il est aussi puifsāt que
 iamais, ny son ouye n'est point appetissée, mais ce sont
 noz pechez qui le font detourner de nous. Nostre souue
 rain biē c'est d'estre vnīs avec dieu, & noz pechez mettēt
 diuision entre luy & nous. Donc la plus grāde misere est
 d'estre separé de dieu. Et c'est la plus grāde peine qu'ayēt
 les dānez, d'estre priuez de la visiō de Dieu, que n'est pas
 la peine du feu qu'ils endurent en enfer. Et pource tachōs
 à nous remettre & recōcilier avec Dieu, pour ceste cause
 que nous auōs le moyen de ce faire. S. Paul dict: *Nūc pro*
prior est nostra salus quā cum credidimus: Autremēt cecy se
 peut entēdre qu'auāt la venuē de nostre Seigneur Iesus
 Christ, il n'estoit point cogneu qu'en figure, en couuer
 ture: Les misteres n'estoiēt point veuz au descouert, au
 iourd'huy tout est descouert: en la passiō de nostre Sei
 gneur apres qu'il fut mort, le voile du temple fut diuisé
 en deux, c'est à dire, que ce qui estoit couuert à ceux de
 la loy de Moyse, il est reuelé aux Chrestiens. Le tēps passé
 ils faisoient leurs sacrifices d'un veau, d'un agneau, & au
 iourd'huy nous immolons le precieux corps & sang de
 nostre Seigneur à la sainte messe, & pource: *Nūc propior*
est nostra salus, &c. Nostre salut est pl⁹ prochain qu'il n'e
 stoit à ceux du temps passé, car ils n'auoiēt seulemēt que
 la figure, cōme dict S. Iean. *Lex per Moysen data est, gratia*
& veritas per Iesum Christū facta est. Et S. Paul: *Vmbrā ha*
bens lex futurorum bonorum. Et autre part dict: *Omnia in fi*
guris contingebant illis. Et nous auōs la verité, on voit mi
 eux vne chose estant à descouert qu'avec seulement vn
 mirouer, & le temps passé, ils ne voyoient que par figure
 comme par vn mirouer. *Nam in figuris omnia illis contin*
gebant. Et à nous par la venuē de Iesus Christ, tout nous
 est manifesté, le voile & la couuerture a esté rompuë: &
 pource, saint Paul dict, qu'il fault cesser de mal faire, &
 s'employer en toute diligēce à tout biē. *Ecce nunc tempus*
acceptabile, ecce nunc dies salutis. Voicy le tēps de salut au-

*Se leuer pour
 l'amour de
 Dieu c'est ces
 ser de mal
 faire, & ap
 prēdre à fai
 re bien.*

*La plus grā
 de peine des
 damnez est
 d'estre pri
 uez de la vi
 sion de dieu.*

*Ioan. i.
 Hebr. 10.
 1. Cor. 10.*

Premier dimenche

Nous n'au- quel nous auōs accez à Dieu par vn moyen faiēt, ſçauoir
rons pas tou- eſt par noſtre ſauueur Ieſus Chriſt. Chreſtiēs, ne laiſſez
ours le tēps pas paſſer ce tēps icy, car on ne l'aura pas quand on vou-
de biē faire. dra. Autremēt nous pouuōs entēdre: *Nunc propior eſt no-*
Rom. 8. *ſtra ſalu,* &c. De la loy anciēne, dōt S. Paul dit. *Nam quod*
impoſſibile erat legi, in quō infirmabatur per carnem, Deus fi-
liū ſuum mittens in ſimilitudinē carnis peccati, & de peccato
damnauit peccatum in carne. Il eſtoit quaſi impoſſible d'ac-
Act. 15. complir la loy de Moÿſe, & S. Pierre demōſtre la difficul-
té de la loy, quand il diēt: Nunc ergo quid tentatis Deū im-
ponere iugum ſuper ceruices diſcipulorū, quod neque nos, neque
patres noſtri portare potuimus. Ils auoient tāt de cōmande-
Matth. 22. mēs, & ſi difficiles à faire, qu'ils ne les pouuoient porter:
Diliges Dominū Deū tuum, & prox-
imum ſicut teipſum, in his duobus mandatis vniuerſa lex pendet
& Prophete. Il faut aimer Dieu, & ſon prochain cōme
Eſa 10. ſoy meſme, cōme diēt le Prophete. *Verbū abbreviatū fecit*
Rom. 13. *Dominus ſuper terram,* c'eſt à dire, qu'il y auoit tāt de cō-
Il eſt plus fa mādēmēs, & il les a redigez à vn ſeul mot: *Si quod eſt a-*
cile d'eſtre *liud mandātū, inſtauratur in hoc verbo, id eſt recapitulatur, cō-*
ſauuē en la *prehenditur in hoc verbo, Diliges proximum tuum ſicut teipſum.*
loy de grace, Depuis la venuē de noſtre ſeigneur, il eſt plus facile d'e-
qu'en la loy ſtre ſauuē qu'au tēps paſſé, il m'eſt plus facile de prēdre
ancienne. ce qui eſt ſoubs mes pieds, que ſ'il eſtoit plus loing, & S.
Pſal. 63. Paul diēt, que noſtre ſalut eſt à noz pieds, prenez le dōc.
Celuy eſt meſ- Si vous le contemnez, il y aura plus grand mal & plus
chāt qui dit grand contemnement: & pourtant il eſt plus facile de ſe
que les com- ſauuer maintenant qu'en l'ancienne loy, car les commā-
mandemens demēs de Dieu ſont faciles. C'eſt choſe peruerſe & meſ-
de Dieu ſont chante, de penſer qu'ils ſoyent difficiles. comme dit Da-
difficiles. uid. *Nunquid adheret tibi ſedes iniquitātū, qui fingis laborem*
Ioan. 5. *in precepto?* N'es-tu pas bien meſchāt qui dis qu'il y a dif-
ficulté aux commandemens de Dieu, veu que S. Iean dit
pareillement qu'ils ſont faciles? Et mandata eius graua nō
junt. Et ſainēt Paul diēt: *Nunc propior eſt noſtra ſalus quā-*
cum credidimus. Voila, i'ay offenſé Dieu, ie vois à confeſ-
 ſe, & mon peché eſt remis & pardonné, ie me veux accu-
 ſer à vn homme tenant le lieu de Dieu: mon peché eſt

tellement celé & caché, qu'il n'en sera iamais de mention. En outre, tous les Iuifs qui ont esté sauuez, c'a esté par le moyen de nostre sauueur Iesus Christ. *Saluati sunt in fide Christi venturi*. Et en ceste foy là, auoiēt remission de leurs pechez, *In passione Christi preuisa, saluati sunt, & consecuti sunt remissione peccatorum, nos vero in fide passionis exhibite saluamur*. Encores nostre salut est plus prochain, & Iesus Christ est nostre salut qui est plus pres, cōme dit nostre Euangile, *Dicite filie Sion, ecce Rex tuus venit tibi mansuetus*. Cest aduerbe icy. *Ecce*, montre la chose presente. On montre du doigt celuy qui est present, nostre Seigneur est pres de nous, car il est fait homme semblable à nous, excepté peché. *Ecce rex tuus*, Voila Iesus Christ ton salut qui est pres, le voila present, il ne reste qu'a se ioindre à luy: vous demanderez, ce Roy se communique il à tous? possible qu'il est austere, rude, facheux: Le Prophete dit, que non, *Ecce rex tuus venit tibi mansuetus*, c'est pour te sauuer, pour ton prouffit & salut, il n'en a point d'amendement, mais tout l'emolument de sa venue c'est pour vous. *Tibi, id est, ad salutem tuā, & tuum cōmodum* Et dea, si Iesus Christ est pour tous, mais tout le mōde n'est pas participant de sa venue, quand vn Roy fait son entrée en vne ville, tous les prisonniers sont deliurez, nostre Seigneur est venu pour deliurer les prisonniers & pecheurs, c'est à sçauoir ceux qui le voudrōt estre, qui n'en voudra faire les poursuites, il demeurera en la prison, mais sollicitez pour vous, demandez remission, cōfessez du tout que vous n'avez gagné que la corde: Si vous ne confessez qu'avez failly, vous n'aurez point la remission: donc, par faulte de parler, ils ne se rendent pas capables. *Tibi*, c'est pour ton salut, pour ton bien. Et bien, commēt est il venu? *Pauper*, il est venu pauvre: pour bien gagner vne personne il se fault accommoder à luy cōme a fait saint Paul quand il dict: *Nam cum liber essem ex omnibus omnium me seruum feci, vt plures lucrifacrem*. Et nostre seigneur Iesus Christ pour nous sauuer & attirer à luy, il s'est accommodé à nous, nous sommes infirmes, & il a prins la forme d'vn seruiteur, & sous la loy il a prins nostre infirmité, comme dit saint Paul: *Exinan-*

Matth. 2.

On montre avec le doigt celuy qui est vn peu loing de nous.

Tout le mōde n'est participant de la venue de Iesus Christ en ce monde.

Cor. 9.

Pour biē gagner vn homme il fault s'accommoder à luy.

Premier dimenche

- Philip. 2.* *uit semetipsum formā serui accipiens in similitudinem hominis factus, & habitu inuentus vt homo.* Bref il s'est fait du tout semblable à nous fors que peché, car hors cela, en tout & par tout il s'est fait semblable à nous comme dit saint Paul. *Tentatum per omnia per similitudinem absque peccato.* L'homme vient en ce mode tout nud, & ne parle point. il luy fault bailler la tette, autrement il mourroit. Ainsi Iesus Christ est venu, sa paureté est bien demōstrée, *Quoniam non habebat vbi caput suum reclinaret.* Le fils de l'homme n'a point eu sa loge, comme s'il vouloit dire, si vous me voulez suiure, il fault que soyiez pauvre comme moy, vous n'aurez qu'iniures, paureté, tribulation, & persecution en me suiuant, & par-ce vous me deuez suiure, si vo^s voulez auoir des biens avec moy. O pleust à Dieu, & à la vierge Marie que nous pensissions bien à cela! vous estes religieux, Euesque, curé, l'estat d'un Euesque, d'un curé, c'est ensuiure Iesus Christ, quant à vostre profession, c'est se monstrier vouloir ensuiuir Iesus Christ: mais vous ne le suiuez pas, car si vous voulez suiuir Iesus Christ, il faut qu'enduriez beaucoup, n'estre pas bien traicté, que vous aidiez à voz prochains, & en vostre habit, parole, & maintien, demonstrier que seulement vous cherchez Iesus Christ & vostre nécessité: mais nous en demandons deux, trois, &c. Dieu est iuste, aussi est il misericordieux. mais ceux qui font ainsi, sont en grand hazart, & s'ils ne font grande penitence, leur ame est desia en enfer. C'est grand vilénie & hôte que cela: voila Iesus Christ qui est pauvre, & ie ne cherche qu'en auoir: voila les prothentaires de mōsieur, ouy du diable d'enfer, *O mater Dei!* Ie suis au lieu de dire la verité, c'est chose indubitable que ceux qui sont au lieu de Iesus Christ, il fault d'autāt que l'infirmité humaine le permet, qu'ils se conforment à nostre seigneur Iesus Christ, sur peine d'estre damnez: & quand ils ne suiuent pas la voye de Iesus Christ & de ses Apostres, ils sont en cōtinuel peché mortel, quelque messe qu'ils dient. Nostre Seigneur disoit à ses Apostres: *Si ego laui pedes vestros magister & Dominus, & vos debetis alter alterius lauare pedes, exemplū enim dedi vobis.* Dieu vous a donné exemple duquel vous tenez le lieu, pourquoy ne
- Celuy qui est au lieu de Iesus Christ il le doit suiure à son pouoir sur peine d'estre damné.*
- Iean. 13.*

tenez vous sa vie: il est le maistre & le seigneur, & le voila il s'humilie, iusques à lauer les pieds de ses disciples: estoit il aussi pompeux, fastueux comme nous? ce n'est que pompe & fast, & les petis enfans ont les benefices de l'Eglise, c'est aujourd'huy vne chose diabolique: nous voyons ou les temples sont redigez. *Sicut umbraculum in cucumerario*, & dict bien l'escriture sainte: *Deus venerunt gentes in hereditatem tuam, &c.* Le temps passé on voyoit les monasteres & religieux tant gens de bien, & bien reformez: tout reluisoit, & tout est abbatu & ruiné: on fait aucunes fois quelque couuerture, quelque petite loge à vne vigne ce pendant que les raisins y sont, mais apres vendanges on n'en tient plus compte, ainsi est il des temples & monasteres ou Dieu estoit seruy & honoré, & maintenant, tout va en decadence & ruine, par qui? par ceux qui ont l'entrée, & ou: au feu d'enfer. *Ecce Rex tuus venit tibi pauper, &c.* Que diroit on si le seruiteur vouloit estre plus honoré que son maistre? Et S. Paul dict des prelatz, *Pro Christo legatione fungimur.* Ils tiennent le lieu de Iesus Christ, si vous voulez estre du monde, ie m'en rapporte bien à vous. Soyez assurez que le mōde n'est point participant de l'oraison de nostre Seigneur, qui dict, *Nō pro mundo rogo.* On dict aucunes fois quand on est au seruice d'un grand Seigneur, ie m'habilleray de soye, & de velours pour luy complaire: mais ie suis religieux, i'ay le pourpoint de satin, &c. A qui estes vous? Si vous voulez faire hōneur à vostre maistre, accoustrez vous cōme luy, ie ne dis pas que vous soyez habillez d'un sac, d'un bureau, mais selon vostre estat, ne nourrissez point ceste chair, dōnez luy seulement sa necessité, & non pas des superfluitez cōme dit S. Paul: *Habentes alimenta & quibus* *tegamur his contenti simus.* Ce n'est pas vostre estat d'estre habillé de soye ny de velours: Vous qui auez les biens de l'Eglise, vous en deuez nourrir les pauvres, non pas l'employer en paillardise ne vilennie, ce n'est pas l'estat ne la condition d'un Euesque, d'un Abbé ou curé, auoir vn tas de femmes: horreur, abhominatiō, mais aujourd'huy c'en en va à la moustarde. N'iray veoir monsieur, & ie le trouueray avec vne femme. Ie ne vous dis pas cela pour vous

Psal. 78.

2. Cor. 5

Le monde
n'est partici-
pant de l'o-
raison de no-
stre Seigneur
Ioan. 17.

Act. 6. 2

Premier dimenche

*On enuoye
aux galleres
beaucoup
d'hōmes qui
ne l'ont tant
merité cōme
ont plusieurs
prelats de l'e-
glise.*

prouoquer contre eux, mais afin de prier Dieu pour eux, & que Dieu nous vueille pourueoir de gens de bien, qui facent edification de prouffit, & qui croissent en toutes vertus : car ie vous assure qu'on en enuoye aux galleres qui ne l'ont pas si bien merité que ceux là. Auourd'huy on dict, qu'il n'y a maison qu'il n'y ait vne teste raze, & dea faictes comme vostre maistre, quand il a esté besoing de prendre sa refection, il a mangé du pain d'orge, s'il a fallu dormir, ce n'a pas esté sur vn liēt, sur vn oreiller, mais sur la terre, & vne pierre pour son oreiller. S'il a fallu cheminer, il n'a pas eu les mulles fardées, mais il a cheminé à pied, & s'il a fallu accomplir les propheties, il a prins vn asne : & les bandes des mulles de maintenant, sont de velours. Toutes-fois quand ils ont veu nostre Seigneur faire son entrée en Ierusalem avec ses douze Apostres, nostre Seigneur estoit habillé comme vn du simple peuple, & incontinent qu'on l'a veu, subitement se sont despouillez & mettoient leurs robes au deuant de luy, les autres couppoient les rameaux, les autres qui ne pouuoient faire cela, chantoient, *O sanna filio David*. Combiē que nostre Seigneur ait faict son entrée en pauureté, toutes-fois vous voyez l'honneur qu'on luy a faict. Faisons ainsi, & nous ferons nostre estat, cherchons l'honneur & gloire de Dieu, & nous cōformons à luy, & puis nous ferons recommandez. Il ne fault pas estre ainsi accoustré, vous estes curez, faictes vostre charge, soyez tousiours prests de mōstrer vostre deuoir par bonnes euures & paroles, & vous serez recommandez. Auourd'huy les prelates ne sont pas en tel honneur qu'estoient ceux du temps passé. Sainct Ambroise a faict trembler l'Empereur Theodore deuant luy, il luy a faict empeschement d'entrer dedans l'Eglise plus de six mois, estant à la porte de l'Eglise avec les publiques pecheurs. Estoit ce la robe de S. Ambroise, ou la multitude des gēs qu'il auoit, qui a fait ainsi trēbler l'Empereur, Nenny non : mais la vie de Iesus Christ qu'il menoit. Par vne autre fois, il le feit sortir du lieu ou se mettent les prestres, luy commandant & disant : Sortez de là, & il luy obeissoit, & auourd'huy, ils ont les chamarres & casac-

*Les prelates
& prestres
ne sont au-
iourd'huy en
tel honneur
entre les hō-
mes cōme le
temps passé.*

ques. Pleust à Dieu qu'ils fussent en prison, vous auez vouë pauvreté. Est ce là l'habit de pauvreté: *Ecce rex tuus venit tibi mansuetus*. Nostre seigneur est Roy, il ne fera tort à personne, il est iuste, il a bonne volonté de rendre à vn chacun ce que luy appartient: *Venit Iesus, c'est pour donner remission des pechez: Sic propior est nostra salus*. Que Zacha. 9. + fera il ce Roy quand il sera venu? ce qui l'ensuyt: *Et disperdam quadrigam ex Ephraim & equum de Hierusalem,*

& dissipabitur arcus belli, & loquetur pacem gentibus & potestas eius à mari vsque ad mare. Voyla le bien qui est venu pour l'incarnation de nostre Seigneur: le fruit, c'est la paix avec Dieu en sa conscience: laquelle gist & consiste en la remission des pechez: *Dispergam quadrigam*. On vse de chariots en guerre & de cheuaux, c'est par metaphore, c'est à dire que ie seray la paix. Et Esaie dit: *Conflabunt gladios suos in vomeres*. C'est à dire, que ie seray la paix: c'est le fruit & l'emolument de la venue de nostre Seigneur.

Rupert dit exposant ce passage: *Dispergam quadrigam*. Ie destruiray le fast & la pompe du monde: *Et equum de Hierusalem*. Dauid dit: *Hi in curribus & hi in equis*, comme s'il disoit, ils cheminent en pompe, ils ont vn lië de camp, & tant de bahus, & que feront les chrestiens? *Nos autem in nomine domini inuocabimus*. Qu'est venu môstrer Iesus Christ, sinon à fuir la vanité du môde? Est ce bien viure en religieux, de religieux en faire seculiers, & les maisons dediées à Dieu les bailler à rente? cela est bië loing de Iesus Christ. Et nous serôs sauuez? ouy mais nous ferons donc grande penitence. Or il se fault mon-

strer, monstrez vous à Iesus Christ, lequel dit: *Discite à me, quia mitis sum & humilis corde*. I'ay desia dit que noz fautes prouoquent Dieu cõtre nous, & iamais ie n'espereray que nous ayons la paix, iusques à ce que nous soyôs amendez. La guerre vient de peché, de vertu vient la paix. Dieu dit en l'escripture: *Affligentur donec culpas suas agnouerint*. Mais nous ne recognoissons point noz fautes & pechez, pensez y & vous amendez. Si Dieu est aucunesfois sans frapper, c'est afin qu'il frappe plus fort. Nous auons la paix de la grace de Dieu: mais il y a danger si nous ne recognoissons noz fautes, qu'ayons

Tranquillité
de conscience
consiste en
la remission
des pechez.

+ Et je disperderay
le chariot d'Ephraïm
et le cheual de
Hierusalem et
l'arc de la bataille
sera dissipé:
et par là sera paix
aux gens: et sa
puissance sera
depuis l'un
jusqu'à l'autre

Matth. 11.

La guerre
vient de pe-
ché, & de
vertu la
paix.

Premier Lundy

pis'. Quand la racine de l'herbe n'est pas arrachée il y a esperance que l'herbe reuiendra : extirpons la racine de la guerre , qui est peché , & nous aurons la paix. Dieu ne cherche que paix . Dieu se gouuerne aucunesfois comme pere: le pere ne punit pas l'enfant pour l'exterminer: mais il luy donne des verges. Ainsi nostre Seigneur donne aucunesfois des petites afflictions, c'est la verge. Il y a de plus grandes afflictions, c'est le baston, comme quand noz ennemis ont esté si pres; & toutesfois il l'a faict pour nostre correction . Quand il voit qu'on ne se corrige point , à la verité il prend le cousteau. Quand le bourreau prend le glaive, à la verité ce n'est pas pour amender ne corriger le malfaieteur : mais pour le punir & exterminer , & pour l'amendement des autres . Ainsi faict nostre Seigneur. Si vous ne vous corrigez (dit-il) *gladius deuorabit vos*: c'est à dire le ne seray plus pere, ie seray iuge, ie prendray le cousteau, & vous extermineray: & pour euitier telles choses, *Abiciamus opera tenebrarum, & induamur arma lucis* . Dieu nous en face la grace , afin que nous puissions aler en la gloire de paradis. *Ad quam nos perducat, qui sine fine uiuit & regnat. Amen.*

Dieu se monstre iuge & non pere, quand il nous punit en sa fureur exterminante.
Esaie I.

Du premier lundy de l'Aduent.

Roma. 15. **Q***Uacunque scripta sunt, ad nostram doctrinam scripta sunt.* Nous disions hier que nostre fin & nostre souuerain bien , c'est la vie eternelle, & cognoistre Dieu parfaitement : & le moyen d'y paruenir & en iouir, c'est nostre seigneur Iesus Christ Dieu & hōme : & n'est possible de paruenir au souuerain bien (comme il est impossible d'obtenir quelque chose de Dieu) sans le moyen de Iesus Christ, & par cela nostre Seigneur est nostre mediateur, nostre aduocat: lequel interpelle pour nous enuers Dieu son pere, & par luy nous sommes reconciliez & esperons d'entrer en la gloire de paradis: à laquelle de nostre vertu propre & naturelle, nous ne

Nous ne pouvons obtenir paradis ny aucun bien, sans le moyē de Iesus Christ.

ſçaurions paruenir : voyla ce qu'il nous fault ſçauoir. L'homme a affaire de deux choſes, c'eſt qu'il cognoiſſe ſon infirmité & impuiſſance, & que de foy & de ſon naturel ne peut poſſeder le ſouuerain bien : & ainſi ſe deſfie de foy & n'eſpere point & ne ſ'appuye point ſur foy, ne ſur ſa vertu. D'autre part il fault que l'homme conſidere & regarde la bonté de Dieu, le vouloir & la charité de Dieu : & le moyen qui luy eſt offert, par lequel il poſſedera le ſouuerain bien, c'eſt noſtre ſeigneur Ieſus Chriſt. En regardant cela, il fault qu'il ſ'eſtime en bon eſpoir, & qu'il eſpere de poſſeder & auoir par le moyen de Ieſus Chriſt, ce qu'il deſſie de ſoymeſme. Si ie me regarde, ie ne voirray en moy qu'ignorâce & infirmité, & plus de mal que de bien, ie cognoiſtray mon inſtabilité & inconſtance de iour en iour, & d'heure en heure, de moment en moment, & regardant cela, ie n'ay qu'occaſion de me deſſier & deconrager : & afin que ie ne tombe en deſeſpoir de mon ſalut, il fault regarder plus hault : car de moy, comme de moymeſmes, ie ne puis paruenir au ſouuerain bien : car tout alentour de moy n'y a que peché : mais ie regarde le moyen de mon ſalut, qui eſt Ieſus Chriſt. Dieu eſt tout puiſſant, il a puiſſance de me ſauuer, il le veut bien, ſa mort eſt efficace, & i'eſpere que par ſon moyen ie ſeray ſauué. Ie me deſſie de moy : mais i'eſpere d'eſtre ſauué. Et en qui vous ſiez vous : en Ieſus Chriſt, i'auray par luy ce que ie ne puis auoir par moy. Et pourtât ſainct Paul dit. *Habemus fiduciam in introitu ſanctorum in ſanguine Chriſti.* Nous auons aſſurance & conſiance que nous entrerons en paradis : & ceſte conſiance principalement eſt fondée ſur le ſang de Ieſus Chriſt. Sainct Auguſtin dit : *Non poteſt me terre re quantitas peccatorum meorum cum habeo memoriam mortis Chriſti.* D'autant plus que mes pechez m'abſorbent, d'autant plus la mort de Ieſus Chriſt m'attire plus à luy. *Item non ſum inops ſpei.* Ie ſuis plein d'eſpoir : car nous auons affaire à Dieu, qui eſt le pere de miſericorde & de conſolation, c'eſt luy, auquel il fault mettre ſon eſperance, non pas en la chair : *Quia maledictus homo qui cõfidit in homine.* Mais bien-heureux eſt celuy duquel le cuer,

*Ieſus Chriſt
eſt le moyen
ſouuerain de
noſtre ſalut.*

S. Auguſtin.

Premier lundy

*Biëheureux
est celuy du-
quel le cueur
est appuyé
sur Iesus
Christ.
Roma. 5.*

la confiance est appuyée sur nostre seigneur Iesus Christ, & ceste esperâce là est certaine. Sainct Paul dit: *Spes nō confundit, id est, non frustratur*, car Dieu nous ayme, & nous veut sauuer, & par ainsi nostre esperance doit estre appuyée sur cela: car cela nous asseure. Aussi Iesus Christ est mis pour la fin, pour le fondement, i'espere d'estre sauué, auoir remission de mes pechez, & d'auoir grace, & de rentrer en l'amour de Dieu: mais qui estes vous? vn pecheur, il en y a plusieurs damnez qui n'ont pas fait tant de pechez que i'ay, & quelle esperance auez vous donc? Qui estes vous qui esperez? Je suis vn pecheur: mais mon péché ne m'estonne point: car Iesus Christ est venu pour les pecheurs, pourueu que le pecheur gemisse, soit cōtrit & confez de ses pechez, il s'asseurera en la vertu de Iesus Christ qu'il aura pardon: mais qui estes vous? & depuis quel temps auez vous frequenté tel péché, & auez enretenu vne meschante vie? Si ie regarde seulement ma faute, ie n'espereray pas estre sauué: car mes pechez me reculent de Dieu: mais ie voy que ie suis digne de damnation eternelle. Si ie regarde que Dieu pardōne à ceux qui se repentent de bon cueur, & par ainsi i'espere grace, les misericordes de Dieu sont plus multipliées que mes pechez ne sont grands, que ie me repente seulement, que ie me confesse, esperant auoir pardon & la grace & misericorde de Dieu, infaillement ie l'auray. Quand nostre seigneur guarist le paralitique, il luy dist: *Confide fili, Remittuntur tibi peccata tua*. Il ne luy dist pas premier, croy, ie t'ay guaray: mais pource que l'infirmité estoit procedée de son péché, il dit: *Confide fili*. Par cela il demonstre que nous ne pouuons auoir remission sans nous appuyer sur Iesus Christ. Iamais Dieu ne prend quelque euvre agreable, si elle n'est appuyée sur nostre seigneur Iesus Christ son fils, c'est nostre scope, nostre fin, auquel nous deuons tendre, & toutes noz euvres soyent faictes au nom de Iesus: afin que Dieu les regarde. Dieu ne regarda point Salomon: car il ne valloit rien: & toutesfois Dieu luy fist plaisir & grace pour l'amour de Dauid, qui estoit selon son cueur. Regardons donc combien plus seront noz euvres acceptables à Dieu, au nom de Iesus

*Dieu n'a
point nostre
euvre agrea-
ble, si elle
n'est appuyée
sur Iesus
Christ.*

Christ, & que nous renommons de luy : & pourtant, nostre principal aduocat, c'est Iesus Christ, apres luy c'est la vierge Marie, & les saints de paradis, qui interpellent pour nous. L'homme donc en ce considerant, n'a que matiere de se deiecter & deffier : mais en regardant à Iesus Christ il a matiere d'estre sauué. Par quel moyen d'obtend il salut? non pas de luy-mesme: mais par le moyen du sang de IESVS CHRIST, en faisant penitence. Nous auons donc grande matiere d'esperance. Entendez & notez qu'il y a deux hommes principaux entre les autres : le premier homme est terrien, c'est le vieil homme Adam, duquel nous dependons tous, quant à la generation de la chair. Il y a vn autre homme nouveau, c'est nostre Seigneur IESVS CHRIST, duquel nous dependons tous, quant à la vie de l'esprit : laquelle est appelée re-
 nouation, regeneration. Le premier homme Adam a esté formé de terre : *In quem deus imposuit spiraculum vi-*
e. Dieu luy a inspiré l'esprit de vie, c'est à dire, qu'il luy a baillé vne ame, qui baille la vie au corps. Ainsi l'homme a esté crée à l'image & similitude de Dieu. C'est à dire cappable du souuerain bien. Vne beste n'est pas cappable du souuerain bien, ny le ciel, ny la terre, qui sont creatures de Dieu, & non pas faictes à l'image de Dieu & similitude: & pourtant, ils ne sont pas cappelables de Dieu, comme l'homme. En quoy gist ceste cappelité? à cognoistre Dieu & l'aimer. L'homme a voulu pour l'aimer, & l'entendement pour le cognoistre. En ces deux poincts là, gist la cappelité de Dieu en l'homme, c'est qu'il cognoisse & aime Dieu parfaictement, & qu'il ait la fruition de Dieu, alors son entendement est assouuy: car il cognoist son bien parfaict, & aime son bien parfaict. En ce monde icy l'homme cognoist & aime Dieu, non pas parfaictement, *sed tantum per speculum & in enigmate* : mais en paradis on le cognoistra parfaictement ainsi qu'il est, & l'aimera on aussi parfaictement, comme dit Dauid: *Inebriabuntur ab vbertate domus tue, & torrente voluptatis tue potabit eos.* Voyla le premier homme crée à l'image & similitude de Dieu, c'est Adam. Nostre Seigneur Dieu deuant que créer l'homme Adam, pour

*Iesus christ
est nostre
principal
aduocat, &
apres luy la
vierge Ma-
rie & les
Saints.*

1. Cor. 13.

Genes. 2.

*L'homme par
l'entendement
cognoist
Dieu par la
volonté il
l' aime.*

1. Cor. 13.

Premier lundy

L'homme est
le principal
ouvrage de
Dieu.

Gene. I.

Faciamus
demonstre les
trois person-
nes de la Tri-
nité.

monstrer qu'en toutes les euvres de Dieu, l'homme estoit le principal ouvrage. Dieu a fait de grands preparatifs. Les grands preparatifs qu'on fait pour faire quelque euvre, cela demonstre la magnitude & excellēce de l'euvre. Nostre Seigneur Iesus Christ a crée le ciel & la terre. *Fecit luminare maius*. C'est le Soleil pour luire de iour. *Et luminare minus*. C'est la Lune pour esclairer de nuit. Il a crée la terre & a produit les arbres, herbes & autres especes, il a remply la mer de poissons. En cinq iours, Dieu a fait de grands appareils, il a crée les Anges, & tous les ouvrages créez au parauant, demonstroient que le dernier euvre seroit grand. Au sixiesme iour que toutes creatures estoient produictes, Dieu a fait l'homme comme le principal ouvrage, & il n'a point vsé de telles parolles, comme en creant le ciel. Il dit? *Fiat firmamentum*. Et quand il a crée la terre. *Producat terram*, comme s'il commandoit *fiat*, que le ciel soit fait, la terre faite: mais quand il fut question de créer l'homme, il y a mis la main, comme s'il eust voulu dire, voicy mon principal ouvrage, auquel ie me veulx arrester: *Faciamus hominem ad imaginem & similitudinem nostram*. Faisons l'homme capable de nous. Ce mot *Faciamus* icy: *Faciamus*, demonstre les trois personnes de la Trinité. Vn homme seul, ne dict pas: *Faciamus*, en pluriel nombre: mais en cela il demonstre les trois personnes de la benoiste Trinité, le Pere, le Fils, & le saint Esprit, qui sont vn Dieu. Voyla les preparatifs faits en cinq iours, & le sixiesme iour, l'homme a esté fait. Apres qu'il a esté fait, Dieu cessa le septiesme iour de toute euvre. Quand il dict: *Faciamus hominem*. Donc ce premier homme a esté le dernier ouvrage, deuant lequel il a fait de grands preparatifs, c'est à dire, qu'il a fait tout pour cest homme, mesmes les Anges: iacoit que l'Ange soit plus parfait en sa nature, toutesfois il est enuoyé pour l'homme. D'auantage, Dieu a fait l'homme, non pas pour estre en captiuité & seruitude, mais pour dominer: *Vt presit*. Faisons cest homme, dist Dieu, pour & afin qu'il soit maistre & preside & domine sur toutes les bestes de la terre. Dieu n'a pas dict cela des an-

es, & pour ce quand nous voyons qu'aujourd'huy nous sommes en seruitude, ce n'est pas l'intention de Dieu. D'où vient seruitude? de peché. L'escripture dict: *Omni facit peccatum, seruus est peccati*. Et Saint Paul: *An ne- itis quoniam cui exlubetis vos seruos ad obediendum, serui e- is eius cui obediistis, siue peccati ad mortē siue obeditionis ad stitiam*. L'homme quand il se rend seruiteur, c'est contre le vouloir de Dieu, lequel est, que nous viuions en liberté, c'est à dire, que nous n'offensios point. Celuy qui offense point, c'est celuy qui vit innocemment. Qui de mauuais seruiteurs, il est en captiuité. Ambition est vne seruante qui tiét l'homme en captiuité: il vouloit bien delaisser sa meschanceté, & il ne peult. C'est merueilles que ie me rends seruiteur d'ambition: mais la traye liberté, c'est viure en crainte & amour de Dieu. Et celuy qui vit innocemment selon sa possibilité, il ne craint rien. Sainct Paul dit: *Vis non timere potestatem? Bonum fac*. Voulez vous ne craindre les Roys, Princes, Iuges? Ouy. Faiçtes bien. Ie ne crains point le iuge: comment? car ie n'ay faiçt le pourquoy il doique mettre la main sur moy. Et nous auons perdu ceste liberté par peché, mais par Iesus Christ nous auons esté remis en innocence, & en liberté des enfans de Dieu. Dieu a faiçt l'homme, afin qu'il domine, qu'il preside, & qu'il soit le maître. Dieu a bien demonstté que l'homme est le principal de toutes creatures. Sainct Chrysost. dict que l'homme estoit crée à l'image & similitude de Dieu, pource qu'il dominoit sur les creatures, il estoit ainsi que Dieu, qui domine sur toutes creatures, il estoit maistre & participoit de la domination des creatures, il est maistre sur les oyseaux & sur les poissons. Dieu a voulu que l'homme viue en liberté. Ce n'est pas à dire, que nous ne soyons subiects à noz superieurs: mais la liberté en laquelle Dieu veut que nous viuions, c'est innocence, de laquelle par Sainct Paul: *Vos in libertatem vocati estis fratres, tantum libertatem in occasione detis carnis, sed per charitatē spiritus amate inuicem*. Ne vous rendez point seruiteurs, qu'aucune tentation ne vous domine, mais rendez vous subiects à Dieu gardez les commandemens de Dieu, & de l'egli-

*Seruitude
vient de pe-
ché.*

Rom. 6.

*Seruir à diem
& viure en
sa crainte, et
son amour
c'est vraye li-
berté.*

Rom. 13.

*S. Chrysost.
La liberté en
laquelle no-
met Iesus
christ ne no-
exempte d'o-
beir à noz su-
perieurs.
Galat. 5.*

Premier lundy

se, & vous serez en liberté. Ce pauvre homme a offensé, puis a esté dechassé, & faict seruiteur, nous tenons tout de luy, il estoit terrestre, & nous aussi, il estoit pecheur, & nous aussi, il s'est obligé à la mort & nous aussi, il s'est constitué digne de l'ire de Dieu, & nous aussi, il s'est rendu digne de la damnation eternelle, & s'est obligé à Satan, & nous qui sommes ses enfans allons avec luy. Quant est du secōd & nouveau homme, ie dis, tout ainsi que Dieu par les preparatifs qu'il a faicts auāt que créer l'homme, a demonstré que l'homme estoit vn ouurage principal sur toutes les autres creatures, aussi quand il a esté question d'enuoyer le Messias. Dieu a faict de grāds preparatifs pour monstrier qu'il seroit grand: Le premier homme est de terre, le second est du ciel. Auant que le Messias vint en ce monde, Dieu a demonstré grandes choses, premierement des promesses, & qu'est-ce qu'il dict au commencement de Genese, en la malediction du serpent, qui auoit seduit la femme? *Inimicitias ponam inter te & mulierem, inter semen tuum & semen mulieris, ipsa conteret caput tuum.* Dés le commencement du monde, Dieu promet: l'enuoiray vn homme, comme s'il vouloit dire: Le premier a esté bien institué, mais incontinant s'est deformé & desuoyé, comme quand on reforme vne religion, on prend vn religieux icy, vn autre là. Pour commencemēt, les religions estoient tant bien instituées que merueilles, & leur deuotion a faict & a esté cause, que les Roys, Princes & Seigneurs ont donné tant de biens aux Abbayes, non pas qu'ils ayent donné vingt mil ou trente mil pour viure à son plaisir, pour aller chasser, pour auoir des femmes & oyseaulx, mais pour la bōne deuotion & saincteté de vie des Religieux du temps passé qui seruoient à Dieu nuit & iour, les grandes fundations ont esté faictes: & maintenant, on les deforme, & pour la cause on n'y donne plus rien, mais on en oste ce qui y est: Ceux qui sont cause de cela, deuroient estre mis au fin fond de la gourdainne à ieusner au pain, & à l'eau. Quand donc la religion est deformée & desuoyée, il la fault reformer, mais que Monsieur le Prothenotaire ne soit point diuisé, qu'il n'ayt son plat à part. Les mem-

*Dieu a faict
de grāds pre
paratifs pre
mier qu'en
uoyer son en
fant en ce
monde.
Gen. 3.*

bres viuront ils bien, s'ils sont separez du chef? il est impossible, & pour ce, quād il y a diuision tout va en ruine, *Vn membre du corps ne peut riē s'il n'est ioinct avec s^o chef.* *Luc. II.*

Quia omne regnum in se diuisum desolabitur. Ils taillent les morceaux aux pauvres religieux, mais ils seront damnez à tous les diables en enfer, s'ils n'en font penitence grande, car il ne leur appartient pas. Voulez vous bien reformer vn religieux? faictes le premier ce que vous voulez que voz religieux fassent, prenez l'habit: vivez bien & vostre vie reformera plus que toute la rigueur & iustice que vous sçauriez faire: Autremēt, tout ne durera pas, car les Religieux auront tousiours ceste exception, & diront, Monsieur ne faict pas ainsi qu'il dict, & pource, il fault qu'il commence à soy mesme, deuant que de reformer les autres, cōme a faict Iesus Christ. Voyla l'hōme institué, crée, parfaict en grande iustice & innocence, il s'est deformé, desuoyé, il le fault reformer, nostre Seigneur le menace, il luy a enuoyé le deluge, il l'a mis comme prisonnier: il n'a scē reformer cest homme, qu'a il faict pour le reformer? Il a prins l'habit & s'est faict semblable aux hōmes, & par ainsi il a gagné les cueurs, qu'a il faict? Il s'est faict homme, pauvre, & le moindre des hommes comme vn ver: *Ego sum vermis & non homo.* Je diray, comment iray-je à matines? comment me leueray-je de nuict? Il fault que monsieur l'Abbé ait son plat à part. Pensez vous que Iesus Christ eut son plat à part? Il s'est tant humilié, il s'est mis en la similitude d'hōme, subiect comme vn hōme, à faim, à soif, à chauld & à froid, en faisant cela, il a gagné les cueurs des hommes, & quand il s'est humilié, iusques en la croix, les religieux ont couru apres. Premieremēt il a commēcé à faire, puis à enseigner: *Cœpit Iesus facere & docere.* Et pourtāt si vn Euesque *Act. I.*

veult aussi auoir de bons chanoines, & vn Abbé de bons Religieux, premierement fault qu'il garde les commandemens de Dieu & de l'Eglise, ceste bonne vie là contrainct plus que toutes les menaces qu'on sçauoit faire. *La bōne vie d'un prelat cōtrainct plus ses subiects que toutes ses menaces.*

Aussi nostre Seigneur a faict ainsi, vous avez exemple de cela. Quand Elisée enuoya son seruiteur Giesi, avec son baston il ne peut resusciter l'enfant mort, mais Elisée y fut luy mesme, & adapta son corps sur le corps de

Premier lundy

l'enfant, & le resuscita. La rigueur est signifiée par le bāstō, iāmais l'hōme n'est restitué en grace par menaces & peines: mais quād le superieur premieremēt faict ce qu'il dict, & ce qu'il fault faire, il n'y a cueur qu'il ne gaigne. Aussi sil y a diuision, si le chef est separé des membres, il n'y a point de vie, car vn sans l'autre, ne viura pas. Auant que nostre Seigneur Iesus Christ faict venu pour reformer l'hōme, il a esté promis lōg tēps deuāt, il a esté promis à Abraham: *In semine tuo omnes gentes benedicentur*. Et Iacob prophetisa. *Nō auferetur sceptrum de Iuda & dux de femore eius, donec veniat qui mittēdus est, scilicet Christ⁹*. Voila comme le second homme a esté promis, cela dōne vne grande attente. En apres tous les prophetes ont parlé de ceste venue, ils ont predict la maniere comme il viēdroit & qu'il naistroit, & le lieu dōt il viendrait, & la maniere comme il deuoit venir. Hier il fut dit en l'euangile. *Ecce rex tuus venit tibi pauper, mansuetus*. Il est venu pauvre en mansuetude & humilité de cueur, il n'est pas venu pour piller ny opprimer Mais *Tibi*, pour vostre proufīt, Or de qui il deuoit venir, il a esté predict: *Ecce virgo concipiet & pariet filium*. Tout ainsi qu'Adam le premier homme a esté faict de terre qui n'estoit point corrompue, aussi Iesus Christ a esté faict par l'operation du saint Esprit au ventre de la vierge Marie immaculée: d'auantage, il n'y a eu que Dieu, qui ait mis la main en creant le premier homme, aussi le second hōme, Iesus Christ, il n'y a eu que le saint Esprit, comme dict l'Ange Gabriel à la vierge Marie. *Spiritus sanctus superneniet in te*. En apres le lieu ou deuoit naistre nostre Seigneur a esté predict: *Et tu Bethleem terra Iuda, ex te veniet dux qui regat populū meū Israel*. Aussi a esté predict que ce second homme seroit grand & fils de Dieu. *Hic erit magnus & filius altissimi vocabitur*. Quand tout cela a esté predict, on peult entendre que ce second homme Iesus Christ seroit quelque chose grand. Comme par les preparatifs que Dieu a faict auant le premier homme, on cognoist que c'est le principal des creatures: Aussi les promesses faictes du Messias, le second homme demonstroit bien qu'il seroit grand. Encores plus est demonstree la qualite du second homme par

Gene. 23.

Esa. 7.

Le fils de
Dieu a esté
conceu par
l'operation
du saint es-
prit.

Matth. 2.

par ceux qui auoient l'administration du peuple d'Israël
 cōme Abrahā, Isaac, & Iacob, &c. Et qu'ils prefiguroient
 en leurs faicts qu'il deuoit estre le Messias, & par les pa-
 triarches & Prophetes il a esté prefiguré auant qu'il fust
 nay: il est donc grād: le secōd hōme. *Est de calo caelestu.* De
 luy nous depēdōs tous, quāt à la generatiō de l'esprit, &
 cōme dit mōsieur S. Paul: *Sicut per vnus delictum in omnes* Rom. 5.
homines in condemnationem: sic & per vnus iustitiam in om-
nes homines in iustificationem vite. Par l'inobediēce du pre-
 mier hōme, beaucoup sont cōstituez pecheurs, mais par
 l'obediēce du second hōme, plusieurs sont cōstituez ius-
 tes: & pour mōstrer que le second homme est plus grād
 que le premier, monsieur S. Paul dit: *Non sicut delictum ita* Rom. 5.
& donum. Si enim vnus delicto. &c. Par le delict, par le pe-
 ché d'Adam tout homme en est obligé à peine eternelle,
 mais le don par Iesus Christ, est bien plus grand, car non
 seulement nous sommes deliurez du peché originel, de-
 quoy S. Paul dit: *Nascimur omnes natura filij ire.* Par natu- Eph. 2.
 relle propagation, nous naissons tous enfans d'ire, de
 damnatiō eternelle, mais aussi nous sommes deliurez de
 to^e autres pechez par le sang de Iesus Christ: c'est le nou-
 uveau homme duquel S. Paul dit: *Renouamini spiritu mentis* Eph. 4.
vestre & induite nouū hominem, qui secūdam Deū creatus est
in iustitia, & sanctitate & veritate. Pourquoi Iesus Christ
 est dit nouveau hōme? Par ce qu'il a esté plustost for-
 mé au ventre de la vierge Marie, que ne sont pas les au-
 tres, & qu'il est conçu sans peché. Secondement, le vieil
 hōme est fier, orgueilleux: il a voulu estre cōme Dieu, il
 a esté rebelle. Le naturel de l'hōme nouveau c'est d'estre
 humble & ne rien sentir de soy, mais s'accommoder à vn
 chacun, n'estre point addonné à son prouffit particulier,
 ne se vēger point, mais endurer tout patiēment: & pour-
 ce, il est appelé nouveau hōme, on dit d'vne bonne cou-
 stume, ô cela est vieil, cela est abrogé, il n'est plus en vsa-
 ge, cōme, vn curé ne reside point en sa cure, mais c'est la
 loy de Dieu toutesfois, qui tousiours oblige. Il y a diffé-
 rence entre la loy de Dieu & des hommes, car la loy des
 hommes par dilatiō de temps, peult estre abrogée, mais
 la loy de Dieu ne peult estre abrogée, *Per non usum*, par

Premier lundy de l'Aduent.

faulte d'en vser, car tousiours elle oblige, combien que la plus grand part ne la face pas, & pourtant elle est dite, *Testamentum aeternum*. Voila le nouveau homme, lequel Dieu a ainsi magnifié, & luy a fait tant de preparatifs pour demonstrier la venuë de son fils en ce monde. Mais qui est il ce nouveau homme? C'est le verbe de Dieu, par lequel toutes choses ont esté faites, sont conseruées & regies, duquel verbe saint Paul dit: *Portans omnia verbo virtutis sue*. Premierement Dieu a fait toutes choses par son verbe: nostre Seigneur a dit: *Fiat lux, & facta est lux*, Rien n'est sans le verbe de Dieu, c'est à dire sans Iesus Christ: escoutez donc Chrestiens, toute l'écriture sainte n'a point d'autre signe que Iesus Christ, & quand vous oyez que Dieu a tout crée par Iesus Christ, entendez que c'est le nouveau homme. Saint Iacq dit: *Omnia per ipsum facta sunt*, il a parlé & incontînt tout a esté fait. En outre, Iesus Christ est cestuy par lequel toutes choses sont faites & qui conserue & gouerne tout. *Portans omnia verbo*, ce n'est assez de faire vne chose, mais il la fault conseruer. Si les creatures n'estoient gardées de Dieu nostre seigneur Iesus Christ, ils retourneroient en leur premiere nature, c'est en rien. D'auantage le nouveau homme, n'est pas seulement celuy par lequel toutes choses sont faites, mais aussi par lequel toutes choses sont restablies & restaurées, rât au ciel qu'en la terre, de sorte que Iesus Christ est le chef. Saint Paul ne dit pas que la reunion a esté faite, mais qu'il a restauré toutes choses: car c'est plus de restaurer, il a restitué la religion & a remis l'homme en plus grand autorité que parauant. Par la mort & passio de nostre Seigneur, nous sommes plus fermes, plus stables que parauant, donc le nouveau homme, c'est le verbe diuin, par lequel toutes choses ont esté faites & refaites. Et outre Chrestiens, entendez quand vous oyez en l'écriture, que Dieu premierement a produit la terre vaine & inutile, apres qu'il a dit: *Producat terra & germinet herbam virentem*, La terre incontînant a esté couuerte d'arbres & d'herbes, & cela ne s'est pas fait sans Iesus Christ nouveau homme: l'homme est vain, il ne porte point de fruit, mais par le verbe de Dieu, l'homme fru-

Hebr. 1.

*Dieu n'a rien
fait de bien
sans le verbe,
Iesus Christ.
Ioan. 1.*

*Iesus Christ
est celuy par
lequel toutes
choses sont re-
staurées &
portées.*

Mardy apres le 1. dimenche. 18

et. sic. C'est ce qui est dit en l'Euāgile: *Sicut palmes non potest ferre fructū à semetipso nisi manserit in vite, sic nec vos nisi in me manseritis.* Sans moy vous ne portez point de fruit, *Sans Iesus* comme le sep s'il n'est cōioinct en la vigne: comme aussi *Christ, nous* Dieu quand il a produit la terre, elle estoit vaine & inutile, il n'y auoit point de beauté en elle, mais apres elle a *ne pouuons* esté ornée de fleurs d'herbes. Et aussi à la verité, l'homme *porter bon* ce n'est rien quand il vient, il est vain, vacque de la *fruit.* grace de Dieu, mais par le verbe de Dieu, il est renouvelé, regeneré, & fait fils de Dieu: *Imò, il est fait Dieu. Ego dixi dñs estis.* C'est le nouveau homme duquel nous dependons tous: premierement cela est entendu de luy, car Iesus Christ est le verbe de Dieu, le fils de Dieu par nature, & saint Paul dit: *Decebat enim eum propter quem omnia, & per quem omnia, qui multos filios in gloriam adduxerat, autorem salutis eorum per passionem consummari.* Quand il dit: *Hebr. 2.* *Per quem,* c'est la cause efficiente. *Et propter quem,* c'est la cause finale: donc, quand nous parlons de la venuë de Iesus Christ en ce monde n'entendez pas qu'il ne soit plus là hault, & qu'il ait delaisé Dieu son pere, il n'y a point de diuision & separation en eux, ce n'est qu'une bonté, une vertu, & une substance. *In principio erat verbum, & Ioan. 1.* *verbum erat apud Deum, & Deus erat verbum.* Quand nous disons que le fils de Dieu est venu, c'est à dire, qu'il est maintenant homme, il estoit immortel, & il est fait mortel, passible, en gardant l'union avec Dieu son pere, il a prins nature humaine, & par ainsi il est dit estre venu, non pas qu'il soit separé de Dieu son pere. Quand il dit donc, c'est à dire, *Verbum caro factum est,* que le fils de *Ioan. 1.* Dieu est venu en ce monde prendre incarnation: lequel ie prie qu'il nous donne sa grace en ce monde & sa gloire en l'autre. *Quòd nos perducatur qui sine fine uiuit & regnat Deus, Amen.*

Pour le mardy apres le premier dimenche.

Quæcunque scripta sunt ad nostrā doctrinam scripta sunt. Rom. 15.
Nous disions hier que nostre Seigneur Dieu
C ij

Mardy apres le

*Dieu mōstra
aux patriarches & Prophètes la magni-
tude du
Messias.*

Luc. 1.

Quatre choses speciales ont esté dites de Iesus Christ.

Hebr. 10.

Ioan. 12.

auant qu'il enuoyast en ce monde le nouveau homme nostre seigneur Iesus Christ, il a signifié quel deuoit estre cest homme qui deuoit venir, il a demōstré par les promesses faictes aux Patriarches & Prophetes & amis de Dieu la magnitude du Messias, & quel deuoit estre cest homme nouveau. Quand Moyse fut nay, il apparoif soit en sa face vne beauté non point ordinaire, mais inaccoustumée. Par cela ses parens ont entendu que Dieu en vouloit faire quelque chose de singulier, & que cest enfant seroit grand. Quand saint Iean Baptiste fut nay, vous voyez les merueilles que Dieu a faict en sa natiuité, il a esté conceu & nay d'une femme vieille & sterile, nōmée Elizabeth : & son pere Zacharie qui estoit muet pour son incredulité, a recouuert la parole, & a esté Prophete, & sainte Elizabeth a esté remplie du benoist S. Esprit, & on disoit de cest enfant : *Quis putas puer ipse erit?* Toutes ces choses là demonstroient l'excellence de S. Iean Baptiste. Aussi les promesses, les propheties & figures que Dieu a demonstré auant la venue du nouveau homme Iesus Christ, signifient la natiuité & excellence de nostre seigneur Iesus Christ Il faut noter que nostre seigneur Iesus Christ a esté promis : & quatre choses de luy specialement ont esté dites. Premièrement il a esté promis & annoncé, qu'il seroit Dieu eternal & homme, Roy & prestre. *Christus Deus & homo, Rex & sacerdos.* Iesus Christ comme ont predict les propheties, il est en la vertu de Dieu, il est Dieu egal en bonté & en vertu & sapience avec Dieu : Iesus Christ est ce que Dieu est par nature. Monsieur saint Paul dit : *Qui cum sit splendor gloriæ, & figuræ substantiæ Dei.* Dieu apparoist du tout en nostre seigneur Iesus Christ : & qui veoit Iesus Christ il veoit Dieu, *Qui videt me, videt eum qui misit me.* Et pour ce, quand saint Philippe dist à nostre seigneur Iesus Christ : *Domine ostende nobis patrem, & sufficit nobis,* dixit ei Iesus, *tanto tempore vobiscum sum & non cognoscitis me? Philippe, qui videt me, videt & patrem, non credis quia ego in patre, & pater in me est?* Je suis l'image viue & naturelle de Dieu mon pere, & pourtant, celuy qui me veoit, il veoit mon pere. C'est l'excellence que les Prophetes ont pre-

dit du Messias, c'est à sçauoir, qu'il est substance & nature de son pere. Iesus Christ donc est d'une mesme nature & forme que Dieu. Monsieur saint Paul dit: *Qui cum in forma Dei esset*, c'est le premier que les Prophetes ont predit, que le Messias est Dieu, le nom de nostre Seigneur, c'est Iesus, lequel demonstre diuinité & vertu infinie en luy, car le nom de Iesus, c'est à dire sauueur, car il nous a deliuré de noz pechez, c'est luy qui donne remission des pechez & grace, & auquel seul appartient de la donner par autorité: & pour-ce, il est appellé Iesus. *Est nomen indicans quod saluum faciet populum à peccatis eorum.* Par-ce qu'il remet les pechez, il est demonstré qu'il est Dieu: le prestre remet & pardonne les pechez, il absout: mais son autorité est comme l'autorité d'un ministre, & par le moyen du sacrement de confession, & s'il ne disoit les paroles sacramentales, *Absoluo te, &c.* L'autorité du prestre n'auroit point d'efficace. Donc par ce mystere du sacrement, le prestre remet & pardonne les pechez. Et nostre seigneur Iesus Christ a ceste autorité, que sans le sacrement il remet les pechez: C'est vne puissance souueraine. *Christus habet potestatem summam remittendi peccata sine sacramento, quia virtus Dei non est alligata sacramentis, sicut est potestas sacerdotis.* Quand nostre seigneur Iesus Christ, dist au Paralitique: *Confide fili, remittuntur tibi peccata tua.* Ceux qui estoient-là presens estoient scandalisez, disant: Cest homme icy blaspheme, car il n'appartient qu'à Dieu de remettre les pechez: ils n'entendoient pas que Iesus Christ fust Dieu. Et en tesmoignage qu'il a la puissance de remettre les pechez, il dit au Paralitique: *Surge, tolle lectum tuum & vade in domum tuam.* Le nom de nostre Seigneur donc c'est Iesus, il est Dieu qui remet les pechez par son autorité, c'est le premier. Secondement nostre seigneur Iesus Christ a esté promis comme homme. Le prophete Ieremie dit: *Ecce dies veniunt dicit dominus, & suscitabo Dauid germen iustum, & regnabit rex, &c.* Le germe iuste, c'est nostre seigneur fils de Dauid, qui auoit esté promis à Dauid, *De fructu ventris tui ponam super sedem tuam:* Et par ainsi les Prophetes ont predit la natiuité de nostre Seigneur. Pre-

A Iesus Christ seul vray Dieu & homme, appartient pardonner les pechez par autorité, & au prestre comme ministre.

Matth. 9.

Matth. 9.

Ier. 23.

Psal. 11.

Mardy apres le

*Iesus Christ
est esgal à
Dieu son pe
re.*

Matth. 1.

Rom 8.

*Iesus Christ
a prins noz
miseres: mais
nous les auons
& endurons
malgré nous.*

micrement, il est esgal de Dieu son pere. Secondement, il est homme, & cela est demonstté par-ce qu'il est fils de Dauid. Sainct Matthieu dit: *Liber generationis Iesu Christi, filij Dauid, filij Abraham.* C'est à dire, que cest homme Iesus Christ est Dieu eternal: *Ante secula.* Mais il a voulu descēdre de la lignée de Dauid, il est donc homme: mais notez qu'il est homme non pas comme nous, car nous sommes hommes conceus en peché, subiects à peché & damnation eternelle. Nostre chair est pecheresse conceüe en peché, mais Iesus Christ est conçu iuste, sans peché & n'est point appellé, *Corpus peccati.* Nostre chair, c'est vne chair de peché, & la chair de nostre Seigneur, c'est vne chair semblable à la chair de Dieu. S. Paul dit: *Nam quod impossibile erat legi, in quo infirmabatur per carnem, Deus filium suum mittēs in similitudinem carnis peccati, & de peccato damnauit peccatū in carne.* La chair de peché, est dite à cause qu'elle est conceüe en peché originel, aussi on dit: *Corpus peccati.* Car en nostre conception nous contractons peché, non pas par nostre volonté propre, mais par Adam. De ce peché qu'en aduient il? mortalité, car Dieu dit à Adam. *Quocunque die comederis, morte morieris.* Apres qu'il eut mangé du fruiēt qui luy estoit defendu, il fut subiect à mourir. Au parauant, il auoit puissance de perpetuer sa vie, & il s'est fait passible, mortel, subiect à beaucoup de miseres, à faim, à soif, à chauld, à froid: & tout cela est dit vn corps de peché, car il procede de peché. Nostre Seigneur estoit mortel, passible comme no^s, il auoit faim, soif, chauld, froid, las de cheminer: toutes ces miseres là, sont pour le peché infligées, nostre Seigneur les auoit prinſes de sa volōté propre: mais nous les endurons malgré-nous, & contre nostre volonté, car nous auons peché. Nostre Seigneur a voulu estre subiect à noz miseres, qui no^s sont infligées pour nostre peché: & pour-ce, il est dit auoir vne chair semblable à la chair de peché. La cause est diuerſe, car la cause pour laquelle nous endurons, c'est peché. Mais Iesus Christ a seulement enduré de sa volonté propre. A la verité, nostre chair est conceüe en peché & subiecte à tout mal: non pas la chair de nostre Seigneur, car il n'a point fait de peché.

Pourquoy endureoit-il donc? cela vient de sa volonté, ce qui est en nous de necessité. Ce n'estoit point la chair ne peché: mais on la voyoit semblable à la chair de peché. Donc nostre seigneur est Dieu, c'est celuy qui nous sauue & deliure de peché: *Est homo ex tempore*. Quand il a voulu, il a prins nostre nature au ventre de la vierge Marie, & n'a point contracté peché comme nous (car il n'est pas conçu en peché originel.) Cela ne vient pas de ma mauuaise volonté que j'aye cōtracté peché originel: mais par naturelle generation: & toute humaine nature est obligée à peché par la mauuaise volonté d'Adam: *Omnes enim in Adam peccauerunt*. Et tous ceux qui procedent de pere & mere, sont conceuz en peché originel. Et par ainsi, ils sont nez pecheurs, & obligez à peine eternelle: *Et sic est caro peccati*. Et combien que Iesus Christ endure telle peine & misere que nous, toutesfois sa chair. *Est caro gratia*. Et il a enduré par volonté, ce que nous endurons par necessité. *Oblatus est quia voluit*. Nostre seigneur est donc Dieu & homme, & il est *germen iustum*. Et quand on parle de la semence de Dauid, il signifie l'humanité de Iesus Christ. En apres Iesus Christ a esté promis cōme Roy, comme a predict le prophete Ieremie: *Et regnabit rex, & sapiens erit, & faciet iudicium & iustitiam in terra*. Et le prophete royal Dauid dit: *Ego autem constitutus sum rex ab eo*. Il a esté dit qu'il seroit Roy, non pas du royaume temporel: mais spirituel: *Dominabitur à mari usque ad mare, ab oriente in occidentem*. D'une extremité de la terre iusques à l'autre: le royaume de Iesus Christ est dilaté, c'est à dire: *Ecclesia Christi*. Laquelle est dispersée par tout le mōde: & pourtant Iesus Christ est seul monarque par tout le mōde: & iamais n'y eut Roy ny Empereur, qui fust monarque par tout le mōde q̄ Iesus Christ. Auguste Cesar estoit Empereur, il cōmanda que tout le mōde fust escrit: mais à la verité il n'estoit pas monarque. Il n'y a eu seul monarque Iesus Christ, qui dit par le prophete: *Ego constitutus sum rex ab eo, super Sion montem*. Et le Pape, auquel il a dōné les clefs & telle puissance qu'il a. Il a puissance par toute la terre, c'est la sainte Eglise catholique, vniuerselle, dispersée par tout le mōde, en laquelle Iesus Christ est

Toute nature humaine est obligée à peché par la mauuaise volonté d'Adam.

Ierem. 23.

Psal. 2.

Psal. 71.

Iesuchrist est
seul monarque
que de tout
le monde.
Psal. 2.

Mardy apres le

Le Pape a
autant de
puissance que
S. Pierre, en-
cores qu'il
soit meschât.

Galat. 5.

Hebr. 5.

comme le chef souverain ou il preside, sous lequel est saint Pierre & son successeur legitime. Je ne dis pas en merite : mais en dignité & degré, car quelque mauvais homme que ce soit, qui soit Pape: il a autant de puissance q̃ S. Pierre: quād au regard de l'Eglise, il n'y a point d'autre monarque qu'en l'Eglise, il n'y a que Iesuschrist. Et à luy seul luy appartient par successiō d'heritage, cōme Dauid succede au Roy qui est son pere. Dauid est Roy, & Iesus Christ est fils de Dauid, cōme hōme. Il luy appartient dōc de succeder, & estre Roy. Iasoit que Pilate ne l'entēdist pas: mais parauēture en contēnemēt & risée, il escriuit que Iesus Christ estoit le Roy des Iuifs. Cōme quand on fait quelque executiō de iustice, d'un hōme qui doit estre pendu, brulé, decapité, on fait son cry pour monstrer qu'il a esté larron, meurtrier, &c. Et le tiltre que Pilate a escrit, c'est le cry de nostre Seignr, c'est à sçauoir: *Iesus Nazarenus rex Iudæorum*. Quand Pilate escriuit cela il estoit l'organe du saint Esprit: car il a dit vray, que Iesus Christ estoit le roy de Iuifs: c'est à dire de ceux qui croient en luy & le loient, & est roy sur ceux ausquels il regne. Quand on dist à Pilate qu'il eust à chāger le tiltre qu'il auoit fait, il respondit, *quod scripsi, scripsi*. Il craignoit à le changer: car ce tiltre est à l'honneur de nostre seigneur Iesus Christ, lequel est Dieu, homme, & roy. De qui est il roy? de ceux qui sont de l'Eglise, qui croient d'une foy viue, operāte par charité. Sur ceux là, Iesuschrist regnera perpetuellement. Ce n'est pas encores tout, les prophetes ont predit que Iesus Christ seroit prestre, il est donc Dieu & homme, roy & prestre. Les prophetes ont predit de sa prestrise. Saint Paul dit, & le prend de Dauid: *Filius meus es tu, ego hodie genui te: Tu es sacerdos in æternum, secundum ordinem Melchisedech*. Dieu le pere a dit à son fils, vous estes mon fils, ie vous ay aujourd'huy engendré, c'est à dire eternellement: & vous estes prestre selon l'ordre de Melchisedech. Qui est l'office du prestre: offrir à Dieu sacrifice pour ses pechez, & pour les pechez du peuple. Saint Paul dit: *Omnis nāque pontifex ex hominibus assumptus, pro hominibus constituitur, in his quæ sunt ad Deum, ut offerat dona & sacrificia pro peccatis, qui condolere*

positi iis qui ignorant & errant, quoniam & ipse circumdatus est infirmitate, &c. L'Euesque, le prestre, est assumé du nõ- *L'euesque offre* bre du peuple: à quelle charge? pour offrir à Dieu sacri- *fre sacrifice* ce pour ses pechez, & pour les pechez du peuple. Quel *pour ses pe-* sacrifice? escoutez en la loy de Moysc: Les prestres estoiet *chez, & pour* dits, selon l'ordre d'Aaron, & les sacrifices qu'ils of- *les pechez* froyent, c'estoit vn aigneau, vn veau, vn bouc. Cela n'a *du peuple.* pas la vertu de remettre les pechez, cõme dit saint Paul:

Impossibile enim est sanguine taurorum & hircorum peccata Hebr. 10.

deberi. Il n'est pas possible q par le sang d'une beste morte, les pechez soyent effacez. Et pourtant, nostre seigneur Iesus Christ n'est pas prestre selon l'ordre d'Aaron, pour offrir des bestes: mais selõ l'ordre de Melchisedech, pour offrir soyemesme, son sang à Dieu son pere. Et noz pechez sont remis, lesquels ne pourroyet estre effacez sans le sang de l'aigneau immaculé, Iesus Christ. Vous estes prestres, non pas pour offrir vn veau, vn aigneau comme au vieil testamẽt: mais le precieux corps & sang de nostre seigneur Iesus Christ, c'est luy qui est le prestre & l'hostie & sacrifice, par lequel tout le monde a remission de ses pechez, pourueu qu'on luy obeisse: *Factus est enim omni-* Heb. 5.

bus obtemperantibus sibi causa salutis aeternae. Ce n'est pas la *Si quel-* faute de nostre Seigneur, si tout le monde n'est sauué: *qu'un est* mais de ceux qui ne luy veulent pas obeir. Vous direz, *damné, il en* Iesus Christ a satisfait pour moy, oüy bien: mais il vous *est cause.* commande de garder ses commandemens: que vous ne soyez paillard, larron, detracteur. Si vous auez du bien d'autrui, que vous en faciez restitution, & en ce faisant, vous serez participant de la passion de nostre Seigneur Iesus Christ. Autremet la mort & passio de nostre Seignr Iesus Christ ne vous prouffitera point: si vous ne gardez ses cõmandemens, il sera mort en vain pour vous. Les docteurs en theologie disent bien, & le prennent de saint Paul: Que la mort & passion de nostre seigneur a esté suffisante pour tout le monde: mais elle n'a pas esté efficace: Voyla le moyen d'estre sauué, vous n'aurez point l'efficace de la mort & passio de Iesus Christ, si vous ne vous disposez, obeissez à Dieu, gardez ses commandemens, & esperez d'estre sauuez par nostre seigneur Iesus christ, au-

Mardy apres le

trement vo^s ne le serez pas. Iesuchrist a esté institué pour s'offrir, il est prestre, il est sacrifice. Mais qu'estce à dire, il a offert pain & vin? C'est son corps & son sang qu'il a offert sous l'espece de pain & de vin le iour de la cene, ou il conuertit le pain en son propre corps, & le vin en son propre sang. Nostre seigneur s'est offert deux fois. Premièrement en la cene, sous les especes de pain & de vin: ainsi que chante l'Eglise: *Panem & vinum obtulit sacerdos in eternum secundum ordinem Melchisedech*. Il faut que la verité corresponde à la figure de Melchisedech qui offrit à Dieu pain & vin. Et il n'est point trouué que IESVS CHRIST, qui est prestre selon l'ordre de Melchisedech, ayt offert pain & vin, sinon en la cene. Le Ieu- dy iour de deuant qu'il souffrit mort & passion, il offrit son corps & son sang sous les especes de pain & de vin.

Les prestres offrent au S. Christ, nous offrōs au saint sacrifice de la Messe le corps & sang de Iesus Christ, non pas visiblement: mais sous les especes de pain & de vin. Quand Abraham retourna de la guerre, il rencontra Melchisedech, lequel pour la victoire qu'il auoit eüe, offrit à Dieu de pain & de vin: c'estoit la figure du sacrifice du corps de nostre seigneur.

Cela est deriué de Iesus Christ, que nous sommes prestres selon l'ordre de Melchisedech. *Secundo*. nostre Seigneur s'est offert en l'arbre de la croix. Mais ce que le prestre fait au saint sacrifice de la Messe, est ce que nostre Seigneur a fait le iour de la cene: il a vne mesme efficace & vertu q^{ue} le sacrifice du corps de nostre Seigneur

* ou saint

IESVS CHRIST, en la croix le iour du Vendredy * aoré: qui visiblement a esté offert. Ce n'est qu'un Iesus. Et le sacrifice qui a esté visible en la croix, *dicitur sacrificium cruentum*, à *doctoribus antiquis*: car il a esté fait avec sang & playes, visiblement, c'est mesme sacrifice. Et nostre Seigneur mesme, qui est au saint sacrement de l'autel: lequel est appelé *sacrificium incruentum*: il a autant de vertu & puissance que le propre sacrifice qui a esté fait en la croix. Pourtāt ce n'est point pain ne vin. Je n'offre pas à la Messe, à Dieu, l'espece du pain & du vin: mais j'offre Iesus Christ, sous les especes du pain & du vin. Et nostre

Seigneur Iesus Christ a autât de vertu & d'efficace à l'autel, comme en l'arbre de la croix. Et comme il s'est offert en l'arbre de la croix pour la remission des pechez, aussi il est offert à l'autel, à la sainte Messe, pour la remission des pechez, & pour toutel l'Eglise, & pour tous ceux qui ont deuotion à nostre seigneur Iesus Christ. On dit, *In missa, in passionis commemorationem*. Et pource mes amys, ne pensez comme les heretiques : car en despit d'eux, le saint Sacrement demeurera. Pensez vous qu'on puisse arracher ce que Dieu a planté ? nenny non : mais heresie sera arrachée, cōme dit nostre sauueur Iesuchrist : *Omnis plantatio quam non plantauit pater meus celestis, eradicabitur*. Mais la plâte de nostre Seigneur qui est l'instruction du saint sacrement durera iusques à ce qu'il vienne iuger les vifs & les morts. Et pourtant, nous disons que ce ne sont pas deux sacrifices, celui qui a esté offert en la croix, & celui qui est offert à la Messe, ce n'est qu'un. *Est idem sacrificiū, & eadem hostia, & idem Christus*. Mais il y a diuersité, en la maniere d'offrir, car il a esté offert visiblement en la croix : & à l'autel en la sainte Messe, il est offert inuisiblement, *sed est eadem res oblata, idem sacrificium : & differentia solum est in modo offerendi, quia quod offertur in Missa, dicitur sacrificium incruentum, quod verò oblatum est in cruce, dicitur sacrificium cruentum*. Il est dit *incruentum*, pource que nostre Seigneur ne meurt plus & on ne luy voyt pas respandre son sang visiblement, comme luy estant en l'arbre de la croix : mais c'est vn mesme sacrifice, & d'une mesme vertu. Et pourtant, nous qui sommes prestres, combien que nous en soyons indignes : quand nous venons à l'autel, nous deurions trembler. Saint Chrysostome l'appelle *tremenda mysteria* : car tous les Anges sont là faisans la reuerence à nostre Seigneur, Et moy prestre, ie suis plus distraict, ie le tiens en la main, ie n'en fais pas grand compte, ne le peuple aussi qui est à la Messe. Et les Anges tremblent faisants grande reuerence à nostre Seigneur. Considérez que nostre dignité sacerdotale est plus grande que celle des Anges. Le prestre, quand il est à l'autel, & qu'il dit la Messe, il tient le lieu de nostre seigneur Iesus Christ. Et quād il le

En despit des heretiques le Sacrement de l'autel demeurera.
Matth. 5.

Roma. 6.

S. Chrysost.

Le prestre estant à l'autel, il tient

Mardy apres le

la place de Je-
sus Christ, et
ceux qui font
communiez
doivent pré-
dre l'hostie,
comme de la
propre main
de Iesus
Christ.

baille à cōmunier, on le prend comme de la propre main de Iesus Christ, ce dit S. Chrysostome: & nō pas cōme de la main du prestre, ainsi le fault estimer: mais par nostre indeuotion nous en retournons souuentefois plus froids que quand nous y sommes venuz. Dieu n'a point donné nostre dignité à la vierge Marie. Je seray prestre & ie ne diray point la Messe, il est impossible que ie sois sans peché: il a aussi puissance d'absouldre & remettre les pechez, i'ay ce pouuoir: mais par faulte de subiects ie ne le puis pas faire: si le curé ne me donnoit la puissance: ie dis cela en passant. En tout temps vous allez à cōfesse: mais regardez bien à qui: la matiere de cōfession c'est le peché subiect. L'euesque, le curé ont puissance ordinaire d'absouldre, si i'ay puissance de l'eglise ie pourray bié absouldre: mais si ie n'ay la puissance & q̄ vous n'ayez point cōgé de vostre curé, & ie m'etremets de cōfesser, la cōfessiō ne seroit pas sacramentelle. I'ay bien la puissance de l'ordre & nō pas la puissance de iurisdiction. E pource quād quelque personne vient se confesser à moy, il luy fault premierement demander: auez vous congé d'y venir? Si vous dictes vous qui confessez, i'espere que le curé le ratifiera, cela ne se peult faire: car ce seroit suspendre le sacremēt en attendāt le plaisir de celuy qui a la puissance, & en ce pendāt seroit suspend. Et il n'est pas en ma puissance le suspendre: Et pour ceste cause il fault auoir la puissance du curé, & entendez que c'est en tout tēps, cela est de l'institutio de Dieu. *Absoluo te*, &c. c'est vne forme de iuge, auquel appartient il sinon au iuge d'absouldre & de cōdamner? En ce que vous entremettez d'ouir les confessions, vous monstrez que vous estes iuges, vous usurpez le iugement d'autrui: *Nullus autem potest sententiam in non suum subditum*, & *sententia à suo non iudicium suum ferre* ce lata non valet. Et pourtant il n'appartient point à vn prestre d'absouldre sans le congé de son curé: si ce n'est en cas de necessité, comme en l'article de la mort: car le prestre en premier lieu n'est pas institué pour confesser: mais pour dire la Messe, pour offrir dons & oblatiōs. Et si il est toute sa vie sans le faire, il abuse de sa dignité: il en y a qui ont des empeschemēs qui ne pourroient pas

*Nullus sen-
tentiam in
non suum fer-
re potest.*

dire la Messe. Si ie sçay tel empeschement en moy, pour-
 quoy me fais ie donc prestre? Souuentefois ie le fais pour
 auoir de bons benefices, car si ie n'estois prestre ie ne les
 pourrois pas tenir, c'est grand meschanceré: & puis que
 nous sommes prestres selon l'ordre de Melchisedech ta-
 chōs à nous cōformer à Iesus Christ, car c'est nostre for-
 me. Si vous vivez ainsi, on ne vous desprisera pas cōme
 lon faict. Or voila les quatre choses q̄ ont esté predictes
 de nostre Seigneur Iesus Christ, Dieu eternal & hōme. Il
 a prins chair humaine de la vierge Marie, il est Roy des
 Rois, il domine par tout le monde, il est grād prestre se-
 lon l'ordre de Melchisedech. Ces quatre choses ont esté *Quatre sa-*
 predictes és escriptures par les Prophetes. Encores ces *cremens les-*
 quatre choses nous signifient & representent quatre mi- *quels tout le*
 steres, quatre sacremens lesquels tout le monde est tenu *mōde est te-*
 de sçauoir & croire Le premier sacremēt qu'il faut croi- *re, c'est la sainte & glorieuse incarnation de nostre sau-*
 re, c'est la sainte & glorieuse incarnation de nostre sau- *croire.*
 ueur Iesus Christ qui est nay de la vierge Marie, qu'il est
 fils de Dieu conceu par l'operation du saint Esprit. Le
 second sacrement, c'est la mort & passion de nostre sau-
 ueur. Vous deuez croire pour vous & pour voz pechez,
 qu'il n'y a point eu d'autre cause sinō que pour vous de-
 liurer de captiuité & seruitude de peché. La sentence
 d'aucuns docteurs est assez apparēte, combien q̄ l'hom-
 me n'eust point offensé, ie croy pourtant que nostre sei-
 gneur eust esté faict hōme. Mais vous direz. *Qui propter*
nos homines, & propter nostram salutem descendit de calis. Il
 est vray qu'il a prins chair pour nous deliurer de misere:
 ie dis qu'il eust bien esté hōme, non pas mortel, passible
 mais comme il est maintenāt en son humanité glorieu-
 se. Les passages qui diēt qu'il ne fault point de medecin *Si Adam*
 ou il n'ya point de maladie: *Non est opus bene habentibus, n'eust offen-*
medicus. Si l'hōme n'eust esté blessé, il n'eust point fallu sé, *Iesucrist*
 que le medecin fust venu: Il est vray que ou il n'y eust *ne fust venu*
 point eu de maladie, il n'y eust point eu de medecin. S'il *en ce monde*
 n'y eust point eu de captiuité, il n'eust esté besoing de li- *comme redē-*
 berateur. S'il n'y eust point eu de peché il n'y eust point *pteur, mais*
 eu de redēpteur. Et pource, il ne fust pas venu comme li- *comme glori-*
 berateur ou redēpteur: mais comme glorificateur, *pour ficateur,*

Mecredy apres le

plus eleuer nature humaine, & la rendre plus noble: *Non tanquam medicus qui sanaret, venisset Christus: sed tanquam glorificator.* Il fust venu en sa maiesté glorieuse pour plus exalter nature humaine: Mais il ne fust point mort, car il n'y eust point eu de cause de mourir, à raison qu'il n'y eust point eu de peché. Le troisieme sacremēt qu'il fault croire, c'est la resurrectiō de nostre seigneur. Le quatriesme, c'est son ascention au ciel: Lesquels quatre sacremens vn chacun est tenu de les sçauoir, & de les croire incōtinant qu'il est venu en vsage de raison. Si vous les faićtes Dieu vous donnera sa grace en ce monde, & sa gloire en l'autre. *Quò nos perducatur qui sine fine viuunt & regnat. Amē.*

Pour le mecredy apres le premier Dimenche.

Rom. 15.

Quecūque scripta sunt, ad nostram doctrinā scripta sunt. L'estude & tout le soing d'un Chrestien doit estre d'apprendre & bien sçauoir & par euvre demonstrer qu'il sçait Iesus Christ. Il n'y a point d'autre sçauoir qui puisse profiter q̄ de biē sçauoir Iesus Christ. Et il fault entendre q̄ sçauoir Iesus Christ, gist & cōsiste plus en affection, en volonté & euvre que en l'entendement & cognoissance. Celuy qui aime bien Dieu, & nostre Seigneur Iesus Christ, c'est celuy qui en verité sçait biē Dieu & le cognoist. Il nous fault donc estudier pour apprédre Iesus Christ. Celuy qui sçait bien Iesus Christ, il sçait tout: *Qui bene scit Christum, scit scit si cetera nescit.* L'escripture nous mōstre & nous appréd Iesus Christ. Nous disōs pour nostre theme: *Quecūque scripta sunt, &c.* Tout ce qui est escript, c'est pour nostre doctrine, & pour apprédre nostre Seigneur Iesus Christ, afin qu'en luy nous

Sçauoir Iesus christ gist plus en l'affection, volonté, & euvre qu'en l'entendement.

Rien n'eust ayōs consolatiō & esperance. La vie de l'hōme au cōmēce nuy sans cément estoit tranquille & pacifique: l'hōme a esté créee à Adam de Dieu, & s'il eust perseueré en l'obedience de Dieu, riē ny dedās ny ne luy eust nuy dedans ny dehors: il eust vescu, & sa poeuhors s'il ne sterité, en grande paix & trāquilité & liberté, sans crain-eust offensé. &c. L'homme a perdu la similitude de Dieu, c'est la pre-

miere rectitude, en laquelle Dieu l'auoit crée, qui consistoit en la subiection de l'homme eternellement sous Dieu. Cest homme est tombé en telle necessité & misere que quelque ayde qu'il ait, à grande peine s'en peult il rauoir : comme vn homme qui a esté bien malade d'une fiebure, il y aura vn an qu'il en est dehors, toutesfois il en est tant debile & dit qu'il ne se peult rauoir, ainsi est il de l'homme. Il estoit bien au commencement quād il a gardé la rectitude en laquelle il auoit esté crée. Apres qu'il a perdu la subiection sous Dieu, & qu'il ne luy a point voulu obeir, ce pauvre homme est tombé en extreme maladie, infirmité & misere, & il a esté si bien touché de mal de maladie, qu'avec toute l'ayde qu'il a à grande peine se peult il retirer. Et pourtant l'infirmité en laquelle l'homme est tombé, c'est quād il n'a pas obey à Dieu. Premièrement ceste infirmité, c'est l'offence de l'homme contre Dieu, de laquelle il l'a guarý: & en est guarý quād il veut. Les autres infirmités & peines que nous auons, comme la rebellion de la chair contre l'Esprit, captiuité d'Esprit, ignorance, obliuion, incōstance, instabilité de l'homme, les miseres tant dedans que dehors que nous experimenterons, ce sont infirmités que nous auons encouruës par le peché: l'une c'est la peine exterieure. L'homme est plus tombé de telle sorte en infirmité qu'il craint le danger auāt qu'il soit venu de la seule apprehension. Plusieurs seger premier troublēt qui en perdēt les sens & entēdemēt: d'ou viēt ce- qu'il soit ve la: c'est le mal de peine que l'homme a encouru en perdant nu par la seu la rectitude en laquelle Dieu l'auoit crée. Auioird'huy l'en- le apprehen- tēdemēt de l'homme est tenu captif en sorte que si ie veux sion. pēser à Dieu ie ne puis, ou à ce qui cōcerne mō salut. I'ay quelque phātasie indifferēte, ie m'en veux oster, ie ne scaurois, mais maugré moy il fault q'ie l'endure. N'est ce pas vne grāde captiuité en laquelle est nostre Esprit? ouy certes. Ie voudrois bien aucunesfois me souuenir de quelque chose, & ie ne puis. On sera en quelque danger alors: si on auoit memoire du remede ce seroit assez pour euitier le danger, & on ne peult, d'ou vient ceste captiuité? c'est pource que l'homme a perdu la premiere rectitude & innocence, en laquelle Dieu l'auoit crée, aussi

L'homme

craint le dā

ger premier

qu'il soit ve

nu par la seu

le apprehen-

sion.

Mardy apres le

la chair conuoite de resister à l'Esprit. L'esprit veult quelque bõne chose, & la chair luy repugne. L'esprit aucunesfois est tenu captif, & maugré luy il est detenu sous la loy de peché: comme le corps d'un prisonnier est tenu qu'il ne peult sortir: Ainsi est il de l'Esprit de l'homme, qui souuent faiçt vn mal qu'il ne veult pas, & le bié qu'il veut faire il ne le faiçt pas, comme dit. S. Paul:

Souuent l'homme veult faire vn bien qu'il ne fait pas.

Non enim quod volo bonum hoc facio, sed quod nolo malum hoc ago. Si l'homme fust demouré sous Dieu, son entendement n'eust point esté captif, ne la chair n'eust point esté troublée, & sans traual il eust tout faiçt sans crainte d'aucun dommage. Et quand il a laissé Dieu, & par la persuation du serpent il a esté malade, il ne s'est peu guarir ne rauoir. Mais ne pourrõs nous pas estre guaris? Sachons bien Iesus Christ & nous endurerons tout patiemment. Autrement nous ne viurons point vn iour, vne heure, ne vn moment sans nous desesperer. Estudiõs bien Iesus Christ, afin que par la cognoissance que nous auons de luy, nous portions patiemment nostre infirmité, & que parfaicement nous soyons guaris. Le premier mal auquel l'homme est tombé, c'est la separation d'avec Dieu & son inimitié qui est le pire. Quelque mal que nous ayons faiçt contre Dieu, quand nous sommes prins, nous cuydons que la peine soit plus griesue, que nostre mal n'est grand. Voyla vn homme qu'on veult pédre, brusler il est impatient & pense que ce mal là est plus grãd que son peché, par lequel il a encouru la separation d'avec Dieu & l'inimitié de Dieu. Ce mal est pire, & plus grand que toutes les peines du monde & d'enfer. Il y auoit quelque bonne sainte femme qui auoit esté autrefois de mauuais gouuernemēt: le tyran voyoit qu'elle vouloit estre Chrestienne, il la menassoit de luy presenter les meschans & les maquereaux desquels elle auoit abusé: elle dist ie n'ay point de hôte ne cõfusion de mes pechez, menez moy au feu aux tourmēs: ie n'ay point de honte. Comme vn larron, vn malfaiçteur on le menera pendre, c'est vne honte: mais s'il sçait bien son mal, sa faulte, il n'a point de honte: car il n'apprehende que la confusiõ de son peché, pour lequel il a encouru la misere

La separatiõ de Dieu, & son inimitié est la plus grande peine du mōde & d'enfer.

& le tourment, à lors qu'il sent sa faute, la peine ne luy
 couste rien à porter : & prendre confusion en soy mesme
 de sa faute, sert plus que la faute exterieure, & pourtant
 ceste femme disoit au tyran. Mes pechez me rendent as-
 sez confuse, non pas les tourments. Nostre sauueur nous
 guarist de la premiere infirmité, c'est de l'offense, il nous
 reconcilie avec Dieu. Quand Adam eut offensé, Dieu luy
 pardōna: comme dit l'escriture. *Eduxit Dominus Adam* *Dieu pardō-*
à delicto. c'est à dire, qu'il luy pardonna & le restitua en *nāt la coulpe*
 grace, mais il ne nous guarit pas de l'autre maladie. Cō- *il ne pardōne*
 me vn homme aura vne fieure & vne colique : vne des *tousiours en-*
 deux maladies luy sera ostée, mais l'autre demourera: *semble la pei-*
 aussi Dieu a remis l'homme en amitié, mais il ne luy a *ne, mais il*
 pas remis la peine & misere. Notez en passant que Dieu *fault satisfai-*
 veut qu'on satisface des pechez apres l'offense, & ce n'est *re en ce mōde*
 pas assez d'aller à confesse. I'ay la grace de Dieu, mais il *icy ou en l'autre*
 fault satisfaire pour la coulpe, c'est à dire, ie porteray la *tre : & oster*
 peine deüe à mes pechez en ce monde icy: & en l'autre il *satisfaction*
 fault satisfaire pour la coulpe : *Pro p̃na debita culpa.* Ces *pour la peine*
 pauvres heretiques qui n'entendent rien, qui seulement *c'est oster le*
 se fondent sur la mort de nostre Seigneur, disent que la *purgatoires*
 coulpe n'est point remise, que quant & quāt la peine ne
 se remette: en telle maniere qu'ils ne veulent point affer-
 mer purgatoire ou les pechez sont purgez: mais oster sa-
 tisfaction, c'est oster purgatoire lequel, selon la traditiō
 de nostre Seigñr, de l'Eglise, & des Apostres, il fault croi-
 re, quicōque soit qui die le contraire. C'est le fondement
 cōtraire à la verité, que la peine est remise quād & la coul-
 pe. Il appert que non: car Adam n'a pas eu remissiō de la
 peine quād Dieu luy a pardōné la coulpe, Dieu l'a laissé
 depuis en ce mōde neuf cens trente ans pour satisfaction
 de son peché. Voyla donc cōment le peché est pardonné
 & la peine demeure, & c'est bien signe que Dieu ne par-
 donne pas tousiours la peine quand & la coulpe, il reste
 donc qu'il fault satisfaire, en l'appuyant sur le merite de
 nostre Seigneur, en ce mōde icy ou en l'autre : & douter
 de cela cōme dit S. Augustin, *Insolētissima insania.* c'est se
 monstrier estre hors du sens. Toute l'Eglise en la sainte
 Messe faict memoire des trespassez, Iesus Christ n'est pas

Mecredy apres le

offert en la Messe pour ceux qui sont en paradis , car ils
 n'en ont point de besoing , ny pour ceux qui sont en en-
 fer, car ils ne sont pas en lieu qu'on leur puisse aider, & la
 passion de nostre Seigneur prouffite aux trespassez. *Ergo*
 seulement pour ceux qui sont en purgatoire pour lesquels
 prie le prestre en la sainte Messe, en offrant Iesus Chri-
 sous les especes de pain & de vin . Dieu a donc deliuré
 Adam du premier mal de coulpe, lequel consiste en la se-
 paration de Dieu. Il luy a pardonné, mais il luy a dit, vous
 en porterez la penitence. De l'autre mal nous n'en som-
 mes pas deliurez, comme dit S. Paul, *Vanitati enim creatu-
 ra subiecta est non volens, sed propter eum qui subiecit eam in
 spe, quia & ipsa creatura liberabitur à seruitute corruptionis in
 libertatem glorie filiorum Dei.* C'est à dire, que la creature
 l'homme est subiect à vanité. Il est appelé creature pour
 ce qu'il communique avec toutes creatures, il est subiect
 à miseres & à la mort, & à beaucoup de necessitez , c'est
 contre son vouloir . Je ne voudrois point estre subiect
 à mal ny à apprehension de crainte qui me perturbe,
 toutesfois i'y suis subiect, mais c'est contre mon vouloir
 & ma volonté, ie m'y suis rendu subiect, & Dieu qui m'a
 constitué à porter ces miseres pour ma faute: & dea n'en
 feray-je point deliuré? Sainct Paul dit , il y a espoir que
 nous en serons deliurez , & l'homme qui a perdu la pre-
 miere rectitude sera deliuré: & quand en la future resur-
 rection au iour du iugement , car alors toute creature se-
 ra retournée, & l'homme iuste sera deliuré de mal, & mis
 hors de toute misere mōsieur sainct Paul dit cela. *Creatu-
 ra liberabitur à seruitute corruptionis.* L'homme qui est ja
 deliuré de peché par le baptesme qui est appelé renoua-
 tion (car quant à l'esprit l'homme est renouvelé) quand
 il est venu au monde il ne sentoit seulement que la ge-
 neration de chair , & quand il est regeneré il a la grace
 de Dieu, l'obligation eternelle est rompue , & le breuet
 de peine eternelle est rompu , afin qu'il puisse inuoker
 Dieu sous le tiltre de pere , *Pater noster.* Sainct Paul ap-
 pele le Baptesme vne regeneration , car Dieu infonde le
 saint Esprit au baptesme, & la coulpe est ostée par ceste
 regeneration , aussi la peine , & ce lauouer icy de baptes-

L'homme est
 subiect à va-
 nité & mise-
 remais c'est
 cōtre son von-
 loir.

me, il a vertu & efficace, non pas de soy, mais du sang de nostre Seigneur Iesus Christ, que quiconque est baptizé & qu'il ayt faict tous les maux du monde, à la verité, il est absous de peine & de coulpe. La premiere grace de Dieu faicte à l'homme au baptesme est si grande, qu'elle absout de peine & de coulpe. Voyla vn Turc, s'il se conuertissoit sans autre penitence que d'estre baptizé, & qu'il mourust en cest estat là, il s'en va tout droit en Paradis, sans aller en purgatoire, & tout mal (par l'efficace de la passion de nostre Seigneur) est osté & effacé à celuy qui est baptizé, s'il n'y met empeschemēt, cōme s'il auoit intention de retourner. C'est la premiere ablution qui est dicte renouation & regeneration, car on est regeneré par le sainct Sacrement de baptesme. Depuis que nous sommes baptizez, & que nous retournons à peché, nous ne sçaurions retourner aux fons de baptesme, car il ne se repete point, & aucūs disent quād on est adult, qu'on vient à vsage de raison, qu'il fault demander si on veut tenir ce qu'on a promis au baptesme, mais cela est erreur. Monsieur saint Augustin dit, que ce n'est pas nouuelle coutume de baptizer les petits enfans. *Hoc enim est ex antiquissima Ecclesie cōsuetudine.* Et quād ils sont adults: qu'ils sont grands, sont tenuz de garder ce qu'ils ont promis au baptesme: Autrement, si on demandoit s'ils veulent garder leur promesse, combien y en auroit il d'heretiques? L'Eglise ne contrainct point les infideles, mais biē les Chrestiens, à garder la foy. Vn heretique est contrainct, on le brulle, car il a promis. Me contraindrez vous de vous bailler de l'argent, s'il ny a obligation entre vous & moy? nenny, monsieur saint Paul dit: *Testificor omni homini circumcidanti se, quoniam debitor est vniuersa legis faciēda.* Celuy qui estoit circoncis, deuoit garder toute la loy: aussi celuy qui est adult, est tenu de garder la loy de Iesus Christ, puis qu'il a promis au sacremēt de baptesme. D'auātage, nostre seigneur auoit institué la circōcision pour les petits enfans, & auoit ordonné que l'enfant qui ne seroit circoncis, seroit damné. *Anima cuius caro praputij circumcisa non fuerit, peribit de populo meo,* & falloit qu'il fust circōcis l'huiētiesme iour: il n'y a poit

Par le baptesme on est absout & nettoyé de coulpe & de peine.

S. August. Ce n'est de nouuelle coutume qu'on baptise les petits enfans.

Galat. 5.

Gen. 17.

Meccredy apres le

d'autre moyen pour l'enfant, pour estre sauué, que d'estre baptizé. Celuy qui est adult, a vn autre moyen que les petits enfans, si il estoit preuenü de mort, ayant volonte d'estre baptizé, il seroit sauué cōme dit S. Augustin: Et aussi, c'est la tradition de l'Eglise: si le baptisme ne prouffitoit aux petis enfans, il s'ensuyuroit que le peché d'Adam seroit plus d'efficace que la grace de Dieu, nostre Seigneur: car il n'y en a point, qui ne se sentent du mal d'Adam, & si la grace de Iesus Christ n'estoit point appliquée aux petis enfans, il s'ensuyuroit que la faute d'Adam seroit plus grande, & auroit plus d'efficace que la grace de Dieu. Il fault donc bailler aux enfans le sacrement de baptisme qui leur prouffite, car ils sont absouls de peine & de coulpe. Le baptisme ne se repete point, il ne se baille qu'une fois: parquoy la raison des Theologiens, c'est: *Quia omnia sacramenta que imprimunt charactere, non reiterantur.* Autremēt ie dis que le baptisme est vne remēbrance de la mort de Iesus Christ. Et celuy qui est baptizé est configuré à la mort de nostre Seigneur. S. Paul dit: *Cōsepulti enim sumus cum illo, per baptismum in mortem.* On préd toute la figure de Iesus Christ, mort & crucifié. *Mors illi non dominabitur vltiā* Et quand l'homme qui est vne fois mort par le baptisme, si il estoit rebaptizé, ce seroit vn tesmoignage que Iesus Christ seroit mort encores vne fois. Et ce sont les Anabaptistes auiourd'huy qui tiennent cela, qui tiendroient cela c'est erreur. Dieu les veille bien conuertir. Voyla la premiere grace qui est donnée au baptisme: *Est prima stola de qua dicitur, date ei stolam primam.* Ceste grace est bien abondante. Pource saint Paul dit, *Quem effudit in nos abunde per Iesum Christum saluatorem nostrum.* Dieu n'en est point chiche. Il la dōne abondamment apres le mēt, car au baptisme on est absouls de peine & de coulpe. Et quand l'homme retourne à son peché quand il est adult, quel remede? Il est impossible de plus retourner au baptisme, car il ne se repete point. Dieu qui est bon, ne demande sinon faire misericorde aux pecheurs. Il luy a donné vn autre moyen, c'est à sçauoir. *Sacramentum penitentia.* Lequel sacrement se repete tous les iours, à toute heure, ce pendant qu'on est en vie: & pouruë qu'on

Tous les sacremens qui imprimēt le caractere en l'ame ne se repentent.
Rom. 6.

Luc. 15.

Tit. 3.

Quand on est tombé en peché apres le baptisme, il y a le sacrement de penitence.

demãde à Dieu pardon de bon cueur contrit, il pardõnera & rentrera en grace. Quand à ce que Dieu ne demãde que à faire grace à l'homme & misericorde: le diray l'histoire du prophete Ionas, lequel sçachât que Dieu estoit misericordieux, dist en soy mesme: Dieu m'enuoye dire aux Niniuites que dedans xl. iours s'ils ne font penitẽce, qu'ils periront, & s'ils se repentẽt, Dieu leur pardõnera, & seray estimẽ mẽteur & faux prophete. Ionas cognoissoit que Dieu estoit grand en misericorde, & pource, il delibera de ne faire point ce que Dieu luy auoit cõmandé: il s'en fuit en vne Isle de Thrace, afin qu'il n'allast point prescher les Niniuites: & luy estant en la nauire sur la mer, la tẽpeste se vint à leuer. Les docteurs disent, que la tempeste n'estoit seulement qu'en la nauire ou estoit Ionas, & en icelle estoient gens de diuers païs, cõme Iuifs, Turcs, infideles: & chacun inuquoit son Dieu en aide: & Ionas stertebat, & dormoit fort pour la tristessẽ qu'il auoit, & les autres luy dirent en l'esueillant: Sus, sus, & cõment dormez vous à ceste heure icy que nous sommes en si grãd tempeste? Ionas entendit bien que la tempeste estoit venue pour l'amour de luy, mais les autres n'en sçauoyent rien: ils disoyent, & d'ou vient cecy? Ils iecterent le sort, & le sort tomba sur Ionas. Alors il leur dit: *Proici-* *te me in mare, propter me enim orta est tempestas.* Ionas confesse que c'estoit pour luy, & de son vouloir & commandement ils le iecterent en la mer, & la balaine le receut & l'engloutit, & le troisiẽme iour apres que la balaine l'eut reiectẽ, Dieu luy dist: retourne en Ninieue, & attens là quarãte iours, s'ils se cõuertiront & feront penitence. Or à la predication de Ionas ils ont faict penitẽce, & Ionas voyant qu'ils ont faict penitẽce, & que leur citẽ n'a pas estẽ subuertie, il fut fort corroucẽ disant à Dieu: ne sçauois ie pas biẽ qu'il en seroit ainssi? N'est-ce pas ce que ie vous auois dit? voyla qui me gardoit d'y aller: Ie sçay bien q vous estes le Dieu clemẽt & misericordieux, vous estes patient & plein de misericorde. Ionas est sorty de la citẽ, au costẽ d'Oriẽt, & a faict vne petite caze. *Fecit vmbraculũ.* Nostre Seignr Dieu a fait croistre vne courge en vne nuiet, laquelle a montẽ & a faict vmbrage sur

*L'histoire du
prophete Ionas
enuoyẽ
aux Niniuites.*

Mecredy apres le

le prophete Ionas, elle estoit verde & faisoit vmbre sur luy, afin qu'il ne fust brulé du Soleil. Dieu luy fist cela. car il auoit labouré. Ionas fut bien ioyeux à cause de la courge que Dieu luy auoit comparée, mais il vint vn ver qui toucha & courut sur la courge, & l'a piquée, & incōtināt elle s'est sechée. Puis il vint vn grād Soleil biē chault sur la teste de Ionas, lequel en estoit fort fasché: Ionas estoit marry d'auoir la courge si tost sechée, & il disoit, i'aymerois mieux estre mort que de viure en telle peine. Dieu luy dist: Et dea Ionas, tu es fasché & ennuyé à cause que la courge est si tost sechée, elle est creüe sans ton labeur, & puis elle est sechée, & tu en es marry: ne dois tu pas estre plus marry de la perdition de ce peuple, de plus de cent vingt mille hōmes? Ne leur feray-ie pas grace & misericorde? veux tu que ie les destruisse? Et ainſi, Dieu a mōstré à Ionas son affection, qui est faire misericorde à son peuple. Dieu monstre qu'il ne veut point perdre ne destruire l'homme, mais luy faire grace & misericorde, & qu'il se conuertisse. Et afin que l'homme se cōuertisse, Dieu luy enuoye tribulation & aduerſité, & quād il a les yeux ouuers, & qu'il cognoist sa faulte, Dieu retire son cousteau, *Vexatio enim dat intellectum*. Toute l'intētion de Dieu, n'est que pour dōner grace & misericorde à l'homme: & pource, apres le baptisme, il dōne le sacrement de penitence qui se peut exhiber toutesfois & quantes que l'on veut. Et Dieu est si bon, qu'il n'a point lié l'hōme au sacremēt de penitence, car ſ'il n'a l'opportunité de se cōfesser & qu'il soit en danger & peril de mort, la seule volonté ſuffiroit biē en cas de neceſſité pour estre sauué. Je ſuis en peril de mort, i'ay bon vouloir de faire penitence, & ie meurs en ceste volonté, certainemēt ie ſeray sauué. Et comme Dieu est bon, auſſi est il iuſte: Quād il voit qu'une perſonne abuse de ſa patiēce, & lōganimité, Dieu le puniſt en telle maniere qu'à la mort il oublie Dieu & ſoymeſme. Donc ne cōtemnōs point la grace & misericorde de Dieu, le sacremēt de penitence eſt efficace de remettre la coulpe, & non pas touſiours la peine. Quand vous dictes que les pechez ſont remis & pardōnez par le sacremēt de penitence, il eſt vray mais la peine demeure.

*Si l'homme
estoit preue-
nu de mort,
par la seule
contrition &
volōté de ſoy
confesser son
peché luy eſt
pardonné.*

Faiſtes aumofnes & oraiſons ce pendant que vous eſtes viuâs : car ſi vous ne portez en ce mōde icy la peine deuë à voz pechez, il la faudra porter en purgatoire. Mais c'eſt grād choſe qu'une peine eternelle eſt commuée en peine tēporelle, comme vn hōme qui a eſté cōdamné à mort, & on luy donne la vie. Auſſi, auant qu'eſtre à confeſſe, c'eſt la mort quād on eſt en peché: mais par le ſacremēt, la vie eſt rendue, il fault porter la peine eternelle, & vous portez ſeulement vne peine temporelle. Quand i'ay eſté à confeſſe, ie ſuis deliuré de la ſeruitude du diable, & de peché, mais ceſte liberté n'eſt pas encores glorieuſe ny aſſeurée : car gloire preſuppoſe aſſurance. Si en paradis on pouuoit tomber ce ne ſeroit pas gloire: car celuy qui eſt en gloire, il eſt ſans crainte & danger. Nous ſommes bien en ce monde en liberté : mais ceſte liberté n'eſt pas glorieuſe, car nous ſommes touſiours en crainte & danger de tomber : mais elle ſera aſſeurée, quand la reſurrection glorieuſe ſe fera. *Ad quam nos perducatur, qui ſine fine uiuit & regnat, Amen.*

Après que le penitent eſt à confeſſe il eſt deliuré de la ſeruitude de peché & du diable.

Pour le Ieudy apres le premier Dimenche.

Nous diſions hier, que l'homme apres qu'il a perdu par ſon orgueil la premiere rectitude & innocence, en laquelle Dieu l'auoit formé, il eſt tombé griefue-
ment malade de deux maladies bien mauuaiſes. Le premier mal qu'il a encouru, c'eſt l'inimitié & mauuaiſe grace de Dieu, qui eſt le plus grand mal, comme le plus grand bien de l'homme, c'eſt d'eſtre vny avec Dieu, de la conionction de l'eſprit avec Dieu. Auſſi le plus grād mal de l'hōme: c'eſt d'eſtre ſeparé de Dieu, ce qui eſt à craindre. Vn bon Chreſtien, n'eſtime point auoir de mal quād il n'eſt point ſeparé de Dieu. Car qu'il ſoit en tribulation, pourueu qu'il ne ſoit point ſeparé de Dieu, & qu'il ait la bonne grace de Dieu, il eſt ou il demande eſtre. Le mal eſt mauuais, d'eſtre ſeparé de Dieu, car il procede de peché contre le vouloir de Dieu, & contre ſon com-
mandement.

Le premier mal qu'a encouru Adā, c'eſt l'inimitié de Dieu.

Ieudy apres le

dement. C'est merueilles, le plus grand bien de Dieu qui soit en nous, il est tousiours en nostre pouuoir, c'est d'estre vniz avecques Dieu, & la separation d'avecques luy, est de nostre volonté, nō pas de la sienne: car iamais Dieu ne nous laisse, si premierement nous ne l'abandonnons, & laissons. Donc, il en est assez marry & fasché: car il dit: *Delicie mea sunt cum filius hominum.* Mais nous n'en faisons point pire chere, il nous fasche assez d'estre separez du monde. Ce qui le demonstre, c'est que le cueur est du tout fiché au monde, & consequemment aliené de Dieu.

Mat. 6.

Quia nemo potest duobus dominis seruire. Retenez donc, que le plus grand bien de l'hōme, c'est de l'union & adhesion avec l'esprit de Dieu: & le plus grand mal, c'est d'estre separé de Dieu. Vn bō chrestien qui veult auoir Dieu pour son scope, pour sa fin, il ne craint point d'auoir pauureté, indigence, il cognoist bien que c'est de tribulatiō, il n'estime point autre pauureté & indigence, sinon la separation d'avec Dieu. Et quand il tombe en cela, il s'estime pauvre. Voyla ce que nous enseigne la loy de nostre Seigneur. Pleust à Dieu que nous l'entendissions bien, nous ne ferions pas tāt de mal. C'est le premier mal & maladie en laquelle l'homme est tombé, d'estre debouté de Dieu par sa faulte. De ce mal premierement nous en sommes deliurez par le sacremēt de baptisme, auquel Dieu dōne sa grace abondamment, & deliure l'homme de peine, & de coulpe, de sorte qu'il ne faut point faire de satisfactiō de ses pechez auāt le baptisme: car la satisfactiō qu'a fait nostre Seigneur en l'arbre de la croix, vault pour l'hōme, cōme si luy mesme eust enduré. Si l'homme retourne à son peché apres qu'il est baptizé, pource qu'il ne peut pas

Dieu a or- retourner au baptisme. Dieu a ordonné le sacrement de
donné le sa- penitence, lequel consiste en trois choses. Premieremēt il
crement de y a cōtritiō, douleur de son peché pour l'amour de Dieu.
penitence, le- Secondement, confession de bouche de ses pechez deuāt
quel consiste le prestre. Tiercement satisfactiō de la peine deuē pour
en trois cho- ses pechez. Ce sacrement de penitence est aussi ordonné
ses, de Dieu à raison que ce pēdant que l'homme est viateur,
iamais ne vient tard, s'il y vient auant la mort, & qu'il of
fre à Dieu son cueur contrit & humilié, en tout temps &

en tous lieux il peut receuoir le sacrement. Encores dieu n'a point tant lié sa grace à ce sacrement, que par la seule volonté de le receuoir, il vault pour la remission de ses pechez. Il ne fault point s'excuser de n'auoir point l'opportunité: car la seule volonté de se cōfesser quād on est preuenue de mort, vault à la remission des pechez, & pour auoir grace, & miséricorde. S. Hierome appelle le sacrement de penitence, *secundam tabulā post naufragiū*, Cōme à vne nauire il y a vn petit bateau par lequel on se sauue s'il aduiēt que la nauire se corrōpe ou perisse. Aussi apres le baptesme, quand on a offensé, on se releue & se sauue lon par le sacrement de penitence. Il y a vn autre mal, auquel nous sommes tombez, c'est la misere & necessité & calamité de nostre corps, ceste peine est si grande, qu'à grāde peine s'en peut on rauoir. Nous sentons tousiours les reliques de peché de nostre premier pere Adā. L'ame est bien renouelée: mais le corps n'est point encores reformé, l'ame est enuieillie par peché: mais elle est renouelée de iour en iour par penitence, comme dit S. Paul: *Licet is qui foris est, noster homo corrompatur, tamen is qui intus est, renouatur de die in diem*. Ceste renouation de l'ame, est appelée la premiere resurrection: cōme la premiere mort c'est la separation d'auec Dieu, & la premiere resurrection, c'est penitēce & auoir douleur de son peché. De ceste resurrection il est dit: *Beatus & sanctus qui partem habet in resurrectione prima in his secunda mors nō habet potestatem, id est efficaciam*. C'est ce que dit S. Iehan: *Amē dico vobis, quia hora venit & nunc est quando mortui audient vocem filij Dei, & qui audierint viuunt*. S. Augustin dit, que l'heure des morts n'est pas encores venue qu'ils doiuent resusciter: mais il s'entēddes morts. i. des pecheurs. Ceux qui obeissent à la parolle de Dieu, ils viuēt par la grace de Dieu, leurs ames par penitence sont reuiuifiées & reunies à Iesus Christ. Ceste reunion, c'est leur vie. Cōme l'ame donne vie au corps, aussi la vie de l'ame, c'est Iesus Christ, sa grace, & quand on retourne à Dieu par penitēce, on recouure la vie de l'ame. Ceste recognoissance est faicte par l'obeissance qu'on porte à la parolle de Dieu: *Hora est quādo mortui, scilicet peccatores, audiēt vocē filij dei. i.*

L'ame vieil
list par pe-
ché: mais elle
se renouelle
par penitēce.
2. Corin. 4.

Apoc. 20.

Ioan. 5.

Ieudy apres le

Philip. 3.

qui obedierint, uiuent. Faiçtes dōc penitēce: Si vous n'auiez pas le tēps & q̄ vous soyiez preuenue de la mort, proposez de vous cōfesser, & vous serez en bon estat. Il y a l'autre resurrección, c'est la resurrección de nostre corps, & reformatiō qui n'est encore faiçte: mais cōme dit S. Paul. *Vnde*

- *saluatorem expectamus dominū nostrū Iesum Christū, qui reformabit corp⁹ humilitatis nostre cōfiguratū corpori claritatis sue.*

Nous sommes tousiours aux escoutes à entendre quand nostre Seigneur viendra iuger & resusciter les morts, & qu'il reformera noz corps: lesquels maintenāt estās mortels, seront immortels. Ils sont à present graues: mais ils serōt subtils & agiles, la grauation, la mortalité, la corruption de nostre corps procede de peché: car il n'eust point esté mortel, passible, pesant, il n'eust point tenu l'ame captiue, comme il la tient, si Adam n'eust peché: desquelles choses nous ne serons point deliurez, iusques au iour du iugemēt q̄ nostre Seigneur viendra iuger le mōde. Et s'il n'y auoit esperāce en nostre Seigneur, qui est l'vniuersel reformateur q̄ reformera le corps, aussi bien q̄ l'ame: no⁹ ne pourriōs pas durer en ce mōde icy vn iour, vne heure, ny vn moment, veu que nous y auōs tant de maux. Mais y a il plus grāde incōstāce que ceste là que nous auons? Voyla, quand au matin ie me leue en meilleur propos & plus disposé, & à moins de tourner la main, cela est perdu, & ie dis en moy mesme, cōment? i'auois proposé de si bien faire, & ie voy q̄ c'est vne iournée ou i'ay le plus inutilemēt vescu, l'infirmité, l'instabilité descourage l'hōme alors. Il en y a qui disent: Que gaigneroys-je à faire telle chose, aussi bien quand ie l'auray cōmencée, ie ne la pourray pas acheuer: *Mater Dei!* cela deuroit seruir de matiere pour plus s'humilier, & si nous n'auons esperāce en Iesus Christ qui nous reformera, à grand peine dureriōs nous vn instāt, ny vn moment. Nous voyōs q̄ nous sommes en ce mōde en vne continuelle luitte & bataille: nostre ennemy ne no⁹ dōne point vn seul momēt de respit. Mais moins q̄ quād les ennemis sont deuāt vne ville à canonner iour & nuict. Et encores s'il no⁹ dōnoit vn respit pour reprēdre noz forces: mais continuellemēt il bataille cōtre nous, de nuict & de iour. N'aurōs nous point quel-

Nous sommes en ce mōde en continuelle luitte & bataille.

que chose qui nous face marcher? nostre Seigneur nous a donné beaucoup de remedes, sçauoir est son precieux corps au sacremēt de l'autel, les sacremēs de l'eglise & les prieres d'icelle, afin q̄ nous ne succōbiōs. Encores quelque aide q̄ nous ayōs, nous ne pouuōs tirer en auāt: mais maledictiō à ceux qui viuēt sans espoir. C'est pourquoy le mal des dānez est plus grief: car ils enduret sans esperāce. En purgatoire il y a beaucoup de mal, en sorte que toutes les peines du mōde ne sont point à cōparer: toutes fois les ames enduret en esperāce: car elles sont assurees d'en estre deliurées. Aussi en ce mōde, no^r endureōs beaucoup de mal: mais en esperance: nous tirōs en auāt, nous gemissons, no^r souspirons apres la p̄messe de nostre Seigneur: Mais il met lōg tēps à venir, direz vous: *Et interim patitur iustus*. Il est vray: mais cōsiderez chrestiens, q̄ le biē qui nous est p̄mis, il est sans cōparaison pl^r grād q̄ toute la peine de vostre vie q̄ sçauriez endurer. N'endurez vo^r pas en esperāce q̄ vostre ame & vostre corps serōt reformez? Encores Dieu faiēt cela pour nostre biē, afin q̄ nous n'aimiōs trop ce mōde, & q̄ no^r en vouliōs estre dehors. Il nous a renduz subiects à toutes les miseres q̄ no^r endurons, il n'y a seruiteur q̄ s'il endure & a biē de la peine en vne maison, qu'il ne voulust aller en vne autre maison. Nous seruōs en ce monde icy, à qui? à Dieu. Et on y a des maux infiniz, c'est afin que nous desirions d'en sortir, & que ne nous y aimions point. Car entre tout ce que Dieu veult q̄ nous ayons, c'est le cōtēnement de ce mōde, & le desir de paradis, que nous demātons, qui est la vie future biē heureuse. Nostre Seigneur a rēply la vie de ce mōde, de miseres & calamitez. S. Paul dit: *Vanitati creatura subiecta est nō volens*. L'hōme est subiect à toute misere, nō pas de son vouloir: mais pour l'amour de Dieu q̄ luy a dōné esperance d'en estre deliuré, & qui luy a p̄mis qu'il sera en la liberté des enfans de Dieu. Nostre Seigneur quād il semble qu'il nous punist il nous traite doucement: car la punition de dieu, c'est plus pour grace & misericorde, que pour peine. Il semble que Dieu fut bien rigoureux de chasser Adā, & le iecter hors de paradis terrestre: *O mater Dei!* Dieu luy feist grād grace de l'oster de là. La raisō,

*Dieu veult
que nous cō-
temnions ce
monde, &
que desiriōs
paradis.
Rom. 8.*

Ieudy apres le

elle est dite: *Ne forte sumat de ligno vite & viuat in eternū*, afin qu'il ne mangeast du fruit de vie, & viue eternellement. Cōment? n'est ce pas vne bonne chose que de viure eternellement? non pas en misere. Et qu'ainsi soit, Vous voyez qu'un hōme gouteux, ou nappier desire mourir: car tousiours viure en mal, c'est vne vie eternelle diabolique. Dieu voyant que l'hōme eust perpetué sa vie miserable, il a cōstitué fin & terme à la vie de l'hōme: en le mettāt hors de paradis terrestre, il luy a faict grace, afin q̄ la misere de l'hōme print fin. S. Ieā Chryf. appelle graces, misericordes, douceurs, les peines que nous endurōs: cōme quād le pere dōne vne buffe à son enfant, il la fault prēdre cōme vne grace. Aussi quād Dieu ne no^e enuoye point de tribulatiōs, d'aduersitez, il est à craindre qu'il ne no^e

S. Chryso.

Il fault prēdre les miseres pour vñ signe d'amour paternel que Dieu nous porte.

Hebr. 2.

ait delaissez: mais il fault prēdre les peines pour vn signe d'amour paternel q̄ Dieu no^e porte. Et si nous l'entēdiōs biē, nous ne murmureriōs pas, en disant: Pourquoi Dieu me faict il plustost mal qu'a cestuy-lā? qu'ay-ie faict à Dieu? O lourdaud, es tu marry si Dieu se mōstre à toy cōme pere? S. Paul dit: *Tāquā filius offert se Deus: quis enim filium quem non corripit pater? quod si extra disciplinā estis, cuius participes facti sunt omnes, ergo adulteri & non filij estis.* Dieu flagelle tout enfant qu'il reçoit, & si vous estes hors de discipline, dōc en rien vous n'appartenez à Dieu le createur: vous estes cōme enfans illegitimes & bastards. Dieu ne nous veut point perdre, Il nous a mis en subiectiō de miseres & calamitez, afin que nous n'aimions point ce mōde: mais que nous l'ayons en haine & en cōtre-cœur, & q̄ nous desirōs Dieu avec Dieu: O qu'il faict bō avec vo^s! Seignr. *Melior est dies vna in atrij tui super millia, quā mille anni in tabernaculis peccatorum.* Il faict meilleur en vn iour avec vous, q̄ mille iours en ce mōde icy. Et pource

Psal. 83.

celuy qui se vium. O qu'il faict bon là! car on n'a pas vn instant de ra le vouloir bien en ce monde, il n'y a que facherie & ennuy. Prenez de Dieu, ne donc plaisir en Dieu, celuy qui faict le vouloir de Dieu mourra eternellement. il ne mourra pas eternellement: mais la memoire de luy sera perpetuelle: *In memoria aterna erit iustus*. Tout l'Euangile ne tend à autre chose qu'a cōtemner le monde.

Je ne ſçay comment nous n'en voulons point partir : Et vous dites , mais on ne ſçait ou lon va , ie crains de n'aller pas en paradis. Amandez-vous, commencez dez ceste heure icy, faiçtes de bōnes eures, & la penitēce que vo^r ferez , vous aſſeurera de voſtre ſalut. Ainſi que les mauuiſes eures induiſent l'hōme à deſeſpoir, auſſi les bonnes eures l'aſſeurent de ſon ſalut. Dōc commencez deſmaintenāt à bien faire, & deſirez de ſortir de ce mōde, & d'eſtre avec Dieu: car biē heureux eſt celuy qui mange le pain avec luy, cōme il dit: *Beatus qui māducat panem meū.* Pſal. 41.

Dauid dit : *Fuerunt mihi lachryma mea panes die ac nocte.*

Donc, veu que nous ſommes ſubieçts à tāt de miſeres & pour les biē porter patiēment Dieu nous dōne eſpoir de mieux auoir. On dit cōmunēmēt : Tant de peine, & puis mourir. Mais il fault dire autrement: Si peu de mal, pour grād biē: car vous aurez la vie eternelle: vo^r ne mourrez pas car la mort n'eſt q̄ l'entrēe de la vie eternelle. Sainct Paul dit, q̄ ce n'eſt riē des tribulatiōs de ce mōde, au regard del'erernité heureuſe. *Id enim quod in praſenti eſt mo-*

mentaneum & leue tribulationis noſtra ſuper modum in ſublimitate aeternum glorie tribulationis pondus operatur in nobis.

Et en vn autre lieu ſainct Paul dit: *Non ſunt condigne paſſiones huius temporis ad futuram gloriam, que reuelabitur in-*

nobis. Toutes les miſeres de ce monde ne ſont rien, à cōparaiſon de la gloire de paradis. Et pourtāt, endurōs les patiēmēt pour l'amour de Dieu. Mes amis, no^r plaignōs vn liard aux pauvres: & quād il ſeroit queſtion que Dieu auroit commādē de couper ſon corps par morceaux &

par pieces, nous y ſeriōs tenus & ne nous deuroit nō plus couſter que de reſpādre vn ſeau d'eau: Et celuy qui n'eſt point fidele en peu de choſe, comment le ſera il en plus grād choſe. *Qui fidelis eſt in minimo, & in maiori fidelis eſt, & qui in modico iniquus eſt, & in maiori iniquus eſt.* On co-

gnoiſt les cueurs des gens à peu de choſe, de dire quand on vous demāde pour les pauvres: ma femme n'y eſt pas:

Ahl mater Dei, l'excuse ne vault rien. Si c'eſtoit auſſi bien la femme qui diſt, mō mary n'y eſt pas, ſon excuse ſeroit plus à ſupporter que celle du mary. On ne plainçt point à expoſer argent à mondanité & meſchanceté, & nous

Rom 8. 2 Cori

4 Car moſte

legit apſtic

qui ne fait

paſſer prodi

ty giouē by

vous eternē

de glorie m

uēilleuſem

excellent

Jeudy apres le

Matth. 25.

le plaignons à le donner à Iesus Christ, c'est à dire à la personne des pauures: *Nam quod vni ex minimis meis fecistis, mihi fecistis.* Iesus Christ ne nous a point plaint son

On plaint
vn bien don-
ne pour l'hō-
neur de Dieu
& non em-
ployé en mō-
danicé.

corps, ne son sang. Nous ferons doncques penitence, & ferons mieux si Dieu plaist. Sainct Paul dit, que la creature sera deliurée de captiuité & seruitude. pour estre en liberté glorieuse Notez Chrestiens tandis que nous viuōs en ce mōde, nous sommes en liberté, mais elle n'est pas glorieuse. c'est vne liberté d'estre hors de peché & estre en la grace de Dieu, laquelle nous a esté apportée par Iesus Christ. Ce n'est qu'une liberté de chair que preschēt les heretiques, car celuy qui a remissō & grace de Dieu, il demeure subiect pour obeir aux superieurs: mais l'amour de Dieu qui est infondé au cueur de l'hōme par le saint Esprit, le faict obeir & garder les cōmandemēs de Dieu, nō point par vne crainte d'estre puny, mais de volōté libre, & de frāc courage. Ceste liberté n'est pas glorieuse, car elle n'est pas cōfermée en nous, & saint Paul

I. Cor. 10.

dit: *Qui stat, videat ne cadat.* Celuy qui est en liberté, qui a grace, remission, qu'il se donne de garde, car il la peult perdre. L'homme est tousiours en crainte de perdre ceste grace encorcs ne sçauoit on dire qui est en la grace de Dieu: *Qui a nemo scit an odio vel amore dignus sit.* Toutes fois, si ie veux faire tout biē, & fuir tout mal, c'est vn tesmoignage & coniecture probable que ie suis en la grace de Dieu: mais ceste grace & liberté, n'est point sans crainte, comme dit saint Paul: *Nihil mihi conscius sum sed non in hoc iustificatus sum.* Je ne me sens coupable de rien, mais pourtant ie ne me veux pas iustifier. Et à laverité il y en a qui sont les plus traistres, & les pires du monde, combien qu'ils n'ont aucun remors de conscience qui soit, pour cela ils ne sont pas iustifiez, car ils sont liurez en sens reprouué, en telle maniere qu'ils ne sentent rien contre leurs consciences. D'iceux dit saint Paul: *Tradidit illos Deus in reprobum sensum, vt faciant ea quæ non conueniunt, repletos iniquitate & malicia.* A qui se fault il donc rapporter? il fault qu'on ait vn signe par lequel on cognoisse que nous auōs la grace de Dieu, c'est quād nous auons volōté de fuir tout mal, & de faire tout biē. Mais

Par cōiectu-
re & nō par
certitude on
peult cognoi-
stre si on est
en la grace
de Dieu.

en oferiez vous bien iurer? Saint Paul dit, que vous auez la grace de Dieu. Il respond: *Qui iudicat me, dominus est.* Je ne m'arreste point à mon iugement, mais au iugement de Dieu: *Qui in vero iudicio indicat.* Nous pouuons perdre la grace de Dieu, car nous ne sommes pas confermez, & si nous estions confermez en grace, comme les Apostres, encore ne seroit elle pas glorieuse: car nostre corps est encores mortel. Et pourtât nous attendons la liberté de gloire des enfans de Dieu. Liberté contient deux choses: Il y a vne liberté qui est de n'estre point en peché, confirmation en la grace de Dieu: cōme les saincts de paradis ne craignent point de cheoir, & de perdre la grace de Dieu, c'est la liberté glorieuse. Il y a vne autre liberté qui n'est pas glorieuse, comme ont ceux de purgatoire, qui sont en liberté de ne point pecher, mais ils ne sont pas exempts de toute peine & misere, comme les saincts de paradis: *ibi non est luctus, neque clamor, neque dolor.* Et en esperance de l'auoir, on endure patiemment tout mal en ce monde icy: comme vn seruiteur qui travaille, & cela ne luy couste rien, en esperâce de loyer & salaire qu'il doit auoir. Aussi fault ainsi faire, & porter tout patiemment pour l'amour de Dieu, esperant que vous serez deliurez de tout mal. Cela est demonsté en Moyse duquel il est dit que la fille de Pharaon le vouloit adopter pour son fils, mais il n'en voulut point, il renonça ce party-là, comme dit saint Paul: *Diuicias existimans thesauro Aegyptiorū, impropériū Christi. Aspiciebat enim in remuneratione.* Qui fait cela que Moyse aimoit plus estre affligé avec le peuple de Dieu, & de porter l'impropere de nostre seigneur, que tous les thesors d'Egypte? car il regardoit au loyer, le mal qu'il enduroit n'estoit que temporel, & le bien qu'il attendoit estoit eternal. Aussi Dauid dit: *Inclinani cor meū ad faciendas iustificationes tuas in aternū, propter retributionē.* Le loyer qu'on attend fait marcher en auār. Le laboureur qui sème c'est en espoir de recueillir: *Qui arat in spe debet arare, & qui triturat, in spe fructū percipiet.* Il fault semer de bonnes euures, en espoir de recueillir vn bien infiny. Nous sommes tant paresseux à bien faire, & tant prompts à mal faire & à follaistrer. Toute l'esperâce

Liberté contient deux choses.

Moyse ne voulut estre adopté fils de la fille de Pharaon.
Hebr. 11.

Psal. 118.

1. Cor. 9.

Il fault semer bonnes

Ieudy apres le

enures en es-
poir de re-
cueillir vn
bien infiny.
Rom. 5.

2. 1. 10.

1. Theff. 5.

Act. 17.

La cognois-
sance de Dieu
gist & consi-
ste en l'obeis-
sance d'ice-
luy.

du monde est incertaine, & l'esperance qu'on a en Dieu est certaine, & n'est point frustrée. S. Paul dit : *Spes non confundit*. Il en y a qui pour l'esperance humaine, n'ont point de honte de faire beaucoup de meschancetez, & quand ce viét à faire pour Iesus Christ ils ont hôte. Si nous auons bon espoir, nous n'aurons point de honte. Vne femme aura honte d'oster ses doreures, elle aime mieux plaire aux hommes qu'à Dieu. Sainct Paul dit. *Spes non confundit. i. non pude facit*. C'est à dire que l'esperance qu'on a en Dieu, exclud la honte qu'on auroit deuant les hommes. Et Iesus Christ ne nous lera il rien? il vous vaudroit mieux iamais n'auoir esté nez que de le perdre : hastôs nous, car le temps est brief. Nous faisons auourd'huy des nostres mais Dieu apres fera des siennes, au grand iour du iugement: C'est pour dimêche qui vient. Auourd'huy, si on veult parler de Dieu, on s'en mocquera, on dira de celuy qui en parle, c'est vn fascheux, vn resueur, vn seditieux : Et l'autre qui en parlera, desguisera les matieres. Et puis on dira, ô c'est vn bon seruiteur! & ce n'est qu'un flatteur qui pille son maistre, il ne luy dit point la verité de peur d'encourir la mauuaise grace de monsieur, & ainsi le faict damner. Or ça, le monde se faict obeïr au lieu de Dieu. Mais aussi Dieu aura son iour. Le prophete Esaie, dit: *Oculi sublimis humiliabuntur*. Les orgueilleux seront humiliez, ils chercheront les cauernes à eux cacher, mais ils n'en trouueront point. C'est le iour duquel sainct Paul parle: *Dies domini sicut fur in nocte, ita veniet cū enim dixerint pax & securitas, tunc repētinus eis superueniet interitus, sicut dolor in utero habentis, & nō effugiet*. C'est grand meschaceté que Dieu n'est plus cogneu. On craint de faillir & de desobeïr aux hommes seulement, & comme i'ay desia dit, & encores ie le dis: Si on mettoit au dessus du crucifix: *Deo ignoto*, Au Dieu incogneu. Auourd'huy il y cōuiendroit bien, comme quand sainct Paul trouua à Athes vn autel, au dessus duquel estoit escrit: *Deo ignoto*. Dimenche ie vous dis, que la cognoissance de Dieu gist & consiste en l'obeïssance de Dieu à garder ses commandemens: *Qui enim dicit senosse Deum, & mandata eius non custodit, mendax est, & veritas in eo nō est*. Mais Dieu est in-

Incogneu, car il n'est point obeï ne reueré. Est-ce cognoi-
stre Dieu, de iurer & blasphemer le nom de Dieu, par le
sang, par la mort, & le despiter? Et pourtant, Dieu est in-
cogneu, car il n'est point reueré, craint ny obeï, on ne
s'en soucie point. Donc ne sera il pas bon de mettre au
hault du crucifix: *Ignoto Deo*? car on se reigle selon le
monde non point selon Dieu: *Iuravi, Dicit Dominus, quia*
mibi flectetur omne genu. Dieu se donnera si bien à co-
gnoistre à tous, que les meschans voudroient estre cent
mille pieds sous terre. S'il vouloit, il nous abyseroit
tous viuans en enfer, comme Dathan & Abyron, & à cha-
cun mot, ie me donneray au diable: & si on veut remon-
strer de Dieu, on dira, c'est le temps passé, le temps iadis.
Faut il que Dieu se plaigne de nous? Esaie dit en la per-
sonne de Dieu: *Filios enutriti & exaltati: illi autem spre-* Esa. 10
runt me. Apres que i'ay nourry & entretenu mes enfans,
& les ay exaltez, ils me desprisent. Nostre seigneur Iesus
Christ nous nourrist de sa chair & de son sang: Qui est
le pere & la mere qui feroient cela? à grand peine la me-
re veult elle alaitter son enfant. Nostre Seigneur nous a
donné le moyen de gaigner nostre vie, il nous donne
son corps, & son sang à boire & à manger, & toutesfois
nous le desprisons, & qui pis est, nous ne le voulôs point
cognoistre. Les bestes brutes cognoissent leur maistre:
Voila vn chien, il cognoist & defend son maistre: & cō-
me dit Esaie: *Bos cognouit possessorem suum, & asinus praesepe* Esa. 11
domini sui. Pour auoir la grace du prince, ie voudrois
mourir pour defendre sa querelle, & si i'oy iurer, blasphe-
mer Dieu, ie ne diray mot. Et dea, les bestes brutes font
plus que cela pour leur maistre. Voila Dieu qui est inco-
gneu: & Dieu se donne à cognoistre par tant de moyēs,
neantmoins on ne le cognoist point: il est besoing d'a-
mendement. Peché ne nuist point quand on s'amende.
Viuous bien & portons les tribulations & aduersitez de
ce monde icy patiemment, en esperance d'en estre de-
liurez, & d'auoir la liberte glorieuse des enfans de Dieu,
qui est la gloire perdurable. *Quò nos perducatur qui sine fine*
viuit & regnat Deus, Amen.

Pour le vendredy apres le premier dimanche.

Rom. 15.

Q*Vacunque scripta sunt, ad nostram doctrinā scripta sunt.*
 Nous disîons hier, que nostre seigneur Iesus Christ est nostre esperance, & que sans luy il seroit impossible de porter les miseres & calamitez qui nous aduiennent de iour en iour en ce monde icy. Ce qui est difficile à porter, est trouué facile & doux en l'esperance que nous auons en nostre Seigneur. Quand on pense que le mal present ne durera pas tousiours, l'affliction est seulement temporelle, & le bien que nous esperons est eternal: aussi en endurant en ce monde icy, on se conforme à Iesus Christ, on s'associe à sa passion, & tous ceux qui communiquent à la passion de nostre Seigneur, ils communiqueront à sa gloire. Ce regard & espoir faict facilement porter le mal, & quand on pense bien à cela, iamaïs on ne murmure. Si l'homme qui est en ce monde, cōme en vne prison & captiuité, voyoit que tout le mal du monde n'est point condigne n'à equipoler au bien & à la gloire que nostre Seigneur luy fera, n'auroit point cause de se plaindre, de murmurer, d'estre impatient: & pourtant, saint Paul dit bien: *Non sunt condigna passionēs huius temporis ad futuram gloriam, quæ reuelabitur in nobis.*

Tous ceux qui communiquent à la passion de nostre Seigneur ils communiqueront à sa gloire.

Rom. 15.

C'est à diré que les maux, les tormens, les peines que nous endurons en ce monde icy, ne sont pas condignes à la gloire de Dieu, car elle est eternelle: iamaïs ne prendra fin, comme la peine à laquelle la mort imposera fin. Vn cueur qui est remply de bon espoir, est tousiours ioyeux, mais celuy qui n'a point d'esperance, il est tousiours triste, melancolique. D'auantage, nostre Seigneur nous enseigne tāt par sa doctrine, par ses euures, que par sa vie qu'un Chrestien n'attende rien en ce monde, mais doit entendre tout repos à l'autre monde. Il ne doit rien desirer que ce qui est en l'autre mōde, & en ce mōde ne desirer sinon que d'estre desprisé, auoir du mal, cōtrarieté, & repugnance, ne vouloir point estre cogneu ou reputé sinon pour l'honneur & gloire de Dieu, & pour le salut du prochain. s'il en est besoin. Du biē du corps, il n'en fault point desirer en ce monde, mais il fault esperer en auoir

Vendredy apres le 1. dimenche. 34

en l'autre monde, car le bien & la gloire, est la vie eter-
nelle. Quand nous serons ainsi disposez, iamais ne nous
contristerons de rien. D'ou viét l'ennuy, la facherie que
nous auons? C'est que nostre desir n'est pas accôply, cō-
me nous le voulôs. Je suis orgueilleux, & ie demâde hō-
neur, & il aduiét qu'on ne tient compte de moy; cela me
fache, car ie suis priué de mon desir. Je suis auaricieux, ie
demâde à faire grâde ma maison, & au lieu de l'augmē-
ter, ie la perds & consomme: Voila d'ou vient despera-
tion, & qu'aucuns se pendent, car leur appetit est frustré
& ce qu'ils desiroient ne leur est pas aduenü. Je demâde
qu'on parle de moy, que ie sois bien reputé, & il aduiét
tout le contraire, qu'on n'en tiét compte, & pourtant ie
m'en fache. S. Augu. dit que, *Tristitia est de his que nolenti-
bus nobis accidunt.* Tristesse est d'une chose qui nous ad-
uiét contre nostre volonté & appetit, si i'appette d'estre
ioyeux, de faire bōne chere, auoir du bié, & cela me viét,
ie me resiouis: au cōtraire, s'il n'aduiét ainsi que ie le de-
sire, il n'y a que tristesse & facherie. Le bō Chrestié cōtē-
ne tout cela: si mō appetit est si bien formé q̄ ie ne desire
autre chose que l'hōneur & la gloire de Dieu, & l'edifica-
tiō de nostre prochain: quād cela aduiēdra, i'en seray biē
ioyeux. Il n'y a qu'une chose cōtraire à Dieu, c'est l'offē-
se de Dieu: Dōc, quād ie l'offenseray, ou mō prochain, ie
seray triste & melancolique: & quand il se fera quelque
chose à l'hōneur de Dieu, & au salut de mō prochain, ie
m'ē resiouiray: si mō appetit est ainsi reiglé, iamais quel-
que aduersité qui viēne, ie ne me cōtristeray poīt. Je suis
desprisé, ie n'en tiens cōpte, ou si i'ay perdu mes biens, ie
n'en suis point plus faché: ou quād ie vois en quelque cō-
pagnie on ne faiét cas de moy, ie ne suis point reputé &
estimé, aussi ie ne le demâdois pas. Mais on parle mal de
moy, & bien, si Dieu le veult, ie desire qu'ainsi soit, pour-
ueu que ie ne donne point l'occasion d'en mal parler: &
ainsi, si les choses viennēt selon mon souhait & appetit,
ie m'ē resiouiray, cōme les Apostres, quād ils estoiet per-
secutez: *Ibant Apostoli gaudentes à conspectu consilij, quia di-
gni habiti sunt pro nomine Iesu cōtumeliā pati.* Et S. Paul qui
dit: *Libenter gloriabor in infirmitatibus meis.* Je me resiouis

Vendredy apres le

*Du peché d'antruy on ne se doit es-
iouir.* en ma persecutiō, nō pas au mal de celuy qui me le faiēt,
car il est certain que de sa part, il faiēt mal, & de son pe-
ché il ne s'en fault pas resiouir. En voila vn qui me des-
prise, qui m'iniurie, ie ne luy en ay point dōné l'ocasiō,
il faiēt mal, il offense Dieu: de ma part, ie me glorifie, ie
me resiouis d'endurer pour l'amour de Dieu, mais il me
desplaiēt de l'offēse de l'autre, contre Dieu: Dieu permet
qu'il me face telle iniure. Les tyrans faisoient mal en per-
secutāt les martyrs, mais les martyrs se resiouissoient pour
l'amour de Dieu, & estoient desplaisans de l'offense des
tyrans. Quand la tristesse est pour l'amour de Dieu, elle
engēdre tousiours ioye à la parfin, mais la tristesse & me-
lancolie que lon a pour les biēs du monde, souuēt engē-
dre desespoir. Pource S. Paul dit: *Quæ enim secundum Deū*

2. Cor. 7.

*tristitia est, pænitiā in salutem stabilem operatur: seculi au-
tem tristitia, mortem operatur.* En ce monde, auquel nous
sommes subiects à rāt de maux, si nostre seigneur Iesus
Christ n'est formé en nous, nous sommes biē prompts à
nous mal contēter & estre impatiēs d'accuser autrui, &
de nous excuser: Pour euitier cela, & pour trouuer cōten-
temēt en toutes choses, fault considerer que c'est le vou-
loir de Dieu: Rien ne se faiēt qu'il ne leuaille, ou le per-
mette. Le vouloir de Dieu est tousiours iuste, qui n'est

*Le vouloir
de Dieu est
tousiours ius-
te & n'est
sans raison.*

point sans raison, ne sans cause. Au commēcemēt il nous
desplaiēt, mais apres que nous auōs entēdu la cause, nous
nous moderons. Auant que i'entendisse la raison, ie me
courrouçois, mais apres l'auoir entēduē, ie me tais, ie ne
dis plus mot. Donc rien ne se faiēt, qu'il ne procede de la
main de Dieu. Outre, Dieu ne faiēt rien que tout biē, &
ne faiēt rien sans raison, & sans cause: i'açoit que nous l'i-
gnorions, ce n'est pas pourtant, que l'ouurage de Dieu
soit desraisonnable. Vn seruiteur n'a que faire de sçauoir
les causes pour lesquelles son maistre faiēt telles choses
& telle, pourquoy il commāde, ou qu'il defend. D'autant
moins est il licite à moy, qui ne suis qu'un ver de terre,
de sçauoir pourquoy Dieu faiēt cecy ou cela: Mais c'est
assez d'entēdre qu'il ne se faiēt rien sans la prouidēce de
Dieu. Il permet le mal, & veult le bien. Quand ie me con-
tente de quelque chose, apres que i'en cognois la cause &

la raison, & que ie iuge qu'il falloit qu'elle fust ainſi fai-
cte combien donc me dois-ie plus contenter, quād Dieu
ne faiſt rien ſans cauſe & raiſon, & ſans prouidēce? Si ie
veoy quel-qu'un qui me faiſt tort, & ie ne luy en ay point
faiſt, c'eſt Dieu qui le permet: car quant à l'intention de
Dieu, il y a vne cauſe que ie n'entens pas: Si ie regarde à
la part de celuy qui me faiſt le tort, il n'y a rien plus ini-
que, plus deſraiſonnable, & qui ſoit plus contre Dieu,
quād ie conſidere tout, comme procedāt de la mauuiſe
volonté de l'homme: mais laiſſons ceſt hōme, & regar-
dōs à Dieu, & à ſa prouidēce, cela eſt bō, ſalutaire, & tref-
raiſonnable. Voulez vo^r exēple? Les Iuiſs ont mis à mort
Ieſus Chriſt: ſi vous conſiderez la mort & paſſion de no-
ſtre Seigneur, venāt comme de la mauuiſe volonté des
Iuiſs, il n'y a rien plus inique & cruel. mais ſi vous la cō-
ſiderez venāt comme de la volonté de Dieu, & de Ieſus
Chriſt, qui ſ'eſt offert, il n'y a riē meilleur, ne pl^us ſalutai-
re, car c'eſtoit pour rachepter le gēre humain. Et pource,
qui ne regarde qu'aux hōmes, la choſe eſt deſraiſonnable
mais il ne ſe fault pas là arreſter, il fault regarder plus
hault: car ce que les hommes font ſans cauſe & raiſon,
Dieu le faiſt avec raiſon alors ie trouueray contētemēt
en moy. Abſalō perſecuroit ſon pere Dauid & Semei, qui
eſtoit vn mauuais garsō, luy faiſoit iniures, & luy ieſtoit
des pierres, il l'appelloit meurtrier, & meſchāt, & les ſer-
uiteurs de Dauid luy diſoiēt, & qui eſt ce chiē qui mau-
diſt le Roy, & luy faiſt telles iniures? Dauid leur diſt, ô
laiſſez-le, ne luy faiſtes rien, car Dieu luy a commādē de
ce faire: C'eſt à dire, qu'il luy a permis c'eſt le vouloir de
Dieu. Ceſte malediſtion que faiſoit Semei à Dauid, ve-
nāt cōme de la main de Dieu, eſtoit choſe trefraiſonna-
ble: mais cōme venāt de ceſt hōme Semei, la choſe eſtoit
trefderaiſonnable. Auſſi, veu & conſideré les miſeres &
peines de ce mōde, auſquelles nous ſommes ſubieſts, ſās
regarder autre choſe: & iāçoit que iuſtemēt nous endu-
riōs, toutesſois on viēt à murmurer, & pēſe on que la pei-
ne ſoit pl^us grāde q̄ le peché: mais pour trouuer patiēce &
contētemēt en toutes choſes, il fault touſiours aller au
vouloir de Dieu, & alors vous direz, ie veux donc endu-

*Double con-
ſideration en
la mort de
Ieſus Chriſt.*

*La maledi-
ſtion de Se-
mei faiſte à
Dauid.*

Vendredy apres le

rer, puis qu'il plaist à Dieu, il y a cause pourquoy il permet que i'édure telle peine, & pource ie le remercie. En ceste maniere, le peché d'un homme est le salut de l'autre: cōme le peché des Iuifs est nostre salut, car ils ont mis à mort nostre Seigneur, qui est nostre vie & nostre salut. D'auantage, il y en aura quelqu'un qui persecutera l'autre & par ceste persecutiō il cognoist mieux Dieu c'est son salut d'estre persecuté, il en est plus humble & est conformé en la crainte & amour de Dieu, cōme il appert de S. Paul, lequel dit de soy mesme, que Dieu luy a donné un esguillon de chair, afin qu'il ne fust esleué, & n'eust matiere d'orgueil, pour la magnitude des reuelations qu'il auoit eues: nous auons perdu l'innocēce en laquelle l'homme Adā auoit esté crée, qui est la premiere rectitude, en sorte que nous sommes tāt blesez, qu'a grand difficulté nous pouuōs nous rauoir: nous en sentōs tousiours des reliques, & sommes prompts à impatiēce: il fault cōsiderer que Dieu gouuerne tout par sa prouidence, & qu'il faict tout biē: alors on se contentera, disant avec Dauid:

psal. 103.

On ne doit
amaï pren-
dre occasion
de murmurer
contre Dieu:
car il faict
tout pour bō-
ne fin.

Omnia in vero iudicio fecisti, Seignr Dieu vo^r faictes tout en vray iugemēt, sapiēce & equiré, & pourtant, ie prens tout en gré & patiēce. En telle maniere, il n'y a point cause de murmurer cōtre Dieu, lequel faict tout pour bōne fin. Voila l'exercice du Chrestien, de penser que Dieu ne faict riē sans cause & raison, & tousiours trouuer cōtētemēt en toutes choses. Le sçay biē q la chair, l'appetit sensuel se cōtriste, mais pourueu q la raison & portiō superieure ne se cōtriste poīt, c'est tout vn: dōc esperōs en nostre Seignr *Quęcūq; scripta sunt, &c.* Tout ce qui est escript c'est pour nostre doctrine, & afin q nous mettiōs nostre esperāce en luy: sans luy il est impossible d'auoir biē. Notez q auāt q Iesus Christ vīt, pour dōner tousiours espoir & la grace de porter les miseres & calamitez de ce mōde, il s'est donné à cognoistre p figures, & les saīcts peres patriarches, & pphetes q ont enduré des aduersitez & tribulatiōs, ce n'estoit autre chose q la figure de Iesus Christ & en cela, representoiēt la mort de nostre Seignr: cōme quād vo^r oyez dire, voila Ioseph le fils de Iacob, qui a esté vėdu par ses freres, dequoy sert cela à dire: si nous n'y entēdōs autre chose, ce n'est pas grād cas: mais il fault en-

tendre Iesuschrist, car tout ce qui est escrit, c'est pour entēdre nostre seigneur Iesuchrist. Il est dit q̄ Ioseph a esté vėdu par ses freres, il est vray, & a esté iecté en vne cisterne. L'affliction de Ioseph nous represente Iesuchrist qui a esté vėdu par ses freres, c'est par les Iuifs qui estoयēt ses freres, quant à son humanité & à la nation Iudaique : ils ont machiné sa mort. En apres l'escriture dit: q̄ Ioseph a lōg temps esté seruiteur & prisonnier, & puis a esté exalté en telle maniere qu'il estoit le secōd apres le Roy en Egypte, toutes les affaires du royaume s'adressoyent à luy, & par sa prudence il les a deliurez de famine, cela est vray, quant à l'histoire: mais il faut entendre que cela est plus elcript, afin d'entendre Iesuchrist que ledict Ioseph, lequel a esté exalté apres ses aduersitez & tribulations. Aussi nostre sauueur apres sa mort & passion, a esté exalté, cōme il a dit: *Oportuit Christū pati, & ita intrare in gloriam suam.* Dieu luy a donné vn nom: qui est Iesus, lequel est excellēt sur tout autre nom: *Dedit illi Deus nomē quod est super omne nomen:* lequel est cōstitué à la dextre de Dieu son pere. Voyla l'exaltation de Iesuchrist, comme quand vous oyez que Ioseph a enduré & apres il a esté exalté, c'est à dire, q̄ Iesuchrist apres sa mort & passion est entré en gloire, & qu'il nous fault conformer à luy: car il nous fault par passions, mileres & tribulatiōs entrer en la gloire eternelle: car vous n'en aurez pas meilleur marché que Iesuchrist. Et pource, quād vous oyez les tribulations des anciens peres, considerez la passion de Iesuchrist, ils l'annonçoyent par leur vie, afin que nous y mettions nostre esperance: car sans icelle, il est impossible d'estre sauué. D'auantage l'escriture nous enseigne, que les Saints ont passé par les tourmens, qui ne leur ont point fait de nuissance, ne de dōmage, cōme à Daniel au lac des Lyons, les trois enfants en la fournaise ont esté deliurez du feu, sans aucune lesion: cela nous demonstre que cōbien que nostre sauueur ayt souffert mort & passiō, il estoit toutefois impossible que la mort le surmōtast: mais il a vaincu & surmonré la mort. Et quand nous liſons que les Saints ont esté deliurez sans aucune lesion, ils prefiguroyent la mort & passion de nostre seigneur, & sa resur-

La vėdition de Ioseph a esté figure de la vendition de Iesuchrist.

Luc. 24.

Philip. 4.

Il est impossible d'estre sauué sans la passion de Iesuchrist.

Vendredy apres le

rection qui a esté en triomphe. Quand nous lisons que Ioseph a esté vendu par ses freres, il est vray, quant à l'histoire, mais il a prefiguré Iesus Christ, lequel cōbien qu'il soit offensé par nous, toutesfois il nous a sauuez, & toutes noz affaires sont adressées à luy, par lequel nous obtenons remission de noz pechez, grace & la vie eternelle. Et ainsi: *Quaecunque scripta sunt*, nous enseignent Iesus Christ, & par les tribulations, angusties & afflictions des saincts patriarches, lesquels au doigt demonstroient la passion de nostre seigneur aduenir, & sa resurrection: en quoy il fault mettre son esperance de grace de salut & de la remission des pechez. En apres vous lisez Chrestiens, comme Ionas a esté englouty en la balaine trois iours & trois nuicts, & le troisieme iour la balaine *euomuit eum*, le crachea au port de la mer, & apres il fut prescher penitence à ceux de Ninieue, cela est vray. Mais s'il n'y a autre chose, il n'y a pas grand goust ny vtilité: mais les gestes & faicts des anciens peres & Prophetes, signi-

Mat. 12.

*Ionas englon-
ti par la ba-
laine, & en
elle estant
trois iours &
trois nuicts a
esté figure de
la sepulture
de Iesuchrist,
&c.*

fioient Iesus Christ, qui dit: *Sicut enim fuit Ionas in ventre ceti tribus diebus & tribus noctibus*. L'engloutissement de Ionas en la balaine signifie que nostre seigneur Iesus Christ a esté mort & enseuely trois iours & trois nuicts en la terre, & comme la balaine a iecté Ionas au troisieme iour sur le port de la mer, aussi nostre Seigneur a esté resuscité le troisieme iour. Et comme les Niniuites ont esté sauuez à la predication de Ionas, aussi apres que nostre Seigneur s'est resuscité, penitence a esté preschée aux Gentils, & par la predication faicte depuis la resurrection de nostre Seigneur, ils ont esté sauuez, & ont trouué grace & remission de leurs pechez. Donc il est vray ce qui est dit de Ionas: mais il fault considerer Iesus Christ en iceluy: car cela n'est point tant escript pour Ionas que pour nostre sauueur: *Quaecūque ergo, &c.* Et saint Iean dit: *Hec autem scripta sunt ut credatur, quia Iesus est Christus filius dei*. D'auantage, vous auez que Moyses par le commandement de Dieu a esleué vn serpent d'airain, afin que par le regard d'iceluy, ceux qui estoient mordus des serpens venimeux, fassent guariz. Que signifie cela? Si vous ne regardez seulement que la lettre

vous scaurez seulemēt l'histoire, cela ne prouffite de rien; mais il fault prendre la lettre & l'histoire pour entendre l'allegorie & sens moral. Le serpent d'arain au desert, c'est la figure de nostre seigneur Iesus Christ, qui deuoit estre exalté en croix. Donc saint Iean dit : *Sicut Moy. Ioan. 3.*

ses exaltauit serpentem in deserto, ita exaltari oportet filium hominis, ut omnis qui credit in ipso, non pereat, sed habeat vitam eternam. Ce serpent là, figuroit & representoit Iesus Christ crucifié en l'a bre de la croix. Et tout ainsi que

ceux qui estoient mordus des serpens venimeux estoient guaris en regardant le serpent d'arain, aussi qui ieete son regard à Iesus Christ crucifié, en croyant par vne foy viue operante par charité, qu'il soit mort pour nous, il reçoit santé & est guarý de la morsure du serpent, de peché & du diable d'enfer, lequel auoit prins la forme du serpent quand il voulut seduire la femme. Donc en regardant Iesus Christ prefiguré par le serpent d'arain, d'une foy efficace nous serons guariz : Et la morsure des serpens, c'est

à dire des pechez, ausquels nous sommes tombez ne nous nuira point : *Finis legis Christus*. Toute la fin de la loy, c'est de nous mener à Iesus Christ, qui est nostre scope & nostre souverain bien. Voyla Noé par lequel tout le monde a esté multiplié. *Aptauit arcam in salutem domus sue per quam damnauit mundum.* Il a fait vne arche pour sauuer sa maison, sa famille, & tous ceux qui estoient hors l'arche furent periz & noyez. Que signifie cela? Nostre seigneur, c'est Noé : il a fait vne arche, c'est l'Eglise en laquelle il a mis & constitué des Apostres, Prophetes, Euangelistes, Pasteurs & docteurs, iusques à la fin du monde. Et pourquoy? Pour sauuer sa famille, le monde. Et comme tous ceux qui estoient hors l'arche de Noé furent tous perdus, aussi tous ceux qui sont hors l'Eglise catholique perissent, & vont à dānation eternelle. Voyla ce que nous represente l'arche de Noé. D'auantage, le deluge, l'inundation des eaux en laquelle sont periz les meschans. Saint Pierre dit, que c'est la figure du baptesme. Et tout ainsi que la malice des hommes a esté estaincte par l'eau du deluge, aussi sont les pechez au sacrement de baptesme du tout estaincts & effacez.

Rom. 10.

Toute la fin de la loy est de nous mener à Iesus Christ.

I. Cor. 2.

Ephe. 4.

I. Pet. 3.

Vendredy apres le

En cela nous prenons consolation, autrement si nous regardons seulement la lettre & histoire, nous n'y aurons pas beaucoup d'utilité ne de prouffit. Et pourtât, les Juifs prenans seulement la lettre, demeurèrent en leur infidelité. Mais l'escriture se reuele à nous, & nous enseigne de prendre nostre seigneur Iesus-Christ. *Quæcunque scripta sunt, &c.*

Iosué appelé
le sauueur a
esté la figure
de Iesuchrist.

En apres, vous auez comment Iosué a introduict les enfans d'Israel en la terre de promesse: il estoit leur sauueur, mais entendez qu'il estoit la figure de Iesus Christ, lequel est le vray Sauueur, qui introduict tous les fideles & bons Chrestiens en la terre de promesse, il est la terre des viuants, & la vie eternelle. C'est le vray Iosué, sauueur, auquel quiconque croit d'une foy viue, sera sauué. Aussi, vous voyez qu'Isaac portoit le bois pour estre immolé & bruslé. Dieu auoit commandé à Abraham de l'immoler, il s'est mis en effort: mais Isaac est demouré viuant. *Que signifie cela?* Isaac nous represente nostre seigneur Iesuchrist qui a porté sa croix, en laquelle il a esté immolé, c'est le prouffit. De sçauoir seulement qu'Isaac a porté le bois pour estre immolé, cela ne nous sauuera pas: mais il fault sçauoir que Iesus Christ a porté sa croix en laquelle il a esté mis, & crucifié pour noz pechez, & qu'il est sorty hors de la ville de Hierusalem portant sa croix au mont de Caluaire, *ut*

Hebr. 13.

sanctificaret per suum sanguinem populum, extra portam passus est. Outre combien que Dieu ayt commandé à Abraham d'immoler Isaac: toutesfois il n'est pas mort, *sed in vita saluatus est.* Il est demouré viuant, c'est à dire, que nostre Seigneur Iesus Christ a esté immolé en la croix: mais la vie luy est demourée, duquel saint Iean dit: *Vita erat lux hominum.*

Iean. 1.

La diuinité
en Iesuchrist
n'a iamais
enduré.

Combien qu'il ayt esté mort en tant comme homme, nonobstant, la vie luy est demourée, c'est à dire, la diuinité, laquelle est impassible, elle n'endure point en Iesus Christ. Car cōbien qu'il ayt esté immolé comme homme & mediateur d'entre Dieu & les hommes, si est-ce pourtant qu'il demeure sans lésion & sans dommage, *tamen in vita seruatus est. Quæcūque scripta sunt, &c.* Tous les faicts & gestes des peres anciens vous annōcent Iesuchrist, vostre salut. Quand vous oyez pres-

cher leurs gestes, il fault entendre Iesuchrist: car ils estoient
 comme messagers. Mais apres est venu Iesuchrist qui a
 accompli les choses qui auoyent esté prefigurées. En
 outre, quand vous lisez que les peres du temps passé
 prioient pour le peuple: comme Abraham pour ceux
 de Sodome & Gomorrhe, que s'il y en auoit dix iustes,
 que Dieu ne destruyroit pas les cinq citez. Elias a prié, &
 Dieu à sa priere & requeste a fermé le ciel, de façon qu'il
 n'a point donné de pluye de trois ans & demy, & de re-
 ches a prié Dieu, & le ciel a donné de la pluye. Quand *Par les prie-*
 doncques Abraham, Moysse, Aaron & les autres ont prié, *res des gens*
 Dieu a mitigé son ire. Et par ce qu'ils prioient & inter- *de bien, l'ire*
 pelloyent, ils annonçoient par figure, que le Messias qui *de Dieu est*
 deuoit venir, seroit mediateur entre Dieu & les homes. *mitigée &*
 Moysse prioit Dieu les mains esleuées en hault, quand *subuient aux*
 les enfants d'Israël batailloient contre Amalech: mais *necessitez.*
 quand il cessoit de prier, & qu'il rabessoit les mains, l'en-
 nemy Amalech auoit victoire, en sorte que si on vou-
 loit auoir victoire il falloit soustenir les bras de Moy-
 se, afin de prier Dieu. Moysse n'estoit sinon la figure de
 Iesuchrist, qui est nostre aduocat, il prie pour nous Dieu *I Ioan. 2.*
 son pere, il l'appaise. L'ire de Dieu auoit decreté de per-
 dre les homes: mais nostre seigneur Iesus Christ s'est mis
 entre deux, & a apaisé l'ire de Dieu & a rendu son pere
 propice. Aaron le grand prestre n'entroit qu'une fois
 avec le sang d'une beste, au *sancta sanctorum*. Et bien que *Hebr. 9.*
 sert cela, sinon qu'il fault entendre que Iesuchrist qui est
 le grand prestre selon l'ordre de Melchisedech, est entré
 une fois par son propre sang *in sancta sanctorum*? C'est *Iesuchrist a*
 qu'il a monté en l'arbre de la croix, & là visiblement a *commandé con-*
 respandu son sang, & par luy nous auons tous grace & *tinuer l'obla-*
 remission de noz pechez. Laquelle oblation nostre Sei- *tion qu'il a*
 gneur a commandé de continuer au saint sacrifice de la *faicte pour*
 Messe, sous les especes de pain & de vin. *Quæcunque igitur* *nous au S. sa-*
scripta sunt, &c. Dieu ne veut point que nous oublions no- *crifice de la*
 stre salut qui est Iesuchrist. Et afin q nous n'oublions cela, *Messe sous*
 tous les patriarches & prophetes ont démontré au doigt *les especes de*
 Iesuchrist, lequel a tousiours esté inseré aux escritures. *pain & de*
 Si vous regardez les Patriarches, vous voyez quant & *vin.*

Samedy apres le

quād Iesus Christ : car tous leurs gestes & faicts annon-
çoient Iesus Christ. Voyla donc Iesus Christ, c'est vostre
sauueur. Esperez en luy & vous serez sauuez. Amen.

Pour le Samedy apres le premier dimen- che, iour & feste de S. Nicolas.

Quāque scripta sunt, &c. Nous disions hier que no-
stre Seigneur Iesus Christ a esté signifié & demō-
stré par les Patriarches & saincts Peres qui ont
precedé l'incarnatiō de nostre Seigneur. Les faicts & ge-
stes des anciēs peres estoient la figure des faicts & euures
de Iesus Christ. Melchisedech le grand prestre de Dieu
qui vint au deuant d'Abrahā au retour de la guerre, estoit
la figure, vne significatiō, vne demōstrance de la prestise
Euangelique de Iesus Christ qui est le grād prestre selon
l'ordre de Melchisedech. Melchisedech offrit à Dieu en
action de grace pour la victoire qu'auoit eue Abraham
cōtre les cinq Rois, du pain & du vin. Et nostre seigneur
a offert à Dieu son pere, son corps & son sang, qui est le
vray pain & vin, & qui est la substāce de laquelle l'hom-
me peult estre nourry, il l'a offert vne fois en l'arbre de la
croix & le iour de la Cene, sous les especes de pain &
de vin, & l'a institué estre faict iusques à la consumma-
tion du monde, en memoire de sa passion. Et par ainsi,
Melchisedech estoit seulemēt la figure & l'vmbre de no-
stre Seigneur Iesus Christ. En oultre, saint Paul dit, que
Melchisedech estoit Roy de iustice & de paix. Nostre
Seigneur est la vraye iustice & la vraye paix, par luy nous
sommes iustifiez, & trouuons graces par luy, il y a paix
faicte entre Dieu & nous : *Ipse enim est pax nostra, qui fe-
cit utraque vnum*. Il a appaisé Dieu, nous estions enne-
mis à Dieu, & Iesus Christ nous a iustifiez & recōciliez à
Dieu. Dieu ne nous impute point noz pechez, en la fa-
ueur de son fils Iesus Christ. Melchisedech qui est inter-
preté le Roy de iustice & de paix, estoit la figure de no-
stre Seigneur, qui est la vraye iustice & la vraye paix. Par
luy l'homme a remission de son peché, & est reconcilié

*Iesus Christ
a donné en
sa Cene son
corps & son
sang sous
les especes de
pain & de
vin.*

avec Dieu. Oultre, Sainct Paul dit, que ce Melchisedech estoit sans pere, sans mere & sans genealogie. Il n'a uoit commencement ne fin. Ce n'est pas à dire qu'en sa personne il n'eust pere & mere comme nous auons, mais en ce qu'il estoit la figure du vray prestre, Iesus Christ, & il n'auoit ne pere ne mere, cōme Iesus Christ n'a point de mere au ciel, & en terre, il n'a point de pere, que Dieu. Ainsi Melchisedech est la figure de Iesus Christ. Il n'est point faict mention de sa genealogie, mais tout incontinant il est dit, que quand Abraham retournoit de la guerre, Melchisedech vint au deuant de luy, il n'a ne fin ne commencement à demonstrier que la prestrise de Iesus Christ est eternelle. Nous voyōs commēt les faicts de nostre sauueur ont esté demōstrez par les gestes des anciens qui ont precedé l'incarnation de nostre Seigneur. I'ay prins ceste figure de Melchisedech, qui estoit la figure de la prestrise de Iesus Christ, pource que nous faisons la feste & solennité de monsieur Sainct Nicolas, prestre selon l'ordre de Melchisedech, non pas d'Aaron, mais de la loy euangelique, & la loy de grace. De ceste prestrise, dit l'epistre de la feste d'aujourd'huy: *Ecce sacerdos magnus*. Le prestre euangelique, qui est ordonné & institué par nostre Sauueur, c'est vn grand prestre: *Ecce*, en domonstrant. Monsieur sainct Nicolas, c'est vn grand prestre en son temps il a esté iuste & aggreable à Dieu, & au temps que Dieu a esté courroucé, par le moyen de sainct Nicolas, la paix a esté faicte, il a esté mediateur entre Dieu, & le peuple. Je me veux arrester sur ceste grand prestrise. *Ecce sacerdos magnus*. Nostre Seigneur Iesus Christ a institué l'ordre de prestrise euangelique selon l'ordre de Melchisedech. Le tēps passé, en la loy de Moyses, il y auoit des prestres deputez pour prier Dieu pour le peuple, & pour faire des sacrifices pour les pechez & pour l'ignorance du peuple, lesquels par la mort de nostre seigneur ont esté abrogez. Les figures ont prins fin, quand la verité a esté venue. Aussi, quād nostre Seigneur a institué la prestrise, la prestrise ancienne a cessé: Nostre seigneur a faict plusieurs muratiōs, il a chāgé & mué la loy de Moyses qui estoit dure, & a institué la loy de

Heb. 7.

Melchisedech estoit la figure de la prestrise de Iesus Christ.

S. Nicolas, sacerdos magnus il a esté mediateur entre Dieu & le peuple.

Samedy apres le

grace & de liberté, par laquelle nous sommes iustifiez. La loy de Moyse, c'estoit vne loy de craincte & de seruitude: Et la loy Euangelique, c'est vne loy de grace, de liberté, de remission: *Que dicitur lex spiritus vite*. C'est vne loy qui nous met en liberté & hors de craincte, & en pleine confiance de Iesus christ. C'est là vne bõne mutation. Le tẽps passé ils viuoient en frayeur & craincte, car incontinent qu'ils auoient offensé, il n'y auoit point de misericorde, car ils estoient mis à mort. *Irritam quis facies legẽ Moysi, sine vlla miseratione, duobus vel tribus testibus moritur*. Mais en la loy nouuelle, nostre Seigneur ne nous veut point tenir en craincte. Ce n'est pas à dire qu'il ne le fault craindre, mais il nous veut auoir par amour, & que nous soyons conduicts par amour & charité, alors il n'y a craincte ny frayeur. Vne personne qui est en grace, il fait franchement, & de bon cueur: il n'a point de peine à faire la loy, car il fait par amour, non pas par craincte. Faire vne chose par craincte, c'est estre en peine & non pas en liberté. Il y a l'esprit d'adoptiõ: c'est charité, qui est infuse en mon cueur par le saint Esprit qui nous est donné, comme dit Saint Paul. Or entendez que la loy euangelique n'est pas dictée la loy de liberté, qu'elle nous deliure de la subiection des prelatz & superieurs: mais ceste obeissance ne procede pas de la craincte de la peine, mais de la bõne volonté qu'on a enuers Dieu. En ceste maniere dit Saint Paul, que la iustice n'est point sous la loy: car subiection, c'est pource que ie crains la peine. Et incontinent que le iuste cognoist ce qu'il fault faire, amour le fait aller, elle le stimule: mais au meschant homme, il luy fault le fouet, l'esguillon. Et pourtāt Saint Paul met difference entre le iuste & le mauuais,

La loy de disant: Lex non est iusto posita, sed iniustis & peccatoribus. La coercion est coertiõ de la loy n'est pas mise pour les iustes, il ne fault point stimuler vn cheual qui va assez, mais la loy est mise pour les mauuais comme se pour les iniustes, qui ne veulent point aller, s'ils ne sont vn fouet & poussez & stimulez. Donc la loy de Moyse est tournée esguillon. & cõmuée en la loy de grace, laquelle si nous gardõs, nous aurõs grace & remission de noz pechez. Nostre Seigneur n'a seulement mué la loy Mosayque, mais aussi la pre-

Heb. 10.

1. Tim. I.

strife. En l'anciēne loy, le prestre estoit prins du peuple, de la lignée de Leui, & le grand prestre vne fois l'an entroit au *Sancta sanctorum*. Avec du sang d'une beste, afin que Dieu eust pitié du peuple, & qu'il remist l'ignorāce de leur faulte. Nostre Seigneur a mué la prestrise anciēne & les sacrifices de la vieille loy, & a ordonné & institué la prestrise selon l'ordre de Melchisedech, & vn autre sacrifice. Les prestres de la loy ancienne offroient vn veau, vn aigneau: Auourd'huy l'oblation que nous auōs c'est le corps de nostre Seigneur & son sang. Le sang des bestes brutes n'a point de vertu ne d'efficace de remettre les pechez, mais c'estoit la figure de nostre Seigneur duquel le sang a vertu de remettre les pechez. Et pource, en ce qu'ils offroient le temps passé, leur regard estoit en Iesus Christ: Et parainssi, leurs sacrifices estoient agreables & recueilliz de Dieu, non pas en soy, ne de leur nature, mais en ce qu'ils figuroient nostre Seigneur. Or ce prestre est esleu, ordonné & constitué de Dieu pour offrir le corps & le sang de nostre Seigneur Iesus Christ pour les pechez. Et pourtant ce prestre de la loy Euāgelique, ne peult il pas estre appellé *Sacerdos magnus*, &c. Car son ministration est bien grand & excellent, & à bon droit il est appellé grand prestre, car il a la charge de consacrer d'offrir le corps de nostre Seigneur, & de l'exhiber aux autres. C'est vne grande dignité & office: & ie voudrois par la grace de Dieu, que nous l'entendissions biē. En ceste dignité sacerdotale deux choses principalemēt sont contenues: *Primo*, l'auctorité & la puissance sur le corps mistique de nostre Seigneur, laquelle consiste en la remission & retention des pechez: dont nostre Seignr dist le iour de Pasques à ses Apostres, & à leurs successeurs en leur personnes: *Accipite spiritum sanctum: quorū remiseritis peccata, remittuntur eis, & quorū retinueritis, retenta sunt.* En figure de ce, le prestre de l'anciēne loy ne pouuoit pas guarir vn ladre: mais quād il estoit guarý, & qu'il pouuoit conuerser avec les autres, cōme nostre Seigneur, quād il eut guarý les dix ladres, il leur dist: *Ite, ostēdite vos sacerdotibus.* Le prestre distinguoit & sçauoit à dire la difference. *Inter lepram & lepram.* Cestuy est

*Au viel tē-
stamēt on of-
froit à Dieu
bestes brutes
mais au nou-
ueau luy of-
frons le corps
& sang de
son fils.*

Ioan. 20.

Luc. 17.

Samedy apres le

Joan. 20.

*Iesus Christ
a institué les
sacremens.*

guary ou non. En la loy Euangelique il se faict autrement, car le prestre ne declare pas seulement au pecheur qu'il a remission de son peché, mais luy mesme remet le peché: C'est la sentéce de Dieu: *Quorum remisieritv.* Ceste parolle n'auroit pas de verité. Outre il dit: *Ego te absoluo ab omnibus peccatis tuis.* Ce n'a pas esté l'homme qui a institué ce sacrement, car la forme des sacremens est instituée de Iesus Christ. Il ne fault pas dire comme les heretiques, qui exposent cela. *Ego absoluo te.* Je te declare que tu es absouls. S'il estoit ainsi, vne femme en diroit bien autant: Mais il n'est pas vray, car le prestre de la loy Euangelique a plus de puissance que le prestre de l'ancienne loy: lequel seulement declaroit si le ladre estoit guaruy ou non: ô mais le prestre euangelique non seulement declare: mais il pardonne & absout des pechez; disant: *Absoluo te.* Il fault prendre à la verité & à la rigueur, & non pas dire, ie te declare que tu es absouls. Nous pouons dire les vns aux autres: Le peché d'un tel est remis & pardonné. Il n'appartiét pas à vne femme de remettre les pechez, mais aux prestres. Donc il fault entendre d'un cōmun consentement de l'eglise, que le prestre a la puissance de remettre les pechez & d'absouldre:

*Retenir les
pechez c'est
ne donner
l'absolution
au pecheur.*

c'est la parolle de nostre seigneur *Et quorū retinueritv, retenta erunt.* Retenir les pechez, c'est ne les pardonner pas ne donner pas l'absolution au pecheur, car il ne se rend pas capable, il ne recognoist pas son peché: celui qui demande sa grace & remission au Roy, il dit tout ce qu'il a faict: autrement, s'il taist la verité, sa grace est nulle, elle est rompue. Aussi fault il dire tous ses pechez au prestre: autrement il les retient: C'est à dire, Il ne les pardonne pas, il ne donne point l'absolution quand il voit que le pecheur ne se veut point abstenir de ses pechez, il y met empeschement. C'est la premiere autorité qu'a le prestre de remettre les pechez, auquel Dieu luy a communiqué ce qu'il a de son auctorité souueraine. Et fault colliger de ce passage là: *Quorum remisieritis peccata,* qu'il fault confesser ses pechez au prestre, lequel ne peut pas iuger de la cause, si ie ne luy declare en particulier les pechez desquels i'ay souuenance: Je voudrois bien quand

on va à confesse au prestre, que quand il donne l'absolu-
tion, qu'il ne se hastast point tant, comme aucuns y a qui
vont si vitte, & tant precipitamment. Il y faut prendre gar-
de, car il tiét le lieu de Dieu, il vse de l'auctorité de Dieu
quand il dit: *Absoluo te*, & de mascher des parolles sacra-
mētelles, il n'y a point de propos. *Absoluo te*, est si court
& si brief, encores il en y a qui mangent leurs mots. En
voyla vn autre qui baptize vn enfant: quād il dit: *Ego ba-*
ptizo te, à grād peine les parrains entédēt ils ce qu'il dit.
Les misteres sont si grāds q̄ les diables trēblēt à les ouir:
Mais vostre irreuerence & precipitation vous rend con-
trēptibles: regardez que vous estes au lieu de Iesus Christ:
n'abusez pas de vostre auctorité & dignité. Voila vn am-
bassade d'un Roy, ou d'un Prince, il va en maiesté, car il
fault qu'il demonstre l'auctorité & magnificence de son
prince duquel il est enuoyé: il fault qu'il tiēne cōtenance
& grauité, car s'il se hastoit, on diroit qu'il ne seroit qu'un
fol, il feroit deshōneur à son Prince: Aussi nous sommes
ministres, legats & ambassadeurs de Iesus Christ, comme
dit S. Paul. *Pro Christo legatione fungimur, tanquā Deo ex-*
hortāte per nos. Nous tenōs le lieu de Iesus Christ, & si no^s
vions mal, & que nous ne faciōs pas bien nostre office,
que dira on? Ce legat, cest ambassade n'entéd point à ce
qu'il dit, il va trop precipitammēt. Il fault dōc monstrier
la maiesté de Dieu, qui nous a enuoyez, afin qu'on ait oc-
casiō de dire: loué soit dieu, qui nous enuoye de tels am-
bassadeurs & ministres. Et quād ce vient aux parolles sa-
cramētelles: comme *Absoluo te*, qu'on les profere en gra-
uité. Pour monstrier le mistere que vous auez de Iesus
Christ, il fault peser les mots sans se haster, afin que lon
die, *Ecce sacerdos magnus.* Il y a vn autre auctorité du pre-
stre, & concerne le vray corps de nostre Seigneur Iesus
Christ. il a la puissance de le consacrer, de le prēdre, & de
le bailler aux autres, c'est vne grande auctorité que les
Anges de Paradis n'ont point: mesmes nostre Seigneur
ne l'a pas donnée à la vierge Marie sa mere, mais à ses apo-
stres le iour de la Cene, deuant le iour de sa mort & pas-
siō, quād il leur dist: *Hoc facite, &c.* Le prestre a puissance

2. corint. 5.

Il fault bien
peser les mots
quād on die
Absoluo te,
ou quand on
consacre, car
c'est Iesus
Christ qu'on
parle.

Samedy apres le

Heb. 5.

La messe a
esté instituée
de Dieu.

Luc. 22.

de cōsacrer le propre corps de Iesus Christ: nous deuriōs donc trébler quād nous allons à l'autel, & nous hastons tāt. *O Mater Dei!* quād le prestre va à l'autel, il n'y va pas comme Guillaume ou Gautier, en vne priuée personne, mais en la personne de nostre seigneur Iesus Christ, pour représenter Iesus Christ. Je suis là à l'autel, cōme nostre Seigneur en l'arbre de la croix, les bras estenduz pour la remissiō des pechez. Quel est l'office de Iesus Christ estāt en la croix? que faict il? S. Paul dit: *Qui in dieb⁹ carnis sue, preces supplicationesque ad eū qui possit illū saluū facere à morte cū clamore valido & lachrymis, offerēs, exauditus est pro sua reuerētia*, c'est à dire que nostre seigneur tādīs qu'il estoit mortel, spécialement quād il estoit estēdu en la croix, il a offert à Dieu son pere des prieres & oraisons, & son corps & son sang, pour qui? pour le peuple, il a crié à haute voix, & il a esté exaucé pour sa reuerence, c'est à dire, qu'il en estoit digne. Ainś fault il faire, quand iē viens à l'autel, & penser: que suis-je, & que veulx ie faire? ô! nous n'y pensons gueres: & cōsequēmēt il aduiēt que le sacrement de l'autel est tāt deprisē, il n'y eust pas tāt eu d'heresies si nous eussiōs esté plus deuots. Que fault il faire? des oraisons & supplicatiōs à Dieu. La messe est le S. sacrifice le pl⁹ principal. *Missa*, c'est vn mot Hebreu, & *liturgia* en Grec, & *sacrū mysteriū*, en Latin. Or toute la saincte messe consiste principalement en trois choses, il y a la cōsecration du corps & du sang de nostre Seigneur, l'oblatiō & la cōmunion d'iceluy par le prestre. La messe a esté instituée de Dieu, *Primo*, il a institué la cōsecration de son corps & de son sang, par ce qu'il a dit. *Hoc facite*, *Secūdo*, il a institué d'offrir. Incōtināt que le prestre a cōsacré, il offre à Dieu la saincte hostie, il dit: *Vnde & memores passionis, & c.* *Tertio*, Iesus Christ a institué que le prestre prene & communie le corps & le sang de nostre Seigneur, soubz les especes de pain & de vin, en cōmemoratiō que le sang de nostre Seigneur a esté du tout separé de son corps. Dieu a institué cela, & l'impugne l'heretique tant qu'il voudra, *Primo*, la messe est instituée de la consecration du corps & sang de Iesus Christ, de l'oblatiō & de la

sumption d'iceluy: l'eglise a institué à dire plusieurs choses auant & apres la consecration: *Primo*, le prestre dit publiquement: *Confiteor*. Puis il commence par l'introite, ou il y a: *Gloria patri*, c'est l'inuocation de la sainte Trinité. Apres il y a des oraisons, obsecratiōs, petitiōs, & requestes en la Messe, que l'eglise a institué, mais nō pas la cōsecratiō, l'oblation, & la sumption du corps de nostre Seigneur, sous les especes de pain & de vin, mais l'eglise pour plus grande reuerence, a institué plusieurs choses auant & apres: cōme quand on veut faire quelque chose de grand, on fait des preparatifs, on inuoe l'aide de Dieu, nous rendons graces à Dieu par oraisons, prieres, hymnes, & cantiques. Le prestre dit, *Sursum corda*, c'est à dire, eleuons noz cueurs en hault. Le peuple respōd, *Habemus ad Dominū*, c'est à dire, Dieu vueille qu'il soit ainsi. En apres, le prestre enhorte de rendre graces à Dieu, *Gratias agamus Domino Deo nostro*, & le peuple respond, *Dignum & iustum est*. Le prestre prie pour les viuans & trespassez, car les trespassez sont participās du sacrifice de la Messe comme les viuans, tellement que l'eure en l'eglise de Dieu, auquel la foy chrestienne est plus demonstrée, c'est en la Messe, & ceulx qui sont hors de la foy & de l'eglise, ne sont point participans des suffrages d'icelle. Il n'y a doncq point d'eure, auquel la foy est plus exaltée qu'en l'office de la Messe, il n'y a rien plus saint que d'inuoe le nom de Dieu, & de le louer, & de prier pour foy, & pour les autres. Doncq quand il est question de venir dire la Messe, ne nous hastons point tant: il n'y a rien plus agreable à Dieu pour impetrer grace & remission que la Messe. Des autres bonnes eures & oraisons, si la personne n'est agreable à Dieu, il n'y aura riē agreable à Dieu. Mais le saint sacrifice de la Messe en foy est tousiours agreable, pour l'amour de Iesus Christ son fils bien aimé combien que le prestre ne vaille riē. Et pourtāt, la Messe, c'est vn moyē le plus efficax pour impetrer grace q̄ nul autre q̄ soit, tant pour les viuā q̄ pour les trespassez. Mais quelque deuotiō que i'aye, ie ne voudrois point en faire dire à vn vagabōd, afin que ie ne fus-

Il n'y a rien plus agreable à Dieu pour impetrer grace & remission, que la Messe.

Samedy apres le

se cooperateur de son mal , & de l'irreuerence faicte. Il y a vn tas d'auolez , i'aymerois mieulx leur donner quelque chose, tenez , mais allez, priez autre part, ie ne veulx point que v^{ous} chantiez pour moy. Le plus grand tesmoignage de la foy chrestienne, c'est le saint sacrifice de la Messe: aussi l'irreuerence qu'on y faict, Dieu la prend beaucoup en contre cuer. O nous sommes trop, direz vous. Ouy pour l'irreuerence qui y est : mais il n'y en peult auoir trop, quand la deuotion est obseruée. L'irreuerence a engendré erreur contre le saint Sacrement de l'autel. Notez que de tous les articles de la foy , il n'y en a point eu qui tant long temps ait esté sans auoir esté impugné. Car mille ans apres nostre Seigneur Iesus Christ, on n'a point trouué qui ait inuété aucune heresie contre le saint Sacrement de l'autel. Dés le commencement on a impugné la sainte Trinité, la diuinité de Iesus Christ, & la virginité de la vierge Marie a esté impu- gnée: mais on n'a poit trouué qui ait mal parlé du saint Sacrement de l'autel, mille ans apres nostre seigneur Ie- sus Christ. Il fault doncq dire , qu'on estoit plus reueréd

Ceux qui ont mal par-
lé premiere-
ment du S.
Sacrement
de l'autel.

qu'on n'est maintenant , ce qui ostoit toute heresie . Le premier qui en a mal parlé , c'a esté vn nommé *Berengarius*, archediacre d'Angers , encore cela ne dura point , & il se reuoca en plein Concile . Apres sont venus , *Ioannes Hus*, & *VVicleff*, qui ont reueillé les pouldres de *Berengarius*, lesquels aussi ont esté condamnez en plein Cōcile: & fut publié, qu'il n'y eust aucun qui mal parlast cō- tre le saint Sacrement , & aujourd'huy ils y retournent, d'ou vient cela ? *Mater Dei* ! c'est nostre irreuerence & indeuotion qui faict qu'on n'en tient autrement conte. Je parle des meschans : car il y en a de gens de bien . S'il y a quelque seruice en vne eglise, il s'en amassera plus au son de la cloche qu'au feu : Le curé ne doit point per- mettre cela en son eglise. L'honneur de nostre Seigneur Iesus Christ sera il à si peu de conte ? Quelle irreuerence seroit-ce de dire que le corps de nostre Seigneur Iesus Christ n'est pas là ? Si ie croyois fermement qu'il est au Saint Sacrement ie serois plus reuerend que ie ne suis,

mais ie ne demande qu'a expedier. Il y a danger qu'en se hastant on laisse quelque mot aux parolles sacramentelles, car la consecration ne seroit pas faicte: il fault penser qu'alors on tient le lieu de nostre Seigneur Iesus Christ. Et en sa personne ou doit prononcer ces parolles, *Hoc est enim corpus meum*. Ce n'est point vne parolle humaine, mais diuine, prononcée comme si vous estiez nostre Seigneur Iesus christ: & par la vertu de ceste parolle le pain est transubstantié au corps, & le vin au sang de nostre Seigneur Iesus Christ. Or voyla vn grand prestre, *Eccē sacerdos magnus*. Voyla vne grande prestrise, elle est plus grande que la dignité des Rois ou Empereurs: car ils ont seulement la puissance sur le corps, mais le prestre a puissance sur l'ame, & de transubstan- *Il fault fuir les mauuais- ses femmes cōme vn diable d'enfer.*

tier le pain & le vin au corps de nostre Seigneur Iesus Christ. Or ie me veux corriger & amender, & mieux faire que iamais: Dieu m'a mis en cest estat, ie ne suis pas digne d'estre porchier, mais d'oresnauant ie ne veux faire chose qui deroge à mon estat. Maudict est celuy par lequel nostre ministere est vilipendé, & puis la frequentation des femmes (horreur! abomination!) il les fault fuir comme le diable d'enfer. Sainct Ierome dit. *Memento semper quod paradisi colonum mulier de sua possessione eiecit*. Ne vous confiez pas en vostre force, que vous auez vescu chastemēt iusques à present, ou dire que vous estes vieil. Monsieur saint Paul dit, *Teipsum castum custodi*. & entre nous prestres, nous sommes assiz sur vn ourouer: & qui voirroit vn president y estre, ou iouer au sabbot en la rue, on diroit, comment, est il fol? *Mater Dei*! nostre auctorité est plus grande que d'un conseil- *Que signifie la couronne du prestre.*

lier ou president, & pourtant, il ne fault point faire chose indigne à nostre estat, mais plustost mourir, que par nous nostre ministere soit contemnē. Il est derogant à vn prestre estre addonné à l'argent, à l'auarice. *Il fault que toutes choses vaines & ca duques soiēt hors des prestres.*

Que signifie la couronne d'un prestre? c'est qu'il ne doit point auoir de milieu entre Dieu & nous. Il fault oster toutes superfluitez. Ce q est signifié par les cheueux qu'on oste de dessus la teste: car il fault que toutes choses vaines &

Samedy apres le

caduques , soient hors nous . Ne fault il pas viure ? n'ayez point de peur , ie veulx estre damné, si Dieu vous delaisse, pourueu que viuiez bien en vostre estat. Dauid dit. *Non vidi iustum derelictum, &c.* Et à Iosue . *Non te deseram, non te dereliquam, &c.* C'est vne grande meschance-té de voir vn prestre mendier son pain : vivez bien , & Dieu plustost conuertira les pierres en pain , que vous ayez necessité. Dieu a il plus tenu cōte de Daniel & Elie, que des prestres ? Il a enuoyé à manger à Daniel par Abacuch , en la fosse des Lyons , loing de plus de mille lieuës . Et à Elie, il enuoyoit vn corbeau qui le nourrissoit. En apres qui nourrissoit saint Antoine , & saint Paul premier hermite au desert ? Vn corbeau. Qui est la premiere occasion pourquoy vous estes prestres ? c'est afin que ie viue , que i'aye mes messes : & ie dis que vous mourrez de faim , car ce n'est pas la fin , mais pour gagner Dieu . Or ie n'ay rien , direz vous , vous ne deuez donc pas vous faire prestre, car il est dit par le decret, qu'il ne fault point estre ordonné sans tiltre : & voyla qui est cause que nostre ministere est vilipédé, c'est grād chose que la dignité sacerdotale . Saint Ierome dit: *Nunquam solus cum sola sis, nec sine teste* . S'il est question d'aller visiter les femmes, comme l'office le requiert, *Tales habeto socios : quorum contubernio non infamem* . On prie au curé, monsieur dōnez le surplis à vn tel. *O Mater Dei!* il les fault interroger premierement s'ils peuuent bien faire leur office . Entre vous qui ainsi suppliez, s'il n'est suffisant, vous demeurerez responsables deuant Dieu, de tous les maux qu'il fera. Pour l'honneur de nostre Seigneur Iesus Christ, entendōs nostre dignité: mōsieur S. Nicolas a bien consideré son ordre & sa dignité . Saint Iehan Chrysostome dit : vn prestre en son parler , en son maintien , en ses gestes, se doit monstrier aussi excellent par dessus les autres hommes , comme vn homme par dessus les bestes. M'appartient il de iouer aux cartes, & aux dets? horreur & abomination! Quand il seroit licite à vn seculier d'y iouer pour peu de choses, & par recreation , comme à la reinette, & tout ieu de sort est ha-

fardeux: & quand il luy seroit licite d'y iouër, toutesfois
s'il iouë avec vn prestre il offense: car il est defendu de
droict à vn prestre d'y iouër, & il communique avec luy
au crime. Et y passer la nuit. Ah! ce n'est pas aux prestres
de iouër, mais d'estudier, de lire, de prier, & de regarder
bien qu'en aucune chose le peuple ne soit scâdalizé. No-
stre estude soit de bien gouuerner nostre interieur &
exterieur en representant la vie de nostre seigneur Iesus
Christ. Nous auons bien besoing d'un bon concile, non
pas pour la foy de l'eglise Catholique, car elle ne peult
errer, mais pour reformer les abus qui sont en l'eglise. Je
supplirois volontiers nostre seigneur Iesus Christ, de
nous donner vn bon Concile, pour reformer les abus &
commencer au chef depuis les plus grands, iusques aux
plus petis, & ie vous prie d'en supplier nostre seigneur
Iesus Christ, que ce soit à son honneur, & à nostre salut.

*Ce n'est l'of-
fice des pre-
stres de iouer
mais d'estu-
dier & prier
Dieu.*

Ecce sacerdos magnus. Voila vn grand prestre que mōsieur
sainct Nicolas. Je suis vn petit long, mais ie voudrois
que l'heure fust plus longue, pour parler de l'honneur
& de la dignité des prestres, mais ce sera assez
pour ceste heure. Dieu nous doint sa grace
en ce monde, & sa gloire en l'autre.

*Quò nos perducatur, qui sine fine uiuit
& regnat Deus, Amen.*

(. .)

Pour le second Dimanche de l'Aduent.

S E R M O N P R E M I E R.

Rom. 15.

Quacunque scripta sunt, ad nostrā doctrinam scripta sunt. Sainct Paul en l'epistre du iourd'huy, laquelle est escrite au quinziésme chapirre de l'epistre aux Romains, nous monstre l'vtilité, & le fruiet de la saincte escriture, quand il dit: *Quacunque scripta sunt.* Le fruiet & l'vtilité que vous trouuez en l'escriture, c'est patience en aduersité, & ioye & consolation, bon espoir & confiance en nostre seigneur Iesus Christ. S. Paul dit, que tout ce qui est escrit, c'est pour nostre doctrine, instruction & salut. L'escriture au cōmencement nous propose la creation du monde, elle nous dit que Dieu a crée & formé de rien la terre, le ciel & les estoilles, le soleil pour luyre de iour, & la lune pour luyre de nuict. Ce que nous propose l'escriture par la creation du mond, eque sert cela? C'est pour vostre doctrine & instructiō: la doctrine que vous en rapportez, c'est que vous recognoistrez par cela la route puissance de Dieu, & sa vertu. Quand on vous dit que Dieu a tout faict & crée de rien: par cela vous estes instruits de croire & entēdre, qu'il n'y a rien impossible à Dieu: car il est tout puissant, & rien ne peut resister à sa volonté: il peut tout faire quand il veult: parquoy cela cogneu on a matiere de craindre Dieu: car il fait ce qu'il veult: *Omnia quacunque voluit fecit, in celo & in terra.* Il est donc bien digne d'estre crainct & aimé, voila la doctrine que vous apprenez par l'escriture. Si l'homme cognoist Dieu, createur de toutes choses, & qu'il est tout puissant, que luy sert cela de lire l'escriture? C'est afin qu'il craigne, & apprenne à craindre Dieu, & luy exhiber honneur & reuerence, entant qu'il est le souuerain seigneur. L'escriture nous propose que l'homme a esté crée le dernier des creatures, le sixiesme iour. Par cela l'escriture nous enseigne que Dieu a tout faict pour l'homme, & n'y a aucune creature qui soit tant obligée à Dieu que l'hōme. Il enuoye les Anges pour le ministere des hom-

En aduersité il fault prendre patience, ioye & consolation.

La cognoissance de l'escriture sert pour cognoistre Dieu, àimer, craindre & honorer.

Secōd dimenche de l'Aduent. 45

mes. Dieu a fait l'homme en grace excellente, c'est dōc vn tesmoignage que nulle creature est tant obligée à Dieu, que l'homme. Parquoy, il fault donc prendre vne doctrine qu'il est plus tenu de luy rendre grace que nulle autre creature, & que nostre peché, en vne qualité, est plus grief que le peché du diable d'enfer. Il fault apprendre cela, autrement ne seruiroit de rien le sçauoir : car tout ce qui est escrit, c'est pour nostre doctrine & instruction. Outre cela, l'écriture nous propose que pour le peché de l'homme, Dieu l'a iecté hors de paradis terrestre, & l'a constitué en vne vie laborieuse, pleine d'angustie, & a condamné tout homme à mourir, comme dit saint Paul: *Statutum est omnibus hominibus semel mori*. Dequoy sert cela, que l'homme estoit sans crainte en paradis terrestre il est tombé & Dieu l'a iecté hors de là, & a mis vn Cherubin à la porte, ayant vn cousteau versatile. Cela est escrit pour nostre doctrine, & pour nous donner à entendre, combien Dieu hait & a en contrecœur peché & vice: *Quoniam non Deus volens iniquitatem tu es, neque habitabit iuxta te malignus*. Comment cognoistrōs nous que Dieu a le peché en contre-cœur? vous voyez qu'il estoit avec l'homme, & l'homme viuoit d'une vie trāquille, impassible, sans labeur: c'est biē participer dieu, que d'auoir immortalité. Il est impossible de viure sans labeur, & Dieu est tout cela par nature. Et l'hōme estoit ainsi auant peché: mais quand il a offensé, il a perdu impassibilité, immortalité, il vit d'une vie calamiteuse & miserable comme nous l'experimentons. En ce que l'écriture propose que l'homme est ainsi puny à la rigueur, il signifie que nous deuons prendre doctrine & instruction, que Dieu de sa nature hait peché, il ne se peult cōpatir avec celuy qui l'offence. Donc si vous voulez participer de Dieu, il fault haïr peché & l'auoir en contrecœur. Comme, si ie sçay bien que le feu brulle, ie n'ay garde d'y mettre la main. Si ie hais quelque viande, ie uiteray de la prendre. Aussi, si i'ay à cōtre-cœur peché, ie me garderay bien de le faire. Quand nous aimons quelque vn, nous approchons de luy, autrement non: aussi si ie hais peché, ie fuyray toutes les occasions de peché, en-

Hebr. 9.

Psal. 56.

Dieu n'est point par grace avec celuy qui cōmet peché mortel.

Second dimenche

tant qu'il me sera possible. Prendre plaisir à son peché, le defendre, c'est orgueil. Et incontinant que le diable defendit son peché, il tomba: Dieu ne le sceut compatir, car c'est ce qu'il a en cõtre-cueur. Que signifie q̃ Dieu a mis vn glaiue versatile à la porte de paradis terrestre, vn cousteau qui tourne? Il fault là prendre doctrine, que peché desplaiſt à Dieu & empesche de participer avec luy. Aussi si l'homme veult se repentir, auoir contrition de son peché, Dieu muera sa sentence. Le cousteau, c'est la sentẽce de Dieu qui se muẽ, si on desiste de son peché, cõme dit saint Gregoire: *Nouit Deus mutare sententiã, si nouisti mutare delictum.* Dieu ne punit pas incontinãt qu'on a failly, il est patient & misericordieux. Chãgez vostre vie, & il muera sa sentence. Ouy, mais Dieu a iecté l'hõme hors de paradis, n'y pourray-ie point rentrer? Ouy, le moyen c'est que vous faciez penitence, & le cousteau, c'est à dire la sentẽce de Dieu sera tournée. Vous auiez vn mauuais courage, & vous vous reconnoissez, vous demandez pardon, Dieu tournera sa sentence. *Quęcunq; scripta sunt.*

S. Gregoire.

Tout ce qui est escript, c'est pour nostre doctrine & instruction. Je cognois comme Dieu le createur a faict tant de graces à l'homme: ie regarde que tant confusiblement il a deiecté l'hõme de paradis terrestre: par cela ie cognois que peché luy desplaiſt beaucoup. Outre, ie voy le cousteau versatile, c'est à dire, qu'il ne fault pas que ie me desesperẽ quand i'ay failly: mais il se fault repentir en esperance que Dieu muera sa sentence: *Nam quacũque hora ingemuerit peccator omnium iniquitatum eius non recordabor.* Et si le iuste se deuoye, Dieu tournera son cousteau: il oubliera toutes les iustices d'iceluy. C'est la doctrine que il fault prendre de l'escriture. Et saint Paul dit: *Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei, ad omne opus bonum instructus.* D'auãtage, que dit l'escriture? specialement trois choses, comme dit S. Paul, sçauoir est, patiẽce, consolation, ioye, & espoir en Dieu. La vie humaine est subiecte à toute misere & tribulatiõ, il est impossible de faire son prouffit sans patiẽce. Qui est l'enfant qui murmurera cõtre le pere, s'il est bien ordon-

On cognoist
combiẽ peché
desplaiſt à
Dieu par la
peine pour
iceluy infligee.

Ezech. 13.

1. Tim. 3.

né? Il estime vn thesor s'il a vn soufflet de son pere: il n'a garde de mettre la main au deuât: il ne murmure point, quand il est corrigé de son pere: aussi, quãdvous auez des aduersitez & tribulatiōs, il ne faut pas estre impatiēt: car c'est Dieu qui les enuoye. En l'escriture, le mal est souuēt prins pour affliction & tribulation, comme quand il est dit: *Non est malū in ciuitate, quod dominus non fecerit, videlicet malū pœna*. Pourquoy appelez vous les aduersitez & tribulations, mal? car ils viennent de peché, & l'origine des tribulations vient de peché. D'ou est venu la misere & calamité de l'homme? d'Adā, de peché. Ce n'est pas peché que la chair repugne à l'esprit, mais c'est tribulation qui est appelée mal, malice: car la premiere racine de misere, c'est l'offense de Dieu: car au paranauât peché, il n'y auoit point de rebellion, de cōtrarieté de la chair à l'esprit. Ceste bataille n'est pas peché. I'ay des tētatiōs: mais pourueu que mon esprit demeure en Dieu, ie n'offense point. Et pourtāt les miseres & tribulatiōs, comme faim froid, chauld & soif, sont dites en l'escriture maux & malice: car ils sont venuës de peché. Si Dieu enuoye dōc des tribulations, il fault auoir patiēce, les porter patiēment. Pour qui? pour l'amour de Dieu. Il est plus facile à le dire, qu'à le faire: mais pour auoir bien patience aux maux de ce monde, il fault cōsiderer que toutes les peines viennent de Dieu: & ne veult, ny ne permet rien sans cause & raison. I'açoit que ie me sente innocēt, si toutesfois ie me compare à Dieu, il n'y a en moy rien iuste, Iob estoit hōme iuste deuant Dieu, duquel Dieu en porte tesmoignage. Pourquoy donc le diable le persecute-il? Dieu luy en a donē la puissance. Il l'a si bien mené, qu'il l'a mis sur le fumier, luy qui estoit le plus riche d'Oriēt. Sa maison fut ruinée, ses enfans tuez, & tout son bestail perdu, tellemēt qu'il n'auoit point vn linge à mettre sur luy. Outre cela le diable a eu la puissance de tourmēter Iob corporellement, par la permission de Dieu. Cōme voila vn innocēt condāné & mis à mort, Dieu destourneroit biē le cas s'il vouloit, cōme il fist du faux tesmoignage des vieillards, contre Susanne: Le persecuteur sera dāné: car il fait mal, & la persecution procedāte comme de luy, est inique &

Amos 3.

L'affliction
& patience
de Iob.

Second dimenche

meschâte. Mais en cōsiderāt qu'elle viēt de Dieu, elle est iuste & raisonnable. Dieu a il fait tort à Iob en luy ostant ses biēs? Nenny, car il les luy auoit p̄stez. Dōc en cognoissant q̄ Dieu ne fait riē sans raison, il faut prédre en patience & dire: *Iustus es domine, & rectū iudiciū tuū*, aussi ce n'est pas à moy de l'entēdre: mais ie dois croire q̄ tout ce qu'il fait est iuste, baisser la teste en m'humiliant. Et pource,

S. Chrysoſt.

*Cōment on
peut faire
de neceſſité
vertu.*

ceste patience est neceſſaire. S. Iean Chryſ. dit vne bonne chose, & dequoy il faut faire son prouffit. Nous ſommes ſubiects à neceſſité & pauvreté, & ne pouuōs no^r en oſter. L'hōme maugré luy endure faim & ſoiſ, & est ſubiect à chaut & à froid, & à eſtre mis en priſon, & perſonne ne luy aidera, & toutesſois il a patience. Vo^r direz, ô c'eſt par force. S. Chryſ. dit: Si vo^r voulez cōuertir voſtre neceſſité en volōté, elle est d'aussi grād merite deuāt Dieu, q̄ ſi elle eſtoit faiſte volōtairēmēt ſans cōtraincte: cōme i'ay la faculté de diſner, de māger de la chair, & ie veux ieufner, cela ſe fait de volōté, non pas de cōtraincte. Aussi, ie me puis biē chauſſer, n'ēdurer point de froid, car i'ay de l'argēt pour auoir du bois, toutesſois ie veux endurer froid: cela est volōtaire, & viēt à merite deuāt Dieu. Mais voila vn pauvre qui n'a riē, & il endure par neceſſité, a il merite? S'il ſe veut colliger entre Dieu & ſoymeſme, & dire. Puis qu'il plaist à Dieu que i'endure neceſſité, ie ſuis biē cōtent. Alors en cōuertiffant ma neceſſité en volōté, elle m'eſt imputée cōme vn euvre libre & de pure volōté.

*Exemples
pour faire de
neceſſité ver
tu.*

Voila vn hōme cōdāné à mourir, il ne peut eſchapper: il a moyé q̄ ſa mort ſera autāt agreable à Dieu, cōme ſi c'eſtoit vn innocēt qui endureroit pour noſtre ſeignr. Que ſera il? Il doit ſe recoliger & dire: Ie cognois q̄ pour mō peché i'ay merité la mort, ie deſire d'en ſatisfaire & faire amende honorable, on me fait mourir mais c'eſt par neceſſité, il est vray: mais quād i'aurois ma vie en ma main, ie n'en voudrois pas pourtāt eſchapper ny auoir ma grace: mais ie voudrois mourir pour la remiſſion de mes pechez. Alors ſa mort est acceptée de noſtre ſeigneur, cōme ſil eſtoit innocēt, & il meurt, nō point par neceſſité, mais cōme vn Martyr. Et Dieu ne regarde point qu'il endure par neceſſité: mais cōme venant de ſa libre volōté, & a

tant en horreur peché, qu'il ne voudroit pas auoir sa grace, ne sa remission, mais il veut mourir. Ceste mort là est glorieuse, qui est equiparée à Martyre, quand librement on s'offre à endurer pour l'amour de Dieu. Et pourautât, patiëce c'est vne vertu necessaire pour aller en paradis, & il est impossible de porter les miseres, tribulations & aduersitez, si nous n'auôs patiëce. Aussi S. Paul dit: *Patientia enim vobis necessaria est, vt voluntatem Dei facientes, reportetis promissionē.* D'auantage les hōmes craignēt tant d'auoir des tribulations, de la pauureté: mais c'est vne grāde grace, & vn don special de Dieu, q̄ d'ēdurer: & l'hōme qui est en aduersité, est plus cōsolé, & a plus matiere d'espoir, q̄ celuy qui est en prosperité, qui a ses souhaits selon son appetit naturel. *Nō solū vobis donatū est vt in christū credatis sed pro illo patiamini.*

C'est vn don de Dieu que la foy, aussi ce n'est pas pour Dieu q̄ i'endure. Il mōstre q̄ si est. Aucunes fois il en y a qui se faschent, quand ils ont des tribulations en l'esprit, ils ont des pēśées telles quelles, si meschātes: ils en sont biē maris. S'ils endurent pour l'amour de Dieu, c'est vn dō de dieu. N'est-ce pas endurer pour dieu quād vo⁹ craignez d'offenser, vo⁹ estes agité de mille tētatiōs. L'ēnemy, le diable, ne cherche qu'à vo⁹ deuorer, & pour vo⁹ descourager, il vo⁹ baille mille phātases. Tout cela n'est poir peché, mais peine q̄ vo⁹ endurez pour dieu car vous a meriez mieux mourir q̄ d'offenser. Et au lieu de se fascher & ennuyer, il se fault resiouyr pour faire cōfusion à l'ennemy. Louēz Dieu, & luy rendez graces, dequoy il vous exerce par tribulation. Vous direz, ie voudrois bien auoir perdu vn bras, tout mon bien, & n'auoir point telles phantasies: parauenture qu'il est vray: mais ce ne sont que peines, & non pas peché. Le diable ne vous peut rien faire de mal, quand vous auez bon vouloir enuers Dieu. Au lieu de fascherie, & d'ennuy, louēz Dieu, & le remerciez: car c'est vn don de Dieu, que vous endurez. En apres, n'est-ce pas vn don de Dieu, ne vouloir point celler le voile, ne celer point la verité? & on me sçait mal gré, on dit que ie ne suis qu'un homme capiteux. seditieux? Tant'en fault que vous en deuez

C'est vn don de Dieu que la foy, aussi ce n'est pas pour Dieu q̄ i'endure. Il mōstre q̄ si est. Aucunes fois il en y a qui se faschent, quand ils ont des tribulations en l'esprit, ils ont des pēśées telles quelles, si meschātes: ils en sont biē maris. S'ils endurent pour l'amour de Dieu, c'est vn dō de dieu. N'est-ce pas endurer pour dieu quād vo⁹ craignez d'offenser, vo⁹ estes agité de mille tētatiōs. L'ēnemy, le diable, ne cherche qu'à vo⁹ deuorer, & pour vo⁹ descourager, il vo⁹ baille mille phātases. Tout cela n'est poir peché, mais peine q̄ vo⁹ endurez pour dieu car vous a meriez mieux mourir q̄ d'offenser. Et au lieu de se fascher & ennuyer, il se fault resiouyr pour faire cōfusion à l'ennemy. Louēz Dieu, & luy rendez graces, dequoy il vous exerce par tribulation. Vous direz, ie voudrois bien auoir perdu vn bras, tout mon bien, & n'auoir point telles phantasies: parauenture qu'il est vray: mais ce ne sont que peines, & non pas peché. Le diable ne vous peut rien faire de mal, quand vous auez bon vouloir enuers Dieu. Au lieu de fascherie, & d'ennuy, louēz Dieu, & le remerciez: car c'est vn don de Dieu, que vous endurez. En apres, n'est-ce pas vn don de Dieu, ne vouloir point celler le voile, ne celer point la verité? & on me sçait mal gré, on dit que ie ne suis qu'un homme capiteux. seditieux? Tant'en fault que vous en deuez

En temps de fascherie & d'ennuy on doibt louer Dieu & le remercier.

Second dimenche

fascher: mais plustost vous en resioüir plus que si tous les Rois du monde vous embrassoient, & vous dōnoient le sceptre Royal en vostre main. Ce n'est pas moins d'honneur d'auoir reuelé la verité, & que vous n'avez point crainct l'inimitié du monde, pour soustenir le party & la querelle de nostre Seigneur: *Beatus enim qui suffert tentationem: quoniā quando fuerit probatus accipiet coronam vitæ.*

Encores, si vous endurez pour voz pechez, il ne fault pas s'en melācolier ne facher, mais plustost s'en resioüir pour l'amour de Dieu. Il en y a qui sont reputez iustes, mais ils ne valēt riē. Helas! ne leur seroit ce pas grād grace si leur faute estoit cogneüe & punie? car ce seroit pour en faire satisfaction: & si vous ne la faiçtes, vous estes perdus. Ce seroit vn bon heur pour vous, si vostre peché venoit à co

*Dieu faiçt
grande gra-
ce à vn here-
tique secret,
quād il per-
met qu'il soit
reuelé pour
estre puni &
que par ainsi
sē recognoiſt.
Eſa. 28.*

gnoissance, pour vostre correction, & pour la terreur des autres. Auez vous offensé, prenez la misere & calamité en patience. Dictes à Dieu: Seigneur, ie l'ay bien meritē. Et dauantage, rien ne vous doit ennuyer & fascher que peché, non point en tribulation: mais plustost vous doit cōsoler, & deuez prendre assurance & confidence. Si i'e-

stois vn heretique secret, que Dieu m'en vueille garder, Dieu me feroit grāde grace en reuelāt mō peché, car si ie demourois ainſi, ie serois dāné. Ne me seroit-ce pas grād grace, si i'estois apprehendé de iustice? Oüy certes, car *Aliquando vexatio dat intellectum*. Le mauuais riche a ouuert les yeux, & a cogneu sa faute, luy estant aux peines d'enfer, mais c'estoit trop tard. Aussi vn paillard en sa meschanceré est aueugle: mais quand il vient à sentir les gouttes, à auoir la maladie de Naples, qu'il a le visage tout mangé, alors il se repent, & il cognoist sa faute, & au parauant les yeux estoient fermez. Et s'il endure patiemment pour l'amour de Dieu, cela luy est meritoire deuāt Dieu. Si tant soit peu Iesuchrist est formé en moy, i'espe-
S Chriſost. re, car le iuste ne voudroit autre chose qu'endurer du mal pour l'amour de Dieu, il ne voudroit point d'autre paradis. S. Iean Chriſ. *Pro magno ducit pati pro Christo, ampla enim merces, ampla retriſutio*. Pour toute recompense, ne demāde autre chose: & nul ne peut gouster cela, s'il n'est enragé de la charité de Dieu. Si i'ay amour à quelque

chose, ie m'expose à tout dāger, à aller par sur mer, & par sur terre, quelque peine que i'aye, car tout est mené par amour. Et quand on a charité enuers Dieu, on ne trouue point de peine, car l'amour rend tout facile. Nous pensons estre nostre mal, ce qui est nostre grand bien. Soyōs donc patiens iusques à la venue de nostre seigneur, comme dit saint Iaques. Il dōne vne exemple du laboureur, qui patiemment attend le temps de la moisson, endurent le froid pluyes & gresles : *Ecce agricola expectat preciosum fructū terræ, patienter ferens donec accipiat temporaneum & serotinum.* Vous auez les exemples de patience aux patriarches & prophetes : *Ecce beatificamus eos qui sustinuerunt. Sufferentiam Iob audistis, & finem domini vidistis.* Secundo, il y a consolation singuliere, quand on dit : I'ay bien meritē telle peine pour mon peché, cela engendre vne grande cōsolation en la personne. *Tertio, spem habeamus.* Il nō fault appuyer sur Iesuchrist, & qu'en luy, nous ayons esperance. Il en y a qui disent, ie suis tāt impatiēt ie me courrousse, & me fasche tousiours. Notez, qu'il y a deux choses en nous, nature & l'esprit. Les plaintifs que nous faisons, ne viennent que de nostre nature, lesquels nous exprimons par la bouche, ie dis, ô que i'endure, cela n'est point plus de peché, que de dire, le *Pater noster* : Mais l'esprit dict, ie n'endure pas beaucoup. Nature, ne dit pas ainsi : mesme nostre Seigneur a faict les plaintifs de nature, & s'il n'auoit passé par là, nous penserions que ce fust peché. Il dist en l'arbre de la croix : *Deus meus deus meus, vt quid me dereliquisti?* Mō Dieu, pourquoy m'auuez vous delaisé? Cōme homme ie suis destitué de tout ayde & abandonné. Ceste voix, estoit vne voix de nature humaine, car il enduroit comme homme, & comme vn homme qui dit, ô que ie suis affligé! Mon Dieu enuoyez moy la mort. Aussi nostre seignr au iardin d'oliuet disoit en faisant son oraison, *Pater, trāseat à me calix iste.* Tout cela ne sont que les plaintifs de nature. Iob disoit : *Maledi soit ses plains & ta diēs in qua natus sum, & nox in qua dictū est, cōceptus est tes de pro-homo.* Offensoit il en maudissant le iour qu'il auoit esté né? Nenny, car il ne disoit pas cela de raison deliberée, mais selonc mais ce sont paroles, qui declairent les plaintifs de nature,

Iac. 5.

Iac. 5.

Rom. 15.

Iob. 3.

Iob ne fai-

Second dimenche

qui ne se
peult accor-
der avec l'es-
prit à Dieu.

ture, laquelle ne se peult accorder. Quand vous diſtes, Je ne ſuis point patient, cela peut aduenir quant à l'appetit ſenſif, à la portion inferieure. L'ame de noſtre Seigneur eſtoit triſte quāt à la portio inferieure, mais quāt à la portio ſuperieure, & quāt à l'eſprit, il eſtoit en grand ioye, iuſques à dire à ſes Apoſtles. *Deſiderio deſideraui hoc paſcha māducare vobis cum.* C'eſt à dire qu'il auoit grād deſir de mourir, & toutesſois, quāt à la portion inferieure, il eſtoit triſte. Auſſi l'hōme peut eſtre impatient. La chair murmure, mais ceſte impatiēce eſt naturelle, cōme ſi vous prezentez le foüet à vn chien, il fuyra, auſſi la chair repugne: mais l'eſprit ne murmure point cōme dit S. Paul, *Condelector enim legi dei ſecundū interiorem hominem: Video autem aliā legem in membris meis, repugnātē legi mentis mee & captiuātē me in lege peccati, que eſt in mēbris meis.* Quant à la chair, Je ſens vne loy me tenant captif: Mais quant à l'eſprit, ie me condelecte à la loy de Dieu. Et pource, pēſez, ſi le murmure de la chair n'eſt point venu iuſqu'à la raiſon, il ny a point d'oſſenſe, & ne ſ'en fault point conſeſſer. Mais ſi l'eſprit murmure, & prēd mal ce que Dieu luy a enuoyé, à ceſte heure là, il oſſenſe. Et pourtant dit ſainct Paul, que tout ce qui eſt eſcript, c'eſt pour noſtre doctrine & conſolation, & afin que nous ayons eſperance en noſtre Seigneur, qu'il nous ſauuera. Venez ça, vous qui eſtes en tribulation, penſez en vous. N'ay-ie iamais eſté en tribulation & aduerſité? ouy, & Dieu m'en a deliuré. Il fault que vous preniez encore eſperance, que Dieu vous deliurera, auſſi bien qu'il vous a faiſt: & quād vous trouuerez en quelque affaire, ayez ſouuenance du temps paſſé S. Paul dit de luy: *Non enim volumus vos ignorare fratres de tribulatione noſtra, que facta eſt in Aſia, quoniā ſupra modum grauati ſumus ſupra virtutē, ita vt taderet nos etiā viuere. Sed ipſi in nobis metiſſis reſpōſum mortis habuimus, vt nō ſimus fidētes in nobis, ſed in deo qui ſuscitat mortuos, qui de tātis periculis nos eripuit & eruit in quē ſperauimus.* Meſme Ezechias eſtāt fort malade fut admōneſté p Eſaie qu'il mourroit, incontinant a tourné ſa face vers la paroy, & a prié Dieu diſant, *Obſecro domine memēto queſo, quomodo ambulauerim corā te in veritate, & in corde perfecto, & quod bonum eſt*

est in oculis tuis fecerim. Comme s'il disoit, Seigneur, vous m'avez gardé d'estre idolatre. Je suis tousiours demouré en vostre seruice, & comme vous m'avez aidé le temps passé: *Quomā & adhuc eripiet.* Le Roy Ezechiel, qui estoit malade prioit donc ainsi Dieu: *Obsecro Domine memento quæso. &c.* Aussi maintenāt aidez moy, s'il vous plait, mō Dieu. Cela luy seruit beaucoup: car il eut deliurance de la mort, & luy fut encores adiousté quinze ans à sa vie, mais nous ne sçaurions rien auoir si nous ne le demandons à Dieu. Sainct Paul dit, Je prie Dieu quel Dieu? de patience, de consolation, & le Dieu d'esperance. Ce n'est pas à dire qu'il y ayt plusieurs dieux, mais il est dit le Dieu de patience, car il est autheur de patience, de consolation, & d'esperance. Auourd'huy les meschants se moquent, de quoy nous appelons la vierge Marie, nostre dame de liesse, nostre Dame de recourance, nostre Dame de bon desir, &c. Il n'y a pas plusieurs nostres dames, il n'y en a qu'une: mais pour ses effects elle est ainsi denōmée: Aussi Dieu est appelé, le Dieu de consolation, car il console les cueurs des desolez, & le Dieu de patience, car il donne patience en aduersité, & ainsi des autres effects qu'il donne. La vierge Marie est dictē, nostre Dame de liesse, car vne pauvre personne desolée trouue liesse en son cœur, par les merites de la vierge Marie. Et ainsi des autres effects. Cōme, voyla vn pauvre hōme tout descōforté, qui a perdu ses biēs, lesquels il recouure par les prieres de la vierge Marie: à ceste cause, elle est dictē, nostre Dame de recourāce, elle n'est pas diuetsifiée en sa personne, mais en ses effects. Cōme il n'y a qu'un Dieu, aussi n'y a il qu'une nostre Dame: mesme le S. Esprit est dit sepriformé, non pas qu'il y en ayt plus d'un par nature, mais pour ses dōs & effects: il donne le don de sapience, & pource il est dit *Spiritus sapientiæ.* Et ainsi des autres dons, cōme de force, de conseil, de craincte, de science, &c. En apres, la vierge Marie est appelée nostre Dame, & la mere de cōpassion, car elle est aduocate, & a compassion des pauvres pecheurs. Donc, nostre Seigneur est dit, le Dieu de paix, de cōsolation, & patience: car il en est l'autheur, lequel nous priérons, qu'il nous donne sa grace en ce monde, & sa

Esa. 38:

Les heretiques meschans se moquent de quoy nous appelons nostre Dame de liesse, &c.

Esa. ii:

Second dimenche

gloire en l'autre. *Quò nos perducatur qui sine fine vivit & regnat, Amen.*

Autre sermon du second dimenche de l'Aduent.

Rom. 15.

Psal. 111.

Job. 28.

Esa. 26.

Eccle. 12.

Joan. 14.

En la crainte & amour de Dieu consiste le bien & le salut de l'homme.

Eccle. 12.

Hebr. 12.

Q*Uæcunque scripta sunt, ad nostrā doctrinam scripta sunt.* Tout le salut de l'homme gist & cōsiste en deux choses, en crainte & amour. L'homme commence son salut par crainte, & l'acheue par charité. L'escriture dit: *Initium sapientia timor Domini.* Et Job: *Timor Domini ipsa est sapientia, & recedere à malo, ipsa est intelligentia;* & le Prophete Esaye dit, *A timore tuo cōcepimus spiritum salutis.* Et le Sage: *Deum time, & mandata eius observa, hoc est omnis homo.* Garder le commādemment de Dieu, c'est aimer Dieu, car monsieur S. Iean dit en la personne de nostre Seigneur I E S V S C H R I S T, *Si quis diligit me, sermonem meum seruabit.* Craindre Dieu, ce n'est autre chose à dire, que de garder les commādemens de Dieu, & aimer Dieu. *Nam probatio amoris exhibitio est operis.* Donc en la crainte & amour de Dieu, consiste le bien & le salut de l'homme, *Deum time, & mandata eius observa: hoc est omnis homo.* Tout le salut de l'homme consiste en ces deux choses, en l'amour, & en la crainte de Dieu. L'escriture propose en tous lieux, l'amour & la crainte de Dieu, elle nous propose le iugemēt de Dieu pour nous induire à craindre Dieu, car il fault biē craindre de tomber aux mains de Dieu vivant, cōme dit monsieur saint Paul: *Horrendum est incidere in manus Dei viventis:* cela nous induict à auoir crainte. Outre, l'escriture nous propose la charité de Dieu, & son bon vouloir. Laquelle charité nous prouoque plus à amour que la crainte du iugement de Dieu. Il fault donc auoir crainte & amour: l'un & l'autre est necessaire, tandis que nous sommes en ce monde. Afin que nous craignons Dieu, l'escriture nous propose le iugement de Dieu, combien il est seuer, & terrible, qu'il ne laisse rien

impuny, iusques à demander raison des pensées, & paroles oyseuses : c'est là vne grande terreur . Et afin que la craincte que nous pourrions conceuoir des iugemens de Dieu, ne nous abisme & absorbe, en vn autre lieu il nous propose la vie eternelle, douceur, mansuetude, grace, & remission. Le bien que Dieu promet, mitige la craincte que nous pouuõs conceuoir du iugemēt de Dieu. Si seulement nous considerions les menasses de Dieu, nous ne pourrions pas viure sans desesperer, car la terreur est si horrible, qui la pourroit porter? l'homme incontinant tomberoit . Et pour mitiger ceste craincte, nostre Seigneur baille de l'huyle de grace & misericorde . Il faict beaucoup de promesses. Cōsiderée la grace & bonté de Dieu, l'homme est esleué en espoir, & n'est point tant deprimé par terreur, comme il est esleué par promesses de Dieu. Le bien que Dieu promet, c'est la vie eternelle, il est infiniment plus grand que n'est la peine eternelle : l'vn & l'autre est demonstré. Si seulemēt on consideroit la promesse de Dieu, la bonté & son infinie misericorde, nul ne se desespereroit, il y auroit danger que l'espoir se conuertist en temerité & audace, sous vmbre de la misericorde de Dieu. Comme il en y a qui ostent purgatoire, & la satisfaction des pechez, vous voyez que ce qui deuroit estre en eux, espoir, il est conuertiy en liberté de peché, & disent qu'il ne fault qu'vn bon soupir pour estre sauué. Il est vray, mais ie ne sçay si Dieu me donnera la grace de l'auoir, car c'est vne speciale grace : sous vmbre que tel s'attend qu'il aura misericorde, il merite d'estre du tout delaislé, & damné eternellement. Il fault que l'amour & la craincte soyent ensemble, afin que s'il n'y auoit que la craincte, qu'elle ne se tournast en desespoir, & que si on ne regardoit qu'à la misericorde, on oubliast la terreur, & le iugement de Dieu, ce seroit audace & presumption . L'vn a part ne sauue pas, mais tous les deux ensemble . Auourd'huy nous est proposé pour doctrine, le iugement de Dieu, & les signes qui doiuent preceder. Chrestiens, nostre foy est, que nostre Seigneur Iesus Christ est mort pour nous, & resuscité, afin qu'il soit le Seigneur, des morts, & des viuans. L'escriure dit: Rom. 14.

Second dimenche

Act. 17.

Mortuus est, & resurrexit, ut uiuorum simul & mortuorū dominetur: c'est luy qui est cōstitué le iuge des morts & des viuans, & statuit diem in quo indicaturus est orbem in equitate, in viro in quo statuit. Nostre Seigneur Iesus Christ dissimule, & faict semblant de ne voir pas noz fautes, cōme faict le maistre d'escolle, quand il ne punit pas incontinant, il semble qu'il n'en tient pas conte, ainsi est-il de Dieu, ce dit monsieur saint Paul: *Et tempora quidē hu-*

Act. 17.

ius ignorantia despiciens Deus, nunc annunciat hominibus ut omnes ubique pœnitentiā agant, il annōce que tout le monde face penitence, c'est donc signe qu'ils sont pecheurs. Pourquoy est-ce faire? car Dieu a ordonné vn iour, auquel il rendra à vn chacun selon son euure, quel iour sera-ce? *De die illa nemo scit.* Et ce dit S. Marc: *De die autem*

Marc. 13.

Nul homme
sçait l'heure
ny le iour du
iugement de
Dieu.

illa, vel hora, nemo scit, neque angeli in calo, neque filius, nisi pater. Cōment, nostre Seigneur Iesus Christ ne le sçait-il pas bien? Il ne le sçait pas pour le vous reueler, comme le pere dit à son enfant qui luy demande quelque chose, il luy respōd, ie ne le sçay pas, c'est à sçauoir, pour te le dire.

Act. 1.

Nostre seigneur Iesus Christ disoit à ses Apostres qui vouloyent sçauoir le iour du iugement: *Non est vestrum nosse tempora vel momenta, que pater posuit in sua ipsius potestate.* Il ne vous est pas expedient de le sçauoir. Nostre Seigneur Iesuchrist le sçait dōc bien, mais non pas pour le vous reueler, si est-ce pourtāt, que le iour est ordonné

Act. 17.

& prefix, *quia statuit diem,* auquel il fera iustice & droit à vn chacun, comme il luy appartient. A ceux qui auront bien vescu, leur donnera la vie eternelle, & aux mauuais, peine eternelle. Le temps present, n'est pas que vn chacū est iugé selon iustice, s'il estoit ainsi, il y en auroit des plus grands qui seroyent penduz, & tant d'heretiques y a qui long temps a qu'ils fussent bruslez, tant de simoniaques: & par ainsi, iustice n'est pas faicte à vn chacun, comme il luy appartient, car vn menteur est réputé pour vn homme qui dit vray, & l'homme de bien est réputé pour vn meschant, le meschant sera assis au lieu du iuste. Ieremie disoit: *Diem hominis non desideravi, tu scis.* Au temps present, tandis que nous viuons, iustice n'est pas tousiours faicte, comme il appartient: mais le iour,

Iere. 17.

auquel nostre Seigneur a determiné de iuger n'est pas dit le iour de l'homme, mais le iour de Dieu, car alors, il fera ce qui luy plaira. *Beati qui esuriunt & sitiunt iustitiam, quæ quidem iustitia non fiet, nisi in die iudicij*, Statuit ergo die in quo iudicaturus est orbem in equitate, car il ne scauroit faire tort à personne, S. Iean dit : *Quid pater dedit Christo omne iudicium facere, quia filius hominis est*. Dieu le peré a donné auctorité de iuger à Iesus Christ son fils, lequel iugera en forme humaine, comme il a esté iugé, les bons & les mauuais, tous les morts resusciteront pour rendre compte: Il sera dit à vn chacun, *Redde rationem villificationis tue*. Dieu dit par le Prophete : *Vtuo ego dominus flectetur mihi omni genu*, c'est à dire, toute creature me fera honneur, & *omnis lingua confitebitur Deo*. S. Paul dit: *Omnes enim manifestari nos oportet, ante tribunal Christi, vt referat unusquisque propria corporis, prout gessit siue bonum, siue malum*. Mes amis, tost ou tard, il fault comparoistre deuant le throsne de nostre Seigneur Iesus Christ, pourquoy faire? pour rendre cõpte du bien ou du mal qu'on aura faict en son corps. Il y a vn iour determiné de Dieu, que l'homme ny anges ne scauent pas, auquel il faudra rendre compte de ses euures, bonnes ou mauuaises, il fault donc veiller, car comme dit saint Paul, *Dies Domini sicut fur in nocte ita veniet*. Le iour du iugement viendra comme le larron, qui vient de nuict en cachettes, que lon n'attéd pas. Ou c'est le iour de la mort, auquel particulièrement vn chacun est iugé: on n'y pense point, mais l'escriture nous admoneste de veiller, *cum enim dixerint pax & securitas, tunc repentinus eis superueniet interitus, sicut dolor in utero habetis, & nõ effugient*. Quand ils penseront estre en paix, c'est à dire, sains, & qu'ils aurot tous leurs souhaits, & qu'ils aurot le vent à gré, alors, la mort les saisira, & ils ne pourront fuir: comme vne femme qui est enceinte, qui est grosse, à l'heure qu'elle n'y pèse pas, elle est pressée, & preuenue de douleurs, ainsi sera-ce du iour de nostre Seigneur, nous ne scauons quãd. Et pourtant, *Vigilate, nescitis enim quando Dominus veniet, serò, an media nocte, an galli cãtu, an mane, ne cũ venerit repetẽ, inueniat vos dormiẽtes*. N'est ce pas merueilles, q̃ d'estre dãnẽ à

Matth. 5.
Act. 17.

Ioan. 5.
Iesus Christ
iugera en for
me humai-
ne.

Luc. 16.

Esa. 45.

1. Theff. 5.

1. Theff. 5.

Marc. 13.

Second dimenche

iamais? Il vaudroit mieux iamais n'auoir esté né, comme nostre Seigneur disoit à Iudas, *Melius illi esset si natus non fuisset homo ille*, nous sommes icy beaucoup, mais nous ne sçauôs qui sera sauué. On prouffite bien peu, qui ne gagne la vie eternelle, d'estre ioinct à Iesuchrist par amour & charité. Si i'en suis separé à l'heure de la mort, il n'y a plus de remede, car tãdis que Dieu sera Dieu, ie seray dãné à iamais, dõt Dieu me garde. Malheureux est l'hõme

L'homme est malheureux qui ne met peine de gagner la vie eternelle.

qui ne met peine de gagner ceste vie eternelle. Ie suis esmerueille cõme nous auôs ainsi le cueur aux choses vaines & caduques, n'estre point cõtent d'un estat, d'un degné, d'un benefice, mais autãt qu'il en pourra au chapeau de cardinal: *O mater Dei!* il fault mourir, aussi il y fault pẽser, ie voudrois par la grace de Dieu, q nous eussions ceste

Matth. 16.

sentẽce euãgelique imprimée en nostre cueur: *Quid prodest homini, si vniversum mundi lucretur, animæ verò suæ detrimẽtũ patiatur?* Que prouffite il a vn hõme, de gagner tout le monde & faire le dãnement de son ame? Nostre corps n'est pas capable de la beatitude eternelle, sinõ que par la participation de la gloire qui sera en l'ame, laquelle est crée à l'image & similitude de Dieu. Le vestige de la sainte Trinité est imprimé en l'ame, & toutesfois, ie fais le dõmage de ceste ame, n'ayãt esgard qu'au corps, & à aque

Matth. 16.

rir plus qu'il n'en fault, mesme ceux qui n'ont point d'ẽfans, *Quid prodest homini?* Ignorez vous qu'il faut mourir? Apres, emporterez vous voz biens, voz hõneurs qu'avez eu en ce monde? non: vous deuez mettre peine d'obtenir la promesse de Dieu, en faisant force aumosnes, pour rachapter voz fautes, cõme disoit Daniel au roy Nabuchodonosor, *Peccata tua eleemosynis redime*, impetrez la misericorde de Dieu par aumosnes. Voulez vous estre riche, & faire vostre maison bien grãde? soyez riche en bonnes euures. Mais nous ne pouuôs nous cõtéter en vn estat, en vn degre, mais nous taschons tousiours à mõter, & auoir de plus en plus, quãd nous aurons la terre sur le bec, nous serons contens, & cõme dit S. Paul, ne suffist il pas auoir *Victum & vestitum?* *Nihil enim intulimus in hunc mūdum, haud dubium quia nec auferre quid possumus: habentes autem alimenta & quibus tegamur, his contenti simus.* Ne

cherchons que nostre necessité, & regardons à sauuer le principal. Le corps ne sera pas sauué si l'ame n'est sauuée. *Templum dei sanctum est, quod estis vos.* Si l'ame a du bien, *Si l'ame a du bien, le corps s'en sentira: si le saint esprit habite en nostre ame, le corps s'en sent.* A l'occasion d'icelle, dōc, le iour du iugement est ordonné, & l'heure toutesfois est incertaine. Le iuge est ordonné, lequel est iuste, qui ne faict tort à personne. S. Paul dit : *Scimus enim quoniam iudiciū Dei est secundum veritatē in eos qui talia agūt.* L'homme peult faillir en iugeant, & la sentence qui est dōnée par le iuge au tesmoignage de deux ou trois tesmoins, est iuste, *quia iudex iudicat secundum allegata & probata.* Mais la sentence n'est pas tousiours vraye: car elle est donnée par le rapport de faux tesmoins. Mais le iugement de Dieu, est en verité, car il sera tant clair & manifeste qu'un chacun le cognoistra. Or puis qu'il est ainsi, nous auons bien matiere de craindre Dieu, car c'est vn iuge qui ne laisse rien passer. Et pourtant, l'euangile traicte du iugement de Dieu, afin que si non par amour, à tout le moins par menassies & terreurs, nous soyons incitez à bien faire. Il dit : *Erunt signa in sole, & luna, & stellis, & in terris pressura gentium, pre confusione sonitus maris, &c.* Quand le Roy vient en vne ville, on enuoye au deuant des preparatifs: les heraulx & fourriers viennent, & les bahuz. Quelque chose precedera le iugement de Dieu, lequel viendra pour certain. Quels signes precederont ? *Erunt signa in sole & luna.* Quels signes apparoiſtront au Soleil, en la Lune, & aux estoilles ? Sainct Luc ne le dit pas: mais Sainct Matthieu le declare : *Sol obscurabitur, & luna non dabit lumen suum, & stellæ cadent de celo.* Le signe qui apparoiſtra au soleil, c'est qu'il sera obscur, & aucuns disent, que ce sera pour la grande clarté du corps de nostre Seigneur. Il viendra en grande clarté, qui sera si grande, qu'elle obscurcira le Soleil: cōme en plain iour, la Lune, & les estoilles ont lumiere, mais elle ne sert de rien, car la plus grād lumiere du Soleil l'obscurcit. Autremēt, *Sol obscurabitur*, ce sera vne obscurité miraculeuse, le Soleil sera obscur par vertu miraculeuse, il perdra sa lumiere, il ne luyra point sur la terre. *Et luna non dabit lu-*

Second dimenche

- Ioel. 2.** *men suum*. Ioel dit : *quod conuertetur in sanguinem*. S. Matthieu dit qu'elle ne rendra point de clarté : *Et stella cadent de calo*. Les estoilles ne tomberont pas en sorte qu'elles soient arrachées du ciel : mais elles cesseront d'enluminer. Mes amis, pour entédre cela, notez vne manière aux prophetes, quand ils veulent demonstrier vn grand dueil. Ils introduisent que le ciel sera obscur. En Esaie il est dit : *Cooperiam calos tenebris*. Ils demonstrent par ceste obscurité là, vne grande misere, telle que ne fut iamais, ne sera. Quand quelqu'un fait le dueil, il porte des robes noires, aussi alors toute occasion de ioye mōdaine sera ostée quand nostre Seigneur viendra au iugement, & la desolatiō est signifiée par l'obscurité du Soleil & de la Lune. Esaie dit, quand il est question de la ruine de Babylone : *cali operientur saccu*. Et Ezechiel dit, que toutes les creatures feront grand dueil, c'est ce que dit Sainct Matthieu :
- Matth. 24.** *Sol obscurabitur, & luna non dabit lumen suum, & c.* C'est à dire, qu'ils ne rēdront point matiere de ioye. Mais y au-
qui precede- ra il si grande tribulation? Sainct Matthieu dit : *Erit tunc*
ront le iuge- *tribulatio magna, qualis non fuit ab initio mundi vsque modo,*
mēt general. *neque fiet*. Chrestiens la tribulation sera grande : mais elle ne durera gueres, *scilicet* trois ans & demy. Et quād l'Antechrist sera mort, ces signes icy se feront. Et au parauant les signes, l'Antechrist viendra : duquel la persecution sera si grande, que si Dieu ne l'abbreuioit, possible que les esleuz ne seroiēt pas sauuez : *Et nisi breuitati fuissent dies illi, non fieret salua omni caro, sed propter electos breuiabūtur dies illi*. C'est vn mauuais lourdault que l'Antechrist : mais il durera peu en sa malice, par trois ans & demy : *Per tēpū, per tempora, & dimidium temporis*. Et sainct Matthieu dit, qu'apres ce temps là, *Sol obscurabitur, Luna non dabit lūmē suum, stella cadent de celo, & virtutes calorum mouebuntur*. Vous voyez que le Soleil se mouue d'Orient à midy, & en occident il se mouuera tout au contraire. Et quand il est dit, *que virtutes calorum mouebuntur, id est mutabuntur à solitis suis actionibus*. Sainct Paul escriuant aux Thessalonicenses, les aduertit qu'il y en auoit aucuns qui enseignoient le iugement estre prochain, disant : *Rogamus vos fratres, vt nō citō moueamini à vestro sensu neque terreamini,*
- Esa. 50.**
- Esa. 50.**
- Matth. 24.**
- Matth. 24.**
- 2. Thess. 2.**

*neque per spiritum , neque per sermonem neque per epistolam
tāquā per nos missam , quasi instet dies domini.* On vous fait
à croire, que le iour de nostre seigneur est pres, pour cela
ne soye point esmeuz, voyla vn signe qui precedera:
Ne quis vos seducat vllō modō : quoniam nisi venerit discessio 2. Theff. 2.
primum , & reuelatus fuerit homo peccati filius perditionis.
Notez, il en y a aucuns qui interpretent ce passage, *nisi*
venerit discessio primum, quod sit *discessio* à Romano Impe-
rio: quand on ne voudra point recognoistre l'Empereur,
le Pape, pour son superieur. Et iusques à ce que cela se fa-
ce, le iour de nostre Seigneur ne viendra point, ce n'est
pas la vraye interpretation: car iamais tout le mōde n'o-
beit à l'Empereur. Il y a vne autre interpretation meil-
leure: *donec veniat discessio primum*, scilicet, à fide: car nous
voyons comment en plusieurs lieux la foy de nostre Sei-
gneur est dela: ssée, c'est apostasie. Et notez, quod triplex Il y a de trois
est apostasia, à fide, à ordine, & à religione. Vous voyez que sortes d'apo-
la plus grande part a delai ssé la foy, la religion, & que les stasie.
prestres se marient, non pas que ce soit mariage: mais
plustost incest & sacrilege. Sainct Ambroise dit: *Nisi* S. Amb.
venerit discessio primum, & c. que ceste discession, c'est apo- 2. Theff. 2.
statifier de l'obedience de l'eglise Romaine. Il y a desia
beaucoup de royaumes inobediens au Pape, au sainct sie-
ge apostolique. Nostre Seigneur a laissé vn chef en tout
le monde, qui est sainct Pierre, & son legitime succes-
seur, lequel il a constitué pasteur de ses brebis, en di- Ioan. 21.
sant: *Pasce oues meas.* Sainct Chrysostome dit: *Loco mei* S. Chrysoft.
esto prepositus. Et vous voyez comment on commence
à foster de l'obedience de l'eglise Romaine. Sainct Paul
dit, quand on delaisse la foy de Iesus Christ, & a reco-
gnostre le Pape, l'eglise Romaine, c'est vn signe que le
iugement s'approche. Il y a encores vn autre signe, que
sainct Paul baille: *Et nisi reuelatus fuerit homo peccati, fi-* 2. Theff. 2.
lius perditionis, c'est l'Antechrist, qui est dit homme de
peché, car il sera conçu & nay en péché. Comme nostre
Seigneur Iesus Christ est venu par la conduicte du sainct
Esprit, lequel a formé son corps au ventre de la benoiste
vierge Marie sans operation d'homme. Nostre Seigneur
estoit grād deuant Dieu, ainsi l'Antechrist prendra tout

Second dimenche

pouuoir du diable, en sa natiuité: *Cuius aduentus secundū operationem Satanae, in omni virtute, signis & prodigiis mendacibus, & omni seductione iniquitatis, his qui pereunt.* La venue de l'Antechrist, sera par la conduicte du diable, il fera des miracles: mais ils seront mésongers, car seulement seront apparents, pource qu'ils tendront à deception, & perdition. Vous voyez la condition de Iesus Christ, c'est de se faire petit, humble, come il dit: *Discite à me, quia mitis sum & humilis corde. Et nisi efficiamini, vt paruulus iste, non intrabitis id regnum calorum. Et qui voluerit esse maior, sit omniū seruus.* L'antechrist est tout cōtraire à nostre Seigneur Iesus Christ: *Et rectē dicitur Antichristus, id est, contra Christum, aduersatur & extollitur supra omne, quod dicitur de^o.* La glose dit, q̄ c'est la desolatiō d'abomination, de laquelle parle nostre seigneur en S. Mat-

Matth. 11.

Matth. 18.

Matth. 20.

Matth. 24.

L'antechrist
se fera ado-
rer comme
Dieu.

thieu: *Cum ergo videritis abominationem desolationis quæ dicta est à Daniele propheta stantem in loco sancto (qui legit intelligat) tunc qui in Iudæa sunt, fugiant ad mōtes.* C'est Antechrist qui se fera reuerer, & adorer cōme Dieu, il en decapura beaucoup. O chrestiens! ce sera vn tēps piteux, & calamiteux. Je ne suis prophete ne fils de prophete: mais selon ce qu'a predict nostre Seigneur en saint Paul, nous pouuons bien voir combien le iour du iugement s'approche, car malice abonde plus qu'elle ne fist iamais, & charité est plus refroidie que iamais ne fut. Il y a moins de loyauté qu'il n'y eut oncques. Pourueu qu'on en aye, c'est assez. Il semble qu'il n'y a point de Dieu cōme nous viuons. Chrestiens, pensons y, car il ne sera pas temps apres la mort, pourtāt il fault passer par là. Et nous voyōs les maulx qui regnent! charité est refroidie, & iniquité abōde. C'est ce que nostre Seigneur a predict: *Et quoniam abundauit iniquitas, refrigiscet charitas multorū.* N'est il pas aussi bien verifié ce que nostre Seigneur dit: *Veruntamen filius hominis veniens, putas inueniet fidem in terra? car* au iourd'huy, celuy qui est catholique, il vacille, il doute, & dit, que quand vn heretique parle, qu'il y a quelque raison. Chrestiens, si nous sommes prins en estat de gra-

Matth. 24.

Luc. 18.

Les damnez ce, cela sera bon, autrement non. Les damnez voirront voirrōt mō- monter les bien-heureux en paradis à leur confusion, &

seront là bas iectez en enfer. He Chrestiens! n'osterons nous point nostre avarice? c'est seulement à qui en aura. Nous sommes semblables à ce loutdault riche, qui auoit amassé tant de biens, ses caues & greniers estoient pleins, il s'en resiouissoit, il disoit: *Anima mea, habes multa bona posita in annos plurimos, requiesce, comede, bibe, epulare.* Il luy fut respondu: *Stulte, hac nocte animam tuam repetunt à te, quæ autem parasti cuiuserunt? sic est qui thesaurizat, & non est in Deum diues.* Pensons y, pour l'amour de Dieu: & que me sert il d'auoir tant de benefices, & de n'y resider point? Il fault que l'escripture soit faulse, ou que Dieu soit mensonger, si on n'est damné en faisant ainsi. Pensons au iour du iugement de Dieu. Il est dit en la vie des peres, qu'il y auoit vn bon saint pere qui craignoit trois choses. *Primum* c'estoit le iugement de Dieu. *Secundum*, que son ame sortist de son corps. *Tertium*, d'ouyr la sentence de Dieu. Il y auoit là vn pere qui rioit, & cestuy cy luy dit, comment? vous riez. Il en fault rendre compte deuant Dieu, & la mort est si prochaine! Chrestiens, cela vault bien y penser. Et priés bien Dieu, que nous puissions bien mourir. Mesmement il est dit, que les Anges de Paradis trembleront, non pas de crainte d'estre dânez: car ils sont confermez en grace: mais pour ce qu'ils voirront si grande multitude de damnez: Ils en seront fort esmerueillez. Et c'est la treneur que les Anges auront, ce qu'on chante à l'eglise: *Tremebunt Angeli & Archangeli.* Ils seront estonnez de l'horrible iugement de Dieu, lequel ne pardonnera à personne, il y fault donc penser: *Virtutes eorum mouebuntur.* Apres, il y a. *Et in terris pressura gentium.* Ne l'auiez vous pas bien veu quand on s'enfuyoit de ceste ville, de la peur qu'on auoit de nostre ennemy? on estoit pressé & en si grande perplexité qu'on n'auoit pas loysir de passer. Et au grâd iugement, il y aura en terre vne puissance de gens, vne coangustation telle, qu'en se cuydant sauuer, ils s'opprimeront, & deuiendront tous secs, de la peur qu'ils aurot: *Arescentibus hominibus præ timore & expectatione quæ superueniet vniuerso orbi.* Que dit Dieu? *Vigilate itaque omni tempore orantes, ut digni habeamini fugere ista omnia, quæ futura*

ser les bien-
heureux en
paradis à
leur confu-
sion.

Luc. 12.

Les Anges
trembleront
de voir si grâ
de multitude
de damnez.

Matth. 24.

Luc. 21.

Luc. 21.

Second dimenche

*sunt, & stare ante filium hominis, & priez que vous puissiez euitier toutes ces choses-là, comment? En bien viuant, en gardant les commandemens de Dieu, vous vous rendez dignes d'estre presentez deuant le iugement de Dieu: *Ha autem fieri incipientibus, suscipite & leuate capita vestra.* Leuez voz testes, *id est*, voz cueurs à penser en hault, car vostre redemption s'approche. Qui est ceste redemptiō? la liberté glorieuse des enfans de Dieu, à laquelle nous suspirons en ce monde icy. Et quand nous voirrons que ces choses se feront, nous deuons estre assurez que le*

Luc. 21.

*Les corps des
damnez se-
ront tous in-
fects & pu-
ants.*

Rom. 2.

temps de nostre redemption s'approche. Les corps des malheureux damnés seront resuscitez : mais ils seront plus infectez que toute la puantise du monde. Le ciel, la terre se leueront pour venger l'offense de Dieu. Or ça que seruira vostre rapine, vostre concubine, vostre simonie & ambition? Tout cela vous accusera, comme dit S. Paul: *Cogitationibus accusantibus, aut etiam defendentibus.* Il y a le grand accusateur des freres, le diable d'enfer, dont il est parlé en l'Apocalypse: I'ay icy faict des miennes en ce monde: mais Dieu fera des siennes puis apres! Notez, que tout l'honneur & les estats, qui sont venus à vn qui sera damné, cela luy reuiendra à plus grand comble de damnation, mesme, s'il a faict quelque bien, il maugrera & blasphemera : mais à vn esleu, tout reuiendra à augmentation de gloire: *Diligentibus Deum, omnia cooperantur in bonum* Chrestiens, pensons vn peu à ce grand iugement de Dieu, il fault penser & viure comme en la presence de Dieu. Vous voyez qu'un homme qui est iugé à mourir, & qu'il ne reste plus qu'à le mener au gibbet, on dit: c'est faict de luy, & nous ne valons pas mieux que morts, & presentez deuant le iugement de Dieu, il peult venir à toute heure, il fault dōc viure en l'estat ou nous voudrions mourir, & estre presentez deuāt Dieu. *Quād*

Quād on est ie suis tenté de vilennie & paillardise, si ie pensois au iugement de Dieu, la tentation incontinant se departiroit. Iēnie ou pail Qui est celuy qui oseroit mal faire en la presence du iugement de Dieu, la tentation incontinant se departiroit. Iēnie ou pail Qui est celuy qui oseroit mal faire en la presence du iugement de Dieu, la tentation incontinant se departiroit. Iēnie ou pail Qui est celuy qui oseroit mal faire en la presence du iugement de Dieu, la tentation incontinant se departiroit.

La prophetie d'Esaie dit , que le iour de nostre Seigneur est prochain, pour rediger la terre en vn desert, & solitude: *Tollentur impij, & conterentur, sicut lagena figuli.* Qu'ils soient comminuez & brisez: *Vt non remaneat testa.* Vne coquille pour mettre vn peu de feu, & que miserablemēt soient exterminiez, qu'il n'en soit plus fait de memoire. Pensons y, car ce n'est pas ieu d'enfans. Prions Dieu que il n'entre point en iugement avec nous: *Si quis voluerit contendere cum eo, non respondebit vnum pro mille.* Si nous sommes bien sages, nous regarderons à noz comptes des-aujourd'huy, mais ne nous desesperons pas tant que ne nous confions à la misericorde de Dieu. Or pensons y, afin qu'il nous face misericorde & grace en ce monde: & en l'autre, qu'il nous donne sa gloire, Amen.

Esa. 30.

Esa. 30.

*Pour le second lundy de
l'Aduent.*

Q*Uacunque scripta sunt, ad nostram doctrinā scripta sunt.* Rom. 15.
L'escriture nous propose deux generations, vne de chair, & l'autre qui est selon l'esprit. Il est escrit au liure de Genese: *Hic est liber generationis Adam, in die qua creauit eos.* Il y a aussi le liure de la generation de nostre seigneur Iesus Christ, duquel il est parlé en l'E-uangile du iourd'huy: *Liber generationis Iesu Christi, filij David, filij Abraham.* Voila donc deux generations, que l'Eglise nous propose pour nostre enseignemēt, voila la generation de la chair, qui est la generation d'Adam, hōme terrestre. *Quia pri nūs homo de terra terrenus.* Si nous considerons ceste generation de chair, elle est maudicte, malheureuse: car par son moyen nous sommes cōstituez sous l'obligation de damnation eternelle. Ceste generation de chair n'est occasion que de desespoir: car en la suiuant, nous n'auons que peché, debilité, impuissance. Qui se considere infirme, debile, impuissant à vertu, n'a occasion que de desespoir. Si ie regarde ma chair, & ce que i'ay à l'ocasiō de ma chair, ie ne veoy qu'infirmité, debilité. Ie me veoy damné, auant que ie sois nay, & en l'ire & inimitié de Dieu: c'est la generation terrestre du

Gen. 2.

*La genera-
tion de la
chair en soy
considerée, est
maudicte.*

Second lundy

Les iours sôt dits mauuais à cause des pechez qui s'y commettent. premiet homme Adam, & pourtant Iob dit bien : *Pereat dies in qua natus sum.* Les iours, en soy, en leur essence, ne sont pas mauuais: car Dieu les a créés: mais Iob maudissoit le iour auquel il auoit esté nay & conçu, en considérant le peché qu'il auoit contracté en ce iour là & l'ire de Dieu: il estoit enfant d'ire, obligé à peine eternelle. En ceste consideration il disoit : *Pereat dies in qua natus sum.* Et tous les saints cōsiderans leur generation de

Iob 3.

On ne faict feste d'estre conçu en l'ire de Dieu.

chair, par laquelle ils auoient esté quelquefois soubz l'ire & inimitié de Dieu, ils ne faisoient point de feste en leur natiuité maudiste: c'est à sçauoir, d'estre conçu en l'ire & inimitié de Dieu, & en obligation d'estre damné à iamais. Et pourtant tous les saints ne faisoient point feste de leur conception: Les meschans en ont bien faict, comme Herodes, *In nouo Testamento, & Pharao in veteri.* Lequel Herodes, feist vn grand conuiue le iour de sa natiuité, & feist trencher la teste à saint Iean Baptiste.

Voila la generation d'Adam, par laquelle nous sommes constituez pecheurs, & obligez à miseres, & qui pis est, à damnation eternelle. Il y a vne autre generation, par laquelle nous auons plus matiere de nous confier, que de desesperer, c'est la generation de Iesus Christ, qui est selon l'esprit. Et pour monstrier ceste generation, saint Matthieu, quand il a dit: *Abraham Isaac, &c.* Et qu'il viét à parler de la generation de nostre Seigneur, il dit, *Christi autem generatio sic erat.* Il veult demonstrier la difference entre la generation de Iesus Christ, & des autres: car Abraham a engendré Isaac & Iacob, *Et sic de alijs.* Ils ont esté engendrez par l'operation d'homme & de femme: mais la generation de Iesus Christ estoit en ceste maniere: *Cum esset desponsata mater Iesu Maria Ioseph, antequam conuenerent, inuenta est in utero habens de spiritu sancto.* C'est à dire que la vierge Marie sans operation d'homme. elle estant vierge, elle a esté trouuée enceinte de l'operation du saint Esprit. Et pource, nostre generation est, en laquelle l'homme contracte peché, qui est peché originel, le peché de nature. Saint Paul dit: *Nascimur omnes natura filij ire, id est.* Par naturelle generation nous auons contracté le peché originel, non pas de volōté de-

Autre est la generatio de Iesu Christi que la nostre Math. I.

libérée , mais nous sommes constituez pecheurs , par le premier homme . Et tous ceux qui sont conceus par l'operation d'homme, ils sont cōceus en peché, comme dit Dauid: *Ecce in iniquitatibus cōceptus sum.* Mais Iesus Christ a esté conceu par le saint Esprit, lequel a cultiué la terre de la vierge Marie : *Spiritus sanctus superueniet in te, &c.* Ce qui est nay de l'homme & de la femme, il est appelé pecheur, enuironné de peché: mais ce qui est nay par l'operation du saint Esprit, *Dicitur sanctus sanctorum videlicet Christus.* Et pourtant , la generation commune, est charnelle, malheureuse, remplie d'immundicité : mais la generation de Iesus Christ , est pure, nette, sans peché. Or bien , la generation de la chair , nous est matiere de nous humilier, & auoir grand desespoir de nous, car elle donne a entendre, que de nous, ne pouuons rien faire de bien, ny de le penser, tant sommes infirmes & debiles. Et pourtant, l'homme suiuant la generation de la chair, de soy il ne peult rien. Il est ignorant, oubliât, plus prompt à mal qu'à bien, il n'y a rien constât en luy. Si la chair est infirme, aussi est la generation de la chair : mais l'Esprit est prompt , & suiuant l'esprit, par lequel nous sommes faicts enfans de Dieu & iustes , & que nous auons grace & remission, nous auons matiere de nous glorifier , non pas en nous, mais en Iesus Christ, dōt saint Paul dit: *Iustificati ex fide, pacem habeamus ad Deum, per Dominum nostrum Iesum Christum.* C'est à dire, qu'estions cōstituez pecheurs, selon la generation de la chair, ennemis de Dieu, nais & conceus en peché, soubz la main du diable, captifs soubz la captinité & seruitude de peché. Et par la generation de l'esprit, nous sommes iustifiez par Iesus Christ. Ceste iustification là, c'est vne regeneration, renouation: *Iustificati ex fide.* Nous sommes iustifiez & regenerez par Iesus Christ: *Gloriamur in spe resurrectionis Dei.* Commēt, vous glorifiez vo^roy. En quoy? en ce que paradis m'est promis , en l'adoption des enfans de Dieu , & que nous sommes mis en la protection & sauuegarde de Dieu. Voila le Roy qui prend en sa garde quelqu'un , alors cestuy là s'en glorifie, car il est assuré. On veult sauuer vn village des gēdarmes, on prend vne sauuegarde de mon-

Psal. 56.

Luc. 1.

La sorte en laquelle sommes engendrez, nous doit estre occasion de nous humilier.

Rom. 15.

Rom. 15.

Rom. 5.

Second lundy

*Le Chrestien
est sous la
protectiō de
Iesus Christ
& principa-
lement selon
l'esprit.*

sieur le Dauphin, du Conestable, Admiral, ou autre grād Prince ou Seigneur, afin que les gendarmes ne pillent le village en voyant les armoiries du Prince ou Seigneur, Et puis on demande à ceux du village: Ne craignez vous point les gendarmes? Nenny, car nous sommes sous la protection d'un tel. Aussi le Chrestien est en la protectiō de Iesus Christ, non pas selō le corps, mais selon l'esprit: il ne se glorifie en soy-mesme, car il n'y a rien plus debile, & plus infirme qu'il est: mais quād le Chrestien se cōsidere selon la grace de Dieu, & selō le pouuoir & la force de Dieu, il n'y a rien plus glorieux qu'il est: c'est vne bonne gloire, car elle est en Dieu, & pource l'Eglise, qui nous propose ces deux generations, nous veult donner vn enseignement, selon diuers regars. Nous deuōs estre en souverain espoir, quand l'espoir de Dieu est nostre esperāce. Si ie regarde ce qui est de moy, & de ma chair, ie n'ay point matiere d'esperer de faire quelque chose. De nous mesmes: nous ne pouuōs rien, ny penser aucun biē, car la chair de soy est infirme. L'homme qui est debile & infirme, que pourroit il faire? Il n'a matiere que de besser la teste, il fault se deffier comme de soy-mesme. Outre ie regarde la generation de Iesus Christ, l'obligation de la peine eternelle est rompuē par nostre Seigneur, comme dit saint Paul: *Delens quod aduersum nos erat chirographum decreti, quod erat contrariū nobis & ipsum tulit de medio, affligēs illud cruci.* Nostre Seigneur, par sa mort, il a rompu & a mis le cousteau en nostre obligation, & nous a remis nostre peché. Quand ie voy que par nostre Seigneur, l'obligation de damnation eternelle est rompuē, que grace nous est faicte & remission, & qu'il promet la vie eternelle en gardant ses commandemens, cela me donne courage, ie vis en espoir, & ce que ie ne sçauois faire, ny auoir par ma propre autorité, ie l'espereray auoir par le moyen de Iesus Christ. I'espere par nostre Seigneur, de paruenir au bien, auquel de moy ie ne puis paruenir. Et alors, i'esleue mon esprit en Dieu. Et voila ce que i'en dois iuger. Si ie suis bien impotent, Dieu est plus puissant de me releuer, que ie ne suis lache à tomber, & que mon inclination n'est du tout plus prompt à mal

Colos. 2.

mal qu'à bien. Le regarde d'auantage, que nostre seigneur est en meilleure volonté de me sauuer, que ma volonté n'est mauuaise à me damner, & pourtāt i'ay bien matiere d'esperoir, & dire avecques Dauid, *In Domino confido.* De moy, ie veoy que ie ne vaux rien, & que sans la misericorde de Dieu, i'eusse esté pieça damné. Il y a encores assez de temps pour l'estre, car ie suis assez meschāt, mais i'espere que Dieu me sauuera, ie presume en sa bonté esperant qu'en me repentant, il me pardonera, la generation de la chair est cause & argument de me desesperer, & la generation de l'esprit est argument de salut & de bonne esperāce en moy, que ie seray sauué, pourueu que ie face les euures: mais si vous ne les faictes en l'esperāce de nostre seigneur Iesus Christ, ne vous en vantez point, car vous ne serez pas sauuez. Noz euures sont dignes de la vie eternelle pource qu'ils sont faictes en l'esperance de Dieu, & appuyées sur nostre seigneur Iesus Christ, autrement de nous comme de nous, ne pouuons faire euures meritoires de la vie eternelle. Or ça, il y a deux generations. Selon vne, nous sommes iniustes & pecheurs, c'est selon l'homme, Adam. Par le peché originel toute la posterité est obligée à damnation. Le pere qui s'endebte, oblige ses enfans, & fault qu'ils en respondent, & pourtant que toute nature humaine estoit en Adam, il nous a tous constituez en obligation de peine eternelle, comme Leuy a payé la disme quand Abrahā l'a payée a Melchisedech, *Quia in lumbis erat Abrahā*, & pource les enfans sont constituez à payer les dismes puis que leur pere Abraham les a payées. Aussi toute nature humaine estoit en Adam, quād il a offensé, & pource, il l'a constituée en obligation de damnation eternelle, mais ceste obligatiō est rompuē de iour en iour, quād on se conuertit à Dieu.

*Il ne se fault
rater d'estre
sauué qui ne
en fait les
euures.*

Or voila la generation de la chair. S. Paul dit: *Per vnum hominem peccatum intrauit in mūdum, & per peccatum mors.* Par vn homme, peché a eu entrée en ce monde, c'est le peché originel, lequel nous contractons en nostre generation charnelle: & par le peché la mort est entrée en ce monde, c'est à dire la necessité de mourir, iacoit que l'hō me pouoit ne mourir point, c'est à dire qu'il auoit le

Rom. 5:

Second lundy

*Qui meurt
en peché ori-
ginel, il est
priué de la
visiõ de
Dieu.
Ioan. 3.*

Rom. 5.

*Iesus Christ
ne pouuoit
cõtracter pe-
ché originel.*

*La vierge
Marie a esté
cõceue par o-
peratiõ d'hõ
me: mais sãs
peché origi-
nel.*

moyen d'eschapper la mort en mägeant du fruiet de vie,
mais par le peché, la mort est entrée, c'est la necessité de
mourir, c'est ce que dist Dieu à Adam, *Pulvis es, & in pul-
uerem reuerteris*. Lequel peché, ce dit S. Paul, n'a pas seule-
mēt esté duë sur ceux qui ont vsage de raison, mais aussi
sur les petis enfans, qui n'ont pas liberément peché, car
quicõque meurt en peché originel, il est priué de la gra-
ce & visiõ de Dieu, *Nisi quis renatus fuerit ex aqua & spi-
ritu sancto non potest introire in regnam Dei*. Et ainsi Adam,
c'est le chef de mort, & le pere des pecheurs. Eue c'est la
mere des pecheurs, mais l'autheur des viuans c'est Iesus
Christ, & la mere des viuãs, c'est la glorieuse vierge Ma-
rie, *mater regeneratorum*, & Iesus Christ est autheur de gra-
ce. S. Paul dit. *Sicut enim per inobedientiam vnus hominis,
scilicet Adæ, peccatores constituti sunt multi: ita per vnus obe-
dientiam, scilicet Christi, iusti constituentur multi*. Donc nous
entendõs que nous sommes nais & cõceus en peché. No-
stre seigneur Iesus Christ est cõceu par le saint Esprit, &
pourtant il ne pouuoit cõtracter peché originel, *Ex mo-
do sue generationis*, Il estoit impossible, de toute impossi-
bilité, qu'il peust cõtracter peché, car il n'estoit pas nay,
ny cõceu par operation d'homme, mais par l'operation
du S. Esprit. La vierge Marie a esté conceuë par operatiõ
d'homme, mais c'a esté sans peché, la cõception est sain-
cte & glorieuse, de laquelle auionrd'huy nous faisons fe-
ste. Resiouïssons nous, car l'Eglise nous inuite à nous
resiouïr en l'introite de la messe, disât, *Gaudeamus omnes
in domino*. Nous ne nous resiouïssons pas de la cõception
de S. Iean Baptiste, car il a esté cõceu en peché, & tous les
autres saints, mais quand ils meurent ils nasquissent à
Dieu, & de cela se fault resiouïr. Quand vn enfant viët à
nasquir, il pleure à cause de peché, mais la vierge Marie
elle est sainte, pure, & nette, toutesfois elle a esté con-
ceue comme les autres de Ioachim & de sainte Anne,
nonobstant, elle n'a point contracté peché, car Dieu y a
mis la main qui l'a preseruee: autrement elle eust encou-
ru peché, comme les autres, à raison qu'elle a esté cõceue
d'homme & de femme. Escoutez, la vierge Marie a esté
rachepée cõme nous, elle n'a pas pourtant offensé Dieu,

& en elle n'a point esté trouuée l'inimitié de Dieu. Mais Il ne fault pas racheter vn qui n'est pas captif, ny releuer celuy qui n'est pas tombé, comment donc la vierge Marie a elle esté rachetée, auant qu'elle fust captiue au seruiue de satan? Il fault sçauoir qu'il y a deux manieres de redemption, l'vne est commune, l'autre est singuliere & excellente: Premièrement redemption c'est racheter celuy qui est vendu & captif, le racheter d'argent: on appelle cela redemption, vne rançon cōme quand vn prince est prins en guerre, on baille vne somme d'argent pour le deliurer, c'est sa rançon. Nous estions tous captifs, prisonniers, c'estoit vne obligation de peine eternelle, il a fallu payer la rançon: qu'a on baillé? nostre seigneur Iesus Christ a donné son precieux sang, voila bōne rançon, de laquelle dit monsieur saint Pierre: *Sciētes quod non corruptibilibus auro vel argento redempti estis, de vana vestra conuersatione paternæ traditionis: sed precioso sanguine agni immaculati Christi.* Il y a l'autre redemption singuliere & plus excellēte, c'est auant que l'homme soit tombé, empescher qu'il ne tombe, comme voila vn homme qu'on meine en prison, & auant qu'il y soit, ie paye pour luy, ie le rachete, car sans moy il eust esté mis en prison. Et ceste redemption est plus singuliere que la premiere. I'ay gardé cestuy-là de tomber, sans moy, il fust tombé, ie dis que ie l'ay sauué & racheté de la mort. Comment, il n'a pas esté mort? non, mais ie l'ay empesché de mourir: aussi Dieu n'a pas permis que la vierge soit tombée, il ne l'a pas rachetée en ceste maniere qu'elle fust serue, captiue du diable, car auant qu'elle y fust, Dieu l'auoit preseruée, mais sans luy elle fust tombée: & ceste preseruatiō est appellée redemption. Il n'y a que la glorieuse vierge Marie qui soit ainsi rachetée entre les hommes, elle a esté preseruée de peché originel, & consequemment de toute malediction, nous auons exemple de cela en l'Apocalypse, quand la bataille a esté menée au ciel, entre saint Michel & le Dragon. Il est dit, que saint Michel & ses Anges ont eu victoire. Comment? *tan en la ver* Au sang de l'Agneau. *Et ipsi vicerunt eum propter sanguinem Agni.* Le sang de nostre Seigneur Iesus Christ

La vierge a esté rachetée comme nous: toutesfois elle n'a point peché, car Dieu l'a preseruée.

1. Petr. I.

Apoc. 12.

*Les Anges ont eu victoire contre sa-
tu du sang*

Second lundy

qui deuoit estre respendu fut cause aux bons Anges, que ils ne furent pas surmontez comme les autres, ils eurent victoire, non pas de leur vertu, mais sans la mort de nostre seigneur Iesus Christ ils eussent esté surmôtez comme les autres. Ils eurent victoire, non pas de leur vertu, mais saint Michel tout bon, & par l'aide de nostre seigneur Iesus Christ, de son sang ils furent confirmez en grace, & ainsi eurent la victoire: autrement ne l'eussent pas eüe. La plus grâd part des Theologiës, tiennent, que les Anges ont esté rachetez, c'est à dire, preseruez de tomber, comme la vierge Marie: laquelle a esté rachetée plus singulierement que nous, car elle est tousiours demeurée pure & innocente, afin qu'elle fust la mere de Dieu, nous auôs dit, que toute nature humaine a esté corrompuë en Adam, il est vray, mais Dieu en a attiré vne particule & portion de la masse, de laquelle particule, a esté faicte la vierge Marie. Le corps de nostre seigneur Iesus Christ est pur, saint, & immaculé, lequel a esté formé de la chair de la vierge Marie: & pourtant, voila vn argument plus qu'euidant, que la vierge Marie a esté conceüe en grace, sans macule, & tousiours agreable à Dieu. Mes amis, Dieu a faict icy vn grand ouurage en la vierge Marie, combien qu'elle soit conceüe comme les autres: neantmoins elle a esté miraculeusement conceüe, en telle maniere, que satā n'a point eu de puissance sur elle: & pourtant il s'en fault bien resiouir, car auiourd'huy commence nostre salut, car vne personne a esté esleuë & choisie eternellemēt pour estre l'organe de nostre redemption. Dieu l'a choisie pour en elle prédre humanité en laquelle nostre seigneur Iesus Christ deuoit endurer mort & passio, & pource, elle a ministré à nostre Seigneur Dieu, la nature en laquelle il a souffert pour nous. Elle a esté l'organe de nostre salut. Mes amis, quand Dieu le createur feist Adam, il dist: il n'est pas bon que l'homme soit tout seul. *Faciamus ei adiutorium simile sibi*. Notez bien, car cela est escrit pour nostre doctrine. Quelle aide a faict Dieu à Adam? Vne femme, c'est à sçauoir Eue. Que signifie cela? Il fault prendre la similitude par sens contraire: Eue a esté aide, & a cooperé à Adam pour perdre

*Dieu a faict
vn grâd ou-
urage en la
vierge Ma-
rie.*

*Satan n'a eu
puissance sur
la vierge
Marie.*

tout le monde. Adam est l'origine de peché, & les enfans dependent du pere, si Eue eust seulement offensé, pour cela, la posterité n'eust pas esté infectée, comme vous voyez que l'enfant prend la noblesse du pere, non pas de la mere, aussi prend il la vilité & ignobilité de son pere. Si Adam eust persisté en la rectitude, en laquelle Dieu l'auoit crée, combien qu'Eue eust peché, toutesfois les enfans n'eussent pas perdu la rectitude & innocence: mais pource qu'Adam a offensé, il s'est constitué le chef de tout peché, mais Eue luy a aidé, il a laissé ses enfans l'iporthequez, il a gasté tout le bien de ses enfans: mais Eue sa femme luy a aidé a le dissiper, car elle luy a baillé du fruiet, & il en a mangé, elle a esté cooperatrice à Adam pour perdre nature humaine. Aussi nostre seigneur Iesus Christ, qui est le second hōme celeste, c'est le chef, l'origine de la vie, par luy on a la vie, & nous auōs quelque bien, mais nous le tenons du principal autheur nostre seigneur Iesus Christ, lequel est autheur de tout biē, il est proposé à tous pour moyen de reconciliation, & propitiation avec Dieu: mais la glorieuse vierge Marie a cooperé à nostre seigneur Iesus Christ, elle luy a aidé.

Erat adiutorium simile sibi: Tout ainsi qu'Eue par sa rebellion & desobeissance, a suggeré à Adam de manger du fruiet, lequel par son contentement a perdu le bien de ses enfans: aussi au contraire, la glorieuse vierge Marie par son humilité laquelle s'est offerte pour la chambriere de Dieu, elle a meritē enuers Dieu, que nostre seigneur Iesus Christ seroit incarné d'elle. Et ainsi que l'inobedience d'Eue a faict perdre nature humaine, par sa suggestion: ainsi l'obediēce & humilité de la glorieuse vierge Marie, disant: *Ecce ancilla Domini*, a meritē que nostre seigneur Iesus Christ a esté faict homme en son ventre, du pur sang d'elle & de sa propre substance. Mais la glorieuse vierge Marie est elle semblable à nostre seigneur Iesus Christ? pource qu'il est dit: *Quid fecit Deus adiutorium simile sibi.* Nostre seigneur Iesus Christ est innocent, l'agneau sans macule, & sans pollution, segregé des pecheurs, comme dit monsieur saint Paul: *Talis enim decebat vt nobis esset pontifex sanctus innocens, impollutus, se-*

Adam est constitué le chef de tout peché

Hebr. 7.

De la Conception

Le fils de Dieu est innocent, & sans peché par nature : mais la vierge, par grace *gregatus à peccatoribus, & excelsior calis factus.* Son aide luy & semblable, elle luy est associée, non pas en pareil degré, car nostre seigneur Iesus Christ est saint, pur, innocent, impollu, & sans peché, par sa nature : & la vierge l'est aussi, mais c'est par la grace de son enfant. Theophilacte exposant ce passage en saint Luc. *Benedicta tu in mulieribus, & benedictus fructus ventris tui*, dit : que ceste conionction, &, est mise, *Pro, Quia*, comme s'il vouloit dire. Femme, tu es la plus heureuse de toutes femmes, car le fruit de ton vêtre, qui est nostre seigneur Iesus Christ est benest, & luy mesme est la benedictio & sainteté. n'y a il dōc pas similitude entre nostre seigneur Iesus Christ, & la glorieuse vierge Marie? & tout ainsi qu'Eue, la mere des pecheurs a esté la mediatrice de la perdition de nature humaine : aussi la vierge Marie, est cooperatrice & aduocate de nostre redemption avec nostre seigneur Iesus Christ : & pourtant, *Deus fecit Christo, adiutorium simile sibi* : Et comme dit saint Bernard, tout ce que Dieu nous veut dōner, c'est par le moyen de la glorieuse vierge Marie sa mere. Prions le donc de nous donner sa grace en ce monde par l'intercession d'icelle vierge, & sa gloire en l'autre : *Quò nos perducatur, qui sine fine viuit & regnat Deus, Amen.*

Du mesme iour, de la Conception de la vierge Marie.

S E R M O N S E C O N D.

Rom. 15.

Q*Vacunque scripta sunt, ad nostram doctrinā scripta sunt.*
Nous auons dit aujourd'huy matin, que l'escri-
ture nous propose deux generations, vne se-
lon la chair, & l'autre selon l'esprit, que nous disons, re-
generation, ou renouation : La premiere generation
nous est argument de nous humilier, l'autre nous don-
ne matiere d'esperer, & nous confier, non pas en nous,

mais en la misericorde & bonté infinie de Dieu . En apres nous auons dit , que par la generation de chair, nous sommes constituez pecheurs, & obligez à damnation eternelle: & par la generation de l'esprit nous sommes faicts iustes , & heritiers de Dieu , & ce par le merite du sang de nostre seigneur Iesuchrist . Tous ceux qui sont engendrez selon la chair , ils sont obligez à peché & faicts serfs, captifs , soubz la main de Satan excepté la vierge Marie mere de nostre Seigneur. Elle est seule, cōme nous auons commēcé à dire, combien qu'elle ait esté conceüe selon la chair , & en la maniere que nous sommes engēdrez. Nostre Seigneur la preseruée, & preuenue de sa grace, en telle maniere q̄ sa cōception, generation, *La cōception de la vierge & sa natiuité est sans peché.* & natiuité est sainte, sans macule. C'est la cause pour laquelle nous en faisons solennité , & q̄ nous resiouyssons de sa cōception. Nous auons à dire par la grace de Dieu, cōme la conception de la vierge Marie a esté sans macule, & qu'elle a esté sainte. Je n'en vueil pas parler cōme si vous vaciliez , ou doutissiez , & que ne creussiez pas: mais pour conforter vostre foy, il en fault parler, car l'occasion s'y addōne. La loy commune & ordinaire, est, que tout homme engendré d'homme & de femme, il est cōceu en peché originel. Il est constitué pecheur en sa conception, & est obligé à peine eternelle. Dieu le createur, c'est le grād Seigneur qui est par dessus la loy, il fait grace & priuilege particulier derogeāt à la loy, sans faire tort à personne. Il a faict vn priuilege à sa mere, qu'elle a esté *Dieu est par dessus la loy. Omnes in Adam peccauerunt.* exēpte de la loy des autres, cōbien qu'elle ayt esté cōceüe de semēce d'hōme, c'est de Ioachim & de sainte Anne, elle n'a pas pourtāt contracté peché: mais elle a esté remplie du saint Esprit , de la grace de Dieu, & a esté priuilegiée de Dieu en sa conception. Voyla la grace, & le priuilege de Dieu, faict à la glorieuse vierge Marie . Nous ne tenons que ce priuilege ayt esté faict à d'autre qu'à elle, & nous le tenons par la decision de l'Eglise. Il fault vn petit declarer cela. Cōsiderōs donc ie vous prie qui est la glorieuse vierge Marie, c'est la premiere & principale espouse de Dieu, c'est l'espouse, de laquelle il est fait mention en l'euangile: *Simile est regnum celorum decem virginibus. Matth. 25.*

De la Conception

bus que accipientes lampades suas, exierunt obuiam sponso & sponse. Le royaume de Dieu, c'est l'Eglise militante, qui est semblable à dix vierges, qui ont prins leurs lampes, & sont allées au deuant de l'espoux, qui est Iesuchrist, duquel saint Iean Baptiste dit : *Qui habet sponfam, sponsus est, amicus autem sponsi qui stat & audit cum gaudio gaudet propter vocem sponsi.* Saint Iean, c'est l'amy de l'espoux, de Iesuchrist, qui doit venir pour iuger. Les dix vierges representent le corps de l'Eglise militante, tant les bons, que les mauuais Chrestiens. Les bons sont representez par les cinq vierges sages, & les mauuais par les cinq vierges folles. Ils iront tous au deuant de l'espoux, & de l'espouse. Qui est ceste espouse ? c'est la glorieuse vierge Marie, mere de Dieu, qui sera associée à Iesuchrist pour iuger. Si nostre Seigneur a constitué les douze Apostres, iuges : *Vos qui secuti estis me, sedebitis super sedes duodecim iudicantes tribus Israel.* Et si saint Paul dit des bons qu'ils iugeront les Anges : *Nescitis quoniam angelos iudicabimus.* Si les Apostres sont associez à nostre Seigneur, pour iuger : combien plus la glorieuse vierge Marie est, & sera associée à Iesuchrist pour iuger ? *Ibunt igitur obuiam sponso & sponse, id est, virgini Mariae, quae est sponsa Dei praecipua.* Concluons donc, qu'entre les autres qui ont eu speciale grace, c'est la vierge Marie, que Dieu a preseruee de la loy, comme son espouse principale, laquelle est singulierement ioincte à nostre seigneur Iesuchrist : *Est primaria sponsa Christi domini.* Quand S. Augustin veut demonstrier que la vierge Marie n'estoit point subiecte à la loy des autres, la raison dit il, c'est, qu'un corps mort est redigé en poudre & cendre, cōme Dieu dist à Adā, apres son peché : *Pulvis es & in puluerē reuerteris.* Car de soy nostre corps n'est que poudre, & cēdre : S. Augustin dōc, voulant demonstrier, q̄ le corps de la vierge Marie n'est point redigé en poudre, ny mangé de vers, dit ainsi : Dieu est tout puissant, il a eu le pouuoir de preseruer le precieux corps de la vierge Marie de corruption, afin qu'il ne fust redigé en poudre. Si Dieu l'a peu faire, il l'a donc fait. Voyla la collection de saint Augustin : qui dit encores : Tout ce que l'homme iuge en bonne raison naturelle

Le royaume
de Dieu est
prins pour
l'Eglise mi-
litante.

Matth. 19.

I. Corin. 6.

S. Augustin.

S. Augustin
dit, que le
corps de la
vierge n'est
point redigé
en poudre.

que Dieu deuoit faire il l'a faict. N'estoit il pas decent que le corps de la vierge Marie ne fust pas redigé en cédres & poudre, ny mângé de vers? Nous ne sçaurions nier que Dieu ne le puisse faire, car il est tout puissant, c'est le premier article de nostre foy : *Credo in Deum patrem omnipotentem, &c.* Sainct Augustin conclud par vne mesme raison, que la benoïste vierge Marie a esté conceüe sans aucune macule. Commét? Dieu n'auroit il pas peu créer la vierge Marie sainte, sans peché? Il estoit decent qu'il la preseruast de la corruption de l'ame comme du corps. Tousiours la corruption du corps n'est pas peché: & pour icelle on n'est point subiect au diable. Vne femme, combien qu'elle ne soit pas entiere (car elle est mariée) toutesfois elle n'a pas perdu la grace de Dieu. Mais la corruption de l'ame & de l'esprit, elle constitue l'homme en la male grace de Dieu. Il a esté decent que Dieu ayt preserué la vierge Marie de la corruption du corps, combien plus de la corruption de l'ame, (c'est à dire, du peché originel, lequel constitue l'homme en la male grace de Dieu, & en l'obligation de peine eternelle) considéré qu'il l'auoit choyse pour estre sa mere, & qu'il deuoit estre incarné en son ventre, pour faire la redemption de nature humaine. Je le diray encores vne fois, que Dieu a preserué la vierge Marie de corruption, tant d'ame que de corps, lesquelles peines procedent de la premiere cause, qui est peché originel. Si Dieu l'a peu faire, il a donc esté decent qu'il l'ayt faict, car en bonne raison, il semble qu'il l'ait deu faire, c'est à dire, qu'il l'ait preseruée de la corruption de l'ame, comme il a preserué le corps, qu'il ne fust redigé en poudre, en cendre, & mangé de vers. Et quant à ce que nostre Seigneur a preserué sa mere de peché originel, aussi a il de tout autre peché. Sainct Augustin dit : *Illud sacratissimum corpus de quo Christus carnem assumpsit, & verbum caro accedens homo fuerit esca vermibus factum, sicut sentire non valeo, ita dicere perhorresco.* I'ay grand horreur d'ouyr dire, que le corps de la vierge Marie, de laquelle le verbe, le fils de Dieu a prins chair en son humanité, qu'il soit donné aux vers: ie ne le puis pésar, & ay horreur de le dire. Cela est horrible

Dieu a preserue la vierge Marie de corruption tant à l'ame qu'au corps.

S. August.

De la Conception

à dire qu'il l'a tenue entre les mains du diable captiue, & la laissée tomber en prison. Considerons en bon sens naturel. Que diriez vous d'un enfant, qui peult empescher sa mere de mourir de faim, & il la laisse tomber en grâde pauvreté, afin que puis apres il luy ayde, que dira on? Il la peut empescher qu'elle ne mendie son pain, ou qu'on ne la mene en prison, & neantmoins il la laisse tourmenter, afin qu'apres il la deliure: on diroit, cest enfant là ne porte pas hôneur à sa mere comme il appartient. Et Iesu-christ est fils de la vierge Marie, engendré de sa substance & de sa chair, il pouuoit empescher sa mere qu'elle ne fust captiue sous la puissance du diable, & en la male grace de Dieu: il pouuoit empescher ceste prison & captiuité, & il n'y auroit pas mis la main? *Si pro quia*, il a commandé d'honorer pere & mere, il a donc honoré sa mere. Honneur n'est pas seulement de faire reuerence, d'oster son bonnet: mais aussi cest honneur gist en la subuention de ses parens, Et pource, quand il est dit: *Honora patrem tuum & matrem tuam*, c'est à dire, ayder à son pere & à sa mere, leur exhiber tout soulagement. Et nostre Seigneur pouuant bien aider sa mere, laquelle selon la loy commune pouuoit tomber en la main du diable, & ne l'eust pas empeschée: quelle aide eust ce esté là? veu

Exod. 20.

Pour couain que c'est son fils? Il a dit: *Non veni soluere legem, sed adimplere*. Ceste raison deueroit suffire aux gents proterues & *ere les mes-* *chats, raison* meschans, de croire que la vierge Marie soit conceüe *tres enuidete.* sans peché. Tout ainsi que ie puis empescher que mon pere ne soit mené en prison, ne qu'il tombe en grande necessité, & ie ne l'empesche pas, mais j'attens qu'il soit en necessité pour luy subuenir: il vault mieux empescher qu'il n'ayt point de mal. Aussi Dieu voyoit que la vierge Marie eust encouru le peché originel s'il n'y eust mis la main. Et ou'feroit l'honneur exhibé à sa mere? il s'est rendu subiect à elle, & il ne luy eust pas aidé à un si grand besoing? Il a gardé son corps de corruption, sa virginité & integrité, & il n'eust pas gardé l'integrité de son ame? qui est bien plus, car un homme sera marié qui n'offensera pas Dieu, & ne sera pas en male grace de Dieu pourtant s'il n'a integrité de corps. Abraham n'estoit pas vier-

ge: & toutesfois il n'estoit point moins qu'une vierge devant Dieu. Si Dieu a eu le soing de garder l'integrité du corps de la glorieuse vierge Marie (car son enfantement n'a pas diminué son integrité, mais plustost l'a cōsacrée) ah Chrestiens! Dieu n'a il pas eu plus de soing de conserver l'integrité de son ame? N'est-ce pas plus d'estre vierge en son ame, qu'en son corps seulement? & que son ame fust en la captiuité du diable, & que Dieu eust gardé seulement son corps: Il n'est pas vray semblable. Et non seulement nostre mere l'Eglise, mais aussi la raison naturelle monstre, & *conuincit affirmare*, que la vierge Marie soit conceüe sans peché. C'est la premiere espouse de Dieu, & la mere de Dieu. L'enfant doit honorer sa mere: & honneur consiste en ayde & subuention, & il doit empescher qu'elle ne tombe en necessité. Voyla nostre seigneur Iesuchrist qui veoit le danger auquel fust tombée sa mere, & il la pouuoit preseruer, & de dire qu'il ne l'a pas fait, cela est contre la foy catholique, & contre la raison naturelle. Car en bon iugement naturel, si l'enfant peut sans grand coust empescher sa mere de tomber en necessité, il le doit faire: & nostre Seigneur le pouuoit, & vous direz qu'il ne l'a pas fait, cela est contre nature & la foy catholique. Le concile de Basle a determiné, que la conception de la benoiste vierge Marie a esté sans peché, & nul est receu à la faculté de Theologie, que premierement n'ayt iuré qu'il defendra l'integrité de la glorieuse vierge Marie, & sa conception. Et noz nouveaux Chrestiens, les heretiques, n'ont point de honte d'appeler le concile de Basle, la congregation de Satan, ou il est decreté que la vierge Marie, a esté conceüe sans peché, ou le saint Esprit reside, & ou Dieu a promis son infallible assistance: *Vbi duo vel tres fuerint congregati in nomine meo, in medio eorum sum*. Et ce qui est legitiment congregé au nom de Dieu l'appeler la congregation de Satan, ceux là sont bien impudens. La cognoissance naturelle les iuge, & conuainct, que la glorieuse vierge Marie ayt esté conceüe sans peché, & que Dieu l'a preseruee. En apres, considerons l'vnion de la chair de Iesuchrist, & de la glo-

Dire que nostre Seigneur n'ait preserue sa mere du peché originel, est contre nature & la foy catholique.

De la Conception

rieuse vierge Marie . Quand Adam fut esueillé en paradis terrestre , & qu'il veid que Eue auoit esté formée de sa coste, il dist : *Hoc nunc os de osibus meis, & caro de carne mea.* La chair de nostre Seigneur Iesus Christ d'ou a elle esté prinse? n'est-ce pas de la glorieuse vierge Marie? non de la semence d'homme : mais par l'operation du saint Esprit qui en a prins vne portion d'elle pour former le corps de nostre seigneur Iesus Christ. N'est-ce pas là vn grád mistere? *Erunt duo in carne vna.* Sainct Paul en ce mistere , interprete que ce Sacrement est grand : *Hoc sacramentum magnum est , hoc dico in Christo & in ecclesia,* que ce n'est qu'un corps de nostre Seigneur Iesus Christ, & de la congregation des Chrestiens : *Erunt duo in carne vna.* Ce n'est qu'une chair de nostre Seignr Iesus Christ, & de la glorieuse vierge Marie : car il est formé de la chair & de la substance de la vierge Marie. Et pourtant, elle est appellée la mere naturelle de Dieu . La chair de nostre Seigneur est sainte , de laquelle dit Dauid : *Non dabis sanctum tuum videre corruptionem .* Voyla vne raison & vn argument , pour monstrier que la vierge Marie est cōceü sans peché , & qu'il n'y a point eu d'immondice, de turpitude, ny d'infamie en sa conception. Iesus christ par droict propre , il ne pouuoit contracter peché , mais la vierge Marie le pouuoit bien, si elle n'eust esté preseruée par la grace de Dieu : car elle a esté conceü de semence d'homme : mais sa chair est tant vnüe à la chair de Iesus Christ, que ce n'est qu'une chair. Et ceste vnion doit conclure, qu'elle soit conceü sans peché . Or ça, Dieu faiet grace à qui luy plaist. D'auantage, considerös le fruiet de la chair de nostre Seigneur , & fault voir si la vierge Marie n'a point receu le fruiet de la chair de Iesus Christ. Pourquoi nostre Seigneur a il prins chair humaine? pour nous rachepier, pour nous sauuer, & donner grace & remission de noz pechez. I'ay dit ce matin , que la preseruatiō de peché en la vierge Marie, c'est vne grāde redēption : de laquelle ont esté rachepiez les bōs Anges. Ne direz vo^s pas q celle qui a administré le corps de nostre Seigneur , est la premiere qui a participé le fruiet de la chair de nostre Seigneur, & le salut de redemption?

Ephe. 5.

Psal. 15.

*Dieu faiet
grace à qui
luy plaist.*

Donc, il fault conclure, que la vierge Marie sur toutes les autres a particip   le fruit de l'incarnation, car tous les autres sont tombez: *C  clufit enim omnia in incredulitate, vt Rom. II. omni   mifereatur.* C'est vne red  ption finguliere, car elle a e  st   en grace, au  t qu'elle ait e  st   captiue, & en l'inimicit   de Dieu. Et ceste red  mption est dict  e pres  uation, qui est la participation de l'incarnation de nostre Seigneur. *O Mater Dei!* Que la glorieuse vierge Marie est digne. Je prie    Dieu de no  s faire la grace de d  ner quelque louange    la beno  ste Dame, & que nous la puissions deuotement prier. Nous disons tous les iours en noz heures: *Dignare me laudare te, virgo sacrata.* Car nous ne sommes pas dignes de la louer: Nous luy prions qu'elle nous en face dignes. Quand il n'y auroit point d'autre ouurage de Dieu, pour cognoistre l'infinie bont  , & puissance de Dieu, c'est assez de la vierge Marie. Nous ne s  aurions penser    la vierge Marie c  me il fault, que nous n'ayons les yeux    l'incarnation de nostre Seigneur,    sa mort & passion,    sa resurre  ction,    son ascension,    son aduenement, au iour du iugement. Quelle vertu est-ce, qu  d vous voyez la vierge Marie? C'est que voila vne vierge qui est mere. Et de qui? mere de Dieu. Ainsi que Dieu est pere naturel de Iesus Christ: aussi la vierge Marie est mere naturelle de nostre Seigneur Iesus Christ. Quand l'ange Gabriel vint annoncer l'incarnati   de nostre Seigneur    la vierge Marie, il luy dist, qu'elle c  ceuroit en son v  tre, & enfanteroit le fils de Dieu. Gabriel, c'est    dire, *Dei fortitudo*: Car il a  n   oit vn grand mystere, au  l Dieu a m   tr   sa gr  de puissance, en ce qu'il a fait, que ce ne soit qu'une mesme personne, Dieu & h  me. Iamais nous n'irions en paradis, si nous n'aymions la glorieuse vierge Marie. Ne voyez vous pas la vertu infinie de Dieu, qu'une vierge soit mere, qu'elle enfante le fils de Dieu? Outre ne voyez vous pas la s  pi  ce de Dieu infinie en la pass  on de nostre Seigneur? Lequel pour sauuer l'homme & le rendre propice, & pour le remettre en grace, il a voulu mourir. Voila vn grand moyen & grande s  pi  ce, mais cela est reput   folie, & de nulle reputation deuant les hommes, comme dit saint Paul: *Nam quia in Dei sapientia, non 1. Corint. i.*

La vierge Marie est mere naturelle de Iesus Christ.

De la Conception

cognouit mundus per sapientiam, Deum, placuit Deo per stultitiā predicationis saluos facere credētes. Vous voyez ceste sapience, en regardant la vierge Marie mere de Dieu. En apres, ne voyez vous pas l'exaltation de Iesus Christ qui s'est fait hōme, & a enduré mort & passiō? mais il est resuscité le troisiēme iour: *Vicit leo de tribu iuda.* Et apres il est monté au ciel, & viēdra iuger en forme d'homme, non pas en forme diuine, afin qu'il soit veu de tous, & tous ces mysteres là sont compris en la vierge Marie. On ne la peult biē veoir, & penetrer, qu'on ne voye la sapience & maiesté de Dieu, vn des ouurages de Dieu, par lequel on peult cōsiderer les euures de Dieu, c'est la glorieuse vierge Marie, mere de Dieu. Et non sans cause, car Dieu est avec elle. Si i'ay quelque amy, quand vous me voyez, vous le voyez aussi. Et nostre seigneur est avec elle: qu'ainsi soit c'est la salutation de l'ange qui le mōstre quand il dit: *Dominus tecum*. Vous voirrez Iesus Christ, quād vo⁹ cognoistrez la vierge Marie, i'ay autresfois dit, & encores ie le dis, que le tiltre d'honneur, auquel Dieu est tout compris, c'est: *Mater Dei*. En disant cela, nous disons toute l'escripture du viel & nouveau testamēt que ont dit les prophetes, q̄ c'est la mere de Dieu. Ce tiltre là comprend l'incarnation, la passion, la resurrectiō, & ascension. Outre par le Cōcile d'Ephese, il a esté déterminé, qu'elle soit appelée Mere de Dieu. *Theotocos*, non seulement *Christotocos*. Or ce sont graces speciales de Dieu faictes à la mere, mais ce n'est pas tout: Considerons icy la cōditiō de la vierge Marie. De tous ceux qui ont suyuy nostre Seigneur, depuis Adam iusques à maintenant, ils ont esté quelquefois elōgnez de la croix de nostre seigneur, c'est à dire, de leur salut. Vous voyez qu'à la mort de nostre Seigneur, celuy qui estoit plus ferme q̄ les autres, & qui estoit exalté par dessus les autres, auquel nostre seigneur a dit. *Pasce oues meas* Qu'il a suy & renié son maistre p trois fois, & les autres ont esté scādalisez. Seulement la vierge Marie est demeurée liable, sans incredulité & infidelité. Ainsi elle est demeurée seule suiuant Iesus christ, iamais n'asouffert de scādale, mesmemēt les autres femmes n'estoiēt pas pres de la croix, cōme il est dit: *Sta-*

Il fault cōsiderer la condition de la vierge.

bant noti à longè. Les familiers de nostre Seigneur le sui-
uoiët de loïg: cōme Marie Magdaleine, & les autres, mais
singulieremēt est escript de la vierge Marie. *Stabat mater*
ei⁹ iuxta crucē. car il n'y a eu personne qui n'ait esté loing
de nostre Seigneur & elogné de son salut. Quand il n'y
auroit autre chose que d'auoir esté cōceu de peché. Mais
la vierge Marie iamais n'en a esté elōgnée. Quād les au-
tres ont fuy, elle estoit prochaine de la croix: *Stabat iux-* Ioan. 19.

ta crucē. Iesu mater eius, & soror matris eius, Maria Cleo-
phe, & Maria Magdalene. Il est vray, mais cela est dit en
mistere, car ceux qui se sont approchez de la croix, de
leur salut, ce a esté par le moyē de la vierge Marie, laquel
le est toute seule demeurée pres de la croix, ou elle a esté
constituée la mere & aduocate des pauures pecheurs. Et
nul ne s'y est trouué, sinō ceux qu'elle a menez avec elle.
Nul n'a esté, q̄ quelquesfois n'ait esté elōgné de la croix.
S. Iehan baptiste, auāt la visitatiō de la vierge Marie, à sa
mere Elizabeth, il estoit loing de son salut, mais quād la
vierge Marie fut visiter sa cousine Elizabeth, l'ēfant (c'est
à dire S. Iehan) qui estoit au vētre de sa mere fut remply
du S. Esprit, & sa mere aussi qui dist à la vierge Marie: *Do-*
min⁹ tecū, benedicta tu in mulierib⁹. Il est bō à voir aucunes
fois, la cōditiō de ceux qui ont logé envne maison: aucūs
y font leur ordure, ou tout est rasié, ils ont tout empor-
té, comme font les gendarmes, mais quand tout est bien
ordonné, ont dit que gens de bien ont passé par là. Ainsi
est il de la vierge Marie, les reliques demurēt par ou el-
le a passé & logé. Voila saint Iehan Baptiste, qui est pro-
phete, remply du Sainct Esprit, & sa mere pareillement,
C'est grand chose que la vierge Marie est ainsi remplie
du saint Esprit, tousiours nostre seigneur est avec elle, ia
mais n'a esté elōgnée de la croix de nostre seigneur. Ce
qui en fait elongner c'est incredulité & infidelité, enco-
res ce dit S. Ierome. La vierge Marie a enduré aupres
des pieds de nostre Seigneur cōme son fils Iesus Christ
a enduré: aussi a elle esté plus q̄ martyre. Et iamais tous
les saints martyrs n'ont autant enduré qu'elle a fait: *Gladius doloris pertrāsuit animā eius*. Le glaue n'a pas per-
cé son corps, mais son ame qui plus est. Elle a enduré si

La vierge
Marie a esté
pl⁹ que mar
tyre.

De la Conception

S. Ierome.

2. Cor. 1.

*La vierge
Marie a esté
sans peché
veniel.*

*Il y a plus
de cinq cens
ans qu'on ce-
lebre la con-
ception de la
vierge Ma-
rie.*

grād douleur, & qu'elle en fust morte, si nostre Seigneur ne l'eust preseruée? & pourtant elle est plus que martyre. Et cōme dit Sainct Ierome, *Simul mortificata est cum filio, & simul glorificata cum filio*. Elle a enduré avec son fils, aussi est elle glorifiée avec son fils en paradis, en corps, & en ame. Et l'eglise ne fait point feste de l'Assumption des saincts, comme de la vierge Marie, laquelle a enduré avec son fils, aussi avec luy, elle est glorifiée en corps & en ame, comme dit Sainct Paul. Elle a tousiours duré en vne foy entiere. Et pourtant Chrestiens, il ne se fault esmerueiller, si nous deuons croire que la conception de la vierge Marie a esté sans aucun peché. Oultre, toute l'eglise tient, qu'elle n'a pas seulement esté preseruée de peché originel, mais aussi de peché veniel. Lequel peché veniel compatist avec soy l'amour & grace de Dieu. Et seulement la peine est temporelle pour le peché veniel, en ce monde ou en l'autre. Il ne constitue point l'homme en la mauuaise grace de Dieu : Si donc la vierge Marie a esté deliurée de peché veniel, qui moins est, à plus forte raison, de peché originel. Chrestiens, il fault auoir cela pour doctrine, en reuerence de la Cōception nostre Dame: *Quod nō fuit nodus in virgine, nec venialis, nec mortali* : Comme il est dit aux cantiques : *Tota pulchra es amica mea, & macula non est in te, & c.* N'est-ce pas chose horrible à dire, que la vierge Marie, quelque fois a esté ennemie de Dieu, & subiecte à captiuité du diable d'enfer? Ce n'est pas de merueilles si nostre mere l'eglise par l'inspiration du S. Esprit, celebre la Cōception de nostre Dame

il y a enuiron cinq cens ans, ou plus, qu'on en fait feste particulièrement. Et la chose a tant continué, que l'eglise en a institué le iour pour la celebrer : & elle n'a rien fait, sans le tesmoignage de Dieu. L'eglise a eu ce tesmoignage par le Sainct Esprit (qui n'est point tesmoing de mensonge.) Si c'estoit mensonge, Dieu n'en eust pas monstré tesmoignage par miracles. Et pour ce qu'il a monstré tant de miracles, l'Eglise a décidé & déterminé, avec beaucoup de figures, en interpretant que la Conception de la vierge Marie est sans macule, laquelle a tousiours esté avec Dieu : c'est celle qui'est constituée

située nostre aduocate enuers Dieu: nostre Seigneur no^s
 r'enuoye tousiours à elle: allez à ma mere. Encores fault
 il noter vne chose, qui en est digne: vous voyez en l'escri
 pture, qu'il n'est point faict expresse mention du pere, de
 la lignée de la vierge Marie, comme de saint Ioseph, si
 non equiualemment: car il ne falloit point se marier en
 la loy de Moyse, sinon à vne fille de sa parenté. La vierge
 Marie & saint Ioseph estoient de la maison de Dauid
 & de Iuda, mais expressement la lignée de la vierge Ma
 rien'est point exprimée en la genealogie de nostre Sei
 gneur: c'est pour dōner à entendre, que sa generation est
 d'autre condition que celle des autres, car elle est sans
 macule, & pour ce c'est vn euure singuliere reserué pour
 Dieu. Quand Dieu a faict le premier homme, luy seul
 y a mis la main: il l'a formé du lymon de la terre, & la
 femme de la coste d'iceluy: le second hōme Iesus Christ,
 a esté formé de la vierge Marie. La premiere formation *La formatiō*
 de l'homme a esté par miracle, aussi est celle de nostre *du premier*
 Seigneur au ventre virginal, mais non pas la nostre: que *homme a esté*
 la vierge Marie soit conceuë sans peché, c'est vn ouura- *par miracle*
 ge de Dieu: Dieu dist à Adam apres le peché, *Terra male-* *aussi a esté*
dicta erit in opere tuo: mais la terre de la vierge Marie, pour *celle de Iesus*
 ce qu'elle n'est point labourée par l'homme, elle n'est *Christ, &c.*
 point maudicte: tous autres sont maudits, car ils sont
 conceuz en peché, mais la vierge Marie n'est point con
 ceuë en peché, & pourtant elle est bien heureuse. *Benedi-*
cta tu in mulieribus. Sçauiez vous que c'est de la vierge Ma
 rie? elle est représentée par la bonne Iudith, qui tua Ho
 lofernes, & deliura la ville de Bethulie. C'est la vraye Iu
 dith, qui nous a tous deliurez de la captiuité du diable.
 Elle est aussi représentée par le buisson bruslant, qui ne
 consumoit point: elle est enuironnée de Iesus Christ, el
 le l'a conceu & enfanté, & neantmoins, elle est demeu
 rée entière, non point corrompue: elle a deliuré les Iuifs, &
 la sentence a esté reuocquée, que Naaman auoit procu
 ré qu'ils deuoient estre penduz, & luy mesme fut pendu
 au lieu. Naaman c'est orgueilleux Satan, qui a esté vain
 cu par le moyen de la glorieuse vierge Marie ioincte à
 nostre Seigneur, & comme la Royne Vasti, ne voulant

De la Conception, &c.

point obeir au Roy Assuerus, fut repudiée, & au lieu il eust Esther : aussi la premiere femme Eue par l'inobedience, qui dissipa les biens & les graces de Dieu, est reprouvée, & nostre Seigneur a vny à soy la vierge Marie, & par son moyen nous auôs deliurance, & pour ce, nous l'appelons la mere de misericorde, nostre aduocate, la Royne des cieulx. Et celuy qui va à elle de bon cueur, & de bouche, ie veulx mourir tout à cest heure, si elle le refuse. Nostre Seigneur nous face la grace, qu'en l'article de la mort, nous ayôs ce verset au cueur. *Maria mater gratia, mater misericordia*. La mere n'aura elle pas le soing de ses enfans, nostre Seigneur estant en la croix dist à S.

La vierge Marie est vn ouurage de Dieu singulier.
S. Bernard.

Iehan, *Ecce mater tua*, nous sommes ses enfans par adoption, & pourtant allons à elle, & elle nous deliurera du diable d'enfer, comme luy prions. *Tu nos ab hoste protege*. Ie prie à Dieu, que nous mortifions noz passions, afin que nous luy rendions eures dignes de louenge, & à la glorieuse vierge sa mere, laquelle est vn ouurage singulier de Dieu. Sainct Bernard dit, si ie considere la virginité & humilité de la vierge Marie, i'en trouue d'aucunes humbles comme elle est, & d'aucunes vierges comme elle est, mais si ie veoy comme elle est vierge & mere de Dieu, il n'y en a point, ny eust oncques, n'y aura de semblable à elle. C'est la femme de laquelle parle saint Iehā : *Vidi mulierem amictā Sole & Luna sub pedibus eius*.

Apoc.

Elle est enuironnée du Soleil, c'est Iesus Christ, & la Lune sous ses pieds, ce sont les biës réportels, inconstance, mutabilité, Dieu dist à l'hōme, *In sudore vultus tui, & resceris pane tuo*. Vous voyez que si l'homme veult viure, il faut qu'il cultiue la terre, cela le distraict de pēser à Dieu. La vierge Marie, de laquelle l'esprit n'a point esté distraict vn moment de Dieu, n'a point eu ceste distraction, comme il eût dit. *Maria conseruabit omnia verba hęc cōferens in corde suo*. Auourd'huy il y a peine pour apprendre sa leçon, il n'y a si bon, si iuste qui ne tresbuche. Ce q̃ a biē mōstré le prophete Nathā en Dauid: cela est la peine de peché. La vierge Marie n'a point ainsi esté apprinse de Iesus Christ, elle auoit la visitatiō des Anges de paradis, desquels elle a esté instruite. Ne voyezvous pas q̃ Ga-

*Il n'y a si in
ste qui ne tres
buche.*

2. Reg. 2.

Second mardy de l'Aduent. 66

briel l'Archange luy a esté enuoyé, pour l'instruire? Or la chair, ny le sang, ne la pas instruite: car la chair peut pecher: mais la vierge Marie ne peult faillir, car elle est enseignée du saint Esprit. Qu'est ce dōcques, de la vierge Marie? pour le comble de toutes vertus, c'est le temple de Dieu, l'espouse de Dieu, le sacraire du saint Esprit, & la mere de Dieu. S. Ierosme dit, qu'aux autres, les graces sont diuisées, mais toutes les graces sont comprises en ce vaisseau de la vierge Marie. Si Dieu a dit de monsieur saint Paul. *Vas electus est mihi iste, et portet nomen meum*, qu'est ce doncq au pris de la vierge Marie? Il y a autant de difference, d'un petit vaisseau qu'à un grand. Saint Bernard dict, que c'est un grand honneur d'estre appelé ministre de Dieu: mais c'est plus d'estre mere de Dieu, Royne des cieulx. *Quæ exaltata est super choros angelorum*. Il n'y en a point eu depuis Adā, auquel le diable ne puisse reprocher, tu as esté le mié pour quel-que temps, ie t'ay tenu sous ma patte, il ne scauroit reprocher cela à la vierge Marie, tu as esté la mienne, mais Dieu dit, vous avez esté mienne. Ses prieres sont tant agreables à Dieu, c'est la mere de compassion. Chrestiens, honorons la, & craignons, comme il appartient aux enfans, & la fault plus aimer, que les parens charnels. Tout cela, c'est pour nostre salut & instruction. Nostre Seigneur a voulu monstrier sa vertu, puissance, & sapience en elle. Prions Dieu, qu'il nous donne sa grace en ce monde, & sa gloire en l'autre. *Quò nos perducat qui sine fine uiuit & regnat, Amen.*

S. Ierosme.

S. Bernard.

Le diable ne
scauroit re-
procher à la
vierge Ma-
rie qu'elle
ait esté sien-
ne par aucun
peché.

Pour le second mardy de l'Aduent.

Quæcunque scripta sunt, ad nostrā doctrinā scripta sunt. Rom. 15.
Nous auons dit ces iours passez, que nostre Seigneur Iesus Christ a esté prefiguré, & signifié par es patriarches, & peres anciens, qui ont precedé son incarnation. Les faicts & gestes des anciens peres, ont de-

Second mardy

monstré quels deuoient estre les faicts & gestes de nostre Seigneur Iesus Christ. Entre les autres, Noé a monstré & figuré nostre Seigneur Iesus Christ. L'escripture dit, q̄ Lamech a eu vn fils, qu'il a nommé Noé : Lamech estoit fils de Mathusalé : & quand Noé fut né, son pere prophetisa, disant, *Iste cōsolabitur nos ab operibus nostris, & laboribus manuum nostrarum*. Cest enfant nous mettra en repos, & il mettra fin à noz euures & labeurs, en sorte, q̄ Noé, c'est à dire repos. En cela Noé figure Iesus Christ, & demonstre que c'est nostre paix & repos, qu'en Iesus Christ. En toutes noz euures, ce n'est que toute peine & labeur, si Iesus Christ n'est formé au cueur de l'homme: mais quād Iesus Christ y est formé, en tout ce qu'il faict, il ne trouue poit de labeur, & toutefois il ne cesse d'estre en continuel exercice & labeur. Qui faict cela? c'est Iesus Christ, formé au cueur de l'homme, autrement l'homme trouue labeur & peine. Qu'est ce qui faict faire vn euvre de l'homme, il ioyeusement? c'est la grace de nostre Seigneur, & en labourant on se repose. On dira aucunesfois : vous trauallez beaucoup: mais ie suis en peine quād ie suis oyseux: quād ie suis en exercice & labeur, ie prés en gré pour nostre Seigneur: autrement c'est fâcherie & ennuy, cōbien que l'euvre ne soit point laborieux, Iesus Christ est le vray Noé, qui faict trouuer cōsolation & plaisir en peine & labeur. En paradis les saincts, & les anges n'ont point de repos. Leur repos c'est d'estre en cōtinuelle action de graces & louenges, & en contemplation de la maiesté de Dieu. Tousiours sont en cest exercice, qui est labeur, paix, & cōsolation, & pourtant l'escripture dit, qu'ils n'ont point de repos de dire : *Sanctus, Sanctus, &c.* Ils ne cessent de louer Dieu. Aussi le bon chrestien iamaïs ne doit cesser, mais doit tousiours estre en continuel exercice d'action de graces & louenges. Il doit dresser sa vie, tellement qu'elle soit ordōnée à la louenge de Dieu, & que tous ses faicts ne soient qu'une cognoissance des graces & biens de Dieu. Et cōment il fault entendre à ses affaires, à sa famille, quand vous auez le soing de vostre mesnage & famille, que vous l'ordonnez tout à Dieu: c'est vne continuelle louēge de Dieu, & cōbiē qu'il y ait du labeur & de

la peine, le chrestien n'y en trouue point: mais quād il est en oisueté, ce luy est peine. Nostre Seigneur Iesus Christ est ainsi figuré par Noé, lequel a mis fin aux labours de noz mains, sans lequel l'exercice, q n'est poit laborieux, est prins pour trauail: autremēt, à biē faire au seruice de Dieu ce n'est point peine: & qui pēse qu'il y ait difficulté & peine au cōmandement de Dieu il y a grāde iniquité & malice au cueur de l'homme, comme dit, Dauid, *Nunquid adheret tibi sedes iniquitatis, qui fingis laborem in precepto?* N'est ce pas vn grand signe d'iniquité en toy, quād tu estimes qu'il y a de la peine & du labeur, en l'obseruation des cōmandemens de Dieu? Car ce n'est que repos qu'on a au seruice de Dieu: & qui dit le cōtraire, c'est signe d'vn cueur peruers & meschāt. C'est tout au cōtraire, il y a tant de peine à mal faire. Vn meschāt hōme a tant de peine de cacher sa malice, & de la pallier: il veult estre veu bon, hōme de biē: & s'il a mal fait, il a crainte d'estre cogneu. Offenser dieu. n'est poit sans peine, & quād il n'y a point de peine par dehors, exterieurement, il y a toutesfois affection d'esprit, il y a le remors de conscience, le ver qui tousiours murmure en l'affectiō. Peché c'est peine à l'homme, & la plus grande peine corporelle qui soit. Nostre Seigneur Iesus Christ c'est celuy qui nous fait reposer de noz euures, & met fin à malice & peché, & ainsi il est figuré par Noé. Il a mis fin à idolatrie quād il est venu en ce mōde, laquelle estoit esbandue en tout le mōde. *Notus in Iudea Deus:* Dieu n'estoit seulement co-

Le bon chrestien est fascié quand il est en oisueté.

Il n'y a que peine & crainte à mal faire.

Iesus Christ a mis fin à idolatrie quand il est venu en ce monde.

Second mardy

est venu, il a argué le mode d'infidelité, d'idolatrie, comme Noé qui a faict cesser le peché d'incrudulité, spécialement d'idolatrie, car ils adoroient le diable, la creature pour Dieu: & de faict, quand l'escripture dit simplement peché, il s'entend du peché d'idolatrie, comme dit saint

Ioan. 16.

Iehan, *Cū venerit paraclētus, arguet mundū de peccato, scilicet, infidelitatē, quia non crediderūt in me.* Roboam a enseigné le peuple à pecher, & comment, ne pecheoit il pas au parauāt: ouy, mais celuy qui l'a enseigné à estre idolatre, c'a esté Roboam, & pourtāt, *Peccatum*, en l'escripture quād il y est mis simplement, est entendu le peché d'idolatrie. Ainsi nostre Seignr l'a interpreté en S. Iehā, quād

Ioan. 16.

il dit. *Cū venerit paraclētus, arguet mūdū de peccato, & de iustitiā & de iudicio: de peccato quidē, quia nō crediderūt in me.*

Quād le paraclit, le S. Esprit sera venu, il arguera le monde, & le conuaincra de peché, c'est du peché d'incrudulité & d'idolatrie. Et le prophete dit, *Peccatū peccauit Ierusalē,*

Infidelité est le plus grād peché.

Gene. 6.

car le plus grād peché, est le peché d'infidelité. Quād nostre Seigneur est venu, & qu'il a esleu ses apostres, il a mis fin à ce peché, il a esté figuré par Noé, & il fault entēdre q̄ du tēps de Noé, les hōmes se sont fort multipliez, aussi la malice s'est multipliée sur la terre, & toute l'estude de l'hōme estoit à mal faire. En Genese il est dit, *Cū cœpissent homines multiplicari super terrā,* aussi la malice des hōmes croissoit. On dit en cōmun prouerbe, que mauuaise herbe croist tousiours, *Citō crescit,* regardez comment peché a multiplié, quand Adā a offensé, il a prins grāde force & racine. Voyla Cain qui met peine de tuer son frere Abel, à grād peine est il né. Il n'y a encores q̄ quatre personnes sur la terre: le peché d'Adā a tost cōmencé à pululer, voyla Cain qui a cōceu enuie contre son frere de le tuer, Abel n'é peult mais. L'ocasiō de ce a esté, car Dieu n'a point regardé à Cain ny à son sacrifice: à la personne

Abel estoit agreable à Dieu & son sacrifice.

d'Abel estoit agreable à Dieu, & cōsequēmēt son sacrifice. Cain ne parloit point à Dieu ny son oblatiō, p̄ cela il a prins vne enuie cōtre son frere, car Abel valoit mieux q̄ luy, & estoit agreable à Dieu, & son sacrifice aussi. Et dea il n'é pouuoit mais, à qui tiēt il: ils estoient tous deux freres d'un pere & d'une mere. Abel estoit hōme de biē, il

prenoit du meilleur de son troupeau, de son bestail pour en faire sacrifice à Dieu, il prenoit du meilleur. Cain ne s'en soucioit pas beaucoup, c'estoit vn laboureur, il prenoit des gerbes, non pas des meilleures, non pas pour en faire sacrifice: mais pour dire c'est fait, j'en suis quitte. Dieu adit, cest homme icy me contemne. C'est vne doctrine: quand nous parlons à Dieu, il fault parler autrement qu'à vn homme, & fault regarder que nous disons, & à la table de nostre Seigneur, qu'il y ait discretion en- *Il fault mettre le corps precieux de nostre seigneur Iesus Christ, & tre discretion du pain commun, cōme dit S. Paul, de ceux qui n'y font entre le corps point de différéce. Non diiudicans corpus domini.* Aussi ce- *de nostre Seigneur & le pain cōmun.* luy qui veut prier, qu'il considere la condition de Dieu, & la siēne. Qui suis-je? vn pauvre homme, poudre & cendre, & Dieu veut que ie parle à luy. Cain n'en tenoit compte, ne se soucioit pas de prédre du meilleur pour Dieu. Ce luy estoit assez qu'il en fust quitte. Il fault dōc offrir à Dieu du meilleur comme Abel. Aucunes fois quand on veut donner l'aumosne, s'il y a du pain dur, ou moysi, ou du vin pousé ou euenté, on le donneira aux pauvres, ou qu'on ne vueille plus manger, j'ay peur qu'il me face mal. Pourquoy le donnez vous donc? pour l'amour de Dieu: Dieu ne vous en sçait point de gré. Car si ie ne me veux pas mettre en danger, aussi n'y dois-je pas mettre vn autre. Et quand vous donnez vne aumosne, il fault considerer la personne du pauvre, comme Iesus Christ: car il dit: *Quod uni ex minimis meis fecistis, mihi fecisti.* Ainsi Cain ne se soucioit pas: mais qu'il en fust quitte. Aussi nous disons, ho ma messe est dite, ie suis despesché de mes heures, voila comme on s'acquitte, & regardez à qui vo^s parlez, Oraison n'est qu'un colloque avec Dieu, *Oraison est vn colloque avec Dieu.* c'est mal fait de dire la messe, ses heures, seulement pour s'acquitter. Dieu n'a pas agreable cela. Voila Abel, il préd du meilleur & du plus gras de son troupeau pour en faire sacrifice à Dieu. Et si nous deuons noz dismes, ou oblation, on ne baille pas du meilleur: mais on detracte, ho ce prestre en a assez, ou c'est le plus meschant. Il faut que les curez fassent leur deuoir, qu'ils ne donnent point de scandale: car ils sont tenans le lieu

Second mardy

de nostre Seigneur: & fils ne font leur deuoir, cela pour-
tant n'excusera point la faulte du peuple. Il ne tenoit
qu'à Caïn que son sacrifice n'estoit aussi bon & agrea-
ble à Dieu, comme celuy d'Abel. En cela nous voyôs que
si nous n'auons des graces de Dieu: il ne s'en fault pren-
dre qu'à nous. Voila Caïn & Abel: l'un & l'autre est hō-
me ayāt son oblation, vn est agreable à Dieu, & l'autre
ne luy plaist point. Donc quand vous plaignez que vous
n'avez pas les graces qu'à vostre prochain, louez Dieu
cōme luy, & vous les aurez. N'avez vous pas vostre franc
arbitre de faire comme luy? ô ie suis tenté, aussi est bien
cestuy-là. Vous direz, ie ne m'en sçauois cōtenir. Venez
ça: Sarra la femme d'Abraham, elle a esté rauie du roy A-
bimelech. Elle n'a pas pourtāt offensé, ne succombé à la
tentation: mesmes Ioseph le fils de Iacob: a esté tenté de
sa maistresse, femme de Putiphar, *Qui erat princeps exerci-
tus Pharaonis*: mais il n'a pas succombé. La tētation ne l'a
pas faict offenser. Ce n'est que ma paresse & ma negligē-
ce qui me faict tomber, car ie ne resiste point. Si la natu-
re de la tētation estoit de faire rōber, il y en a beaucoup
qui tomberoient: mais plusieurs qui ont esté tentez ne
sont pas tombez, cōme S. Hierome, S. Benoit. Ce n'est
que ma negligence qui me fait offenser Dieu: car Dieu
donne la puissāce de resister: comme dit S. Paul: *Fidelis
est Deus, qui non patietur vos tentari supra id quod potestis:
sed faciet cum tentatione prouentum.* Or la malice de Caïn
préd pied en luy de tuer son frere. C'est merueilles, Dieu
n'a q̄ faire de nous, il n'est point en soy diminué ny aug-
menté pour nous Voila Caïn qui deuient triste: car en-
uie seiche le cueur d'une personne: *Spiritus tristis excicat
ossa.* Dieu a dit: Caïn, pourquoy es tu ennuyé, faché? *Qua-
re iratus es? aut cur concidit facies tua? Nonne si bene egeris reci-
pies: sin autem malè, statim in foribus peccatum tuum aderit.*
Ne sçais tu pas bien, que si tu fais bien, tu en receueras
loyer? Et si tu fais mal tu receueras de la peine. Fais com-
me ton frere, rends toy cappable de ma grace: fais ce qui
est en toy. Dieu venoit à Caïn, pour le preuenir de sa
grace, pour l'oster de tristesse & facherie, & qu'il reco-
gneust sa faute, il n'en a voulu rié faire. Vne bōne vertu

Gen. 12.

Gen. 39.

Nous tom-
bons en pe-
ché par no-
stre paresse.

1. Cor. 10.

Gen. 4.

est bien tost estaincte, si l'homme ne continuë en bon exercice: mais vne meschanceté à grand peine la peut on oster. Dieu est venu à Cain pour luy dōner occasion de se cōuertir. La racine de peché pulluloit en luy, iusques à tāt qu'il eust tuë son frere. Voyez vous comme la racine de peché s'est multipliée quand les hommes ont cōmencé à se multiplier. Deuant que l'hōme ait failly, qu'il ait peché, Dieu le preuiët comme il a faict Cain, & encores apres qu'il a eu tuë son frere, Dieu est venu à luy qui luy a demandé: *Vbi est Abel frater tuus?* Il respond, *Nescio, nunquid custos fratris mei sum ego?* Incontinent que i'ay failly, Dieu me remet mon peché deuāt les yeux, afin que ie ne sois damné: & au lieu de me recognoistre, ie defends ma faulte, & au lieu de la declarer, ie la cache. O Cain, tu as faict vn grand mal: *Vox sanguinis fratris tui Abel clamat ad me de terra.* Dieu luy proposoit cela, afin qu'il cogneast la grauité de son peché, & qu'il en demādast pardon: mais il estimoit son peché estre plus grand que la misericorde de Dieu: *Maiores iniquitas mea quam ut veniam merear.* Et ainsi il se rendoit miserable & damné. Nous disons, ô que Cain estoit meschant homme: mais possible que vous estes ainsi que luy: Dieu ne viët-il pas à vous comme à Cain? quand vous voulez faire quelque mal, il vous dit: Pourquoi veux tu faire cela? & puis auez vous faict le mal, Dieu le vous remonstre, vous estes au sermon, ou lon parle de vostre faulte, ou par autre maniere vous estes aduerty. Depuis que Cain eust dit: *Maiores iniquitas mea,* Il ne fist beau faict, & ne prouffita oncques depuis: mais rousiours fut tremblant, fugitif par la terre. Il dist à Dieu: *Ecce eiicis me hodie à facie tua, abscondar & ero vagus & profugus in terra: omnis igitur qui inuenerit me, occidet me.* C'est le premier qu'on trouue en l'escriture, qui ait basty sur la terre. Il vçoit qu'il est debouté de la face de Dieu, il dit que son peché est plus grand que la misericorde de Dieu, il contemne la bonté & misericorde de Dieu, il s'en va, & applique son cueur à la terre, il edifia vne cité qu'il nomma au nom de son fils Enoch. Ne voyez vous pas la diference qui est entre les enfans de Seth, & les enfans qui sont descendus de

Une vertu est bien tost estaincte, si l'homme ne perseuere.

Subit que nous auōs peché Dieu nous remet nostre peché deuant les yeux, pour en demander pardon.

Second mardy

*Les enfans
de cain, sont
gès terrestres
& mōdains.*

Prou. 8.

*Ceux qui se
esloignent de
la face de
Dieu sont
freres de
Cain.*

Cain : car les enfans de Cain sont gens terrestres, mondains, delaissez de Dieu, pour lesquels nostre seigneur Iesus Christ n'a point prié en son oraison, qu'il fust devant sa passion: *Patet pro eis rogo, non pro mundo*. Quand ie n'ay cure de Dieu, aussi il me delaisse. Si ie veux qu'il demeure avec moy, il y demourera : car il dit, que ses delices sont estre avec les hommes, & pourtant qu'il est chafsé, il s'en va. Auiourd'huy il y a plusieurs Cains, qui s'eslongnent de la face de Dieu, ils mettent peine d'oster les remors de conscience, afin que plus librement ils offensent. Affection les meine & conduit, & afin que leur affection plus librement soit accomplie, ils demandent à estaindre leur synderefe, qu'ils n'ayent point de remord de conscience, du tout s'appliquent à la terre, à superfluitez mondaines: ils ne regardent pas seulement à nourrir les enfans, mais ils demandent à acquerir terre. Cain a basty, aussi ils bastissent, On veoit l'or sur leurs maisons, & les pauvres de Iesus Christ sont tous nuds parmy les rues. Ils demādent seulement des sabots vn peu de pain, & vous avez tant de superfluitez. Ils meurent de faim, de froid, vous faictes comme le mauuais riche qui passoit par deuant le pauvre Lazare, & faisoit semblant de ne le veoir point. C'est là Cain, qui a nommé la ville qu'il a faicte au nom de son fils. Ils mettent leurs armoiries à leurs maisons, & veulent perpetuer leur nom en la terre, c'est la premiere intention, à l'imitation de Cain, de bastir au monde, & de perpetuer leur nom: mais vous ne lisez point qu'Adam ait fait vn bastimēt, ne Seth: cela est licite quand on le fait pour necessité, & non pas par superfluité: mais il n'est point fait de mention qu'ils ayēt basty : pour demonstrier, que tout le soing du Chrestien, soit d'auoir sa necessité, & contemner le monde. Quand il est parlé des patriarches, il est dit, *Quòd erant peregrini & aduene super terram*. En signe de ce ils n'auoient que des tentes, des maisons volantes, habitans aux tabernacles. Saint Paul dit: *Quòd expectabant ciuitatem fundamenta habentem, cuius artifex, & conditor Deus*. Ils attendoient vne cité permanente, qui a vn bon fondement, duquel le bastisseur, c'est nostre seigneur Iesus Christ. Les enfans

Psal. 38.

Gen. 23.

Hebr. 11.

de Dieu, ce sont les enfans de Seth: il n'est point escrit qu'ils ayent basty, ny edifié sur la terre: car tout le soing du Chrestien, c'est de chercher nostre seigneur Iesus Christ, de contemner le mōde, & n'ont autre soing d'auoir, sinon pour leur necessité, ils se contentent de peu: mais la premiere intention des gens mondains, c'est de bastir, de perpetuer leur nom: Ne sont-ce pas des Cains? Comme les bons Chrestiens sont appelez enfans d'Abraham par imitation: aussi les mondains sont enfans de Cain, par imitation: *Dicuntur Cainiste*. Depuis que Cain eut tué son frere, il fut vagabond, mobile: aussi les mondains sont vagabōds, qui n'ont point d'arrest, tousiours courent, ils sont mobiles. I'ay vn benefice, ie le changeray pour en auoir vn autre: ie ne suis point arresté. La principale vertu d'un Chrestien c'est constance, & tant de permutacions d'offices, & benefices qui se font. Auez vous vn benefice, vn office, arrestez vous là de par Dieu. C'est Cain, duquel la mobilité, est instruction & enseignement pour nous: *Quocunque scripta sunt, &c.* Tout ce qui est escrit, c'est pour nostre doctrine. Nostre Seigneur est venu, qui a mis fin à tout cecy. Nous le priérons de nous donner constance & stabilité, avec sa grace en ce monde, & sa gloire en l'autre, Amen.

Les enfans de Dieu sont les enfans de Seth.

Costāce doit estre la principale vertu d'un Chrestien.

*Pour le second mecredy
de l'Aduent.*

Q*Uocunque scripta sunt, ad nostram doctrinā scripta sunt. Rom. 15.*
Nous disīōs hier que mauuaise herbe croist tousiours, c'est vne mauuaise herbe que peché. Incontināt qu'il a esté introduit par l'homme, il a prins commencement, il a creu & multiplié. Incontināt que vice, peché, a eu entrée au monde, vous voyez commēt il a multiplié. Cain incontināt a cōceu vne enuie sans cause, cōtre son frere, & pour remōstrance & aduertissement que Dieu luy ait faict, il ne s'est point abstenu: mais par dol & fraude, il a mis à mort son frere. Voila commēt mau-

Peché est vne herbe mauuaise.

Second Mecredy

uaise herbe, peché se multiplia. Apres, nous disions hier à l'exemple de Cain, qui est la forme des mauuais, desquels les noms sont escripts en terre. Cain au lieu de demander pardon & misericorde, il s'est desesperé, & endurcy en son peché. *Et egressus est à facie domini.* S'il eust demandé à Dieu pardon, il luy eust donné: car Dieu de sa nature, il est prompt à pardonner: *Deus cui proprium est misereri semper & parcere.* Au lieu de luy demâder pardon, il a defendu son peché. Quand Dieu luy demâde, *Vbi est frater tuus?* Il dit: ie ne suis pas garde de mon frere. Regardez, comment Dieu luy remet son peché deuant les yeux, voyant que Cain ne le recognoissoit point: qui est vne acte de misericorde. Tu as tué ton frere: *Vox enim sanguinis fratris tui, clamat ad me de terra.* Ainsi quand Cain a cogneu son peché, il a dit, qu'il estoit plus grand que la misericorde de Dieu, & qu'il ne meritoit point auoir pardon. *Maior est iniquitas mea, quàm vt veniam merear.* Dieu luy dist: Tu seras vagabond sur la terre: & Cain incontinant qu'il eut entédu son peché, au lieu de recognoissance enuers Dieu, il dit: *Ecce eiicis me hodie à facie terra, & à facie tua abscondar, & ero vagus, & profugus in terra: omnis igitur qui inuenerit me, occidet me.* Tout cela est escript pour nostre doctrine. Cain quand il a entendu son peché, ou regarde il? à la peine, non pas à la coulpe, laquelle il craint d'encourir pour son peché. S'il eut eu le soing de demander à Dieu pardon, disant: Sire, pardónez moy, mais il ne craint seulement que la peine, celuy qui offense, il est priué de Dieu, par peché, l'homme est deiecté de la face de Dieu. Cain deuoit dire, recueillez moy: mais il n'a craincte que de la peine temporelle, qu'il ne soit tué, & non pas de retourner en la grace de Dieu. Il y a deux choses au peché, vne est l'offense faicte contre Dieu le createur, estre priué de la grace de Dieu & de son amour. L'autre c'est la peine temporelle pour le peché veniel, & la peine eternelle pour le peché mortel. Plusieurs ne se soucient point d'auoir perdu la grace de Dieu, ils ne pensent point à cela: mais ils sont tristes, melancoliques. De quoy? de la peine. S'ils ont douleur du peché, c'est pour la peine qu'ils

Gene. 4.
Si Cain eust
demâdé par-
don à Dieu,
il luy eust
donné.

Genes. 4.

Gene. 4.

Deux choses
au peché, pri-
uation de la
grace de dieu
& la peine
temporelle.

ont. Ceste douleur de la peine, n'est pas mauuaife : mais ce n'est pas assez pour estre remis en la grace de Dieu, Les docteurs theologiens dient, que toute douleur que i'ay de mon peché, n'est pas contrition: Esau a eu douleur de son peché: il s'est repenty: mais il n'a point eu pardõ, comme dit saint Paul : *Non enim inuenit penitentie locum: quã-
quã cum lachrymis inquisisset eam.* Sa douleur, & desplaisance n'estoit pas pour l'amour de Dieu: mais pour la crainte de la peine temporelle. Antiochus a eu douleur de son peché, mais il n'a pas eu pardon : car c'estoit de despit, & du mal qu'il endureoit. Comme sont ceux qui ont les gouttes apres la maladie de Naples : ils se repentent, disant : Et maudite soit l'heure que iamais ie feis telle chose parquoy i'endure tant. Cela n'est pas mal fait, mais il ne suffit pas, pour auoir grace. Contrition, n'est autre chose, qu'une douleur, pour l'amour de Dieu, de l'auoir offensé. Mon peché me desplaist, car il est contre Dieu. Et quand on a douleur pour la peine qu'on endure, cela procede de l'amour de soy mesme: car ie m'ayme: & quand il me vient quelque chose contre ma volonté, cela me contriste. *Quoniam tristitia est de his quæ nolentibus nobis occidunt.* Il fault auoir douleur pour l'amour de dieu. Mon peché me fait dommage, car il me separe de dieu: en ce regard il me desplaist, cela viêt de l'amour de dieu & me vaut pour obtenir grace : mais le peché me fait vn autre dommage, car ie suis obligé à estre puny. S'il me desplaist seulement pour cela, c'est amour de moy, & pourtant, la douleur & contrition du peché me fait grace, c'est pource que le peché est contre Dieu. Cain n'en tient compte, il ne regarde qu'à la peine temporelle. Et bien, qui trouuera Cain, il le tuera : Dieu luy dit: *Nequaquã ita fiet, sed omnis qui occiderit Cain septuplũ punietur, hoc est grauissimè.* Car il n'appartient point à vne personne d'auctorité priuée, de tuer vn homicide: mais à la iustice. Dieu dit, que quiconque tuera Cain, il sera puny sept fois autant, c'est à dire griefuement. Le Chrestien ne craint autre chose que d'estre separé de Dieu. Ce m'est tout vn d'endurer, pourueu que ie ne sois point separé de la grace de Dieu. Si i'estois au fin fond d'enfer, &

Hebr. 12.

*Esau n'a eu
pardõ de son
peché iacqz
qu'il ayt
demandé.*

S. August.

*Il faut auoir
douleur de
son peché
pour l'amour
de Dieu.*

Second Mecredy

*Pourquoy
les bons chre-
tiens deman-
dent aller en
Paradis.*

*Le paradis
d'un chrestien
en ce monde
est que tout
ce qu'il fait
plaise à
Dieu.*

*Gen 6.
Comme les
hommes se
multiplient
aussi fait
peché.*

ie pourrois aymer Dieu, ce me seroit tout vn. Mais le feu d'enfer sert de renōcer & despiter Dieu: & on n'est point en enfer sans offense precedente, il y a de la coulpe & de la peine: mais si i'y pouuois estre avec la grace de Dieu, ie ne me soucierois pas d'estre en enfer. Les bōs chrestiens qui demādet aller en Paradis, ce n'est afin d'estre hors de peine, & pour estre à leur aise: mais pour tousiours louer Dieu, & estre en sa grace, & en son amour. Demāder aller en paradis pour estre hors de peine, c'est peu de chose: mais le parfait ne regarde point à cela. Cōme vn bō seruiteur, il dit à son maistre, Monseignr, employez moy, en ce q̄ vous voudrez, il ne demāde seulement, q̄ son seruice plaise à son maistre, & de seruir p̄ amour. Ainsi le bō chrestien, ne regarde point au loyer: mais seulemēt q̄ Dieu luy face la grace, qu'il le puisse seruir, & q̄ son euvre luy soit agreable. Voila son paradis. S'il pouuoit auoir cela en enfer, ce luy seroit tout vn, c'est ce qu'il demāderoit. Mais on ne peut estre dāné, que pour peché mortel, & toute la dānatiō du chrestien, c'est d'estre priué de Dieu, de sa grace, & q̄ son euvre ne soit point accepté de Dieu. Auourd huy il n'est pas le bien venu qui parle de Dieu: mais on ne regarde seulement qu'au temporel, on ne se soucie point de pourueoir au grand dōmage, c'est d'estre priué de Iesuchrist. Voila cōment peché est multiplié, & cōme les hommes se multiplioient au commencement, aussi peché se multiplioit & croissoit, comme il est escrit au tēps de Noé. *Vidētes filij dei, filias hominum, quōd essent pulchra, acceperūt sibi vxores.* Les enfans de Dieu, ce sont les enfans, qui sont descēduz de Seth, fils d'Adā, les filles des femmes, elles sont descenduēs de la lignée de Cain. Ils se sont mariez, c'est à dire, ont esté esmeuz de concupiscence se sont associez à mal faire. Autrement ils sont appelez les enfans de Dieu: autrement les enfans des hommes. Les enfans de Dieu, non qu'ils fussent engendrez de Dieu, mais pource que leur cueur estoit à seruir Dieu & a y vaquer. Les enfans des hōmes, car ils s'adōnoiet, & s'appliquoiet à choses humaines & voluptueuses. Par les enfans de dieu, sont entēduz les iustes: & par les enfā des hōmes, sont entēduz les iustes & meschās gēs, il est dōc

dit: *Vidētes filij dei filias hominū, &c.* peché a eu entrée par le veüe: *Vidit mulier lignū, quod esset pulchrū visu.* La femme à veu le fruiēt qui estoit beau à veoir & delectable: elle a eu appetit d'en māger, & avec la promesse du serpēt qu'il seroiēt cōme dieux. Ce n'est pas mal fait de soy, de regarder: mais regarder le fruiēt pour en māger, cela est mauvais. Cōme veoir vne femme, ce n'est pas peché, car la veüe est naturelle: mais la regarder pour la cōuoiter & abuser d'elle, ce regard là est defendu. Ainsi le dit nostre seignr en l'euāgile: *Qui viderit mulierē ad cōcupiscēdū eā iā mechatus est in corde suo.* Il est fornicateur en son cuer, & coupable deuāt Dieu: neātmoins q̄ la veüe ne soit pas peché, toutesfois c'est de quoy il se fault pl^o dōner de garde, & est le lieu par ou le diable entre plustost en la personne Dauid regarda Bersabée qui se baignoit, & la cōuoita. S'il n'eust regardé & ouuert la fenestre, il ne fust pas tōbé en paillardise & en mauvais vouloir lequel pour courir sa paillardise fut homicide: il fist tuer Vrie en la guerre, qui estoit le mary de Bersabée. Tous ces maux là, procedoiēt de la veüe: Et poutāt dit nostre seignr: *Si oculus tuus scādalizat te, erue eū, & protice abs te.* Si vo^o voyez q̄ vostre inclinatiō soit dāgereuse, de ficher sa veüe sur vne persōne, mesme sur vn hōme, fuyez ce regard. Vo^o voyez en quel dāger est tōbé Dauid, & le roy Abimelech, qui veit Sara, la femme d'Abrahā tāt belle femme, il la raut: mais Dieu la garda de meschāceté. La premiere femme print plaisir à regarder le fruiēt, qui luy estoit defendu, il fault icy entēdre, q̄ à peché, premieremēt vient la suggestion apres la delectation: & puis le consentement. S. Iacques dit, *Vnusquisque tētatur à cōcupiscentia sua abstractus & illeſus: deinde cōcupiscētia cūm conceperit, parit peccatum, peccatum verò cūm cōsummatum fuerit, generat mortem.* Premietement il a la suggestion, qui vient de la chair: Pour cela, ce n'est rien. Outre, ie sens vne delectation, vn plaisir, encores ie ne meurs point, ie ne suis pas separé de Dieu pour cela, mais quand ie viens à y donner consentement, à ceste heure là ie suis mort, & separé de Dieu. La cōsummation du peché, vient du cuer, du cōsentemēt. Nous ne sommes donc pas surprins: il nous fault pre-

Gene. 3.
Genes. 6.

Voir la femme n'est pas peché, mais la conuoiter.

Iac. 1.

Notez les trois choses de peché.

Second Mecredy

Si Eue n'eust regardé le fruit, elle n'y eust prins plaisir.

mierement oster les causes, & occasions de peché: comme si la femme n'eust point regardé le fruit, elle ne fust point tombée en concupiscence, elle n'y eust point prins de plaisir, & si elle n'en eust point mangé, elle n'eust persuadé à son mary d'en mâger. Regarder vne belle chose, de soy, n'est pas peché mais quand ie regarde, & q'ie sens vne mauuaise suggestion, il la fault reprimer, qu'elle ne croisse. Ne vous y delectez pas, & vous n'y consentirez point: & ainsi vous n'estes point mort, ny separé de Dieu. Ne regarder point, c'est oster toute occasiō de peché. Et pourtant, baïssons la teste, il y a des filles plus effrontées & deshontées, elles sautent au col des gens, elles parlent si hardiment: il fault qu'elles ne parlent que par nécessité, & que les meres & maistresses, prennent garde sur leurs filles & chambrières: car mille meschancetez se commettent: i'en scay plus que ie n'en ose dire. La chair au-iourd'huy est autant dilatée, comme estoit du temps de Noé. Quand les enfans de Dieu ont veu les filles des hommes, il les ont conuoitées, & se sont mariez à tort & a trauers. L'operation de la veüe, n'est pas mauuaise: mais c'est l'huys par lequel peché plustost entre en la personne. Il y a l'ouye, & la veüe mais la veüe, est encores plus dangereuse. Et pourtāt arrachons noz yeux: C'est à dire, ne regardons que par nécessité. *Viderunt ergo filij dei filias hominū quod essent pulchre, & acceperūt sibi vxores.* Les pechez se sont tant multipliez, q' Dieu s'en plainct, & s'en repēt, disant: *Penitet me fecisse hominem, quia caro est.* Le me repens d'auoir faict l'hōme, car ce n'est que chair. A qui parle il? à Noé. Car pour lors il n'y auoit que Noé iuste & parfait en ses generatiōs. C'est vne grāde vertu à Noé, qu'avec si grand nombre de meschans il est demeuré iuste. Cela nous demōstre, que les pechez d'autrui, ne nous contraignent point à mal faire car nous auons nostre franc arbitre, combien que tout le monde face ainsi. On se moquoit de Noé, & le desprisoit on, mais il ne delaissoit pas de seruir à Dieu. Il a esté trouué seul iuste en sa generation, tellement qu'il estoit homme parfait. Tout le monde estoit abandonné à vice. Noé fut cinq cens ans, auant qu'il accomplist l'euure de mariage: puis

Gene. 6.

*Gen. 6.
Grande vertu
tu en Noé
d'estre demeuré iuste
avec tant de
meschans.*

& puis il engendra trois fils, Sem, Cham, & Iaphet. Regardez quelle vertu c'est à Noé: il ne s'abstient pas seulement de mal: mais aussi d'une euvre licite, de se marier.

Il a eu lignée: mais c'estoit pour restituer nature humaine c'est vn secōd Adam, car toute nature humaine, estoit destruite par le deluge: luy, avec ses trois enfans, fut auteur de restituer nature humaine. Apres, il n'est point dit qu'il ayt eu d'autres enfans, & si vesquit encores depuis, trois cens ans, c'est à demōstrer, que chasteté & continence plaist moult à Dieu. Mais auourd'huy, s'il y a

*Noé & ses
trois enfans
restituerent
nature hu-
maine apres
le deluge.*

quelque femme vesue, qui veut ainsi demeurer, sans se remarier, on dit, & que voulez vous ainsi faire. Et dea, si Dieu luy donne ceste grace, pourquoy voulez vous l'empescher? Dieu par saint Paul conseille, que c'est mieux fait, que ce n'est de se marier. *Beatior autē erit, si sic permanserit*, les secondes, troisiemes, & quatriemes nopces ne sont point defendues: mais saint Paul dit, que c'est mieux fait de demeurer en continence, & veut que les vierges, & vesues, soyent comme luy. *Volo autem vos omnes sicut me ipsum: dico non nuptis & viduis, bonū est illis si sic permanserint sicut & ego*. Je suis esmerueillé si quelqu'un

1. Corin. 7.

a vne grace de Dieu, on le prend mal: on dira, voylà vn ieune homme, ou vne ieune femme, & que ne se remarie elle? C'est vne grāde grace q̄ cōtinence, laquelle est fort agreable à Dieu. *Non est enim ponderatio animæ cōtinētis*.

1. Corint. 7.

Et noz nouveaux docteurs, veulent que les prestres soyēt mariez, il n'en sera rien, pourtant, ayons bon courage, ie suis aussi asseuré comme de la mort, que cela ne se fera pas.

*Continence
est fort agrea-
ble à Dieu.*

Eccle. 26.

C'est vn vœu solennel, comme ceux qui sont en religion, & ont fait profession de vœu de chasteté: aussi les prestres ont fait le vœu de chasteté, & doiuent viure cōtinemment. Les docteurs theologiens dient, qu'en deux manieres le vœu est solennisé: ou en prenant les saintes ordres, ou en faisant profession de religiō. Pour l'amour de Dieu, ie vous prie, que quand il seroit permis de se marier, aimons plustost mourir, car iamais ne sera licite, mais quand on donneroit liberté, plustost mourir que d'y cōsentir. O i'ay des tentations: & puis tenez bō, priez Dieu, que vous ne tombiez en tétation, c'est à dire,

Second mecredy de l'Aduent.

- Matt. 6.* que vous ne succombiez , & que vous soyez deliuré de mal . C'est ce qui est dit au *Pater noster*, *Et ne nos inducas in tentationē*, & pource, ne vous estonnez point, si celuy, ou celle qui est en viduité, ne se remarie point, au lieu de dire, loué soit Dieu, que j'ay vne fille, qui se veut contenir, & ne se marier point, Dieu a dit, quād les pechez ont esté multipliez sur la terre. *Pœnitēt me fecisse hominē*, Puis que Dieu se repent d'auoir faict l'hōme, le peché est dōc bien grand, la nature de Dieu n'est pas de se changer, ne se repentir. *Non est sicut homo vt mutetur. Item dicitur: Porro triumphator in Israel nō parcet, & pœnitudo nō flectetur.*
- Gene. 6.* *Num. 23.* *1. Reg. 15.* *Malac 3.* *Iaco 1.* *Psal. 101.* *Item: Ego Deus & nō mutor. Item: Apud quem nō est trāsmutatio, nec vicissitudinis obumbratio? Item: Tu autem idem ipse permanes.* Qu'est-ce qu'il est dōc dit, qu'il se repēt d'auoir faict l'homme? n'est-ce pas la mutation? Il faut regarder
- Cōmēt Dieu* à qui parle l'escriture, cela est pour nostre enseignement, *est dit se repentir.* elle nous monstre cōbien les pechez desplaisent à Dieu, & c'est pour entendre que peché prouoque Dieu à ire cōtre nous. L'escriture vse de ces paroles, *Pœnitēt me fecisse hominem*. Il faut icy prendre penitence, pource que l'homme se rend indigne de la grace de Dieu; comme si Dieu vouloit dire, l'homme me courrousse, ses pechez me sont faicts molestes. Encores il est dit: *Tactus dolore cordis intrinsecus*: l'homme est ingrat, il ne tiēt compte des biens de Dieu, & pource, il est dit, *Pœnitēt me fecisse hominem*. c'est à dire, cest hōme icy me courrousse, sa vie ne me reuiēt point, car Dieu hait peché. *Odisti omnes qui operantur iniquitatem*. Il se repent d'auoir faict l'homme comme il se repētoit d'auoir faict Saül Roy, c'est à dire, qu'il vouloit transferer son Royaume à vn autre. Aussi dit-il icy, j'ay faict l'homme: mais le vueil destruire, & oster de dessus la terre pour ses pechez. Autrement, cela se peut entendre, *Pœnitēt me fecisse hominem*, ceste parole procede de la grace & misericordie de nostre Seigneur, c'est vne parole de grande amour, & charité de Dieu, enuers l'homme. Voyla vne similitude, vous voyez deux personnes qui ont esté ensemble, & ont aquis si grand amour, qu'ils ne voudroyent estre separez: Et il aduient qu'ils se separent: alors ils dient, ie me repens de vous auoir
- Gene. 6.* *Gene. 6.* *Psal. 5.* *Gene. 5.* *Item pœnitēt me, &c.* *Similitude.*

Second ieudy de l'Aduent. 74

cogneu, cela signifie la grand douleur & tristesse, qu'ils ont d'estre separez & voudroyent ne s'estre iamais veuz ny cogneuz. Aussi faict il mal à Dieu, de perdre l'homme : toutesfois, les pechez requierent, que par iustice ils soyent puniz, & quasi en son corps defendant il veut punir l'homme, & dit, *Pœnitet me fecisse hominem*, cōme s'il *Gene. 6.* vouloit dire, ie voudrois quasi n'auoir point faict cest homme: car il faut qu'il soit puny pour son peché, ces paroles là, demonstrent vn amour excessif, que Dieu a enuers nous. Nous garderōs donc de l'offenser, & luy prions qu'il nous donne sa grace en ce monde, & sa gloire en l'autre. *Amen.*

Pour le second Ieudy de l'Aduent.

Q*V*acunque scripta sunt, ad nostram doctrinā scripta sunt. *Roma. 15.*
 Vn chacun naturellement se delecte en son euvre, & le recognoist, le painctre qui a faict vne belle image, il s'y complaist, & la recognoist : si elle est bien faicte, il ne crainct point à dire, qu'il l'a faicte, vn maçon *Chacū se cō-* qui a faict vn beau bastiment, quelque bel edifice, il s'y *plait en son* cōplaist: aussi le pere, naturellemēt se complaist en ses enfans, & se resioiūt de les veoir. Il faict tout pour le biē & prouffit de ses enfans, ainsi vn chacū naturellemēt se cōplaist en son euvre, & le recognoist. Semblablemēt, Dieu le createur, qui nous a faicts, il se complaist en son euvre. il a veu & consideré, que tout ce qu'il auoit fait, estoit bō. *Chacū se cō-*
Vidit Deus cūcta quæ fecerat, & erāt bona valdè. Quand il *Gene. 1.* aduient qu'un pere a desdaing enuers ses enfans, qu'il ne les veut point veoir, & se repent de les auoir, c'est signe que l'offense est grāde: & que le pere est bien indigné: on en viendra parler au pere, il dira, ah! ne me parlez point de ces mauuais garçons là, ie me repens d'auoir de tels enfans. Quand le pere dira cela, c'est signé qu'il est mout courroussé, & q̄ la faute est bien grāde, car facilemēt le pere *Comment le* ne s'indigne pas si fort contre ses enfans. Le pere, qui *pere se repēt* naturellemēt se cōplaist en ses enfans, pour vne faute legiere, & de petite importāce, il ne dira pas, ie ne les veux *d'auoir des* enfans.

Second Ieudy

point veoir, ny en ouïr parler: mais quand il ne les regarde point de bon courage, c'est signe, que la faute est grande veu qu'un pere se cōplaiſt naturellement en ſes enfans: & cōment? nature en cela, n'eſt elle point peruertie? non, mais, le pere eſt indigné par ſes enfans. Auſſi, Dieu au cōmēcement à créé l'homme en rectitude: Dieu, apres qu'il a tout fait, le ciel, & la terre, & qu'il a veu, que tout ſe portoit bien, il prenoit plaſir en ſes euvres, en ſon ouvrage Dieu veoit: que toutes choſes qu'il a faiçtes, ſont bōnes, il ſ'y cōplaiſt. Depuis, les hōmes ont eſté multipliez ſur la terre, & ſe ſont deſuoyez de Dieu, & l'ont delaiſſé, car ils ont offenſé. Cain a tué ſon frere, les enfans de Dieu ſe ſont mariez par vne charnelle cōcupiſſcence aux filles des hōmes. Dieu voyant que l'hōme ſe deſuoyoit tant, il ſ'eſt courrouſſé & ſ'eſt repenti d'auoir faiçt l'homme, il a dit, *Pœnitete me feciſſe hominem*, il fault donc dire, veu qu'un ouurier recognoiſt ſon ouvrage, puis que Dieu ſe repent d'auoir faiçt l'hōme, qu'il ſ'eſt deſuoyé, & que ſon image eſt gaſtée & ſouillée, veu qu'il veut deſheriter ſon enfant. Au parauāt Dieu voyoit & ſe cōplaiſoit en l'hōme plus qu'en autre creature, & maintenāt, il ſe repēt de l'auoir faiçt. Cōſiderez cōbien la faute de l'hōme eſt grāde, veu que Dieu ſe repent d'auoir faiçt l'hōme: mes amis, Dieu eſt aucunesfois tant courrouſſé contre noz fautes: qu'il ne veut point ouïr parler de nous. L'eſcriture nous enſeigne, que quand Saül eut offenſé, incontinent Dieu le deieçta. Samuel homme de bien le ploroit, & faiſoit le dueil, que Dieu l'auoit debouté, Dieu luy diſt, Vien ça, pourquoy fais tu le dueil de Saül? Ne ſçais tu pas biē, que ie l'ay debouté de ma face? Ieremie auſſi, prioit pour le peuple d'Iſraël, que Dieu leur feit miſericorde? Dieu luy diſt, ne m'en parle point, *Noli orare pro populo iſto, anima mea nō eſt ad populū iſtū*, ne prie point pour ce peuple: auſſi bien n'en feray-ie rien, mon ame, c'eſt à dire, mon affection, n'eſt point à ce peuple. D'ou vient cela? veu que le naturel de Dieu, c'eſt bōté, & a touſiours vouloir de bien faire à la creature, & de ſe cōplaire à la veoir? La principale creature c'eſt l'homme. Voila Ieremie, hōme de bien, auquel Dieu diſt, qu'il ne priaſt pour le peuple, & dea. Si-

Gene. 6.

Samuel a
ploré Saul.

Ierem. 7.

Ezech. 2.

re pourquoy? car mon ame, mon affection, n'y est point, *Quia populus exasperatus est*: c'est vn peuple qui ne fait que *Dieu ne se*
me courrousser, & prouoquer à ire. Il fault biē dire, quād *courrousse*
Dieu vse de ces propos, qu'il est fort indigné: car il ne se *pour peu de*
courrousse pas pour peu de chose. Il fault dire que la cho *chose.*
se soit bien grande: cōme la nature de l'homme de bien,
n'est pas de facilement se courrousser. Et quand il est cour-
roussé, il est facile de l'appaiser. Dieu de sa nature, il est
bon: non pas facilement, ou pour peu de chose & legiere
condāne l'homme à mort eternelle. Pour la premiere, ny
la seconde fois, il ne se courrousse pas: mais quād il voit,
que ie cōtinue en mō mal, & que ce n'est point infirmité,
& ignorance qui me le fait faire, mais ie pense tous les
moyens, comment ie pourray faire mal: Dieu dit à ceste
heure là, ne m'en parlez point *Anima mea nō est ad populum* *Jerem. 7.*
istum, & pourtant si Daniel, Iob, & Noé y estoient, c'est à
dire quelque qu'il soit qui m'ē parle, ie n'en feray riē. Ah
Sire! nous ferons penitēce. Biē donc, pourueu que de bon
cœur vous repētiez, & recognoissiez cōme par voz faictz *Gene. 6.*
vous auez prouqué Dieu à ire: de sorte qu'il a dit, *Pœ-*
nitet me fecisse hominē. nonobstant cela encores que Dieu
soit ainsi courroussé, il chāgera sa sentence. Mais tout le
mōde priera pour moy: & mon amy cela ne te seruira de *Les prieres*
rien, si tu ne te rends capable de l'oraison d'autrui: aussi, la *des gens de*
perseuerāce mauuaise des Iuifs, empeschoit que Ieremie *bien ne nous*
ne fust exaucé de Dieu, pour eux. Dieu dit donc, *Pœnitet* *seruēt de riē*
me fecisse hominem. c'est signe qu'il est bien courroussé, ce *sinō que nous*
n'est cōme d'un hōme, car Dieu demeure tousiours tout *en rendions*
vn, il n'y a point de mutation en luy, il punit les pechez *capables.*
sans aucune passiō: laquelle est en l'hōme. *Deº nō mouetur:* *Malach. 3.*
neque mutatur Il punit & fait toutes choses en paix: mais
nous appelons l'ire de Dieu, quāt à ses effectz: *ira dei per*
effectº. Cōme quād quelqu'un punit, & bat vn autre, c'est
signe qu'il est courroussé: Aussi, par la grāde punition des
pechez: nous disons que Dieu est courroussé, nō pas qu'il
soit esmeu, car il fait tout sans ire & indignatiō: or n'est
pas ainsi des hōmes, qui ont des affectiōs particulieres &
des passiōs. L'escriure parle de Dieu, cōme des hommes:
afin qu'on entēde quelque chose de luy, & dit, *Pœnitet me* *Gene. 6.*

Second Ieudy

Gene. 6.

fecisse hominē. A bien considerer, ceste parole est de grand amour, & charité, que Dieu a enuers nous : comme nous disions hier, ie le repeteray, ie donnois ceste similitude. Quand i'ay esté long temps avec quelqu'un, & ay contracté amitié avec luy : il me fait mal en me separant de sa compagnie, en sorte que voudrois quasi ne l'auoir point cogneu, car la cognoissance a engendré amitié : & la separation de ceste amitié, engendre ennuy & fâcherie. On dit, si ie ne l'eusse point veu, ne cogneu, ie n'eusse point tant enduré, à cause de la separation : & par maniere de parler, il me fait mal de vous auoir iamais veu. Il demonstre la cause de la douleur & ennuy de la separation, c'est pource que ie l'ay cogneu. La nature de Dieu c'est de faire misericorde à l'homme. Cest homme peche, & la iustice de Dieu le contrainct d'en faire la punition : car il est iuste. Et comme nul bien est delaisé, sans remuneration : Et nul mal, sans s'en vanger. *Nullū bonum*

Nul bien ir-remuneré & nul mal impuny.

Gene. 6.

Gene. 6.

irremuneratum, & nullū malum impunitum : aussi Dieu voit, que l'homme dessert par sa faute, d'estre exterminé : & selon sa misericorde, il ne le voudroit point punir : mais sa iustice le requiert : & par maniere de parler, il fait mal à Dieu de punir l'homme, il l'exprime en disant : *Pœnitent me fecisse hominē*, ie me repens d'auoir fait l'homme : car s'il n'eust point esté créé, il n'eust point esté puny. Dieu toutesfois luy voudroit bien faire misericorde, mais iustice requiert qu'il soit puny & extermine. *Pœnitent me fecisse hominē*, cela ne demonstre autre chose, que le grand vouloir, que i'ay à l'homme : & il fault qu'il soit puny : car il l'a deseruy. Or en punissant, & destruisant, Dieu fait misericorde, comme dit monsieur saint Iean Chrysostome : les punitions de l'homme, sont les graces & douleurs de Dieu. Dieu dit, i'osteray l'homme de dessus la terre, *Nec permanebit spiritus meus in homine : quia caro est*. Monsieur saint Hierosme, exposant ce passage, dit, que ce propos là signifie l'amour, & charité de Dieu enuers l'homme. Il prend, *Permanebit, pro indicabit*, comme s'il disoit, ie ne iugeray point l'homme eternellement : mais ie le puniray en ce monde temporellement : car l'homme n'est que chair, c'est à dire,

Les punitions que Dieu fait à l'homme, sont graces & douleurs de dieu enuers l'homme.

l'homme est fragile, & infirme. Ceste sentence, n'est-ce pas vne grande misericorde : Comme si i'ay merit   estre brusl   tout vif, & ie ue suis seulement qu'estrangl  ? N'est ce pas l   misericorde. qu'on me faict? Aussi, i'ay merit   d'estre damn  , & Dieu me punit temporellement : afin que la peine m'ouure les yeulx, & qu'en endurant le mal temporel, nous eussions le mal eternal. Et pourt  t, Dieu en nous punissant, il nous fait misericorde : *Penitet me.* Il fault punir l'homme : mais temporellement, ie ne le reserueray pas    punir eternallem  t, ie luy enuoyray des afflictions temporelles : afin qu'il recognoisse sa faulte, & qu'il soit sau  . Et sire pourquoy? *Quia caro est, id est. fragilis est hominum conditio.* L'homme de soy est infirme, imbecille: & pourt  t, ie le puniray en ce m  de: afin qu'il euite la peine eternelle. Dauid    ce propos dit: *Spiritus vadens & non rediens*, il parle des Iuifs, ausquels Dieu n'a pas exerc   sa rigueur de iustice : *Non acc  dit omnem iram suam.* Il n'a point iett   toute sa fureur: Pourquoi? *Recordatus est dominus, quia caro sunt, spiritus vadens.* L'esprit s'en va, c'est    dire, l'homme est c  stit   de corps, & d'ame, il est infirme, imbecille, inconst  t selon l'esprit, & la chair: *Idcirco: Deus non euomuit omn   iram suam in populum Israeliticum* : mais il a vn peu mitig  , car ils ne sont que chair. *Spiritus vadens*, car l'homme est infirme, la chair s'en va, elle tend    corruption. Aussi l'esprit depuis qu'il est sorty du corps, il n'y s  aueroit de soy reuenir. Voyla l'inconstance de l'homme? Sainct Augustin dit: *Spiritus vadens, & non rediens*: L'esprit s'en va, il dechet de la grace de Dieu, & de soy il n'y s  aueroit retourner: *Vel spiritus vadens    corpore, & non rediens.* Il y en a qui alleguent ce passage, pour prouuer que les esprits ne reuiennent point : mais ce n'est pas    propos : car par experience ils peuuent reuenir, selon sainct Augustin. Ce passage: *Spiritus vadens* n'est point    ce propos l  : mais Dauid entend par l'esprit qui s'en va, l'homme qui est fragile, infirme tant selon la chair, que selon l'esprit. Et pourtant, Dieu n'a point euomy toute son ire sur les hommes: mais il a v   de misericorde. Cela est signifi   par cela: *Spiritus vadens & non rediens.* Et par ce qu'il est dit en Gen  se:

Dieu punit ses eleuz en ce m  de, afin qu'ils euent la peine eternelle.

Psal. 77.

Psal. 77.

L'homme dechet de soy de la grace de Dieu : mais par soy il n'y scauroit retourner.

Psal. 77.

Second Ieudy

Gene. 6.

Pœnitet me fecisse hominem, c'est à dire, ie ne reserueray point l'homme pour le punir eternellement: mais ie le puniray en ce monde icy temporellemēt. Pourquoy mitigez vous la peine? car la condition des hommes, est fra-

Dieu nous enuoye des tribulations, & en general, qu'en particulier, c'est afin qu'il ne nous punisse eternellement: & que nous puissions recognoistre Dieu, & auoir pardon, grace & la vie eternelle. L'intention de Dieu est, que nous soyons sauuez par tribulations. Il a enuoyé à Pharaon de la tribulation, pour recognoistre Dieu: mais au lieu de le recognoistre, il s'est endurcy, comme le fer sur l'enclume. Et au lieu de bien prendre la tribulation, il a commencé son enfer en ce monde icy. Ainsi a fait Antiochus. Donc, la fin & intention de Dieu, pourquoy il nous enuoye tribulation & aduersité en ce monde, c'est afin de faire nostre purgatoire icy: car l'autre purgatoire est merueilleux: encores bien-heureux est celuy qui y va: car il ne peut là estre impatient, pour ce qu'il est confirmé en grace. Les ames qui sont en purgatoire, attendent en patience le bon plaisir de Dieu, qu'elles soient deliurées sans aucunement murmurer. Autrement cela se peut entendre:

Gene. 6.

Non permanebit spiritus meus in homine, quia caro est: id est, amplius non disceptabit. Nostre Seigneur n'a pas enuoyé le deluge incontinent que le mal s'est fait sur la terre, il l'a predict cent ans deuant. Dieu attend, il ne punit pas incontinent: mais c'est pour veoir, si l'homme se repentira. Et quand il n'en fait compte, à ceste heure là, Dieu frappe. Sainct Paul dit: *An diuitias bonitatis eius & patientia & longanimitatis contemni? Ignoras quoniam benignitas Dei ad pœnitentiam te traducit?* Et pource, Dieu est patient, il dit: Possible qu'il se repentira? comme le maistre d'escolle, il ne punit pas incontinent: il dissimule, & amasse toutes les fautes en vne, Noé annonçoit au peuple, disant: Repentez vous, Dieu vous punira. Ils ne s'en soucioient point. Ce pendant que Dieu endure de la faulte des hommes, il tient sa sentence quasi suspendu, il dit: *Non permanebit spiritus meus in homine,*

Rom. 2.

Gen. 6.

comme s'il vouloit dire : iusques à maintenant , i'ay tenu ma sentéce en suspends, pour sçauoir si ie deuois destruire les hommes par le deluge : mais ie n'en dispute-
 ray plus , car ie voy qu'ils ne se repentent point : ie prononceray la sentence. Quand la sentence n'est pas en-
 cores donnée , il y a remede: car les iuges regardent bien
 deuant tous les proces, & la grace peult venir : mais de-
 puis que la sentence est donnée , il n'y a plus de remede.
 Dieu dispute , & dit en soy : destruiray-ie ce peuple ? Il
 est comme en suspends . Et quand il voit que l'homme
 abuse de sa patience , il dit : Je ne disputeray plus : mais
 ie donneray la sentence , car ce n'est que chair que l'hô-
 me, il est tout enucloppé en peché: *Delebo hominem à facie terra* . Vous voyez icy premierement la misericorde,
 & longanimité de Dieu, comme il attend, c'est afin que
 nous amendions . Quand on ne s'amende point , il y a
 danger que Dieu destruisse tout. Or ça mes amis , vous
 auez veu , comme nous auons eu peur , durant la guerre,
 possible est que Dieu est en suspends & dit : destrui-
 ray-ie Paris ? Nous voyons des villes , & villages des-
 truits , & rasez: Nous en sommes prochains les enne-
 mis sont venuz aupres de nous, & facilement fussent en-
 trez en ceste ville, que Dieu ne nous eust gardez: mais de
 sa grace , il les a renuoyez , comme il les auoit amenez.
 Nostre Seigneur n'a pas encores donné sa sentence : mais
 il est comme en suspends. Chrestiens, recoignoissions noz
 fautes. Regardons pourquoy Dieu a permis que la vil-
 le de Boulongne, qui est vne clef de France, ait esté prin-
 se de nostre ennemy . D'ou vient cela ? c'est pour noz
 fautes, Dieu nous a donné la paix, non que nous l'ayons
 meritée : mais c'a esté de sa grace & misericorde : Dieu
 vueille bien entretenir les Princes en bonne paix, mais
 si nous ne nous amendons, il y a grand danger qu'il dō-
 ne sa sentence. On commence aux bombans, dorentes, &
 lasciuetez, c'est la cause, qui a prouqué Dieu d'enuoyer
 le deluge. Regardons bien si la volupté, & lasciueté, n'est
 pas plus effrenée, qu'elle n'estoit de ce temps là , crai-
 gnons nous pas qu'il enuoye le deluge ? ou les gens d'ar-
 mes qui pillent, rençoignent & gassent tout ? Il y a dan-

*Deuant que
la sentence
soit donnée,
il y a encores
remede.*

Gen. 6.

Second Ieudy

ger que Dieu nous dōne sa sentence , qu'il a long temps tenue en suspens. Ceste ville de Paris, n'est pas plus, que la ville de Ierusalem, *que vocabatur ciuitas sancta*. Et saint

Ierusalem fut appelée Sodome & Gomorrhe, à cause qu'elle imitoit en pechez, ainsi Paris. Ierome dit : qu'elle est appelée Sodome , & Gomorrhe, pource qu'elle imite les pechez de ceulx de Sodome. Et Et aussi, ceste ville peult estre ainsi appelée, *quia est imitatrix peccatorum Sodome*. Chrestiens , rendons nous dignes de la grace de Dieu , luy demandant pardon de noz fautes : il rengainnera son cousteau . Si Dieu nous vouloit punir en ce monde , il nous feroit grande grace, veuës les fautes des hommes : il fault plus desirer la captiuité temporelle : que celle qui est spirituelle . L'homme n'est que chair , & pour sa faulte il a perdu le tiltre d'homme. Ce mot d'homme, c'est pource qu'il vse de raison. Il n'y a point d'autre difference des bestes brutes à l'homme, sinon qu'ils ne se gouernent point par la raison. L'homme a laissé vertu, qui est la reigle de raison, & s'est faict comme les bestes: & vrayement il est appelé beste, & chair . Il y auoit vn philosophe , qui en plein midy fist allumer des torches , & cherchoit. On luy demanda , que cherchez vous ? il respond , vn homme . Et en voicy tant. Je cherche vn homme , qui soit digne d'estre appelé homme. Il y a beaucoup d'hommes : mais ils ne vivent pas selon leur tiltre. L'homme n'est point appelé homme, sinon par la raison , qu'il doit auoir. S'il vit & fuyt sa nature : il est appelé chair, Dauid dit : *Homo cum in honore esset, non intellexit, comparatus est iumentis insipientibus : & similis factus est illis* . La diffinitio de l'homme, selon Aristote , c'est vn animal raisonnable . L'homme qui est *iustus & timoratus*, il est digne d'estre appelé homme: comme Saint Simeon, *expectans consolationem Israel*. Et Iob erat *vir iustus, simplex, recedens à malo* . Cestuy là est digne d'estre appelé homme, qui vit iustement, qui faict le bien, & fuyt le mal : autrement les hommes viuans selon leur nature , ne sont pas dignes d'estre appelez hommes, car ils font toutes choses contraires à la condition de l'homme, & pourtant ce n'est que chair, ils sont adonnez à tout volupté & charnalité . Dauid dit : *Nolite fieri sicut equus & mulus, quibus non est intellectus*. Ne soyez

Psal. 48.

Luc. 2.

Iob. 1.

Les hommes viuans selon la chair, ne sont dignes d'estre appelez hommes.

point semblables aux bestes brutes : mais considerez, à quelle image & semblance, vous estes créez, c'est de Dieu viuant, & de nostre Seigneur Iesus Christ nouveau homme. En ce faisant nous serons dignes d'estre appelez hommes : *Non permanebit ergo spiritus meus in homine, quia caro est.* Apres il dit : *Videns autem dominus, quod multa malitia hominum esset in terra.* L'escripture introduict Dieu, comme voyant, car la veuë est certaine. Dieu est certain que la malice des hommes multiplioit sur la terre, non point par ouir dire : car Dieu ne donne sa sentence qu'entre verité, *quia est ipsa veritas*. L'homme iustement condamne vn autre en iugement, par le rapport de deux ou trois tesmoins : *iuxta allegata & probata*. Les iuges doiuent faire leur deuoir d'auerer la verité : autrement ils errent, & souuent iuger selon la verité presumée, c'est souuent mensonge : *Et in ore duorum vel trium testium stat omne verbum.* Dieu selon la verité, par la veuë, non point par le dict des tesmoins : *Videns dominus, &c.* Aussi nostre Seigneur aduertist de bien iuger : *Nolite indicare secundum faciem, sed iustum iudicium iudicate.* Nous sommes en vn mauuais temps. Le iuge doit bien auoir soing, de voir si le rapport des tesmoins est veritable : autrement il est coupable deuant Dieu. Quand la clameur des Sodomites fut montée deuant Dieu, il ne les voulut pas condamner pour cela : mais il dist : *Descendam & videbo*, cōbien qu'il sçache toutes choses auant qu'elles soient faictes, toutesfois il dit : ie voyray s'il est vray, i'en veulx estre asseuré : cela est dit pour nostre doctrine. Le iuge auant qu'il donne sa sentence, il fault qu'il descende, qu'il regarde & soit asseuré : & ne fault pas s'appuyer seulement sur les choses humaines : mais il fault prier Dieu, qu'il l'illumine pour bien iuger : car bien souuent, il inspire les moyens, par lesquels on entend la faulte, ou verité du faict Il se fault recommander à Dieu, car nous sommes ignorants, & on passera par dessus deux & trois fois, qu'on n'entendra pas la cause, & vn simple homme remonstrera bien à vn plus sçauant que luy, comme & simple Nathan, Dauid, & Elizée ne sçauoit pas que l'enfant de

Gene. 6.

Matth. 18.

2. Cor. 3.

Ioan. 7.

Gene. 18.

*Le iuge ne
doit subit dō
ner sentence.*

*Vn moindre
homme re-*

Second Vendredy

monstre bien la Sunamite fust mort, il dist: *Dominus hoc celauit à me. Et à vn plus sça* pourtāt les bons iuges se doiuent radresser à Dieu, pour *uant que luy* estre illuminez, ne s'arrestans point tant aux moyens humains. Et quand il aduiendra que le iuge aura vn criminel deuant luy, pour la bonté du iuge, Dieu fera auerer mille maux de ce criminel. Il se fault diriger par tous les moyens humains, qu'il est possible: mais le principal, c'est Dieu qui adresse. Et pour monstrier l'exemple aux iuges, il dit: *Descendam & ridebo, &c.* Nous luy prierons de nous donner sa grace en ce monde: & la gloire eternelle en l'autre. *Quò nos perducatur, qui sine fine uiuit & regnat Deus, Amen.*

Gen. 18.

Pour le second Vendredy de l'Aduent.

Rom. 15.

Q*Uecunque scripta sunt, ad nostram doctrinam scripta sunt.* Nostre Seigneur, ainsi qu'il est bon & misericordieux, & par sa bonté & misericorde, il re munere plus le bien qu'il ne vault. Aussi nostre Seigneur est iuste, & punit le mal. Il ne laisse rien passer sans punition, comme il appartient. Sa iustice a tousiours pour compagnie misericorde. Nostre Seigneur donne retribution pour vne bonne euvre, plus que ceste euvre n'est digne. Et quand il punit le peché, c'est avecques iustice & misericorde. Il ne le punit pas tant qu'il a merité & deseruy, il punit & ne laisse rien passer, il demande compte des pensées, des pechez veniels, & fautes tant soyent elles petites. Pourtant que l'homme n'a pas perseueré en sa reſtitude, il a esté puny de Dieu, & corrigé, & l'a constitué passible, mortel, comme nous auons ia dit. Pour la correction qu'a faict Dieu d'Adam, & de Cain, les hommes n'en ont pas mieux valu: & n'ont pas laissé à faire mal, & contemner la loy de nostre Seigneur. Il y a deux manieres de correction, Vne est, qui concerne vn chacun: laquelle est dite correction fraternele, fondée en amour, elle est secrette entre celuy qui a failly, & celuy qui corrige, c'est vne remonstrance, & exhortation à

bien, & principalement regarde le bien & prouffit de celuy qui a failly. Vous luy devez remonſtrer pour ſon ſalut, & quand ie veoy que ie n'y puis rien prouffiter, à ceſte heure-là, ie ne ſuis tenu de le corriger, car ie le dois corriger en l'intention qu'il ſera gaigné, mais ſi ie veoy qu'il ne ſ'en amendera point, alors ceſte correction n'a point lieu. Il y a autre correction de iuſtice & d'autorité, autrement appelée correction iuridique: elle n'appartient qu'au iuge, & elle concerne le bien de celuy qui eſt corrigé, & principalement pour la correction des autres. Comme voila vn homme larron, homicide, il eſt conuaincu du cas, il eſt corrigé, il eſt condamné à la mort: ceſte correction, eſt pour ſon bien, pour ſatisfaction de ſa faulte: faiſte cōtre Dieu: mais quand il ne ſe voudroit point amender, ne confeſſer ſa faulte, il ne laiſſeroit pas pourtant à eſtre puny comme vn heretique obſtiné, combien qu'il meure, il va eſtre damné à tous les diables: il ne laiſſe pas à eſtre puny & brulé, car ſa correction n'eſt pas ſeulement pour luy, mais auſſi pour les autres, afin qu'ils prennent exēple, & qu'ils ſe donnent de garde de tomber. Mais la correction fraternelle, regarde ſeulement le bien de celuy qui a failly, autrement ſ'il n'en faiſt cōpte, le commandement n'a pas de lieu. Le iuge toutefois, ne doit pas laiſſer à punir le malſaiſteur, car il fault qu'il ſoit exemple aux autres. Ainſi noſtre Seigneur a faiſt la correction entre luy & Adam, luy diſant. *Quis enim indicauit quod nudus eſſes.* Qui t'a dit, que tu eſtois nud, ſinon que tu as mangé du fruit que ie t'auois defendu. Apres Dieu feiſt vne correction iuridique, il a iecté Adam hors de paradis terreſtre, il l'a conſtitué paſſible, mortel, afin que toute ſa poſterité le voyant en telle pauvreté & miſere qu'ils ſe donnaſſent de garde d'offenſer. Semblablement, Cain pour cela, n'en eſt point amendé, mais en a eſté pire. Il a tué ſon frere: *Eſt fratricida.* Encores voila Lamech, il veoit la punition de Cain, auquel Dieu auoit mis vn ſigne qu'on ne luy feiſt mal, & que de ſemblable peine ſeroit il puny. Nonobſtant Lamech le tua. Et pourtant les pechez ſont plus grands. Et comme les hommes ſe multiplioient, auſſi faiſoit peché.

Il y a la correction fraternelle & ſecrete.

Il y a la correction iuridique.

Vn larron ou heretique ne doit laiſſer à eſtre puny, encores qu'il reconnoiſſe ſa faute pour eſtre à exemple.

Second Vendredy

Vne personne, ayant exemple deuant soy, & qui ne se corrige point, sa faulte en est plus grieveuse, & est digne de plus grande punition. Ceux qui sont venus apres Adam, Cain & Lamech, ont entendu combien vice & peché a despleu à Dieu. Voyant cela, il a delibéré de corriger tous les hommes, excepté Noé, & sa famille. *Videns autem dominus quod multa malitia hominum esset in terra*, *Vidēs*, c'est

Gen. 6.

**Premier que
punir l'homme,
il faut
estre certain
du faict.**

à dire, Dieu estant bien asseuré, que la malice estoit grande sur la terre. Par la veüe, on entend la cognoissance de la matiere, c'est pour monstrer, qu'auant que de punir l'homme, il faut estre certain, ou qu'il confesse le faict, ou qu'il soit cōuaincu par tesmoings, ou qu'il soit prins sur le faict. L'autorité publique, ne peult proceder contre quelqu'un, si ce n'est de science publique, laquelle est prinse en trois manieres. Ou le criminel confesse en iugement auoir faict le cas: ou il est prins sur le faict: *Deprehenditur in notorio crimine* (comme en tuant vn autre) cela vault vne cōfession publique: ou il est conuaincu par tesmoins: & ainsi le iuge iustement le condamnera. Autrement, si le iuge n'a point de science publique, que l'homme ait faict le crime, il est meschant, & faict contre Dieu s'il le cōdamne. *Videns igitur Deus, id est, certò sciens*, que la malice estoit multipliée sur la terre. Il dit: *Multa malitia*. La malice estoit grāde, Nō point petite, laquelle n'estoit point d'infirmité: mais de certaine malice. Il ne dit pas,

Gen. 6.

Vidēs dominus quod infirmitas, imbecillitas multa esset super terram: mais il dit, *Vidēs quod multa malitia, &c.* Pour monstrer qu'ils offensoient, non point par infirmité, ou tentation: mais de certaine malice. L'escriure met trois manieres de pechez. L'un, c'est par infirmité, comme ie suis negligēt, ie me laisse tomber à la tētation. On sçait bien que fornicatiō est offense de Dieu mortelle, ie suis tenté, ie succombe, i'aoit que ce soit par infirmité, non-obstāt, c'est peché mortel: ou bien, il est ieusne & par tētation, ie romps mon ieusne, la faulte n'en est pas si grande, car elle vient par mon infirmité, laquelle diminue la grauité du peché, & regulierement cela se pardōne quand on en demāde pardō: *Dicitur hoc peccatum in Deū patrem*, & pource il est dit: *Qui dixerit verbum contra patrem remitto*

cur ei. Vertu, puissance, est attribuée au pere, & quād ie peche par infirmité, ie peche cōtre la vertu, & la puissance de Dieu: mais cela se pardonne, quand on le demande. Il y a vn autre peché qui est faict par ignorance. Si ie scauois, que cela fust peché ie ne le ferois pas, & ne le scachant ie le fais, ie suis excusé en partie, non du tout: car si i'eusse faict mon deuoir, pour scauoir si c'estoit peché, Dieu m'eust illuminé: *Dicitur hac ignorantia vincibilis, que nō excusat omnino.* Je ne pēse point que cela soit malfaict: mais ie ne fais pas mon deuoir ny inquisition suffisante pour estre illuminé, & pour scauoir la verité, i'offense: mais ceste ignorance là, excuse aucunement & diminuë le peché, non pas du tout. Sainct Paul a offensé par ignorance, & cela se pardonne, ainsi qu'il dit: *Misericordiam Dei consecutus sum, quia ignorans feci.* Les Theologiens mettent trois sortes d'ignorance, il y en a vne qui n'excuse point, mais elle aggraua le peché. Cōme ie ne veux pas aller au prosne, afin que i'ignore, ce que dit le curé, ie n'ay point voulu chercher la verité, c'est vne ignorance affectée, elle aggraua plus qu'elle ne diminuë. Plusieurs en y a qui ne veulent pas aller au sermon, afin qu'ils ne ayent des scrupules, & ils cuident estre ignorās, mais ils pechent plus griefuement. Il y a vne autre ignorāce vincibile, qui excuse: comme i'ay cherché & demandé, mais non pas en la maniere que i'estois tenu. Et pourtant elle excuse, non pas du tout, car ie l'eusse bien vaincuë si i'y eusse mis peine. Il y a vne autre ignorance inuincible: comme i'ay faict tout ce que ie deuois pour scauoir la verité, & combien que l'acte soit de soy peché mortel, ie n'offense pas pourtant, & suis du tout excusé. L'ignorance de Iacob, estoit telle. *Quando superposita est ei Lya, loco Rachelis.* Voila vne seruante qui va au soir à la caue, elle iecte ou laisse cheoir vne pierre sur quelqu'un, qui est là caché, elle tuë, nonobstant elle est excusée, car elle n'estoit pas tenuë d'aller chercher s'il y auoit personne, pource q̄ ce n'estoit pas l'heure de s'aller mettre là, l'acte de soy est peché mortel, mais pource qu'elle a ignorance inuincible, car elle n'estoit pas tenuë d'aller regarder s'il

Qui peche par infirmité, peche contre la vertu du pere.

*I. Tim. i.
Trois sortes d'ignorance.*

Ignorance inuincible.

Gen. 6.

Second Vendredy

*Le peché con-
tre le saint
Esprit.*

y auoit quelqu'un, & pource, elle est du tout excusée. L'ignorance n'est point inuincible en nous, si nous ne faisons ce qui est en nous, non pas tout ce que nous pouuons faire, mais tout ce que nous deuons faire. Côme ie pouuois aller veoir, & allumer la chádelle pour sçauoir s'il y auoit quelqu'un là, mais ie n'y estois pas tenu: ceste ignorance est du tout inuincible: c'est à dire, ie ne l'ay peu vaincre, & le peché qui est fait par ignorance, il est dit estre fait cōtre le fils: il se remet & se pardōne. Comme quād quelqu'un a failly par tētatiō, laquelle quād elle est cessée, il luy desplaist & s'en repent: autrement ce ne seroit pas peché par ignorāce. Il y a vn autre peché qui est bien mauuais: *Peccatū in Spiritum sanctū*. C'est offenser de certaine malice, cōme du temps de Noé: *Multa malitia super terram*: C'est le peché cōtre le S. Esprit, duquel l'escriture dit: *Qui peccauerit in Spiritū sanctū, non remittetur hic, nec in futuro seculo*. Il ne se pardonne point en ce monde, ny en l'autre. Entēdez icy pour vostre consolation, que c'est de pecher de certaine malice. Il en y a qui sçauent bien que ils font mal, comme au temps de ieusne, ils sont tentez de rompre le ieusne, ou du peché de la chair: ils succombent. ils pechent par infirmité, car combien que ce soit contre leur conscience, ce n'est pourtāt pecher de certaine malice, ou cōtre le saint Esprit: Nous appelōs peché de certaine malice, quād la malice est cause que nous faisons le mal, ce n'est point pecher par tentation ny par ignorāce, mais pource que c'est mal fait, ie le veux faire. Combien qu'on entende bien qu'adultere, & larcin soit peché, ce n'est pas pourtant de certaine malice. Vn pail-lard voudroit bien que ce ne fust point peché que sa pail-lardise, mesmes vn larron: Et celuy qui rompt son ieusne en Quaresme par tentation: il voudroit bien que le ieusne ne fust point commandé, malice n'est pas cause qu'il rompt son ieusne, car il voudroit bien ne point mal faire: mais il peche par tentation, par infirmité, non pas contre le S. Esprit: car il fault que malice soit cause de ce que ie fais, auāt que ce soit peché contre le saint Esprit: Comme ie veux nuire à mon prochain, ie sçay bien que ie luy fais son dommage, mais nonobstant ie le veux faire,

faire, c'est pecher cōtre le S. Esprit & de certaine malice, & ce peché là ne se pardōne point. Comment? ne peult il pas biē estre pardōné? ouy si ie demāde pardō, mais ce peché là est de si grād orgueil que l'hōme ne le veult point humilier & demāder pardō. Il n'est pas dit qu'il ne puit se estre remis, mais regulierement on ne demande point pardon: & pourtāt, il ne se remet point en ce mōde ny en l'autre. Voila le peché q̄ estoit au tēps de Noé: les hōmes se cōplaisoiēt & se cōgratuloiēt à mal faire, voila biē l'offense de Dieu de certaine malice. Tout l'effect de l'hōme estoit, cōmēt accōpliray-ie ma volōté? & Dieu voyāt cela, il a decreté la sentēce. Ha, dist Dieu, ie destruiray cest hōme. Encorēs vous voyez q̄ quelque sentēce q̄ Dieu ait donné, il vse de misericorde. Ie leur bailleray encorēs six vingts dix ans. *Erūtque dies illius centū trīginta annorū* (nō pas q̄ l'hōme ne viue q̄ six vingts ans) car les hōmes ont plus vescu depuis le deluge. Dieu ne mesure pas la vie des hōmes à six vingts ans, mais auāt que le destruire, il attēdroit six vīgts ans, pourueoir si l'hōme se repētiroit. Car si il se fust amēdé, Dieu ne l'eust pas destruiēt. Il ne l'a pas destruiēt incōtināt qu'il a offensé, mais il luy a baillé ce terme là, pour faire penitence. Noé tousiours preschoir, mais aussi la malice tousiours croissoit, & ne s'estudioiēt qu'à mal faire. Il y en a aucūs qui font mal, mais leur intētiō est à leur prouffit particulier. Il y en a d'autres au iourd'huy qui supplātēt, & forgēt des faux tesmoings, & tout leur regard, c'est à faire leur prouffit particulier, avec le mal de leur prochain ils n'ont pas pour obiet le mal, mais leur prouffit: & du tēps de Noé, ils estoient adōnez à tout mal. C'est la nature du diable, prēdre plaisir à mal: cōme dit David: *Latātūr cū malefecerint, & exultāt in rebus pessimis*. Aucuns se vantēt à la table, de leurs pechez, & ne les peuēt dire à cōfesse, ils sont semblables à ceux du tēps de Noé, Nostre seignr leur a dōné le tēps de repiscēce, six vingts ans, c'est bō terme: mais ils en ont abusé, & pourtāt, ils ont esté plus griefuement punis. Faictes vostre prouffit de cela: car, *Quacunque scripta sunt*, c'est pour nostre doctrine. Vous voyez que nostre Seigneur a aict venir le deluge, pour la faulte des hōmes: car toute

Le peché cōtre le S. Esprit est de si grād orgueil, que celui qui le commet ne veult s'humilier à demander pardon.

Gen. 47.

Le naturel du diable est prendre plaisir à mal.

Rom. 15.

Second Vendredy

Noz pechez sont plus grands qu'ils n'estoient au temps du deluge. nature estoit corrópuë, & ne s'esbatoïët qu'à mal faire. Si nous voyons Paris addonné à cela, ne fault il pas bien craindre que nostre Seigneur nous en face ainsi? car noz pechez sont plus grâds qu'ils n'estoïët au temps du deluge. La raison? car nous auôs la punition d'Adâ, de Cain, & du deluge: par cela nous entêdons combien peché des- plaist à Dieu. Et maintenât le peché est de plus grâd cō- temnemët: car en la loy de nature ils n'offensoïët pas tât qu'en la loy de Moyse, ny en la loy de Moyse, tant qu'en la loy Euangelique, en laquelle nous sommes. Et pource, le contemnemët en est plus grand: & comme dit S. Paul:

Hebr. 10.

Irritam quis faciens legem Moysi, sine ulla miseratione, duobus vel tribus testibus moritur: quanto magis putatis deteriora mereri supplicia, qui filium Dei conculcauerit, & sanguinem testamenti pollutum duxerit? & vous direz, qui est celuy-là, qui

Quand nous commettons peché mortel c'est autant comme si nous disïos à Dieu vous n'estes point mon Dieu.

cōculque aux pieds le fils de Dieu, le sâg de Iesus Christ? mes amis, quand nous offensois Dieu mortellemët, au- tât vault comme si nous marchions sur le vëtre de Iesus Christ, & tout autât, que si nous luy disions, vous n'estes point mon Dieu, & ie ne tiës compte de vous. Regardez que faiët peché mortel, & combien il merite plus de pei- ne, qui conculque le fils ds Dieu. L'homme est enseigné par la loy de nature, par la loy de Moyse, & par la loy Euangelique. Et quâd il fault, il est digne de plus grâde pu- nition Outre, le temps passé, Dieu ne parloit que par vn Ange, par vn Prophete: mais maintenât, nous auons son fils Iesus Christ, qu'il a enuoyé, & nous le venons à con- temner: combien meritions nous plus de peine? Si Dieu voyant si grâde malice sur la terre, a esté esmeu de dire, *I'œnitet me fecisse hominem*: il n'y a sinon dâger que nous le contraignions à dire, qu'il se repët d'auoir faiët l'hom- me. Qui luy a faiët dire? les pechez. Aussi quiconque pe- che & blaspheme le nom de nostre Seigneur, il dilacere la chair de Iesus Christ. On faiët des iuremens les plus horribles: n'est-ce pas assez pour esmouuoir nostre Sei- gneur qui nous a rachetez, qu'il se repête? Comme s'il di- soit: ah! i'ay bien perdu ma peine, i'ay respâdu tout mon sang, i'ay trauaillé en vain. Ce sont propos pour demon- strer combien est grâde l'offense & peché. Dieu a tât en

Gen. 6.

contre-cœur peché, qu'il est dit, qu'au temps de Moÿse, Core affecta d'estre grád prestre & fut rebelle à Moÿse: *Le tēps passé Dieu punis-* pour sa rebellion, la terre s'ouurit dessoubs ses pieds, & *soit subit l'hō* descēdit tout viuāt en enfer. Il y auoit aussi Ozia, qui cui- *me pour son* doit faire vn euvre de pitié & de religion: il veit que l'ar- *peché.* che tomboit quasi à terre, il la print pour la releuer, il mourut tout à l'heure. Aussi, le roy Ozias, qui n'estoit point content de la dignité royalle, mais voulut vsurper l'office de prestre, il fut puny de lepre. Tout cela est peu de chose, au regard des fautes du iourd'huy. N'est ce pas chose bien grieve à Dieu, de veoir ainsi conculquer le sang de nostre seigneur Iesus Christ, & dire par la mort, par la chair: &c. N'y a il pas bien cause que Dieu se repēte, & de dire, i'ay perdu ma peine? Le Prophete dit: *Curauimus Babylon, & non est curata.* Il fault craindre que Dieu no⁹ laisse du tout apres tāt de guerres, pestes, & famines: car on ne s'amēde point. C'est biē assez, que Dieu se repēte d'auoir faict l'hōme, il se plaint par le Prophete, i'ay faict tout ce que i'ay peu. *Popule meus, quid fecit tibi? mon* *Esa. 5.* peuple, qu'est-ce q̄ ie n'ay pas faict pour vostre salut? *Iudicate*, faictes m'en raison. Entre moy & ma vigne (c'est entre nous) ie vous mōstreray que ie feray, *Auferam sepem* *Esa. 5.* *eius, & erit in direptionem. Diruam maceriem eius, & erit in cōculcationem, & ponam eam desertam: non putabitur & non fodietur, & ascendent super eam vepres & spina: & nubibus mādabo, ne pluant super eam imbrem.* Sçauiez vous que ie feray? apres que vo⁹ aurez abusé de ma grace, ie vous osteray la haye, la mesure. C'est elle qui empesche les chiens d'étrer en la vigne. Nostre Seigneur a edifié & plâté vne vigne, laquelle au lieu d'apporter des raisins, il n'y a eu q̄ des labrusques, de la vigne sauuage. Au lieu de faire iusti ce, on faict iniustice. Dieu voyāt cela, il a dit: *Auferam sepem eius, &c.* C'est à dire quād nous sommes contēpteurs *Quand nous* de la grace de Dieu, nous sommes dignes qu'il nous oste *contempons* la grace de les moyēs de nostre salut, & que nous ne soyōs point re- *Dieu, nous* montrés. O, mais i'auray des gens flatteurs qui me ser- *meritons que* uiront, & qui ne me remōstreront point mes fautes. Ne *il nous oste* craignons nous point que Dieu ne se courroulse? nous *les moyēs de* ne voyons point de correction, ny d'amendement. Il y a *nostre salut.*

Second samedi

Il ne se fait point de correction des pechez: aussi nous ne voyons point d'amendement.

tât de iuremēs, de blasphemes, à grād peine dira on trois mots, que le nom de Iesus ne soit prins en vain. Telles manieres de gens deuroiēt estre mis en prison, au pain, & à l'eau. Les petites fautes sont punies à la rigueur, & les grandes demeurent là: si quelqu'un faisoit quelque faulte contre le Roy, il seroit incontinant pendu. C'est bien fait de faire iustice: mais prendre le nom de Dieu en vain, & ce qui concerne l'honneur de Dieu, est delais-sé. Ce qui me touche, il sera mené iusques au bout: les ordonnances seroient bonnes, si elles estoient faites contre les blasphemateurs du nom de Dieu, de les mener iusques au feu. Vn larcin n'est pas si grand, qu'est vn blaspheme, car c'est contre l'honneur de Dieu, & pourtant deuroit il estre puny. Or bien, nous prierons Dieu qu'il nous donne sa grace, *Amen.*

Pour le second samedi de l'Aduent.

Rom. 15.

Q*Uacunque scripta sunt, ad nostram doctrinam scripta sunt.* Nous auōs dit ces iours passez, quelle estoit la condition du temps de Noé. Son temps estoit

C'estoit vn fort piteux temps quand Dieu enuoya le Deluge: on faisoit de vice vertu.
Gen. 6.

mauuais: car la malice des hōmes estoit grande, & l'homme, du temps de Noé ne s'estudioit qu'à mal faire, & y prenoit grand diligence. Par grāde coustume de pecher, la cognoissance naturelle, qui est dite synderese, que l'hōme à eüe de Dieu en sa creation, estoit estainte. Il estoit sans crainte, en grande liberté & licence. Il sembloit à veoir que peché fust quasi mort: on faisoit de peché vertu, & de vertu peché: *Mater Dei*, c'estoit vn piteux tēps. Dieu vueille que nostre temps ne soit point le tēps mauuais. Voila vn temps moult mauuais, que le tēps de Noé. L'homme estoit desuoyé de la regle que Dieu luy auoit baillé. Il auoit mis sa leçon en oubly. En ce temps là, en si grande multitude de maux, encores vn seul homme de bien se trouua. L'escriture dit: *Noé inuenit gratiam coram Deo*, Noé seul a trouué grace deuant Dieu, c'est à dire, qu'il a esté agreable à Dieu, il a plu à Dieu. Dieu a prins plaisir à Noé, au temps que regnoit si grande multitude de maux. L'escriture nous propose cela pour nostre doctrine: & nous enseigne, que la communication ciui-

le, la société qu'a l'homme de bien avec les mauuais & pecheurs, ne le peult contraindre d'offenser Dieu. Noé seul a esté trouué agreable à Dieu. Tous les autres se sont desuoyez & desreiglez. Toute leur estude estoit à mal faire: & l'estude de Noé, estoit à bien faire. Et quelque multitude qu'il y eust, viuant contre la loy, leur peché ne l'a point faict desuoyer. Tousiours il est demeuré iuste. Donc, il ne fault point s'excuser pour le peché de la multitude, & dire, tout le mode faict ainsi. Voila Noé, combien qu'il fust seul gardant vne autre maniere de viure, que la multitude, il estoit singulier, il n'a peu estre desuoyé. Aussi combien que la multitude face autrement que moy, si ie veux, on ne me sçauroit attirer à mal. Et afin que ie sois réputé singulier, particulier, ie laisse à bien faire? la multitude ne m'excusera pas, & ie ne seray pas moins damné avec la multitude, que si i'estois tout seul. Il y a d'aucunes singularitez, qu'on ne doit pas garder: mais se fault adapter avec les autres. Comme, ie suis en religion, & ma reigle dit ce qu'il fault faire, & ie veux garder vne chose singuliere: ceste singularité là, n'est pas bonne. Suiuez la reigle, que vous ne donniez empeschement à la communauté. Si toute la communauté ne garde pas la reigle, & vous estes tout seul, faictes comme Noé: ne vous delachez point. Il est vray, qu'ils ont congé du Pape, ouy, mais c'est d'eux damner, car s'il n'y a cause raisonnable & legitime qu'ils delaissent leur habit, ils se damnent. Que dira on, si ie veux garder ma reigle? On reputé les gens fols & insenséz, disant: Et quoy, voulez vous particulariser? & que ne suiuez vous les autres? Vn seul bon deuant Dieu, est meilleur que dix millions de meschans. Vn religieux, sur peine d'estre damné, est tenu de garder sa reigle. Et nous prestres, qui auons voué chasteté, & qui auons promis que nous viurons continement, quād nous auons esté ordonnez & qu'auons prins les saintes ordres, quand on auroit congé de se marier, & qu'il n'y en auroit qu'un gardant chasteté & continence: il la faudroit garder. Voire mais est-ce pas orgueil, de faire autrement que les autres, & voulez vous particulariser? Auez vous meilleur sens qu'eux? Je n'ay point meilleur

*Il ne fault
prendre occa
sion de pecher
sur les pechez
des autres.*

*Vn religieux
sur peine d'e
stre dāné est
tenu de gar
der sa reigle.*

Second fable dy

leur sens que Iesus Christ, qui dit: q̄ ce n'est point à moy de rompre l'obligation du vœu que i'ay fait. Le vœu est de la loy diuine. Dōc l'homme ne le sçauroit rompre, & n'en sçauroit non plus dispenser, que de n'aimer point Dieu. Ayons tāt de dispēses que nous voudrons, quād ce viēdra à la mort, Dieu ne les approuuera pas, mais seruiront de plus grāde dānation. T'enrēs s'il n'y a vrgēte necessité, ou euidente vtilité, si ce n'est pour l'honneur de Dieu & pour le salut de son prochain, vous ne serez poīt excusēz. Noé seul a esté trouué iuste, gardant la loy de Dieu. Tous les autres ont esté desuoyez & desreiglez. Noé estāt seul, auoit biē à faire, car il est biē difficile de viure vertueusemēt entre tāt de gēs vitieux & meschās.

Il est biē difficile de bien se gouverner entre plusieurs meschans.

Ne pēsez vous pas qu'on ne dist de Noé, & que veult faire ce reueur, autrement que les autres? Il a eu toutes ces tētations là: car regulierement ainsi il aduient. Noé n'auoit autre soing que de trouuer grace deuāt Dieu: c'est vne bonne singularité. Soyons donc constās à garder la loy de Dieu, & selon nostre estat: car il appartient autre chose à vn iuge, qu'il ne faiēt à moy. Et qu'un chacun selon sa cōdition ait ceste volonté de garder la loy de nostre Dieu, & plustost mourir que de la trāsgresser. Outre, il fault veoir ce qui concerne mon estat. Quand ie serois tout seul, ie garderay ma cōdition, & mourrois plustost, combien que la multitude feist au contraire, & qu'on die ce n'est qu'un murin, & un homme particulier. Il n'y a point de remede, il fault plustost estre en propos de mourir de dix mil millions de morts, que de faire contre nostre estat. Voila Noé seul, gardāt la loy de Dieu, *Omnis caro corruerat viam suam*. Toute la multitude des hommes estoit corrompue. O neantmoins que Noé ait esté moqué, contemné, pource qu'il estoit seul obseruateur de la loy de Dieu, quelque attirēmēt à mal qu'on luy ait fait: *Placuit Deo q̄ inuentus est iustus*. Il a esté tousiours plaisant & iuste en toutes ses actions deuāt Dieu: Iamais ne suiuous la multitude errāte. Je ne seray pas moins damné avec deux milliōs d'hommes, que si n'estois tout seul. Le peché d'autrui n'excuse point le mien: chacun portera son fais, & sa charge. *Vnusquisque onus suum portabit*. Je me veux accommoder à tous, sauf l'honneur de Dieu,

Gen. 6.

Galat. 6.

& le salut de ma conscience. N'est-il pas meilleur à Noé *C'estoit bien*
 auoir trouué haine deuant les hommes, & grace deuant *le meilleur à*
 Dieu? Voyla, tout le mode est contre moy, ie desplais aux *Noé auoir*
 hommes, mais ie plais à Dieu. Au contraire, ie plais aux *trouué haine*
 hommes, ie suis le bien venu, & tres mal deuant Dieu. *deuant les*
 Qu'est-ce? les hommes empescheront ils que ie ne rende *hommes, &*
 compte deuant Dieu? En tout bien il se fault accommoder, *grace deuant*
 comme dit S. Paul. *Vnusquisque vestrum proximo suo placeat in bonū ad edificationē.* Et que me prouffitera il, auoir *Dieu.*
 eu la grace du monde, & auoir perdu la grace de Dieu? *Roma 5.*
 Noé a tenu bon, il n'a point suyuy le commun. Auourd'huy il ne faut point regarder à la multitude. Si vne per-
 sonne ayant pouuoir ou autorité me propose quelque
 chose, & ie voy que i'offenseray Dieu, ou ie perdray la
 grace de cest homme, il ne fault point delaisser à dire la
 verité. Voyla Noé, pour la multitude il n'a point aquies-
 cé à mal. Auourd'huy, ce n'est point pour la multitude,
 mais seulement pour vne personne, qu'on aquiescera à
 mal, & fera on contre Dieu. Chrestiens, en tout & par
 tout, il se fault accommoder & aquiescer à son prochain,
 sauf l'honneur de Dieu & son salut: mais aussi, si vous
 doutez qu'en aquiesçant à vostre prochain, la chose soit
 mauuaise, vo⁹ offensez. Car il y a vne reigle qui dit: qu'il
 ne fault pas seulement s'abstenir de ce qui est mauuais:
 mais aussi d'une chose de laquelle ie doute estre mau-
 uaise, ie m'en doibs abstenir. Cela est colligé de S. Paul:
Omne quod non est ex fide, peccatum est. Si ie sçay bien que
 faire telle chose c'est mal fait, ou seulement i'en doute,
 (l'un vault l'autre) il fault plustost mourir, que faire cho-
 se qui soit contre sa cōscience. Et en ceste maniere, Dieu
 nous gardera. Nostre fin, c'est Iesuschrist, il fault plaire à
 Dieu, non pas aux hōmes. Et quand tout le monde seroit
 contre moy, ie seray grand hōme: Si le monde m'est con-
 traire, & dit: ie n'ay point mon cueur en cest homme là: ie
 ne m'en soucie point: car on dit q̄ d'estre loué d'un mes-
 chant hōme, c'est vitupere. Je ne voudroys pas estre loué
 d'un heretique, de peur de suspicion. Ce seroit plus vitu-
 pere que loüange. Si vn meschant me desprisoit, ce seroit
 signe de vertu: car ie ne m'accorde pas à sa meschanceté,

*Il se faut ac-
 commodier à
 son prochain
 mais siuf
 l'honneur de
 Dieu & son
 salut.*

Roma. 14.

*Estre loué
 d'un mes-
 chant hom-
 me, c'en est
 vitupere.*

Second Samedy

- 1. Ioan. 5.** Ne demandons point à estre louiez des hōmes: *Quia totus mundus in maligno positus est.* Dieu a maudit le mōde pour les scandales qui y sont: *Vae mundo à scandalis.* Et S. Iean dit: *Nolite diligere mundum: nec ea qua in mundo sunt.* Dieu n'a point prié pour le monde, car il est tout contraire à Dieu. Estre loué du monde, cela tourne plus à opprobre qu'à loüange. Et pourtāt nostre seigneur disoit. *Vae vobis cum benedixerint vobis homines.* C'est mauuais signe, quād on est loué de tous. Et si le mōde me loue, c'est signe que ie suis mondain, cōme les autres: mais si Iesuschrist nous loue, nous sommes bien heureux: *Beati eritis cum vos ode- riat homines.* Quand le monde vous hait, c'est signe qu'il y a vertu en vous. Iacoit q̄ Noé fust seul de sa bende (car tout le mōde estoit cōtre luy) il a trouué toutesfois grace deuāt Dieu, C'est signe qu'il y a de la vertu en vn hōme, entēdu que le mōde n'en dit point de biē. Le mōde veut viure à son plaisir, & qu'on ne luy dise rien cōtraire. Si le monde dit, voyla vn bon predicateur: c'est signe que non est, car il dit selon son plaisir. S. Paul. *Coaceruabunt sibi ma- gistros pruriētes auribus.* Mais vn hōme de biē, cōme estoit S. Iean Baptiste, on dit c'est vn hōme capiteux, seditieus, c'est signe que non. Quand on dit cela, *ah mater Dei*, il y a quelque chose de bon. Si par necessitē nous sommes en vne cōpagnie, c'est afin que les meschans se conuertissent, & les bons soyent exercez, que leur foy soit examinée, & que leur vertu reluyse entre les mauuais. Dieu permet cela en ce mōde: mais à la fin, ils seront separez. Le bon ne peut estre infecté par le mauuais, qu'il ne tiēne tousiours bon. La vertu des bons, c'est cōme vne lāterne. Regardez cōbien Noé a tenu bon, il a esté cinq cēs ans tousiours en peine, & n'a- uoit personne de son accord. O *mater Dei* quelle tenta- tion Sa foy & constance a esté approuuée deuant Dieu. Ie prie à Dieu que nous puissiōs trouuer grace deuāt luy: & que nous soyons desprisez du monde: ie croy que nous serions bien heureux. En apres, l'escriture dit pour nostre doctrine, quelle estoit la condition de Noé, *Erat iustus & perfectus in generationibus suis.* Iustice c'est rendre à vn cha- cū ce qui luy appartient. Noé estoit iuste, il rēdoit à Dieu souverain hōneur, crainte & amour, il ne craignoit au-
- Luc. 6.**
- Luc. 6.**
- Si les mon- dains disent** voyla vn bō predicateur, c'est signe que non.
- 2. Timo. 4.**
- Gene. 6.** Estre iuste, c'est rendre à vn chacun

tre chose que de mourir en la mauuaise grace de Dieu. No^s sommes trop humains: No^s craignōs trop de desplai^{ce qui luy} re aux hōmes. La premiere iustice de l'hōme, c'est rendre ^{appartient.} à Dieu ce qui luy appartient, car c'est mon createur: il m'a fait à son image & similitude, capable de la congnoissan ce de Dieu, il n'a pas fait ceste grace aux autres creatures. Et portant, comme dit nostre Seigneur: *Qui amat patrem aut matrem plusquam me, non est me dignus.* ^{Matt. 10.} L'autre iustice, c'est rendre à son prochain ce qui luy appartient: ie luy doibs ayde, amour & subuention. Quand il a besoing de quelque chose, ie luy doibs subuenir, cōme a moymesme. Ie le doibs aymer cōme moymesme. Mō amour n'endu re pas q̄ ie me sois cruel. *Quia nemo vnquam carnem suam odio habuit, sed nutrit & fouet eam.* ^{Ephes. 5.} Et si ie suis cruel à mon prochain, ie ne suis pas iuste. Voyla vn pauure hōme qui me doibt, & ie le contrains de vendre son bien à vil pris pour me payer, & ie dis q̄ ie le destruiray, que ie le feray mettre en prison. Entēdez, Iudas sera donc sauué si vous l'estes, vous qui faictes ainsi: & Dieu ne seroit pas Dieu, s'il nous sauuoit sans faire grande penitence. Ie puis bien attendre, & ie contrains le pauure homme à vendre son bien à vil pris: ie suis tenu de tous les dommages & inte rests, & ie suis aussi bien larron, cōme si i'auois prins l'ar gēt en son coffre. Ne voulezvous pas attēdre qu'il puisse auoir la cōmodité de vous payer? & puis nous demande rōs la misericorde de Dieu: mais il nous tournera le dos, ^{Dieu nous} il se moquera de nous, comme nous sommes moquez, du ^{tournera le} pauure. L'escriture dit: *Non sunt cōmota viscera in Ioseph.* ^{dos quand} Quād Ioseph pria ses freres de ne luy faire point de tort, ^{nous luy de} ils n'en eurent point de cōpassion. Aussi vous voyez vostre ^{manderons} frere Chrestien en necessité, & n'en auez point pitié. Ne ^{misericorde,} voyez vous pas en l'Euāgile que le Roy fist mettre en pri ^{si nous ne la} son le seruiteur qui cōtraignoit son cōpagnō à le payer? ^{faisons à} Le principal à quoy nous prouoque Dieu, c'est de nous ^{notre pro} conformer à luy, en misericorde & charité. Est-ce chari ^{chain.} té, si ie sassoque mon prochain, si ie luy oste le moyen de gagner sa vie? Nous deuōs donc iustice à noz prochains, c'est les aymer, leur ayder & les supporter en leur necessi tez. Nous nous deuons aussi iustice, nous modérer, cha

Second Samedy

stier nostre corps, faire violēce à noz passiōs. Noé estoit tel, il estoit iuste. S. Bernard dit, qu'il y a trois manieres *Ily a trois* de iustice. *Primò*, il y a vn iuste, duquel dit l'escriure: *In-*
manieres de *ustus in principio accusator est sui.* Quand vn homme se reco-
iustes. gnoist pecheur, il est iuste deuāt Dieu. *Secūdò*, il y a vn au-
Prouerb. 18. tre iuste, duquel il est dit: *Iustus ex fide uiuit.* Par ce moyen
Abac. 2. de la foy, Abraham a esté iustifié, lequel a creu à la parole
 de Dieu, non point d'une foy morte, mais viue, operante
 par charité: car il est sorty de sa maison, de sa parenté, &
 hors de son pais. Et entant qu'il a esté en luy il a immolé
 son fils Isaac. Il n'a pas esté iustifié par la foy seulement:
 mais par les euures. *Tertiò*, il y a le iuste, qui est sans ter-
 reur, sans peur, c'est celuy qui est en paradis. En ce mōde,
 le iuste n'est confirmé en grace, il peut recheoir de sa ius-
 tice: mais en paradis, le iuste est en liberté des enfaus de
 Dieu, qui exclud toute crainte. Noé est iuste: mais en la
 multitude des mauuais, il'est aussi parfait. Voyla vn hōme
 de bien q̄ Noé: *Perfectus ille est cui nihil deest.* Notez qu'un
 hōme est iuste, qui garde les cōmādemēs de dieu La voye
 cōmune, c'est garder les cōmādemēs de Dieu, c'est la loy
 cōmune pour auoir salut cōme dit nostre Seign̄r: *Si vis ad*
vitā ingredi, serua mandata. Il y a vne autre voye pour trou-
 uer la grace de Dieu, *videlicet consiliū*, pourueu que ne le
 contēniez pas, vous n'offensez point de ne le point faire:
 mais si vous le voulez faire, vous ferez mieux. Nostre Sei-
 gneur dist au ieune adolescent qui demādoit qu'il feroit
 pour estre sauué, qu'il gardast les cōmandemēs de Dieu.
Matt. 19. Or (ce dist il) i'ay faict tout cela dés ma ieunesse. Apres,
Mar. 10. nostre Seign̄r luy dist: *Si vis perfectus esse, uade, & uēde om-*
Luc. 18. *nia que habes, & da pauperibus.* Il ne luy commande pas,
 mais il dit s'il veut. Donc, il suffist par necessité, de garder
 les cōmādemēs de Dieu. Si i'enveux auoir d'auātage, c'est
 de viure en perfectiō, *vade*, vat'en, laisse pere & mere. *O-*
blī uiscere domū patris tui, cōme a fait Abrahā, auquel dieu
 cōmāda: *Egredere de domo tua.* Aussi il dit par cōseil: *Vade,*
& uēde omnia que habes. Je n'y suis pas tenu, c'est vne per-
 fectiō. Celuy qui est en sa liberté il se peut marier, ou de-
 meurer en sa virginité. S'il se marie, il n'offense poīt, mais
 ie feray mieux, si ie demeure vierge ou vesue. Voyla vn

Matt. 19.

La loy com-
mune pour
auoir salut,
est garder
les comman-
demens de
Dieu.

Matt. 19.

Mar. 10.

Luc. 18.

Psal. 44.

hōme parfaict. S. Hierome dit, que les Apostres auoyent des femmes, auant qu'ils fussent appelez : mais apres, ils abādōnerēt tout. Et nostre Seigneur reuoqua S. Iean des nopces à l'estat de perfection. Voyla l'hōme & la femme qui viennent de l'Eglise, d'estre espousez: vne des parties sans le cōsentemēt de l'autre, peut entrer en religiō: i'en tēds dire deuāt la cōsommatio de mariage, *que fit per carnalem copulā.* Car d'un moindre estat, on peut passer à vn plus parfait. *Altera pars, cōiugatorū ante consummationē matrimonij, inuita parte potest ingredi religionē.* Noé estoit parfaict, c'est à dire, il ne gardoit pas seulemēt les cōmandemens qui sont de necessité, mais aussi les euures de conseil. S'il eust gardé seulemēt le commandement de Dieu, Dieu eust esté contēt de luy: mais il a faict d'auātage. De ma volōté, ie me suis mis en l'estat de perfection de prestre. Ie n'estois pas tenu de garder chasteté au parauant, cōme ie suis maintenāt par le vœu que i'ay fait. Ou moy qui suis religieux, ie n'estois pas tenu au parauāt d'obeir à mon Abbé, à mō Prieur, cōme ie suis. Ainsi, Noé faisoit des euures de supererogation, q̄ Dieu me conseille: *Sunt autē opera cōsiliōrū quæ habētur. Mat. 5.* C'est vn grād tesmoignage de Noé qu'en si grāde meschanceté il viuoit d'une vie si parfaite, & qu'il a trouué grace. Il estoit iuste & parfait. Donc, apprenez de Noé premieremēt, de garder iustice, & estre parfait, non seulement s'abstenir de mal: mais aussi de choses ausquelles on n'est point tenu, & qui sont licites. Vne vierge s'abstient, il ne luy est pas cōmandé, ny defendu: c'est vne perfection chrestienne, s'abstenir non seulemēt de mauuaises choses, mais aussi des choses licites. Nostre Seignr ne defend pas de prēdre cent escuz pour vne predication de Careme, cela est licite par l'ordonnāce de Dieu, cōme le deduit S. Paul: *Sed non hæc dico vt fiant in me.* Et nonobstant, ce n'est point symonie: *Qui euangeliiū annunciat, de euāgelio viuere debet: non autē dicit luxuriari.* S. Paul auoit ceste perfectiō de ne riē prēdre pour prescher, il s'abstenoit de chose licite. Aussi vous deuez tendre non seulemēt au cōmandemēt: mais aussi d'autāt q̄ l'infirmité humaine le permet, tascher à vous abstenir de choses licites en soy. Noé a esté ainsi parfait. L'autre

L'hōme qui faict vœu, s'oblige plus que parauāt.

1. Corint. 9.

Saint Paul s'abstenoit de chose licite.

Troisiesme dimenche

tesmoignage de la iustice de Noé, c'est que, *Ambulans coram Deo. Primum*, il a tousiours cheminé en la craincte

Le meilleur de Dieu. Le meilleur tuteur à vne personne, pour le gar-
tuteur que der d'offenser, c'est la craincte de Dieu: *Beatus homo qui*
pourroit a- *semper est pauidus. Timenti Deum, bene erit in extremis. Qui*
voir l'hōme *timet Deum, faciet bona*. Si nous craignons Dieu, nous
pour l'engar n'aurions point peur d'endurer toutes choses, plustost
der de pe- que d'offenser Dieu. D'auantage, Noé en toute sa vie, il
cher, c'est la faisoit comme en la presence de Dieu. Si ie chemine cō-
craincte de me deuant Dieu, ie crains de mal faire. Noé tousiours au-
Dieu. noit l'apprehension de Dieu deuant ses yeulx. En toutes
 ses euures, il estoit parfait, & se gardoit de mal faire. Fai-
 sons ainsi, & Dieu nous donnera sa grace en ce monde,
 & sa gloire en l'autre. Amen.

Pour le troisiesme Dimenche de l'Ad- uent, à la procession du Recteur.

1. Cor. 4.

*Il est impos-
sible de prof-
fiter en vn
estat, si on ne
l'entend.*

S*Ic nos existimet homo vt ministros Christi, & dispensato-*
sres ministeriorum Dei. Il n'est pas possible de prouffiter
 en vn estat, si on ne l'entend, & si on ne cognoist ce qui y
 est requis. Si vn president n'entend l'office d'un presidēt,
 ou vn conseiller, &c. il ne fera chose digne de louēge en
 son office. Prenez du plus grand au plus petit, il est im-
 possible de prouffiter, si on n'entēd son estat & sa condi-
 tion. Nostre estat cōmun à tous, c'est l'estat de Chrestié,
 il est impossible de bien s'y cōduire, si nous n'entendons
 que c'est d'estre Chrestien. Et ie croy que le grand desor-
 dre aux personnes particulieres, procede de l'ignorance
 de leur estat: *Ignorantia facti aliquando excusat, non autem*
ignorantia iuris. Et quand i'ignore que c'est d'estre Chre-
 stien, & nostre condition, c'est le dereiglement, & le def-
 fault aux supposts & personnes particulieres. Il y a vn
 estat particulier, c'est l'estat de prestrie, il est impossible
 de nous bien conduire en nostre estat, si nous ne l'enten-
 dons, & ce que requiert la prestrie. Voyla vn religieux,
 s'il n'entend que c'est de religion, il n'y peult prouffiter:
 aussi ie ne scaurois prouffiter en l'ordre de theologie, si
 ie n'entends ma cōdition & mō estat. S. Paul en l'eistre

du iourd'huy nous enseigne nostre estat, quand il dit: *Sic nos existimet homo, vt ministros Christi*. Primò. en commun, deinde, en particulier. Nostre estat cōmun, c'est que nous sommes chrestiens renommez tous de Iesus christ, & ses seruiteurs. Qu'est-ce d'estre seruiteur de Iesus christ? c'est estre ministre. Le seruiteur en vne maison ne faict riē pour luy, ny pour son prouffit. Tout son seruice, c'est pour le prouffit de son maistre: & s'il vsurpe, s'il trauaille pour soy, alors il ne se repute pas seruiteur de son maistre. Et pource q̄ nous sommes seruiteurs de Iesus christ, il fault q̄ toute nostre vie soit à Iesus Christ & pour son honneur. Il est si bō, que tout le bien de son seruice nous en reuiet & plus se constitue nostre debteur & obligé de nous rendre le loyer. Voila ce que S. Paul appelle, la couronne de iustice, mais quand l'hōme trauaille pour soy. *Ducitur priuato affectu*, il n'est pas ministre de Iesus Christ. Regardons si nostre vie respond à nostre tiltre, si nous faisons tout pour Iesus Christ, & si à la verité nous sommes seruiteurs de Iesus Christ, c'est pitié. Mes amis nous reputōs tāt estre honorez, estre appelez, le premier chambellā du Roy, Cōnestable, Admiral, &c. Les lettres contiennēt quatre lignes de leur tiltres, il referēt leur ministère & se reputēt estre biē honorez. Or bien, cela n'est point a approcher de nostre tiltre de chrestien, d'estre ministres de Iesus Christ. Sainct Paul auoit beaucoup de tiltres, mais entre les autres, il se dit seruiteur de Iesus Christ: Et non sans cause, *Quia seruire Deo, regnare est*. C'est vn grand point qu'estre seruiteur de Iesus Christ.

1. Corin. 4.

Il fault que toute nostre vie soit à Iesus Christ, et pour son honneur.

On repute à grand honneur & gloire à vn homme auoir les tiltres, estre premier aumōsnier, chambellā, premier panetier, &c. Et de qui? du Roy? Et pour estre ainsi honorez, nous cherchōs ces offices là. Chrestieēs, ainsi q̄ ne re-putons point l'honneur de seruir à Iesus Christ, & que ne le demandons pas: c'est signe que nous sommes negligens, & nonchallans de nostre salut. Si nous voulons estre ambitieux, ie vous conseille que ce soit de Iesus Christ. D'autant que vōus aurez plus de tiltres en la maison de Iesus Christ, & moins de labour aurez vōus. C'est au contraire en la maison du monde: car ou il y a

Si nous demandōs l'honneur de Iesus Christ, c'est signe que nous sommes fort negligens de nostre salut.

Troisième dimanche

plus de tiltres, il y a pl^{us} de labeur. Nostre Seigneur voyant le labeur importable qu'on a en la maison du monde, il crie apres nous: *Venite ad me omnes qui laboratis & onerati estis, & ego reficiam vos.* Ou nous n'entendons point ceste parolle, ou nous la contemnons, car on ne voit qu'on coure apres Nous ne sommes point ambitieux de l'honneur de Iesus christ. Chrestiens, entendons l'honneur, & la gloire que c'est de servir à Iesus Christ. S. Paul: Prédre vn tiltre pour tous, c'est estre seruiteur de Iesus Christ, En ce seruice, les vns trauaillent plus que les autres, iour & nuict, & delaisient le tiltre commun & en prennent vn particulier. Sainct Paul se contente du tiltre commun quand il n'est point prisonnier: mais quād il est aux liēs, il laisse le commun tiltre, qui est estre seruiteur: & dit.

Ephē. 3.

*S. Paul ia-
mais ne par-
la plus affe-
ctueusement
que quand il
estoit prison-
nier pour no-
stre seigneur.*

Paulus vincit̃ Iesuchristi. La plus grande vertu du serui-
teur de Iesus Christ, c'est de labourer pour le ministère
de Iesus Christ. S. Paul iamais ne parla plus affectueu-
sement que quand il estoit prisonnier, aux liens pour no-
stre Seigneur. Sainct Chrysostome dit, que iamais Sainct
Paul pour auoir veu Dieu, les secrets de Dieu & pour
auoir fait des miracles, n'a esté tant loué, que pour a-
uoir enduré pour Iesus Christ. Il dit: *Quotidie morior pro
vobis fratres.* Cela rendoit saint. Paul vertueux. Et ses
liens ont plus prouffit à l'Euangile, que les miracles qu'il

Philip. 2.

a fait̃s, cōme il testifie: *Scire autē volo fratres, quod qua cir-
ca me sunt, magis ad profectū venerūt euangelij: ita vt vincula
mea manifesta fierent in Christo, in omni pratorio, & in cete-
ris omnibus, & c.* Estre seruiteur de Iesus Christ, c'est plus
grād honneur: *Gloriemur hoc nomine & hoc titulo.* Vātons
nous de cela, que nostre iactance soit appuyée sur Iesus
Christ. Et si nous cherchons gloire, demandons la gloire
de Iesus Christ. Car estre seruiteurs, estre liez & enchai-
nez, c'est l'honneur des ministres de Iesus Christ: & qui
seulement quant au tiltre est ministre, il est loing du sen-
timent de Iesus Christ. Et nous sommes tous chrestiens:
il nous fault entēdre qu'il est requis que nous renonciōs
& que nous ayons vn contemnement de nous mesmes &
du monde. Nostre Seigneur dit à tous ses seruiteurs. *Si
quis vult venire post me, abneget semetipsum, tollat crucē suā, et*

Luc. 9.

sequatur me. Renoncer soy mesme, & porter sa croix, c'est estre en continuel contemnement de soy, & du monde, Je me dis Chrestien, & on veoit que tout mon effort est à me faire grand, mes euures me contredient que ie ne suis pas ministre de Iesus Christ, mais du mōde, car ie sers seulement pour le monde. Il y a d'autres ministres de Iesus Christ, desquels i'estime estre le sens & intention de saint Paul, quand il dit: *Sic nos existimet homo, vt ministros Christi.* Les Apostres, pasteurs & ceux qui sont preferez en degré & autorité ce sont ceux que saint Paul appelle specialemēt ministres de Iesus Christ, desquels il parle *Posuit in ecclesia apostolos, Prophetas, &c.* Dieu a constitué en sa famille des Euesques, qui sont successeurs des Apostres & des prophetes, *Interpretes sacrae scripturae.* Car il n'appartient pas à vn chacun de discuter des escriptures, il les a mis en sa maison. Comme vn chacun membre a son office au corps naturel: aussi au corps mistique de l'Eglise. *Ad commodum vniuersum.* Il a constitué diuers degrez, des Euesques, des prophetes, docteurs, & pasteurs. Chacun a son office: *Dico non plus sapere quā oportet sapere, sed sapere ad sobrietatē.* Contentez vous de vostre mesure. Et ceux qui sont ainsi cōstituez par dessus le peuple, specialemēt ils sont appelez ministres de Iesus Christ, dispensateurs des ministeres de Dieu. Et par ainsi, en l'Eglise, l'autorité est introduicte par Iesus Christ, non point des hōmes. Notez que l'autorité & presidence sur autrui, c'est pour seruir & labourer pour le peuple, & pour les brebis de nostre Seigneur. Nous ne sommes autres q̄ seruiteurs, c'est nostre autorité. S. Paul dit: *Omnis pontifex ex hominibus assumptus, pro hominibus constituitur in his que sunt ad deum,* Et pourquoy faire? *Vt offerat dona & sacrificia pro peccatis,* Il dit: *In opus ministerij.* Pour officier. Et si ie ne fais mon office, à la verité ie suis indigne de mon autorité, car le prelat est donné pour seruir au peuple. S. Paul dit: Nous sommes seruiteurs de Iesus Christ: nostre autorité est ioincte au ministere. D'ou vient qu'on ne tient non plus de cōpte de nous? Nostre vie est elle semblable à la vie de S. Ambroise, qui excōmunia l'Empereur Theodose? Qui luy donnoit ceste vertu? Car il officioit bien. S. Paul dit.

1. Cor. 4.

Ephe. 4.

Les euesques

& les pa-

stres de l'E-

glise sont les

successeurs

des apostres.

Rom. 12.

Hebr. 5.

Ephe. 4.

Le Prelat

qui fait mal

son office est

indigne de

telle autho-

rité.

Tit. 2.

Troisiesme dimenche

Nemo te cõtemnat. .i. aye le soing que tu ne donnes occasiõ à autruy de te cõtemner. Qui a faict que Theodose Empereur a crainct saint Ambroise. Car il faisoit bien son office. Ainsi le prelat ne doit rien faire, parquoy le prochain en soit offensé & scandalisé. Nous ne officiõs pas, mais nous faisons officier, tant petite cure soit elle. Et quand il est question d'arguer, increper, c'est tant froidement qu'il semble à veoir qu'on n'ose parler: combien que la faulte du superieur n'excusera pas la faulte de l'inférieur. Et pource entendons bien nostre ofiçe ce dit

2. Corin. 5.

Quãd le prestre administre le sacrement de l'autel, il le fault prẽdre cõme de la main de Iesus Christ.

saint Paul: *Pro Christo legatione fungimur*. Les prelats specialemẽt sont dictz ministres de Iesus Christ, ils sont les legats, ambassadeurs, tenãs le lieu de Iesus Christ, il fault prẽdre leurs parolles, comme les parolles de Iesus Christ. S. Chrisostome dit. Quãd le prestre administre le sacrement de l'autel, le *Corpus domini*, il ne fault pas considerer le prestre, cõme vne personne priuée: mais il le fault prendre cõme de la main de Iesus Christ. Ne faisons dõc rien derogeant à nostre ministere, car nous sommes ministres. Et estre seigneurs, proprietaires & dispensateurs, il y a differẽce. Celuy qui a du bien propre, il en peut faire ce qu'il veult, combiẽ qu'il offense, mais il n'est point besoing de restituer. Ce n'est pas ainsi du prelat, il repugne que le dispensateur ne reigle pas sa volonté selon le vouloir de son seigneur. Et pource que nous sommes dispensateurs de nostre seigneur, il fault donc regler nostre volonté à la sienne, Si ie dispense les laix 1. *legata*. Autremẽt que la volonté du testateur n'a ordonné, ie suis coupable, & tenu à restitution. Saint Paul dit: *Testamentum*

Il fault conferer les benefices aux idoines.

1. Tim. 3.

hominis nemo spernit. mais on ensuit tousiours la volonté du testateur: aussi fault il que les prelats de l'Eglise, ayent bien à dispenser les biens de l'Eglise, & conferer les benefices, à tout le moins, aux idoines: car selon S. Thomas, il les fault bailler aux idoines. Saint Paul vse seulement du positif, quand il parle de l'Euesque: *Oportet Episcopum irreprehensibilem esse, sine crimine, prudentem, sobriũ, & sic de aliis*. A tout le moins, s'ils estoient idoines, mais ils sont incapables. Et s'il y a du reuenu à l'Eglise, à qui le fault il dispenser? il ne le fault pas appliquer à ses parents

parens, s'ils n'en ont necessité, & n'en faire la maison grâ
 de: car S. Bernard dit, que c'est rapine, larcin, & sacrile-
 ge: Ils sont executeurs de Iesus Christ. Regardez doncq
 s'ils ne sont pas tenuz à restitution des biens de l'Eglise,
 s'ils ne les dispensent comme il appartient. *Mater Dei* ce
 n'est autre chose auioird'huy qu'ambition. Vous voyez,
 il n'y a ordre qui ne soit vilipendé par les supposts parti-
 culiers, qui sont au contraire de ce qu'il appartient: &
 voyla d'ou vient que tout l'ordre ecclesiastique est con-
 temné, l'ordre en soy n'est point maculé. *Sed propter hoc, Rom. 2.*
nomē Dei blasphematur inter gentes. D'ou viét que l'ordre
 de religion est ainsi blasphemé? car ils sont plus charnels *L'ordre de re-
 ligion est cō-*
 que les seculiers. Et puis on dit: O voyla vne belle reli- *temné par ce*
 gion, & ainsi des autres estats. Mes amis, les estats & or- *que plusieurs*
 dres sont bons, mais il y a des supposts qui ne valent riē, *religieux sōt*
 lesquels il fault reformer. Il vaudroit mieulx mourir de *plus charnels*
 faim, que de dōner scādale à son ordre. Nous ministrons *que les secu-*
 seulement à nousmesmes. Nous ne sentons point le mi-
 nistre de Iesus Christ Nous ne nous souciōs que de cou-
 rir apres: & puis ie me vante, i'en ay trois, quatre: & *Mater Dei* cachez vous. O que cela est difforme de veoir vn
 seculier auoir vne abbaye, vne prieuré. Ce n'est pas com-
 me s'il y auoit faulte de gens de biē, car il y en a assez. Il
 fault garder son ordre, sans macule. Il vault mieulx mou-
 rir & gratter la terre avec les dens, que de faire chose cō-
 traire parquoy son ordre soit blasphemé & contemné. Je
 crains que la prophetie de Daniel soit accomplie, de la
 quelle nostre Seigneur parle en S. Matthieu. *Cū videritis*
abominationem desolationis quæ dicta est à Daniele propheta *Matth. 14.*
stantē in loco sancto, &c. Qui est ceste abomination de de-
 solatiō? c'est de voir le loup rauissant entrer au sanctuai-
 re de Dieu, prophaner les religiōs, c'est vn signe de la ve-
 nue de nostre Seigneur, qu'il a dōné: Gardons nous, fai-
 sons tout à la louenge & gloire de Iesus Christ. La cōfu- *La confusion*
 sion de l'enfant redōde au pere: Nous sommes enfans de l'enfant
 de Dieu, mais donnons nous de garde de le prouoquer redōde au
 à dire, ie me repēs d'auoir de telles gens. Dieu se plaint
 par le prophete: *Filios enutriui & exaltaui, ipsi autē spreuerūt me.* *Ej. 4. 1.*
 Nous auōs le moyen de gagner nostre vie. La vie

Troisiesme dimenche

eternelle, & nous n'en tenōs compte, nous sommes vrais dissipateurs des biens de l'Eglise. L'abbaye va toute en ruine & decadence, l'Abbé aura sa part, *quo iure?* Hospitalité ny les aumosnes n'en sont pas plus grandes. N'est-ce pas là vne grande abomination à l'estat & à l'ordre? Iugez ce q̄ ie dis s'il n'est pas vray. Nous voyons le monde estre plein d'erreurs, d'ou viēt cela? de la corruptiō des meurs. S. Chryso. dit. *Errorēs non possent prevalere in homines nisi peccata praeccederent*, & pource, il les fault corriger. La cōditiō requise à vn bōministre. S. Paul l'a declairée: *Hic solum queritur inter dispensatores, ut fidelis quis inueniatur*. Aucuns dient cela par interrogatiō. S. Chrysostome interprete & dict: On demāde au dispēsateur qu'il soit fidele, & ne se vsurpe point ce qui appartient à son maistre. Il ameine vn bon dispensateur, mōsieur S. Pierre, lequel quand il eust guarry le boiteux à la porte du temple, il dist, que ce n'estoit pas de sa vertu mais de la vertu de Iesus Christ. No⁹ sommes aussi fideles dispensateurs. quand par la grace de Dieu, nous faisons quelque bon euure, & que nous en dōnons la gloire à Dieu, recognoissans que tout le bien vient de luy, nō pas de nous, cōme dit S. Paul: *Non sumus sufficiens ex nobis, quasi ex nobis: sed sufficiētia nostra ex Deo est*: Si noz euures ne sont faictes & appuyées sur la passiō de nostre Seigneur, ils ne sont pas dignes de foy. Et la dignité de noz euures vient de Iesus Christ, de la grace de Dieu, laquelle n'auroit point d'efficace en nous. S. Chrysostome dit: que noz bōnes euures soiēt meritoires, cela vient de la grace de Dieu. Ce n'est point vn tiltre d'orgueil, ny de presumptiō, car l'euure n'est point meritoire de par nous; mais de la grace de Dieu, & appuyée à la mort & passiō de nostre Seigneur. Ainsi nostre Seigneur est nostre debteur, cōme dit S. Paul. *Reposita est mihi corona iustitiae quā reddet mihi Dominus iustus iudex*. Il s'en suit le passage le plus difficile de l'epistre. *Mihi autē pro minimo est, ut à vobis iudicer, aut ab humano die*. Celuy qui est cōstitué en autorité il est subiect au iugement des hōmes, cōme celuy q̄ est hault mōté, il est veu de tous, & ce qu'il faict ne peut estre caché, car cōme dit nostre Seigneur: *Nō potest ciuitas abscondi supra mōtem posita neque, & c.* Dieu

La corruptiō des meurs est cause de tant d'erreurs.

1. Cor. 4.

Il fault dōner gloire à Dieu en toutes noz bonnes euures.

2. Corin. 3.

Nostre bon euure n'est pas meritoire de par nostre creu & source: mais par la grace de Dieu, & le merite de Iesus Christ.

1. Cor. 4.

Azauth. 1.

appelle les ministres de l'eglise, la lumiere du mōde: il les cōpare à vne cité qui est sur vne montaigne, ils sont eminés par dessus les autres, ils ne se peuuēt cacher. Cōme si i'ay mal à la teste, à la face, ie ne le sçaurois cacher, cōme si c'estoit au bras, ou à la iābe, ou autre partie du corps: aussi en vne personne priuée, s'il y a quelq̃ faulte, il n'y a point de scādale: cela ne reuiēt point à l'opprobre de l'eglise: mais les pechez des prelatz & superieurs, ils sont cogneuz. S'ils font bien, cela viēt & redōde à l'exaltation de l'eglise, & à promotiō de la foy catholique. Aussi s'ils font mal, cela ne peult estre caché. Et pourtār, ils viēnt à la ruine & scādale de leurs subiects. Et pource S. Paul dit qu'il faut specialemēt prier pour les Rois, Ducs, Princes, & pour tous ceux qui sont constituez en sublimité: car la vie des mēbres despend des chefs, afin que la foy & le nō de nostre Seigneur soit exalté. Il faut prier pour noz superieurs, qu'ils ne facēt chose derogeant à leur estat: car ils sont veuz, & sont subiects aux parolles des hōmes cōme de S. Paul, les vns disoiēt qu'il estoit hōme de biē, les autres disoiēt qu'il n'estoit qu'un seducteur. Et cōme de nostre Seigneur les vns disoiēt. *Bōnus est*: les autres, *Seducit turbas*. Que fera on? S. Paul dit, *Mihi enim pro minimo est, vt à vobis iudicer*. Il mōstre que celuy qui est en charge ecclesiastique, pour son scope il fault qu'il ait l'honneur de nostre Seignr Iesus Christ, & le salut de son prochain, qu'il ait en son cueur vne preparation de bien faire le deu de son office & ministere, en s'accōmodant à vn chacun sans l'offence de Dieu: comme S. Paul, qui s'est accōmodé à toutes gens, pour les gagner. *Omnia omnibus factus sum: Iudæis tāquā Iudæus, vt Iudæos lucrarer his qui sunt sub lege, quasi sub lege essem, &c.* Il s'est accōmodé aux Iuifs qui estoient soubs la loy, & aux Gentils qui estoient sans loy, pour les gagner, sauf tousiours l'hōneur de Iesus Christ, & sa conscience. Et quand il seroit question que Dieu fust offensé, il vaudroit mieulx permettre arracher son cueur hors du ventre, que de flechir. Mais on parlera de moy. Sainct Paul dit: *Mihi pro minimo est, vt à vobis iudicer*. Quand il est question de mon estat, ie ne donne rien du iugement des hommes: soit que ie sois

1. Tim. 2.

Ceux qui
sont en digni-
té sont sub-
iects aux pa-
rolles des hō-
mes.

1. Cor. 4.

Ioan. 7.

1. Cor. 9.

S. Paul s'ac-
commodoit à
tous pour les
gagner à Ie-
sus Christ,
sauf tousiours
l'hōneur de
Dieu, & de
sa conscience
& salut.

Troisiesme dimenche

2. Cor. 2. loué ou vituperé, ie ne m'en soucie pas. *Christi bonus odor sumus Deo in his qui salui fiunt, & in his qui pereunt, aliis quidem odor mortis in mortem: aliis autē odor vitæ in vitā.* S. Paul estoit bon odeur & cause de salut à d'aucuns, à d'autres il estoit odeur de mort: car cōme il dit: *Opertum est euangelium nostrum in his qui pereunt.* Il est certain que celuy qui veut droictement faire son ministere & office, qu'il aura bien de la cōtrarieté. S. Paul dit de luy. *Et nunc ecce ego alligatus sum spiritu: vado in Ierusalem, quæ in ea rētura sunt mihi ignorans: nisi quod spiritus sanctus per omnes ciuitates mihi protestatur, dicens. quoniā vincula, & tribulationes Ierosolymis me manent.* Ie sçay bien que si ie veulx faire mon deuoir qu'ō dira: ce n'est qu'un capiteux, un seditieux, un mutin, car *Omnes qui piē volūt viuere in Christo, persecutio-nē patiētur.* Que feray-ie? delaisseray-ie à faire mō deuoir, & faire ce que Dieu a commandé, de peur qu'on die que ie suis seul capiteux? Ha cela! si ie me puis accommoder à mon prochain, ie le dois faire (mais comme dit saint Paul) que ce soit *in adificationem.* Et que me prouffitera il de flechir & delaisser à faire le deu de mon office pour plaire aux hommes, & Dieu me deiectera? ne voyez vous pas, que du temps de Noé toute la multitude estoit peruer-tie? encores ce n'estoit point vne malice procedente d'infirmité: mais toute leur estude estoit à mal faire. Et Noé seul a esté trouué iuste en sa generatiō, en son tēps.
2. Cor. 4. Ne vault il pas mieux trouuer grace deuant Dieu, & que tout le monde dise mal de nous? Attendez le iugement de Dieu qui est veritable, *Ne acquiescias cōsilio malorum.* Et pour la multitude des meschās, ne delaissez point la loy de Dieu. Du tēps de Sodome, la multitude estoit addonnée à mal faire, mais nostre Seigneur n'a point delaissé de tout exterminer & de six cēs mille des enfans d'Israel qui estoient sortis d'Ægypte, ne sont entrez que deux en la terre de promission, c'est à sçauoir, Caleph & Iosué. Pé-
2. Tim. 3. sez vous que Dieu, pour la multitude flechisse en sa iustice? Dieu, selon les actes de la multitude, ne donnera pas sentence: mais selon sa parole. Et pourrāt ne fault differe-nt à faire son office, combié que voz prochains en soiēt scandalisez. car cōme dit Sainct Paul: *Si hominibus place-*
2. Cor. 13. *Il ne fault delaisser à faire biē son office, enco-res que les prochains en soient scandalisez.*

rem seruus Christi non essem. Malediction sur nous qui n'auons que l'homme deuât les yeux. Or voire mais, si nous faisons cela, nous n'aurons point la grace de tels & tels: & nous serons mal vouluz: & puis il fault plustost mourir, que de faire chose contre Dieu, & *hoc nomine beati eritis.* Voulez vous vous mettre au seruice & ministere de Iesus Christ, sans auoir des tribulations? Quand nostre Seigneur enuoya ses apostres, il leur dist: *Ego mitto vos sicut agnos inter lupos.* Quand tout le mōde vous hayra, vous serez bien heureux: & quand tout le monde en dira bien: malediction sur vous. *Ve vobis cum benedixerint vobis homines.* Et pource, gardōs ceste fidelité à nostre Seigneur, en euitant de dōner occasion de scādale aux prochains. *Mihi pro minimo est, vt à vobis iudicer.* Il fault contemner le iugemēt humain, & attendre le iugemēt de Dieu, qui est veritable. Et que dictes vous de vous. S. Paul? *Neque meipsum iudico.* S. Bernard dit, qu'il y a trois manieres de iugement, Premièrement, il y a iugement humain: Secōdement, le iugement propre, & tiercement le iugement diuin. Le iugement humain, est sur l'exterieur de l'homme seulement. Si tout le monde dit, que ie suis homme de bien, le suis-ie pourtant? & pour ceste cause, dit saint Paul: *Mihi pro minimo est, vt à vobis iudicer.* Le second, c'est le propre iugement de soy mesme. Pour vne priuée affection que ie me porteray, ie diray que ie seray homme de bien: & ie ne le seray pas pourtant. Et pource. S. Paul dit: *Neque meipsum iudico.* Quand est de soy, il ne se sent poīt coupable: mais pour cela, il ne se iuge pas fidele ministre: car l'hōme peult faillir: mais ignoramment, comme S. Paul: il ne peult rien sentir coupable en soy: mais il ne sera pas fidele ministre. Autremēt on l'interprete, & amene on ce que dit l'Ecclesiastique: *Nemo scit an odio vel amore dignus sit, sunt iusti & opera eorum in manu Dei.* Nous ne sçauons pas par certitude de foy que nous sommes dignes de Dieu, & en grace: mais seulement par coniecture. Les autres exposēt cela, *De amore predestinationis, iecture si non vel odio reprobationis,* personne ne sçait s'il est predestiné ou repprouué. Voyla. S. Pierre qui a failly, & a renōcé Iesus Christ luy estant predestiné: & Saül a esté quelq tēps

Matth. 10.

Luc. 10.

Luc. 6.

1. cor. 4.

S. Bernard.

Il y a trois manieres de iugemens.

1. cor. 4.

Eccl. 9

Nous ne pou

uons sçauoir

sinon par cō-

iecture si no

sommes en

grace de

Dieu.

Troisieme dimenche de l'Aduent.

homme de bien: nonobstant il estoit reprouué. Et com-
bié que nous ne sçauõs pas si nous sommes predestinez,
ou du nôbre des damnez: si est-ce pourtât, que l'escriptu-
re veult qu'un chacun espere qu'il sera sauué: & qu'il est
predelstiné, & la cause pourquoy ie ne le sçay pas. C'est a-
fin que ie me tienne sur mes gardes: & que ie croye que
ie suis du nombre des esleuz. A cela S. Paul dit: *Nihil mi-
hi cõsciũ sum: sed nõ in hoc iustificatus sum.* C'est à dire, ne
se sentir point coupable en sa cõscience, ce n'est pas cau-
se de dire, que ie suis iustifié ny iuste: car ie puis pecher
par ignorance. Autrement la lumiere naturelle, la synde-
rese fera tât esteinte en l'hõme, qu'il ne cognoistra point
son peché. Il pësera du mal estre du bien, & contera qu'il
ne se trouue point coupable: il ne faiët consciẽce de riẽ.
Parquoy S. Paul dit: *Tradidit illos Deus in reprobũ sensum.*
C'est à dire, que Dieu les a permis tõber en sens reprou-
ué, de sorte qu'ils ne se sentët point coupables. Ils ne sõt
pas pourtant iustifiez. Et pource, la sentẽce de S. Paul est
veritable. *Nihil enim mhi cõsciũ sum, &c.* Il est bien vray,
quand quelqu'un faiët son deuoir, qu'il a esté confessé, &
sa consciẽce ne le remord point: il espere & se cõfie qu'il
est en la grace de Dieu: mais cela n'est qu'une certitude
morale, que les Theologiens appellent cõiecture proba-
ble. Et à qui donc vous voulez vous attẽdre S. Paul: au iu-
gement de Dieu: *Qui autem iudicat me, Dominus est:* com-
me s'il disoit, il ne se fault pas arrester au iugement hu-
main: car il est faillible. Mais si Dieu dit que ie suis bon:
ie le suis. Il se faut arrester au iugement diuin: car les hõ-
mes sont prompts à iuger les vns les autres. Et pourtât, S.
Paul dit, *Itaque nolite ante tempus iudicare: quoadusque ve-
niat Dominus, qui & illuminabit abscondita tenebrarum, &
manifestabit cõsilia cordiũ.* C'est à dire, il ne fault point iu-
ger, auant qu'auoir certaine cognoissance des choses.
Nous sommes cõme en la nuit, vous iugerez quelqu'un
qui fera biẽ & neãtmoins il fera mal. *Ante tẽpus.* Quãd
on a la cognoissance de la chose, cela est appellé le iour,
le temps: & pource, attẽdez le iugement de Dieu: par le-
quel tous les secrets seront reuelez, & les conseils des
cœurs. *Et tunc laus erit vnicuique à Deo. Amen.*

I. Cor. 4.

Rom. I.

I. Cor. 4.

I. Cor. 4.

Le iugement
humain est
faillible &
le iugement
diuin est cer-
tain.

I. Cor. 4.

Autre sermon du troisieme dimenche de l'Aduent.

Q*U**acunque scripta sunt, ad nostram doctrinam scripta sunt.* Sainct Paul, en l'epistre du iourd'huy, dit, *Rom. 15. 1. Cor. 4.*
qu'un ministre de Iesus Christ doit estre fidele.

Vn seruiteur doit estre loyal à son maistre. Nous sommes ministres de Iesus Christ, il fault que nous luy soyons loyaux & fideles. Tout le bien que nous faisons procede de Dieu: & sans luy nous ne pouuons rien. Si nous demandons louange pour un bon euvre, nous sommes infideles: car la louange appartient à Dieu: *Non nobis domine, non nobis: sed nomini tuo da gloriam.* *Psal. 113.* Si donc nous ne donnons à Dieu ce que luy appartient, nous sommes vrais infideles. *Nous ne demander louange pour nos bonnes euvres.* Sainct Paul dit, que la condition du ministre, c'est de nōder point vsurper ce qui appartient à son maistre. En nostre Euāgile nous auons exemple d'un fidele seruiteur, & ministre de Iesus Christ, c'est mōsieur saint Iean Baptiste. *Matth. 11.* Sa fidelité est demonstrée au cōmencemēt de l'Euāgile: *Cum audisset ioannes in vinculis.* En cela qu'il est en prison, il est demonstré ministre fidele. Apres sa conception au ventre de sa mere, il a esté prins pour seruir à Dieu. Le iour de la conception nostre Dame, nous dismes, que la vierge Marie a esté prinse au seruice de Dieu dez sa conception: mais saint Iean a esté prins apres sa conception au vêtre de sa mere pour seruir à Dieu. Il a cogneu Dieu, & a esté confermé en grace: comme un bon seruiteur, quād il veoit la face de son maistre, il est bien ioyeux: & le mauuais seruiteur ne demande que l'absence de son maistre. Sainct Iean Baptiste au vêtre de sa mere, sentāt la presence de son maistre Iesus Christ, il s'en est resiouï: non point d'une simple ioye: mais il se mouuoit & tressailloit pour la presence de son maistre Iesus Christ, qui estoit au vêtre de la vierge Marie, autremēt qu'il n'est de coustume. Depuis, il a tousiours perseueré au seruice de Dieu. Sainct Iean Baptiste a soustenu la querelle de nostre Seigneur, & pour auoir fait le deu de son office, il a esté mis prisonnier. Herodes incestueux, qui abusoit de

Troisiesme dimenche

Sainct Iean
Baptiste fut
mis prison-
nier pour a-
voir dit la ve-
rité à Hero-
des.

Mar. 6.

Quand on no^s
iniurie tai-
sons nous,
mais quand
Dieu est in-
iurié, lors il
fault parler.

la femme de son frere, & saint Iean ne pouuoit endurer ce peché tant enorme, il luy disoit, qu'il ne luy estoit point licite de l'ëtretenir. Herodes le fist mettre en prison. Saint Iean estoit mis en prison, pour auoir dit la verité: c'est vn signe qu'il est loyal seruiteur à son maistre, il ne se peult cōtenir. Quand on effense Dieu, qu'on le desprise, c'est bien signe qu'on n'en tient compte. Vn bon seruiteur monstre par signe, que cela luy desplait. Herodes contemnoit la loy de Dieu, qui est de n'estre point adultere. Saint Ieã ne se peult tenir, ne veoir ainsi son maistre estre foulé en sa presence, il dist en barbe à Herodes, qui estoit Roy cruel: *Non licet tibi habere uxorem fratris tui.* Voila la fidelité de saint Ieã Baptiste. *Ioannes ergo cum audisset in vinculis opera Christi.* Il fault que vn seruiteur soit fidele à son maistre Iesus Christ. Il ne fault rien auoir en cōtreceur & en haine, que l'offense de Dieu. Si on nous faiët iniure, taisons nous: mais quand nous voyons l'honneur de Dieu estre conculqué, desprisé, il ne fault pas que nous taisions. Nostre Seigneur no^s a enseigné & monstre qu'il fault endurer en iniures propres, concernâtes seulemēt la personne. Et pour vne iniure personnelle nous prédrons querelle: c'est signe que il y a de l'affection propre. Je voyray que nostre Dieu est foulé, conculqué, son nom deschiré, & ie ne dis mot, Je crains de facher la compagnie. Voila vn homme, à grãd peine dit il vn mot qu'il ne iure: Et si on me disoit, vous ne vallez rien, ie me courroucerois, pource que cela me touche. Je parle, c'est signe que l'affection de Dieu ne me touche point. Je crains plus que mon honneur soit foulé, contemnē que l'honneur de Dieu Vn bon Chrestien doit desirer d'estre contemnē, afin que Dieu soit prisé, & doit desirer estre conculqué, estre mōstré au doigt, estre confusable, & que Dieu ne soit point blasphemé. Saint Iean Baptiste faisoit ainsi, car il ne regardoit que Dieu. Voila, il est prisonnier: *In vinculis*, Chrestiens, il y a des lieux ou il faiët bon estre mieux qu'en paradis, il y a d'autres lieux ou il faiët mauuais estre, & ce n'est pas moins que d'estre en enfer. Estre en prison, ez liens pour l'amour de Dieu, & pour le bon tesmoignage de sa cōsciē-

ce, vn bon Chrestien sy trouue aussi bien consolé comme en paradis, il se trouue tant consolé en captiuité, que si on l'en vouloit oster, il n'en voudroit pas sortir. Comme S. Paul, il ne se trouuoit iamais plus aise, que quand il estoit lié, enfermé, pour le nom de Iesus Christ: *Magnum est vinciri pro Christo*. C'est vne grande liberté d'estre captif pour Iesus Christ. Il y a vne autre prison malheureuse, ie suis en mauuais estat, i'ay offensé Dieu, ie suis lié, comme dit Dauid: *Funes peccatorum circumplexi sunt me*. Il vaudroit mieux estre en enfer sans offense (s'il estoit possible) que d'estre ainsi aux liens de peché. Et pourtant, il fault considerer la fidelité & loyauté que nous deuons à nostre Seigneur: ie veux soustenir la querelle & l'honneur de Dieu. Si ie voy qu'il soit foulé, desprisé, ie ne me veux point taire: mais si ie voy faire iniure à mon Dieu, & ie n'en dis rien: c'est signe que ie ne suis pas fidele. S. Iean a eu beaucoup de graces de Dieu, il a esté nay noble, de son pere Zacharie, Prophete: il a esté sanctifié au ventre de sa mere Elizabet. Apres, il est allé au desert, *Vbi neminē vidit, & nemo visus est ab eo*. Il n'auoit point d'autre robbe que la haire, vne peau de chameau: & sa viande estoit du miel sauage & des locustes. Il n'a point eu d'autre colloque au desert qu'avec les Anges, ny d'autre conuerture que le ciel. Il a cogneu Iesus Christ dez le ventre de sa mere, il l'a monsté au doigt: *Ecce agnus Dei*. Pour tout cela, il n'est point tant digne d'honneur & de gloire, comme pour auoir esté prisonnier par Herodes: c'est plus que d'estre precurseur de nostre Seigneur, prophete & plus que Prophete. Brief le plus grand tesmoignage d'une personne enuers Dieu, c'est quand elle ne crainct point la prison ny la mort pour Dieu. Sainct Iean ne l'a point crainct. Et pourtant, c'est le plus grand tesmoignage d'honneur qu'il ait, & qui le rend parfait deuant Dieu: c'est endurer pour Iesus Christ, & pour la verité. *Ioannes cum esset in vinculis*, luy estant en prison, il a ouy parler des eures de Iesus Christ, *cum audisset opera Christi: mittens duos de discipulis suis ait illis, Tu es qui venturus es, an alium expectamus?* Les disciples de sainct Iean doutoient pour le bruit de sainct Iean, qui diminueoit &

Sainct Iean
Baptiste a
eu beaucoup
de graces de
Dieu.

Ioh. i.
C'est plus
grand hon-
neur estre
prisonnier
pour Iesus
Christ que
d'estre son
precurseur.

Matth. ix.

Troisiesme dimenche

Ioh. 3.

le bruit de nostre Seigneur augmentoit. Aussi saint Ieā auoit dit: *Illum oportet crescere, me autem minui.* Auāt qu'il fust en prison, tout le mōde le suiuoit au fleuue de Iourdain, & luy confessoient leurs pechez, mesmes les gēsd'armes: les Publicains demandoient qu'il leur falloit faire pour estre sauuez. Depuis, nostre Seigneur est venu. Quād il vient en la ville vn nouveau predicateur, on va apres: aussi quand nostre Seigneur est venu, on delaisse S. Iean pour aller à luy. Et non sans cause, car saint Iean auoit dit: *Ecce agnus Dei.* Voila le Messias auquel consiste vostre salut. Allez à luy: Quand ils ont veu les euures de nostre Seigneur, ils l'ont redit à S. Iean. Et voila pour-

Matth. I.

quoy l'Euangile dit: *Cum audisset Ioannes in vinculis opera Christi.* Il a enuoyé deux de ses disciples à nostre Seignr,

*Matth. II.
Saint Iean
n'a pas dou-
té de nostre
Seigneur.*

pour luy demander si c'estoit luy qui estoit promis, qui deuoit venir, ou s'il en falloit attendre vn autre. Notez, pour entēdre cela, que s. Iean n'a pas douté de nostre Seig-

Matth. I.

neur, car il le cognoissoit biē, il l'auoit baptizé. Et quād nostre Seigneur passoit son chemin, saint Iean dist: *Ecce agnus Dei, ecce qui tollit peccata mundi.* Voila l'aigneau de Dieu qui sera immolé pour voz pechez, il est venu effacer tout peché. Ainsi que le temps passé on immoloit vn aigneau, aussi Iesus Christ a esté immolé & sacrifié pour noz pechez. La maniere commēt il a effacé noz pechez, c'est sa mort en l'arbre de la croix. Et pourtant saint Ieā n'a point douté de nostre Seigneur, s'il estoit le Messias, il n'a pas fait la question pour luy: mais pour ses disciples, lequel les a enuoyez à nostre Seigneur, pour estre instruits de la bouche de nostre Seigneur, & afin d'estre persuadez de le suiure: car saint Iean voyoit bien qu'il alloit biē tost mourir. Et comme vn pere qui va mourir, il a quelque bon amy, auquel il commet ses enfans pour instruire & gouverner. Saint Iean a veu ses disciples n'estre point arrestez à la foy de nostre Seigneur, il les luy enuoye pour les rēdre stables, & demādent: *Tu es qui venturus es, an alium expectamus? Et respondens Iesus ait illis: Euntes renunciate Ioāni que audistis & vidistis, &c.* Il fault icy scauoir, qui sont les euures de nostre Seigneur, desquelles saint Iean a ouy parler. Ce sont des euures qui

Matth. II.

manifestent nostre Seigneur estre Dieu & nostre sau-
ueur & redempteur. Nostre Seigneur disoit aux Iuifs: *Ioh. 10.*

Si non vultis mihi credere, saltem operibus credite. Et saint
Iean dit en l'Apocalypse, qu'il a veu vn Ange ayant le si-
gne de Dieu viuant, c'est nostre Seigneur, *Qui est angelus*

magni consilij. Il est legat, ambassadeur de Dieu son pere,

Esai. 9.

pour declarer le secret eternel de Dieu, qui est de sauuer
l'homme par sa mort & par son sang. Ce sacremēt a esté

*Iesus Christ
est dit l'ange
du grand &
estroit cōseil
de Dieu.*

absconsé eternellement. Et pourtant il est dit, *Angelus*

Ioan. 10.

magni consilij. Il a esté enuoyé pour nous manifester le

conseil estroit de Dieu, c'est de sauuer l'homme par sa

mort, & par l'effusion de son sang. Cest Ange là, a le si-
gne de Dieu viuant, c'est à dire, il a vn tesmoignage, par

lequel il demonstre qu'il est le Dieu viuant. Sa parole

monstre qu'il est Dieu: il dit. *Pater & ego vnum sumus,* il

se demonstre estre le vray Dieu viuant. En outre, pour

confirmer sa parole, il auoit ses euures qui declaroient,

que Iesus Christ estoit le fils de Dieu, & Dieu viuant. Il

guarissoit les malades, il illuminoit les aueugles, il ren-
doit la parole aux muets, il resuscitoit les morts. Voila

les euures de Dieu viuant. Si vous dites saint Pierre

aussi resuscitoit les morts, guarissoit les malades, & a-
uoit la puissance de remettre les pechez. Donc il sem-
ble à veoir, que le tesmoignage de nostre Seigneur n'e-
stoit pas suffisant, pour monstrier qu'il fust Dieu viuant.

Le vous diray. Nostre Seigneur pardonnoit les pechez,

il guarissoit les malades, il resuscitoit les morts, com-
me ayant autorité & de sa vertu propre: car il appar-
tient à vn seul Dieu de pardonner les pechez, de resusci-
ter les morts, de guarir les malades. Les Apostres en fai-
soient autāt: mais par la vertu & autorité de nostre sei-
gneur Iesus Christ. Saint Pierre dist à ce boyteux qui
estoit à la porte du tēple. Au nom de nostre seigneur Ie-
sus Christ lieue toy: à ceste parole a esté guaruy. Et quand
ce venoit à baptizer, il disoit: *Ego baptizo te in nomine pa-*

*Ce que Iesus
Christ faisoit
par sa propre
autorité ses
Apostres le
faisoient en
la vertu de
Iesus Christ.*

trū, & filij, & spiritus sancti, Amen. Ce que nostre Seignr faisoient

en la vertu & propre autorité, les Apostres le fai-
soient en la vertu de nostre Seigneur: *in nomine suo:* à son

adueu, comme nostre Seigneur auoit dit: *in nomine meo*

Mar. 16.

Troisiesme dimenche

demonia eiiciunt: serpentes tollent, &c. Et les euures que nostre seigneur faisoit, c'estoit en sa propre vertu & autorité. Par ainsi, il se monstroit estre Dieu. *Et angelus magni consilij.* Et S. Iean enuoye ses disciples à nostre Seigneur

Matt. 11.

pour estre instruits par luy. Allez & luy demandez: *Tu es qui venturus es, an aliū expectamus?* Estes vous le Messias le redempteur promis en la loy, ou si nous en attendons vn autre? Les escritures enseignent que les Iuifs attendoyent

Matt. 11.

vn Messias: aussi S. Iean demande: Estes vous celuy qui deuez venir? Nostre Seigneur ne respond pas, c'est moy: mais les euures le demonstrent, *Ite, renunciate Ioanni quā audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur, &c.* Notez, que le tesmoignage de l'euure est inca-

Toute per-
s onne qui
dit bien n'est
pas bonne.
Matt. 7.

lumniable, il est certain & bon: non pas toute personne qui dit bien, n'est pas pourtant bonne. Je puis bien prescher, & ie ne vaudray rien: mais si ie vis bien, ie seray hōme de bien, non point autrement: *Non omnis qui dicit mihi domine, domine, intrabit in regnum celorum, sed qui facit voluntatem patris mei.* Nostre Seigneur ne dit pas, c'est

L'arbre est
cogneue par
son fruit.

moy qui suis le Messias: mais dictes à Iean ce que vous auez veu & ouy. En la presence des disciples de S. Iean nostre Seigneur a beaucoup guarý de malades, enluminé des aueugles, resuscité des morts, &c. sans prier ny faire oraison: ainsi il s'est démontré Dieu, comme s'il disoit: Vous demandez si ie suis le Messias, iugez en par mes euures, à qui il appartient de les faire: ie guaris les malades, ie resuscite les morts, &c. L'arbre est cogneu

par son fruit. Si le fruit est bon, aussi est l'arbre: & si le fruit ne vault rien, ny l'arbre pareillement. Mes euures demonstrent qui ie suis. Les euures que ie fais par mon autorité, demonstrent qu'il n'y a point d'autre redempteur que moy, qui a esté predict par les prophetes, que ie dois racheter le genre humain. Nostre Seigneur a fait tous ces miracles, & tous les iours il les fait. Voyla vn aueugle, il ne voyoit point le peril de dānation auquel il estoit. Et maintenant il le voyt, & re-

Matth. 11.

cognoist sa faute. Voyla, *Cæci vident.* Sainct Paul auant sa conuersion estoit aueugle, c'estoit vn blasphemateur

vn persecuteur de l'Eglise de nostre seigneur, il ne pësoit pas mal faire, & Dieu luy a ouuert les yeux, c'est vne illumination d'un auetgle spirituel, il est plus grand qu'un auetgle corporel, car si on arracheroit les yeux de la teste d'un homme, il ne seroit pas pour cela en la male grace de Dieu, mais l'execatiõ de cuer, c'est vn peché, c'est peine & cou pe. Et quand Dieu m'illumine & que ie cognois mon peché, alors Dieu a illuminé vn auetgle. Apres il y a *Surdi audiunt*. Nostre seigneur faict cela de iour en iour. Il en y a de sourds qui ne veulent point entendre leur salut. Si on leur parle d'aler à confesse, à la predication, ils fuyent, mais quand on leur parler de choses plaisantes, ils escoutent volontiers. Et quãd Dieu les touche, en vn moment, ils oyent bien, ils ne veulent qu'aler à cõfesse, frequenter les sermons. Voyla: *surdi audiunt*, car ils n'ayment qu'à ouyr la parole de Dieu. *Claudi ambulat*. Voyla vn homme qui estoit tout inconstant le temps passé, comme le vent le toutnoit, mais à ceste heure icy, il est constant, il ne flechitoit pour rien, il va & chemine bien. *Mortui resurgunt*. Voyla vn homme qui estoit mort par peché, il est resligné en grace. Nostre seigneur faisoit ces miracles là corporellement, & maintenant il les faict spirituellement, apres nostre Seigneur dist aux disciples de S. Iean. Allez luy dire: *Pauperes euangelizantur*. Les pauvres sont euangelisez, ils entendent le secret & la volonté de Dieu, l'ordre diuin est tout contraire à l'ordre du monde, car Dieu declare premierement son secret son vouloir aux hũbles. Et par le moyen des petits, les grands du monde le sçauent: au contraire le conseil du Roy, & du monde s'adresse aux plus grands, aux Presidens, Conseillers, & les petits sçauent les nouuelles du Roy par les grands. Dieu faict tout au contraire, il adresse son conseil aux petits. Venez ça, à qui reuele on le conseil de l'incarnation de nostre seigneur tout premieremẽt? Voyla vn Gabriel l'archange, qui est enuoyé à vne pauvre fille vierge, secretaire, & amye de Dieu, il luy vient manifester le conseil de Dieu, cõme le fils de Dieu devoit prendre chair en son ventre. Apres quãd l'enfant Iesus est né à qui le reuele on? Voyla le Daulphin Iesus Christ fils de

*L'execatiõ
du cuer est
vn peché de
peine & coul
pe.*

Matt. 11.

Mat. 11.

*L'ordre di-
uin est au cõ-
traire de l'or-
dre du mon-
de.*

Troisiesme dimenche

Dieu, qui est nay: auxquels en dit on les nouvelles? à qui s'adresse l'ambassade de Dieu: aux pauvres pasteurs, & leur dit: mes amys, ie vous annonce vne grande ioye, & quoy? *Quia natus est nobis saluator mundi.* Voyez vous que les pauvres, les humbles reçoivent premierement les nouvelles de Dieu? cela doit consoler les pauvres pour patiemment endurer. Voyla vn Herodes, vn Pilate, & les plus grands: l'ambassade de Dieu ne s'adresse pas à eux, mais aux pauvres. Et pourtant, dit bien nostre seigneur

Luc. 2.

*Les pauvres
d'esprit reçoivent les nouvelles de
ioye.*

Luc. 10.

Matt. 11.

Pauperes euangelizantur. Ils reçoivent les nouvelles de grace, que le sauueur du monde est né. Et pource, nostre seigneur disoit à son pere: *Cōfitebor tibi pater, quia abscondisti hac à sapientibus & prudentibus, & reuelasti ea paruulis.*

Dieu est grand, cōme dit Dauid: *Excelsus est dominus super omnes gentes, humilia respicit & alta à longè cognoscit.* Il regarde les grâds, les orgueilleux, par dessus l'espaule, de bien loing, & il préd son aliance & declare ses secrets aux petits & humbles, & specialemēt Dieu a regardé l'humilité de la vierge Marie sa mere. Et pource, c'est vn secret:

Pauperes euangelizantur. Dieu s'adresse aux humbles & pauvres d'esprit, qui ne sentent rien de foy, que toute indignité, se cōfians du tour à Iesuchrist Venez ça, par qui les Roys & grands de ce monde ont ils entēdu Iesuchrist? N'a ce pas esté par les apostres, qui ont eu la commission de porter le nom de nostre seigneur par tout le monde, lesquels n'estoient que pauvres gens idiots, prescheurs, abiects selon le monde? Neantmoins ils ont annoncé les nouvelles de salut aux grands de ce monde. Ce que nous sçauōs de la loy de nostre seigneur, c'est par les Apostres.

Matt. 11.

Et pourtant, l'ordre de Dieu, est du tout contraire à l'ordre du monde: car quand il est question des nouvelles de paradis, les pauvres premierement le sçauent. C'est vne sentence qui est bien à retenir. *Et beatus qui nō fuerit scandalizatus in me.* Les Apostres de nostre Seigneur ont esté tous scandalisez en sa mort & passion. Il leur dist: Vous me delaisserez tous, quand vous me voirrez prins, lié, la corde au col, vous direz que ne me cognoissiez point: vous perdrez la foy & loyauté que vo⁹ me deuez. Sainct Pierre a esté le plus scādalisé: il a juré par trois fois: il s'est

maudit & donné au diable s'il cognoissoit Iesus christ. O biêheureux qui ne sera point scâdalisé en moy! Entre les autres, plus est heureuse la vierge Marie: car jamais ne fut scâdalisée en Iesuchrist son fils, pource qu'elle a tousiours creu qu'il estoit le Messias: nonobstant qu'elle l'ait veu endurer, estre lié, iniurié, blasphemé, & finablement mourir: pour tout cela, elle n'a point perdu la foy, elle a creu qu'il estoit Dieu, elle est d'oc biêheureuse de n'auoir point perdu la foy. Aussi, voila Dieu qui nous promet paradis, remission, grace, nous ayder en nostre besoing & necessité. Voire mais ie suis tant affligé & persecuté, i'endure tant de mal & de peine, & ie ne me sçauois ayder: & d'autant plus que i'inuoque le nom de Dieu, d'autant plus mon mal recommence & augmente. O bien heureux est celuy qui ne sera point scâdalisé, qui ne perd point sa cōfiance & assurance en Dieu! Pour cela delaissez vous à seruir à Dieu? Si vous perdez vostre esperance, vous estes scandalisez. Car vous ne vous fiez pas en Dieu en ferme esperance & assurance: car si Dieu veut il vous deliurera, & s'il ne vous deliure, c'est pour vostre bien. Il y en a d'aucuns, quand ils sont en prosperité, ils loüent Dieu, & en tribulatiō & aduersité ils murmurent, ils se scandalisent & perdēt leur cōfiance qu'ils deuoient auoir en nostre seigneur. Retenez le dit du Sage en l'Eccle. qui dit: *In die bona fructus bonis, & malā diē praeuē.* Le bon iour, le bon temps, c'est le temps de paix, de prosperité, ou tous les biens abondent. Et quand il y a aduersité guerre, peste ou famine, c'est vn mauuais temps. Escoutez, vous qui estes en prosperité, remerciez en Dieu, & le louez. *Sed praeuē diem malum.* Ayez soing du mauuais iour, c'est à dire, qu'il se fault premunir de patience, afin de porter patiemment les maux qui nous aduiendront: car quād on n'y a point pensé, & que le mal vient tout incōtināt, cela trouble la personne. Et afin que ne soyez troublez, premunissez vous de patience, pensez ce qui vous peut aduenir tant en particulier qu'en general, & en y pensant, vous direz, Seigneur Dieu, ie suis prest d'endurer: *Ego in flagella paratus sum.* Il se fault offrir d'endurer tout pour l'amour de nostre Seigneur. Sainct Paul dit:

Iamais la vierge Marie ne fut scâdalisée en son fils Iesus Christ.

Eccle. 7.

Quād on est en prosperité on doit preuoir l'aduersité & se munir de patience.

Troisième dimanche

Philip. 4. *In omnibus institutus sum, scio esurire, scio abundare & penuriam pati.* Soit que j'aye penurie ou abondance, ie sçay biẽ cõ-
S. Paul sça- me ie m'y doibs gouverner. En ceste maniere, vous ne se-
uoit bien cõ- rez point scandalisez, ny perdrez esperance en nostre sei-
ment il se de- gneur. *Beatus qui non fuerit scandalizatus in me.* Vous auez
uoit gouver- bien affaire de cela aujourd'huy. Car on reuoque en
ner en toutes doute ce qui a esté dit au temps passé. Les meschants
choses. veulent reuoquer en doute si les prebſtres doiuent gar-
der chasteté & se cõtenir, s'il se fault abstenir de chair en
Careſme, s'il y a vn purgatoire, & si le corps de nostre
seigneur est au ſainct ſacrement de l'autel. Pour cela, il
ne se fault point scandaliser. Et moy qui ſuis religieux,
voyant les autres estre dispensez, pour cela, laisseray-ie
à viure comme ma reigle me monstre? Ils voudroyent
bien oster le Careſme: pour cela laisseray-ie à ieufner
& garder les traditions de nostre mere ſaincte Eglise?
Donnez vous en bien de garde, & que vous ne ſoyez ſcã-
dalisez pour la multitude. Noé n'a point esté scandalizé
pour la grande multitude adonnée à mal, mais il ſeſt te-
nu en l'obſeruation de la loy de Dieu. Non ſeulement ce-
ſtuy là eſt scandalizé qui laiſſe à bien faire, mais auſſi
qui faiſt quelque choſe en doute. Laiſſons nous plus
toſt arracher le cuer du ventre, que de flechir de la tra-
dition Eccleſiaſtique. Vous religieux ne ſoyez ſcanda-
lisez, ſi on vous baille vn prothenotaire pour voſtre ab-
bé, c'eſt à dire, ne le ſuyez pas ſ'il faiſt mal. Auſſi nous
voyons le nom de Dieu eſtre conculqué, & la multitu-
de adonnée plus à mal qu'à bien. Vous en voyez qui
Pſal. 36. *Ieſus Chriſt* ſont reputez grands, ils ont trois ou quatre benefices, &
Ieſus Chriſt ne reſident point. Pour cela, ne ſoyez scandalisez, ny ef-
ne ſainct feuez, *Noli emulari in malignantibus, &c.* Or bien, les di-
ſtance. ſciples de ſainct Iean retournerent à luy, & nostre ſeignr
La plus grã- commence à dire au peuple de ſainct Iean. *Quid exiſtis*
de vertu en *in deſertum videre arundinem vento agitatum?* Nostre ſei-
gnr Chreſtiẽ gneur loue ſainct Iean de conſtance & ſtabilité, No-
ceſt d'eſtre rez que la plus grande vertu à vn Chreſtien c'eſt ſtabili-
ferme & cõ- té, & eſtre conſtant & ferme. Ie ſuis en vne religion, ie
ſtant. veux aler en vn autre: Or ſoyons conſtans, ne ſoyons
point mobiles comme vn roſeau. Ces roſeaux ce ſont
les pre-

les predicateurs du monde, ils tournent cōme le vent, s'il y faiēt bon, qu'ils ayent le vent à gré, ils parlent à plaisir. Cōme vne nauire qui va selon qu'elle a le vēt à gré aussi font tels predicateurs. S. Iean presche pour l'honneur de Iesuschrist: En apres nostre Seigneur loüe S. Iean de son austerité de vie, de ses habillemēs. *Sed quid existis videre hominem mollibus vestitū?* Vn predicateur ne doit pas estre nourry, ny vetu delicatement. Nonobstant ie presche vn quaresme, i'ay la collation de cinq ou six sortes de mets, & on apporte cela en pleine rue, horreur! Et si vo⁹ ne pouuez ieusner, cachez vous, nous preschons les autres, & on nous voit ainsi nourriz & vestus delicatement. *Ecce qui mollibus vestiuntur in domibus regum sunt.* Comment est vestu S. Iean? Il a vne robbe de poil de chameau, & sa viande c'est du miel sauuage & des locustes: il n'en prend que pour sa necessité, c'est à dire qu'un predicateur qui est en l'office de saint Iean, il ne fault pas qu'il demande son ayse, il ne se fault pas fascher, si on n'est bien traicté, mais en loüer Dieu, *Benedictus Deus.* Je ne dis pas q̄ vous soyez ingrats aux predicateurs, *Quia dignus est operarius cibo suo,* & qui *Euangelium annuntiat, de Euangelio viuere debet.* S'il aduient qu'apres la predication personne ne recueille le predicateur, qu'il ne se fasche point, qu'il pense qu'on a donné à boire à nostre seigneur du fiel & vinaigre luy estant en la croix, & cela le cōsolera au lieu d'une bourrée ou d'une fois à boire. Voyla S. Iean, il n'est pas recueilly en vne grande maison, car il ne pouuoit celer la verité: nous nous plaignons, mais il n'y a dequoy se plaindre: car il ne scauroit aduenir plus grād honneur, que d'estre mal traicté pour dire la verité. S. Iean n'a pas les chemises de fin lin: & puis sentir le musq, cela est indigne d'un chrestien. Regardez, nostre seigneur pour son manger auoit du pain d'orge, & estoit vestu comme vn du cōmun peuple, & aujourd'huy on aura la belle robbe de soye & de velours. Faiētes vostre office, & vous serez assez recōmandé. Autrement: *Qui mollibus vestiuntur, &c.* Pensez vous que saint Iean Baptiste fust vn flateur, les flateurs sont en la maison des Rois. Saint Iean n'a point vne parole delicate pour flater comme dit Esaie: *Popule*

Matt. 11.

Matt. 11.

Vn predicateur ne doit demander son ayse.

1. Corin. 9.

C'est vn grād honneur d'estre mal traicté pour dire la verité.

Iesus Christ loue S. Iean de ce qu'il n'estoit flateur.

Troisième dimanche de l'Aduent.

3. Reg. 22.

meus qui te beatū dicunt ipsi te decipiunt. Mes amis voz parens vous font pouruoir & auoir plusieurs benefices, dōnez vous bien de garde d'aller demāder conseil à vn qui est plurier en benefices: car il ne vous dira pas le contraire: ou il n'en a qu'un, mais il n'y reside point: il vous dira qu'il n'y a point de dāger: alez à ceux qui n'en ont point, & qui craignent Dieu. O mes parens ne me voudrōt plus voir. Vous serez bienheureux quand ils vous chasseront pour ceste cause. S'il aduient que vous les preniez, faites comme saint Thomas de Canturbie, lequel quand il fut Euesque, il resista au Roy d'Angleterre, qui vouloit faire à son plaisir des biens de l'Eglise, & pour cela il fut mis à mort: Les parens font dōner vn benefice à leurs enfans pour leur prouffit. L'enfant doit dire, *mō pere, Vivit Dominus* Par le Dieu viuant il n'en ira pas vn denier à vostre prouffit, c'est sans blesser la conscience. Dieu luy est plus que son pere charnel. Voyla la verité, il ne faut point flatter ny pallier. Le troisieme de quoy nostre Seigneur a loué. S. Iean Baptiste, c'est qu'il n'estoit pas seulement prophete, mais plus que Prophete: car S. Ieā a mōstré nostre Seigneur avec le doigt, que tous les Prophetes auoyent predit deuoir venir. Ce sont les trois cōditions, que doyuent auoir les predicateurs: Il ne fault qu'ils soyent comme vn roseau flexibles, mais cōstans. Quand on iecte les dets, *taxillum*, tousiours demeure sur son costé, ainsi soit le predicateur auourd'huy. Nous ne cherchons point Iesus Christ: mais nous demādons à prescher deuant vn mōsieur pour auoir vne Abbaye, vne prieuré, ceste ambition oste la stabilité & constance d'un predicateur. *Secundo*, il fault que le predicateur ne soit point flateur, ne vestu ny nourry delicatement: mais qu'il soit content auoir sa necessité. *Tertio*, il fault que le predicateur entende ce qu'il

Iesus Christ ait, qu'il ne presche point en doute. Voyla S. Iean, il est loué S. Iean, loué, car il est plus que Prophete, encores nostre Seignr par ce qu'il le loue, *Ecce ego mitto angelum meū ante faciem tuā.* S. Iean est plus que est precurseur de nostre Seigneur. Le predicateur est enuoyé pour preparer le chemin à nostre Seigneur, preparer les cueurs à penitence, afin que nostre seigneur y entre. S. Iean est appelé ange, *id est, nuncius Dei.* Le prestre,

Malach. 3.

Troisiesme lundy de l'Aduët. 98

le predicateur est le messagier de Dieu. No⁹ sommes icy pour vous annoncer le vouloir de Dieu, que vous faciez penitence, & que vous serez sauuez. *Pro Christo legatione 2. Corint. 5. fungimur tanquam Deo exhortante per nos, obsecramus pro Christo reconciliamini Deo, id est, pœnitentiam agite.* Voyla saint Iean qui est Ange, precurseur de nostre seigneur. Tout cela, c'est nostre doctrine. Dieu nous doint sa grace en ce monde & sa gloire en l'autre.

Pour le troisiesme lundy de l'Aduent.

Q*Uecunque scripta sunt, ad nostram doctrinã scripta sunt. Roma. 15.*
Nous disions dernièrement, quel'hõme qui est de bon vouloir, qui n'a autre desir que d'estre vertueux, en quelque lieu & compagnie qu'il soit, il fait bien, il ne peut estre vaincu par la malice d'autrui, & en quelque lieu que soit vertu, tousiours se demonstre & se manifeste. L'escriure nous enseigne que Noé estoit seul iuste & parfait en sa generation. Toute la multitude du peuple estoit peruertie & corrompue. Noé en ce tẽps là, a esté trouué iuste deuãt Dieu, & parfait. Il cheminoit tousiours en la crainte de Dieu, tousiours en sãvie il auoit vne apprehension & memoire continuelle que Dieu est present par tout. Noé nous apprend icy: car tout ce qui est escript, c'est pour nostre doctrine. *Ambulauit Noé coram Deo. Quand on chemine, qu'on va par pays, & qu'on a de la cõpagnie, la difficulté du chemin n'ennuye point, elle est facile. Noé estoit en vn mauuais chemin, car c'estoit vn chemin plein de brigans, de voleurs, & de larrons, il estoit bien dangereux, mais il est demeuré en son entier, car il auoit bonne compagnie avec luy, il auoit Dieu: il estoit en multitude de gens corrompus, pleins d'iniquitez: mais il auoit bõne cõpagnie. Avec qui estoit il? avec Dieu, il ne craignoit point qu'il luy aduint mal, pource qu'il auoit Dieu pour sa cõpagnie: facilement il a passé le chemin, il n'a point esté pillé ne volé des larrons ne*
L'hõme qui ne desire que d'estre vertueux, par tout ou il est il fait bien.
Gene. 1.
On ne doit craindre auoir mal quand on a Dieu en sa cõpagnie.

Troisiesme lundy

brigans, c'est à dire de la malice des autres, mais il est demeuré entier, en assurance, avec la cōpagnie qu'il auoit avec luy. On demâde à quelqu'un qui va par país, ou alez vous? en tel lieu, ô il fait mauuais passer par là, il respōd, i'ay bonne compagnie, ie ne crains point estre detrouffé. Noé ne craignoit point estre pillé ou desrobbé: car il estoit avec Dieu, & l'auoit pour sa compagnie, ô il estoit bien aise! si nous voulons, nous serons aussi avec Dieu. La compagnie que nous deuons continuellement auoir avec nous, c'est la craincte & memoire de Dieu. Le Sage dit: *Va homini soli, quia cum ceciderit non habet subleuantē se.* Malediction sur celuy qui n'a point de cōpagnie: il fait bon estre deux ensemble: car ils soulageront l'un l'autre. Rupert en quelque lieu exposant ce passage demande qui est la compagnie qu'il fault tousiours auoir, sans laquelle l'homme est maudit: c'est la memoire continuelle de nostre Seigneur, craindre Dieu, c'est la compagnie avec laquelle il fault cheminer, & iamais nous ne succumberions ny sçaurions perir en telle compagnie. Noé estoit fort tenté d'offenser Dieu, car il estoit tout seul, il ne voyoit personne de son accord, mesme on se moquoit de luy, & on le reputoit ne tenir pas le bō chemin. Quand on voit que tout le mōde va par vn chemin bien battu, on dit, Voyla le chemin. Aussi ce qui est regulierement tenu de tous, on le repute le meilleur. Noé tenant le chemin de Dieu, il n'estoit point réputé tenir le vray chemin. Mais les meschans gens pensoient bien tenir le meilleur. Noé n'est point toutesfois succombé, car il auoit la compagnie de Dieu, aussi quand ie suis tété d'orgueil, d'auarice, de paillardise, de fraude, de larcin, de calomnie, &c. & bien au fort, que feray-je, si ie n'ay compagnie? Ie suis assailly vn contre trois, c'est pour auoir grād peur, qu'est-ce donc que ie feray? Ie penseray en moy-mesme, ie ne voudrois pas faire cela deuant les gens, deuant mon pere, deuant mon mary, ou deuant mes seruiteurs: & Dieu est present qui me voit, & si present qu'il me peut engloutir & abysmer tōt vif au feu d'enfer. Regulierement quand nous faisons mal, nous nous cachons. Si donc la presence de l'homme est cause de faire

Eccle. 4.

*Ce que doit
faire vn qui
est tenté des
pechez.*

cesser la passion qui est en moy, & ie n'y aquiesce point,
 & si ie voy q̄ Dieu y est present, il fera donc bien plus ap-
 paizer & cesser la passion, comment? feras tu cela deuant
 Dieu? deuant les Anges? Il fault tousiours auoir la me-
 moire de Dieu deuant les yeux, comme il hait peché, &
 qu'il a préparé la peine eternelle pour les pecheurs: en
 pensant à cela, à la verité ie n'aquiesceray à la tentation
 ny passion qui est en moy: Il n'y a si grande affection que
 si on voyoit vn feu préparé pour estre mis dedans apres
 auoir aquiescé à la tentation, qu'incontinent ne cessast.
 Vn homme qui est baillé pour ses malfaits à mettre au
 feu, il n'a point d'autre apprehension que ceste peine, il
 ne se soucie pas d'auarice, de paillardise: aussi si nous a-
 uions ceste apprehension d'estre punis eternellemēt, ou *Celuy qui*
 de penser que Dieu est present cōme iuge, tenant vn cou *est tōbé en pe*
 steau pour nous iecter au feu d'enfer, à la verité les ten- *ché s'il n'a*
 tations n'auroyent pas telle vigueur en nous comme el- *memoire de*
 les ont. Et quand ie suis tombé par peché, si ie n'ay me- *Dieu, i'ama*
 moire de Dieu, i'amaie ie ne me releueray. Et si l'homme *ne se pourra*
 pensoit que Dieu dit, conuertissez vous à moy, & ie me *releuer.*
 conuertiray à vous: *Et quoties ingemuerit peccator, omnium* *Ezech. 20.*
iniquitatum suarum non recordabor S'il auoit memoire de
 la bonté de Dieu, & de sa misericorde: cela luy feroit re-
 uenir le cuer: & pourtant si nous sommes tombez, pour
 nous releuer, il fault auoir confiance en nostre sauueur,
 & la memoire comme auoit Noé: & i'amaie ne nous de-
 laissera ny se fâchera d'estre avec nous, ny nous avec
 luy. Il nous semblera que dix ans ne durerōt pas vne heu-
 re. Venez ça, vous auez esté aucunes fois en quelque com-
 pagnie bonne avec vn homme de bien par vn iour, quād
 il s'en sera alé vous direz: sa bonne compagnie me plaist
 bien, il ne m'a point ennuyé de luy. I'eusse bien voulu
 que le temps eust esté plus long: on dit cela de l'homme,
 & s'il y a quelque bien en l'homme, il vient de Dieu. Si
 nous cōsiderons l'homme seulement en soy ce n'est rien,
 & n'en sçauroit on tirer aucū bien, non plus que de l'eau
 d'vne pierre. L'hōme en tout l'exterieur il peut estre hy-
 pocrite, & pour ce bien exterieur nous le reputons, & ie
 voudrois bien tousiours estre avec luy, & me fâche

Troisiesme lundy

*D'ou vient
que le sermō
est brief à vn
& trop long
à l'autre.*

d'en estre séparé. Il fault donc bien plus auoir au cuer la separation de Dieu, quand ie pense à ce qu'a dit cest homme, le desir croist pour le chercher. Il fault donc plus auoir la memoire de Dieu. Quand quelqu'un prend plaisir au sermon, il dit, ie pense que le sermon n'a pas duré vne heure. Vn autre dira, il m'a bien ennuyé, le sermon a esté long. D'ou vient cela ? c'est que l'un y prend plaisir & non pas l'autre, & par ainsi il fault tousiours auoir la memoire de Dieu, & penser au colloque de Dieu, & vous prendrez du confort. Ce que vous auez & prenez des hommes, Dieu leur donne pour le vous bail-
ler. Et pour le merite d'une personne, Dieu a fait faire quelque chose de bon. Par vn meschant, il a fait parler l'Anesse de Balaam, il a fait prophesier Caïphe, qui ne valoit rien. *O Mater Dei !* que Dieu est bon, faisons bien pour l'amour de luy, exerçons nous à nous rendre tous insensibles des hommes, & de la terre. Ne sentons que Dieu, lequel parle par l'homme, car l'homme est charnel, oublions tout pour auoir l'exercice de la memoire de Dieu. Je voudrois que ce fust le plaisir de Dieu que nous fussions tous rendus insensibles de toute creature. Quand nous sentons la consolation d'un homme, oublions cest homme, & pensons à Dieu, qui parle par cest homme, cela sera bon. Noé a cheminé avecques Dieu : Chrestiens, n'alez point sans ceste compagnie, soit que vous aliez dîner ou souper en la maison, ayez tousiours la memoire de Dieu, laquelle vous gardera de tomber. Noé accompagné de Dieu a esté fort agité : & combien de temps ? L'espace de cinq cens ans : sa foy, sa vertu a bien esté approuuée & agitée, car il estoit seul qui voulust viure selon Dieu. Regardez combien il a eu d'affaux. Vn homme qui est seul de son opinion sera moqué, on le monstrera au doigt, on dira que c'est vn homme insensé, & que c'est faute de bon cerueau. Si quelqu'un desprise les plaisirs & voluptez comme a fait Noé, incontinent on dira, c'est faute de bon esprit & de bon cerueau, ce n'est qu'un simplet, un idiot : ce sont des affaux que Noé a eu, mais pour cela il n'a point succombé. Au bout de cinq cens ans,

*Celuy qui
desprise les
plaisirs du
mōde, de luy
est estimé
idiot.*

Dieu a dit à Noé qu'il destruyroit tout par le deluge, les hommes & les bestes. C'est vne grande tentation, aussi grande qu'elle a esté en Abraham, quand Dieu luy a cōmandé de luy immoler son fils Isaac, c'est à vn homme vertueux d'auoir cōpassion d'autrui. Quand Dieu vouloit destruire ceux de Sodome & Gomorrhe, Abraham luy disoit, he! Seigneur, voulez vous tuer le bon avec le mauuais? Sire, que voulez vous faire? Et s'il y en auoit trēte, vingt, ou dix, gens de bien, ne leur pardonneriez vous pas? ouy. C'est vne grāde tentation à vn homme de bien, quand il voit que Dieu se courrouce. Noé voyant Dieu fort courroucé, il estoit grandement molesté & passionné. Voyla Dauid qui ploroit Absalon c'est la nature des gēs de biē de plorer la calamité de leur prochain. Dauid ploroit la mort de son fils Absalon, disant : *Abisalon, fili mi, quis dabit mihi vt moriar pro te?* Ainsi S. Paul ploroit voyāt les personnes esloignées de la croix de nostre Seigneur, & tous alienez. Il fault biē estimer q̄ Noé a ploré la faulte des hommes. Encores plus quād Dieu luy a cōmāddé de faire l'arche, c'estoit vne autre tentatiō & examen de sa foy. Tout ce qui est escript c'est pour nostre doctrine. L'escripture dit & nous enseigne que la foy & iustice des hommes a tousiours esté approuuée & tentée par diuerses tribulatiōs. Abraham a esté tenté & tous les amis de Dieu. C'est la sentēce de la bonne Iudith voyāt la ville de Bethulie assiegée d'Holofernes: *Memores esse debent quomodo pater noster Abraham tantatus est, & per multas tribulationes tētatus, Dei amicus effectus est: sic Isaac, sic Moyses, & omnes qui placuerunt Deo per multas tribulationes, transierunt fideles*, c'est le moyē d'aller en paradis, comme dit saint Paul: *Quis est filius quem non corripit pater? Quem enim diligit Deus, castigat, flagellat autē omnem filium quem recipit*. Celuy qui vit sans tribulation, il est hors de l'expectation de la vie eternelle, il est bastard. Il n'a point d'attente aux biens de son pere : *Quod si extra disciplinam estis cuius participes facti sunt omnes, ergo adulteri & non filij estis*. Si vous estes hors de la discipline de Dieu, c'est vn tesmoignage que vous estes enfans bastards, id est, vous n'avez pas part en l'heritage de Dieu : mais quand Dieu

C'est la nature des gens de bien, plorer la calamité de leur prochain.

Iudith. 8.

Hebr. 12.

Hebr. 12.

Troisiesme lundy

Quand Dieu nous enuoye des tribulations c'est vn signe d'amour.
Heb. 12. vous enuoye des tribulations, c'est vn tesmoignage de son amour & de la vie eternelle, qui engendre vn grand fruit de paix, comme dit Sainct Paul : *Fructum pacatissimum exercitatis per disciplinam reddet iustitia.* Tous les gēs de bien ont esté tentez, comme Abraham, Isaac, & Iacob. C'estoit vn homme de bien que Iob : & qu'en sçauoit on ? quel tesmoignage Dieu a il donné de la bonté de Iob ? il a donné congé au diable de le tenter. Que disoit Iob ? Dieu soit loué, il louoit Dieu, il n'a point murmuré ne dit vne folle parolle. Qui a donné tesmoignage de Iob ? sa tentation. Ce que le diable luy a fait, luy est retourné à son prouffit : il a dit, *Sit nomen domini benedictum.* En toutes choses il a dit, loué soit Dieu.

Iob. 1. Dieu nous monstre plus grand signe d'amour ne^s enuoyāt aduersité que prosperité.
2 Reg. 12. Dieu nous monstre plus grand tesmoignage d'amour, en nous enuoyant des tribulations, que prosperité, & que si tout venoit au gré & souhait. O ie ne l'entends pas : ne voyez vous pas que quand le pere regarde à son enfant de pres, c'est vn signe que c'est son fils ? Si c'est son fils, c'est donc son heritier : du bastart il ne s'en soucie pas. Aussi quand Dieu nous tient liez & regarde à nous de pres, il nous donne des verges : comme à Dauid incontinent qu'il a failly, il a eu de la verge. Il a esté adultere, & a fait tuer Vrie, pour couvrir sa meschanceté. Incontinent apres Dieu a enuoyé le magister, c'est à sçauoir le prophete Nathan, pour iceluy corriger. Apres aussi qu'il a fait nombrer son peuple, tout subit le magister est venu, c'est à sçauoir le prophete Gaad, pour en faire la correctiō : *Filius, qui ex te nascetur, morietur.* Et puis on dit : O mon pere regarde de plus pres sur moy : c'est signe que vous estes son fils, son heritier : aussi quand Dieu prend garde sur moy, il m'enuoye de la tribulation. N'entendez vous point qu'il est vostre pere, & que vous estes son enfant, & par consequence vous estes son heritier ? La possession des Chrestiens, c'est la vie eternelle. Si nous estions bons Chrestiens, iamais nous ne ferions en ioye, sinon quand nous sommes au comble de tribulation, en esperance que les pechez sont purgez & effacez par les tribulations qu'on endure patiemment.

Les pechez sont purgez par les tribu- Mais nous nous resiouyssons quand toutes noz affaires

se portent bien. Et quand il aduient quelque tribulation ou aduersité, nous sommes plus faschez: il ne se fault point fascher sinon que quand on a offensé Dieu. Soyez desplaisants de vostre offense, ou de l'offence d'autrui: non pas des tribulations. Voyla vn heritier de grosse maison, de mille, ou deux mille liures de reuenu, il se resiouyt. Et vous, ne pensez vous point que vous estes heritiers? Et de qui? de Dieu. Qui est mon coheritier, c'est Iesus Christ. Je suis participant avec luy en l'heritage de la vie eternelle. Si i'estois en enfer, & ie pensois à cela, ie ne sentirois point la peine d'ēfer, ie serois biē heureux si cela se pouuoit faire, par maniere de dire. Nous y deuons pēser. Voyla monsieur saint Paul, il se glorifie en ses tribulations: *Libenter gloriabor in infirmitatibus meis.* *latiōs qu'on endure patiemment.*

Il ne fault point prendre d'autre gloire que ceste là. Je suis heritier de Dieu, comment le cognoistrez vous? car i'ay rousiours des tribulations, ie n'ay repos ny patience. Demandez la à Dieu, il la vous donnera, c'est le Dieu de patience, sa grace est pres, demandez la: Nous apprenons de Noé que la foy, la iustice d'une personne est approuuée par tribulation. L'homme passera par l'eau & le feu, sans aucune nuisance, c'est à dire que les tribulations ne luy nuiront point, mais luy prouffiterōt à la vie eternelle. Et apres la tribulation voyez la douceur de Dieu. *Absterget Deus omnem lachrymam ab oculis sanctorum.* *2. Cor. 12.*

Il essuyera voz yeux, comme faiēt la mere à son enfant: c'est amour qui luy faiēt faire cela. Aussi nostre Seigneur nous essuyera les larmes de noz yeux. Apres tribulation il nous donnera paradis. Il dit: *Vos autem estis qui per mansistis mecum in tentationibus meis, & ego dispono vobis sicut disposuit mihi pater meus regnum, vt edatis & bibatis super mensam meam in regno meo: & sedatis super thronos iudicantes duodecim tribus Israel.* *Apo. 21.*

Il fault penser à cela, sy exerciter. De dire ie veux aller à Romme, & ie ne bouge d'icy, ie n'y seray iamais. Il se fault experimenter, par experience les membres seront plus habitez à besongner. Vn homme au commencement qu'il apprend son mestier, cela luy est difficile: mais par l'habituacion & par grande frequence de besongner, l'acte de besongne luy

Apres tribulation, Dieu nous donnera paradis.
Luc. 22.

Troisiesme lundy

est rendu facile. Aussi il vous fault exerciter en bonnes
euures, en la continuelle memoire de Dieu, & petit à pe-
tit vous viendrez à vous habituer, tellement que cela
vous sera facile. Quand nous sommes tentez, incontînât
ayons la memoire de Dieu, & nous surmonterons la
tentation. Vous voyez quand vn enfant est endemené,
semillant, son pere le lie pour s'arrester: aussi mettez pei-
ne, prenez garde sur vostre esprit, ayez tousiours l'œil
dessus, qu'il ne soit distraict de la memoire de Dieu. Ne
permetez point venir chose qui nous puisse distraire d'i-
celle, vostre esprit viendra s'habituer. Mais il y a de la dif-
ficulté: ouy bien, comme dit Aristote: *Virtus circa dif-
ficile versatur.* Il ne fault reputer difficile ce qu'on peult

Dieu nous surmonter par la grace de Dieu. Il nous inuite & s'of-
inuite, et s'of fre à nous: *Venite ad me omnes qui laboratis, &c.* Je ne me
fre à nous. scaurois contenir. Je sçay bien que ie ne le pourrois pas

faire de moymesmes, de ma vertu, *quia nemo potest esse cō-
tinens nisi Deus dederit.* Mais demandez le à Dieu, croyez
qu'il le peut, & le veult faire. Et alors il vous fera facile
par la grace de Dieu, il n'y a rien impossible à l'homme
par nature, que Dieu ne puisse faire par sa grace. Dieu a

Gene. 7.

dit à Noé: *Ingrederet tu & omnis domus tua in arcam: te enim
vidi iustum coram me in generatione hac.* Notez que le iuste

S. Chrysost.

est tousiours deliuré de maulx & tribulations, soit de
la tribulation du corps, ou de l'esprit. Sainct Chrysosto-
me. *Quod ab alio iustus patitur, aut amplioris remuneratio-
nis, aut grauitate delicti Deus compensat.* Dieu a enuoyé le
deluge, par lequel tous les hommes ont esté perdus: ex-
cepté Noé & sa famille: mais ses enfans ont esté de-
liurez pour l'amour de leur pere, ie croy que les enfans
de Noé n'estoient point addōnez aux pechez de la mul-

La premiere titude: car ils auoient vn bon pere. La premiere chose
chose qu'on qu'on doit apprendre à vn enfant de la mammelle, c'est
chose qu'on la craincte de Dieu, & apres il prouffitera biē. Aucunes-
doit appren- fois il veult aller quelque part, qu'il n'y aille point sans
dre à vn en- vostre congé. Et vous meres, si vous voyez à vostre fille
fant, c'est la des manchérons, brasselets, &c. demandez luy ou elle
craincte de a prins cela, vous y deuez bien prendre garde. Sainct
Dieu. Chrysostome dit vne bonne sentence: *Omnium malorum*

S. Chrysost.

Chrysostome dit vne bonne sentence: *Omnium malorum*

occafio est quòd in minoribus delictis correctio non adhibetur:
 Car on vient des petites fautes aux grandes . Vous laissez parler vostre fille à ie ne sçay qui, ne permettez point cela . S'il vient parler à elle , que ce soit tout hault. Vous n'avez pas moins à faire qu'en religion , ou les religieuses sont encloses . Et neantmoins s'il est besoing de parler à elles , la maieure y est presente , ou deux ou trois de la dedans. Et vostre fille n'est point enclose, combien plus doit elle auoir vne garde ? Refrenez ce desir d'estre iolies : n'ayez rien de superflu . Et si vostre fille vous demande, dictes luy : Voulez vous estre autrement que moy? Vous suffise d'estre ainsi comme ie suis. Noé a bien gardé ses enfans . Saint Augustin dit qu'un pere de fa-
 mille , c'est comme vn petit Euesque ayant superinten-
 dence sur sa famille , pour les conduire en la crainte de
 Dieu , & sçauoir si ses enfans vont au tripot , au lieu
 d'aller à la Messe, & au sermō les iours de festes, & y en-
 uoyer aussi voz seruiteurs , si vous le pouuez faire com-
 modement : car ils sont faicts à l'image & similitude de
 Dieu. Et si les seruiteurs voyent leur maistre & maistresse n'aller pas à leur Messe parrochiale, ô quel scandale! Et le Curé ne doit point permettre cela : Et d'autant qu'ils sont plus grands , tant plus se doiuent ils trouuer à leur Messe parrochiale, pour monstrier exemple aux autres. Et le Curé leur doit moins donner de congé qu'aux petits. Si vn manouurier n'est à la Messe de sa parroisse, on n'y prend pas garde, comme à vn coq de parroisse. i. comme à vn monsieur. Noé a gardé ses enfans qu'ils n'ont poit esté mauuais de l'extreme malice des autres. Voyez vous la bonté de Dieu, il a sauué les enfans de Noé, pour le merite & la bonté de leur pere : & Salomon pour l'amour de Dauid : il a aussi sauué la ville de Segol, pour l'amour de Loth . Et pour le bien de l'un, il a sauué vn autre. Pour l'amour de Dauid , il a gardé la ville de Ierusalem: *Propter me & seruum meum Dauid protegam ciuitatem.* Apres il est dit que Dieu a faict entrer Noé en l'arche , & il luy a fermé l'huis par dehors. Quand nous voulons estre bien asseurez , nous fermons l'huis sur nous . Notez que Dieu asseure tousiours ses seruiteurs

S. Augustin.
Fort belle doctrine pour les peres & meres enuers leurs enfans, et seruiteurs.

Troisiesme lundy

Dieu assure au grand comble des maux. Cela est tousiours demon-
tousiours ses stré par ce qu'il a fermé l'huis par dehors,quãd les eaues
seruiteurs au estoiet plus de quinze couldées par dessus les plus hault-
grãd comble tes montagnes. Tousiours le iuste est assuré: *Quia oculi*
des maux. *domini super iustos*. Dieu assure le iuste en tribulation:
Psal. 33. comme il assura Noé en l'arche. Voulez vous veoir en
 assurance Daniel? au milieu des lions il louë Dieu: &
 les trois enfans en la fournaise, au lieu de crainte ils chã-
 tent, Dit saint Chrysostome, que de la fournaise, ils en
 font vne Eglise: car ils conuoquent toutes creatures à la
 louange de Dieu: *Oculi domini super iustos*. Le iuste est
Psal. 33. tousiours assuré. Vne fois saint Martin estoit entre la
 main des brigands, & vn d'eux luy mist l'espée sur la gor-
 ge, il luy demande s'il n'auoit pas eu grand peur, il respõ-
 dit, iamais ie ne fus plus assuré. Qui l'assueroit ainsi? *O-*
culus domini. Si ie pèse que le Roy me porte bon vouloir,
 ie ne craindray personne: & le bõ vouloir de Dieu, n'est-
 ce pas plus grand chose? N'assurera il pas plus l'homme
 iuste en tant de maux & tribulations? Dit Dauid: *Dom-*
ine vt scuto bonæ voluntatis tuæ coronasti nos. Seigneur vostre
Psal. 5. bõne volonté me sert de bouclier à l'encõtre des maux.
 Et comme dit saint Paul: *Quis accusabit aduersus electos*
Rom. 8. *Dei*? Et saint Pierre: *Quis est qui vobis noceat si boni æmu-*
1. Petr. 3. *latores fueritis*? Qui est-ce qui osera entreprendre de mal
 faire aux iustes & esleus de Dieu? Il n'y a creature qui leur
Taschõs que puisse mal faire. Et pourtant, taschons à auoir l'œil
Dieu ait de Dieu sur nous, & son bon vouloir. Nous mettons si
tousiours grand peine à auoir la grace & faueur des Rois, des prin-
l'œil de son ces, & nous y perdons tout, il ne cõuste pas tant à auoir
aide sur no la grace de Dieu. Premièrement nous sommes assurez
Prou. 23. de son pouuoir, & de son vouloir, il dit: *Probe mihi cor*
Psal. 44. *tuum*. Mon enfant baillez moy vostre cueur. N'aymez au-
 tre que moy, afin que ie face vostre volonté, comme dit
 Dauid: *Voluntatem timentium se faciet*. Dieu s'accommo-
 de à ceux qui le craignent. Elie seruiteur de Dieu, il
 craint Dieu, aussi Dieu ne fait rien sans luy. S'il est que-
 stion d'auoir de la pluye, Dieu n'en donnera point si E-
 lie ne parle: il fut trois ans & demy sans plouuoir. On se
 plaignoit à Dieu: il respond ie ne puis rien faire sans E-

lie. Par maniere de parler, Dieu se gouuerne par son ser-
 uiteur. O quelle assurance c'est là! Comme quand l'Em-
 pereur vint en France, le Roy se remist en luy de confe-
 rer les benefices & offices. Dieu faict ainsi à sa creature.
 Il se remet de son autorité, par maniere de parler. Com-
 me quand vous dites à quelque amy que vous auez chez
 vous: faictes comme si vous estiez en vostre maison. Ios-
 ué estant en bataille, ne cōmanda il pas au soleil de s'ar-
 rester? Et le soleil obeist à Iosué: tellement qu'il n'y a
 point eu de si lōgue iournée que ceste-là. C'estoit Dieu
 qui obeissoit par le commādement de l'homme, de son
 seruiteur Iosué. Cela faict prēdre courage d'aimer Dieu
 sur toutes choses. Ceste autorité n'est elle pas plus grā-
 de que l'autorité d'un Roy, ou d'un Empereur? Mais
 nous sommes si meschans, que Dieu ne nous est rien.
 Nous ne pensons & n'auōs esgard qu'à cest homme. *Sed*
maledictus qui confidit in homine. Dit saint Iean Chryso-
 stome: Dieu desire d'estre aimé de nous, & en faict gran-
 de estime quand nous l'aimons. *Pro magno ducit à nobis*
diligi. Il veult qu'on cognoisse que nous l'aimons: car ce-
 la vient à son honneur. C'est la cause pourquoy Dieu
 cōmanda à Abraham d'immoler son fils Isaac. Dieu sça-
 uoit bien & cognoissoit l'amour qu'Abraham luy por-
 toit: mais le peuple ne le sçauoit pas. Et pour-ce il dit:
Nunc cognoui quod timeas Deum. i. cognoscere feci. Dieu luy
 a commandé de faire vn euure public & manifeste, afin
 qu'on cogneust l'amour & hōneur qu'Abraham luy por-
 toit. Aymons donc Dieu & acquerons sa grace. Et d'au-
 tant qu'il est plus facile de l'auoir, d'autant en est plus
 dangereuse la negligence, & plus grand comment Dieu
 iecte son œil, son regard sur l'homme iuste, & comment
 il le garde: tellement que le iuste est assuré en grande tri-
 butation & aduersité. Prions le donc qu'il nous regarde
 de son œil de misericorde, & qu'il nous donne sa grace
 en ce monde, & sa gloire en l'autre. *Ad quam nos perducatur,*
qui sine fine vivit & regnat, Amen.

3. Reg. 17.
 Par manie-
 re de parler
 Dieu se gou-
 uerne par son
 seruiteur.

Iere. 17.

Gen. 22.

Dieu iecte
 son regard
 sur le iuste.

Troisiesme mardy

Pour le troiesime mardy

de l'Aduent.

Rom. 15.

Q*Uæcunque scripta sunt, ad nostram doctrinã scripta sunt.* Nous disions hier, que nostre Seigneur au temps de tribulation garde tousiours les iustes & les

Prou. 11.

Psal. 40.

siens: comme il a gardé Noé avec sa famille au temps du deluge, & Dieu a pourueu à Noé d'un remede pour eschapper le deluge. Il luy fit faire vne arche pour le sauuer, luy, sa femme & ses enfans. Il n'y en eut seulement que huit sauuez. L'escriture dit, *In iustis de angustia liberatus est.* Nostre Seigneur tousiours deliure de mal le iuste: *In die mala liberabit eum dominus.* Et le pourueoit en telle sorte que quelque chose qui luy aduiene, il n'a point de dommage. Le deluge n'a point porté de dōmage à Noé.

Puis que tri-
bulation ny
aucun ennuy
n'apporte
point dōma-
ge aux iustes
il fault que
nous mettiōs
peine d'estre
sels.

Car Dieu a tousiours soing des iustes. Cela est pour nostre doctrine. Veu que Dieu pourueoit & a soing des iustes, & que les calamitez de ce monde & tribulations ne leur portent point de dōmage: il fault que nous mettiōs peine d'estre iustes & acquerir iustice deuant Dieu. Faisons bien & fuyons le mal. Car Dieu contemne le mauuais: & les gens de bien & iustes sont en la protection & sauuegarde de Dieu: comme dit le Sage: *iustorum anima in manu Dei sunt, & non tanget illos tormentum malitie.* Il fault donc prédre courage de viure à l'exemple de Noé: car tout cela est pour nostre doctrine. Dieu a dit à Noé: ie veux perdre tous les hommes de dessus la terre: mais ie te garderay. Fais vne arche pour toy & pour ta famille. La raison? *Te enim vidi iustum coram me.* I'ay veu que tu es iuste, & pource ie te garderay, & destruiray les autres: i'extermineray leur memoire: mais quant est de toy ie t'ay veu estre iuste. *Te enim vidi iustum.* L'escriture nous mōstre qu'il y a deux manieres de iustice. Il y a vne iustice qui est deuant l'homme, & vne iustice deuant Dieu. Voila vn homme aujourd'huy mondain: il fait bien ce que veut son maistre. Que dit son maistre de luy? Il dit, i'ay vn bon seruiteur, ie l'ay cogneu fidele & loyal seruiteur: il s'employroit pour moy iusques à la mort. Et s'il

aduiét que ie ne vueille acquiescer ny obtēperer aux dits de l'hōme. il dira que ie suis ingrat. Ie ne luy veux pas acquiescer afin que ie n'offēse point Dieu. Et si ie luy veux obēir pour auoir sa grace, il dira que ie seray homme de biē, Et ainsi si toute ma vie est cōduite par dehors exterieuremēt que ie ne face riē, en quoy mon prochain me puisse calomnier, & mon cueur est tout cōtraire à l'exterieur, Prenez que ie sois hypocrite, cōme les Pharisiēs & Scribes, qui sembloiēt estre gēs de biē, & ils estoiet semblables aux sepulchres bien parez par dehors : mais par dedās ils sont pleins d'ossemēs de morts & d'infection. Aussi vne personne, quāt à l'exterieur, a vne maniere de bien viure, & peult estre dit bon seruiteur de Dieu : & il peult aduenir qu'il faict tout pour vaine gloire, afin que on die qu'il est hōme de biē, cōme nostre Seigneur dist des Iuifs : *Populus hic labiis me honorat: cor autē eorū longē est à me.* Ie pourray prescher, & vous direz: il ne demāde que l'hōneur de Dieu, & le salut des hōmes. Cela est bō: mais si mon cueur ne respōd à l'exterieur, ie suis meschāt deuāt Dieu. Mais si i'ay bō vouloir, mō euure exterieur est acceptable deuant Dieu, & meritoire de la vie eternelle. Dieu regarde à l'exterieur, mais si l'interieur ne vaut riē Dieu ne préd point l'exterieur. Aussi nostre seigneur reprēt les Scribes & Pharisiens, pource qu'ils sont pleins de dol & de malice *Va vobis Scribe & Pharisei.* Malediction sur vous. Dōc celuy qui a l'exterieur bon rāt seulemēt, il n'est pas pour cela recōmandé deuāt Dieu: neantmoins il est iuste deuant les hōmes, mais ce n'est pas assez. Il y a vne iustice qui est deuant Dieu, c'est auoir en son cueur foy, esperāce & charité. Quand nostre cueur est plein de ces trois vertus, nous sommes iustes deuāt Dieu. Il peut estre qu'un homme sera iuste deuāt les hommes, & il sera meschant deuant Dieu. Tresbiē le dit S. Luc. *Quod altum est hominibus, abominatio est apud Deum.* Dieu abhorre souuent ce que les hommes ont en reputation. Notez quand vous voulez faire des euures de vertu, ne demandez que l'hōneur de Dieu, & l'edification de vostre prochain. Aucunesfois on est tenté de vaine gloire, on est en recommandation pour auoir faict de bonnes euures

*Si l'intention
& vouloir
de l'homme
est bō l'euure
exterieur est
plaisant à
Dieu & me-
ritoire de la
vie eternelle.*

Troisiesme mardy

car vertu est tousiours recombädée. Quand on est ainsi agité & tenté, il fault penser & dire en soy mesme, & biē ie suis reputé deuant les hommes estre homme de bien, mais ie ne suis pas certain si Dieu me loüe & accepte mō euure: & bien, si i'ay bien faict, l'honneur & la louange en soit à Dieu viuant: & quelque bien qu'on die de moy, il est possible que Dieu l'abomine. S. Paul en l'epistre de dimanche dernier dit, *Nihil mihi conscius sum: sed non in hoc iustificatus sum.* Ie ne sens point de faulte en moy, toutesfois pour cela ie ne me glorifie pas, pēsant que ie sois iuste ie n'en refere le iugement aux hōmes. A qui donc?

En toutesnoꝝ
bōnes euures
il fault don-
ner gloire au
Dieu viuāt.

1. Cor. 4.

A Dieu, *Qui me iudicat dominus est.* Si les hōmes trouuent bon mon euure, & bien, loué soit Dieu, non pas que i'en vueille gloire, car elle appartient à Dieu. Quant est de moy, ie ne me sens coupable de rien, ie fais de bonnes euures: ie n'en veux pourtāt rien dire, ny me iustifier, ny glorifier. A qui doncques voulez vous vous arrester? A Dieu, non pas à moy. Car comme dit le Sage. *Est via que videtur homini recta, & in nouissimis eius ducunt ad mortem.* Nostre interieur est si caché, que nous ne le cognoissons point. Il nous fault tousiours craindre & peu esperer. Il fault craindre que ne soyons surmontez de vaine gloire, ou d'elation de cuer. Ce n'est pas à nous de iurer, ny affermer que nous soyons gens de bien. Il y en a aucuns si indiscrets, qu'ils louent vne personne en sa presence: cela est laid. Il en fault plus estre marry, que si on disoit mal de nous en nostre presence. Ie ne veux pas donner occasion de dire mal de moy: mais il y a plus de danger, que si ie m'oyois blasmer & vituperer: car en cela i'ay matiere de m'humilier & de penser que ce n'est rien de moy, car i'estimoye auoir bien faict, & ie veoy tout le contraire. Mais quand on dit bien de moy, ce m'est matiere d'elation & orgueil. C'est vn peché si subtil que vaine gloire. Car la matiere de gloire c'est vertu. Ce peché de vaine gloire s'engendre en l'homme comme le ver & la tigne au vestement. Et pource il se fault bien dōner de garde quand on est stimulé de vaine gloire. Pensez à ce que dit saint Paul. *Quid habes quod non accepisti?* D'auantage tu penses auoir bien faict, par aduenture que Dieu

On ne com-
met pas son
corps à gua-
rir à vn me-
decin igno-
rant.

abhorre

abhorre ton euvre . O ie ne sens rien de mal en ma conscience: Vous n'estes pas iustificié pour cela. Ainsi, il se fault exercer: car le diable est cault & malicieux. *Habet mille nocendi modos. Circuit querens quem deuoret.* Si nous auons offensé, amendons nous: Faisons penitence, & proposons par la grace de Dieu. de n'y retourner plus. Or dōc, Noé estoit iuste deuant Dieu, non pas deuant les hommes: il estoit persecuté en son ame, car il ne vouloit suivre le chemin des autres. Il estoit tout seul qui cheminoit en la reigle & voye de Dieu. Les autres le persecutoient & se mocquoient de luy, neantmoins, il estoit iuste deuant Dieu. Celuy qui veut bien viure, il doit aimer mieux mourir que d'acquiescer, non seulement à mal, mais aussi à vne chose douteuse. Aussi, il est iuste deuant Dieu. Tenons bon. Si Dieu se complaist en nous, & qu'il dise, ie vous aime, ie vous ay tousiours trouué fidele & loyal seruiteur en mon seruice, & si tous les hōmes dient le cōtraire n'en tenez compte: car la iustice des hommes ne me fera pas homme de bien, ny ne me sauuera pas: & si les hommes dient que ie suis vn mutin, vn seditieux, & neantmoins ie ne le suis pas, cela ne me peult nuire. Il se fault tousiours garder d'offenser, & tenir bon pour la querelle de nostre Seigneur: comme a faict Noé qui estoit iuste. Il n'a point fleschy à dextre, ny à senestre. En ceste maniere estoiet iustes, Zacharie, & Elizabeth, comme dit saint Luc: *Erant autem ambo iusti ante Deum.* Ne demātons point à estre iustes deuant les hommes, mais deuant Dieu, c'est vn bon party pour Noé, quand Dieu luy a dit: Ie te veux garder: La raison? *Te enim vidi iustum coram me.* En cela est confondu l'erreur des meschans heretiques, qui sont cōme enragez: car ils dient que l'homme ne peult faire vn bon euvre agreable à Dieu, mais plustost luy desplait. Ie refere leur insanie & rage, pour monstrier combien ils sont hors de raison. Ils disent, que d'autant plus qu'un homme se repent de son peché, d'autant est il plus hypocrite. Ne sont-ce pas là des propos pour decourager l'homme de bien faire? Et il n'y a si petit enfant qui n'entēde bien leur insanie. Saint Iacques dit: Vous croyez qu'il y a vn Dieu, vous faictes bien, les

On doit plus tost aimer mourir que d'acquiescer non seulement à mal: mais aussi à vne chose douteuse.

*Luc. 1.
Demandons à estre iustes deuant Dieu & nō deuant les hommes.
Gen. 7.*

Iac. 2.

Troisiesme mardy

diabls aussi le croient. En ce qu'il dit: *Bene facis*, c'est bié à dire, qu'il y a difference entre mal faire, & bien faire. Si ie fay bien en faisant penitence, ie ne fay dōc pas mal Et si ie faisois mal, Dieu ne m'inciteroit pas à penitece. La premiere predication de Iesus Christ, c'est penitēce. *Pœnitentiam agite, appropinquabit enim regnum celorum. Item, nisi pœnitentiam egeritis, omnes simul peribitis.* I'allegue ces choses, qui sont bien loing de raison, afin de vous esmerveiller, & considerer combien sont sots ceux qui vont apres ces nouueaux docteurs, & de vaciller ainsi en la foy. Voila Noé qui est iuste deuāt Dieu. Donc il ne faiēt pas mal, car il a la foy, & les bonnes euures qui le iustifient deuāt Dieu, il est dit qu'Abraham, *Ex operibus iustificatus est, offerens Isaac filium suum super altare.* Semblablement, il est dit de Raab, qu'elle a esté iustificēe par ses bonnes euures, quād elle a receu les explorateurs, & les a preseruez de mal. *Videtur quoniam ex operibus iustificatur homo, & non ex fide tantum.* Ceste iustice, qui est deuant Dieu, procede de la foy avecques les bonnes euures, de laquelle foy parle monsieur saint Paul: *Que per charitatem operatur.* C'est la foy viue qui opere par charité. Si vous dites, Noé auoit la foy, aussi ont les diabls: mais ils n'ont pas les euures, *Corde creditur ad iustitiam: ore autem confessio fit ad salutem.* Il s'entend, tout bon euure procedant de la foy de nostre seigneur Iesus Christ, pour rien ne flechir, ne pour menaces, ne pour blandices, tousiours demeurer inflexible, m'accommoder à vn chacun sans offense, si ie ne me puis accommoder avec mon pere ne ma mere selon Dieu, ie laisseray mon pere & ma mere là. Aucunes fois les parens contraignent leurs enfans: Ils acheteront vn estat, vn office à leur fils, pour l'occuper, comme sont ces ieunes estudians qui viennent d'Orleans: Il luy fault acheter vne conseillerie S'il n'en est cappable, il faiēt mal. O mais il s'occupera: ouy bien aux despens des parties. Donneriez vous vostre corps à guarir à vn medecin ignorant qui ne sçait rien? Le croy que vous en garderiez bien: & les peres & meres sont coupables deuant Dieu, & tenus à faire restitution aux parties, qui achètent ainsi les offices à leurs enfans qui ne sont cap-

Matth. 4.

Luc. 13.

Iac. 2.

Galat. 5.
Les diabls
ont la foy,
mais ils n'ont
les euures.

On ne cōmet
pas son corps
à guarir à vn
medecin i-
gnorant.

pables, & celuy qui entre en vn office public, & il n'est pas prest de faire le bien de la chose publique, en faisant son dommage en exposant son corps & ses biens, s'il n'a ceste volonté, il peche & est tenu à restitution des dommages & interests. Et voila d'ou viennent tant de maux. Je me suis mis en vn office pour faire le bien public, & ie fay seulement mon prouffit particulier, pour ma maison augmenter & pour esleuer mes enfans. Il fault premiere- ment faire le bien public, quand on a la charge publi- que, & s'il en demeure, vous en aurez. Autrement, ie mō- stre que ie suis conduit par vne priuée affection : ie sçay bien que Dieu est bien misericordieux : aussi le fault il bien : mais aussi est il iuste, & punira telles manieres de gens à la rigueur : mais les petis compagnons passeront, comme dit le Sage: *Exiguo concedetur misericordia, sed potentes potenter tormenta patientur. Iudicium durissimum fiet his qui presunt.* Mais si ie n'ay vn estat, vn office, ie ne pour- ray pourueoir mes enfans : Cela est demander son bien priué. L'acheteray vn office, pourquoy ? Est ce pour prouffiter au bien public, de mettre vostre corps & tous voz biens, & faire vostre dommage pour faire le bien public? non, mais, c'est afin que ie trouue vne fille riche. Donc, vous cherchez pour faire vostre prouffit particu- lier, & non pas pour faire le bien public. C'est là aller cō- tre la droite fin & intention. Comme l'office du pres- tre, c'est pour seruir à Dieu : & ie me feray prestre pour auoir des benefices: vn hōme aura esté marié, & sa fem- me morte, il se faiēt prestre. Ce n'est pas mal faiēt : mais qui vous esmeut de ce faire ? c'est pour auoir vn benefi- ce, vne abbaye, vne Euesché, cela ne vault rien, ce n'est pas la fin ou l'intention que doit auoir vn prestre pour auoir des benefices : mais pour plus seruir à Dieu, pour porter les pechez du peuple, pour prier & offrir à Dieu sacrifices & oblations pour les pechez, & pour les pe- chez du peuple, pour faire le prouffit d'autrui avecques mon dommage. En ceste maniere, nous n'aurions point tant de pauuretez que nous voyons : mais nous sommes punis par les mesmes affections que nous auons eues. Or Dieu a dit à Noé, fay vne arche pour te sauuer.

Sapient. 6.

*L'intention
de celuy qui
se faiēt pres-
tre doit estre
pour seruir à
Dieu.*

*L'arche de
Noé represen-
te l'Eglise.*

Troisiesme mardy de l'Aduent.

Tout ce qui est escrit, c'est pour nostre doctrine. L'arche de Noé nous represente l'Eglise, & comme tous ceux qui estoient hors de l'arche furent perdus & noyez, & n'y eut que Noé & sa famille qui furent sauuez : car ils estoient en l'arche : aussi tous ceux qui sont hors de l'Eglise Catholique, ils sont hors de la voye de salut : & n'y a que ceux qui sont en l'Eglise qui soient sauuez. Donc, l'arche, c'est nostre mere sainte Eglise : *Extra quam non est salus*. Il n'est pas possible de trouuer nostre seigneur Iesus Christ & son salut, que là. Qu'est-ce que l'Eglise? c'est la congregation des Chrestiens. Qui en est dehors? ce sont tous infideles, Turcs, Payens, Iuifs, heretiques, & les iustement excommuniez: ie dis iustemēt excommuniez, car celuy qui est iniustement excommunié, qui n'a pas fait le parquoy, il doit estre excommunié, & mis hors de l'Eglise, sinon quant à l'exterieur il est ainsi presumé: mais quant au merite, il n'est pas hors de l'Eglise. Toute excōmunication est à craindre, & c'est ce qu'on dit: *Sententia pastoris, siue iusta siue iniusta, timenda est*. La sentence est iniuste, quand celuy qu'on excommunie n'a pas fait la cause, car la cause d'excōmunication, c'est peché mortel, avec contumacité: Si ie suis iniustement excōmunié, ie me garderay de venir à l'Eglise, à la communauté, à la congregation des Chrestiens: mais quant à Dieu, ie ne suis point separé, ne priué des biens & merites de l'Eglise. Or les excōmuniez sont hors de la congregation des Chrestiens, & ceux qui demeurent en l'vñion de la loy de nostre mere sainte Eglise, sont en la voye de salut. C'est l'arche de Noé, *Extra quam non est salus*. Hors laquelle il est impossible de trouuer son salut. Mais ou est ceste arche, ceste Eglise & la foy catholique? L'heure ne le donne, que nous le puissions dire, c'est pour demain. Nous prions nostre Seigneur qu'il nous donne sa grace en ce monde, & à la fin sa gloire eternelle, Amen.

La cause de
excommuni-
cation est pe-
ché mortel a-
vec contuma-
cité.

Pour le troiefme mecredy
de l'Aduent.

Q *Uacunque scripta sunt, ad nostram doctrinam scripta Rom. 15.*
sunt. Nous voyons à l'exemple de Noé, que le iuste a tousiours secours & aide de Dieu, & le mauuais & iniuste, est destruiât & exterminé. Nostre seigneur Iesus Christ a l'œil continuel sur le iuste, pour le garder & conduire qu'on ne luy face mal: & quand on cuide plus faire de mal au iuste, c'est quand il reçoit plus de bien de nostre Seigneur Iesus Christ: mais il n'y a que celuy qui aime Dieu qui entende cela. L'homme charnel ne peult entendre que Dieu aide & secoute le iuste en ayant des tribulations & aduersitez: & toutesfois, c'est quād Dieu est plus avec luy, & qu'il le cōsole plus. L'hōme spirituel l'entend bien. *Quia omnia diiudicat*, & l'homme sensuel, qui ne peult iuger sinon ce qu'il touche, & ce qu'il veoit corporellement, ne peult entēdre que le iuste soit aidé de Dieu, quand il a tribulation, tellement que ce que l'homme charnel & sensuel estime tribulation, le iuste l'estime prosperité, indicible consolation & repos: & ce que le pecheur estime & iuge consolation & repos, par le faux iugement charnel, le iuste l'estime grāde persécution. Comme de viure à son plaisir, & auoir tous ses soubshairs, il estime cela grande misere & damnation. Le iugement de la chair est faillible: & pour-ce nostre Seigneur dit: *Nolite iudicare secundum faciem, sed iustum iudicium iudicate.* C'est faultre d'auoir bon iugement, que le pecheur estime l'homme spirituel estre vn sot. Et l'homme spirituel estime le charnel estre vn vray fol. To⁹ ceux du temps de Noé, viuans charnellement, estimoiēt Noé vn fol, & sa vie vne folie. Ce iugement là estoit faux, car vrayement Noé estoit sage, car il se sauuoit. L'homme charnel, ne peult entendre cela: mais Noé selon Dieu iugeoit estre vraye folie, de viure ainsi charnellement, & corruptiblement, comme faisoient les hommes de son temps. C'est l'exemple de Noé, qui estoit iuste, que Dieu a deliuré au besoing, & les hōmes sensuels, charnels ont

L'hōme charnel ne peult,
&c.

1. Cor. 2.

Ioan. 7.

Troisiesme mecredy

esté exterminé de la terre. Dieu a enuoyé le deluge vniuersel, auquel tout le monde a esté perdu. Noé seul iuste avec sa famille, a esté sauué & deliuré. Dõc, il fault tenir ceste leçon, qu'à l'exemple de Noé, le iuste est assuré & aidé de Dieu : mais le moyen n'est pas tousiours certain, comme Dieu le veut aider. Il est certain que Dieu nous aidera, mais la maniere comme il nous veut aider, est à nous incertaine. Sainct Pierre qui estoit en prison, lié & enfermé, pour monstrier qu'il ne s'en soucioit pas beaucoup, il dormoit. Il ne prenoit donc gueres la matiere à cuer: aussi, le iuste, en sa tribulatiõ est assuré que nostre Seigneur le deliurera : mais la maniere & le temps que Dieu le veut deliurer, luy est incertain. Comme tainct Pierre, auquel Dieu a enuoyé son Ange, qui luy a dit: *Surge & accipe caligas tuas, præcingere, &c.* Il cuidoit que ce fust vn fantosme, mais apres, il cogneut que c'estoit l'Ange qui l'auoit deliuré : la maniere luy estoit incogneuë. Nostre Seigneur donc veut que le iuste ait certaine expectation de l'aide de Dieu, mais de la maniere, & du temps, qu'il ne s'en soucie point. Je suis assuré que Dieu m'aidera : mais le lieu, le temps, & la maniere comme il me veut deliurer, tout est en sa main. Dieu a déclaré à Noé la maniere comment il le vouloit deliurer: *Fac tibi arcam de lignis leuigatis.* Noé a obey à Dieu, il a fait vne arche pour se sauuer. Hier, nous commençâmes à dire, que ceste arche est la figure del'Eglise catholique: & Noé c'est nostre seigneur Iesus Christ. Noé c'est à dire, repos. Aussi, quand il fut nay, son pere dist, *Iste consolabitur nos ab operibus & laboribus manuum nostrarum.* En cela, il est la figure de Iesus Christ, par lequel nous auõs repos, paix, tranquillité & remission de noz pechez. N'est-ce pas repos & est la figure de nostre Seigneur: & l'arche c'est la figure de l'Eglise que nostre Seigneur a bastie. Et tout ainsi que Noé avec toute sa famille, qui estoient le nombre de huiet, ont esté sauuez en l'arche: aussi ceux qui sont en l'Eglise, sont sauuez par nostre Seigneur, c'est à dire, ceux qui perséuerent en la foy, esperance, & clarté: & ceux qui en sont dehors, ils perissent & seront dânez, s'ils ne font penitence. Il fault

Il est certain que Dieu nous aidera, mais la maniere nous est incertaine.

Act. 2.

Act. 12.

Gen. 6.

Noé est interpreté repos & est la figure de Iesus Christ & son arche figure de l'Eglise.

Gen. 5.

entendre que l'arche, c'est à dire l'Eglise, est bastie de Iesuschrist: Et toute personne qui en est dehors, il est hors de la voye de salut, car on ne trouue point Iesuschrist, si non en l'vnité de l'Eglise. Nous disions hier, que les Payens sont hors de l'Eglise, & les Iuifs qui ne sont baptisez & tous incredulés. Et par ainsi, ils sont hors de la voye de salut, qui est Iesuschrist. Nous ne pouuons estre sauuez que par luy en sa vertu: C'est nostre sauueur, qui nous a merité en son sang, remission de noz pechez, grace & la vie eternelle: Et tous ceux qui sont hors de l'Eglise, ils sont hors de la voye de salut. Et les heretiques facent tout ce qu'ils voudront, leurs eures ne sont point acceptées de Dieu: car ils n'ont point la foy. Et si ne fide, impossible est placere Deo. *Accedentem ad Deum credere oportet quia est.* Il fault croire que Dieu retribue pour le bié, la vie eternelle. Les heretiques ont esté quelque fois de l'Eglise: mais ils en sont chastez hors, par leur peché, aussi sont ceux qui sont vrayement & iustement excommuniez. Je sçay bien que toute excommunication est à craindre, soit iuste ou iniuste. La seule cause pour iustement excommunier vne personne, c'est peché mortel. Et non seulement peché mortel: mais aussi fault qu'il soit cōtumax: *Antequam possit ferri sententia excommunicationis in ipsum.* Nostre seigneur dōne la reigle d'excommunier, quand il dit: *Si peccauerit in te frater tuus, vade & corripe eum inter te & ipsum solum.* Il fault remontrer à son frere Chrestien, s'il peche mortellement, pour le gaigner. Il ne s'entéd pas du peché veniel: car on n'est pas perdu pour cela, on est encores en grace. La correction fraternelle, c'est pour gaigner son frere, qui est perdu par peché mortel. S'il préd bié ce que ie luy dis, ie le gaigne. Apres: *Si te non audierit, adhibe tecum duos vel tres testes, ut in ore duorum vel trium testimonium stet omne verbum.* Et si pour cela il n'en veut rien faire: *dic ecclesie:* Il le faut dire au prelat, au seperieur. Et apres qu'il aura esté admonesté du prelat, & qu'il ne veut obeir, il est pertinax: Alors nostre Seigneur dit, qu'il le fault excommunier. *Si autem ecclesiam non audierit: sit tibi sicut ethnicus & publicanus.* Vous voyez, que le peché mortel avec contumacitè, est la cause

*Les eures
des hereti-
ques ne sont
acceptées de
Dieu, parce
qu'ils n'ont
foi.*

Hebr. 11.

Matt. 18.

Matt. 18.

Troisiesme mecredy

1. Corin. 5.

On n'exco-
munie point
les infideles.

d'excommunier. C'est aussi ce que dit S. Paul : *Fornicator aut auarus, &c.* Par ce qu'il dit: *Frater, id est, christianus* : car on n'exco-munie point les infideles. Et si il y a vn de voz freres chrestiens qui soit fornicateur, auaricieux, detra-cteur, yuongne, ie vous defend cōme ministre de Dieu, que vous ne cōmuniquiez point avec luy, en boire ny en manger. Et en ce chapitre, S. Paul excōmunia vn fornica-teur, qui abusoit de sa belle mere apres la mort de son pe-re. Voyant cest enorme peché, il bailla le fornicateur au diable, pour le tourmenter, afin de le sauuer: *Tradidi hu-iusmodi hominem Satanae in interitum carnis, vt spiritus sal-uus sit in die domini nostri Iesu Christi.* Quand quelqu'un a faict le parquoy il doibt estre excōmunié, il est baillé en-tre les mains du diable, non pas pour le tourmenter cor-porellement, comme du temps des Apostres. I'aymerois mieux que le diable fust en mon corps, que d'estre iuste-ment excommunié, car pour auoir dix milliōs de diables au corps, on n'est pas hors de grace : mais si l'excōmuni-cation est iuste, on perd la grace de Dieu, on est priué de tous les biens de l'Eglise, des prieres & sacremēs. *O mater Dei!* que ceste sentence est terrible: c'est bien pis q d'estre tourmenté corporellement, cōme Iob: car on est priué to-talement des biens & moyens de salut. Il ne faict pas bon estre entre les mains du diable, & estre abandonné de l'E-

Millefois on
succomberoit
en peché, si-
nō qu'on est
participant
des prieres
de l'Eglise.

glise: car mille fois ie romberois & succomberois à la ten-tation, si ce n'estoit l'efficace des prieres & sacremens de l'Eglise. Et l'excōmunication iuste, est celle qui met l'hō-me hors de l'Eglise, qui ne doibt point auoir cōmunica-tion avec les autres en aucune chose. Il y a vn autre excō-munication, qui est iniuste en deux manieres. *Primò*, l'hō-me n'aura point peché: mais on le fera excōmunier pour quelque debte qu'il ne peut pas payer: & si il en auoir, vo-lontiers satisferoit. Telles gens qui le contraignent sont cruels, & immisericordieux: & Dieu leur sera tel à la mort, quels qu'ils ont esté à leur prochain. Et cōbien que ceste excommunication soit iniulte, elle est toutesfois à craindre, & fault garder de communiquer avec les autres. Les docteurs dient, que cestuy là iniustement excommu-nié, n'est point priué des biēs de l'Eglise: la raison est, car

nostre mere l'Eglise, est circonuenue. Ce n'est pas son intention de prier de tout aide ses enfans, s'ils ne l'ont merit  : mais cestuy cy ne l'a pas merit  , car il ne peut payer. Ce n'est pas l'intention de nostre mere l'Eglise, qui est pitoroyable, de priuer son enfant de son aide: mais elle cherche    aider    ses enfans. C'est    s  auoir, prier pour nous, & nous donner les saints sacrements. Et desheritera elle son enfant, sans le parquoy? Il fault qu'il ayt mortellem  t offens  , avec c  tumacit  , au  t qu'il en soit priu  . Et qu  d ie serois ainsi excommuni  , d  t Dieu me garde, ie m'absti  drois en public, de communiquer avec les autres: car (*vt dictum est*) *sententia pastoris, siue iusta, siue iniusta, timentenda est*. Il y a l'autre sent  ce qui est iniuste, de laquelle il ne fault t  nir c  pte, *quia continet errorem manifestum*. Quand il y a erreur intoltable, la sent  ce est nulle. Donc, iustement le prelat peut exc  munier vn homme pour vn pe- ch   mortel, quand il est contumax, & obstin  , & en rien ne sera participant des bien de l'Eglise. C'est le cousteau de l'Eglise, que l'exc  munication. Ceste puissance est bi   plus grande que celle du Roy: car elle concerne l'ame, & la puissance du Roy ne s'estend que sur les corps. Et d'autant que l'ame est plus grande que le corps, aussi est la peine: car sans comparaison, l'exc  munication est plus grande, que toutes les peines du monde. C'est l   vne authorit   d  n  e    ceux qui sont en l'arche de l'Eglise, pour debouter & iecter hors tous les rebelles, & obstinez. Ceste Eglise figur  e par l'arche, a pour son fondement Iesuchrist, qui est le premier & principal, duquel dit saint Paul: *Fundamentum aliud nemo petere potest, pr  ter id quod positum est, quod est Christus Iesus*. C'est le fondement qui soustient tout l'edifice. Il n'est pas seulement dit fondement, mais la pierre angulaire: *Ipso summo singulari lapide Christo Iesu: in quo omnis edificatio constructa, crescit in templum sanctum in domino*. Tout ainsi qu'une pierre angulaire vnist & c  ioinct deux murs ensemble: aussi, pour ce que nostre Seigneur nous vnist en charit  , il est appell   la pierre angulaire. *Ipse enim est pax nostra, qui fecit vtraque vnum*. N'y a-il que luy? non pour le fondement principal, qui par vne authorit   propre, soustient tout

S  l  ce d'ex-
c  munier est
le cousteau
de l'Eglise.

1 Corin. 3.

Ephes. 2.

Troisiesme mecredy

l'edifice: mais nostre Seigneur a mis d'autres fondemēs,

Le principal sont les Apostres qui ne sont pas les principaux: car nostre Seigneur est le principal. Et le principal d'entre eux
d'entre les Apostres, c'est saint Pierre, & le Pape est son successeur.
Apostres estoit saint C'est le fondement, sous les principal fondemēt, qui est
Pierre, & Iesuchrist, par succession legitime. Et cōme nostre seignr
son successeur par sa vertu propre soustiēt l'Eglise: aussi fait le Pape, par
c'est le Pape. la vertu de la parole de nostre seigneur, & administratiō
Ephe. 2. des saints sacremēs, ils conserue l'Eglise & l'entretient.

En ceste maniere, dit S. Paul: *Superedificati super fundamentum Apostolorum & Prophetarū: ipso summo angulari lapide Christo Iesu.* Nostre Seigneur, est le chef & le fondement principal, qui gouuerne l'Eglise, & la soustiēt de sa vertu propre. Mais les Apostres, en la vertu & autorité de nostre seigneur, gouuernēt l'Eglise, & administrēt les saints sacremens. Et ainsi l'Eglise est entretenue, & ce que font les ministres, c'est Dieu qui leur a donné la puissance: ils le font en son nom & vertu. Notez, qu'ainsi q̄ Iesuschrist

Matth. 5. par sa vertu est la lumiere, cōme il dit: *Ego sum lux mundi,* il a appliqué ce tiltre aux Apostres: *Vos estis lux mūdi:* mais commēt nostre Seigneur est il la lumiere du monde? Par

Ioan. 1. sa vertu & autorité: & les Apostres, par participatiō & grace qu'ils ont de nostre Seigneur. *Sed Christus erat lux vera, quæ illuminat omnem hominem.* Ainsi, les Apostres sont

Gene. 6. le fondemēt, apres nostre Seigneur. Mais de quoy est bastie ceste arche, l'Eglise? *Arca est de lignis leuigatis.* Et l'Eglise n'est pas faite de bois: mais de pierres viues, des Apostres, Martyrs & Confesseurs, lesquels ont bien soustenu la foy de nostre Seigneur Iesuchrist. Ce sont les pierres viues, desquelles est bastie l'Eglise de nostre seigneur
L'Eglise n'est
faite de bois
mais de pierres,
qui sont
les Apostres,
Martyrs,
&c.

Coloss. 1. Iesuchrist, hors laquelle il n'y a point de salut, mais damnatiō & perdition. Donc, l'arche c'est l'Eglise, le chef de
Ephes. 2. l'arche, c'est Noé. Et en l'Eglise de nostre seignr, le chef, c'est Iesuchrist, cōme dit S. Paul: *Ipse est caput corporis ecclesie.* Et cōstituit eum dominus Deus, caput super omnem ecclesiam. Il est constitué le chef sur l'Eglise militante & triōphante: car en paradis, il est le chef des Anges cōme des hommes. Il a ioint en vn les Anges & les hommes: & quelque fois ce ne sera qu'un. Auioird'huy, nous sommes

en continuelle luitte & bataille, de iour & de nuict. Nous n'auons point de repos : mais apres que nostre ennemy fera vaincu de la luitte, nous entrerons en triomphe. Aujourd'huy c'est l'Eglise militante : mais apres la bataille, nous entrerons au triomphe, il ne sera plus question que de triompher. Quel est le fondement qui soustient tout? Sainct Paul dit : *Portans omnia verbo virtutis sue.* Comme Hebr. i.

la terre apporte tous les ans du fruiet quād elle est semée & labourée: en la vertu de qui apporte elle du fruiet? S'il n'y auoit que la semence & l'industrie du laboureur, iamaïs la terre ne produiroit: mais elle seroit inutile: cōme elle estoit au commencement. Et pource, elle produit en la vertu du verbe de la parole de Dieu, qui dit : *Producatur* Gene. i.
terra herbam virentem. Et depuis le peché de l'homme il

dit, *In sudore vultus tui, vesceris pane tuo.* C'est à dire, qu'il nous fault labourer en la vertu de la parole de nostre Seigneur, & la terre produira. Aussi, qui est-ce qui garde l'Eglise de tomber? ce ne sont pas les hōmes: car sans la garde de Dieu & assistance, il y a long temps qu'elle fust abbatue. Et souuent les chefs offensent plus que les autres inferieurs. Et neantmoins, vous voyez que l'Eglise n'est point perie ny abbatue, & à Rome, tant de maux se sont faits. Il fault donc dire, que l'Eglise est soustenue par la parole & vertu de nostre seignr : *Portans omnia verbo virtutis sue.* Il a dit : *Ego vobiscum sum vsque ad consummationem seculi.* Et à S. Pierre: *Oraui pro te Petre, vt non deficiat fides tua:* Ainsi, il l'a constitué prelat en son Eglise. Et cōme l'Eglise est soustenue par la parole de nostre Seigneur.

la terre produit en vertu de la parole de Dieu: aussi sa parole entretiēt l'Eglise: car il y a long temps que tout eust esté abbatu & perdu: mais tout a esté cōseruē en la vertu de la parole de Dieu. Il a dit à sainct Pierre : *Tu es Petrus & super hanc Petram ædificabo ecclesiam meam.* Et porte inferi non præualebunt aduersus eam. Les docteurs diēt bien: Hebr. i.
Matt. vlt.

Quand on faiēt vn concile bien assemblé, il ne peut errer en la foy, ny en bonnes meurs, non pas pour leurs personnes, ny pour les merites de ceux qui y sont: mais par ce que Dieu a promis d'y assister. C'est ce qui a gardé l'Eglise, & qui l'a entretenue: *Ego vobiscum sum vsque ad consummationem seculi.* Il dit bien (*sum*) non pas Matt. 16.
Matt 28.

Troisiesme mecredy

*Le S. Esprit
est tousiours
present en s^u
Eglise.
Ioan. 14.*

*L'eglise de
Iesus Christ
est d'accord:
mais celle des
heretiques est
discordante
& diuisée.
Matth. 16.*

ero, car ce verbe icy *sum* qui est de temps present, signifie la cōtinuelle assistēce de nostre Seigneur Iesus Christ à l'Eglise. Et pour monstret son eternité, il dit: *Ego sum*, non pas *ero*, car le saint Esprit est tousiours present en son Eglise, qui est l'esprit du verbe, comme dit nostre Seigneur Iesus Christ: *Si diligitis me, mandata mea seruare, & ego rogabo patrem meum, & alium paracletum dabit vobis, vt maneat vobiscum in eternum, spiritum veritatis*. Notez par cela, q̄ l'Eglise des heretiques, n'est pas veritable, car il n'y a point d'vnion, ny de concorde. Vous voyez que leurs opinions sont contraires: & si vous voulez cognoistre la verité ou est l'Eglise catholique regardez ou est la concorde & vnion: car la verité, qui est Dieu, n'engendre point de schisme ne diuision. Quand nous voyons donc l'accord des docteurs de l'Eglise cōuenir à vn, c'est vn signe que ce que nous gardons c'est la verité catholique, que nostre Seigneur a enseigné à ses Apostres. Dōc, il se fault asseurer avec le consentement & accord de nostre mere sainte Eglise: mais les heretiques sont discordans & diuisez en leur doctrine: il fault donc dire, que la verité n'est pas avec eulx (puis qu'ils ne sont en vnion & concorde) comme elle est en l'Eglise catholique, laquelle est inexpugnabe, pour la parolle de Dieu: *Quia porta inferi non praualebunt aduersus eam, id est, errores & peccata*. N'est ce pas merueilles? Il en y a eu q̄ sont entrez en l'Eglise comme regnards, ils y ont vescu comme lions, & sont mors comme chiens: Et neantmoins, l'Eglise est demeurée en son entier, car la malice des gens ne la peult destruire. Il y a eu des tyrannies, hypocrisies & heresies, qui n'y ont sceu que faire. En l'Eglise, il y a franchise: voulez vous estre asseurez contre le diable? mettez vous dedans. Vous voyez quand il y a dix ou douze compaignons ensemble, qui vont par chemin, les brigans ne les osent pas assaillir: mais s'ils se separent, ils seront tuez l'vn apres l'autre. Et pource, ne delaissons point la congregation des fideles, & personne ne nous pourra assaillir, à tout le moins qui nous puisse mal faire. Donc nostre seigneur Iesus Christ, est le fondement qui soustient tout, c'est le chef de son Eglise, il ne s'en fault point sepa-

rer: car la vie depēd du chef. Si on perd vn bras, vn pied, on n'en meurt pas pour cela, mais si on oste la teste, on perd la vie. Nostre vie, c'est la grace de nostre Seigneur, qui est diuisée en nous par luy, qui est le chef: & tandis q nous serons vniz à nostre chef, nous viurōs par foy, esperance & charité. Et dea Chrestiens, il fault q les mēbres obeissent à leur chef, il nous fault reuerer, obeir & honorer nostre chef Iesus Christ, car nous auōs tout de luy. Si-

Ioan. 5.

cut enim pater habet vitam in semetipso, sic dedit & filio vitam habere in semetipso. Toute nostre vie despend de la main de nostre Seigneur. Et nous ne sçauriōs gagner la vie eternelle, sans le merite de Iesus Christ, lequel par sa mort & passion nous a gagné & meritē paradis, la gloire eternelle. Dōc, nostre vie, qui est en la grace de nostre seigneur, nous est acquise par son merite, & l'Eglise c'est le corps mistique de nostre Seigneur, duquel il en est le chef. En ceste Eglise, qui a il? Il y a vn Seigneur, qui est sur tous les autres, qui est vn Dieu en nature, & en trois personnes, c'est à sçauoir, le Pere, le Fils, & le saint Esprit. En ceste maison il y a vne loy, vne foy, vne esperance, & vne charité. Que croyons nous? nous croyons en Dieu le Pere, en Dieu le Fils, & en Dieu le saint Esprit. Vous le croyez ainssi, il n'y a point de diuision en la foy viue, qui a pour son obiect Iesus Christ. Il n'y a aussi qu'une seule esperance en l'Eglise, c'est esperer en dieu. L'espere la vie eternelle. Par quel moyē? par le moyē de nostre Seigneur Iesus Christ. L'espere d'ētrer en paradis, par le sang de nostre Seigneur Iesus Christ. Et ne ferez vous riē? ouy, mais en m'appuyāt sur Iesus Christ. Je feray toutes mes euures en l'esperāce de Iesus Christ, & en m'appuyāt sur son merite, & en ceste maniere, mes euures seront agreables à Dieu. En ceste Eglise, il y a charité Quel signe y a il? c'est qu'il y a vn Dieu, vne foy, vne loy, vn baptēme. Nous v-

Nous ne sçauriōs gagner la vie eternelle sans le merite de Iesus Christ.

sons tous de mesmes sacremens. En ceste arche qui est l'Eglise, il y a deux signes, vn signe inuisible & vn signe visible. Et ces deux signes sōt demōstrez en l'epistre: *Christus dilexit ecclesiam, & seipsum tradidit pro ea, ut illam sanctificaret, mundans eam lauacro aque in verbo vite.* Dieu a lauē ceste maison, id est, son Eglise d'un lauouer d'eau, qui est

Nous deuons esperer d'ētrer en paradis par le merite de Iesus Christ en faisant bonnes euures.

Ephe. 5.

Troisiesme ieudy

le signe exterieur, iointe la parole, q est signe interieur: aussi, c'est la sanctification, grace & la remission des pechez. Le signe exterieur, c'est le sacrement de baptesme, qui est vne ablution, ayant efficace par la parole. La diffinitio de baptesme, est de saint Paul, qui dit: *Est lauacrum aque in verbo vite*. Saint Augustin dit: *Accedit verbum ad elementum & fit sacrificium*. La seule eau n'effaceroit pas les pechez: mais iointe à la parole, qui est, *Ego baptizo te, &c.* L'eau avec la parole, faict le sacrement de baptesme, lequel a vertu de remettre les pechez. Et pource le prestre, quand il baptize, il doit bien aduiser à ce qu'il faict: il fault que la parole soit avec l'eau, quand il baptize, car ce ne seroit pas sacrement, si l'eau estoit separée d'avec la parole. Il fault quant & quād, que la parole soit avec l'eau au baptesme, pour constituer le saint Sacrement, c'est à dire qu'au mesme instant de l'infusio de l'eau sur l'enfant, soit la prolation des paroles essentielles du sacrement, c'est à sçauoir: *Ego baptizo te: Accedit verbum ad elementum & fit sacramentum*. C'est assez pour le present. Nous prions Dieu nous donner sa grace. Amen.

Pour le troisiesme Ieudy de l'Aduent.

Le chef principal de l'Eglise est Iesus Christ et sous luy c'est S. Pierre puis le Pape.
1. Cor. 12.

Q *Vacunque scripta sunt, ad nostrā doctrinam scripta sunt, &c.* Nous distōs hier, par la grace de Dieu, q l'arche de Noé a esté faicte par le commandemēt de Dieu, c'est la figure & significatiō de l'Eglise, que nostre Seigneur a edifiée & bastie. Le chef en ceste Eglise, c'est Iesus Christ: & le chef principal & souuerain fondemēt sous luy, c'est S. Pierre, & nostre saint pere le pape. En l'arche de Noé, il y auoit plusieurs mansions: il y auoit des chābres basses & hautes, c'est à dire, qu'en l'Eglise de Dieu y a diuers degrez. Et les vns sont plus hauts, les autres moindres & inferieurs, comme dit S. Paul, que Dieu a mis en sa maison des apostres, des prophetes, euangelistes, pasteurs & docteurs, il y a diuers degrez & estats en l'Eglise de Dieu. Vn est superieur, & l'autre inferieur.

Le superieur doit commander , & l'inferieur luy doit estre subiect comme à Dieu. L'obedience faicte au superieur en l'Eglise de Dieu , est reputée estre faicte à Dieu, comme si à la mesme personne de Iesus Christ on obeissoit. Autant est de celuy qui ne veut obeir. *Qui vos audit* *Luc. 10.*

me audit , & qui vos spernit, me spernit. Ainsi qu'au corps naturel il y a diuersmēbres, c'est à sçauoir, le chef, la main, le pied, &c. Ils s'aydent les vns les autres de leur office, l'œil regarde pour le pied , pour marcher & soustenir le corps. La bouche pour parler, &c. ainsi qu'au corps naturel les membres ont diuers offices , & tous ensemble congregez sont vn corps : aussi tous les Chrestiens vniz ensemble en la foy de Iesus Christ, constituent vn corps, qu'on appelle l'Eglise, qui est la congregation des Chrestiens. Le chef qui preside, c'est Iesus Christ. Tout cela nous represente l'arche de Noé. Outre, vous auez biē retenu, que tous ceux qui estoient hors de l'arche au deluge, furent noyez en l'eau . Aussi, tous ceux qui sont hors de la foy de nostre mere sainte Eglise, sont en la voye de damnation : & est impossible de faire euure agreable à Dieu si on n'est dedans. Notez que tout euure, tant soit il bon par apparence exterieure, si la personne n'est en l'Eglise, c'est à dire , si elle n'est vnice à la foy de l'Eglise catholique, il n'est point compté ny recueilly de Dieu, pour aller en paradis . L'heretique fera de grandes aumosnes, comme auourd'huy on voit par experience , il semble par apparence qu'il y ait entre eux plus grande charité, qu'entre les catholiques: combien qu'ils soiēt esloignez du corps, nonostant ils s'entr'aydent , & par quelques moyēs ils se subuiēent. S'il y a vn prisonnier qui ne tiēt que pour le geolage, il ne sera point deliuré: mais s'il y a vn heretique en prison , l'argent est prest, les freres fourniront incontinant à l'appointement. C'est grand chose qu'ils se subuiēent ainsi tost. Si on n'estoit bien ferme, incontinant on seroit scandalisé & diroit on: Et comment? ils sont plus gens de bien que nous, & semble que leur maniere de viure soit meilleure que la nostre. Notez, qu'il n'y a point en cela de charité, ny d'amour de Dieu. La raison? car c'est vne chose infaillible que iamais

Tous ceux qui sont hors de la foy de l'Eglise, sont en voye de damnation.

Troisiesme ieudy

*La premiere
vertu qu'il
fault auoir
pour rendre
nostre euure
plaisant à
Dieu, c'est la
foy.*

la charité de Dieu, & du prochain ne peult estre au cueur de l'hōme, si la foy n'y est. La premiere vertu qu'il fault auoir pour faire vn euure agreable à Dieu, c'est la foy. Outre, pour faire vn euure parfait, qui soit receu de Dieu pour le merite de la vie eternelle, il est necessaire d'auoir charité. S. Paul parlant de la iustification de l'hōme, il conioinct ensemble la foy & charité, *Fides qua per charitatem operatur*. Vous voyez que les heretiques donnent tant aux pauvres, tout cela ne leur prouffite de rien: car ils n'ont pas la foy, ny la charité de Dieu, qui est vne vertu infuse au cueur de l'homme par le saint Esprit: laquelle n'y peult estre, si on n'a premieremēt la foy. Donc ils n'ont point charité. Leurs euures ont biē vne espeece, vne demonstration de charité, ou paraduēture vn amour naturel: mais tout cela n'est qu'une palliation d'iniquité, afin qu'on ne presume qu'ils soiēt heretiques: ces euures là ne valēt pour la vie eternelle: car elles sont hors la foy. Il est impossible de plaire à Dieu & de faire vn euure que Dieu reçoive pour la vie eternelle, si la foy n'y est. Saint Paul dit: *Habentes quidem speciem veritatis, virtutē autem eius abnegantes*. Ils ont vne apparence exterieure de religion, ils donneront l'aumosne, c'est vne euure qui semble estre pitoyable: mais il n'y a qu'apparēce, comme les euures des infideles, quelque espeece de pitié qu'ils ayēt, toutes fois elles ne procedent point de charité qui est fondée en la foy de Iesus Christ. Les heretiques dient qu'ils croyēt en Dieu & en Iesus Christ, ils mentēt: car ils n'ont point la foy infuse, ny charité en leur cueur. La foy, c'est vn don de Dieu, lequel se demonstre selon les merites des hōmes. De dire, ie croy en vn article de foy, & ie ne croyray pas les autres, c'est infidelité, ie n'ay point la foy infuse qui est vne vertu theologale, laquelle est infondée au S. sacremēt de baptesme. Elle ne peult estre sans charité, comme saint Paul demonstre, disant: Si ie donne tous mes biens aux pauvres, & ie n'ay point charité, cela ne me vault rien pour la vie eternelle, c'est vne apparence, mais à la verité: ce n'est point foy. Ils font tant de biē, ils mourront au feu, qu'ils ne se mouueront point, ny changeront de couleur. Ne vous esmerueillez pour tout cela,

1. Tim. 3.

*Les heretiques
disent
qu'ils croient
en Dieu &
en Iesus Christ:
ils mentent,
car, &c.*

1. Cor. 13.

cela: ce n'est pas la vertu de cōstance qu'ils ont, mais plus
 roist obstinatiō, presumptiō: c'est matiere de scādale pour
 les pusilles. Et tout cela procede du diable d'enfer: car les
 plus vertueux ils pallissent & chāgēt de couleur, quād ce
 viēt à mourir. Nous voyons cela par exēple de nostre Sei-
 gneur, q est le saint des Saints, il pallissoit, il auoit hor-
 reur de la mort, & de l'apprehēsiō qu'il auoit de la mort,
 il en sua sang & eauē. Et tous ces coquins, ils sont tāt ob-
 stinez, qu'ils endurerōt le feu pour soustenir leur erreur
 diabolique. *O Mater Dei!* c'est grād pitié, i'en ay veu des-
 quels on disoit, ô q voyla vn hōme constāt, il ne se mou-
 ue point pour tourmēt qu'on luy face. Ne vous estōnez
 point pour cela: i'en ay plus mauuaise opinion: c'est vne
 vraye obstinatiō de cuer, & excecation du diable d'en-
 fer, & non pas cōstance qui soit en eux. Regardez les hi-
 stoires, les vies des saints peres & l'euangile: vous voir-
 rez que les plus saints & cōfermez en grace, ils sentoiet
 de la repugnāce à mourir, mesme le principal, qui est no-
 stre Seigneur Iesus Christ. N'estimez point qu'il y ait vn
 euvre agreable à Dieu hors la foy de nostre Seigneur,
 & ne pensez point dire de cest euvre là, ne luy faict on
 point de tort? Il est si cōstant, c'est vne tentation pour les
 infirmes: ce n'est pas cōstance, mais obstination & cecité
 de demeurer en son peché. S. Paul dit bien: *Sine fide impos-*
sibile est placere deo. Les heretiqs sont hors de la foy, ils ne
 suiuent pas l'Eglise de Dieu: Et selon la sentēce de S. Cy-
 prian. *Non potest habere deū pro patre, qui non habet ecclesiam*
pro matre. L'eglise des heretiques est appelée *Ecclesia ma-*
ligrātū. Puis qu'ils n'ont point Dieu pour leur pere, il est
 impossible qu'ils puissent faire eures agreables à dieu,
 car ils ont perdu la foy de l'Eglise catholiq & vniuersel-
 le. Et cōme tous ceux qui estoiet horsde l'arche sont per-
 dus par le deluge, aussi tous ceux qui ne sont point vniz
 à la foy de nostre Seigneur, sont en la voye de dammatiō:
 car ils ont perdu le fondemēt. Bastirez vo⁹ sans le fonde-
 mēt, c'est à dire sans la foy de nostre Seigneur? *Nā fides* *Hebr. 11.*
est substantia rerū sperandarū. L'edifice ce sont les bōnes eu-
 ures. S. Paul dit. *Si quis autē superedificat super fundamētum* *1. Cor. 3.*
hoc, aurū, argētū, lapides preciosos, ligna, fānū, stipulā, vniuscusq

Si les hereti-
ques ne se
mouuent
point quand
ils sont au
feu, celan'est
constance:
mais vne ob-
stination de
cœur qui pro-
cede du dia-
ble d'enfer, &
de leur pe-
chez:

S. cyprian

Troisième ieudy

*Les saints
sacremens sont
ordonnez pour
nostre salut.*

insq; op⁹ manifestū erit. La vraye foy, c'est celle q̄ tiēt l'egli-
se catholique. Ma foy est vraye, car c'est la foy de l'Egli-
se. Je croy à S. Ierome, car ce qu'il croit, c'est la foy de l'E-
glise, ie ne suis point lié à vn docteur, sinō q̄ d'autāt q̄ sa
foy est cōforme à l'eglise, ce n'est qu'une foy, qu'une loy,
qu'un Dieu, & nous auōs aussi les saints sacremēs ordō-
nez pour nostre salut. En ceste arche qu'y auoit il ? n'a-
uoiet ils q̄ māger ? car ils estoiet cōme prisonniers là de-
dās enclos & enfermez. Nostre Seigneur auoit dit à Noé
qu'il fist prouisiō pour luy, pour sa famille & pour les be-
stes qui estoiet en l'arche. En l'Eglise, dequoy no⁹ nour-
rit dieu ? nous sommes alimētez & repeuz de la parole de
Dieu : ainsi le dit nostre Seigneur au diable qui le tētoit :

Matt. 4.

*Non in solo pane uiuit homo, sed in omni verbo quod procedit
de ore dei.* L'hōme n'est pas seulemēt nourry de pain cor-
porel ou materiel : mais aussi de la parole de dieu. *Qui est*

*La parole de
Dieu a nour-
ry Moysse xl.
iours & xl.
nuicts.*

ce qui a nourry Moysse l'espace de xl. iours & xl. nuicts en
la mōraigne : la parole de Dieu : & Elie pareillemēt. Il y a
quelques païs ou les hōmes viuēt à l'odeur des fruiets. Et
l'odeur de la parole de Dieu, est de telle efficace & vertu,
qu'elle nourrit l'hōme, c'est ceste viāde de laquelle parle
nostre Seigneur : *Operamini nō cibū qui perit, sed qui manet
in vitam eternam.* La viāde du corps passe : c'est à dire, elle
ne peult donner vie eternelle, car à la fin il fault mourir,
mais il y a vne viāde qui engēdre la vie eternelle, c'est la
parole de Dieu. Cōbien en vient il au sermon qui n'ont
point de propos & vouloir de biē faire : ils sōt biē morts,
& en oyant parler de la parole de Dieu, ils deliberent de
biē faire, de restituer le biē d'autrui, ils proposent & sont
en ceste volōté de plustost mourir, & porter tout deshō-
neur, q̄ de faire chose cōtre le vouloir de Dieu : d'ou viēt
ce bien là : de la parole de Dieu qui nourrit si biē l'hōme.

Ioan. 6.

*Quand les
membres du
corps du pa-
tient sont
froids c'est
signe qu'il
doit mourir.*

Toute chaleur estoit ostée en eux, ils n'auoiēt point l'a-
mour de dieu, ny de leur prochain. Et maintenāt sont cō-
uertis à Dieu par la vertu de sa parole. Si les membres du
corps sont froids, c'est signe que l'hōme s'en va mourir.
Aussi quād nous n'auōs point l'amour de Dieu & du pro-
chain, c'est signe q̄ nous sommes morts : mais quād l'hō-
me en voyāt la parole de Dieu, se sent eschaufé à aymer

Dieu & son prochain, il a la vie en soy, il n'est plus mort. Aucuns y a qui sont moult eschaufez & ferués en leur penitence: regardez quelle estoit la ferueur de S. Pierre, de S. Paul, de la Magdaleine. Qui est ce qui les a fait viure? La parole de Dieu. Nô seulement la parole de Dieu fait viure les gés: mais aussi l'odeur, le fleurir. Cōbié en y a il eu q ont odoré la vie de S. Paul, q se sont cōuertis? & cōbié en y a il eu q ont ouy la vie & la patiēce de Iob, qui estoient imparients & ont esté patients? Ils ne voyoyent pas Iob: mais seulement ils en oyoyent parler: c'est l'odeur de Iob qui sounēt induit l'hōme à louer Dieu. Voyla vn hōme de desperé de son salut, il oyra parler des grands maux de S. Paul, & de sa prōpte obediēce à la parole de Dieu, on oyt sa grande penitēce & conuersion à nostre Seigneur, cela n'esmoue il pas la personne à se conuertir? & Dieu ne m'e fait pas moins. N'a il pas fait d'un psecuteur vn vaisseau d'electiō? Je ne demande pas à estre Apostre, mais à estre le plus petit en sa maison, cela dōnera courage à la personne de se cōuertir. Mais tout le mōde cognoist ma faulte. Voyla vne femme mariée, qui a mal vescu, elle regarde, & dit: pourquoy m'amēderay-ie? tousiours on me montrera au doigt, escoutez: la Magdaleine estoit vne femme publique qu'on mōstroit au doigt. *Ecce mulier in ciuitate peccatrix: nonobstāt Dieu luy a pardōné, & luy a osté son mauuais bruit.* Dieu n'est il pas aussi puissant de oster vostre mauuais bruit de la memoire des hōmes, cōme il a fait de la Magdaleine? laq̃lle au parauāt auoit tāt esté mal edifiée par son peché, & pource, si ie suis mariée, i'ay rompu mō mariage: & bien, il fault faire penitēce, ie feray tant de bonnes eures, & tout ainsi que i'ay acquis mauuais bruit, i'acquerray meilleure edificatiō q n'a esté meschante ma vie. Cela fait viure & marcher. Aussi la pa c'est vn grād role de nostre Seigneur, c'est la parole de vie. Nous ne sçaurions mieux faire q de frequenter les Sermons. Au- delaiissé de cūs n'y veulent pas aller, afin qu'ils n'ayēt des scrupules. *Dieu quand C'est le plus grād signe d'estre delaiissé de Dieu: & le si- on me prise* gne & tesmoignage par lequel on est assuré d'estre sau- d'aller ouir ué, c'est quād on escoute volontiers la parole de Dieu: cō sa sainte pa me disoit nostre seignr aux Iuifs, *Qui ex deo est, verba dei role.*

Troisiesme ieudy

audit, escouter de bon cueur, ouir parler de Dieu, c'est vn signe que la personne est de Dieu, c'est à dire esleuë & choisie pour estre sauuée. Au cōtraire, qui ne veut ouir la parole de Dieu, il n'est point de Dieu. *l'opterea non auditus, quia ex deo non est.* Quand il est dit en l'escriture, ie vous enuoyeray la famine c'est Dieu qui menace d'enuoyer la famine, non pas de pain & de vin: mais de la parole de Dieu, vous n'aurez pas qui vo^s enseignera. Nous deuōs biē prier q̄ ne tōbiōs en ceste misere. Donc escoutōs volōtiers la parole de Dieu, c'est le pain duquel il no^s nourrit, c'est le pain duquel il parloit quād il auoit pitié de la multitude du peuple qui le suiuoit: *Misereor super turbā.* Il voyoit q̄ le paī defailloit il feit multiplier le pain & les reput. Ce pain icy c'est la parole de Dieu, sans laq̄lle nous defaillons, & ne sçaurions faire aucune chose sans icelle. Escoutez, voyla vne bōne parole, mais elle ne semble pas bōne à tous. Vne fois nostre Seigneur parloit aux Apostres & au peuple, les vns disoiēt: *Durus est hic sermo.* Voyla vne parolle trop aspre & dure, ne le suyuez point: les autres le prenoiēt biē. Nostre Seigneur demāda à ses Apostres. *Nūquid & vos vultis abire?* S Pierre luy dist, mai

Selō le goust stre ou irōs nous pour mieux auoir? *Verba vite aeternae habes,* vostre parole est viue, elle nourrit, & cōmēt? En la vie

de la person- nel elle prēd

la viande. eternelle. Notez, selō le goust de la personne, elle prēd la viāde. Souuētesfois quād elle a l'organe desuoyé, elle iuge vne bonne chose estre mauuaise, & la chose mauuaise estre bōne. Aussi selō l'affectiō qu'o a, on iuge: si i'ayme quelqu'un, & il est condāné à mourir, i'estime qu'on luy faiēt tort pour l'amour q̄ ie luy porte: & si ie hay qlqu'un & on en dit du bien, & qu'il a faiēt vn tel euure, ie diray incōtināt, ha il ne sçauroit faire cela, d'ou vient cela? de mō affectiō qui me faiēt ainsi iuger & parler. On me signifie la parole de Dieu, on me la propose, si ie veux cognoistre la verité, ie la prēdray bien. Voyla vne personne qui demāde cōseil, elle se descouure de sa priuée affectiō, seulemēt veult entēdre la verité, ie luy dis, il fault q̄ vo^s faciez restitutiō, que faciez telle chose & telle. Si elle a bōne affectiō à ce q̄ ie luy dis, elle le prēdra biē: si elle craint qu'on luy dise le contraire, elle le trouuera dur &

Matt. 4.

Ioan. 6.

Ioan. 6.

aspre, & cherchera vn autre q̄ moy pour son cōseil. Voyla vne fēme qui veut porter des doreures, elle viēdra à quel- qu'un pour luy demāder cōseil, il luy conseille qu'elle en peut biē porter, elle dira de luy: voila vn tāt hōme de biē, & pourquoy? car il luy dit selō son affectiō priuée, mais aussi au contraire, si on luy dit, vous n'en pouuez porter, car S. Paul le deffend, auquel est cōforme Esaié. S. Ierome. S. Chryso. ce n'est pas vostre estat: vous faictes cōtre Dieu, & vostre prochain en est scādalisé: elle dira, *Du- rurs est hic sermo*, elle laissera le conseil de celuy qui luy dit la verité, & en cherchera vn autre: affectiō cōduit son iugemēt. Et pource si vne personne veut biē iuger, il fault qu'elle se desponille de toute affectiō priuée, demānant à Dieu seulement d'estre enluminée, ne chercher point à faire sa volonté, comme dit nostre Seigneur, *Non veni facere voluntatem meam, sed eius qui misit me patris*. Alors le iugemēt sera vray, qui sera cōduit par la parole de Dieu. Si ie presche penitence, cela semble dur à vn paillard de laisser sa meschante, il dira: O ie n'ay point affaire à elle: ce n'est pas assez, il la fault chasser d'auec vous, car l'oc- casio de vostre mal precedēt tousiours demeure, & vous es- tes en cōtinuel peché mortel, quelque cōfessiō q̄ vous fa- ciez: *Semper estis in statu cōcubinatus*, si vous ne vous abste- nez de l'ocasio de peché auq̄l estes tōbé: & pource, *Eti- ce ancillā & filiū eius*. Otez toute occasio de mal. Et puis le paillard dira: O que voila vn hōme estrāge, & q̄ sa pa- rolle est dure. Prenez le cōme vous voudrez: mais si vous demādez à faire vostre salut, cela vous sera facile à faire. Si à vn vsurier ie dis, il fault rēdre tout ce que vous auez d'autrui, autremēt vous estes tousiours en peché mortel: Ho ie serois pauvre. Mon amy, que vous prouffitera il d'auoir tant gaigné, & à la fin estre damné à iamais? *Quid prodest homini si vniuersum mundum lucretur: anime verò sue detrimētū patiatur?* A grād peine reduirez vo^r telles gēs à penitēce, & specialemēt quād il faut faire restitutiō. Voi- la vn hōme qui a blessé la bōne renōmée d'autrui. Est-ce assez de dire, q̄ solemēt & indiscretemēt i'ay parlé? Nē- ny mō amy. Tout ainfi q̄ si vous auez osté vn escu à vo- stre prochain, il fault q̄ vous luy rēdiez, autrement vous

Ioan. 6.

Si vne per-
sonne veut
biē iuger il
fault qu'elle
se desponille
de son affe-
ctiō priuée.

Galat. 4.

c'est chose
dure à vn v-
surier quād
on luy dit
qu'il faut rē-
dre.

Malt. 16.

Troisiesme ieudy

*Tout ainsi estes larrõ si à vostre esciët le detenez, & n'avez intëtion qu'on est te- de le rëdre: aussi faut il faire restitutiõ de la bonne renõ- nu rendre vn mée d'autrui, & faut q̃ disiez à ceux des q̃ls auez detraicté escu qu'on a qu'avez mëtý, & qu'il n'est pas aĩsĩ q̃ leur auez dit. O dur^s desrobẽ, aus- est hic sermo. Et vous par vostre faux tesmoignage, vous si fault il rẽ- serez cause qu'un autre sera pëdu, qu'il perdra son biẽ, ce dre la bon- n'est pas assez de s'en confesser. Il fault restituer à parrie, ne renõmée au pauvre hõme & luy satisfaire du dommage que luy a- d'autrui. uez fait: *Quia nõ dimittitur peccatũ, nisi restituatur ablatũ. Si**

S. August. vous estes en volõté effĩcace de restituer, vo^s n'estes pas en peché mortel. *Volũtas autẽ effĩcax est quæ sortitur suũ ef- fectũ.* Si l'hõme a la commoditë de restituer, il ne faut point de delay. On dira, *Durus est hic sermo.* Entre vo^s cõ- fesseurs, vous devez auoir esgard à cela. Il y a des gës qui ne tiënẽt cõpte des pauvres nõ pl^s q̃ d'un chiẽ: Ils ne veu- lët point dõner de terme, ce qu'ils peuuẽt biẽ faire, mais ils les ferõt excõmunier s'ils ne sont payez, le pauvre n'a dequoy, il crie, *Patiẽtiã habe in me, & omnia reddãtibi.* Ils n'en aurõt poĩt de pitié, & le diable sera dõc sauü si vo^s l'estes. Premieremët, n'estes vo^s pas tenu de faire charité à vostre prochain. Aymer, ce n'est autre chose q̃ luy vou- loir bien. Il ne peut maintenãt vous payer. Si vous l'op- primez, vous le mettez en extreme pauvreté. Voudriez vous biẽ qu'on vous feist cela? Nenny. Pourquoi faictes vous dõc contre l'hõneur de Dieu & la charité de vostre prochain? Il ne gaignera pl^s riẽ & ses enfãs par necessitë s'abãdonnerõt à mal faire: vo^s estes cause de tout ce mal là par vostre cruauté. Les cõfesseurs vous deuroient dire, ie ne vous absoulderay point si vous n'en faictes restitu- tion: car quelque cõfessiõ qu'ils facẽt ils ne sont pourtãt quittes: ce n'est q̃ cruauté de faire aĩsĩ tort à vne person- ne. Abstenez vous, autremët si n'ẽ auez vouloir, ie ne vo^s

Vn prestre dõneray poĩt l'absolutiõ. Si moy prestre ie voy vn hõme' *est meschant* qui ne se veult abstenir de mal faire, ie suis meschãt si ie *s'il dõne l'ab* luy donne l'absolutiõ: car ie baille les sacremës à vn q̃ est *solutiõ à vn* indigne, car il faut qu'il se repente de son peché & qu'il *qui ne se* n'ait pl^s de volõté d'y retourner: mais s'il ne se veut abste- *veut abstenir* nir de sa cruauté qu'il a cõtre son p̃chain, en ce cas là il *de mal faire.* faut retenir son peché, c'est à dire ne l'absouldre poĩt, car

il n'est pas vray penitēt. Il faut premieremēt qu'ē vostre
 cueur vo' sentiez estre pecheur, puis vo' cōfesser & auoir
 propos de ne retourner pl⁹ à vostre peché & en faire satisf
 factiō. Voila vn hōme qu'on meine pēdre ou brusler, on
 ne luy sçauroit bailler chose si dure à faire qui ne luy fust
 facile, si on luy vouloit remettre la vie: aussi le cōfesseur
 doit dire au penitēt pour le conuertir: Vous avez l'ire de *On ne sçau-*
 Dieu & sa vègeāce qui est imminēte sur vous, si vous ne *roit bailler*
 voulez amender vostre vie. Mais si vous n'y voulez plus *chose si dure*
 retourner, vous serez bien heureux. Il nous fault dire ce- *à faire à vn*
 la selon l'intention de nostre Seigneur, & selon laverité, *hōme qu'on*
 & non point selon nostre affection: & ainsi nous pour- *ra pēdre ou*
 rons gagner les gēs. Et si nous le faisons, Dieu nous dō- *brusler qu'il*
 nera sa grace en ce monde, & sa gloire en l'autre. Amen. *ne la feist*

Pour le troisieme vendredy de l'Aduent.

*pour recou-
urer sa vie.*

Q*uacunque scripta sunt, &c.* Nous disions hier, que la *Rom. 15.*
 nourriture des enfans de Dieu, & de ceux qui sōt
 en son Eglise, c'est la parole de Dieu, qui est vne
 parole de vie eternelle. La parole de nostre Seigneur sem-
 ble dure à aucūs, difficile & amere à digerer, c'est à ceux
 qui n'ont point bon vouloir & amour à nostre Seigneur
 elle ne les peult nourrir, non pas qu'elle ne soit suffisan-
 te, mais faulte de bon vouloir. Les autres qui ont bō vou- *Vn bō euvre*
 loir, la parole de Dieu les conserue & opere en eux la vie *est occasiō de*
 eternelle. Vn bien aucunesfois est occasion de mal à vn, *mal à vn qui*
 & à l'autre il est occasion de bien. C'estoit vn bon euvre *est de mau-*
 à la Magdaleine, quand elle respandit l'oignement sur le *uais vouloir:*
 chef & pieds de nostre Seigneur: Ce fut neantmoins oc- *mais est oc-*
 casion de dānation & perdition à Iudas, mais il prenoit *casīō de bien*
 occasion de mal d'une bonne chose, par sa malice, *Est oc-*
casīō mali accepta & non data. Si en parlant à quelqu'un *à vn. qui est*
 pour son bien, il iure, il tempeste, il est impatiēt, ie n'en *de bon vou-*
 suis pas occasion, moy qui l'admoneste. Et il y en a de si *loir.*
 scrupuleux, qui s'en cōfesseront, disans ie l'ay faict iurer,
 blasphemer, & despiter. Si ie ne luy eusse rien dit, il ne se
 fust pas courroucé, ny eust esté impatiēt, il semble que ie
 suis cause de son mal. Qu'en ditesvous? Il est certain que
 nostre Seigneur ne peult estre autheur de mal ny de pe-
 ché. Il a presché deuāt les Scribes & Pharisiēs. Sō intētiō

Troisiesme Vendredy

estoit pour les cōuertir & persuader à croire en luy, & fai
Iesus Christ soit miracles pour les attirer. Et au lieu de les biē prédre
 reprenant les ils en furēt scādalisez, ils disoiēt qu'il estoit amy des pu-
Iuifs n'estoit blicains, des pecheurs, vn yurōgne & qu'il faisoit ses eu-
 cause de leur ures en la vertu de Beelzebuth. S'il ne les eust admone-
 peché & ca- stez, & fait des miracles en leur presence, ils n'eussent pas
 lomnie: mais esté ainsi animez cōtre luy. Voulez vous dire que nostre
 ony bien oc- Seigneur en a esté cause, & que s'il ne les eust reprins, ils
 casion prinse ne luy eussent point dit des iniures, ny eussent calomnié
 non donnée. ses miracles? Il n'en est pas cause: mais il en est biē occa-
2. Cor. 2. sion prinse, non pas donnée: il leur donnoit occasion en
 les enseignāt de se cōuertir, & de louer Dieu: mais ils en
 ont prins vne occasion de mal, & n'en ont fait aucune-
 mēt leur prouffit. Et pource vn biē peult estre occasiō de
Rom. 7. mal, cōme dit S. Paul: *Occasione autem accepta peccatū per
 mandatum operatum est in me omnem concupiscentiā.* Si Dieu
 n'auoit baillé les cōmandemēs, on ne l'offenseroit point
 en iurāt, en ne ieusnāt point, en destrobāt. Et maintenāt
 ie desrobe, ie iure: Le cōmādemēt n'est pas cause de mō
 peché, mais i'en fais mal mō prouffit, & à mon dōmage,
 mais c'est de ma malice qui en préd occasiō. Les Apostres
 dirēt à nostre seigneur: maistre les Pharisiēs ont esté scā-
 dalisez pour vostre parole: Il respōdit, ie ne m'en soucie
Matth. 15. pas, laissez les, *Sinite eos, ceci sunt.* Aussi, vous admonestez
 vostre prochain pour son bien, vous remōstrēz à vostre
 seruiteur, il murmure, il maudit, il despise: Et si vōus ne
 luy eussiez riē dit, il ne se fust point ainsi despitē & cour-
 roucé: vous n'en estes pas cause. C'est vne occasiō prinse.
 La faulte n'est pas en vo⁹, mais à luy, & ne s'en fault poīt
 confesser. Si Dieu n'eust point reprins les Iuifs, ils n'euf-
 sent point offensē, il leur fault imputer, non pas à Dieu:
 Aussi la faulte de mō prochain qu'il fait de l'admonitiō
 que ie luy donne, luy fault imputer seulement, non pas à
 moy, car mō intētiō, c'est de luy faire son prouffit. Aussi
 il en y a qui prēnēt occasiō de murmure de mal, de la pa-
 role de Dieu ils en font mal leur prouffit, comme S. Paul
 dit: *Christi bonus odor sumus, aliis quidem odor mortis in mor-
 tem, aliis autem odor vite in vitam.* Quād ie presche, & que
 ie dis la verité pour l'hōneur de Dieu & pour le salut de
 mō prochain, à d'aucūs c'est occasion de mort, ils se font

mourir. Côme la medecine, elle me nuira plus qu'elle ne me prouffitera, pource que ie l'ay prinse autremēt q̄ n'auoit ordonné le medecin: Aussi, la parole de Dieu me reuiēt à nuissance, elle me faiēt mourir, pource que ie n'en fais pas mō prouffit: ie n'obei pas, & aussi ne croy-ie pas, comme il appartiēt. A ce propos, dit S. Paul que la parole de Dieu à aucūs est occasion de mort, par occasion prinse non pas donnée. Aux autres, la parole de Dieu est occasion de vie eternelle, *Odor vite in vitam*. Quād il est que-

2. Cor. 2.

stion de remonstrier ne delaissez point, afin q̄ les autres prēnēt exēple. Côme entre les seruiteurs, il y en a vn qui ne ieusne point, les autres diēt, commēt le maistre ne luy en dit riē: Et ainsi son silēce est occasiō aux autres de faire ainsi. Reprenez le dōc combiē qu'il s'en doie despi-ter & murmurer: autremēt sil ne veult obeir, chassez-le hors de vostre maison. Mais ie seray cause de son mal: vous n'ē estes point cause: c'est occasion qu'il prēd par sa malice, car il doit bien prēdre la parole de vie. Il y a vne autre nourriture que Dieu nous dōne en sou Eglise, c'est la sainte Eucharistie, ou nostre seigneur Iesus Christ est realemēt, son corps, son ame, sa diuinité, c'est le pain & la nourriture de laquelle est nourry le Chrestien. Il est impossible d'estre subistātē & nourry sans ce pain, qui a esté faiēt par l'operation du S. Esprit au vêtre de la glorieuse vierge Marie. Ce n'est point vn pain commun, materiel: mais c'est celuy duq̄l nostre Seigneur dit. C'est ma chair qui sera liurée à mort pour vous. C'est la viāde, de laquelle le dit l'escriure: *Qui manducat hunc panem, viuet in aternū*.

*Autre nour-
riture que
Dieu nous
donne en son
Eglise.*

Ioan. 6.

Ce pain c'est la chair de nostre seigneur, Qui le māge, il viura eternellemēt: c'est vne obligatiō à nisi: *Nisi manducaueritis carnem filij hominis & biberitis eius sanguinem, non habebitis vitam in vobis*. Considerez la grace de Dieu, cōmēt il nourrit ses enfans. Au mōde on est nourry des si- liques des pourceaux. Tous les mōdains sont ainsi nourris, ils sont semblables à l'enfant prodigue lequel despēdit toute sa substāce: & puis il deuint en si grāde necessi- té & pauureté, qu'il desiroit estre nourry des filiques de la viāde des pourceaux. Commēt direz vous, vn tel estre en mondicité qui a tāt de mille à despēser? à la verité ils sont vrais prodiges. L'enfant prodigue est repris en

Luc. 15.

*Tous les mō-
dains sont
nourru de si-
liques, vian-
de aux pour-
ceaux, cōme
l'enfant pro-
digue.*

Troisiesme vendredy

Si l'homme ne vit selon la raison, il ne est pas digne d'estre appelle homme. l'escriure, lequel a dissipé toute sa substâce. La substâce de l'hōme, c'est la grace de nostre Seigneur. Viure selon raison, c'est sa substâce. Qu'est-ce qui nous fait hōmes? quelle differēce y a il entre l'homme & les bestes? c'est la raison de l'hōme. Si ie ne vis selō raison, ie ne suis pas digne d'estre appelle hōme, mais ie suis cōme vne beste brute. Et pource, l'homme doit vser de raison, & se contēter de peu, esleuāt son esprit en hault, & contēnant le monde. Tant plus les mondains en ont, tant plus en veulent ils. N'est-ce pas là vne grande mendicité, de ne pouuoir estre saoulé? Comme si vne persone auoit tousiours soif, ce seroit vne grāde pitié. Ce sont les gens mondains qui n'ont le soing que d'amasser des biens temporels, terre sur terre, tousiours ont faim & soif: tousiours tourmentez par leur apetit desordonné, ils sont charnels & sensuels, ils dissipēt toute leur substâce: car ils n'vsent point de raison. Et pource, ne sont pas dignes d'estre appelez hōmes. Outre, ceux qui sont en vn apetit desordonné de tousiours auoir & amasser, ils ont perdu la grace de dieu iamaïs n'ont suffisance, ils sont cōme l'enfant prodigue, ils desirēt d'estre saoulez en la maison du mōde, ils veulent estre remplis des filiques, c'est à dire des biens de ce monde qui sont trāsitoires, ils ne font que passer: *Mundus transit & concupiscētia eius.* Il n'y a point de substâce, il n'y a point d'arrest au mōde, il prēd fin, & mon esprit est d'infinitie capacité. Toutce qui est au mōde est mesuré. Les hōneurs & biēs tēporels, ils ne peuuēt réplir mō cueur, il n'y a seulemēt que Dieu qui le puisse réplir. Nous tendons à deux choses, à cognoistre la souueraine verité, & le souuerain bien. La souueraine verité, c'est Iesus Christ. Nostre souuerain biē, c'est nostre sauueur tant seulemēt: la souueraine verité réplist mon esprit, mon entēdement. Toute l'estude du monde, c'est pour venir là. Auāt qu'il ait cogneu la verité il est impossible de prouffiter. On ne demāde plus riē, quād on cognoist le souuerain biē. Les mondains ne peuuēt estre nourris de filiques: car il n'y a point de substâce. Les seruiteurs de Dieu, dequoy sont ils nourris? d'une viande qui est de bon goust, *Primò*, c'est la parole de Dieu, & le precieux corps de nostre Seigneur. Prēdre dignemēt le precieux corps de Iesus Christ, n'est-

Ioan. 2.

Il n'y a que Dieu qui puisse remplir nostre cueur.

Les seruiteurs de Dieu sont nourris d'une viande de qui est de bon goust.

cē pas bien estre nourry? On mange vne viāde qui a vertu de faire viure eternellemēt: *Qui māducat hūc panem uiuet in aternū.* Vo^o voyez de q̄lle substance est la viāde que Dieu dōne à ceux qui sont en l'eglise: ils sont nourris de la chair Iesus Christ. C'est vne bonne viāde & qui nourrist biē. En cela on cognoist la bonté de Dieu, & combiē il ayme ses enfans. On ne trouue point vn pere, vne mere, qui donnēt seulemēt vn morceau de leur chair à leurs enfans pour māger. Encores c'est grād chose à vne mere de nourrir son enfant de son laiēt, à grand peine le faiēt elle. Regardez dequoy nous nourrit Iesus Christ, il ne nous donne point vn morceau de chair à māger, mais il no^o dōne entieremēt tout son corps & son sang, & tout ce qu'il est. Il est Dieu entieremēt & est hōme parfaict. Il nous dōne toute sa diuinité. Dieu realemēt est en nous, car Iesus Christ est Dieu eternal: cōme dit S. Paul: *In quo habitat plenitudo diuinitatis corporaliter.* Il est pleinement Dieu, c'est à dire q̄ riē ne luy default de la diuinité, tout entieremēt est en luy, il se dōne à nous, tout cōme il est. Il est Dieu parfait, il est pleinemēt hōme: nous receuons la diuinité qui est en trois personnes, c'est Dieu le pere Dieu le fils, Dieu le benoist S. Esprit. Au sacremēt de l'autel, Iesus Christ est Dieu parfait, & fils de Dieu. Nous y receuōs dōc toute la diuinité, Dieu parfaict & hōme parfaict: c'est vne grāde viāde. Celuy qui la māge, il a la vie eternelle, car Iesus Christ c'est la vie eternelle. Si i'auois vne fontaine d'eau dās mō corps ie n'auois pas soif: aussi qui a Iesus Christ, il a la vie eternelle, & come Dieu & cōme hōme, c'est la vie eternelle: pource q̄ son humanité est ioīte personnellemēt à sa diuinité. Toute la vertu de la diuinité, est cōmuniquée à la chair de Iesus Christ, nō point en figure: mais c'est le vray corps de nostre Seignr qui est en paradis. Et ce mesme corps a telle vertu, puisſance & effect qu'a la diuinité, à laquelle il est cōioinct, cōme diēt les Theologiēs, *Per communicationem i diuinitatis.* Nostre Seignr, aucune fois a guarī les malades, & resuscité les mortspar sa seule parole: aucune fois en touchāt, cōme il a touché la bierre ou estoit l'adolescēt: & aussi la fille d'Isārus pour mōstrer la vertu q̄ sortoit de sō corps, de

Ioan. 6.

Colof. 2.

*En la sacrée
hostie est le
vray corps
de nostre Sei-
gneur, qui
est en para-
dis.*

Troisiesme samedy

sa chair. Et pource, il dōne à ceux qui sont de son Eglise, pour leur viande & nourriture, son corps & son sang. Et celuy qui l'a, a la vie eternelle en soy, *Quia Christus est vita eterna*. Et quād ie l'ay, ie ne puis mourir spirituellement, car il fault mourir corporellement, pour viure eternellement. La mort du corps, c'est vne entrée de la possession de la vie eternelle. *Ad quam nos perducatur, &c. Amen.*

Pour le troisiesme samedy de l'Aduent.

Roma. 15.

Q *Vacunque scripta sunt, ad nostram doctrinā scripta sunt.* Nous diſiōs hier, q̄ nostre Seigneur en son Eglise (qui est signifiée par l'arche de Noé) a pourueu de bōnes viandes pour nourrir ceux qui sont en l'Eglise. Vne des viādes, c'est la parole, de laquelle l'hōme interieurement est repeu & nourry. L'autre viāde, c'est le precieux corps & sang de nostre Seigneur Iesus Christ, duquel ses domestiques sont nourriz. Il dit: *Ego sum panis vita*. C'est

Ioan. 6.

Iesus Christ le pain qui dōne la vie eternelle. De ce pain c'est à dire de a esté formé luy mesme, nostre Seigneur nourrit, subſtente & cōferme dedās le v̄e- ceux qui sont en l'Eglise: *Ego sum panis viu⁹, qui de calo de- tre de la vier ſcēdi*. Ceste viāde, est vn pain viuāt qui est descēdu du ciel, ge par l'ope- lequel faiēt viure les hōmes. Nostre Seigneur est appelé ration du S. hōme celeste. Son corps est descēdu du ciel, c'est à dire, Esprit. Son corps, sa chair, a esté formé par ouurage diuin, non point humain. Nous prenōs nostre corps de chair, car il est formé & cōpagné au v̄tre de noz meres, par l'operation de l'hōme: mais le corps de nostre seign̄r, n'est point de terre, c'est à dire, il n'est point formé par ouurage humain: mais par l'operatiō du benoist S. Esprit. Aussi nous disons q̄ la chair de nostre seigneur est descēdue du ciel. C'est vn pain qui a efficace de faire viure eternellement, lequel a esté faiēt par l'operatiō diuine, nō pas humaine: duquel dit S. Paul, en l'epistre aux Hebreux: *Christus as-*

Hebr. 9.

sistens pōtifex futurorū bonorū, per amplius & perfectius tabernaculū non manufactū, id est, nō huius creationis. C'est le vray tabernacle que le corps de nostre Seigneur ou habite toute plenitude de la diuinité: Il n'est pas forgé par le moyē d'homme: mais par l'operation du S. Esprit, cōme l'ange dist à la glorieuse vierge Marie: *Spiritus sanctus superueniet*

in te, & virtus altissimi obumbrabit tibi. Nostre corps pour ce qu'il est fait par la main, par l'ouurage de l'hōme, il est appelé *corpus peccati*, plein de pollutiō, d'immōdicité cōceū en peché. Le corps de nostre Seignr n'est point terrestre, mais vn corps celeste. Non pas qu'il ne soit vraymēt hōme, il a de la chair & des ossemēs cōme moy: mais il est dit corps celeste, car il est fait par ouurage diuin, nō pas humain, cōme le nostre: car quand l'homme a mis la main à la formatiō de nostre corps, nous sommes immōdes: mais le S. Esprit seulemēt a esté en la formation du corps de nostre seigneur: & pource il est appelé corps celeste. Voila le pain viuāt, qui est descēdu du ciel. Ce pain c'est vne viande de laquelle dit l'escriture: *Caro mea vere est cibus, & sanguis meus verè est potus.* La chair de nostre Seigneur, c'est la vraye viāde: & son sang c'est le vray bruage. La viande corporelle seulemēt cōserue la vie pour quelque temps: mais la chair de nostre Seigneur, conserue & donne la vie eternelle, car il dit: Celuy qui prēd ma chair & boit mō sang, il a la vie eternelle. Il dit, *Habet* & non pas *Habebit vitam aternā, quia Christus est vita aterna.* C'est vne viande qui est suffisante pour nourrir. Le mondain nourrit ses enfans, & ne les peut saouler, car de pouuoir estre saoulé des biens de ce monde, il est impossible. Les mondains ne peuuent estre remplis: tant plus ils ont, tant plus ont ils appetit d'auoir. C'est là vn grand tourment & angustie, cōme qui verroit vn homme qui tousiours auroit faim & soif. C'est vne grāde maladie de tousiours boire, & ne pouuoir estancher sa soif: aussi c'est vn grand malheur & meschanceté à vn hōme de tant auoir, & demāder encores. Si vous vivez en l'Eglise de Dieu en la foy, esperance, & charité, vous serez repeuz de la chair de Iesus Christ, c'est vne viande bien substantieuse. Vous voyez qu'a vn malade on faiēt du restaurant: & d'autant qu'il est fait de meilleures viandes tant plus nourrit il. Voila vn restaurant que le corps de nostre seigneur, qui est fait de la meilleure matiere, qui nourrit biē, car il rēd la vie eternelle. La diuinité y est, la sainte Trinité, le pere, le fils, & le benoist S. Esprit. Elle y est pleine, entiere & parfaicte au saint sacrement. Cela baille toute la for-

Ioan. 6.

Les mādains ne peuuent estre remplis de biens de ce monde. C'est vne grande maladie de boire, & tousiours auoir soif.

Troisiesme samedy

ce à ceste viande. Et c'est d'ou procede toute l'efficace du saint sacremēt. Son ame, son corps, sa diuinité y est. Son ame realement est conioincte à sa diuinité. Outre cela, son corps est conioinct à son ame, & à sa diuinité : tellement que nous prenons son corps, son ame, sa diuinité. Voila les matieres desquelles est constitué ce restaurant, ceste viande spirituelle, laquelle nous prenons de nostre Seigneur au saint sacrement de l'autel. Il n'y a rien en ce sacrement qui ne soit d'une mesme efficace & vertu qu'est la diuinité de Iesus Christ. Son ame, son corps. pource qu'ils sont conioints à la diuinité, ils ont une mesme efficace & valeur que la diuinité, ainsi que Dieu peut tout : *Subest enim tibi cum volueris posse*. Il n'a default de riē. Ainsi est il de la chair de nostre seigneur. Elle peut tout, elle viuifie, elle resuscite les morts. Comme le verbe de sa nature propre viuifie: aussi fait la chair, le corps de Iesus Christ, vny & ioint au verbe diuin, il a la vertu de

Sapient.12.

L'eau au ba
ptesme lue
par la vertu
de la parole
de Dieu.

viuifier. Et pource, le saint sacrement donne vie à celuy qui le reçoit. Saint Damascene dit beaucoup de bones choses, par similitudes, comme par l'exemple de l'eau: elle n'a pas la vertu de lauer l'ame, car c'est vn element: elle ne peut que nettoyer les ordures corporelles: mais quand la parole de Dieu est iointe à l'eau, elle a efficace de lauer l'ame. Donc l'eau de baptesme elle efface le peché, non pas en sa vertu, mais en la vertu de la parole de Dieu: *Ego baptizo te*. Pareillement l'huyle sert seulement pour adoucir vne playe: & quand la parole de Dieu est iointe à l'huyle, elle a l'efficace du verbe de Dieu: cela se fait & on l'experimente au saint sacrement de l'extreme vnction, quand le prestre vient pour donner ce saint sacrement au malade, duquel on n'attend point de cōalescence, il luy oingt les pieds, les mains, &c. L'huyle de soy n'a vertu q̄ d'oindre le corps, mais par la vertu de la parole de Dieu proferée par le prestre, l'huyle a efficace d'oindre par dedans, & effacer les pechez, comme dit S. Iaqués qui a esté promulgateur de ce sacrement d'extreme vnction: *Infirmatur quis in vobis? inducat presbyteros ecclesia, & orent super eum, ungetes eum oleo in nomine Domini. Et orati fidei saluabit infirmum, & allenabit eum dominus, & si in pec-*

ratissit, remittentur ei. L'huile toute seule n'est pas le sacrement, mais avec la parole de Dieu, elle a l'efficace de remettre les pechez veniels, & la peine deüe pour le peché mortel. Et pource Dieu par sa parole donne vertu aux elemens, qui ont efficace & vertu sur l'ame. L'heretique dit: *Caro non prodest quicquam.* Oüy bié la chair d'un veau, d'un mouton, d'un homme. A la verité elle ne prouffite de rien: mais si Dieu a donné vertu & efficace aux elemens sur l'esprit par la vertu de sa parole, la chair de Iesus Christ vnue personnellement au verbe diuin, qui constitue Dieu & homme en vne personne, n'aura elle pas plus de vertu que les elemens? Car le verbe diuin cōioinct à l'humanité de nostre seigneur, constitue vne personne vray Dieu en nature. N'est-ce pas là vne grande vnion? L'vnion de Iesus Christ à la diuinité est si grâde, que c'est vne vnion personnelle. L'homme est vray Dieu, & Dieu est vray homme. Nous sommes appelez dieux, non pas en personne, mais par grace. Les gens de bien sont appelez dieux, non pas en personne comme Iesus Christ, qui est vne mesme personne Dieu & homme: la diuinité & humanité de Iesus Christ constituent vne personne qui est vray fils de Dieu, & vray fils de la vierge Marie. Les theologiés appellent ceste vnion personnelle *per hypostasim*. La chair de Iesus Christ a vne mesme vertu qu'à la diuinité: & toutes ces proprieté de la diuinité cōuiennent à l'humanité de nostre seigneur. Comme il y a vne vnion de nature: aussi il y a vnion de propriété. Et vous dites que *Caro nõ prodest quicquam*. Il est vray la chair d'une beste: mais la chair de nostre Seigneur Iesus Christ, son corps ne prouffitera il de rien? le fils de Dieu naturel, n'aura il point d'efficace? il dit: *Caro mea verè est cibus.* N'est-ce pas pour les fideles que d'auoir la vie eternelle, laquelle vient par l'efficace de la chair de nostre seigneur? Dieu le dit. *Qui māducat meā carnem, & bibit meū sanguinē, habet vitā aternā. Nisi manducaueritis carnē meā, & biberitis meū sanguinē, non habebitis vitā in vobis.* Et puis l'heretique dira, *Caro non prodest quicquā*, non pas la chair d'une beste, d'un homme: Mais la chair de Iesus Christ ioincte personnellement à la diuinité, elle vaut autāt cōme Dieu, & pource l'efficace du S. sacremēt,

L'heretique interprete mal l'escriture, disant & alleguāt mal à propos, Caro non prodest quicquam.

Ioan. 6.

Ioan. 6.

Troisiesme comedie

de la sainte Eucharistie, c'est de donner vie à l'homme. Tout ce qui est escript, c'est pour nostre doctrine. Quand Dieu eut créé l'homme, il le mist en paradis terrestre, & luy donna l'usage de tous les fruits, *Et vsum ligni vite*. Et en mangeant de ce fruit, il pouvoit perpetuer sa vie. Dès le commencement du monde nostre Seigneur a voulu montrer le signe de la vraie viade: car si Adam eust usé de ce fruit de vie, il eust toujours vescu, c'estoit vne figure du corps de nostre seigneur au S. Sacrement, qui est la verité, & qui a bien plus d'efficace que le fruit de vie. Apres si Adā eust vescu quand au corps, il n'eust pas esté viuifié quand à l'ame: & pource nostre seigneur le chassa hors de paradis terrestre, afin qu'il ne mangeast de ce fruit de vie, car il eust vescu eternellement en misere. Et pour le deliurer il le chassa dehors. Ce fruit là auoit seulement efficace de perpetuer la vie au corps. Entendez: Dieu a voulu dès le commencement donner signification, demonstrance de Iesus Christ. Et tout ainsi que Dieu a démontré par les faits & gestes des peres anciens nostre seigneur Iesus Christ: aussi a montré par figure le S. sacrement de l'autel, la viade par laquelle il deuoit nourrir ses enfans: & come il a dit au serpent. *Inimicitias ponā inter te & mulierē, semen tuū & semen illius* Le semence de la femme, c'est nostre seigneur Iesuchrist qui est fils de la vierge Marie. Dieu demonstre que le corps de Iesuchrist seroit celeste, diuin, formé par l'operatiō du S. Esprit: *Ipsa cōteret caput tuū*. Elle a brisé la teste du diable, elle a esté cōceüe sans peché, & a cōceu Iesuchrist sans operatiō d'homme, mais par l'operatiō du S. Esprit. Et pourrāt il est démontré que le corps de nostre seigneur est celeste & diuin: c'est la viade que nous auons en l'Eglise, laquelle viade est de bone substance, qui donne vie à l'homme c'est la chair & le sang de Iesuchrist sous les especes de pain & de vin. Le fruit de vie ne donnoit que vie au corps: mais la chair, le corps de Iesuchrist, perpetue la vie de l'ame. Quand vous voyez dire que le fruit de vie estoit de bon goust, il est vray: mais il ne se fault pas arrester là: il fault entendre que c'estoit la figure de la viade que nous auons aujourdhuy en l'Eglise. Au S. sacrement de l'autel nous auons la verité. Apres vous voyez que nostre seigneur l'a plus amplemēt signifié par la manne qu'on

Le fruit de vie de paradis terrestre estoit figure du corps precieux de Iesus Christ.

Si Dieu n'eust chassé Adam de paradis terrestre, il eust vescu eternellement en misere.
Gen. 3.

Gene. 3.

qu'ont mangée les enfans d'Israel, par l'espace de quarante ans, au desert, que S. Paul appelle vn pain spirituel. Il auoit tel goust comme l'homme le desiroit: il est dit spirituel, non pas que ce ne fust vne viande naturelle: mais elle n'estoit pas erigée par l'industrie de l'hōme, mais de Dieu, comme de la pierre les eauës en abondāce sont sorties & ils ont tout beu, & saint Paul l'appelle vn bruuage spirituel, c'estoit de vraye eaüe: mais pource qu'elle estoit miraculeusement sortie de la pierre, non par opération d'homme, elle est appelée eaüe spirituelle. Et ainsi, Isaac est dit estre engédreé selon l'esprit, non pas qu'il ne soit conceu & engendré comme les autres, mais pource que miraculeusement il a esté conceu, car sa mere estoit sterile & vieille: mais Dieu luy a donné le pouuoir, & la puissance de cōceuoir. Et pource, Isaac est dit estre né selon l'esprit. Si vous regardez à la manne, c'est vn pain qui a nourry les enfans d'Israel quarante ans au desert. Il signifie la viande de laquelle nostre Seigneur veut nourrir ses enfans en son Eglise, c'est sa chair, qui est signifiée par la manne, qui n'a pas esté exhibée par les moyës des hōmes mais par la vertu de Dieu, car c'est vn pain substantiel & diuin. Le pain que tient le prestre auant la consecration, il est conuerty, transubstantié, trāsmué par les paroles sacramentales au propre corps & au propre sang de Iesus Christ. Et pource, c'est la vraye manne. Nostre Seignr faisoit la cōparaison de son corps à la māne. *Patres vestri māducauerunt manna in deserto & mortui sunt.* *Ioan. 6:*
Hic est panis qui de calo descēdit, vt si quis ex ipso māducauerit non moriatur. Ego sum panis viuus qui de calo descendi, si quis māducauerit ex hoc pane viuet in eternū. Ne vo^e esmerueillez pas si nostre seigneur appelle son corps pain, car tout ce qui sert pour le nourrissemēt de l'hōme est appelé pain, cōme quād nous disons: *Panē nostrū quotidianum da nobis hodie.* Vous ne demādez seulement du pain: mais toutes choses necessaires qui alimētent & soustiennēt vostre vie. Et pource q̄ le corps de Iesus Christ nourrist, il est appelé pain. En l'escriture il retient l'appelatiō du pain: ce que ie tiens auant la consecration, c'est du pain commun, & quand i'ay proferé les paroles sacramentales,

La manne estoit la figure du saint sacrement de l'autel.

Malac. 6:

Troisiesme samedi

Après les paroles deuenues le pain est conuertie en la nature du corps de nostre Seigneur.

I. Corin. II.

Ioan. 6.

I. Corin. II.

Le sacremēt le plus declaré en l'escri-ture sainte est le sacre-ment de l'au-tel, car les quatre Euā-gelistes en ont fait mē-tion.

Hoc est corpus meum, cōme tenant le lieu de Iesus Christ en l'intention de l'Eglise, le pain est cōuertie en la vraye nature du corps de nostre Seignr, & en son precieux sang. Et pource que les especes de pain & de vin demeurent, il est dit pain, soubz lesquelles especes Iesus Christ est. D'auantage, considerez bien, S. Paul en l'escri-ture, quand il parle du S. Sacrement, & qu'il l'appelle pain, il ne le dict pas absolument & simplement pain : mais y met vn article, pour faire la distinction du pain commun au saint Sacrement de l'autel. S. Paul dict *Prebet seipsum homo*, & sic de pane illo edat, & de calice bibat. Il y a vne autre disposition pour manger de ce pain, que pour manger du pain commun, c'est qu'il fault que l'homme s'approuue, *Pro-bet seipsum homo* Il ne fault pas aller à cōfesse, pour souper pour disner, pour mager de ce pain commun. Nostre seigneur ne dict pas: Qui mange du pain, il viura eternelle-ment: car pour manger du pain commun, on ne sera pas sauué: mais cest article *hunc*, demonstre que c'est le corps de nostre Seigneur. Tous les docteurs exposent & appel-ent le corps de nostre Seigneur pain, avecque vn article, pour demōstrer que c'est le vray pain spirituel. *Panis quē ego dabo*. Qui est il ce pain? *Caro mea est*. C'est ma chair. Il ne dict pas, c'est ma similitude, ma figure, mais ma chair, qui sera pendue pour vous en l'arbre de la croix. D'auan-tage, c'est la vraye chair de Iesus Christ, qu'il a prinse au precieux ventre de la vierge Marie. Et pourtant dit: *Ita-que, quicumque manducauerit panem hunc & biberit calicem Domini indignè, &c.* Quiconque mäge ce pain, c'est à di-re le corps de nostre Seigneur, & boit le calice de nostre seigneur (qui est autre chose que le calice des hommes) indignement, &c. il mange & boit son iugement. *Non di-cunt corpus Domini*, le mange à sa damnation, car il ne fait point de difference entre le corps de nostre seigneur & la viande commune. Le sacremēt le plus declaré, c'est le saint Sacrement de l'autel. Les quatre Euangelistes en ont fait mention: & S. Paul, qui tant manifestement le demonstre. Nonobstāt, ces meschans heretiques, par l'in-stigation du diable, le reuoquent en doute, & veulēt prē-dre les escritures selon leur propre sens. Dieu plustost

nous confonde dès à ceste heure, que d'estre heretiques: mais il fault rousiours craindre, & n'auons cause que de baisser la teste, car si nous n'auons erré en la foy, par la grace de Dieu, il y a encores du tēps assez pour tomber. Et pource il nous fault auoir pitié de nostre prochain. Mais aussi leur fault il remonstrer, car de se prendre à nostre seigneur Iesus Christ, il n'y a point de raison. Ils ne veulent rien croire, sil n'est expres en l'escriture. Nostre Seigneur a dit: *Hoc est corpus meum quod pro vobis traditur*. Prenez, voila mon corps qui sera trahy, baillé & crucifié pour vous. Les heretiques dient: *Hoc est corpus meum, id est, significat*. Ceste glose là, n'est pas en l'escriture. Il y a bien differēce, dire. Voila mon corps, & cela signifie mō corps. Nous disons, que c'est le corps de nostre Seigneur, car il dit luymesme: *Hoc est corpus meū quod pro vobis tradetur*. Prenez, voila mō corps qui sera trahy, baillé, & crucifié pour vous. C'est vne bonne viande, qui est signifiée par la manne: de laquelle les enfans d'Israel ont tous mangé, & beu de l'eaue qui est sortie de la pierre: aussi en l'Eglise, nous mangeons le corps de nostre seigneur. Le prestre le prend sous les deux especes de pain, & de vin, & le seculier, *id est*, l'hōme lay, le prend seulement sous vne espece, qui est l'espece du pain, sous laquelle espece est contenu le corps, l'ame, & la diuinité de nostre seigneur. Voila cōment il nous traicte en sa maison en son Eglise: Il nous fait ses commensaux: Il nous donne sa diuinité, son corps, son ame, & son sang. Il est impossible d'estre mieux traictez. Et comme nous disions hier, vne bonne chose mal prinse, nuist. Je croy qu'à ceste feste de Noel, vous le receurez, disposez vous, car c'est vne chose si saincte. La Sage dit: *Quando sederis vt comedas cum principe, diligenter attende quæ posita sunt ante faciem tuam*. Quand on vous appelle à dîner, regardez les mets qui sont apposez sur la table de nostre seigneur. Regardons ce qu'on met deuant nous, c'est le corps, le sang de nostre Seigneur. Les Iuifs souuent lauoyent leurs mains, les Apostres de nostre Seigneur ne les lauoyent si souuent. *Non enim lauant manus suas cum panem manducant*. Ils n'offensoyent pas pour cela: mais il ne fault venir à la table de nostre Sei-

1. Corin. 11.

Les heretiques disent que c'est vn significat: mais il y a bien differēce de dire voila mō corps & dire signifie.

Prouerb. 23.

Matt. 15.

Troisiesme samedi de l'Aduët.

*Les mains
en la sainte
escriture sont
les eures.*

Esa. 1.

gneur *manibus illotis*, les mains souillées & pollues. Les mains, en la sainte escriture, signifient les eures. *Manus est organum organorum*. Si i'ay mal quelque part i'y porte incôtinant la main. Le pied, en l'escriture, signifie l'affection, nous marchons des pieds, aussi noz affections nous menent. Voulez vous donc venir à la table de nostre seigneur? Lavez voz mains: *Qui discite agere peruerse, & discite benefacere*. Faiçtes des bonnes eures & cheminez. Ayez de bonnes cogitations & affections. Il en y a qui se confessent assez de bouche, & ils ne laissent rien. Ce n'est pas assez, mais il fault q nous recognoissions de cueur & de bouche, auoir failly. Il fault ainsi faire pour auoir remission de ses pechez. Ayez ce propos: Voyla i'ay offensé par tel moyen i'aymeroie mieux mourir que d'y retourner plus, ie ne dis pas que vous faciez vœu ou promesse: mais proposez plustost mourir que de vouloir offenser, comme quâd l'enfant a fait courroucer son pere, & puis qu'il est retourné en grace & amour, il dit en soy-mesme, ie me donneray bien de garde de plus courroucer mon pere: mais ie me recompenseray: tant plus i'ay esté rebelle & desobeissant, ie seray plus humble & obedient. Aussi, i'ay tant offensé Dieu, par telle maniere & telle. Dieu est tât courroucé pour le peché, il l'a tât en contrecueur, qu'il a enuoyé le deluge pour le punir, le feu, & le soulfre sur les Sodomites. Il a fait descendre Coré, Dathan, & Abiron, tous viuans en enfer, pour leur rebellion contre Moÿse, & tant d'autres peines & punitions qu'il a faiçtes pour le peché, c'est donc bien signe qu'il hait peché, & qu'il l'a bié en contrecueur. N'y retournôs donc plus, q ne le facions courroucer d'auâtage. Si nous nous repentions de bon cueur & affection, nous n'y voudrions pas retourner: mais ie me courrouce & me despire au premier que ie rencontre. Ainsi donc, les mains lavées, c'est à dire, nous estans confessez & lavez par penitence, en confiance & toute assurance de Dieu, venons à la table de nostre Seigneur, incitons l'un l'autre à y venir, c'est vne bonne viande. Il luy plaira de nous nourrir & de nous donner sa grace en ce monde, & sa gloire en l'autre. Amen.

Gene. 7.

Gene. 19.

Num. 16.

*Dieu a le pe
ché en grand
contrecueur.*

Pour le quatriefme dimenche
de l'Aduent.

Q *Uecunque scripta sunt, ad nostram doctrinā scripta sunt.* Rom. 15.
Vne personne qui a lōg tēps esté en captiuité, & Par le peché
encores y est, & long tēps a attēdu sa deliurāce, d'Adā nous
quād le tēps s'approche qu'elle sera deliurée, elle s'en res- auōs esté to
siouit. Et apres qu'elle est deliurée, elle oublie le mal, la pei cōstituez pri
ne qu'elle a endurée en prison. Par le peché d'Adā, nous sonniers.
auons esté tous constituez prisonniers, captifs, & reduits Philip. 4.
en seruitude & grande captiuité. On nous a donné, quād
nous estions en captiuité, espoir que nous serions deli-
urez. Le temps vient & s'approche, il est pres, que nostre
redēpteur & liberateur doit venir, il n'y a plus que trois
iours Et pource, S. Paul en l'epistre du iourd'huy no⁹ en-
horte de nous resiouir en disant: *Gaudete in Domino sem-*
per, iterū dico gaudete. Et pourquoy nous resiouirons nous? Philip. 4.
car le Seigneur est pres *Dominus propè est.* Quand le Roy
s'approche d'une ville pour faire son entrée, les prison-
niers se resiouissent, car ils esperent d'estre deliurez. Aus-
si se fault resiouir, car Iesus Christ s'approche, lequel est
nostre redempteur & liberateur, en l'aide duquel nous
esperons estre deliurez & mis hors de captiuité. Et pour-
tant S. Paul dit: *Gaudete in domino semper, &c.* Resiouif-
sez vous en nostre seigneur, & de rechef ie vous dis que
vous vous resiouissiez, car la venue du seigneur s'appro-
che: *Dominus propè est,* Chrestiens pour cōcorder & entē-
dre l'escriture, il fault noter qu'il y a diuersité de ioye,
selon le monde. Si ie suis vn homme qui desire les biēs, &
les honneurs, en cela ie me resiouis, quād ie suis honoré,
que ie suis bien voulu, & bien recueilly, que tout le mon-
de parle bien de moy, car cela viēt de mon affection. Ie
desire q̄ mes enfans soyēt esleuez en office & estat, quād
cela aduiēt ie m'en resiouys, car les choses aduiēent sc̄lō
mō souhait, c'est là vne ioye seculiere & dānable, qui ne S. Paul nous
inuite à vn
ioye qui est
en Dieu,
creé à son image & similitude, c'est à dire capable de luy,

Quatriesme dimenche

S'il eust voulu il m'eust fait cōme vn chien : mais il m'a donné entendemēt pour le cognoistre: volōté pour l'aymer, tellement que l'homme est capable de Dieu par ces deux choses là. Et quand il pense à cela, il se resiouyt. En apres, ie considere que Dieu m'a pardonné, toutesfois & quātes que ie veux aller à luy, il me preste l'oreille, & ne se fasche point. Dieu par son sang m'a acquis paradis, & adopté au nombre de ses enfans, en expectatiō de sa gloire, & pour posseder Dieu entieremēt. Quand on pense à cela, il est impossible, qu'ō ne se resiouisse. C'est vne ioye qui est selon Dieu, car c'est ce qui concerne l'honneur de Dieu, cela n'est il pas à la gloire de Dieu? Que vo^s soyez rachepté du precieux sang de Iesus Christ, q̄ vous soyez du nōbre des enfans de Dieu, pour estre deifié, & auoir Dieu pour vostre possession. N'est-ce pas grande matiere de se resioüir, ie me resioüis pource que ie suis en l'Eglise de Dieu, & qu'il me dōne le courage de biē faire, & ceste ioye est selon Dieu, à laquelle S. Paul nous prouoque disant: *Gaudete in Domino semper*. Cōsiderez les biens que vous auez de Dieu, & encores qu'il vous veut & peut faire. Et si vous estiez en enfer, vo^s en sortiriez, par maniere de dire, & vous retourneriez à vostre entēdement: & par faute de cōsiderer les biēs que Dieu nous a faits, & qu'il nous veut faire, nous tōbons en deiectiō de cuer, & pusillanimité, & est en tout annonchally de bien faire, *Gaudete in Domino*. Resioüissez vous, & pēsez qu'il est vostre createur & redempteur, qu'il ne vous veut pas perdre: mais sauuer, il ne se resioüit point en la perdition des hōmes, mais il veut qu'ils vivent. Pensez que la grande di-

L'homme se
doit esioüir
de ce qu'il
est en l'Egli-
se de Dieu.

Iesus Christ nous attire à mandiez pardon : il est meilleur que vous ne pensez. En soy en inspi- ce qu'il vous a poulse à demāder pardon, c'est signe qu'il rāt en nostre ne vous refuse pas. Celuy qui me meine au Roy, qui me cueur la co- baille accez enuers le Roy, il n'est pas contre moy : Aussi gnoissance de Iesus Christ m'attire à soy, il inspire en mon cuer la co nostre peché gnoissance de mon peché, il me prouoque à demander pour luy en pardon : donques, il n'a garde de me refuser si ie luy de- demander mādē: mais i'ay grād espoir de mon salut, & que mes pe- pardon, &c. chez me sont pardōnez & effacez, quand ie sens tant soit

peu que nostre Seigneur se complaist en moy . Et quand ie cōsidere sa bonté , cela me doit bien resiouir . Et pour-
 tāt, S. Paul dit: *Gaudete in domino semper: iterū dico gaudete.*
 Resiouissez vous aux choses qui sont pour vostre salut.
 Mais i'ay des aduersitez & tribulations. Et bien, resiouif-
 sez vous pourtant : car vous avez bon tesmoignage que
 vous estes des esleuz & des enfans de Dieu , & vous de-
 uez penser qu'en tout ce qu'il aduiēt, le vouloir de Dieu
 est accomply : & le bon Chrestien se doit tousiours res-
 iouir , pource qu'il voit que la volonté de son Seigneur
 Dieu est accomplie. Et pource, dit l'escripture: *Non con-*
tristabit iustum quicquid ei acciderit. Quelque chose qu'il
 aduienne au iuste , il n'est point contristé ne fesché : car
 c'est le vouloir de Dieu , c'est là vne ioye qui est bonne.
 Souuent nous nous resiouissons aux choses desquelles il
 se fault contrister. Voyla vn homme qui a toutes ses ai-
 ses, & tout luy viēt à son souhait, il deuroit craindre que
 Dieu ne l'oublie . I'ay offensé Dieu , i'ay acquis tant de
 bien : mais par calomnies , i'ay opprimé le pauvre hom-
 me : on n'en sçait rien, & ie m'en resiouis : & sous ceste
 couleur , ie ne feray point restitution. Et bien , vous de-
 mourez toute vostre vie qu'on ne vous demandera rien:
 mais vous ne regardez pas que c'est à vostre damnation
 qu'on n'en sçait rien : ce vous seroit grande grace & vo-
 stre grand prouffit, si vostre calomnie estoit reuelée &
 cogneuë , car ce seroit vn grand tesmoignage que Dieu
 vous voudroit sauuer , qu'il veult que vous soyiez puniz
 en ce monde icy . Il y a deux manieres de tristesse : vne
 est seculiere, dont saint Paul dit: *quod mortem operatur,* c'est vne tristesse charnelle & sensuelle. Si on ne tient
 compte de moy , i'en suis fesché, & si ie ne me puis ven-
 ger , ou ie ne puis esleuer mes enfans , il m'en desplaist. Ceste tristesse là, est selon le monde qui opere & engen-
 dre la mort eternelle & corporelle, ils auancent leurs iours. Il y a vne autre tristesse qui est bone & selō Dieu, ie voy que i'ay malvescu, & offensé Dieu en diuer-
 siers manieres, i'en suis marry, il m'en desplaist, non pas comme à Iudas & à Cain qui se sont contristez , sans esperance
 d'auoir pardon . Il faut que la tristesse soit appuyée sur

Prouer. 12.

Quelques
 fois nous no-
 us resiouissōs des
 choses dont
 il se fault cō-
 trister.

2. Cor. 2.

Si l'homme
 est triste de-
 quoy il ne
 peut esleuer
 ses enfans,
 telle tristesse
 est selon le
 monde.

Quatriefme dimenche

l'esperance de nostre Seigneur, qu'il me pardonnera: il fault que i'espere q̄ nostre Seigneur aura pitié de moy: ceste tristesse engendre en nous salut, grace, remission de noz pechez: mais la tristesse seculiere engēdre desespoir & de là on vient à se pendre. Voyez vous comment elle ameine & engendre la perdition de l'ame & du corps? mais la tristesse que ie prends pour mon peché, ou pour le peché d'autrui, ameine la vie eternelle, c'est vne cause de grand ioye, & pource que i'ay demandé pardon, ma conscience est en paix & en repos, qui procede de ceste tristesse de laquelle dit le Sage, qu'il vault mieux aller en la maison de pleurs, qu'en la maison de bâquets & conuiue: *Melius est ire ad domum luctus quàm ad domũ conuiuij.*

Eccle. 7.

Matt. 5.

Esa. 5.

Le bon chrestien est tousiours en ioye quād il n'offense point Dieu, & quād il voit que Dieu n'est offense.

Ad Gal. 5.

Mar. 14.

1. Petr. 5.

Philip. 4.

Matth. 6.

Et nostre Seigneur dit: *Beati qui lugent, quoniam ipsi consolabuntur.* C'est tout au cōtraire de la ioye du mōde. Nous auōs la harpe, la fleute & tabourin à nostre disner & souper, comme dit le prophete: *Citharam habetis & tympanum in conuiujs vestris, & opus domini non respicitur.* Les bōs compaignons, du grand matin se mettent à bien boire, & faire grand chere: L'un est yure comme vne soupe, & l'autre est malade, & apres ils dient: Nous auons faict grand chere: ceste ioye là ne vault rien. Notez, l'homme est tousiours en ioye quand il n'offense point: & quand il voit que Dieu n'est point offensé, il a argument de bien se resiouir, & n'a point occasion de se contrister ne fâcher. S. Paul en l'epistre du iourd'huy met les fruiçts, du S. Esprit, entre lesquels ioye & paix, repos de cōsciēce, c'est ioye spirituelle. Si i'ay charité, paix, ioye, ie n'offenseray point: pourueu que nous ne perdions point Iesus Christ, tousiours nous resionyrōs. Ne faictes aucune chose, par laquelle vous perdiez la ioye spirituelle, c'est que vous n'offensez iamais mortellement. *Vigilate & orate.* Soyez sur voz gardes, soyez prudens, car vostre ennemy le diable ne dort pas: *Circuit querens quem deuoret.* Iamais n'offensez Dieu, & il se fera que vous serez tousiours en ioye. *Gaudete in domino semper.* Apres dit saint Paul: *Modestia vestra nota sit omnibus hominibus.* Viuez si bien que vostre vie soit manifeste à tous les hommes. Commēt? Dieu dit: *Nesciat sinistra tua quid faciat dextera:*

Attendite ne iustitiam vestrā faciatis coram hominibus, &c.
 Gardez vous bien de faire vostre iustice en la presence des hommes. Commēt? la parole du disciple est elle contraire à la parole de son maistre? Non, mais il fault pour entendre l'escripture, regarder l'intention de celuy qui parle. Nostre Seigneur a dit à ses Apostres: *Luceat lux vestra coram hominibus*. Vostre iustice, voz euures soient manifestées au hommes, non pas en l'intention que vous soyez reputez gens de bien: mais que Dieu soit loué, magnifié, & le prochain en soit edifié, qu'il en prenne bon exemple: mais que vous soyez ainsi dressez, vous ferez bien voz euures. Et s'il y a de la louenge, baillez la à nostre Seigneur. Il dit: *Attendite ne iustitiam vestram faciatis coram hominibus*. Donnez vous bien de garde de faire voz bonnes euures deuant les hommes. Il dit apres la cause: *Vt videamini ab eis*. Afin que vous soyez reputez des hommes, mais en bien faisant, cherchez & demandez l'hōneur de dieu, & l'edification de vostre prochain. Ainsi le dit S. Pierre: *Conuersationem vestram inter gentes habentes bonam*. Ayez vne bonne conuersation deuant les hommes, afin qu'en voyant voz bonnes euures, qu'ils soient admonestez & incitez à louer Dieu. Il fault que nous desirions de n'estre point cogneuz, & noz bonnes euures, mais que dieu seulement soit glorifié. S. Paul dit: *Modestia vestra nota sit omnibus hominibus*. Ceste modestie consiste principalement au cuer, que nous soyons humbles, ce n'est pas assez: mais il fault par dehors en nostre exterior, monstrier nostre modestie en noz gestes & cōtenance, que nostre exterior soit vn signe & vn tesmoignage de la modestie de vostre cuer, soit en parler ou autrement. N'excedez point vostre mesure. Nous sommes hommes, no⁹ ne pouuons riē faire de bien: nous ne valons sinon entant que Dieu nous en veult faire la grace. Soyons tant humbles que nous attribuons tout à dieu, & ne recognoissons en nous, que toute infirmité & pauvreté. Sainct Paul dit: *Non plus sapere quā oportet sapere: sed sapere ad sobrietatem*. C'est à dire, qu'il fault tout faire par mesure: *Nihil solliciti sitis*. S. Paul oste la grande sollicitude des hommes. Et pourquoy? *Dominus propè est*.

La parole du disciple n'est contraire à celle du maistre Iesus Christ.
Matth. 5.

Matth. 6.

En faisant noz bonnes euures nous deuons demander la gloire de Dieu & l'edification de nostre prochain.
1. Pet. 2.
Philip. 4.

Quatriesme dimenche

Il n'est pas defendu que ne facions prouision. Nostre Seigneur ne veult pas que nous ne soyons prudents, & que nous ne facions prouision. Ioseph fut soigneux pour eiter la famine, qui dura par sept ans, il fist prouision. Et pource, le soing de la bõne prudence n'est pas prohibé: ce n'est point à no^r de viure au iour la iournée: mais il defend la sollicitude qui procede de la des fiance de Dieu: *Nolite solliciti esse, dicentes, quid manducabimus, aut quid bibemus, aut quo operiemur, hac enim gentes inquirunt.* Nostre Seigneur ne me prohibe pas que ie ne face prouision: mais q^{ue} ma sollicitude ne procede point d'une des fiance de quoy ie seray nourry & vestu, comme font les Payens & Gentils. Ne vous mettez point en anxiété. Ne vous troublez point, ne vous des fiez, mais pẽ

Matt. 6.

Il ne nous fault deffier de Dieu en faisant bien nostre deuoir.

sez que Dieu nourrist les bestes, les passereaux. Et vn de voz cheueux ne tombe point sans la prouidence de Dieu. *Nolite ergo timere: multi passeribus meliores estis vos.* N'estes vous pas plus chers à Dieu q^{ue} les bestes brutes & oyseaux qui sont sous sa garde? Combien a il donc plus de soing de vous? C'est donc la trop grande sollicitude qui est avec des fiance, qui est prohibée: car elle ne vault rien proprement, c'est contre l'esperance qu'on doit auoir en Dieu, laquelle est telle: Consideriez vostre estat & condition, labourez & trauaillez, Dieu le commande:

Gene. 3.

Psal. 127.

In sudore vultus tui vesceris pane tuo. Item labores manuum tuarum, quia manducabis. Item, qui non laborat nec māducet.

Mais mettez en trauaillant vostre esperance en Dieu. Labourez pour gagner vostre vie, en esperance que Dieu vous aydera: pourueu q^{ue} vous faciez ainsi, Dieu est Dieu, il ne vous laissera point mourir. Et quand il vous laisseroit mourir de faim entendez qu'il vous ayde plus qu'en vous en voyât du pain, car il est iuste. D'aucuns pensent que Dieu leur aydera: c'est à l'heure qu'il est plus contre eux. Voyla vn meschāt homme, il a vn proces, il sçait bien qu'il a mauuaise cause: mais il a si bien fait & pallié les iuges, qu'il gaigne son proces, il pense que Dieu luy ayde, & dit: O que Dieu m'a fait grande grace. Tu penses que Dieu estoit pour toy, en gagnant ton pro

c'est vne grande pu-

ces: mais il estoit contre toy, c'est vne grande punition, car Dieu a permis par son occult iugement, que tu ayes

gaigné : & si tu eusses perdu , tu eusses restitué tout à la partie : à tout le moins la plus grand part , tu eusses échappé le iugement de Dieu en restituant . Les iuges sont participans du mal : car ils l'ont adiugé . Et tu tiens le bien de ton prochain comme le tien propre . Si tu te confesses & tu n'as volonté efficace de restituer , tu seras damné à tous les diables . Et pource , quand vous faictes contre l'honneur de Dieu , & au dommage de vostre prochain , ne dictes point , Dieu m'a aydé . Souuent quand nous pensons que Dieu est nostre auxiliauteur , & que nous prenons le bien , venant comme de sa grace & misericorde , ce nous est vn grand iugement de Dieu contre nous . Et c'est vne punition dont parle saint Paul : *Tradidit illos Deus in reprobum sensum* . Quand la chose viét comme ie la demande , à mon souhait , ie pense que Dieu m'aide , c'est au contraire , c'est vn signe que Dieu t'a delaisé , & qu'il est contre toy . Et c'est punition & vn tesmoignage du iugement de Dieu : mais vous ne l'entendez pas : *Ne ergo solliciti sitis* . Labourez , esperans en la promesse de Dieu , qu'il vous aydera en la lumiere qu'il sçait biē . Il ne vous laissera point mourir de faim . Il conuertira plustost les pierres en pain . Et si ie ne suis point aidé par ce moyen là , si est ce que Dieu m'aide . Je dis *modo delibito* , par la maniere qu'il sçait . Il fault esperer en Dieu qu'il nous aydera : mais la maniere le temps , & commēt il nous doit ayder , nous ne sçauons . Si ie pensois autrement , ie ferois tort à Dieu , car il est veritable . Et en travaillant selon mon estat , il m'aidera : mais la maniere cōment , ie ne sçay , ie m'en rapporte à luy . Je vous demāde comment a il aydé à Daniel au lac des lions ? L'ange a prins Abacuch par vn cheueil qui luy a aporté son dîner . Ne vous souciez donc point de la maniere mais asseurez vous que Dieu vous aydera . Considerez les nations des hommes , depuis le commencement du monde , s'il en y a eu quelqu'un delaisé de dieu , qui se soit cōfié en luy . Vous direz , que plusieurs ont enduré faim , mesme saint Paul dit : *Vsquequo in hāc horam esurimus & sitimus & nudi sumus* . Je vous dis , que si en faisant son deuoir , si on endure de la necessité , c'est ayde de Dieu , le-

nitio de Dieu quād il permet , qu'un qui a man- uaudroit gaigne son proces.

Roma. 1.

Dieu ne laissera mourir de faim ce- luy qui bien laboure en son estat.

1. Cor. 4.

Quatriesme dimenche

quel aide en la maniere qu'il scait: *Potens est Deus, vt alat eos in fame.* Et pourtant, *Nihil solliciti sitis.* Nous prions Dieu nous donner sa grace en ce monde, & sa gloire en l'autre. *Ad quam nos perducatur, &c. Amen.*

Autre sermon pour le quatriesme Dimenche de l'Aduent.

Rom. 15.

Q *Vacunque scripta sunt, ad nostram doctrinā scripta sunt.*

Nous ne deuons craindre
estant en la
grace de nostre
Seigneur

L'enfant qui est aupres de son pere ou de sa mere, il se tient pour assésuré, il ne craint point d'auoir mal. Celuy qui est bien aimé du Roy, & est aupres de luy, il ne craint point qu'on luy face mal. Il a l'amour du Roy & sa grace, il luy porte faueur & credit, il ne craint point d'auoir pauvreté & faulte d'aucune chose, il met son appuy sur le bon vouloir du Roy. Nostre seigneur Iesus Christ est prochain de nous, il ne fault point que nous craignons d'auoir mal aupres de luy: mais nous deuons assésurer, ne nous mettre point en anxieté. Il suffit esperer en luy, en faisant son deuoir au moins mal qu'il sera possible, en s'appuyans sur le bon vouloir de nostre Seigneur. Et pourtant saint Paul en l'epistre du

Philip. 4.

iourd'huy dit: *Dominus propē est:* Dieu est pres de vous: ne craignez point: ne soyez point en trouble. N'ayez point de soing d'auoir faulte d'aucune chose. Si ie suis aupres de quelqu'un qui me peult ayder, ie ne craindray point: s'il m'ayme bien, il me subuiendra. Autrement, ce ne seroit pas vray amour: car le tesmoignage d'amour c'est

1. 1oh. 3.

l'execution de l'euure & subuention. Saint Iean dit: *Si quis habet substantiam huius mundi, & videt fratrem suum necessitatem habere, & clauserit viscera ab eo, quomodo chari-*

Nous n'auons
point de meilleur
amy que
Iesus Christ.

tas Dei est in illo? Si i'estois donc aupres de mon amy, & i'ay besoing & necessité, & ne luy diray point qu'il m'ayde, entendāt ma necessité, il m'aidera sans luy dire. Nous n'auons point de meilleur amy que Iesus Christ, il est

Act. 17.

pres de nous. Saint Paul dit: *Non longē est ab vno quoque nostrum.* Il est en nous: *In ipso viuimus, mouemur & sumus.* Il habite en nous: il nous ayme cordialement. Et quand

il veoit que nous sommes en besoing & necessité, il n'ayde. Et pource, saint Paul dit : *Ne solliciti sitis*. Ne vous mettez point en peine, car nostre Seigneur est pres: *Dominus propè est*. La sollicitude qui procede de desffiance, est prohibée de Dieu: car vne personne doit estre asseurée, qu'en faisant son deuoir, Dieu luy aidera. Quant est de la maniere, du temps, du lieu, ce n'est pas à nous à le sçauoir: mais nous deuons asseurer de son ayde. Et quand vous pensez que vous n'estes point aydez, c'est quand il vous ayde. Vn homme charnel n'estime point estre aidé, s'il ne le sent & touche: mais l'homme spirituel, qui a trois yeux, il veoit, & pense qu'il est beaucoup aydé, mesmes quand la chose va contre l'appetit naturel. Ne vous souciez donc point. Mais ne fault il point trauailler? Nostre Seigneur ne veut pas que nous trauaillions avec vne desffiance & crainte de rien n'auoir, ou d'auoir trop peu. Mais ie ne laisseray pas à mourir de faim. Et les gens de bien, comme les Apostres ont eu necessité. Saint Paul n'auoit rien, il estoit contraint de ieusner, il n'auoit pas vn lieu pour se loger: *Vsq̃ue in hanc horam esurimus & sitimus & nudi sumus & colaphis cadimur, instabiles sumus, incertis sedibus vagamus*. Dieu les laissoit il? Nenny, mais tant plus estoit il en eux. Vn bon Chrestien ne demande autre chose que le bon vouloir de Dieu pour son ayde: *Nihil solliciti sitis*. Il y a sollicitude pour acquerir l'amitié de Dieu, auoir le soing de faire les commâdemens de Dieu. Le prophete Micheas dit: *Indicabo tibi, o homo, quid sit bonum & quid dominus requirat à te: vtique facere iudicium, & diligere misericordiam, & sollicitum ambulare cum Deo tuo*. Hôme, ie te veux dire, que Dieu veut que tu faces: c'est que tu te iuges, & non pas ton prochain: *Nolite iudicare & non indicabimini*. Donc, iuger autrui, cela vient au iugement de Dieu, mais iuge toy, condamne toy, discute ta vie, non pas celle de ton prochain. S'il y a du bien en toy, loüe Dieu: s'il y a du mal, fais penitence. Nostre seigneur veut que tu aymes misericorde, que tu sois misericordieux à ton prochain. Et ainsi il fault cheminer avec Dieu, songneusement. I'ay dit que Noé a cheminé avec Dieu, Cheminer avec Dieu, c'est tousiours viure en

1. Cor. 4.

Philip. 4.

Mich. 6.

Il fault iuger & discuter sa vie propre, & non de son prochain.

Quatriefine dimenche

bon desir, & en toutes noz pensées, faicts & paroles, auoir la presence de Dieu, laquelle fera que nous n'offenserons point Dieu, dist à Dieu: Seigneur, i'ay gardé tous voz commandemens, car i'ay veu que tousiours vous me regardiez, i'estois en vostre presence. Quand vn seruiteur veoit son maistre, il faict du bon seruiteur: *Dicitur communi prouerbio: Oculi domini impinguat equū.* La pre-

Dieu duquel la presence est par tout nous doit faire à tout bien diligens.

sence du maistre, engresse le cheual. Si donc pour la presence d'un homme, le seruiteur est diligent, il fault bien que la presence de Dieu nous face diligens. Et pource, Dauid dit: I'ay faict les commandemens de Dieu le mieux que i'ay peu, car Dieu est present par tout, c'est viure en la crainte de Dieu, auoir Dieu tousiours comme present, ne faire rien indigne de sa maiesté. Et si le seruiteur est reuerend en la presence de son maistre, combien deuons nous estre plus reuerens en la presence de Dieu? Soyons soigneux de cheminer deuant Dieu. Si ie pensois tousiours que Dieu me veoit, cōsentirois-ie à mal, quād ie suis tenté? Si ie suis en la presence des hōmes, ie crains de faire mal: & Dieu qui veoit tout, luy ferez vous ce deshonneur? On se soucie si peu de Dieu, qu'on n'en tient compte, on ne se soucie de faire chose qui soit cōtre son deshonneur. Il fault estre soigneux de cheminer deuant Dieu, car il est par tout present, & pour l'amour de Dieu, ie me garderay de mal faire. Si i'y pensois, quand ie iure, ie m'en garderois bien: Qui diroit, voila en despit du Roy, en la presence, il seroit incontinant puny. Et quād i'offense, ie dis, voila en despit de Dieu, c'est autant, que de renoncer Dieu, comme dit saint Paul: *Confitentur se nosse Deum, factus autem negant.* Quand ie peche mortellement, c'est autant que si ie disois à Dieu: Je n'ay que faire de vous, ie ne feray rien pour vous. N'est ce pas là vn grand deshonneur faict à Dieu? Il fault estre soigneux de cheminer deuant Dieu: penser, Dieu me garde, & cela nous gardera d'offenser en dits en faicts, & en pensées, c'est vne compagnie, sans laquelle il ne fault iamais aller, car il est dit: *Va homini soli, si ceciderit, non habebit subleuantem se.* Et de ceste sollicitude, dit saint Paul: *Soliciti seruare unitatem in vinculo pacis.* C'est viure en amour, en paix

Quand i'offense Dieu par peché mortel, autāt est comme dire, voila en despit de Dieu.
Eccle. 4.

& cōcorde avec ses prochains. Viuez en fraternité, mettez peine d'auoir Dieu avec vous, & de chercher tous les moyēs, par lesquels on prouffitera plus en son amour, & en sa grace : mais nous n'auons soing que de faire grāds noz enfans. Mes amis, demourez vous tousiours en ceste vanité. Daudid dit: *Filij hominū vsquequo graui corde, vt qui diligitis vanitatem & queritis mendacium.* Ce n'est q̄ toute vanité & mēsonge. Cōbiē en y a il eu qui ont auacé leurs iours? Que s'ils eussēt mis peine de chercher Dieu, ils fussent encores en vie, *Qui volunt diuites fieri, incidunt in laqueum diaboli, radix enim omnium malorū est cupiditas: quam quidam appetentes errauerunt à fide & inseruerunt se dolorib⁹ multi.* Et dea, si nous voulōs estre auaricieux, soyōs le de l'amour de Dieu, & ambicieux de paradis, cela est sans calomnie : mais l'ambitiō du mōde est pleine de fraude. Et puis qu'on a prins son but, sa fin, à dire i'en auray, on ne se soucie d'ou il viēne mais qu'on en ait. Et en ce mōde, qui plus en a, il est le plus honoré en l'auarice & ambitiō. En la grace de Dieu, cela n'y est point, mais toute humilité, supporter l'un l'autre: Et qui pl⁹ a de graces de Dieu, il est plus grād seigneur. Soyez dōc sollicitieux d'auoir la grace de Dieu. No⁹ ne sçauōs quād nous mourrōs. Nous sommes maintenāt en bonne santé, graces à Dieu: mais possible q̄ nous ne soupperons pas aujourd'huy à nostre table. Il n'y a riē plus certain que la mort, & riē plus incertain que le tēps & l'heure. Ne fault il donc pas s'estudier à trouuer la grace de Dieu & sa misericorde, afin q̄ nous ne soyons surprins? Les biēs de ce monde passent & la volonté de Dieu demeure eternellemēt. Il dit: *Venite ad me omnes qui laboratis & onerati estis, & ego reficiam vos.* La premiere sollicitude que nous deuōs auoir, c'est trouuer la grace de Dieu. Mais nous n'auons soing que pour ce corps, & l'ame demeure là. I'auray tous les biens de ce monde, & neantmoins ils ne me sauueront pas. C'est vne chose pour bien nous estonner. Je suis maintenant icy, mais le premier logis q̄ ie feray, c'est pour à iamais estre sauué ou damné, il est en moy de me sauuer, par la grace de Dieu, & si ie suis perdu & damné à qui attribue- ray- ie ma ruine & perdition, sinon à moy? Et pour- ce

Psal. 4.

1. Tim. 6.

Qui a le pl⁹
d'auarice &
d'ambitiō en
ce monde il
est le plus ho
noré.

Matth. 11.

Si nous som-
mes damnez
il n'en fault
attribuer la
cause sinon à
nous.

Quatriefme dimenche

il nous fault preparer le logis en l'autre monde, & ne nous arrefter point à la terre. Je ne dis pas qu'il ne faille auoir des biens temporels, mais il fault premierement gagner & chercher le royaume de Dieu, & fa iustice. *Querite primum regnū Dei, &c.* Car que prouffite il auoir eu tous les biens de ce monde, & à la fin estre damné? Je fuis esmerueillé cōme on s'estudie à s'accoustrer si pompeusement, & quelque guerre que nous ayons eüe, nous ne sentons point le fleau de Dieu. Et il a rôpu le chemin à noz ennemis. Nous auons veu l'heure que nous attendiōs d'estre exterminiez. He Chrestieſ! il fault pourueoir pour l'aduenir. Maudite est l'heure de sa natiuité qui ne aura pourueu à son cas: car quand il mourra il sera priué eternellemēt de Dieu & de la cour celeste de paradis. On a tant de soing de ce corps infect & puant, & non point de l'ame faicte à l'image & similitude de Dieu, qui est capable de la vision de Dieu. Et le corps ne sera point glorieux, sinon pour la redondance de la gloire de l'ame, & il sera glorieux, comme le corps de Iesus Christ. On ne s'en soucie point. Tout est pour ce corps. Peu vous aura prouffité, si vous n'auiez gagné la vie eternelle. La vie de nostre corps n'est pas à nous. On nous la peult oster, & non pas la vie eternelle. Pensez tousiours à cela, *Quid prodest homini si vniuersum mundum lucretur, anima verò suæ detrimentum patiatur?* Ay-ie rien plus precieux que mon ame, & qui me soit plus prochain? Et pource, il la fault pourueoir, & Dieu vous nourrira. Luy qui nourrit les ames il nourrira les corps. Apres, saint Paul en l'epistre: *Sed in omni oratione & obsecratione cum gratiarum actione, petitiones vestre innotescant apud Deum.* Ayez le soing que voz petitions & requestes soient cogneuës de Dieu, en toute action de graces. Oraison, c'est vne simple requeste qu'on faict à Dieu, mais obsecration c'est quand on dit: Seigneur, ie vous supplie en vertu de vostre passion, pour la gloire de vostre nô pardōnez moy, ayez pitié de moy comme dit Dauid: *Adiuua nos Deus salutaris noster, & propter gloriam nominis tui domine libera nos, & propitius esto peccatis nostris, propter nomen tuum.* C'est aussi comme le pauvre qui demande l'aumosne pour l'amout de Dieu & de

*Le corps ne
sera glorieux
sinon par la
redondance
de la gloire
de l'ame.*

Philip 4.

Psal. 78.

de la vierge Marie, de saint Iean, ou de quelque autre saint. Le sage dit : *Cum obsecrationibus loquitur pauper* Et l'obsecration a plus d'efficace pour impetrer, que n'a l'oraison. *Petitiones vestrae innotescant apud deum. i. à Deo approbentur.* La maniere de l'escriture quand elle dit, que Dieu cognoist, c'est à dire, qu'il approuue, cōme S. Paul dit : *Novit dominus qui sunt eius. i. approbat.* Et au iour du iugement, plusieurs diront à Dieu : *Domine, in nomine tuo prophetavimus, virtutes multas fecimus.* Nostre seigneur leur respondra : *Nescio vos. i. non approbo.* Dieu cognoist tout, mais ils n'approuve pas les meschās, s'il n'ont fait debōnes euvres : mais ce a esté pour la gloire du mōde, nō pas pour l'honneur ny la gloire de Dieu. *Nescio vos.* le ne vous aduoie ny approuve point. La sciēce de Dieu, c'est son approbation, il ne cognoist point les meschans, il ne les approuve point, mais il les reprouve. Il a regardé à Abel & à son sacrifice. Il l'a reprouvé, & non pas celuy de Cain. Et pource S. Paul dit : Faites si biē que voz oraisons obsecrations & petitions soyent cogneües & approuvées de Dieu, il y a action de graces, qui est vne cognoissance des biens de Dieu, & celuy qui est ingrat, il se rend indigne de ne plus rien avoir de Dieu, & au cōtraire, celuy qui recognoist les graces & benefices que Dieu luy faict il se rend digne d'en recevoir d'avantage. *Et pax dei que expuerat omnē sensum, custodiat corda vestra & intelligētias vestras in Christo Iesu.* La paix de Dieu, c'est nostre seigneur Iesus Christ, par lequel la paix a esté faicte entre Dieu & nous par lequel nous sommes reconciliez à Dieu. Saint Paul prie que celuy par lequel la paix a esté faicte, qu'il garde voz cueurs, voz volontez & entendemens qu'ils ne soyent corrompuz par erreur, & par malice. Si la volonté de l'homme estoit tousiours bonne, iamais ne seroit corrompue par erreur, car erreur est la peine de l'entendement, qui procede de peché, autant qu'il ayt esté puny. L'homme par la malice de son cueur il a erré. Les heresies procedent de la malice du cueur des hommes. Et s'ils n'eussent peché, iamais les heresies n'eussent regné. Il n'y a point d'heresie sans pertinacité de cueur. Saint Augustin dit : *Errare quidem potero, hereticus tamen non ero.* Vn

Philip. 4.

1. Timo. 2.

Matth. 7.

Matth. 25.

Matth. 25.

La sciēce de

Dieu c'est

son approba

tion.

Philip. 4.

Si la volon-
té de l'hōme
estoit tous-
iours bonne,
iamais ne se-
roit corrom-
pue par er-
reur.

S. August.

Quatriesme dimenche

homme de bien peut errer, neantmoins il ne sera pas heretique, car il ne sera pas pertinax & obstiné. Obstinatio faict la parfaicte heresie, laquelle n'est iamais sans malice de la volonté. Dieu nous vueille donner vn bon concile, par sa grace & misericorde. Si vn chacun en son endroit & condition vouloit corriger ses fautes, ie n'estime point meilleur remede pour confuter les heretiques, Il y a tant d'abus en chacū estat! Ostez la racine du mal, & incōtinant les heresies cesseront. Il y a des erreurs qui ne portent point preiudice à l'homme pour les ignorer, comme si ie ne sçay point combien il y a d'estoilles au ciel, ie ne laisseray pas à estre sauué pour ignorer cela: mais errer en ce qui concerne l'ame, son salut, en la foy, & en bonnes meurs, ce sont erreurs qui sont preiudiciales à l'ame. Et pourtant, il fault prier Dieu: Seigneur ie ne demande sinon d'entendre la verité, & souuent vous deuez dire: *Illumina oculos meos ne vnquam obdormiam in morte*. Ne cherche autre chose qu'à faire la volonté de Dieu, & il ne permettra point que vous tombiez, il vous gardera voz entendemēs. Autremēt, paix, c'est tranquillité en sa conscience, c'est vne grace de Dieu, qui surmōte tous sens & entendemens. Et saint Paul prie que iamais nous n'erriens, que Dieu nous garde nostre volonté & entendement de tout erreur & malice. Nostre euan-gile nous propose vne personne qui a tousiours bien gardé son sens & intelligence, qui est saint Iean Baptiste. Il n'a pas tenu à plusieurs qu'il n'ayt erré: mais a tousiours esté gardé de Dieu: *Miserunt Iudai ab Hierosolymis sacerdotes & leuitas, vt interrogarent eum, tu quis es?* Voila vn ambassade de prestres & Leuites de Hierusalem, qui viēt à saint Iean Baptiste pour luy demander, qui il est. La cause de ce, a esté saint Iean lequel par l'inspiration du saint Esprit, est sorty du desert pour prescher & baptiser. De son enfance, il estoit allé au desert: Iamais n'auoit esté veu de personne, ny hōme ny femme ne l'auoiet

Psal. 12.

*Ne cherchēs
autre chose
sinō à faire
la volonté de
Dieu.*

Ioan. I.

*S. Iean estoit
de grāde au-
sterite de vie.*

Saint Iean estoit de grande austerité de vie. Pour sa vesture il auoit vne robbe de poil de chameau, & vne ceinture à ses reins. Sa viande c'estoient des locustes & du miel sauuage, il estoit né d'une maison noble de la

maison d'Aaron, il estoit fils de Zacharie, qui estoit grād prestre, & quand il fut né, on s'esmerueilloit de cest enfant: *Qui putas isle puer erit?* Car on voyoit son pere remply du sainct Esprit, qui auoit recouré la parole & l'enfant auoit tressailly au ventre de sa mere Elisabeth, quād la vierge Marie la fut visiter. Depuis tout cela, comme dit sainct Chrysostome, iamais sainct Iean ne tetta sa mere, ny fut nourry de laiēt, ny mangea de pain, incontinant il laissa pere & mere, & s'en alla au desert, ou il n'a veu personne. *Neminem vidit: nec à quoquā visus est.* Il n'auoit autre colloque qu'avecques les anges. Et S. Luc dit:

Luc. 1.

Factum est verbum domini super Ioannem, Zacharia filium, in deserto, & venit in omnem regionem iordanis predicans baptismū pœnitentie in remissionem peccatorum S. Iean

Luc. 3.

par le commandement de Dieu est sorty du desert, & est venu au fleuve de Iordain, baptiser & prescher, & iamais aucun prophete n'auoit attenté de baptiser au parauant luy. Il preschoit penitence. Toute la Iudée y venoit, de Ierusalem, & des regions circonuoisines venoyent à luy confesser leurs pechez, il appelloit les Scribes & Pharisiens, generation serpentine & disoit: *Facite fructus dignos pœnitentie.* Et les gens d'armes venoyent à luy demander qu'ils feroient. *Neminem conuulsatis & estote contenti stipendiis vestris.* Ne pillez point ny frappez, mais cōtentez vous de voz gaiges. Et le commun peuple demādoit aussi qu'il feroit, il dit: *Qui habet duas tunicas det non habēti.*

Luc. 3.

Luc. 3.

Luc. 3.

Et qui habet escas, similiter faciat. Et ainsi comme S. Iean baptisoit & preschoit, ceux de Hierusalem estoient estonnez, & disoyent: N'est-ce point le Messias? car vn des signes que le Messias estoit venu, c'est que celuy qui re- gnoit en Iudée, qui estoit Herodes, estoit estrangier, & le royaume estoit diuisé en trois parties, comme dit sainct Luc. Herodes auoit Galilée pour sa part & Philip- pes son frere, *erat tetrarcha & traconitidis regionis.* Voyez comment le royaume estoit diuisé, & Herodes estoit e- strangier, Idumée: C'est ce qu'auoit prophetisé Iacob.

Indice de la
venue du
Messias.

Luc. 3.

Nō auferetur sceptrum de Iuda, & dux de femore eius, donec veniat qui mittendus est. Et ils voyoient par cela, que le tēps du Messias estoit venu, & que biē tost il viēdroit. Ils

Gen. 49.

Quatriefme dimenche

regardoient que saint Iean estoit homme parfait, ils enuoyent à luy vn embassade pour sçauoir qui il estoit. Encores ils ont enuoyé gens d'honneur, les prebstres, & les Leuites. Ils ne faisoient pas tant d'honneur à nostre Seigneur, car ils luy enuoyèrent des sergens & bourreaux Herodians: mais ils ont enuoyé des principaux, & gens d'honneur à saint Iean pour luy demander.

Les Iuifs ont enuoyé à nostre seigneur sergens pour embassades.

Ioan. I.

Tu quis es? Qui es tu? Tu fais vn ministration que iamais homme n'a attenté, qui t'a donné ceste autorité? ceste office & charge? Saint Iean n'a point esté esmeu de gloire mondaine. Franchement il a confessé. Confessus est & non negauit, quia non sum ego Christus. Ne pensez pas que ie sois le Messias promis en la loy, & par les prophetes. Il a franchement respõdu selon son cuer, ie ne suis point le Christ, Le Messias promis en la loy, c'est à dire, le sauueur qui a esté promis pour rachepter le genre humain, & pour effacer les pechez du monde, *Non sum ego Christus, scilicet missus* pour vous reconcilier à Dieu, & pour vous meriter la vie eternelle. C'est vne grande fidelité au seruiteur quand il ne veut point vsurper la gloire deüe à son maistre. Nostre seigneur Iesus Christ est le seul Messias & redempteur. Tout nostre salut est en luy, & n'y a autre qui nous merite grace & pardon, que nostre Seigneur Iesus Christ. Et qu'un homme vsurpe la gloire & honneur de son maistre: cela ne seroit pas raisonnable. Saint Iean a esté vn bon ministre & fidele, il a confessé maintenant, ie ne suis pas le Messias, ie ne puis rien.

Ioan. I.

Il y a trois manieres de mensonge.

Ce n'est pas à moy de vous sauuer. Il en y a aucuns qui sont louez, & sçauent bien le contraire, qu'ils ne valent rien, nonobstant ils boyuent cest honneur, & sont contents d'estre louez. Et confessez la verité, iamais ne faulx mentir. Il y a trois manieres de mensonge. *Primò, mendacium otiosum* ie dis quelque chose pour rire, c'est peché veniel, mais il s'en fault garder. *Secundò, il y a mendacium officiosum.* mentir pour prouffiter à autrui, cõme si quelqu'un cherche vn autre pour le tuer, ie dis qu'il n'y est pas ie tais la verité, car il y est. I'offense Dieu veniellement. Nous pouons bien vser de simulation d'une parole qui a deux ententes, mais il n'est point licite de mentir. O

l'ame n'en a point de dōmage, si a, car si ie mourois en cest estat de peché veniel, & quand il n'y auroit autre empeschemēt de voir Dieu, ie serois retar- ré de voir Dieu. Je serois priué pour vn temps de la face de Dieu. N'est-ce pas grand mal à vn enfant, qui voit que son pere ne le veut point regarder? Aussi, Dieu ne veut point regarder celuy qui est en peché veniel, pour lequel on est retardé en purgatoire, & est on priué de la vision de Dieu, pour quelque temps. Tertiō, il y a vn autre mensonge pernicieux, duquel l'escripture dit : *Perdes omnes qui loquuntur mendacium.* Celuy qui porte dom- mage à son prochain par sa mensonge, c'est peché mortel, il y a vne mensonge en la foy & en bōnes meurs, elle est bien pernicieuse. *Ex suo genere, est offensio Dei mortalis.* Quand vous vous trouuez en compagnie. & vous oyez parler contre la foy & les bonnes meurs, vous taisez vous? Vostre taciturnité est peché mortel, *Error cui non resistitur, approbatur: & veritas cum non defenditur, opprimitur.* Ce sont là deux regles qu'il fault retenir: quand on ne resiste point à vn erreur, on l'approuue: Et quād on ne deffend point la verité, on l'opprime. Quand on dit mal contre la foy, ou bonnes meurs en vostre presence, & vous ne dictes mot, vostre silence est reputé pour approbation de l'erreur. Specialement ceux qui ont charge en l'Eglise ou en la temporalité, ils doiuent empeschier les fautes, & s'ils ne le font, la faute leur est imputée, comme s'ils l'eussent faicte: car *Error cui non resistitur approbatur.* Apres il y a : *Veritas cum non defenditur, opprimitur* Vo⁹ qui estes tenuz de deffendre la verité, selon le deu de vostre office, si elle est opprimée en vostre presence, il vous est imputé cōme si vous mesmes l'eussiez opprimée. Ho! la plus grand part est à cela: Et puis, quand vous seriez mal voulu de la compagnie en ne consentant point à mal, ô que vous seriez bienheureux! Sainct Iean n'a peu endurer qu'on estimoit qu'il fust le Messias. *Non sum ego Christus.* & qui es tu donques? *Elias es tu? Non sum.* Il luy demandent s'il est Elie, pour ce que dit le prophete Malachie, *Ego mittam Eliam prophetam.* Entendez, voila sainct Iean, il presche la verité: Il respōd qu'il n'est pas Elie. Nostre seigneur Iesus Christ

Il y a le men-
tir perni-
cieux.
Perdes om-
nes. &c.

S. Iean Ba-
ptisten'a peu
endurer qu'on
estimoit qu'il
fust le Mes-
sias.
Matth. 17.

Quatriesme dimenche

- dit que S. Iean est Elie: cōment s'entent cela? L'ange Gabriel parlant au pere de S. Iean à Zacharie, en dōne la resolution. *Ipsē Ioannes precedet ante ipsum, in spiritu & virtute Elie*. Elie ne peut endurer la meschanceté du Roy Achab, & de la Royne Iesabel. Il les reprit bien asprement. Aussi, saint Iean en pareille vertu n'a sceu endurer l'inceste d'Herodes, qui abusoit de la femme de son frere, mais l'a tresbien reprins: *Non licet tibi habere uxorem fratris tui*. Car quand le peché est public, il le fault reprendre publiquement. Pour cela, il a eu la teste trencée. Et pource que saint Iean a eu le zele à dire la verité, il est appelé, Elie, en la vertu & esprit d'Elie, non pas en la personne, car ils estoient deux personnes. Comme Elie sera le precurseur du second aduenement de nostre seigneur Iesus Christ: aussi saint Iean a esté precurseur de nostre seigneur Iesus Christ en son premier aduenement. *Fuit homo missus à Deo, cui nomē erat Ioānes*. Ils disent à S. Iean: *Qui es tu dōc? Es tu prophete?* *Propheta es tu?* Et il respōdit: *Non*. Ne ment il point? *Non*: car il est plus que prophete, & son pere Zacharie auoit dit: *Et tu puer propheta altissimi vocaberis, &c.* Entendez que saint Iean respōd de soy, ce qu'il est, comme vne personne ayant la grace de Dieu dit qu'il ne vault rien, & qu'il est vn grand pecheur, en cela il ne ment point, comme mōsieur saint Paul, grand amy de Dieu, se dit le plus grand des pecheurs, car il se considere de soy ce qu'il est mais quand il regarde à la grace de Dieu, il se dit plus grand que les autres. *Plus omnibus laboravi, non ego, sed gratia dei mecum*. S. François disoit qu'il estoit le plus grād pecheur du monde. Ce n'est point mētir, car de nous, comme de nous, ne sommes q̄ peché, & si nous regardons à la grace de Dieu, nous sommes quelque chose. En ceste consideration, S. Iean dit, qu'il n'est pas prophete. Autrement, on peut dire qu'il estoit bruit au peuple qu'il deuoit venir vn homme prophete, comme dit Moyse au Deuteron. *Dominus suscitabit vobis prophetam illum vt me audiat*. Et on demā de à saint Iean si c'est ce grand prophete, il respond que non. O que la parole de nostre seigneur est bien verifiée! qui dit: *Qui se humiliat, exaltabitur*. cōme saint Iean, Et
- LUC 1.**
- Marc. 6.**
Si le peché est public il le faut reprendre publiquement.
- Ioan. I.**
- LUC. I.**
- 1. Cor. 15.**
- Deut. 18.**
- LUC. 14.**

qui se exaltat, humiliabitur. comme Lucifer par son orgueil est tombé: Adam & les autres. Nembroth, qui fit la tour de Babylone: *Et confusus est: Et Nabuchodonosor, Holofernes.* Nostre Seigneur tousiours a resisté aux orgueilleux, & a exalté les humbles, comme de Dauid qui estoit berger, il en a fait vn Roy. C'est ce que dit la vierge Marie en son cantique. *Deposuit potentes de sede: & exaltauit humiles.* Et saint Iehan qui s'humilie ne sentant rien de soy, il dit, qu'il n'est pas prophete: *Et exaltauit humiles.* car nostre Seigneur a dit qu'il est plus que prophete. Autrement, dit Rupert: *Non sum propheta, scilicet officio, sed virtute & gratia.* L'office d'un prophete, c'est d'annoncer la venue & incarnation de nostre Seigneur. S. Iehan n'est point enuoyé pour cela: mais pour la monstrier avec le doigt: *Ecce agnus Dei.* Tout ce qui est escript c'est pour nostre doctrine. Quand vous voyez que saint Iehan est humble, c'est à dire, que tout le bien de son prochain, il le fault interpreter à la bonne part: mais de toy donne iugement, & plustost sens mal de toy, & demandes plustost à estre petit que grand. C'est la doctrine de nostre Seigneur, qui de soy dit: *Ego sum vermis & non homo:* mais s'il est question de parler de son prochain, on est si prompt pour en mal parler, & le bien, on le passe legerement, on le deprime plustost qu'on ne le loue. Saint Iehan nous monstre que nous deuous parler de nous en toute humilité, en considerant que tout ce que nous auons, vient de Dieu. Et dea saint Iehan, puis que vous n'estes Elie, prophete, ny Messias, quel sentiment auez vous de vous? Il respond en plus grande humilité: *Ego vox clamantis in desert.* La voix, c'est l'intelligence de ce que i'ay conceu. Si ie n'auois point de voix, ma parolle ne seroit pas intelligible. D'auantage, la voix passe, & la parolle demeure en l'entendement. Saint Iehan dit, qu'il est la voix, c'est à dire, qu'il est enuoyé pour nous annoncer la parolle de nostre Seigneur: comme ma voix sert pour entendre ma parolle: Aussi saint Iehan est venu pour porter tesmoignage de la lumiere de Iesus Christ. Quand on appelle des tesmoins, c'est pour manifester la verité. Saint Iehan a esté enuoyé de Dieu pour monstrier que

Luc. 18.

Dieu a tousiours resisté aux orgueilleux.

Luc. 1.

Ioan. 1.

Psal. 21.

Nous deuons parler de nous en toute humilité.

Ioan. 1.

Quatriesme dimenche

Iesus christ est le verbe de Dieu. Quand on a ouy vne parolle, elle passe, & elle ne demeure en vostre pens  e. Aussi saint Iehan a eu son cours: Mais le verbe demeure tousiours. C'est Iesus Christ, duquel dit saint Iehan. *Ilum oportet crescere, me aut   minus.* C'est peu de chose q   la voix, elle est inc  tin  t pass  e. *Ego vox clamantis in deserto* pour

Ioan. 3.

Ioan. 1.

Il faut que
preparions
la voye de no
stre cueur   
Dieu par c  
trition, con
fession & sa
tisfaction.

dire *Ego vox clamans*: comme dire: *Filius perditionis*, pour *filius perditus. Dirigite viam domini.* Preparez le chemin de nostre Seigneur. Comment? par contrition, confession & satisfaction. A ceste heure l  , le chemin est prepar  , afin que nostre Seigneur entre en vostre cueur. Et pource, preparez vostre cueur    Iesus Christ, non pas au diable.

Ils ne sont pas encores contens, ils demandent    saint Iehan: Or  a, qui te faict si hardy de baptizer? Il respond:

Ego baptizo in aqua. Tant plus on a saint Iehan en reputation, tant plus il se deprime. Quant est de mon baptisme, ce n'est rien, qu'une ablution d'eau qui nettoye les ordures du corps: comme s'il disoit, il n'a point d'efficace. Il est bien dit que c'estoit vne signification du baptisme de nostre Seigneur. Et la confession qu'on faisoit    saint Iehan, c'estoit vne signification de la confession que nous auons: *Medius autem vestrum stetit, qu   vos nesci-*

tu, id est Christus. Il est parmy vous, & vous ne le cognoissez point: car nostre Seigneur n'a point c  menc      prescher publiquement, que saint Iehan n'ait est   mis en prison. Il a faict l'office qui luy a est   commis de son pere:

Ipse est, qui post me venturus est. Il est venu apres moy, car il a est   conceu six mois apres saint Iehan, *qui ante me factus est.* Il est plus digne que moy, & de plus grande reputation. Je ne suis rien aupres de luy. Et quant    confesser son baptisme au mien: *Ipse vos baptizabit in spiritu*

sancto & igni. comme s'il disoit: M   baptisme n'a point d'efficace que pour lauer le corps: mais le baptisme de Iesus Christ, a efficace de remettre les pechez, de donner grace & pardon par le saint Esprit. S  auez vous que c'est de Iesus Christ: c'est vn grand iuge: *Cuius ventilabrum in manu sua.* Ne m'estimez rien, car ie ne suis pas digne de deslier la courroye de son soulier. i. ie ne suis pas digne de le seruir. Voila comme monsieur Saint Iehan

Ioan. 1.

Iesus Christ
n'a presch  
publique-
m  t que S.
I. h  n n'ait e-
st   mis en
prison.

Ioan. 1.
Luc 1.

Matth. 3.

tousiours s'est humilié. Et quand nostre Seigneur voulut estre baptizé, saint Iehan luy dist: *Ego à te debeo baptizari.* Et dea, Seigneur, qui suis-ie, que vous me voulez faire tant d'honneur? Comme saint Pierre disoit: *Domine, non lauabis mihi pedes in æternum.* Aussi Abraham luy disoit: Comment, Seigneur, parleray-ie à vous qui ne suis que pouldre & cendre? Tant plus on a de graces, & tant plus se doit on humilier. Comme dit le Sage: *Humilia valde spiritum tuum.* Et tant plus monsieur S. Iehan s'est humilié, tant plus Dieu luy a faict de graces. Dieu demande: *Super quem requiescit spiritus, nisi super humilem & tremmentem sermones meos?* Mes amis si vous estes bien humbles: iamais vous ne serez hetetiques, & vous serez dignes de Iesus christ. Et cōment? vne personne ne scauroit estre digne de nostre Seigneur Iesus Christ. Si vous considerez saint Iehan, ainli qu'il est de soy, il n'est pas digne de vie: mais si vous considerez l'homme ioinct à nostre Seigneur par grace, alors il est digne, cōme il est dit en l'Apocalypſe: *Ambulabunt mecum in albis, quia digni sunt, id est,* ils seront participans de ma gloire. Et monsieur Sainct Paul nous dit: *Ambuletis digne Deo: Item qui fecit nos dignos se.* L'homme de soy n'est point digne de la vie eternelle: mais par la grace & merite de nostre Seigneur, il en est digne. Et pource, saint Iehan recognoist bien tousiours que de soy il n'est rien, en s'humiliant. Et tout ce qui est escript c'est pour nostre doctrine. Sainct Iehan a esté bien humble: Aussi fault il que nous le soyons, ne sentans rien de nous: mais sentans tout bien de nostre Seigneur. Et en ce faisant nous donnera sa grace en ce monde, & sa gloire en

l'autre. *Ad quam nos perducatur, qui sine fine viuit & regnat.*

Amen.

Matth 3.

Ioan. 13.

Eccle. 7.

Esa. 69.

L'homme
ioinct à dieu
par sa grace
en grande di
gnité.

Apoc. 3.

1. Tes. 2.

Pour le quatriefme Lundy de l'Aduent.
iour de Sainct Thomas.

Rom. 15. **Q** *Uacunque scripta sunt, ad nostrā doctrinam scripta sunt.* Vn des maulx qui desplaist à nostre Seigneur, & qui plus prouoque l'ire de dieu, c'est incredulité, *Incredulité* ne croire point à sa parolle, n'auoir point fiance en luy. *est vn des maulx qui plus appaise l'ire de dieu, c'est amour, foy, fiance en luy.* *pl^e desplaist* Le bõ plaisir de Dieu, est sur ceux qui esperent en luy. Et à nostre Sei- *comme dit saint Paul: Ira Dei descendit super filios diffidē-* gneur. *tie.* Tout ainsi que la foy est le fondement de tout bien, *Ephe. 5.* sans laquelle on ne peult rien faire à Dieu agreable: aussi, infidelité est vne source & origine de tout mal. Tous maulx & meschancetez viennent d'incredulité, de desfiance & desespoir. Sainct Thomas, duquel aujour- d'huy nous faisons la feste, a esté quelquefois incredule, merueilleusemēt tardif à croire: mais depuis qu'il a esté instruit & enseigné de nostre Seigneur Iesus Christ, il n'a point esté incredule: mais il a persisté en toute cōstā- ce & stabilité en la foy que nostre Seigneur luy a ensei- gnée. Sainct Thomas, comme dit nostre Euangile, ne pouuoit croire que Iesus christ fust resuscité, quelque tes- moignage que les Apostres luy en donnassent, tellement qu'il disoit, s'il ne le voyoit qu'il ne le croiroit point. No- stre Seigneur auoit dit par plusieurs fois, qu'il resuscite- roit le troisieme iour. Tous les Apostres, en la mort & *Tous les A-* passion de nostre Seigneur ont perdu la foy, & ont esté *postres à la* scādalisez, & ont oublié les parolles que nostre Seigneur *passiō de no-* leur auoit dit pour leur instruction, tellement qu'ils ne *stre Seigneur* pouuoient croire qu'il fust resuscité. Les femmes en eu- *ont perdu la* rent les premieres nouuelles: Comme elles s'en alloient *foy.* au monument, les Anges leur demanderent: *Que cher-* chez vous les viuans avec les morts? Nostre Seigneur est *Marc. 16.* resuscité: *Ecce locus vbi posuerunt eum.* Allez & diētes à ses Apostres, qu'il est resuscité cōme il auoit dit. Quand les femmes apporterent ces nouuelles aux Apostres, ils n'en *Luc. 24.* voulurent rien croire: *Sed visa sunt ante illos sicut deuran-*

Quatriesme lundy de l'Aduët. 134

stium verba. Ils pensoient que ce ne fussent q̄ folies & res-
ueries. Nostre Seigneur apparut à eux & se demonstra
qu'il estoit resuscité, singulierement à S. Pierre, & à tous
ensemble: mais S. Thomas n'y estoit pas, & ne vid point
nostre Seigneur. Et quād il fur retourné, les Apostres luy
dirent: *Vidimus dominum.* Nous auons veu nostre maistre *Ioan. 20.*
qui s'est demonstré à nous resuscité. Il dist: ie n'en croy
riē. A la secōde fois q̄ nostre Seigneur s'apparut aux Apo
stres, ils cuidoiēt q̄ ce fust vn phātisme, vn esprit. Nostre
Seigneur leur dist: *Quid turbati estis, & cogitationes ascen-* *Luc. 24.*
derūt in corda vestra? Videte manus meas & pedes meos, quia
ego ipse sum, palpate & videte, quia spiritus carnē & ossa nō
habet, sicut me videtis habere. Alors nostre Seigneur asseura
ses Apostres, & les stablit en la foy de sa resurrection. S.
Thomas estoit absent, & dist sil ne voyoit, qu'il ne croi
roit point. O S. Thomas est trop tardif à croire! mais au
si quād il a eu appris sa leçō, il a creu si fort qu'il a endu
ré mort pour le soustenir. Tout ce q̄ est escript, c'est pour
nostre doctrine. L'escripture dit, que la magdaleine creut
tout incōtināt q̄ nostre seigneur estoit resuscité quād les
Anges luy dirēt: Et l'escripture aussi dit, q̄ S. Thomas fut
fort tardif à croire. La Magdaleine ne no^a pas tāt prouf
fité en croyāt, que nous a faiēt l'incredulité de S. Tho
mas, auquel nostre Seigneur s'apparut si euidēmēt, qu'il
estoit impossible qu'il ne le creust Il mist sa main à son
costé, & le doigt au lieu des cloux. Cela est si manifeste,
qu'il n'y a plus moyen de doubter. S. Gregoire dit: *Plus* *S. Gregoire.*
proficit ecclesie tarditas sancti Thomae, quā subita fides Ma-
gdalene. Il ne fault pas suivre S. Thomas en sō increduli
té, car c'est peché: mais en ce q̄ nostre Seigneur s'est ap
paru à luy, & qu'il a creu: En ce prosternāt il dist: *Domin⁹* *Ioan. 20.*
meus, & Deus meus. En cela il le fault imiter, non en son
incredulité. S. Chry. & Theop. diēt, qu'e tonte autre ma
tiere q̄ de la foy, legieremēt croire, c'est vn signe d'incō
stance. Incontinant qu'il viēt des nouuelles, des mōstres.
des heretiques, nous y croyons. Le temps passé nous al
lions si bien, en grande paix & tranquillité de l'eglise. Et
de nouveau sont venuz ie ne sçay quels nouveaux do
cteurs: & sans les auoir veuz, nous y croyons. Si leur do

Quand S.
Thomas a
creu & a
apprins sa le-
çon il a en-
duré la mort
pluſtoſt que
l'oublier.

S. Gregoire.

Ioan. 20.

Quatriesme lundy

doctrine estoit conforme à la doctrine des Apostres & de l'Eglise, ce nous seroit matiere & occasion de croire à eux : mais elle est toute contraire, & nous y prestons l'oreille, nous les escoutons : Cela demonstre nostre inconstance & instabilité. Le Sage dit : *Qui citò credit, leuis est corde.* Aussi quand i'ay vn argument de croire, spécialement en vne chose concernâte la foy, & que ie ne croy pas, ie suis dur, c'est signe d'obstination : Et voila vn nouueau homme qui veut donner vne nouvelle maniere de viure, non accoustumée en l'Eglise Catholique, y croirez vous incontinant ? Il faut premierement veoir si la doctrine est conforme à l'Evangile, & pour tout tesmoignage, il suffit auoir la tradition de l'Eglise. Sainct Iean Chryso. dit sur ce passage de saint Paul : *State & videte traditiones quas didicistis siue per epistolam, siue per sermonem.*

2. Theff 2.

Les Apostres
quelques fois
ont baillé à
l'Eglise la
maniere de
viure par pa
roles.

Il cõclud que les Apostres n'ont pas tout escrit ce qu'ils ont enseigné : mais aucunes fois ils ont baillé par escrit, comme l'Evangile, les epistres : aucunes fois ils ont baillé la maniere de viure, non point par escrit, mais de parole seulement, *Vina voce.* Et cela est appellé tradition. Et par succession de generations, leur parole est venue à nous de main en main, de pere en fils : *Traditio est, sufficit, nihil amplius inquiras.* Vn bon Chrestien ne demâde autre chose que la tradition ecclesiastique. Sainct Irenée, ancien docteur, archeuesque de Lion, disciple de saint Iean l'Euangeliste dit : Si nous n'auons point d'escriture, à qui faudroit il croire ? veu que nostre Seigneur n'a point cõmandé d'escire : mais de prescher l'Euangile. Si les Apostres & Euangelistes n'eussent rien escrit, à qui eust il falu croire ? à la traditiõ. S'ils eussent presché de bouche sans rien escire, & de main en main par succession de generations & de temps, la doctrine de nostre Seigneur fust venue à nous, & si elle n'eust point esté escrite, il eust esté necessaire de croire à la tradition de l'Eglise. S. Chryso.

Quand l'egli dit : Quand il est question de la foy & des bõnes eures, se catholique *Recurrendum est ad antiquissimas ecclesias.* Et quand l'egli dit quelque catholique dit cela, c'est assez : ne demandez autre chose. chose, c'est as Sainct Denys Areopagite disciple de saint Paul. *In lib. sext. hist. ecclesiasticæ.* dit : *Eloquia diuina sunt in duplici genere.*

Primò, L'un est diffiny par escrit, c'est le viel & nouveau Testament: l'autre n'est point par escrit, mais a esté baillé du saint Esprit, par les Apostres iusques à nous. Cela est appelé tradition, cōme nous auons qu'il se fault cōfesser au prestre de ses pechez mortels, en particulier. En demander pardon à Dieu. L'heretique dit, qu'il n'y en a rien par escrit: Il ment par sa gorge. La tradition de l'Eglise le dit ainsi. Et de long tēps depuis nostre Seigneur, la coustume a tousiours esté, de cōfesser ses pechez. C'est vn tesmoignage suffisant que la tradition est venuë de Dieu, obseruée depuis les Apostres, en tout temps & en tous lieux. Aussi nous disons que nostre seigneur Iesus Christ est au saint Sacrement de l'autel, que c'est vn vray sacrifice & oblatiō, que le prestre fait à Dieu pour les viuans & pour les trespassez. L'heretique dit, que l'écriture n'en dit rien: mais c'est la tradition de l'Eglise qui a tousiours esté tenuë depuis nostre Seigneur. Apres nous disons qu'il fault prier pour les trespassez & qu'il y a vn purgatoire pour satisfaire de la peine deuë aux pechez. C'est nostre foy & la tradition de l'Eglise qui tient ainsi: Et qu'on prie en la messe pour les ames de purgatoire aussi bien que pour les viuans. Viens-ça meschant que tu es, croiray-ie plustost à roy particulier, duquel l'esprit est Satanique, que ie ne feray à l'esprit de Dieu? Tu n'a pas eu la promesse d'auoir l'esprit de Dieu, Mais Dieu a promis à l'Eglise l'infalibilité du saint Esprit, qui est l'esprit d'infalible verité. Et nous croyōs à vn lourdaud, a vn fol heretique. Nous montrons bien nostre inconstance & instabilité. Ils ont dit de nouveau, qu'il ne fault point prier pour les trespassez, & qu'il ne fault point dire la messe, c'est vne grande inconstance, comme dit S. Paul aux Galates: *O insensati Galate, quis vos fascinauit non obedire veritati?* C'est bien estre enchanté & hors de son sens, d'auoir delaisié la tradition de l'Eglise. Suiuez donc icelle, & iamais vous n'errerez. Tertulian, ancien docteur Latin, conclud qu'en rien ne fault nier la tradition de l'Eglise. Car tout ce qu'il fault croire n'est pas escrit, & dit que pour confermer nostre foy, nous auons la tradition de l'Eglise, espouse de Dieu, & comme tous

L'heretique dit qu'il n'y a rien par escrit qu'il se faille confesser au prestre il ment par sa gorge.

Gal. 3.

Quatriesme lundy

Il est autant possible que l'Eglise erre, que Dieu ne soit point Dieu.
Ioan 14.
1. Ioan. 4.
2. Cor. 11.
Sap. 1.
Si nostre vie est mauuaise, celle des heretiques est pire.

ceux qui estoient en l'arche de Noé ne perirét point: aussi l'Eglise de nostre Seigneur ne scauroit perir, & elle periroit si elle erroit. Or il est autāt possible que l'Eglise erre, que Dieu ne soit point Dieu, car Dieu seroit mēteur. Et s'il estoit mēteur, il ne seroit pas Dieu: car la nature de Dieu, c'est d'estre veritable. Il a dit: *Non relinquam vos orphanos, & ego rogabo patrem, & alius paraclitus dabit vobis, ut maneat vobiscum in aeternum spiritus veritatis.* Et pource, mes amis, ne soyons point tant inconstans & legers. Tenons la tradition de l'Eglise, comme dit saint Iean: *Nolite omni spiritui credere, sed probate spiritus si ex Deo sint.* Car les heretiques ont vne parole si douce: *Transfigurant se in angelos lucis. Item: per dulces sermones & benedictiones seducunt corda innocentium.* Outre, mes amis, ne sommes nous pas bien hors du sens: Voila vn meschant hōme apostat, qui a laissé la foy de l'Eglise & la religion, qui tient vne religieuse pour sa femme, croirez vous plustost à luy que aux saints docteurs de l'Eglise, qui dient tous qu'il y a vn purgatoire, l'escriture ne dit elle pas: *In animā maleuolā non introibit sapientia nec in corpore subdito peccati.* N'est-ce pas peché, que d'auoir laissé son ordre & tenir vne femme? Si nostre vie est mauuaise, la leur est pire, ils ne gardent ne foy ny loyauté. Et tout ce qu'ils dient est contre la foy de nostre seigneur. La nature de la doctrine de Iesus Christ, c'est qu'elle est publique: & la doctrine des heretiques elle est secrette & ne la diront sinon seul à seul, afin qu'on ne porte tesmoignage contre eux, & dient à celuy qu'ils enseignēt: escoute, ne le dis pas, autrement ie diray que tu as mēty. Ils enseignent à mētir. N'est-ce pas le faict du diable, qui est le pere de mensonge. *Et ille homicida erat ab initio & in veritate non sietit, quia veritas nō est in eo: cum loquitur mendacium ex propriis loquitur, quia mendax est & pater eius.* On dit, qu'entre nous, nous ne gardōs point de loyauté & fidelité l'vn à l'autre: Encores ceux-là sont ils pires que nous, c'est vne grand honte. Et c'est vne prouocatiō de l'ire de Dieu, d'auoir si tost receu ces faux prophetes. Suiuez la tradition de l'eglise, vostre bāniere: & ceux qui la suiront serōt sauuez, ils ne serōt point en danger. S. Thomas est trop dur à croire. Il a le

tesmoignage de toute l'Eglise, des Apostres, il ne veut point croire s'il ne le veoit. Huiet iours apres se trouua avec ses compagnons. Et nostre Seigneur entra à eux les portes closes, & se mist au milieu d'eux, disât: *Pax vobis.* Luc 24.

Ils estoient bien estonnez: *Conturbati & contreriti.* Qu'est-ce à dire, que nostre Seigneur entre les portes closes. Tout ce qui est escrit, c'est pour nostre doctrine. Aucunesfois le cuer est ouuert quand ie me rends capable de la grace de Dieu, que ie cherche les moyens à trouuer Dieu. En ce faisant, tousiours Dieu y entre: Il en y a d'autres, qui ne cherchent point Dieu, mais luy fermēt la porte, le cuer, & Dieu aucunesfois y entre. S. Paul n'auoit il pas fermé la porte à Dieu quand il demāda commission pour prędre les Chrestiens, & les mener liez en Ierusalem? il persecutoit l'eglise. C'estoit bien fermer la porte à Dieu: toutesfois, Dieu le prosterna en le ruāt par terre, & luy dit: *Saule, Saule quid me persequeris.* Ceste porte, ce cuer comēce à s'ouurir. *Domine quis es? Ego sum Iesus quem tu persequeris.* Voulez vo^o mieux ouurir l'huis, la porte à Dieu. qu'en resignant sa volonté à Dieu, & en se submettāt du tout à luy? Et cela est signifię par ce que nostre Seigneur est entrę aux Apostres, les portes fermęes, cōme dit Esaie: *Inuentus sum à non querentibus me palam apparui his qui me interrogabant.* Souuent vn homme ne pensera à chercher Dieu, il le trouuera au sermon, & se cōuertira. C'est grād chose que de la sapięce de Dieu. Mes amis, il fault prędre là vne doctrine: Si Dieu aucunesfois entre en vn cuer indisposę, incapable de la grace de Dieu, cōme S. Paul a estę prins en mal faisant, regardez donc si Dieu n'ętrera pas quand on luy ouurira le cuer? C'est chose toute asseuręe, que si vous faictes vostre deuoir & que vo^o exerciez en bonnes eures, infailliblemēt vous aurez la grace de Dieu, car il dit: *Petite, & accipietis: querite, & inuenietis: pulsate, & aperietur vobis.* S. Paul ne frapport pas à la porte pour entrer: mais plustost la fermoit, toutesfois Dieu est entrę en luy. Cōsiderez icy la bōtę de Dieu qui pour vn seul hōme est reuenu, c'est à sçauoir pour S. Thomas, lequel estoit en peché mortel, car il estoit infidele. Dieu en cela demonstre combien il aprecie vne ame. Et on

Act. 9.

Dieu quel-
quesfois en-
tre à ceux
qui luy fer-
ment la por-
te, cōme à S.
Paul.

Esa. 65.

Argumēt du
moindre au
plus grand.
Matth. 7.

Quatriesme lundy

delaissera à prescher, pource qu'il n'y a gueres de gens à l'Eglise, Iesus s'est bien arresté à vne pauvre femme, à la Samaritaine, pour la gaigner & conuertir. Et nous sommes en ceste ville : nous disons, & que feray-ie à ma cure? On n'y veoit rien. Allez y de par Dieu, & y residez. Ils vivent aux champs comme bestes, par faulte d'estre instruits. O que feray-ie là? ce sont tous pauvres gens. Perdre vous vostre tēps en vous employant pour les ames?

Il fault laisser sa propre consolation pour cōsoler les autres.

Laissez vostre propre consolation, pour consoler les autres pauvres desolez. Nostre Seigneur n'est il pas mort pour les pauvres aussi bien que pour les riches? ie croy que si on eust bien residé sur les benefices, les loups & heretiques, n'y fussent ainsi entrez. On y va bien, quand le terme est venu pour auoir de l'argent. S'il n'y a cause legitime que ie ne reside sur mō benefice, ie suis plus damné que le diable d'enfer. Faiçtes ce que vous voudrez, vous estes tousiours en estar de peché mortel, si vous ne estes prest de mettre vostre vie pour voz subiects, vous estes indignes de vostre office. Voila Iesus Christ qui a prins la peine de reuenir pour saint Thomas, il luy dit: *Infer digitum tuum huc, & vide manus meas, & affer manū tuam in latus meum: & noli esse incredulus, sed fidelis.* Ce pauvre hōme cognoissant la grace de Dieu, il s'est prosterné à terre & a confessé que Iesus Christ estoit son Dieu & son seigneur: *Dominus meus, & Deus meus.* S. Thomas est

Ioh. 20.

Saint Thomas a autāt cōfessé de nostre Seigneur cōme saint Pierre.

grand clerc de sçauoir cela. C'est vn passage pour prouuer la diuinité de nostre Seigneur, Saint Pierre dist à nostre Seigneur: *Tu es Christus filius Dei viui.* S. Thomas en a autant confessé: *Tu es Deus meus & dominus meus.* Il confesse qu'il est Dieu & homme. Voila vne bonne leçon qu'a apprins saint Thomas. Nous sommes tousiours à mal prendre les choses quand elles ne viennent comme nous voulōs. Dieu est mon souuerain seigneur qui m'enouye des aduersitez, dois-ie murmurer, & estre impatient? Il fault dire: c'est le Seigneur auquel il fault obeir. Dieu quelquesfois dist de Manasses à Hely par Samuël. qu'il le vouloit destruire. Hely voulut sçauoir que Dieu auoit dit: Samuël ne luy vouloit pas dire, car ce n'estoient pas bonnes nouuelles: à la fin il luy dit, que pour son

son iniquité que Dieu le destruiroit, pource qu'il n'auoit pas bien corrigé ses enfans, & qu'il n'auroit point de remission. Ce dist Hely, c'est le maistre & le Seigneur, qu'il face ce que bon luy semblera. *Dominus est, quod bonum est in oculis suis faciat.* Ainsi, il fault dire en tribulatiō. *Dominus est.* Murmureray-je contre luy? Il n'appartiēt pas au seruiteur entendre ce que faict son maistre: mais seulement d'obeir. Aussi, quand vous voyez nostre Seigneur au saint Sacrement de l'autel, il le fault adorer, & dire, vous estes mon Dieu & mon Seigneur: *Dominus meus & Deus meus.* Nous ne sçaurions dire d'auantage que cela. O que saint Thomas est maintenāt asseuré, il a touché les playes de nostre Seigneur qui luy a dit: *Quia vidisti me Thoma, credidisti: beati qui non viderunt & crediderunt.* Il y a plus de merite à ne le veoir point, & si on me disoit qu'il s'apparust à l'autel pour y aller veoir, ie n'en sortirois pas d'un pas pour plus en croire, cōme saint Louïs qui n'y voulut pas aller. *Fides enim non habet meritum, ubi humana ratio prebet experimētum.* Depuis que saint Thomas fut confirmé en la foy, & pour la confirmation d'icelle, il fut mis sur les charbons ardents. Dieu l'en deliura. A la fin il fut percé d'un cousteau, & ainsi finit sa vie pour la querelle de nostre Seigneur. C'est la leçon qu'il auoit apprinse. Et depuis il fut impossible luy oster. No^s prierons Dieu nous dōner sa gloire en ce monde, Amen.

Quand vous voyez nostre Seigneur au S. Sacremēt de l'autel, il le fault adorer & dire, vous estes mon Dieu, &c.

*Pour le quatriesme mardy
de l'Aduent.*

Q*uæcunque scripta sunt, ad nostram doctrinam scripta Rom. 15.* Nous auons dit cest aduent, comme Noé a esté la figure & signification de Iesus Christ, par ses faicts & gestes. Noé a esté trouué seul iuste en sa generation. Cela signifie qu'entre les hommes il n'a esté trouué que Iesus Christ iuste deuant Dieu, par lequel tous les autres ont esté iustifiez, & ont trouué iustice. Il est seul iuste par nature, c'est celuy auquel seul Dieu se complaisoit, & la complaisance que Dieu a de nous, c'est

Quatriesme mardy

par le merite & moyen de nostre Seigneur Iesus Christ. Nous auons dit comment Dieu a commandé à Noé de faire vne arche pour se sauuer, luy, sa femme, & ses enfans, & les femmes de ses enfans. En tout cela il a obey à Dieu. Il fut vn an enclos en l'arche luy & sa compagnie, & l'an reuolu auant que Dieu luy commandast d'en sortir, l'escriture dit. *Recordatus est Dominus Noé*: Nostre seigneur a eu memoire de Noé. Ce pauvre homme estoit seul iuste en sa generation, & tousiours a cheminé avec Dieu & estoit en grande angustie, & fort tourmenté en son esprit. Il estoit enclos comme vn prisonnier en l'arche. Considérez (veu que Noé estoit iuste) qu'il n'eust pas grand dueil de veoir toute nature humaine perie & perduë. La condition des hōmes iustes c'est de plorer la misere & calamité des autres. Abraham qui estoit iuste deplore & faict le dueil des cinq citez de Sodome, & de Gomorrhe: & de pitié & compassion qu'il auoit, il a supplié à nostre Seigneur de faire misericorde aux iustes qui seroient trouuez dedans lesdites citez. Samuël homme iuste deploroit la misere & ruine de Saül que Dieu auoit destitué de son royaume. Dauid estoit homme iuste, & selon le cuer de Dieu. Il deploroit la ruine de son fils Absalon qui le persecutoit, il commāda qu'on ne luy fist point de mal, qu'on ne le tuast point, il aduint qu'il fut tué, Dauid le ploroit, il en faisoit le dueil. *Absalon fili mi. quis dabit mihi vt moriar pro te?* La condition & nature des iustes, c'est de tousiours lamēter & faire le dueil des miseres & calamitez d'autrui. Et S. Paul qui tāt estoit iuste & bon deuant Dieu, il faisoit le dueil pour ceux qui estoient en peché, & comme dit saint Iean Chrysostome, que personne ne plora iamais tant ses pechez, cōme saint Paul a ploré les faultes d'autrui, & que peché iamais ne toucha personne de si pres, cōme il a faict saint Paul. C'est la maniere du iuste de compatir du mal d'autrui comme du sien, & de vouloir endurer (sauf l'incommodité de son ame) pour deliurer vn autre de mal. Noé (tesmoing l'escriture) estoit iuste, & non seulement iuste: mais aussi estoit parfait, cheminant deuant Dieu, comme nous auons ia dit. Autrement c'est viure en la crainte de

Gen. 8.

Dauid estoit
homme iuste
selō le cuer
de Dieu.

2. Reg. 18.

Dieu, quād on apprehende Dieu comme present & pour la dignité de luy estre prouoqué à bien faire, c'est cheminer deuant. Dieu Noé estoit iuste en soy, en sa personne & deuant le peuple en public, il traitoit la cause de Dieu: & non seulement Noé auoit le tesmoignage deuant Dieu qu'il estoit iuste: mais aussi deuant le peuple, il traitoit l'affaire de Dieu. Noé l'espace de trante ans a presché penitence, & le vouloir de Dieu. En ce faisant il soustenoit la querelle de nostre Seigneur, & traitoit le negoce public, concernant vn chacun afin d'estre sauué. Noé n'est il donc pas parfait & iuste? il est aussi donc vray semblable qu'il a eu compassion de tout le mōde qui estoit perdu, tant les bestes que les hommes, excepté huit personnes qui estoient en l'arche. N'appartient il pas aux iustes de sentir le mal d'autrui, & se congratuler au bien d'autrui, comme au sien propre? Il n'est pas vray semblable, que Noé qui estoit dedans l'arche fust là sans sentir la calamité vniuerselle, luy qui cheminoit deuant Dieu. C'est toute la douleur que viuement il sentoit en son ame, que la perdition du monde, & que le glaue de douleur, & tous les tourmens ont percé son ame, quand il a veu l'inondatiō d'eaue, laquelle estoit esleuée de quinze coudées par dessus les mōtagnes. Ainsi que le glaue de douleur a percé l'ame de la vierge Marie, voyāt endurer son fils Iesus Christ: aussi Noé qui estoit iuste sentoit la ruine vniuerselle, combien que l'escriture ne dit pas que Noé ait prié Dieu qu'il eust à pardonner au peuple quand il dist qu'il le vouloit destruire: mais sa justice est vn tesmoignage qu'il a prié Dieu pour retracter sa sentēce. Le prophete Ieremie endura tant de calamitez pour le peuple. Il est dit aux Machab. *Hic est fratrum amator qui non cessat orare pro populo.* Vo⁹ voyez que S. Paul a desiré estre anatheme pour le peuple, estre séparé de la visiō de Dieu sans offense pour sauuer les autres. Et Moyse dist à Dieu qu'il l'effaçast du liure de vie, s'il ne vouloit pardonner la faulte du peuple. Noé estoit iuste, il voyoit q̄ Dieu estoit courroucé disant, ie veux destruire la memoire des hommes de dessus la terre. C'est vne chose digne à croire, q̄ Noé pria Dieu, comme Abraham pria pour ceux de So-

Noé l'espace de trante ans a presché penitence.

2. Marc. 15.

Quatriesme mardy

Tout ce que
nous deuons
croire n'est
pas escrit.

dome & Gomorrhe. Dieu se condescend à luy qu'il luy pardonneroit, s'il y en auoit dix iustes. Il n'est pas escrit que Noé ait prié Dieu pour le peuple. Aussi n'est pas escrit tout ce que nous deuons croire. Et tout ce que nous pouuons colliger par raison naturelle supposée la foy, il le nous fault tenir, comme s'il estoit escrit en l'escriture. Et combien qu'il ne soit point fait mention de l'oraison de Noé, toutesfois il est vray semblable, qu'il a prié pour le peuple: car c'est la nature du iuste de prier & auoir pitié & compassiō du mal d'autrui. Mais Noé estoit iuste, il a dōc prié: ouy, & auoit grād douleur au cueur, pēsant que tout le mōde estoit pery & destruiēt. Depuis que Noé est entré en l'arche, il a pleu par l'espace de quarāte iours sās cesser. Les cataractes du ciel s'ouueroiēt, c'est pour démonstrer l'abōdāce d'eaues qui fut au tēps du deluge. Il pleut excessiuemēt si grāde abondāce d'eau, que l'eau esleuoit l'arche de terre, & commēça a flotter sur l'eau. En l'escriture les eaues signifient aucunesfois les angusties & tribulations du monde, Dauid dit: *Saluum me fac Deus quoniam intrauerunt aqua vsque ad animam meam, id est, angustia & tribulationes*, Ausquelles Dauid estoit. Et parce que les eaues ont esleué l'arche, il nous est signifié que Dieu par les tribulatiōs esleue & exalte les iustes, & la memoire des hommes. L'arche c'est l'Eglise de Dieu, qui tousiours est agitée de persecutions. Tyrānie est vne persecution de l'Eglise. Vous voyez combien il y a auioiurd'huy de gens mal viuās sur la terre. Il y en a vn nombre quasi infiny. L'autre persecutiō de l'Eglise, c'est heresie. Il y en a eu vne autre, c'est hypocrisie: quant est de tyrānie elle n'est pas beaucoup estenduë maintenant, de cōtraindre les Chrestiens à renier Iesus Christ: depuis quarante ans aucuns sont morts & ont enduré pour soustenir leur heresie. Heresie & hypocrisie durent encores, & toutes les persecutions qui sont cōtre l'Eglise, la font esleuer cōme les eaues faisoient esleuer l'arche, & luy prouffitent plus qu'ils ne l'endōmagent: car elles l'exaltent, la tribulation exalte celuy qui est tribulé Au lieu de le deprimer, la tribulation l'exalte. Sainct Augustin. In *lib de ciui. Dei.* dit que tant plus l'Eglise a enduré, tant plus elle a esté fortie

Quelquefois
n l'escriture
a r les eaues
sont signi-
fiées les an-
gusties & tri-
bulations du
monde.

fiée & corroborée. Au lieu d'endommager l'Eglise de Dieu elles l'esleuent & l'exaltent, comme les eaues ont exalté & eslevé l'arche de Noé. Il y a vn autre sens mistique, Qu'est-ce qui faict esleuer son cuer, de la terre au ciel? ce sont les tribulatiōs & aduersitez que lon endure. Toute l'affection n'estoit qu'à la terre: mais la tribulatiō faict esleuer le cuer en hault, & par ainsi le iuste est exercé par necessitez, tribulatiōs & aduersitez, & ne fault s'en facher: mais plustost s'en resiouir. Venez ça vous fachiez vous si vous allicz par païs, & vous fussiez desuoyé, si quelqu'un vous disoit, mon amy vous estes desuoyé, il vous fault aller par ce chemin là pour aller à Orleans, à Paris, ou en quelque autre lieu. Nous ne sçaurions pas malgré à cestuy là qui nous radresse au bō chemin. Aussi on vous demâdera, ou allez vous? Nous allōs tous en paradis, à la vie eternelle. Estes vous au chemin? Si vous auez de la tribulation, aduersité, vous estes au chemin de paradis. Donc au lieu de se facher il se fault consoler de n'estre point desuoyé. Car l'escriture dit: *Per multas tribulationes oportet nos intrare in regnum Dei: & omnes qui piè volunt viuere in Christo Iesu, persecutionē patientur.* Et pour ce quād vous vo⁹ voyez en tribulation, vous deuez dire, loué soit Dieu, ie ne suis point encore desuoyé, ie suis au bon chemin. Vous ne deuez pas descourager ny murmurer: mais endurer patiemment pour l'amour de nostre Seigneur, puis que vous estes en bonne voye. Donc les eaues, c'est à dire, les tribulations nous font aller en paradis. L'arche est par dessus l'eau, c'est à dire, que la tribulation ne deprime point le iuste, mais le iuste est toujours au dessus. Voila Noé iuste dedās l'arche, il ne veoit rien. Il estoit là dedans comme vn prisonniēr, & ne sçauoit quand Dieu le deliureroit. Aussi, estes vous en tribulation? exhibez vostre cuer seulemēt à Dieu, prenez en gré la tribulatiō, car Dieu veult q̄ vous enduriez. Saint Iean Chrysostome dit, qu'il ne se fault pas mettre en grā de peine d'estre mis hors de la tribulation, mais il fault seulement auoir bonne patience, & Dieu fera le demeurant. Voila Noé. Il ne sçait quād Dieu le deliurera: il est dit apres, *Recordatus est dominus Noé.* Cōmēt? Dieu auoit

Plus l'Eglise a enduré de persecutions, pl^s elle a esté fortifiée.

*Act. 14.
2. Tim. 2.*

La tribulation ne deprime point le iuste.

S. Ieā Chrysostome.

Gen. 8.

Quatriesme mardy

il oublié Noé? Non, mais l'escriture parle de Dieu cōme d'un hōme. Il a eu souuenance, c'est à dire, que Dieu fait misericorde à Noé & a entēdu ses prieres, il a eu aussi pitié des bestes comme creatures faictes pour l'amour de l'homme, combien que les bestes n'eussent point failly, car ils n'ont pas raison ny entendemēt, neātmoins Dieu les a punies quād les hōmes ont esté punis. Aussi, quand Dieu faict misericorde aux hommes il a pitié des bestes.

Gen. 8.

Et pourcel l'escriture dit : *Recordatus est autē Dominus Noē cunctōrumque animantiū, & omnium iumentorum, que erant cum eo in arca.* Et bien que faict Dieu? *Adduxit spiritū super terrā, & imminuta sunt aquę.* Il y a enuoyé son esprit sur la terre, & les eaues ont esté diminuées. Qu'est-ce à dire cela? En vne maniere il s'entend que Dieu a enuoyé vn grand vent pour secher la terre. Autrement Dieu a commandé aux eaues de croistre, comment? les eaues n'entendent rien, il est vray: mais entendez que c'est la maniere de parler de l'escriture, il a commandé, c'est à dire qu'il a voulu que les eaues ayent esté diminuées: comme il est dit que Dieu commāda au vent de seicher la courge qui faisoit vmbre à Ionas, elle secha en vne nuiēt, & le soleil vint apres frapper sur la teste de Ionas, dōt il en fut courroucé. Aussi, icy il a cōmandé aux eaues, c'est à dire, qu'il a voulu q̄ les eaues se diminuassent & decreussent. Chrestiens tout ce qui est escrit, c'est pour nostre doctrine. Il

Iona 4.

Gen. 8.

est dit, *Quod cęperunt aquę minui post centum quinquaginta dies.* Les eaues au cōmencement s'estoient creuës petit à petit iusques à xl. iours, & puis ont esté diminuées par cl. Vous voyez que la tribulation n'est pas tousiours pareille. Au cōmencement elle est petite, au milieu elle est grāde, & à la fin elle diminue. Aucunesfois l'homme est en si grād trouble, qu'il ne sçait de quel costé se tourner. Dieu le laisse endurer pour l'approuuer, & cōme quād il a voulu que les eaues se soient diminuées, aussi fera il que la tentation cessera, comme dir S. Paul. *Fidelis Deus qui non patietur vos tentari supra id quod potestis: sed faciet cum tentatione prouentum, vt possitis sustinere.* Rendez seulement graces à Dieu de la tribulatiō. Et nostre Seigneur aura soing de vous. Les eaues se diminueront, *id est.* Les tribulations.

Dieu laisse
endurer l'hō-
me pour l'ap-
prouuer.

1. Cor. 10.

Noé voyant que les eaües decroissoient, il ouure la fenestre, & laisse aller le corbeau pour voir si la terre estoit seiche. Il est dit, *quod non reuertebatur donec siccarentur aqua super terram, id est, nunquam.* Ce mot (*donec*) demonstre vn temps infiny, comme : *Donec ponam inimicos tuos scabellum pedum tuorum, id est, in aeternum.* Et par ainsi le corbeau n'est point retourné en l'arche. Noé pour estre asseuré si les eaües estoient diminuées, il a enuoyé & mis dehors la colombe, elle retourna: car elle ne trouua point ou elle fischeroit le pied. Sept iours apres Noé renuoya la colombe, elle reuint & apporta vn rameau d'oliue florissant: & pour la troisieme fois Noé remist la colombe dehors & ne retourna pas. Voyla le corbeau qui ne retourna point dés la premiere fois qu'il fut mis dehors. Plusieurs en y a qui sont signifiez par le corbeau, car ils ne demandent que la charongne & choses terriennes. Et comment le corbeau se peut il sauuer, veu qu'il y auoit tant d'eaües? Il y auoit des corps morts ou il s'arrestoit. Aussi les gents sensuels & charnels s'arrestent à la pourriture & charongne. Les simples gents comme le colôbe, ne trouuent point en terre ou ils puissent ficher le pied & s'arrester. L'homme iuste ne met point le pied, c'est à dire son affection aux choses terrestres & caduques: mais aux choses celestes & spirituelles. En affliction soyez simples comme la colombe. Rupert declare commela colombe signifie la grace du saint Esprit, mesmes le saint Esprit est signifié par la colôbe. Quand nostre seigneur fut baptisé, le saint Esprit s'apparut en espece de colombe dessus nostre Seigneur. Nous auons trois manieres de graces du saint Esprit. *Primò*, il y a la remission des pechez, qui est attribuée au saint Esprit. Nostre seigneur dist aux Apostres le iour de Pasques: *Accipite spiritum sanctum, quorum remiseritis peccata remittuntur ei.* Outre nous auons d'autres graces du saint Esprit & diuers dons, comme auoyent les Apostres. Donc monsieur saint Paul dit: *Diuisiones gratiarum sunt, idem autem spiritus.* L'autre & la tierce, c'est la confirmation de grace & de gloire, qui sera en la resurrection. Auourd'huy nous auons la remission des pechez & diuersitez

Gene. 8.

Psal. 109.

La colombe
apporta vn
rameau d'oliue
verdoyant.

L'homme iuste
ne met
point son affection
aux
choses caduques.

Matt. 13.

Ioan. 20.

1. Corin. 12.

Quatriesme mardy

De graces par le saint Esprit, par lequel nous attendons la confirmation de gloire. Il est dit qu'à la tierce fois que la colombe fut renuoyée hors de l'arche, elle ne retourna pas. Aussi quand nous serons en gloire nous ne

Quand nous serons en gloire, nous ne retournerons pas en l'Eglise militante. retournerons pas en l'Eglise militante, pour labourer & travailler. Nous sommes en ce monde comme l'arche qui estoit fluctuante sur l'eau. Et apres le labeur nous serons en repos en paradis: nous voirrons Dieu face à face, nous ne retournerons pas sur l'eau, *id est*, en tribulation. Noé n'est pas sorty de l'arche iusques à ce que Dieu luy ayt commandé, combien qu'il sceust que la terre fust seiche. En cela nous auons doctrine, & deuous entendre que c'est Dieu qui nous fait entrer en tribulation: *Non est malum in ciuitate quod non fecerit dominus*, Il n'y a point de mal, de tribulation & peine que Dieu ne l'enuoye, & qui ne vienne de la main de Dieu. Et tout ainsi que Dieu nous y met, n'ayons point volonté d'en sortir, iusques à ce qu'il plaise à Dieu. Noé sçauoit bien que la terre estoit seiche: mais il attendoit la volonté de Dieu. Il nous apprend nostre leçon, c'est que nous resignions nostre volonté à Dieu. Faictes luy vne bonne resignation. Et

Amos 3.

Il fault faire vne resignation à Dieu de nostre volonté comme fist Noé.

Matth. 6.

quoy? ie n'ay rien. Vous avez vostre vouloir, submettez vous au vouloir & bon plaisir de Dieu. Dictes, *Fiat voluntas tua, sicut in calo & in terra*: c'est le resigner entre les mains de Dieu. Et comme Noé ne demande point à sortir: aussi, estes vous en tribulation? Dictes à Dieu: Seigneur, faictes comme vous voudrez. Si vous voulez que ie sois en tribulation, ie m'y trouue bien, ie ne sçauois faire autremét que vous voulez: & voz eures sont pleines de iustice & de misericorde: mais ne reuoquez point vostre resignation (comme on fait bien quand on a resigné quelque benefice) car nous ne sçaurions mieux estre qu'entre les mains de Dieu. Quand Noé entra en l'arche, il entra le premier, puis sa femme, & ses enfans & les femmes de ses enfans. Et quand ce vint à sortir, il fist ainsi pareillement. Noé sort le premier à part. Cela nous signifie qu'il a gardé continence & chasteté, comme il auoit esté cinq cens ans sans estre marié. Et depuis qu'il est sorty on ne trouue point qu'il ayt eu d'autres enfans,

Et cela est signifié en ce que les hommes sont entrez & sortiz à part, & les femmes à part. Qu'a faict Noé quand il a esté sorty de l'arche ? *Ædificauit autem Noé altare domino: & tollens de cunctis pecoribus, & volucribus mundis obtulit holocausta super altare, odoratusque est dominus odorem suauitatis.* Cela signifie, estes vous hors de la tribulation ? faictes sacrifice à Dieu, rendez luy actions de graces, recognoissez que c'est luy qui vous a deliurez de tribulation. Noé estoit prestre, par ce qu'il a fait sacrifice à Dieu: car il estoit le primogenite, le premier fils de Lamech. Il a fait à Dieu sacrifice, holocauste, il a tout bruslé: car il ne demeroit rien qui ne fust consommé. Ainsi mes amis nous fault il faire: ne nous retenons rien, donnons tout à Dieu. Celuy qui fait profession de religion, il offre tout à Dieu par les trois vœux, obediencia, paupreté & chasteté, rien ne luy demeure. Et mōsieur saint Paul dit, que nous offrons à Dieu nostre cueur & nostre ame, & ce sera vn sacrifice à Dieu agreable, qui sera de bon odeur, comme le sacrifice de Noé: duquel nostre Seigneur regardoit la foy. Notez qu'il y a deux manieres de sacrifices, l'vn de foy & de sa nature, il est agreable à Dieu, comme est le corps & le sang de nostre seigneur Iesus Christ en la Messe, de quelque meschāt prestre soit il offert: car c'est le propre fils de Dieu, auquel il se complaist. Il y a d'autres sacrifices, comme offrir à Dieu de son bien temporel, de l'argent, des chandelles, cela est vn bon euvre: mais de foy, il n'est point agreable à Dieu sans foy, esperance & charité: *Quia non est speciosa laus in ore peccatoris.* Le biē exterieur n'est point reccu de Dieu, sinon que d'autant qu'il procede de l'interieur. Et pour ce, il fault penser premiermēt de l'interieur, que de l'exterieur: & qui peut faire l'vn & l'autre, il est bon. Dieu se complaist en noz euvres exterieures quand l'interieur luy plaist. Viuons si bien qu'il nous donne sa grace en ce monde, & sa gloire en l'autre. *Ad quam nos perducatur, qui sine fine uiuit & regnat, Amen.*

Gen.8.

Les trois vœux de religion, obediencia, paupreté, & chasteté.

Eccle.15.

Pour le quatriesme mecredy
vigile de Noel.

Rom. 15.

Quæcunque scripta sunt, ad nostram doctrinā scripta sunt.

L'incarna-

tion de Iesus

Christ est vn

des plus ad-

mirables de

ses secrets.

1. Timot. 3.

Vn des grans misteres & plus admirables sacre-
mens de nostre Seigneur, c'est le mistere de l'in-
carnation de Iesuchrist: c'est vne chose admirable à ouïr
que Dieu, qui est eternal, se soit fait temporel: que Dieu
qui est si grand & sublime, se soit tant abbaissé & depri-
mé qu'il s'est fait homme. Cela est admirable qu'une
personne est vray Dieu & vray homme, & vrayement
fils de Dieu par nature, & fils de la vierge Marie: *Hoc est
magnum pietatis sacramentum*. Nostre Seigneur en ce mi-
stere demonstre sa vertu & bonté. Il est parlé de ce miste-
re en l'Euangile du iourd'huy. Il ne fault pas reueler ny
demonstrer à tous indifferemment les secrets & miste-
res de Dieu: *Non enim sanctum est dandum canibus, neque
mittenda sunt margaritæ, ante porcos*. Par ces propos nostre
Seigneur monstre qu'un meschant homme de mauuaise
vie, qui ne veut point chercher Dieu, il n'est pas digne de
cognoistre les misteres de Dieu: car Dieu ne se reuele
qu'aux humbles. C'est vn grand mistere que Dieu est fait
homme: & que la vierge Marie l'a conceu & enfanté.
Nostre Seigneur ne veut pas reueler cela à tous: car il y
en a qui en sont indignes. Pour cacher ce grand mistere
aux orgueilleux, nostre Seigneur a voulu que la vierge
Marie (de laquelle il a este né & conceu) qu'elle fust es-
pousée à vn homme nommé Ioseph. Si la vierge Marie
n'eust esté mariée, & qu'elle eust esté enceinte cōme el-
le a esté par l'operation du S. Esprit, on eust eu souspeçon
d'elle. Que peut on dire d'une fille qui n'est point ma-
riée, & est enceinte? Nostre seigneur a voulu deliurer la
vierge Marie de tout souspeçon de mal. Si elle eust esté
veüe pregnant du S. Esprit sans son espoux Ioseph, on
eust eu quelque mauuaise suspiciō d'elle: mais nostre sei-
gneur a voulu que la vierge Marie laquelle n'auoit autre
propos que perpetuellemēt demeurer vierge, qu'elle ayt
esté espousée à S. Ioseph: afin qu'on n'eust point à sou-

Matth. 7.

Nostre Sei-
gneur a vou-
lu deliurer
la vierge
Marie de
toute suspi-
cion de mal.

speçonner mauuaisement d'elle. D'auantage, nostre Sei-
 gneur a voulu que la vierge Marie ait esté mariée à saint
 Ioseph, pour occulter ce mistere aux orgueilleux, à Satā.
 Et pource qu'on la voyoit conuerser avec son mary, on la
 voyoit pregnāte, enceinte, & n'estimoit on point autre-
 ment que ce fust d'autre que de Ioseph. Le diable ne l'a
 point entendu parfaictement iusques à la mort de nostre
 seigneur. Il est dit en nostre euangile: *Cum esset desponsa- Matth. I.*
ta mater Iesu Maria Ioseph La glorieuse vierge Marie me-
 re de Iesus Christ a esté espousée à vn nōmé Ioseph, pour
 oster toute mauuaise suspicion de mal enuers les hōmes.
 Et pour occulter aux orgueilleux qui n'estoyent pas di-
 gnes de cognoistre ces milteres là: *Antequam conuenirent*
inuenta est in utero habens de spiritu sancto. Saint Matthieu
 veut demonstrier deux propheties par Esaye qui dit: *Ecce Esu. 7.*
virgo concipiet & pariet filium, & vocabitur nomen eius Em-
manuel, hoc est nobiscum Deus, id est, Deus homo, Deus incar-
natus, inhumatus. S. Mathieu veut demonstrier, que la pro-
 phetie d'Esaye a esté accomplie. *Primò, quòd virgo concepit.*
 Il dit: *Antequam conuenirent*, c'est à dire que la vierge Ma-
 rie & Ioseph n'ont point conuenu ensemble, quand elle
 a esté trouuée enceinte du saint Esprit. S'ils n'ot point
 conuenu ensemble quand la vierge Marie a esté trouuée
 pregnant, c'est donc bien à dire qu'elle estant vierge a
 conceu. L'autre prophetie d'Esaye, c'est *quod virgo peperit Matth. I.*
filium. S. Mathieu dit: *Et non cognoscebat eam donec peperit* La mere de
filium suum primogenitum, c'est à dire quād elle a enfanté, nostre Sei-
 elle estoit vierge, tellement que vous auez d'Esaye & de gneur est
 l'Euangile, que la benoiste dame estoit vierge de la con- tousiours
 ception de nostre Seigneur & en son enfantemēt. Donc demeurée
 il fault cōclure que *perpetuò*, à iamais elle est demourée vierge.
 vierge. *Antequam conuenirent*, c'est à dire que la glorieu-
 se vierge Marie a conceu vierge, par la vertu & operation
 du benoist saint Esprit, & elle a enfanté vierge, & elle
 est demeurée vierge Saint Matthieu dit: *Generatio Chri- Matt. I.*
sti sic erat. La generation de nostre Seigneur est autre que
 la generation des autres hommes, qui est par semence
 d'homme, par ouurage humain: mais la generation de
 nostre Seigneur Iesuchrist, c'est par l'operation du saint

Quatriesme mecredy

*Matth. i.
Il n'y a point
de generatio
pareille à cel
le de Iesus
christ.*

Esprit : *Christi autem generatio sic erat q. d.* Tous les hommes selon la loy sont engendrez par l'operation d'homme : mais la generation de nostre Seigneur est, qu'une Vierge a conceu & enfanté, comme si saint matthieu disoit : Quelques hommes qui ayent esté depuis Adam, il n'y en a point eu vn qui ait esté engédré par l'operation d'homme (s'il n'a esté preserué, comme la vierge Marie) qui n'ait esté en peché originel : mais la generation de nostre Seigneur, *sic erat, id est, vna*. Il n'y en a point eu de pareille, une Vierge a conceu. Elles se sont bien trouuées des femmes steriles, qui ont cōceu comme Sarra, la femme d'Abraham, la mere de Samson, la mere de Samuel, sainte Anne, sainte Elizabeth. Sont esté femmes de grand renom, qui estoient steriles & qui ont conceu, non pas elles estant vierges : mais par l'operation d'homme. Sterilité est bien infeconde : mais il n'y a rien plus infecond, que virginité. Ces femmes qui ont esté steriles, ont eu lignée, en signification qu'une Vierge conceuroit & enfanteroit, & que son enfant seroit fils de Dieu. Isaac fils d'une femme sterile, Samson, Samuel, saint Iehan Baptiste & les autres ce n'estoient que purs hommes, conceuz en peché originel : mais le fils de la Vierge, est plus qu'homme. Et toutes les femmes steriles, ce n'estoit qu'une signification, qu'une simple Vierge conceuroit le fils de Dieu, vray Dieu & vray homme. Et pource, il n'est point semblable aux autres en sa generation. Et quand monsieur saint Matthieu dit : *Abraham genuit, &c.* A la fin il dit : *Christi autem generatio sic erat*, comme s'il disoit. Tous les hommes & toutes les generations des hommes predictz n'ont esté conceuz d'une vierge. Et combien qu'il n'est pas expressement trouué *quod virgo permansit*, qu'elle soit demeurée Vierge apres son enfante-ment : toutesfois il fault entendre que sa virginité a esté consacrée à Dieu le createur, & à iamais est demeurée Vierge. C'est article de foy, contre les heretiques, qui dient qu'il ne fault rien receuoir ny croire, sinon ce qui est en l'escripture sainte. Et cest article de foy, *Virgo post partum*, n'y est pas : mais nous le deuons croire comme il n'y a qu'un seul Dieu, sur peine d'estre damnez. Si

Matth. i.

ainsi n'estoit, il ne faudroit plus croire à nostre mere sainte Eglise, qui a determiné beaucoup de choses qui ne sont pas formellemēt en l'escripture. Donc l'enfantement de Iesus Christ est de la vierge Marie, qui a esté esleuë & choisie, pour estre l'organe du saint Esprit. Elle a meritē & deseruy enuers Dieu d'estre sa mere, & de porter nostre Seigneur en son ventre. Qui le dit? Quand nous auons la tradition de l'Eglise, c'est assez. Elle chante: *Quia quem meruisti portare (scilicet filium dei) resurrexit.* L'Eglise dit que la vierge Marie a meritē de porter le fils de Dieu, quand elle a creu à nostre Seigneur. Elle a esté humble, & par foy, charité & humilité, elle a meritē estre mere de Dieu, Elle n'a pas meritē absolument l'incarnation de nostre Seigneur, car c'est vn euure de pure grace & misericorde de Dieu, qui eternellemēt auoit ordōné d'estre homme, de prendre incarnatiō. La vierge a meritē que le propos de Dieu qui estoit eternal, fust accompli en elle. Elle a esté choisie, & a meritē par sa foy & charité, par son obediēce & humilite estre mere de Dieu, comme Abrahā merita d'estre le pere de beaucoup de gens par sa foy, & que sa semēce seroit multipliée cōme les estoilles du ciel, & comme le sablon de la mer. S. Paul dit: *Abraham in spem contra spem credidit.* Aussi *Sarra sterilis virtutem in conceptione seminis accepit, etiam prater tempus atatis quoniam fidelem credidit esse Deum qui promiserat.* Aussi la vierge Marie a meritē ce grand tiltre d'hōneur d'estre mere de Dieu. Le moyen c'est la foy qu'elle a eue, cōme luy dit sainte Elisabeth: *Beata qua credidisti quoniam perficientur ea qua dicta sunt tibi à domino.* Voila dōc la vierge Marie qui a meritē par sa foy & par son humilité estre mere de Dieu. Et nous luy prions: *Regina celsi, ora pro nobis deum, eum quem meruisti portare.* Elle estoit espousée à Saint Ioseph. Vous sçavez q̄ Gabriel archange, a esté enuoyé à la vierge Marie qui estoit ia espousée à saint Ioseph en la cité de Galilée, qui estoit de la maison de Dauid. Apres que le message fut fait, & q̄ la vierge eust acquiescé au dit de l'ange, elle dir. *Ecce ancilla domini fiat mihi secundum verbum tuum.* En ce mesme instāt Iesus Christ estoit parfaict dieu & parfaict hōme en son

*Il fault que
croyons la
vierge Ma-
rie estre tous
iours demeu-
rée vierge,
sur peine d'e-
stre damnez.*

Rom. 4.

Luc. I.

*La vierge a
merité par
sa foy estre
mere de
Dieu.*

Luc. I.

Quatriesme mecredy

ventre. Dequoy s'esmerueille Ieremie disant: *Non faciet dominus super terrā, fœmina circūdabit virū.* Qu'est-ce qu'il y a de nouveau? Voila vne ieune fille qui auoit en son ventre vne personne qui est vray Dieu & vray hōme. Car incōtināt qu'elle eust consentement, nostre Seigneur Iesus Christ fut incarné, & son corps formé, & son ame & sa diuinité ensēble furēt ioincts, tellement qu'il estoit hōme parfait au ventre de la vierge Marie, il n'a pas esté formé les mēbres l'un apres l'autre successiuellement: & puis l'ame infōdée au corps, ce n'a pas esté cōme à nous: mais en vn instāt la diuinité & l'ame ont esté cōiōincts au corps, en sorte q̄ voila vn hōme parfait, & Dieu au ventre de la glorieuse vierge Marie, voila vne chose nouuelle sur la terre, ce sont grāds merueilles de Dieu. Nostre Seigneur Iesus christ quād il a esté cōceu il sçauoit & cognoissoit & pouoit autāt cōme en l'aage de trēte ans: mais quād aux hōmes selon son aage il demonstroit sa sapience, & nō pas deuāt, car on eust dit qu'il eust esté vn monstre, Sa sapiēce estoit cachée soubs cest hōme, auquel est cachée la diuinité. Quand il fut fait grād, il a esté trouué au milieu des docteurs en l'aage de douze ans: selon son aage, il se demōstroit quel il estoit. S. Paul dit: *Et quidē cū esset filius Dei didiscit ex his quæ passus est obedientiā, & c.* i. *expertus est.* Et par ainsi la vierge Marie a esté espousée à S. Ioseph: mais elle a cōceu par l'operatiō du saint Esprit. Apres qu'elle eut conceu, elle s'en va visiter sa cousine Elizabeth, & fut là enuiron l'espace de trois mois. Il n'est point dit q̄ S. Ioseph l'ait conduicte, mais seulement il est dit, qu'elle alla hastiement visiter sa cousine Elizabeth, & fut là enuiron l'espace de trois mois. Et incontinent qu'elle fut entrée en la maison, à grād peine eut elle parlé, que Sainct Iehan baptiste au ventre de sa mere, fut remply du S. Esprit, & commença à tressaillir. Ce mouuement là de S. Iehan fut vn prelage, que Iesus Christ estoit ia venu: c'estoit vn mouuement extraordinaire & miraculeux, par l'instinct du Sainct Esprit. Et sa mere entendit bien que c'estoit quelque chose de singulier, elle a dit: *Ecce vt facta est vox salutationis tue in aurib^s meis exultauit infans in ytero meo.* C'est donc grand chose q̄ la voix

Hebr. 5.

La vierge a
conceu par
l'operation
du S. Esprit.

Enc. 1.

de la glorieuse vierge Marie, c'estoit la voix de Dieu, car elle auoit Dieu. Si elle estoit toute réplie de Dieu, c'estoit dōc biē la voix de Dieu. Et S. Iehan a esté sanctifié & réply du S. Esprit, & a esté prophete à l'entrée de la vierge, c'est vne bōne entrée, dieu no^r doit de tels hostes, nous prouffiterons beaucoup. La vierge Marie voyāt q̄ le terme de Elizabeth s'approchoit elle s'en reuint au bout de trois mois. Ioseph n'entēdoit point ce mistere: il la voit enceinte, pregnāte, il est troublé, & cōmēt? auoit il mauuaise opiniō d'elle? Iamais ne souspeçōna mal d'elle, car il estoit iuste, cōme dit l'Eūāgile: *Ioseph autē vir eius, cū esset sēph n'eut iustus & nollet eā traducere*. Il n'en auoit point mauuaise suspiciō: mais il prenoit tout en la meilleure partie. Il ne pēsoit point mal d'elle. Et ie croy qu'il estoit en telle foy qu'il croyoyt qu'une vierge auoit cōceu. Quād on n'en rēd point vne chose, & qu'ō est troublé, ce n'est pas mal fait. Quād l'ange vint dire à la vierge Marie qu'elle cōceuroit & enfanteroit le fils de dieu, elle fut troublée, car elle ne l'ētēdoit point. Elle n'estoit pas incredule: mais elle disoit: ie suis vierge, i'ay voué perpetuelle virginité, ie ne sçay point la maniere cōment se fera cela. Cōbien qu'elle creust fermement, elle estoit troublée, nō pas de deffiance: mais pource qu'elle ne sçauoit point la maniere: l'ange luy dist: *Spiritus sanctus superueniet in te, & viri⁹ altissimi obūbrabit tibi*. Aussi saint Ioseph entendoit bien qu'elle estoit vierge: mais il ne sçauoit pas le mistere qui auoit esté fait en elle. Cela estoit cause qu'il estoit troublé, non pas qu'il eust quelque mauuaise suspicion d'elle, car il n'eust pas esté iuste. Ce mot icy: *Iustus*, selō l'usage de la sainte escripture, c'est celuy qui est entierement hōme de biē, auquel il n'y a rien à redire: cōme quād on dit, voila vn hōme iuste, cōme estoit saint Simeō, Zacha, saint Ioseph, lequel comme ie croy pensoit plustost que la vierge Marie eust conceu du saint Esprit que non pas qu'elle eust mal fait. Neantmoins saint Ioseph ignorant ce mistere il a esté troublé, & luy estant iuste, il n'a poit voulu diffamer la vierge Marie. *Noluit eā traducere, voluit autē occultē dimittere eā*. Pour le premier Ioseph estoit iuste, il estoit dōc parfait hōme & amy de dieu: ne

Iamais S. Ie

Iamais S. Ie
mauuaise sus
picion de la
vierge Ma-
rie son espouCe mot, Iu-
ste, est prins
pour celuy
qui est entie-
rement hom-
me de bien.

Quatriefme mecredy

doutoit point, car Dieu l'auoit esleu pour le protecteur de l'enfant & de la vierge Marie. Il estoit grād hōme on cognoist la magnitude de sa persōne pour la charge qui luy estoit dōnée. Dieu luy a baillé en garde la vierge Marie qui est mere de Dieu, imperatrice de misericorde, & thresoriere de grace, comme l'espouse qui est baillée en la garde de son espoux. Sainct Ioseph est pere nourrisier de Iesus Christ & protecteur & defēseur. A qui s'adresse l'āge quād Herodes veult tuer l'enfant Iesus? Il s'adresse à sainct Ioseph, non pas à la vierge Marie & luy dit: *Surge, & accipe puerum et matrem eius, & fuge in Aegyptū.* Et ainsi quand Herodes fut mort, l'ange s'apparut encores à S. Ioseph qui s'en retournoit d'Egypte en Iudée. Il a esté comme pere, & auquel toutes les choses s'adressoient. Il est le protecteur & conducteur de l'enfant Iesus, & de la vierge Marie sa mere, le temple de Dieu & le sacraire du sainct Esprit. Je pense que Sainct Ioseph portoit l'enfant Iesus d'Egypte en Bethleem, ou on les refusa à loger, & furent contraincts de se mettre en vne halle, en vne estable, ou estoit le vent: combien qu'il n'en soit rien dit en l'escripture, nous le iugeons ainsi. On voit que si vn homme de pied arriue en vn logis, souuent on le refuse, & ne le reçoit on si facilement comme vn homme de cheual, pource qu'il n'y a pas si grand acquest. Et quand on veid vne pauvre femme & vn pauvre hōme demander logis en Bethleem, on ne les vouloit point loger, ils furent contraincts de se retirer en vne estable, Sainct Ioseph auoit le soing de l'enfant & de la mere, ô qu'il est heureux! Mais Gerson dit, que Sainct Ioseph a esté sanctifié au ventre de sa mere, & que iamais n'offensa mortellement. On peut pitoyablement croire cela, attendu que nostre seigneur luy a donné vn si grand thresor. Sainct Ioseph dōc voyant que la vierge Marie estoit pregnante, & qu'il n'entendoit point le colloque de l'ange avec elle, il la veult laisser occultement. Il n'est donc pas iuste: *Quia quòd Deus cōiūxit, homo nō separet.* C'estoit vn vray mariage & legitime. Et il ne fault que l'homme laisse sa femme sans cause legitime qui est fornication. Sainct Ioseph veult laisser la vierge Marie, pource qu'il

Matt. 2.

S. Ioseph auoit soing de nostre Seigneur & de nostre Dame.

Matt. 19.

Mar. 10.

qu'il la voit pregnãte. Il est troublé & deliberé de la laif-
 ser. *Noluit eã traducere, id est, diffamare, diuulgare, propalare.*
 Il luy eust peu estre occasion de scandale & la diffamer:
 mais luy estant iuste, il ne l'a pas voulu traduire, ne don-
 ner occasiõ de mal pẽser d'elle: *Sed voluit occultè dimittere*
illã, id est, insciis hominibus. Il l'a voulu delaisser occulte-
 mēt, sans le sceu deshõmes, cõme aucunesfois l'hõme est
 absent de sa femme deux ou trois ans, il ne veult point
 donner occasion de mal penser d'elle. Il estoit en grand
 trouble, en grãde peine, car il ignoroit le mystere. Dieu
 ne veult point laisser les gēs plus troublez qu'ils ne doi-
 uent. Voyla l'Ange qui est venu à S. Ioseph, cõme il dor-
 moit & luy a dit: *Ioseph fili David, noli timere accipere Ma-*
riã coniugem tuam: Quod enim in ea natũ est, de Spiritu sancto
est. Nostre Seigneur n'a pas au commencement admon-
 nesté Ioseph. Il l'eust bien aduertý de prime face: mais il
 n'a pas voulu. Il l'a voulu laisser venir en trouble, & puis
 l'a deliuré.] Vous voyez qu'il a permis que la sentēce de
 mort ait esté donnée contre sainte Susanne, pour la de-
 liurer. Il permettra aucunesfois tõber le iuste iusques à
 l'extremité, que tout est en desespoir, selon le cours de
 nature, afin qu'il demonstre sa grande vertu. Il a permis
 que le proces ait esté faict de sainte Susanne, la senten-
 ce prononcée, on la meine à la mort pour la lapider. En
 ceste grande extremité Dieu est venu en grande & ex-
 cellente vertu: l'esprit de Daniel s'est reueillé, qui les a
 faict tous retourner en iugement, & a conuaincu les
 vieillards de faux tesmoignage, & monstré l'innocence
 de sainte Susanne. Dieu aucunesfois attend l'extremité
 du mal, auant qu'il aide, & qu'il n'y ait point de moyens
 & secours humains: & alors il aide. On se trouue aucu-
 nesfois tant troublé dedans & dehors, si encõbré de mal,
 & tout subit on se trouue en grãde cõsolutiõ. C'est Dieu
 qui veult approuver nostre patience, car en tout mal &
 tribulation, il se faut attendre, & estre asseuré de l'aide
 de Dieu, car il est si fidele, comme dict saint Paul: *Quod*
non patietur vos tentari supra id quod potestis. Il y a grande
 sapience en luy: n'a il pas bien empesché les lions de

Matth. I.

Matth. I.

Dieu ne veut
 point laisser
 ses amis plus
 troublez que
 ils ne doiuent.
 Matth. I.

En mal &
 tribulatiõ il
 faut estre as-
 seuré de l'aide
 de de Dieu
 en patience.
 I. Corin. 10.

Quatriesme mecredy

deuorer Daniel, & le feu de brûler les trois enfans en la fournaise? Et à l'heure que la chose est desesperée, c'est quand Dieu môstre sa vertu. Cōbié y a il de saints martyrs, qui ont esté mis sur les charbons ardens? Dieu veut qu'ils y soient mis pour les en deliurer. N'est-ce pas plus de garder au feu sans brûler, que d'estre deliuré du danger d'y estre mis? Ainsi aux choses desesperées selon nature, Dieu môstre sa vertu & puissance: & quād les maux

En vne chose toute desesperée Dieu veut donner secours & aide.

Esa. 28.

Psal. 30.

sont venuz à l'extremité, qu'il n'y a plus de remede humain. N'avez vous pas veu par experience, qu'à l'heure qu'on s'attendoit d'estre exterminé de noz ennemis, incontinent ils s'en retournerent, & la paix estre faicte? En vne chose toute desesperée Dieu veut donner secours & aide: par quel moyen? ne vous en souciez, cōfiez vous seulement en luy, & ie veulx estre damné s'il ne vous aide. *Spes non confundit. In te Domine speraui nō confundar in aeternum.* Mais quand nous voyons le vent cōtraire, nous craignons, nous desesperons. L'esperance des hommes n'égēdre que desesperoir, mais l'esperoir de nostre Seigneur est tout au cōtraire. Le prophete dit: *Qui crediderit non confundet*, c'est à dire, celuy qui croit ne se precipite point. Ceux qui se cōfient aux hōmes, sont tant precipitans, hastifs, mais la foy, l'esperāce que l'on a en nostre Seigneur Iesus Christ, n'est point hastiue ny precipitante. Quand Dieu nous delaisseroit iusques à mille ans d'icy, si ie viuois encores, i'espererois en luy, & m'assurerois de luy, & quād il me deueroit damner: car la foy & esperance en Dieu sont corroborées par choses contraires. Iamais Daniel ne fut plus assuré, que quād il estoit entre les lions: les trois enfans ne furent iamais plus aises, qu'en la fournaise ardente: car ils esperoient en Dieu. S. Paul dit: *Gloriamini in tribulationibus, scientes quōd tribulatio patientiam operatur: patientia autem probationem: probatio verō spem.*

Rom. 5.

S. Ioseph estoit de la lignée de Dauid, pauvre luy a dit: Ioseph fili Dauid. Il estoit du sang Royal de Dauid, il estoit pauvre gentilhomme, espoix de la vierge

Marie. Selon la loy il falloit prendre vne femme de sa lignée. Iesus Christ est fils de Dauid, non pas à cause de Ioseph, mais de la vierge Marie. Dauid auoit grande esperance en nostre Seigneur: il estoit mäsuet, ayāt vn cuer debōnaire, il auoit defendu qu'on ne tuast point son ennemy Saül en la guerre. Quand quelcun l'eut tué, pēsant auoir biē faict, il le vint dire à Dauid, & Dauid luy dist.

Quare non timuisti mittere manum tuā, vt occideres Christum Domini? 2. Reg. 1. Psal. 131.

Dauid le fist tuer, pour punitiō de son malfaiēt.

Dauid presentoit à Dieu sa mäsuetude. *Memento Domine Dauid & omnis mansuetudinis eius.* Il nous montre qu'il nous fault proposer à Dieu noz bōnes eures, nostre pe-

nitēce, entre son ire & noz pechiez, afin de nous faire grace & misericorde. Quel estōnement & tentation à saint Ioseph? Ne pouuoit il pas dire: comment? voicy le fils de Dieu si pauvre, il faut fuir la fureur d'Herodes, il luy estoit besoing d'auoir grāde foy, il a esté imitateur de Dauid en sa mäsuetude. *Noli timere accipere Mariam cōiugem tuā. Quod enim in ea natū est, de Spiritu sancto est.* Orige. dit que Ioseph cognoissant la vierge Marie auoir conceu du S. Esprit le fils de Dieu, se reputoit indigne d'estre avec elle. Et pource il la vouloit occultemēt delaisser cōme S. Pierre, cognoissant son indignité, disoit à nostre Sei-

Il estoit besoing à S. Ioseph d'auoir vne grande foy.

gneur. *Exi à me Domine quia homo peccator sum.* Et S. Iehā Baptiste, luy disoit aussi. *Ego à te debeo baptizari: & tu uenis ad me?* S. Bernard & Origene sont de ceste opinion, mais la premiere exposition cit plus verbale. *Noli timere.* L'ange assure. S. Ioseph. *Pariet autem filium, & vocabis nomē eius Iesum,* tu en seras le parrain, tu le nōmeras Iesus: *Ipse enim saluum faciet populū à peccatis eorum.* Iesus c'est à dire raineur, liberateur, c'est celuy que Dieu auoit promis à sus, & voca-

Matth. I.

Luc. 5.

Matth. 3.

Matth. I.

S. Gabriel

dit à S. Ioseph

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Abrahā: *In semine tuo benedicetur omnes grētes,* c'est l'enfant qui auoit esté promis à Dauid: *De fructu ventris tui ponam super sedem tuā.* Et l'ange disoit à la vierge Marie. *Et dabit illi Dominus Deus sedē Dauid patris eius, & regnabit in domo Iacob in eternū.* Iesus. i. saluator. Il no^s sauue, il nous remet noz pechiez: c'est celuy duql il est dit en Genese. *Inimicitias ponā inter te & mulierē, inter semē tuū & semē illi^s.*

Luc. 5.

Matth. 3.

Matth. I.

S. Gabriel

dit à S. Ioseph

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Luc. 1.

Quatriesme mecredy

Ce mot Iesus
demonstre la
diuinité de
nostre Sei-
gneur.

Luc. 9.

La vierge
Marie a en-
gendré Dieu
& homme.

Ceste femme, c'est la vierge Marie : sa semence, c'est nostre Seigneur Iesus Christ. Entre luy & le diable il y a tousiours inimitié. Il ne faut iamais auoir accointance, ny alliance avecques le diable. Il fault conspirer perpetuellement inimitié contre luy. Notez, Iesus, ce nom là demostre la diuinité de nostre Seigneur Iesus Christ : il vault autant à dire que Dieu. *Emmanuel, id est, nobiscum Deus, vel incarnatus Deus, ipse enim saluum faciet populum suum à peccatis eorum.* Il n'appartient qu'à Dieu de remettre les pechez par autorité, & dire que Iesus Christ remet les pechez par autorité, c'est doncques vn tesmoignage expres de sa diuinité. Outre que la vierge Marie est la vraye mere naturelle de Dieu: c'est merueilles, que celuy qui est engendré de la substance de Dieu eternellement, c'est luy mesme qui a engendré la vierge Marie: cestuy là en personne que Dieu appelle son fils, il est fils de la vierge Marie. En son baptisme Dieu le pere dist: *Hic est filius meus dilectus*. Et la vierge Marie dist de luy, *Fili quid fecisti nobis sic?* Regardez quelle assurance a la glorieuse vierge Marie, elle sçait bié que nostre Seigneur Iesus Christ est Dieu, & toutesfois elle l'appelle son fils. O quelle assurance a la facture d'appeller Dieu son faicteur, son fils Iesus Christ en sa personne & fils de Dieu, & fils de la vierge Marie! c'est vne personne, vn suppost en deux natures. La vierge Marie a engendré Dieu & homme. Ce sont là des propositions catholiques. *Qued virgo genuit Deum & hominem*. Non seulement nous disons qu'elle a engendré vn fils qui est Dieu & homme, mais aussi, qu'elle l'a engendré Dieu: dire autrement, c'est blasphemer. Ce n'est pas assez de dire, que la vierge est mere de nostre Seigneur Iesus Christ, qui est Dieu, il est vray, mais elle est aussi dicte mere de Dieu: car nostre Seigneur Iesus Christ n'est qu'une personne en deux natures. Il n'a pas tousiours esté homme, mais il a vny sa diuinité à son humanité, c'est vne personne, vn suppost, en deux natures. *Concilium Ephesinum*, a déterminé, qu'on appellast la vierge Marie mere de Dieu, c'est vn grand vaisseau de grace & misericorde, que d'auoir conceu & enfanté le fils de Dieu: cela nous monstre vne grâ-

de esperance que deuons auoir. *Quod virgo concepit & peperit Deum & hominem.* Quand ie serois pire qu'un Satan, i'espereray auoir pardon en faisant penitence, & croyant en nostre Seigneur Iesus Christ, comme a faict la vierge Marie. En ce faisant il nous donnera sa grace en ce monde, & sa gloire en l'autre. *Amen.*

T iij

Pour le iour & feste de la Natiuité de nostre Seigneur.

Rom. 15.

Humilité est
le droit che-
min de para-
dis.

Matth. II.

Orgueil est
le premier pe-
ché du dia-
ble.

Matth. 5.

Iesus Christ
a choisi vne
mere, pauvre
des biens du
monde: mais
riche en hu-
milité.

Luc. 1.



*U*neque scripta sunt, ad nostram doctrinā scripta sunt, &c. Nostre Seigneur, sur toutes choses nous a enseigné humilité, pour aller en paradis, & pour iouir de la vie eternelle. Il a dit: *Discite à me, quia mitis sum & humilis corde.* Apprenez de moy humilité, & māsuetude de cuer. Tout ainsi que le premier peché a esté orgueil, qui a faict tomber Lucifer, & ses complices du ciel, ils estoient Anges, & par orgueil ils ont esté faicts diables: orgueil a faict deiecter l'homme de paradis terrestre: tout le commencement d'apostasie, & le premier peché & vice qui a esté en la terre, a esté orgueil, & le premier peché du diable, c'est orgueil: aussi la premiere vertu & le premier degré de retourner en grace avec Dieu, c'est humilité. Nostre Seigneur au sermon qu'il fist en la montagne, il disoit à ses Apostres: *Beati pauperes spiritu*, c'est à dire, bien heureux sont les pauvres d'esprit, ils sont en la protection & sauuegarde de nostre Seigneur. Si nous voulons auoir grace deuant nostre Dieu, il fault qu'à son exemple nous soyons humbles. En toute sa vie & doctrine, il ne nous donne autre enseignement & instruction que humilité. Le propos, & le decret de Dieu, c'est d'estre humble & de prendre nostre chair, & nostre cōdition, mortalité, & passibilité Il a choisi vne mere qui n'estoit pas riche, mais pauvre: & entre toutes les autres choses qu'il a regardé en elle: c'a esté son humilité: comme elle mesme a dict en son cantique: *Respexit humilitatem ancille sue*, &c. Il a iecté son ceil sur elle, & a regardé son humilité: il a aussi choisi vn homme, auquel il a voulu que sa mere ait esté espousée, qui n'estoit pas riche, mais pauvre, duquel la condition & estat estoit charpētier. Ce n'est pas vn estat honorable, mais vil & abiection: outre, nostre Seigneur a esleu & choisi des parens, nō point d'une ville de renom, c'est la

De la natiuité de nostre seig. 148

vierge Marie, qui estoit de Nazareth, qui estoit vn villa-
 ge de petite ou nulle reputation : iamaïs on n'eust pensé
 quelque bien de Nazareth , comme Nathanel respondit
 à saint Philippe : *et Nazareth potest ne aliquid boni esse? Ioh. I.*
 car c'estoit vn bourg de nulle ou petite reputatiō. Nostre *Nazareth e-*
 seigneur Iesus Christ en est sorty, sa mere en estoit. La vil *stait bourg de*
 le ou il a esté nay, c'estoit vn petit bourg, nommé Beth- *petite repu-*
 leem, de nulle ou petite reputation. On uient compte de *tation: aussi*
 grandes & fortes villes, comme de Paris, la capitale ville *estoit Beth-*
 de France, & non pas de bourgs & villages . Nostre Sei- *leem: mais*
 gneur a choisi sa mere pauvre, de ville & abiecte condi- *par Iesus*
 tion: il luy a donné vn espoux bien pauvre, & a voulu nai- *Christ gran-*
 stre en vn pauvre lieu : il a esté conceu en Nazareth nay *disées.*
 en Bethleē. Tout cela nous est donné pour doctrine. No- *Iesus Christ*
 stre Seigneur veut que nous nous humiliōs, que nous ne *a voulu estre*
 demandions point d'estre exaltez, mais d'estre contem- *cécen en Na-*
 nez & seulement d'estre reputez deuāt Dieu. Aucune fois *zareth.*
 les Rois & princes ont des villes dont ils ne tiennent pas
 grand compte, & ne craignent qu'elles soient perduës:
 mais d'autres, cōme de la ville de Paris, de Boulongne, &
 semblables, ils en font grand cas, & craignent bien à les
 perdre: on y met des viures & munitions & gēs pour les *Pourquoy*
 garder: & nostre Seigneur n'a pas voulu estre conceu en *Iesus Christ*
 Ierusalem, mais en Nazareth : pour nous monstrier qu'il *n'a voulu*
 ne nous fault point demander la maguitude deuant le *estre conceu*
 monde, deuant les hommes, mais deuant Dieu. C'est as- *en Ierusalē:*
 sez quand Dieu aura bonne reputation de nous. Outre, *mais en Na-*
 considerez comme nostre seigneur Iesus Christ en sa na *zareth.*
 riuité est accoustré . A la verité, quand nous regardons
 à la commune maniere de viure de maintenant, comme
 elle est alienée de celle de nostre seigneur Iesus Christ, ie
 ne sçay qui sera sauué. Nostre Seigneur en toutes ch- *Iesus Christ*
 ses a enseigné humilité, & contemnemēt de soy. Et nous *en toutes cho-*
 faisons tout le contraire, nous ne demandons que d'a- *ses a ensei-*
 uoir des biēs & honneurs du mōde, d'estre bien recueil- *g ie humilité*
 lis & honorez. Et quand nous auons cela, il nous sem-
 ble que nous soyons bien heureux, & que nous auons *On est bien*
 tout gagné, puis que nous auons du credit & faueur au *heureux*
 monde. Et nostre Seigneur nous enseigne tout l'oppo- *pour estre*

De la natiuité

en credit ou
honore du
monde: mais
de Dieu.
Luc. 2.

Auguste Ce-
sar n'estoit
pas seigneur
& Empe-
reur de tout
le monde.

Par la pro-
vidence de
Dieu telle
description
fut faicte.

Auguste com-
mist orgueil
faisant des-
crire ses sub-
iects.

Dieu sçait ti-
rer d'un mal
un bien.

Rom. 13.

La descriptiõ
d'Auguste
estoit figure
des esleus es-
crits au liure
de vie.

Ephe. 2.

sité, à despriser cela, & que nous ayons seulement soing d'estre grands deuant luy, d'y auoir faueur & credit. Cõsiderõs la maniere de la natiuité de nostre seigneur Iesus Christ, cõme il est dit en l'Euāgile de la messe de minuit: *Exiit edictũ à Cesare Augusto, vt describeretur vniversus orbis, &c.* Auguste Cesar institua & cõmanda que chacun de ses subiects fust escrit, & qu'il payast le tribut. Auguste Cesar n'estoit pas seigneur & Empereur de tout le monde, ny par dessus tous: car iamais n'y a eu aucun qui ait esté Empereur & dominateur de tout le monde, comme lon peut veoir & cognoistre par les chroniques. Et pource, quand il est dit qu'il a faict descrire tout le monde, cela s'entend de tous ceux qui estoient subiects à luy: il a commandé qu'ils s'allassent faire escrire chacun en leur ville, & lieu de leur natiuité. Et cõbié que ceste description n'ait pas esté faicte sans la prouidence & conseil de Dieu: neantmoins c'est vne espece d'orgueil en Auguste Cesar, cõsideré son intention dont il l'a faict faire. Comme aussi il appert en Dauid, lequel pour auoir faict nombrer son peuple, offensa Dieu, & en fut puny: mais nostre seigneur est si bon & si puissant, qu'il se sçait aider de ce que les hommes font en mauuaise intétion, & en sçait tirer du bié: cõme il appert en ce que les Iuifs ont crucifié & mis à mort nostre seigneur Iesus Christ. Ils ont faict & commis vn grand mal & peché extreme: neantmoins Dieu par sa puissance & bonté a conuertý cela en nostre bié & salut: car par ce moyen, par la mort & passion de Iesus Christ, nous sommes deliurez de peché, de la mort eternelle, & en auõs la vie & felicité eternelle, cõme dit S. Paul: *Delictum Iudeorum est salus gentium.* Aussi pareillement, le mal que les freres de Ioseph ont commis en le vendant & rēdant captif, Dieu l'a conuertý en bien, & a faict que le pere de Ioseph, & ses freres ont esté deliurez de la famine. Par semblable, ce que Cesar Auguste a faict descrire tous ses subiects, Dieu faict tourner cela en bien, pour estre prins pour vne figure, pour ses disciples & esleus. Car ceste descriptiõ là, signifie la paix vniuerselle, qui est faicte par nostre seigneur Iesus Christ. S. Paul dit: *Ipse est pax nostra qui fecit vtra-*

que vnum : car par Iesus Christ nous sommes descrits au liure de vie, & auons part en l'heritage de paradis. Apres le decret de Cesar Auguste, S. Ioseph avec son espouse, qui estoit pregnante s'en va en Bethleem, pour se faire escrire: *ed quòd esset de domo & familia David* Voyez vous comme ils se rendent subiects & obeïssans à Cesar: combien que la glorieuse vierge Marie fust en toute liberté, estant mere de Dieu, fille de Dieu, & espouse de Dieu: Car nostre seigneur Iesus Christ estoit en son benoist ventre, & elle estoit actuellemēt mere de Dieu, sa fille & son espouse en toute liberté. Tout ce qui est escrit c'est pour nostre doctrine. En cela, qu'elle est allée en Bethleem, elle nous enseigne d'obeir: & la liberté que nous auons par nostre seigneur Iesus Christ, ne nous exempte pas de l'obeïssance que nous deuons à noz superieurs. Nous sommes Chrestiens en la liberté que Iesus Christ nous a dōnée & acquise: mais nous ne sommes pas pourtāt exempts de la subiection & obeïssance de noz prelatz & superieurs. Vous voyez que la glorieuse vierge Marie estoit en plus grande liberté que personne, & que creature pourroit estre: neantmoins elle s'est renduë subiecte, & a obey à Cesar: elle va en Bethleem cité de David, pour s'escrire. En quoy elle a mōstré son obeïssance: aussi nostre seigneur Iesus Christ a obey à sa mere & à S. Ioseph, & a payé le tribut, dont il estoit exempt. La liberté Chrestienne que nous auōs par Iesus Christ, c'est celle qui nous faict exempts de peché, de la seruitude de peché, & de satan: mais nous demeurons subiects les vns aux autres, en ce que cōtinue nostre salut, non pas en ce qu'est cōtre sa loy & les bonnes meurs: *factum est autem cum essent ibi, impleti sunt dies vt pareret, & peperit filium suū primogenitum*: *Primogenitus*, id est, *antequam nullus*, Ce seroit mal arguer, elle a enfanté son fils primogenite, ou premier nay: *ergo*, elle en a enfanté d'autres apres. O! mais ce mot primogenite demōstre qu'il en y a d'autres, qui viennent apres, *supponit sequentem*, il fault dōc dire que la glorieuse vierge Marie ait eu d'autres enfans q̄ Iesus Christ, il ne s'en suit pas, car c'est vne maniere de parler. Et Iesus Christ est dict primogenite, le premier fils de Dieu, &

Luc. 2.

Comment la
vierge Ma-
rie, & S. Io-
seph, se ren-
dēt obeïssans

La liberté
Chrestienne
ne nous exē-
pte d'obeir à
noz supe-
rieurs.

Iesus Christ
a obey à sa
mere, & à S.
Ioseph.

La liberté
Chrestienne
qu'auōs par
Iesus Christ
nous faict
exempts de
peché.

Luc. 2.

De la natiuité

neantmoins Dieu n'a point d'autre fils par nature que luy: *Et primogenitus & vnigenitus idē sunt.* Et à la rigueur du terme: *Primogenitus non supponit sequentem.* L'escriture dit: *Ex ore altissimi prodij primogenitus ante omnem creaturam,* il ne s'en suit pas que Dieu ait eue un autre fils apres

Eccle. 24.

La vierge Marie n'a enfanté autre que Iesus Christ.

Le cōseil & entreprinse des hommes, sert pour accomplir le propos de Dieu.

son primogenite: aussi elle a enfanté son enfant primogenite: *Ad rigorem terminu, est antequam nullus.* Elle n'en a point eu d'autre: mais sa virginité a esté cōsacrée à Dieu en son enfantement. Voila, son terme est escheu, elle estoit en Bethleem, ou elle a enfanté. C'est grand chose que les cōseils & entreprinse des hommes seruēt pour accomplir les propos de Dieu. La prophetie de Micheas estoit, que nostre seigneur Iesus Christ deuoit naistre en Bethleem. Et Cesar Auguste n'y pensoit pas, quand il fist commandement à tous ses gens & subiects de s'aller faire escrire chascun en son pais. A ceste occasion la benoiste vierge Marie & saint Ioseph, sont allez en Bethleem, auquel lieu elle a enfanté son fils primogenite, nostre sauueur Iesus Christ. Cesar Auguste fut esmeu de l'esprit de Dieu, pour ce faire: mais il ne l'entendoit pas, car à ceste occasion, la glorieuse vierge Marie est allée en Bethleem. Il est aduenü que ce pendāt que la vierge Marie estoit en Bethleem, elle a enfanté. Et par ainsi la prophetie de Micheas a esté accomplie, là ou il dit: *Et tu Bethleem terra Iuda, nequaquam minima es in principibus Iuda. Ex te enim exiet dux qui regat populum meum Israel.* Ou a elle mis son enfant, nostre sauueur Iesus Christ, vray Dieu & vray homme, l'ayant enfanté? *Et pannis eum inuoluit & reclinauit eum in presepio, quia non erat ei locus in dñuversorio.* Pensez quand nostre seigneur Iesus Christ a esté nay, que la glorieuse vierge Marie sa mere l'a premiere-

Mich. 5.

Matth. 2.

Luc. 2.

La vierge Marie a adoré Iesus Christ subit qu'elle a enfanté, & premier que l'emballoter.

ment adoré, que de l'enueloper & emballoter & le mettre en la creche: combien que l'escriture ne dit pas qu'elle l'ait adoré, comme son Dieu, d'une souueraine adoration, nommée *Latria*: mais dit seulement qu'elle a enfanté son primogenite, elle l'a enueloppé de drapelets, & l'a couché en la creche: mais il fault presupposer qu'elle cō-
gnoissoit & entendoit bien qu'il estoit Dieu & homme, le vray Messias: parquoy il est plus euident que le soleil,

qu'elle l'a adoré tout premierement. Regardez ce que dit icy l'Euangile: *Et peperit filium suum primogenitum.* Les *Luc. 2.*

peinctres font & peignent, que la glorieuse vierge Marie est couchée en son liest, comme si elle eust eu douleur & travail, & qu'elle eust eu besoing de sage femme, c'est abus: car, sans douleur elle a enfanté nostre seigneur Iesus Christ, & elle seule y a mis la main: l'integrité de son corps a esté gardée: *Clauso utero exiuit Christus.* Tout ainsi que nostre Seigneur est sorty du monument, du sepulchre clos & fermé, & est entré aux Apostres les portes closes: aussi il est sorty du ventre virginal sans ouverture, sans blesser l'integrité de la benoïste & glorieuse vierge Marie. Tout incontinant, il a esté deuant elle, il s'est apparu, & elle estant à genoux, a remercié Dieu, de veoir son cher fils en terre, elle a adoré son fils, elle l'a loué & magnifié, elle luy a rendu graces, d'auoir faict si grande grace aux hommes, à nature humaine, d'estre incarné, auoir prins chair humaine, pour les racheter. Il fault

Iesus Christ est sorty du precieux ventre de sa mere sans enuerture & blesseure.

doneques la peindre & considerer estant en priere & oraison, & non pas la peindre comme estant couchée en vn liest: car ce seroit aussi bien errer comme qui le diroit de bouche, on en seroit puny. Et pource il fault corriger cela: *Et pannis eum inuoluit.* La benoïste vierge Marie a enuéléppé de petis drapelets son cher enfant, nostre sauueur & redempteur Iesus Christ, non pas d'or, ny d'argent, ny de pierres precieuses. Ce n'est pas à dire que ne debuiez auoir soing de voz enfans: mais parce que la benoïste dame faict en prenant telle extremité, elle monstre qu'il leur fault seulement bailler leur necessitez, & rien à superfluité. Et neantmois leur

Quād la vierge Marie enfanta, elle estoit en priere & oraison. *Luc. 2.*

berceau sera doré, & y aura infinité de soye, de velours & de broderies. Encores si c'estoient enfans de Rois, de Princes: mais ce sont enfans de simple & petite maison, cela est miserable & damnable. Il ne leur fault bailler que leur necessité, comme a faict la benoïste & glorieuse vierge Marie à son cher enfant nostre seigneur IESVS CHRIST: *Pannis eum inuoluit,*

Il fault bailler aux enfans leur necessité, & nō superfluité.

Et ou l'a elle mis? *Reclinauit eum in presepio:* En la cre-

Luc. 2.

De la natiuité

che, ou lon donne à manger aux bestes . Et pourquoy l'a elle là mis? *quia non erat ei locus in dinerforio*, Dieu a bien monstré le chemin de prendre humilité, & de prendre sa necessité seulement, en fuyant toute superfluité. Considererez deux saintes personnes, la vierge Marie & Ioseph: la vierge Marie porte Dieu en son benoist ventre. Chacun vient par le commandement de l'Empereur, pour se faire escrire. Il y auoit si grande presse, qu'on ne les logea point. La vierge Marie se met en vne estable, & là y enfante, & le met en la creiche: car il n'y auoit point de lieu pour luy en l'ostellerie. Venez ça, vostre cueur vous dit il pas que volontiers eussiez logé nostre Sei-

Celuy loge & nourrist Iesus Christ, qui pour l'amour de luy heberge & nourrist les pauvres. gneur? ouy, & tous les iours nostre seigneur Iesus Christ s'offre à vous pour le loger, & vous ne luy voulez pas seulement donner le logis en vostre estable. Vous avez cent fois ouy crier le pauvre de nuict, qu'il ventoit, plou-mour de luy uoit & negeoit, & vous n'avez tenu compte de le faire loger. O vous direz: nous eussions volontiers logé nostre seigneur Iesus Christ, nous eussions esté bien heureux: vous serez aujourd'huy bien heureux si vous voulez. Si vous mettez coucher le pauvre en vostre estable, vous avez autant de merite comme si c'estoit nostre seigneur Iesus Christ, il ne demande pas vne robbe de soye, ny de velours, mais de quelque gris ou bureau pour se couvrir, & des sabbots en ses pieds. Nous auons le moyen

Les mōdains ont les pauvres à contre eueur. de receuoir nostre seigneur Iesus Christ pour le loger, le vestir & nourrir, si nous voulons, le monde ne veut point ouyr parler des pauvres, il les chasse & iniurie, il dit: O ce malheureux icy, ce belistre. Le Roy des Roys est nay, & il est deiecté: il demande vn petit coing de logis, & il n'en y a point pour luy: pauvreté est deboutée. Et nostre Seigneur dit, qu'aux pauvres appartient le royaume de paradis. Et qui les reçoit, il reçoit nostre seigneur Iesus Christ: & au contraire celuy qui les chasse & deboute, il luy est autant imputé comme s'il chassoit & deboutoit nostre seigneur Iesus Christ: *Quod enim vni ex minimis meis fecistis, mihi fecistis*. Ce que nostre seigneur Iesus Christ a faict, c'est pour mō exēple. Si ie ne trouue

point de logis, ou si ie suis debouté, aussi a esté mon maître & seigneur Iesus Christ, *Seruus non est maior domino suo*. O que le lieu estoit noble, ou estoit Iesus Christ logé. Il anoblisl la creiche & l'estable ou l'auoit enfanté la vierge Marie. Elle l'auoit enfanté & emmailloté en des petits drappeaux, & mis dedans la creiche. Il n'est point dit, qu'il y eust des bestes, mais *prasepe* c'est le lieu auquel maître Iesus Christ fut nay. Les bestes, c'est la creiche. Le prophete Esaie dit: *Cognouit bos possessorem suum, & asinus prasepe domini sui: Israel autem nō me cognouit*. Les bestes le recogneurent, comme en l'eschauffant de leur halaine, car le temps d'yuer est frilleux: & Iesus Christ pource qu'il estoit plus tendre & delicat, il estoit plus sensible de froid & de chaleur que les autres, & il a prins toute nostre passibilité que nous endurons (excepté peché & ignorance) en nous enseignant à contemner toutes choses superflues, comme il a faict, & desirer seulement ce qui nous est necessaire. Apres que Iesus Christ est nay, à qui en sont venues les nouvelles? aux pasteurs, qui estoient en ceste region, veillans sur leur troupeau, & tout subit ont esté enuironnez d'une grande lumiere, dont ils ont eu peur. Et l'ange leur a dit: *Nolite timere, ecce enim euāgelizō vobis gaudio magnū, quod erit omni populo, quia natus est vobis hodie saluator, qui est Christus dominus, in ciuitate Dauid*. Et vn signe pour le trouuer, c'est qu'il est enuelopé en des petits drappeaux: *Et hoc vobis signū, inuenietis infantē pannis inuolutum & positū in prasepio*. La natiuité de nostre seigneur premieremēt a esté annoncée à des pauvres bergiers. Le conseil de Dieu est, de se reueler & manifester aux petits de basse condition. Si l'enfant du Roy nasquisset à qui en porteroit on les nouvelles? aux plus grands, mais à qui viennent les nouvelles que Iesus Christ est nay? ce n'est pas au Roy Herode, ny à Pilate, ny à Syrinus lieutenant de l'Empereur Auguste en Iudée, ny aux Scribes & Pharisiens, mais les nouvelles ont esté adressées aux pasteurs, qui estoient pauvres gens: & c'est ce que dit nostre seigneur: *Confiteor tibi pater domine cali & terra, quoniam abscondisti haec a sapientibus & prudentibus, & reuelasti ea paruulis*. Dieu declare tousiours son secret aux humbles. Les

Ioan. 3.

Iesus Christ

anoblissoit

la creiche en

laquelle il

fut nay.

Esa. 1.

par ce que

Iesus Christ

estoit plus tendre

& delicat, il estoit

plus sensible

de froid &

de chaud que

les autres

Iesus Christ a

esté à nous

par tout sem

blable, hors

mis peché &

ignorance.

Luc. 2.

Dieu se reue

le & mani

feste aux hu

bles & de

basse condi

tion.

Matt. 11.

Dieu declare

son secret

aux humbles.

De la natiuité

pasteurs sont aux champs, qui veillent, gardés leurs moutons, & ils voyent vne grande clarté, qui signifie la clarté de Dieu. Et ils ont esté estonnéz de voir vne chose inaccoustumée. Et pource, l'ange les console disant: *Ne time*

Luce. i.

Dieu illumine celuy qui fait de tout ce qui est en luy.

mere: ecce enim euangelizo vobis gaudium magnum, quod erit omni populo. Notez icy vne doctrine, que toute personne faisant son deuoir, & se recommandant à nostre Seigneur, ne delaisant rié à faire pour estre enluminé & enseigné de Dieu, il l'enlumina & enseigna tousiours à son salut, & iamais ne demeure ignorât: & si ignore, son ignorance est inuincible, & ce qu'il ignore ne luy est pas necessaire de sçauoir pour son salut. Les pasteurs veillent, ils font leur deuoir, comme il appartient aux pasteurs de veiller que les loups ne viennent raurir les brebis. Et tout subit la natiuité de Iesus Christ leur a esté reuelée: car quâd on fait son deuoir le mieux qu'on peut, on est enluminé de Dieu. Appliquez du tout vostre cuer à aymer Dieu qui vous a créés & rachetez de son precieux sang, &

Les pasteurs doivent fort veiller sur leur troupeau.

La bonté & puissance de Dieu est monstrée par ses creatures.

qui est vostre souverain seigneur: & pēsez qu'il n'y a chose plus à aymer & craindre que luy. Les creatures, ainsi qu'il les a créés, ne montrent elles pas bien sa sapience, bonté, puissance & vertu? C'est vn argumēt qui demonstre qu'il fault aymer infiniment, & plus le reuerer & craindre, que toutes autres choses. Et si ainsi vous appliquez vostre cuer, vostre volonté pour aymer & craindre Dieu, selon l'instinct naturel, combien que ne soyez pas encores Chrestiens, il vous enlumina & vous donnera la cognoissance de vostre salut. Et pource que pour estre saué, il est necessaire d'auoir la foy & cognoistre nostre seigneur Iesus Christ, il le vous fera cognoistre, craindre & aymer, Ceste cecité de Dauid, dont il parle icy, c'est Bethleem, qui est interpreté, *Domus panis*. C'est l'Eglise en laquelle est le pain de vie, la parole de Dieu, & le precieux corps de nostre seigneur, au sainct sacremēt de l'autel. Il fault que les pasteurs veillent, les prelatz de l'Eglise Euesques & Curés. Ils doivent veiller sur la maison de nostre seigneur, que le pain de vie soit distribué (qui est la parole de Dieu) à ceux qui en sont dignes, & non pas aux chiens & aux pourceaux, c'est à dire à ceux qui s'en

Par Bethlēm est signifiée l'Eglise militante en laquelle est le pain de vie. &c.

rendēt indignes, comme dit nostre seigneur. *Nolite sancti dare canibus.* Outre, doiuēt auoir soing que les loups raiſſants n'entrēt en la bergerie, en la maison de nostre seigneur, en l'Eglise. Ce ſont les heretiques, deſquels dit l'eſcripture: *Attēdite à falsis prophetis, qui veniūt ad vos in vestimentis ouium, intrinsecus autem sunt lupi rapaces.* La robe de la brebis, c'eſt manſuetude, pitié, charité. Vn chreſtien doit eſtre aumoſnier, charitable, auoir Ieſus Chriſt au cuer & à la bouche. L'heretique prendra bien la parole de Dieu en ſa bouche, mais il ne l'a pas en ſon cuer, il ſe veſtit de la robe de Ieſus Chriſt, c'eſt de ſon Euāgile: *Matth 7.* Et pource que Ieſus Chriſt eſt le fondement de verité, l'heretique le prend & allegue, non pas cōme il doit, mais le prend pour cacher ſon erreur, deſſous le nom & titre de Ieſus Chriſt, & pour deceuoir le peuple. Et parce, il luy faiſt grand deſhonneur, & grande iniure de le prendre ainſi pour eſtre teſinoing de ſon erreur & infidelité. *Le vray chreſtien doit auoir Ieſus Chriſt au cuer à la bouche & à l'eure.* *2. Tim. 3.* *Habentes quidem speciem pietatis, virtutem autem eius abnegātes.* Les heretiques portent l'oille en la bouche, mais le loup au cuer. Parlant des heretiques, ils ont vne eſpece & apparence de pieté, de bien, mais au dedans en leur cuer ce ſont loups raiſſants, ils deuorent les ames de Ieſus Chriſt, & les mettēt en enfer, par leur venin & faulſe doctrine, pour ce que les pasteurs & curés en l'Eglise de Dieu ne ſont vigilants ſur leur troupeau, pour leur reſiſter, & ne vont à leur benefice ſinon quād le terme ſ'approche pour auoir de l'argent. Ils n'ont ſoing que du temporel, & laiſſent le ſpirituel. Et neātmoins il n'y a rien plus indigne à vn paſteur eccleſiaſtique que d'auoir ſon affection au queſt & lucre temporel. S. Paul dit: *Eſt autem quaestus magnus pietas cum ſufficientia.* C'eſt vn bon queſt & gaing que de ſeruir à Dieu avec ſuffiſſance & cōrentement de toutes choſes. Craindre Dieu & luy ſeruir avec ſuffiſſance, c'eſt vn grand queſt en ſe gardant d'offenſer Dieu, & ſi aujour-d'huy quelqu'un veur reprendre l'ambition, le queſt & lucre des gens d'Eglise, qui courent apres le temporel, & n'ont autre eſtude, on dira qu'on parle contre l'Eglise, & qu'on ne l'ayme pas, mais c'eſt le contraire: car quād entre nous gēs d'Eglise ſi ſommes ſur le queſt tēporel, nous ſommes cōtre l'Eglise, & ne l'aymons pas. Iamais l'Eglise

Craindre
Dieu & luy
ſeruir avec
ſuffiſſance eſt
vn grand
gaing.

De la natiuité

Act. 4.

Les Apo-
stres n'en-
sist
ainsi basty
l'Eglise de
Iesus Christ
cōme ils ont
faict s'ils
eussent aymé
l'argent com-
me font de
present les
gēs d'Eglise.
Luc. 2.

La volonté
de l'homme
est conduicte
par l'enten-
dement.
Matth. 15.

Il est fort dif-
ficile de con-
uertir vn he-
retique.

n'aura plus d'augmentation, sinon quād les gens d'Egli-
se ne tiendront compte des biens temporels, & n'y met-
tront point leur cuer & affection, comme il est dit, que
l'on faisoit en la primitiue Eglise, *Multitudinis credentium
erat cor vnū & anima vna, nec quisquam eorū quæ possidebat
aliquid suū esse dicebat, sed erāt illis omnia cōmunia, neque e-
nim quisquam egēs erat inter illos.* Si les apostres eussent au-
tant aymé l'argent comme on faict maintenāt, ils n'eus-
sent pas faict le prouffit qu'ils ont faict, car toute leur in-
tentiō n'estoit que procurer que Iesus Christ fust loué &
magnifié. *Pastores ergo erant vigilantes super gregem suum.*
Aussi les pasteurs ecclesiasticques doibuent resider & vueil-
ler sur leur troupeau: *Ne lupus gregem dominicum inuadat.*
Et comment veilleront ils sur leurs brebis quand ils en
sont loing de cinquante ou de soixante lieues? Ils mon-
strent par cela, qu'ils ne cherchent pas Dieu. Parquoy
ie ne m'esbahis s'ils ne le trouuēt, car Dieu est Dieu, c'est
à dire, qu'il est fidele, & ne sçauroit delaisser vne person-
ne qui le cherche. Le troupeau qu'il fault qu'un chacun
de nous gouerne, c'est son ame, & les puissances d'icelle
qui sont la memoire & l'entendement. Il faut garder sa
volonté de malice, & son entendement d'erreur, c'est cō-
me le chartier qui meine & cōduit les cheuaux. Et si l'en-
tendement qui conduit la volonté est aueuglé & corrō-
pu, ils tomberont tous deux: *Si cecus cecum ducat, Ambo in
foueam cadunt.* Et pource, gardez vous bien qu'erreur ne
prenne vostre entendement, ny malice vostre cuer, &
vostre volonté. Vn chacun prenez soing sur vous & veil-
lez: car si vostre entendement prend erreur, & vostre vo-
lonté malice, cōme l'Anglois a prins Boulōgne, à grand
peine les en pourra on chasser & mettre hors, c'est vn ty-
ran que malice. il est bien difficile de l'oster de la volon-
té quand il y est, ny pareillement erreur de l'entende-
ment. Nous voyons combien c'est qu'il est difficile de
conuertir vn heretique, & d'oster la malice de l'affection
d'une personne. Ceux qui en sont entachez respondent:
Ie ne sçauois faire autrement. Non, car tu ne veux pas.
Et pourtant il fault garder que le mal n'entre au cuer.
Autrement il sera bien difficile de l'oster & arracher de
soy

foy. Il est plus facile de garder son papier blanc qu'après qu'il est barbouillé de le faire blanc : car la macule y demeure, & y apparoit tousiours, quelque rasure qu'on y face. Aussi depuis qu'on est tombé, combien qu'on se remue, neantmoins il y demeure tousiours quelques reliques. S'il y a quelque heretique conuerty, il y a tousiours de la peau du loup. *Vigilate ergo*, & gardez bien les puissances de vostre ame, c'est à dire la volonté, la memoire, & l'entendement & nostre Seigneur Iesus Christ se reuclera à vous comme il a faict aux pasteurs gardas les veilles de la nuit sur leur troupeau. Si vo^s faictes vostre deuoir nostre Seigneur Iesus Christ s'insinuera à vo^s cōme il a fait à *Eunuchus Gandacis reginae*, & à *Cornelius centurio*, desquels il est faicte mētiō en l'escripture. Qu'est-ce que veiller ? c'est craindre, se donner de garde de tōber & offenser Dieu, *vt sapiens in omnibus metuit*. Et auant que le sage consente ou croye quelque chose, il y pense deux ou trois fois. *Qui citò credit, leuis est corde* : & pource il fault veiller non seulement à fuyr celuy qui est suspect, mais aussi celuy qui doubte & vacile tant soit peu. Et neantmoins, après qu'on les sçait on y court pour les ouïr, & se met ou en danger de tomber en erreur. Aussi fault tant garder sa volonté, que non seulement il fault fuir le mal & peché, mais aussi tout ce que vous doutez estre mal & peché, & aymer plustost mourir que d'y consentir ny le vouloir faire tant petit soit il, & si ainsi vous veillez sur vostre entendement & volonté, vous ne mourrez point en erreur ne malice. Il fault faire ceste requeste à Dieu : *Illumina oculos meos ne vnquam obdormiam in morte*, &c. *Psal. 12.* Veillez ainsi, & soyez prudēs à bien cōduire vostre veuē. Si David eust eu soing de biē veiller sur sa veuē, il ne fust pas tombé en adultere & homicide. Regardez ou vous mettez voz yeux. Voulez vous veoir ? Regardez à nostre Seigneur Iesus Christ, à sa passion. Chrestiens prenez aussi garde sur vostre ouye, car plusieurs mauix ont entrée par la veuē, & par l'ouye. Et pource, il fault veiller sur les puissances de l'ame tant interieures qu'exterieures, & on fera illuminé de Dieu. Notez que la science des heretiques c'est tenebres & execcation de cuer. Dieu se reucl

De la Natiuité de nostre Seigneur.

à ceux qui ont bonne volonté & transfonde sa sapiëce à ceux qui ont le cueur humble. Nous voyons l'exces orgueilleux des heretiques qui se preferent à tous les docteurs de l'Eglise, leur illumination c'est peché & excecation de cueur, & d'autât qu'ils pésent estre illuminez, rât plus sont ils excequez. Les pasteurs ont eu vne grâde lumiere, de laquelle David dit. *Et nox sicut dies illuminabitur.* La nuict de nostre Seigneur quand il fut né relui soit comme en plein iour, l'ange a dit aux pasteurs qu'ils ne eussent peur. Et pourquoy? *Euangelizo vobis gaudium magnum, id est.* Le vous apporte des ioyeuses nouuelles de nostre Seigneur Iesus Christ. Les escriptures annoncēt nostre Seigneur Iesus Christ comme misericordieux en volonté de pardonner. Ce sont les nouuelles de grace & de misericorde: ainsi l'ange auourd'huy les a annoncées.

Luc. 2.

Le premier aduenement de Iesus Christ a esté gracieux.

Nous ne sommes sauuez par noz euures precedentes.

Hodie natus est vobis saluator. Le premier aduenement de nostre Seigneur est misericordieux & gracieux, duquel S. Paul parle en l'epistre de la Messe de minuiēt. *Apparuit enim gratia Dei saluatoris nostri omnibus hominibus,* la grace de Dieu, de nostre sauueur s'est apparue, à qui? à tous les hommes. Mais pource que nous n'auons pas merite cela. Sainēt Paul dit: *Nō ex operibus iustitiæ quæ fecimus nos.* Chrestiens considerez pourquoy c'est que nostre Seignr Iesus Christ s'est fait hōme, d'ou vient cela? ce n'est pas pour mes merites, car ie n'ay gaigné que la corde, peine, & damnation eternelle, mais la bonté, grace, & misericorde de nostre Seigneur l'a esmeu de prédre incarnation. Donc nous sommes sauuez par la grace & misericorde de nostre Seigneur, non pas pour noz euures precedentes, imò plustost pour icelles estions dignes d'estre damnez. Et ceste grace & premier aduenement est plein de ioye, & de ließe, de misericorde & grace, & le second est plein de iustice & de punition. Il fault aimer & craindre Dieu, car ainsi qu'il est venu comme sauueur & misericordieux, aussi il viendra comme iuge pour punir les mauuais, & pour remunerer les bons en la gloire eternelle.

*Ad quam nos perducat qui sine fine
vixit & regnat. Amen.*

Pour le iour Sainct
Estienne.

Q *Uecunque scripta sunt ad nostrā doctrinam scripta sunt.* Nostre Seigneur Iesus Christ a manifesté & déclaré sa grace & sa charité aux hommes plus qu'à nulle autre creature. L'ange a esté formé & crée auant l'homme, & en soy a vne nature plus parfaicte & excellente que la nature de l'homme. L'ange de soy c'est vn esprit, vne nature & substance spirituelle. Et l'homme est d'une substance & nature corporelle. Et neantmoins que Dieu ait donné vne nature à l'ange plus parfaicte qu'à l'homme, si est ce que l'ange n'a point tant eu & receu de graces de Dieu que l'homme. Et d'autant qu'on reçoit plus de graces que les autres, tant plus est on obligé. Et pour autant que l'homme a plus receu de graces, de bon vouloir & de charité de Dieu que les anges, aussi se doit il plus sentir obligé à Dieu que les anges. Nostre Seigneur Iesus Christ a faict graces aux anges de paradis de perseuerance en bien, & d'auoir vaincu la tentation du dragon, de Lucifer qui les a voulu attirer à soy & faire delaisser Dieu : mais monsieur saint Michel l'a surmonté. C'est vne grace de Dieu vaincre son ennemy. Dieu a plus faict à l'homme : car il a voulu estre homme, il s'est ioinct & a vny à soy nature humaine, & par ceste vnion l'homme est exalté par dessus nature angelique. C'est grand chose que de l'homme maintenant. Si nous regardons la premiere condition de l'homme, c'est peu de chose estre mortel, passible, subiect à plusieurs infirmités : mais si nous regardons la nature & condition de l'ange, c'est grand chose : car il est impassible, immortel, incorruptible. Et neantmoins si nous voulons regarder les graces faictes à l'ange, & à l'homme, ce n'est rien de l'ange au pris de l'homme, attendu que nature humaine est ioincte à Dieu. Dieu est homme & non pas ange : Dieu n'a pas ioinct à sa personne nature angelique, mais humaine, tellement

Rom. 8. 5.

*L'ange a esté
créé premier
que l'homme.*

*C'est vne
grande grace
de Dieu que
de vaincre
l'ennemy Sa*

De saint Estienne.

Hebr. 12.

Le fils de
dieu ioinct
à soy nature
humaine a
faict que to-
les Anges
ne sont rien
au pris de
l'homme.
Heb. 2.

que nostre Seigneur Iesus Christ qui est vray Dieu par nature, ceste mesme personne nostre Seigneur Iesus Christ est Dieu & hōme, ce n'est qu'un de Dieu & homme. Monsieur Saint Paul nous remet deuant les yeux ceste grace de Dieu si admirable faicte à l'homme, disant. *Nusquam enim angelos apprehendit, sed semen Abraham apprehendit.* Dieu n'a point assumé ny vny à soy nature angelique, mais nature humaine, comme nous voyons. Voyla vn homme riche noble, qui prend vne femme qui n'est pas noble. La noblesse de l'homme anoblit la femme, & les enfans qui en procedent tiennent de la condition du pere. L'homme, nature humaine en soy, ce n'est que terre & pouldre. C'est doncques peu de choses que l'homme. Encores est il composé du limon le plus vil, c'est à sçauoir de la terre. Mais apres que Dieu a prins & ioinct à soy nature humaine, c'a esté vne chose si excellente que tous les anges ne sont rien au pris de l'homme. Le temps passé auant l'incarnation de nostre Seigneur Iesus Christ, les anges se permettoient adorer par les hōmes comme seruiteurs: & maintenant ils sont comme maistres & seigneurs, & les anges sont enuoyez pour seruir aux hommes, comme dit saint Paul. *Omnes sunt ad ministratori spiritus in ministeriū missi propter eos qui hereditatem capiunt salutis.* Ceste exaltatiō est en ceste vniō de la personne de Iesus Christ qui est Dieu & homme, ce n'est qu'un, en ceste diuinité vnice avec l'humanité, il a constitué vne personne. Comme l'ame & le corps constituent vne personne & font vn hōme entier, aussi Dieu & homme en Iesus Christ constituent vne personne, Il est dit au symbole d'Athanase: *Nam sicut anima rationalis. & caro vnus est homo, ita Deus & homo vnus est Christus.* Vous voyez donc comme la grace de Dieu c'est apparue & demōstrée à l'homme, plus qu'à autre creature, considéré qu'il a assumé & vny l'homme à soy, & luy mesme est Dieu & homme en vne personne. Tant plus on reçoit de graces de nostre Seigneur Iesus Christ, tant plus luy est on tenu & obligé: & pourtant que nous receuons plus de graces de Dieu que les autres creatures, voire q̃ les anges qui sont constituez noz ministres & enuoyez

Athanasi⁹.

pour nous seruir, d'autant sommes nous plus obligez à Dieu, & de recognoistre la grace qu'il nous a faict. Et tout ainsi que la grace que Dieu a faicte à l'homme est plus grande que celle qu'il a faicte à l'ange, aussi le peché de l'homme est plus grand & plus grief que le peché de l'ange, qui par son peché s'est faict diable. Celuy auquel i'ay faict du bié & du plaisir plus qu'à vn autre & il en est ingrat, il me faict plus d'iniure que l'autre qui en est aussi ingrat. Aussi l'iniure d'un hōme ingrat contre Dieu, est plus grande pour la multitude des graces qu'il a receuës de luy, que l'iniure & offense du diable. En ceste consideration le diable n'a pas si griefuement offensé que l'homme, car il n'a pas tant reçu de graces de Dieu que l'homme. En vn autre qualite & consideration, les anges, c'est à sçauoir les diables ont plus offensé que l'homme, car ils n'ont point peché par infirmité & tentation comme a faict l'homme: pourtant Dieu a eu pitié de l'homme, & ne l'a pas puny de prime face tout incontinant comme l'ange. Car l'ange a esté puny, non pas en esperance de retourner comme l'homme, lequel a esté circonuenu de sa femme par le serpent, il a esté chassé, mais en esperance d'estre remis, ainsi Dieu a osté l'occasion de penitence au diable: mais l'homme n'a perdu ceste oportunité de retourner à penitence, ce pendant qu'il est en vie. Si donc par la grace de Dieu nous nous pouuons vanter que Dieu est homme, & l'ange ne peut dire, Dieu est ange, ce nous est grand hōneur. Nous nous vantons aucunesfoys d'auoir vn parent riche: S'il estoit pauvre, nous aurions honte de dire qu'il est nostre pere, nostre frere: on ne s'en ose pas renommer: mais s'il y a de l'honneur, de la noblesse, on ne s'en renomme, comme bien que cele n'est que vanité. Regardons combien nous sommes anoblis pour l'alliance que nous auons avecques nostre Seigneur Iesus Christ. De nous comme de nous, nous ne sommes que pouldre & cendre, infirmes & pusillanimes: mais puis que nostre Seigneur Iesus Christ vray Dieu a prins nostre alliance & qu'il s'est faict homme, il nous a bien exalté, & nous faict beaucoup valoir. N'est ce pas matiere & argument

Le peché de l'homme est pl^s grief que le peché de l'ange.

L'hōme peut dire, Dieu est homme, mais nō l'ange, Dieu est Ange.

De saint Estienne.

de se glorifier & resjouir? de dire que Dieu est homme, que Dieu a vny à soy nature humaine. Si Dieu est homme, c'est doneques nostre frere, & est participant de nostre misere & infirmité, cōme dit monsieur saint Paul.

Heb. 2.

Quia ergo pueri communicauerunt carnē & sanguini, & ipse similiter participauit eisdem. Nous sommes mortels, passibles, aussi est nostre Seigneur Iesus Christ. il a prins nostre infirmité & s'est fait semblable à nous, excepté peché, qui vient de mauuaise volonté, & d'une infirmité, laquelle nostre Seigneur Iesus Christ n'a pas prinse, car peché ne concerne point nostre nature. Voyla doncques en quoy cōsiste nostre gloire que nostre Seigneur Iesus Christ est nostre frere. Si on nous menace nous disons. O i'ay vn tel qui me defédra. Si quelqu'un me veut nuire ie ne le crains point, car i'ay le Roy pour moy, ou mōsieur tel: ce sōt choses humaines: biē sil n'y a point de iustice, passons outre, on fait ainsi entre les hommes, ces choses se doiuent referer à l'esprit & entendre spirituellement. Si la chair, le monde & le diable nous menacent comme noz ennemis, n'auons nou. point d'appuy,

*Par Iesus
Christ nous
surmontons
noz ennemis.*

de faueur & d'espoir à nous defendre? Ouy, nous auons Dieu nostre sauueur & redempteur Iesus Christ, & pour ce ie ne me dois appuyer sur moy, mais sur luy & me vanter que par luy, & en sa force & vertu ie surmonteray mes ennemis. C'est nostre Seigneur Iesus Christ qui me supportera deuant Dieu: il est mon redempteur, mon aduocat & mediateur. Mais parlent ils en paradis? comme homme, il prie tousiours Dieu pour nous, comme dit monsieur Saint Paul. *Semper viuens ad interpellandum pro nobis.* Et, introiuit in ipsum celum, vt appareat nunc vultui pro nobis. Et, *Habemus aduocatum apud patrem Iesum Christum.* Et voyla sur lequel il fault mettre son espoir & son appuy, & iamais nous ne serons surmontez. Ce n'est pas à dire que nous ne soyons tentez: mais nous ne serons point vaincuz. Et ne doutez point qu'il ne vous vueille soustenir & porter: car saint Paul dit: *Portans omnia verbo virtutis sue.* Il porte tout le monde: parquoy il ne fault point craindre qu'il ne vous puisse porter. Cōme quand on est en vne presse de gens, l'un qui est

Heb. 7.

1. Ioan. 2.

Heb. i.

appuyé sur l'autre, il craint de le blesser, & l'autre luy dit. Ne craignez point, appuyez vous hardimēt: vous ne me faictes point de mal: aussi nostre Seigneur dit: *Confidite in me*. Confiez vous en moy, & ce que vous ne pouuez faire par vous, vous le ferez par moy, ie vous porteray bien: comme vous voyez qu'aux ruisseaux on porte les petis enfans, il en y a qui craignent, & celuy qui les porte leur dit: ne craignez point: aussi nous ne sçaurions passer les fleuves, les dangers & perils de ce monde, si ce n'estoit nostre seigneur Iesus Christ qui nous veult porter. Mais ne nous laissera il point tomber? Tenez vous bien à luy, il vous portera bien. N'ayez peur: & de son vouloir, il en fault encores moins douter. Et pource qu'il le veult & le peult, & que nous sommes asseurez de luy, appuyons nous sur luy. Mais quand nous nous appuyons sur nous, ce n'est pas fort appuy, ce n'est que foim: *Omnis caro faxinum*. Tous les hommes ne sont que foim, il ne s'y faict pas bon appuyer: mais sur nostre seigneur Iesus Christ qui est fort. Quand vostre ennemy vous met quelque chose en la fantasie, dites à Dieu: *In te domine speravi: non confundar in aeternum*. Et ie ne sçauois porter tentation si Dieu ne me porte, & par luy ie passeray le torrent des fantasies & tentations de ce monde. Et quand vous serez deliurez, dites avec David: *Torrentem pertransiuit anima nostra, forsitan pertransisset anima nostra aquam intolerabilem. Nisi quia dominus erat in nobis, dicat nunc Israel, &c. Anima nostra sicut passer erepta est de laqueo venantium*. Mon ame est deliurée de grande angustie, par le moyen de nostre Seigneur: autrement & sans luy, elle n'eust sceu passer le torrent de la tentation. C'est vn bon appuy que nostre Seigneur Iesus Christ: mais c'est vn mauuais appuy que le monde. Il laisse tomber en enfer ceux qui se appuyent sur luy: & à la fin on est maudit. Et pourrant dit bien le Prophete: *Maledictus homo qui confidit in homine, & ponit carnem brachium suum. Beatus autem qui confidit in Domino*. Bien-heureux est celuy qui s'appuye sur Dieu, & le prend pour son appuy. Souuent vous auez voz consciences tant angustiees, vous n'estes point en paix & tranquillité de conscience: car vous vous

No^s ne sçaurions surmonter les tentations ny passer les perils de ce monde, si n'estoit Iesus Christ qui nous porte.

Psal. 30.

Psal. 124.

Iesus Christ es l'bon appuy: mais le monde de laisse tomber en enfer.
Ierem. 17.

De saint Estienne.

Repetez sou-
uent mesmes
pechez à con-
fesse, cause
inquiétude
de cōscience.

Dieu ne
veult dam-
ner l'homme
s'il faiēt son
devoir au pl^s
presqu'il luy
est possible.

Iac. 2.

appuyez sur vous & non pas sur nostre seigneur Iesus Christ. C'est vne chose dangereuse & perilleuse de repe-
ter souuent ses pechez à confesse, quand cela vient par
inquiétude de sa conscience: ils ne s'en iront pas par tel
moyen, ie vous en fais iuges. Vous vous confesserez d'v-
ne mesme chose deux ou trois fois: & puis vous en estes
en plus grande peine: vous repetez pour en auoir reme-
de & tranquillité, & vous en estes plus inquietez. Et dōc-
ques n'y retournez pas: mais confiez vous & vous ap-
puyez sur nostre seigneur Iesus Christ, croyez au bon
conseil qu'on vous donne. Estimez que Dieu est bon:
pensez vous qu'il vous vueille damner si vous faiētes vo-
stre deuoir au mieux que vous pourrez selon la fragilité
humaine? La iustice de Dieu est elle plus cruelle que la
iustice des hommes? Les iuges n'ont il pas esgard à cher-
cher tous les moyens pour sauuer la vie d'un homme s'il
est possible? & plus s'enclinent à misericorde qu'à iusti-
ce: & Dieu qui est tout bon par nature, & duquel proce-
de toute bonté, misericorde, grace, & iustice, ne nous se-
ra il pas plus misericordieux? Il est vray qu'il est iuste &
ne laisse rien passer qu'il ne nous examine bien estroite-
ment en punissant les pechez: mais il est encores plus
misericordieux: *Nam misericordia Dei superexaltat iudi-*
cium. Il ne demande que nostre salut: parquoy il ne nous
jugera pas si facilement à damnation eternelle: il fault
que le cas soit auant bien deliberé: & si nostre seigneur
Iesus Christ estoit tel que vous l'estimez, il semble qu'il
ne se soucieroit pas beaucoup de son sang precieux qu'il
a respendu pour nostre salut. Et puis retourner ainsi à
confesse pour vn fatras: *ho mater Dei!* appuyez vous sur sa
bonté, car il est infiniment bon. Vous dites que vous
aymeriez mieux mourir que de pecher & offenser Dieu,
& on ne peche point sinon volontairement. Peché est

On ne peche volontaire, & Dieu ne vous condamnera point à la
point. mor- mort & à damnation eternelle pour vn rien. Je parle aux
tellement si timides, & non pas aux presomptueux qui ne s'en sou-
la volōte n'y cient pas beaucoup. Ces propos ne s'adressent pas à eux,
donne plein car ils doiuent craindre la iustice de Dieu: mais aux in-
consentemēt. firmes, qui par apprehension qu'ils ont, estiment auoir

faillly : comme il en y a d'aucuns, qui par vne apprehension cudent qu'ils soient malades, & ils sont bien sains. Ceux qui apprehendent & cudent auoir peché, s'ils ne faisoient compte de tout cela, tout incontinent cela se esuanouiroit, mais ils disputent & s'encombrent de tant de folles pensées : ils s'y mettent si auant qu'ils ne s'en peuvent rauoir. Appuyez vous sur nostre seigneur Iesus Christ qui vous veult & peult aider. Ne pensez vous pas qu'il ne luy fust mal, si son precieux sang qu'il a respandu pour nous, ne prouffitoit? Et (comme nous auons dit) si vn iuge faict tout ce qu'il peult, pour sauuer la vie d'un homme, & qu'il ne soit contraint à le condamner, ne pensez vous pas que nostre sauueur & redempteur Iesus Christ, qui n'a pas espargné vne seule goutte de son sang precieux, mais l'a tout baillé pour le salut de l'homme, qu'il n'ait meilleur vouloir enuers l'homme, que le iuge n'a enuers le malfaicteur? Ouy sans comparaison. Et s'il preuient aucunesfois des personnes qu'ils ne pechent, & les garde: doncques garde il & ayde plustost à la personne qui a bon vouloir. Et en ceste volonté de plustost mourir que d'offenser Dieu, il est impossible offenser en cela: car ce ne seroit point peché s'il n'estoit volontaire, comme dit monsieur saint Augustin. Je sçay bien que Dieu est bon : mais voz euures ne monstrent pas qu'en ayez telle estimation. Nous disons aucunesfois, ie ne demande que la parole de cest homme là, & vous y fiez autant que si en auiez obligation. Et nostre seigneur Iesus Christ nous veult sauuer. Nous en auons tesmoigna-
ge par l'effusion de son sang. Il ne demande sinon à nous donner sa grace & remission de noz pechez : Et facere sibi populum acceptabilem sectatorem bonorum operum. Il nous fault doncques fier en luy, puis qu'il nous porte ce bon vouloir. Mais n'offensons nous point en faisant ainsi? Il y a grand danger que vostre inquietude & trop grande sollicitude ne soit reprouuée de Dieu, comme le trop grand soing & sollicitude qu'on a d'estre vestu & nourry, de laquelle nostre Seigneur dit: *Nolite solliciti esse quid manducetis aut quid bibetis, &c.* Aussi la trop grande inquietude & sollicitude qui procede de la des fiance de

*Si vn iuge
tache à sau-
uer la vie
d'un hōme,
à plus gran-
de raison le-
sus Christ
nous veult
sauuer.*

*S. August.
Iesus Christ
ne demande
que le salut
de l'homme.*

Titum 2.

Matth. 6.

De saint Estienne.

- Apoc. 21.** Dieu, est offense de Dieu. Saint Iean dit: *Ira Dei timidis*. L'ire de Dieu est sur les timides, il ne dit pas, *Timoratis*: car vn homme qui est *Timoratus*, comme estoit saint Symeon avec vne crainte qu'il a d'offenser, il s'appuye sur nostre Seigneur, il se confesse en luy. Il fault craindre de offenser, mais avec cela esperez en Dieu. Il dit: *Querite & inuenietis*, cherchez & vous trouuerez: *Petite & accipietis*. En luy demandant qu'il luy plaise de vous garder que ne failliez, & que vous aymerez plustost mourir: quand vous aurez ainsi prié Dieu, ne vous voulez vous pas fier & esperer en luy qu'il a fait ce que vous demandez? Ne craignez donc plus. Mais nous repetons tousiours: c'est vn signe de deffiance. Venez ça, avez vous demandé à Dieu qu'il vous gardast de l'offenser? Vous devez donc croire qu'il vous a fait ceste grace, & vous assurez en luy que vous ne l'avez pas offensé. Et ne pensez pas que vostre inquietude de conscience s'en aille & ne se depart se departe par frequente confession: mais plustost allez vous en à la table de nostre Seigneur sans vous en contrefeccion. Assurez vous en Dieu: & vous fiez en luy, & vous aurez la paix en vostre conscience. Vantez vous doncques: & dequoy? que vous auez Dieu pour vostre pere, & qu'il vous veult sauuer. Aucunesfois on dit à quelqu'un, allez vous en à vn tel: car il vous demande & ne veult que vous ayder. *Mater Dei*, vous auez nostre seigneur Iesus Christ qui est Dieu & homme: allez à luy, comme dit saint Paul: *Ad eam cum fiducia ad thronum gratia eius, ut misericordiam consequamur, & gratiam inueniamus in auxilio opportuno*. Si i'estois au fond d'enfer i'en sortirois, par maniere de parler, en pensant à l'amour que Dieu me porte. Saint Augustin dit: Je ne me sçauois soucier & auoir frayeur & crainte de mes pechez, quand i'ay memoire de la mort & passion de Iesus Christ & de l'amour & charité indicible qu'il m'a monstré par icelle, voire que i'en eusse autant fait & commis comme tous les diables. L'Eglise chantoit à la minuit de Noel: *Consolamini, consolamini popule meus, dicit Deus vester*. Peuple consolez vous, car vostre Dieu le vous mande. Et pourquoy? car Iesus Christ est nay. No-
- Inquietude de conscience ne se depart par frequente confession de mesme peché.**
- Hebr. 4.**
- S. August.**
- Esa. 40.**

stre medecin est venu, le remede est prest: il ne fault seulement que le nous appliquer. Ha Chrestiens le bon vouloir de Dieu est sur ceux qui le craignent & esperent en luy. Quand on pense à ces propos, on est bien consolé, comme dit saint Paul: *Consolamini inuicem in verbis istis.*

Quand on dit à quelque prisonnier qu'il sera deliuré, il est tout consolé. Aussi quand vous voyez vostre conscience triste pour voz pechez, consolez vous, & pensez à la mort de nostre Seigneur, & qu'il ne desire que vostre salut. Les pasteurs qui veilloient sur leur troupeau, veirent vne grande lumiere, & vn Ange qui leur annonçoit vne grande ioye, c'est que Iesus Christ estoit nay. Sçauiez vous Chrestiens à qui s'adresse la lumiere? Le Psalmiste dit: *Exortum est in tenebris lumen rectis corde.* Vous dites, i'ay vne pauvre conscience toute obtenebrée & obscurcie. Je ne cognois rien. Si vous auez vn bon cuer, la lumiere y entrera. *Recti corde.* Ce sont ceux qui ont bõ sentiment de Dieu en toute bonté, ils ont vn cuer droit: *Sentire de Deo in bonitate*, c'est sentir la remission des pechez & la grace de Dieu. Toy qui es scrupuleux, tu dois penser seulement que Dieu te veult sauuer, sentir de luy en toute bonté, c'est à dire que Dieu n'est pas facile à se courroucer, cõme dit le Psalmiste: *Opera manuum tuarum ne despicias.* Si nous n'oublions point noz euures, nostre ouurage, & q̃ vous dites: Entre mil ie cognoistreray mō ouurage, pensez vous que Dieu qui ne met rien en oubly puisse oublier sa creature qui est l'ouurage de ses mains? Il dit: quand la mere seroit tant desaturée qu'elle oublieroit son propre enfant, ie ne vous oublieray iamais: car vous estes les euures de mes mains. Ne pensez point que Dieu vous vueille punir: mais nous veult sauuer, non pas seulement qu'il le vueille, mais peult vous donner actuellement sa grace. Ne la refusez pas, mais la receuez. Il en y a d'aucuns si timides qu'ils tremblent s'il leur fault parler à quelque mōsieur. Mais quād ils sont deuant luy, il leur monstre si bonne face & s'accommode tant à eux, qu'ils sont assurez. *Mater Dei!* si la face d'un homme assure, la face de nostre Seigneur Iesus Christ n'assurera elle pas plus? Nous sommes bien

1. Theſ. 4.

Pſal. 111.

Celuy qui est
scrupuleux
doit penser
que Dieu le
veult sauuer.
Pſal. 137.

De saint Estienne.

Il est bien meschant qui peu s'assure en Dieu.
S. Chrysost. meschans, & moy tout le premier, de nous si peu assurer en nostre Dieu. Nous lisons en l'epistre de la feste saint Estienne que lon a veu sa face reluisante comme la face d'un Ange. Saint Chrysostome dit qu'il auoit la face fort gracieuse & attrayante les gens à amour. Il y a des gens qui retirent d'aller à eux : mais il en y a d'autres desquels la face est attrayante & prouocante d'aller à eux. Si la face de saint Estienne reluysoit & attiroit à soy les gens : la face de nostre seigneur Iesuschrist n'attirera elle pas beaucoup plus ? Le Psalmiste dit : *speciosus forma pre filiis nominum*, Du cognoist aucunes fois le cuer par la face, on en a quelque coniecture. La face de nostre Seigneur demonstre quel cuer il nous porte. Nous le voyons pendu en la croix, percé de cloux & couronné d'espines. La plus grande charité qu'il auoit enuers nous, il l'a montrée quand il est mort pour nous. On cognoist & **On iuge du cuer par l'exterieur.** Quand nous iuge on du cuer par l'exterieur : & ainsi nous iugeons & sommes tentez allons à Iesuschrist. **Roma. 8.** nous sommes ainsi tentez, allons à Iesuschrist, c'est nostre force & tout nostre appuy. Mais ie crains qu'il me refuse. Non fera, car il ne peut estre deceu ne circonuenu, il ne croit point en paroles. Saint Paul dit : *Quis accusabit aduersus electos Dei ? Deus qui iustificat ? quis est qui condemnet ? Christus Iesus qui mortuus est ? Imò qui & resurrexit, qui est ad dexteram dei, qui etiam interpellat pro nobis.* Iesuschrist ne nous cōdamnera pas, car il est fait homme pour nous : il est mort & est resuscité pour nous. Montrez vous donques auoir un bon sentiment de sa bonté. Si aucunes fois vous vous fiez tant à la parole & promesse d'un homme que vous labourez & trauallez tant pour luy, & iusques à y mettre tout vostre bien, & souuentefois mettez vostre corps en danger : combien plus denez **Nous devons traualler pour Iesus Christ iusques à mourir pour luy** vous labourer & traualler pour l'amour de nostre Seigneur, & iusques à mourir pour luy en vous fiant à sa promesse & parole ? La plus grande faute & le plus grand mal qui nous pourroit aduenir, c'est de ne nous point fier & assurer en la parole de Dieu & neantmoins nous nous fions plus à la parole d'un homme que à celle de

nostre seigneur Iesuschrist. Aussi vous voyez quel prouffit nous faisons. C'est vne grande grace de Dieu faicte à l'homme, que Dieu est homme, en assurant à soy & donnant courage à l'homme de son salut voyla l'homme, nature humaine prinse & assumée à l'equalité de Dieu, à la filiation de Dieu, non point par adoption, mais par nature, car Iesuchrist est fils de Dieu naturel. S. Paul en l'E-
Tit. 2.
 pistre d'hier dit : *Apparuit gratia Dei saluatoris nostri omnibus hominib⁹.* Ce mot là, *apparuit*, il efficace & enargie. Nature humaine assumée à l'equalité de Dieu.
 S. Paul veut dire que ceste grace n'est point de noz merites. D'avantage ce mot, *Apparuit*, môltre que nous n'attendions pas ce grâd biẽ : *sed præter spẽ venit.* Côme nous
Rom. 10.
 disons cõmunement ie ne pẽsois pas à vn tel, mais ie l'ay rencontré, & nostre seigneur dit . *Apparuit iis qui non interrogabant.* Qui est donques ceste grande grace apparue aux hõmes? Notez que c'est l'incarnatiõ de nostre seignr c'est Iesus, qui est incarné pour nous. Ceste grace estoit decretée pour les hommes eternellement en l'Esprit de Dieu. Saint Paul dit : *Quòd hæc gratia data est nobis ante tempora secularia, id est,* avant que les hommes fussent faicts, Dieu eternellement auoit decreté que son verbe seroit homme. On ne voyoit point cela, mais *hodie apparuit*, que le fils de Dieu est fait homme, il a conuersé avec les hommes, & est verifié ce que dit le prophete : *Populus gentium qui ambulabat in tenebris, vidit lucẽ magnam.* Ceste lumiere infinie qui s'est apparue aux gentils qui cheminoient en tenebres de peché & idolatrie, c'est le verbe de Dieu qui est la lumiere dont il est dit, *Erat lux vera quæ illuminat omnem hominem venientem in hunc mundum.* Au-
Joan. 1.
 iourd'huy ceste lumiere s'est apparue. En soy elle est inuisible, mais elle s'est faite visible. Le verbe, le fils de Dieu qui est vraye image de Dieu, qui est vn seul & vray Dieu luy mesme par nature, & n'en y a point d'autre, il s'est fait visible, mortel & passible, luy qui estoit immortel, inuisible & impassible : *Verbum caro factũ est.* Luy qui est vn esprit il s'est fait terre chair. Voila de grâdes graces de Dieu faictes aux hommes que Dieu s'est fait homme. Il y a plus de difference entre la nature de Dieu & de l'homme, que du ciel & de la terre. Le plus infirme des Elemens c'est la
2. Timo. 1.
 Dieu auoit eternellemẽt decreté que son verbe seroit homme.
Esa. 9.
Joan. 1.
 Dieu qui estoit inuisible s'est fait visible.

De saint Estienne.

terre, & Dieu qui est vn esprit, s'est vny à nostre limon, & nostre nature est vnies à Dieu : Ce n'est qu'une personne Dieu & homme. Ceste conionction là est tant impossible d'estre estendue par nature que le sens humain ne le peut comprendre. Et pource les philosophes & sages de ce monde, s'appuyans sur leur sens naturel ne l'ont peu croire, mais le chrestien le croit. Car par la foy nous croyons des choses qui sont impossibles par nature. Nature ne s'y accorde pas, mais la foy de nostre seigneur nous assure plus que si nous le tenions. Ceste vnion là dōne esperance au pecheur. Si Dieu s'est fait homme i'ay doncques esperance qu'il me sauuera. Iesus Christ est le fils de Dieu naturel, & par luy, par son merite nous sommes faits enfans adoptifs de Dieu. Seulement croyez en Dieu, en Iesuchrist, faites penitence, & vous serez vnies à Dieu par grace, par adoption, cōme Iesuchrist est vny à Dieu personnellement. Saint Paul dit : *Apparuit gratia Dei*. La grace de Dieu s'est apparue aux hommes. On ne la cherchoit pas, le fils de Dieu s'est demōstré visible en accomplissant la prophetie de Baruch qui dit : *In terris visus est, & cum hominibus conuersatus est*. Aucune fois nous disons, ô que ie serois heureux si ie pouuois baiser la terre par ou a passé vn tel homme ! Qu'est-ce doncques au pris en cōsideration de la grace de nostre seigneur ? O que nous serions heureux si nous pouuions baiser la terre par ou a passé nostre seigneur Iesus Christ ! Vous ferez mieux si vous voulez : Embrassez les pauures, baisez les ladres, &c. C'est à dire exhibez leur toute suauité, benignité, misericorde. A qui s'est apparue ceste grace ? *Omnibus hominibus*, ceste grace n'est point particuliere, mais est generale à tous les hommes. La grace de Dieu nous enseigne c'est l'incarnatiō du fils de Dieu, *Erudiens nos*. Que vous enseignes elle ? que soyez hūbles. Car si Dieu s'est tant abaissé iusques à prendre nostre limon, nostre terre : combien doncques plus l'homme se doit il abbaïsser & humilier, de ne detracter & ne dedaigner point son prochain, à l'exemple de nostre sauueur Iesuchrist. Lequel nous prions nous donner sa grace en ce monde, & sa gloire en l'autre. Amen.

*Iesuchrist est
le fils de
Dieu naturel.*

Tit. 2.

Baruch. 3.

Tit. 2.

*Autre sermion du iour saint
Estienne.*

Q*Uacunque scripta sunt, ad nostram doctrinā scripta sunt. Roma. 15.*
 Nostre Seigneur Iesuchrist & Satan ont querelle l'un cōtre l'autre tousiours sōt cōtraires, ils ne peuuent auoir cōuention ensemble. La querelle de Satā, c'est mensonge, fallace, malice, & deception: il ne peut auoir concorde entre Iesus christ & Belial, entre iustice & iniquité, entre verité & mēsonge. Satan en a qui soustiēnent sa querelle, dés le commencement du monde: Cain a soustenu sa querelle, son propre fait, & auioird'huy les hommes font accords & soustiennent la querelle de Satan & sa cause. N'en voyez vous pas qui se font tuer pour vne vilaine? On dit. Tel a esté tué: & ou? au bordéau? pourquoy? pour vne putain. C'est fait faire mourir pour vne pauure querelle. Voila comme le diable a gens qui soustiennent sa querelle, & leur dommage car *Roma. 6.*
 tout leur prouffit & emolument c'est damnation & peine *Le prouffit*
 eternelle, confusion & infamie. Et saint Paul dit: *Sti-* *de peché c'est*
pendia peccati mors Les gages, prouffit de peché, c'est la *la mort.*
 mort. Telles gens pour soustenir la querelle du diable, ils dissipent tout leur bien, & se mettent en mille dāgers. Vn homme cognoistra bien qu'il a vne mauuaise cause, sa conscience le remord, mais il veult aller iusques au bout, il opprime le pauure, & luy oste le moyen de viure, il le veut destruire: & quand on luy dit qu'il attende & qu'il sera payé, il dit ie n'en feray rien: il soustient le diable, car il soustient vne mauuaise cause. Il y en a plusieurs de tels, & (comme nous auons dit cest aduent que du temps de Noé d'autant que les hommes se multiplioyent aussi faisoit malice: car mauuaise herbe *Mauuaise*
 croist tousiours) Satan trouue tousiours gens qui le sou- *herbe croist*
 stiennent, vne malice, vne iniustice & meschanceré. Et *tousiours.*
 telles gens disent qu'ils font bien, combien qu'ils soyēt maudits de Dieu. Nostre seigneur I E S V S C H R I S T en a aussi qui soustiennent sa querelle, & parlent pour luy iusques à la mort. Entre les autres vous voyez monsieur

De saint Estienne.

*S. Estienne
est le premier
qui a souste-
nu la querel-
le de nostre
seigneur.*

*Tant plus
verité est im-
pugnée, tant
plus est elle
manifestée.*

saint Estienne qui est le premier qui a soustenu la querelle de Iesuchrist entre ses disciples, & y est mort. Et l'emolument, le fruct qu'on a pour auoir soustenu la querelle de nostre seigneur, c'est la vie & felicité eternelle: ou en la grace de Dieu. Saint Estienne s'est mis au cháp de bataille pour soustenir la part & la querelle de cest enfant nômé Iesus. Et combien qu'il n'en ayt pas tant pour la defendre qu'a Satã, si est-ce qu'un bõ fait plus & vault mieux, que tous les mauuais & malheureux qui soustien-
nent le diable: comme vous le voyez en saint Estienne qui surmonte tous ceux qui disputent & en ont contre luy. Il est escript en Esdras que le vin est fort, & les femmes sont fortes, mais la verité est plus forte que tout. Vn seul avec verité est plus fort que dix mille qui soustiennent erreur & mensonge: les diables sont vaincuz & surmontez par vn seul qui soustient la verité en assurance: & tant plus le bon, la verité est impugnée, tant plus en est elle manifestée & cognüe. Et tout au cõtraire, vice se destruit & abolit soy mesme sans estre impigné & contrarié: mais verité a vn fondemēt ferme & stable qui la soustient bien, C'est Iesuchrist nostre sauueur. Et plustost mourir de cent mille morts que de flechir & estre tant soit peu desloyal à Iesuchrist en soustenant sa querelle qui est tousiours iuste & raisonnable. Et pource nous deuons nous merueilleusement inciter & estudier à la soustenir. Cõsidéré le bien aussi que nous en auons, c'est plus grande grace que Dieu nous fait pour le soustenir, que s'il nous mettoit en paradis. Et tant plus nous sommes contrariez & souffrons à soustenir son nom: tant plus est grãd nostre bien & merite, à l'exemple de monsieur saint Estienne. Il fault veoir comme c'est qu'il s'est conduit en son estat nonobstant les contrarietez qu'on luy a fait. Et finalement comme il est mort, & la cause pour laquelle il est mort. Tout cela est trouué & demonsté en la sainte escriture, comme il est escript: *In illis diebus crescente numero discipulorũ factum est murmur Grecorũ aduersus Hebræos, eo quòd despicerentur in ministerio quotidiano viduæ eorum. Cõuocantes autem duodecim multitudinẽ discipulorum, dixerunt: Non est æquum derelinquere verbum*

*bum Dei & ministrare mensis. Cōsiderate ergo viros ex vobis
loni testimoniū septē, plenos spiritu sancto & sapiētia, quos con
stituamus super hoc opus: nos vero orationi & ministerio verbū
instantes erimus. Et placuit sermo eorū corā omni multitudine,*

& elegerūt Stephanū virū plenum fide & spiritu sancto, &c.

En la primitiue Eglise les chrestiens se multiplioyēt fort par la prediciō des Apostres: l'Eglise estoit fort persecu

tée, & estoit prohibé de prescher Iesus Christ & son nō. Mais pour cela les Apostres ne cessoyent de le prescher,

combien qu'ils en fussent mis en prison, fessez, & flagel

lez au bout de la charrette. Et estans ainsi tourmentez &

affligez ils en loüoyēt Dieu, dequoy il les faisoit dignes

d'endurer pour l'amour de luy, *in illis diebus, &c.* S. Chry-

sofome dit, c'est de ce temps là, que la predication de no

stre Seigneur couroit, & que l'Eglise se multiplioit non-

obstant les cōtrarietez. Sur quoy il faut noter, que l'aug-

mentation des Chrestiens s'est faicte apres la persecutiō

& tentation: laquelle tentation fait croistre le nombre

des disciples, c'est à dire des Chrestiens, & à l'heure que la

persecution estoit plus grande, c'estoit quand croissoit la

multitude des Chrestiens. Regardez cōbien les meschās

font de mal pour empescher le bien: mais neantmoins

contre leur vouloir & intention ils le font multiplier &

augmenter, & pource il est dit, *Crescente numero discipu-*

lorū. Voyla vne grande vertu de Dieu, que combien que

ceux qui soustiennent sa querelle soyent fessez, flagellez,

mis en prison, ce neātmoins demeurent constans & per-

seuerans en la foy. En la primitiue Eglise, tant plus crois-

soit la tentation & persecution, tant plus augmentoit le

nōbre des disciples & Chrestiens. Et en vne grande multi-

tude il n'est pas possible qu'il n'y en ayt d'imperfais: cō-

me tous les doigts de la main ne s'entressemblent pas.

Au cōmencemēt de l'Eglise, que la multitude des Chre-

stiens croissoit, il s'est leué vn murmure des Grecs contre

les Hebreux: *Et factū est murmur Græcorum aduersus He-*

bræos eò quòd despicerentur in ministerio quotidiano viduæ eo-

rum. Cela vient de l'imperfectiō des personnes. Il y auoit

des vesues des Iuifs, & de celles des Grecs. Celles des Iuifs

*Du tēps des
Apostres l'E-
glise estoit
fort persecu-
tée.*

S. Chrysoft.

Act. 6.

Act. 6.

De saint Estienne.

Dés le comē-
cemēt du mō
de Satan a
voulu empes-
cher la cause
de Dieu.

Act. 4.

Act. 6.

Act. 6.

estoyēt mises à la charge des aumosnes, & les veſues des Grecs, c'est à dire des Gentils, estoyent cōtemnées, on ne leur dōnoit point la charge des pauvres, cōme aux autres veſues, ou ſils auoyent beſoing, on ne leur donnoit pas leurs neceſſitez: & les Grecs qui estoyent encores imparfaits murmuroyent. Regardez Chreſtiens: dès le commencement du mōde, Satan a tousiours mis peine d'empescher la cause de Dieu. Il n'y auoit encores que quatre personnes au mōde quand Satan suggera à Cain de tuer son frere Abel. Apres voyla ce Satan, qui met deux enchanteurs Iannes & Mambres contre Moyſe, qui souſtenoit la querelle de Dieu. A saint Pierre auſſi reſiſtoit Simon Magus: & à S. Paul Elymas Magus. Et ainſi vous voyez que vertu est tousiours impugnée par le diable: Cela est ſignifié par le pere de famille, qui auoit ſemé de bon grain en son champ, & de nuit son ennemy y vint ſemer de la zizanie. C'est le diable, lequel au commencement de l'Eglise primitiue a ſemé vne zizanie, vn murmure qui est contre charité & cōcorde. Il a voulu empescher la charité & concorde. *Quia erat cor vnum & anima vna.* Il a suggeré aux Grecs de murmurer contre les Hebreux. La doctrine de noſtre Seigneur a tousiours esté impugnée, mais elle a eu victoire. Tousiours le diable empesche Ieſus Chriſt, ſil peut: mais Ieſus Chriſt tousiours ſurmonte. Les Apôſtres ont taſché à empescher ce murmure. *Cōvocantes autē duodecim multitudinē discipulorum, &c.* Les douze Apôſtres firent vne aſſemblée, & propoſerēt à la multitude. Car il est facile de remedier au cōmencement à vn mal, & mieux qu'apres. Ainſi doiuent faire les ſuperieurs, & mettre bon ordre à leurs ſubiects, comme ont fait les Apôſtres, qui ont conuoqué la multitude des Chreſtiens, & ont fait ceste propoſition: *Non est æquum nos derelinquere verbum Dei, & ministrare mēſis, &c.* Les Apôſtres du cōmencement auoyent l'adminiſtration du temporel & du ſpirituel: car on leur apportoit à leurs pieds le prix des biens & poſſeſſions. Et pource ils dirent, il n'est pas décent qu'entre nous, nous meſſions du temporel: Il n'est pas décēt à noſtre eſtat d'auoir plus

de soing du temporel que du spirituel. Et neantmoins au-
 iourd'huy pour le temporel nous n'y mettons personne
 qui le reçoive, mais nousmesmes le receuons : & au spi-
 rituel nous y mettons des vicaires. Le premier soing
 doit estre du spirituel, à former les cueurs des hommes
 en nostre Seigneur Iesus Christ. C'est vne grande infamie
 à vne personne Ecclesiastique de se mesler du tempo-
 rel. Car l'estat d'un Euesque, d'un Curé, c'est d'illumi-
 ner, purger, & donner perfection. Dieu m'a mis en mon
 estat, & ie le laisse, & du tout ie m'adonne au tempo-
 rel: cela est tant indecent & vilain à un prelat Ecclesiasti-
 que. Car comme dit saint Paul : *Nemo militans Deo im- 2. Timo. 2.*
plicet se negotiis secularibus, ut ei placeat cui se probavit. La-
bora sicut bonus miles Christi Iesu: ministerium imple. Regar-
 de ta charge, ton ministere, afin que tu l'accôplisses, que
 tu faces, & non pas que tu faces faire: car c'est un office
 personnel, ou lon doit vaquer à administrer la parole de
 Dieu, & les saints sacremens, vaquer à illuminer, par fai- *Il ne se fault*
 re, donner perfection. Et au lieu de ce faire on s'applique *esmerueiller*
 aux negoces temporelles. Et pource ne se fault esmerueil *si les gens*
 ler si tels ministres & gens d'Eglise sont desprisez & con- *d'Eglise sont*
 temnez. Et pource saint Pierre dit : *Non est equum nos desprisez.*
relinquere verbum Dei & ministrare mensis. Considerate ergo, fratres, viros ex vobis boni testimonij septem, plenos Spiritu
santo & sapientia, quos constituamus super hoc opus. Ce *Act. 6.*
 que saint Pierre dit icy: *Considerate*, cela montre la pru-
 dence de celui qui a la charge, & qui est en office de met-
 tre quelqu'un en l'Eglise, comme d'estre curé, &c. Le dō-
 nez vous au premier requerant? au premier venu? c'est v-
 ne chose damnable: & tels ayans collation & administra-
 tion des benefices, demeurent responsables deuant Dieu,
 s'ils ne font leur deuoir de les donner & conferer à gens *1. Corin. 4.*
 qui en sont capables. Et pource *considerate*, car comme
 dit monsieur saint Paul : *Sumus dispensatores ministeriorum Dei.* Non seulement fault considerer à qui on cō-
 fere les benefices, mais aussi avecques qui on permu-
 te. Car il fault auoir bon tesmoignage & coniecture
 qu'il en fera son deuoir: autrement si ainsi ne le fai-

De saint Estienne.

êtes, vous serez damnez à tous les diables. Combien que de vostre costé vous faciez vostre deuoir en vostre charge de la cure que vous auez prinse del'autre, toutesfois si luy n'en fait son deuoir, & que vous ne ayez eu opinion & coniecture qu'il le feroit, vous demourerez redeuable de tous les maux qui se feront par son mauuais gouuernement, comme dict la reigle de droict : *Qui causam damni dat, damnum dedisse videtur.*

*Qui causam
dāni dat dā-
num dedisse
videtur.*

Et puis dire, i'ay permuté, i'en suis quicte & deschargé, non estes : mais demeurez tousiours chargé. Quand vous faictes permutation du bien temporel, de quelques terres, ne les allez vous pas veoir, pour sçauoir quelles elles sont, & en quoy elles consistent? Vous devez donques bien plus faire inquisition du bien spirituel, de la charge des ames. Les biens sont en main, & ie les donne & mets en la gueule du loup. Et pourtant considerez bien à qui vous permutiez & conferez les benefices. Quels gens fault il prendre? *Viros ex vobis boni testimonij*: qui soyent de bonne renommée.

Act. 6.

i. Timot. 3.

Act. 6.

Nam oportet illum habere bonum testimonium ab his qui foris sunt. Apres il est dit. *Plenos spiritu sancto & sapientia, quos constituamus super hoc opus.* En vn Euesque ou Curé, deux choses sont necessaires & requises. Il fault qu'il soit remply du saint Esprit, de sapience, & de bonne vie. Le premier & meilleur c'est d'auoir vn bon cuer, vne bonne volonté: & le saint Esprit s'offrira à vous, & vous donnera sapience & erudition. La parole qu'a dit saint Pierre a pleu à la multitude: *Et placuit sermo coram omni multitudine.* Ils esleurent sept gens de bien de bon testimonage, entre lesquels monsieur saint Estienne estoit le premier: *Et elegerunt Stephanum virum plenum fide & spiritu sancto.* Ils presenterent ces sept à saint Pierre & aux autres Apostres, qui prièrent Dieu & imposèrent les mains sur eux, & ils receurent le saint Esprit. Voyla l'ordination des sept diacres. Les Apostres les receurent & leur donnerent la charge de departir & distribuer les ausinones. Si donques vous demandez, de quelle condition estoit monsieur saint Estienne? Il

Act. 6.

Act. 6.

estoit diacre, ministre en l'Eglise de Dieu. Qui l'a institué? Le peuple? non. Il l'a bien présenté, mais saint Pierre & les autres Apostres l'ont institué, & les autres diacres. C'est la maniere comme il fault faire les elections. Monsieur saint Estienne ne l'a pas cherché ny procuré: mais le bon renom & tesmoignage qu'on auoit de luy, a fait qu'il a esté esleu du peuple, & institué par les Apostres avecques prieres & oraisons. Cela nous demonstre qu'il fault bien prier quand on veut donner vne charge en l'Eglise. Mais auourd'huy on donne les benefices à des parefreniers & gens incapables. O Dieu est Dieu: le diable fera donques sauué si nous le sommes en faisant ainsi. Dieu fera vn acte extraordinaire, si nous sommes sauuez. Dieu est mis si bas que celuy qui veut viure vertueusement est reputé inique & meschant, il a bien des afflictions & angusties en soustenant la querelle de nostre Seigneur I E S V S C H R I S T, comme auoit Noé du temps du deluge. Je suis tout estonné que nous ne pensons à l'eternité d'estre priué & separé de Dieu à iamais, aller à tous les diables en enfer si on ne s'amende. Encores ie m'esmerueille que ceux qui ont la clef de science, par leurs faits, avecques ce qu'ils se damnent, ils empeschent les autres d'entrer en paradis: *Neque intrant, neque alios intrare sinunt.* Vn seculier aura vne abbaye, ou plusieurs benefices, & sous ceste couuerture & couleur qu'il est sçauant, les autres en veulent auoir, car ils pensent que ce ne soit point mal fait: & qui leur en parle, ils respondent, vn tel en a bien, & pourquoy n'en aurons nous aussi? Il vaudroit mieux que celles gens qui baillent ainsi mauuais exemple & scandale, qu'ils eussent vne meulle de moulin pendue au col, & estre iectez au profond de la mer comme dit l'escriture. Mais nous n'y voulons penser iusques à ce que nous ayons la terre sur le bec. Mes amys, si nous sommes tenuz, pour euitier le scandale de nostre prochain, de nous abstenir des necessitez de nostre corps: beaucoup plus de ce dont nous nous pouuons passer. Si ie donne scandale à mon prochain en mangeant de la chair, ie m'en dois abste-

*La maniere
de faire les
elections.*

*Ceux qui
ont la clef de
science empes-
chent les au-
tres d'aller
en paradis.*
*Matt 23.
Luc. 11.*

De saint Estienne.

Rom. 14.

1. Corin. 8.

Hebr. 5.

Act. 6.

S. Chrysost.

Nostre Sei-
gneur defere
honneur à la
dignité

Matt. 7.

nir: c'est la sentence de monsieur saint Paul. *Si esca scandalizat fratrem meum, non manducabo carnes in aeternum.* S'il a esté licite le temps passé a vn seculier de tenir vne abbaye, ou auoir plusieurs benefices, aujourd'huy'il n'est pas licite, pour euiter le scandale. Voyla monsieur saint Estienne constitué diacre, appelé de Dieu sans y penser: Il ne s'ingere pas aux benefices de l'Eglise, mais en laisse faire à Dieu, & aux gens de bien, aux superieurs: comme dit monsieur saint Paul: *Nemo assumat sibi honorem, sed qui vocatur à Deo tanquam Aaron.* Comment s'est gouuerné mōsieur saint Estienne en son estat? *Faciebat prodigia & signa multa in populo.* Saint Chrysostome annonce sur ce passage qu'on ne list point, qu'auant que monsieur saint Estienne fut ordōné diacre, qu'il ayt fait des signes & miracles: pour monstrier que Dieu a tousiours deféré hōneur à la dignité, comme il appert en Cayphe, lequel combien qu'il fust meschant, il prophetisa, pour la charge & dignité ou il estoit cōstitué. Monsieur saint Estienne a fait de grāds miracles: Il a resuscité les morts, guarý les malades: ce ne sont pas des plus grands qu'il ayt fait, s'il n'eust fait que cela, il n'eust pas esté agreable à Dieu. Qu'a il fait plus que cela? Ses grands miracles sont que sa vie estoit irreprehensible, il rendoit le bien pour le mal, & seulement auoit l'honneur de nostre Seigneur Iesus Christ, & le salut du prochain devant les yeux. Voyla ses grands miracles. La bonne vie est incalumniabie, mais on peut bien calomnier les miracles. Vn meschant homme peut faire des miracles: & neantmoins peut estre qu'il est reprouué: cōme nostre Seignr Iesus Christ dit: *Multi dicēt mihi in illa die, Domine, domine, nōne in nomine tuo prophetauimus, & virtutes multas fecimus? & nunc confitebor illis, quia nunquā noui vos.* Iudas est reprouué, lequel a aussi bien fait de: miracles que saint Pierre: mais nostre Seigneur iamais ne reprouue vn hōme de bonne vie. Il n'y a point de plus grād miracle, que de rompre sa volonté, & la vaincre & auoir vn prompte obedience, & estre d'une vie irreprehensible. Or ça voyla vn bon cheualier & vaillāt champion, que saint Estienne. Il fault qu'un bon gendarme soit fort & constant.

Que le bõ cheualier de Iesus Christ ne soit point variable, qu'il ait vne ferme foy: cõme sainct Estienne, qui erat *plenus gratia & fortitudine*. Il soustenoit la querelle de Iesus Christ. Entre nous, nous disons assez: mais deuant les seigneurs & mōsieurs, nous nous taisons. Péséz vous que cela soit bon? Les vns auront bon vouloir, ils diront à la partie: ie sçay que vous avez bon droit, & qu'on vous faict tort. Et pourquoy n'empeschez vous doncques ce tort? Vous n'en estes point excusez si vo⁹ ne le dictes aux monsieurs auxquels il le faut dire. Mais vous craignez de perdre la bonne grace des hommes. S. Estienne ne craignoit rien. Or il en a eu de la resistance & contrarieté: *Surrexerunt autem quidam de synagoga quæ appellabatur Libertinorum, & Cyrenensium, & Alexandrinorum & eorum qui erant à Cicia & Asia disputantes cum Stephano: & non poterant resistere sapientiæ & spiritui qui loquebatur*. Voyla vn seul contre plusieurs, qui veult soustenir la querelle de nostre Seigneur Iesus Christ. Il en y a vn en vne chãbre des cõseilliers qui veult soustenir le bõ droit & la verité: On dira voyla vn mutin, vn seditieux. S. Estiène ne s'en soucie pas beaucoup. Aucuns de la synagogue se sont esleuez cõtre luy: & ont disputé & suborné de faulx tesmoins cõtre luy, disans qu'il auoit mal parlé cõtre Dieu & contre Moyse. C'est vn contre plusieurs: mais Iesus Christ est avec luy tellemēt quod non poterant resistere sapientiæ & spiritui qui loquebatur. Aussi nostre seigneur Iesus Christ dist biē aux siēs: *Dabo vobis os & sapientiā, cui non poterunt resistere omnes aduersarij vestri*. Ne vous souciez point q̄ vo⁹ deuez respondre, car ie vous dōneray la sapiēce pour parler. Aussi S. Estiène ne se met point en peine de penser qu'il deuoit respondre: car il estoit remply du S. Esprit. Quād ils ont veu qu'ils ne pouuoiet gaigner par disputes, ont tashé l'incommoder par faulx tesmoins subornez, cõme on auoit faict à nostre Seigneur, *sed non erant conuenientia eorum testimonia*. Et contre sainct Estienne subornoient des tesmoins, à dire q̄ c'estoit vn blasphemateur cõtre la loy de Moyse: *Et quoniam Iesus Nazareus hic destruet locum istū & mutabit traditiones quas tradidit nobis Moyses*. Ce pronom icy (*hic*) ponitur per contemptum. Nous auons

De sainct Estienne.

Act. 6.

S. Chrysost.

La face de

S. Estienne

estoit agrea-

ble & attra-

yante à a-

mour.

Act. 6.

ouy qu'il a dit que ce pauvre homme Iesus de Nazareth, ce pendu, *hic, qui erat nullius valoris*, qu'il destruiroit le temple, & qu'il changeroit les traditions de Moysé. Il estoit faulx, car monsieur sainct Estienne n'en auoit rien dit: *Et intuentes eum omnes qui sedebant in concilio, viderunt faciem eius tanquam faciem angeli.* Sainct Chrysost. dit que c'est vne maniere de parler. Quand l'escripture dit que la face de sainct Estienne estoit comme la face d'un Ange, c'est à dire, qu'elle estoit agreable & attrayante à amour, qu'elle estoit resplendissante pour empescher la malice de ses ennemis, & pour monstrier son innocence: *Dixit autem princeps sacerdotum: si hec ita se habent?* Le grand prestre qui estoit au concile dist à sainct Estienne: Vien ça mon amy, on t'impute que tu as parlé des traditions de Moysé, & pareillement des autres choses dont on l'accusoit. Alors monsieur sainct Estienne se print à parler, & fist un grand sermon qui dure & contient tout le septiesme chapitre des Actes des Apostres, il comence à Abraham, & à la fin il les reprend fort & ferme: ha vous ne valez rien, vous estes de meschans gens: *dura ceruice & incircumcisi cordibus & auribus. Vos semper spiritui sancto resistitis, sicut patres vestri ita & vos. Quem prophetarum non sunt persecuti patres vestri? Et occiderunt eos qui prænunciabant de aduentu iusti, cuius vos nunc proditores & homicidæ fuistis, &c.* Il montre que l'office de l'Euesque c'est d'enseigner la verité, & reprendre les gens vicieux: *Oportet enim episcopum amplectantem qui secundum doctrinam est, fidelem sermonem, ut potens sit exhortari doctrina sana, & eos qui contradicunt arguere.* Ainsi monsieur sainct Estienne les a enseignez & reprins: *dura ceruice*: gés obstinez, endurciz en malice. Vous auez les cueurs & oreilles incircumciz: tousiours vous auez resisté au sainct Esprit. C'est parler franchement: il ne craint point à mourir pour son maistre Iesus Christ, & pour soustenir sa querelle: car c'est un grand honneur: *Semper spiritui sancto resistit.* Cela montre le liberal arbitre de l'homme, car le sainct Esprit les a voulu amener à bien, & ils luy ont tousiours resisté. Et par cela est demonstrier que nous ne sommes point contraincts à bien faire: mais libres, en nostre franc arbitre. Ce que nostre

Act. 7.

Ad Tit. 1.

Act. 7.

Act. 7.

Seigneur demonstre en l'euangile du iourd'huy, quand il dit : *Ierusalem Ierusalem que occidis prophetas & lapidas eos qui ad te missi sunt, quoties volui congregare filios tuos quemadmodum gallina congregat pullos suos sub alas, & noluisti?* Dieu m'appelle, il me veut sauuer & ie ne veux pas: il met au cueur de la personne, fais ainsi, & ie ne le veux point faire. C'est doncques signe que la perdition vient de moy. Resister au saint Esprit, c'est quand Dieu m'a donné vne bonne inspiration que ie m'amende, & ie n'en fais rien: *Quem prophetarum non sunt persecuti patres vestri? Et occiderunt eos qui prenunciabant de aduentu iusti.* *Matth. 23.*

Voz peres ont mis à mort les prophetes: & vous auez encores fait pis: car vous auez mis à mort le iuste des iustes. En quoy vous auez accöply le mesme que voz peres. Et nostre Seigneur Iesus Christ dit en son Euangile: *Et veniet super vos omnis sanguis iustus qui effusus est super terram, à sanguine Abel iusti vsque ad sanguinem Zacharie filij Barachie, quem occidisti inter templum & altare.* *Matth. 23.*

Voz peres anciens ont mal fait, en mettant à mort les Prophetes, mais vous auez fait pis: car vous auez mis à mort le iuste des iustes, le maistre: & voz peres n'ont tué que les seruiteurs. Ainsi tout le sang iuste qui a esté espandu depuis Abel iusques à Zacharie fils de Barachias, viendra sur vous: c'est à dire, que vostre punition sera plus grande que la punition de voz peres, car elle contiendra en soy leur peine & punition. Ainsi ils sont puniz pour leurs peres: car ils ne se sont point amendez, mais les ont ensuyuiz en leurs pechez. Et pource ils seront puniz comme s'ils eussent tué tous les prophetes. Et aussi pour ce qu'ils ont mis à mort le iuste des iustes, qui est nostre Seigneur Iesus Christ, & le maistre des prophetes & de tout le monde. Et d'autant que leur offense est plus grande que celle de leurs peres: aussi seront ils puniz plus grieuement. Voyla la liberté de monsieur saint Estienne, il ne craint rien. Aussi ne doit faire celuy qui est constitué en charge. Et pour bien garder sa liberté, il ne doit rien prendre: car qui prend, s'oblige. La meilleure liberté c'est de ne rien prendre, ayant espoir en Dieu que si nous luy seruons bien, il nous nourrira.

L'offense des Iuifs qui ont mis à mort nostre Seigneur estoit plus grande que celle de leurs peres qui ont tué les prophetes.

De saint Estienne

eternellement assez sans nous obliger à autrui. Comme vous voyez que si vn maistre a vn bon seruiteur & fidele, il aymeroit mieux endurer que de le veoir endurer. Et ainsi si nous sōmes fideles aux autres, nostre Seigneur Iesus Christ ne nous sera il pas fidele & charitable, si fidelement nous le seruons? Penſez vous que nous mourrions de faim? Ne demandez que son honneur & sa gloire, & il ne vous l'aitra point. *Cū autem esset plenus spiritu sancto, intendens in calum vidit gloriam Dei, &c.* Voila monsieur saint Estienne auquel on repugne & cōtrarie: pour son refuge il n'a que Dieu, il regarde au Ciel, dont il attend son ayde & secours, comme dit le prophete royal Dauid: *Auxilium meum à domino qui fecit calum & terrā.*

Act. 6.
Quand nous sommes en tribulation & angustie, nous deuons attendre & demāder nostre aide d'en hault.

Vous estes en tribulation & angustie: ou est vostre recours & penſée sinon en hault? Vostre honneur & gloire n'est pas en ce monde, mais en paradis La bonne Susanne n'ayant plus de recours aux hommes, elle esleua ses yeulx en hault à Dieu qui luy fust en ayde. Pareillement Dauid au lac des lions, & les trois enfans en la fournaise ardente auoient recours à Dieu: auquel nous deuons tousiours recourir en tout temps, & en noz tribulations & aduersitez, comme monsieur saint Estienne, & dire, loué soit Dieu, ie suis tribulé & angustié, mais aussi ie n'attends pas mon bien & mon aise en ce monde, mais en paradis pour y louer Dieu eternellement. Dieu a fait grace à monsieur saint Estienne qu'il a veu les ciels ouuerts, & la gloire de Dieu qu'il donne à ceux qui bataillent pour luy vřilement, afin qu'ils ayent occasion & meilleur courage de batailler pour luy, en pensant au loyer & remuneration qui en procede. Monsieur saint Estienne a veu la gloire de Dieu. Cela est interpreté qu'il a esté rany comme monsieur saint Paul, qui veid Dieu glorieux en sa diuinité & essence: *Et Iesum stantem, &c.* Saint Estienne a veu nostre seigneur Iesus Christ tout debout à la dextre de Dieu son pere. Autrement, il a veu la gloire de Dieu, lequel luy demōstroit sa grande maieſté, pour le conforter & corroborer à tenir bō, & ne fleschir point: *Vidit Iesum stantem, &c.* Mais comment s'entend cela, que monsieur saint Estienne a

S. Estienne a esté rany cōme S. Paul.

Act. 6.

veu nostre Seigneur Iesus Christ estât debout à la dextre
 de dieu? veu qu'il est dit au *Credo*, & c'est nostre foy, qu'il
 est assis à la dextre de Dieu son pere. Il fault entendre
 que nostre Seigneur Iesus Christ est Roy & iuge, & son
 autorité & puissance iudiciaire est signifiée par ce qu'il
 est assis : *Sessio Christi significat quod sit noster index* : car il
 doit venir iuger les vifs & les morts. D'auantage, par ce
 qu'il est dit q nostre Seigneur Iesus Christ est sur bout,
 qu'il est tout droit, cela signifie qu'il est tout prest à no^{us}
 ayder & secourir en noz aduersitez & affaires. Côme vo^{us}
 voyez que celuy qui est debout, il est prest à donner ay-
 de & secours: ainli nostre Seigneur est debout, c'est à di-
 re qu'il est prompt & tout prest pour nous ayder & sub-
 uenir en noz besoings & necessitez, comme il a faict en-
 uers monsieur saint Estienne, lequel il a veu auoir be-
 soing & necessité de luy : *Vidit Iesum stentem*. Estes vous
 en necessité? la gloire de Dieu est preparée: *Propè est do-*
minus iis qui tribulato sunt corde : & *propè est dominus omni-*
bus inuocantibus eum in veritate. Saint Estienne a veu les
 ciels ouuerts : *Video celos apertos*, non pas que les cieulx
 se soient rompuz : mais quand l'huis est ouuert, il n'y a
 point d'empeschement d'entrer au dedans. C'est pour
 demonstrier que monsieur saint Estienne n'auoit point
 d'ampeschement d'entrer en paradis, & de veoir Dieu. Il
 nous est demonstté que paradis est ouuert à ceulx qui
 sont en tribulation & prests à receuoir la querelle de no-
 stre seigneur Iesus Christ Il faut qu'ils soiēt assurez que
 paradis est pour eulx. Vous voyez que nous prenōs tant
 de peine pour complaire à quelque personnage, au prin-
 ce, sous vmbre de promesses qui sont incertaines : &
 nous ne mettons point peine de plaire à Dieu, duquel la
 remuneration est certaine & eternelle. Nostre Seigneur
 Dieu ne nous est rien comme il semble, considerée no-
 stre maniere de viure. Voyla Moyse lequel s'il eult vou-
 lu complaire au Roy Pharaο, il eult esté le plus grand
 en son royaume : mais il a mieulx aymé endurer l'im-
 propere de Iesus Christ, que d'auoir tous les thresors, cō-
 medit monsieur saint Paul : *Maiores diuitias estimans, sus*
thesauros Aegyptiorum, impropériū Christi : *aspiciebat enim* Heb. 11.

Iesus christ
est tout droit
à la dextre
du pere, par
cela entēdōs
qu'il est prest
à nous aider.

Act. 6.

Psal. 33.

Psal. 144.

Act. 6.

Moyse a cō-
temné Pha-
raο & ses ri-
chesses, pour
adherer à Ie-
sus Christ.

De saint Estienne.

in remunerationem. Pour bien & de bon cueur endurer les tribulations il fault considerer que c'est le chemin de paradis & regarder à la remuneration : *Video calos apertos.*

Act. 6.

Ce n'est pas
vne parole
de Chrestien,
dire: Tant de
peine & puis
mourir.

Et puis on dit, tant de peine & puis mourir: ce n'est pas vue parole de Chrestien: mais il fault dire, si peu de peine pour tant viure. Car la peine & le labour que nous endurons en ce monde, ce n'est rien: comme dit monsieur saint Paul: *Momentaneum & leue est quod patimur.* Mais le bien, le fruct, la remuneration que nous en aurons est eternelle. Et vous sçauiez qu'il n'y a point de proportion du temporel à l'eternité. Et pour bien endurer il fault regarder au loyer & retribution qu'on en a. Comme a fait monsieur saint Estienne qui dit: *Video calos apertos, &c.*

Acto. 6.

Exclamantes autem voce magna continuerunt aures suas & impetum fecerunt vnanimiter in eum. Et *eiicientes eum extra ciuitatem lapidabant.* De despit qu'ils auoient ils ont estouppé leurs oreilles, & d'une impetuosité le prennent par force, & le iectent hors de la ville pour le lapider. En tout cela, ils ne gardent point forme de proces. Et monsieur saint Estienne à son recours a Dieu pour son refuge & dit: *Domine Iesu suscipe spiritum meum.* Il recommande son esprit à Dieu pour son refuge, & dit: *Domine Iesu suscipe spiritum meum.* Il recommande son esprit à Dieu. On luy a fait comme à nostre seigneur Iesus Christ, on a suborné des faux tesmoins contre luy: on l'a iecté hors la ville: & luy estant en l'arbre de la croix, il a recommandé son esprit à Dieu son pere, & a prié pour ses ennemis qui le persecutoient en les excusant: *Pater ignosce illis, quia nesciunt quid faciunt.* Monsieur saint Estienne a prié pour soy, sans, tout debout: mais quand il a prié pour ses ennemis, il s'est mis à genoulx, en disant: *Domine ne statuas illis hoc peccatum.* Voila la conformité du seruiteur avec son maistre. Notez, que monsieur saint Estienne nous enseigne beaucoup de bien. Premièrement qu'en tout temps il fault recommander son esprit à Dieu le createur: specialement à la mort, & dire: *In manus tuas domine commendo spiritum meum.* Seigneur Dieu recueillez mon ame entre voz mains: car si elle tomboit en d'autres mains que les vostres, il me vaudroit mieux n'a-

S. Estienne
estoit debout
quand il a
prié pour
soy: mais il
s'est mis à ge
noulx pour
ses ennemis.

Psal. 30.

noir iamais esté nay. Nous sommes bien meschans, de si peu sentir de nostre seigneur Iesus Christ, tandis que nous viuons, & en la mort encores moins. Si vous estes bien sage vous vous exercerez aux choses auxquelles vous voudriez mourir, à dire de bons propos, afin qu'ils vous reuiennent à la mort. Il n'y a rien meilleur que de se recommander tousiours à nostre Seigneur Iesus Christ, afin d'en auoir souuenâce à la mort: ce sera quād l'ennemy nous fera plus la guerre que iamais. Et s'il me surmonte, ce sera à perpetuité. Il nous fault estre patiés en noz tribulations. Et si pour la querelle de nostre Seigneur nous endurons, louons Dieu, il n'y a point de plus grand bien, ny de plus grand honneur. Si i'estois bon Chrestien, i'aymerois mieux estre pendu au fin feste de Montfaulcon, pour l'amour de Dieu (s'il estoit possible sans offense) & reputeroie cela à plus grand honneur, que d'estre mis en paradis, à l'exēple de monsieur saint Estienne qui est bien glorieux & en grand honneur d'estre ainsi appelé pour estre martyr & tesmoing pour Iesus Christ. Ne craignons point à viure vertueusement de peur d'estre calomniez & mal voulus. Nous sommes si meschans que nous detournons ceux qui veulent bien faire. Le pere, la mere, qui deuroient cohorter à vertu quelque personne, mesme leurs propres enfans qui voudront bien viure, ils les detourneront, disans: Que voulez vous faire? Voulez vous estre particuliers? on se moquera de vous. Et au lieu de se complaire au bien d'autrui, on en caquette, & en dit on mal. Si quelqu'un a delibéré de bien viure, il a tant d'assauts de ses parens, que il est contraint de bien faire en cachettes, ou de tout laisser, par maniere de dire. Mais pour tout ce qui pourroit aduenir, il ne fault discontinuer du bon euure, & de faire le seruice de Iesus Christ qui nous est plus que pere, me-

Ne craignons point à viure vertueusement.

S. Estienne mōstroie l'ardeur de charité hors de la ville comme vn blasphemateur, comme ritē qu'il auoit vn pauvre malfaicteur, mais riche de Dieu. Il se met à voier, que ses ennemis fussent saueux.

De saint Estienne.

Acto. 6.

illis hoc peccatum. Le propre d'un Chrestien c'est d'auoir patience en aduersité pour un bon euvre qu'il fait pour l'amour de Dieu. Mes amis, le plus grand euvre de charité pour impetrer grace & remission de ses pechez, & deliurance totale de purgatoire, c'est ceste satisfaction: mais ne sçaurions faire un meilleur euvre, que de prier pour nos ennemis, leur bien faire, & leur ayder à nostre possibilité: car il n'y a rien qui m'incite & prouoque à leur bien-faire & prier pour eux que Dieu. Et pource, il n'y a point d'euvre de plus grande reputation enuers Dieu, que ceste là. Si vous aymez vos amis, & bien, que faites vous plus que les Turcs & Payens? Mais aimer ses ennemis, c'est une euvre de perfection Chrestienne, comme auoit saint Estienne. Mais auourd'huy nous luy sommes bien contraires par nos euvres & maniere de faire, & à ceste perfection Chrestienne: & montrons que nous ne sommes Chrestiens que de nom, & non pas en verité & de fait: car nous ne gardons les commandemens de Dieu. Nous deurions estimer nos ennemis nos grands amis, car il nous font gagner paradis. Et pource, il les fault aimer d'un cuer pur & sincere dilection. Endurer proprement, c'est offenser Dieu: il n'y a point de plus grande tribulation. Mon ennemy qui me persecute, c'est luy qui endure, non pas moy, car ie loue Dieu, & le remercie, qu'il luy plaist de me faire la grace d'endurer le mal pour l'amour de luy volontairement, & de bon cuer. Ainsi celui qui endure l'iniure, proprement n'endure pas, mais celui qui la fait. On dit voila un homme bien passionné: il endure doncques la colere, un appetit de vengeance, ce sont passions qui tourmentent. Doncques celui qui peche, il endure: les Iuifs enduroient en persecutant saint Estienne, & non pas saint Estienne qui est persecuté. Car ils offensent Dieu en le mettant à mort: mais luy qui volontairement endure la mort pour soustenir la querelle de Iesus Christ, n'offense pas, mais merite la vie eternelle. *Obdormiuit:* Il a réduit son esprit entre les mains de nostre Seigneur. C'est le premier qui est mort pour soustenir la querelle depuis l'Ascension. Hier vous ouy-tes que nostre seigneur Iesus Christ estoit nay au mon-

Ce n'est as-
sez d'aymer
ses amis.

Nous deue-
rions estimer
nos ennemis
nos grands
amis.

Celui qui
endure l'ini-
ure n'endure
pas propre-
ment, mais
celui qui la
fait.

Act. 6.

de. Et aujourd'huy voila saint Estienne renay en paradis, & *prothomartyr*. Le premier martyr avec nostre Seigneur. Tout ce qui est escrit, c'est pour nostre doctrine. Voila saint Estienne qui a eu l'ordre de diacre, & n'a point laissé à faire son office, quelque contrariété qu'il ait eu. Il a prié pour ses ennemis. Cela est pour vostre doctrine. Soyez imitateurs de sa vie. Dieu vous en face la grace & à moy aussi: afin que finablement nous puissions paruenir au royaume de paradis, Amen.

Saint Estienne, premier martyr apres nostre Seigneur.

*Pour le iour de saint Iean
Euangeliste.*

Q *Uecunque scripta sunt, ad nostram doctrinā scripta sunt. Rom. 15.*
Nous disions hier au matin que nostre Seigneur a démontré sa grace à l'homme plus qu'à autre creature. Il a esleué & exalté l'homme plus que tous les Anges en grace: d'autant plus l'homme est il obligé enuers Dieu: Car la grace à luy faicte est plus grande que celle des Anges. Nous disions que ceste grace de Dieu démontrée aux hommes, c'est l'incarnation de nostre seigneur Iesus Christ. Dieu s'est fait homme pour les hommes: Dieu a voulu prendre nostre chair au ventre precieux de la glorieuse vierge Marie pour nous & pour nostre salut, comme chantons au Symbole, au Credo: *Qui propter nos homines & propter nostram salutem descendit de calis.* La nature de Dieu c'est d'estre grand: *Excelsus Dominus.* Il est exalté par dessus toutes creatures. Il y a autant de difference & distance entre Dieu & la creature, qu'il y a entre estre & n'estre rien. Ce sont deux choses bien distantes l'une de l'autre: *Esse & non esse.* Il y a encores plus grande distance entre Dieu & la creature. Car Dieu de son naturel il est, c'est vne essence inuariable, immobile, de soy il a estre. La creature de soy, ce n'est rien. Dieu est, & son propre naturel, c'est de estre: mais le naturel de l'homme, c'est de n'estre rien. Dieu s'est fait homme: il n'a point perdu sa dignité: il est descendu & s'est fait moindre que d'estre: de soy c'est

L'homme est plus obligé à Dieu que les Anges.

De saint Iean.

toute sublimité. Sa nature propre, c'est d'estre Dieu. Il est descendu, il a prins nostre nature humaine qu'il a vníe à la sienne. Et pource il s'est fait plus petit. Il s'est abaissé, aneáty. Saint Paul declare cela en l'epistre ad Philip. disant : *Qui cum in forma Dei esset, non rapinā arbitratus est se esse equalē Deo, sed semetipsum exinaníuit formā seruí accipiēs, in similitudinē hominū factus, & habitu inuentus ut homo.* Iesus Christ estoit & est eternellemēt fils de Dieu en la forme de Dieu. Il n'a point perdu sa diuinité: mais elle luy demeure immortelle. Il estoit & est tousiours Dieu: il est Dieu par nature & essence. Quand il se dit esgal à Dieu il n'a rien vsurpé: car c'est son propre d'estre fils de Dieu naturel en esgale vertu, bonté, puissance avec Dieu son pere. Nous sommes biē dieux par participatiō quād nous sommes en la grace de Dieu: mais de nostre naturel, nous sommes nais & conçus en peché. Mais Iesus Christ est fils de Dieu naturel par sa generatiō eternelle: il est fils de Dieu par propriété de nature & esgal à Dieu en vertu, bonté, puissance & sapience Et pource en se disant esgal à Dieu & auoir la propre nature de Dieu: *Ego & pater vnum sumus.* Il ne l'est rien vsurpé. C'est ce que S. Paul dit: *Cum in forma Dei esset.* Et en l'epistre du iour de Noel il est dit: *Tu in principio terrā fundasti, & opera manuum tuarū sunt cali.* Iesus Christ est le fondement qui a fait & fondé la terre & le ciel: le ciel & la terre se passeront quant à la figure, non pas quant à la substance. *Praeterit enim figura huius mundi. Item, celum & terra transibunt:* mais Iesus Christ demeure eternellemēt: *Ipsi peribunt, tu autem permanes & omnes ut vestimentū veterascent.* Ses ans ne defaudrōt iamais, car il est eternel, *Annos aternos in mēte habui:* Et pource que Iesus Christ ne pourroit estre pl^s grād que d'estre Dieu, il s'est abaissé & humilié: *Scilicet per descensum.* Luy demeurant Dieu, il s'est fait petit: il s'est fait homme. *Minuisti eum paulominus ab angelis.* Il est descendu plus bas que les anges, car il a prins vne nature moindre que les anges: C'est nature humaine qui est passible & mortelle. L'ange n'est point subiect à noz infirmitéz & passions, à chault & à froid, à faim, à soif. Et Iesus Christ prenant ceste nature, il s'est fait moindre q^{ue} les

Philip. 2.

Nous sommes dieux par participation quād nous sommes en la grace de Dieu.

Ioan. 10.

Philip. 2.

Psal. 10.

1. Cor. 7.

les Anges, il s'est diminué & abaissé au dessous des Anges en prenant nature humaine, laquelle il a esleuée en grace par dessus nature angelique. Quât à la nature angelique, elle est en soy plus parfaite que nature humaine: mais quant à la grace, nature humaine est plus excellente, car elle est assumée avec le verbe diuin. Auourd'huy c'est vne mesme personne Dieu & homme. N'est-ce pas plus d'estre Dieu que de veoir Dieu comme les Anges le voyent? L'homme est vny au verbe de Dieu, non pas que les natures soient confuses ensemble, que nature humaine soit conuertie en la diuinité, & *contra*: mais Dieu demeure Dieu, & l'homme demeure homme, comme il est dit au Symbole d'Athanase. *Vnus omnino non confusione substantia, sed vnitae persona.* Il n'y a point de meslange, comme on mesle de l'eau avecques du vin. Il n'y a point de commixion de la diuinité à l'humanité, *Deus manens factus est quod non erat.* Nostre Seigneur Iesus Christ demeure Dieu, mais il s'est vny à soy nature humaine, laquelle il n'auoit pas au parauât. En nostre Seigneur Iesus Christ il n'y a qu'une personne, en laquelle y a deux natures, non pas cōfuses, mais par vnité de personne, que les Theologiēs disent vnion hypostatique. C'est vne pl^{te} grande vnion que l'homme soit Dieu, que de veoir Dieu seulement. Tout nostre bien que nous auons en paradis c'est de veoir Dieu: mais en voyant Dieu on n'est pas Dieu. En ce monde nous sommes vnis avecques Dieu par foy, & en paradis par gloire: mais nous ne serons pas avecques Dieu vne personne, cōme nostre seigneur Iesus Christ, qui est vne personne en laquelle y a deux natures. Et par ceste vnion personnelle l'homme est Dieu. Cela est difficile à entendre: & nous ne serons pas damnez si nous ne l'entédons, mais si nous ne le croyons: car Dieu nous commande de croire, non pas d'entendre. D'autāt que la chose est plus haulte, d'autant plus fault il louer Dieu, il ne fault pas s'esmerueiller si on n'entend pas toutes les euures de Dieu. Aussi ce ne seroit pas grand cas si on les pouuoit entendre & penetrer. Nous voyons faire beaucoup de choses que nous ne pouuons nier: mais nous n'en sçauriōs donner raison. Combien moins pou-

Athanafius.

En Iesus

christ il n'y

a qu'une per

sonne en la-

quelle il y a

deux natures

De saint Iean

Ce n'est rien
de la creati-
on du monde
au regard de
l'incarnatiō
du fils de
Dieu.

Ephē. 2.

Philip. 2.

Psal. 21.

uons nous entendre les operations de Dieu? O quel ou-
urage c'est que l'incarnation de nostre seigneur Iesus
Christ! C'est grand chose que d'auoir creé le monde de
rien: mais ce n'est rien au regard de l'incarnation de no-
stre seigneur Iesus Christ. Et pource cest ouurage passe
nostre entendement, qui est infirme, qui ne peult pene-
trer la raison des eures de Dieu. Toutesfois il le fault
croire. Par la foy nous croyons ce que nous entendrons
en paradis, mais que nous soyons en la celeste cité de Je-
rusalem, ou nous verrons Dieu face à face, nous l'enten-
drons: & maintenant la foy est requise. Voila grande ex-
altation de l'homme, que Dieu par sa bôté a voulu estre
homme. *Apparuit gratia Dei*: Ce n'est pas pour l'amour
de nous que Dieu nous a voulu demonstrier tant de gra-
ces, mais pour sa bonté & charité: cōme dit saint Paul,
*Propter nimiam charitatem suam qua dilexit nos, vt ostende-
ret in seculis superuenientibus abundantes diuitias gloriae suae
in bonitate super nos in Christo Iesu.* Nostre seigneur Iesus
Christ est riche en bonté & grace. Et pour monstrier les
abondantes richesses de sa grace il a voulu descēdre plus
bas que les Anges & estre fait homme: pour qui? pour
nous: *Propter nos homines* Saint Paul declare la descēte
de nostre seigneur Iesus Christ, disant: *Exinaniuit semet-
ipsum.* Il s'est aneanty par maniere de dire: comme on
dit d'un riche homme, cest homme là ne se soucie point
d'estre bien accoustre, il ne tient compte de soy. Aussi no-
stre seigneur Iesus Christ est descēdu, s'est aneanty, qua-
si qu'il estoit nonchalant de soy-mesme. Il s'est fait pe-
tit, *Opprobrium hominum, & abiectio p'ebis.* Il a prins la
forme d'un seruiteur: *In similitudinem hominum factus, &
habitu inuentus vt homo.* En tout & par tout nostre sei-
gneur Iesus Christ s'est accommodé aux hommes, excep-
té peché, & s'est du tout accoustre comme un homme.
En cela Dieu nous enseigne que nous nous deuōs aneā-
tir. Car si Dieu s'est tant aneanty que doit doncques fai-
re l'homme? Il ne doit sentir de soy que toute misere &
pauvreté. Si vous auez quelque chose de bien, sentez l'a-
uoir de Dieu. En luy il y a toute plenitude de bonté, de
sapience & vertu. Neantmoins pour le salut de l'homme

il s'est aneāty, abbaisſé, & humilié. Nostre Seigneur dit, *Discite à me quia mitis sum & humilis corde.* Et s'il est ainſi, *Matth. 11.*

nous nous deuōs beaucoup aneantir & humilier. Tout ce que nous auons de bien, nous le deuons tenir de Dieu, & de nous nous n'auons que tout peché & misere. Celuy qui est humble, il est comme aneanty, il ne tient compte de ſoy. L'homme ne peult estre plus ſoingneux pour ſoy que d'estre nonchalant de ſoymeſme, en mettant ſon ſalut ſur noſtre ſeigneur Ieſus Chriſt : lequel ſ'eſt tant humilié, abbaisſé, & deſcendu. Et nous, en nous humiliant

sommes exaltez: mais en ſentans que nous ſommes quelque choſe, nous ne ſommes rien, comme dit monſieur ſainct Paul. *Nam ſi quis exiſtimat ſe aliquid eſſe, cum nihil ſit, ipſe ſe ſeducit.* Car noſtre creature ce n'eſt rien: & ſi vo^{tes}

voulez estre quelque choſe, eſtimez que vous n'eſtes riē, *Galat. 6.*

& Dieu vous reputera & en tiendra compte *Apparuit igitur gratia Dei:* La grace de Dieu ſ'eſt apparue à no^{tes} quād

il ſ'eſt faiēt homme viuant comme nous, ſ'accommodāt à nous: il n'eſt venu que pour nous ſeruir. *Erudiens nos:*

c'eſt pour noſtre doctrine. C'eſt que nul ne peult estre exalté, ſi premierement ne ſ'eſt humilié. Nostre ſeigneur

Ieſus Chriſt eſt premierement deſcendu, que de monter. Monſieur ſainct Paul dit. *Quòd autem aſcendit, quid eſt, niſi quia & deſcendit primum in inferiores partes terre?* Par cela

nous auons doctrine que le moyen de nous eſleuer, c'eſt de nous humilier, ſi nous regardons que nous ne ſommes que chair & noſtre pauureré eſt ſi grande, & tant a-

uons pêché que n'auons matiere que de baiſſer la teſte & nous humilier. Mais nous ſommes ſi pauvres, que nous ne conſiderons tant ſeulement que les actes de noz

prochains, & nous les iugeons. Auſſi nous receurons le iugemēt de Dieu. Il nous fault iuger nous meſmes pour euitier le iugement de Dieu. Monſieur ſainct Paul dit:

Si nosmetipſos diiudicemus non veniē à Domino iudicamur. Deſcendons doncques à conſiderer quels nous ſommes pour nous humilier. Quand il n'y auroit au-

tre choſe, ce ſeroit aſſez pour nous faire baiſſer la teſte que de pēſer, ie ne ſçay qu'il ſera faiēt de moy, ie ne ſçay point ma fin, Dieu me face la grace de viure en ſon a-

De saint Iean

mour? Plusieurs ont long temps bien vescu, qui à la fin sont tombez de paradis en enfer. Il en y a en d'autres qui long temps ont mal vescu estans quasi au profond d'enfer, & ils ont monté de la profondeur de peché en la grace de Dieu. C'est ce que dit monsieur saint Iean Chrysostome. I'en ay cogneu d'aucuns qui par eminence de vertu estoient en paradis, & à la fin sont tombez au fons d'enfer. I'en ay veu d'autres tombez au profond d'iniquité: mais par penitence ils sont montez en paradis & faicts participans de la gloire de Dieu. Et pource toy qui as bien vescu ne sois point sans crainte: tu n'as pas matiere de t'en orgueillir: car tu ne sçais que tu seras ne deviendras. Salomon fut vn grand amy de Dieu: tous biens luy abondoient, & Dieu luy donna si grãde sapience qui est appeié le Sage: mais pource qu'il delaisa d'auoir Dieu en memoire, & deuant les yeux, il tomba en paillardise & villennie, & qui pis est en idolatrie & fut delaisé de Dieu comme vn meschãt. Nous auons aussi de Saül qu'il fut esleu de Dieu pour estre Roy. Il n'y auoit personne meilleur que luy en tout le peuple: & neantmoins il s'est abandonné, relaché, & est tombé en desespoir, il a delaisé Dieu, & a demandé conseil aux sorcieres & deuins, combien qu'il n'y en auoit de meilleur que luy au commencement en toute la Iudée: mais il n'a pas perseueré. Mesmes Iudas aussi estoit des Apostres de nostre seigneur Iesus Christ, & il est descheu. Et pource si nous auons quelque vertu humilions nous. Car nous ne sçauons que nous serons. Et il est bien vray, qu'il ne fault pas plus craindre qu'esperer. La crainte de faillir de peur que la fin ne soit pas bonne, procede de mon infirmité: car ie n'ay point de force, mais il se fault plus appuyer sur Dieu, & plus regarder le bon vouloir de Dieu que nostre infirmité, & que nous deffier de nous mesmes. Si ie ne regardois sinon à mon infirmité, ie ne pourrois pas aller vn pas: mais afin que ie ne sois trop deprimé en desespoir, il fault plus regarder à la bonté & charité de Dieu qu'à nostre mal & infirmité. Dieu nous veult attirer à espoir par desespoir: c'est à dire, qu'il nous fault considerer la grace & le bon vouloir qu'il nous porte, nous ap-

*Saint Iean
Chrysostome*

*Salomon à
la fin tomba
en paillardise,
& qui pis
est en idolatrie.*

*Si nous auons
quelque vertu,
il fault
no^o humilier*

puyer & nous asseurer en luy. Mais afin que ne perdions le bien que nous auons, il fault penser, ie ne sçay que ce sera de moy : & ainsi tousiours viure en la crainte de Dieu comme dit le Sage : *Beatus homo qui semper est pauidus*. Et pour nous bien humilier, il fault regarder au futur, à l'eternité, & *quòd omnia manent incerta*. Il y auoit quelquesfois vn bon pere, qui estoit malade à l'extremité, il auoit les yeux ouuers, quasi ayant frayeur. Ses disciples luy demanderent qu'il auoit. Il respond: Ie pense au iugement de Dieu: mon entendement est rauy. Comment craignez vous, & vous auez tant bien vescu? Ma conscience ne me remord point, mais les iugemens de Dieu sont bien autres que ceux des hommes. Mes amis, souuent Dieu approuue ce que les hommes reprouuent: aussi au contraire, souuent Dieu reprouue ce que les hommes approuuent & iugent estre bon. On dit aucunesfois d'vn homme: ô qu'il est bien mort! mais souuent Dieu abhorre & a en abomination ce que les hommes estiment. On ne sçait point les choses à aduenir: ce sont lettres closes: mais il fault plus regarder & esperer en nostre seigneur Iesus Christ, que de regarder nostre infirmité. Et pource il se fault aneantir, & regarder, & considerer que ne sommes rien. Il n'y a que nostre Seigneur Iesus Christ qui soit quelque chose: & il s'est tant abbaissé. Il veult aussi que nous nous humilions. Et quand il n'y auroit que l'incertitude de nostre fin, *Quoniam omnia in futurum reseruantur incerta*: C'est bien pour nous faire abbaïsser les cornes, & pour nous humilier. Monsieur saint Paul dit, *Tu autem fide stas, noli altum sapere sed time*. Rom. 15. Vous n'estes point tombé, & bien, craignez. Si vostre prochain est tombé, ne le iugez point, mais pensez, s'il eust eu le moyen que i'ay eu, il eust mieux faict que moy, & si i'eusse en l'occasion qu'il a eüe ie fusse par-adventure tombé plus lourdement que luy. Et pource en toutes choses humiliez vous. Si vous vivez mal, tant plus vous deuez vous humilier. Si vous vivez bié, craignez que ne tombiez. Et pourtât nostre Seigneur Iesus Christ est incarné, sa grace nous est apparüe. *Erudiens nos*: nous donnant doctrine & exemple de nous humilier. Monsieur

Il fault tousiours viure en la crainte de Dieu.

Prou. 28.

Les iugemens de Dieu sont bien autres que ceux des hommes.

De saint Iean

saint Paul dit, que ceste grace de Dieu s'est apparüe à tous les hommes. Et quāt est de luy & de sa part, il veult que tout le monde soit sauué: *Vult omnes homines saluos fieri, & ad agnitionem veritatis venire.* Toutesfois tout le mō de n'est pas sauué. Il ne tient pas à Dieu, mais à la malice des hommes, qui ne luy veulent pas obtemperer ny obeir, comme à vn malade auquel on baille de la medecine, s'il ne la veult receuoir ny appliquer à soy & ne guarist, il ne tient pas au medecin ny a l'emplastre, à la medecine, mais au malade qui ne l'a pas voulu prendre. Aussi l'incarnation, la passion de nostre seigneur Iesus Christ, sa grace est exhibée à tous les hommes. Elle se presente, prenez la si vous voulez: car si vous ne la prenez, vous ne pouuez estre guarý de voz pechez. Les vns s'en rendent cappables, & sont guaris: les autres n'en tiennent compte: & par leur negligence la medecine ne leur

Si nous ne prouffite point. La grace de nostre seigneur Iesus Christ
prenons le s'est doncques apparüe à tous les hommes: *Erudiens nos,*
merite de la *ut abnegantes impietatem & secularia desideria sobriè, &*
passion de no *iustè, & piè viuamus in hoc seculo.* Par ceste grace de Dieu
stre Seigneur nous sommes instruits, que nous renoncions à toute
par la foy & impieté à tous desirs seculiers & charnels, & que nous
les sacremens viuions en toute pieté, iustice, & sobrieté en ce monde.
nous ne pou- En l'incarnation de nostre seigneur Iesus Christ, en sa
uōs estre gua mort & passion que trouuez vous? que Dieu soit hono-
ris de noz pe ré, reueré & glorifié. *Pietas est cultus Dei: & impietas,*
chez. C'est vn vice contre la maiesté de Dieu. Pieté c'est
 seruir à Dieu. *Tu es homo pius,* Quand tu aymes Dieu,
 tu l'honores: tu luy obeis, & que nul autre que luy tu
 ne recognois pour ton souuerain, que tu depends de
 luy, & que tu n'as nul bien qui ne vienne & procede de
 luy. Au contraire vous estes *impius*, quand vous ne vou-
 lez rendre cest honneur à Dieu, & que voulez plus fai-
 re pour la creature, que pour le createur, vous estes ido-
 latre. Quand i'offense Dieu pour mon plaisir i'ay mon
 affection d'ainsi faire, ie demonstre que mon affection
 m'est plus que Dieu, laquelle me suggere à faire tout
 le contraire de Dieu. N'est-ce pas là preferer son af-
 fection à Dieu? preferer la creature à Dieu? n'est-ce

pas vne espece d'idolatrie comme monsieur saint Paul dit : *Auaritia est idolorum seruitus*. Je contrains vn pauvre homme de me payer: ie puis bien attendre sans mon dommage, mais ie ne veux pas. En ceste maniere vous preferez vostre affection à la charité de vostre prochain: *tu es impius*: vous n'estes pas seulement pecheur, mais vn homme sans religion Chrestienne: car vous devez preferer le vouloir de Dieu au vostre, & faire misericorde à vostre prochain. Tout ainsi que craindre Dieu, luy seruir & obeir, c'est *pietas*: au contraire, ne vouloir seruir ny obeir à Dieu, ny le reuerer, c'est *impietas*. Si Dieu & l'homme me commandent & i'obei à l'homme & delaisse Dieu, n'est-ce pas plus craindre & satisfaire à l'homme qu'à Dieu? N'est-ce pas impieté, si on apporte des lettres du prince, on les met incontinant à execution. Et si on y fault, tout subit on met la main sur le collet: c'est bien fait d'obeir à son prince, aussi on y est tenu: mais de laisser Dieu & auoir plus de soing du commandement de l'homme que de Dieu: c'est vraye impieté. Ne cognoistrez point Dieu & mettre l'homme au lieu de Dieu, luy obeir sans en rien faillir: & Dieu demeure sous le pied: noz euures nous desinentent: & nous disons de bouche que nous sommes chrestiens: *Confitentur se nosse Deum factis autem negant, cum sint abominati & increduli & ad opus bonum reprobi*. Sainct Paul nous demonstre qu'il fault delaisser toute impieté, & que nous rédions à Dieu ce qui luy appartient, & que ne nous soucions point tant de la creature, que nous delaissions le createur. Je ne sçay que ce sera de nous. Vous voyez vn homme qui est lubrique, paillard: combien qu'il ayt vne belle femme il va à vne autre, & puis dit, ie ne me sçauois contenir. N'as-tu pas vne femme? C'est vn grand contemnement d'entretenir vne meschante en la presence de sa femme, de faire seruir sa femme: & la chambriere est faicte la maistresse. Continuellement nous faisons cela à Dieu, car en sa presence nous offenso. Nous ne sçaurions fuir son œil, qui iamais ne clost: *Idcirco abnegamus omnem impietatem & secularia desideria*. Contemnons les choses temporelles, les choses charnelles & damnables. S. Chrysoft.

Ephes. 5.

Obeir au commandement de l'homme, roire qu'il soit bon, & laisser celuy de Dieu, c'est vraye impieté.

Ad Tit. 1.

Ad Tit. 2.

S. Chryso.

De saint Iean

dit : *Quòd secularia desideria sunt peruersa dogmata* . Il fault delaisser heresies, mauuaises doctrine: changeons nostre mauuaise vie, noz desirs charnels, reformons nous. Vous voyez de grands arguments que Dieu nous veult punir. En vostre conscience, voyez vous qu'en rien nous nous soyons amendez tant en public qu'en particulier, depuis que nous auons la paix? Il y a grand danger qu'en contemnant la longanimité de Dieu, qu'il frappe & extermine. Côme i'ay desia dit, Dieu aucunesfois vse de verges, aucunesfois de bastõ. Mais tout cela n'est que correction & discipline, ce n'est pas pour tuer: comme sont les petites tribulations & afflictions. Comme quand le pere corrige son enfant, il prend la verge ou le baston: il faict bien l'office de pere, ce n'est pas pour tuer: mais pour l'amender & corriger. Et quand on voyt que pour la verge ny le baston, l'homme ne se veut amender, à la verité il fault prendre le cousteau & faire l'office de iuge, lequel prend le cousteau pour destruire & exterminer. Aussi il y a danger que Dieu nous extermine. Le contemnement de Dieu est auourd'huy plus demonstré qu'il n'estoit en Hierusalem. Les Romains apres la passion de nostre Seigneur quarante ans, furent en Hierusalem qui demolirent tout: & en mourut bien onze cent mille personnes en Hierusalem: Dieu a si bien dispersé les Iuifs qu'ils sont fugitifs & vagabonds sur la terre: leur temple a esté destruit, en sorte qu'il n'y est demeuré pierre sur pierre. Et nous sommes pires qu'ils n'estoyent, car la grace que nous auons est plus grande, & nostre peché plus grand. Nous cõculquons le fils de Dieu aux pieds & marchons sur son precieux sang. Il fault donques craindre que Dieu ne prenne le cousteau & nous extermine. Il nous battra, non pas pour nous corriger, mais pour nous exterminer. La simonie auourd'huy est pire que celle du tẽps des Iuifs, ou la prestrie estoit venale. Auourd'huy pour auoir seruy monsieur, on aura des benefices pour recompense. On vend aussi les benefices à beaux deniers comptans. Depuis que la prestrie a esté venale, tout est allé en ruine. A la verité ce nous est grande occasion de craindre Dieu, & de nous amender. Car si Dieu punit le

Quand Dieu nous afflige quelquefois il vse de verges quelquefois de bastõ.

Nous sommes pires que n'estoient les Iuifs.

iuste avec le mauuais, le iuste n'aura point de dommage, mais ce sera pour son salut, & pour l'augmentation de sa gloire. Faisons donques penitence, & n'augmentons point l'ire de Dieu: autrement il dit: *Gladius deuorabit vos* Esa. 1. *si me ad iracundiam prouocaueritis*. C'est grande vilennie: voyla le Prince fil commande quelque chose au peuple sur peine de la hart, il sera obey, c'est raison, car Dieu dit qu'on face cela. Mais de son commandement, & de celuy de nostre mere sainte Eglise, nous n'en voulõs rien faire, pour le loyer ou pour la commination de peine eternelle. Saint Paul dit. *Renouamini spiritu mentis vestre: deponite veterem hominem, & induite nouum*. Viuons en sobriété iustice & pieté en ce monde. Prenõs la doctrine & exemple que nous donne nostre seigneur Iesuschrist, qui a obey à Dieu son pere & l'a glorifié. Aussi obeissons à luy, glorifions le, & le louõs, & il nous donnera sa grace en ce monde, & sa gloire en l'autre. *Ad quam nos perducat, qui sine fine uiuit & regnat. Amen.*

Nous ne voulons rien faire pour le loyer, ou pour la commination de peine eternelle.
Ephe. 4.

Autre sermon dudict iour.

Q *Vacunque scripta sunt, ad nostram doctrinā scripta sunt.* Roma. 15.
Nous disions hier que nostre Seigneur print S. Estienne, pour son premier tesmoing, pour soutenir sa querelle & pour porter tesmoignage de luy. Nostre Seigneur a bien choisi & s'est bien adressé à S. Estienne, lequel a porté son nom & sa querelle. Il a esté si constant, vertueux, & stable en sa parole & en son tesmoignage, qu'il a micux aymé mourir, que de flechir & se desdire. Apres qu'un tesmoing a déposé, on luy list sa deposition & luy demande on s'il veult persister, & le confronte lon. Saint Estienne est le premier tesmoing & martyr apres nostre Seigneur. Son tesmoignage est que nostre sauueur & redẽpteur Iesuschrist est le fils de Dieu. On luy list sa deposition s'il la veut soustenir, & il la soustient. Et apres qu'il est confronté, ceux qui luy cõtredisent, ne luy peuuent resister, ny au saint Esprit qui parle par luy. Et apres auoir veu qu'ils ne l'ont peu par leur raison gaigner, ils l'ont lapidé: & il a recommandé son

De saint Iean

S. Iean est esprit à Dieu, & a mis les genoux à terre priant pour ses
aussi vn tes- persecuteurs. Voyla le premier tesmoing qui a soustenu
moing de Ie- la querelle de Dieu, de nostre seigneur Iesuchrist depuis
sus Christ. qu'il est môté en paradis Auourd'huy l'Eglise nous pro-
 pose vn autre tesmoing : c'est monsieur saint Iean E-
 uangeliste qui a tousiours perseueré en son tesmoigna-
 ge. Il a beaucoup enduré pour le nom & pour la querel-
 le de nostre Seigneur. Mais toutesfois pour la grace de
 nostre Seigneur il n'a point flechy, mais a tousiours per-
 siste en son tesmoignage, comme dit l'escriture : *Hic est*
Ioan. 21. *discipulus ille qui testimonium perhibet de his, & scripsit hac,*
& scimus quia verum est testimonium eius. C'est vn grand
 honneur de soustenir la querelle de nostre Seigneur, & y
 estre appelé. Il fault veoir comme saint Iean a soustenu
 la querelle de nostre Seigneur. Il est escript au premier
Act. 1. des Actes des Apostres, que nostre Seigneur esleut au cō-
 mencement douze Apostres & leur dist : *Vos eritis mihi te-*
stes in Hierusalem, & in omni Iudea & Samaria & vsque
ad vltimum terra. Donc saint Iean Euangeliste en estoit
 vn, & le mieux aimé de nostre seigneur Iesus Christ par
 vn singulier priuilege. Et vous voyez que souuent en
Iesus Christ l'Euangile, il est dit que c'est le disciple qu'aymoit Iesus.
n'aime point Quand il n'auroit point d'autre grace que ceste là, c'est
ny ne met assez pour monstrier son integrité : car Dieu n'ayme &
son cuer en ne met point son cuer en vne chose qu'elle ne soit bon-
vne chose ne, & a en contrecueur vice & peché. Aussi en S. Iean il y
qu'elle ne auoit plus qu'aux autres, car il estoit vierge. Pour mon-
soit bonne. strer que virginité c'est vne grace que Dieu ayme, & qu'v-
 ne personne viue purement & continement, il est dit
 que nostre Seigneur aimoit bien saint Iean, cōme il est
 aussi dit en l'Euangile, que nostre Seigneur aimoit trois
Ioan. 11. personnes : *Diligebat autem Iesus Martham & sororem eius*
Mariam & Lazarum. C'est donques signe qu'ils estoient
 gens de bien. En ceste sorte par ce que nostre Seignr met
 son cuer en S. Iean, il mōstre assez l'integrité & la bonté
 de sa personne. Le fondement des graces de S. Iean, c'est
 l'amour de nostre seignr. S. Iean estoit vn pauvre enfant
 fils de Zebedée & frere de S. Iaques le grand, son mestier
 & sa condition c'estoit de pescher & prendre du poisson.

Nostre Seigneur marche, il va son chemin, il voit en vne nasselle S. Iean & S. Iaques : il les appelle, & ils le suyuent & laissent tout, pere, rets & leur nasselle. Voyla comme ils ont esté appelez au seruice de nostre seigneur. Ils se mesloyent de pescher & ne le cognoissoyent point, cōbien qu'ils fussent cousins germains : car leur mere estoit seur de la vierge marie. Ils attendoyēt le Messias. Nostre seigneur les voit pescher avec leur pere, & il leur dit: Venez vous en apres moy. En cela vous voyez l'efficace de la parole de Dieu. Outre, vous voyez leur prōpte obedience: ils delaissent leur propre affection & leur maniere de viure, la pescherie cōme fist Abrahā, auquel Dieu dist: *Egre dere de domo tua, de cognatione tua, & veni in terram quam monstrauero tibi.* Il sçauoit bien que Dieu luy disoit, mais il ne sçauoit point ou il deuoit aller. Il marche sans doute de la parole de Dieu. S. Iean n'auoit poit̃ veu Iesuchrist & si ne luy auoit point veu faire de miracles ne prescher: & neantmoins à la premiere parole qu'il dit: *Venite:* il le suyt. Par cela vous voyez que la parole de Dieu est plus forte que la consanguinité. Car on delaisse pere & mere parents & amis pour suyure Iesuchrist. C'est vne grande violence. On ne laisse pas ainsi tout facilement du premier coup. Mais saint Iean par l'efficace de la parole de Dieu, il a incontinent laissé tout ce qu'il auoit. Il n'y a rien plus fort que la violence de la parole de nostre seigneur. Voulez vous exemple? Regardez en saint Paul, lequel estoit tant affecté à la loy anciēne, que de soy-même il se prouuoit à persecuter Iesuchrist en ses membres. Il auoit tant d'affection à garder les traditions, que sans qu'il fust enuoyé, il s'offroit à prendre commission pour mener les Chrestiens prisonniers. C'est assez de faire mal sans s'y prouoquer: mais il s'y prouuoit, & comme vn sanglier il escumoit cōtre les chrestiens: il n'y en auoit point de plus feruent, qui eult si grand zele à garder la loy qu'il auoit. Et neantmoins tout incōtinant qu'il ouit la voix de nostre Seigneur: *Saule, Saule quid me persequeris?* Il fut doux comme vn aigneau, & respōdit: *Qui estes vous Seigneur, que voulez vous que ie face?* Regardez quelle violence a faict ceste parole en monsieur S. Paul,

Gene. 12.

La parole de Dieu est plus forte que la consanguinité.

C'est assez & trop de faire mal, sans s'y prouoquer.
Act. 9.

De saint Iehan

Heb. 4.

Gene. 17.

Ioan. 21.

Iesus Christ
prenoit volō
tiers S. Iehā
l'Euāgeliste
pour estre à
ses haults mi
stres.

lequel a tout incontinent resiné sa volonté à Dieu. Et pourtāt, *uius est sermo Dei & efficax, & penetrabilior omni gladio ancipiti, &c.* Car vn hōme incontināt est changé s'il veut tant soit peu escouter la parole de Dieu. Et nostre Seigneur ne fist que dire à saint Iacques & à S. Iehan, suivez moy, & ils ont tout laissé pour le suyure subitement. Aussi quand Dieu appelle, il luy fault promptement obeir sans discuter. Si Abraham eut discuté, il n'eust pas eu tel merite qu'il a eu, *ut vocetur pater multarum gentium.* Quand Dieu vous appelle, allez incontināt sans differer. Voila, il appelle saint Iehā, & l'a constitué son Apostre bien familier, duquel il est dit : *Hic est discipulus ille quem diligebat Iesus.* Regardez quels Apostres a prins nostre Seigneur en sa maison pour l'aider & seruir. Dieu a entrepris vn grand ouurage, de faire porter son nom par tout le mōde, & pour persuader qu'il est le Messias, & le salut de tout le monde. Pour faire cest ouurage quels gens a il prins? pauures gens idiots qui ne sçauoient rien, contemptibles du monde. En cela on cognoist la vertu de Dieu, qui par de pauures gens n'ayans point de moyen humain, fait que le nom de Dieu soit manifesté. Et peult on bien iuger que ce n'est point par leur vertu, mais par la vertu de Dieu, lequel ils annoncent. Que peult bien faire monsieur saint Iehan, vn pauvre pecheur? Et neantmoins il n'y a homme qui peust si bien parler que luy. Voila Saint Iehan qui est mis des premiers en la maison de Dieu. C'est la premiere dignité que d'estre Apostre. Nostre Seigneur s'est communiqué à saint Iehan plus familièrement qu'aux autres Apostres. Quand nostre Seigneur vouloit faire quelque chose de grand, il prenoit tousiours S. Iehan. Quand il voulut resusciter la fille du prince de la synagogue Iairus, il print trois de ses Apostres, S. Pierre, S. Iehā & S. Iacques. Apres quand il voulut dōner experience de sa gloire en sa trāsfiguratiō, il print pareillement ces trois Apostres. Mesmes quād il voulut prier au iardin d'oliuet. Il a tousiours prins S. Iehan avec soy, quand il a voulu faire quelque chose speciale. Ce qui monstre sa familiarité. Outre Chrestiens de tous les Apostres il n'y en a point eu de si

ferme & de si stable que saint Iehan . Tous les Apostres s'en sont fuyz & ont esté scandalisez en la passion de nostre Seigneur. S. Iehan s'en est aussi bien fuy, mais incontînât il retourna, il reprit courage & tousiours fut présent iusques à ce que nostre seigneur rendit son esprit. Il estoit avec la vierge Marie: c'est la constance de saint Iehan. Et nostre Seigneur a veu qu'il estoit vn feal amy. Et par ce qu'il n'a point delaisié nostre Seigneur, ne la vierge Marie, cela signifie que singulierement il a aymé nostre Seigneur. Et quâd nostre Seigneur l'a aduisé, il luy a fait vn bon party: comme quâd quelqu'un fait vn testament par amitié: il fait des legs . Voila S. Iehan, auquel nostre Seigneur en sa mort fait vn beau legs. C'est qu'il luy a baillé sa mere en garde & l'a constitué sur sa mere: *Dixit matri suæ: Mulier ecce filius tuus, deinde dixit discipulo ecce mater tua* . Voulez vous meilleur legs q̃ cestuy là? De toutes les creatures la plus aymée de nostre Seigneur, c'a esté la benoiste vierge . C'est vn vaisseau d'honneur, de grace, de misericorde: auquel toutes les richesses & thresors de la sapience & science de nostre Seigneur sont cachez. Et Dieu les a mis en la garde de saint Iehan. Il y a trois personnes qui ont eu la garde de la vierge Marie. Le premier c'a esté Monsieur S. Ioseph espoux de la glorieuse dame, qui en a esté le gardien. Le second gardien c'a esté nostre seigneur Iesus Christ q̃ a gardé la glorieuse vierge sa mere iusques à sa mort, luy qui est le vierge des vierges, l'aigneau sans macule . Et en sa mort nostre seigneur l'a baillée en garde à saint Iehan qui estoit vierge, pur, sans corruption, sans macule. Doncques nostre seigneur portoit vn singulier amour à saint Iehan, c'est le disciple que nostre Seigneur a bien aymé . Il fault icy noter vn mystere. S. Iehan represente tous les pecheurs, par ce que nostre seigneur l'a constitué fils de la glorieuse vierge Marie . Et tout ainsi que la mere a le soing de son enfant, aussi la viege Marie a le soing de no^s, elle aduocasse pour nous. Puis qu'elle est nostre mere, aussi luy deuons nous exhiber hōneur & reuerence . Souuēt l'enfant dort que sa mere veille . Et la glorieuse vierge Marie qui est nostre mere, ne dort pas: mais veille bien pour

Nostre Seigneur fait vn beau legs & party à S. Iehan luy laissant sa mere le iour de sa passio.

La vierge Marie aduocasse pour nous.

De saint Iehan

nous. Pourquoy doncques ne l'honnerons nous? Elle est constituée royne des cieux, mere de grace, de misericorde. Voulez vous auoir grace & misericorde? parlez à la benoïste vierge Marie sa mere. Doncques saint Iehan est le thresorier de nostre Seigneur: car ce qu'il aimoit le mieulx, il luy a baillé en garde, son thresor, son cabinet: *Virgininem virginis cōmendauit.* quād il luy a dit: *Ecce mater tua.* On dit de quelqu'un qui a la charge de monsieur le Daulphin ou de quelque grand Prince & seigneur: Voila le gouuerneur d'un tel seigneur. Cōbien qu'il soit petit compaignon, toutesfois pour la personne qui luy est baillée en garde, il est exalté & honoré. Voila combien est honore saint Iehan, auquel nostre Seigneur a baillé en charge la glorieuse vierge Marie sa mere. Considérez que celuy de tous les Apostres de nostre Seigneur qui a plus long temps presché & annoncé nostre Seigneur, c'a esté monsieur S. Iehan. Il a vescu depuis nostre Seignr soixante cinq ans, & iusques à l'Empire de Traiā. Saint Augustin dit, que saint Iehan a presché 65. ans sans intermission. Il ne s'est point faché au seruice de nostre Seigneur: car il seruoit de bon courage. Quand on ne fait pas quelque chose de bon cuer, il ennuye tant. Comme si on est à la Messe ou sermon, quelqu'un dira, & qu'il est long! Il n'est point trop long, mais vostre deuotion est courte: c'est faulte de bon cuer. Et vn autre qui a bon cuer dira, qu'il ne luy a point ennuyé. Saint Iehā ne se faschoit point au seruice de nostre Seigneur. Quand on sert à vn gros Prince, à vn gros seigneur, il n'ēnuye point & se repoute on auoir hōneur. Mais il n'y a point de plus grand honneur & gloire que d'estre au seruice de nostre seigneur Iesus christ. Et pource dictes à dieu en voz prieres, qu'il luy plaise de vous faire la grace que vous puissiez tousiours seruir à nostre Seigneur Iesus Christ, & q̄ vous ne luy demandez autre chose: qu'il vous mette ou il luy plaira, voire en enfer s'il estoit possible d'y estre & endurer la peine qu'endurēt les damnez: que ce vous est assez, pourueu que vous ayez sa grace & que c'est vostre tout. Et vn bon chrestien qui a la grace de Dieu & son amour, est si content d'endurer pour Iesus Christ, que s'il

*Saint Iehā
est celuy qui
a plus lōgue-
mēt presché.*

estoit en enfer & qu'il endurast la peine des damnez, ce luy seroit tout vn, pourueu qu'il eust la grace & amour de Dieu: la peine & le tourment qu'il endureroit luy seroit vn paradis. Sainct Iehan Chrysostome dit: Aucuns se gardent de mal faire, *imo* font de bonnes eures, en espoir d'auoir paradis & la ioye & consolation de paradis: cela n'est pas mal fait, ny pareillement se garder de mal faire; & faire de bonnes eures de peur d'estre damné: mais cela ne vient pas d'un amour parfait en Dieu: il y a encores de l'affection & amour priué qui empesche que le bon eure ne soit si parfait & plaisant à Dieu. Car tant moins il est trouué de l'amour priué, de nousmesmes, tant plus l'eure est meritoire & agreable à Dieu. Et pource, pour bien faire noz bonnes eures, ne pensons point à ce loyer & premiatiõ de paradis, de la vie eternelle, ne regardons point à cela, ny aussi à la peine & damnation eternelle, en laquelle nous encourerions si nous ne gardions les commandemens de Dieu: mais faisons seulement les bonnes eures en cest esgard & intention, pource qu'elles plaisent à Dieu. Et si on vous demande, pourquoy faiçtes vous les commandemens de Dieu, & de nostre mere sainte Eglise? Vous respondrez, c'est pource que Dieu s'y complaist. Comme vn bon seruiteur ne regarde pas au loyer, mais il sert seulement pour complaire à son maistre qu'il ayme: ainsi nous fault il faire enuers Dieu, & dire, pource que Dieu ayme les gens vertueux, ie le veulx estre: & pource que peché luy desplaist, ie ne le veulx pas faire: cela vient & procede de l'amour de Dieu. Si ie dis que ie m'abstiens de mal faire de peur d'estre dâné, cela vient de l'amour de moy, c'est vn amour seruil. Aussi ie m'exerce à vertu, pource que Dieu m'a promis paradis, si ie suis trouué vertueux, en ce la encores y a il amour de moy. Mais si ie le fais seulement pource que Dieu y préd plaisir & ie desire à luy seruir & complaire, l'eure est de grand merite & charité. Et en ceste sorte viuoit monsieur saint Iehan sans se fascher au seruice de nostre seigneur, mais y prenoit grâd plaisir. Si vous dictes que saint Iehan n'a point eu de tribulatiõ & aduersité, ie vous dis que par la ville il a esté battu de

S. Chrysost.

Se garder de mal faire de bonnes eures de peur d'estre damné est bon: mais il ne procede d'un amour parfait.

De saint Iehan

S. Iehan a enduré affliction, aussi bien que les autres apostres.
Act. 5.
Act. 5.

verges avec saint Pierre & d'autres Apostres, quand on les a voulu empescher de prescher nostre Seigneur Iesus Christ, son saint nom. Or ils ne vouloient point cesser: parquoy ils furent admenez au Concile & leur fut défendu de iamais prescher au nom de nostre Seigneur, & ils respōdirēt ce qui est escript: *Obedire oportet Deo magis quàm hominibus.* Et apres qu'ils furēt ainsi batuz, ils reputoiēt cela à grand hōneur: *Ibant apostoli gaudētes à cōspectu Cōcilij, quia digni habiti sunt pro nomine Iesu cōtumeliam pati.* Ils louoient Dieu, pource qu'il leur auoit faict la grace d'endurer pour l'amour de luy. Vn bon Chrestien n'estime point confusiō d'endurer pour le nom de Iesus Christ, mais ie dis qu'il n'estime autre paradis que cestuy là. Cestuy qui ayme bien Dieu, il sçait & entend bien ce que ie dis. Et pour vous mieux donner à entendre cecy, faisons vne comparaison de ce qu'aucuns font en ce mode. Voylà vn meschant, vn paillard, il a desir d'abuser d'une femme, ou d'une fille. Et pour l'empescher on le tire par les cheueux, & luy faict on plusieurs autres maux, & il n'en tient cōpte & ne se soucie que de iouyr de son meschāt & dānable amour. Et l'amour qu'o a, & doit on auoir en Iesus Christ, n'aura il pas plus de force & de vertu? Est ce ignominie d'estre batu, iniurié, maluoulu pour le nom de nostre Seigneur, & estre mené la corde au col comme vn malfaieteur? Cōme dit saint Iehā Chrysostome, qui luy bailleroit choïs du ciel ou de la prison pour la querelle de Dieu, celuy q l'ayme biē, prēdroit plustost les liēs de la prison, q d'estre ange & estre desia en paradis. Et pource il ne se fault esmerueiller si S. Iehan rendoit graces à Dieu d'estre affligé pour son nom. Nul ne peult bien entendre cela s'il n'est enragé de l'amour de Dieu, dit saint Chrysostome. Le bon Chrestien dit à Dieu: ô seigneur Dieu me faictes vous ceste grace d'ēdurer pour vostre nom? Et tout ainsi que saint Iehan ne veut cesser de prescher & annōcer le nō de Dieu, de Iesus Christ: le diable aussi ne veut cesser d'empescher vertu en sollicitant Domitian Empereur à releguer & bannir saint Iehan hors son diocese: car le diable sçait que la presence d'un homme de bien empesche beaucoup de mal. Vertu

rousiours

Le diable ne cesse a'empescher vertu.

*L'absence du
prelat est cõ-
me l'absence
du nautõnicr
de la naure.*

Act. 20.
Plusieurs pre
lats ne se sou
cient que du
temporel.

De saint Iean

*Saint Iean
retournant
d'exil trouue
grand desor-
dre en son
diocese.*

mourut, au lieu duquel en fut suscit  vn autre nomm  Pertinax, doux & amiable, lequel abolit, casse & annulle tous les decrets & ordonnances de son predecesseur Domitian & rappelle S. Iean d'exil & le remit en son diocese. Tout cela est fait de Dieu. Saint Iea  reuenu, il veoit le discord, la zizanie, & erreurs sem es en son diocese. Et les prestres d'vn b  zeile en nostre seigneur Iesus Christ, voyans que ces malheureux heretiques Cherintus, & E-bion auoient mal parl  de la diuinit  de nostre seigneur Iesus christ, & en auoient detraict , ils prier t saint Iea  d'escrire vn Euangile: par lequel il monstraist contre ces faux heretiques que nostre seigneur Iesus Christ est vray Dieu. Ce que saint Iean leur accorda, moyennant que premierem t on eust impetr  la grace du benoist saint Esprit par prieres, ieusnes & oraisons. *Et inaitit triduanum ieiunium:* Il fut ordonn  que lon eust   ieusner trois iours: car le ieusne & abstinence est fort efficace pour estre illumin  de Dieu. Cela fait, il a commenc    escrire son Eu gile, disant. *In principio erat verbum, & verb  erat apud De .* Qui est le plus hault, & pl  sublime des quatre Euangiles. Il est comme l'aigle lequel entre les oiseaux volle le plus hault, & directem t regarde le soleil. Saint Iean entre les autres a plus hautement parl  de la diuinit  de nostre Seigneur. Et comme dit saint Augustin. *S; Ioannes altius intonasset, totus mundus capere non potuisset.* Il commence par l : *In principio erat verbum, & c.* Le verbe de Dieu, le fils de Dieu, *Est ante tempora, id est.* Eternel & coeternel   Dieu son pere, c'est vne personne distincte du pere, quand il dit, *In principio erat verbum, id est.* Le verbe de Dieu, *Et verbum erat apud Deum:* En cela il dem stre la distinction des personnes du pere & du fils. Saint Iean montre la sainte Trinit , l'eternit  & coeternit , la consubstantialit  du pere & du fils. Ezechiel a veu quatre bestes qui signifient & denotent les quatre Euangelistes, & leur stile & composition. Saint Matthieu est signifi  par l'homme: saint Marc par le lyon: saint Luc par le veau: & saint Iean par l'aigle qui volle plus hault que les autres oiseaux. Aussi saint Iean parle plus hautement de nostre Seigneur & de ses ministres que les

Ioan. I.

S. August.

Ioan. 1.

*Ezechiel a
veu quatre
bestes, par les
quelles sont
signifiez les
quatre Eu -
gelistes.*

trois autres Euangelistes, & si fait plus que saint Paul, car il reuele & dit ce qu'il a veu : *Vidit verbum quod prænunciat* : mais saint Paul combien qu'il dit qu'il ait ouy *Arcta verba que non licet homini loqui* : Neantmoins il ne les dit pas. Il faut icy noter comment c'est qu'il se fault gouverner au temps des heresies à l'exemple de saint Iean l'Euangeliste. Saint Irenée disciple de saint Policarpe, qui estoit disciple de saint Iean l'Euangeliste, dit que saint Iean voulut vne fois aller aux bains & on luy dist que Cherintus heretique y estoit : Et il respond. *Abstinemus hinc ne balnea corrumpant super nos*. Pour monstrier que il ne fault point demeurer vn moment avec l'heretique. Saint Policarpe rencontra quelque-fois par la ville vn heretique nommé Marcion qui vouloit prendre connoissance avec luy, & luy dit : *Agnosce me? Agnosce te* (inquit Policarpus) *primogenitum Satanae*. En cela saint Iean monstre que nous ne deuons point auoir d'amitié avec vn heretique non plus qu'avecques vn diable. Il dit en vne de ses epistres : *Si quis venit ad vos, & hanc doctrinam non affert, nolite recipere eum in domum, nec aue ei dixeritis* Qui enim dicit illi aue, *communicat operibus eius malignis*. Il defend de donner hospitalité à vn heretique : & quand il deuroit mourir de faim. Il le fault laisser là, & ne le saluer point. Par-ce que saint Iean n'a point voulu entrer ou estoit Cherintus, ce n'estoit pas qu'il peust estre deceu & seduit : mais pour nous monstrier que deuons euitier d'entrer en vne maison ou il y a vn heretique : car c'est vne chose trop dangereuse. Saint Irenée, *In libro contra hereses*, dit que saint Iean apres qu'il fut reuenu d'exil, il escriuit vn Euangile singulier & des Epistres ou il traite fort de l'amour & dilection qu'il faut auoir à Dieu, & à son prochain. Saint Denys disciple de saint Paul dit, que l'eure le plus diuin & digne d'un Chrestien, c'est de cooperer au salut de son prochain, d'empescher le mal, & de pourueoir le bien, & dit que le zele des ames c'est vn sacrifice à Dieu moult agreable. Saint Iean specialement en sa premiere Epistre monstre qu'il fault aimer son prochain, & desirer son bien & son salut. On dit, vn tel a fait donner vn benefice à ce-

Irenæus.

2. Ioan. 1.

Irenæus in
libro contra
hereses.
S. Dionysius

De saint Iean

*Ce n'est pas
bien aimer
vne personne
de luy donner
vn benefice
s'il n'en est
cappable.*

*Il ne fault
aisement la-
cher la bride
à vn enfant,
encores qu'il
soit bien nay.*

stuy là. Ho il l'aime bien ! Ce n'est pas bien aimer , mais le faire damner avec toy qui luy donnes , puis qu'il n'en est capable. Si i'ayme bien mon prochain il fault veoir les choses qui luy sont bonnes pour son salut , & les luy procurer & luy soustraire & empescher ce qui est contraire à son salut. C'est le zele qu'il fault auoir aux ames. Ainsi en a fait saint Iean en retournant d'exil en Ephese. En passant, on le pria de donner instruction & instituer des prestres. Il vint en la ville ou il consacra vn Euesque. Et luy estant là il aduisa vn ieune adolescent de bonne disposition & d'un esprit bien soudain. *Et nōdum christianniserat.* Saint Iean en donna la charge à cest Euesque, luy disant, Je te baille en charge ce ieune enfant en la presence de nostre seigneur Iesus Christ, & de son Eglise. S. Iean craignoit que cest enfant fust fort à conduire . Et pource il le repete à cest Euesque , ie le vous recommande. S. Iean alla en Ephese ou il fist vn miracle: il resuscita vne femme nommée Druſianne, à laquelle il dist: Femme, leue toy & va preparer à dīner. Ce pendant que S. Iean est absent , l'Euesque instruit bien l'enfant & le fit baptiser. Ce n'est pas assez de bien enseigner, mais il faut conseruer. Il ne fault pas facilement lacher la bride à vn enfant combien qu'il soit bien nay & bien cōduit. C'est Eusebe qui refere ceste hīstoire *In historia ecclesiastica, lib. 10.* L'Euesque voyant cest enfant en train & esperant qu'il continueroit en sa bonne doctrine il commença à luy lacher la bride, & ne le tenir si fort subiect comme au par auant. Qu'en est il aduenū? Il s'est bien tost desfreiglē. Aussi la ieunesse si elle n'est bien tenue & conduite, incontinent elle se desfreigle. Vous peres & meres ne donnez point trop grande licence & bandon à voz enfans, tenez les tousiours sous le frain & en subiection. Vous voyez que ce ieune enfant estoit bien instruit , mais son maistre ne le garda point. Il se print à boire & à manger. Le commencement de son desbauchement ce fut glouttonnie : il alloit veoir les compagnons de mēme luy. Ainsi il a esté deceu & gattē , comme Adam fut trompē par gourmandise Le maistre, le pere, & la mere doiuent bien tenir leurs enfans aupres d'eux qu'ils ne se desbau-

ehent & desuoient. Jeunesse est facile à croire. Ainsi ce jeune enfant s'est desbauché. L'Euesque n'y pensoit pas. Depuis qu'on se mesle de gourmandise, il fault de l'argent pour fournir à l'appointement. Il fault desrobber, & estre larron, non pas appert, mais de nuit: il va de pis en pis. Il prouffite en mal, il ne luy suffit pas d'estre larron & meschant, mais il veult estre le prince, le capitaine des brigands & larrons: il tient les bois, & forests pour detrousser. Voila, par la negligence de son superieur il est ainsi deuenu. Pour l'amour de Dieu prenez bien garde à voz enfans & regardez qui parle à eux à l'exemple de cestuy-cy qui est ainsi desbauché. Et pensez qu'il est bien dangereux de perdre la memoire de Dieu. Cest enfant fait bien des siennes, il va à la profondeur de peché. Ce qui retire de mal & de peché, c'est auoir tousiours la memoire & crainte de Dieu deuant les yeux, l'auoir tousiours comme present. Aussi il fault qu'un Euesque comme cestuy-cy, qu'il ait soing, & soit diligent sur ses subiects tant en priué qu'en public. C'est vne grande vilennie qu'en la maison d'un Euesque il y ait de meschans seruiteurs. Il fault qu'un homme ayant charge, qu'il ait les yeux par tout par prouidence, qu'il ait esgard & preuoye par tout. Je suis tout estonné comment c'est que nous osons ainsi demander les charges. C'est vne chose bien presumptueuse. A grand peine respondray-je pour moy, comment sera il donc possible pour tant d'ames respondre? Je les iray bien visiter, mais ce sera pour auoir de l'argent, non pas pour corriger, & enseigner: horreur & abhominatiō de n'auoir autre soing du precieux sang de Iesus Christ. N'est ce pas à faire à un Euesque principalement, de veoir & regarder comment tout se porte? Car *Episcopus, id est, superintendens*. Saint Iean est retourné au lieu ou il auoit donné en charge cest enfant & dist à l'Euesque, *Redde mihi depositum*, il ne scauoit que c'estoit, il auoit oublié cest enfant qui luy auoit esté baillé en garde. Mes amis, ceux qui sont en charge ecclesiastique, ils doiuent auoir tous leurs parroissiens en leur memoire. Et m'esmerueille comment nous pouons dormir. *Redde mihi depositum*, rendez moy ce que ie vous ay

*Il procede
grād mal de
gourmādisē.*

*C'est l'office
d'un euesque
de regarder
commēt tout
se porte en
son diocese.*

De saint Iean

donné en charge, & en garde. L'Euesque pensoit que ce fust quelque argent qu'il luy demandast. Comment? dit saint Iean, ou est l'enfant que ie vous ay donné en charge, & en garde? L'Euesque se print à pleurer, & luy dist qu'il estoit mort. Comment mort? ouy quant à Dieu. O quelle garde des ames pour lesquelles Iesus Christ est mort! S. Iean rompoit ses robbes, il se fraploit la teste quelque viel qu'il estoit: & c'estoit du zele qu'il auoit en nostre Seigneur. Si vous auiez bñ zele a nostre Seigneur il vous feroit grand mal de la faulte de vostre prochain: mais nous sommes si diables, & si meschās que no^r nous en resiouïssons. D'autāt qu'une personne qui a bon zele sent son peché, & sa faulte, & celle de son prochain pour l'amour qu'il a en Dieu, tant plus en est il faché & cōtristé. Ainsi estoit S. Paul qui dit. *Quis infirmatur, & ego non infirmor? quis scandalizatur, & ego non vror.* Le pauvre S. Iean pleuroit pour cest enfant perdu cōme David pour Absalon, & Samuël pour Saül: perdu & delaisé de Dieu. Cest enfant estoit mort quāt à Dieu, & pource S. Iean le pleuroit. Il se rompoit sa robbe ce luy estoit vn vray martyre de veoir son prochain offenser Dieu. Il est dit de Loth. *Quid Sodomite affligebāt animā iusti.* Nō pas en son corps mais en son ame il estoit affligé. S. Iean demande vn cheual pour aller chercher cest enfant. O quelle charité! il n'y a euvre plus diuin, que de reduire vn hōme à la voye de salut. S. Iean estoit bien vieil, mais neantmoins il s'en va parmy les bois chercher cest enfant. Les brigands le veulent prendre & le mener à leur maître, & il leur dit: Mes amis, menez m'y, ie le cherche. Quād l'ēfant le veit il se print à fuir. Voila comment vertu quelque part ou elle soit elle est illustrée & reuerée. S. Iean va apres & luy dit, *Fili, vt quid fugis senē & inermem*: Mō enfant arreste toy, n'aye point peur: près esperāce de vie: Je te promets que te satisferay & rédray cōpte pour toy. O la grāde charité en mōsieur S. Iean! Il nous mōstre que c'est que nous deuōs faire: & nous ne faisons rien de tout cela: & toutes fois nous le deuōs faire, car no^r sommes au lieu de Dieu. S. Iean luy dit: Mon enfant pourquoy fuis tu? Le pere de l'enfant prodigue n'est il pas allé au deuant de luy pour

2. Cor. 11.

C'estoit vn
vray marty-
re à saint
Iea de veoir
offēser Dieu

l'embrasser. Je suis vieil & sans armes, ne crains point, ie rendray compte pour toy. La premiere esperâce de resipiscence, c'est cesser de mal faire. La secôde c'est humilité, ce qu'a faict cest enfant, car il mist la teste & la face cõtre terre trois fois, il iecte ses armes à terre: *deposuit veterẽ hominem cum actibus suis*. Il a esté touché de la touche diuine, il s'est iecté aux pieds de S. Iean pleurāt. Les larmes luy ont valu vn secõd baptême, il cachoit sa main de laquelle il auoit faict tant de meurtres & larcins. Et saint Iean la baisoit, voyant qu'il auoit honte & confusion de son peché, qui estoit esperance de son salut. Car incontinent q̃ le pecheur gemit son peché, en verité il a pardon. Voyla la maniere de receuoir les pecheurs à penitence. S. Iean ieusnoit avec luy tout vieux qu'il estoit, & ne l'a point delaisé iusques à tant qu'il l'a rendu parfaict & cõstitué Euesque. Voyla comment il a reuouqué vn enfant perdu. Saint Iean a tant recommandé charité. Il dit: *Qui diligit fratrem suum in lumine manet, & sc̃d̃alum in eo non est*. Saint Hierome refere de S. Iean *in epist ad Galat.* que sur les derniers iours ne disoit autre chose: *Filioli diligite vos inuicem*. Mes enfans entr'aimez vous. Et dea monsieur vous ne dictes autre chose: Il leur respõd: *Præceptũ domini est*. Si vous vous entr'aimez il suffit: car tous les cõmandemens sont cõprins au commandement d'amour & de charité. Tertulian recite que saint Iean a esté mis en vn tõeau d'huile bouillāte, mais il en sortit tout sain Il en a conuertý douze mil: il cõuertit le prouost Aristodemus qui luy fist boire du venin: dont vous voyez que saint Iean tient vn calice, dedans lequel y a des crapaux. Le prouost luy dit que s'il buoyt ce venin sans en mourir, qu'il croiroit en Iesus Christ. Iceluy prouost en fist boire à deux criminels qui en moururẽ: mais S. Iean avec le signe de la croix en beut sans auoir aucun mal. Encores Aristodemus ne fust pas contant, il voulut qu'il resuscitast ces deux hommes qui estoient morts de ce venin. S. Iean luy dist, ce sera vous qui les resusciterez. Tenez, voyla mon mâteau que mettrez dessus, il le print, & commanda au nom de Iesus de Nazareth que preschoit S. Iean, qu'ils fussent resuscitez, ce qui fut faict: & ainu

Coloss. 3.

1. Ioan. 2.

Hiero. in

epistola ad

Galat.

Tertulian

recite que S.

Iean a esté

mis en vn tõe

neau d'huile

bouillante.

Des S. Innocens.

S. Iean l'E-
uangeliste a
vescu cent
& vn an.

fut cōuert. Voyla le prouffit de la predication de saint Iean. Il vesquit cent & vn'an, & mourut du temps de Traian Empereur. Il a plus vescu que tous les autres Apostres, il a bien eu des tribulations & persecutions. Quand il fut relegué, il eut la reuelation de l'Apocalypse, pour monstrier que quād l'hōme est en tribulation, c'est quād Dieu se reuele plus à luy. S. Iean a premierement escript l'Apocalypse que son Euāgile: & encores l'a escript apres les trois autres euāgelistes. C'est vn bon tesmoing de Iesus Christ qui n'est pas seulement euangeliste, apostre & tesmoing pour Iesus Christ: mais aussi vn grād prophete. Car en son Apocalypse il a prophetisé l'estat de l'Eglise, & la tribulation qui sera du temps de l'antechrist. Saint Iean en sa mort n'a point eu de douleur. Aucū doutent qu'il soit reserué avec Enoch & Elie pour venir contre l'antechrist. Enoch sera pour la loy de nature, Elie pour la loy escripte, & S. Iean pour la loy euāgelique. Toutes-fois la plus cōmune, & certaine opinion, c'est que S. Iean est mort, cōme dit S. Hierosme. *Et sicut à corruptione carnis alienus fuit, ita à dolore mortis extraneus.* Il n'a point enduré de douleur en sa mort, car il auoit beu le calice de nostre Seigneur au pied de la croix avec la glorieuse vierge Marie mere de Dieu. Ils ont eu grand douleur & tristesse en voyant endurer nostre seigneur Iesus Christ: & pource n'estoit de besoing qu'il endurast pl^d de douleur, de tourment en sa mort. Notez que saint Iean represente la vie contemplatiue qui iamais ne cesse, & saint Pierre la vie actiue qui cesse en ce monde, mais la vie contemplatiue commence icy, & sera parfaicte en paradis. Amen.

S. Hiero.

S. Iean re-
presente la
vie contem-
platiue, &
S. Pierre la
vie actiue.

Pour le iour des Innocens

Roma. 15.

Quacunque scripta sunt, &c. Nous disions ces iours passez que la grace de Dieu que nous auons receüe nous rend obligez, & debtens enuers luy. Si i'ay receu quelque don de quelqu'un, ie suis rédu son obligé. Aussi la grace que nous auons receüe de Dieu nous rend obligez de l'amour, & dilection enuers luy: c'est à dire, que

Nous deuons à Dieu tout amour & dilection, attendu les graces & biës qu'ils nous a faiçts. Il nous en a beaucoup faiçt & en grand nôbre, que nous ne recognoissons pas. Premièrement Dieu nous a donné estre : il nous a créé de rien : il nous a faiçts quelque chose. Voyla vne grande grace. Quand vn homme pense, ie n'estois rien, & Dieu m'a donné estre, il seist communiqué à moy, ie suis sa facture. Vous voyez qu'un homme qui est au seruice de quelque seigneur qui le traite bien, & se monstre bon maistre enuers luy, il estime cela à honneur, il dit ie suis bien tenu à vn tel, car il m'a faiçt auoir tout le bien que i'ay : ie n'auois aucun moyen de gagner ma vie. Nous deuons bien dire que nous sommes la facture de Dieu, il a mis la main à nous faire. Il fault recognoistre cela à grand honneur : & de cuer, & de bouche fault confesser que ce que nous sommes nous le tenons de Dieu, nous auons nostre estre de Dieu. Et pource que de rien nous sommes faiçts par la grace de Dieu, quand il luy plaira il nous pourra oster ce que nous auons. Et s'il ne nous entretenoit, nous retournerions incontinât en nostre premier estat, qui est de n'estre rien : nous serions comme au paraquant. C'est grand chose que nous sommes la facture de Dieu : & pourtant n'oublions iamais ceste grace là. C'est la premiere grace que nous auons receüe de Dieu de nous auoir faiçts & créé, non pas comme les bestes brutes, car nous sommes créé à l'image & similitude de Dieu, & auons vne vie intellectuëlle, & raisonnable, & celle des bestes est irraisonnable. Encores ce n'est pas la plus grande grace que nous auons de Dieu. Nostre Seigneur pour attirer plus nostre cuer & estre ses obligez, il nous a faiçt vne autre grace : car il nous a refaiçts. Nous nous estions deffaiçts, nous auons perdu la premiere condition qui estoit bonne, en laquelle Dieu nous auoit faiçts, & de la bonté : & grace il nous a refaiçts. Nostre vaisseau est refaiçt, *et vocatur hæc gratia, gratia reparationis, regenerationis, redemptionis, vel renouationis*. Et pource q' i' auois deturpé l'image de Dieu, i' auois perdu sa similitude, Dieu me l'a recourée, il m'a recrée, refaiçt & reformé : i' auois perdu la premiere forme & ie suis

Nous deuons à Dieu tous amour & dilection.

La premiere grace que Dieu nous a faiçt, c'est de nous créer à son image & semblance.

Des S. Innocens.

Genes. I.

*Les damnez
ne perdent
point l'enten
dement.*

*Dieu rend
aux hommes
le bien pour
le mal.*

mieux refaißt que ie n'estois formé. Rupert dit : Quand l'homme a esté crée, Dieu luy a donné deux choses: c'est son image & sa similitude, car l'escripture dit : *Faciamus hominem ad imaginem & similitudinem nostram*. L'image de Dieu consiste en cela, que Dieu a dōné à l'hōme trois puissances. C'est à sçauoir l'entendement, la memoire & la volonté, lesquelles trois sont en l'ame, & en icelle consiste le vestige de la sainte Trinité, qui est vn Dieu en trois personnes. Autrement l'image de Dieu est en l'hōme, pource qu'il vse de raison, il est raisonnable, il cognoist par la grace de Dieu, le present, le passé & l'aduenir. Ceste ymage iamaïs ne se perd en ce mōde ny en l'autre, voire que les dānez ne la perdent point : car vn dāné ne perd point l'entendement, la memoire & la volonté. Ces puissances ne se perdent point. Vray est qu'elles sont bien naurées. Voyla donques premierement cōment l'image de Dieu est en l'hōme entant qu'il est raisonnable, combien qu'elle soit deturpée par peché. *Secundo*, Dieu a dōné à l'homme sa similitude, laquelle cōsiste en ce que l'hōme est imitateur de la bōté de Dieu. Dieu nous faißt misericorde : il faißt reluire son Soleil sur les bons & sur les mauuais: il rend aux hōmes le bien pour le mal. Tous les iours il est iniurié par nous, blasphemé & contemnē, & il ne delaisse point à nous nourrir : il donne la vie aux mauuais, comme aux bons. Apres, si on l'a offensé, il est prōpt à faire grace & misericorde. Quand nous sommes imitateurs de Dieu, nous rendons le bien pour le mal, & sommes prōpts à pardonner à noz ennemis. En cela nous sommes imitateurs de la bonté de Dieu, & en auōs la similitude de Dieu, laquelle est ostée par peché. Si ie ne suis imitateur de la bōté de Dieu, ie ne perds point pourtant la raison, la volonté, la memoire & l'entendement, mais la similitude qui est vne conformité avec Dieu : & elle est perdue par peché mortel. Voyla les deux choses que Dieu a mis en l'hōme, en sa creation. L'homme par son peché a perdu la grace & similitude de Dieu, & Dieu a voulu reparer & refaire cest homme qui s'estoit defaißt, il a voulu que son Verbe, son fils naturel print nostre chair au ventre precieux de la glorieuse vierge Ma-

rie. Il ne s'est point fait homme que pour endurer pour nous, il a par son incarnation refait, remis & réparé ce qui estoit d-fait & perdu en l'homme, c'est la similitude de Dieu: ceste grace est plus grande que la premiere, & plus nous sommes tenus à Dieu pour l'incarnation & passio de nostre seigneur Iesus Christ, que pour nostre creation. Tout ce que ie suis, ie le doibs à Dieu, mais ie suis plus tenu à Dieu pour ma reparation & redemption faite par son precieux sang, que ie ne suis pour les autres graces & benefices qu'il m'a fait: cōme vous voyez que d'autāt plus que quelqu'un travaille & endure pour moy, tant plus suis ie obligé à luy. Dieu en ma creation a seulement parlé, il n'a point eu de peine: *Faciamus hominem*, & par son commandement il a fait le ciel & la terre: *Dixit & facta sunt*. Mais quand il a esté question de reparer l'homme, Dieu a prius beaucoup de peine, par l'espace de trente trois ans qu'il a esté en ce monde. Dés qu'il est né on le cherche pour le faire mourir. Herode en fist tuer vne grande quantité de petits enfants: il se cache & fuyt les mains d'Herode. Apres il presche, il a esté calomnié, moqué, blasphemé, on ne cesse iusques à ce qu'on l'ait mis en croix. La misere, le mal traictement, la mort & passion de nostre seigneur I E S U S C H R I S T rend plus obligé l'homme à Dieu, que la grace qu'il luy a faite de sa creation. Nous luy deuons plus pour son infirmité, pour sa mort, par laquelle il nous a refaits & faits imitateurs de la bonté de Dieu le createur, que pour nostre creation. C'est grand chose que nostre Seigneur a prins nostre similitude, afin que nous fussions à luy semblables, il est descendu: *Et per omnia fratribus voluit assimilari*. En prenant nostre chair il a prins nostre similitude, qui n'est que pauvreté, misere, & calamité, il a esté subiect à faim, à froid, à chault, à soif, & à toutes autres necessitez, excepté peché: & nous a imprimé sa similitude en prenant la nostre. Il est Dieu, & de nous il dit: *Ego dixi di estis & filij excelsi omnes*. Il s'appelle le fils de l'hōme, *quia verbum caro factum est*. Il a prin la similitude des hōmes, & s'est assubiecti aux pauvretes des hommes, afin que l'homme

*Iesus Christ
nous a fait
vne plus grā
de grace en
nous rachetant
qu'en
nous creant.*

Genes. I.

Psal. 143.

Hebr. 2.

Psal. 81.

Ioan. I.

Des. S. Innocens.

fust deſié. Voyla la grace que Dieu a faiſte , recognoiſſons la dôcques. Si vous diſtes ie ne la voy point: li vous voulez , vous ne la ſçauriez oublier , car vous voyez par tout le veſtige de la mort & paſſion de noſtre Seigneur: c'eſt la croix, afin que ne l'oubliôs point, & la grace qu'il nous a faiſte, car nous ſommes rachetez par ſa mort. Ne ſoyôs dôcques point ingrats, c'eſt vn grâd teſmoignage qu'il nous veut ſauuer, il a voulu q̃ ſa croix par tout ait eſté plâtée pour auoir memoire & ſouuenance par nous de ſa mort & paſſion. D'auantage vous auez vn autre veſtige & autre representatiō viue de la croix, de la mort & paſſion de noſtre Seigneur c'eſt le S. ſacrifice de la Meſſe que Dieu a inſtitué à faire tandis que le mōde durera, afin qu'ô face vne memoire cōtinuelle de ſa mort & paſſiō. Facēt les heretiques, & les diables du pis qu'ils pourrōnt: nous aurons touſiours le ſainct ſacrifice de la Meſſe *donec veniat*. Quand on dit la Meſſe, le preſtre conſacre le precieux corps de noſtre Seigneur, & l'offre en cōmemoration de ſa mort & paſſiō , & q̃ de ſa grace il a voulu ſouffrir pour nous: afin que vous entendiez le bon vouloir qu'il a de vous ſauuer, en vous donnant par ce, occaſion de recognoiſtre voſtre peché, & qu'il vous veut pardonner, que vous faciez penitēce en vous conſiant en ſa bonté & miſericorde. Voyla de quoy ſert la Meſſe , c'eſt de rememorer la mort & paſſion de noſtre Seigneur Ieſus Chriſt, comme dit mōſieur ſainct Paul. *Quicunq̃ enim manducabitis panem hunc, & calicem hibeat, mortē domini annuntiabitis donec veniat*. Ouir la ſaincte Meſſe, c'eſt vn acte de vraye religion chreſtienne , & d'adoration de Dieu. Car l'ouir comme il fault, c'eſt rememorer la mort & paſſion de noſtre Seigneur Ieſus Chriſt , & luy rendre graces, c'eſt rememorer noz pechez qui ont eſté cauſe de ſa mort & paſſion, les auoir en horreur, ſ'humilier, & reuerer la vertu de noſtre Seigneur , cachée ſoubs les eſpeces du pain & du vin : & adorer noſtre Seigneur Ieſus Chriſt au ſainct ſacrement de l'autel. Mais vous me direz que durant la Meſſe vous diſtes voz heures. Ce n'eſt pas mal fait: mais ie vous conſeille que quand le preſtre commence le ſainct Canon de la Meſſe que vous

*Ieſus Chriſt
veult que ſa
croix par
tout ſoit plâ-
tée pour nous
faire auoir
memoire de
ſa mort &
paſſion.*

1. Cor. II.

vous appliquiez à rememorer la mort & passion de nostre Seigneur. Il n'y a point plus grand prouffit qui plus humilie la personne & luy face entendre la grauité, & enormité de ses pechez que de penser à la mort & passion de nostre Seigneur. En laquelle bien considerant vous recognoistrez l'enormité de vostre peché & combien il est grand, attendu que dès le commencement du monde il n'y a eu creature qui ait peu faire vn euvre agreable à Dieu, pour la remission des pechez, & par lequel Dieu ait esté appaisé, sinon que par la mort de nostre sauueur Iesus Christ. Dieu n'a point voulu mitiger son ire, son inimitié qu'il auoit contre l'homme, ne faire remission des pechez, pour Ange, ne pour autre creature quelconque qui fust au ciel, en la terre, ou sous la terre, sinon qu'en la vertu de la mort & passion de nostre Seigneur Iesus Christ. Lequel s'il ne se fust offert, Dieu ne regardoit point à tous les sacrifices du tēps passé, & s'il les regardoit ce n'estoit qu'en la vertu du Messias qui deuoit venir. Dieu ne regardoit point au sang d'un aigneau d'un bouc, d'un veau, mais à la representation qui le faisoit par ces bestes. Car de soy le sang d'une beste n'auoit pas vertu de remettre les pechez. Mais Dieu regardoit au sacrifice de la mort & passio de nostre Seigneur Iesus Christ, qui estoit representée par les sacrifices q̄ faisoient les anciens. Et en ceste vertu & consolation, les pechez estoient pardōnez. Et il a fallu à la fin que le fils de Dieu soit mort. Il fault donc bien dire que le peché de l'homme estoit bien contre le cuer de Dieu: veu que si long temps il a tenu son ire contre l'homme, & iulques à tant que son fils ait esté mis à mort, comment mort? d'une mort la plus honteuse & ignominieuse qui fut iamais, c'est de la croix, Voila ce qu'il fault penser en la Messe, auoir souuenāce de la mort & passio de nostre Seigneur, qui s'est offert volontairement pour nous à Dieu son pere. Et pource venons ouir la sainte Messe pour y rememorer la passio de nostre Seigneur & pour le remercier. Ce n'est pas mal fait de dire les heures, son seruice à la Messe: mais il les fault dire en la vertu de la passion de nostre Seigneur & pour trouuer Dieu. le suis doncques

Dieu ne regardoit aux sacrifices du vieil testament sinon d'autant qu'ils estoient figure de Iesus Christ.

Il faut aller ouyr la Messe pour rememorer la passion de nostre Seigneur Iesus Christ.

Des S. Innocens.

Rom. 18.

Le moyē d'ē-
trer en l'heri-
tage de para-
dis est la pas-
sion de Iesus
Christ.

reparé par Iesus christ qui a prins nostre similitude pour nous donner la sienne. Par luy nous sommes deifiez & faicts enfans adoptifs de Dieu. Regardez quelle grace Dieu nous faict: il pensuit bien, comme dit Sainct Paul: si nous sommes enfans, nous sommes donc heritiers: *Si filij & heredes. De qui heritiers? Heredes quidem Dei, coheredes autem Christi.* Vous voyez, quād quelcun est heritier d'une grosse maison, quia vingt ou trête mil de reuenu, on dit que c'est vne bonne attente: mais nostre attente est biē meilleure: car Dieu vault mieux que tout le monde. Puis que nous sommes enfans de Dieu nous sommes donc ses heritiers. Le moyen d'entrer en ceste heritage & la posseder, c'est la mort & passiō de nostre Seigneur Iesus Christ. Et quel bien attendez vous? nous attendons dieu, qui est nostre portio d'heritage, comme dit Dauid: *Dominus pars hereditatis mea.* Seigneur Dieu, vo^s estes ma part & portion, mon salut & mon esperāce: ie n'ay point d'autre attente que vous, car vous valez mieux seul, que tout le mōde: de tout ce qui me peult aduenir en ce mōde, ie ne prens plaisir qu'à vous, mon Dieu. Mais que vous viuiez en ceste attente & expectation, vous possederez Dieu & en iouyrez. Dauid dit. *Expectans expectaui dominum, & intendit mihi.* En bien attendant Dieu, ie l'ay trouué, car il s'est bien incliné à moy: il m'a faict iouyr de son expectation. Si ie regarde qu'il m'a crée, ie trouueray que ie suis grandement obligé à luy: mais encores plus en ce qu'il m'a racheté: car par la mort & passion qu'il a souffert & enduré pour nous, nous sommes faicts enfans de Dieu & coheritiers de Iesus Christ, lequel est le premier nay, cōme dit sainct Paul: *Ipse est primogenitus in multu fratribus.* Et par ce, il a la meilleure part: il faict la part aux autres. Quelle est sa part: c'est d'estre seul fils naturel, il est vray fils de dieu eternal: *Qui sedet ad dexterā Dei patris.* c'est à dire, en equalité, bōté, sapience, & puissance avec dieu son pere. Luy seul a cela, car iamais dieu ne dist à autre qu'à Iesus Christ: *Filius meus es tu, ego hodie genui te.* Ces deux mots là monstrent l'eternité de Iesus Christ. Il est tellement fils de Dieu qu'il a tousiours esté fils de Dieu naturel, non point par adoption cōme nous,

Rom. 8.

Psal. 2.

car il n'a point commencé à estre fils de Dieu. *Ego hodie geniti te, hoc est in aternitate: quia filius dei est coeternus patri.* Par similitude vous voyez qu'incontinât que le soleil se commence à leuer, aussi quant & quāt y est la splendeur & le feu incontinant qu'il reluist, aussi y a il de la chaleur. *In hu est coxustas.* Dieu est eternal: Et le fils qui procede de Dieu le pere il est aussi tost Dieu que le Pere. *Nō est prius* *Le fils est aussi tost*
nec posterius. Il n'y a point de premier ny de second au pere & au fils: mais il y a vne coeternité, vne consubstātia- *Dieu, que le pere.*
lité, vne bōté, vne puissance, vne equalité. Voila le droict d'ainéessē de primogeniture. Et pourtāt saint Paul dit: *Quod Christus est primogenitus.* Et en ce qu'il est aussi bon, aussi sage, aussi puissant comme Dieu, cela est signifié, par ce que dit l'escripture. *Sede à dextris meis, hoc est ad a-* *Psal. 109.*
qualitatem meam. Iamais ces propos ne furent dits à aucune creature, mais à Iesus Christ seulemēt. Aussi Dieu a donné à son fils toute puissance, il est le chef de l'eglise militāte & triumpante, des hommes & des anges. Luy, nous a faict nostre part & protion. *Est primogenitus* *Rom. 8.*
 Nous sommes les freres & enfans de Dieu, mais differemmēt: car nostre sauueur Iesus christ est fils de Dieu p proprieté de nature, par origine, il est le fils de Dieu eternal: ce n'est pas nostre nature d'estre enfans de Dieu: mais de la mort de peché & du diable, Et par la mort de nostre Seigneur Iesus Christ nous sommes faicts enfans de Dieu: *Par la mort de Iesus christ les eleuz sōt faicts enfans adoptifs de Dieu.*
 il nous a meritē la grace des enfans d'adoptiō. Cōme vous voyez qu'un hōme riche qui n'a point d'efant, il en prēt vn & l'adopte pour son fils, il luy donne tout son biē à la charge qu'il portera son nō, le nō de sa maisō. Aussi c'est le propre de Iesus Christ d'estre fils de Dieu p nature. Et no^s ne sommes pas enfans de Dieu par nature, mais seulement par grace & adoption. Et quand il nous adopte c'est à ceste charge que nous porterons son nom. Il veult que nous soyons moyen de tousiours augmenter son nom. Quand nous sommes faicts enfans de Dieu, c'est à la charge que nous porterōs le nō de Iesus christ: *Quem ā à Christo Christiani vocamur.* Ce n'est pas toutesfois assez que nous portions le nō, imitōs sa vie. Il nous a adoptez à ceste charge que nous nous renommerons estre

Des S. Innocens.

chrestiens, aussi que nous garderons & serons imitateurs de sa vie comme nous en portons le nom. O ie ne scaurois faire cela. Ne scauriez vous faire misericorde à vostre prochain, & luy pardonner, sil vous a iniurié, ou fait quelque tort: ne detracter point d'autrui, n'estre point larron, meurtrier, ny supplanter vostre prochain, mais luy vouloir bien, comme à vousmesmes: Gardez cela, & vous serez imitateurs de la vie de Iesuschrist. Il n'est pas dit que vous soyiez imitateurs de luy en ses miracles: cōme de resusciter les morts, cheminer sur l'eau, illuminer les aueugles, guarir les malades & autres eures miraculeuses, lesquelles nous induisent plus à admiration qu'à imitation. Mais regardez les autres eures que nostre Seigneur a fait: cōme en ce qu'il a ieusné, &c. Ouy; mais ie ne scaurois ieusner quarante iours & quarante nuits, comme luy, sans manger & boire. Et bien, aussi ne vous est il pas commandé de le faire, mais faites ce que l'eglise vous commande. Ne mangez qu'une fois le iour & vous abstenez de certaines viandes, comme de chair,

Iesus Christ & vous serez imitateurs du ieusne de Iesus Christ. Vous
faiēt penitē- voyez qu'il a fait penitence, nō pas pour soy, mais pour
ce, non pas nō^s, car il n'en auoit que faire: il a esté las & fatigé de che
pour soy, miner, & a beaucoup enduré de maulx, de peine & tra
mais pour uail. Ensayuez le. Vous qui premierement auez appli
nous, en nous qué voz membres vostre corps à vilenie & meschanceté,
monstrant le pourquoy ne l'appliquerez vous aussi bien à vertu? Vous
chemin. auez appliqué voz mains à piller, à desrober: pourquoy
Rom. 6. ne les appliquerez vous aussi bien à donner l'aumosne
 aux pauures & à faire de bonnes eures. Et ainsi des au
 tres mēbres, cōme dit S. Paul. *Sicut enim exhibuistis mēbra*
vestra seruire immunditie, & iniquitati ad iniquitatem, ita
nunc exhibete mēbra vestra seruire iustitie in sanctificationē.
 Et aussi toute la vie de nostre Seigneur nous est donnée
 pour exēple. *Omnis enim Christi actio, nostra sit instructio.*
 En allant & cheminant il ordonnoit tout pour sauuer
 l'homme. Pourquoy n'ordonnez vous si bien vostre vie
 que le tout soit à la gloire de Dieu, & au salut de vostre
 prochain? En cela il faut imiter nostre seigneur, és eures
 de charité, de misericorde, afin que possedions vne fois
 l'heri-

l'heritage de paradis, qui est de veoir Dieu ainsi qu'il est face à face, & que nous soyons vn̄s à luy en telle maniere, quē ce ne soit qu'un de Dieu & de nous. Ce que a priē nostre Seigneur en son oraison. *Pater sancte salua eos in nomine tuo, quos dedisti mihi, vt sint vnū sicut & nos* : c'est à dire, que nous soyons vn̄s avec Dieu par grace, par charité inseparable, cōme Dieu le pere, & Dieu le fils sont vn̄s par nature. Cela se fera moyennant que vueillez retenir le nō de Chrestie & imiter la vie de nostre Seigneur Iesus Christ, conformer vostre vie à la sienne. Et tout cela qu'il a faict vous sera donné de Dieu, & imputé cōme si vous-mesmes l'auez faict. Ieusnez vous pour l'amour de Iesus Christ : son ieusne est vostre. Estre misericordieux à vostre prochain, luy bailler respit afin qu'il vous puisse payer & pardonner l'iniure & l'offense q̄ lon vous a faicte: ne demāder point retaliatiō de l'iniure, ne rendre point mal pour mal, enhorter vostre prochain à bien viure, le supporter en ses imperfections & necessitez au mieulx qu'il vous sera possible, ie vous dis qu'en faisant tels actes de charité, Iesus Christ est vostre. Toute sa mort, sa passion vous est donnée de Dieu en propriété de don. Sa mort vous vault autant cōme si vous estiez Iesus Christ qui a enduré. Son nom m'est approprié comme si i'estois Iesus Christ portant toutes les peines qu'il a souffertes, pourueu q̄ ie conforme ma vie à la sienne, & que ie porte son nom. Voyla que la conformité de vie faict quand on se cōforme à nostre Seigneur: & par faulte de l'ensuyure nous n'aurons rien, car iamais nous ne pourrons prouffiter sinō par le moyē de Iesus Christ, auquel Dieu se cōplaist. Mais pour l'amour & en faueur de Iesus Christ, Dieu se cōplaira en nous. Si ie me cōforme à la vie de nostre Seigneur, Dieu est si large & magnifique, qu'il nous dōne en propriété & pur dō ce q̄ Iesus Christ a faict. Venez c'a qu'est ce q̄ nostre Seigneur a gaigné en mourant? La vie eternelle: nō pas pour soy, mais pour nous: en sorte qu'en la vertu de sa mort & passion laquelle m'est appliquée, pourueu que ie me conforme à sa vie, ie merite paradis, & Dieu me faict vn̄ dō de nostre Seigneur Iesus Christ, & de tout ce qu'il a faict pour moy. Et pource il

Ioan. 17.

*Il ne fault
rendre mal
pour mal.*

*Par faulte
d'imiter Ie-
sus Christ en
sa vie, nous
n'aurons rien
conforme a-
vec luy.*

Des saincts Innocens.

Esai. 9.

est dit à l'introite de la grand Messe du iour de Noel ce qui est escript : *Puer natus est nobis, & filius datus est nobis, &c.* Je voudrois bien que les heretiques entédissent bien cela, car ils n'erreroiēt pas comme ils font. Il fault noter que Dieu nous a donné nostre Seigneur Iesus Christ en deux Manieres. *Primò* en pur don & propriété. *Secundò* il le nous a donné pour exemple & forme de vie: il le nous donne pourueu que nous cōformions à sa vie. Faisons & suyons le chemin qu'il nous a monstré, & nous iouirōs de la vie eternelle: nous aurons remission de noz pechez qu'il nous a meritée par sa mort & passion. C'est la plus grand grace de Dieu d'estre heritier de Dieu, & coheritier de Iesus Christ. Et pource chrestiens ne mettez point en oubly la grace de nostre Seigneur, comme dit l'escripture: *Gratiam fideiussoris ne obliuiscaris: dedit enim pro te animam suam.* Nous prions Dieu nous donner sa grace en ce monde: *Amen.*

Nous iouirōs
de la vie e-
ternelle en
ensuyuant Ie-
sus Christ.
Eccl. 29.

Autre sermon des Innocens.

Rom. 15.

Q*Vacunque scripta sunt, ad nostrā doctrinam scripta sunt.* S. Paul dit, qu'il y a tousiours repugnance entre la chair & l'esprit. Tousiours la chair cōtrarie &

Galat. 5.

met empeschement que l'esprit ne prouffite. *Caro enim cōcupiscit aduersus spiritum: spiritus autem aduersus carnem: hac sibi inuicem aduersantur, ut non quaecunque vultis illa faciatis.*

Tousiours vs
ce repugne à
vertu.

Vice & vertu sont choses contraires. Vice tousiours repugne à vertu & s'efforce d'empescher vertu. Dés le cōmencement du monde vous voyez que Cain n'a sceu se compatir avecq son frere Abel, lequel estoit vertueux & iuste, comme Dieu luy mesme en a porté tesmoignage. Il luy a offert vn sacrifice plaisant & agreable. Cain n'a peu endurer cela, mais a voulu destruire son frere: c'est vice qui veult empescher vertu. Il y auoit aussi Ismael fils d'Abraham qui persecutoit son frere Isaac, comme dit S. Paul: *Is qui secundum carnē natus fuerat, persequabatur eū qui secundum spiritum.* Sarra la femme d'Abraham voyant la persecution que faisoit Ismael à son fils Isaac, elle dist

Galat. 4.

à Abrahā. *Eiice ancillam & filium eius.* Tousiours par vice, Galat. 4.
 l'homme charnel a persecuté l'hōme spirituel. Abraham
 a esté persecuté de gens vicieux & charnels. Loth a aussi
 esté persecuté. Ce luy estoit vne grande persecution de
 veoir les villes ainsi abandonnées à vice, & que Dieu e-
 stoit tant courroucé, ennuyé, & marry pour les vices des
 hommes. Depuis le cōmēcement de la creation iusques
 à maintenant, vice veult tousiours dominer sur vertu : &
 mensonge veult abatre verité, & la veult empescher au-
 tant qu'elle peult. C'est à dire, que vice a plus de support
 que n'a vertu. Vn mēteur trouuera plus d'aide, de faueur,
 & de support que ne fera vn hōme vertueux. On le voit
 à l'œil. Nostre Seigneur dit en l'Euangile que le pere de
 famille auoit semé de bon grain en son champ, & l'ēne-
 my est venu de nuict semer de la zizannie parmy le bon
 grain. C'est le diable qui veult tousiours empescher que
 vertu ne prenne accroissement : elle a tousiours de la cō-
 trarieté : mais Dieu tousiours aussi luy ayde. Et tant plus
 que vertu est contrariée, tant plus est elle esleuée & for-
 tifiée. Et vice tant plus a de support d'autant est il esua-
 nouy & aboly, & de soy mesme se destruit, Je dis cela à
 propos de l'Euangile du iourd'huy. Voila Iesus Christ, il a
 prins nostre chair au benoist ventre de la glorieuse vier-
 ge Marie. A grand peine est il né que le diable a suscité
 des inimitiez cōtre luy. Voyla Herode qui tasche & s'e-
 force de destruire cest enfāt Iesus, pource qu'il a ouy par
 les trois Rois qui sont venus adorer nostre Seigneur Ie-
 sus Christ, que le Roy des Rois est né. Il craint qu'il ne
 le chasse & depose de sa Royauté & qu'il se mette en sa
 place. Mais il est de ceux dont dit Dauid : *Trepidauerunt*
timore vbi non erat timor : Sans cause & raison il se trouble
 & tasche à faire mourir nostre Seigneur Iesus Christ. Et
 pour ce faire il a faict tuer vn nōbre infiny de petits en-
 fans innocens. Voyla comme la chair & vice taschent
 d'empescher vertu, & Iesus Christ. Celuy qui auoit esté
 promis pour rendre Dieu propice à l'homme & pour fai-
 re la redemption de nature humaine, incontinent qu'il
 est né, Herode delibere à le tuer : comme dit l'Euan-
 gile. Nostre Seigneur voyant la deliberation d'Hero-

*A peine no-
 stre Seigneur
 estoit né, que
 le diable a
 suscité enne-
 mis cōtre luy.
 Psal. 13.*

Des saints Innocens.

*Herode fin
renard.*

Matth. 2.

Matth. 2.

*Il y en a qui
sous couleur
de vouloir ai
der à leur pro
chain ils le
trahissent.*

des apres que ces Rois furent passez par Ierusalem & auoient dit qu'ils estoient venus pour adorer le Roy des Iuifs & s'estoiēt enquis du lieu de sa natiuité: il les dirige & leur fait la grace de paruenir iusques au lieu de sa natiuité, & les deliure de la main d'Herode qui comme fin renard feignoit de vouloir adorer nostreSeigneur Iesus Christ: mais son intention estoit de le faire mourir, comme il a biē monstré puis apres. Aussi est il damné & a esté frustré d'accōplir son mauuais vouloir qu'il auoit, tant contre nostreSeigneur que cōtre ces trois Rois. Car nostre Seigneur les a aduertis par son ange de ne retourner à Herodes: & luy a esté mené en Egypte. *Et responso accepto in somnis ne redirent ad Herodem, per aliam viam reuersi sunt in regionem suam.* Herode voyant qu'il estoit deceu, & que les Rois ne retournoient point à luy, il fut fort courroucé. Et alors delibera de faire tuer tous les petits enfans qui estoient en Bethleem, & à l'enuiron de l'age de deux ans & au dessoubs. Dieu cognoissant la deliberatiō d'Herode il enuoye son ange à S. Ioseph luy dire qu'il prēne l'enfant & sa mere & qu'il fuye en Egypte: car Herode a deliberé de tuer l'enfant: *Futurū est enim ut Herodes querat puerum ad perdendū eum.* Il y a des gens bien meschans, ils pensent comme ils viēdront à leur intention & commēt pourront couvrir leur meschanceté: sous couleur de verité ils courent leur mensonge: & Il y en a qui sous couleur d'aider à leur prochain ils le trahiront, cō sous couleur me veult faire Herode. Il tiēt secret en son cueur de tuer Iesus Christ feignāt le vouloir adorer & luy seruir. Mais d'autre costé, nostre Seigneur pense pour soy & pour les siens. Le gardien qu'auoit donné Dieu pour son enfant, & pour sa mere c'est Ioseph qui en a eu le soing. Ne luy ny la glorieuse vierge Marie ne sçauent la deliberation & entreprinse d'Herode: Ils n'y pensent point. S Ioseph dormoit quand l'ange s'est apparu à luy, & luy a déclaré la trahison d'Herode: car le meschant tient son cueur secret. Dieu cognoist toute la trahison. Il enuoye son ange à saint Ioseph, & personne ne sçauoit ceste trahison qu'Herode, car il la tenoit en son cueur. Vous auez la figure de cela au liure des Rois comme lon sçauoit tout

ce qui estoit au conseil estroit du Roy de Syrie, par ce que le prophete Elisée reueloit au roy d'Israel toutes les meschâcetez que machinoit le Roy de Syrie contre luy. Ainsi Herode deliberé en son cueur de tuer Iesus Christ. Mais Dieu qui a soing de son enfant, il enuoye son ange à saint Ioseph à l'heure de minuiet, qu'il n'y pensoit pas, & luy reuele & declare le secret & meschante entreprinse d'Herode contre Iesus Christ. Saint Iehan en l'Apocalypse a veu vn grand signe au ciel, vne femme enuironnée du Soleil, & la Lune sous ses pieds qui estoit enceinte, & crioit desirant d'enfanter. D'autre costé S. Iehan a veu vn grand dragon roussé ayât sept testes & dix cornes qui faisoit le guet quand la femme auroit enfanté pour deuorer son enfant, elle a enfanté vn enfant masse, qui *rexturus erat gentes omnes in virga ferrea: & raptus est filius eius ad Deum, & ad thronum eius, & mulier fugit in solitudinem*. Tout cela est approprié à l'histoire du iourd'huy. Ceste femme enuironnée c'est la vierge Marie qui est toute pleine de Dieu, Du Soleil de iustice, qui est Iesus Christ. *Amicta sole, id est, plena gratia*: car la grace de Dieu a plus esté espendue en elle qu'en toutes creatures. Elle a la Lune sous ses pieds: elle n'a point de varieté, mais tout vice luy est sous le pied, & toute inconstâce. Elle a enfanté vn enfant masse, c'est Iesus Christ, *est filius masculus, id est, fortissimus*, car il estoit fort comme Dieu, ce dit Esaie, *Deus fortis, pater futuri seculi*. C'est le nom de cest enfant qui domine & subiugue tout. *Et rexturus erat gentes in virga ferrea, id est, iustitia inflexibili*. Il fera iustice à vn chacun. Et voyla le dragō qui veult deuorer cest enfant. En l'autre interpretatiō, ceste femme c'est l'Eglise ou vn chacun chrestien qui est pregnant quand il a conceu vn bon propos de bien viure il traueille à le mettre hors & l'executer par euvre. Et de fait cōme la femme qui est pregnant elle traueille biē à mettre hors son enfant, elle aime mieulx toutesfois l'enfanter que de le tenir en soy: aussi au iourd'huy qui a proposé vne bonne maniere de viure il a tant de peine de la mettre dehors & en execution: ses parens l'empeschent au lieu de le conforter & luy aider: l'ame est pregnant,

*La femme
enceinte en
uironnée du
Soleil.*

Apoc. 12.

Apoc. 12.

Des saints Innocens.

elle a vn bon vouloir, elle crie pour enfanter, pour mettre à execution son bon propos : la chair l'empesche, le monde, la commune maniere de faire. Il en y a qui voudroient bien resider sur leurs benefices : mais il pensent, & que dira on ? vous auez la bonne grace d'un chacun. On vous iectera le chat aux iambes. Telles gens sont en travail pour enfanter, & ils ne peuuent pour l'amitié du monde. Ne vaut il pas mieux estre enuemy du monde pour estre amy de Dieu ? Pauvre homme ! laisseras tu à te sauuer pour l'amour du monde ? C'est la femme, *que cruciatur vt pariat*. C'est ce que dit nostre Seigneur Iesus Christ : *Mulier quum parit tristitiam habet, Item, tristitia vestra vertetur in gaudium*. Vous auez oppression de vostre enfant, mais confiez vous, ayez confiance en Dieu : vostre travail sera conuertý en ioye. Mais que signifie ce dragon roufseau, qui faict le guet pour deuorer l'enfant ? C'est le diable qui aucunesfois est appellé lion, *Quia apertè seuit vt leo*. Aucunesfois il viét comme vn serpent en eschauguettes, sous couleur de bien, comme il vint à Eue en forme de serpent. Ce sont les heretiques. Il y en a de semblables au lion, *qui apertè seuiunt* : ils enseignent apertement ce qu'ils sçauent & pensent, les autres viennent comme serpens *ex insidiis*, sous couleur de l'Euangile ils deçoient les simples gens : ils sont pires que les autres. Ce dragon, le diable est grand pour sa puissance, *quia non est potestas in terra quæ valeat ei comparari*. Il est tout roux du sang des humains. La vie consiste au sang. Il demande nostre vie, nostre substance pour la perdre. Il faict le guet pour deuorer l'enfant, quand il sera né, & faire que l'homme prenne vaine gloire en son bon euure, en l'execution de son bon propos, afin qu'il en perde le merite & offense Dieu. *Circuit tanquam leo rugiens, quarens quem deuoret*. Chrestiens, quand vous auez conceu quelque bon propos le diable faict le guet pour le deuorer & empescher. Aucunesfois vne personne se voudra retirer en secret : & si le diable peult il le menera en compagnie. Il le destournera s'il peult & le fera oublier ce bon propos : car toute l'intention du diable c'est de nous faire perdre la memoire de nostre Seigneur Iesus Christ. Quand

*Il fault estre
amy de Dieu
& non du
monde.*

Ioan. 16.

1. Pet. 5.

quelqu'un a oublié nostre Seigneur Iesus Christ, c'est fait : il n'y a plus d'esperoir. L'intention de Dieu c'est de nous faire auoir souuenance de luy, de nostre salut, & l'intentiō du diable, c'est de faire oublier Dieu, & estaindre Iesus Christ qui est nostre salut, de nostre memoire, & n'auoir autre memoire q̄ du mōde. C'est aussi ceste femme paillarda qui a veu S. Ieā en l'Apocalypse, laquelle est accoustree de pourpre ayāt vne coupe d'or en sa main. Ses vestemens ainsi precieux de doreures, de pierres precieuses signifiēt le mōde qui porte tout ce qu'il a, il est seulement beau par dehors. Au cōtraire toute la gloire des seruiteurs de Dieu est au dedās : *Omni gloria filia regis ab intus* : mais toute la gloire du mōde est par dehors, & Dieu mercy & leurs belles robbes on les saluē, on les honore. Ceste femme paillarda a vne coupe d'or en sa main, & donne à boire à vn chacun. Ce qu'elle dōne à boire c'est l'obliuion de Dieu, comme dit Rupert, car qui boit en la coupe du monde, il apprēd à renōcer Dieu & à donner son ame au diable. C'est le dragō, le diable qui veut desrober & faire oublier la memoire de Dieu, mais il n'y fera rien. Ce dragō a sept testes, cōme dit Rupert, ce sōt les sept royaumes qui tousiours sont contraires à Iesus Christ & leueulēt abatre. La premiere teste, c'est le royaume d'Egypte ou a regné Pharaο, leq̄l auoit cōmādē aux sages femmes, *obstetricibus*, que s'il aduenoit q̄ les femmes des Hebreux eussent des enfans masles qu'elles les iectassent au fleue, car il vouloit diminuer le peuple de Dieu. Voila cōme le diable veut destruire le peuple, duquel le Messias deuoit pceder. Mais il n'a pas gaignē, car Moyses a esté sauuē qui fut le cōducteur du peuple d'Israēl, & passerēt la mer rouge. Ce Pharaο represente les meschās du iourd'buy. Vous voyez cōme le peuple de Dieu se diminue & les religions pertubées : on chasse les religieux. Les protenotaires qui ont deux ou trois abbayes, ces manieres de gēs là sōt vrayes testes du diable, lequel fist iecter les enfans masles au fleue pour diminuer le peuple de Dieu. Et vouloir auoir plusieurs benefices, n'est-ce pas diminuer le nōbre des ministres de Dieu ? Vn en tiēdra pour dix mille frācs : & deux cens viuroiēt bien opulēment de

*c'est fait
que de l'hō-
me quand il
a du tout ou-
blié Iesus
Christ.*

Psal. 44.

*Qui boit en
la coupe du
monde il ap-
prend à re-
nōcer Dieu.*

*Le diable ne
tasche qu'à
diminuer le
peuple de
Dieu.*

Des S. Innocens.

ce qu'un tient au service de Dieu. N'est ce pas diminuer l'ordre des ministres de Dieu? Si vous dites que vous auez dispense. Sainct Bernard, *in lib. de consider. ad Eugenium papam*, dit deux causes requises pour auoir dispense: *Vrgens necessitas & euidentis utilitas*. Regardez si vous auez ces causes là. Quelle vtilité faictes vo^s? Il y aura vne maison vne religion bien reformée, mais depuis q^u tu y es entré, tout y est desfreiglé, tout y entre qui veult il n'y a vrgēte necessité ny euidente vtilité en ta dispense, parquoy tu puisses estre excusé que tu n'aïlles à tous les diables si tu ne faicts penitēce. Le second royaume signifié par la seconde telle du dragon ce fut le royaume d'Israël, quand la royne Iezabel persuada de laisser le seruice de Dieu, & de prendre vn idole. Elle persecuta les Iuifs, & par son moyen le bō Nabot fut lapidé. Ce fūt elle qui fist enfuir le bon Elie prophete, lequel se cōplaignoit à Dieu, disant:

2. Reg. 19. *Domine prophetas tuos occiderunt & altaria tua suffoderunt, & ego relictus sum solus & quarunt animā meam.* Seigneur Dieu que voulez vous dire: voila les meschans qui iniquement entrent en vostre eglise & qui prophanent vostre sanctuaire. Je suis demeuré tout seul & si me cherche on à me tuer. C'estoit Iezabel, laquelle fut iectée des fenestres d'enhault, & mourut meschāmēt à tous les diables. Le troisieme royaume & la troisieme teste du diable, c'est le roy de Babylone Nabuchodonozor, qui se faisoit adorer comme Dieu: & ordonna quiconque n'adoreroit sa statuë, qu'il seroit mis en la fournaïse ardente, & y fist mettre trois enfans qui ne la voulurēt point adorer, leur disant: & qui est le Dieu qui vo^s pourra deliurer de ma main? Mais neantmoins en voulant empescher & destruire l'hōneur de Dieu, il a esté plus seruy & honoré.

**La mort de
la meschante
royne Iezabel.**

Car quād le Roy appercent les trois enfans n'estre point bruslez ny peris en la fournaïse, mais iceux estāslà à prier Dieu & le louer, il les fist sortir, disant: *Egredimini serui Dei*, & cōmanda qu'on n'adorast autre Dieu que le Dieu de Sidrac, Misaac & Abdenago. La quatrieme teste du dragon c'est le Roy des Peres & des Medes, du tēps du Roy Assuerus, il y auoit Aman qui auoit faict esleuer vn gibbet pour faire pēdre Mardochée. Aussi il auoit obte-

nu lettres du Roy que tous les Iuifs fûsset tuez & leur lignée & generatiō destruiete. Et en ce faisant c'estoit donner empeschement à la venuë du Messias qui deuoit venir des Iuifs, & en descēdre, comme il a faict sans qu'on l'ait sceu empeschier. Et par le vouloir de Dieu il est aduenue tout le cōtraire de ce qu'Aman pēsoit faire. Car il a esté pendu au lieu de Mardochee, & les enfans d'Israël deliurez. La cinquiesme teste du dragō c'est le Roy des Macedoniens qui vouloit contraindre les enfans d'Israël de laisser leurs traditiōs & prophana le temple de Dieu. La sixiesme teste c'est le royaume des Romains, comme de Neron & Traiā Empereurs, & aujourd'huy Herode qui a voulu tuer & occire cest enfant Iesus. La septiesme teste du dragon c'est le royaume de l'Antechrist qui n'est pas encores venu, & il y aura telle persecution & tribulatiō qu'il n'y en a point eu, ne sera de si grāde. Elle sera si grāde que si ce n'estoit la grace de Dieu les esleus seroient deceus, *Sed propter electos breuiabuntur dies illi.* L'antechrist ne regnera q̄ trois ans & demy pour les esleus. Son tēps sera abbrevié cōme dit S. Matthieu. Voyez vo⁹ q̄ ce dragon, le diable, a tousiours taché à deuorer Iesus Christ & la memoire de la loy de Dieu? Mais tandis qu'il en sera memoire il y aura tousiours esperance de salut, cōme dit Dauid: *Nisi quòd lex tua meditatio mea est, tūc fortē perissem in humilitate mea.* Il m'eust esté impossible de soustenir tāt de tribulatiōs, & y fusse pery sās la memoire de Dieu que j'ay eue. Et le diable tache à nous faire perdre ceste memoire de Dieu, de Iesus Christ. On commence dēz ce monde à faire son enfer quand on n'a point la memoire de Dieu, de Iesus Christ, car les damnez ne veulēt point ouïr parler de Dieu. Nous sommes ainsi aujourd'huy. Car si quelqu'un veult parler de Dieu, il est reputé vn mutin, il est moqué & estimé vn meschāt, vn mēteur. Vn flateur sera biē venu, mais quād vn hōme de bien est en vne maison & qu'il parle de Dieu, on dit, & d'ou viēt cestui-cy? C'est la cōdition des damnez & diables d'enfer de ne vouloir point ouïr parler de Dieu. C'est orgueil qui les meine. Je seray bien aise qu'on me flate, & qu'on me die, monsieur, vous dites bien. Telles gens commencent leur

Aman pendu au lieu de Mardochee.

Matth. 24.

Psal. 113.

Celuy qui soustient Dieu est moqué, & vn meschant est jousteu & biē voulu.

Des S. Innocens.

Psal. 113.

enfer en ce monde: ils cōmencent à prendre la cōdition du diable & des dānez. Dit bien le Psalmiste. *Non mortui laudabunt te domine: neque omnes qui descendūt in infernum.* En l'Hebreu il y a, *Neque qui descendunt in silentium.* Car en enfer il y a silēce de Dieu: on ne le louē point. Aussi en ce monde ce n'est pas parler de Dieu en ayant les images & peintures vilaines & de gens infideles, cōme d'un Cesar, d'un Hercules & autres medales. Si vo^s voulez mettre l'image de nostre Seigneur, de la vierge Marie ou de quelques saincts, cela vo^s prouffitera plus q̄ d'auoir de vilaines images qui sōt pour vous faire oublier la memoire de Dieu, & faire un silēce de la louāge de Dieu. Or cest Herode icy par la suggestiō du diable veult destruire ce petit enfant Iesus. Mais Dieu enuoye son Ange à S. Ioseph pour l'aduertir: *Surge, accipe puerum & matrē eius, & fuge in Aegyptū.* Voila de terribles paroles. Mais regardez quelle tētatiō pour S. Ioseph. Au cōmēcemēt il fut troublé de veoir la vierge Marie enceinte. Dieu luy enuoya dire par son ange qu'il n'eust point à craindre de prédre la vierge Marie pour son espouse, il fut cōsolé. Maintēāt voila l'enfant qui est nay. Et à grād peine est il nay qu'on

Matth. 2.

tache à le faire mourir. Si S. Ioseph n'eust bien esté constant & iuste, c'eust bien esté pour l'estonner. Il eust peu pēser en soy-mesme, si c'est icy le fils de Dieu, le Roy des Rois, & pourquoy s'enfuit-il: ne se peult-il pas biē garder qu'Herode ne luy puisse mal faire? Il ne perd point la foy de nostre Seigneur pour-ce qu'il s'en fault fuir. L'Ange luy dit, *Fuge.* Et ou m'en fuyray-ie? *In Aegyptum.* Il a faict ce que luy a dit l'Ange: il a prins l'enfant, & la mere, & s'en sont fuis en Egypte. Il y auoit grād chemin: avec cela le temps n'estoit pas opportun: car c'estoit un temps d'hyuer à l'heure de minuiēt. L'Ange encores ne luy dit pas combiē de temps il seroit en Egypte, mais seulement iusques à tant qu'il luy reuiēdroit redire: *Et esto ibi vsque dum dicam tibi: futurū est enim vt Herodes querat puerum ad*

*Tentation
grande pour
S. Ioseph.*

Matth. 2.

perdendum eum. Notez icy selō S. Chryso. (& aussi tout ce qui est escrit est pour nostre doctrine) qu'en tribulation il ne se fault point troubler, mais esperer en la promesse de Dieu. Voila S. Ioseph auquel l'ange auoit dit que cest

*En tribula-
tion il ne se
fault point
troubler.*

enfant estoit fils de Dieu : & maintenât il luy dit qu'il le prenne & s'enfuie en Egypte : & neâtmoins il n'est point pour cela scandalizé, pësant, cōment sauvera il les autres qui ne se peult sauuer, & fault qu'il s'enfuie ? C'est pour nous enseigner qu'il fault tousiours esperer en Dieu en noz tribulations & necessitez. Combien qu'aucunesfois les choses viēēt au cōtraire, ne vous en troublez point.

esperez. D'auantage dit S. Chryso. *Tribulatio semper est sociata virtutum*. Les grandes tribulations sont compagnes des grandes vertus. Tous les gens de bien & vertueux en ont tousiours plus que les autres. Et pource c'est bon signe que d'auoir de la tribulation : il ne s'en fault point troubler : car c'est signe que vous n'estes pas encores des-
S. Chryso.
Les grandes tribulations sont compagnes des grādes vertus.

uoyé, mais au chemin à la voye de paradis. Puis que vous estes en tribulation, loué soit Dieu. Mais si vous n'avez point de tribulation, il fault craindre que Dieu ne vous ait delaisé : car la voye de paradis c'est tribulation. Dites donc à Dieu : Seigneur Dieu ie vous remercie. Il ne fault perdre esperāce, mais plustost esperer en nostre Seigneur.

Ie craindrois beaucoup si ie n'auois de la tribulation : car saint Paul dit : *Omnes qui piè volunt viuere in Christo Iesu persecutionem patiuntur*. Vertu est plus illustre & cognēē en tentation & tribulation qu'en prosperité. C'est vne
2. Tim. 2.

grace de Dieu que d'auoir de la tribulation. Il fault prier Dieu qu'il en enuoye à ceux qui sont aucuglez des biens de ce monde, afin qu'ils se recognoissent & viēnent à resipiscence. Et pource Dauid dit à Dieu en le priant : *Imple facies eorum ignominia : & querent nomen tuum domine*.

Il fault desirer en charité que Dieu leur enuoye de la pauvreté & misere, afin qu'ils se recognoissent. Ils sont en danger d'auoir la bonne grace du prince : il fault prier qu'ils en soient chassés & deboutez, mis en prison, afin qu'ils ayent occasion de recognoistre Dieu le createur.

Vexatio enim dat intellectū. Le tourmēt & ignominie leur feroit chercher Dieu. Doncques la tribulation ne nous doit point estonner, mais plus nous faire esperer en no-

stre Seigneur, à l'exemple de saint Ioseph auquel l'Ange s'apparut : car il auoit la charge de l'efant : c'estoit son protecteur & defenseur, & son gardien : il le substentoit

Psal. 82.

En charité on peult desirer que tribulation aduienne à vñ meschāt, afin qu'il se recognoisse.

Esa. 28.

Des S. Innocens.

& nourrissoit. Je pense qu'il le portoit par le chemin en vne botte, cōme on peult veoir des gens qui en portent. On dit qu'ils auoyent vn asne. L'euangile n'en dit rien, sinon qu'ils partent de nuict pour aller en Egypte: *Qui consurgens accepit puerū & matrem eius nocte.* En cela vous voyez la saincteté de Ioseph, lequel est digne du colloque des anges. Il est grād amy de Dieu. L'ange luy dit, *Fuge*: Fuy t'en. S. Chryl. dit. Pourquoi nostre Seigneur a il tant craint Herode qu'il s'en est fuy, sinō pour nous mōstrer qu'il estoit vray homme en vsant des moyens humains? autrement on n'eust point cogneu le sacrement de l'incarnation. Aussi pour nostre exemple, car si quelqu'un persecute l'autre qui peut bien euader, il doibt fuir autre part pour euitier la fureur de son ennemy, comme a fait nostre Seigneur & les Apostres. Il y a deux manieres de persecution. L'une est personnelle, comme quand on ne cherche que moy, on ne m'aura pas si ie puis. Voyla vn curé on ne cherche que luy, non pas en la qualité de curé, mais on n'en veut qu'à la personne: alors Dieu cōseille qu'on eschappe si on peut. Il y a vne autre persecution ou il ne fault point fuir: comme si la persecution n'est pas à moy, mais au peuple. Je suis Euesque, Curé, s'ils me veulent persecuter pour la querelle de Dieu & protection de la foy, ie doibs plustost mourir que de m'enfuir: car c'est vne persecution generale & publique. Il se fault offrir comme nostre seigneur Iesuchrist, & les Apostres. C'est merueilles que nostre Seigneur est chassé des siens, de ceux de son pays. Sainct Chrysostome dit, que Dieu a voulu mettre le fondement de la foy en Egypte, par ce qu'il y est allé. L'ange admoneste monsieur saint Ioseph de s'en retourner en Egypte, afin que la prophetie d'Osée fust accomplie: *Ex Aegypto vocaui filium meum.* Nostre seigneur Iesuchrist a voulu aller en Egypte, de laquelle il a esté rappelé de Dieu son pere. Ceste prophetie auoit esté figurée par les enfans d'Israel qui auoyent esté environ quarante ans en Egypte: puis passerent la mer rouge pour aller au desert, ou ils furent quarante ans auant que d'aller en la terre de Chanaam. *Israel erat primogenitus Dei.* En eux fut

Matth. 2.

S. Chrysof.

Il fault eua-
der pour eui-
ter la fureur
de son enne-
my.

Enquelle in-
stance c'est
qu'un pa-
steur doibt
fuir.

Dieu a vou-
lu mettre le
fondement
de la foy en
Egypte.

Matth. 2.

Exod. 4.

la figure de nostre seigneur Iesuchrist, duquel dit le prophete. *Ex Aegypto vocaui filium meum.* Car il deuoit retourner d'Egypte. Autrement dit Rupert que Hierusalem estoit Egypte & Sodome, non pas realemēt mais spirituellement entendue, car tels maux s'y faisoient qu'en Sodome. Et qu'il soit ainsi il y a en l'Apocalypse d'Elie & Enoch : *Quod corpora eorū iacebunt in plateis ciuitatis magna que vocatur spiritualiter Sodoma & Aegyptius ubi & dominus eorum crucifixus est.* Et voila cōment nostre seigneur a esté appelé d'Egypte. i. de Hierusalem laquelle pour pechez estoit vne Sodome & Egypte. *Ex Aegypto vocaui filium meum.* Nous sommes aussi enfans de Dieu. D'ou nous a il appelez ? *De tenebris, à regno tenebrarum.* Nous ne cognoissons point la verité : & nostre seigneur nous a tirez & deliurez de ces tenebres, de peché originel par le saint sacrement de baptesme & fondé & prenant son efficace au merite de la mort & passion de nostre seigneur Iesuschrist. Saint Ioseph est allé en Egypte, & n'en est point retourné iusques à tant que l'Ange luy ayt dit. Aussi ne demandez point estre ostez de tribulation tandis que vous y estes. Saint Bernard dit que les Iuifs disoyent de nostre seigneur estant en croix en se moquant de luy, *Si filius Dei est, descēdat nunc de cruce & credimus ei.* Et comblen qu'il fust fils de Dieu il n'est point descendu de la croix, iusques à ce que Nicodeme & Ioseph d'Arimathie l'en ayent osté. Aussi ne demandez point estre mis hors de tribulation, iusques à ce que nostre seigneur qui vous y a mis vous en deliure. Il ne fault point descendre de nostre croix qui est penitence, tribulation iusques à tant que Dieu nous en oste. *Tunc Herodes videns quod illusus esset à magis, iratus est valde. Et mittēs occidit omnes pueros qui erant in Bethleem & in omnibus finibus eius à bimatu & infra secundum tempus quod exquisierat à magis.* Herode voyāt qu'il estoit trompé des Rois pource qu'ils ne reue-noyent point à luy (combien que ce ne fust pas leur intē-tion de le tromper & se moquer de luy, car ils y alloient à la bonne foy) nonobstāt Herode en fut fort courroucé : & par despit il commanda d'aller tuer tous les petits enfans qui estoient en Bethleem, & à l'environ de l'aage de

Matth. 2.

Apo. II.

Hierusalē à cause des pechez là commis estoit vne Sodome & Egypte.

Bernardus.

Mar. 5.

Matt. 2.

Des S. Innocens.

Matth 2.

deux ans & au deffoubs . Alors fut accöplie la prophetie de Ieremie qui dit: *Vox in rama. i. in excelsis audita est, ploratus & ululatus multus* . Voyla vne merueilleuse cruauté d'Herode qui ne fut iamais ouye , de laquelle Macrobe *in Saturnalibus* dit, que quäd l'Empereur Cesar ouyt parler de ceste tuerie, il dist: L'aymerois mieux estre le pourceau d'Herode que d'estre son fils. Car il fist tuer son fils & ne luy pardöna point. Son intétion estoit de tuer tous les petits enfans de l'aage dessusdit , afin d'en perdre & faire tuer vn, c'estoit Iesus Christ. Mais vous direz, nostre

Nostre seigneur ne fut cause de la mort des petits innocens, mais la malice d'Herode.

seigneur eust bien empesché la mort de tant de petits enfans. Sainct Iean Chrysostome dit que nostre seigneur n'est pas cause de la mort de tant de petits enfans : mais c'est la malice & cruauté d'Herodes : & allegue de saint Pierre qui estoit quelque-fois en prison bien enfermé, & l'ange de Dieu l'en deliura sans faire aucune ouuerture. Herode demanda qu'il estoit deuenü & s'en print aux gardes & les fist tuer & mettre à mort . Sainct Pierre estoit il cause? Nenny. Si tout eust esté ouuert, cela eust esté imputé à leur negligence: mais tout estoit bien clos. Pour monstrier que ce n'estoit par la vertu des hommes, mais de Dieu que cela auoit esté fait . Aussi fault ainsi dire de la mort de ces petits enfans que nostre seigneur n'en a pas esté cause, mais la malice d'Herode . Et dit l'Epistre qu'il y en auoit le nombre de cent quarâtequatre mille . Il n'en est rien dit en l'Euangile , mais seulement qu'Herode a fait tuer tous les petits enfans de Bethleem & des lieux circonuoisins estans de l'aage de deux ans & au deffoubs, mais ils sont bien heureux. Considerer quel outrage les bourreaux faisoient à ces petits enfans. Et Herode contre son intention ne leur eust sceu

Trois choses à noter.

faire plus de prouffit que de les faire mourir: car ils ont esté martyrs pour nostre seigneur Iesuchrist . Il fault icy noter trois choses selon saint Bernard, cöme Dieu ayde aux hommes. *Primò* , aucuns plaisent & sont agreables à Dieu de volönté & d'euvre , comme saint Estienne. Il en y a d'autres , qui plaisent à Dieu de volönté, & non pas d'euvre , qui sont signifiez par saint Iean Euangeliste, qui s'est offert pour Dieu au martyre , mais il n'y est

pas mort que de volonté & si a autant de merite deuant Dieu que saint Estienne qui est martyr de volonté & d'eure: car si Dieu ne l'eust preserué au tourment, il fust mort. Aussi il en y a qui sont en bonne volonté de bien faire, mais ils ne peuuent par eure mettre en execution leur bon vouloir. Comme moy qui suis malade, ie voudrois volontiers & de bon cueur, par bonne affection & deuotion receuoir le precieux corps de nostre seigneur: mais ie ne puis. Si ie meurs en ceste volôté là, i'ay autant de merite, comme si ie l'eusse receu. C'est ce que dit S. Paul. *Si enim voluntas prompta est secundum id quod habet,* *La volonté est agreable à Dieu* &c. Je voudrois bien donner aux pauures mais ie n'ay si le pouuoir pas de quoy: ou aller visiter les prisonniers, mais ie n'ay n'y est. pas le moyen pour y entrer: cela est aussi agreable à Dieu, cōme si ie faisois l'eure: C'est vne volôté efficace laquelle sortiroit son effect si i'auois le temps. Je veux aller à la messe, à confesse, receuoir le precieux corps de Iesuchrist: mais on m'empesche: autant me vault comme si i'y auois esté: car il ne tient pas à moy. Il en y a d'autres qui ont l'eure, mais ils n'ont pas de volonté, cōme sont les petits innocens qui sont morts pour nostre seigneur & n'auoyent pas v'sage de raison. Neantmoins leur mort est reputée pour martyre comme celle de saint Estienne. Et tout ainsi que les petits enfans sont baptisez, & le baptesme leur vault sans leur volonté: aussi le martyre de ces petits enfans innocens leur est reputé comme s'ils auoyent eu la volôté. Saint Cyprian dit: *Quod in ordine sanctorum prothomartyres primum habent locum.* Ce sont les premiers martyrs pour nostre seigneur qui ont souffert auât sa mort & passio. Et en l'ordre des saints, les saints Innocens ont le premier lieu: *Et propinquitatis familiaritate semper assistunt Deo cum Christo.* C'est ce qui est dit en l'Epistre: *Hi enim sequuntur agnum. i. Christū, quocūque ierit.* Car nostre seigneur ayme les petits enfans, comme il dit. *Sinite paruulos venire ad me, talium enim est regnū celorū.* Il les prenoit & mettoit la main sur leur teste, disant que à eux appartient le royaume des cieux. Et pource les innocens sont ceux qui entre les saints obtiennent le premier lieu. Encores dit saint Cyprian, *Quod ipsi la-*

Cyprianus.

Nostre seigneur ayme les petits enfans.

Des S. Innocens.

boribus nostris diuinam exorant clementiam. Voyla vn passage expres que les saincts de paradis priēt Dieu pour nous, apres il dit : *Hi à cunabulis in celū trāslati superni Capitoli, facti sunt seniores & indices.* Ils ont esté translatez transferez du berceau en paradis: Et nostre seigneur les a instituez iuges & senateurs du Capitole diuin. de paradis. *Itē diuinorum sunt secretorum conscy,* ils sont les grands secretaires de Dieu. *Assistunt miserationibus & ultionibus dei:* ils assistent à la grace & à la punition que Dieu fait. Outre dit sainct Cyprian : *Nō minus sanguis eorum est efficax quā aqua verbis solennibus sanctificata.* Le sang respendu pour nostre seigneur n'est pas de moindre efficace que l'eau qui est sanctifiée par la parole de Dieu, de laquelle l'ame est purgée au sainct sacrement de baptesme. Et disent les theologiens, que le martyre est de mesme efficace & vertu que le baptesme. Car il remet le peché quant à la coulpe, & quant à la peine. Si vn martyr mouroit sans auoir entieremēt satisfait pour ses pechez, par la vertu du martyre aussi bien que du baptesme il iroit tout droit en paradis. Voyla vn Turc, il veut estre baptisé & on l'empesche, on le tue, sa mort a autant d'efficace que le baptesme. Car le martyre absout & laue le peché de peine & de coulpe Et pource l'Eglise tient que les petits enfans innocēs sont au nōbre des martyrs: car ce sont les premiers qui ont soustenu l'honneur de Iesuchrist. Et par cela l'euvre sans la volōré leur a valu. Voila vn enfant qu'on porte baptiser si quelqu'un le tuoit en despit du baptesme, l'enfant seroit martyr comme les saincts Innocens & auroit autāt de merite que s'il mouroit pour nostre seigneur. Car la mort luy seroit infligée en despit de la loy euangelique. Aucuns docteurs disent que nostre seigneur a aduancé aux petits enfans innocens l'vsage de raison, & qu'ils cogneurēt biē qu'ils mouroyēt pour nostre seigneur Iesuchrist: comme il a aduancé & acceleré l'vsage de raison à sainct Iean Baptiste au ventre de sa mere. Aussi est il a croire que nostre seigneur par sa speciale grace il a fait ce bien à ces innocēs: *Quod accelerauerit eis usum rationis,* & qu'ils auoyent la volōté d'accepter la mort pour nostre seigneur. Et quand ainsi ne seroit, si est-ce selon S.

Bernard

Cyprianus.

Le martyre
est de mesme
efficace que
le baptesme.

Bernard que l'euure vault en eux la volonté : car par despit de nostre Seigneur Iesus Christ on les fait mourir. C'est merueilles que tant de petits Innocens sont bienheureux, mesmes le fils d'Herode, pour auoir enduré la mort pour nostre Seigneur I E S V S C H R I S T. Ce sont les fleurs de chrestienté qui ont porté tel exemple. Il fault inuoyer leur aide : car ils sont pres de nostre Seigneur Iesuchrist. Et aussi les fault il imiter, en endurât pour luy & son saint nom. C'est vn grand honneur que d'endurer pour Dieu. Herode a bien eu son payement. Ce meschant hōme là a bien eu de la peine pour accomplir son mauuais vouloir : & sans grande peine Dieu met fin au mal. A ce propos Eusebe recite que les heretiques machinerent contre saint Athanase, & dirent en plain concile qu'il auoit suborné vne femme, & auoit eu vn enfant d'elle. Et saint Athanase dist à son seruiteur, il fault que tu entres le premier au concile, & ie te serviray de clerc. Et en entrant la femme qui estoit là dist du seruiteur que c'estoit luy qui l'auoit subornée & gastée, & luy imputa. Alors on cogneut bien leur malice, & elle fut toute confuse. Il est encore recité de saint Athanase, qu'il auoit vn mauuais seruiteur qu'il chassa hors de sa maison. Et les aduersaires de saint Athanase prindrent le bras d'un homme mort, & dirent que saint Athanase l'auoit coupé à son seruiteur : & c'est faire contre ce que dit monsieur saint Paul. *Oportet episcopum irreprehensibilem esse, nō percussorem, &c.* Ce seruiteur fut aduertty de se trouuer avecques saint Athanase, qui se deuoit purger. Quand il fut appelé & qu'on luy imposa d'auoir coupé le bras de son seruiteur : alors ce seruiteur vint à mōstrer ses deux bras. S'il en eust deu auoir trois ils eussent gagné. Et ainsi les aduersaires furent conuaincuz & confuz. Car Dieu ne fait que souffler, & il met à neant toute l'entreprinse des meschans : comme d'Herode qui fut trompé de son intention. Et pource, chrestiens, tenez tousiours bon, esperez en Dieu, & ie veux estre damné, s'il ne vous aide : car c'est sa parole, & l'a ainsi promis. Dieu enuoya vne maladie à Herode. Il auoit des vers en son corps, & estoit si puant qu'on ne pouuoit durer auptes de luy. C'estoit

*Commēt les
heretiques fu
rent cōfuz de
ce qu'ils im
putoyēt à S.
Athanase.*

Des S. Innocens.

en punition de son mal & peché : mais il ne s'en amenda point. Il sçauoit biē qu'ō ne pleureroit point de sa mort, mais plustost qe'on s'en resiouiroit . Parquoy il fist mettre à mort des plus grands de son Royaume , afin qu'on n'eust occasiō de pleurer leur mort , & qu'on pensast que ce fust pour l'amour de luy qu'on pleuroit & faisoit le dueil. Or bien, apres auoir faiēt des siennes, il est damné, & endure eternellement pour ses demerites & commence desia son enfer en ce monde par la punition que Dieu luy enuoye . Mais comme dit monsieur S. Iean Chrysostome quand on endure d'vn autre iniustemēt, cela vault pour la remission des pechez, pour l'augmētation de grace, & de gloire: *Quod iniuste ab alio quis patitur, aut amplioris mercedis retribuiōe , aut peccatorum purgatione Deus cōpensat .* Et ainsi fut accomplie la prophetie de Ieremie, *Vox in rama audita est , ploratus & ululatus multus , &c.* Monsieur saint Hierome dit: Tout ainsi qu'homicide, oppression des pauvres , le peché contre nature, la retention du salaire des seruiteurs , ce sont des pechez qui crient vengeance deuāt Dieu: aussi l'effusion du sang des petits Innocens crie vengeance contre Herode. Et monsieur saint Iean en l'Apocalypse dit . *Vidi subtus altare animas intersectorum propter verbum Dei , dicentes vsquequo*

Domine sanctus & verus non iudicas, & non vindicas sanguinem nostrum de his qui habitant in terra?

Nous prierons Dieu nous donner sa
grace en ce monde, & finalement la vie eternelle.

Ad quam nos perducatur

qui sine fine viuunt

& regnat.

Amen.

Endurer patiēment pour
Iesus Christ
vaut, ou pour
la remission
des pechez
ou pour aug-
mentation
de gloire.
Matth. 2
Apo. 6.

Pour le dimenche dedans les
octaues de Noel.

Quanto tempore heres paruulus est, nihil differt à seruo, Galat. 4.
cum sit Dominus omnium, &c. S. Paul en l'Epistre
 du iourd'huy nous mōstre la grace que nous a-
 uons receüe de Dieu. *Quanto tempore heres paruulus, &c.*
 L'enfant en vne maison n'est point different d'un serui-
 teur. Quand il est sous aage, il est regi & gouuerné par
 tuteurs & curateurs: Il n'a pas le gouuernemēt de son biē,
 car il est mineur. En cela il ne differe point du serui-
 teur, il est heritier, mais il ne iouit pas de son bien, il ne l'a pas
 en gouuernemēt, mais il a des tuteurs & curateurs, pour
 vn tēps. iusques à tant qu'il ayt aage de vingtcinq ans: &
 apres, il est mis hors de tutelle. Mais ce pendant qu'il est
 mineur, il est comme vn seruiteur en la maison: il le fault
 conduire. *Ita & nos cum essemus paruuli, sub elementis mūdi Galat. 4.*
huius eramus seruientes. Sainct Paul veult comparer l'estat
 & la condition de la loy ancienne à la loy Euangelique.
 Il veult monstrier que l'estat & la condition de l'ancien-
 ne loy estoit imparfaicte, durant laquelle les hommes es-
 toient plus en seruitude, & de court tenuz, que ne sont
 les petits enfans. Combien que l'enfant mineur soit he-
 ritier, il n'a pas pourtant son bien & patrimoine en gou-
 uernement: mais il est sous tuteurs & curateurs. Il est
 tenu de court, & se garde de mal faire pour la verge. *En la loy*
 si du temps de la loy ancienne, ils estoient comme en *ancienne ils*
 seruitude & tenuz de court, & s'abstenoyent de mal fai- *s'abstenoient*
 re plus par craincte, que par amour. En la loy Euangeli- *de mal faire*
 que nous sommes deliurez de ceste seruitude, Nous ne *plus par*
 sommes plus seruiteurs, mais vrais enfans adoptifs de *crainte que*
 Dieu. La loy de Moysse estoit imparfaicte, n'ayant pas ef- *par amour.*
 ficace d'effacer le peché de l'hōme, elle ne pouuoit me-
 ner l'homme à la vie eternelle, & n'estoit efficace pour
 aller à Dieu, & y trouuer accez: ce n'estoit que figure.
 En la loy Euangelique, nous auons recen l'esprit d'ado-
 ption, & ne sommes point gouvernez par craincte ser-

Dimenche dedans

S. August.

*Il nous fault
obeir à la loy
par amour
& de bon
cœur.*

uile : car nostre conduicte c'est amour , dilection , charité : c'est l'esprit que Dieu transfonde en nostre cœur , par lequel nous faisons en liberté ce que les Iuifs faisoient en craincte le temps passé . Quand on fait quelque chose par craincte de la peine , c'est labeur , mais quand on fait pour l'amour de Dieu & en charité , c'est faire son œuvre en liberté . Sainct Augustin dit , que la difference de la loy de Moyse , & de la loy Euangelique c'est craincte & amour . Car pour la plus grand part ils estoient conduits en la loy ancienne par craincte de la peine . Car la loy estoit tât austere , que si quelqu'un auoit failly . il estoit incontinant mis à mort , apres auoir esté conuaincu par deux ou trois tesmoins . Mais depuis que nostre Seigneur Iesus Christ est venu , & s'est fait homme , il nous veut conduire par amour & charité , & transfonde en nous l'esprit d'amour . Et par ce saint Esprit qu'il transfonde en nous , ce que lon faisoit en l'ancienne loy par craincte & seruitude , nous le faisons à present par amour , & en liberté . Nous sommes subiects d'obeir à la loy , aussi bien qu'eux : mais c'est par amour & de bon cœur : & eux par craincte . Il fault faire & garder par amour , ce que Dieu & nostre mere sainte Eglise nous commandent , & nous ferons la loy sans peine . Amour n'a point de peine : mais quand on crainct , combien que la chose qu'on fait soit facile , on y trouue de la difficulté . Mais quelque difficulté qu'il y ayt , quand nous ferōs par amour en regardant à Dieu , nous n'y trouuerons point de peine , mais toute liberté & assurance . Et saint Paul dit , que les Iuifs estoient tenuz en seruitude & captiuité , car ils estoient conduits par craincte . Mais les Chrestiens sont conduits par l'esprit d'adoption , & de charité . Le petit enfant fait plus par craincte , que par amour , & s'il n'est menacé , il ne veut rien faire , mais quād il est adult & en aage de discretion , il ne luy fault dire , allez à la messe , à confesse , & semblable chose . Il y va de franc vouloir . Quand il est petit , on luy baille vn pedagogue , mais quand il est en aage cōme de vingt cinq ans , il ne luy en fault plus . Auant l'incarnation de nostre Seigneur Iesus Christ ils estoient sous la loy comme l'en-

fant est sous le pedagogue, lequel regulierement il craint plus qu'il ne l'aime. En la loy Euangelique nostre Seigneur Iesuchrist nous deliure de craincte, & nous met en liberte. Et monsieur saint Paul nous declare cela quand il dit. *Quanto tempore haeres paruulus est, nihil differt à seruo, ita & nos, cum essemus paruuli, sub elementis mundi huius eramus seruientes.* Quand nous estions petits nous seruions sous les elemens de ce monde, c'est la loy de Moysse. Ainsi qu'on apprend aux enfans les elements, a, b, c, d, ce sont leurs rudimens: autrement ils ne scauroient assembler les sylabes ne lire: & quand ils scauent bien leurs lettres & assembler, on ne s'arreste plus à leur monstres ces rudimens: aussi les chrestiens quand ils cognoissent bien les elemens, ils les laissent. La loy de Moysse estoit pour monstres nostre Seigneur Iesus christ. *Finis legis Christi.* On apprenoit la loy, pour paruenir à nostre Seigneur Iesus Christ. Et nostre Seignr Iesus Christ est venu: nous n'auons donc plus que faire de la loy. Comme quand l'enfant scait bien lire, il ne s'arreste plus aux lettres & elemens: aussi la loy de Moysse est abrogee: & celuy qui auourd'huy la garderoit se damneroit. C'estoit seulement vne figure, qui a cessé quand nostre Seigneur Iesus Christ (qui est la verité) a esté venu. Moysse cesse quand nostre Seigneur Iesus Christ vient. *Lex per Moysen data est: gratia autem & veritas per Iesum Christum facta est.* Et pource monsieur saint Paul appelle les elemens la loy de Moysse. Et nous y estions enclos quand nous estions petits. L'estat & la condition de l'ancienne loy est semblable à la condition des petits enfans. L'enfant n'est pas arresté ny stable, & n'y a point d'arrest en luy: son iugement n'est pas bien assésuré. La loy de Moysse estoit obscure & n'y auoit point de parfaite cognoissance, car ce n'estoit seulement qu'une figure. En la loy Euangelique nous cognoissons sans figure. En signe dequoy le voile fut rompu en deux parties, en signification que la loy de Moysse cessoit & estoit abrogee, & la verité estoit venue en lumiere & cognoissance. Nous ne voyons pas ce qui est dedans vn coffre, s'il n'est ouuert. On sacrifioit tous les ans vn aigneau: & Moysse & quelques autres scauoyés

*L'enfant
craint plus
regulierement
son pedago-
gue qu'il ne
l'aime.*

Roma. 10.

*Qui garde-
roit mainte-
nant la loy
de Moysse, il
se damneroit.*

Ioan. 1.

Dimenche dedans

bien qu'il signifioit, mais plusieurs ne consideroyent si non que c'estoit vne beste offerte, & nō pas le saint mistere qui estoit caché en ce sacrifice. Mais nostre Seignr a reuelé ce mistere, & que les bestes offertes signifioyent & representoyēt nostre Seigneur Iesus Christ, qui deuoit estre offert & immolé pour noz pechez en l'arbre de la croix. Et rous les iours nous l'offrons à Dieu inuisiblement en la sainte Messe, sous les especes du pain & du vin. En l'ancienne loy Iesus Christ estoit offert en figure, en cachettes, & non pas en verité, comme nous l'offrons auiourd'huy. Car nous auons la vraye verité, & eux seulement la figure: & pource la verité est reuelée qui n'estoit le temps passé que figure: ils estoient comme petits enfans. Et nostre Seigneur nous a deliurez de ceste imperfection, & nous donne parfaicte cognoissance de la verité. La loy de Moysse estoit plus la loy de mort que de grace: & nostre loy est la loy de grace. Le temps de la loy Euangelique est le temps parfait au regard de la loy ancienne. Mais si nous le comparons au temps futur de paradis, il est imparfait. Car auiourd'huy combien que nous ayons plus parfaicte cognoissance que les Iuifs, toutesfois nostre condition, si elle est comparée à la cognoissance des bien-heureux, elle est imparfaicte. Car nostre cognoissance en ce monde est instable. Je cognois maintenant: mais tantost ie ne cognoissois pas, maintenant ie parle bien, & possible que demain ie ne pourray parler. Mais en l'autre monde nous voirrons Dieu, ainsi qu'il est: & maintenant nous le voyons comme en vn mirouer & obscuremēt. Donques ce qui estoit exhibé aux Iuifs en figure, nostre Seigneur le nous exhibe en verité. Et ce qu'ils faisoient par crainte & en peine, nous le faisons par amour & sans peine. Le voile est rompu, & la verité est descouuerte & reuelée. Et pource nostre cognoissance est parfaicte au regard de la cognoissance des Iuifs, mais au regard de la cognoissance des bien-heureux, elle est imparfaicte. Nous en parlons comme petits enfans. Notez qu'en l'escriture le seruiteur c'est celuy qui craint & fait ses eures par crainte de la peine: & l'enfant fait & obeist par amour.

*Ce qui estoit
exhibé aux
Iuifs en figure,
nostre Seigneur
le nous exhibe en verité.*

Nostre Seigneur dit que le seruiteur ne demeure pas tousiours en la maison, il n'est pas heritier: c'est à dire que craincte ne demeure pas tousiours en l'homme. En l'Eglise il y a des enfans, des seruiteurs, & des mercenaires. Le seruiteur est celuy qui obeit par craincte: il ne regarde qu'à la peine, & le bien qu'il fait, c'est de peur d'estre damné. Telle craincte est bonne: mais elle ne suffit pas pour aller en paradis: c'est vne craincte seruile, laquelle quiconques l'a, il est plus captif que libre.

En l'Eglise y a des enfans des seruiteurs, & des mercenaires.

Charité chasse ceste craincte, & fait que l'homme face par amour & en liberté d'esprit ce qu'il faisoit par craincte.

Quoniam charitas foras mittit timorem. L'enfant, c'est celuy qui se rend subiect: non pas par craincte, mais par bon vouloir, & amour qu'il a à son pere. Il ne regarde point au bien ny au mal: mais il dit: pource que c'est mon pere,

1. Ioan. 4.

ie luy veulx seruir & obeir, quand encores ie n'en deuerois auoir autre chose. *Et filius manet in domo in aeternum.*

Ioan. 8.

Il en y a d'autres qui ne sont seruiteurs ny enfans, mais sont mercenaires: ils seruent à bous gages en esperance du loyer & retribution, & n'est pas purement & simplement, & y a de l'amour de soy: car ie ne regarde pas seulement à Dieu, mais à moy. Quand on fait quelque chose purement & simplement pour l'amour & en la seule consideration de Dieu, il vault mieulx que non pas en considerant Dieu & la creature. Dieu vault mieulx tout seul qu'avec la creature, cōme de seruir à Dieu, de peur d'estre damné, cela est bon: mais s'il n'y auoit en moy autre chose que ceste craincte là, ie ne verois iamais Dieu en face, combien que telle craincte seruile soit le commencement de salut: car par icelle on paruiet à la craincte siale qui est conduite par amour & charité en Dieu.

Craincte seruile est le commencement de salut.

En apres ie sers à Dieu en esperance, qu'il me donera paradis: ie sers pour le loyer, cela est bon: mais cest amour là, c'est amour que i'ay en moy avec Dieu. Je m'aime pour auoir la vie eternelle, cōme dit Dauid: *Inclinam cor meum ad faciendas iustificationes tuas in aeternum propter retributionem.* Et Moyse regardoit à la remuneration: *Aspiciebat enim in remunerationem.* C'est biē fait, & cela procede de la charité que ie me porte: ie m'aime pour auoir paradis:

Psa. 118.

Heb. 11.

Dimenche dedans

c'est s'aymer en charité, mais ce n'est pas aimer Dieu purement & simplement : c'est vn amour fondé en soy-mesmes. Mais l'enfant ne regarde point à la peine ny au loyer & prouffit, mais seulement à Dieu. Car Dieu vault bien d'estre seruy pour l'amour de luy seul. En ceste consideration pure de Dieu, il est prouqué à le seruir. En seruât à Dieu on gaigne bon gage, c'est paradis. Et l'enfant ne regarde & ne pense point à cela, mais seulement que Dieu est bon & qu'il vault bien le seruir. Et cestuy cy est le meilleur. Le premier qui est le seruiteur est bon. L'autre qui est mercenaire, il est meilleur que le seruiteur. Mais l'enfant vault encores mieulx : car sans regarder à la peine ny à la retribution il sert à Dieu : cela procede de pure & sincere charité, qui est aymer Dieu seulement pour l'amour de luy. Et ainsi Dieu nous veult conduire en ceste vie & loy euangelique, afin que nous exhibions toute obeissance à Dieu, en la seule consideration de luy mesme. Aucuns par la bonté de quelque personnage ils delaisent leur pays, pour le suyure, combien que paraenture la bonté qu'ils estiment estre en ce personnage est simulée & feincte : & neantmoins qu'elle ne seroit point simulée ny feincte, tel ne la tient que par emprunt de Dieu. Et si nous suiurons ainsi l'un l'autre sans regarder à gages ny a prouffit : combien d'auantage deuous nous suiure Dieu & luy seruir, considéré que par nature il est tout bon, & tout puissant, & ne l'a pas par emprunt? Il le fault donc seruir, & nous exhiber comme enfans à son seruice sans rien esperer de luy. Je

Le bon chrestien ne regarde point au salaire, mais seulement il regarde que Dieu est tout bon.

ne pense point au salaire dit le bon Chrestien, mais ie considere & regarde seulement qu'il est tout bon, & que pour sa bonté, il est digne & doit estre seruy. Mais ne craignez vous point d'estre mis en enfer? non, ie me soucie seulement de seruir à Dieu, & de luy complaire & l'aymer, considerant qu'il n'est rien plus heureux, ny plus digne & meilleur que de seruir à Dieu. Et tel seroit content d'estre en enfer (s'il le pouuoit faire sans offense) pour seruir à Dieu. Pourquoi vn bon Chrestien desire-il paradis? pensez vous que ce soit pour craincte de la peine, & pour estre tousiours à son aise? non : mais ce luy

est vn grand heur d'auoir du mal pour nostre Seigneur, & estre en continuel traual: il estime cela vn grand bien & thresor. Il n'a point ce regard d'estre en paradis pour estre à son aise, pour estre deliuré d'enfer: mais seulement pource que Dieu vault bien estre seruy & aimé. En ce monde, il ne peult si bien seruir à Dieu que son cuer le desire: & nullement en enfer, car on n'y faiçt que maudire, blasphemer & maugreer Dieu. Il n'y veult pas aller, non pas de peur de la peine qu'on y a, mais son intention est de louer Dieu, & de parfaictement luy seruir. Et pour ce faire, il desire paradis. Et ainsi les benoists sainçts ont désiré paradis, pour y parfaictement louer Dieu, comme sainçt Paul qui dit: *Cupio dissolui & esse cum Christo*. Pourquoy voulez vous aller en paradis sainçt Paul? est-ce pour estre deliuré du mal, de la peine & du labeur que vous auez en ce monde? non, car si ie pouuois seruir à Dieu parfaictement en ce monde, & pareillement le cognoistre parfaictement, ie serois content de tousiours demeurer icy, & endurer infiniment plus que ie n'endure pour l'honneur de Dieu. Et pource il dit: *Coarctor autem à duobus, desiderium habens dissolui & esse cum Christo*. Je suis angustié de deux parties: d'un costé ie desire de demeurer encores avec vous pour vostre prouffit: i'ayme mieulx laisser mon prouffit pour le vostre, & faire à Dieu parfaict sacrifice. D'autre costé, ie desire mourir, à cause qu'en ce monde i'ay des distractions qui m'empeschent: en sorte que ie ne puis en telle liberté d'esprit seruir à Dieu, cōme ie voudrois. Vous voyez quand on aime quelque personnage, on l'a tousiours en la memoire, & en pensant aux dicts & aux propos de son amy, on se resiouit. Chrestiens combien plus est on delecté à la pensée & aux dicts de nostre Seigneur? Il n'y a point de tristesse ny de melancholie. Quand on pense aux graces de Dieu, & à sa bonté, le cuer est fort resiouy, mais cela ne dure pas: car la vie de l'homme est tissue & meslée de prosperité & d'aduersité. Vn bon chrestien desire de continuellement penser en Dieu, & se congratuler & applaudir, d'auoir vn tel Dieu, & il ne peult: il a beaucoup de peine. Et pource il desire d'estre

Philip. i.

Philip. i.

Dimenche dedans

en paradis , non pas pour y estre à son repos , mais pour seruir à Dieu . En ce monde le seruice de Dieu y est interrompu par peché mortel , ou pour les affaires humaines : mais en paradis il n'y a point d'interruption , ny de cesse de louer Dieu . On y dit tousiours incessamment Sanctus , Sanctus : mais en ce monde nostre seruice est interrompu . En disant tes heures & ton seruice faire interruption , ce n'est pas prier Dieu , ny dire son seruice comme il faut . Et pource que le seruice que nous faisons à Dieu , est tout interrompu en ce monde , le bon Chrestien demande estre mis hors , & aller en paradis , pour seruir à Dieu continuellement & sans cesse . O c'est pour y estre à vostre plaisir : non est : car ie voudrois auoir & porter toute la peine des damnez sans offense , & que i'eusse parfaict amour & charité en Dieu , & tousiours le seruir & louer . Et ainsi les gens de bien ont désiré mourir , & aller en paradis , non pas de peur de la peine d'enfer , mais pource qu'en enfer on n'y peult donner louange & gloire à Dieu . Doncques nous sommes comme petits enfans en ce monde , comme desia nous auons dit . L'enfant mineur ne demande pas auoir des seruiteurs , car il ne iouist pas de son bien . Aussi en ce monde nous ne iouissons pas de nostre bien , car nous n'y voyons pas Dieu ainsi qu'il est . Combien que l'enfant soit heritier , il ne iouist pas de son bien : mais on luy donne des tuteurs & curateurs , afin qu'il ne perde son bien . Aussi nostre Seigneur nous donne des tuteurs & curateurs . Ce sont les prelatz & ministres de son Eglise , qui nous doiuent conduire à la vie eternelle par exemple de bonne vie & doctrine . Autrement nous auons les benoists anges de paradis qui sont noz gardes . Vn chacun de nous a son bon ange , tellement que ce bon ange c'est mon tuteur qui me garde & conduict à la vie & felicité eternelle . Ainsi qu'un enfant mineur en la maison de son pere , ne iouit pas de son bien , mais a des tuteurs & curateurs : aussi en ce monde nous ne iouissons pas de nostre heritage , de nostre bien : mais ce pendant que nous y sommes , Dieu nous donne des tuteurs & curateurs : ce sont les anges , Chrestiens . Qui est nostre tuteur ?

Nous sommes enfans mineurs en ce monde : car nous ne iouissons pas de nostre vray bien.

c'est nostre Seigneur Iesus Christ qui garde nostre bien. *Iesus Christ*
 Le tuteur doit estre pour le bien du mineur ; & sans ga- *est nostre tu-*
 ges, autrement il est coupable. Iesus Christ est nostre tu- *teur qui nous*
 teur: il faict bien nostre prouffit: nous sommes mineurs, *gouverne &*
 il nous garde & regist nostre bien. Nostre bien c'est la *nous garde*
 vie eternelle que Iesus Christ nous a acquise. C'est bien *nostre bien.*
 vn autre tuteur que ceux de ce mōde, qui font leur prouf
 fit du bien du mineur. Il en y a qui pourchassent pour
 estre tuteurs, car il y a de l'argent: & quand il fault ren-
 dre compte, ils se font faire vne quittance generale: &
 par ce moyen pensent estre quittes deuant Dieu. Il s'y
 commet tout plein d'abus. A tout le moins n'augmentez
 point vostre bien de celuy du mineur: ou autrement
 vous estes tenuz à restitution. Nostre sauueur faict bien
 autrement: car premierement nous n'auions point d'he-
 ritage, tout y estoit gasté: nous estions tous enfans de
 mort & de damnation: l'heritage estoit plus domma-
 geable que prouffitable, car c'estoit la mort eternelle &
 priuation de vision de Dieu, auant que nostre Seigneur
 Iesus Christ nous print en tutelle, & il a bien faict prouf-
 fiter nostre bien. Nous estions pauvres pupilles: qui n'a-
 uions rien, car nostre premier pere Adam, nous a delaiss-
 sez tous pauvres & impuissans de nous pouuoir aider:
 comme on dit aucunesfois que le pere & la mere sont
 morts, & ont laissé neuf ou dix petits enfans, dont l'vn ne
 sçauroit releuer l'autre s'il estoit tombé au feu, ce sont
 pauvres petits orphelins, auxquels on doit bien aider.
 Nous estions tout ainsi. Nostre pere Adam & nostre me-
 re Eue ont delassé des pupilles & mineurs qui sont pau-
 ures & desnuez de bien, & l'vn ne peult aider à l'autre,
 & le releuer. Qui prendra la tutelle de l'homme con-
 sideré que toute nature est perdue? il fault eslire vn bon
 tuteur. Nostre Seigneur Iesus Christ a prins la tutel-
 le des pupilles mineurs & a bien faict leur prouffit: il
 nous a acquis beaucoup de biens: car il a faict que nous
 soyons heritiers de Dieu & coheritiers de nostre Sei-
 gneur Iesus Christ. Ce tuteur icy ne dort pas, il entretiēt
 & gouuerne bien ses pupilles & ne les saboule pas com-
 me font plusieurs aujourd'huy, quand le pere & la me: e

*Adam &
 Eue nous ont
 laissé mi-
 neurs & pu-
 pillles en ce
 monde.*

Dimenche dedans

sont morts. Les parens saboulent les enfans orphelins & mineurs, c'est vne oppression violente. On veoit bien qu'ils endurent, & on ne leur dōne pas leurs necessitez, Ce peché crie & demande vengeance à Dieu. Le iuge pareillement differe à faire iustice à la vesue & aux orphelins & pupilles: les autres ne payēt pas leurs seruiteurs & ouuriers. Tous ces pechez crient vengeance deuant Dieu. Pensez y doncques, & en foyez soigneux comme est nostre Seigneur qui en est si soigneux que l'escriture dit:

Galat. 4. *Misit Deus spiritum filij sui in corda vestra clamātem, Abba*
L'heritage *pater:* Il a infondé charité en nous, & nous a dōné sa foy,
de Iesus - sa loy, son baptesme, les saincts sacremens, & les moyens
Christ a esté pour garder nostre heritage qu'il nous a acquis, ce n'est
faict le no- pas pour son prouffit, mais pour le nostre. Son heritage
stre, car le no a esté faict le nostre, car le nostre ne valoit rien. Il nous
stre ne valoit a donné paradis pour heritage, de sorte que Dieu est no-
rien. stre portion d'heritage. Mais comment est-ce qu'il nous
a acquis ce grand heritage? Ce n'a pas esté de nostre argent, car nous n'auions aucun bien. Il a donné son precieux sang, qui vault beaucoup mieux sans comparaison que ne font l'or, l'argent, & biens de ce monde, qui sont corruptibles. Et par iceluy son precieux sang, & par sa mort si cruelle qu'il a eadurée pour nous, il nous a acquis le grād heritage de la felicité & vie eternelle. Nous estions en captiuité & misere, & il est venu mourir pour nous en deliurer, & nous mettre en la vraye liberté, cōme dit saint Pierre: *Scientes quod non corruptilibus auro vel argento redempti estis, sed pretioso sanguine agni immaculati Christi.* Quand il y a des biens & heritages alienez, les prochains parens les retirent & les font reuenir: aussi nostre bien estoit aliené, nous auions perdu nostre vray heritage de paradis: & ce par le faict & mauuais gouuernement de nostre premier pere Adam, & non pas par nostre propre faict. Et nostre Seigneur le nous a retiré, & racheté en se donnant entierement Dieu & homme. Il s'est tout donné & exhibé pour nous racheter c'est heritage: & nous y remet en possession, moyēnant que nous gardions ses commandemens, en luy donnant nostre cueur. Il a faict de sa part ce qui est en soy, & ne tiendra

1. Petr. I.

qu'à nous, si nous ne iouïssons de cest heritage. Il dit: *Si vis ad vitam ingredi, serua mandata.* Si vous voulez posseder & auoir iouïssance perpetuelle de ce grand heritage, gardez les commandemens de Dieu. Et si autrement nous le faisons nous sommes de mauuais enfans, ingrats & indignes de l'heritage. Nous prierons Dieu qu'il nous donne sa grace en ce monde, & sa gloire en l'autre. *Ad quam nos perducatur, qui sine fine uiuit & regnat, Amen.*

Autre sermon dudiect iour.

E*Terant pater eius & mater mirantes super his que dice-* *Luc. 21.*
bantur de illo. En l'Euangile du iourd'huy il est escrit que la glorieuse vierge Marie mere de Dieu & saint Ioseph estimé pere de nostre sauueur estoient esmerueillez des propos qu'on disoit de l'enfant Iesus. Vous scauez que nostre sauueur & redempteur est nay, qu'il est mis en la creche, Et que l'Ange a annoncé sa natiuité aux pasteurs & leur a dit: *Euangelizo uobis gaudium magnum.* *Luc. 2.* Les pastoureux apres auoir ouy ces bonnes nouuelles s'en sont venus en Bethleem pour y veoir l'enfant Iesus enueloppé & emmaillotté de petis drappeaux, & dirent à la glorieuse vierge Marie & à saint Ioseph ce que l'Ange leur auoit dit. Le treziesme iour apres la natiuité de nostre Seigneur, les trois Rois le sont venus adorer: & est vray semblable (combien qu'il n'en soit rien dit en l'escriture) qu'ils ont recité & dit à la benoïste dame Marie & à saint Ioseph comme ils auoient veu l'estoille en leur país, qui les auoit conduits iusques au lieu de la natiuité de nostre Seigneur. Or saint Simeon auoit prophetizé de nostre Seigneur, & aussi la bonne femme Anne veufue estant au temple: pareillement Zacharie. Elizabeth & saint Iean Baptiste estant au ventre de sa mere. Parquoy la glorieuse vierge Marie & saint Ioseph qui veoyent toutes ces choses ils sont esmerueillez c'est le commencement de nostre Euangile (non pas qu'ils en doutassent: car ils n'ont douté en rien. Et l'Ange auoit annoncé, & dit à la benoïste vierge Marie que

*Il est vray
semblable
que les trois
Rois dirent à
la vierge &
à saint Io-
seph qu'ils
auoient veu
l'estoille en
leur país.*

Dimenche dedans

elle conceuroit & enfanteroit le fils de Dieu : & quand saint Ioseph ignoroit ce saint mystere l'Ange l'admonesta & luy declara. Doncques ils estoient esmerueillez de cest enfant, non pas qu'ils en doutassent, car ils croyent tout ce qui leur auoit esté dit d'iceluy, mais ceste admiration c'est vne louange & reuerence qu'ils portent à nostre Seigneur: *Hec admiratio non est ab incredulitate neque diffidentia*: Mais ils se cōgratulent en nostre Seigneur & le reuerēt. La glorieuse vierge Marie, & saint Ioseph le quarātiesme iour apres la natiuité de nostre Seigneur le porterent au temple en Ierusalem, en ensuiuant la loy. Et alors saint Simeon estoit attendant le Messias, *Et benedixit illis Simeon*. Il semble qu'il y ait icy de la difficulté: car saint Paul dit qu'Abraham receut la benediction de Melchisedech. *Sine vlla autem controuersia quod minus est, à maiori benedicitur*. Sans contradiction, celuy qui est le moindre il reçoit benediction du plus grand. Doncques Melchisedech estoit plus grand qu'Abraham, & en plus grande condition, puis qu'il luy donnoit la benediction. Et saint Simeon donne la benediction à la glorieuse mere de Dieu: il semble doncques qu'il soit plus grand qu'elle. Que vous en semble? Certes la glorieuse dame est la plus grande: Et pourtant il faut entendre que ce mot: *benediction*, c'est louer & magnifier Dieu. La creature est moindre & inferieure que son createur & son Dieu, & elle luy donne benediction, comme dit Dauid: *Benedicam dominum in omni tempore: semper laus eius in ore meo*. C'est à dire, ie donneray gloire & louange à Dieu, nous donnons louange à Dieu pour ses eures, pour sa maiesté & bonté. Et en ceste maniere saint Simeon donna benediction à la benoiste vierge Marie, & à saint Ioseph, c'est à dire qu'il les loua. O qu'elle est heureuse d'estre la mere de Dieu, en laquelle nostre Seigneur a prins son humanité du pur sang d'elle par l'opération du benoist S. Esprit! *Id eo benedixit illis Simeon, id est, laudauit*. Autremēt, saint Simeon estoit prestre: & quant au degré & à l'office, il estoit plus grand que la glorieuse vierge Marie, non pas par merite, mais par office. Si vous regardez le degré & merite de la personne, il n'y a crea-

Iuc. 2.

Hebr. 7.

*La creature
est moindre
& inferieure
que son
createur le-
quel est loué.*

Iuc. 2.

ture au ciel ny en la terre qui soit à comparer & approcher de la benoiste mere de Dieu en grace : elle est exaltée par dessus tous les Anges de paradis, & aussi par dessus toute autre creature en merite, grace & vertu deuant Dieu. Doncques sainct Simeon, entant qu'il est prestre, il est plus grand que la glorieuse vierge Marie, mais non pas en merite. Il y a plusieurs simples gens qui sont plus grands en merite & grace deuant Dieu, que le prestre, que l'Euesque, que le Pape : mais quât à l'office, le prestre est plus grand que la dignité du Roy, ny de l'Empereur. Soit que le prestre ne vaille rien, neantmoins sa benediction a la vertu & efficace de nostre seigneur I E S U S C H R I S T, duquel il tient le lieu. Et en disant la messe il n'est pas comme vn homme : mais faisant l'euvre de Dieu, il est comme lieutenant de Dieu. Et si vous voulez auoir grande reuerence au saint Sacrement, ne considerez point le prestre comme vn homme, soit en confessant, ou en receuant quelque autre sacremēt : mais prenez le comme de la propre personne de nostre seigneur Iesus Christ, auquel vous vous cōfessez, qui dit la Messe & fait l'office par le prestre. Et quād on vous administre le precieux corps de nostre seigneur Iesus Christ ne pensez point que ce soit vn tel prestre & tel : mais que c'est nostre sauueur Iesus Christ qui vous donne son precieux corps. Et pour-ce soit vn bon ou mauuais prestre qui m'administre, i'auray autant de deuotion en considerant Iesus Christ en sa persōne, & en ceste maniere vous trouuez grande consolation en vostre consciēce & vivez en paix & sans tumulte. Doncques Simeon a donné benediction à la glorieuse vierge Marie & à saint Ioseph, entant qu'il estoit prestre. Et fault icy noter que nostre seigneur a tousiours deferé aux prestres. Sainct Iean Chrysostome en quelque passage fait vne questiō, pourquoy c'est qu'Aaron n'a pas esté touché & puny de lepre, aussi bien que Marie seur de Moyse : *Quia iurgati sunt Maria & Aaron contra Moysen* : Car Aaron auoit aussi bien failly que Marie. Sainct Chrysostome respond & dit qu'Aaron n'a pas esté puny comme Marie, pource qu'il estoit prestre, & sa dignité de prestrise empeschoit qu'il ne

Si vous voulez auoir grā de deuotiō à la Messe, ne considerez le prestre comme vn homme, mais cōme la propre personne de Iesus Christ.

S. Chrysost.

Numer. 12.

Jo. 18.

Ce que faict
le prestre vi-
sant de son of-
fice encores
qu'il soit
mauuais n'est
de moindre
vertu & ef-
ficace que s'il
estoit le meil-
leur prestre
du monde.

fust puny. Vn prestre qui a commis quelque crime digne de mort, il n'est pas puny à mort, que premieremēt il ne soit degradé, & apres on le baille entre les mains du bras seculier, & est mis à mort. Aussi nostre seigneur Iesus Christ a plus deferé à Caiphe (combien qu'il ne valust rien) qu'il n'a faict à Ioseph d'Arimathie, à Nicodeme & autres gens de bien : car Caiphe, *Erat pontifex anni illius.* Et pour-ce combien qu'un prestre soit mauuais : neantmoins quand il faict & vse de son office de prestrie, ce qu'il faict n'est point de moindre vertu ou efficace, que s'il estoit le meilleur prestre du monde : car il le faict à l'adueu de Dieu. Apres que Simeon a eu donné benediction à la glorieuse mere de Dieu & à saint Ioseph il vient à parler de nostre seigneur Iesus Christ, & adresse sa parole à la glorieuse vierge Marie luy disant: *Ecce positus est hic in ruinam & in resurrectionem multorum in Israel & in signum cui contradicetur: tuam ipsius animam dolor gladius pertransiuit: vt reuelentur ex multis cordibus cogitationes.* Il a prophetizé & dit quatre choses, trois de nostre seigneur Iesus Christ & la quatriesme de la benoiste Dame. Quant à la premiere il dit: *Ecce positus est hic in ruinā.* Cest enfant Iesus est mis en ruine. Et cōment? nostre seigneur est il venu pour nous damner & destruire? non, car Dieu n'est point autheur de ruine & de perdition, mais c'est moy mesme qui me destruy. Cōment doncques s'entend cela? Chrestiens il fault entendre que iamais vn bien n'est cause de mal, mais bien occasion: car il y a difference entre cause & occasion. Celuy qui est cause de mal il peche, & non pas celuy qui est occasion. Vn homme de bien fera aucunesfois occasion de mal, en faisant vn bon euvre: car le meschant au lieu qu'il en deuroit prēdre occasion de bien, il en prēd occasiō de faire mal, & offenser Dieu. Comme quand Dieu me faict commandement d'exercer vertu & de bien faire, & me defend de mal faire : & au lieu de le bien prendre, ie le contemne, ie suis rebelle: lors par ma malice le commandement de Dieu m'est occasion de mal & de ruine, car s'il n'y auoit cōmandemēt il n'y auroit point de peché, & n'offenserois pas : car peché, c'est transgression du commandement. Saint Paul
dist

dit : *Vbi non est lex, nec prauaricatio*. Le contemnement & peché viét de ma malice, car ie ne veux pas faire le commandement que Dieu m'a mis pour mon salut : ains du moyen de salut qu'il me dōne, i'en fais mal mon prouffit, & en préds occasion de ruine, & de me damner. Comme en voila vn qui a beaucoup de biens qu'il despend inutilement : son pere ne les luy a pas laissez pour les dissiper prodigalement & inutilement, mais pour en bien viure, en dōner aux pauures, selō sa puissance. Sō pere n'est pas cause de ce mal : mais l'enfant du biē qui luy deuroit estre occasion de bien & de prouffit, il en prend occasion de ruine, & d'offenser Dieu. Ceste occasion n'est donnée, mais elle est prinse : car au lieu que i'ay occasion de bien faire, i'en prés occasion de mal faire. En ceste maniere, si ie prens la saincte hostie en peché mortel, le prestre n'est pas cause de ma ruine, mais l'hostie saincte m'est biē occasion de mal, non pas occasion donnée, mais occasion prinse par moy, car du bien qui m'est donné pour mon prouffit & salut, i'en prés occasion de mal, & de dānatiō quand ie fais mal. Simeon dit de nostre Seigneur : cest enfant sera mis en ruine : c'est à dire, qu'il sera occasion à plusieurs de ruine, & de dānation eternelle. Et toutefois Dieu le donne aux hommes pour leur salut : c'est la vie & la resurreccion de tout homme qui croira en luy, mais ceux qui ne voudrōt croire en luy ils en prendront occasion de ruine. Et pourtant nostre Seigneur est dit, *lapis offensionis, & petra scandali*. Car plusieurs par leur incredulité ont esté scādalisez en luy. Comme les Iuifs qui l'escoutoiēt & ont dit, qui est celuy-là ? n'est-ce pas le fils de Ioseph ? il fait miracle en la vertu de Beelzebub. Nostre Seigneur Iesus Christ n'estoit pas cause de leur perdition & dānation, mais par sa doctrine & par ses miracles il vouloit attirer les Iuifs à salut, & ils en faisoient mal leur prouffit. Et par ainsi nostre seigneur Iesus Christ leur estoit ruine, non par occasion donnée, mais par occasion prinse, par leur malice : comme dit mōsieur saint Paul : *Occasione autem accepta, peccatum per mandatum operatum est in me omnem concupiscentiam*. Dōcques nostre seigneur Iesus Christ est la pierre de scādale & d'offension;

Si ie prés la sainte hostie en peché mortel, le prestre qui me la baille n'est pas cause de ma ruine.

1. Petr. 2.

Rom. 7.

Dimenche dedans

Car plusieurs par faulte de foy ont esté scandalisez en luy: comme les Iuifs, scribes, & pharisiens, combien qu'il leur donnast toute occasion de bien, & par ses euures il confirmast sa parole, & sa doctrine, & monstraist manifestement qu'il estoit le vray fils de Dieu. Il dit qu'il est venu en ce monde pour donner la lumiere aux auengles & à ceux qui n'entendent pas leur salut: & les Iuifs pësoient bien veoir & entendre leur salut, combien qu'ils fussent auengles. Et quand nostre seigneur Iesus Christ a esté venu, les sages du monde ont esté auenglez, non pas que il en fust cause, mais ils se sont engëdrez occasion de cecité, par-ce qu'ils ont fermé les yeux: & les Gentils qui ont obeï à nostre seigneur Iesus Christ ont esté illuminez, & les Iuifs qui ne luy ont voulu obeïr, sont demeurez auengles. Quand Dieu ne nous punist point incontinent que nous auons failly, mais par sa bonté nous attéd à penitëce, & à nous retourner à luy, il ne fault pas ignorer que la patience que Dieu a enuers nous ne soit pour nous induire à penitence, & nous faire conuertir à luy, comme dit monsieur S. Paul: *Ignoras quoniam benignitas Dei te ad pœnitentiam adducit?* Et au lieu que par sa patience nous deurions estre esmeus & prouoquez à nous amender, nous en prenons occasion de mal, & nous abandonnons tousiours tant plus à mal: nous amassons mal sur mal, peché sur peché. Ceste patience de Dieu enuers moy, n'est pas cause de mon mal & peché, mais au lieu que par icelle ie deurois estre prouoqué à m'amender ie la contemne, & en prens occasion de perseuerer en mal & peché. *Christus ergo positus est in ruinam occasione accepta.* Auourd'huy nostre seigneur Iesus Christ est mis en ruine. L'escriture sainte, c'est la parole de Dieu: elle est mise à la ruine des heretiques, & au salut des gens de bien, des bons fideles. L'escriture n'est pas cause des heresies & diuisions. Rupert dit sur ce passage. *Doctrina mea, non est mea, hoc est, doctrina Christi non parit schismata*: La doctrine de nostre seigneur Iesus Christ n'engendre point schismes & diuisions. Mais vn bon morceau souuent est occasion de mal. Le Psalmiste dit. *Fiat mensa eorum coram ijs in laqueum & in cætionem*. L'escriture sainte est la

Rom. 2.

Luc. 2.

Ioan. 7.

table de salut aux bons, & leur est repos & consolation en tribulation, mais aux meschans elle sert de lacs & de damnation. Et par mal entendre les saintes escritures ils errent, car ils les interpretent selon leur sens & affection privée, & engendrent les erreurs, par-ce qu'ils ne veulent suivre le sens de nostre mere sainte Eglise. Saint Pierre parlant des epistres de monsieur saint Paul, il dit qu'en icelles il y a beaucoup de choses difficiles à entendre. Et les heretiques les deprauent, comme ils font aussi les autres escritures. Il appartient à l'Eglise de determiner de la sainte escriture, & de la vraye intelligence d'icelle. Et ce qu'elle dit & interprete nous sommes tenus de le croire, comme si Dieu le disoit. Il faut prendre le sens de l'escriture, comme de la bouche de Dieu, quand nous entendons que c'est l'Eglise qui l'a interpreté. Et pour bien entendre le sens de l'escriture, il ne se fault pas arrester sur son propre sens, mais au sens de l'Eglise. S. Hierome dit aux Galates sur l'epistre de monsieur saint Paul : *Periculosum est loqui de Euangelio Dei, ne fiat Euangelium hominis, & peruersa interpretatione fiat Euangelium diaboli.* Les heretiques, par leur interpretation corrompue & bastarde, font de l'Evangile de Dieu, l'euangile du diable, à leur damnation, & de ceux qui y croient. Et suis bien esmerueillé comment on est si facile à y croire. Origene, à ce propos dit bien: qu'il ne fault pas croire à tout homme qui allegue les escritures: mais fault regarder si l'homme parle en verité, si l'allegue selon le sens & l'interpretation de nostre mere sainte Eglise catholique: & si l'allegue autrement, dites hardiment que l'escriture est vraye, mais qu'il l'allegue mal. Ce sont chiens & meschans gens, qui sont pleins de dol, d'inimitié & d'iniustice. Ouy, mais vous les scandalisez: Je n'offense point: i' vse des termes de monsieur saint Paul, qui desiroit la mort de ceux qui peruertissoient les Galates, & disoit: *Vtinam abscondantur qui vos turbant.* Pleust à Dieu que la terre fust despeschée de ceux qui vous troublent & donnent empeschement à vostre salut. Et monsieur saint Paul luy mesme donna *Hymeneum, Alexandrum & Philetum*, au diable pour

*Il appartient
à l'Eglise de
determiner
de la sainte
escriture.*

S. Hiero.

Galat. 5.

1. Tim. 1.

Dimenche dedans

les tourmenter à cause de leurs heresies. La prophetie de Simeon n'est pas seulement entenduë de nostre seigneur Iesus Christ, mais aussi de ses faicts, & de sa doctrine : & les heretiques se perdēt par mal entēdre la sainte escripture. Ils prennent les bons morceaux, mais ils les prennent mal & s'en estranglent. Ils ne sçauent rien : comme dit monsieur saint Paul, *Volentes esse legis doctores, non intelligentes neque quæ loquuntur, neque de quibus affirmant.* Et quand ils alleguent les textes, si vous voyez que ce soit contre l'interpretation de l'eglise Catholique dites que ils les alleguent mal. Car ainsi que les benoists Apostres & Euāgelistes ont parlé & escript par le saint Esprit: aussi les traditions & bonnes costumes del'Eglise, sont du benoist saint Esprit: & vouloir reduire en doute tout ce qui a esté faict depuis nostre seigneur Iesus Christ iusques à present, c'est grand folie: *Extrema dementia est*, cōme dit monsieur saint Augustin. Et pourtāt Chrestiens soyons stables: & les meschans se damnent & perdēt s'ils veulent: & ce qu'ils font, qu'ils le facent au plustost comme disoit nostre seigneur Iesus Christ à Iudas. *Quod facis fac citius*: mais de nous mettre en doute & d'aller apres eux, nous n'en ferons rien par la grace de Dieu. *Ecce igitur positus est in ruinam*. Cest enfant sera occasion de la damnation de plusieurs. *Et in resurrectionem multorum*: car il est cause & autheur de la vie, & du bien. Il dit: *Ego sum resurrectio & vita*. Outre dit l'Euangile: *& in signum cui contradiceatur*. Monsieur saint Paul parlant de la contradiction faicte à nostre seigneur Iesus Christ dit, *Recogitate enim eum qui talem sustinuit à peccatoribus aduersus semetipsum contradictionem, vt ne fatigemini animis vestris deficientes*. Quand nous auons de la tribulation, de la contradiction, ayōs memoire de nostre seigneur Iesus Christ qui en a tant enduré. Et de qui des siens, comme dit monsieur saint Iean. *Et sui cum non receperunt*. Les Iuifs, Turcs & infideles luy contredisent, & aussi les heretiques & les Chrestiens qui sont obstinez en leurs pechez. Ne sçauiez vous pas comme monsieur saint Paul auant qu'il fust conuertý à la foy, il contredisoit à nostre seigneur Iesus Christ, & aux Chrestiens, & empeschoit de promulger

Timo. 1.

C'est grand folie de vouloir reuocquer en doute tout ce qui a esté faict depuis nostre Seigneur.

Luc. 2.

Hebr. 12.

Ioan. 1.

son nom? Les Apostres ont aussi souffert de la contradiction pour soustenir que cest enfant est nostre sauueur, nostre vie, & qu'il est vray fils de Dieu. Ainsi que le maistre a soustenu & enduré contradiction, aussi font les seruiteurs qui veulent soustenir son nom. Mais ô quel honneur c'est quand le seruiteur endure pour son maistre, pour nostre seigneur Iesus Christ! C'est vn vray paradis d'estre contredit en l'euure de nostre seigneur Iesus Christ. Et quand le seruiteur veolt qu'il endure pour le nom de nostre seigneur Iesus Christ, qu'il pense: Voila nostre seigneur Iesus Christ auquel on a contredit. Il dit. *Non est seruus maior Domino suo*: On a aussi persecuté les Prophetes & saincts de paradis. Et monsieur saint Paul dit. *Omnes qui pie volunt viuere in Christo, persecutionem patientur*. Qu'est-ce que nostre seigneur Iesus Christ? cest enfant Iesus? tout signe d'humilité. Il est nay d'une pauvre mere, & en vne estable. Il a froid, faim, soif. D'ou est il venu? *Egressus ciuis à diebus aternitatis*. Il est procedé de Dieu & est descendu bien bas, *In inferiores partes terra*. Il a esté contredit. Et ceux qui viuent au contemnement de foy, & du mōde, ils sont contredits, & dit on qu'ils sont fols & hors du sens. Comme les parens de nostre seigneur Iesus Christ ont dit de luy quand ils l'ont voulu tenir disans qu'il estoit fol & hors du sens. *Et cum audissent sui, exierunt tenere: dicebant enim quoniam in furorem reuersus est*. Cōment? est-ce estre hors du sens d'estre en cōtinuel desir de viure selon Dieu? Je voudrois que nous fussions enragez de ceste rage là. L'escriture dit: *Beatus vir cuius est nomen Domini spes eius, & non respexit in vanitates & insanias falsas*. Bienheureux est celuy qui ne regarde la folie & rage mōdaine. Les mondains sont vrais fols naturels. Que diriez vous d'un homme qui prēdroit plustost vn festu que dix mille escus? Qu'il seroit biē sot. Ce que neantmoins font les mondains. Car on leur propose paradis, & s'arrestent à la terre & y mettent leur cuer & affection: c'est prendre le festu & laisser l'or. Ils pensent estre bien sages en amassant, *per fas & per nefas*, & ils sont vrais fols & hors du sens. Mais ceux qui reue-

Les Apostres ont souffert contradiction pour soustenir que Iesus Christ estoit fils de Dieu.

Ioan. 13.

1. Tim. 3.

Marc. 3.

Psal. 39.

rent l'eternité, qui prennent Dieu, & laissent la terre, les choses visibles & caducques, ils ont bon esprit, & sont bien sages. Ils disent avecques David. *Sitiuit anima mea ad Deum fontem viuum*. Ils contemnent les honneurs du monde, & on dit qu'ils sont fols & hors du sens, mais au contraire, ils sont bienheureux. Le voudrois que nous fussons tant insensibles de nous & de la terre, que nous ne sentissions que nostre seigneur Iesus Christ. Monsieur S. Iean Chrysostome dit, que c'est là vne bonne insanie.

*L'amour de
Iesus Christ
faict oublier
les biens de
ce monde.*

Ne voyez vous pas vn meschant, vn belistre qui est deshonoré, vn paillard qui est monstré avecques le doigt, la meschante le frappe, & il ne sent point l'iniure qu'on luy faict, il n'en tient compte: car le meschant amour l'aveugle. Et l'amour de nostre seigneur Iesus Christ n'est point cause de mal, mais faict oublier les biens de ce monde, & sentir seulement nostre seigneur Iesus Christ. Et neantmoins on la refuse, on n'en veut point, comme si elle estoit pernicieuse & dommageable. *Hic positus est in ruinam, & in signum cui contradicetur*. Nous contredisons au iourd'huy à cest enfant Iesus, non pas de bouche, mais de faict & d'eure. Nous le confessons de bouche & de parole, mais nous le renonçons de faict & d'eure. Et les heretiques le renient de faict & de parole. Nostre Seigneur Iesus Christ dit, voila mon corps au sainct Sacrement de l'autel, & l'heretique dit que non est. Qu'est-ce doncques truand que tu es, si ce n'est le precieux corps de nostre seigneur Iesus Christ? Et ainsi il est contredit. Il s'en suit le plus difficile de l'Euangile. *Et tuam ipsius animam doloris gladius pertransibit, ut reuelentur ex multis cordibus cogitationes*. Quand à vous mere de Dieu, le glaiue de douleur percera vostre ame, comme il est dit de Ioseph: *Et ferrum pertransiuit animam eius*. Quand ses freres le vendirent, le fer perça son ame: ce n'est pas le fer materiel, car l'ame est vn esprit, mais c'est pour monstrier qu'il fut en grande douleur. Aussi Simeon par le glaiue a entendu le glaiue de douleur, d'angustie & amertume, qui a percé l'ame de la glorieuse vierge Marie, mere de Dieu, estant au pied de la croix de son fils nostre

Luc. 2.

Luc. 2.

sauueur Iesuchrist. Et combien que le glaive materiel
 n'a point passé ne transpercé le corps de la glorieuse vier
 ge Marie mere de Dieu : toutesfois elle endura tant à la
 mort de nostre sauueur Iesuchrist son fils que sans pre
 seruation speciale que Dieu luy fist, elle fust morte en
 l'angustie & douleur, en laquelle elle estoit. Et saint
 Hierome dit qu'elle est plus que martyre, combien
 qu'elle n'ait pas enduré le glaive materiel. Elle n'est point
 morte en martyre, car elle auoit assez enduré aupres de
 la croix de son fils. Autrement monsieur saint Ambroi
 se interprete, que ce glaive c'est le glaive de l'esprit, la pa
 role de Dieu. *Assumite gladium spiritus, quod est verbum* Ephe. 6.
Dei. Il veut dire que la glorieuse vierge Marie n'a point
 ignoré les mysteres de Dieu, ny les Apostres qui ont esté
 enseignez par la parole de Dieu : ils ont esté remplis de
 la parole & sapience d'iceluy. Et les docteurs disent qu'en
 la benoïste vierge Marie iamais n'y eut erreur. Erreur
 c'est la peine de peché. Or la glorieuse vierge Marie n'a
 point eu de peché ny d'erreur, car son ame a esté pleine
 de la sapience de Dieu. *Vt reuelentur ex multis cordibus co* Luc. 2.
gitationes. En tentation souuent on cognoist les cueurs
 des hommes. On dit que *honores mutant mores.* L'hon
 neur monstre l'homme quel il estoit au parauant: son ex
 altation monstre son cueur orgueilleux. Et pareillement
 quand nostre Seigneur Iesuschrist estoit en l'arbre de la
 croix, que le glaive de douleur perça le cueur de la be
 noïste vierge Marie, les cueurs ont esté reuelez. Le cueur Ioan. 23.
 du bon larron, n'a il pas esté reuelé quand il a dit: *Ate*
mento mei domine cum veneris in regnum tuum. Et le cueur
 du mauuais larron a aussi esté cogneu quand il a dit: *Sal*
uum te fac & nos. Et du Centurion aussi disant: *Verè fi* Matt. 27.
lius Dei erat iste. Et aussi le cueur des Apostres qui s'enfui
 rent fut cogneu. La passion de nostre Seigneur Iesuchrist
 a seruy de cela que les secrets & cogitations des cueurs
 ont esté reuelez. En tentation le cueur de l'homme est re
 uelé. Comme en la tétation de Iob, car il fut trouué hum
 ble & mäsuet disant: *Sit nomen domini benedictum.* Et voy- Iob 1.
 la vn riche qui a de l'aduersité : il est changé, & murmu
 re disant: Qu'ay-ie faict à Dieu? Son cueur est reuelé &

Dimenche dedans

cogneau : il louoit Dieu, mais c'estoit pour ses biens . Et maintenant il le despise pour la tribulation qu'il a. L'homme de bien estant en tentation . il ne change point, il est constant & humble : mais le mauuais est orgueilleux & murmure. Or ça Chrestiens les cueurs ne sont il pas reuelez de ce qu'on auoit parlé de faire vn concile ? Et pleust à Dieu qu'on le fist pour reformer les meurs . Les vns dient, on ne ieusnera plus , les prestres seront mariez , & semblables choses . Et par cela les cueurs sont reuelez & cogneuz, car ils sont legers & inconstans. Mais les bons pour tentation qu'il aduienne, ils sont tousiours constans, & tiennent bon pour l'honneur de nostre Seigneur. Et ainsi par succession de temps les cogitations des hommes sont reuelées & cogneües . Et puis on dit que les prestres seront mariez : il leur vaudroit mieux mourir. S'il est licite à vne vierge de mourir pour garder sa virginité, combien qu'elle n'ait point fait vœu : & si pour garder sa virginité est mise à mort, elle est martyre : combien plus le prestre & tous autres qui ont vouë & promis à Dieu chasteté & continence ? Dieu ne se change point, comme il est dit en Esdras : le vin est fort , le Roy , & la femme, mais verité est la plus forte . Dieu est immuable & ne se change point . Aussi nous fault il estre constans & immuables, & tenir bon en nostre estat pour l'honneur de Dieu, & le remercier nuit & iour, pour tant de biens qu'il nous a fait & deuous dire , ô mon ame que vous estes heureuse d'auoir vn si bon Dieu ! parquoy donnez luy benediction : *Benedic anima mea domino*. Remerciez le qu'il vous a donné vn tel estat de continence , par lequel vous auez moyen d'occuper vostre esprit à Dieu, & se fault resoudre de plustost s'arracher les yeux & mourir, que de consentir à mal . Mais les cueurs des hommes se reuelent en tentation: *vt reuelentur ex multis cordibus cogitationes*. Quand Simeon a dit cela il y auoit vne bonne femme veufue nommée Anne, aagée de quatrevingts quatre ans, qui estoit suruenue : *Que non descendebat de templo, ieiuniis & obsecrationibus seruieus nosse & die*. Pour la grande frequence d'oraison qu'elle faisoit, il est dit qu'elle ne bougeoit du temple, & qu'elle y estoit

*Les bñs pour
tétation qui
aduienne, ne
sont esmeuz
mais sont cō
stans, &
tiennent bon
pour souste-
nir l'honneur
de nostre sei-
gneur.*

Psal. 102.

Luc. 2.

Luc. 2.

tousiours, & aussi qu'elle ieusnoit tousiours & veilloit. Il
 est vray qu'il fault ieusner, prier, veiller avec discretion:
Rationabile sit obsequium vestrum. Pour garder virginité,
 continence, chasteré, il n'y a rien meilleur que la frequen
 te meditation de Dieu, & des saintes escritures. La for-
 ce & rebellion de la chair, en est mieux domtée que par
 ieusne & abstinence. Nous ne scaurions trop louer Dieu.
 Mais quant à l'exterieur ne faisons rien sans auoir bon
 conseil: *Ne innitavis prudentie tue: ineundum est primò con-*
silium: & postquam consulueris, mature facto est opus. Ceste
 bonne femme vefue estoit à Dieu agreable. Elle n'al-
 loit point courir ne caqueter, mais s'arrestoit au temple,
 & parloit de nostre Seigneur. N'est-ce pas grand pitié
 de veoir les vefues aux danses, & viure en delices? Mon-
 sieur saint Paul dit-il pas: *Vidua in delitiis viuens mortua*
est. Les prestres doiuent estre irreprehensibles, aussi doi-
 uent estre les vierges: *Et hoc praecepe, vt irreprehensibiles*
sint. O Chrestiens que nous sommes loing du chemin de
 paradis! Fault-il que les vefues aillent iouer aux car-
 tes, danser, & faire tant de folies? Et que feront voz en-
 fans? C'est icy vne bonne vefue, & tousiours se tient au
 temple en ieusnes & oraisons: *Consistebatur domino, & lo-*
quebatur omnibus qui expectabant redemptionem Israel Elle
 parloit de nostre Seigneur, non pas à tous, mais à ceux
 qui auoyent bon vouloir: *Quia non sunt mittende marga-*
rite ante porcos, neque licet sanctum dare canibus. Et si vous
 parlez & tenez propos en l'Eglise, que ce soit d'aimer no-
 stre Seigneur pour enflamber vostre cueur en luy, & en
 son amour. Car il se trouue au meillieu de ceux, qui par
 bonne affection parlent de luy: comme il s'est trouué
 au millicu des deux disciples qui alloient en Emmaus.
 Les propos de table doiuent estre de nostre Seigneur.
 Et quand on parle de luy, c'est vn bon conuine. Il fault
 venir à l'Eglise pour y parler de Dieu, & pour y prier. Et de la table
 souuent nous y venons pour parler de noz affaires & doiuent estre
 meschancetez: combien que ce soit *domus orationis.* Et à de nostre Sei-
 gneur.
 l'heure que la glorieuse vierge Marie mere de Dieu vint
 au temple, ceste bonne vefue y estoit. Nostre Seigneur
 satisfait au bon vouloir des siens. Et ainsi que Simeon

Roma. II.

Prouerb. 3.

I. Timot. 5.

Matth. 5.

Les propos
de la table
doiuent estre
meschancetez:

Matth 21.

De la circoncision

embrassa nostre seigneur: ie ne doute pas aussi que ceste bonne femme ne l'embrassa aussi. Et quand il n'y eust eu que la veüe de nostre Seigneur, elle estoit bien ioyeuse. Les euangiles sont escripts pour nostre doctrine. Amen- dons nous doncques & n'attendons au lendemain. *Et ut perfecterunt omnia secundum legem domini, reuersi sunt in Galilaam, in ciuitatem suã Nazareth,* Theophylacte dit: *Erat quidem eorum ciuitas Bethleem sicut patria: Nazareth verò tanquam habitaculum. Plenus sapientia puer crescebat & confortabatur, & gratia Dei erat in illo.* L'enfant Iesus croissoit & prouffitoit en aage. il estoit cõforté & remply de grace. Beda dit: *Sapientia quidem plenus erat, quia in ipso inhabitat omnis plenitudo diuinitatis corporaliter: gratia autem quia homini Iesu Christo magna gratia donata est, ut ex quo homo fieri cœpisset perfectus esset & Deus, & multò magis in eo: quia verbum Dei, & Deus erat, nec confortari indigebat, nec habebat augeri.* Ie prie à Dieu que nous soyons participans de sa grace en ce monde, & de sa gloire en l'autre. *Ad quam nos perducatur, qui sine fine uiuit & regnat. Amen.*

Pour le iour & feste de la circoncision de nostre seigneur Iesuchrist.

Postquam consummati sunt dies octo ut circuncideretur puer, &c. Ie voudrois bien que nostre Seigneur nous fist la grace de nous disposer à prendre de luy noz estreines. Nous sommes assez curieux & follaîtres de donner estreines les vns aux autres, Au iourd'huy qui est le premier iour de l'an, nous deurions estre curieux de donner les estreines à nostre Seigneur: & aussi que nous les prinssions de luy. Il vaudroit mieux sçauoir que c'est que nous luy pourrions donner. Pour faire & donner quelque chose à nostre Seigneur en bonnes estreines, il fault qu'un chacun regarde comme il a vescu l'année passée, & en toute sa vie. S'il voit qu'il a peu offenser Dieu, & nostre Seigneur l'en a gardé, il luy en doibt rēdre graces & louanges & recognoistre q̃ ce bien vient de nostre

Seigneur, & non pas de soy : car sans la grace & preuention de nostre Seigneur il fust tombé en tous pechez. S'il voit qu'il a passé son année pirement que les autres années, il en doit pleurer & auoir contrition qu'il a offensé Dieu son pere & createur, & se deliberer d'en faire penitence & qu'il offre à Dieu ses pechez en bonnes estreines. Mais cela ne vault rien. Si fait, il les fault offrir à Dieu en vraye contrition de cueur, & propos de s'en confesser ; & faire penitence & satisfaction, & aussi de s'en garder à l'aduenir, moyennant sa grace. Quand nous offrirons ainsi noz pechez à Dieu en bonnes estreines, il trouuera bon cela : & luy de sa part, il nous donne grace & remission de noz pechez, & nous assure de la vie éternelle pour noz bonnes estreines. Il le fault prier qu'il luy plaise de nous faire ceste grace. Or bien l'année est passée : il fault mieux viure que nous n'auons fait, mais ie crains bien que nous commécions plus à mal faire. C'est chose humaine que de pecher : mais d'y perseuerer c'est chose diabolique, & n'y a rien qui desplaise tant à Dieu. Si ie fais comparaison & que ie cõpare les premieres années à la derniere, ie voirray que tousiours i'ay plus mal vescu, & que tousiours i'empire d'an en an : c'est deterioration en moy, ce qui m'est à grand deshonneur & offense. Si ie regarde, comment c'est que la premiere année ie dis ma Messe ie voirray que i'auois plus de deuotion, & craignois plus de faillir & offenser : & maintenant ie viens à l'autel, sans auoir apprehension du saint mistere de la Messe, & de la presence de nostre Seigneur qui y est entierement. N'est-ce pas bien pour me confondre, & auoir horreur de moy, & m'humilier, en considerant que de si long temps i'ay abusé de la patience de Dieu ? Apres, il y a deux ou trois ans que ie n'estois pas si prompt à me courroucer cõme ie suis à present, & n'auois pas tant de passions : & quand ie les deuerois mortifier, c'est quand ie les augmente & multiplie : & ainsi que les choses me viennent à la phantasie ie les fais, & lasche la bride. C'est bien mal auoir prouffité en la voye de nostre Seigneur, pour le temps que nous y auons estudié. Nous voyons les exemples des benoists saints & saintes : & au lieu de

*Cõment nous
pouons of-
frir noz pe-
chez à Dieu
en bonnes
estreines.*

*C'est chose
humaine que
de pecher :
mais c'est
chose diabo-
lique de per-
seuerer.*

De la Circoncision

nous amēder nous allōs en empirant. Et que reste il? l'ire de Dieu: & vaudroit mieulx que ie fusse maintenāt damné, que d'attendre d'auātage à l'estre. Car tant plus ie vis en continuant en mal, tant plus i'augmēte ma dānatiō. Et pource il fault considerer chrestiens, cōme c'est q nous auons vescu chacun en son estat, & que l'on s'amēde. Et si vous voyez qu'il y ait amendement d'aucun vice en vous, presentez ceste correction & amendemēt à nostre seigneur, & l'en remerciez, & le priez qu'il vo⁹ face la grace d'y tousiours cōtinuer. Mais quād nous voyōs q nous sommes pires & auōs plus d'inclinatiōs à mal, humiliōs nous en contrition de cuer, & offrōs à nostre Seigneur nostre pauvreté: & il nous donnera remission de noz pechez, & sa grace en bōnes estreines: car il ne demāde autre chose. Tout ce que ie dis, c'est pour nostre doctrine.

Il fault vne fois mourir: & ne sçauons quand, ny comment. L'heure de nostre mort nous est incertaine: & peult venir à toutes heures & momens. Si l'homme est prins au despourueu, il est perdu à iamais, & n'y a plus de remede. Il peult bien mourir subitement qu'il ne mourra pas au despourueu: car il mourra en grace: & ceste mort subite seroit heureuse, & plus possible que si on mouroit en son liēt: car on y a tant d'assaulx & tentations. Mais si on est prins en dormant, *id est*, en mauuais estat: il n'y a plus de remede: c'est faict: car à iamais il est mal, qui meurt en peché mortel. Vous voyez & oyez parler des morts subites, vous, ne moy n'auons pas plus meritē que cestuy-cy ou cestuy-là. Si Dieu me donne du temps, & qu'il m'attende à penitence, il me faict grace, car il n'y est pas tenu. Et si ie meurs en l'eau, au feu, ou d'autre mort subite, & ie suis en estat de grace, & en l'amour de Dieu, ie ne meurs point à despourueu. Mais celuy qui est malade en son liēt, qui parle bien, & ne pense point à son salut, & meurt ainsi, il est prins à despourueu, & sans auoir bien pensé de son affaire. Et pourtant il fault penser à cela. Et pour faire nostre prouffit & salut il fault faire vne bonne circoncision en ressecant tous vices & pechez, & enracinant en soy ce propos de plustost vouloir mourir de toutes morts que d'offen-

*Si l'homme
est prins de
la mort au
despourueu,
il est perdu à
iamais.*

ser Dieu mortellement, ny veniellement. Le premier moyen de bien viure c'est cesser de mal faire, & y mettre vn arrest. Quand on a le flux de sang, & qu'il s'arreste on a esperance d'estre guarý. Il fault premierement mettre arrest à peché, cesser de mal faire: car c'est cōmencement de vertu. C'est ce que dit l'escripture: *Quiescite agere peruersè & discite benefacere.* Nous auons desia trop faict de maulx: arrestons nous, cessons de mal faire, & faisons de bonnes euures, cōme dit le psalmiste: *Declina à malo, & fac bonum.* Fuyez & euitiez tous maulx & pechez. Car ce n'est pas assez de delaisser quelques maulx & pechez, qui ne les delaisse tous: Et comme dit l'escripture, *Si quis totam legem seruauerit, offendat autem in vno, factus est omniū reus.* Si quelqu'vn transgresse vn cōmandemēt, il sera damné, comme s'il auoit transgressé tous les cōmandemens. Et pource il fault faire vne circoncision vniuerselle de tous vices & pechez, de toutes mauuaises inclinations & pensées. Le m'abstiendray bien d'vn peché & puis continueray à vn autre: ie donne l'aumosne mais ie ne m'abstiens pas de vaines parolles, oyssiues, lasciuies: ie detracte de mon prochain: ie scandalise ou fais semblables choses. L'aumosne que ie fais en ce cas là ne me sert de rien pour la vie eternelle: car les maulx que ie fais empeschēt le fruct & merite d'icelle. Et pourrāt il fault resequer & oster tous vices & pechez & toutes occasions mauuaises. Dieu nous veult faire grace & remission: mais il veult que nous nous disposions à la receuoir: autrement nous ne l'aurons pas. L'euangile du iourd'huy dit que huit iours accomplis, depuis la natiuité de nostre Seigneur, qu'il a esté circoncis & nommé Iesus. Auant qu'il fust cōceu au ventre de la benoiste vierge, l'ange l'auoit desia ainsi nommé. Il y a deux poincts en nostre Euāgile. Le premier c'est de la circoncision de nostre Seigneur: le secōd c'est qu'il a esté nōmé Iesus. La loy de Moysē estoit telle que le huitiesme iour l'enfant deuoit estre circoncis. Car la circoncision estoit ordonnée contre le peché originel, comme est auiourd'huy nostre baptisme. Et celui qui n'est regeneré de l'eau & du S. Esprit, c'est à dire qui n'est baptisé il est damné, il n'a point part avec Dieu.

Esa. 1.

Psal. 33.

Iac. 2.

Qui trans-
gresse vn cō-
mandement il
sera damné
cōme s'il les
auoit tous
transgressés.

De la Circoncision

Gene. 17.

Aussi celuy qui n'estoit circoncis le huiſtiesme iour, il estoit damné, car il estoit escript en la loy : *Omne masculū cuius caro præcisa nō fuerit, delebitur & peribit de populo meo.*

Le premier qui a eu le commandement de la circoncisiō a esté Abraham : lequel se circoncist & route sa famille. Et depuis Moÿse a mis par escript le commandement de la circoncision : Ceste circoncision là estoit seulement vn signe comme dit saint Paul parlant d'Abraham : *Signum accepit circoncisionis.* Elle n'a pas esté donnée pour iustifier Abraham : car auparauant il estoit desia à Dieu agreable, comme il est dit apres : *Signaculum iustitiæ fidei quæ est in præputio.* La foy d'Abraham fut cause de sa iustification . Il a monſtré sa foy par euures quand il a faict son deuoir d'offrir & immoler à Dieu son fils Isaac . *Vides quomodo fides cooperatur bonis operibus illius, & ex operibus fides consummata est.* Dōcques la grace de Dieu en Abrahā ne procedoit pas de la circoncision, mais de la foy viue,

Rom. 4.

La circoncision n'auoit en soy la vertu d'effacer le peché.

Ioan. 5.

c'est à dire que la circoncision n'auoit pas en soy la vertu & efficace d'effacer le peché, mais seulement c'estoit vn signe, & la grace a esté faicte par nostre Seigneur Iesus Christ : *Gratia & veritas per Iesum Christū facta est.* Nostre sauueur est venu pour effacer le peché originel, lequel il n'auoit point & ne pouuoit auoir . Et pour monſtrer qu'il estoit venu pour accomplir la loy & non pas pour la destruire il a voulu estre circoncis. Il dit : *Non veni legem soluere, sed adimplere.* En la circoncision il a premierement espandu son precieux sang : car on couppoit vne pellicule de chair avec vn cōsteau . Tout ce qui est escript, c'est pour nostre doctrine & instruction : En ce q̄ nostre Seigneur a voulu estre circōcis & subiect à la loy, il nous mōstre & enseigne par cela que celuy qui a faict vne ordonnance qu'il la doit le premier accomplir . Il

Matt. 5.

Matt. 5.

dit : *Non veni soluere legē, sed adimplere.* Et pource il a voulu estre circoncis le huiſtiesme iour. Nous auons icy vne doctrine, que nous deuons obeir à noz superieurs, puis que nostre Seigneur a voulu endurer ce mal & faire selō la loy . Il nous donne exemple que iamais nous ne de- nōs estre rebelles à noz superieurs . S'il a voulu obeir & se faire subiect à la loy, combien plus deuons nous fai-

re & garder les commandemens de Dieu avant toute chose, les auoir en recommandation, & estre en ceste volonté de plustost perdre la vie mille fois, qu'à nostre es-
 cient transgresser le commandement de Dieu, ou faire chose de laquelle on doute si c'est peché? Et apres le cõ-
 mandemēt de Dieu, il fault aussi auoir en recommanda-
 tion les commandemens des superieurs & de l'Eglise. Il
 les fault prendre comme de la bouche de Dieu, & y obeir
 comme si nostre Seigneur les commādoit luy mesme de
 sa propre bouche. Car il dit : *Qui vos odit, me odit : & qui
 vos spernit me spernit.* Nostre Seigneur prendra la rebelliõ
 que lon faict au superieur, comme si elle estoit faicte à
 luy mesme immediatement à sa personne. Regardez en
 la sainte escripture : on ne trouue point de plus grande
 rigueur & seuerité que pour le peché d'inobediẽce. Da-
 uid a beaucoup failly par homicide & adultere, mais Dieu
 n'a point tant prins cela à contrecueur comme il a faict
 le peché d'inobediẽce & rebellion. En soy adultere est
 plus grand que n'est rebellion & inobediẽce. Et neant-
 moins pour le peché d'adultere Dieu admonnesta Da-
 uid par le prophete Gaad qu'il en fist penitence. Mais
 pour le peché d'inobediẽce & rebellion que commirēt
 Core, Dathan, & Abiron, Dieu ne leur donna temps d'y
 penser & faire penitence : mais subitement la terre s'ou-
 urit, & descendirēt tous vifs en enfer, pour monstrier que
 Dieu se tient irrité quād le subiect est desobeissant à son
 superieur : car il luy doit obeir comme à Dieu. Inobe-
 diẽce c'est vn peché qui ressemble à idolatrie & que Dieu
 prend fort à contrecueur. Et pourtant pour nostre exem-
 ple & instruction, nostre seigneur qui n'estoit point sub-
 iect à la loy, il s'y est rédu subiect. Combien qu'il luy fust
 bien dur & amer d'estre circoncis, neantmoins il a voulu
 ce faire comme vn des autres, afin de nous dõner exem-
 ple d'humilité & obediẽce, & que ne fussions rebelles.
 Et ne suffit pas seulement obeir aux commandemens
 des superieurs, mais aussi à leur conseil sans discuter ny
 examiner si mon superieur a droict de me commander
 ou non : mais luy fault promptement obeir. Nous ne
 deuons pas estre examinateurs des commandemens

*La sainte
 escripture en-
 seigne que
 inobediẽce
 est punie à la
 rigueur.*

De la Circoncision

de noz superieurs, mais executeurs : s'il n'y auoit erreur intolerable, ou manifeste iniquité : car alors il n'y faudroit obeir. Mais ou Dieu n'est point offensé si ie viens à discuter le commandement du superieur, ie me mets en dāger de commettre iniquité, iniultice, & offenser Dieu mortellement. Et celuy qui se met en danger de commettre iniultice & offenser, il offense Dieu mortellement. Ne soyons doncques point examineurs, mais executeurs des commandemens de noz superieurs. Il sembloit estrange à Saül de ce que Dieu luy commandoit de tuer tout *vsque ad ingentem ad parietē*. A raison dequoy Saül discutant le commandement de Dieu, pardonna au Roy

1. Reg. 15.

Dieu ne cō-
mande rien
sans bōne cau-
se & raison.
Genes. 22.

& reserua des plus graces bestes pour en faire sacrifice à Dieu. *Sed plus crudelitatis quā pietatis commisit* : & cōme luy dist le prophete, *melior est obedientia quā victima*. Et Dieu reprint ce mal que fist Saül: car il ne cōmande rien sans bonne cause & raison. Quand il commanda à Abraham de luy immoler & sacrifier son fils, Abraham ne luy dist point: pourquoy me commandez vous cela? si ie tue mon fils comment sera il mon heritier? & ma semence comment pourra elle estre multipliée comme les estoilles du ciel & le sable de la mer? comment sera vostre parolle accomplie? il semble que vous faciez contre vostre parolle & promesse. Abrahā ne pensoit point à cela. Outre il ne luy dist pas ce qui est contre le commandement *Non occides*. Il ne discute point: mais est assuré de dieu & de la fidelité & bonté. Et s'il eust discuté, il se fust mis en danger d'estre reprouué. Nous auons en la saincte escripture que Dieu enuoya vn prophete à vn autre prophete luy dire qu'il le frappast. Il luy dist : *Percute me*. Et cest autre prophete ne l'osa frapper, craignant de faire contre le commandement: *Non occides*. Et en s'en allant il re-
contra vn lyon qui l'estrangla en punition qu'il n'auoit voulu frapper l'autre prophete, suyuant ce que Dieu luy cōmandoit, mais auoit voulu discuter le commandement de Dieu. Il fault dōcques obeir au cōmādement de Dieu sans discuter, ny examiner, considéré que Dieu faict tout en sapience, comme il est dit: *Omnia in sapientia fecisti domine*. Aussi quand le superieur vous commande, combien

3. Reg. 20.

Psal. 103.

qu'il

qu'il puisse faillir, & qu'il ayt mauuaife intètion, ie m'en rapporte à luy, car vous n'estes pas iuges de nostre supérieur : & pourtant obeissez seulement. S'il vous cōmandoit quelque chose manifestement mauuaife & contre Dieu, ne la faiçtes pas, mais fault plustost mourir q̃ de la faire. Si nous estions hūbles nous obeiriōs sans discuter: car humilité ne discute pas, & ne demande point de raison. Nous ne sentōs rien de l'humilité du chrestien. Nostre sauueur nous monstre par sa circoncision qu'il fault prōprement obeir sans discuter ny examiner. C'est grād honte qu'un Euesque, un supérieur qui a à commander s'exempte. Et cōmencez à vousmesmes de par Dieu. Et si vous auez un bon curé ou vicaire, payez plustost pour luy. Mais il sera le plus foulé. Or Iesus Christ est Dieu: & neātmoins entant qu'il est aussi homme, il obeit à la loy. Et nous demandons d'estre exempts. Le religieux demande estre exēpt de l'obeissance de son supérieur, afin qu'il ne soit reprins, & qu'il viue à son plaisir & volupté sensible & charnelle. Il n'y a rien pire. Ne demandons point d'estre exempts: mais prenons exemple à Iesus Christ: qui a voulu estre circōcis combien qu'il n'y fust tenu. Ne demādons donc d'estre exempts. Les plus grands pour le iourd'huy sont exēpts, ceux qui ont beaucoup de biens: & les petits sont tousiours foulez. Il fault obeir & endurer sans murmurer: ou autrement vous feriez vostre cause mauuaife. Aucunesfois celuy qui en a le plus est excusé & exempt, & le pauvre est tousiours forcé & chargé, Exemption ne vault rien & est souuēt cause de faire murmurer les autres, & estre impatiēs. Les loix doiuent estre cōmunes. Il est moins licite à un grād d'estre exēpt & dispensé que non pas à un petit. Aucunesfois q̃ le supérieur fait quelque tort: & alors on se pourroit faire dispenser. Et ce pendant que le grief dure, aussi peult durer l'exemption. Mais si le grief cesse, aussi doit cesser l'exemption. Voyla Iesus Christ qui est circōcis. Premieremēt il nous monstre obedience, humilité & qu'un chacun face la loy sans exemption. D'auantage Iesus Christ nous dōne une doctrine en la circoncision: c'est de nous cōduire si bien qu'en fait ny en parolle ne donnions scandale à nostre

De la circoncision

prochain. Afin qu'il ne fust mal prins, Iesus Christ voulut estre circoncis & endurer mal. Car ceux qui n'entendoyent pas son saint mystere, ils eussent peu estimer qu'il estoit transgresseur de la loy. Et pourtāt pour euer scādale il a voulu estre circoncis: en nous donnant exemple de ce que nous deuons faire ou laisser à faire (sauf l'honneur de Dieu) pour euer le scandale du prochain. Scandale c'est vn euere ou parole qui de soy donne occasion de coulpe: comme est peché mortel. On se doit abstenir par le cōmandement de Dieu, sur peine de damnation, de tout ce en quoy on voit probablement le prochain estre scandalisé. I'entens quand l'occasion du scādale procederoit d'infirmité ou d'ignorāce. Car si c'estoit de certaine malice on ne luy donneroit pas occasion de scandale, mais il le prendroit. Vn bien peut estre occasion de scandale, nō pas occasion dōnée, mais prinse: & si le prochain préd occasiō de scādale par son infirmité ou ignorance de quelque bien qui n'est pas necessaire, vous vous en deuez abstenir: & plus encores des choses indifferentes pour euer le scandale du prochain. Car S. Paul dit que si vous estes causes que vostre prochain est offensé, *In Christum peccatis*. Scandale c'est vn dit ou vn fait contraire à charité. Si quelqu'un aime bien son prochain, il ne fera rien en quoy il soit scandalizé, mais il regarde & cōsidere tout ce qui peut venir à son vtilité pour le faire, & tout ce qui est à son dōmage pour l'euer. Si dōc i'ayme mon prochain spirituellement, ie regarde à faire de bonnes euures, & tout ce qui reuiert à son salut, & ne veux rien faire qui ne soit à son prouffit & salut: ie m'abstiens de ce que ie sçay qui luy peut nuire. Si i'aimois aussi mon prochain, ie ne le scādalizerois iamais: ce q̄ Iesus Christ nous a biē mōstré. C'est pitié, nous aydons l'un à l'autre à mal faire au lieu de bien faire. Comme en compagnie nous babillons & parlons mal de cestui-cy, de cestui-là. Et si vous vous taisez, on vous dira, & comment, vous ne dictes mot? on vous veut inciter à mal parler. C'est vne grosse meschanceté. Il ne se fault pas seulement abstenir de mal, mais aussi de ce on il n'y a point de bien: d'une chose oisue. Tenons bon pour Iesus Christ, & par-

Scandale est vn dit ou vn fait qui est contraire à charité.

lons peu de nostre prochain afin que n'offensions. Pour
 euitier l'offence de Dieu il fault parler des abus, nō point *Il fault par-*
 à tort & à trauers, mais par cōpassion, & par charité. Mais *ler des abus,*
 estant à table on dit, vn tel a faict cecy: vn tel a fait cela, *mais par cō-*
 on le desprise. Il y a danger de n'y pas seulement offen- *passion.*
 ser venielllement, mais aussi mortellement. Et par ce ne
 scandalisons point nostre prochain, & ne luy donnons
 point empeschemēt de vertu, & de son salut. Faisons vne
 bonne circoncision. C'est vn grād bien & moyen de paix
 quand on garde silence, & que lon parle le moins qu'on
 peut. Il est bien difficile que Dieu ne soit offensé en di-
 sant plusieurs paroles. La langue est tant lubrique cōme
 dit S. Iaques: *Lingua modicum quidem membrum est, & ma-* *Iaco. 3.*
gna exaltat. Et, Sit autē omnis homo velox ad audiendū, tar- *Iaco. 1.*
dus autem ad loquendum Il fault estre prompt à ouir bon-
 nes choses, & tardif à parler. Il ne fault pas scādaliser son
 prochain, mais l'edifier & luy donner les moyens de re-
 tourner à Dieu, le louer & magnifier. En ce faisant il
 nous donnera sa grace en ce monde. *Amen.*

Autre sermon dudict iour.

P*ostquam consummati sunt dies octo, &c.* Nous auons *Luc. 2.*
 dit aujourd'huy matin que nostre Seigneur Iesus
 Christ a esté circoncis le huitiesme iour apres sa natiui-
 té. Il a voulu obseruer la loy, & s'y rendre comme subiet,
 afin que ceux qui n'entendoiet pas ses secrets & misteres
 n'eussent occasion de le mal prédre s'il n'eust esté circon-
 cis. Et pourtāt à son exemple celuy qui a le plus d'autho-
 rité & de puissance, tant moins de licence & de liberté
 doit il prédre: & ceux qui ont le plus de bien & d'autho-
 rité, doiuent plus diligemment obseruer & garder la loy,
 & se garder de donner scādale au prochain. Iesus Christ
 a voulu estre circoncis, afin qu'on ne print occasion mau-
 uaise de la circoncision. S. Paul dit qu'il y a deux manie-
 res de circoncision. L'une de la chair ainsi qu'il est com-
 mandé que l'enfant fust circoncis, & que Iesus Christ l'a
 aussi esté. Il y a vne autre circōcisiō, circōcisiō de cuer &
 d'esprit cōme il est escrit: *Circūcidite preputiū cordis vestri.*

De la circoncision

Et Dieu dit : *Si oculus tuus scādalizat te, erue eum, &c. si pes tuus, &c.* Nō pas q̄ realemēt il faille arracher l'œil de la teste, ne couper la main ou le pied : mais c'est à dire qu'il fault reseqr̄ & oster le mauuais vsage du pied, de la main, de l'œil, & en faire vne bōne circōcision. Tu soulois abuser de ton œil par cōuoiter: il fault resequer cela, & appliquer tous tes mēbres au seruice de Iesus Christ. C'est la circoncision spirituelle, de laquelle S. Paul parle. Le iour que lon circōcisoit l'enfant, on luy imposoit le nō cōme lon fait aux enfans que lon baptize auourd'huy. Leuiij. iour que nostre Seigneur a esté circoncis on l'appelle Iesus. L'Euāgile contient deux mīsteres. Premieremēt nostre Seigneur a voulu estre circōcis & subiet à la loy cōmune. Le secōd c'est que le iour qu'il a esté circoncis on l'a nōmé Iesus. Pour vn peu parler du nō de Iesus Christ, il fault noter qu'il est impossible à la creature de nōmer Dieu parfaitemēt: car elle ne peut cognoistre Dieu parfaitemēt: Dieu est incōprehensible & infiny: sa nature, son essence est infinie: toute creature a certaine mesure. L'homme ny l'ange ne pourroient penetrer la nature de Dieu. Et pourautāt q̄ nous ne pouuōs nōmer les choses, sinon entāt que nous les cognoissons, il est impossible à la creature d'expliq̄r & declarer la nature de Dieu, & penetrer son essence, c'est à dire cōprendre Dieu. Et pource

Dieu est incōprehensible, & est seul qui se puisse nommer.

Dieu est incōprehensible. C'est luy seul qui se peut nommer, s'entēdre, & cōprendre. Les hōmes ont vne cōdition mesurée, & Dieu est infiny. Toute creature a certaine fin & est limitée, Dieu est seul incōprehensible, indicible, innominable, & ineffable: car il ne peut estre parfaitemēt expliqué. Et neantmoins nous en cognoissons quelque peu de chose ainsi qu'il plait à Dieu de nō⁹ le reueler, & selon nostre capacité. Il faut mōstrer quel est le nom de Dieu, ainsi que nous le pouuōs entendre. Dauid dit: *Dominus dominus noster quā admirabile est nomē tuū in vniuersa terra*: c'est chose merueilleuse q̄ le nō de Dieu Esaie dit: *Vocabitur nomē eius admirabilis, consiliarius, deus fortis, &c.* Seigneur Dieu q̄ vostre nō est admirable, c'est à dire, que Dieu, sa vertu, sa puissance, est admirable sur toute la terre. Ainsi q̄ Dieu est incōprehensible de la creature, aussi

Rom. 2.

Psal. 8.

Esa 9.

est le nom de Dieu. Or ça l'Euangile dit que le nom de nostre Seigneur, c'est Iesus, & fut reuelé par l'ange auant qu'il fut conceu au ventre virginal de la benoïste vierge Marie: car il luy dit, *Ecce cōcipies in utero, & paries filiū, & vocabis nomen eius Iesum.* Quant elle eut dit à l'ange: *Ecce ancilla domini*, elle cōceut le fils de Dieu. Et l'ange auoit desia annōcé & reuelé qu'il auroit nō Iesus. Ainſi q̄ l'ange auoit reuelé à Zacharie que son fils auroit nom Iean: aussi il a reuelé à la glorieuse vierge Marie, que son fils seroit appellé Iesus le huitiesme iour. Il n'y a point d'autre nom par lequel on peüst estre sauué, que le nom de Iesus: comme dit saint Pierre: *Non est aliud nomē sub celo datū hominibus, in quo oporteat nos saluos fieri.* Il fault vn peu voir qui est ce nom. Les anciens de la loy ne Moyse adoroient Dieu, & l'appelloient. *Saday id est, sufficit, vel sufficientia.* Le nom de Iesus c'est Saday: car toute nostre suffisance procede du nom de Iesus Christ: on ne la sçauroit trouuer autre part. Et outre, Iesus Christ est toute suffisance: il n'a point de besoing, & est suffisant, & si riche, que S. Paul dit: *Quòd diues est in omnes qui inuocant illum.* Il est le Dieu de tous, & est assez riche pour satisfaire à tous. Et pource, *Omnis qui inuocauerit nomen domini, saluus erit.* Dieu est suffisant pour contenter & donner ce qu'on luy demande. Il peut satisfaire à toutes creatures: cōme dit Dauid: *Aperis tu manū tuam, & imples omne animal benedictione. Oculi omnium in te sperant domine: & tu das illis escam in tempore.* Toute creature met son regard & son attēte à Dieu, qui dōne à tous ce qui leur fault: il ne faict seulement qu'ouurir sa main, & il nourrit toutes creatures. Il ne fault point craindre, chrestiens, car nostre Dieu est tout puissant pour nous aider, & nous dōner ce qui nous est necessaire pour nostre salut. On dit q̄ deux pauures à vn huis empeschent l'vn l'autre. Vn seigneur temporel quelque bien qu'il ayt n'est pas suffisant pour satisfaire à tous payres. Il n'y a Roy ny prince au monde qui peüst octroyer tout ce que lon pourroit demander: mais Dieu peut satisfaire à tous. Et pourtant demandez luy, & il le vous donnera, pourueu que ce soit à vostre salut. Outre, tant plus il y a grosse multitude pour

Luc. 1.

La vierge

Marie cō-

ceut le fils de

Dieu quand

elle eut dit,

Ecce ancilla

domini, fiat

mihī secun-

dum verbū

tuum.

Ioel. 2.

Psal. 144.

De la circoncision

presenter leurs requestes à Dieu , tant plus impetrent ils plustost . S'il y a deux ou trois paaures ie leur pourray bien satisfaire, mais sil en ya plusieurs & en grand nombre, ie ne les pourray pas tous cõteter, & satisfaire à leur indigence & necessit   . Mais nostre Seigneur est si riche & la vertu de son nom est si grande, que tant plus on est en grand nombre    luy presenter requestes & oraisons, tant plus on est exauc   & obtient on ce qu'on luy dem  nde.

S. Chrysost.

S. Jean Chrysostome dit , que l'oraison publique a plus d'efficace & d'energie pour impetrer & obtenir de Dieu ce qu'on luy dem  nde que l'oraison priu  e & particuliere. Et cela est fond   en l'escripture, ou il est dit: *S  *

Matth. 1.

duo ex vobis consenserint super terram, de omni re quacunq   petierint fiet illis    patre meo qui in celis est. Et pource vous voyez que l'un aide    l'autre quand on prie ensemble: c  me vous voyez, vne petite ch  delle de cire,    gr  d peine suffit elle : & sil en y a deux ou trois , la lumiere en est plus grande. Aussi ce que tout seul ie n'impetrerois pas, ie l'impetre avec les autres. Ma deuotion aucunesfois sera petite, mais parau  ture qu'un plus debile m'aidera. Et qu  d nostre Seigneur nous enseigne    prier il nous dit

Matth. 6.

que nous ayons    luy dire : *Panem nostrum quotidianum da nobis hodie :* & ne dit pas. *Panem meum.* Ie s  ay bien que l'oraison speciale & particuliere est bonne: mais l'oraison c  mune a plus d'energie & d'efficace. Et nostre seigneur

*Jesus Christ
a pri   parti-
culierement.*

ne deffend pas l'oraison particuliere : car luy m  sme a pri   particulièrement pour ses Apostres, & pour S. Pierre: mais l'oraison c  mune & publique faicte de cueur & de bouche est    Dieu plus agreable, & prouffite plus que ne fait l'oraison priu  e & particuliere. Il y a plus d'energie, d'audace, & de c  fidence: car si l'un deffault, l'autre le soulage: & impetrent ensemble ce qu'ils ne feroient en particulier. Et l'Eglise dit en l'oraison de iour de la feste de roussaints: *Multiplicatus intercessoribus largiatur.* Dieu est si plein, si riche qu'il peut satisfaire    tous: & t  t plus il y a de demandeurs, tant plustost ils impetrent . Voyla l'efficace du n   de Iesus. Or est il impossible d'estre exauc   sinon au nom de Iesus: & ne peut on ri   faire qui plaise    Dieu sinon en ce nom l   . La personne qui de soy est    Dieu agreable & plaisante, c'est Iesus Christ , duquel

dit Dieu le pere: *Hic est filius meus dilectus in quo mihi bene complacui ipsum audite.* C'est celuy que Dieu a naturellemēt pour agreable. Et nous ne pouuons plaire à Dieu sinon par le nō & merite de nostre sauueur Iesus Christ: & en la vertu Dieu nous a pour agreables, & pareillement noz euures faictes au nom de Iesus Christ. Le nom de Iesus est de telle vertu & efficace, que toute oraison faicte par luy est exaucée. Il dit. *Vsq̃ue modò non petistis quicquam in nomine meo: petite & accipietis.* Mais qu'est ce que demander au nom de Iesus? C'est qu'il me face la grace de bien viure, qu'il me pardonne mes faultes, & que ie ne face rien qui luy desplaise. Voulez vous impetrer & auoir de Dieu ce que vous luy demanderez? demandez au nom de Iesus. Et vous voyez que l'eglise demande tousiours *Per dominum nostrum Iesum Christum*: car sans luy on n'obtient rien de Dieu. Et pource dit monsieur S. Paul, que c'est nostre mediateur. Je veulx prier Dieu: comment le prieray-ie? *per Iesum Christum*. Il est constitué nostre mediateur, aduocat & propitiateur. Il dit: *Petite in nomine meo*: c'est à dire,prenez moy pour moyen, pour estre vostre aduocat: car si ie ne parle pour vous, vous perdrez tout. Si vous dictes ie prēdray la glorieuse vierge Marie & les saints & saintes de paradis pour mon moyen: c'est bien faict: mais vostre principal moyen, & sans lequel ne pouuez estre sauué, c'est nostre Seigneur Iesus Christ: car en vertu de luy & pour son merite Dieu me pardonne mes pechez, & me dōne paradis. Que faict doncques pour nous la glorieuse dame mere de Dieu, & les saints & saintes de paradis qui sont noz moyens enuers Dieu? Ils font que nous soyons participās de la mort & passio de nostre Seigneur Iesus Christ. Et par leurs merites, prieres & intercessions, la grace, le bien & salut q̃ nostre Seigneur a meritē par sa mort & passion nous est appliqué, & en sommes faicts participans: nous en reccuons le fruct & merite. Comme si ie veulx auoir vn sacrement, il faut que ie le prenne par les mains du prestre. Le sacremēt & a la vertu efficace de remettre les pechez & de cōferer grace: & s'il n'est apliqué à la personne, elle n'aura pas ceste grace & efficace. Aussi

*Nous ne pou
nous plaire à
Dieu sinon
par le merite
de Iesus
Christ.
Ioan. 6.*

*Iesus Christ
est le princi
pal moyen
pour estre
exaucé de
Dieu.*

De la circoncision

nostre salut cōsiste au merite de la mort & passion de nostre Seigneur: mais s'il n'est appliqué à nostre maladie de peché, à la verité nous n'aurons pas ce merite de la mort & passion de nostre Seigneur. Or par les merites & intercessions des saincts, la mort & passion de nostre Seigneur nous est appliquée. Son incarnatiō, la mort & passion, & tout ce qu'il a fait pour nous: nous est donné en bones estreines: mais c'est sous cōditiō que nous nous disposerons à recevoir ce fruit & merite lequel est general, & pour vn chacun, Mais s'il ne vous est appliqué, nous n'en aurons pas le fruit & prouffit. Et les benoists saincts prient q̄ vous n'y mettiez point d'empeschement: mais que vous rendiez capables & dignes de le recevoir. Et pourtant la premiere efficace du nom de Iesus, c'est que les prieres faictes à Dieu luy sont agreables au nō de Iesus nostre sauueur & redempteur. Il le fault prendre pour mediateur, aduocat & propitiateur enuers Dieu: cōme vous voyez que ceux qui plaidēt ont des aduocats qui plaident pour eux: ils ne disent rien: mais ils ont donné leur cause à plaider. Aussi nous ne sçaurions que dire à Dieu sans nostre Seigneur Iesus christ, car no^s sommes de pauures ignorans. Et pource nous prenons vn bon moyē: c'est Iesus Christ nostre aduocat, reconciliateur & propitiateur enuers Dieu. Et en ce faisant c'est faire requeste à Dieu au nom de Iesus. Et en toutes les prieres & requestes faictes à la vierge Marie mere de Dieu & aux saincts, nous ne secluōs iamais Iesus Christ. Car c'est nostre principal, & ils sont les cooperateurs: cōme il y a les ouriers qui cooperent au maistre maçon, l'vn porte des pierres l'autre porte du mortier, &c. Aussi Iesus christ est le principal qui nous a meritē, & trouué grace: mais les saincts sont cooperateurs de nostre salut ils sont noz

No^s ne sçaurions que dire à Dieu sans nostre Seigneur Iesus Christ.

La vierge Marie est la principale apres Iesus Christ qui prie pour nous.

aides: dont la vierge Marie mere de Dieu est la principale. Dōcques retenez que la premiere efficace du nom de Iesus, c'est que toutes les prieres faictes à Dieu, au nom de Iesus sont exaucées. Il fault dire vn mot à l'honneur de Dieu & à la confusion des heretiques. Si Dieu est si bō & si liberal, il ne fault donc point de moyē pour aller à luy: car il est meilleur q̄ tous les saincts & a meilleur vouloir

euers nous. N'est-ce pas assez que dieu ait constitué vn moyé & mediateur pour no^s, c'est à sçauoir Iesus christ? Il ne prie pas, & n'est pas nostre aduocat entant qu'il est Dieu. Car il est esgal à Dieu, & est Dieu luy mesme: car il n'y a qu'un dieu. Mais entât qu'il est hōme, il est moins que Dieu: & en ceste cōsideration il est nostre aduocat & prie pour no^s. Et ie ne fais point de tort ny d'iniure à nostre Seigneur en allant premieremēt aux saincts: imō ie dis que l'hōme aucune fois merite plus en allât aux saincts & les priât que si de prime face il alloit à Dieu, & fera plus agreable à Dieu. Exemple de cela. Voyla nostre Seigneur qui veult aller en la maison du Cēturiō: & voyant cela le Centurion enuoye à nostre Seigneur des principaux des Iuifs, afin qu'il luy plaise de guarir son seruiteur paralytiq: & nostre seigneur dit, Je m'y en vais: & le Centuriō entédât cela, il dit: *Domine non sum dignus ut intres sub tectum meū, &c.* & se reputât indigne, il s'humilie. Et sa deuotion a esté plus agreable à Dieu que si du commencement & immediatemēt il fust allé à Dieu sans moyen Et nostre Seigneur dit de luy: *Non inueni tantam fidem in israhel.* I'ay bien ceste cōfidence en Dieu que si ie vay à luy premierement qu'il me oira, & n'y fault point aller avec desiance. Mais ie cōsidere que i'ay tant faict de maux & de pechez contre la clemēce & bonté de Dieu, duquel i'ay tant receu de biēs & de graces, dōt i'ay abusé Et par humilité ie m'en vais à la vierge Marie mere de Dieu & aux benoists saincts, afin qu'ils prient Dieu pour moy. En recognoissant mō imperfectiō & indignité, ie me repute indigne de parler à Dieu, de le prier, & me trouuer deuât sa digne maiesté ineffable: cōme fist S. Pierre qui dist à nostre Seigneur: *Exi à me domine quia homo peccator sum.* Quād l'hōme avecqs vne telle humilité va aux saincts pour auoir remissiō de ses pechez, il est meilleur que si de prime face il alloit à Dieu. Soit au matin en se leuāt ou en entrât à l'eglise, vo^s dictes: Glorieuse vierge mere de Dieu intercedez & priez Dieu pour moy: & vous S. N. priez dieu pour moy. En cōsiderāt aussi la bōté de Dieu vous pouuez aller à luy sans moyé: & si vous regardez vostre indignité & pauvreté, vous pou-

On ne fait point de tort ny d'iniure à nostre Seigneur en allant premierement aux saincts.

Matth. 8.

Matth. 8.

Luc 5.

De la circoncision

uez aller premierement aux saincts qu'à Dieu : & vostre deuotiō luy sera plus agreable. Cela est verifié au Cēturiō cōme nous venōs de dire. Mais si i'allois premierement aux saincts par faulte d'auoir bōne fiāce en Dieu, i'offenserois. Car il se fault plus fier en Dieu qu'à nul qui soit. Mais ie vais aux saincts en cōsiderāt mon imperfection & indignité. Doncques retenez q̄ faire requeste au nō de Iesus, c'est le prédre pour nostre moyē. Et ie prie Dieu q̄ par le merite de la mort & passiō de Iesus Christ il me pardonne mes pechez, qu'il me dōne sa grace & la vie eternelle. Et pource nostre Seigneur a meritē pour nous la vie eternelle par sa mort & passiō: & les benoists saincts priēt Dieu q̄ nous en soyōs participās. Si vous dictes q̄ lon n'a pas tout ce qu'on demāde au nō de Iesus: cōme il y a lōg tēps q̄ ie prie Dieu au nō de Iesus pour estre deliuré de tētation, & neantmoins la tētatiō croist tousiours tant plus: ie vous diray: vn pere sçait biē ce qui est bon pour son enfant. Nous sommes en ce monde cōme petits enfans, & ne voulons croire iusques à ce que nous sentions le coup. Nostre iugemēt est incertain: nous refusons aucunes fois ce qui nous est bon & vtile. Ie demande aucunes fois santé, estre deliuré de tentation & semblable chose, ie pēse q̄ cela me soit bon, & q̄ ie seruirois mieux à Dieu: ie ne sçay. Estimez que si c'estoit vostre prouffit & salut, q̄ dieu vous en deliurerait. Dōcques demāder au nom de Iesus, c'est demāder ce qui cōcerne l'ame & le salut. Et toutes les fois que vo⁹ demādez la grace de Dieu, de ne le point offenser, perseverer en bien, & la vie eternelle: si vous demādez cela en foy & confiāce de Dieu, ie veulx estre dāné si vous ne l'avez. Mais il n'est pas tousiours expedient pour vostre salut d'estre deliuré de tētatiō. S. Paul dit qu'il a prié nostre Seigneur par trois fois,

Il n'est pas repugnant que l'homme parfait ait des tētations de la chair. c'est à dire souuent, pour estre deliuré de l'aguillon de la chair: c'estoit vne tētatiō charnelle, ou colique passiō, ou douleur de teste, ou vne cōtinuelle persecucion de tyrās, ou du diable qui empeschoit la predicatiō euāgelique. Il n'est pas repugnāt q̄ l'hōme parfait ait des tentatiōs de la chair & q̄ S. Paul en ait esté tēté, dōt il n'a pas esté deliuré: car ce n'estoit pas son prouffit, comme il le cōfesse

luy mesme: *Et ne magnitudo reuelationū extollat me, dat^o est mihi stimulus carnis mee, angelus Satana qui me colaphizat.* 2. Cor. 12.

Ec. Il pensoit biē demāder: & cōme il dit: *Quid enim oremus sicut oportet nescimus.* Et pource ne soyez esmerueillez Rom. 8.

quād vous n'estes deliurez de voz tētatiōs & tribulatiōs.

Nostre Seigneur est vostre bō pere, & sçait mieux ce qui vous fault q̄ vous ne faictes. L'enfant demande souuēt à son pere ce qui luy est nuisible & cōtraire. Aussi par aduenture q̄ i'offenserois plustost si i'estois deliuré de tētation. Car estāt en icelle ie prie plus q̄ si ie n'auois point de mal. Que nuist il doncques d'estre tēté? Il est de neces

sité & expediēt que l'hōme soit affligé dehors & dedās, *Il est expedient que l'homme soit affligé dedās & dehors.*

afin qu'il soit contraint d'implorer l'ayde & la grace de Dieu. Vous voyez que ceux qui sont affligez prient tant Dieu, & fault croire q̄ s'il estoit bō pour nostre salut, que Dieu no^o en deliureroit. Si vo^o dictes i'aymerois mieux mandier ma vie, & perdre vn bras q̄ d'endurer telle tentation. Je ne sçay si c'estoit au faict & au prendre q̄ c'est que vous feriez: mais demādez à Dieu, & luy priez de bō cueur que sa volonté soit faicte: & au lieu de vous marrir & cōtrister, esiouillēz vo^o en vostre Seigneur, & le priez qu'il vous face digne d'auoir de la tribulation cōme faisoient les benoists saints Apostres: *ibant apostoli gaudentes* Act. 5.

à conspectu cōcilij, quia digni habiti sunt pro nomine Iesu cōtū meliā rati. Et pourtāt quād vous auez de la tribulatiō, au lieu de vous facher & cōtrister resiouillēz vous, & louez Dieu en le remerciant de ce qu'il luy plaist vous faire dignes d'endurer pour luy. Et en ceste sorte c'est martyre: & n'estes pas moins agreables à Dieu, que si vo^o estiez menez brusler tousvifs pour nostre seigneur. Aussi quād le diable me met en la partie imaginative des phantasies & tentations pour me faire quitter le seruice de Dieu, & ie tiēs bō pour l'hōneur de nostre Seigneur: ie n'ay point moins de merite deuant luy, que si vn tyran me menoit au gibbet pour me faire renoncer & quitter la foy. Et quand l'affection & tentation est interieure, tant plus est elle grāde: & ma patiēce sera plus en merite deuant Dieu, que ne seroit l'afflictiō exterieure. Car il n'y a point de si grāde angustie q̄ de l'esprit. Dequoy dōcques estes vous

De la Circoncision

troublé, considéré que vous estes amy de Dieu en endurant patiemment & de bon cueur pour l'amour de luy? La tribulatio & le diable imprimēt ainsi des fantasies mauuaises en la partie imaginatiue de l'hōme par la permissiō de Dieu, ainsi qu'il entre au corps de l'hōme, non pas au cueur ny en l'esprit. Et pource dit l'escriture : *Omnī custodia custodi cor tuum*. Resiouissez vous en tétation, al-

Il fault que nous esiouifions en cela que Dieu veut que nous endurons.

lez tout outre. Et cōmēt seroit il possible de se resiouir en telle meschanceté? Resiouissez vous en ce que vous voyez que Dieu veut que vous enduriez: cōme faisoit S. Laurent estant au feu sur le gril qui disoit au tyran qu'il tournaist l'autre costé, & que cestuy-là estoit assez rosty pour mager: & neantmoins il enduroit l'ardeur & douleur du feu, comme si i'estois mis sur les charbōs ardāts ainsi qu'il estoit: mais il estoit ainsi ioyeux en endurant patiemment & de bon cueur pour l'amour & charité qu'il auoit en nostre Seigneur, & disoit au tyran : *Disce miser quia carbonēs tui refrigeriū mihi pręstāt*. Ne vois tu pas que le mal & tourmēt que tu me fais me dōne soulagement? Ainsi fault il dire au diable au lieu de se fantasier. O meschāt ne vois tu pas biē que la peine & tétation me dōne refrigeratiō? ie me cōsole en la volōté de Dieu, & nō pas en la meschāceté & ordure: *Virga tua & baculus tuus, ipsa me consolata sunt*. Et les tyrās estoiet cōfus de veoir les benoists saincts ainsi cōstāmēt endurer Et si nous sommes ainsi cōstāts, le diable enragera tout vif, ce meschāt apostat là. N'oubliōs point le nom de Iesus en nostre cueur & nous serōs tous cōsolez. Voila cōmēt il fault demāder au nō de Iesus, & le prēdre pour moyé, & les saincts aussi: afin q le merite & prouffit de la mort & passiō de nostre Seigneur no⁹ soit appliqué. Apres il y a vn autre effect du nom de Iesus : c'est que no⁹ auōs remissiō de noz pechez: cōme dit S Pierre, que 10⁹ les Prophetes ont porté tesmoignage, qu'e la vertu de ce nom de Iesus tout le mōde a remissiō de les pechez. Et S. Paul dit. *Abluti estis sanctificati & iustificati*, par le moyé de Iesus Christ. Voila vn grād nom. Ce nom, Iesus, c'est à dire sauueur, cōme a dit l'Ange: *Ipse enim saluum faciet populum suum à peccatis eorum*. Nous auōs grace, remissiō & la vie eternelle par

Psal. 22.

1. Cor. 6.

Matth. 1.

le moyē de Iesus Christ. Disent les benoïsts sainct̃s de paradis. *Salus Deo nostro qui sedet super thronū, & agno. i. Christo.* En l'ancien testamēt il y eut trois hōmes nōmez Iesus: nō pas qu'ils fussent noz sauueurs, mais ils estoïēt la figure de nostre sauueur. Le premier c'est Ioseph qui sauua le peuple d'Egypte de la famine. Le second c'est Iosué qui introduist le peuple d'Israël en la terre de promissiō. Et Iesus Naué *filius Syrach sacerdotis.* Nostre Seigneur est le vray Iesus car il introduit en la terre des viuās: *Per Iesum habemus accessum ad Deū.* Iosué ne deliuroit que de la captiuité & seruitude tēporelle: mais nostre seigneur Iesus Christ no^r deliure de la captiuité & seruitude du diable, & nous met en l'expectation & esperāce de la vie eternelle. Voila vn nom qui a esté nōmé de la bouche de Dieu: & n'a point esté dōné à autre qu'à nostre seigneur Iesus Christ: S. Paul dit: *Dedit illi nomen, quod est super omne nomen: vt in nomine Iesu omne genu flectatur celestium, terrestrium & infernorum.* Au Cōcile de Lyon il est dit qu'au nom de Iesus quād il est nōmé, qu'on flechisse le genoil, que lon face la reuerēce. C'est vn nom bien excellēt, car il n'y a nō, en la vertu duquel on soit sauué, qu'au nom de Iesus. Et quand Iesus est offert à Dieu, il le préd si agreable qu'il ne refuse riē. Il n'y a salut, qu'au nom de Iesus qui signifie *Salus*. Mes amis il se fault bien accoustumer à auoir le nō de Iesus en la bouche & au cueur. Vne coustume n'est pas petite chose, soit à bien ou à mal. En voila vn accoustumé à iurer, il y est habitué, il fait mal & offense: combiē qu'en iurāt il n'y pēse pas, il peche autāt cōme si deliberémēt il le faisoit. Car la coustume supplée la deliberatiō & pēsee: tellemēt que l'acte procedāt d'vne mauuaise cause non amendée ny corrigée, c'est peché. Cōme voila vn yurongne qui frappe, il iure, il a perdu le sens & l'entēdement, il est cōme vne beste: & toutesfois il offēse: car il n'a pas corrigé son ebriété: c'est vne mauuaise cause enracinée qui n'est pas corrigée ny amendée. Et Aristote dit (s'il le fault icy alleguer) qu'un

Apoē. 7.
En l'ancien
testament
trois hommes
furent nom-
mez Iesus
nō pas qu'ils
fussent noz
sauueurs.

Philip. 2.

*Vn yurōgne
est digne de
double peine*

De la Circoncision

naïsse est imputé à peché: aussi vn bien faict par accoustumance est imputé à merite. Comme dire quelque oraison, nommer le saint nom de Iesus. On sera aucunes fois malade, on a perdu le sens: & on dit par bonne coustume les heures ou Pseaumes: tout cela vault cōme si on y pensoit. Car Dieu est plus prōpt à misericorde qu'il n'est à punition. Et s'il punit le mal faict sans deliberation, combien plus le bien faict par coustume doit estre remuneré? C'est vne bonne chose d'auoir le nom de Iesus au cueur & en la bouche. Saint Ignace disciple de saint Iean l'Euangeliste exposé à martyre lors qu'on le frap-
poit il crioit Iesus. Et pourquoy? *Ex abundantia et in cordis loquitur*. Et quand il fut mort on luy trouua le nom de Iesus escrit en son cueur en lettre d'or. Mes amis, à la mort il y a tant d'assaux: nous n'auons point de meilleure protection & garde que le nom de Iesus. Ayons le doncques en nostre cueur & en nostre bouche & nous accoustumons à le dire & nommer à propos & sans propos. Saint Hierosme sur l'epistre ad Ephe. dit que saint Paul sans propos & à propos nommoit Iesus & quasi de trois mots l'un: car il estoit escrit en son cueur en lettre d'or. On ne se peut contenir de parler de celuy que l'on ayme. On cognoist l'affection au parler & au maintien. Mōstrōs que Iesus est en nostre cueur. Il est fidele & sçait nostre necessité & pauuereté, & combien nous auons affaire de luy. Et à la mort il se monstrera fidele amy: & n'a garde qu'il ne se presente. Je croy qu'il veille à la mort des gens de bien: il est toute nostre esperāce & attente, nostre salut, nostre vie & protection contre l'ennemy. Et pourtant il se fault bien accoustumer à nōmer Iesus. Mais ne le prenons point en vain, c'est à dire de bouche & ne pas faire les euures & cōmandemens qu'il nous commande. Ma vie est mauuaise: ie continuē en peché, c'est prendre le nom de Dieu en vain: car ma vie est contraire aux commandemens de Dieu, c'est inuoker le nom de Dieu en vain. Et pourtant saint Paul dit: *Nemo potest dicere dominus Iesus nisi in spiritu sancto*. C'est à dire qu'il est impossible d'inuoker le nom de Iesus sans l'inspiration du benoist saint Esprit. Si vous le voulez

Hiero in episto. ad Ephesios.

inuoquer à vostre prouffit & salut, gardez ses commandemens & conformez vous à sa vie, d'autant que l'infirmité humaine le permettra. Nous disons assez, mais de faire rien, il n'y a point de prouffit. Il se fault doncques accoustumer d'auoir Iesus au cueur & en la bouche.

Sainct Paul dit. *Filioli mei quos iterum parturio donec formetur Christus in vobis.* Mes petis enfans ie trauaille beaucoup: & pourquoy? Iusques à ce que Iesus Christ soit formé en vostre cueur & que vous sentiez de nostre Seigneur en bonne volonté. Ayez telle volonté enuers vostre prochain cōme est la volonté de nostre seigneur enuers vous. Il n'a point senty son prouffit, mais a tout quitté & abandonné pour nostre prouffit & salut. Estes vous prest de pardonner à vostre prochain? de luy faire misericorde? d'auoir patience & attendre ceux qui vous doiuent de l'argēt? Si vous auez cela, à la verité Iesus est formé en vous, lequel a pardonné à ses ennemis. Et saint Paul trauillant ainsi a formé Iesus Christ au cueur des Galates. Et les prelatz & curez doiuent labourer & trauailler à former Iesus Christ au cueur de leurs subiects & parroissiens: & les peres & meres à mettre au cueur de leurs enfans le contemnemēt du monde, abnegation de soy-mesme, ne sentir riē de soy, & desirer la vie eternelle. Mais vous estes si sots & si estourdis que vous mettez le monde au cueur de voz enfans, vous leur apprenez à aimer le monde, à danser, & iouer, & estre iolis, c'est former le monde au cueur de voz enfans. Tout cecy est contraire à saint Paul qui trauaille à former Iesus Christ au cueur des Galates, c'est desirer la vie eternelle, estre hūbles cōme nostre seigneur. Mais nous ne demādōs sinon qu'à nous mōstrer. Et tel est dāné pource qu'il estoit cogneu que s'il eust esté incogneu il fust sauné. Formez doncques Iesus Christ en vostre cueur, afin que par ce moyen vous desiriez la vie eternelle & qu'aymiez tous biēs & vertus. Et pource dit S. Paul que le nom de Iesus est par dessus tous noms: il est biē excellēt. Il fault noter qu'au cōmēcemēt de la primitiue Eglise le nom de Iesus estoit odieux aux meschans qui ont en haine vertu. Et pour inciter les cueurs des hōmes à bien prédre le nom

Gal. 4.

*Les prelatz
& curez doi-
uent trauail-
ler pour for-
mer Iesus
Christ au
cueur de
leurs subiects*

De la Circoncision

Matth. vii.

de Iesus, celuy qui constitua le baptesme au nom du pere, du fils, & du benoist saint Esprit, il inspira aux Apostres qu'au benoist nom de Iesus ils baptiseroient: car il estoit hay des meschans. Et apres qu'il fut aymé, les Apostres retournerent à la premiere institution que nous tenions & que nostre seigneur auoit baillée: *Baptisantes eos in nomine patris & filij & spiritus sancti*. En quoy vous voyez que l'Eglise a autorité & puissance d'immuer les status. Comme aussi nous cōsacrons le precieux corps de nostre Seigneur en pain sans leuain. Il suruint vn erreur, & pour l'oster il fut dit que lon cōsacreroit en pain faict avec leuain: & l'Eglise institua de faire cela. Et la consecration en est aussi bonne quant à l'effect. Si ie prenois du pain commun & ie proferois les paroles sacramentelles, à la verité ie consacrerai: mais i'offenserois. Et pour oster & abolir cest erreur, l'Eglise institua qu'on consacrerait avec pain leué & fermenté: mais l'erreur cessé & osté, on retourna à la premiere institution. Aussi au commencement les Apostres baptisoient au nom du pere du fils & du saint Esprit: mais pource qu'on auoit le nom de Iesus en haine, ils baptiserent par quelque temps au nom de Iesus seulement, afin qu'en voyant la remission des pechez estre faicte au nom de Iesus seulemēt, on l'aymast. Et quand il fut aymé la premiere institutiō retourna. Tous les saincts sacremēs de l'Eglise ont leur efficace du nom de Iesus. Et les miracles ont esté faicts au nō de Iesus: *Petrus dixit claudio ad speciosam portam templi existi: in nomine Iesu Christi Nazareni surge & ambula. Et cuidam paralytico nomine Aeneas dixit Petrus. Aeneas sanet te dominus Iesus Christus, surge & sterne tibi*. Voila l'efficace du nom de Iesus, c'est vn nom admirable. S. Bernard dit au sermon du iourd'huy qu'il chāge les cueurs des hommes, & faict que les choses qui plaisoient reuiennent à contrecueur. Comme voila vne pecheresse publique, la Magdalene: mais incontinant qu'elle sentit la vertu de Iesus, elle fut changée, & iamais ses meschancetez ne luy auoient autant pleu, qu'elles luy despleurent. Vn cueur esmeu par la vertu & amour de nostre Seigneur ne peult differer. La Magdalene ne peult differer que nostre Sei-

gneur

Act. 3.

Act. 9.

Iesus Christ
biē receu chā
ge les cueurs.

gneur Iesus Christ fust à part & seul: mais aussi tost qu'elle sentit & recogneut la force & efficace du nom de Iesus en son cuer, sans procrastiner elle s'en alla iecter aux pieds de nostre Seigneur Iesus Christ, en plain conuiue avecques grande effusion de larmes, & luy oingnit les pieds. Qui a faict cela? La vertu du nom de Iesus. Iamais la chair ne luy pleut autant cōme apres elle luy despleut: & sur tout elle aimā Iesus: & ne diffiera point: *quia nescit tarda molimina spiritus sancti gratia*. Voyez vous aussi vn loup rauissant, vn blasphemateur? monsieur saint Paul escumant de rage qu'il auoit contre les chrestiens, c'estoit par ignorance. Incontinent qu'il entendit le nom de Iesus, qu'il sentit & cogneust la force de Iesus, le voyla chāgé, disant à nostre Seigneur Iesus Christ. *Domine quid me vis facere?* Et comme dit David. *Hæc mutatio dextere excelsi*. Voyla merueilles. Le Roy est grand & puissant: mais il ne scauroit faire changer mon cuer: il peult bien contraindre mon corps, mais non pas mon cuer. Et pourtāt le nom de Iesus est admirable, car il chāge les cueurs. Voyla mōsieur saint Paul avecques Scillas en prison en basses fosses: ils prient: & les fondemens de la prison trēblent. Le pauvre geolier qui ouit nōmer Iesus, fut incontinent changé, & demanda que c'est qu'il feroit: & monsieur saint Paul luy dit: *Crede in Dominum Iesum Christum, & saluus eris tu, & domus tua*. C'est merueilles que d'estre touché de nostre Seigneur Iesus Christ. On dit qu'en mangeant l'appetit vient, & en parlant la saluie vient à la bouche. Aussi, si souuent on parloit de nostre Seigneur la saluie en viendroit à la bouche. Mais nostre Seigneur Iesus Christ nous est si peu, Chrestiens. Il ne fault auoir autre desir que du nom de Iesus. Monsieur S. Estienne disoit lors qu'on le lapidoit: *Domine Iesu suscipe spiritum meum*. Si nous aimons nostre Seigneur Iesus christ en nostre vie, ie croy qu'il sera en nostre mort. I'ay ouy dire de quelqu'un auaricieux qui se mouroit & auoit la clef de son thresor à son bras: quelqu'un vint pour la prédre, & il retira son bras. C'est pitié: il sentoit biē qu'oūchoit à sa clef, & ne sentoit pas Iesus. Car il n'y auoit point eu l'affection en sa vie. C'est vne punition regulie-

Act. 9.
Psal. 76.

Act. 16.

Si nous aimons Iesus Christ en nostre vie, il sera en nostre mort.

De la Circon. de nostre Seigneur.

re, que quand on oublie Dieu en sa vie, on l'oublie aussi en sa mort. Nous sommes bien aveuglez d'avoir ainsi l'affection à la terre. Il faut mettre Iesus en nostre cuer, & en nostre bouche. On dit : O ie voudrois bien avoir un tel en ma mort : c'est bien fait : car le diable tremble pour la presence d'un homme de bien : mais il n'y a rien de bien qu'en la vertu de nostre Seigneur Iesus Christ. Ayons doncques Iesus : & il ne nous laissera point à nostre mort si nous l'avons à nostre vie. Autrement si nous ne le faisons il dit : *Clamabunt ad me, & ego non exaudiam.*

Zach. 1.

Prou. 1.

Doncques Iesus est un nom admirable : il fait changer les cuers. Voyla monsieur saint Paul un loup ravisant, lequel est devenu agneau, incontinent qu'il a ouy parler de Iesus. Il ne s'est pas seulement arresté : mais est monté en chaire & a presché le nom de Iesus. Et tant plus on le persecutoit, tant plus il estoit zelateur de la loy euangelique. Les diables craignent saint Paul, & aussi ses habillemens : c'est pour ce nom icy Iesus. Et pourtant dit bien

Psal. 110.

Dauid : *Sanctum & terribile nomen eius* : Il est terrible à tous, & aux diables. Ils disoient à nostre Seigneur Iesus Christ en criant. *Quid nobis & tibi Iesu fili Dei, cur venisti ante tempus torquere nos?* Iesus est le tourment des diables. Et nous ne scaurions mieux vaincre les tribulations & tentations qu'en la vertu du nom de Iesus. Car c'est tout nostre bien, nostre vie, & nostre salut. *Et omnis lingua confitea-*

Matt. 8.

*Iesus Christ
est nostre bien,
nostre vie, et
nostre salut.*

tur quia Dominus Iesus Christus in gloria est Dei patris. Rien par luy n'est dénié. *Iesus, id est, saluator.* Doncques il faut aller à luy, & y mettre nostre esperance, & faut aussi aller aux saints qu'ils prient pour nous, & qu'ils nous impetrent salut, par l'efficace du nom de Iesus, par sa mort & passion : lequel nous prions nous donner sa grace en ce monde, & paradis en l'autre.

Amen.

Pour le iour & feste de
sainte Geneuiefue.

Simile est regnū calorum decem virginibus, &c. En l'Euan-
gile du iourd'huy, nostre Seigneur nous exhorte de
veiller, de nous preparer à bien mourir afin que ne soyōs
surprins de la mort, & preuenuz auant qu'ayons dispo-
sé de noz affaires, de nostre maison, & de nostre con-
sciēce. Nous ne sçauōs ny l'heure ny le iour: il n'y a rien
plus incertain que l'heure & le temps de la mort: & n'y a
rien plus certain qu'il faut mourir, & venir & comparoir
deuant Dieu pour rendre compte de tout ce que nous au-
ons fait en ce monde. S. Paul dit: *Omnes stabimus ante*
tribunal Christi, ut referat unusquisque prout gessit in corpore
suo siue benè siue malè: nous comparoistrons tous deuant
Dieu, & deuāt le throne de Iesus Christ: il sera constitué
nostre iuge pour luy rēdre compte: afin que raison nous
soit faicte de tout ce que nous auons fait en ceste mor-
telle vie. S. Paul dit: *Statutū est hominibus semel mori: post*
hoc autē, iudiciū: C'est vn arrest & vn secret de Dieu, que
tout hōme mourra, & apres s'en suit le iugemēt de Dieu.
C'est vne loy de Dieu inuiolable, nostre Seignr est mort
& resuscité. *Ipse est Dominus viuorū & mortuorū*: il est con-
stitué iuge des viuās & des mors. Voyla nostre attente:
nous deuons estre asseurez de cela: Iesus Christ nous ad-
moneste de penser à nous & de n'attēdre pas à faire no-
stre prouision apres la mort en huiuer, mais en estē, qui est
la vie presente. Il nous fault disposer & preparer noz cō-
ptes, que ne soyons preuenuz de mort. Et tant plus nous
allons, tant plus sommes nous pres. Dieu se monstre bon
pere: il ne nous veult point surprendre: il dit: *Vigilate*
veillez. Or il luy plaise de nous donner la grace de bien
viure. Et ie suis bien esmerueillé comment nous auons
le courage de rire quand on pense à cela. *Simile est regnū*
calorum decem virginibus: le Royaume des cieux est sem-
blable à dix vierges: desquelles il y en auoit cinq sages,
& cinq folles. Par le Royaume des cieulx, nous entēdōs

Matth. 25.
Nostre Sei-
gneur nous
exhorte de
bien veiller
pour biē mou-
rir: car nous
ne sçauōs ny
l'heure ny le
iour.

2. Cor. 5.

Hebr. 9.

Matth. 25.

De S. Geneuiefue.

l'estat & la condition de l'Eglise militante visible en laquelle les bons & mauuais sont meſlez enſemble, comme la zizanie parmy le bon grain. Les Turcs & infideles n'y ſont pas compris. Les heretiques en ſont auſſi hors par leur mauuiſe volonte. Les Iuiſ ſi ſont n'y furent & n'en ſont point ſortis, car ſi ſont ne furent baptizez. Toutesfois ſi auourd'huy aucuns Iuiſ ſe ſont baptizer, ils ſont de l'Eglise: autāt eſt il des Turcs. Les heretiques ont eſtē baptizez, & autresfois ont eſtē de l'Eglise. Mais ils ont errē, & en ſont hors, & ne ſont point cōpris en l'Eglise militāte, en ce Royaume des cieux. Dōc il fault entendre que tous les chreſtiens qui ont foy entiere en noſtre Seigneur, ſoit qu'ils viuēt bien ou mal, pourueu que ils ayent la foy proteſtēe au baptēſme, ils ſont en l'Eglise militante. Les bons ont les eūres avec la foy: les autres ont la foy, mais ils ne viennent pas ſelon la foy qu'ils ont proteſtēe au baptēſme. Tous les deux ſont ſignifiez par les dix vierges. Virginitē ſignifie integritē, puretē de la foy. Il en y a cinq prudētes, c'eſt à dire, de bons chreſtiēſ, leſquels avec la puretē de la foy ont charitē, les eūres de la foy: ils craignent & aiment dieu, en viuant en l'obſeruation de ſes commandemens. Il en y a qui ne ſont pas heretiques, mais ils viuēt mal: ils ont la foy, mais ils ſont fols. Car il ne ſuffiſt pas d'auoir la foy q n'a auſſi les bōnes eūres faiētes & fondēes en icelle. Leur foy ce n'eſt pas la foy, *que per charitatem operatur*. Et pourtant ils ſont fols, car ils ne penſent point à l'aduenir. La foy ne ſuffiſt pas: car cōme dit ſainēt Iacques: *Dæmones credunt & contremiſcunt*. Je croy qu'il y a vn Dieu, & le diable le croit: auſſi il dit, *Ieſum noui, & Paulum ſcio*. La foy ne ſert de rien ſans les bonnes eūres faiētes en icelle. Ayons donc la foy, laquelle eſt le commencement, & avec icelle les bonnes eūres. Viuons comme enſeigne Dieu, c'eſt que nous laiſſions & euitions le mal, & que nous gardiōs ſes commandemens, & de ſon Eglise: autrement noſtre foy eſt vaine & inutile. Sainēt Iacques dit: ainſi qu'un corps ſans eſprit eſt mort, vain & inutile: auſſi la foy ſans l'obſeruation des commandemens de Dieu, ne ſert de rien ſi non pour eſtre plus griēfvement damnē. Car celui qui

*Il ne ſuffiſt
d'auoir la
foy, qui n'a
auſſi les eū-
res.*

Iaco. 2.

Act. 19.

sçait & ne faiët pas, il est digne de plus grande peine: *Seruus sciēs voluntatem Domini sui, & nō faciēs, plagis vapulabit multu.* Ignorāce excuse mais celuy qui sçait biē la vol-

Luc. 12.

lonté de son maistre, & ne la faiët pas, il est digne de grāde punition. Aussi moy qui suis instruiët en la foy de nostre Seigneur, & ie ne fais pas ce qu'il a commandé: par occasion de ma malice, ie seray plus damné. Or il vaudroit donc mieulx ne croire point. D'autant qu'une personne a plus receu de dons, d'autant en doit elle rendre graces d'auātage: autrement elle merite plus grande punition. S. Pierre dit: *Melius enim erat illis nō cognoscere veritatem, quā post agnitam retrorsum conuerti.* Ce seroit moins de mal & de peché n'auoir point cogneu la verité, qu'apres l'auoir cogneuë desuier d'icelle, & s'en reculer. Nostre Seigneur dit: *Nemo mittens manum ad aratrum,*

Luc. 9.

& respiciens retro aptus est regno Dei. Ie me suis mis à la voye & au chemin de paradis, & ie tourne bride, ie ne suis apte au Royaume de Dieu, de nostre Seigneur. Or voyla les vierges, *que accipiētes lāpades suas exierunt obuiā sponso, & sponſa.* Nous cōparoiſtrōs tous deuāt dieu en particulier à la mort, & ensemble au iugemēt vniuersel, pour faire cōpte avec Dieu selon noz euures pour la vie, ou pour la peine eternelle. Nous serons tous offers deuant Dieu: il y aura grāde congregation. Ces vierges ont prins leurs lampes, mais les sages ont prins & faiët prouision d'huile en leurs vaisseaulx: ce que n'ont faiët les folles vierges.

Matt. 25.

Media autem nocte clamor factus est, ecce sponsus venit, exite obuiam ei. Les lampes des folles s'estaignoient: & elles sont allées aux sages leur demander de leurs huiles. *Date nobis de oleo vestro.* Entendez, car cest Euāgile est vn petit difficile. En attendāt la venue de l'espoux Iesus christ, qui ne vient pas si tost: *Morā autē faciente sponſo.* L'espoux tarde à venir, il differe sa venue tāt au iugement vniuersel qu'au particulier d'un chacun. Il vient à nous quand nous mourons. L'ame est présentée deuant nostre Dieu: la sentence est faiët: il fault que nous soyons tous presentez deuant Dieu. Il ne vient pas si tost. Il y a quinze cens ans & n'est pas encores venu: ny à moy en particulier, il y a trente ans, xl. ans. Et en cela il demonstre sa pa-

Matt. 25.

Matt. 25.

De S. Geneuiefue.

Matt. 25.

Matt. 25.

*Pechè veniel
diminue la
ferueur de de
uotion, mais
il ne met l'hō
me hors l'e-
stat de grace
& salut.*

Rom. 7.

tience & benignité, & qu'il ne nous veult pas prendre à pied leué : il nous donne temps d'y penser. *Moram autem faciente sponſo.* Il differe à iuger, mais ce pendant on s'endort. *Dormitauerunt omnes, & dormierunt.* Toutes les dix vierges ont dormy, elles ont sommeillé. Tous les chrestiens ont sommeillé en attendant leur Seigneur. Quelque docteur dit, & dit bien: par le sommeil, par le dormir est entendue vne passion vehemente, laquelle à grād peine peult on surmonter tant est naturelle. D'auantage ceste passion de dormir ne change point l'estat de la personne. Vous estes tout vn tant au matin qu'au soir. Pour le dormir l'estat ny la cōdition n'est point chāgée. C'est vne passion naturelle que le sommeil, par lequel sont entendues les infirmitéz & passions esquelles l'homme est constitué en attendant la venue de nostre Seigneur. Et combien qu'il tōbe en tant d'infirmitéz & passions, il ne vient pas pourtant à peché mortel, & l'estat de l'homme n'en est point changé. Pechè veniel ne mue & ne change point l'hōme: il demeure en grace & en estat de salut. Les theologiens disent biē, que peché veniel diminue la ferueur de charité, mais il n'oste pas la grace de Dieu, ce q̄ faict peché mortel, qui oste la grace & charité, & est ou en estat de dānatiō. Mais si ie peche veniellement, ie ne laisse pas d'estre en estat de grace: mon estat ne se chāge point. Et pource les passions subites comme de iactance, de vaine gloire, & semblables, quād on n'y cōsent point, qu'on se recōmande à Dieu, elles ne font point changer l'homme de son estat, car elles sont inuolontaires. Comme, ie voudrois bien dōner l'aumosne sans estre veu, ou faire quelque autre bien sans estre agité de vaine gloire: on va en bōne volōté de n'offenser point, & on est incōtināt esmeu: ce n'est pas peché mortel ne veniel. Incōtināt que ie sois hors de la maison, ie sens mō cuer esmeu de vēgeance, d'iniure, & semblable vice. Le premier mouuement qui preuiēt la pēlée, ce n'est pas peché mortel, ne veniel. Il y a vn autre mouuement, qui du tout ne preuient pas la raison pourueu qu'il n'y ait point de cōsentement & que le peché ne soit consommé: ce sont pechez inuolontaires. S. Paul declare cela : *Non enim quod volo bonum*

hoc ago, sed quod odio malū illud facio. Pour cela l'estat n'est point changé, si on demeure en bonnevolonté. *Dormitauerunt omnes.* Les cinq sages aussi bien que les cinq folles ont sommeillé. C'est à dire que les gens vertueux ont aussi des infirmités humaines, qui ne sont pas délibérées, mais inuolontaires: lesquelles sont comme le sommeil: car ils ne mettrēt point l'homme hors de la voye de salut. Mais il fault tacher à se fortifier en nostre Seigneur & ne fault pas demeurer là. Autrement: *Dormitauerunt omnes,* c'est à dire, que tous ceux qui sont en l'eglise militante mourrōt: & la mort est entēduē pour le dormir. S. Paul dit: *Nolumus vos ignorare de dormiētibus, id est, mortuis.* Car celuy qui dort, il y a esperance qu'il sera reueillé. Auf si les morts sont reueillez & resusciteront: comme celuy qui est bien las, apres auoir bien dormy il se trouue tout delassé. Aussi nous en ce monde nous auons continuel trauail: mais nous esperons que par la grace & bonté de nostre Seigneur nous en serons deliurez. Doncques en l'eglise militante ils sont endormis, c'est à dire morts: *Media autem nocte clamor factus est.* A minuit la clameur a esté faicte. C'est au plus fort du sommeil, & que les larons viennent. C'est à dire que nostre Seigneur viendra à l'heure qu'on y pense le moins. Et à l'heure que l'homme se trouue le plus dispos en paix de son corps, c'est quand nostre Seigneur vient & l'appelle. S. Paul dit: *Cū dixērint pax & securitas, tunc repentinus eis superuenit interitus.* Je vais disner ou soupper: ie pense estre bien sain, & ie meurs incontīāt: c'est bien, *media nocte.* Et pourtāt nous deuōs tousiours viure en l'estat que nous voudriōs mourir. S. Hierome dit: *Sine comedam, siue bibam, semper mihi videtur hac vox intonare auribus: Surgite mortui, venite ad iudicium.* Et l'escriture dit, que pour nous garder d'offenser, il fault auoir souuenāce de la mort. *Memorare nouissima, & in eternum non peccabis:* c'est à dire qu'il fault pēser à la mort. Vous avez tāt de soing de vo^r accoustre. Mes amis, pensez en vous, & combien on est fol de parer ainsi ce corps & l'embellir, cōsiderez qu'il mourra, & mourra en terre. Il n'y a tentation si grande qu'en pensant à cela elle ne soit refrigerée & restraite. Voila vne fem-

De S. Geneuiefue.

me que lon doit mettre en vn feu : & neantmoins elle s'accoustre si pompeusement & curieusement : on dit qu'elle est bien folle. Et quand ie me pare si bien, par aduenture que la mort est prochaine. *Induite vos in habitu ornato*: mais auoir vn mirouer deuant soy & se parer, c'est trop grande curiosité. Mirez vous à la mort, & quelque affection mauuaise que vous ayez : vous la vaincrez en pensant à la mort. Il en y a qui sont si curieuses à s'accoustrer, qu'elles font escouter les prestres iusques à douze heures pour dire messe : & madame n'est pas encores leuée. C'est grande mdschâceré : & monstrez bien que n'ayez pas grand soing de l'ame. Et le corps ce n'est rien nō plus qu'un chien sinon qu'à cause de l'ame. Le corps est cappable de la diuinité, mais c'est pour la gloire de l'ame qui redondera au corps. Et pource ayez souuenance de la mort, du iugement de Dieu. Si vous mettiez le temps à bien faire, & à visiter les pauures, au lieu que vous le mettez à vous accoustrer, vous auriez paradis. Mais on pèse que ce qu'on fait pour Dieu, soit perdu, & ce qu'on fait pour soy soit gaigné. *Media nocte clamor factus est. A l'heure qu'on ne pense pas à nostre Seigneur, & qu'on ne l'attēd pas, c'est à l'heure qu'on oïra sa voix & clameur.* Comme ce folastre qui disoit : *Anima mea habes multa bona posita in annos plurimos: requiesce, comede, bibe, epulare. Dixit autem illi Deus: Stulte, hac nocte animam tuam repetunt à te: que autem paraasti cuius erunt?* C'est grande folie auoir tant de soing de ce corps : & l'ame demeure derriere. Le premier doit estre d'auoir soing de l'ame, & la vestir de l'amour & de la crainte de Dieu: & apres vous donnerez à vostre corps ses necessitez. Vous voyez les bons subitement mourir, mais Dieu leur donne des aduertissemens occults & secrets: ou le iour qu'ils auront receu Dieu, ou qu'ils se seront confessez, ils mourront subitement. Et cela vient de l'advertissement de Dieu qui n'a pas voulu qu'ils soient morts sans les sacremens. Or ayez dōcques souuenance de la mort pour reprimer les tentations & mauuaises affections. Il n'y a si iuste qui n'ait frayeur à la mort : & les Anges trembleront au iour du iugement: *Tremebunt angeli & archangeli.* Ils serōt estōnez de veoir

Matth. 25.

Luc. 12.

Le premier
soing qu'on
doit auoir est
de vestir l'a-
me de la
crainte de
Dieu & de
son amour.

Iob 41.

ceste fureur de Dieu en telle maiesté iuger les vifs & les morts. Et saint Pierre dit: *Vix iustus saluabitur, &c.* Mettez voz pechez entre les bras de nostre Seigneur, & proposez de n'y plus retourner: & si tousiours vous y retournez pensez au supplice eternel. Aucuns disent, & puis ie suis damné, ie ne puis estre que damné. Si vous sçauiez bien que c'est, vous ne diriez pas ainsi. Sur tout il fault craindre la mort eternelle. Dieu nous admoneste de nous tenir sur noz gardes: car incontinent qu'on est mort, la sentence est donnée pour nous à nostre prouffit pour aller à la vie eternelle, ou contre nous & à nostre dommage, pour aller à peine & à damnation eternelle. Nous trouuerons Dieu si doux, si nous auons bien fait: aussi nous le trouuerons furieux si nous auons mal fait.

1. Petr. 4.

Media nocte clamor factus est: C'est à dire qu'à l'heure que on y pense le moins on est prins. Ou ceste clameur c'est le son de la trompette: *Quoniam ipse Deus in iussu, & in voce archageli, & in tuba Dei descendit de calo, & mortui qui in Christo sunt resurgent primi.* Tous seront adiournez en personne pour comparoistre au iour du iugement: *Omnes resurgent:* & tous seront presentez deuant nostre Seigneur. Alors que les folles vierges voyront leur huile estre consommée, elles viendront aux sages vierges leur dire: *Date nobis de oleo vestro, quia lampades nostre extinguuntur.* Notez que les damnez qui viendront au iugement penseront demander aide des bons, mais ils ne leur prouffieront point. Ne voyez vous pas que le mauuais riche estant en peine, bruslant specialement en la langue a demandé l'aide du Lazare, en luy demandant de l'eau pour estre refraischy: mais il n'en a point eu. Car on ne peult auoir aide ny secours en enfer. Et pourquoy dôcques les damnez demandent ils aide? C'est leur folie: ils sont enragez. Et cela est signifié, par-ce qu'ils demandent de l'huile. Ils penseront estre confortez des bons: mais il sera impossible. Auioird'huy les bons peuvent aider aux mauuais, qui sont en ce monde. Comme saint Estienne qui a impetré la conuersion de monsieur saint Paul: & saint Augustin a esté conuertty par les prieres de sa mere sainte Monique & de saint Ambroi.

Matth. 25.

1. Cor. 15.

Theff. 4.

1. Cor. 15.

Matt. 25.

Les damnez
au iugement
penseront de-
mander aide
aux bons.

De S. Geneuiefue.

se . Ainsi les bons aident & prouffitent aux mauuais, ce pendant qu'ils sont en ce monde : mais les mauuais ne peuuent estre aidez apres leur mort. Si Daniel, Noé, Iob & autres prioient pour eux , ils ne leur sçauroient aider: & toutesfois ils ne delaiissent point à demander aide, comme a faict le mauuais riche au Lazare . Mes amis, tout ce que nous esperons auoir de bien apres la mort, il le fault gagner par la grace de Dieu, ce pendant que nous sommes encores en ce monde . Si vous vivez bien vous mourrez bien : vous irez en paradis , ou premiere-ment en purgatoire , si vous n'avez faict suffisante penitence en ce monde . Et estans en purgatoire vous serez participans de toutes les messes , & prieres de l'Eglise: car vous avez merité estre aidez ce pendant que vous estiez en ce monde . Les damnez ne peuuent estre aidez: car ils ne l'ont pas merité eux estans au monde Et comment le fault il meriter ? en bien vivant , par bonnes eures faictes par la grace de Dieu . Et par ce moyen vous estans en purgatoire , vous serez aidez par les viuans. Ceux qui sont en paradis , ils n'ont que faire d'estre aidez, car ils sont en gloire , confermez en grace : mais ils prient Dieu pour nous . Doncques par les bonnes eures meritoires que nous aurons faictes en ce monde, nous serons rendus dignes d'estre aidez des viuans, & de ceux qui sont en paradis . Les damnez demandent aide de ceux qui sont sauuez: mais ils ne l'ont pas merité. Ils sont si estonnez & hors du sens qu'ils demandent de l'huile , c'est à dire de l'aide , & il leur est respondu par ceux qui sont sauuez : *Ite ad vendentes & emite vobis*. Cela ne leur est pas dit par maniere de conseil , mais c'est pour leur mettre deuant les yeux leur coulpe & faulte: comme s'ils leurs disoient: Vous avez esté negligens: allez en acheter . Et comment ? il n'y a plus ne temps ne lieu d'acheter , non : mais les bons obiectent & reprochent cela aux mauuais & damnez . Regardez , il n'a re-
nu qu'à vous : pourquoy n'avez vous faict prouision ? car
à grand peine y en a il assez pour nous. C'est à dire , que
les bons ne peuuent prouffiter aux mauuais qui sont
damnez. Il fault donc bien viure , afin de ne tomber en

*Qui bien vi-
ura , bien
mourra.*

Matth. 25.

*Les bons qui
sont en para-
dis ne peuuent
aider aux
damnez.*

tel defarroy, d'estre à iamais priuez de la vision de Dieu. Et quand vous estes tentez & stimulez à mal, pensez comme si vous voyez la peine d'enfer: proposez vous les peines d'enfer deuant les yeux, & incontinent toute mauuaise affection perdra force & vigueur. Notez ce que quelque docteur dit sur ce passage, que par les lampes sont entendues les bonnes euures exterieures. Ainsi que lon veoit la lumiere de la lāpe: aussi c'est vn bon tesmoignage exterieur que faire de bonnes euures: comme aller à la messe, se confesser, receuoir Dieu, ieusner, ne faire point de mal à son prochain, & semblables choses. Voila de bonnes euures. Ce n'est pas encores assez si cela se faict seulement pour estre veu des hommes. Je ieusneray, ie diray la messe, ie donneray tous mes biens aux pauures, & semblables choses: & toutesfois par-aduerture que ie fais cela par hypocrisie. I'ay bon tesmoignage deuant les hommes, qui voyent mes euures exterieures: mais Dieu ne s'arreste pas à l'exterieur, si il n'y a autre chose: il fault aller plus auant. Il fault garder de l'huile, c'est le bon tesmoignage de la conscience, & du cuer, duquel dit monsieur saint Paul: *Nam gloria nostra hac est testimonium conscientie nostre*. Ne voyez vous pas qu'il y a de l'hypocrisie entre les hommes? le feray par aduerture vn sermon pour vaine gloire, i'oieray les cōfessions pour auoir de l'argent, & non pas par charité: ie prescheray vn Quaresme pour estre appelé à la cour, pour auoir des abbayes & semblables choses. On ne cognoistra pas mon intention: parquoy on dira: voila vn bon homme. Ce n'est pas assez: vous n'estes pas mes iuges: car ie serois incontinent s'anné: mais il fault reseruer de l'huile en vn vaisseau en sa conscience. Et cest huile c'est auoir vn bon tesmoignage en sa conscience. Quand ie mourray, vous ne viendrez pas apres moy pour en porter tesmoignage. Si i'ay faict de bonnes euures pour la gloire de Dieu, & pour le salut de mon prochain, i'entreray dedans aux nopces avec l'espoux: mais si tous les hommes estoient pour moy, & ma conscience contre moy, ie seray damné. Il fault considerer que ce n'est pas tout

Dieu ne regarde à l'euure exterieur si l'intention n'est bonne, & le tesmoignage de la bonne conscience.

De S. Geneuiefue.

d'estre glorieux deuant les hommes, & bien voulu & estimé : mais il fault procurer & mettre peine d'auoir bonne conscience, & de plaire à Dieu le createur. Et le scope, le but, la fin des bonnes eures, doibt estre l'honneur de Dieu, & le salut de son prochain. Alors i'auray gardé de l'huile en mon vaisseau. Le tesmoignage que vous auez de moy ne durera qu'en ce monde : & pourtant il fault mener des tesmoins avec moy deuant Dieu : c'est le tesmoignage de bonne conscience.

Quand les eures exterieures viennent d'un bon cueur elles sont plaisantes à Dieu.

Roma. 2.

C'est chose bone quand les hommes m'accusent, & ma conscience me defend.

I. Corin. 4.

Et combien que le monde diroit mal de moy, & ma conscience est bonne, me voyla bien. Quand les eures exterieures viennent d'un bon cueur, elles sont plaisantes & agreables à Dieu le createur : mais si elles ne procedent de bon cueur ie suis hypocrite, abominable & detestable deuant Dieu. *Cogitationibus accusantibus aut etiam defendentibus.* Et pource combien que les hommes m'accusent & ma conscience me deffend, me voyla en voye de salut : car en ce tesmoignage Dieu s'arrestera & donnera sa sentence dessus, & non point au rapport, iugement & tesmoignage du monde : mais à l'opposite. Si les hommes me deffendent & en portent bon tesmoignage, & ma conscience m'accuse ie suis mal, & en voye de damnation. Monsieur saint Paul ne s'est voulu arrester au iugement des hommes, mais au iugement de Dieu : *Mihi autem pro minimo est ut à vobis iudicet aut ab humano die, qui autem me iudicat dominus est.* Si tous les hommes nie disoyent : O vous prouffitez tant, vous faites si bien : ie ne sçay, & ne m'arreste pas à vostre dire : car souuent Dieu a en horreur & abomination ce que les hommes louent & approuuent : comme dit monsieur saint Luc : *Quod altum est hominibus, abominatio est apud Deum.* Le diable est si cault que par ses moyens & tromperies il fera desbaucher vn pauvre religieux. On luy dira : ô vous prouffitez tant à prescher, il fault que vous preschiez : c'est vn bon eure, & peult estre que vous pouuez dire cela en bonne intention : mais par aduenture que c'est par la suggestion & suasion du diable. Saint Pierre ne sçauoit qu'il disoit quand il dist à nostre Seigneur en la transfiguration : *Domine bonum est nos hic esse*

Matt. 17.

faciamus hic tria tabernacula, &c. L'euangile dit : *Nesciens Petrus quid diceret.* Et pareillemēt quand il voulut empêcher nostre seigneur d'aller en Hierusalem, il luy dist : *Abfit à te domine :* Et nostre seignr luy dist : *Vade post me* Luc. 9.
Satana Entreprendre de bonnes eures, cela est bō, mais il ne fault rien entreprēdre, ny faire sans le cōseil de Dieu. Il se fault recommander premieremēt à Dieu, luy en demander conseil. Nous soimmes souuent trompez par faulte de bon conseil & de bonne intelligence. Aucunesfois vne personne preschera bien & selon la verité : & neantmoins il se damne. S'il y a du prouffit à ton sermō & que quelqu'un se cōuertisse, ce n'est pas toy qui as fait ce fruit mais il vient de la parole de Dieu, duquel tu es seulemēt l'organe. Il fault doncques faire prouision d'huile : c'est auoir bon tesmoignage en la conscience, & que n'ayons autre cause & fin à noz eures que l'honneur de Dieu. & le salut de nostre prochain, *Dum autem irent emere venit sponsus, & que parate erant, intraverunt cū eo ad nuptias :* En noz bō-
clausa est ianua. La porte est fermée, la sentence est dōnée, nes eures
l'arrest est decreté. Abraham respondit au mauuais riche il ne fault
qui estoit damné & demandoit estre aydé & refrigeré : auoir autre
Magnum chaos firmatum est inter nos & vos, id est, magna distantia. L'arrest en est dōné & neātmoins ils viennent dire : intētion que
Domine, domine aperi nobis. En disant : *Domine, domine,* & l'honneur de
ils mōstrent qu'ils ont la foy : mais pour cela ils n'entrent Dieu, le sa-
pas en paradis, car avec la foy il fault auoir les bonnes lut de nostre
eures faictes avec la grace de Dieu, & en charité. Et prochain &
pource qu'ils ont la foy seulement & n'ont point les bō- le nostre.
nes eures avec la foy, Dieu leur fait responce : Luc. 15.
Amen dico vobis, nescio vos : id est non approbo. Je n'approuue & Matt. 25.
n'ay pour agreable ce que vous avez fait. Ouy, mais Matt. 25.
i'ay ieusné : il est vray, mais ç'a esté par avarice, pour espar-
gner vostre biē, ou pour estre veu des hōmes ou semblable cause. *Vel in die ieiunij inuenitur voluntas vestra :* Galat. 53.
combié que vous ieusniez, vous retenez encores vostre mauuais
cueur & mauuaise volonté. Car vous n'avez pas charité, vous ne supportez point vostre prochain, & ne luy aydez pas. Or i'ay esté à confesse : il est vray, mais ce n'a pas esté par charité ny pour l'amour de moy, mais seulement de

De S. Geneuiefue.

peut d'estre dāné. Et pourtant *nescio vos*. Ce que Dieu dit aux damnez qu'il ne les cognoist point, c'est à dire qu'il les reprouue & n'approuue pas ce qu'ils dient auoir fait. Si i'ay fait mes bonnes euures en charité & pour l'honneur de Dieu, & sa marque y est qui les fait valoir pour estre meritoires de vie eternelle. Mais si sa marque qui est charité n'y est, il ne les approuue point, & n'en tient compte. Et par ainsi il donne sa sentence au prouffit des bons, & sont sauuez: & contre les mauuais en les enuoyāt à peine & damnation perpetuelle. Pour la fin & conclusion Dieu dit. *Vigilate itaque, quia nescitis diem neque horam*. Veillez tousiours, & vous tenez tousiours sur voz gardes, & en estat de grace: viuez tousiours de mieux en mieux, & en l'estat ou vous voudrez mourir, car vous ne sçauiez à quelle heure ie vous appelleray. Veillons donc à faire si bien son vouloir qu'il nous trouue tousiours en sa grace, afin que quād il luy plaira de nous appeller que nous soyons prests & dignes d'entrer avec luy au royaume de paradis. Amen.

Mat. 25.
Il fault vi-
ure tousiours
de mieux en
mieux & en
tel estat au-
quel on desi-
re mourir.

Autre sermon du iour de S. Geneuiefue.

Simile est regnum calorum decem virginibus, &c.

Si il n'y a point de vertu sans prudence. L'homme imprudent ne peut estre vertueux. Virginité est bonne de foy: neantmoins sans prudence elle n'est point reputée vertu. Les cinq folles vierges ont esté excluses & priuées d'entrer au Royaume de Paradis, mais les cinq sages y sont entrées avec l'espoux. Elles estoient toutes vierges: mais par faute de prudence, la virginité des folles n'a point esté approuuée ny bien prinse elle n'a point esté reçeüe de Dieu. Mais la virginité des sages, pour la prudence qu'elles ont eu en faisant prouision d'huile, a esté approuuée & louée de Dieu: parquoy elles ont esté introduictes au Royaume des cieux avec l'espoux. Par ce vous voyez qu'il n'y a point de vertu sans prudence, c'est

à dire que ce qui de soy pourroit estre vertueux n'est point reputé vertu sil n'est conduit & regy par prudence. *Auriga virtutum est prudentia*: La conduicte des vertuz c'est prudence. Nostre mere l'Eglise nous propose vne sage & prudēte vierge, pour forme & exemple de vie, c'est madame sainte Geneuiefue. Et pourueu que vous soyiez imitateurs de sa vie, vous ne faudrez point d'entrer au Royaume de Dieu, estre en l'amitié & bonne grace de Dieu. C'est merueilles que de Dieu. Nous disions le premier iour del'an que le nom de nostre Dieu est admirable: *Et vocabitur nomen eius admirabilis*. Il est merueilleux & admirable, car il n'y a que luy seul qui puisse changer les cueurs & volonteiz. Il fait merueilles en ses euures, & fait tout autrement que les hommes: en quoy il se monstre merueilleux. Voila le roy qui veut conquerir vn païs, il demande avec soy les Alemans, les Suysses & autres: il leur fault de l'argent, des munitions & viures: & encores il ne vient pas aucunesfois à chef de ses entreprinſes. Dieu n'a pas seulement entrepris de cōquerir vne ville, vn païs: mais il veut conquerir tout le monde, & l'assubiection à soy: il se veut faire monarque & le grād seigneur de tout le mōde, comme il luy appartient bien: il veut amener vn chacun à sa subiection pour tout gouverner. Voila l'entreprinſe de nostre seigneur: & il prend des gens pour ce faire: ce sont pauvres simples gens peſcheurs, saint Pierre, saint André, saint Iaques, saint Iean, saint Matthieu, le publicain & autres: il leur dit, ſuyuez moy, venez apres moy, & en a choisy iusques au nombre de douze pour conquerir tout le monde: & par ceux là nostre Seigneur entreprēd de se faire monarque & seigneur de tout le monde. C'est vne grande & bonne entreprinſe. Et les gens qu'il prend pour faire ceste conquēte, il les enuoye à part, & sans baston, & non pas ensemble: vous allez conquerir rel païs & vous tel. Il semble selon la chair & sens humain que ceste entreprinſe soit presumptueuse, que douze pauvres gens & simples puissent gagner tout le mōde. Et encores il leur dit: Ne portez argent, ny verge, ny baston, mais vous ſuffiſe que ie vous enuoye comme brebis entre les loups: surmon-

*Il n'y a nul-
le vertu sans
prudence.*

Esa. 9.

De S. Geneuiefue.

Pfal. 19.

tez tout le monde par la vertu de ma parole en toute humilité & patience. Les rois & princes veulent surmonter par force, & par armes. *Hi in curribus & hi in equis* Ils ie-
tèrent bombardes & canons en vſant de force & violence
mais ie veux (dit noſtre ſeigneur aux ſiens) que vous cō-
queſtiez le monde par la benignité, clemence & charité:
In patientia veſtra poſſidebitis animas veſtras. Vainquez en
bien le mal. Voyla comment noſtre ſeigneur ſ'eſt fai-
ct monarque, & a tout rendu en ſa ſubiection, comme bien
luy appartient. Ceux qu'il enuoye ſont bien armez de
ſes armes ſpirituelles, & non pas charnelles, comme dit
ſainct Paul. La force du monde empeſche plus qu'elle
n'ayde. Il eſt eſcript au liure des rois, que quand Go-
liadvint pour deſtruire le peuple d'Iſrael: Saül craignoit à
merueilles & n'auoit perſonne en ſon royaume qui oſaſt
aller contre ce geant Goliad. Et le petit David qui eſtoit
berger gardant les brebis, il diſt au Roy Saül: Sire, quand
ie gardois les brebis de mon pere ie prenois vn Lyon &
le mettois en pieces, & pareillement les ours. Bien, Da-
uid fuſt veſtu des armeures de Saül, pour aller cōbatre ce
geāt: mais il ne ſe pouoit aider en ſes armeures, ny auoir
bras à deliure. Parquoy il les deſpouille, & préd trois pier-
res du torrent, & avec vne fronde du premier coup qu'il
rua il miſt le geant Goliad par terre, & luy couppa la teſte
de ſon propre couſteau. Cela ſignifie que ſi nous voulōs
ſurmonter & vaincre noz ennemys, il ne fault pas vſer
des armeures du monde, ne ſ'appuyer ſur la force de la
chair, car cela empeſche plus qu'il n'ayde, comme vous
voyez que les armeures de Saül, que David auoit veſtues
l'empeſchoyēt tāt qu'il ne ſe pouoit mouuoir à ſon ai-
ſe, & eſtre à deliure de ſes bras: à raiſon dequoy il les deſ-
pouilla. Auſſi pour bien batailler, & eſtre à deliure, deſ-
pouillez vous du monde & de la chair, & en la vertu de
Dieu vo⁹ ſurmōterez voz ennemis, & les mettrez ſoubs
voz pieds. Ainſi eſt venu David cōtre Goliad, non pas en
ſa force ny en la force du monde, mais en la vertu, aſſeu-
rance & confiance de Dieu. Les rois du monde ont des
chariots pour mener des canons & bombardes: mais les
ſeruiteurs de Dieu vont ſeulement en expectation & aſ-
ſurance

feurance de Dieu, & non point par force humaine, ny de
 la chair. Ce n'estoit pas vn moyen humain par lequel les
 Apostres ont gaigné & attiré tout le monde à nostre Sei-
 gneur, mais c'est par la vertu de Dieu. Voyla grands mer-
 ueilles de surmonter sans frapper. Et cela a esté demōstré
 en Iosué contre la ville de Iericho, lequel ordonna seule-
 ment d'aller à l'entour de la ville: & au son de la trōpet-
 te les murailles tomberent par terre. *Et sicut in die Madiā: Iosué avec la*
 ce n'a point esté par force & moyé humain, mais en l'ap- *son de sa trō-*
 puy de nostre Seigneur. Dieu est bien admirable en soy *pette feist*
 & en ses saints, en madame S. Geneuiefue. Il a faict par *rner par ter-*
 eux ce qu'il n'a pas fait par soymesme, comme il auoit *re les murs*
 bien promis par l'Euangile disant: *Si quis credit in me, ope-*
ra que ego facio ipse faciet, & maiora horum faciet. Et par *de la ville de*
 ainsi Dieu se monstre merueilleux & admirable en ses *Iericho.*
 saints, & par la cōmunication des graces qu'il leur a fai-
 ctes les benoists saints ont fait des eūres par lesquel-
 les ils monstrent cōbien Dieu est grād & admirable. Re-
 gardons comme c'est qu'il a esté grand en madame sain-
 te Geneuiefue. S. Germain d'Auxerre testifie que les an-
 ges ont chanté à la natiuité de sainte Geneuiefue. Il en
 y a plusieurs sur la terre desquels on ne tient pas grand
 compte, & toutesfois ils peuuent beaucoup deuāt Dieu:
 Cōme d'un berger d'un simple hōme, le monde n'en fait
 cōpte, ils n'estiment que les riches, & quād ils parlent on
 les escoute, nō pas les pauures, cōbien qu'ils disent bien.
 Et souuent ceux qui ont credit, autorité, & faueur au
 monde, ils ne peuuent rien enuers Dieu. Mais voyla vn
 pauvre homme qui vit bien en l'observation des cōman-
 demens de Dieu, on n'en tient compte: s'il parle, sa parol-
 le est contemnée: on dit, & qui est celuy là? *Pauper sensa-*
tē locutus est: & on ne l'a point escouté: Dives verò locutus
est, & omnes tacuerunt. Regardez, voyla madame sainte *Eccle. 12.*
 Geneuiefue, pauvre fille, qui n'estoit pas de ville, mais seu-
 lement du vilage de Nanterre: & n'estoit pas aussi de
 maison: ce que le monde n'estime. Des gens de grosse pa-
 renté, on dit: Voyla vne bonne maison & riche. Tu dis
 vray: & ce n'est que foin. *Omnis caro fœnum.* Vne maison
 de foin, elle est bruslée d'une scintille de feu. Et pourtant,

De S. Geneuiefue.

à parler propremēt, estre de maison, c'est estre de la maison de Dieu. Il n'en y a point de meilleure, ny de plus grande. On demande de quelle maison est celuy là? & on respōd, il est de la maison d'un tel grand prince & seigneur. Ce n'est que chair: & autresfois n'a elle pas esté. c'est vne maison de foin & caduque qui prédra fin. Mais si de quelqu'un qui aime Dieu, on demāde de quelle maison il est? il est de la maison de Dieu. Pleust à Dieu que les prelatz entendissent bien cela. Voyla vn Euesque, vn Cardinal: & pource qu'il est prestre & ministre de nostre Seigneur I E S V S C H R I S T, il est de sa maison,

*C'est vne grā
de excellence
& dignité
d'estre de la
maison de
Dieu.* & en doit prendre toute sa noblesse, & oublier la noblesse & maison du monde, combien qu'il soit sorty de grosse maison & noble, quant au monde. On est plus anobly sans comparaison d'estre constitué en office & dignité de prestrie en l'Eglise de Dieu, & en sa maison, que non pas de la maison du Roy, & de quelque autre grand prince que ce soit. Et pource, vous deuriez ressentir la maison de Dieu, & vous gouverner selon icelle: & ne point sentir la maison charnelle, & de voz parents: considéré que ce n'est que foin. Mais aujourd'huy nous sommes vestuz de velours, & habillez comme si nous estions de la maison du monde. Estes vous homme d'Eglise? auez vous trois ou quatre mille de reuenu? vous ne deuez pas estre ainsi accoustré comme si vous estiez de la maison du monde. Prenez vostre necessité seulement, & non point de superfluité. Ouy, mais on ne m'estimera point. Que diroit-on si on me voyoit pauurement accoustré? vous serez recommandé de Dieu, & en sa grace si vous faictes bien vostre deuoir, & que vostre charge soit bien exercée. Si vous considerez madame sainte Geneuiefue, selon la maison du monde, elle est vile & contemprible: & combien qu'elle soit pauvre bergere, elle est si grāde que les anges firent feste de sa natiuité. Dieu choisit tousiours les petits & humbles, les pauvres pour mōstrer sa gloire. Il prend vne pauvre bergere à Nanterre, & faict grand compte d'elle, ce que ne faict le monde. Sainct Germain passant par Nanterre, il cogneut par l'esprit de Dieu, que les anges auoyent faict feste en la

natiuité de madame sainte Geneuiefue, & cela estoit signe de grande probité en ceste vierge. Il y a plusieurs pauvres que lon a chassés, lesquels parauenture gardoyent ceste ville: & telle personne que lon n'estime rien, a possible gardé le Royaume de France. Souuent est que lon ne cognoist pas les pauvres & gens de bien, mais Dieu en fait grand compte & estime. Si le Roy dit: Voyla vn homme de bien, chacun dira, ouy, sire, combien que ce soit seulement de bouche, & pour complaire au Roy: on dit i'ay ouy dire: cela de la bouche du Roy. Mais c'est bien plus grand cas de l'auoir ouy dire de la bouche de Dieu, car sa reputation est vraye, & n'est iamais trompé ny deceu, comme nous sommes. Il ne porte point d'affection à vne personne si elle n'est bonne. Le iugement de Dieu est tousiours selon raison, mais celuy des hommes est souuent mauuais, & selon la priuée affection. Aucunes fois tu diras d'un homme, qu'il est homme de bien, & bien viuant: & Dieu en dit & iuge tout autrement, & selon la verité: *Non secundum auditum aurium*. Et pource que madame sainte Geneuiefue est vne pauvre fille, bergere, & de nulle ou petite estimation deuant les hommes. Dieu l'a voulu monstrier & reueler à saint Germain, & cōment les anges auoyent chanté en sa natiuité, cōme en la natiuité de nostre Seigneur I E S V S C H R I S T. Pour monstrier que d'icelle se vouloit seruir il l'a choisie. Quand on fait guerre il ne fault pas mettre son appuy en la force humaine. Car comme nous auons dit il se peut faire, que parauenture celuy qui est le plus pauvre & le plus abiect, c'est celuy qui garde vne ville, vn païs, vn Royaume. Premièrement (comme nous auons en l'histoire de madame sainte Geneuiefue) elle a desiré de tout son cueur de plaire à Dieu, & de trouuer grace deuant luy. Faites ainsi & apprenez à voz enfans de faire ainsi. Et la premiere leçon qu'il fault auoir: est, *Primum querite regnum Dei*. Dès sa ieu-
Il ne fault
mettre son
appuy en la
force humaine.

Luc. 12.

De S. Geneuiefue.

respond qu'ouy . Parquoy il la consacra vierge , comme sont les religieuses , & luy bailla vn denier d'arain , auquel estoit la croix de nostre Seigneur Iesus Christ & luy pendit à son col : lequel denier auoit esté apporté diuinement à monsieur saint Germain : & lay dist qu'elle gardast ce denier & qu'elle vesquist comme vne vierge . Il luy deffend aussi ne porter doreures & scelerstries , & l'exhorte de fuir & euter la vanité du monde .

Eccl. 6.

Voyla la condition d'une vierge . Le Sage dit : *Non est digna ponderatio anime continentis* . Les anges sont bien heureux : mais non pas en ceste qualité . Car en ce qu'ils gardent pureté de la vierge à violence : la chair repugne & c'est grand merite de viure purement en la chair : de sorte que monsieur saint Hierome dit : *Vivere in carne preter carnem , martirium est* , & plus que chose angelique . C'est grand vertu que virginité . Monsieur saint Paul dit : *Virgo cogitat quæ Domini sunt* : c'est à dire la vierge pense & regarde les moyens comme c'est qu'elle plaira à Dieu , c'est auoir le cuer & le corps pur & net , & non pas d'estre curieuse d'aller deça & dela . Il fault garder so-

S. Hierome.

litude , & ne point prouoquer les yeux des hommes . Et monsieur saint Hierome dit , que si par voz habits & maintiens desordonnez & lascifs vous prouoquez quelqu'un à mal , or qu'il ne s'en ensuyue aucun dommage , vous offensez . Car souuent les hommes sont empoisonnez par voz habits & contenancez incompolées : ils boyuent du venin : & quand ils n'en boiront point , vous leur donnez occasion & matiere de tomber & de pecher mortellement . En apres monsieur saint Iean parlant des vierges dit : *sequuntur agnum quocunque ierit* . Et monsieur saint Paul dit , que la femme mariée est diuisée : il fault qu'elle ayt le soing de sa famille : cela est bon , mais c'est vn grand rompement de teste . Et souuent on est retiré & empesché de seruir à Dieu . Mais la condition de la vierge n'a point de distraction qui l'empesche de seruir à Dieu . Notez qu'entre nous gens d'Eglise nous sommes tenuz de garder continence perpetuelle : car nostre estat & condition requiert de tousiours vaquer

*Les hommes
sont empoi-
sonnez par
les habits
dissoluz.*

& seruir à Dieu. Et si l'homme marié se contient & abstient par quelque temps afin de mieux seruir à Dieu, & comme ainsi soit que la condition de nostre estat c'est de tousiours seruir & vaquer à Dieu & oraison : il ne reste qu'à conclure que le prestre se doit tousiours contenir & vaquer à priere & oraison. Car oraison c'est eleuation continuelle de la pensée en Dieu. D'auantage nous auons fait vœu solennel, & auons promis à Dieu chasteté continuelle & perpetuelle. Les docteurs disent, que *rotum solenne duplex est: vn vœu solennel par profession monastique: & l'autre qui est par la reception des saintes ordres: cestuy-cy est fait tacitement, & le premier expressement. C'est l'obligation qui vient de Dieu & non pas des hommes: parquoy on ne peult estre dispensé. Nostre Seigneur I E S V S C H R I S T ne m'a pas commandé d'estre prestre, mais puis que l'ay voulu estre, & que ie suis fait prestre, & ay fait le vœu, il le fault rendre à Dieu. Vota Deo vouete, & reddite. Si ie romps ma promesse que i'ay faicte à l'homme ie suis desloyal. Et à Dieu, ie luy ay promis & fait vœu, il ne luy fault doncques pas estre desloyal. Et pourtant ie vous supplie que entre vous prestres & gens d'Eglise, que vous gardiez cōtinence & la promesse de chasteté, que vous auez promise à Dieu, quand ainsi seroit, que lon auroit donné liberté de se pouoir marier, encores deuez vous aymer plustost mourir, que de rompre vostre estat, & condition. Voulez vous meilleure condition, que la conformité de vostre vie à celle des anges? Et pourquoy les prestres sont ils appelez anges? C'est à cause, que par eux, Dieu exerce sa volonté, nous sommes en la chair, & au monde, mais nous ne deuons pas suyure le desir de la chair, & du monde, *sed viuere calibes*. Et monsieur S. Paul exhorte vn chacun à cela, *Bonum est homini mulierem non tangere*. Ce n'est pas mal fait de se marier, mais *beatior erit, si sic permāserit*. Si vous auez fait vœu de chasteté vous ne vo^z pouuez marier: mais *beatior erit, si sic permāserit*. Si vous n'auiez fait le vœu vous vous pouuez marier, mais vous estes plus heureux, & plus à deliure pour seruir à Dieu & faire vostre salut, n'estant point mariés.*

Le prestre se doit tousiours contenir & vaquer à priere & oraison.

Psal. 75.

I. Corint. 7.

De S. Geneuiefue.

comme dit monsieur saint Paul. *Dico non nuptis, & ri-
duis, quòd melius est si sic permanferint.* Et pource sainte Ge-
neuiefue a cherché à faire ce qui est le plus plaisant & ag-
greable à Dieu. Voyla nostre Seigneur Iesus Christ vier-
ge, né d'une vierge, & l'a baillée en garde à vn qui estoit
vierge. Mais est-il bien possible de garder virginité? dira
quelqu'un. Ouy auecques la grace de Dieu, en se recom-
mandant à luy, & en fuyant & euitant les mauuaises oc-
casions. Et c'est blaspheme de dire qu'il soit impossible
de garder virginité & continence. Car comme dit mon-
sieur saint Hierome, c'est blaspheme & anatheme de
dire qu'il est impossible de faire ce que Dieu commande
& conseille, car il ne commande rien qui ne soit possi-
ble, & facile à faire. Et puis qu'il le commande ou con-
seille, c'est signe que vous le pouuez faire si vous vou-
lez. Nous auons tant de vierges, qui ont mieux aimé
mourir, que de perdre leur virginité: Comme sainte
Agnes, sainte Luce, & autres, & mesmes sainte Gene-
uiefue. Si le prestre n'est chaste, il n'est pas seulement
simple fornicateur, mais sacrilege: Comme si i'auois des-
robbé le bien de l'Eglise, ie serois sacrilege: & mon corps
est à nostre Seigneur Iesus Christ: ce seroit faire les mè-
bres de nostre Seigneur Iesus Christ membres d'une pu-
tain. *An nescitis quoniam membra vestra templum est spiri-
tus sancti qui est in vobis, quem habetis à Deo, & nō estis ve-
stri?* Et pource, c'est vn cas reserué, cōme cognoistre char-
nellement la parète c'est incest, & cas reserué. Aussi d'au-
tant que vostre corps est dedié à Dieu, & que vous luy a-
uez promis virginité & continence, vous commettez sa-
crilege en exerçant l'euure de la chair. Abstenons nous
des viandes qui nous pourroyēt prouoquer à mal, & cha-
stions nostre corps, comme faisoit monsieur saint Paul
qui dit: *Castigo corpus meū & in seruitutē redigo, & c.* Don-
nons à nostre corps ses necessitez seulement, & non pas
les choses superflues: & en ce faisant il sera retiré de mal.
Ce n'est pas peché que d'estre tenté, mais succomber &
estre vaincu par tentation, c'est peché. Quand on se voit
en danger parmy les rues, on crie au meurtre: aussi, si no-
stre ennemy nous assault, & que nous soyons stimulez

C'est blasphem
er de dire
qu'il est im-
possible de
garder vir-
ginité.

1. Corint. 6.

1. Corint. 6.

& tentez, crions en disant : *Auxilium meum à domino*. Mais si tost que nous sommes tentez, nous defaillons, & nous laissons surmonter par la tentation. Et encores nous pourchassons & prouoquons le mal & peché, tant nous sommes auolez & esgarez, la teste leuée, & les yeulx haultains, en regardant cestuy-cy, & cestuy-là.

Oportet vt semper virgo pauca ad omnem viri aspectum.

S. Amb.

Sainct Ambroise dit: qu'une vierge doit tousiours craindre le regard d'un homme. Si les prestres estoient mariez, il y auroit plus de mauix en l'Eglise qu'il n'y a. Et quand on donneroit licence de se marier, ie voudrois plustost mourir que d'y consentir. Viuons comme de bonne coustume en la foy de nostre Seigneur, & n'escoutons aucunement ces resueurs & mensongers, maudits heretiques, qui veulent troubler l'Eglise de Dieu. C'est d'ocques une bone sainte vierge, que madame sainte Geneuiefue: laquelle estant encores petite & ieune fille, ne demandoit sinon que d'aller à l'Eglise, frequenter le diuin seruice & ouir les sermons, & parole de nostre Seigneur.

Quelquefois vn dimenche elle y vouloit aller, & sa mere ne voulut pas, & luy dist qu'elle garderoit la maison, & par fascherie luy donna vn soufflet. En ce faisant ce n'est pas pour corroborer voz enfans à la bonne inclination qu'ils ont de Dieu. Et quand vous voyez qu'ils fuyent & cherchent à euitier les cōpaignies de ce monde, vous en deuez remercier Dieu & en estre ioyeux: mais nous en sommes marris & faschez, & faisons tout le contraire de bien. Une femme prendra une robbe d'homme, & ainsi habillée elle se mettra à deuifer, & on ne se scandalise point de cela. Mais si on voit quelqu'un qui face & viue bien, on luy dit: & comment? voulez vous estre tout seul sauué? pensez vous plus sçauoir que les autres? Le mal est souuent soustenu. Et si quelqu'un fait bien, on dit qu'il est seditieux, contentieux, & en est on mal edifié & scandalisé. Comme de voir une femme qui receura tous les iours le *corpus domini*: & dit on qu'il ne luy appartient pas. Si elle estoit femme meschante, vagabonde, & mal viuante, ie dirois veritablement qu'il ne luy appartiendroit pas. Mais c'est merueilles. Voyla vn

Les peres & meres doiuent remercier Dieu quand ils voyent leurs enfans euster mauuaises cōpaignies.

De S. Geneuiefue.

prestre qui est tout folastre & mal viuât, & on n'est point scandalizé de luy veoir dire la Messe. Il ne fait que de venir dire Messe, & receuoir nostre seigneur : il s'en va iouer aux cartes, aux detz, à la paulme, & on n'est point esmeu, ny scādalizé. Mais si on voit quelqu'un aller tous les huit iours à confesse, on dit : est-ce son estat ? qu'il aille doncques en religion. Si on voit son prochain mal faire, on n'en est pas scandalizé, comme d'un bon euvre. Et souuent l'honneur de Dieu en est diminué, & il n'est pas seruy ny loué, comme il luy appartient. Aucunes fois vne bonne fille, vn bon enfant sera menacé, s'il sert bien à Dieu. Et telles gens qui empeschent ce bien, sont tenus à restitution. Voyla la mere de sainte Geneuiefue qui l'a voulu empeschier d'aller à l'Eglise, & elle en fut auéglée. Et entre vous peres & meres, maistres d'escole & autres, n'empeschez vous pas voz enfans & seruiteurs d'aller à Dieu & luy seruir, quand vous leur donnez mauuais exemple : Vous leur fermez la porte de paradis, au lieu que vous leur deuriez ouurir par bon exemple de vertu, & bonne instruction. Il aduint que quelquefois madame sainte Geneuiefue s'en alla tirer de l'eau, elle fist le signe de la croix & en lau les yeulx de sa mere & elle recoura la veuë : comme le petir Tobie qui rendit la veuë à son pere. Saint Ierome dit que la vierge qui se veult bien contenir & garder sa virginité, se doit abstenir de vin, comme de venin : non pas que le vin de soy soit mauuais : mais il est prouocatif à mal. Et saint Paul dit : *Modico vino vtere, &c.* Ne demandons pas ainsi des vins forts : pourueu que le vin soit pur & net : c'est assez, car tant de mauix ensuiuent pour en auoir mal vsé : *Luxuriosa res est vinum : & tumultuosa ebrietas. Item: vinum & mulieres apostatate faciunt sapientes.* Comme Salomon qui fut desuoyé, & se conuertit aux idoles. Et saint Paul dit : *Nolite inebriari vino in quo est luxuria.* Sainte Geneuiefue iamais ne beut de vin : comme saint Iehan Baptiste, qui *nunquam bibit vinum nec cicerā, id est, quod inebriare potest. Erat Nazareus, id est, Deo consecratus.* Et il est dit en Ieremie, que les Rechabites s'abstenoient tousiours de vin. Et sainte Geneuiefue exem-

La mere de
sainte Ge-
neuiefue fut
auéglée par
ce qu'elle
voulut em-
peschier sa fil-
le d'aller à
l'Eglise.

S. Ierome.

1. Tim. 5.

Pro. 20.

Eccle. 19.

Ephes. 5.

ple des vierges, s'est abstenue de vin, pour garder sa virginité. Aussi il fault que les filles boiuent seulement de l'eau.

S. Paul dit: *Bonum est homini nō comedere carnes & nō bibere vinum.* Et les saints sont louez, pour auoir faict abstinence de viandes. Et les meschās vituperēt cela & disent

Rom. 4.

que toute viāde est creature de Dieu, & qu'elle est bōne: *Omnis creatura Dei bona est.* Entendez, que combien qu'il

2. Tim. 4.

ne fust pas defendu, vous vous deuez abstenir d'aucunes viandes, pour vostre cōplexion, qui est addonnée à quelque vice. Le droict naturel & droict diuin enhortent de fuir tout ce qui entretiēt le vice, & sans que l'Eglise le cōmande, vous estes tenus de le fuir & eiter: ou autrement vous vous mettez en peril probable de tōber & d'offenser Dieu mortellement. Le ieusue & abstinence est de droict de nature: il est vray que l'Eglise a determiné certain tēps qu'il fault ieusner. Nous sommes trop prompts & legers à nous dimouuoir. On dit que Quaresme sera osté, & que les prestres seront mariez, ce qui ne sera faict si Dieu plaist: & cela nous doit beaucoup desplaire: consideré que lon nous veult oster nostre salut. Et ceulx qui disent nous māgerōs de la chair en Quaresme, & les prestres serōt mariez: C'est signe qu'ils n'ōt pas Iesus christ en leur cuer. Il faudroit pleurer & dire: Helas! sommes nous venus au tēps auquel les ceremonies de l'Eglise serōt ostées les traditiōs des saints peres & des saints cōciles serōt elles abolies? Il semble q̄ lon arrache la barbe, & les cheveux de nostre Seigneur. Et nous serōs sauuez: ouy, car nous ferons penitēce si Dieu plaist. S. Geneuiefue est venue à l'austerité de la vie de S. Iehan Baptiste, elle mangeoit du pain d'orge, des febues cuites de quinze iours, ou de trois semaines. Elle ieusnoit toute la semaine, excepté le Dimanche & le leudy. Abstinence est bien recōmandée deuant Dieu. Moyse, Elie & autres ont merité d'auoir reuelatiō de Dieu par le ieusue. Et S. Iehā auāt que d'escrire son euāgile, il cōmāda de ieusner trois iours. Aussi S. Geneuiefue a merité p son ieusue: d'auoir reuelation de Dieu. Elle tōbe en paralysie & semble toute morte: *videbatur corpus suum exanime.* Elle fut rauie en paradis, cōme S. Paul. *Et audiuit arcana verba quae non licet*

Abstinence est fort recōmandée deuant Dieu.

2. Cor. 12.

De S. Geneuiefue.

homini loqui. Elle veit la gloire preparée pour les bōs, & la peine pour les mauuais. A pres, elle a aussi cogneu les secrets des cueurs, qui n'appartient sinon à Dieu par nature, mais il luy a pleu de faire ceste grace à ses saints: aux Apostres, cōme à S. Pierre qui cogneut le secret & le vouloir d'Ananias & Zaphita, qui auoient vendu leurs biens, & n'en auoient apporté que la moitié: & il les condamna à mort. Il cogneut aussi le secret de Simon Magnus, quand il se fist baptizer, & qu'il presenta argēt pour auoir la puissance qu'ē imposant les mains sur les autres ils receussent le S. Esprit. Ainsi sainte Geneuiefue a eu la cognoissance des cueurs, cōme les Apostres: Entēdez que si Dieu a communiqué à ses seruiteurs encores passibles estans en ce monde ce qui luy appartient par nature, c'est de cognoistre les secrets des cueurs: combien plus les benoists saints cognoissent ils noz cueurs & affectiōs eulx estans en paradis? En voyans Dieu, ils voyent noz cueurs. L'essence de Dieu est comme vn mirouer, & là ils voyēt noz prieres & deuotions: la distance n'y fait rien, cōbien qu'ils soient loing. Il y a vn passage en l'escripture qui dit: que les Anges se resiouissent de la penitence du pecheur. La vraye cōtrition pour faire bōne penitēce est au cueur. Cōmēt dōcques se resiouiroyēt ils, s'ils ne voioyēt noz cueurs? Ainsi q̄ tristesse vient des choses *que nolētibus nobis accidunt*: aussi ioye est des choses qui viennent selon nostre cueur. Donc si les Anges cognoissent noz cueurs, ausquels est la vraye cōtritiō (ce qui se fait par ce qu'ils voyent Dieu, qui se represente *tanquā speculū liberum*) les saints de paradis qui n'ont pas moins de gloire *imō* qui sont par dessus les Anges, comme est la vierge Marie mere de Dieu, S. Iehan Baptiste, ne cognoissent ils pas aussi noz cueurs en voyāt l'essence de Dieu cōme font les Anges? Notez q̄ Dieu reuele aux saints toutes les choses q̄ cōcernēt la gloire, se sont les secrets des cueurs de ceux q̄ le prient en bōne deuotion, ils les cognoissent en voyant Dieu face à face, ainsi qu'il est. Entēdez de madame S. Geneuiefue, qu'elle est vostre gardiēne. En son tēps, il aduint à Paris, cōme dernièrement il nous aduint, quand l'Empeur y voulut venir, ce qu'on craignoit, & taschoit on de

*Les saints
estans en pa-
radis cognoi-
sent noz
cueurs & af-
fectiōs, ils
oyent noz
prieres.*

*Dieu reuele
aux saints
toutes choses
qui concer-
nent leur
gloire.*

ſauuer chacun ſon bien : mais le premier c'eſtoit qu'il ſe falloit retourner de bon cuer à Dieu, & faire penitēce. Et quād du temps de S. Geneuiefue, les citoyens de Paris ſ'enfuirent comme lon faiſoit dernièrement, elle leur diſoit: Ne craignez, mais faiſtes penitence en vous retournāt à Dieu, & il vous aidera & ſera propice: & au lieu de ce faire on ſe moquoit d'elle on la reputoit ſacrilege & ſorciere, & cōſpiroit on à ſa mort. Neātmoins p ſes prieres & deuotes oraiſons, le Roy ſ'en alla ſās coup frapper, cōme vous veſtes dernièrement, q̄ le iour q̄ lon porta le corps de S. Geneuiefue la paix fut faiſte, & noſtre aduerſaire fut apaiſé. Et à bon droit on la recognoiſt la protection & tution de la ville de Paris.

S. Iehan Chryſo. dit *S. Chryſoſt.* que les corps de S. Pierre & de S. Paul ſont la tution & *Les corps de* garde de la ville de Rome : laquelle en eſt plus anoblie q̄ *S. Pierre &* pour les victoires & autres vaillantises de Rome. Je ſçay *S. Paul ſont* bien que Dieu eſt principal tuteur & deſenſeur, duquel *la tution &* tous biens procedent & dependent. Mais il luy plaist par *garde de la* ſa grace de nous aider & garder par le moyen de tels & *ville de Ro-* tels ſaincts ſes bōs amis, cōme il nous a dōné vn bō ange *me.*

pour nous garder, cōbien qu'il nous garderoit bien ſans les Anges. Auſſi ne repugne il pas de dire qu'il plaist à Dieu de garder la ville de Paris, par le moyen de madame S. Geneuiefue: comme vous auez que par la priere de Moyſe il pardōna aux enfans d'Iſrael. Et ſi Moyſe n'eult prié pour eulx, il ne leur vouloit pas pardōner. Il ne vouloit auſſi pas dōner de la pluye, ſi non par le moyē d'Elie.

Il eſt dit : *Propter me & ſeruum meū Dauid custodiā ciuitatem iſtam.* Auſſi pour l'amour de ſoy & de S. Geneuiefue il garde la cité de Paris. Il veult & luy plaist de faire ainſi les choſes par ordre. Mais nous ne ſommes pas meilleurs que ceux de Ieruſalem. Et en general ie ne voy point d'amendement en nous. Iosephe recite q̄ les anges gardes de la ville de Ieruſalem ſ'en departirent pour les grands & enormes pechez que lon y cōmettoit. *Et audite ſunt voces in aere dicētes: Migrem⁹ hinc.* Et noſtre Seigneur pleura ſur la cité, pour la ruine q̄ deuoit aduenir ſur icelle. Quand il n'y a plus de gardes en vne ville, on y entre facilement: comme quand il n'y a plus de haye & d'enclos à l'entour

4. Reg. 19.

De S. Geneuiefue.

d'une vigne ou d'un champ, les chiens & pourceaux y entrent facilement. Aussi craignons que nostre garde, c'est à sçauoir Dieu & S. Geneuiefue ne nous soit ostée. Faisons penitence, & nous amédons, autrement noz gardes diront: *Migremus hinc*: allons hors d'icy. Et puis les heretiques disent que nous sommes caphards, pource q nous prions & honorons les saints en les inuoquant à nostre aide & secours. Je voudrois bien estre bõ caphard, & que ie vous eusse bien prins à nostre seigneur. Caphard c'est à dire vn engleur. Et les heretiques sont engleurs, non pas à bien, mais à mal & deception: car par douces paroles, pleines de dol & de fraulde, ils seduissent & trompent les gens simples qui n'entendent & ne sçauent pas leurs cautelles diaboliques: *Per dulces sermones seducunt innocentum corda*. Madame sainte Geneuiefue, a deliuré la ville de la main des ennemis, de la famine, de la peste, & d'un feu, qui estoit vne grãde maladie qui regnoit. Et pour cela, on fait & celebre la feste de S. Geneuiefue des ardés. Et ie vous prie, Chrestiens, que d'autant que vous voyez que les heretiques croissent & s'efforcent de parler contre les benoists saints, que tant plus vous les priez, honoriez & reueriez. Si le temps passé vous n'alliez à S. Geneuiefue allez y maintenant Dieu eust bien guarý Naamá Syrus sans l'enuoyer au prophete Elisée, qui l'enuoya lauer au fleuve de Iordain: il eust bié aussi guarý & illuminé l'aveugle nay, sans luy mettre de la bouë sur les yeulx & l'enuoyer au lauouer de Siloé: mais il luy plaist de faire ainsi les choses par ordre & par moyen, & que ses benoists saints soiét honorez en vn lieu plus que non pas en vn autre. Nous appelons la glorieuse vierge Marie mere de Dieu, nostre dame de recofort, de toute ioye, de pitié, & semblables tiltres: & les heretiques s'en moquent. Mais cõme dit le Sage en ses Prouerbes: *Parata sunt derisoribus iudicia*. Il n'y a pas plusieurs nostre-dames: mais tout ainsi que nous disons, *Deus spei, Deus gratia & totius consolationis, Deus misericordia*, pour ses effectz & euures, il est dit le Dieu de misericorde, d'esperãce, de cõsolation, de paix, &c. Aussi la benoiste vierge Marie est dite nostre dame de reconfort: car en la priant nous sommes con-

Caphard,
c'est à dire vn
engleur: &
les hereti-
ques sont en-
gleurs, non
pas à bien,
mais à mal.

Dieu veult
que ses S.
soient hono-
rez en vn lieu
plus qu'en
l'autre.

fortez & consolez par elle: elle est aussi dite nostre dame de pitié, car elle a eu & a pitié de nous pauvres pecheurs. Et vn hōme qui auroit le cuer tout deprimé s'il la prie, il se trouue tout reconforté & corroboré en ioye & liesse. Dieu pour ses diuerses operations a diuers noms: aussi a la glorieuse vierge Marie sa mere. Il n'y a rien plus doux & amiable que la doctrine & tradition ecclesiastique: Quand les Iuifs lisent la loy de Moyse, ils ont vn voile deuant les yeulx: aussi ont ces pauvres malheureux heretiques: ils ont vn voile de malice deuant les yeulx qui les empesche de cognoistre la verité. Sainte Geneuiefue faict plusieurs miracles. Le roy Childerich auoit faict fermer les portes de la ville: & elles s'ouuurent deuant madame sainte Geneuiefue: elle garissoit les malades, aueugles, muets, sourds, debilitiez. Et ou sont les trois princes, Empereurs qui feront cela? qui dient à vn boiteux, à vn paralytique, leue toy & chemine: Ils ne sçauoiēt faire cela pour leur or, argent & richesses mondaines. Saint Pierre dist au paralytique: *Aenea sanet te Dominus Iesus Christus: surge & sterne tibi: continuo surrexit.* Et voila sainte Geneuiefue qui prie pour vn sourd, pour vn muet, pour vn aueugle, & Dieu l'a exaucée: c'est la vertu de Dieu qui sort par ses benoists saints. *Virtus de illo exibat, & sanabat omnes.* La fimbrie & la vertu de nostre seigneur, est demōstrée par les saints par lesquels il demonstre sa vertu & puissance. Sainte Geneuiefue gardāt telle austerité & abstinēce de vie que nous auōs dit cy deuant, iusques à l'aage de soixante cinq ans, elle fut admonestée par les Euesques, qui luy conseillerent de relacher son austerité à cause de son grand aage & d'adiouster à son viure vn petit de poisson & de lait. Et elle obeït à leur conseil & non pas au sien, ny à son propre sens. Et en mengeant cela les grosses larmes luy sortoiēt des yeulx. Sainte Geneuiefue nous monstre & apprend que nous gardions d'estre deceus par les cautelles & trōperies du diable, qui suggere aucunes fois à vne personne de ieufner, faire abstinēce, & des vœux, mais c'est à mauuaise fin & intention, & non pas pour bien qu'il vueille à la personne, mais pour par tel moyen luy faire perdre

Dieu a diuers noms pour les diuerses operations qui sont en luy.

Acto. 9.

Luc. 6.

De S. Geneuiefue.

Pfal. 113.

Pfal. 38.

le sens & entendement, & par trop grande austerité de vie luy faire rompre son vœu. Et pour ouurir sa mauuaise suggestion, il donne & suggere des apparences & couleurs qui semblent estre veritables. Et pourtât il ne fault rien entreprendre, ny faire sans bon aduis & conseil à l'exemple de madame sainte Geneuiefue, qui s'est submise, & a obeï au sens & conseil de ses superieurs, & non pas au sien. Obeïſſez doncques aussi au bon conseil de voz superieurs. Il aduint quelquefois que le conuent de sainte Geneuiefue fut brûlé, & on apporta son corps en vn autre eglise. Et en entrant, l'autel sur lequel on le vouloit mettre, se print à sauter : *Montes exultauerunt sicut arietes* : C'estoit en signe de ioye & de gratulation & honneur qu'il faisoit au corps de madame sainte Geneuiefue. Quand vn Roy entre à l'Eglise, cela se fait il? Et pource: *Nimis honorati sunt amici tui Deus*. Vous voyez combien c'est que Dieu fait pour elle, quand on la reclame de bon cuer. Et pourtant ie vous prie que soyez enflambez en l'amour de Dieu aux prieres de sainte Geneuiefue, afin que Dieu vous face la grace de vous amender & aller à luy. Voila vn pauvre enfant d'un mareschal, saint Marceau, & vne pauvre fille bergere, sainte Geneuiefue : Dieu les glorifie & honore, car il fait beaucoup pour ses bons amis. Côme nous auons qu'il ne peust rié faire, c'est à dire qu'il ne voulut abîsmer les villes de Sodome & Gomorre, iusques à tant que Loth en fust sorti, car sa presence empeschoit & tenoit Dieu à cause que il estoit hôme de bien, & amy de Dieu: ainsi faisoit Moÿse: ainsi fera sainte Geneuiefue. Ne nous rendons doncques point indignes de ses prieres, comme les Iuifs, qui se sont rendus indignes des prieres des gens de bien, côme disoit Dieu à Ieremie: *Noli orare pro populo isto, anima mea non est ad populum istum, populus enim exasperans est*. Viuons bien, afin que Dieu ne soit prouocqué de dire à sainte Geneuiefue : Ne me parle point de ce peuple, car il ne fait que me courroucer & prouocquer à ire par ses grands & enormes pechez. Amendons nous doncques à l'exemple de madame sainte Geneuiefue la protectrice & garde de la cité de Paris: & nostre Seigneur nous donnera sa grace, &c. *Amen.*

Pour le iour & feste des Rois.

Venite adoremus, & ploremus ante Deum, qui fecit nos, quia ipse est dominus Deus noster. Le saint Esprit parlant par le Prophete royal Dauid nous appelle & dit: Venez: à qui? à Dieu le createur, à nostre sauueur Iesus. Venez volontairement: car si vous n'y venez volontairement, ie vous asseure que vous y viendrez par force: & fault que bons & mauuais se trouuent vne fois deuant luy pour rendre compte de leur vie, & eüres bonnes & mauuaises. Venez doncques gracieusement à vostre Dieu, à Iesus. Et que ferons nous quand nous serons venus? nous nous trouuerons à luy pour l'adorer *Venite adoremus.* C'est honorer, craindre & seruir à Dieu, luy faire honneur tel qu'il appartient & d'autre honneur qu'il n'appartient aux saincts & creatures: *Et procidamus:* Humiliez vous deuant luy, & luy demandez misericorde. Est-ce assez? non, il fault encores pleurer deuant luy. Et qui est il? c'est celuy qui nous a faicts. Comment pleurer: C'est faire penitence, se repentir de ses pechez & s'amender. Voila que dit le saint Esprit par le Psalmiste: *Venite adoremus, &c.* Or ie trouue en la sainte escripture, au vieil Testament, deux Rois, dõt l'un n'a pas voulu venir combien qu'il fust appelé, l'autre incontinant qu'il a esté appelé est venu. Le premier c'est Ochosias: quand il fust fort malade en sa maladie il ne se retourna pas à Dieu le createur: il ne luy demanda point d'aide: mais se retira à vn idole, & enuoya demander s'il viuroit ou s'il mourroit. Il n'appartient pas à vn idole tel honneur. Que le Roy en sa necessité retourne à vn idole & luy demande santé, c'est bailler à la creature l'honneur deu à vn seul Dieu. C'est Dieu qui a en sa main santé & maladie, la vie & la mort. Ochosias est idolatre. Le Roy de Samarie quand il se sentit malade il enuoya aux prestres de l'idole Acharon pour demander conseil. Dieu voyant cela, il enuoya au deuant vn messager qui dit: Comment? n'y a il pas le Dieu d'Israël: fault il auoir refuge à vn idole, à vn diable? Et pour-ce que le Roy vostre maistre a mis son cueur, sa fiance & esperâce en vn ido-

Psal. 94.

Psal. 94.

Psal. 94.

4. Reg. 9.

Du iour

*La punition
de delaisser
Dieu & se
retourner à
vn idole.*

le, Dieu dit que du liſt ou il eſt couché iamais ne reſeue-
ra, mais y mourra, Voila la punitiõ d'auoir delaiſſé Dieu,
& ſ'eſtre retourné à vn idole, à vne creature. Les meſſa-
gers vindrent dire les nouuelles au Roy Ochofias. Il de-
mâde: Qui dit ces paroleslà? vn hõme ainſi veſtu, de telle
ſorte. Or c'eſt Elie, dit il. Qu'on l'enuoye querir & qu'il
ſoit mis à mort. car il luy auoit dit la verité, & le vouloit
empêcher d'eſtre idolatre. Le Roy (combien qu'il ſoit
bien malade) enuoye vn capitaine avec cinquante hom-
mes pour aller querir ce pauvre homme hermite Elie
pour le faire mourir. Quand le cinquantenier a eſté ar-
riué & qu'il a eu dit à Elie le commandement du Roy, le
feu eſt deſcëdu du ciel à la parole d'Elie, & les a tous de-
uorez. On le dit au Roy & que telle punition a eſté fai-
cte de ſes gens, & que le feu les a tous deuorez, enſemble
le capitaine. Pour cela le Roy ne recognoiſt point ſa
fulte, mais demeure endurcy & obſtiné. Il enuoye vn
autre capitaine avec cinquante hommes. Et à la parole
d'Elie le feu eſt deſcendu du ciel qui les a brulez com-
me il auoit faiet les autres. Le Roy en eſt encores aduer-
ty & renuoye encores vn autre quinquagenaire. Mais
vous pourrez icy demander, ne fault il pas que les ſerui-
teurs facent ce que leur maiſtre leur commande? En voi-
la cent que le Roy a enuoyé qui ſont brulez & demeurez
au feu. Je vous diray : ils n'ont pas eſté exterminéz
pour auoir obeï à leur maiſtre, mais pour-ce qu'ils e-
ſtoient idolatres comme leur maiſtre. Ils ſe mocquoient
d'Elie, & eſtoiēt bien aiſes, & ioyeux de le faire mourir.
O quel dommage, quand vn Roy, vn prince, eſt mauuais
& que ſa malice eſt publique? Si le Roy eſt accouſtumé
à iurer, vous trouuerez la plus part de ſes gens blaſphe-
mateurs & entachez du vice de leur maiſtre. Voila vn
Roy qui eſt idolatre : auſſi ſont la plus part de ſes gens.
Et pour-ce, Dieu les a punis de la peine des heretiques
c'eſt du feu. Le troiſieſme capitaine eſtoit hõme de bien,
craignant Dieu, & a dit à Elie qu'il vint parler au Roy.
Elie ne craint point. Le Sage dit aux prouuerbes. *Furor
principis nuncius mortis.* Elie veoit que le Roy eſt courrou-
cé contre luy. Comment doncques y va il? Le ſage reſ-
pond

spond cecy, & dit : *Cor Regis in manu Domini est, & quocunque voluerit vertet illud.* Le cueur du Roy est en la puissance de Dieu, tellemēt que Dieu tourne le cueur, la volōté du Prince, ainsi qu'il luy plaist. Et Dieu a tourné le cueur & la volōté du Roy Ochozias, qui chāgea de propos, mais il ne delaisa point son idolatrie. Elie dist au Roy, Sire pourātāt que vous āuez contēné vostre Dieu, qui est le Dieu d'Israel, & qu'en vostre maladie vous estes retourné à vn idole, ie vous respōs que iamais vous ne relenez de vostre liēt, mais mourrez. Et ainsi a esté fait. Cōsiderez que voyla vn homme endurcy, & en faites vostre prouffit. Mais qui a fait le Roy idolatre, qui l'a gasté? c'a esté sa mere Iezabel, femme du Roy Achab. Or voyez le danger que c'est, que de conuerser avec vne meschante personne, avec vn heretique qui est plein d'erreur. Vous ne sçauriez si peu hāter avec luy, & l'oüy parler, que vous ne soyez enfariné. Et pourtant gardez vous bien de meschante compagnie, & des gens suspects. Gardez bien voz enfans qu'ils ne se trouuent parmy gens meschans. Car quand quelqu'un est tombé en idolatrie, en heresie, à grand peine reuiet il à la cognoissance de sa faute, & de la verité, Cela est si difficile, que de cēt l'un ne retourne pas. Le Roy Ochozias a enuoyé à Elie deux quinquagenaires : lesquels Dieu a puniz, mais pour cela le Roy ne l'est point amēdé ne corrigé. D'ou vient cela? C'est que les idolatres & heretiques sont ainsi obstinez & pertinax en leur meschāte opinion: qui est la plus grāde damnation du monde. Et qu'a fait le Roy Ochozias? ce que lon fait souuent. Quand l'homme se trouue malade, il enuoye incontinant aux creatures auant que d'aller au createur : cōbien qu'il soit prohibé au medecin de rien ordōner au malade, que premieremēt il n'ait ordonné de sa cōscience, & qu'il ne soit confessé : & on ne le fait pas pourtant : mais on va premierement aux hommes. Il est question seulement de la vie temporelle: mais de l'ame, rien. Nous sommes souuent comme le Roy Ochozias, qui a enuoyé au diable pour sa maladie. Et plusieurs en leurs necessitez & affaires enuoyent aux deuins & sorciers qui les guarissent. Il est certain que d'enuoyer

Proverb. 33.

On ne sçait bien e meschante compagnie, & des gens suspects. Gardez bien voz enfans qu'ils ne se trouuent parmy gens meschans. Car quand quelqu'un est tombé en idolatrie, en heresie, à grand peine reuiet il à la cognoissance de sa faute, & de la verité, Cela est si difficile, que de cēt l'un ne retourne pas. Le Roy Ochozias a enuoyé à Elie deux quinquagenaires : lesquels Dieu a puniz, mais pour cela le Roy ne l'est point amēdé ne corrigé. D'ou vient cela? C'est que les idolatres & heretiques sont ainsi obstinez & pertinax en leur meschāte opinion: qui est la plus grāde damnation du monde. Et qu'a fait le Roy Ochozias? ce que lon fait souuent. Quand l'homme se trouue malade, il enuoye incontinant aux creatures auant que d'aller au createur : cōbien qu'il soit prohibé au medecin de rien ordōner au malade, que premieremēt il n'ait ordonné de sa cōscience, & qu'il ne soit confessé : & on ne le fait pas pourtant : mais on va premierement aux hommes. Il est question seulement de la vie temporelle: mais de l'ame, rien. Nous sommes souuent comme le Roy Ochozias, qui a enuoyé au diable pour sa maladie. Et plusieurs en leurs necessitez & affaires enuoyent aux deuins & sorciers qui les guarissent. Il est certain que d'enuoyer

Du iour

à eux c'est enuoyer au diable, car ils ne peuvent rien faire, sinō ce que le diable leur cōseille & enseigne. Et si on est guarý, c'est en punition de la malice de ceux qui enuoyent à eux. Car Dieu voyant la malice des hommes, qui se confient plus aux creatures & aux diables, que nō pas à luy, il permet que les diables parlent par les idoles, & qu'un deuin vous die ce que vous luy demãdez, & que vne sorciere vous guerira, pour vous entretenir en vostre erreur, car vous l'avez ainsi meritē. Gardez vous bien de faire comme le Roy Ochozias: mais vous retournez premierement au createur, que non pas aux creatures: & pēsez de l'ame auãt que du corps. Voyla vn autre bon Roy nōmé Ezechias, il fut malade iusques à la mort: & incontinant il se retourna à Dieu le createur: il tourna sa face vers la paroy, & feist sa priere à Dieu en luy disant: *O bse-*

Esa. 38.

cro Domine, memento quomodo ambulauerim corã te in corde perfecto. C'est vn beau cōmēcemēt d'oraison: O sire ayez souuenãce de moy, & cōment i'ay vescu en la lumiere & clarté de la foy. Je n'ay point esté idolatre: ie vous ay aimé de cuer parfaict, & ay faict ce qui est bon, & q̃ vous auez commandé. Mon pere Acham auoit faict vn idole, mais ie l'ay rompu, il auoit fermé le temple, & ie l'ay ouuert, les Iuifs adoroyēt le serpent d'arain comme vn idole, & ie l'ay rompu, comminué, mis en poudre: i'ay faict ce qui estoit bon. Je vous prie maintenant, Sire, que vous ayez de moy souuenance, qui suis au liēt malade. Mais vous demanderez: est-ce bien faict à l'homme de remettre en memoire ses biensfaits? n'est-ce point vanterie?

Glos. ordin.
C'est bien
faict de re-
duire en me-
moire ses bñ
nes eures en
retournant
tout à la glo-
re & louãge
de Dieu.

Felix conscientia que in tempore malorū potest recordari bonorum: La cōscience est bienheureuse quand en aduersité elle peut auoir souuenance & recordation des biens que l'homme a faicts en prosperité. O quelle consolation quãd à la mort on pense que lon a bien vescu & faict tãt de belles eures! Et le Roy Ezechias ne dict ses biensfaits pour en demãder honneur & gloire, mais pour en remercier Dieu. Sire ie vous remercie des graces & biēfaits que vous m'avez faicts, & que i'ay esté fidele, & nō pas idolatre. Je vous ay aimé: i'ay ouuert le temple: & ay cassé l'idole & serpent d'arin. Cela ne vient pas de

moy, mais de vous : dont ie vous remercie. Si nous vou-
 lons receuoir nouuean benefice, il fault rememorer les
 graces & benefices qu'on a eues au parauant. Dieu a ouï
 l'oraison du Roy Ezechias, & ses larmes, il l'a exaucé, il a
 regardé sa penitence. Parquoy il luy a enuoyé santé : &
 trois iours apres il monta au temple, pour plus remercier
 Dieu, & luy faire oblation. Mais il auoit donc failly puis
 qu'il a faict penitence : ie vous diray, il n'y a si iuste qui
 n'ait offensé quelque fois. Aucûs disent que le Roy Eze-
 chias auoit eu victoire contre les Assyriens, & que suffi-
 samment il n'en auoit remercié Dieu, mais ie pense le
 contraire, car la victoire qu'il eut contre les Assyriens fut
 apres la maladie, & non pas deuant. D'ou vint donques
 ceste maladie? c'est qu'il ne s'estoit pas voulu marier. Car
 Dieu auoit promis à Dauid, que de luy viendroient benedi-
 ction, & salut à tout le monde. Et le Roy Ezechias estoit
 descendu par droicte ligne de Dauid, & falloit qu'il eust
 vne femme de sa lignée, de laquelle le Messias deuoit
 venir. Et pour cela, Dieu l'auoit touché & puny, car *quos*
amat Deus castigat. Et incontinent Ezechias se retourna à
 Dieu pour l'honorer & seruir : il pleura, & feist peniten-
 ce. C'est donques vn bon Roy. Dieu nous face la grace
 de l'ensuyure. le trouue vn Roy tresmauuais au nouveau
 testament. C'est le Roy Herode: c'est vn meschant & dis-
 simulateur. Il est escript, *Sex sunt quæ odit Dominus, & se-*
ptimum detestatur anima eius: oculos sublimes, linguam men-
dacem, manus effundentes innoxium sanguinem, cor machinans
cogitationes pessimas, pedes veloces ad currendū in malū, pro-
ferentem mendacium, testem fallacem, & eum qui seminat in-
ter fratres discordias. Voyla six choses que hayt nostre Sei-
 gneur I E S V S C H R I S T, & il deteste la septiesme.
 Premierement il hayt les orgueilleux, les menteurs, les
 homicides qui respandent le sang innocent : & le cueur
 qui machine les meschantes cogitations: cōme les simu-
 lateurs qui semblēt bons par dehors, mais ils sont trai-
 stres ennemis : & ceux qui sont hastifs & courent à mal
 faire, les mēsongers & faux tesmoins: & sur tout il hayt
 ceux qui mettent discord & diuision entre les freres, en-
 tre les Chrestiens. Or Herode est vn dissimulateur. Les

Le Roy Eze-
 chias tomba
 malade par
 ce qu'il ne
 s'estoit voulu
 marier.

Proverb. 6.

Du iour

trois Rois viennent à luy, & luy demandent ou c'est que est né le Roy des Iuifs. Et apres le conseil faict, il les enuoye en Bethleem, & leur commande de reuenir par deuers luy, leur disant qu'il ira luy mesme adorer l'enfant nouveau-né, apres qu'ils luy auroient referé la verité. Et neantmoins en son cueur il machine le contraire, & veut faire mourir les trois Rois à leur retour, & le petit enfant Iesus. Voyla vn homme grand dissimulateur, & bien cruel: Car pensant tuer l'enfant Iesus nouvellement né, il faict tuer cent quarante quatre mille enfans petits innocens desquels parle saint Iean en son Apocalypse. Voyla bien *manus effundentes sanguinem innoxium*. Il est si cruel qu'il faict encores tuer sa femme nommée Mariane, & trois de ses enfans, c'est à sçauoir Alexandre, Aristobole, & Antipater. Dieu luy enuoya vne persécution bien estrange: c'est que petites vermines comme cirons, l'ont acueilly: & auoit vne si grande puanteur, que lon ne pouuoit durer aupres de luy. Voyla grande pitié qu'un Roy est mangé de cirons, & de vermine. Et quand il a senty son infirmité, il n'a pas faict penitence, mais il a pis faict, car il a mis vn cousteau en sa gorge, & s'est tué. Voyla vn Roy bien cruel. Aussi est il damné, & a commencé sa damnation en ce monde. Voicy les trois Rois, trois gens de bien, *tres magi*. Ils cognoissent par reuelation diuine, que le Roy & redempteur de tout le monde est né, Dieu leur donne vne lumiere celeste pour les conduire. Si fault-il passer par Hierusalem, qui est la sainte cité: & quand ils y sont, ils demandent, *Vbi est, qui natus est rex Iudeorum? Vidimus enim stellam eius, &c.* Le conseil est assemblé, & dit au Roy, que le Roy des Iuifs doit naistre en Bethleem. Les trois Rois s'en vont & ont de bonnes inspirations: ils ont vne clarté diuine & celeste, c'est la foy, signifiée par l'estoille. Est-ce assez de cela pour estre sauué: non: il fault encores auoir les bonnes eures, les bonnes inspirations de Dieu, & venir en Hierusalem, en la sainte cité, c'est à dire, qu'il fault retourner aux saints, à la cōmuniō des saints: Il fault demander le secours & aide des saints, selō les priuileges & graces que Dieu leur a faict: il se fault recommander à leurs prieres.

Apoc. 4.

La mort misérable d'Herode.

Matth. 2.

Ce n'est assez pour estre sauué d'auoir la foy, il fault auoir les bonnes eures.

Il fault passer par la communion des saincts pour estre sauué. Encores fault-il vser de conseil. Le Roy Herode quand il a ouy les trois Rois demander ou estoit né le Roy des Iuifs il a assemblée les princes des prestres, c'est à dire les Euesques, les prelatz de la synagogue, & les scribes qui sont les docteurs de la loy de Moysé: ils respondent que le Roy des Iuifs doibt naistre en bethleem. Par cela est monstté qu'il fault qu'un Roy ayt du conseil & qu'il oyé le conseil: c'est à dire, qu'il vueille bien viure & faire son salut. Et quant à la temporalité & spiritualité il fault auoir des gens lettrez qui cognoissent les escritures, & comment elles se doiuent entendre en remonstrant le salut. Et non seulement les Rois se doiuent adresser aux sages, mais aussi tout le monde y est subiect. Pensez vous que ce soit assez d'estre admonnesté par dedans? non, mais il se fault aussi recōmander aux saincts & impetier leur aide par la grace de Dieu. Il faut ensuyure les bōnes predications, & demander conseil aux gens de bien: & ainsi vous paruiédrez à nostre Seigneur comme les trois Rois. Ils sont en Bethleem: qu'y font-ils? *Inuenerūt puerū cum Maria matre eius: & inuenerūt adorantē: ils ont Psal. 94.* adoré nostre seigneur, & se sont prosterné deuant luy, en luy offrant or, myrrhe, & encēs. Que denote l'or: c'est qu'ils l'ont recogneu vray Roy, & souuerain. Le Roy est couronné d'une couronne d'or. Vn Roy doibt seruir à Dieu, & luy faire oblation, & en l'adorant il doibt estimer qu'il n'est pas Roy. O Sire vous estes le souuerain Roy du ciel, & de la terre, mais moy combien que ie sois *Les trois Rois* Roy de France, ie ne suis seulement qu'un petit seruiteur *presen-* aupres de vous. Et que ie sois Roy deuant vous, ah, non: *terēt à Iesus* ie suis seulement vostre seruiteur & officier. Ils luy ont *Christ de l'ē-* apres offert del'encens, par lequel ils le cōfessent & reco- *cens par le-* gnoissent vray Dieu. Le Roy doibt considerer & dire: *quel ils le re-* suis le conducteur du peuple de Dieu: il m'a donné cest *cognoissent* office: mais au regard de mon maistre, ie ne suis qu'un vray *Dieu.* chien mort. Le Roy Dauid quād il estoit question de seruir à Dieu il ne se reputoit pas homme, mais vn vermelet de terre. Dōc humilions nous: & *procidamus ante Deū.* Tiercement ils presenterēt à nostre Seigneur de la myr-

Du iour

rhe par laquelle ils le recognoissent vray homme mortel, & qu'il est venu mourir pour faire viure tout le monde. La myrrhe seruoit pour la sepulture des morts. Il fault reduire en memoire, que nostre Seigneur est vray homme: qu'il a souffert mort & passion pour nous racheter en payant pour nous. Donc à l'exemple de ces bons Rois, venons à nostre Seigneur, & l'adorons de cuer parfait, en nous humiliant deuant luy. Demandons luy pardon & misericorde avec sa grace en ce monde, &c. *Amen.*

Autre sermon dudit iour.

*Matth. 2.
Tit. 3.*

*Les premiers
qui ont ouy
& veu nostre
Seigneur
sont les pasteurs
qui
veilloient sur
leur troupeau.*

C*Um natus esset Iesus in Bethleem Iude in diebus Herodis regis, &c.* S. Paul dit, que la grace de Dieu, & l'humanité & benignité de nostre Seigneur est demonstrée aux hommes. Dieu en sa nature, en soy, il est inuisible, & il s'est voulu faire visible pour se donner à cognoistre à l'homme. Il s'est fait sensible, palpable, c'est à dire, qu'il s'est voulu faire homme. Il s'est montré & manifesté, non pas à tous, mais à ceux qu'il a spécialement esleuz & choisis. Premièrement apres que Iesus Christ est né les premiers qui l'ont ouï & veu ce sont les pasteurs qui gardoyent les veilles de la nuit sur le troupeau. L'ange leur a annoncé que Iesus Christ est né en Bethleem, q̄ le sauueur du monde est venu. Ils sont venuz ensemble en Bethleem, & ont trouué nostre Seignr Iesus Christ enuélé de petits drapeaux en vne creche: aussi ont ils trouué la glorieuse vierge Marie aupres de luy. Voila les premiers qui ont eu les nouuelles de la natiuité de Iesus Christ. Ils estoient aupres & en la region de Bethleem. Il s'est apres reuelé & manifesté plus loing c'est en Oriēt aux Rois, par l'estoille qui s'apparut à eux, & les conduisit iusques au lieu ou il estoit né, pour l'adorer. Ils sont partis de leur pais en toute diligence, & sans dilation, & sont arriuez en Bethleem apres le xiiij. iour de la natiuité de Iesus Christ. L'estoille qui les conduisoit n'estoit pas commune, ny vne des celles q̄ nous voyons, mais vne nouuellement formée de Dieu: par laquelle il se demontre Roy. Ils ont cogneu q̄ c'estoit l'estoille du Roy Iesus nouvellement né. C'est la commune

sentēce de l'eglise qu'en memoire de cela on celebre l'epiphanie de nostre Seigneur, c'est à dire apparition, manifestatiō de Iesus Christ. Il se manifesta aussi quād il fut baptizé. Quād il mua l'eau en vin, & s'est manifesté aux Rois par l'estoille. Ceste apparitiō est celebrée le treziesme iour apres la natiuité de nostre seigneur. Nostre salut gist & cōsiste en son amour. Si nous voulōs estre sauuez, il fault cognoistre nostre Seigneur, car la foy est necessaire pour nostre salut. Et s'il ne le manifeste, no^r ne le pouuōs cognoistre de nostre nature & puissāce: cōme il escript. *Nemo nouit patrē nisi filius, neque filium nisi pater aut cui voluerit filius reuelare.* La congnoissance de Dieu le pere ne peut estre acquise par moyē humain & naturel. Il n'y a q le pere qui cognoisse le fils par cognoissance naturelle. Et aussi par telle cognoissance le fils cognoist le pere. Si nous voulons cognoistre le mistere de la sainte Trinité, il fault qu'il no^r soit reuelé. Nostre nature n'est pas capable de monter à la cognoissance de l'incarnatiō de nostre Seigneur Iesus Christ. Il n'est pas possible de le cognoistre par industrie naturelle, il fault q Dieu le reuele pour estre cogneu. Les pasteurs ne l'eussent cogneu si Dieu ne leur eust reuelé par l'Ange ou par autre. Dieu leur a reuelé par le ministère de l'ange. Les Rois payens, qui n'auoient pas leu les propheties, ils ne fussent pas veinuz auiourd'huy à la cognoissance de nostre seigneur, & de sa natiuité, s'il ne se fust manifesté à eulx, ainsi qu'il luy a pleu par l'estoille. S. Iehan Chrysostome dit q ceste estoille n'estoit pas commune cōme les autres, ny semblable. Car le mouuement regulier du Soleil, de la Lune & des estoilles est de se mouuoir d'Orient en Occident. Mais ceste estoille se mouuoit de Midy en Septentrion. Secondement, la nature des estoilles est que le iour elles ne dōnent point de lumiere, *quia adueniente maiori lumine cessat minus.* Ceste estoille se monstroit en plein midy. S. Iehan Chrysosto, dit : *Radix solis sua clariate superabat.* Et ainsi elle n'estoit pas commune. Outre, aucune fois on la voyoit, aucune fois elle estoit cachée. En Ierusalem les Rois la perdirent de veüe: & incōtināt ils la reurent en s'en allant de Ierusalem. Et les cōduisoit iusques au lieu

Matth. II.

Nostre nature n'est capable de cognoistre le mistere de la Trinité s'il ne nous est reuelé.

S. Chryso.

S. Chryso.

Du iour

auquel estoit l'enfant Iesus. D'auantage toutes les estoilles sont au ciel. Et si ceste cy y eust esté, les rois n'eussent sceu cognoistre particulièrement le logis ou estoit l'enfant Iesus. Et pource l'estoille les cōduisoit, & se mist au lieu comme sur la teste de l'enfant, Et par ce moyen ils le cogneurent. S. Iehan Chrysoïst allegue cela disant que ce n'estoit pas vne estoille, mais *virtus quædam inuisibilis*. Et par l'estoille, nostre Seigñr a voulu mōstrer aux Rois sa natiuité. Doncques nostre sauueur est né, & nostre salut gist en sa natiuité. Il se reuele à d'aucūs par les anges cōme il a faict aux pasteurs, & à d'autres, comme il a faict à ces trois Rois par l'estoille, qui le sont venuz adorer. Il fault voir comme les Rois ont faict, afin de les ensuiure. L'euangile dit. *Cum natus esset Iesus in Bethleem Iudæ, &c.*

S. Chrysoïst.

Par l'estoille
nostre Sei-
gneur a vou-
lu monstrier
aux Rois sa
natiuité.

Matth. 2.

Quand nostre Seigneur fut en Bethleem au tēps du Roy Herode, *ecce magi*: incōtināt les Rois sont venuz. *Dicuntur magi*, non pas qu'ils fussent enchâteurs, mais Rois, car on estoit gens sages & prudens pour gouuerner les autres.

Quād est ce que nostre Seigneur est né: au tēps du Roy

S. Chrysoïst.

La prophetie
de Iacob ac-
complie.

Genes. 49.

Herode en quel lieu? en Bethleem. S. Iehan Chryso. dit que c'est pour monstrier q̄ la prophetie du patriarche Iacob est accomplie, là ou il dit: *Nō auferetur sceptrũ de Iudæ,*

& dux de femore eius, donec veniat qui mittẽdus est Le sceptre ne sera point osté de la ligne de Iuda, iusques au tēps de la venue du Messias. Herode n'estoit pas Iuif: il estoit Idumeen, & regnoit en Iudée par ambition. Il auoit acheté le sceptre de l'Empereur Auguste à beaux deniers comptans. Il estoit estranger. Et Iacob auoit prophetizé que quand le sceptre seroit osté de la ligne de Iuda, que le Messias viendrait. Et Herode estranger regnoit pour lors en Iudée. C'estoit dōcques la pphetie de Iacob accōplie, ou le Messias deuoit venir. C'est pourquoy l'euangeliste faict mention du Roy Herode, & qu'en son tēps nostre Seigñeur est né en Bethleem, & auoit esté conceu en Nazareth. Et incontinant qu'il est né. *Ecce magi venerunt, &c.* Notez le texte de l'euāgile. Car il y a d'aucunes opiniōs q̄ les Rois sont venuz adorer nostre Seigneur, deux ans apres sa natiuité: mais la cōmune opiniō est sui

Nostre Sei-
gneur conceu
en Naza-
reth, & né
en Bethleẽ,

Matth. 2.

uāt l'Eglise, que ce fut le trezième iour. Et ils allerēt en

Bethleem ou ils trouuerent l'enfant Iesus en la creiche. Et s'ils eussent tardé à y venir iusques à deux ans apres, il est manifeste qu'ils ne l'y eussent pas trouué Car le quarantiesme iour apres sa natiuité, il fut porté au temple. Et apres, la vierge Marie & S. Ioseph avec l'enfant Iesus s'en retournerent en Nazareth. Comment doncques les trois Rois eussent ils trouué l'enfant en la creiche? c'est pour monitrier que le sens de l'eglise est cōforme à l'eua-gile. *Ecce*, ceste particule *ecce*, ostendit continuationem aduentus regni. C'est à dire, incōtinant que nostre Seigneur fut né, les Rois le vindrent adorer. Cest aduerbe, *ecce*, monstre la cōtinuatiō & prochaine venue des Rois. Et l'eglise applique la prophetie d'Esaye : *Inundatio camelorū operiet te, dromedary Madia & Ephra*, Omnes de Sabba venient aurum & thus deferentes, & laudem domino annanciantes.

Ils auoient des dromadaires qui font autāt de chemin en vn iour cōme feroit vn cheual en trois. Et tout ainsi que miraculeusemēt nostre Seigneur s'est reuelé aux Rois par l'estoille : aussi il leur donne la force & vertu de venir en Bethleē le treziesme iour. Et la proximité de leur venue est signifiée par l'aduerbe *ecce*, comme s'il disoit: incōtināt qu'il a esté né, ils le sont venuz adorer, & l'ont trouué en la creiche, en l'estable ou il auoit esté né. Saint Chrysost. dit: *Viderunt humile tugurium, & presepe squallidum, & puerum pannis inuolutum*. Chrestiens, il fault ainsi diligēment chercher nostre salut, qui est nostre seigneur Iesus Christ cōme ont faict les pastoureaux, & l'ont trouué. Et les Rois aussi l'ont diligemment cherché: ils n'ont point differé, mais sont venuz incōtināt qu'ils ont eu la reuelation. Aussi quand Dieu nous faict quelque reuelation soyōs diligens. Il n'y a rien si fort dont par diligēce on ne vienne à bout. S. Iehan Chrysost. dit, que vertu par faulte de diligēce dechet & se perd. l'en ay veu, dit il, de mōtez iusques au ciel par vertu: & par negligēce ils sont tombez iusques au profond d'enfer. Aussi de grāds pecheurs sont montez au ciel par grāde diligence: car il n'y a vertu si difficile que par diligēce ne soit acquise. Aussi il n'y a si grāde vertu q par negligēce ne soit perdue. Et pource en toutes choses il est besoing de diligēce & ma-

Esa. 60.

S. Chrysost.

S. Chrysost.

Vertu par
faulte de di-
ligence de-
chet & se
perd.

Du iour

gnitude d'esprit & de bon cuer & vouloir. Aucunesfois vous oyez parler d'un hōme vertueux, & vous dictes, ie voudrois estre cōme cestuy là. Ayez bon cuer, soyez diligent. Mais ie n'y mets pas peine: ie n'y parviendray dōques iamais. I'ay cela de mauuaise coustume: il n'y a si mauuaise coustume & habituatiō q̄ lon ne vainque biē, pourueu que lon soit diligēt. Mais ne differez point depuis que l'inspiration est venue: commencez, comme dit l'Ecclesiaste: *Quodcunque potest manus tua instanter operare.*

Eccle. 9.

Ne differez point du iour au lendemain. Il en y a qui attendent à se confesser iusques à Pasques. Si vous auez au-

*Si on a quel
que bon vou-
loir il fault
subit le met-
tre en euvre.*

jourd'huy bō vouloir, faictes le: que sçauiez vous si vous viurez iusques là: commencez sans differer, ne fault il pas aujourd'huy bien viure cōme demain? Quād Dieu nous dōne l'inspiration de nous cōuertir ne differōs point. Il y a des malades auxquels on dit, ne voulez vous pas bien estre confessé demain? & la mort les surprend. Pour viure

Matth. 2.

vertueusement nous auōs tousiours besoing de diligence, cōme vous voyez que les Rois ont faict: *Ecce magi ab oriente venerunt*: incontinent ils sont partis de leur pays: faictes ainsi: quād vous auez cōseil pour vostre salut, accomplissez le, & iamais ne differez, & ne couchez en un estat ou vo^r ne voudriez mourir. Auez vous du biē d'autrui? ne differez point iusques à la mort à le rendre. Pouuez vous bien faire? faictes aujourd'huy vostre testamēt, vous n'auetz pas de meilleur executeur q̄ vous. Entendez que le biē que vous ferez en vostre vie vault mieux qu'apres vostre mort. Executons nousmesmes nostre testamēt, & cherchōs nostre Seigneur en diligēce, cōme ont faict les Rois, & nous le trouuerōs: *Querite dominū dū inueniri potest, inuocate eū dum propè est.* Aujourd'huy q̄ nous auons le temps il fault mettre peine de le trouuer. Nous auons le pouuoir: pourueu qu'en verité & simplicité de cuer nous le cherchions, à la verité nous le trouuerōs à nostre salut. Mais ne le cherchōs pas cōme Herode pour le tuer & perdre: il fault auoir diligence pour son salut. C'est chose meschante quand nous sommes malades de chercher premierement les moyens de la santé corporelle: car il fault premierement chercher le medecin de

Esa. 55.

l'ame, c'est le prestre, & me cōfesser en toute humilité & recevoir mon createur : & apres, ie me puis mettre entre les mains du medecin corporel. Et paraduēture que i'ay faiēt chose pour laquelle Dieu me punit: oſtez la racine de la maladie, c'est peché. Mais le dernier remède q̄ nous prenons c'est le prestre: i'ay perdu le ſens & entendemēt, mon mal me preſſe ſi fort, & paraduēture qu'il y a long temps que ie ne fus à confeſſe, i'attens à y aller quand ie n'en puis plus. Le premier ſoing c'eſt de chercher ſon ſalut, ſe cōfeſſer: & cela ne fait pas mourir: car Ieſus Chriſt que lon y reçoit il eſt la vie. C'eſt bien faiēt de chercher le ſalut du corps : mais il fault premierement chercher le ſalut de l'ame, & faire comme vn bon marchāt quand il ſçait de bōne marchandiſe, il va au deuāt pour l'acheter. Et Ieſus Chriſt c'eſt la precieuſe margarite, & vn threſor qui vault mieulx que tout. Vendons tout pour l'auoir: *Ecce magi ab oriente venerunt Ieroſolymam, &c.* Les Rois *Matth. 2.* ſont venuz d'Orient en Ieruſalem, & en plein marché ont demandé publiquement : *Vbi eſt qui natus eſt rex Iudaorum?* Ils ont perdu l'eſtoille en Ieruſalem : car entre les grands on n'y trouue pas noſtre Seigneur, mais on l'y perd. Ils auoient touſiours eu l'eſtoille qui les conduiſoit, & à l'entrēe de la ville capitale, ils ont perdu l'eſtoille. C'eſt à dire qu'ēs grandes villes & congregations, noſtre Seigneur bien ſouuent n'y eſt pas trouuē, mais pluſtoſt y eſt perdu. Sainēt Pierre eſtant en la maiſon d'Anne, il n'y cogneut pas noſtre Seigneur, mais l'y renonça en iurant & anathematizant. C'eſt pitié que la congregation & aſſemblēe eſt cauſe de deſcognoiſtre noſtre Seigneur, & la ſolitude eſt cauſe de trouuer & voir Dieu. Zachée deſiroit de voir Dieu, mais il ne pouuoit pour la tourbe, il ſ'en ſepara & mōta ſur vn arbre, & le veid: tout à ſon aiſe. Et noſtre Seigneur le regarda, & luy dit : *Zachae feſtinans deſcende, oportet me hodie in domo tua manere.* *Luc. 19.* Sainēt Iehan Baptiſte ou va il ? en ſolitude, au deſert. Et le roy Dauid ou ſe tenoit il ? en ſolitude. *Ecce elongaui ſu* *Pſal. 54.* *giens, & manſi in ſolitudine.* Cela monſtre que les lieux frequentez & les compagnies ſont ignorer Dieu, & ne le cognoiſtre point. Mais les lieux retirez, ſont cauſe de

Quand nous ſommes malades il fault premier cher cher le medecin de l'ame.

Entre les grands on ne trouue pas noſtre ſeigneur: mais on l'y perd.

Du iour

*Les lieux re-
sirez comme
l'eglise sont
cause de mi-
eux entendre
à son salut.*

mieux entendre à son salut. Voila les Rois qui ont perdu l'estoille en la ville de Ierusalem. Aucuns en n'ayant rien ils viuoient bien: mais depuis qu'ils ont entré en la tourbe, ils ont perdu Dieu. Tu soulois prescher les abus qui se cōmettēt ez benefices & semblables: mais depuis que tu t'es frotté au pillier de la cuisine, tu as perdu & delaiſſé verité: tu es plein de biens temporels qui te ferment la bouche, & te rendent muet. Vous donnez voz filles aux dames de la cour. Qu'y apprédront-elles? Et vostre fils avec ce monsieur & Euesque, est-ce pour y chercher Iesus Christ: c'est pour l'y oublier, & quelque bonne doctrine qu'il ait, il l'y perdra incontinent. Ils ne sont pas plus forts que saint Pierre, auquel vne chambriere fist perdre & renōcer nostre Seigneur. Regardez qu'apprenēt vozenfans en telles maisons. O il les fault pourueoir. Les pouruoyez vous en les mettant avec vn protenotaire? Mais pouruoyez-les de la crainte & amour de Dieu, & ils seront bien pourueus. Nous nous vantons, disans: mon fils est avec vn tel mōsieur. Je croy qu'en la compagnie du monde, & des monſieurs on y perd bien nostre Seigneur. C'est vn enfer ce semble que la compagnie du monde: car on n'y faiſt point mention de Dieu, mais de toutes meschancetez, ce n'est pas de merueilles si nous y perdōs l'estoille, la cognoissance de nostre Seigneur. Encores quand nous auons perdu l'estoille si nous nous enquerions comme ont faiſt les Rois quād ils sont venus en Ierusalem: ils ont demandé publiquement, *Vbi Christus natus erat.* Considérez icy. Premièrement, vous auez veu la diligence des Rois d'estre venus le treziesme iour apres la natiuité de nostre Seigneur. Secondement fault considerer leur foy. Ce seroit grande chose si vn homme venoit en France demander vn autre Roy que le nostre. Et ces Rois sont venus en Ierusalem demander ou estoit nāy le Roy des Iuifs, considéré encores qu'Herodes estant Roy estoit si cruel, comme il a bien monſtré en l'occision des petis enfans innocēs, & de ses propres enfans. N'est-ce pas assez manifestement declarer qu'Herode n'est pas Roy des Iuifs, & ne luy appartient le royaume par vray tiltre, quād il est estranger, & que les trois

Rois vindrent demâder en quelle ville & ou estoit nay le Roy des Iuifs? Si quelqu'un disoit en la cour du Roy ou de l'Empereur qu'il n'est pas Roy, mais tyran, ne soit-ce pas crime de lese maieſté? Et ceux-cy declarent manifestement qu'Herode n'est Roy, mais tyran, & que le royaume appartient iustement à vn autre qui est vrayement nay Roy des Iuifs. *Vbi est qui natus est rex Iudeorum?* Ils ont dit tout assurement que le Roy des Iuifs estoit nay nouuellement, & qu'ils auoient veu son estoile en Orient: mais ils demandoient le lieu ou il estoit nay & croient qu'il est Dieu par ce qu'ils disent: *Venimus cum muneribus adorare eum.* Voila vne grâde foy, qui est en ces Rois: ils n'ont point regardé qu'estoit Herodes & ne ont point dit, Nostre vie est en danger, en annonçant vn autre Roy. C'est grand chose que la foy! Vne personne ayant bonne foy ne regarde qu'à Dieu, & s'y arreste du tout. Moysen ne regarde point: Si ie refuse ce party i'endureray beaucoup de maux; il ne regarde qu'à Dieu. Si Abraham eust regardé à sa nature & à la femme Sarra, sa foy eust esté petite; mais luy s'appuyoit sur Dieu. S. Iean Chryso. dit: Quand S. Pierre eust dit à nostre seigneur: *Si tu es, domine, iube me venire ad te super aquas:* Nostre Seigneur luy dit: *Veni:* Et S. Pierre en s'arrestant à ceste parole de nostre seigneur: il se iecta en la mer, & alloit à pied par dessus l'eau. Apres il oublia ceste parole de nostre seigneur: & cōsiderât le vêt & la tempeste, & que luy estoit graue & pesant, sa foy defailloit, & enfondra incontinât dedans l'eau. Ces Rois ont bōne foy. Ils n'ont point regardé: Le Roy est cruel: ne nous mettons point en dâger en païs estranger: mais ils regardoient à celuy par la cōduite duquel ils estoient venus, & ont demâdé ou estoit nay le Roy des Iuifs. Il en y a qui sont scrupuleux, car ils ne regardent qu'à leur infirmité & fantasie, cōme S. Pierre qui enfondra en l'eau, en regardât à son infirmité. Je cuide sortir d'une fantasie, & ie rentre en vne autre: ie dis, seray ie tousiours ainsi? Ne regardez point à vostre infirmité & pauureté: mais à nostre seigneur Iesus Christ, cōbien c'est qu'il vous veult & peult aider. Quand vous regarderez à son bon vouloir vous n'enfondrez

Les trois Rois disoient à Herode qu'un autre Roy estoit nay.

S. Chryso.

Du iour

point, mais les tétations s'en yront: mais en ne regardât qu'à soy on enfondre. Le marchât qui veult aller en Inde, ou par la mer, s'il regardoit les dangers & perils qui y sont, il n'iroit iamais: mais en regardant au prouffit il oublie tous dangers. Aussi mettez toute vostre esperâce en nostre Seigneur & voz fantasies s'en yront. C'est chose heureuse que de chercher nostre Seigneur en foy & esperâce Si vous le cherchez en crainte & deffiâce, vous ne le trouuerez pas, il le fault chercher diligemment en bonne confiance: & croyez que voz scrupules ne seront point estaints iusques à ce que vous vous fieriez & assurez en nostre Seigneur. Le iuge criminel ne iuge pas incontînât à mort pour vn mal-faict. Et nostre Seigneur me condamnera il pour vn rien, pour peu de chose à la mort eternelle? O Dieu est Dieu, il ne veult dōcques pas ma mort, & les cōfesseurs doiuent defendre de plus parler de cela. Et si vous repugnez, il y a danger d'orgueil. Quand on a demandé conseil il n'en fault plus faire de scrupule: car s'il y a de la faulte, c'est sur celuy qui vous cōseille. Nous ne regardons point que nous auons grande assurance sur la parole de nostre Seigneur. Soyons doncques diligens, & nous assurons & confions en luy, & en sa sainte parole. Les trois Rois n'ont point crainct Herode ny de dire qu'ils auoient veu l'estoile du Roy des Iuifs nouuellement nay. *Audiēs autem Herodes turbatus est, & omnis Ierosolyma cū illo*: Le Roy est troublé d'ouïr ces nouuelles, & aussi les principaux de sa cour, car soit que le prince die bien ou mal, ses gens se conforment à luy, & monstrent tel visage que leur prince & seigneur. Et ainsi Herode est troublé, & aussi tous ceux de Ierusalem avec luy. Il est vray qu'il en y auoit de gens de bien, & pourtant il s'entend de ceux qui auoient credit avec Herode. Le roy Herode a conuoqué tous les princes des prestres & les scribes avec eux, & leur a demandé ou c'estoit que deuoit naistre le Christ, le Messias. C'est bien faict de s'enquerir & demander conseil, mais Herode ne l'a pas faict à bonne fin, il a faict cōme aucuns qui sous couleur de iustice commettēt iniustice, & sous couleur de vertu, ils controuuent mensonge: ils calomnient le

*Les trois
Rois n'ont
point crainct
Herodes.
Matth. 2.*

pauvre homme. Le cueur d'Herode est tel qu'il a conceu & deliberé de tuer & faire mourir l'enfant Iesus nouvellement nay. Et pour auoir moyen de le tuer, il a fait assembler les docteurs, Les princes des prestres, pour sçauoir ou le Christ le Messias doit naistre. Et il luy ont respondu : *Bethleem Iuda*, & que le prophete Micheas l'auoit ainsi prophetizé, disant : *Et tu Bethleem terra Iuda nequaquam minima es in principibus Iuda: ex te enim exiit dux qui regat populum meum Israel.* Considérez icy le dol & la deception d'Herode. Soubs couleur de bien il a demandé sçauoir & cognoistre la verité : mais c'estoit pour la destruire comme demander les pieces des parties & en tirer & soubstraire vne pour faire perdre les proces. Aussi les heretiques pour corrompre & gaster les escritures ils estudient plus que nous : ce n'est pas pour manifester la verité, mais c'est pour la destruire. C'est bien destruire la verité de dire que nostre Seigneur n'est pas au saint sacrement de l'autel, ils cherchent les escritures pour les adulterer & corrompre. Mais les gens de bien estudient & cherchent : *Scrutantur scripturas*, Pour l'honneur de Dieu & pour le salut du prochain. Secondement il fault considerer le dol & mauuais vouloir de ces docteurs de la Loy. Ils ont dit la verité : mais ce n'a esté qu'à demy : Ils ont bien dit la prophetie qui estoit escrite de nostre seigneur Iesus Christ, mais ils ont obmis à dire le principal, car ils luy deuoient aussi bien dire, *Egressus eius à diebus eternitatis*. Il en y a qui deguisent les matieres, & ne disent la verité qu'à demy. Et ceux qui y sont bien subiects, ce sont ceux qui sont au tour des grands, des princes & seigneurs, ils leur deguisent les matieres. Et ceux-là sont respōsables deuant Dieu à cause de leur deguïsement & duplicité de cueur : combien que pour cela les princes ne delassent à faire leur damnation : car ils doiuent faire leur deuoir de sçauoir la verité & prier Dieu de leur dōner gens de bien pour estre à leur cōseil. Vn bon seruiteur de Roy & Prince doit chercher à faire l'vtilité & prouffit public : autrement il n'est pas pour le bien & prouffit public. Ietro dist à Moÿse : *Elige tibi viros qui oderint auaritiam, &c.* prends avec toy pour ton con-

Matth. 2.

Du iour

Malach. 5.

seil, & aide gens qui craignēt & aymēt Dieu, & qui haïssent auarice. Mais au iourd'huy vn a des benefices & offices autant qu'il en faudroit pour trois ou quatre, il ne se cōtēre pas d'vn office ou benefice. N'est-ce pas chercher le sien? Si les princes veoyent les cueurs de ceux qui sont a l'entour d'eux, ils verroient ceux desquels ils sont ayez, & pareillement ceux qui les trahissent. *Elige ergo tibi viros qui oderint auaritiā*, & qui ne craignent point à dire la verité à l'exēple de ces bons Rois qui n'ont point craint à dire la verité, & encorés en pais estrange. Ces docteurs de la loy, ils ont dit vne partie de la verité, mais non pas tout: car ils n'ont pas dit que le Roy nouuellement nay est nay de Dieu: ils ont dit seulement qu'il denoit naistre en Bethleē. La verité de sa puissance n'a pas esté mōstrée, car il est Dieu, mais c'estoit pour complaire au Roy qu'ils luy ont ainsi respōdu. Il fault complaire à son maistre mais en bien. Il fault qu'vn seruiteur soit fidele. Vn grād seigneur ne peult estre par tout, mais il met des lieutenans sous soy, & se fie en eux. Quand le prince a fait son deuoir, s'il ignore ce qui a esté fait apres, il est excusé, mais s'il n'a fait son deuoir, il en respōdra deuāt Dieu. L'ignorance qui procede de negligence n'excuse point: mais aggrauē. Et tout le mal redondera sur ceux qui les constituent en tels offices, & n'en font pas leur deuoir. Iustice rigoureuse en deuroit estre faite sur tous eux: il fault contrarier à mal, & soutenir la verité. Il aduiēt que toute personne qui desire sçauoir la verité, Dieu luy adresse qui la luy dit & ceux qui ne veulent point sçauoir la verité, Dieu permet qu'ils soient mal conseillez. Dieu disoit au Roy Achab: *Quis decepit Achab?* Il vouloit aller en la guerre: & quatre cens faux Prophetes luy dirent, Ouy sire vous y pouuez aller, car ils veoyent son affection & pource ils luy respōdirent selon son vouloir pour luy complaire. Quelqu'vn dist au Roy: Sire n'auuez vous point de bon Prophete en vostre royaume? Ouy dit-il, i'en ay vn, mais ie ne l'aime point, pour-ce que, *Nunquam mihi bonum prophetat*, iamais ne me dit selon mon propre vouloir & affection, selon mon cuer. C'estoit Micheas, qui dōne la leçon aux predicateurs. Il

dist

dist au Roy Achab : Par le Dieu viuât, ie diray ce q̄ Dieu me fera dire. Le Roy luy demāda, dois- ie aller en guerre? Ouy dea sire allez y si vous voulez, mais ie vous dy que si vous y allez que vous serez tué. Le prophete Micheas ne fut pas creu mais buffeté, & le Roy creut les quatre cens faux Prophetes & y demeura. Et ainsi aduiēt il par le iuste iugemēt de Dieu, que celuy qui ne veult ouir la verité, il trouue des deguiseurs de matiere, cōme dit S. Paul.

Eo quod charitatem veritatis non receperunt vt salui fierent, ideo mittet illis Deus operationem erroris vt credant mendacio. 2. Thess. 2.

N'est- ce pas grand pitié que mensonge est reputée verité, & verité est reputée mensonge? *Va qui dicunt malum bonum, & bonum malum.* Ainsi ces docteurs de la loy n'ōt dit la verité qu'à demy. Or bien il dit à ces Rois: Allez en Bethleem, & vous enquerez diligemmēt de l'enfant: car ie le veux aller adorer cōme vous C'est la cautelle d'Herode qui sous couleure de bien & de verité il machine la mort de cest enfant Iesus. Ils sont sortis de la ville & ont veul'estoille qui les precedoit iusques au lieu ou estoit l'enfant Iesus nouvellement nay. *Videntes autem stellam gausi sunt gaudio magno valde.* Chrestiens quand quelque vn a esté en ignorance & il vient à cognoistre la verité, n'a il pas grand matiere de ioye? Comme S. Paul lequel au commencement & par quelque temps persecutoit les Chrestiens, & quand il fut conuerty & entendit la verité, ce luy estoit matiere de grande ioye. Les trois Rois auoiēt perdu l'estoille, & ils furent grandemēt ioyeux de l'auoir retrouvée, ce leur estoit vne ioye du saint Esprit. O que c'est vne grande ioye à l'homme d'auoir trouué Dieu: & au contraire il est sur les episnes & chardōs quād il est hors de la grace de Dieu. Estoiēt ils Rois? car ils sont appelez, *Magi hoc est sapientes?* Il fault regarder à la sentence de l'Eglise: laquelle pour les solēnitez prend les propheties de Dauid & d'Esaie, *Reges Tharsis, &c. Reges Arabum, &c.* Et selon l'allegation de l'Eglise nous dirons qu'ils estoient Rois. Ils ont delaisé leur païs & sont venus de loing adorer nostre Seigneur. Quand l'hōme est enflambé en l'amour de Dieu, ce luy est tout vn de delaisser & abandonner tout. Pensez vous qu'il feroit mal à vn

Esa. 5.

La cautelle
d'Herode;

Matth. 2.

Psal. 71.

Psal 55.

Du iour

Les trois Rois
ont esté pres-
cheurs & pro-
phetes.

qui a tant de mille de reuenu, d'entrer en religion comme on faisoit le temps passé? S'il auoit l'amour de Dieu, cela ne luy seroit point grief: car il seroit touché de l'amour de nostre seigneur Iesus Christ. L'amour du mode est bien violent: mais il n'y a rien plus violét que l'amour de Iesus Christ. Ces Rois ont delaisié leur païs pour venir adorer nostre Seigneur, & en s'en retournât en leur païs ils l'ont presché & annoncé. S. Iean Chryso. dit que quâd ils s'en sont retournez en leur païs ils ont esté prescheurs, ils ont dit ce qu'ils auoiét trouué. Et Rupert dit q'ils estoient prophetes & leurs dons estoient choses prophetiques. Et qu'ont ils trouué quand ils sont entrez en la maison? *Et intrantes domum inuenerunt puerum cum Maria matre eius*: ils ont trouué l'enfant Iesus, & la glorieuse vierge Marie sa digne mere: *Et procidentes adorauerunt eñ.* C'est icy plus grand miracle que vous ne pensez. C'est merueilles qu'ils n'ont point esté scandalizez, ils sont venus de loing pour veoir le roy des Iuifs, & ou? en son païs. Sainct Chrysostome dit: *Viderūt humile tugurium, & præsepe squalidum.* Ils veoiét la mere de l'enfant pauvre femme, pauurement vestuë: ils eussent peu dire & penser, cōment? est-ce icy vn Roy? Ils n'ont point esté scandalizez pour tout cela, & vous voyez que ceux qui entendoient les escriitures ils ont esté scandalisez en nostre Seigneur pour sa paureté: *Nonne est Ioseph fabri filius?* Ne fait il pas ses miracles en la vertu de Beelzebub? Et voicy les Rois qui iamais ne veirent que l'estoille & le petit enfant Iesus pleurer & crier comme les autres petis enfans, & sa mere en vne maison calamiteuse, ils n'en ont point esté esmerueillez. Car par leur foy ils ont cogneu la diuinité de nostre Seigneur, de l'enfant nay estre sous son humanité. Et se sont prosternez en l'adorant: *Et procidentes adorauerunt eum adoratione latria,* D'une adoration qui appartient à Dieu seulement. Rupert note que les pasteurs Iuifs qui furent appelez par l'Ange y allerent, mais il n'est point dit qu'ils se soient prosternez, & qu'ils ayēt adoré Iesus Christ: il est bien dit qu'en leur retour ils ont gloriifié Dieu. Et voicy les Rois appelez par l'estoille, ils estoient estrangers & sont venus à Iesus Christ par

Luc. 4.

Matth. 2.

la conduite de l'estoille : ils se sont prosternez à genoulx leur face contre terre , en recognoissant que cest enfant Iesus est Dieu luy-mesme . La pauvreté ne les a point destournez , mais ont cogneu à la verité son infinie gloire , & se sont prosternez deuant luy . En cela est démontré que nostre seigneur Iesus Christ est plus glorifié & magnifié entre les Gentils qu'il n'est entre les Iuifs , & sont plus constans en la foy . C'est l'adoration de laquelle nostre seigneur Iesus Christ dit : *Veri adoratores adorabunt in spiritu & veritate* . Les Rois ont ainsi adoré nostre seigneur . Et l'heretique dit que l'exterieur ne sert de rien . Ainsi que i'ay l'ame de Dieu , aussi ay-ie le corps : il fault donc adorer Dieu de l'un & de l'autre , & recognoistre auoir l'ame & le corps de Dieu , & aussi les biens temporels . Ce que les Rois ont bien démontré en luy offrant or , myrrhe & encens . Et en la sainte messe ne ferez vous pas à genoulx ? Vous seriez bien deuant le Roy deux ou trois heures à genoulx . C'est grand chose que les Rois ne se sont point scandalisez pour la pauvreté qu'ils ont veu en Iesus Christ . Et pour-ce ils sont bien-heureux & beneicts de la bouche de nostre Seigneur qui dit , *Beatus qui non fuerit scandalizatus in me* . Et pourtant qu'ils n'ont point esté destournez de croire la diuinité de Iesus Christ pour la pauvreté , ils sont bien-heureux . Et les Iuifs ne le iugeoiēt sinon selon la face , selon l'exterieur : mais les Rois ont cogneu la diuinité de nostre Seigneur sous son humanité . Sçavez vous que c'est de nostre Seigneur enuveloppé en de petis drappeaux ? c'est l'escriture sainte sous vn petit stile & humble , non pas orné & elegant . La maiesté de Dieu est sous vn petit stile . Vn orateur profere assez de paroles & tāt de propos pour peu de chose mais Dieu est enuveloppé sous petit stile , en de petis drappeaux . Si le stile de l'escriture est petit , il n'est pas pourtant à contemner , & ne fault prendre la nouuelle translation , car sous l'humilité de l'escriture est la verité . *Et apertis thesauris suis obtulerunt ei munera , aurum , thus , & myrrham* . Ils ont fait sacrifice , ils ne sont pas seulement Rois , mais aussi prestres . Et vn chacun d'eux a offert or , myrrhe , & encens . C'est l'office d'un prestre .

La pauvreté de nostre Seigneur n'a point destourné les Rois . Ioan. 4.

Matt. 11.

Matt. 2.

Du iour des Rois.

Commet on
offre myrrhe,
or, & encens
à Dieu.

Matth. 2.

Matth. 22.

S. Greg.

Par l'or ils ont declaré l'enfant estre Roy : par l'encens estre Dieu, & par le myrrhe estre hōme mortel. Ce sont trois choses de nostre Seigneur esquelles leur foy consiste. Ils croient que Iesus Christ est vray Dieu, & vray hōme. Offrez luy aussi ces trois choses, chastiez voz corps, domptez voz passions & vous luy offrez de la myrrhe. Quand vous esleuez vostre espoir en Dieu vous luy offrez de l'encens, & quand vous donnez l'aumosne aux pauvres pour l'honneur & amour de luy vous luy offrez de l'or. Aussi quand vous considerez que nostre seigneur Iesus Christ est mort, crucifié & resuscité, vous offrez à Dieu or, myrrhe, & encens. Apres que ces bons Rois ont eu fait leur oblation ils s'en sont departis alans simplement en besongne. Mais l'Ange les a admonestez qu'ils ne retournassent pas à Herode. *Et responso accepto in somniis ne redirent ad Herodem, per aliam viam reuersi sunt in regionem suam.* Voyez comment Herode couuroit sa meschanceté: il cuidoit tromper & il a esté trompé. Les meschans ont beaucoup de maux à machiner leurs folles entreprinſes. Quelquefois les Iuifs mal vucillans demanderent à nostre Seigneur, *Licerétne cēsum dare Casari an non?* Et quand il cognoist leur mauuais cueur, il leur dist. *Quid me tentatis hypocrita: ostendite mihi numisma census.* Et apres qu'ils luy eurent monstré leur denier, il leur demanda quelle image & superscription il y auoit dessus. *Dicunt ei Casari: tunc ait illis reddite ergo quę sunt Casari Casari: & quę sunt Dei Deo.* Ils le pensoient prendre, & ils furent prins eux-mesmes. Aussi nostre Seigneur a illudé Herode, car les Rois ne sont point retournez par deuers luy, mais par vn autre chemin sont retournez en leur region. Sainct Gregoire dit: *Regio quippe nostra paradysus est ad quam Iesu cognito redire per viam qua venimus prohibemur.* La premiere voye c'est la voye du monde, de la chair, & de peché, & depuis qu'o a cogneu Iesus Christ il ne fault pas retourner par la voye du mōde & de peché, mais par la voye de vertu & de verité. Nous prierons Dieu qu'il nous doint sa grace en ce monde, & sa gloire en l'autre. *Ad quam nos perducatur, qui sine fine viuunt & regnat, Amen.*

Pour le dimenche és octaues
des Rois.

D*Ico non plus sapere quàm oportet, sed sapere ad sobrietatem.* Sainct Paul en l'epistre du iourd'huy nous en- Rom. 12.

seigne quelle doit estre nostre conuersation. Premiere-
ment il nous met deuant les yeulx la misericorde & la
grace de Dieu. Il fault viure & conuerser en telle sorte
que ne facions rien indigne de la grace & bôté de Dieu.

Premierement sainct Paul dit. *Obsecro vos per misericor-*
diam Dei, &c. Il est legat, messager & ambassadeur pour
nostre seigneur Iesus Christ: il a charge de nostre Sei-
gneur de nous admonester: & deuous prendre son admo-
nition, son conseil & commandement comme de Dieu.

Car il est au lieu de Dieu qui nous exhorte. Il dit aux
Corinthiens. *Pro Christo legatione fungimur, &c.* Côme se I. Cor. 5.

il disoit: nous sommes enuoyez au nom de Iesus Christ.

Et pource il fault prendre sa monition comme de Dieu.

Il dit: *Obsecro vos, &c.* En cela il mōstre que combien que

celuy qui a charge & autorité peult commander & vser

de rigueur: neantmoins il doit plus vser d'obseruation &

de charité. Sainct Paul comme legat il a pouuoir & peult

commander: toutesfois il veult plus vser d'humilité & de

charité pour gagner les cueurs. Il dit: *Obsecro vos, &c.*

Celuy qui prie, il se mōstre inferieur de l'autre qu'il prie.

Il y a diuersité d'oraison: il en y a vne pure & simple: cō-

me de dire: Seigneur Dieu ayez pitié de moy: glorieuse

vierge Marie mere de Dieu priez Dieu pour moy. Iesus

Christ ne prie pas comme Dieu car il est esgal à Dieu:

mais il prie comme homme. Il y a vne autre maniere de

oraison & priere, c'est prier avec attestation & tesmoi-

gnage d'une chose sacrée, c'est obsecration. Comme di-

re: Seigneur Dieu ie vous supplie par le merite de vostre

filz Iesus Christ. Comme les pauures qui prient en l'hō-

neur de la passion de Iesus Christ, en l'honneur de la glo-

rieuse vierge Marie mere de Dieu, ou de quelque autre

sainct, qu'on leur donne l'aumosne. Et sainct Paul vse de

ceste maniere de parler pour plus persuader. *Obsecro per*

*S. Paul vse
d'humilité
& charité
pour gagner
les eueurs.*

Dimenche és octaues

miser ricordiam eius, &c. quasi diceret: Considérez la miséricorde de Dieu & qui vous estes: regardez aussi quels vous estiez auant que vous fussiez faicts enfans de Dieu: considérez la condition presente avec la condition passée, & par ceste grace & miséricorde que nostre Seigneur vous a faicte, ie vous prie de viure saintement & dignement. Nous sommes Chrestiens, *ciues sanctorum & domestici Dei.* Nous sommes enfans de Dieu. Ne faisons donc, ne pensons & ne disons chose qui soit indigne du Chrestien, & de la profession Chrestienne en laquelle nous sommes.

Rom. 12.

Et que fault il faire? *Exhibeatis corpora vestra hostiam viuentem, sanctam & Deo placetem.* Offrez à Dieu voz corps en sacrifice viuant, saint & plaisant à Dieu. Pour entendre S. Paul, il y a difference entre noz sacrifices, & les sacrifices des Iuifs, car leurs sacrifices estoient corporels & charnels comme d'un veau, d'un aigneau, & autres bestes brutes. Et saint Paul veult que nous facions un sacrifice spirituel: c'est que nous offrons à Dieu nostre corps en sacrifice viuant, saint, & à Dieu plaisant: comme dit Dauid:

Psal. 49.

Immola Deo sacrificium laudis, &c. Dieu ne demande point qu'on luy offre un veau, un bouc, un aigneau: car de leur nature ils ne plaisent point à Dieu: *Quis quesuit hæc de manibus vestris?* Dieu demande un sacrifice de louange, de continuelle action de graces: car en tous ces faicts il monstre sa bonté & maiesté. Ainsi que continuellement il espend sa bonté sur nous, aussi luy fault il tousiours continuellement rendre graces. Nous auons tousiours

Nous auons
tousiours nou
uelle grace de
Dieu.

nouvelle grace de Dieu. De rien il nous a faicts & il nous entretient en nostre estre. S'il retiroit sa main nous retournerions à nostre premier neant, & n'aurions point d'estre. L'air est tenebreux de soy: & quand le soleil luiet, il est lumineux: & quand il est couché l'air retourne en son premier estat: aussi la creature est vaine & inutile. Mais quand Dieu luy assiste, elle est forte: & quand il retire sa main, il n'y a rien plus inconstant que l'homme. Regardez saint Pierre qui dit qu'il veult mourir pour nostre seigneur Iesus Christ: & quand la grace luy est soustraicte il est retourné & ne sçait plus son maistre.

Quand la grace luy assiste, il dit à nostre Seigneur Iesus Christ: *Tu es Christus filius Dei vini.* Et la grace soubstraite de luy, il dit à nostre Seigneur qu'il n'aille point en Hierusalem, il retourne au sens humain & charnel disant: *Abfit hoc à te domine.* Aussi l'homme retourneroit en son premier estat si Dieu ne le conseruoit. Et en le cōseruant autant vault que si de nouveau il le produisoit. Je suis re-nu à Dieu pour ma creation, & ne doibs point cesser de le louer. Et la conseruation qu'il me fait en me tenant en mon-estre, vault autāt comme si de nouveau il me creoit: & ainsi la grace de Dieu est continuelle en moy. Il me le fault donques tousiours louer pour ses graces & benefices. Outre ceste cōseruation, colligez les graces que Dieu nous fait, tant celles que nous cognoissons que celles que ne cognoissons pas, tāt en general qu'en particulier. C'est le sacrifice de louange que nous demande Dieu, auquel il se cōplaist: *Immola Deo sacrificium laudis.* Et pour-ce S. Paul dit: Reconnoissez la grace & misericorde de Dieu qu'il vous fait: donnez luy louange & action de grace. Et comment? n'offrirons nous point du pain, du vin, des chandelles, vn aigneau & semblable chose, de l'argent, de l'or, comme les trois Rois ont offert, de l'or, de la myrrhe, & de l'encens? Pensez vous que nous Iudaïsions en offrant vne chandelle à la vierge Marie mere de Dieu & aux saincts? Et à celle fin q̄ cela soit agreable, il fault Il fault nous aussi que nous nous offriōs quant & quād. Car si ie don- offrir à dieu, nois tout mon bien à Dieu & non pas moy, cela ne me afin qu'il ait prouffiteroit point. L'escriture dit: *Va vobis qui offertis nox offeries Deo debile, & apud vos masculū retinetis.* Donques afin que agreables. vostre biē que vous dōnez vous soit prouffitable & q̄ vo- Malack. 1. stre sacrifice soit agreable, offrez vous à Dieu premiere-mēt. Car iamais il ne regarde au don que premieremēt il ne regarde à la personne. Si le don procede d'un cueur à Dieu agreable, le dō luy sera aussi aggerable. Dieu m'aime plus que tout mon bien. L'escriture dit: *Respexit Deus Gene. 4. ad Abel & ad munera eius.* Abel a fait vn sacrifice exterieur: il a offert vn aigneau à Dieu: Abel a fait cela. Et qui l'admōnestoit de ce faire? Sainct Iean Chrysosto. dit: *Quisquis habet naturā magistrā ducem.* Il n'est pas dit que S. Chrysost.

Dimenche és octaues

son pere l'aie enseigné: mais naturellemēt nous cognois-
sons Dieu, auquel il fault offrir sacrifice en recognoissan-
ce de son biē. Abel offrit à Dieu vn aigneau avec l'amour
de Dieu, sa foy & sa charité, & Dieu print agreable l'o-
blation d'Abel: car sa personne luy estoit agreable: au-
trement non. Et pource voulez vous faire sacrifice à Dieu
plaisant & agreable? exhibez vous à luy, comme hostie
viuante sans macule & sans peché. Car autrement l'ho-
stie seroit morte, & pire que des bestes du temps passé.
Et pource faictes present à Dieu de vous, comme on dit:
Mon ame, mon corps est à vous, demandez ce que vous
voudrez. Chrestiens cognoistrez vous plus l'homme que
Dieu? Dictes ainsi: *Domine omnia tua sunt* Prenez tout: &
en vous offrant, alors offrez vostre bien, vostre substan-
ce à Dieu & aux saincts & aux pauures. Offrez vous pre-
mierement à Dieu, & vostre sacrifice sera spirituel: No-
tez qu'il y a deux manieres de sacrifice. l'un qui est pure-
ment spirituel, comme action de louange & de grace.
Et fault qu'un chacun le face: *non est qui se abscondat à ca-
lore eius*. Il n'y a point qui se cache de la charité de Dieu
& de la chaleur d'icelle: car il cognoist le bō vouloir d'un
chacun. En tout il fault remercier Dieu. On dit que tous
les Chrestiens sont prestres: *Vos estis gens sancta, regale sa-
cerdotium*, dit saint Paul: & saint Iean en l'Apocalypse:
Fecisti nos regnum & sacerdotes. C'est par metaphore, car le
vray office du prestre, c'est faire sacrifice. Quand les Chre-
stiens s'offrent & leurs biēs, ils sont dits prestres. Et quand
il est question de ce sacrifice, il fault qu'il soit à Dieu ag-
greable: ce qui ne se peult faire si celuy qui luy fait ce sa-
crifice ne luy est agreable. Car si celuy qui est enuoyé
pour prier desplait, celuy qui est prié en est plus irrité. Il
y a vn autre sacrifice institué de nostre Seigneur à la Ce-
ne: & appartient au prestre de le faire, & nō à autre: *Omnis
pontifex ex hominibus assumptus pro hominibus constituitur in
his que sunt ad Deum, ut offerat dona & sacrificia*. Ce sacri-
fice spirituel qui est fait en verité, a esté signifié par les
veaux aigneaux & semblables animaux. C'est nostre sei-
gneur Iesuchrist qui est offert par tout en l'Eglise. Et il y
a certains personnages pour ce faire: ce sont les prestres

Il y a deux
manieres de
sacrifices.
Psal. 18.

1. Petr. 2.
apo. 5.

Le sacrifice
institué de
nostre Sei-
gneur.
Hebr. 5.

ordonnez & instituez d'entre le peuple. Et ce sacrifice de
 soy il est tousiours plaisant & agreable à Dieu. Com-
 bien que le prestre qui l'offriroit seroit mauuais, la va-
 leur de ce sacrifice n'en est pas moindre deuant Dieu. Ce
 n'est pas ainsi des autres. Nostre euvre vient de nous: la
 grace de l'ouurier fait trouuer l'euvre bon. Et pource il
 me fault auoir grace auant que ie face mon euvre parti-
 culier. Mais l'euvre & sacrifice de l'autel est tousiours
 à Dieu agreable: combien que celuy qui le fait fust
 meschant & mal viuant. Vous pouuez par tout louer
 Dieu interieurement: mais exterieurement il fault estre
 prudent, & ne pas dire ses heures és rues publiquement.
 Et le sacrifice de l'autel ne doibt estre fait sinon en l'E-
 glise s'il n'y a necessité. Les autres sacrifices peuuent estre
 faits par tout. Et saint Paul dit: *Volo vos orare in omni lo-*
co: mais le temple est specialement ordonné pour prier
 Dieu, & pour dire la Messe: & le prestre pour prier
 Dieu pour les vifs & pour les morts. Saint Paul parle icy
 du sacrifice que nous exhibons & faisons: *Rationabile sit*
obsequium vestrum & discretum obsequium, id est, modera-
tum. Notez que nous faisons sacrifice à Dieu en le louant
 & protestant amour de cuer. Et pour l'interieur il ne
 fault point auoir de mesure. Vous ne scauriez trop ai-
 mer ny louer Dieu. Car la vraye mesure de l'aimer, c'est
 l'aimer infiniment, & iamais ne cesser. Quant à l'exte-
 rieur il fault protester que vous portez Dieu en vostre
 corps comme en vostre cuer: *Glorificate & portate Deum*
in corpore vestro. Vous viendrez à ieusner, à veiller, & ex-
 ercer vostre corps en l'amour & cognoissance de Dieu.
 Il fault qu'il y ait mesure & discretion. Vous pourriez
 tant ieusner & veiller que vous en pourriez perdre le sens
 & entendemēt, & en seriez retirez de bien faire. En l'in-
 terieur il fault louer infiniment. Qui est celuy qui loue
 & remercie Dieu autant qu'il doibt? Timothée estoit
 vtile à la chose publique, & estoit malade. Et saint Paul
 luy cōseille d'vser d'un peu de vin: *Modico vino utere pro-*
pter stomachum tuum & frequentes tuas infirmitates. Il fault
 vser de raison & de mesure & exhiber voz corps en ho-
 stie viue, mortifiez vous avec mesure. Origene fut im-

*Le sacrifice
de l'autel est
tousiours à
Dieu ag-
greable.*

1. Timo. 2.

Roma. 12.

1. Corin. 6.

1. Timot. 5.

Dimenche és octaues

- Origene a esté en son euvre imprudent.** prudent : car il se chastra à raison que nostre Seigneur dit à l'Euangile : *Sunt Eunuchi qui se castrauerunt propter regnum calorum.* Celuy qui entend mal la sainte escripture il se rue . Sainct Iean Chrysostome dit : Voulez vous faire oblation à Dieu de vostre œil, de voz mains, de voz pieds & de voz autres membres ? gardez vous que vostre œil ne voye chose vilaine & meschante , que voz mains ne frappent & desrobent, mais les appliquez à bien faire, à bonnes eures comme vous auez faict à mauuaises. Estes vous agitez de haine , d'enuie & semblables vices ? ostez ces passions & en faictes sacrifice . Estes vous tentez de charnalité ? Il fault vser de mesure en ieusnant & macerant son corps. Vous voyez que sainte Geaueiefue ieusne & fait abstinence . Mais on luy conseille qu'elle prenne d'auantage de viandes & de viures . Il en y a qui veulent faire des particularitez : & parauenture que ce sont rétatiōs du diable qui est vn fauls lourdault. Quand il voit quelqu'un feruent , il le meut à faire vœux & semblables choses pour le deceuoir & tromper s'il peult : *Nolite omni spiritui credere:rationabile sit obsequium vestrum.* Il fault faire avec mesure & raison telles choses. Sainct Paul dit apres : *Nolite conformari huic seculo , sed reformamini in nouitate sensus vestri .* Sainct Iean Chrysostome dit , que ce monde est vn songe , vne image & apparence. S. Paul l'appelle vne figure. Et Dauid dit : *Dormierūt somnū suum omnes viri diuitiarum , & nihil inuenerunt in manibus suis :* on songe auoir beaucoup : & quand on est esueillé on ne trouue rien Ne vous conformez donques pas au monde, *id est*, ne soyez & ne faictes pas comme les mondains. Ne fichez le pied en vne chose flexible & caduque, mais fondez vous au spirituel, à l'externité, & non pas au mōde. Le mondain met son cueur & son affection au mōde, & à la gloire mondaine. Le monde se passe & ses biens & concupiscences : & seulement celuy demeure qui faict la volonté de Dieu. Ne fondez vostre maison sur le sablon, sur chose flexible & labile, mais en verité en la parole de Dieu qui dit : *Qui non odit patrem aut matrem, &c.* Il fault aimer tout avec mesure, & haïr ce qui est empeschement de salut & d'aimer Dieu . Il le fault plus aimer que tout,
- Ioan. 4.**
S. Chryso.
Psal. 75.
Luc. 14.

car il nous sauvera, & non pas le monde. Et pource, ne vous conformez point au monde. On dit pourquoy n'allez vous resider sur vostre benefice? Et tu responds, en voyla d'autres qui n'y resident point. Il ne se fault point reigler au monde: mais à la parole de Dieu, & vous ne fardrez point. *Dico per gratiam Dei, non plus sapere, quàm oportet, sed sapere ad sobrietatem.* Je dis non pas de moy, mais selon la grace qui m'est donnée, il ne fault pas plus sçauoir qu'il ne fault, mais à sobriété. Sainct Paul dit & monstre qu'en toutes choses il fault auoir tempérace. Je veux preferer mon sens, mon conseil à tout le monde, il fault sentir & entendre à sobriété. L'humble croit & s'arreste à l'opinion d'autrui. Sainct Bernard au sermon qu'il fait de *Naaman Syrus*, dit qu'il y a sept lepres, dont l'une est la volonté propre, & le propre conseil. D'autant qu'une playe ou vn mal est interieur il est plus difficile à guarir. Si i'ay mal à la main, il est plus facile à guarir que s'il estoit dedans le corps. Et il n'y a rien plus interieur que le propre conseil & la propre volonté. C'est vne lepre forte à guarir. Celuy qui est humble il laisse son propre conseil, & croit le conseil & l'aduis d'autrui. Si les heretiques qui troublent l'Eglise demandoyent conseil aux saincts & gens de bien, ils n'erreroient point. Mais ils ne veulent croyre qu'à leur propre conseil, & disent que saint Ambroise, saint Augustin & autres saincts docteurs ne sont qu'hommes, & qu'ils entédront aussi bien la sainte escriture comme eux par le saint Esprit. Vous sçavez que le saint Esprit, la sapience & vertu de Dieu n'habite qu'en bons cueurs. Et les heretiques sont meschans gens. Et comment le saint Esprit habiteroit il en eux? *In maleuolam animā non introibit sapientia, nec in corpore subdito peccatis.* Quelle presumption en eux de dire que tous noz predecesseurs ont erré? Je demande, Ne disoit-on pas Messe du temps des Apostres? Pourquoy doncques dis tu que c'est euvre diabolique, & pour auoir de l'argent? Il n'y a rien pire que suyure son propre sens. Il fault sentir en sobriété & humilité. Orgueil est mauuais. Sainct Iean Chrysosto. dit qu'il n'y a rien qui face plus l'homme fol qu'arrogance & orgueil. Ils sont si hors

Roma. 12.

Il y a sept lepres.

Le saint Esprit n'habite point es heretiques, car ils sont meschans.

S. Chrysos.

Dimenche és octaues des Rois.

du sens qu'ils nient l'Euangile, & ostent tous les sacre-
mens qui sont en l'Euangile. Au commencement ils es-
toient sots, mais de la folie ils sont tombez en rage.
Dieu vueille qu'ils s'amendent: il n'y a rien qui face l'hô-
me plus sage qu'humilité, ils sont furieux & hors du
sens & ostent tout. Ils preschent l'Euangile & nient l'hi-
stoire. Chrestiens, louez & remerciez Dieu que ne som-
mes tombez en leurs lacs: & luy prions de plustost nous
enuoyer la mort dès maintenant. Suyuez donc le sens

*C'est grande
rage de dire
que l'Eglise
a erre depuis
nostre Sei-
gneur ius-
ques à pre-
sent.*

Rom. 12.

*La foy est vn
don de Dieu.*

de l'Eglise, & sentez à sobriété. N'est-ce pas vne grande
rage de dire que l'Eglise a erré depuis nostre Seigneur
Iesus Christ iusques à maintenât? Je ne dis pas cela pour
en detracter: & prie Dieu qu'il m'enuoye le mal q'ie leur
veulx: mais ie voudrois sçauoir toutes leurs erreurs &
pauuretez, afin de les declairer & qu'on les cogneust
pour s'en garder. *Vnicuique sicut Deus diuisit mensuram fi-
dei.* Sainct Paul dit: la foy c'est vn don de Dieu: ie veux
(dit-il) que chacun s'entende estre admonnesté que ce-
la s'entend selon la grace & le don que Dieu luy a don-
né. Il y a diuers dons & graces de Dieu. Pourquoy vn
homme seculier entreprend il l'office d'un prestre, d'un
curé? c'est excéder les limites de la grace que Dieu vous
a donnée. Je n'ay point de charge d'autrui & i'vsurpe, &
m'ingere d'ouir les confessions. Il fault que i'aye autho-
rité de ce faire: ou autrement i'excède les limites de mon
don. L'homme lay veut lire l'escripture sainte, c'est ex-
céder les limites de son don que Dieu luy a donné. Vn

*Vn chacun
dout bien re-
garder son
estat & con-
dition.*

chacun regarde son estat & sa condition. On ne list pas
les epistrès saint Paul aux petits enfans, car elles sont
trop difficiles. Et comment le simple peuple les entendra
il qui ne les luy declairera? Nous sommes tous membres
ensemble d'un corps: le pied n'entreprend pas sur la main,
né la main sur l'œil ou sur le pied, &c. Et pourtant que
chacun vse de son don & de sa grace que Dieu luy a don-
né à l'vtilité & salut de son prochain, & n'vsurpe point
oultre son estat & sa cōdition. Et en ce faisant Dieu nous
donnera sa grace en ce monde, & la vie eternelle en l'an-
tre. Amen.

*Autre sermon pour le dimenche de-
dans les octaues des Rois.*

Dico non plus sapere quàm oportet sapere, &c.

Nous auons dit aujourd' huy matin en ensuy-
uant la doctrine & enseignemēt de monsieur saint Paul
qu'il nous fault faire à Dieu present de nous & de noz
biens tant spirituels que corporels qu'il nous a dōnez &
luy en faire sacrifice. En apres S. Paul demonstre qu'il ne
fault point suiure son propre vouloir & conseil particu-
lier, mais fault tousiours plustost suyure le sens & opi-
nion d'autruy & estre subiect: c'est le vray exercice & li-
gne d'humilité. D'auantage il nous enseigne de mettre
peine & experimenter le bon vouloir & affection que
Dieu no^s porte: *Vt probetis quæ sit voluntas Dei & benepla-*
cens & perfecta. Mettez peine & vous estudiez à gouster
& sentir le bon vouloir de Dieu & l'amour qu'il a enuers
vous. Tout l'heur de l'homme c'est qu'en bien viuant il
sent & apperçoit le bon vouloir de Dieu. Quand vn hō-
me faict seruice à vn autre, & il voit que son seruice ne
luy plaist point, il se descourage, il a regret & ne faict que
par acquiēt. Aussi au seruice de Dieu il se fault estudier
de cognoistre & experimēter le bon vouloir de Dieu, &
combien nostre euvre plaist à Dieu. Et en ce faisant nous
prouffiterons: mais ou ie ne me complais point en mon
euvre pour l'honneur de Dieu & le fais à regret, ie ne
prouffite point. Le saint sacrement de l'autel, la sainte
eucharistie c'est vn signe & tesmoignage du bon vou-
loir & amour que Dieu nous porte. Car il nous donne
son precieux corps & sang à boire & à manger pour no-
stre nourriture: & de sa parolle nostre ame est nourrie &
cōseruée. Et le plus grand tesmoignage de son amour en-
uers nous c'est sa mort & passion. N'est-ce pas signe d'a-
mour infiny? Regardez les remedes cōtre vostre peché
que Dieu a instituez. En l'ancienne loy ce n'estoiēt que
purs signes: & les saints sacremens de l'Eglise que Dieu
a instituez ce sont signes avec efficace. Car ils ont la
vertu de donner la grace de Dieu: ce sont grands tesmoi-

Rom. 12.

*Il faut faire
à Dieu sacri-
fice des biens
qu'il nous a
donnez tant
spirituelz
que tempo-
relz.*

Dimenche és octaues

gnages que Dieu nous ayme. Il nous donne sa grace remission, paradis & participation de sa nature: & des plaisirs particuliers qu'il nous fait, vous en trouuez cent mille. Mettez doncques peine d'entendre la volonté de Dieu, & vous serez en trāquilité de conscience, & n'y aura point en vo^r scintille de mauuaise tristesse. Nous sommes les enfans de Dieu, & il est nostre pere, & pl^r naturel & meilleur sans cōparaison que nostre pere charnel & tēporel. Il se cōplait plus en nous qu'un pere en un bō enfant. Pensez qu'il est ainsi & qu'il s'est aneanty & amoindry plus bas que l'ange pour vous. Soyez donc prompts & diligens à son seruice & non pas à regret. Ne pensez qu'il vous ait en degaing, mais en bon vouloir de proufiter. L'euangile du iourd'huy nous monstre vne autre leçon & doctrine. Il est escript que la glorieuse vierge Marie mere de Dieu avec Iesus Christ son enfant & Ioseph s'en allerēt selon l'ordonāce de la loy en Ierusalem, & principalement & speciallement à la feste de Pasques & y menerēt nostre Seigneur qui estoit en l'aage de douze ans. Et quand ils eurent accompli la feste ils s'en retournerent en leur pais. Nostre Seigneur nous enseigne à obseruer les iours des festes ordōnez de l'Eglise & s'abstenir de tout euure seruile, specialement de peché qui est le vray euure seruile. Le iour de la feste il fault venir à l'Eglise & ouyr la sainte Messe & le seruice diuin & y prier Dieu bien deuotement & attentinement. Quand à l'oraison particuliere, on peult prier Dieu en sa chābre & par tout. Outre (s'il n'y a excuse legitime) il fault venir à l'Eglise, ouyr la Messe & faire foy & hommage à Dieu de tout ce que nous auons receu de luy: & dire le contraire c'est heresie. Car depuis nostre Seigneur iusques à present on a tousiours ainsi fait, quelque chose que diēt les heretiques. *Et qui violauerit templū Dei, disperdet illum Deus.* Regardez ce qui a esté fait, Nicanor au liure des Machabées. Et dire que c'est Iudaïser, *et quod non obseruandum est tempora, menses, neque annos.* Nous ne nous gouuernons point selon le temps: mais il fault garder & obseruer ce que nostre mere sainte Eglise a institué. Et ne se fault enquerir pourquoy c'est qu'il y a discretiō des

Nostre Seigneur nous enseigne à obseruer les iours des festes.

Galat. 4.

iours & viâdes. C'est à nous d'obeir & croire que nostre
 mere sainte Eglise est inspirée de Dieu & du benoist *Il ne se fault*
 saint Esprit qui est l'Esprit de Dieu le pere & de nostre *équerrir pour*
 seigneur Iesus Christ. Il ne nous fault point discuter: mais *quoy il y a*
 obeir. Combié que nostre Seigneur Iesus Christ ne soit *discretiō des*
 point subiect à la loy, il s'en va avec sa mere & Ioseph *iours & des*
 au temple en Ierusalem: aussi nous deuons aller à l'Egli- *viandes.*
 se, mais avec autre intention que les Iuifs. Le sabbath
 est translaté au Dimenche. Et saint Iehan en son a-
 pocalypse faict mention du dimenche & qu'il y a eu re-
 uelatiō en l'isle de *Pathmos*. On le celebre en memoire &
 recordation de la natiuité & resurrection de nostre Sei-
 gneur Iesus Christ. Il est dôcques allé en Ierusalē en l'a-
 ge de douze ans. Apprenez de bonne heure à voz enfans
 seruir à dieu & venir à l'Eglise & ils le retiēdrōt. Saint
 Iehan Chrysostome dit que la premiere chose que lon *S. Chryso.*
 doit donner & apprendre aux enfans c'est de leur apprē-
 dre la craincte & le iugement de Dieu, voire dès la mam-
 melle. Car ainsi que le corps croist, aussi faict l'Esprit, on
 dit: L'ay souuenance que mon pere, ma mere, m'ont ainsi
 appris quand i'estois petit: *Initiū sapientia timor domini. Ps. l. 110.*
 Et le commencement d'oublier Dieu, c'est de ne crain-
 dre point. Menez voz enfans à confesse. Instruisez les
 bien & leur demâdez que c'est qu'ils ont appris au ser-
 mō: *Fili tibi sunt, erudi illos in timore domini. Au iourd'huy Eccle. 7.*
 la mere viendra à l'Eglise, & enuoyera sa fille danser &
 follastrer. Toute l'actiō & euure de nostre seigneur c'est
 nostre instructiō. Quand ils eurent tous consommez les
 iours de la feste ils s'en allerent en Nazareth: *Hinc Chri-*
stus dicitur Nazarenus id est, cōsecratus & sanctus sanctorum.
 Or bien nostre Seigneur est demeuré en Ierusalem: ses
 parents, la glorieuse vierge Marie & saint Ioseph cuy-
 doient qu'il fust en chemin. La glorieuse vierge Marie
 sa mere pensoit qu'il fust avec Ioseph, & Ioseph pareille-
 ment estimoit qu'il fust avec la vierge Marie: toutesfois
 il estoit demeuré en Ierusalem. Et quand ils sont arri-
 uez au logis ils ont esté en anxieté, ils ont cherché no-
 stre Seigneur *inter cognatos & notos*, & ne l'y ont point
 trouué. Et le troisieme iour ils l'ont trouué au temple

Dimenches és octaues

là ou il interroguoit & oyoit les docteurs, dont chacun
Il ne fault s'esmerueilloit. Chresties il ne le faut pas chercher entre
pas chercher ses parents. Tout est escript pour nostre instruction. Si
nostre Sei- nous voulons chercher nostre Seigneur il ne le fault pas
gneur avec chercher avec la chair, avec noz parents, il est impos-
la chair. sible de le trouuer en l'affection sensuelle de la chair.

Quád nostre Seigneur Iesus Christ se manifesta à saint
Paul il luy dist : Ne veulx tu pas estre des miens ? ie suis
ta vie, ton salut : tu ne peus viure sans moy, ny estre re-
concilié à Dieu. Saint Paul dit qu'incontinant qu'il a
eu trouué tel party, il n'a point conseré avec ses parents
& ne leur a point demandé conseil s'il deuoit suiure no-
stre Seigneur : *Continuò nō acquieni carni & sanguini, hoc*
est non contuli cum carne & sanguine : dit saint Ierome.

Quand il a pleu à Dieu de me segreger & me donner la
vraye voye de salut, ie n'ay pas acquiescé à ma priuée af-
fection ny à mes parents, mais incontināt i'ay acquies-
cé à nostre Seigneur & me suis mis à son seruice. Il fault
ainsi faire par la grace de Dieu. La chair nous retire & ne
veult point estre domptée : mais nostre Seigneur dit, por-
te ta croix si tu veulx estre mon disciple, suis tes parents
& n'acquiesce à la chair. Aucunesfois on se veult retren-
cher en ses habits & viandes, & la craincte des hommes
empesche : ce n'est que vêt & songe. La parole des hōmes
sera elle plus efficace que le iugemēt de Dieu qui est seur
& eternal ou en bien ou en mal ? Chrestiens, voulez vous
conferer à la chair & au sang ? Iesus ne vous est il pas plus
que vostre pere charnel ? Nous sommes bien abusez. Re-
gulierement nous ne trouuons point moyen d'estre sau-
uez entre noz parents : mais plustost nous nous y dam-
nons. L'affection sensuelle & charnelle n'est point trou-
uée avec nostre Seigneur. Il dit, que vous desiriez plu-
stost le bas lieu & abiect, q̄ le plus hault : car qui se veult
exalter sera humilié : *Durus est hic sermo*, dit la chair. Et
saint Bernard dit que la parole de Dieu viēt à goust se-
lon l'affection. Si ie desire d'estre sauué, ie ne trouueray
rien plus doulx & plus souef que la parole de Dieu. Il di-
soit & demandoit à ses disciples : Et vous ne vous en vou-
lez pas aller comme les autres ? Et saint Pierre respond :

O Seigneur ou pourrions nous aller pour estre mieulx qu'avec vous qui avez les parolles de vie? *Verba enim vi-* Ioan. 6.
ta eterne habes. Ceste parolle de Dieu estoit dure aux autres, car ils n'auoiēt pas bōne affectiō. Comme celuy qui est malade, il a le goust deprauē & ne prend goust ny appetit à chose qu'on luy sçache donner: mais celuy qui est bien sain & en bōne dispositiō, il dit: Voyla qui est bon. Ainsi est il de l'hōme de bien, & de l'homme meschāt: ils parlēt selō leur affectiō. Et pourtāt il ne faut point chercher nostre seigneur entre les parens: car ils gästēt tout. *Et factū est post triduum, inuenerūt illū in tēplo.* Ils ont cher- Luc. 2.
ché nostre Seigneur par trois iours en douleur & anxieté de cueur, & ils l'ont trouué au tēple. Ou trouué lon au iourd'huy les enfans? à la tauerne, au tripot & ieux de paulme, & non pas à l'Eglise. Regardons cōme c'est qu'il faut chercher nostre Seigneur. Premieremēt en Ierusalē, *id est, visio pacis*. On ne le trouue que là ou il y a cōcorde & paix & nō pas ou il y a trouble & tēpeste. Si vous voulez trouuer la verité qui est nostre Seigneur, ne l'allez pas chercher entre les heretiques & apostats: la sapience de Dieu n'entre point en vn cueur subiect à peché. Irez vo^s chercher nostre Seigneur entre les gens sensuels & charnels? Vous y trouuerez biē la sapiēce du mōde, mais elle ne prouffire point deuāt Dieu. Il faut venir en Ierusalem en l'vniō de la foy, en l'Eglise, en laquelle il y a vnitē en toutes choses. Cherchez là nostre Seignr, vostre salut, & vous l'y trouuerez. Ceulx qui au deluge estoiet hors l'arche de Noé furēt tous perdus & submergez. Aussi ceulx qui sont hors l'Eglise perissent. Ce n'est pas vne spirituelle Eglise cōme veulēt dire les heretiques, car on ne la cognoistroit pas, & elle est visible en laquelle nostre Seignr a mis des pasteurs & docteurs iusques à la cōsommation du monde. Et en icelle est nostre vie, nostre salut. Autre part il y a erreur, trouble, & discord. Si vous allez à Geneue, vous n'y trouuerez pas Iesus Christ: car il y a tēpeste & discord. Et quand ils errēt, ils disent qu'ils sont illuminez du S. Esprit. Et c'est à l'heure qu'ils sont pl^s deuoyez. *Christus venit in iudiciū, vt qui vidēt, ceci fiāt.* Mes amis, demeurons en ceste vnitē de l'Eglise de Dieu. *Captiuātes in-* Ioan. 9.

L'eglise n'est pas vne spirituelle & invisible Eglise cōme disent les heretiques.

Dimenche és octaues

2. Cor. 10.

tellectū nostrū in obsequiū Christi: captiuōs nostre entēdemēt
au sens de l'Eglise de Dieu. Il fault sçauoir faire ce q̄ cō-
māde l'Eglise de Dieu. Ils disent qu'ils sçauent tout. Tāt
plus vn cuer est humble, tant plus est il sage & sçauant.
Ou est ce que Dieu se repose? il est *excelsior celo, profundior*
inferno. Ou est son siege? ou repose il? sur celuy qui est hū-
ble. Voila son siege & y iecte son regard. Le cuer qui est
hūble est capable de Dieu. *Humilia respicit & alta à longe*
cognoscit. Il n'habite pas aux orgueilleux & presūptueux.
Ils disent qu'ils sont illuminez, & ils sont auéglez: *Ma-*

Dieu exalte
les humbles
& deprime
les orgueil-
leux.

xima cecutiunt. Et ceux qui pésent ne rien sçauoir ils sça-
uent tout: car Dieu exalte les humbles, & deprime les or-
gueilleux comme les scribes & pharisiens: & les Apostres
qui sont humbles il les exalte. Prions biē Dieu nous fai-
re la grace de ne tomber en telle cecité. Ce n'est pas seu-
lement peine, mais aussi coulpe & peché. *Cecitas est p̄na*
peccati precedentis. Tradidit illos Deus in reprobū sensum. i. tra-
di permisit. Quād la grace de Dieu est soustraicte de l'hō-
me il tōbe. Pourueu que nous soyōs humbles, & q̄ nous
captiuīōs nostre sens & entendemēt au sens & interpre-
tation de l'Eglise de Dieu, iamaïs nous ne tōberōs. L'ar-
bre est plus seure & plus asseurée par le pied que par les
branches: aussi celuy qui s'abbaisse & veut cheminer sur
les sens d'autrui, de l'Eglise, il est infrāgible: mais l'or-
gueilleux trēble tout incōtināt. S. chry. dit quād le corps
est bien cōplexiōné, qu'il y a bonne réperature, il est biē
sain: aussi l'hūble de cuer & māsuet, il est biē cōplexiō-
né, mais l'orgueilleux n'est point arresté, il dit l'un & l'au-
tre. Cherchōs Iesus Christ & la verité en Ierusalē, *id est*,
ou il y a vnion & cōcorde. Ainsi la glorieuse vierge Ma-
rie sa mere & S. Ioseph son pere putatif l'ont trouué au
temple entre les docteurs. Que faisoit il? *Inuenerunt illum*
in templo sedentē in medio doctorū, audientē illos & interrogā-
tem eos. Il n'apprend rien des docteurs: il est assis au meil-
lieu: il les escoute & interroge: ce n'est pour apprédre: car
il est la sapience de Dieu eternalle, il sçait le preterit, le
presens & le futur. *In ipso inhabitat plenitudo diuinitatis*
corporaliter. Ce qu'il faict c'est pour nostre dōctrine. Il
fault oūir & interroger l'Eglise, noz prelates, noz peres, cō-

Luc. 2.

Coloss. 2.

ment ils ont vescu. Je voudrois que noz lourdaux heretiques voussissent oüir & interroger les conciles : & ils veroient leurs erreurs, mais ils se fient à leur propre sens. Il fault oüir les conciles ausquels le S. Esprit habite: & vous verrez cōme les heretiques entédēt mal la sainte escripture. *Fili audi preceptum patris tui: interroga patres tuos & ipsi annuntiabūt tibi.* L'eglise estoit deuant l'escripture: il fault dōc croire à la traditiō & interpretatiō, au sēs & intelligence q̄ l'Eglise dirigée par le S. Esprit en dōne. Il la fault oüir & interroger à l'exēple de Iesus christ. *Et dixit mater ei⁹ ad illū, fili, quid fecisti nobis sic?* Les heretiques diēt qu'il ne fault pas appeller la vierge Marie mere de Dieu, & elle l'appelle son fils: *Fili, quid fecisti nobis sic?* mō fils, en quelle anxieté & tristesse nous auez vous mis? *Ecce pater tuus & ego dolentes querebamus te.* Ce n'est pas pour le repredre qu'elle dit ces paroles. Et elle l'appelle son fils. Elle est dōc la vraye mere de Dieu. Et Iesus christ vray dieu & homme a prins son corps du pur sang d'elle, & nō pas de Ioseph qui estoit seulement son pere putatif & nourrisier. Elle demāde la cause pourquoy il les auoit laissez cōme elle dist à l'āge. *Quomodo fiet istud, quoniā virū nō cognosco?* S. Ambro. dit q̄ la vierge Marie *de modo inquirat.* Aussi en telle sorte elle demāde auioird'huy. *Ego & pater tuus dolētes querebamus te.* Selō l'estimation des hōmes Ioseph estoit reputé pere de Iesus Christ: & en ceste sorte elle appelle Ioseph son pere. Elle nous enseigne comment c'est qu'il fault chercher Dieu. Quād on a perdu quelque chose on la demāde pmy les rues: ce n'est pas mal faict. Mais Dieu nous face la grace de iamais ne le perdre ny la grace & amitié, qu'il nous dōne plustost la mort. Et toutesfoiſ si no⁹ le perdōs, no⁹ ne le cherchōs point: & ne sommes point dolēs de l'auoir perdu: nous n'ē pleurōs point. Il en y a q̄ siis perdēt leur pere ou mere, ou les biens tēporels, ils en perdēt & en laissent le boire & māger, ils sentēt bien ceste perte là, & non pas la perte de Iesus Christ. Ce n'est pas mal faict d'auoir du biē tēporel, & couter la perte d'iceluy: mais quād il est questiō du spirituel, on n'en tient cōpte: on attēd iusques à Pasques à se confesser: on prefere la paille, la fāge à la pierre precieuse à la margue-

Prou. 6.

Deut. 32.

Luc. 2.

Luc. 2.

La vierge
Marie nous
enseigne com
ment il fault
chercher
Dieu.

Dimenches és octaues

Matt. 13.

Luc. 19.

*Celuy qui a
Iesus Christ
ne peut estre
pauvre.*

Ecccl. 7.

rite, c'est Iesus Christ. *Simile est regnum calorū hominī negotiātorī quārentī bonas margaritas, &c.* Ne sommes nous pas marchās en ce mōde? Dieu dit. *Negotiamini dūm venio.* Le monde nous offre vne chose caduque: & Iesus Christ qui est la pierre precieuse s'offre aussi à nous. Le fault il donc pas prēdre? & vēdre tout pour l'achepter en delaisant le mōde? *Ipsē Christ⁹ est omnia in omnibus.* Chresties, il est impossible, q̄ celuy qui a Iesus christ qu'il ait pauvreté & indigēce: car il est riche & opulēt. A la miēne volōtē q̄ nō^o fuilliōs tels, que nous sentilliōs seulemēt Iesus Christ crucifié. Et s'il aduiēt que nous l'ayōs perdu par peché, cherchōs le, & nous le trouuerōs. Mais nous abusons de sa bōté & misericōrde. C'est grād chose d'auoir la grace d'un si grand seigneur, duquel les seruiteurs sont participās de sa nature. Cōtēnerōs nous ceste grace? cherchōs dōc Iesus Christ: & cōmēt? en douleur. S. Iean Chrys. dit: il n'y a riē qui plus cōglutine & nous vnīe à Dieu q̄ les larmes & pleurs pour le desir de vertu, & la haine de peché. Il ne fault pas q̄ ce soit vn pleur de crocodile, mais pleurs procedās de douleur d'auoir offensé Dieu. Je suis biē traistre & biē meschāt d'auoir offēsé mō dieu, mō seigneur, mō createur & redempteur, & si en ceste maniere nous pleurōs, nō^o auōs la grace de Dieu. Cherchez dōc Iesus christ en douleur. *Melius est ire ad domū luctus quā ad domū gaudiij.* Il fault trouuer en penitēce & pleurs Iesus Christ nō pas pour craincte de la peine, mais pour l'amour d'un si grād Seigneur, qui n'a eu qu'infamie & deshōneur pour moy. Combien que nous aurions faiēt tous les maulx du mōde nous en aurons pardon si nous nous voulons repētir & faire penitēce cōme il appartiēt. S. Bern. dit: *Cadit asina & est qui subleuet: perit anima, & non est qui curet & subleuet.* Je voy mon prochain qui offense & ie n'en auray pas compassion? la chair & sensualité nous est tāt, & Iesus Christ ne nous est rien. Si vous voyez vne ame perir, pleurez comme S. Paul qui pleuroit tāt les pechez & faultes d'autrui, & excusoit son prochain. S. Iean Chrys. dit, *quod optabat apostolus esse anathema pro fratribus suis.* Il desiroit mourir pour les Iuifs afin qu'ils fussent sauuez. Et pource, cherchons Iesus Christ en nous amēdāt & sa-

risfaisant pour noz fautes. Pour bien sentir voz fautes & pechez regardez à la grace de Dieu : car cōme dit le philosophe, *Opposita iuxta se posita magis elucescūt*. Aussi cōsiderez la grace de Dieu avec vostre offense : & quād vous sentirez biē vostre peché, vous en aurez plus de douleur. Mal vit qui ne s'amēde. Que respōd Iesus christ? *Quid est quòd me querebatis? nesciebatis quia in his quæ patris mei sunt oportet me esse?* Ne sçauiez vous pas biē qu'il me fault estre aux affaires de mon pere? Il semble que la respōse soit dure. Il faut tousiours preferer le spirituel au tēporel. Il mōstre qu'il fault preferer Dieu son pere à ses parens charnels. S. Iean Chryf. dit q̄ Iesus Christ dit à vn adolescēt, *Sequere me*: & il respōdit qu'il vouloit premierement enseuelir son pere : & Iesus Christ luy dist : *Sine mortuos sepelire suos mortuos*. S. Augu. dit il fault obeir à son pere & l'aimer: mais moy (dit Iesus Christ) *qui sum Dominus, uoco te ad Euangelium*, il fault preferer Dieu, & l'euure de Dieu au temporel. S. Iero. dit de l'enfant qui veut entrer en religion & ses parens l'empeschent. *Per calcatum perge patrem, per calcatā perge matrem: ad signū crucis euola*. Il ne leur fault pas obeir en cela. *Nesciebatis, &c.* Par cecy Iesus Christ cōferme la virginité de sa mere: car il n'a point de pere en terre : mais il appelle Dieu, son pere, aux affaires duq̄l il se dit estre empesché. L'euure de Dieu c'est vostre salut: aidez à Dieu à vo^r sauuer: obeissez luy & faiçtes ses cōmādemēs. *Et ipsi nō intellexerūt verbū quod locutus est ad eos*. Aucuns referent cela aux docteurs qu'ils n'ont point entēdu la respōse de Iesus christ, ils n'ōt sceu ce qu'il vouloit dire. *Aliquis interpretatur quòd virgo Maria & Ioseph nō intellexerunt verbū Christi. Duplex est ignorātia, videlicet praua dispositionis*. C'est erreur que ceste ignorance là, qui ne peult estre en la vierge Marie mere de Dieu, car erreur c'est la peine de peché. La peine n'est point deuāt la faute. Et la vierge Marie iamais n'offensa: & ainsi elle n'a point erré. S. Iean Chryf. dit q̄ les heresies n'auroiēt iamais cours si les pechez ne pcedoiēt. Regardez, l'erreur des sacramentaires pcede de l'irreuerēce & indeuotiō faiçte aux sacremēs. Peché precede tousiours auāt que l'entendēmēt erre. Et pource la vierge Marie n'a point ainſi

Mal vit qui
ne s'amēde.
Luc. 2.

Matt. 8.

Luc. 2.

Dimenche és octaues

ignoré, il y a vne autre ignorāce, *que dicitur ignorātia pure negationis. Nescientia potuit esse in virgine ipsa, quia nō erat Deus.* Je ne sçay pas beaucoup de choses : & toutesfois ie n'erre pas. Et erreur n'a point esté en la vierge Marie ny au premier hōme auāt le peché. *Sed nesciētia in virgine potuit esse.* Et pource, ils n'ont pas sceu, ils n'ont pas entēdu. Ou cela peut estre referé seulement à Ioseph, car aucune fois l'escripture attribue à vne multitude ce qui apartiēt à vne partie: cōme quād il est dit: *Turbatus est Herodes & omnis Hierosolyma cum illo.* Et aussi si cela est referé à la vierge Marie & à Ioseph, qui n'ont point entendu la respoñse de Iesus Christ, il n'y a point d'erreur de le dire. Les heretiques disent qu'ils entēdent tout, & que tout est facile. Et ils n'ont pas entēdu cecy. S. Pierre dit des epistres S. Paul qu'il y a plusieurs choses difficiles à entendre que les heretiques deprauent & interpretent selon leur sens & opinion. Iesus Christ a voulu q̄ les escriptures fussent difficiles pour nostre exercice. *Et descendit cum eis & venit Nazareth: & erat subditus illis :* Iesus Christ a tout laissé & est venu en Nazareth & estoit subiect à la vierge & à saint Ioseph. Les heretiques disent qu'il ne fault point estre subiect à l'Eglise. Iesus christ mōstre le cōtraire par son faiēt propre, quād il a voulu obeir & estre subiect & obeissant: pour nous enseigner que les enfans soiēt subiects & obeissent à leurs parēs. Vn enfant rebelle du tēps de l'ancienne loy il estoit lapidé. Et aujourd'huy les enfans plaident contre leur pere & mere, & leur dient des iniures. Escoutez, vn pere ne pourroit estre tant mauuais à son enfant (quelque mal qu'il luy face) que l'enfant ne luy soit encores redeuable & tenu. Le fondement du bien de l'enfant & de son salut vient de ses pere & mere. Si vous n'auiez estre, vous ne seriez pas sauuez, & pource vous estes bien tenus à voz parens qui vous ont donné estre. *Honora patrem tuum, & matrem tuam, & sis longauus super terram.* Honorer son pere & sa mere, ce n'est pas seulement leur faire honneur exterieurement en parlant à eulx humblement: mais aussi leur fault subuenir en leur necessité, comme dit monsieur Sainct Paul parlant des prestres. *Qui bene presunt presbyteri du-*

Iesus Christ
a voulu que
les escriptu-
res fussēt dif-
ficiles à entē-
dre pour no-
stre exercice.
Deut. 21.

plici honore digni habeantur, C'est qu'il les fault reuer^{er}, leur aider, & leur subuenir en leurs necessitez. *Item, viduas honora quæ vere viduæ sunt. Item honora inuicem præuenientes.* Doncques honorer les parens c'est leur aider & subuenir. Soyez doncques subiects à voz parens. Tobie disoit à son fils: Mon enfant, porte honneur à ta mere: ayes souuenance qu'elle t'a porté en son vêtre. Nous sommes aucunes fois causes que les enfans sont mauuais: car nous les traiçons trop mignonement. La verge ce pendant qu'elle est encores verte & tendre, on la plie facilement & non pas si on attend trop. *Filij tibi sunt, coerce illos: filia tibi sunt serua corpus illarum.* Le monde est plein de meschanceté. Il viendra vn sot vn folastre, qui donnera à vostre fille des poignets, des bracelets, &c. demâdez & sçachez qui luy a donné cela: car qui prend s'oblige: & vn religieux, vn prestre en donne. I'ay dit cent fois que si vne mere portoit en son sein sa fille, à grand peine seroit elle seurement. Iamais charnalité ne vilennie ne fut plus effrenée que maintenant. Vn enfant de huit ans en dit plus qu'un homme de vingt ou trente ans n'eust fait au tēps passé. Et on veoit auioird'huy vne fille si impudente & dehontée, qu'elle saulte au col d'un hōme. Le temps requiert de souspeçonner & de prendre garde sur soy & sur les enfans. Sainct Paul dit: *Filij obedite parentibus vestris in domino: hoc enim iustum est. Et vos patres nolite ad iracundiam prouocare filios vestros, sed educate illos in disciplina & correptione domini.* Il ne fault pas que les peres & meres prouoquent leurs enfans à se courroucer & descourager. *Il ne fault que les peres* Enfans obeïssez à voz parens & ne demandez point d'estre exempts & emancipez. Nostre Seigneur a tout laissé & a obey à sa mere & à son pere putatif Ioseph. *Pen-* leurs enfans sez vous qu'il ne seruist pas à Ioseph, & qu'il ne luy apportast pas ses ferremens? *Quia vocabatur fabri filius. Et mater eius conseruabat omnia verba hæc conferens in corde suo.* *Luc. 2.* La vierge Marie retenoit en son cueur tous les propos qu'elle auoit ouy des pasteurs, des Rois, &c. En quoy garderez vous vostre vie? en gardant les commandemens de Dieu. Ne les oubliez point. *Altiora te ne quæsieris, & ne* *Eccle. 3.* vous enquerez point de ce qui passe vostre capacité.

Premier dimenche apres

Eccle. 3.

Soyez contens de vostre mesure, cela ne passe il pas vostre mesure de lire la Bible, la sainte escriture? *Ad ea que precepit tibi Deus cogita semper.* Et ce qui passe vostre capacité & entendement ne le cherchez pas: ne le demandez pas, Celuy qui regarde le soleil, les rayons luy font mal aux yeulx, & luy offusquent la veüe. Aussi ceux qui veulent traiter la sainte escriture, & ne l'entendent pas, comme sont les simples gens, n'ont ils pas esté bruslez pour leur erreur & mauuaise intelligence? *Oportet sapere ad sobrietatem.* Venez au sermon & retenez ce que vous y oyez. Mirez vous au sermon & pratiquez ce que vous auez ouy. Les petis escoliers disputent & conferent ensemble: cela leur vault plus que la leçon qu'ils ons ouy. Aussi regardez & reduisez en memoire ce que vous auez ouy au sermon: conferez-le & le pratiquez. Apres il est dit que Iesus prouffitoit: comment? en sapience. Quant à l'experience, il faisoit cognoistre sa sapience aux hommes. *Et Iesus proficiebat sapientia & atate & gratia apud Deum & homines.* Enfans prouffitez aussi en sapience, en la cognoissance de Dieu, c'est vn don du saint Esprit que le don de sapience. Aucunes fois ie mange d'une viande sans y auoir goust, aussi i'escoute la parole de Dieu, mais ie ne la goust pas bien: parquoy elle ne me prouffite pas. Sentez doncques Dieu & le sauourez. Prouffitez enuers Dieu & les hommes & il vous donnera sa grace en ce monde, & la vie eternelle en l'autre.

Amen.

Pour le premier dimenche apres les octaues des Rois.

Rom. 12.

HAbentes donationes secundam gratiam que data est nobis differentes siue prophetiam secundum rationem fidei, &c. Saint Paul en l'epistre du iourd'huy, monstre que les distributions des graces de Dieu sont diuisées. Et celuy qui a vne grace de Dieu la doit faire prouffiter non pas seulement à soy, mais aussi aux autres. Vous voyez

vne pierre precieuse en euure , elle est plus precieuse , &
reluit mieux que non pas hors de l'euure. Aussi la grace
& don de Dieu sont veus & monstrez moult precieux
quand on les met en euure. Et pour-ce sainct Paul nous
admoneste de mettre en euure la grace & le don q nous
auons de Dieu. Nostre Seigneur a donné à vn cinq talés
qui en a gaigné cinq autres: à vn autre il en a dōné deux,
& il en a gaigné deux autres: à vn autre il en a donné vn
lequel il n'a faict prouffiter, ce don & grace a esté inuti-
le en luy. Le marchāt a baillé de l'argent à son seruiteur
pour le faire prouffiter, mais il l'a caché & enfouy en ter-
re. Et pource nostre Seigneur le reprend, car il fault faire
prouffiter le talent: le don & grace que nostre Seigneur
nous donne , non pas seulement pour celuy auquel il le
dōne, mais aussi pour les autres. *Habentes ergo donationes*
differentes. Les graces de Dieu sont appelées *donationes.*
Cōme ie n'ay pas meritē d'estre prestre, & pourtant c'est
vne grace de Dieu: vn autre a vn autre grace. Ainsi qu'au
corps humain il y a diuers membres, & vn chacū d'iceux
a son office, & leurs offices sont differētes: aussi au corps
mistique de nostre Seigneur il y a diuerses graces & of-
fices qui sont distribuez à vn chacun ainsi que veult no-
stre Seigneur Dieu. Les membres du corps naturel sont
tellement conioincts & composez , que l'vn a affaire de
l'autre. Si l'œil est malade il y met la main. Et vn des mē-
bres du corps naturel ne peut dire qu'il n'a que faire des
autres. L'œil a affaire de la main, de l'œil, & ainsi des au-
tres, tellement que les offices des membres sont differēs:
afin que l'amitié d'entr'eux soit tousiours gardée & mi-
eux entretenue . Aussi au corps mistique de nostre Sei-
gneur Iesus Christ qui est l'Eglise militāte & la congreg-
ation des Chrestiens, il y a diuersité d'offices & de dons
de Dieu: & les vns en ont de plus dignes que les autres.
Il y a vn chef sous lequel tous les Chrestiens sont sous
obediēce, c'est le Pape. Et apres le Pape les membres ont
chacun leur office pour en aider l'vn à l'autre, afin que
charité soit mieux gardée & entretenue les vns avec les
autres. Le chef du corps naturel ne peut dire au pied, à la
main & aux autres membres: ie n'ay que faire de vous:

La grace que
Dieu donne
à quelqu'un
n'est seule-
ment pour
luy: mais aus-
si pour les
autres.

Rom. 12.

Premier dimenche apres

aussi ne font les membres au chef. Pareillement au corps mistique les membres ne peuuent dire qu'ils n'ont que faire du chef qui est le Pape, car c'est leur cõducteur que Dieu leur a donné pour les conduire en paradis. Et aussi le Pape ne peult dire aux membres de l'Eglise qu'il n'a que faire d'eux, car ils labourent la terre, & font d'autres offices, dont le Pape ne se pourroit passer, ny le Roy & autres princes & seigneurs. Et pourtant nostre Seigneur a voulu qu'il y ait indigence entre nous, & que nous ayons affaire les vns des autres, afin que l'amour, la paix & charité soit gardée & entretenüe des vns avec les autres, & que nous puissiõs tous complaire & estre agreables à Dieu. Moy qui ay affaire de vostre grace, & du don que Dieu a mis en vous, il fault que i'aille vers vous vous prier de m'en secourir & aider, & vous à moy, & ainsi des autres, comme font les marchands qui trafiquent les vns parmy les autres. C'est grand chose qu'indigence entretient les hommes en amour & charité, qui autrement ne s'aimeroient pas. Et neantmoins vous en voyez qui sont de si mauuais cueur & tant obstinez en leur malice, qu'ils dient: i'aimerois mieux mourir que d'estre aidé de vn tel & tel, & luy demander ce dont i'ay indigence & besoing. Et Dieu permet aucunesfois qu'un tel ait affaire de celuy qu'il hait. Tels ressemblent aux diables & dânez qui sont tant enuolopez, liez & obstinez en leur malice qu'ils ne voudroient pas estre aidez de Dieu pour estre en paradis, & luy en donner gloire & louange, c'est à dire qu'ils ne pourroient auoir le courage & vouloir tant est grãde l'enuie & inimitié qu'ils ont contre Dieu, laquelle leur croist tousiours, comme dit le Psalmiste: *Superbia eorum qui te oderunt ascendit semper.* Les graces, dons & offices que nous auons viennent de Dieu & de sa iuste volonté. Parquoy il ne fault pas que ie sois marry, ny que i'aye enuie si vous avez plus grandes graces & dons que moy. Ne demãdez pas pourquoy vn tel a il plus de biens & de graces que moy? Demandez vous pourquoy c'est que tous les sens du corps naturel sont au chef, & pourquoy c'est que la main, le pied, ne veoient, & n'ont la veuë comme l'œil & semblable chose? Vous

Indigence entretient les hommes en amour & charité.

Psal. 73.

ne demanderez pas cela, & vn chacun membre se contente du don & de la grace qu'il a pour s'entr'aider l'un l'autre. Aussi du corps mistique ne demandez pas pourquoy c'est qu'il y a vn Roy, vn superieur, vn Pape, & pourquoy c'est qu'un tel a tant de graces, car il a ainsi pleu à Dieu. L'enfant bien ordonné demandera il pourquoy c'est que son pere faict cecy & cela? Non, car il estime tant de son pere qu'il ne le feroit pas s'il n'estoit iuste & raisonnable. Qu'un chacun regarde la grace & le don qu'il a receu de Dieu, & se tienne & contente & qu'il n'entreprenne pas outre sa grace & don & plus qu'il ne peult, comme dit S. Paul: *Non plus sapere quàm oportet sed sapere ad sobrietatem. Rom. 12.* Tu ne peux pas prescher & estre mareschal, cordonnier *Vn ne peult* & de semblable mestier, & si tu t'entremets de ce faire, *prescher & estre cordon-* c'est plus vouloir sçauoir qu'il ne t'appartient: c'est ex-ceder son don, sa grace & mesure. Toy qui es subiect, *nier.* veux tu prendre l'office & estat du superieur? Regarde tō don, ta grace & t'en contente. Voila comme il ne fault pas entreprendre les vns sur les autres, mais fault mesurer nostre vie selon nostre vacation. *Siue prophetiam secundum rationem fidei. Rom. 12.* Prophetie c'est à dire interpretation de la sainte escripture, Il y en a qui ont le don & la grace d'interpreter les saintes escriptures: & celuy qui les interprete, qui console & edifie le peuple, est dit prophete. Il y a vn autre don. Comme du temps de saint Paul, il y auoit le don de langues, c'est à sçauoir parler plusieurs langues, cōme Hebreu, Grec, Latin, Chaldée & semblables. Il en y a qui sçauent beaucoup: mais ils n'ont pas la grace & le don d'interpreter & declarer. Et bien, qu'ils ne s'entremettēt dōques pas de prophetizer, c'est à dire de prescher. Car celuy qui parle Latin aux fēmes & semblables il parle en vain & perd le temps *Siue prophetiam secundum rationem fidei.* Il fault interpreter conformément selon la foy & interpretation de l'Eglise pour cōsoler & edifier. Il ne fault rien dire ne faire contre la foy: il se fault fonder sur l'Eglise & sur la coustume d'icelle, & interpreter les saintes escriptures, en ensuiuant les saintes docteurs, & non pas selon nostre propre & particuliere opinion. *Quia non humana voluntate allata est aliquādo prophetia, sed 2. Petr. 1.*

Premier dimenche apres

ex Dei voluntate & ex communi sensu doctorum ecclesie. Cestuy là ne peut errer qui ensuit les saincts Docteurs de l'Eglise, mais s'il veult suiure son propre sens & opinion il erre. Tu trouues quelque interpretation & sens nouveau, tu t'y complais: & neantmoins tu le doibs tenir pour suspect, & pareillement tout ce qui vient de ton propre sens. Nostre Seigneur m'a enseigné & commandé de suyure le sens & interpretation de l'Eglise, & d'autrui, & non pas le mien propre. Car l'Eglise ne peut errer ne faillir & mal dire, mais moy ie puis faillir & errer. Et quand nous voyons les heretiques qui sont diuisez & particulierez, c'est signe qu'ils mentent, & n'appartiennent pas à Dieu: *Quia non est Deus dissensionis, sed pacis.*

1. Corint. 14.

Act. 6.

Celuy qui est en l'Eglise qu'il face sa charge & qu'il ministre, & qu'il ne delaisse pas pour en faire vne autre: cōme dit saint Pierre: *Non est equum nos relinquere verbum Dei, & ministrare mensis.* Il n'est pas iuste ny raisonnable de delaisser à annoncer & prescher la parole de Dieu. Aussi les superieurs & gens d'Eglise sont dispensateurs & ministres de la parole de Dieu, & doiuent administrer & prescher à leurs subiects. C'est leur propre de donner & non pas de receuoir. L'escriture dit: *Fidelis seruus & prudens quem constituit dominus super familiam suam, vt det cibum in tempore.* L'office du prelat, c'est qu'il donne, *vt det.* Il fault qu'il viue: il est vray, mais s'il

Matth. 24.

Dieu donne- fait bien le deuoir de son office en donnant ce qu'il
ra assez pour doit donner, Dieu fera qu'on luy donnera assez pour
viure à celuy viure & estre entretenu. Il fault dōques que le superieur
qui sera bon ministre luy mesme, & face l'office de sa charge. O ie le
pasteur. feray bien par vn autre, & bien cestuy là sera donc sau-
né pour toy. Qui est celuy ayant vn seruiteur qui vueille
permettre que ce seruiteur en mette vn autre en sa place
pour faire son seruice & office, & que luy mesme aille
ioüer & folastrer? Le maistre en seroit il content? Si le cō-
seiller vouloit mettre vn autre en sa place, le Roy en se-
roit il content? Aussi le curé veult mettre vn vicaire pour
desseruir le benefice: mais il n'y en met point d'autre que
luy pour receuoir & prendre le reuenu & prouffit du tēpo-
rel Dieu se contente il decela à vostre aduis? S. Paul dit:

Attendite vobis & vniuerso gregi in quo vos spiritu sanctus posuit episcopos regere ecclesiam Dei, quā acquisiuit sanguine suo. Le berger ne respondra il pas des brebis qu'il a en sa charge si elles sont perdues? Aussi seront les Euesques, curez & superieurs de l'Eglise des ames de l'Eglise qu'ils ont prins en charge. A quel ieu auez vous gaigné cent escus, mille escus? & vous n'avez point serui au benefice ny trauaillé. Dieu veut qu'un curé reside sur son benefice en propre personne. C'est grād chose d'offenser au spirituel: car c'est mespriser & contēner le precieux sang de nostre seigneur Iesuchrist. Si vous dictes, & cōment viuray-ie en ma cure? Et vostre vicaire n'en vit-il pas bien? D'auantage ne voulez vous pas laisser voz biens voz ayses & toutes choses pour l'honneur de Iesuchrist: combié que les gensd'armes deburoient venir à vous? Iesuchrist ne prenoit il pas bien les gensd'armes qui venoient pour le prendre & ne s'en fuyoit pas? Et quand nous nous absentons du benefice & laissons ses ouailles, c'est biē signe que nous n'aymons pas biē Dieu & que nostre seigneur Iesuchrist & son precieux sang qu'il a respandu pour ses ouailles pour tout le mōde, ne nous est gueres. Vo'direz, Si ie laisse la ville de Paris, à qui parleray-ie aux champs? Et Iesuchrist n'a il pas biē laissé son aise, son plaisir, pour prendre incarnation & endurer pour nous? *Christus non sibi placuit.* Ou vous direz, ie ne sçay gueres. Ie vous dis qu'il vault micux resider en ne sçachant gueres que de sçauoir beaucoup & s'absenter & ne resider point au benefice. Si vous delaissez à resider sur vostre benefice de peur de la peine ou craignant les gensd'armes & semblables choses vous vous preferez à Dieu & monstrez que vous vo' aimez pl⁹ q̄ vous ne faictes Dieu. Et neātmoins nostre seignr dit: *Qui odit patrē aut matrē nō est me dignus. Et qui nō accipit crucē & sequitur me non est me dignus.* Ie ne sçay que ie ferois si i'y estois, mais ie sçay biē par la grace de Dieu ce que ie deurois faire. Vous direz: ie voys trois ou quatre fois l'an en ma cure. Cela ne suffit pas, car vo' estes tenu d'y tousiours resider: à raison q̄ l'autorité & office vous est dōné pour resider en seruāt & ministrant. Et les parroissies ne sont pas tenuz d'attēdre leur

Act. 6.

*Iesus christ a
laissé son aise
pour venir
endurer.*

Luc. 14.

Matt. 10.

Premier dimenche apres

curé, mais ainsi que le seruiteur attend & sert son maistre ainsi doibt faire le curé & pasteur enuers ses parroissiens. Et ainsi que vous ne seriez pas quictes de faire dire voz heures, vostre seruice à vn autre, combien qu'il le dist mieux que vous, mais estes tenu vous mesmes en propre personne de le dire s'il n'ya excuse legitime, aussi estes vous tenu de resider sur vostre benefice & faire & exercer la charge d'iceluy. Et pourtant si vous en estes inca-

*Qui est inca-
pable d'un
benefice il ne
le doibt pré-
dire.*

pable vous ne le deuez pas prendre, ou vous vous deuez faire capable de tenir & exercer le benefice dont vous auez prins la charge. Apres saint Paul dit : *Qui tribuit in simplicitate*. Theophilacte l'expose, & dit qu'il fault donner abondamment & largement de ses biens selon sa puissance. Et cela c'est donner en simplicité. On fait par la grace de Dieu de bones ordonnances pour les pauvres : mais on ne les garde pas, car on les laisse mourir de faim & en indigence & necessité. Je ne plaindray point mille ou deux mille escuz pour auoir vne chaine d'or, vingt escuz pour la façon d'un habillement combien que tout cela soit perdu & superflu. Et s'il estoit doné aux pauvres il te prouffiteroit à salut & vie eternelle. Il fault estre habillé honnestement selon son estat, mais il ne fault pas auoir habits & choses superflues ny bouffer le taffetas, estre dechiqueté & semblables abus. Et neantmoins on le fait pour le iourd'huy, il n'y a point d'amendement en nous, nous allös tousiours de pis en pis, cōbien que s'il fut iamais besoing de se retirer à Dieu par vraye contrition & penicence c'est aujourd'huy, considéré la necessité & le danger ou nous sommes, & que nous sommes assaillys de merueilleuses guerres & assaux tant spirituels que corporels. Et cela procede de Dieu à cause de noz pechez. Vous voyez les heresies plus grandes qu'elles ne furent iamais & d'autre coste les guerres temporelles & c'est Dieu qui nous les enuoye & nous frappe de ses verges pour nous faire retourner à luy par bon amendement & vraye penitēce. Mais nous en faisons de tant pis & sommes endurcis à la verge, & ne voulons ouurir les yeux. Il y a grand danger que soyons obstinez en noz pechez comme Pharaon & autres. On apportera la boiste des

pauvres à de gros mōsieurs & ils y mettront bien vn dou-
 ble ou vn liard . Ce n'est pas donner en simplicité, com-
 me nous enseigne icy monsieur saint Paul. Il vient des
 maux innumerables pour noz abuz, superfluitez & lasci-
 uetez : comme vous avez des filles de Sion qui pour leur
 lasciueté mangerent leurs propres enfans. Nous voyons
 les maux & persecutions qu'endurent noz prochains voi-
 sins . Et pourtant deuons nous bien craindre & pen-
 ser à nous cōme fait celuy qui voit la maison de son voi-
 sin brusser & la sienne est prochaine. Pour donner l'auf-
 mosne au pauvre , il ne se fault trop enquerir qui il est,
 comme font d'aucuns . Et possible il est honteux & n'o-
 se pas dire ne declarer sa necessité. Faiçtes comme Abra-
 ham , prenez & recueillez les pauvres , allez les chercher
 & vous enquerez . Il alloit au deuant des trois anges qui
 estoient en forme d'hommes & parloit à trois comme à
 vn. Il ne s'enquist pas qui ils estoient : mais les receut dou-
 cement en charité leur donnant la refection . Donnons *Il fault re-*
 donques en simplicité : & remercions en nostre cueur *mercier le*
 le pauvre en luy donnant l'aumosne car nous receuons *pauvre en no-*
 plus de luy que nous ne luy donnons. Le luy donne le tē- *stre cueur en*
 porel en luy donnant l'aumosne & i'en reçois le meri- *luy donnant*
 te spirituel , c'est paradis qui est eternal. Dieu dit : *Qui de-*
derit potum aqua frigida tantum in nomine discipuli , non l'aumosne.
perdet mercedem suam. Mais nous leur disons avec grande *Matt. 10.*
 rudesse. Tu y es desia venu aujourd'huy : tu ne fais que
 me rompre la teste . Et combien de fois estes vous re-
 tourné à nostre seigneur qui ne vous a pas refusez ? Da-
 uid dit : *Beatus qui intelligit super egenum & pauperem :*
in die mala liberabit eum dominus . Et aujourd'huy on fait
 difficulté : on a honte de porter la boiste des, pauvres de
 nostre seigneur I E S V S C H R I S T. Nous ne sommes
 pas si dignes que saint Paul qui faisoit bien les collectes
 pour les pauvres & en auoit bien soing . Celuy qui le
 fait ainsi pour l'honneur de Dieu , il ne fait pas vn pas
 qui ne soit compté & nombré & duquel il ne merite. Vi-
 sitez les pauvres & malades en les consolant & confor-
 tāt en nostre seigneur I E S V C H R I S T : & Dieu prēdra
 cela pour agreable, & meritez beaucoup combien que

Premier dimenche apres

Quand il va vn pauvre vers vous estimez que c'est Dieu qui le vous enuoye. n'auriez du temporel pour leur en donner & ayder. Pen-
sez & estimez quand il vient vn pauvre à vous que c'est
Dieu qui le vous enuoye & qu'il vous fait vn grād bien
& grace. Et en le remerciant dictes luy ce que saincte
Elisabeth dist à la glorieuse vierge Marie mere de Dieu,
quand elle la vint visiter, *Vnde mihi vt veniat mater domi-
ni mei ad me?* D'ou vient cela & ce grand bien que Dieu
me fait de venir ainsi à moy par ce pauvre, combien que
i'en sois indigne & ne vaille rien? Ce que ie fais à vn pau-
re ie le fais à Dieu : & si ie luy suis rude on facile c'est à
Dieu que ie le fais *Qui præst in solitudine.* Vo⁹ qui auez
des enfans soyez soigneux & diligens de les bien gar-
der en Dieu, c'est à vous de procurer leur bien & salut &
d'euitier leur mal & damnatiō. Sçachez que c'est que voz
filles ont en leurs coffres & que c'est qui leur a donné les
chaines, mācherons, brasselets & semblables choses qu'el-
les ont, & spécialement si c'est point leur oncle, parēt ou
autre qui soit Curé, Euesque & semblable. Et ne leur ren-
dez pas, mais le dōnez aux pauvres, car c'est à ceux qu'ap-
partient le bien & reuenu de l'Eglise. Et gens d'Eglise
beneficiez ne peuuēt dōner de leur bien & reuenu à leur
plaisir. Car apres auoir prins leur vie & entretenemēt sur
iceluy, le reste est & appartient aux pauvres & eulx n'en
sont q ministres & dispensateurs pour le distribuer loyal-
lement & fidelement à ceulx à qui il appartient, & com-
me il appartient. Vous respondrez des ames & du pre-
cieux sang de Iesuchrist ainsi respandu. Auourd'huy on
baille à ferme le reuenu de la cure & du benefice, & faulx
bailler repondant. On fait marchandise du bien de l'E-
glise comme on feroit des choses temporelles. C'est hor-
reur & damnation, & en fauldra rendre compte deuant
Dieu. *dilectio sine simulatione.* Il fault aymer veritablemēt
& sans feinctise, comme dit aussi sainct Iean en la cano-
niquē : *Non diligamus verbo aut lingua, sed opere & ve-
ritate.* Vous dictes que vous m'aimez: mōstrez le dōcques
par euvre, mettez le en effect. Ce n'est pas aymer de de-
laisser l'homme à son besoing & necessité quand on luy
peult ayder, c'est vne dilection du monde qui est feincte
& seruile: c'est aymer de bouche & de langue, cōme fait

Roma. 12.

Ioan. 3.

le monde, & ne mettre rien en euvre & en effect. Ie mō-
 stre signe & bon semblā à mon prochain que ie l'aime,
 ce pendant qu'il est en ma presence, mais en son absence
 & en derriere ie le trahis, & procure son mal & domma-
 ge. L'amour du monde est plein d'ambition & d'orgueil.
 Ie reuele & dis mon secret pour me conseiller à quel-
 qu'un qui me monstre signe d'amy, & ie le reuele à gens
 qui me pourrōt nuire. L'amour de nostre Seigneur Iesus
 Christ, c'est de fuir & euter les choses qui sont contrai-
 res à salut. Charité procure le prouffit de son prochain, &
 euite son dommage. C'est ce que dit monsieur S. Paul,
dilectio sine simulatione. La fin pour laquelle ie dois aimer
 mon prochain, c'est nostre Seigneur Iesus Christ, & non
 pas pour mon prouffit & bien particulier. Si i'aime quel-
 qu'un, & il me requiert de faire quelque chose qui ne
 peult estre faiète en saine cōscience, ie ne le feray pas : &
 en ce faisant i'aime en verité & sans fictiō. S'il me prie de
 luy estre moyen pour luy faire auoir vn office ou benefi-
 ce, & semblable chose, & ie cognois qu'il en est incapable,
 ie ne le feray pas, mais brigueray contre luy, & mettray
 empeschement si ie puis qu'il ne l'ait, & ne cōdescendray
 point à sa petition & demāde. Car autrement ie luy met-
 trois le cousteau sur la gorge, & à moy aussi, & nous dā-
 nerions tous deux. Et celuy qui est mōdain, qui a l'esprit
 du mōde, il dit que ie suis l'ennemy d'un tel, pource que
 i'empesche qu'il n'ait ce qu'il demāde, combien que cela
 soit à sa dānation & ruine. Il en iuge selon la chair, & dit
 que ie ne l'aime pas. Mais si au contraire ie fais auoir vn
 benefice à vn homme combien qu'il en soit incapable, le
 monde dit, que ie suis homme de bien: neantmoins que
 cela soit faulx, car c'est vn amour damnable, simulé, & qui
 n'est pas veritable. D'auantage aduertissez vostre amy de
 ce qu'il fait mal, & luy remōstrez en le reprenant: ou au-
 tremēt vous ne l'aimez pas en verité, & estes simulateur.
 Cōme si vous sçauiez qu'il y a quelqu'un en la rue qui at-
 tend qu'il sorte pour le mettre à mort, ou pour luy faire
 quelque mal & dommage, & vous ne l'aduertissez de ce,
 & qu'il n'ait à sortir: vous estes feinct & simulé. Ainsi est
 ce si vous ne contredisez à ce que vostre prochain veut, si

*L'amour du
monde est
plein d'am-
bition.*

*L'esprit du
monde iuge
selō la chair.*

Premier dimenche apres

c'est mal. I'ay vn amy, & il est heretique, si ie ne l'admoneste & ne luy remonstre sa faute, specialemēt s'il est secret, afin qu'il ne deçoie & empoisonne soy & les autres ie suis simulateur & feinct. Et s'il est secret, cela q̄ dit l'écriture. *Si peccauerit in te frater tuus, ⁊ corripe illum inter te ⁊ ipsum solū*, à lieu, mais si le peché est pernicieux & dōmageable à l'Eglise, ie le doibs reueler & dire aux superieurs, cōbien que i'eusse iuré de ne le dire & reueler. Et si pour ce peché il est brulé & mis à mort, ie n'en suis pas cause, mais sa malice & son peché. Vo⁹ auez des filles qui sont lasciuues & saultent tantost au col de cestuy-cy & de cestuy-là, & font chose semblable. Frappez dessus & n'y esparnez ne verge ne baston pour les corriger, ou autrement vous en serez reprins de Dieu, cōme Elie pour n'auoir pas corrigé & chastié ses enfans & leur auoir esté trop doux. *Odientes malum, ⁊ adhaerentes bono* Le doibs aimer mon prochain cōme moy mesmes entant qu'il est hōme & creature raisonnable, capable de vie eternelle cōme moy : mais ie doibs haïr & auoir en contrecueur son vice & peché. Dieu a fait le bien, c'est l'homme, & l'homme a fait le mal, c'est peché. Le bien que Dieu a fait en l'homme c'est qu'il l'a créé à son image & similitude : & le mal que l'homme a fait, c'est qu'il luy a desobey & l'a offensé. Et ie doibs haïr ceste desobeïssance. Et pourtāt quand l'homme fait mal, il doibt estre hay pour le mal qu'il fait comme il est dit en S. Marc que Iesus Christ regardoit les Iuifs par indignation, à cause de leurs pechez. *Et aspiciebat eos cū ira* S. Paul dit : *Vnusquisque placeat proximo suo in bonum*. Il faut qu'un chacun complaise à son prochain, mais que ce soit en bonne chose qui est à l'hōneur de Dieu, & à salut. Je veux le bien de mon prochain. c'est qu'il face & garde les cōmandemens de Dieu, & de son Eglise, & ie hays son mal, c'est à sçauoir ie desire qu'il ne face chose contre les commandemens de Dieu & de son Eglise, & qu'il ne soit damné. Ce que ie doibs haïr & euitier entant que ie puis c'est peché. Je ne doibs pas seulement aimer le bien apparent & temporel, mais principalement & sur toutes choses le bien spirituel, qu'est le salut de l'ame, & doibs mieux aimer que mon prochain

Rom. 12.

Rom. 15

Il faut complaire à son prochain moyennant que ce soit en bonne chose.

& moy perdions tous noz biens, & soyons pauures en ce monde, & que soyons sauuez, que non pas estre riches & à la fin estre bien pauures c'est estre damnez. Je voy que mon prochain se damne, & qu'il abuse des biés & richesses de ce monde qu'il a: & pourtant ie desire qu'elles luy soyent ostées & qu'il ayt des tribulations & aduersitez, & qu'il recognoisse sa faulte en se retournant à Dieu afin qu'il soit sauué. Je voy qu'il demande & procure d'auoir quelque chose qui est contre son salut. Je luy seray contraire & empeschera y à mon pouuoir qu'il ne l'ait. Et le monde voyant cela, dira que ie suis son ennemy: il est vray, mais c'est contre son peché, & ie veux ainsi estre son ennemy afin qu'il puisse estre amy de Dieu, & recognoistre sa faulte. Et en ceste sorte i'euite sa damnation, & procure son salut: c'est aimer le bien, & haïr le mal pour l'honneur de Dieu. *Charitatē fraternitatis inuicem diligentes.* Desirez & soyez soigneux de vous entr'aimer de l'honneur de Dieu en cōsiderant que vous estes tous freres, & enfans d'un mesme pere qui est nostre Seigneur Dieu. Le Sage dit: *Frater qui inuatur à fratre quasi turris fortissima.* *Aliquādo tamen inuenitur maior dilectio in amico acquisito quā nōto.* Il fault aimer Dieu d'un cuer, d'une bouche, & aimer sans simulatiō son prochain, auoir soing de son bié cōme du nostre propre. En la primitiue Eglise il n'en y auoit pas vn qui fust indigent, on y viuoit bien & en bon amour & charité, *quia erāt illis omnia pariter cōmunia, & distribebatur unicuique prout unicuique op^o erat.* Je ne dis pas que toutes choses doiuent estre communes quant à l'effect, mais en preparation de cuer d'en secourir & aider mon prochain, s'il en a besoing & affaire. Je voy mō prochain mourir de faim, de froid, & auoir d'autres necessitez & indigēces, & neantmoins i'aimē mieux nourrir vn chien, vn singe que mō frere chrestien: ie ne le veux voir ny ouïr crier. Ainsi me fera Iesus Christ: ie crieray apres luy à ma mort: mais il ne me viendra non plus ouïr que i'ay ouï son pauvre qu'il m'auoit enuoyé afin de gagner paradis en luy donnant l'aumosne, & le secourant en d'autres necessitez & affaires selon mon pouoir & puissance pour l'honneur de Dieu. *Clamabit ad*

Roma. 12.

Act. 4.

Proverb. 1.

Premier dimenche apres

Iaco. 2.

me, & ego non exaudiā vos. Et S. Iacques dit qu'il ne fault point estre accepteur de personnes comme font d'aucuns qui reçoivent bien les richesses, & leur font honneur, ils sont assis & ouïs: mais on dit au pauvre: *Tu sta illic, aut sede sub scabello pedum meorum.* Nōne iudicatis apud vosmetipsos & facti estis iudices cogitationum iniquarum? Si vous ne voulez nourrir le pauvre & luy aider, à tout le moins ne l'iniuriez point: & vous luy dictes, ce coquin, ce bellistre: ie te feray mettre là dedās. Et ie crains bien que vous entriez en enfer. Mais au cōtraire, si vous estiez misericordieux enuers eux pour l'honneur de Dieu, & si vous leur aidiez à vostre pouuoir, ce vous seroit vn grād moyen & acciez pour parler à Dieu, car vous auez nourry Dieu en nourrissant le pauvre pour l'amour de luy. Le Royaume de Dieu vient par les pauvres: & neātmoins les riches les contemnent en sorte qu'il semble qu'ils soyent bastards & esclaves, & que paradis soit seulement pour les riches, cōbien que ce soit bien le cōtraire. Car l'estat de pauvreté est meilleur & plus seur pour estre sauué que n'est l'estat de richesse. Et nostre Seigneur Iesus Christ mesmes dit, qu'il est plus difficile que le riche qui se fie en ses richesses & biēs temporels soit sauué qu'il n'est difficile de faire passer vn chameau, vn chable & grosse corde de navire par le trou d'un esguille. *Honore inuicē prauenientes.*

Rom. 1. 12.

Honneur signifie aucunesfois reuerence, & aucunesfois aide & secours temporel, cōme en ce lieu: *Honora viduas que verē viduæ sunt: Item qui bene præsunt presbyteri duplici honore digni habeantur.* Aussi s'entrepreuenir d'hōneur c'est en aide preuenir son prochain, & n'attēdre pas qu'il vous demande ce dont vous voyez qu'il a affaire & necessité. Le bien & aumosne faiēte par preuention, & auant que lon demande est meilleur, que si on attendoit qu'on le demādast. Comme vous dictes de quelqu'un: il m'a fait tel plaisir auant que ie luy demandasse. Aussi il y a beaucoup de pauvres honteux qui n'osent demander ne dire leur indigence & necessité. Et pourtant il les fault preuenir, s'enquerir, & les visiter. *Sollicitudine nō pigri:* Soyez soigneux & diligens. Mais nous sommes si paresseux & negligens à bien faire, que nous sommes pires aujour-

Rom. 1. 12.

d'huy que nous n'estiōs hier. Nous ne sommes point curieux de nous garder & croistre en la cognoissance, amour, & charité de Dieu. Nous ne prouffitons point en la voye & au chemin de paradis: parquoy nous reculōs & nous eloignōs de nostre chemin, Car ne point prouffiter en la voye de Dieu, c'est reculer: *In via Dei nō progredi retrogredi est.* Il fault estre curieux & soigneux en Dieu, de soy & de sa famille. Et en ce faisant il nous dōnera sa grace en ce monde, & la vie eternelle en l'autre. *Amen.*

*Autre sermon du premier dimenche
apres les octaues des Rois.*

Facta sunt nuptie in Cana Galilæe.

En l'Euangile du iourd'huy il est dit qu'en vn lieu ap. *Ioan. 2.*

pelé Cana en Galilée les nopces ont esté faictes, & la mere de Iesus y estoit. Nostre Seigneur IESUS CHRIST qui estoit inuité sy est trouué avec ses disciples. Le vin y deffailloit & la glorieuse vierge Marie ayant compassion del'espoux & de l'espouse a dit à nostre Seigneur Iesus Christ son fils qu'ils n'auoyēt point de vin. Et nostre seigneur luy a respōdu: Femme, cela ne vous touche en rien ny à moy aussi: mon heure n'est pas encores venue, &c. Nostre seigneur s'est voulu trouuer aux nopces avecques la glorieuse vierge Marie sa mere. Par cela il condamne l'erreur de ceux qui contemnent les nopces, le mariage, & qui en veulent detracter & dire mal. Nostre Seigneur Iesus Christ ne se trouue pas en chose damnable & meschante. Car luy qui est la bonté souueraine & l'autheur de tous biens il hait toutes choses meschantes & dam-

nables, *quoniam est Deus non volens iniquitatem.* Et saint Paul parle de ceux qui condamnent les nopces, *prohibentium nubere. Hi autem erant Tatiani & Martioniste heretici qui nuptias condemnabant.* Et pour les confuter nostre Seigneur Iesus Christ s'est trouué aux nopces & les a honorées. Les nopces, mariage, c'est vne bonne chose de soy. Et chacun qui n'a fait vœu, mais est encores en sa

*Iesus Christ
condāne l'er-
reur de ceux
qui contem-
nent les nop-
ces.*

Premier dimenche apres

liberté se peult licitement marier & y faire sa saluation. Mais à celuy qui a promis continence perpetuelle, les nopces luy sont interdites & deffendues. S'il s'est dedié à Dieu par vœu simple ou solennel, les nopces, le mariage luy est damnable, & est inhabile à contracter promesse de mariage. S. Paul dit : *Vnusquisque uxorem habeat. Si nuba*

I. Corint. 7. *bat non peccat: videlicet si non promiserit Deo. Qui est liber nō peccat si nubat: beatior autem erit si sic permanserit: scilicet in virginitate secundū meū consiliū.* La vierge qui n'a pas fait vœu de cōtinence & chasteté, elle ne peche pas en se mariant, car il luy est licite: mais si elle a fait le vœu, & sit *virgo velata*, elle peche mortellement en se mariant. Et telles S. Cyprian les appelle *adulteras Christi*. Doncques nostre Seigneur Iesus Christ monstre par ce qu'il s'est voulu trouuer aux nopces, que mariage n'est pas vne chose damnable & illicite. La condition en est bonne & licite, & y peult on faire son salut, mais elle est beaucoup moindre perfection que virginité, comme saint Paul le mōstre biē. Nostre Seigneur Iesus Christ s'est trouué aux nopces pour nostre instruction. Dieu s'est vny & cōioint à nature humaine. *Matrimonii est viri, & mulieris coniun-*

Ephe. 5.

ctio: mariage c'est vne vnion & conionction de l'homme & de la femme. S. Paul dit : *Hoc sacramentum magnum est, hoc dico in Christo & in ecclesia.* C'est vn grand sacrement: il signifie l'vnion entre nostre Seigneur & son Eglise, le verbe de Dieu, & nature humaine. C'est vne grande conionction: tellemēt qu'aujourd'huy nostre Seigneur Iesus Christ fils naturel de Dieu est vray homme: Dieu est vny

Dieu est vny
à l'hōme &
l'homme à
Dieu.

à l'hōme & l'homme à Dieu: ces deux natures sont iointes en vne personne: *Christus deus & homo*. C'est vne vnion indissoluble, comme le mariage qui ne se rompt point que par la mort. Autrement nostre Seigneur Iesus Christ s'est vny à nostre ame comme il dit par le prophete: *desponsabo te mihi in fide*. Nous sommes vnīs à Dieu par foy, esperance, & charité. Et ne sommes qu'un, comme il est dit: *Qui adheret Deo vnus spiritus est cum eo*. Le com-

Osee. 2.

mencement d'vnir l'hōme à Dieu c'est la foy. Ce lien n'est pas encores parfait, car en ce monde l'homme n'aime pas Dieu parfaict emēt, *sed solū per speculū & in enigmate*,

I. Corin. 6.

Saint Paul dit : *Si omnem fidem habuero q.d. Si habuero fidem perfectam & non habuero charitatem nihil mihi prodest.* *I. Cor. 13.*
 C'est à dire q̄ la foy ne suffit pas sans charité, toutesfois *La foy ne suffit sans charité.*
 la foy c'est le fondement de la substance d'esperance & charité. Mais esperance & charité ne peuvent estre sans la foy. L'vnion de Dieu est consommée par charité, laquelle contient foy & esperance. On est enluminé par la foy, & est on mené par esperance, & on demeure & s'arreste en charité. Ceste vnion peult estre rōpue en ce mōde : car nous pouuōs tōber de la foy en infidelité, & d'esperance en desespoir, & d'amour & charité en peché mortel. Mais comment s'entend doncques ce que dit S. Paul *charitas nūquā excidit ?* Ce n'est pas à dire que ne pouuōs perdre charité en ce mōde, car nous serions impecables, *I. Cor. 13.*
 mais il monstre la differēce entre foy, esperance & charité. On a la foy & esperance pour le present, & charité est parfaicte & consommée en paradis. En sortant de ce monde, nous delaissons foy & esperance, mais non pas charité: car iamais elle ne dechet, *imò elle est plus parfaicte en paradis, là ou toute imperfection sera oste, là ou nous y cognoissons & aimerons Dieu parfaitement. La perfection suit la cognoissance & iugemēt. Tant plus on cognoist quelque chose tāt plus est on esineu de l'aimer. On ne scauroit aimer Dieu sans cognoissance. Amour est mesuré selon la cognoissance, nous n'auōs pas icy parfaicte cognoissance, comme nous aurons en paradis s'il plaist à Dieu. Et ainsi nostre charité en ce mōde est encores imparfaicte. Si nous cognoissions autāt Dieu en ce monde, cōme nous ferons en paradis, nous l'aimeriois autāt cōme nous ferons en paradis : mais nous cognoissons seulement Dieu par foy, imparfaictemēt. Nous n'auons point icy amour parfaict. Et si nous voyons Dieu en ce monde comme nous le voirrons par sa grace en paradis, nostre charité seroit icy aussi grande cōme elle sera en paradis. Et pource S. Paul dit, que tout ce qui est imparfaict, comme sont la foy & esperance, seront euacuez, & prendront fin, mais charité de foy n'est pas imparfaicte: elle ne sera point euacuée ny perdue, mais sera parfaicte & consommée en paradis. Et ainsi la foy n'est*

Premier dimenche apres

Coloss. 1.

Apoc. 21.

Ephes. 5.

1. Tim. 3.

Qui dit &
tient au con-
traire de la
determina-
tion de l'E-
glise il est he-
retique.

pas vn lieu indissoluble, car l'homme le peut perdre & estre infidele. Il y a vne autre vision qui est indissoluble, c'est Dieu qui s'est vny à son Eglise. Et saint Paul appelle nostre Seigneur le chef de l'Eglise, il dit *ad Coloss.* *Adimpleo e i qua desunt passionum Christi pro corpore suo quod est ecclesia.* Le corps mistique de nostre Seigneur, c'est l'Eglise. Saint Iehan en l'Apoc. *vocat ecclesiam sponsam, vxorē agni* il s'est vny à son Eglise: c'est vne vnion indissoluble qui ne peut estre rōpue. Iesus christ est le chef de l'Eglise, & ne peut estre separé d'icelle. *Sacramentum hoc magnum est, dico in Christo & in ecclesia*: c'est vn grand sacrement, car il signifie l'vnion de nostre Seigneur à l'Eglise. Et fault colliger necessairement qu'ainli que nostre Seigneur est infaillible en verité, aussi est l'Eglise, car elle est conduite par le saint Esprit qui ne peut faillir. Elle est infaillible en la foy & en bonnes meurs & ne peut estre deceuë ne trompée, car elle est conduite par l'esprit du chef, qui est Iesus Christ. *Misit Deus spiritū filiū sui, & c. S.* Paul à Timothée dit, *que ecclesia est domus Dei viui & columna & firmamentum veritatis.* Mais à qui fault il croire des choses qui tombent en controuersie, considéré q l'escripture c'est vn iuge muet: elle laisse faire & dire ce que lon veult. Si ie puis vaincre l'heretique par vn passage ou deux de l'escripture, cela est bon: mais s'il ne le veult croire, qui est-ce qui en donnera la resolution & sentence? C'est l'Eglise. Et quand elle a dit & décidé quelque chose, si quelqu'un veult dire au cōtraire, il est heretique & doit estre iugé. Mais il peut bien encores reconnoistre sa faulte & son erreur, par la grace de Dieu, durant qu'il est encores en ce monde & faire penitence. Doncques celuy qui faict, dit, ou sent autrement que l'Eglise n'a dit & déterminé, il est heretique: car il n'ignore pas: c'est pertinacité qui est en luy. Ce seroit autre chose si auant la decision de l'Eglise il ne vouloit croire. Mais quand il y a decision & qu'il ne croit & ne s'y arreste, il est heretique & en voye de damnation. Et tout homme viuant en particularité & selon son propre sens. il ne peut qu'il n'erre: car il n'a pas l'esprit de Dieu, sans lequel il ne pourroit bien cheminer ny faire son salut. Et

Dieu n'a pas promis son esprit à vne personne priuée & particuliere, mais il a promis infaillible assistance à son Eglise, qui ne peut errer ne faillir non plus que Dieu: car Dieu luy mesme la gouerne & conduit: *Ideo dicitur ecclesia columna & firmamentum veritatis*. Et pourtant si vous voyez qu'il y ait controuersie, contrarieté & variété d'opinions en quelque chose, pour vous asseurer & estre ferme à ce que vous deuez croire suyez le train, & la maniere de l'Eglise, & iamais vous n'errerez, quelque empeschement & trouble qu'on vous sache faire. Et si vous voyez quelqu'un soit en preschant, ou autrement qui soit desuoyé, & ne fait ny dit selon l'Eglise & la verité, fuyez le, & l'euitiez plus que vous ne feriez tous les diables d'Éfer: car il est plus d'agereux. Si vous dictes: ie suis tout esmeu & troublé, & ne sçay à qui croire en voyât tant d'opinions & troubles & varietez. Vous n'estes pas excusé pourtant, car vous deuez laisser toutes autres opinions, & vous arrester à l'opiniō & sentēce de l'Eglise de Dieu. Vous avez esté instruit & enseigné par l'Eglise qu'au saint sacrement de l'autel on reçoit Dieu entierement, nostre Seigneur Iesus Christ vray Dieu & vray hōme: & qu'autant en reçoit l'homme lay que le prestre: que lon doit prier pour les trespassez: qu'apres que par vraye confession entiere, & la coulpe & offense du peché est ostée, la peine deuë pour l'offense demeure, si la contrition ou la penitence que le prestre a enioinct n'est suffisante pour la satisfaction de la peine: qu'il en fault satisfaire & endurer peine en ce monde ou en l'autre: & ainsi des autres articles de la foy, comme l'Eglise le vous dit & enseigne. Ne vous troublez dōcques point pour chose qui aduienne au contraire, & fust vn ange du ciel qui le diroit. *Necesse est hereses esse vt qui electi sunt probentur*. Et si vous desuoyez de la voye des bons anciens, vous pechez: il fault croire à l'Eglise, & à celuy qui enseigne selon icelle: non pas entant que c'est cestuy cy, ou cestuy là, car l'homme de foy est mensonger, muable & inconstant, tantost il dit bien, & il se peult changer & dire mal: *Omnis homo mendax*: mais celuy qui presche & dit selon l'Eglise, il est constant, & ne peult errer ny en-

*Autant re-
çoit l'homme
lay que le
prestre au sa-
crament de
l'autel.*

1. Corint. 11.

Psal. 115.

Premier dimenche apres

gendrer erreur, schisme, ny diuision. Rupert dit sur ce passage de l'escripture, ou nostre Seigneur dit : *Doctrina mea non est mea*, c'est à dire que la doctrine de nostre Seignor n'engēdre point de schisme, noīse, diuisiō ny erreur. Celuy qui clairement selon l'Eglise interprete la saincte escripture, il n'est point suspect & ne peult errer, & à cestuy là arrestez vous. Il ne fault point dire *Ego sum Cepha*, *ego sum Pauli* : mais que nous sommes disciples de nostre Seigneur Iesus Christ & de son Eglise, & no⁹ voulons tenir en son escolle & doctrine : *Obseruate eos qui ita ambulat qui habent formam nostri*, inquit apostolus. Et pourtant si vous dictes, que pour tant de varietez d'opinions vous estes troublēz, cela ne vous excuse point, mais aggrauē vostre peché. Si ie vous disois d'vne chose blanche qu'elle fust noire, le croiriez vous ? Nostre Seigneur nous a tellement instituez en son Eglise, qu'en l'ensuyuant nous ne pouuons errer. L'eglise c'est la congregation des Chrestiens vnīs en la foy, esperance & charité, lesquels tousiours depuis Iesus Christ iusques à maintenant ont entendu & obserué ce que nous croyons. Voyla bonne vnion. Ce sont les nopces ou est Iesus, & elles sont faictes *in Cana*, id est, *zelus*. Nostre Seigneur a faict les nopces en bon zele & amour. Le fondement de la racine de l'vnion c'est charité. Nostre Seigneur par son infinie bonté & amour qu'il a enuers nous a voulu prendre & se vestir de nature humaine, & non pas de nature angelique. Saint Chrysost. dit : *Charitas, amor, nescit inaequalitatem*. Vous voirez aucunes fois le Roy si familier à quelqu'un, que vous ne sçauēz lequel d'entre eulx est le maistre & superieur. Aussi la familiarité, l'amour & charité de nostre Seigneur enuers l'homme est si grande, qu'il s'aneantit, il se demet & abbaisse à prendre nostre pauvreté, nostre limon & nature, & l'esleue à la dignité de Dieu : car l'homme est Dieu : ce n'est qu'une personne Dieu & hōme. *Nuptiae ergo factae sunt in Cana Galilee : hoc est in sermone charitatis*. Car la seule bonté de Dieu l'a esmeu à prendre incarnation, & non pas l'euere de l'homme. Et pour toutes recompenses nous nous monstons ingrats des graces que Dieu nous a faictes. Nous blas-

Philip. 3.

S. Chrys.

Ioan. 2.

phemons son ſainct nom , & luy ſommes rebelles & deſobeiſſants . Il n'y a que zele & amour qui ait faiſt faire cela à Dieu le createur Et pourtant *vide quomodo charitatem ſuam Deus commendat in nobis*:lequel a donné ſon precieus & digne ſang pour ſes ennemis pour les deliurer de la mort & de damnation , & les faire viure avec luy eternellement . Regardez combien Dieu a aimé ſon eſpouſe l'Egliſe , quand il a donné tout ſon precieus ſang pour la purifier & rendre ſans tache & macule . Et monſieur ſainct Paul dit : *Viri diligite uxores veſtras & nolite eſſe amari ad illas*: Entrevous maris, ſoyez gracieux à voz femmes , aimez les , & ne leur ſoyez point amers , durs & cruels : faiſtes à l'exemple de noſtre Seigneur Ieſus Chriſt : lequel a tât aimé ſon eſpouſe l'Egliſe qu'il a tout donné ſon precieus ſang pour elle . C'eſt vne choſe trop indecente de battre ſa femme . Quelle conſolation eſt-ce aux enfans de veoir leur pere & mere eſtre en noiſes & débats ? Si tel amour faiſoit les nopces & mariage , comme eſt l'amour de noſtre Seigneur Ieſus Chriſt enuers ſon Eglife , tout ſe porteroit bien : mais on faiſt les nopces & mariages pour accomplir ſa volupté charnelle , brutale & damnable . Et pour telle charnalité , les ſept maris de la femme du petit Tobie ont eſté mis à mort & ſuffoquez par le diable . Quand on faiſt les nopces & *Il fault fai-* qu'on ſe marie pour voluptez , pour paillardife , ou pour *re les maria-* auarice , incontinent apres il y a noiſe & diſſention : car *ges & nop-* les nopces n'ont pas eſté faiſtes *in Cana Galilee, id eſt, in ces en tout* zelo, en vertu, en bon amour & charité , ils ne ſe ſont pas *ſainct amour* mariez pour auoir lignée à l'honneur de Dieu . Et ce qui *& vnion.* n'eſt bien commencé, à grand peine peult il venir à bonne iſſue & bonne fin . Si les nopces eſtoient faiſtes *in cana* , en l'amour de Dieu il nous ayderoit : mais nous ne regardons ſeulement qu'à vanité & folie : nous ſommes aueuglez , & ne ſommes pas ſages pour le mal d'autrui . Or tout y eſt encores entier, mettons peine de nous amender , & nous reigler & conduire par les commandemens de Dieu . Et pour ce faire il fault l'appeller premierement : car qui commence bien , il acheuera bien par la grace de Dieu . Si Dieu commence , il

Premier dimenche apres

acheuera. Mais pource que nous voulons appeler le mō-
ne & les folies, cela est cause des noises, diuisions & mau-
uais rapports qui se font, & q̄ le tout va mal. Mais si nous
appelions Dieu, nous commencerions par luy & le tout
prouffiteroit, & Iesus s'y trouueroit & sa digne mere. Ap-
pelons le doncques à noz nopces & en toutes noz affai-
res. Le prophete Esaie dit: *Rorate cali desuper & nubes*
pluant iustum: aperiatur terra & germinet saluatorem. Et Da-
uid dit: *Excita potentiam tuā domine, & veni.* Il fault crier
à Dieu qu'il viēne. *Deficiēte vino dixit mater Iesu ad eum:*
Vinum non habent. Elle disoit cela par compassiō & exer-
çoit son office: car c'est nostre aduocate, aussi nous la re-
clamōs en ceste maniere: *Eia ergo aduocata nostra, &c.* El-
le prie pour nous, & est nostre mediatrice & intercesse-
resse enuers Dieu. Elle est mere de misericorde, nostre
douceur & esperāce apres Dieu: elle aduocasse sans estre
requisse: *Vinū non habent.* Auioird'huy nous n'auōs point
de vin, de deuotion. Ainsi que le vin eschauffe, aussi faiēt
la grace & charité de nostre Seigneur. Il y en a plusieurs
qui font des biēs & de bones euures: mais ils n'ont point
de vin, de deuotion & de ferueur. Ils ne taschent qu'à se
sauuer, & n'y trouuent non plus de goust qu'en de l'eau
qui ne nourrist & n'eschauffe point comme faiēt le bon
vin. Ils desirēt d'auoir le goust du vin & d'auoir ferueur:
mais la chair, ce corps & infirmité de nature les empes-
che. Et la vierge Marie mere de Dieu en a compassion, &
dit à son fils: *Vinum non habent* Pensez vous qu'elle ne le
die maintenant, & qu'elle ne prie pour ceux qui batail-
lent & endurent tant pour nostre Seigneur, & pour sou-
stenir la foy & la verité? A grand peine en l'eglise militā-
te y a il demie heure de silence & tranquillité pour les di-
uerfes tribulatiōs & assaux q̄ lon luy faiēt. Il n'y a point
de vin, mais seulement de l'eau. Mais quand nous serons
si Dieu plaist transferez & translatez en paradis, *Inebria-*
buntur ab vbertate visionis Dei: nunc autem videmus Deum
per speculum & in enigmate, hoc est imperfectē. Aucunes fois
par vne demie heure on pense bien à Dieu: mais inconti-
nāt cela est passé à cause de la mutation de l'homme, qui
nunquam in eodem statu permanet. Voila en quelque partie

Esa. 45.

Psal. 79.

Ioan. 2.

La vierge
Marie est
nostre me-
diatrice en-
uers Dieu.
Ioan. 2.

A peine y a
il demie heu-
re de silence
en l'eglise mi-
litante.

1. Cor. 13.

de ma messe ie suis deuot , mais auant qu'elle soit acheuée ma deuotiō se perd & s'en va, elle deffault. Et la glorieuse dame alors elle prie auant que tout le vin defaille: *Vinum non habet*. Il ne fault pas delaisser à biē faire pour la tentation & tribulation combien qu'il n'y a point de ferueur & de deuotion. Et que respōd nostre Seigneur à la glorieuse vierge Marie sa mere? *Quid tibi & mihi est mulier?* Il semble qu'il luy soit rude: Femme que m'en est il, ny à vous aussi qu'ils n'ont point de vin? *Nōdum venit hora mea*. Ainsi que la bōne dame n'a aucunemēt failly par impudēce en disant, *Vinum non habent*. Aussi nostre Seigneur ne l'incpe & ne la reprēd pas. Sainct Chrysostome. *Quid mihi & tibi est mulier?* S'il y a faute de pain & de vin & d'autres choses necessaires aux nopces, ce n'est pas aux cōuiez & inuitez d'en fournir, mais au maistre de la maison. C'est cōme si nostre seigneur disoit, S'il n'y a du vin ce n'est pas nostre faulte , & cela ne nous touche en riē: La sollicitude pour en auoir, est au maistre de la maison. Ce nom *mulier*, est commū, *tām ad virginem quām ad corruptam*. Cōme il y a qu'Adam disoit à Dieu en paradis terrestre: *Mulier, quam dedisti mihi sociam, &c.* Et quād nostre Seigneur dit que son heure n'est pas encore venuē, cela s'entend quant à faire miracles. Car il ne s'est point manifesté iusques à ce que S. Iean Baptiste ait esté mis en prison. Et alors il s'est manifesté tāt par miracles que par prediciōs. Et pource il dit: *Nondum venit hora mea*. S. pour ses miracles. Et ainsi il respōd à sa digne mere & ne la reprend pas, *Omnis Christi actio nostra fuit instructio*. Il nous instruit & respond pour nous: c'est que n'ayons trop grande affection à noz parens . Il a plus honoré sa mere que nul autre: de sorte que l'Euangile dit: *Erat subditus illi*. Il se rēdoit obeissant à la glorieuse vierge Marie sa digne mere, & à saint Ioseph son pere putatif Et il parle ainsi à sa mere pour nous enseigner & instruire que il est licite d' abandonner ses parens pour vn plus grand bien. Quelquesfois on dist à nostre Seigneur que sa mere & ses freres estoient là aupres au dehors qui volorēt parler à luy. Et il estendi: sa main sur ses disciples, & dist: *Ecce mater mea & fratres mei: Quicumque enim fecerit volun-*

Ioan. 2.

Ioan. 2.

Ioan. 2.

S. Chryso.

Ioan. 2.

Matt. 12.

Premier dimenche apres

tatem patris mei, qui in celis est, ipse meus frater, soror, & mater est. Il ne cognoist pas sa mere, ses parens: mais il monstre que l'euure spirituelle ne doit pas estre rōpuë pour vne moindre, & que n'ayons affection charnelle. Il ne fault pas delaisser ny interrompre vn bon euure pour ses parens. Nostre Seigneur dist à quelqu'un qu'il eust à le suiute, & cestuy là luy pria de vouloir permettre que premierement il eust enseuely son pere, & qu'apres que son pere seroit allé de vie à trespas qu'il suiuroit nostre Seigneur. Et il luy dist: *Sine mortuos sepelire suos mortuos.* C'est à dire, que quand Dieu nous appelle à son seruice & à faire quelque bon euure, qu'il fault tout delaisser pour le faire. Il fault que l'euure de Dieu soit preposée à toutes autres. Il veult que portions honneur à noz parens, & que les seruions comme luy-mesme. Et nous en donne exemple mesme, quand vne femme donna benediction à la glorieuse vierge Marie en disant que le ventre qui auoit porté nostre Seigneur estoit bien-heureux, & pareillement les mammelles qui l'auoient allaitté: & nostre Seigneur en confermant & approuuant ces paroles & que veritablement sa digne mere estoit bien-heureuse de l'auoir porté & allaitté, il dit, *Quinimo*, Mais il nous enseigne & nous aduertit de nous garder que l'affection de la chair, de noz parens ne nous retire de Dieu & de son euure & seruice. Il ne fault mettre ny auoir trop grande affection à ses parens, mais les fault aimer soubz Dieu: *Mulier nondum venit hora mea*, c'est à dire que le vin n'est pas encores failly ne finy. Et quand il n'y en eust plus, nostre Seigneur manifesta sa gloire, & feist miracle en muant l'eau en vin miraculeusement. *Allegoricè secundum Augustinum.* *Quid mihi & tibi mulier?* Femme vous

S. August.
Ioan. 2.

me demandez que ie face miracle, & vous ne m'avez pas donné dont ie le puisse faire: car il faisoit miracle par la diuinité, qu'il n'auoit pas eue de la glorieuse vierge Marie, mais son humanité seulement. *Nondum venit hora mea.* Et en l'arbre de la croix mon humanité sera cogneuë & que ie suis vostre fils. Le vin signifie deuotion. Et la benoiste mere de Dieu voyant que nostre cuer est refroidy de deuotion, d'amour & charité en Dieu, & qu

Ioan. 2.

bien souuent nous disons nostre seruice, noz heures sans deuotion, mais seulement par maniere d'acquit, elle dit à son fils: *Vinum non habent*: & pourtant il vous plaira de leur donner deuotion & qu'ils vous puissent seruir par amour & charité, car c'est à luy de le donner. Elle ne dit pas donnez leur du vin: mais seulement elie declare la necessité & indigence, disant ils n'ont point de vin. Car au vray amy il suffit de manifester & declarer son indigence sans luy dire qu'il aide: car il en fera assez soigneux. Comme quand le Lazare fut malade, ses seurs enuoyerent à nostre Seigneur luy dire que celuy qu'il aimoit estoit malade. *Ecce quem amas infirmatur*. Quand nous offrons à Dieu nostre infirmité, c'est bien à dire que nous luy demandons nostre necessité, & qu'il luy plaise de nous aider. Aussi quand nous le prions, nous ne luy deuons pas limiter & determiner le temps pour estre aidez: mais se fault soubmettre à sa bonne volonté & discretion. Car il scait bien ce qui nous est bon & salutaire, & nous ne le scauons pas, mais nous sommes ignorans: & demandons souuent plustost nostre dommage que nostre prouffit. Et pourtant la bonne Iudich reprint durement ceux de Bethulie à raison qu'en leurs prieres, ils limitoient le temps à Dieu, disans si dedàs cinq iours il ne leur enuoyoit secours & aide qu'ils rendroient la ville à leurs ennemis qui l'auoient assiegée, Il ne fault iamaiz mettre loy ny terme à Dieu, mais se fault soubmettre à son bon vouloir & plaisir comme faiet la benoiste vierge Marie qui luy declare la necessité du vin aux nopces. Il le fault prier en esperance & confiance qu'il nous donnera ce que nous luy demãderons si cela est à nostre salut. Je demande à Dieu qu'il m'oste vne tentation que i'ay, comme saint Paul qui pria par trois fois pour estre deliuré du stimule de la chair & il ne luy fut pas octroyé: & Dieu luy dist qu'il se deuoit contenter d'auoir sa grace & que c'estoit son prouffit & salut d'estre en tentation & auoir des infirmités: *Virtus enim in infirmitate perficitur*. Tout ce que demande le iuste il ne luy est pas concédé. Car tout ce qu'il demande n'est pas à son salut: comme nous auons dit de saint Paul: qui n'a pas

Ioan. ix.

Premier dimenche apres

Il fault de-
mander la
santé du
corps & au-
tres choses
semblables
avec cōditiō.

esté deliuré du stimule de la chair, pour-ce que c'estoit son prouffit de l'auoir pour estre entretenu en humilité & en la grace de Dieu. Je demande santé, il ne m'est pas par-aduenture bon ny à mon salut. Et pourtant ie dois demâder cela & semblable chose par cōdition qu'il plaise à Dieu de me dōner ce que ie luy demâde si c'est à mō salut, ou autrement non. Je dois dire: *Fiat voluntas tua*: Seigneur Dieu que vostre volōté soit faicte, comme nostre seigneur Iesus Christ disoit à son pere, *Nō mea sed tua voluntas fiat*. Quand nous demâderons à Dieu en confiâce, il sera faict si c'est à nostre salut. Doncques ne vous cōtristez point: mais dites à Dieu: *Vinum non habeo*. Je n'ay point de deuotion: tout me reuient à contrecueur, ie voy que tout m'est contraire. S'il fault dire mes heures, mon seruice, ou faire quelque autre bon euure i'ay tant d'empeschement & de contrariété que merueilles, Je m'en fache & ie demande gens qui me conseillent pour aller à Dieu & luy complaire. Et neâtmoins ie dis & pense que ce que ie fais est cōtraire à Dieu. Et d'ou vient cela? C'est que ie n'ay pas de vin, ie n'ay pas de deuotion & ne sens point le plaisir que ie voudrois auoir au seruice de Dieu. Je vous diray: vous vous abusez en cela: car il ne vous fault point arrester à la deuotion sensible, au sentiment que vous auez, pourueu que vous ayez bon cueur & bon vouloir en Dieu en faisant vostre deuoir au mieux que vous pourrez par la grace de Dieu. L'ennuy, la facherie & tristesse empeschent que ie ne sente la deuotiō. Apres ceste ferme foy en Dieu il vous fault croire qu'il est tout bon & fidele, & que s'il estoit bō que vous eussiez deuotiō & que vous fussiez deliurez de tētation il vous seroit concedé. Et s'il ne le donne il fault entendre & se resouldre qu'il n'est pas bon de l'auoir. Et pource que nous ne sentons point de deuotion & d'amour de Dieu, nous en sommes fachez. Vertu & le merite n'est pas au sentiment, mais en la bonne volonté & au cueur. Vous ne demandez que de plaire à Dieu & de garder ses saincts cōmandemens & de nostre mere sainte Eglise. Ne vous souciez doncques point du sentiment que vous auez. Car Dieu ne vous iuge pas selon iceluy, mais selon vostre

estre bon cueur & affection. Priez Dieu & luy demōstrez vostre infirmité & indigēce en disant : *Vinum non habeo* : & vous luy ferez autant agreables comme si vous auiez deuotion. Le plus grād bien c'est de se cōtenter & prēdre pour agreable ce qu'il plaist à Dieu de vous dōner ceste croix & peine, d'estre marry que vous ne prenez point de goust & n'avez point de deuotion à son seruice. Vous vous deuez contenter. Vous dictes que vous aymeriez mieux mourir que de mal faire. Pourquoi doncq craignez vous, & vous cōtristez vous? Assurez vous en Dieu & vous y trouuerez cōtētement & trāquillité d'esprit. Aucunesfois ie me confie tāt à vne personne & ay si bōne estime de luy, que ie ne croirois pas tout le monde s'il me disoit le contraire. Combien plus nous deuons nous fier en Dieu qui est tout bon par nature, & nous assurer qu'il nous donnera ce que nous luy demanderons, s'il est bon pour nostre salut? Il est Dieu & le fera si vous avez bonne confiāce en luy. Mais au contraire, ceux qui se desfient de Dieu ils ne reçoiquēt rien de luy, sinon son ire & indignation comme dit S. Paul. *Ira Dei ascēdit super filios diffidentie*. Il en y a qui se trompent & estiment qu'ils se desfient de Dieu, quand ils s'y fient. Ils sont comme celuy qui dort, qui pense veoir vne chose, & quād il est esueillé il en veoit vne autre. Ainsi est il d'auc' s qui pēsēt qu'ils se desfient de Dieu quand ils s'y fient. Au cueur gist la fiāce, & non pas au sentiment : mais pource que i'ay des repugnances & fantasies, & que ie ne sens point de deuotion, ie dis cela. Le bon plaisir de Dieu est sur ceux qui se confient en luy, & en sa misericorde, & le craignēt d'une bonne crainte & reuerence. *Beneplacitum est Domino super timentes eum, & in eis qui sperant super misericordia eius*. Je suis assuré de Dieu qu'il me dōnera ce que ie luy demāderay, si cela m'est salutaire : & si ie ne l'ay, ie dois estimer & entendre que cela ne m'est pas bon, & qu'il vault mieux demeurer ainsi. *Domine, vinū non habeo*. Et ne vous souciez : il muera l'eau en vin, quād il nous osterā des peines & facheries de ce monde, & qu'il nous mettra en paradis. *In Apocalypsi scribitur. Beatus qui vocatus est ad nuptias agni*. Le vin c'est à dire, toute ioye & charité en Dieu

Ceux qui se desfient de Dieu, ils ne receurōt rien de luy.

Apo. 19.

Second dimenche apres

ne default point. Ce pēdāt que nous sommes en ce mō-
de inuoquōs tousiours Dieu & les benoists saincts. Et cō-
mēt en la cōfidēce de Dieu, & au merite de ses benoists
saincts. Si vo^r voulez, vous priez Dieu, & vous adressez
tout incontīnāt, & premieremēt à luy: ou aussi immēdia-
temēt, & premieremēt vous vous pouuez adresser à la
benoiste vierge Marie, & aux saincts, & leur faire vostre
oraison & requeste, qu'il leur plaise de prier Dieu pour
vous, en recognoissāt vostre indignité, & que vous estes
grād pecheur. Iesus Christ mōstre qu'il n'a pas reprins sa
mere. Et elle aduertit les ministres de faire tout ce q̄ Ie-
sus Christ leur cōmandera. *Quodcūque dixerit vobis facite.*

Toan. 2.

Elle nous exhorte, q̄ nous no^s rēdiōs dignes & cappables
de sa priere. Dieu par sa bōté nous veult sauuer, combiē
que tous les diables soiēt à l'écōtre. Et pourtāt prenez le
cōseil de la vierge Marie, & faictes ce qu'elle vo^r dira. Si
vous voulez que Dieu opere sa grace en vous, rēdez vo^r
en dignes par bōnes euures, & operatiōs faictes en la foy.
Vous dictes au prestre, dictes la messe pour moy, priez
Dieu pour moy. Et neantmoins vous ne vous amendez
point: vo^r vivez mal. Iesus Christ dit à ses Apostres quād
il les enuoya prescher son sainct nom, par tout le mōde:

Matth. 10.

*Intrātes domū alicuius salutate eum dicētes, Pax huic domui.
Et si quidē fuerit domus digna, veniet pax vestra super eam: si
autē non fuerit digna, reuertetur ad vos.* Si ie suis digne, & q̄
ie viue biē, en gardāt les cōmandemēs de Dieu, le fruiēt
de la messe, & autres oraisons & bienfaicts que lon faict
pour moy, viendrōt à moy, & me prouffiterōt. Mais si ie
me rēds indigne, le fruiēt retournera à vous. La benoiste
dame, & les saincts priēt pour moy, & si ie n'y mets point
d'empeschemēt, le fruiēt & merite de leurs prieres, & de
la mort & passion de Iesus Christ viēdront à moy, & me
prouffiterōt. Tout sacremēt a efficace & vertu de cōferer
grace: pourueu que ie n'y mette point d'empeschement,
& q̄ ie n'omette à dire toutes les paroles, & faire ce qu'il
fault. Gardōs que ne soyōs abusez & deceus. Les hereti-
ques disent biē que Iesus Christ est mort pour no^s, qu'il
a faict penitence, & satisfaiēt pour nous, & que nous ne
deuōs point faire de penitēce. Il est vray qu'il est mort &

a satisfait pour nous, mais si de nostre costé nous ne faisons aussi penitence, en adionstât nostre penitence à la sienne, & fondée en icelle, iamais sa mort & passion ny tout ce qu'il a fait ne satisfera pour nous. Et pourtant qui en veult estre cappable, & en auoir le fruit & merite, il l'en fault rendre digne en gardât ses saints commandemens, & en faisant penitence puis que nous auons le tēps, & l'opportunité. *Erāt autē ibi lapides hydrīe sex positæ secundū purificationē Iudeorū capiētes singulas metretas binas vel ternas.* Ioan. 2.
Il y auoit sept cruches esquelles on mettoit de l'eau pour se lauer. Cela signifie que ce pēdāt que nous sommes en ce mōde qu'il nous fault tousiours lauer & dire avec Dauid en priāt Dieu: *Amplius laua me Domine ab iniquitate mea, & à peccato meo mūda me* Il n'y a si saint ne si iuste en ce mōde, qui ne faille. Il y a tousiours de la poudre en noz pieds, & tousiours qlque chose à redire. Il est difficile d'euitier aucuns pechez veniels, & non pas les mortels. Mētir & parler oyssiement sans le dōmage du prochain & semblables, ce sont pechez veniels, que lon peut facilement euitier, & s'en garder. Il en y a d'autres qui sont aussi seulement veniels, *Propter imperfectionē actus*: desquels l'homme à grand peine se peult il passer ny les euitier à raison de son infirmité. Et à ceste cause Dauid pour plus facilement impetrer la grace & misericorde de Dieu il luy presente & offre son infirmité, disāt: *Miserere mei Domine quoniam infirmus sum.* Et pource quelque personne qui soit au monde, il a tousiours à faire de dire: *Dimitte nobis debita nostra*: Seigneur Dieu pardonnez nous, s'il vous plaist noz debtes & pechez: *Amplius laua me ab iniquitate mea, & à peccato meo mūda me.* Et pource il fault mettre peine de plus en plus se lauer, se purifier, & plorer ses pechez: il fault prēdre de l'eau de penitence & d'amertume en ce monde. Et apres elle sera tournée en vin, c'est à dire, que nous en aurons toute ioye & consolation en l'autre monde. On ne trouue pas de goust à faire penitence, c'est de l'eau, elle semble estre dure & amere comme dit monsieur S. Paul. *Omnis disciplina in presenti quidem videtur non esse gaudiij sed mœroris: postea autē n fructum pacatissimum exercitatis per eam, reddet iustitiæ.* Hebr. 12.
L'aigreur,

Troisiesme dimenche apres

Apoc. 21.

la durescé sera tournée en ioye : la penitence, les pleurs, & tribulatiōs de ce mōde seront tournées en vin au royaume de paradis quand il plaira à Dieu de nous appeller & oster de ce monde. *Ibi non erit luctus, neque dolor: Absterget autem Deus lachrymas ab oculis sanctorum.* Dieu essuyera & otera les pleurs & larmes de ses saints, cōme faict la mere qui essuye les larmes de son enfant apres qu'il a crié & pleuré. Autrement, quand nous n'entēdons point nostre Seigneur en la sainte escriture, & que nous le prenons charnellement, comme font les Iuifs, & non pas spirituellement, elle nous semble insipide, comme de l'eau. Il n'y a point de goust : mais si nous la venons à entendre spirituellement selon l'intelligence du saint Esprit, l'eau est tournée en vin, & en sommes nourris spirituellement. Apres que l'architriclin a eu gousté de ce bon vin, que nostre seigneur Iesus Christ auoit faict en muāt l'eau en vin, il a appelé l'espoux, & a dict: *Omnes homo primum bonum vinum ponit, & cum inebriati fuerint, id quod deterius est.* Nostre Seigneur faict tout au cōtraire du monde, car il garde le bon vin pour le dernier. En ce monde Dieu veult que nous ayons des peines & tribulations, mais il garde le bon vin, la consolation, la ioye & repos pour nous donner au dernier, c'est paradis à la fin de noz iours. En ce monde nous sommes comme petis enfans: nous n'entendons pas ce qui nous est bon quād nous demandons tousiours choses ioyeuses, voluptueuses & viure à nostre plaisir, & selon l'affection priuée, & n'en voulōs point de tristes, ny de tribulations, & contrarietez. Et nostre Seigneur qui cognoist & sçait que c'est nostre grand prouffit & salut d'en auoir: il nous en donne quand il nous donne des verges pour nous chastier, comme faict le bon pere ses enfans. Et en ce faisant il nous garde le bon vin, & meilleur pour le dernier: c'est de veoir Dieu, & estre en repos, & ioye eternelle. Le pere ne laisse pas faire à son enfant tout ce qu'il voudroit bien, mais le corrige & chastie, il le tiēt de court. Et en ce faisant, il monstre qu'il est son pere, & luy garde son bien par ce moyē, lequel autrement il pourroit perdre combien qu'il semble à l'enfant que son pere ne l'aime pas quād il le bat &

Ioan. 2.

Iesus Christ faict tout au contraire du monde.

chastie: mais c'est tout le contraire: *Quis enim filius quem Hebr. 12.*
non corripit pater? Aussi vous avez du mal de la tribulation
 en ce monde, & y beuvez de l'eau: mais vous beurez le
 bon vin en paradis en toute consolation par la grace de
 Dieu: laquelle il nous donnera s'il luy plaist en ce mon-
 de, & la vie eternelle en l'autre. *Ad quam nos perducatur, qui*
in trinitate perfecta vivit & regnat Deus, Amen.

*Pour le second dimenche apres
 les octaues des Rois.*

Noli vinci à malo, sed vince in bono malum. Sainct Paul *Rom. 12.*
 En l'epistre du iourd'huy nous exhorte, & nous luy
 sommes beaucoup reus pour sa doctrine: il dit: *Noli*
vinci à malo, c'est à dire, gardez vous bien que ne soyez
 surmontez du mal par peché. Dieu vous a constituez à
 batailler contre peché, contre le monde, la chair & le dia-
 ble. *Non regnet peccatum in vestro mortali corpore.* Les in- *Rom. 6.*
 strumens du diable sont en diuerfes manieres pour nui-
 re, comme vn gendarme a des armes de plusieurs sortes.
Vt nō circumueniamur à Satana, nos enim ignoramus astutias *2. Cor. 2.*
eius. Le diable a tant de sortes & manieres de tenter. Les
 vns il les tente & suppedite par orgueil, les autres par a-
 uarice, par enuie, &c. *Habet enim mille nocendi modos.* Que
 vn noble fust vaincu par vn vilain, ce seroit deshonneur,
 l'homme est noble, & le diable est vilain: *Sed vince in bo-*
no malum. Surmontez le mal par le bien, orgueil par hu-
 milité: & ainsi des autres vices qu'il fault vaincre & sur-
 monter par leur contraire. Sainct Paul dit: *Deus autem* *Rom. 6.*
pacis conterat Satanam sub pedibus vestris velociter. Et pour-
 ce vainquez le mal par le bien. *Sapientia vincit malitiam,*
 Malice n'a point victoire sur la sapience de Dieu, qui est
 de vouloir entendre le moyen par lequel on va en para-
 dis. La sapience de Dieu enseigne que ce qui est present,
 ce que lon veoit se passe, & est temporel: & ce qui est fu-
 tur, & que lon ne veoit point il est eternel. Je contemne

Second dimenche apres

les choses presentes, & la gloire du mōde afin que ie possede les biens de Dieu qui sont eternels. Je ne veux des biens temporels, que pour la substantiation & entretenement de la vie presente. Et si l'occasion requiert ie suis prest de tout laisser. Il fault vaincre & surmonter les tētrations du mōde, du diable & de la chair. Et cela se fera par la grace de Dieu. *In his enim omnibus superamus propter eum qui dilexit nos.* Au commencement de l'epistre monsieur saint Paul dit. *Nolite esse prudentes apud vosmetipsos.* Ne soyez pas sages en vous mesmes. Et le Sage dit. *Ne qui sapientes estis in oculis vestris.* C'est à dire, que ce que vous faites vous estimez que vous soyez cause qu'il est bié fait. Il ne dit pas qu'il ne faille estre sage: mais il fault que ce soit deuant Dieu, de la sapience de Dieu, & non pas du monde. Monsieur saint Hierome recite d'un philosophe auquel on demanda que c'estoit qu'il sçauoit. Et il respōd. *Hoc unum scio, quod nihil scio.* Je sçay bien de moy vne chose, c'est que ie ne sçay riē. Les philosophes Payēs & idolatres pensoient beaucoup sçauoir, & en se disant sages ils ont esté fols & insipiens comme dit monsieur saint Paul. *Dicentes se esse sapientes stulti facti sunt.* Le Sage dit: *Noli esse iustus nimis,* ne sois point trop sage, trop singulier en ton propre faiēt. Et monsieur saint Hierome diēt sur iceluy passage, qu'estre trop sçge, trop iuste, c'est estre trop iuste pour soy, & trop rigoureux pour les autres. Et nous deuons faire tout à l'opposite: car nous deuons estre durs & rigoureux à nous mesmes, & estre doux & amiables aux autres. Et nostre Seigneur **I E S V S C H R I S T** reprend le conseruiteur auquel auoit esté donnée la grande debte, & il ne vouloit pas auoir patience en son conseruiteur. *Pondus & pondus,* auoir deux poix & deux mesures: Vne pour moy, & l'autre pour vous, cela ne vault rien. *Item, video festucam in oculo fratrum, & trahen. in meo non video.* D'aucuns commandent & dient assez, mais ils ne veulent rien faire. *Alligant onera grauiā & importabilia & imponunt in humeros hominum; digito autem suo nolunt ea mouere.* Il en y a qui iugent les autres à estre pendus: mais ils ont faiēt de plus

Rom. 8.

Rom. 12.

Esa. 5.

Rom 1.

Eccle. 7.

S. Hierome.

Matth. 18.

Prou. 20.

Matth. 7.

Luc. 6.

grandes fautes qu'eux . Et pourtant dit bien monsieur *Rom. 2.*
sainct Paul : *Qui enim iudicas alium, teipsum condemnas.*
Monsieur le iuge, quand vous serez à la mort, vous ne
serez pas condamné : car vous vous estes desia condam-
né de vous mesme par vostre propre fait : *Nolite ergo Rom. 12.*
esse prudentes apud vosmetipsos. C'est assez d'estre pru-
dens deuant Dieu, qui recommande celuy qui est pru-
dent à son salut : & qu'il attende la premiation & remu-
neration de Dieu . C'est peu de chose d'estre bien repu-
té deuant le Roy & deuant les hommes, qui ne l'est de-
uant Dieu. *Quum omnia benefeceritis quæ præcepta sunt vo- Luc. 17.*
bis, dicite, Serui inutiles sumus. Vous direz que Sainct Paul
s'est vanté & magnifié d'auoir fait beaucoup de biens, &
dit, *abundantius omnibus laboraui.* Ouy mais il dit apres:
Non ego, supple solus, sed gratia Dei mecum. Prescher, ieul- *1. Cor. 15.*
ner, donner l'aumosne & semblable chose cela est bon,
mais que les circonstances y soyent bien gardées . Et
pource il se fault contregarder, n'estre point trop sage
en soy & ne cuider trop sçauoir. *Simplices & idiote rapiūt S. Augu.*
calos, nos autem cum scientiis nostris ad inferna demergimur.
Entre nous docteurs avec nostre science, nous descendōs
en enfer : & les idiots avec leur simplicité vont en para-
dis. Il fault estre simple & prudent pour vaincre le mal
en toute patience pour l'honneur de Dieu . Il ne fault
pas dire que tout ce que nous faisons soit peché, car nous *Il ne fault pas dire que*
pouuons bien faire & de bonnes eures par la grace de *pas dire que*
Dieu, mais il en fault donner & attribuer la gloire à *tout ce que*
Dieu, & non pas à nous . Et ne fault aussi pas croire à *fait l'hōme*
ceux qui disent que nous ne pouuons rien faire qui vail- *soit peché.*
le. Apres sainct Paul dit : *Nulli malum pro malo reddentes.*
Et sainct Pierrey adiouste *nec maledictum pro maledicto. 1. Pet. 3.*
Il ne fault pas rendre mal pour mal, & si on vous maudit.
il fault endurer & ne maudire: mais *è contrario, benedicen-*
tes benedicite & nolite maledicere, quia in hoc vocati estis, vt
benedictionem hereditate possideatis. Nous sommes Chre-
stiens afin que nous prenions la benediction de Dieu Si
on vous a fait mal & iniure, il ne vous en fault pas ven-
ger, ny auoir le vouloir & affection de vous en venger,
mais vous pouuez faire conuenir en iustice celuy qui

Premier dimenche apres

vous aura fait tel tort & iniure. Et ce pour sa correction & pour donner exemple aux autres de ne faire comme luy. Si Dieu nous vouloit rendre mal pour mal, il n'y auroit personne qui fust sauué, le petit enfant ne seroit pas baptizé, & par ainsi il seroit damné. Il ne fault donc rendre mal pour mal, mais bien pour mal, & ceste reigle est necessaire & commune pour tous estats, tant reguliers que seculiers. Ouy, mais ie ne sçauois auoir agreable le mal qu'il m'a faict. Priez Dieu qu'il vous face la grace de l'auoir pour agreable en toute patience pour l'honneur de luy, & que vous puissiez prier pour celuy qui vous a iniurié & greué en estant marry de sa faulte & de son peché. Reseruez la vengeance à Dieu, car il est dit: *Mini vindictam, & ego retribuam dicit dominus. Prouidentes bona non solum coram Deo sed etiam coram hominibus* Il fault si bien mesurer nostre vie qu'elle soit à l'honneur de Dieu le createur, & à l'edification du prochain. Il fault donner bon exemple. Ie croy que les plus grands maux & pechez qui se commettent en la chrestienté, ce sont les scandales & mauuais exemples. On offense Dieu publiquement & sans crainte. Et nous ne perdons pas seulement noz ames, mais aussi celles des autres. Et Dieu dit qu'il vaudroit mieux estre iecté au profond de la mer avec vne meule de moulin pendue au col, que de scandaliser vn des plus petits qui croient en nostre Seigneur. *Prouidentes bona non solum coram Deo, &c* Les philosophes disoient que nostre Seigneur Dieu n'auoit pas soing des choses inferieures, comme il est escript en Iob, *Circa cardines celi perambulabat, nec nostra considerat*. Celi est mal dit: car Dieu pouruoit à tout: *Est illi cura de omnibus*. Et ainsi le dit l'Eglise

Rom. 12.

Rom. 12.

Sapient. 12.

Rom. 12.

en vne oraison: *Deus cuius prouidentia non fallitur*. Il y a eternelle disposition & prouidence en Dieu, par laquelle il veut que toutes choses viennent à bien. Et si on faict mal, il ne le fault pas imputer à Dieu, mais à nous: car il n'est pas cause ny autheur de mal, mais de tous biës. *Prouidentes bona non solum coram Deo, sed etiam coram hominibus*. Il y a des gës de bien (c'est à sçauoir) qui disent qu'ils ne veulent pas que lon les voye, quand ils font quelque

bon euvre, mais ce n'est qu'un dire, car ils n'en font point, & disent cela par astuce & fallace. On ne void rien de voz aumosnes, ny de vostre deuotion. Vous ne venez pas à l'Eglise, ou si vous y venez, vous vous en retournez si tost que lon ne s'apperçoit pas que vous y ayez esté. Tu dis que tu ne veux pas donner l'aumosne & faire semblable chose, de peur que tu n'en ayes vaine gloire. Il ne se fault abstenir de bien faire pour cela, car vous n'aurez pas de vaine gloire si vous ne voulez. Comme l'homme d'Eglise qui a bonne voix & chante bien, il ne se doit abstenir de chanter, pourueu qu'il ne le face que pour l'honneur de Dieu, & n'offense pas, mais merite mesmes. Aussi d'un bel homme, d'une belle femme, fils ne se glorifient en leur beauté, il n'y a point d'offense, mais il y a cause de glorifier Dieu & l'en louer. Et pource il ne fault pas seulement bien faire deuant Dieu, mais aussi deuant les hommes, pour leur donner bon exemple, & les inciter & mouuoir à bien faire, & estre vertueux, non pas que ce soit pour plaire aux hommes, car comme dit monsieur saint Paul : *Si hominibus placerem Christi seruus non essem.* Si ie vous dis pour vous complaire qu'il ne fault pas donner l'aumosne, ieusner & faire semblable chose, i'offense mortellement. *si fieri potest, quod in vobis est, cum omnibus pacem habentes.* Paix c'est vne vni-té & société de volonté. Voila un homme de bien qui veut le salut & le prouffit de son prochain & frere chrestien, il a la paix de Dieu. Et nostre Seigneur nous veut par tout enseigner pour auoir la vie eternelle. On dira d'un qui presche legierement pour plaire aux hommes, qu'il est courtois, & qu'il a bonne grace ; mais en ce faisant il offense Dieu, & fait contre son saint commandement. Il fault parler hardiment & rōdemēt quād il est question de reprendre les vices, comme faisoit monsieur saint Paul, qui dit à un enchanteur & faux prophete : *O plene omni dolo, & omni falacia, fili diaboli, inimice omnis iustitie non desinis subuertere vias domini rectas.* Avec les gēs de bien il fault parler doucement & en paix : mais avec les mauuais il fault parler rudement, & increper & reprendre leurs vices. Le predicateur doit parler ferme-

*Il ne fault
siulemēt fai
re bien deuant
Dieu, mais
aussi deuant
les hommes.
Gala. I.
Rom. 12.
Paix c'est
vne vni-té
& société de
volonté.*

Act. 13.

Second dimenche apres

ment & asprement pour terrifier les meschans, en leur mettant deuant les yeux la grande & merueilleuse iustice qu'il fera des meschans, & contre les pechez. Et en disant ainsi la verité aux mauuais vous serez leurs ennemis, & aurez la guerre: & avec les bons vous aurez la paix de Dieu. La vraie paix c'est d'estre reconcilié avec Dieu & avec son prochain, pour l'honneur de Dieu. Et l'homme de bien cherche tousiours les moyens pour auoir & entretenir icelle paix. Il m'est licite de demander que iustice soit faicte, mais non pas vengeance. Car il est escript: *Non vos defendentes charissimi, sed date locum ira*. Ce n'est pas à dire qu'un homme se doie laisser manger la laine sur le dos, & qu'il ne puisse bien proceder à demander son bien par voye de iustice. Et quand vous voudriez estre pauures comme estoient les Apostres, il ne vous est pas pourtant licite de laisser perdre vostre bien qui appartient à voz heritiers: *Patres enim thesaurizant filiis*. Les peres sont tenez de thesauriser, & garder le bien à leurs enfans. Et pourtant quand il est dit: *Non vos defendentes*: cela s'entend qu'il ne fault pas demander vengeance de l'iniure que lon m'aura faicte: car ce venger, c'est vouloir auoir outre son droit, pourchasser du mal contre la partie aduerse. *Igitur si possibile est cum omnibus pacem habentes*. Sainct Iean Chrysostome dit: Si la loy de Dieu le permet, & qu'il n'y ayt rien qui repugne à icelle, ayez paix avec tous les hommes. Mais si elle ne le permet, raison contrainct de persecuter les mauuais. S'il est possible, sauf & reserué l'honneur de Dieu, ayez paix avec tous les hommes. La guerre & noise ne procede pas de vous: car vous ne donnez pas cause à vostre prochain d'auoir bruit & discord contre vous. Il fault garder & reseruer à Dieu vengeance: mais il est licite de demander iustice. *Si esurierit inimicus tuus ciba illum. Si sit potum da illi: hoc enim faciens carbonem ignis congeres super caput eius*. Notez encores qu'il est dit: *Non vos defendentes, charissimi*, c'est à dire qu'il fault endurer patiemment les aduersitez qu'il plaist à Dieu nous enuoyer, & ne fault pas murmurer ny estre impatient: ou autrement vous offenseriez Dieu. Car il n'enuoye

La vraie
paix c'est e-
stre reconcilié
avec Dieu
& son pro-
chain.

Rom. 12.

Rom. 12.

Rom. 12.
S. Chryso.

Prouer. 25.

Rom. 12.

rien sur la terre sinon que pour bonne iuste & raisonna-
ble cause. Il faut estimer Dieu en toute bonté, & qu'il
ne sçauroit rien faire qui ne fust bien faict. Il ne luy fault
point dire, *cur ita facis?* comme il est escript en Iob. *Quid* Rom. 9.
adhuc enim queritur? voluntati enim eius quis resistit? O homo
tu quis es qui respondeas Deo? Aussi fault il endurer l'aduer-
sité infligée par l'homme pour cause raisonna-
ble, & de celuy qui le peut & doit faire, & ne se fault pas deffen-
dre: comme est le iuge au malfaicteur, le maistre à son
seruiteur, le pere à l'enfant. Il est aussi aucunesfois licite
de se deffendre: *Vim vi repellendo cum moderamine inculpa-*
ta tutela. Voyla vn personnage qui est bien necessaire &
prouffit-
able pour la chose publique, & on ne cherche que
sa personne pour luy faire nuiss-
sance, le persecuter ou
mettre à mort: cōme disoit nostre Seigneur: *Cum vos per-* Matth. 10,
secuti fuerint in vna ciuitate, fugite in aliam. Mōsieur sainct
Paul apres monstre la perfection de charité disant: *Si e-* Prouer. 25.
surierit inimicus tuus ciba illum, &c. Si vostre ennemy a
faim, donnez luy à manger: s'il a soif donnez luy à
boyre: & en ce faisant, *carbones ignis congeres super caput*
eius, hoc est feruorem charitatis: car qui faict bien à son en-
nemy il luy donne occasion d'oster son inimitié, & de
l'aimer. Si vostre ennemy est en extreme necessité vous
luy deuez subuenir. Car comme dit sainct Ambroise: *S. Ambr. 1.*
Pasce fame morientem: si non paupilli occidisti. Et monsieur
sainct lean en sa canonique dit: *Si quis viderit fratrem* Iuel. 3.
suum necessitatem habere & clauserit viscera sua ab eo, quo-
modo charitas dei est in illo? Soit son amy ou ennemy, &
il est constitué en necessité extreme, il est tenu de luy ai-
der & subuenir s'il peut. Et si vostre ennemy n'est pas
en extreme necessité c'est conseil de luy aider. Il est
aussi licite aucunesfois de le laisser endurer pour le faire
humilier & recognoistre sa faute. Celuy qui preuient
son ennemy pour le prouoquer à amitié, il merite dou-
blement. Premièrement à cause qu'il le repaist, & luy ai-
de en sa necessité, & aussi il le preuient pour demettre
son inimitié & se reconcilier. C'est luy assembler des
charbons ardens sur sa teste. Quand il y a beaucoup
de bois ensemble mis au feu, il y a plus grand feu: aussi

Il est quel-
quesfois licite
laisser endu-
rer nostre en-
nemy pour le
faire humi-
lier.

Second dimenche apres

Rom. 12.

tant plus vous ferez de plaisir à vostre ennemy, de tant plustost le ferez vous conuertir à vous aymer. Et pour la conclusion monsieur Sainct Paul dit : *Noli vinci à malo, sed vince in bono malū.* Ne soyez point vaincus d'un mauuais homme, soit par ire ou par impatience : mais vainquez par patience & charité. Et aujourd'huy pour la plus grand part on veult vaincre par impatience, en rendant mal pour mal. Et quand tels pensent vaincre exterieurement, ils sont vaincus interieurement, comme dit monsieur saint Augustin : *Vide ne dum vñ hominem vincere ab ira vincaris : si autem vincaris vir sine dubio vincere vis, scilicet te ipsum.*

S. August.

Rom. 12.

Il faut vaincre auarice par contemnement des biens de ce monde.

Vainquez par patiēce celuy qui vous a faict tort par iniure & ire, & il se repentira d'auoir eu inimitié contre vous. Autrement : *Noli vinci à malo*, c'est à dire : Ne soyez pas vaincu de peché, qui est le grād mal, mais surmontez le mal de coulpe par le bien de vertu, orgueil par humilité, auarice par le contemnement des biens de ce monde, gourmādise par abstinence : & ainsi des autres vices & pechez. Voyla les reigles que nous donne monsieur saint Paul. Il fault mettre peine de les suyure, afin de pouuoir complaire à Dieu le createur, luy priant nous donner sa grace en ce monde, & la vie eternelle en l'autre. *Ad quam nos perducat, qui sine fine viuit & regnat. Amen.*

Autre sermon dudict iour.

Matt. 8.

Cum descendisset Iesus de monte, secuta sunt eū turba multa. Et ecce leprosus veniens adorabat eū dicens : Domine si vis potes me mundare. En l'Euangile du iourd'huy il est faict mention d'un miracle pour confirmation de la doctrine de nostre Seigneur preschée en la mōtagne à ses disciples c'est de la guarisō d'un ladre. Apres q̄ nostre Seigneur eut faict le sermō en la mōtagne, & qu'il eut presché les secrets diuins à ses disciples, il descend en vn lieu chāpestre, & faict sermō au peuple, à la tourbe qui le suiuoit, il est descēdu en la plaine pour faire le secōd sermō,

car il fault que le predicateur s'accommode aux auditeurs. Ce n'est pas assez de prescher : mais il fault prescher prudemment. Sainct Gregoire dit icy : *Sermo doctoris formandus est secundum capacitatem auditoris.* S'il est question de faire le sermon sur la montaigne : c'est à dire s'il fault prescher à gens perfects & lettrez, il fault aussi vser de plus hault stile, mais apres il fault descendre de la montaigne & prescher aux tourbes & simples gens & leur donner facile doctrine qu'ils puissent entēdre. Il se fault accommoder à eulx à l'exemple de nostre Seigneur, Autrement nostre Seigneur est descendu de la montaigne, c'est de paradis en ceste vallée de misere en laquelle il s'est aneanty, & fait obedient iusques à la mort de la croix. Il s'est fait mortel. Il n'eust sceu mieux s'humilier qu'en se puluerisant (s'il fault ainsi parler) c'est à dire en ce faisant homme mortel : *Exinanivit semetipsum formam servi accipiens : & habitu inuentus vt homo.* Quand nostre Seigneur a esté descendu de la montaigne : *Sequuta sunt eū turba multe.* Regardez quel prouffit c'est de suiure nostre Seigneur. Ces gēs, ces turbes pour auoir suiuy nostre seigneur ont meritē d'ouir sa doctrine, & de veoir ses miracles. Aussi ceux qui volontiers suiuent les bōnes predications, & aiment d'ouir parler des saincts sacremens de l'eglise, des saincts de paradis, des bonnes meurs & de la maniere de viure ils prouffitent beaucoup. Aucuns ont suiuy nostre Seigneur Iesus Christ par charité, car ils l'ay moiēt : ils le suiuiōt par deuotion pour sa sainteté. Les autres le suiuiōient par curiosité pour veoir ses miracles, & non point pour prouffiter. Les autres le suiuiōt pour le prendre & arguer en sa parole, comme les pharisiens qui enuoyērēt leurs ministres : *Vt eum caperēt in sermone.* Ils le vouloient prendre & ils furent prins eux mesmes. Les autres le suyuiōient pour sa doctrine : car ils cognoissoient que verité estoit en sa parole. Les autres suiuiōt nostre Seigneur pour estre guariz de leurs maladies, comme est fait mention en nostre euangile : *Ecce leprosus veniens adorabat eū dicens : Domine, si vis potes me mēdare.* Ce ladre auoit vraye foy, mais nō pas parfaicte. Et sa foy l'a mené à nostre Seigneur, car il auoit oui dire de luy qu'il

Grego.

Philip. 2.

Matth. 4.

Matth. 4.

Matth. 8.

Marc. 1.

Second dimenche apres

estoit grand prophete plein de charité, qu'il auoit compassion des pauures malades & qu'il ne refusoit point sa grace & misericorde. Il est le souverain medecin qui traite bien les malades, La foy de ce ladre est vraye: mais auât qu'elle soit parfaicte il faut qu'il croye q̄ Iesus Christ est vray fils de Dieu naturel & enuoyé de Dieu son pere en ce mōde, pour estre incarné & souffrir mort & passiō pour la redēption de tout le monde. Ce ladre doncques auoit la foy, & croyoit que nostre Seigneur ne luy refuseroit riē, & sa foy l'a mené à nostre Seigneur. Et l'a adoré, *Et adorabat eum*. Il luy faisoit telle reuerēce qui luy appartenoit & luy a dit: *Domine si vis, potes me mūdare*. Voyla l'oraison de ce ladre, par laq̄lle il prie nostre Seigneur qu'il soit guarý par luy. Notez qu'une petitiō qui est faicte & delaissee à la volonté de celoy auquel elle est faicte elle est tousiours bonne. Sainct Iaques dit: *Petitis & non accipitis, eò quod malè petatis*. Ce pauure homme est adressé & conduit par le saint Esprit. Nous ne sçauōs pas comme c'est qu'il fault prier. Et pourtāt le saint Esprit nous enseigne la maniere de biē prier & la nous inspire: comme dit saint Paul: *Quid enim oremus sicut oportet nescimus: sed spiritus sanctus interpellat pro nobis gemitibus inenarrabilibus*. C'est luy qui nous adresse en noz oraisons cōme il faict ce pauure homme qui dit: Seigneur ie croy fermemēt que vous me pouuez guarir si vous voulez: *Si vis, potes me mūdare*. Nostre Seigneur peut faire toutes choses, tout ce qu'il veult. Et pourtāt quand nous luy demanderōs quelq̄ chose rapportōs nous à sa volōté cōme nous luy disons en l'oraison dominicale que sa volōté soit faicte: *Non mea voluntas sed tua fiat*. Car ma volōté est mauuaise & damnable. Et pource il fault tousiours preferer la volonté de Dieu à la nostre, & se submettre à son bon plaisir & vouloir. Et quand ie demande à Dieu, qu'il me donne selon ma volonté & affection, ie la preferē à celle de nostre Seigneur, qui a prié que la volonté de Dieu son pere fust faicte & non pas la sienne. Nostre Seigneur peult ce qu'il veult: car sa puissance & volonté sont vn: *Omnia quacunque voluit dominus fecit in calo & in terra*. Il y a deux volōtez en Dieu. *Et volūtas in signis*, qui

Iacob. I.

Rom. 8.

est vne volôté cōditionnelle: & l'autre est *voluntas beneplaciti* qui est vne volonté simple & absolue. De la volonté conditionnelle Dieu veult que tous les hommes soient sauuez: car il veult que tous les hommes l'aymēt de tout leur cueur, & que nul prenne son nom en vain: que chacū obserue & face ses commandements & de nostre mere saincte Eglise: que nous honorions noz parens que ne soyons homicides, adulteres, larrons ne mensongers & semblables. Son commandement c'est vn signe par lequel nous cognoissons ce que Dieu veult. Et toutesfois tous ne le font pas. Il dit: *Si vis ad vitam ingredi serua mādā Dei*. Dieu veult que ie sois sauué, & que i'entre en paradis: mais c'est sous condition que ie garde ses commandements. Et ceste volonté là ne faiēt pas ce qu'elle veult: mais elle nous laisse frācs & libres pour suyure sa volonté ou pour ne la suyure pas. Il ne nous y contraint point, mais nous laisse en nostre liberal & franc arbitre. Il y a vn autre volonté de Dieu qui est absolue par laquelle tout ce qu'il veult il faiēt. S'il veult que cestuy cy ou cestuy là soit sauué, il le sauue. S'il veult nous auoir la paix & semblable chose, *Voluntas beneplaciti*, car toutes choses sont en sa puissance comme disoit Mar-
doché en son oraison: *Domine in ditione tua, id est in tua potestate cūcta sunt posita, & nō est qui tua volūtati possit resistere*. Seigneur Dieu si vous auez delibéré & decreté de nous sauuer de vostre volonté absolue & de vostre bon plaisir, nous le serons: car nul peult résister à ceste volonté là. Mais tous les iours nous résistons à la volonté de son commandement: car nous n'accomplissons pas les commandements qu'il nous baille, qui sont signes de sa volonté. *Domine si vis, potes me mundare*, c'est là vne bōne oraison. Elle penetre les nuées. Il n'y a riē qui empesche qu'elle ne monte deuant Dieu, car ce pauvre malade ne contrainēt point Dieu d'autre importunité que de sa volonté: il se submet à son bon plaisir & vouloir. Il n'y a riē qui empesche que ceste oraison ne soit exaucée. Vne priere & oraison qui est delaisée en la volonté de celuy que ie prie, elle est sans reprehēcion. Et à tous il est licite d'ainsi prier tant aux bons qu'aux mauuais: car on ne

Hest. 13.

Marc. 1.

Matth. 8.

Second dimenche apres

peult faillir en parlât en ceste maniere. Le gère humain deuoit ainsi prier nostre Seigneur en son aduenement. Seigneur, vous nous pouuez sauuer si vous voulez, car cela dependoit de sa pure volonté & bonté, & non pas de noz merites. Car nul auoit merité que nostre Seigneur descendist de paradis en ce mōde. Dit doncques ce ladre, *Domine si vis potes me mūdare*, cōme s'il disoit, Si c'est l'hōneur & la gloire de Dieu que ie sois rendu sain, ie vous prie Seigneur Dieu que ie le sois, & ie laisse cela & le remets en vostre sainte volonté & m'y submets, car autrement ie ne le demande, & ne le veux pas. *Et extendens Iesus manum tetigit eum dicens, Volo, mundare*, Mais nostre Seigneur ne pouuoit il pas aussi biē guarir ce malade sās estendre sa main & sans le toucher? Ouy, mais il a voulu ainsi faire, pour demōstrer qu'il estoit par dessus la loy de Moyse, qui prohiboit de toucher le ladre, le mort & plusieurs autres choses. Et nonobstāt la loy qui luy defēd & prohibe il a touché ce ladre pour mōstrer qu'il n'estoit pas subiect à la loy, *Quia dominus est legis & sabbati*. Ou autrement toucher vn ladre n'estoit point contre la loy, laquelle defendoit toucher le ladre à celuy qui ne le pouuoit guarir, mais nō à celuy qui pouuoit guarir le ladre. Il ne luy estoit pas defendu de le toucher ny vn mort pareillemēt s'il le pouuoit resusciter, comme il appert d'Elie qui toucha vn corps mort qu'il resuscita & d'Elisée qui toucha aussi vn corps mort qu'il resuscita. Et par ainsi nostre Seigneur Iesus Christ pouuoit toucher ce ladre, & ne faisoit point contre la loy. Et en cela il nous demontre que nous ne deuons depriser personne pour quelque infirmité qu'il ait au corps. Ou peut bien hair le vice & peché, mais non pas l'imperfection de nature. Autremēt nostre Seigneur a voulu toucher ce corps pour monstrier que son humanité estoit l'organe de sa diuinité, il a guarý ce malade, resuscité les mors en les touchāt & faict plusieurs autres miracles. En signification aussi & pour demonstrier qu'il estoit vray Dieu & vray homme, *Extendit manum suam*. La main de nostre Seigneur est estendue quand il nous donne ses graces & benefices cōme dit Dauid. *Aperis tu manum tuam, & imples omne ani-*

Matth. 8.

Marc. 1.

Matth. 8.

Marc. 1.

Matth. 8.

Marc. 1.

mal

mal benedictione. Il a bien esté du sa main sur nous en son aduenemēt. Nous faiēt il pas vn grand benefice de se faire hōme mortel & passible pour enduter & porter la peine deüe à nostre peché? L'hōme que Iesus Christ a touché, c'est le gēre humain. Et la main qu'il a estendue, c'est la largesse des biēs & graces qu'il a cōferées à l'hōme en la descēte de la mōtaigne de paradis en ce mōde. *Et tetigit eum*, c'est qui l'a prouoqué & incité à biē faire. Quād Iesus Christ nous faiēt quelque grace, il nous touche: cōme il donne santé à ce malade en le touchant. Et quād il nous donne la paix en nous ostant la guerre, il nous touche & nous faiēt grace. Et pareillemēt quand il nous prouoque à l'aimer & à bien faire. N'est-ce donc pas raison que son vouloir soit accōply, & que chacun luy obeisse en nous amandāt, & faisant penitence? Et ainſi tous les iours il nous touche quand il nous élargist & dōne de ses graces, & de ses biēs. Mais nous n'y pēsons point. *Et cōfestim mūdata est lepra eius.* Voyla le miracle de Iesus Christ: c'est qu'incōtināt qu'il a eu touché ce ladre, il a esté guarý de sa lepre. Vn personnage malade peut naturellemēt estre aidé par vn autre hōme en vsant de medecines, & pourra estre guarý: mais c'est par succession de temps, & non pas tout incontinant, comme a esté guarý ce ladre par Iesus Christ. Et pour monſtrer que c'est euvre diuine & miraculeuse qui opere en ce malade, à l'instāt que Iesus Christ luy a dit, ie veux que tu sois guarý il a esté guarý soudainemēt sans dilation. *Vide nemini dixeris.* Par cela Iesus Christ nous enseigne, que ne deuons appeter vaine gloire quand nous faisons de bonnes eures. Il nous cōmande n'en dire rien, car naturellement nous sommes fragiles, & facilement pourrions appeter vaine gloire. Aussi, par cela il nous monſtre qu'il y en a en l'Eglise qui sont encores nouices, & commencent seulement en vertu. Et Iesus Christ leur deffend de prescher ces choses diuines: mais quant aux histoires humaines, ils les peuuent bien declarer, tant qu'ils voudront. Et combien que l'esprit de Dieu ayt enseigné, à quelqu'vn vne verité qui au parauāt estoit incogneue: neātmoins il luy est deffendu & prohibé de prescher icelle verité & reuelatiō. Voyla cest hōme

*Marc. i.
Matth. 8.*

*Iesus Christ
tous les iours
nous touche,
en nous don-
nant de ses
biens & gra-
ces.*

*Marc. i.
Matth. 8.*

Second dimenche apres

Matth. 8.

Marc. 1.

bié guarý, & toutesfois Iesus Christ luy deffend de le dire & manifester. Il ne veut pas qu'il die qu'il l'a guarý à sa louange. Et que fault il donc qu'il face? *Vade, ostende te sacerdoti*, va te môstrer au prestre. Iesus Christ fait cest hõneur aux prestres. Et cela est entendu de nostre prestriſe. Quand ce pauvre hõme a esté touché de Iesus Christ, il a esté subitement & en vn moment guarý: il semble donc qu'il n'ait que faire d'aller au prestre. Je vous diray, celuy qui est en peché mortel, & apres il en a vraye cõtrition, il est subitemét guarý de sa lepre, & de son peché: & neantmoins encores est il obligé d'auoir avec sa cõtrition propos & vouloir efficace & delibéré de s'en cõfesser au prestre en tẽps & lieu selon l'ordõnãce de sainte Eglise, ou autremét son peché ne luy est point pardõné. Cõme vous voyez que cõbien q̃ ce ladre soit guarý de sa lepre, Iesus Christ luy cõmande de se monſtrer au prestre: car il y estoit obligé selon la loy: aussi la loy chrestienne m'oblige à me monſtrer au prestre, & me cõfesser, & dire mes pechez cõme à Dieu. Et si ie ne le fay, ie contène la loy chrestienne: & de nouveau ie cõmets vn autre peché. Et pour oster le lien & l'obligation par laquelle ie suis obligé, il me fault confesser au prestre, pour qu'il me deslie de ce lien: Et sur peine de dãnation eternelle il se fault cõfesser au prestre, pourueu q̃ lon ait le tẽps & opportunité. Cõbié que cest hõme soit guarý, il est toutesfois enuoyé au prestre pour se môstrer & estre purgé & môdiſié. Et auãt que d'aller à confesse au prestre, il fault estre contrit: ou autremét le prestre ne me doit point dõner l'absolution mais retenir les pechez. Car Iesus Christ dit: *Quæcunque solueritis soluta erunt & quæcunque retinueritis retenta erũt.* Et offer munus tuum quod præcepit Moyses in testimonium illis. Le don & obligation qu'il falloit offrir c'estoiet deux bestes, dont l'vne estoit tuée, & l'autre estoit teincte au sang de la morte, & puis on la laissoit aller. C'est à dire, que cõbien que l'hõme soit cõtrit & penitét, qu'il se soit môſtré au prestre, ce n'est pas encores assez: il faut offrir vn don, c'est à dire, qu'il fault satisfaire pour le peché, cõme ieulner, prier, faire aumosnes & semblables bonnes-œures. Et si vous dictes que Iesus Christ a satisfait pous

Matth 18.

Matth. 8.

Leuit. 4.

nous: il est bien vray, mais c'est des choses dont ne pouuions pas satisfaire, & estions insuffisans. Mais ce que ie puis faire & satisfaire, il me le laisse à faire & m'y oblige. Mais pource que ie ne me pourrois reconcilier avecques Dieu, faire la paix & semblable chose, descendre aux enfers, ouurir le ciel, nostre Seigneur Iesus Christ a satisfait de cela pour moy en rigueur de iustice. *Ostēde te sacerdoti.* Cōbien que vous soyez réplis de la grace de Dieu,

& que cognoissiez la verité, il ne vous est pas pourtāt permis ne licite de la prescher, si l'Eglise ne le sçait & si elle ne le vous commande. Car il ne fault rien prescher de la foy, & de la chrestienté, s'il n'est commun avecques l'Eglise de Dieu. Et si ceste doctrine est conforme à l'Eglise, vous la pouuez prescher & manifester: mais au parauant, vous auez la bouche close, & vous est deffendu de la reueler. Vous voyez les erreurs regner, pource que les heretiques n'ont point montré leur doctrine à l'Eglise. Voyla vn hōme qui apporte vne doctrine nouuelle, & dit que Dieu luy a reuelée. Je ne sçay, & pourtant il la fault premierement montrer à l'Eglise, & qu'elle l'approuue bonne auāt qu'on la puisse prescher & manifester. *In te-*

Notex ce lieu.

stimonium illis. C'est vn grād honneur que Dieu fait aux prestres: afin qu'ils tesmoignent que cestui-cy ou cestui-là est mōdifié, & qu'ils preschēt q̄ Iesus Christ est le vray Messias. La loy ne pouuoit ainsi mondifier: mais la grace de Dieu le pouuoit. Et Iesus Christ mōstre qu'il a apporté la loy de grace: car la loy de Moyse ne pouuoit faire cela. Et ainsi ceste grace est pour la loy nouuelle. *Et in testimoniu illis,* c'est à dire, q̄ ie ne suis pas seulement hōme, mais aussi Dieu: Et s'ils ne le veulēt croire ils n'aurōt poūt d'excuse. Car c'estoit vn suffisant miracle pour induire les prestres à croire à nostre Seigneur Iesus Christ. C'est merueilles que nostre Seigneur Iesus Christ cōmāde de taire ce qui ne pouuoit estre teu, *In sit tacere Dominus, & tamen taceri non potest, inquit glosa.* Il veult q̄ ce miracle soit tenu secret: & neantmoins il ne peult estre tenu secret. Il semble donques que Iesus Christ cōmāde quelque chose impossible, & qui ne puisse estre faite. Je vous diray: Iesus Christ fait ainsi en ses esleuz q̄ quād ils font quel-

Nostre seigneur a mōstré que nous seulement il estoit homme mais aussi si Dieu.

Second dimenche apres

que chose de grand ils veulēt estre cachez, *ut latere velint sed prodatur inuiti* Si tu es esleu, & de ceux qui appartiennent à Dieu, & tu faces quelque chose vertueuse, tu dois vouloir qu'o ne sçache pas que ce soit toy qui l'ait fait. C'est vn bon signe pour cognoistre quād c'est que quelqu'un fait de bonnes euures, & qu'il veut seulement que Dieu les cognoisse. *Sed ut alius profint prodatur inuiti.* Quāt est de toy si tu ieusnes, si tu pries, que tu dōnes l'aumosne, ou que tu faces quelque autre bon euure, si tu es esleu & appartenāt à Dieu, tu dois vouloir que personne ne te voye. Mais pource que tu es tenu de bien edifier tō prochain & luy mōstrer bon exēple, tu te dois monstrier. Il faut que tu te prouffites, & aussi à tō prochain qui prēdra exēple & edification en cela. Et pourrāt en ceste maniere il est licite de se manifester. Il vous fault tenir en vostre parroisse afin que les autres y prēnent bon exēple, & soyēt prouoquez à faire ainsi: cōme il est dit en l'epistre. *Prouidētes bona non solum corā Deo, sed etiā corā hominibus.* S'il est possible de les edifier sans estre veu, tu le deuerois vouloir: mais pource que cela ne se peut ainsi faire, tu es tenu de te manifester: & cela est de commandement: *Quoniā unicuique mandauit Deus de proximo* Dieu te commande de bien edifier ton prochain par bō exēple, & tu ne le peux faire si tu ne te manifestes. *In testimoniū illis.* Iesus Christ dit aussi à ce propos. *Et predicabitur hoc Euāgeliū regni in vniuerso orbe, in testimoniū omnibus gentibus.* Et cōmēt, tout le monde croira il à l'Euāgile? non: mais le monde sera tesmoing que i'ay fait mon deuoir, & n'auront point d'excuse que ie n'aye fait mō deuoir. Iesus Christ voyoit biē que tous ne se cōuertiroiēt pas à son sermon. Aussi, ie le puis dire, non pas en tel degré: c'est pour mōstrer au iour du iugement, que ie vous ay presché & fait mon deuoir: i'en seray tesmoing si vo⁹ ne le voulez croire. *In testimoniū illu.* Va t'en mōstrer au prestres que tu es guaray & en portes tesmoignage, & que Iesus Christ est le vray Messias. Aussi, ie seray tesmoing au iour du iugement q la verité vous a esté preschée, & qu'il ne tiēt point à Dieu que ne soyez sauuez. Et pourtant il veut que son Euāgile soit preschée par tout le monde, afin que nul ayt

En quelle
maniere il
est licite se
manifester
en faisant bō
nes euures.

Rom. 12.

Eccl. 17.

Matth. 24

excuse. Il veut que tout le mōde cognoisse qu'il ne veut que nostre salut. Ne vous rēdez dōc point coupables de tel iugemēt, car vostre consciēce sera vostre propre iuge. Et pource, obeissons à Dieu & à son Eglise. Combiē que nostre Seigneur a dit à ce ladre qu'il a guarly qu'il n'eust à le dire, il le dit neantmoins, car cela n'est pas à celer. Mais ce que nostre Seigneur Iesus Christ luy defend de le dire, c'est pour nostre iustificatiō & doctrine, pour nō^s apprēdre d'estre humbles, & ne point demāder la gloire de noz bonnes euures. Et nous deuōs faire nostre deuoir de louer & magnifier les euures & operations de Dieu, & le remercier de rāt de biēs & graces qu'il nous fait & singulieremēt du saint mistere de son incarnatiō. Et les benoists saints de paradis louent Dieu des biēs & graces qu'il nous fait. Car il fault remercier Dieu du bien & prouffit d'autrui cōme du sien. Vous pensez aucunes-fois que Dieu vous donne du mal quand il vous donne du bien, & c'est vostre santé & prouffit. Le ne puis riē sans Dieu, & sans son aide: mais ie puis tout avec luy. Il nous fault auoir avec la foy les bonnes euures, & perseuerer en icelles iusques à la fin, afin qu'il plaise à Dieu de nous tousiours auoir en sa grace en ce monde pour moyennāt icelle paruenir au Royaume de paradis. *Ad quam nos perducatur qui sine fine uiuit & regnat. Amen.*

Il fault auoir avec la foy les bōnes euures & perseuerer en icelles.

*Pour le troisiēme dimenche apres
les octaues des Rois.*

N *Emini quicquam debeat, nisi ut inuicem diligatis.* Saint Paul en l'Epistre du iourd'huy nous enseigne que nous deuons payer noz debtes. Entre lesquelles il en y a vne qui doit tousiours estre payée, & de laquelle on ne sçauroit estre quiēte, c'est à sçauoir dilectiō. Si ie dois quelque chose à quelqu'un, ie suis tenu de le payer, & m'en dois acquiēter: mais de la dette de charité, ie n'en puis estre acquiēté, ne vous aussi. Nous sommes tous redeuables les vns aux autres, de la dette de

Rom. 3.

Troisiesme dimenche apres

Rom. 13.

charité. Ie vous dois exhiber charité, & vous aussi à moy. Et pource dit monsieur saint Paul : *Nemini quicquā debeat, nisi ut inuicem debeat.* Quant est des autres debtes, ie les dois payer, & m'en dois acquiescer enuers vous, & si i'ay du bien d'autrui, maugré luy & sans son sceu, ie suis tenu de luy restituer, & m'en puis acquiescer : mais non pas de charité. Si i'ay charité, ie rendray ce que ie dois à mon prochain, ie procureray son bien & prouffit, son salut : ie ne le calunnieray point, & ne luy feray autrement que ie voudrois qu'il me feist. Si ie l'aime, ie ne porteray point faux tesmoignage contre luy, & semblable. Et pourtant dilection, c'est la plenitude & accōplissement de la loy : *Plenitudo legis est dilectio.* Doncques il fault noter, que le moyen de faire tous biens, & fuir tous maux, c'est dilection. Deux choses sont requises à la iustification de l'homme. La premiere c'est de cesser de mal faire : l'autre c'est de bien faire : comme dit le psalmiste : *Declina à malo, & fac bonum.* Et Esaye dit, *Quiescite agere peruerse, & discite benefacere.* Et ces deux parties de iustice sont fondées en la perfection du chrestien pour auoir charité au prochain. *Dilectio proximi malum non operatur.* Pour euitier tous maux, & faire tous biens, charité est necessaire. Et pource, si vous demâdez qui est la parfaicte iustice, c'est la dilection du prochain, laquelle contient abstinence du mal, & exhibition de bien. I'entens de la dilection bien ordonnée : car si ie pourchasse vn benefice, ou vn office pour vn tel qui en est incapable, ou que ie l'auance au monde, le monde dira que i'ayme bien celuy que i'auance ainsi, & qu'il est bien tenu à moy. Mais par cela ie monstre euidentement, que ie ne l'aime pas, ny son bien & salut. Car, si ie l'aime, ie ne luy donneroie pas occasion de se damner. Et moy aussi ie me damne en pourchassant ainsi pour luy. Aimer son prochain, c'est luy desirer bien : & le hair, c'est luy desirer mal. Or il est ainsi que le souuerain bien de mon prochain, c'est son salut. Et pourtant quand ie n'aime pas son salut, & que ie luy desire autrement, c'est vraye haine. Nostre Seigneur Iesus Christ dit :

Es. 1.

Qui aime bien
son prochain
ne luy donne
occasion de se
damner.

Primum querite regnum Dei, &c. Je dois premièrement vouloir la remission des pechez, la grace de Dieu & la participation du royaume paternel. Et selon ce premier desir ie dois mesurer toute autre chose, & tout referer à ce qui est necessaire au salut. Et ie dois desirer cela à mon prochain, ainsi qu'à moymesme, c'est à sçauoir charité: laquelle s'estend sur toutes creatures capables de vie eternelle, combien qu'ils soient Turcs, Iuifs, infideles. Car, ce pendant qu'ils sont en ce monde, ils peuvent recognoistre leur faulte & erreur & s'amender & finalement estre sauuez. Charité, c'est vouloir que Dieu soit en soy, & en son prochain. Ce n'est pas mal faict de prier pour les biens temporels, comme d'auoir santé, du pain, du vin, &c. mais il les fault mesurer selon le premier desir, par lequel nous sommes sauuez & desirons l'estre, & entant que ces biens temporels nous peuvent aider à nostre salut, & sont conuenables à l'honneur & gloire de Dieu. Aucunefois qu'infirmité, maladie, pauvreté & autres aduersité prouffite & vault mieux pour nostre salut, que santé & prosperité. Et pourtant nostre Seigneur les donne, ainsi qu'il voit qu'ils sont vtiles. Regardez si ie demande dignité, office, benefice, oseray ie presumer de moy auoir les conditions qui y sont requises, desquelles saint Paul parle *ad Timoth.* & *ad Titū*, c'est d'estre irreprehensible, prudent, chaste, & semblablement des autres: Oseray-ie presumer de moymesmes que ie suis le meilleur & plus parfait en faisant le dommage de mon prochain & ma damnation? En ce faisant ie ne me mesure point selō charité: ie ne m'aime pas ny mon prochain aussi d'ainsi presumer de moy, car ie tue mon ame. *Mundus, caro, demonia diuersa mouent praelia.* Nous auons beaucoup d'assaix par le mode, la chair, & le diable. Mais ils ne nous poutront nuire ny dōner le coup de la mort si nous ne voulons: car le tout gist en nostre cōsentement Et pourtant, si ie veux, moyennāt la grace de Dieu, ie ne pecheray point. Et si l'hōme estoit tout enuironē de tentations, encores n'y peult il pecher s'il n'y consent. Reiglons nous dōc tousiours par charité, & ie croy qu'ainsi nous honorerons Dieu, le crain-

Quelques fois aduersité n'est meilleure pour nostre salut que santé.

Troisiesme dimenche apres

drons & le reuererons, & iamais ne consentirons à la chair, au monde, ny au diable, nous serons inuincibles.

Rom. 13.

Nemini igitur quicquam debeatis nisi ut inuicem diligatis.

Nul ne pourroit absouldre ne quitter l'autre de la debte de charité. On ne se sçauroit quitter ny absouldre d'aimer l'un l'autre. Vn pere ne dōne pas à son enfant tout ce qu'il luy demande, car il sçait bien ce qui luy est vtile: il preuoit sa ruine & le danger auquel il pourroit venir s'il luy donnoit ce qu'il demande. Et pource qu'il ne luy dōne, l'enfant doit il dire qu'il ne l'aime pas? *non* il l'aime bien: car s'il luy donnoit, il pourroit tomber en la pauvreté & misere de l'enfant prodigue. Ainsi si Dieu ne nous donne pas ce que nous luy demandons & que nous desirons, ce n'est pas à dire qu'il ne nous aime, & que nous ne soyons ses enfans. Entendez que profonde est la sapience & prouidence de Dieu qui ordonne tout à bien, comme dict le psalmiste: *Omnia in sapientia fecisti domine.*

Psal. 103.

L'intention finale de Dieu c'est de sauuer l'homme. A d'aucuns il donne ce qu'ils demandent, à d'autres non, Aucunesfois il satisfaiēt au vouloir & desir des mauuais en permettant qu'ils ayent ce qu'ils demandent. Et ils disent quand ils l'ont, qu'ils sont bien-heureux & grandement tenez à Dieu. Tu dis: Iamais ne me refusa, mais m'a tousiours donné ce que ie luy ay demandé. Dieu donna aux enfans d'Israel ce qu'ils demandoient & desiroient: c'estoit de manger de la chair: mais à grand peine eurent ils le morceau à la bouche, que l'ire de Dieu tomba sur eux: *Adhuc esca eorum erant in ore ipsorum, & ira Dei cecidit super eos.* Doncques, ce n'est pas tousiours

Psal. 77.

grace & misericorde de Dieu quād il donne ce qu'on luy demande, mais c'est vengeance, ire, & iugement de Dieu. Et pour le salut des bons & esleuz, il ne satisfaiēt pas

S. Paul ne tousiours à leur desir & petition. Il ne donne pas à saint Paul ce qu'il demandoit d'estre deliuré du stimule de la chair qui le tourmentoit. Il ne fut pas exaucé selon son desir, car il luy estoit expedient pour son salut d'estre ainsi stimulé, comme il dict luy mesme que c'estoit pour l'entretenir en humilité & en la grace de Dieu: *Et ne magnitudo reuelationum extollat me, datus est mihi stimulus*

2. Cor. 12.

Et ne magnitudo reuelationum extollat me, datus est mihi stimulus

carnis angelus Satanae qui me colaphizet. Et pour response à sa demande, Dieu luy dist qu'il fust content d'auoir sa grace. *Sufficit tibi gratia mea: nam virtus in infirmitate perficitur.* Doncques nostre pere sçait bien ce qui nous est 2. Cor. 12.

utile & necessaire. Et si nous sommes enfans tels qu'il appartient, nous entendrōs biē par la grace de Dieu qu'il n'est pas bon ne salutaire de tousiours auoir & obtenir de luy ce que nous luy demandons, & que s'il ne le nous donne, que c'est signe qu'il est plus expedient pour nostre salut de ne l'auoir pas que de l'auoir, & en tout nous conformer au bon vouloir & plaisir de Dieu, soit que nous ayons de la tentation & tribulation, ou autrement. Tu diras, ouy mais il me semble que si i'en estois deliuré que i'en seruirois mieux à Dieu. Je ne sçay: Dieu voit plus loing que ne faisons, & sçait mieux ce qui nous fault que nous. Et pourtant il ne nous deliure pas de la tentation & tribulation, il voit par sa prouidence que tribulation nous faict euitier mille maux, mille dangers & pechez. Je tomberoys souuent si ie n'estois en tribulation. Et pourtant il me fault resouldre avec Dauid, & dire: *Iustus es domine, & rectum iudicium tuum.* Seigneur Dieu vous estes iuste, & vostre iugement est droict. *Omnia in sapientia fecisti domine.* Suffise nous du bon vouloir que Dieu nous donne. Il y a diuers enfans en l'Eglise de Dieu: il en y a des bastards & des legitimes. Dieu donne aux bastards ce qu'ils demandent, mais c'est vn vray iugement de Dieu contre eux, & à leur perte & ruine. Il leur seroit plus expedient pour leur salut de n'auoir rien des choses qu'ils obtiennent ainsi, mais ils ne l'entendent pas, ils sont aueugles. Et pourtant ils disent à Dieu: Seigneur Dieu nous vous remercions de ce qu'il vous a pleu de nous octroyer nostre demande. Et il y en a qui commencent desia leur enfer en ce monde comme Pharaon. Mesurons donc toutes noz euures par deuotion & bon vouloir, par bonne dilectiō & charité: car nulle euvre prouffite à salut sans charité, Psal. 118.

mais plustost est à plus grand comble de damnation. Si i'ay toutes les langues, si ie prophetise, si ie resuscite les Psal. 103.

morts & semblables: tout cela n'est pas encores le vray rité.

*Nul euvre
proffite à sa-
lut sans cha-
rité.*

Troisiesme dimenche apres

signe du bon chrestien. Mais le signe du bon chrestien c'est d'auoir dilection & charité. Je suis mort au monde, & à mes affections priuées & particulieres, si ie n'ay autre vouloir q̄ celuy de Dieu, desirer que son saint nom soit cogneu & loué par tout, & son bon vouloir faict & accomply. Les benoists Apostres ont esté cogneuz par charité, & qu'ils estoient vrais disciples de nostre Seigneur Iesus christ, & nō pas en ce qu'ils ont faict des miracles, car nostre Seigneur leur dist : *In hoc cognoscent homines quod discipuli mei eritis si dilectionem adinuicem habueritis*. Car les miracles & le bien dire ne font pas l'homme agreable à Dieu, mais charité & continuel soing de bien viure. Au iour du iugement les damnez dirōt à nostre Seigneur qu'ils ont faict miracles, & prophetisé en son nom: mais il leur dira qu'il ne les cognoist point: car ils n'auront pas faict cela en charité & pour l'honneur de Dieu. Charité est si parfaicte qu'elle ne compatit avec soy aucun peché ne vice soit mortel ou veniel, elle transforme tout l'homme en Dieu. Le principal que nous deuons auoir, c'est charité. Il n'y a que charité qui nous face enfans de Dieu, & nous presente deuant luy, & non pas la foy seule. Mais nostre Seigneur par sa grace nous vueille pardonner, nous n'auons point de charité. Nous nous disons estre chrestiens, mais c'est seulement de nom. *Confitentur se iussu Deum factis autem negant*. On verra son prochain auoir necessité & indigence, & on ne luy suruiuent pas, on n'en tient compte, comme dict saint Iehan. *Si quis viderit fratrem suum necessitatem habere, & clauserit viscera sua ab eo, quomodo charitas Dei est in illo?* On pourroit dōner tout son bien aux pauures, & faire toutes autres euures qui de soy sont bonnes: mais si cela n'est faict en charité, & pour l'amour de Dieu, il n'est pas meritoire de vie eternelle, comme dict saint Paul. C'est grand chose que charité. Saint Iehan Chrysostome dict : *Pro magno habet Deus si ab homine diligatur*. Dieu estime beaucoup d'estre aymé de l'homme, de sorte qu'il dict ses delices estre avec les enfans des hommes. La dilection de Dieu me vault beaucoup. Et combien que ie l'ayme, il ne prend aucun bien ne prouffit

Ioan. 13.

Les miracles
& le biē di-
re ne font pas
l'homme à
Dieu agrea-
ble, mais cha-
rité.

Tit. I.

I. Ioan. 3.

I. Cor. 13.

de moy, car ie ne luy sçauois aider ny nuire. Tout le prouffit du bien que ie fais, Dieu veult qu'il me demeure, & toutesfois nous le contemnōs. Et pourtant à bonne cause & raison, il se plainct de nous, disant: *Filios nutriti & exaltati: ipsi autem spreuerunt me.* Car nous ne faisons que le contrister & fascher. C'est à dire que nous luy en donnons les occasions si Dieu se pouuoit contrister & marrir. Il nous est si bon pere & nous luy sommes si mauuais enfans. Charité monstre la difference entre les enfans de Dieu & les enfans de perdition. Si ie n'ayme mon prochain que ie voy, comment aymeray-ie Dieu que ie ne voy pas? comme dict Sainct Iehan. *Qui enim non diligit fratrem suum quem videt, Deū quem non videt quomodo potest diligere?* Il est impossible de aymer Dieu qui n'ayme son prochain. Et S. Paul dict: *Plenitudo legis est dilectio*, Dieu dict. *Qui non est mecum, contra me est.* Celuy qui n'est avec moy, il est contre moy. Et vous oyez parolles villaines & lasciuies, propos d'heretiques, & d'autres qui ne valent rien, & sont damna-
bles. Et vous ne dictes mot: Vous n'aymez donc pas Dieu, mas estes contre Dieu. A tout le moins par gestes ou parolles vous debuez monstre indignation, & que cela vous desplaist. Autrement vous vous damnez, car la reigle de droict dict: *Error cui non resistitur: approbatur: veritas autem cum non descenditur opprimitur.* Mais on ne faict qu'applaudir & flatter, & tout le mōde en est plein, la chair & affection propre nous aueuglent & l'esprit nous enlumine. Vous dictes tous les iours en vostre *Paster noster*, que vous desirez & priez dieu que son saint nom, c'est à dire, Dieu luy mesme soit sanctifié, & honoré d'un chacun, & neantmoins par vostre maniere de viure, & par parolles vous le blasphemez. C'est faulte de dilection & de charité. *Nemini igitur quicquam debeat, nisi vt inuicem diligatis.* Nous sommes be-
teurs à nostre prochain en trois manieres. Premiere-
ment à nostre superieur, tant ecclesiastique que secu-
lier, comme dict Sainct Paul: *Reddite ergo tributa: cui tributum, tributum: cui vectigal, vectigal: cui timorem, ti-*

Esa. I.

I. Iob. 4.

Rom. 13.

Matt. 12.

Rom. 13.

Troisiesme dimenche apres

Marc 12.

Luc 20.

Hebr. 3.

1. Tim. 2.

Ioan. 13.

Rom. 13.

Rom. 1.

1. Ioan. 1.

*En voyant
le pauvre il
faut conside
rer trois cho
ses.*

Matth. 25.

morem: cui honorem honorem: Car ils president à la chose pu
blique & en ont le soing Ils representēt nostre Seigneur
qui nous dict: *Reddite quæ sunt Cæsaris Cæsari, & quæ sunt
Dei Deo.* Et pource qu'ils sont ainsi cōstituez en dignité
& charge, on les doit craindre, & leur obeir cōme nous
enhorte S. Paul: *Obedite præpositis vestris & subiaceate eis:
ipsi enim peruigilant quasi rationē reddituri pro animabus ve
stris.* Nous deuōs aussi prier pour eux comme il dict: *Ob
secro primum omnium fieri orationes pro regibus, & his qui in
sublimitate constituti sunt* Secondemēt nous sommes deb
teurs à nostre egal: nous le deuons aymer comme nous
mesmes. *Super omnia charitatem habete quod est vinculū per
fectionis.* Et nostre Seigneur ne commande rien tant que
de s'entr'aymer, car c'est le lien de perfection: *Mandatum
nouum do vobis, vt diligitis inuicem sicut dilexi vos Plenitudo
autem legis est dilectio.* Tiercement nous deuons correctiō
à nostre inferieur: ceux qui ont charge & autorité sur
les autres: les peres à leurs enfans, les maistres à leurs ser
uiteurs. Car s'ils ne font correction, ils sont consentans
du mal & y participēt: *Agentes enim & consentientes pari
pœna plecti debent. Quoniam qui talia agunt digni sunt mor
te, non solum qui ea faciunt, sed etiam qui consentiunt facien
tibus.* Ou le prince est entendu par l'inferieur, comme il
est dict: *Qui viderit fratrem suum necessitatem habere,* & il
ne s'en soucie, mais luy tourne le visage, charité n'est pas
en luy. En voyant le pauvre il faut considerer trois cho
ses *Primò*, que celuy qui demande l'aumosne, n'est pas
seulemēt ce pauvre que nous voyons, mais aussi que c'est
nostre seigneur Iesus Christ representé par ce pauvre, cō
me il dict: *Amen amen dico vobis quod fecistis vni de his
fratribus meis minimis, mihi fecistis* Si vous voyez Dieu vi
siblement sur terre, comme il estoit du temps des Apo
stres, vous vous reputeriez bien heureux de luy pouuoir
suruenir. Et en le faisant pour l'honneur de luy à ce pau
vre, c'est comme si vous le faisiez à nostre seigneur Iesus
Christ en sa propre personne. Et en desprisant & con
temnant ce pauvre, vous le desprisez & contemnez. Il
s'est faict pauvre pour vous enrichir, & tout le bien que

vous avez vient de luy , il le vous donne , & vous ne luy voulez rien donner , vous ne voulez rien faire pour luy: *Cum diues esset, pro nobis egenus factus est ut illius inopia diuites effemus*. Le riche est ainsi fait pour le pauvre , & le pauvre pour le riche : afin de s'aider l'un à l'autre pour meriter & gagner paradis . Secondement il vous fault considerer que quand par ce pauvre Dieu vous demande l'aumosne, ce n'est pas du vostre, mais du sien, côme dict saint Paul. *Quid enim habes quod non accepisti? si autem accepisti, quid gloriaris quasi non acceperis?* Tout bien vient de Dieu: *Omne datum optimum, & omne donum perfectum, desursum est descendens à patre luminum*. Dieu ne demande rié que tout ne luy appartienne. Et nous aurions beau labourer & trauailler , si Dieu n'infondoit sa grace en nostre euvre, nous ne pourriõs prouffiter, ne faire chose qui valust. Tertiõ, il vous fault considerer que tout ce que Dieu faict, & qu'il vous demande c'est pour vostre prouffit, & pour vous donner paradis. N'est ce pas vne belle recompense , que pour vn voirre d'eau , qui est donné en son nom & pour l'amour de luy, il en donne & retribue paradis? *Qui dederit potum aqua frigida vii ex minimis illis, nõ perdet mercedem suam* Et il nous enhorte à donner, & que lon nous donnera. *Date & dabitur vobis* Celuy qui n'aime point Dieu, il ne le cognoist point, & s'il dict qu'il le cognoist & qu'il l'ayme & neantmoins il ne regarde pas ses commandemens , il est mensonger , *Qui dicit se nosse Deum & mandata eius non custodit, mendax est, & veritas in eo non est* L'escriture dit: *A micus amico reuelat secreta sua*. Les secrets de Dieu consistent & sont contenus en l'escriture sainte lesquels il ne reuele sinon à ceux qui l'aiment. Il en y a qui ne font les commandemens de Dieu, sinon par crainte. Et ceux-là ne prouffitent point : mais les autres qui les font par charité & amour , prouffitent beaucoup, & acquierent le royaume des cieux. Celuy qui ayme & a charité , ne scandalise personne, & n'est point scandalisé: mais il s'accommode à tous en bien, & est cõtent d'auoir & endurer dommage pour faire le prouffit d'autruy. & du prochain: *Pax multa diligentibus legem tuã, & non est illis scandalũ*. Nous nous sommes aussi de debtors

2. Cor. 8.

1. Cor. 4.

Iac. 1.

Matth. 10.

Luc 6.

1. Iean. 2.

Psal. 118.

Troisiesme dimenche apres, &c.

Matth. 5.

Psal. 50.

Psal. 14.

Ephe. 4.

Colos. 3.

Galat. 5.

en trois choses, premierelement nous deuons mundicité à nostre cuer comme dict nostre seigneur Iesus Christ: *Beati mundo corde quoniam ipsi Deum videbunt*. Dieu demande pureté de cuer. Et aussi David la demandoit à Dieu, disant. *Cor mundum crea in me Deus & spiritum re-ctum innoua in visceribus meis. Quis ascendet in montem do-mini, &c. Innocens manibus & mundo corde*: Que le cuer soit pur & net de vice & peché: *Quia nihil conquinatum intrabit in illud. i. in calum. Secundò* nous deuons à nostre cuer & à nostre bouche bonne garde, cōme dict saint Paul. *Omnis sermo malus ex ore vestro non procedat, sed si quis bonus est ad edificationem fidei vt det gratiam audientibus*.

Quand vous parlerez, gardez vous bien de dire parole dont Dieu & vostre prochain soyent offensez, ne scandalisez point le frere Chrestien & le prochain, Et sil fault rendre compte des paroles oyssiues, combien plus des mauuaises paroles, & meschantes cogitations & volonte: *De omni verbo otioso quod locuti fuerint homines, recedent rationem in die iudicij. Tertio*, selon le droit de iustice nous deuons à nostre corps mortification. *Mortificate membra vestra que sunt super terram*. Car il y a tousiours guerre continuelle de la chair à l'esprit. *Caro concupiscit aduersus spiritum, &c.* Voila la debte que nous deuons à nostre prochain & à nous aussi: mais si nous n'auons charité & vnion ensemble, si nous sommes particuliers & qu'ayons priuée affection, nous sommes inutiles à nous & aux autres. Et nostre seigneur Iesus Christ ne se trouue qu'avecques ceux qui sont ensemble par bōne vnion & charité. Prions le doncques qu'il la nous doint, ce que il fera par sa grace qu'il nous donnera en ce monde, & moyennant icelle la vie eternelle en l'autre.

*Ad quam nos perducatur qui sine
fine viuit & regnat.*

Amen.

(. .)

*Autre sermon du troisieme dimen-
che apres les octaves des Rois.*

N*Emini quicquam debeat, nisi ut inuicem diligatis.* Rom. 13.
 La cognoissance de Dieu est cause & amene l'a-
 mour de Dieu. L'ignorance de Dieu est cause du conté-
 nement de Dieu. Il est impossible d'aimer Dieu sans le
 cognoistre. C'est chose reguliere que celuy qui ne sçait
 Dieu, le cõtémne. Et le meilleur moyen pour cognoistre
 Dieu c'est tribulation & aduersité. Prosperité souuent
 & regulierement est cause de l'obliuion de Dieu, & du
 contemnement de Dieu. Doncques il faut conclure que
 tribulation vault mieux que prosperité. Par tribulation
 l'homme se cognoist & Dieu aussi. Et tout au contraire
 prosperité faict oublier Dieu & soy mesme. L'ignorance
 de Dieu engendre audace & presumption. Et le cognoi-
 stre, engendre humilité & obeissance. Il vault doncques
 mieux estre exercé par tribulation que par prosperité.
 Tout le bien de l'homme c'est de cognoistre Dieu, &
 nous ne tendons à autre chose. Et tribulation faict cela,
 nous la devons doncques mieux aimer que prosperité:
 ainsi que l'Euangile du iourd'huy le nous enseigne, là ou
 il est dict que nostre Seigneur est entré en vne nasselle,
 & ses disciples l'ont suiuy. Il s'est leué vne tempeste sur
 la mer tellement que la nauicule, le bateau estoit cou-
 uert de flots. Les disciples voyãs cela ont eu peur, & ont
 esueillé nostre Seigneur en luy disant. *Domine salua nos pe-* Matth. 8.
rimus. La tempeste & l'inundation de l'eau c'est la tribu-
 lation que l'homme a en ce monde. Et le moyen pour estre
 sauué, c'est tribulation. Nostre seigneur Iesus Christ par
 l'ignominie de la croix est entré en paradis. Il est escrit:
Oportuit Christum pati & ita intrare in glóriam suam. Item, Luc. 24.
contendite intrare per angustam portam. La porte anguste & Luc. 13.
 estroite, c'est tribulation, qui conduit & meine en Para-
 dis, & est impossible d'y entrer que par la croix: il ne suf-
 fisoit pas de la croix de nostre Seigneur à ceux qui ont vscé
 de raison, car nous devons aussi porter nostre croix,
 c'est tribulation & aduersité. Nostre Seigneur dict: *Qui*

*Tribulation
vault mieux
que prosperi-
té.*

*Tribulation
meine en pa-*

Troisiesme dimenche apres

- Matth. 10.* non accipit crucem suam & sequitur me, non est me dignus. Nostre Seigneur doncques nous enseigne que necessité, angustie, & tribulation vault mieux que prosperité: Parquoy ie m'abuse si ie veux viure selon mon plaisir & delices de ce monde. *Ascendite Iesu in nauiculam, &c.* La nauire c'est l'Eglise, la mer c'est le monde, & les vents, la tempeste signifient les tribulations & aduersitez de ce monde. Ou est nostre Seigneur? En la nauire, en l'Eglise de Dieu, *que est domus Dei.* On ne le trouue point autre part. *Secuti sunt eum discipuli eius.* Si nous le voulons trouuer, suiuous le, car c'est nostre esperance, dilection & salut que Iesus Christ. On ne le trouue sinon en l'Eglise de Dieu. *Quia extra ecclesiam non est salus.* Ainsi que tous ceux qui estoient hors de l'arche de Noé perirent: aussi sont ceux qui sont hors de l'Eglise, comme sont scismatiques, heretiques & infideles Il faut venir à nostre Seigneur en foy, esperance & charité pour nous reconcilier à luy. *Et ecce motus magnus factus est in mari ita ut nauicula operiretur fluctibus, Ipse verò dormiebat.* Il s'est esmeu vne grosse tempeste sur la mer, de sorte que la nauire estoit fort agitée des vndes & flots. La mer c'est ce monde, auquel endurent les iustes & seruiteurs de Dieu. Par la prouidence de Dieu, les tribulations se leuent & regnent au monde. *Et non est malum in ciuitate quod non fecerit dominus.* Que ie peche, c'est contre le vouloir de Dieu, mais la tribulation vient de la volonté de Dieu, cōme la peste, la guerre, la famine. Rien ne se fait sans la permission de Dieu, & il fait cela pour exercer ses enfans & seruiteurs. Notez bien que la nascelle estoit couverte de flots, & toutesfois elle n'estoit pas remplie. C'est à dire que l'Eglise de Dieu aura de tous costez des impugnations, mais iamais ne sera remplie des flots, elle ne sera iamais abismée ne surmontée. Car la parole de Dieu est veritable, par laquelle il dit: *Ego vobiscū sum usque ad consummationem seculi.* C'est la maison fondée sur la ferme pierre: Elle n'est point tōbée pour la pluye ny pour les vents, & inundations tāt des heretiques que autres. *Descendit pluuia, & venerunt flumina & flauerunt venti, & irruerunt in domum illam, & nō cecidit. Fundamenta enim*
- Matth. 8.*
- Matth. 28.*

enim erat supra firmam petram, id est, supra Christũ. Et pour-
tant ne se fault iamais desesperer ny deffier de la bonté,
grace & misericorde de nostre seigneur Iesus Christ, qui
ne delaisse iamais son Eglise, les siens, les esleus. Et com-
bien que nous soyons en peril & danger d'estre damnez,
il fault esperer en nostre seigneur Iesus Christ, & se con-
fier en luy, en nous deffiãt de nous-mesmes. *Fortissimum* *Hebr. 6.*
so'atium habeamus, qui confugimus ad tenendam propositam
spem, &c. Aucuns disent que ceste tempeste s'est leuée
pour Iudas qui estoit present. Pour monstrier combien
nuist en vne compagnie vn mauuais homme, & empes-
che la valeur des prieres & oraisons. Moÿse disoit aux
enfans d'Israël. *Recedite à tabernaculis impiorum ne forte in-* *Numer. 16.*
uoluamini peccatis eorum scilicet Core, Dathan, & Abiron.
Retirez vous d'eux que ne soyez participans de leurs cri-
mes. Aussi on vous dit auïourd'huy, retirez vous & soyez
separez des heretiques, ne cõmuniquez point avecques
eux, que ne soyez prins de leur venin, & participans de
leurs crimes, comme dit monsieur saint Iean. *Si quis ve-* *2. Ioan. 1.*
nit ad vos, & hanc doctrinam non affert, nolite eum recipere in
domum, nec ei aue dixeritis. C'est grand chose qu'un mau-
uais homme nuist ainsi. Aussi vn homme de bien en vne
compagnie y vault beaucoup. Du temps de Iosué il y a-
uoit vn mauuais homme, qui fut cause de faire perdre la
bataille, *Quia surripuerat de anathemate Hiericho.* Aussi vn *Iosue 7.*
homme de bien retire & empesche l'ire de Dieu, comme
fist Moÿse qui tint Dieu qu'il n'exterminast le peuple.
Dieu se lie, & s'oblige tant (par maniere de dire) à ceux
qui le craignent, & aimẽt de tout leur cueur, en gardant
ses commandemẽs, qu'il ne faict sinon ce qu'ils veulent:
cõme dit l'escriture. *Voluntatem timentium se faciet, & de-* *Psal. 144.*
precatõnem eorum exaudiet. Voila Moÿse qui n'est que ter-
re & poudre, il est homme, comme nous. mais par sa bõ-
ne, & sainte vie, il est homme diuin, & tient Dieu qu'il
ne frappe, & extermine le peuple d'Israël. Dieu luy dit:
Dimitte me, faciam te in gentem magnam. Laisse moy faire
Moÿse, ne me tiens point, & ie te feray grand personna- *Exo. 32.*
ge, & Moÿse luy dit. Ha sire ie ne vous lairray pas faire,
s'il vous plaist vous pardonnerez à ce peuple, ou autre-

Troisiesme dimenche apres

ment si vous ne leur voulez pardonner, effacez moy du liure de vie. Et ainsi par son oraison & priere la vengeance & ire de Dieu fut apaisée. Pareillement quand Dieu fist l'information de ceux de Sodome & Gomorre, Abraham luy dist : Seigneur Dieu ie ne suis pas digne de parler à vous : mais puis qu'il vous plaist, & que m'en demandez mon opinion, ie diray vn mot, c'est que si il vous plaist ne perdrez les iustes & gens de bien avecques les meschans, mais en aurez pitié. *Vis perdere iustum cum impio* ? Aussi il ne fault qu'un homme de bien pour

Gen. 18.

*Il ne fault
qu'un homme
de bien pour
empeschervn
grand mal.*

empeschervn grand mal. Semblablement Dieu disoit qu'on parlait à Elie pour auoir de la pluye, & que si Elie ne parloit, que la pluye ne seroit point donnée du ciel. Il disoit aussi aux amis de Iob : Allez vous en à mon seruiteur Iob, & il priera pour vous, que vostre faulte ne vous soit imputée. C'est grand pitié, & vn grand mal d'oster vn homme de bien d'une communauté: car il y vault & prouffite beaucoup. Aussi vn mauvais homme fait beaucoup de mal en vne compagnie & communauté. Voila doncques vne grande tempeste qui s'est esleuée sur la mer. Notez que l'homme viuât aujourd'huy, qui ne sent point la calamité & misere qui est contre l'Eglise, il desfert d'estre euomy de Dieu, comme il dit en l'Apocalypse. *Quia nec calidus, nec frigidus es incipiam te euomere de ore meo*. Regardez si depuis Abel il y a iamais eu tant de schismes & d'heresies, comme il y a pour le iourd'huy. Et neantmoins nous n'en voulons rien veoir ny sentir. C'est vn signe d'une conscience cauterizée, & que nous sommes tepides, que noz cueurs ne sont point disruciés pour ceste grande calamité de l'Eglise. L'honneur du pere c'est l'honneur du fils Et semblablement le deshonneur du pere c'est le deshonneur du fils. *Gloria enim hominis ex honore patris sui: & dedecus filij pater sine honore*. Nous ne sentons point la tribulation & deshonneur que lon fait à Dieu & à son Eglise. Compatissez en voz cueurs, ayez compassion d'elle, & priez pour elle afin que la motion & tempeste cesse. Combien y a il d'heresies & de scandales contre Dieu & son Eglise? & encores qui pis est, de ses domestiques? Quel deshonneur seroit à vne

Apoc. 3.

mere si elle veoyoit son enfant qu'elle a nourry & allaité luy contredire & estre contraire? Et nostre seigneur Iesus Christ se complaignant de Iudas son domestique qui l'a trahy, & liuré à mort entre ses ennemis : il dit par le Psalmiste. *Quoniam si inimicus meus maledixisset mihi, Psa. 54. sustinuissem utique. Sed qui mecum manducabat panem, leua-* Ioan. 13.
uit contra me calcaneum suum. Si mon ennemy, mon mal voulant & vn estranger eust dit mal de moy, qu'il m'eust greué, ie l'eusse porté plus patiemment que ie ne fais de mon domestique. Et aujourd'huy les domestiques de l'Eglise de Dieu, & ceux qu'elle a nourris & alaiçtez, qui ont receu le saint Sacrement de Baptisme: ils font guerre contre leur mere l'Eglise, au lieu qu'ils la deuroient defendre, & tenir bon pour elle. Et pourtant dit l'escriture. *Rachel plorans filios suos noluit consolari quia non sunt.* Ra *Matth. 2.*
chel, c'est l'Eglise qui pleure & ne se peult consoler pour- ce qu'elle n'a point d'enfans, c'est à dire, qu'il luy vaudroit autant n'en auoir point que d'en auoir de tels qui luy sont si mauuais, meschans, & contraires. Et pareillement Dieu se complaignant de nous il dit, à raison que nous le contemnons en ne voulant garder ses commandemens, *Filios enutriui & exaltavi, ipsi autem spreuerunt me.* Esa. 1.
Il y a beaucoup d'enfans en l'Eglise qui sont seulement Chrestiens de nom: mais bien peu en y a qui le soient de fait & d'euure, & qui obseruent & gardent les commandemens de Dieu, & de son Eglise. Aujourd'huy on veut changer les loix, coustumes, & traditions anciennes de l'Eglise de Dieu, & ne les trouue on pas bonnes? Et neãtmoins le Sage dit: *Fili obserua legem matris tue.* On veut *Eccle. 1.*
viure à son plaisir, & non pas selõ Dieu. & son Eglise: on la contemne, & n'en tient on compte: combien que lon ne la pourroit contemner que lon ne contène Dieu luy-mesme, cõme il dit: *Qui vos audit, me audit: & qui vos sper-* Luc. 10.
nit, me spernit. Tout y va de pis en pis. L'Eglise deuroit augmẽter de iour en iour en Dieu, & elle diminuẽ Quãd on parle de Dieu, il semble que lon parle d'un homme sauage, & on cuide que ce soit ie ne sçay quoy de nouveau. Et pourtant au iour de Dieu, qui sera le iour du

Troisiesme dimenche apres

Psal. III.

Psal. II.

Matth. II.

Ezech. 18.

Rom. 2.

iugement de Dieu, il parlera tout seul puis qu'aujourd'huy nous ne le voulons point escouter: *Peccator ebullitescet, dentibus suis fremet & tabescet.* Ne vous faict il point de mal de veoir ainsi la nauire, l'Eglise de Dieu estre couverte des flots des heresies? *Omnes declinauerūt, &c.* Tout le monde se desuoie. *Diminuta sunt veritates à filiis hominum.* Mensonge & erreur sont approuuez, & les biens venus pour le iourd'huy: & vertu & verité sont contredits & reiectez, combien que par la grace de Dieu, la nauire de l'Eglise ne sera point submergée ne surmontée pour toutes tempestes & tribulations qu'on luy sçache faire, mais demeurera tousiours sur l'eau, & en lumiere, cōbiē qu'elle endurera & aura beaucoup à souffrir, *Sed nondum finis.* L'homme iuste endure, il est deiecté, & s'il veult dire la verité on dit qu'il n'est qu'un mutin, & qu'il met sedition entre le peuple, qu'il est hypocrite. Sçauiez vous qui faict leuer la tempeste, & agiter la nauire, & l'Eglise de Dieu? Ce sont noz pechez, & si nous nous voulons amender & retourner de bon cueur à Dieu, ie suis asseuré de luy par sa parole qu'il s'appaisera auāt qu'il soit nuict, & fera cesser la tempeste, & les heresies. A toute heure ie puis appaiser Dieu, & me retourner à luy par vraye contrition, & ie le cōtemne pour sa bonté, familiarité, & facilité qu'il demonstre enuers moy. A raison dequoy ie crains bien que ce soit à plus grand comble de damnation. Il crie incessamment apres nous afin de nous retourner à luy, & qu'il nous veult aider. *Venite ad me omnes qui laboratis & onerati estis, & ego reficiam vos.* Et nous n'en tenons compte. *Item, Quacunque hora ingemuerit peccator, omnium iniquitatum eius non recordabor.* Nous auons tant de familiarité & d'accez enuers Dieu que merueilles, & nous en sommes pires, plus ingrats & nonchalans de nostre salut. Dieu ne nous est plus rien, mais il luy plaira par sa grace & bōté de nous faire la grace de nous amender. Et i'en respons pour vous, ne le voulez vous pas? Monsieur saint Paul dit: *An diuitias bonitatis eius, & patientie, & longanimitatis contemnis? ignoras quoniam benignitas Dei ad pœnitentiam te adducit? &c.* Maugré que nous en ayons, il fault que nostre proces soit veu par no-

stre seigneur Iesus Christ , & qu'il donne la sentence , & d'icelle on ne pourra appeler, ny recalcitrer. Noz pechez & meschante vie ont engendré les erreurs & heresies.

Car comme dit S. Iean Chrysostome. *Errores non possent preualere in homines nisi peccata prederent.* Et elles ne cesseront point si nous ne nous abstenons de noz fautes.

Le vice & peché de l'homme engēdre erreur & diuision, si i'oy mal dire de mon pere, de ma mere, mon cueur se rompt, & ie ne suis pas marry ne discrucié de veoir blasphemer Dieu, & de tant d'assaux & inuasions qu'on faict a l'encontre de son Eglise, qui en est toute couuerte. On n'en cesse point de faire les dances & banquets, on aura les menestriers iusques à Quaresme prenant, nous ne sentons que choses charnelles, & non pas les spirituelles. Je diray bien que lon brusle ces heretiques, mais par aduerture que c'est pour mon peché que tel mal & heresie est aduenü. I'ay esté possible occasion de la ruine d'autrui : & pource il en fault estre desplaisant: il nous fault estre liez du lien de charité. Gardons que nostre indignité & malice n'empesche le bon vouloir de Dieu enuers nous, comme il est dit en l'Euangile que nostre Seigneur Iesus Christ ne pouuoit, c'est à dire, qu'il ne vouloit faire miracles pour l'infidelité & indignité de ceux qui estoient presens. Je suis certain, & assuré par la parole de Dieu qu'il me veut sauuer, mais ie dois craindre que mon indignité n'y mette empeschement. Aucunesfois on veut aider à auancer quelqu'un, mais il ne veut pas, il y recule. Comme vous voyez que les peres & meres veulent aduancer leurs enfans, mais les enfans font tout le contraire, & y mettent empeschement. Aussi Dieu nous veut aider, & nous auancer, & le peult, mais pour nostre desobeissance nous y mettons empeschement, & nous en rendons incapables. O que celuy est heureux qui est en la maison de Dieu qui y a entrée, il y est bien auancé, *Imò*, qui y a seulement vn pied, il tachera d'y entrer plus auant. Et pour s'en rendre capable, il se fault totalement soubmettre au bon vouloir & plaisir de Dieu, en desprisant & contemnant le monde, les delices & plaisirs d'iceluy. Le bon compagnon, le folastre qui ne veut faire pe-

*Saint Iean
Chrysostome*

Troisiesme dimenche apres

nitence, mais est tousiours à folastrer, il dit qu'il ne fault qu'un bon *peccani*, & que Dieu qui est bon & misericordieux pardonnera tout. Il est vray qu'il est bon & misericordieux, & nous en est bien besoing, car nous l'offensons souuent, mais par ton obstination, & perseuerance en mal, tu te rends indigne d'auoir ce bon *peccani*. Et il n'y a que tels presumptueux & obstinez qui soient deceus. Iesus Christ dōc dormoit en la nauire, & neātmoīs

Psal. 120.

l'escriure dit. Ecce non dormitabit, neque dormiet qui custodit Israel Quant à son humanité il dormoit, mais sa diuinité veille tousiours. Ce que Dieu est dit dormir, signifie qu'il differe, & tarde aucunesfois à nous oster de la tribulation, & nous en deliurer, & qu'il ne nous donne pas incontināt ce que nous luy demādons, combien qu'il ne le no^odenie pas pourtāt, & il le fait aīsi pour nostre prouffit afin d'exerciter nostre desir à luy, & Dauid dit. *Exurge, quare obdormis Domine?* Il y a lōg temps que Dieu dort,

Psal. 43.

& qu'on le prie pour oster & abolir les heresies, mais les pechez & perseuerāce à mal y empeschent. Ce n'est pas à dire, *Quæ aures eius aggrauentur*, & qu'il ne nous oye bien, ses oreilles ne sont point appesanties: mais c'est pource que nous ne nous amēdons point. Dōcques Iesus Christ dort. Autrement Iesus Christ est aussi dit dormir, quand ceux qui ont charge sous luy en l'Eglise, dorment cōme font curez, vicaires, & autres qui ont charge des ames de nostre seigneur Iesus Christ, & n'en font leur deuoir. Car l'iniure inferée aux membres est dite estre inferée au chef qui est Dieu. Ce pendant que ceux qui ont charge, & autorité sur les autres tant en la spiritualité, qu'en la temporalité dorment, & ne font leur deuoir de remōstrer, & corriger les pechez, la tempeste, les scandales se leuent, & les pechez croissent & vertu & charité se refroidit, se perd du tout. *Et inimicus homo*, le diable seme de la zizanie des erreurs, & meschancetez pour faire oublier Dieu, & en perdre le goust: aīsi que les escoliers se desbauchent, & gastent tout quand ils ne veoyent point leurs regens & maistres, mais quand ils les veoyēt, ils sont empeschez de mal faire, ils n'osent dire mot. Et nous auons honte de desseruir nous mesmes le benefice,

Matt. 13.

la cure, & nous le faisons desseruir par vicaires. Le mercenaire n'a pas soing des brebis, il n'en demande seulement que la laine, le gain, le prouffit & reuenu du benefice. Et si nous pensions bien comment c'est que nostre seigneur I E S V C H R I S T a respâdu son precieux sang si ioyeusement & de si bon cueur pour nous, & combien il vault, nous serions plus soigneux à nous garder, & pareillement ceux que nous auons prins en charge. Et neantmoins s'il est question de baptiser ou administrer quelque autre sacrement, on dira, venez demain ou attendez, ce n'est pas en suyure la doctrine & instruction de saint Paul qui dit : *Attendite vobis & vniuerso gregi.* S'il est question de courir à Rôme dedâs certain temps, afin que la resignation soit vallable, on n'y espargne or ny argent, & en dâger de se rompre le col, on ne cesse de courir, mais de Dieu & de ses ames on n'en tient cõpte, cela c'est bien mal considerer. C'est nostre Seigneur qui dort en ses membres. Et pour tant priõs le qu'il luy plaise par sa grace & bõté d'y mettre ordre & de s'esueille. Disons luy, *Vsquequo, quare obdormis domine, vsquequo domine obdormis? salua nos, perimus.* En particulier nous pouuons pe- Act. 20.
rir, mais en general l'Eglise ne peult perir. Ruper dit ainsi qu'on esueille vn homme doucement afin qu'il ne se fâche, aussi il fault prier Dieu en bonne foy, sans deffiance & estre patient & lōganime. *Accedamus ad eũ cum plenitudine fidei. Et qui postulat, in fide postulet nisi hesitãs.* Ne vous tenez pas escõduit si incõtinant vous n'avez ce que vous demandez, mais perseuerez en vostre demâde & oraison: il ne se fault iamais desesperer, ny refter le manche apres la cognée, mais se fault confier en Dieu & treshumblement luy dire : *Domine salua nos, perimus.* Il ne luy couste rien maintenant de sauuer, car il a satisfait pour tout le genre humain. Dieu ne veult damner personne, mais c'est son bon plaisir & veult que chascun soit sauué, mais nous y mettons empeschement, & ne tient qu'à nous que ne le foyons. Saint Paul dit : *Fidelis Deus qui non patietur vos tentari supra id quod potestis, sed faciet cum tẽtatione prouentũ.* Parquoy ceste proposition est suffisante pour dire que nous ne pecherõs & n'offenserons point si nous Psal. 43.
Psal. 12.
Hebr. 10.
Matt. 8.
1. Cor. 10.

Troisiesme dimenche apres

ne voulons. Sainct Anthoine, Iob & plusieurs autres ont esté tentez, & ont beaucoup enduré, mais le diable n'a point eu de puissance sur leurs ames, mais seulement sur leurs corps. Il fault doucement cueiller nostre Seigneur,

Iesus Christ par nature estoit exëpt des premiers mouuements à mal, & la vierge Marie par grace.

Matt. 8.

Matt. 16.

Roma. 7.

Matt. 8.

Psal. 124.

qui dort en la naure. *Christus dicitur dormire, hoc est non potuit agitari passionibus trahentibus ad illicita, neque fuit homo venundatus sub peccato.* Ce seroit blasphemie de dire qu'il eust eu les premiers mouuements à mal cōme nous, car il en estoit exempt par nature. Et la glorieuse vierge Marie sa mere, par grace en estoit aussi exëpte. Ne vous desiez point de nostre Seigneur quelque grande tentation & assault que vous ayez, mais esueillez le. *Et imperabit ventis & mari*, si vous le priez bien deuotement: & le diable n'aura point de puissance sur vostre ame. L'Eglise est fort tentée & agitée: mais neantmoins iamais ne succombera. *Porta inferi non preualebunt aduersus eam.* Regardez aux saincts martyrs & vierges, qui en leurs tentations & assaux du diable, du mōde & de la chair, auoyent seulement recours à Dieu disant: Seigneur Dieu vous n'avez point esté subiect à tout cecy comme nous. Et pourtant ayez pitié & compassion de nous, & vous plaise de vostre grace nous ayder. Et infailliblement il nous aydera: comme dit saint Paul: *Infelix ego homo, quis me liberabit de corpore mortis huius? Gratia Dei per Iesum Christum.* Donques nostre Seigneur n'est point subiect à toutes ces tentations & assaux que nous auōs, combien que nous ne succōberons & n'offenserons si nous ne voulōs, & autant en emporte le vent. Iamais elles ne feront succomber l'Eglise des Chrestiens en vniuersel. Nostre Seigneur voyant ses disciples estre ainsi terrifiez, & espouentez, il les reprend en les appelant gens de petite foy. *Quid timidi estis modice fidei?* Sainct Iean Chrysostome dit, que leur peur & crainte ne procedoit pas de la tempeste, mais de leur incredulité & imbecilité. Et pourtant nostre Seigneur les reprend en les appelant gens de petite foy & assurance. N'est-il pas escript: *Non relinquet dominus virgam peccatorum super sortem iustorum.* La verge c'est la persecution des iustes, & nostre seigneur n'endurera pas qu'elle regne lōguement. *Super sortem iustorum, id est,*

gratis sine precedentibus meritis. Les Egyptiens ont persecuté les Israelites, mais subitement ils furent noyez & perirent en la mer rouge. Dieu les a aussi facilement absorbez comme de souffler vne plume. Et par ainsi vous voyez comment toutes choses redondent au prouffit & vtilité de ses esleuz & des gens de bien qui ont charité & l'aiment de tout leur cueur, comme dit saint Paul. *Diligentibus Deum omnia cooperantur in bonum*. Aussi Dieu Roma. 8. abolira les heresies en vn moment quand il luy plaira. Et pourtant, *Non turbetur cor vestrum neque formidet*. Pour Ioan. 14. toutes ces folies l'Eglise de Dieu est comme estoit l'Arche de Noé sur l'eau, elle n'enfondrera ne succombera iamais. *Quid ergo timidi estis?* Il ne fault point craindre, Matt. 8. considerez que la bonté & misericorde de Dieu est si grande enuers nous, elle est bonne, & plus que suffisante pour nous sauuer, si nous faisons du mieux que nous pourrons, en gardant ses saints commandemens. Dieu est-il vn tyran, vn bourreau? non, mais il crie largesse de misericorde enuers ceux qui auront bonne fiance & esperance en luy. Mais à la verité le mauuais & presomp tueux doit beaucoup craindre: *Diues est dominus in omnes qui innocant illum in veritate*. L'enfant ne doit-il pas estre asseuré entre les bras de son pere? Et nous sommes entre les bras de Dieu nostre pere. Il fault craindre la mort & d'offenser Dieu, mais il ne fault iamais se defier ne degouter de luy, considerez qu'il est tousiours avec nous pour nous garder si nous viuons bien. Voyla le Roy en la bataille: il ne se fault iamais deffier ce pendant qu'il y est, ne tourner le dos aux aduersaires, autrement vous succomberez. Ne croyez vous pas que la bonté & misericorde de Dieu est grande? Aussi il ne fault pas trop presumer, mais quand vous aurez vn bon propos de bien viure, ayez la foy, & otez de vous toute defiance. Rupert note qu'il y a aucuncfois vne grande foy, & vne petite foy. Voyla vne grande foy qui est aux trois enfans en Babylone quand ils respondirent au Roy, qui vouloit qu'ils adorassent la statue, ou autrement qu'ils seroyent mis en la fournaise ardente: Sire, si Dieu veult il nous en deliurera: mais quand ainsi seroit qu'il luy plai-

Troisiesme dimenche apres

roit de nous laisser endurer, sachez que nous n'adorons point vostre statue, mais seulement vn Dieu viuant. Voyla vne grande foy. Aussi quand vous endurez beaucoup pour l'honneur de Dieu, & que vous ne vous desifiez point de luy, c'est auoir vne grande foy: & la petite foy, c'est quãd vous diètes, ie crains que Dieu ne me laisse, & qu'il ne me vueille point aider. L'escriture dir, *Manus tua domine fecerunt me, &c.* Ne craignez doncques qu'il vous delaisse, & qu'il ne vueille recognoistre son chef d'euure qui est l'homme, qu'il a creé à son image & similitude, il se fault confier en Dieu, & recognoistre combien il est bon. *Et imperauit ventis & mari, & facta est tranquillitas magna.* C'est que Dieu exauce ce que nous luy demandons. Ne sçauiez vous pas bien qu'apres la pluye vient le beau temps? Aussi il fault qu'il y ait des heresies. Et Dieu permet les maux estre faicts, afin que les erreurs soyent cogneuz. Nostre Seigneur a commandé à la mer & aux vents, & le tout a esté subitement fait tranquille. Les saints font miracles, mais c'est en priant Dieu & en sa vertu. Et nostre Seigneur les fait par sa vertu & puissance propre, & par commandement. *Porro homines mirati sunt dicentes: Qualis est, quia venti & mare obediunt ei?* Qui est celuy qui peult empescher le vent & appaiser la mer, sinon Dieu? Nous lisons que l'ange Vriel dist au prophete, *Vade pondera mihi ignis pondus, aut mensura mihi statum venti, aut reuoca mihi diem que preterijt.* Il n'y a que Dieu qui puisse arrester le vent, poiser le feu, & reuoyer le temps passé, & il a renouelé l'homme par le benefice de la croix. Les hommes se sont esmerueillez qu'au commandement de nostre Seigneur les vents se sont appeisez subitement, & pareillement la mer. Nous nous deuons aussi esmerueillir d'auoir tant eschappé de dâgers par la bonté & misericorde de Dieu, & esperer encores que Dieu nous en deliurera, comme dit saint Paul: *Non sumus fidentes in nobis sed in Deo, qui suscitauit mortuos, qui de tantis periculis nos eripuit & eruit in quem speramus, quoniam & adhuc eripiet.* Doncques quand vous estes tentez, ne vous despererez point, mais pensez que Dieu par sa grace & bonté vous a autresfois

Iob 10.

4. Esdr. 4.

2. Corint. 1.

deliurez, & encores vous peult aussi bien deliurer que iamais, & en ce faisant vous endurerez facilement. Il vous fault en toutes voz eures, & en toutes tentations auoir le bouclier de la foy, & en bien viuant auoir espoir en Dieu qu'il nous donnera paradis. Amen.

Pour le dimenche de la
Septuagesime.

Omnes quidem currunt, sed vnus accipit brauium.

Sainct Paul en l'Epistre du iourd'huy compare la vie de l'homme à vne course, disant: *Nescitis quod y qui in stadio currunt, omnes quidem currunt, sed vnus accipit brauium?*

I. Corin. 9.

Ceux qui courent au stade, ils courent tous pour auoir le pris qui est deputé pour ceux qui courent, mais vn seul le prend. Vn bien temporel ne peut estre possédé de plusieurs en propriété, il est à moy seul & non à autre. Aussi si vous l'auiez ie n'y ay rien, sinon par vostre communication: & par ainsi le bien temporel est à vn seul en propriété, & non pas à plusieurs: car il est finy. Mais le bien que Dieu nous promet, il est infiny & peult estre possédé de plusieurs. Et de tât plus qu'il y a de gens qui le possèdent, de tant plus en a vn chacun. C'est vn bien infiny, c'est à dire qu'un chacun peult auoir la gloire de paradis. Et de tant plus qu'il y a de gens qui voyent Dieu, de tant plus croist ce bien, & la gloire d'un chacun en est augmentée. La gloire de paradis croist & est plus grande à vn chacun en particulier, de tant plus qu'il y a de gens qui y ont part. Ce n'est pas ainsi des biens temporels, car s'il conuient les partir, vn chacun en aura moins. Mais les biens spirituels, croissent & augmentent de tant plus qu'il y a de possesseurs. *Omnes quidem currunt.* En ce monde chacun court pour auoir le pris deputé pour la course, mais vn seul le pretend, & vn bien spirituel chacun le peult auoir, & y paruenir. La condition pour l'auoir c'est *Omnes currunt.* Nous sommes tous au seruice de Dieu pour estre sauuez: *Sed vnus accipit.* Qui

I. Corint. 9.

Dimenche

Luc. 10.

est-ce vnus? c'est celuy qui perseuere iusques à la fin. *Porro vnum est necessarium.* ce vnus, c'est vous & moy si nous perseuerons en l'vnité de la foy Chrestienne. Je vis en paix en Dieu, & avec mon prochain. Voyla l'vnité. Pour estre sauué il ne suffit d'estre chrestien, d'estre prestre & semblable, car l'estat ne sauue pas l'homme, mais l'amour de Dieu. Et l'eure sauue l'homme & non pas la profession. Je suis Chrestien, c'est ma profession: mais pour cela ie ne seray pas sauué. Et si ie ne me gouerne en ma profession cōme il appartient q^e est d'estre vn avec Dieu, & avec mon prochain, ie ne seray pas sauué, l'eure de Dieu c'est d'vnir, & l'eure du diable c'est de separer. Et tous ceulx qui seront vnis seront sauuez. *Vnus ergo accipit brauium.*

1. Cor. 2.

Courez ainsi en vnité afin d'auoir le pris, & vo⁹ abstenez de toutes voluptez mōdaines cōme si vous estiez à l'article de la mort. *Et illi quidem vt corruptibile coronā accipiāt,*

1. Cor. 9.

nos autem incorruptā. Le pris, la courōne à laquelle tēdent ceux qui courēt aux stade, c'est vn bien tōporel, & corruptible, mais le biē de Dieu est eternal. *Nos autem incorruptā* Tous ceulx qui veulent seruir à Dieu & pretendre à la vie eternelle, ils l'auront. *Mater Dei!* c'est grand chose ie travaille iusque à la mort. i'aduance mes iours du grand soing que i'ay pour auoir des biens temporels, & de peur d'en trop peu auoir, ie laisse le boyre, le manger, & le dormir. Et neantmoins tout ce que nous voyōs ce sont biēs tēporels qui ne font que passer: *Fuerunt & postea non sunt.*

Apoc. 7.

Ce qui est à present se passera, & par ainsi il le fault apprehēder comme passé. *Quia est sacramentum mulieru.* Il fault penser & auoir deuant les yeulx, que ce qui est present se passera, car c'est vne chose corruptible. Si doncques nous travaillons tant pour auoir des biens temporels qui sont transitoires; que deuons nous faire d'auantage pour les biens eternels, pour les auoir & posseder eternellement? Et si Dieu me commandoit de couper mes membres l'vn apres l'autre, ie le deuerois faire. Vous voyez que pour acquerir des biens temporels vn hōme s'en yra aux terres neufues, il laisse sa femme & ses enfans, & ne delaisse pas d'y aller pour les perils & dangers qui luy peuuent aduenir sur le chemin: & encores cōbien qu'il soit

incertain s'il aura le bien temporel qu'il y pretend. Mais nostre esperance est certaine que si nous faisons le vouloir de Dieu, que nous serons sauuez. Et est autant impossible que nous ne le soyons si nous auons bonne esperance en luy, en gardant ses saincts commandemens, *Eccl. 2.* & de nostre mere sainte Eglise, comme il est impossible *1. sal. 18.* que Dieu ne soit point Dieu. Car c'est sa parolle: il dit, *Hebr. 13.* *Quis sperauit in domino & confusus est? Item, Non te deseram, 1. sal. 93.* *neque derelinquam. Non vidi iustum derelictum. Dominus adiutor meus. Sustinuit anima mea in verbo eius, & c.* Ceste parolle de Dieu est si certaine, & neantmoins ie ne m'y fie point, ie fais grande iniure à Dieu. S'il est question d'entreprendre vn grand bien pour mon salut, ie penseray incessamment à la peine qu'il y fault auoir, mes parens m'en destournent. Et si ie laisse ce bien, ie monstre que ie n'ay pas amour & charité en Dieu: *Omnes ergo currunt.* C'est grand pitié, l'homme se met en dâger pour les biens temporels & court apres, mais pour les biens de l'ame, pour se sauuer, on n'y veut entendre, on ne veut sortir de la case, du nid de peur du froid. On dit que la faim faict sortir le loup hors du bois, c'est à dire q l'amour de Dieu nous doit faire crier apres luy, & y courir: *Omnes ergo currunt.* Mais celuy seul prendra le pris qui sera vny à Dieu. *1. Cor. 9.* Et d'autant que le bien eterneel est meilleur que le temporel, il y fault plus labourer & trauailler, il n'y fault pas estre oisif, autrement la grace de Dieu se pert, il fault appuyer nostre cueur en Dieu. Et pour l'y appuyer: il fault tousiours bien faire, & ne se iamais relacher. Si ie pren auourd'huy vn pied de relache i'en vouldray demain prendre deux. Cōtinuons donc au seruice de Dieu. Ouy, mais il y a de la peine: non a, sinon à celuy qui n'y veut prédre plaisir, & qui n'ayme point Dieu, car amour n'a point de peine, elle ne laboure point. Et quand nous labourerions tousiours, si serions nous esmerueillez du petit labeur que nous faisons, au regard du grand bien inestimable que nous esperons receuoir par la grace de Dieu. Il fault donc tousiours courir, & estre en exercice de bonnes eures. Et encores deuons nous dire, & confesser veritablement que nous n'auons rien faict, & que

Dimenche

nous sommes inutiles seruiteurs. Et si par la grace de Dieu nous faisons quelque bien, il le fault attribuer & referer à sa gloire & honneur. Sainct Paul dit, que de soy il n'est rien, & que ce qu'il a fait de bien: c'a esté par la grace de Dieu avec luy. Il ne fault point regarder au bien que lon a fait, car qui regarde à cela, il se relasche de bien faire, & deuient orgueilleux. Nous deuons regarder à noz pechez & à noz faultes, & non pas au bien que nous auons fait, combien que gens scrupuleux ne doiuent regarder à leurs pechez en particulier, mais bien en general. Ne regardons donc point à noz bonnes euures, mais pensons qu'il s'en fault encores beaucoup que n'ayons fait ce que nous deuons. Et en ce faisant vous vous humiliez & tiendrez vostre couronne incorruptible. *Tene quod habes, ne alius accipiat coronam tuam.* Et quand nous auons fait ce qu'il appartient, & que nous auons paradis nous ne serons marris (s'il estoit possible d'estre marris en paradis) sinon de ce que nous auons si peu labouré au regard du bien inestimable que nous auons: *Curramus ergo.* En ce monde on court pour vne couronne qui se passe, & ne veut ou quasi rien faire pour la couronne & gloire de Dieu qui est eternelle. Sainct Paul dit: *Sic curro, non quasi in incertum: ego sic pugno, non quasi aërem verberans, sed castigo corpus meum, & in seruitutem redigo, ne cum aliis prædicauerim, & probus efficiar.* Courons en sorte que nous puissions prendre le pris. Je viens à la Messe, ie me confesse: ie reçois le saint Sacrement de l'autel & fais semblable chose, ie dis mes heures, ie donne l'aumosne: mais pour cela, ie ne seray pas sauué, si ie n'ay charité. La foy ny les euures ne prouffitent pas, si charité n'y est. Toutes euures qui semblent estre bonnes ne meinent pas à salut. C'est vn grád bié que de donner tous ses biens aux pauvres, si cela est fait pour l'honneur de Dieu, & en charité, mais s'il n'y a charité, il n'y a point de salut. Je pourray prescher, dōner l'aumosne, prier dieu, & faire semblable chose pour estre veu & loué. Cōbien q̄ l'euure de foy soit bon, neantmoins pour cela ie ne prends pas Dieu, mais le diable, ie me damne. Mais si mon intention est bonne, ie me sauue. Les iugeméts des hommes sont dif-

Apoc. 3.

Cor. 9.

fiiles, & souuentesfois contraires au iugement de Dieu. car les hommes iugent selon les allegations & probatiōs qui ne sont pas tousiours veritables, ny faictes en equité, mais les iugemens de Dieu sont tousiours veritables cōme dit saint Paul : *Scimus enim quoniam iudicium Dei est secundum veritatem.* Dieu cognoist les cueurs des hōmes, & pourtāt il iuge en equité. *Viuus est sermo Dei & efficax & penetrabilior omni gladio ancipiti, pertingens vsque ad diuisionē anime ac spiritus, compagum quoque ac medullarū, & discretor cogitationū & intentionū cordis.* La parole de Dieu est plus penetratiue que n'est vn glauiue trenchant de toutes pars, elle faict diuision entre l'ame & l'esprit, elle entre iusques à la mouelle, & discerne les cogitatiōs des intentiōs : *Homines vident ea quę patent. Deus autem intuetur cor.* Dieu cognoist tout. Ses yeulx sont penetratifs comme le feu, lequel par sa subtilité penetre tout. Ayez doncques bonne intention, & faictes voz euures pour l'honneur de Dieu. *Sic currite.* Ceste diction, *sic*, monstre l'affection que doit auoir l'homme à chercher Dieu. Cain auoit faict vn euure bō de soy, mais son intention estoit mauuaise. Et Dieu iuge selon l'intention, non pas selon l'euure, comme il appert de la femme veufue laquelle auoit seulement deux deniers qu'elle mist au tronc de l'Eglise, & si elle eust eu d'auantage, elle eust plus mis. Et Dieu dist qu'elle y auoit plus mis que les autres, qui par aduēture y auoient mis dix escuz ou plus. *Sic ergo currite.* c'est à dire, soyez continens & perseuerans en l'obseruance des commandemens de Dieu. Et en ceste course il fault auoir vne bonne intention en Dieu. Ainsi que quand nous faisons quelque chose pour quelqu'un nous auōs tousiours la memoire & intention du personnage: aussi quand nous faisons quelque chose pour l'amour de Dieu, ayons memoire de luy & le craignons, & nous n'offenserons point. Ainsi comme si ie veulx faire vne meschante chose, ie ne la feray iamais deuant mon pere, à cause de la craincte ou amour que i'ay en luy: aussi ayōs amour & craincte en Dieu, & nous n'offenserons iamais. N'est-ce pas grande pitié que plusieurs biens sont faicts parmy le monde qui ne prouffitent point à cause

Rom. 2.

Hebr. 4.

1. Reg. 15.

1. Cor. 9.

Dimenche

qu'ils ne sont pas faicts comme il appartient, & par vne bonne intention en Dieu. Si le Roy me commande de faire quelque chose, ie m'y emploiray à mon pouuoir, & seray ioyeux qu'il luy plaist de m'employer à son seruice. Que deuons nous faire d'auantage en l'euure de Dieu? nous nous deuõs estimer indignes de luy seruir, & nous esmerueiller comment c'est qu'il luy plaist de prendre nostre seruice à gré. Disons de nous avec le Roy Manasses qui disoit en son oraison que Dieu auoit sauué vn pecheur indigne de tous biens, & qu'il n'auoit gaigné que la corde. Et Seigneur Dieu vous sauuez vn pauvre pecheur quand vous me sauuez par lequel vous serez loué. Il fault donc bien faire tant deuant Dieu pour son honneur, que deuant le prochain pour son edification.

2. Para. 33.

1. Cor. 9.

Sic currite. Et comment courez vous? Sainct Paul respõd: *Non quasi in incertum.* Ie sçay bien ou ie cours, car ma cource tend à vn bien eternal. Tout mon desir c'est de complaire à Dieu, non pas aux hommes sinon entant que Dieu y est loué & magnifié. *Et sic omnibus omnia factus sum.* Si ie m'adapte à vous, c'est pour vous sauuer. *Nam infirmis infirmus factus sum.* Ie m'accõmode à vn chacun. Quand ie suis avec ceulx qui n'ont point de loy, qui vivent sans loy, ie m'accõmode & fais comme eulx, & comme si ie n'auois point de loy, & neãtmoins ie ne suis pas sans loy, c'est à dire i'vse de la maniere des gẽtils quãd ie suis avec eulx, & mange de toutes viandes. Et quand ie suis avec les Iuifs, ie fais comme les Iuifs pour gaigner tout en Dieu, & attirer vn chacun à salut. Voila vn chrestien que Sainct Paul, c'est nostre exemple & miroer, & fault qu'vn chacun s'accõmode à son prochain pour le

Rom. 15.

gaigner en Dieu. Vnusquisque placeat proximo suo in bonum ad edificationem. Humilions nous doncques, & ne cherchõs point nostre autorité. Le pauvre qui est timide, quand il voit vn homme d'autorité, il crainct, car l'autorité & richesses de ce monsieur, rendent le pauvre timide, & n'ose parler à luy pour luy dire sa necessité. Sainct Paul ne tẽdoit qu'à Dieu, & se rendoit familier à vn chacun pour le gaigner à Dieu. L'homme est heureux, quand en tout ce qu'il faict & dit il ne tend qu'à

Dieu

Dieu. Je ne dis pas que vous pensiez tousiours actuellement de Dieu, mais que vostre intention y soit, c'est assez. Regardez vn euvre qui de soy est indifferent, comme de faire le mesnage, cela de soy n'est bõ ny mauuais. Et neantmoins qui refere cela à Dieu, & le faict à l'intention de Dieu il est meritoire de vie eternelle. Et pourtāt dit saint Paul: *Quicquid facitis in verbo, aut in opere omnia in nomine Domini nostri facite.* Il dit apres. *Sic curro non quasi aërem verberans: sic curro non quasi in incertum.* Nostre vie c'est vne course, c'est à dire, est en cōtinuel exercice de Dieu, & aussi vne continuelle bataille, comme dit Iob. *Militia est vita hominis super terram.* Nous sommes assaillis de toutes pars, de la chair, du monde, & du diable. Et Dieu regarde comment c'est que nous bataillons & resistons à noz ennemis. Saint Estienne disoit comme on le lapidoit. *Video celos apertos, & Iesum stantē à dextris Dei.* Je voy Iesus tout droict à la dextre de Dieu pour m'ayder, & donner le pris. Saint Ambroise dit de saint Anthoine qu'il disoit à Dieu apres sa tentation. *O bone Iesu, ubi eras?* I'y estois, car tu n'eusses pas surmōté la tentation, si ie n'y eusse esté pour te defendre, mais avec mon aide ie t'ay voulu laisser batailler. Quand on a de la tentation, c'est signe que Dieu y est, comme dit nostre Seigneur par le psalmiste. *Cum ipso sum in tribulatione, eripiam eum, & glorificabo eum.* Il nous fault dōcques batailler & gagner paradis à la poincte de l'espée, car il y fault entrer par force, en surmontant soymesme, le diable & le monde, comme dit nostre Seigneur Iesus Christ. *Matth. II. diebus Ioannis Baptiste regnum calorum vim patitur, & violenti rapiūt illud.* Et l'Eglise nous propose mōsieur S. Paul pour capitaine de la bataille qui dit. *Sic pugno, non quasi aërem verberans:* Ie bataille, mais ie ne frappe point l'air, c'est à dire, ie ne perds point temps, car ie sui monte mō ennemy, & comment? *Castigo corpus meum, & in seruitutē redigo.* Voyla vne terrible sentence qui nous doit bien espouuenter considéré que combien que tous ses pechez luy fussent remis en sorte qu'il estoit le grand mignou de Dieu, le vaisseau d'electiō: neantmoins il chastie son corps, combien qu'il ne luy fust pas de necessité. Mais

Coloss. 3.

1. Corin. 9.

Matth. II.

1. Corin. 9.

1. Corin. 9.

Dimenche

Coloss. 1.

tout ce qu'il faisoit c'estoit pour nostre prouffit. Il enduroit doncques pour un autre? ouy. Il dit: *Adimpleo ea que desunt passionibus Christi in corpore meo, pro corpore Christi quod est ecclesia.* Qu'est ce à dire cela? Iesus Christ a il delaisié à faire quelque chose pour nostre salut, veu que S. Paul dit qu'il paracheue en son corps le reste de la passion de Iesus Christ? Nenny nō, mais il veult endurer en ses membres (qui sont les saincts) les reliques de sa passion. Et Iesus Christ n'auoit pas encores enduré en S. Paul, lequel endure en chastiāt son corps. Il domte sa chair par abstinence. Et pour q̄ endure il? *pro corpore Christi*, pour le corps de Iesus Christ qui est l'Eglise. Il trauailloit souuēt iour & nuict, il mouroit de faim, de soif, & faisoit semblables choses. Voyla qu'ont les seruiteurs de Dieu qui endurent tout patiēmēt. Et quād nous endurōs, nous deuons plus remercier Dieu en aduersité, que non pas en prosperité: car nous ne sommes pas dignes d'endurer pour luy, *ergo corpus meū in seruitutem redigo.* L'hōme est serf quand il se rend subiect à sa passion, car c'est grande seruitude q̄ ceste là mais celuy est franc & libre qui n'obeist point à sa sensualité, & ne sert qu'à Iesus Christ. Et par ce moyē le corps la: chair, sert à l'esprit, ce n'est pas raison q̄ la fēme domine sur l'hōme, la femme c'est nostre chair qui doit estre subiecte, & obeir à l'esprit. Voyla ce que dit S. Paul, qu'il rend son corps subiect à soy. Mais pourquoy dit il cela? Il respond, *ne cum aliis predicauerim, ipse reprobus efficiar.* Il semble que S. Paul mette les gens en peine: n'estoit il pas asseuré de son salut? Il dit: *Certus sum, quod neque mors neque vita, neque aliqua creatura poterit nos separare à charitate Christi.* Rien ne le peult separer de la charité de nostre Seigneur: & par ainsi il ne met pas les gēs en peine ny en doubte. Il dit souuent plusieurs choses en ses Epistres, nō pas en sa personne, mais en la nostre. Il dit,

1. Cor. 9.

Rom. 8.

1. Cor. 4.

Ego transfiguraui in me & Apoll. Sainct Paul nous veult monstrier que nostre cours & nostre bataille doit estre en esperance, en toutes bonnes eures. Il fault auoir estre en esperance en Dieu, & de nostre part craindre que ne soyons reprouuez. Le presche qu'il fault ieusner, & qu'il ne fault suyure ses affectiōs & passiōs, & neantmoins ie fais tout

le cōtraire. Voyla qui me reprouue à cause q̄ ie ne crains point Dieu. Il fault chastier son corps, cōme S. Paul, & ne point courir en vain, ny battre l'air, comme si le predicateur presche pour vaine gloire, &c. S. Paul dit bien, *castigo*, & nō pas *occido*, mais ie chastie & mortifie mon corps. Il fault sans mesure aimer Dieu, mais il fault par mesure chastier nostre corps, comme faiēt le pere qui ne tue pas son enfant en le chastiant. Et nous nous dammons pour complaire à nostre chair, cōme Adam a cōpleu à Eue, il fault donc chastier nostre corps, que ne soyons damnez apres auoir presché aux autres, car pour auoir presché, on n'en sera pas moins damné, comme dira nostre Seigneur au iour du iugemēt. *Domine in nomine tuo propheta-* Matth. 7.
nimus. Nō noui vos, discedite à me op̄erarij iniquitatis. La vie des prelatz doit differer de la vie des subiects, comme le berger est eminent par dessus ses brebis & bestes. Nous deurions emflamber les cueurs des autres en l'amour de Dieu, mais nostre meschâte vie diminue leur deuotion. Celuy qui ne presche point n'en sera pas moins sauué. Et celuy qui presche n'en sera aussi pas moins damné, si sa vie n'est conforme à sa parolle. *Qui predicas non su-* Rom. 2.
randum, seraris. Fault encores noter. *Castigo corpus meum,* 1. Cor. 9.
 &c. Par cela nous est demonstree la vigilance que nous deuons auoir en ce monde, *Vigilate & orate.* Sainct Iehā Marc. 14.
 Chrysostome dit, que deux choses sont necessaires à S. Iehā chry
 nostre salut, c'est à sçauoir. *Secularium rerum contemptus,* *sofome.*
 & *uigilantia.* Il fault auoir vn contemnement des choses temporelles, & tousiours veiller & se tenir en la grace de Dieu, il y fault tousiours estre vigilant, & iamaïs paresseux. Sainct Paul estoit bien parfaict, & quasi consommé en la grace de Dieu lequel desire d'estre anatheme *pro fratribus secundū carnem.* Il desiroit estre priué Rom. 9.
 de la vision de Dieu (sans offense) & que ses freres, c'est à dire les Iuifs n'offensassent point Dieu. Et neantmoins 1. Cor. 9.
 il dit, *castigo corpus meū ne reprobus efficiar.* Il mōstre que nous deuons estre vigilans. Apres il monstre que ne nous deuons trop fier aux graces que Dieu nous donne, si nous ne les mettons en euvre. La grace de Dieu ne nous seruira de rien pour aller en paradis, si nous n'en

Dimenche

vſons bié. Il nous môſtre cela à l'exêple des Iuiſſ diſant,
1. Corin. 10. *Nolo enim vos ignorare fratres, quoniam patres nostri omnes sub nube fuerunt, & omnes mare tranſierunt, & omnes in Moyſe baptizati ſunt in nube, & in mari.* Ne vous confiez point trop en la grace de Dieu, tenez ce que vous avez, qu'un autre ne prêne voſtre couronne. Aucunes fois qu'un hōme a un, ou pluſieurs de ſes membres qui luy ſont inuſes à cauſe qu'il ne ſ'en aide point, ils ne luy ſeruent non plus que ſ'il n'en auoit point. Auſſi, ſi vous avez vne grace de Dieu, & vous n'en vſez point bié, elle vo^s eſt inutile. *Tene quod habes ut nemo accipiat coronam tuam,* cōme noſtre Seigneur a faiſt enuers les Iuiſſ, ce qu'il leur auoit bien predict diſant: *Auferetur à vobis regnum Dei, & dabitur genti facienti fructus eius.* Noz peres anciens ont tous eſté ſoubs la nuée qui de iour les gardoit de l'ardeur du Soleil, & de nuit elle leur eſclairoit. Ils ont tous mangé vne meſme viande, & beu vn meſme bruuage. *Sed non in pluribus eorum beneplacitū eſt Deo. Nam proſtrati ſunt in deſerto.* Tant plus l'hōme reçoit de graces, tāt plus il eſt tenu & obligé. Les enfāſ d'Iſrael ont tous paſſé la mer rouge, & leurs ennemis ont eſté ſubmergez. Voyla vne grace que Dieu leur faiſt. Ils ont tous mangé de la manne par l'eſpace de quarante ans, & beu de l'eau qui ſortoit de la pierre: *Petra autem erat Chriſtus.* Et ils ont abuſé de toutes ces graces. Parquoy Dieu n'a point prins plaſiſr en la plus grande partie d'eulx. Il ne ſe fault doncq' pas trop fier aux graces de Dieu. Vous direz ie ſuis chreſtié, cela ne vous prouffitera ſinō à plus grād comble de dānation ſi vous ne viuez cōme il appartient à vn bon chreſtien. Ce que les Iuiſſ paſſerent la mer rouge, c'ettoit vne figure de noſtre baptēſme: mais pour eſtre baptiſé, on n'en eſt pas plus aggreable à Dieu, qui ne faiſt l'euvre d'un bon chreſtien *Quia fides ſine operibus mortua eſt.* Et monſieur ſainct Paul diſt aux Iuiſſ. *Circūciſio quidem prodeſt ſi legem obſerues.* La circoncifion ſpirituelle c'eſt le baptēſme, & il ne prouffire pas qui ne faiſt l'euvre d'un chreſtien, cōme dit ſainct Pierre: *Melius erat viam veritatis non cognoscere, quam poſt agnitam retro conuerti.* Et par ainſi il fault re-cognoiſtre la grace de Dieu, & ſe tenir ſoubs ſa main.

1. Corin. 10.

Apo. 2.

1. Cor. 10.

Iaco. 2.

1. Petr. 2.

Entre nous chrestiens, nous participons tous en mesmes sacremens, mais la plus part de nous n'est pas agreable à Dieu : il ne s'y complait point comme il est escript en l'Apocalyse. *Nomen habes quod vivas & mortuus es*, car tu es seulement chrestien de nom, & non pas d'euvres. *Apor. 3.* Notre Seigneur donne à tous sa grace, mais peu sont qui en usent bien, & qui la recognoissent. Tant plus i'ay de graces, tant plus ie dois recognoistre Dieu. Le chrestien qui vit mal, il peche plus griefvement que l'infidele, car il a receu plus de graces de Dieu. Or il en fault doncques si bien user & si bien courir que lon puisse avoir le pris de la vie eternelle, & se tenir tousiours sur ses gardes de peur de le perdre. *Beat⁹ homo qui semper est pauidus.* Nous *Proverb. 28.* prierons Dieu qu'il luy plaise nous dōner sa grace en ce mode, & la si bien garder qu'elle nous conduise à vie eternelle. *Amen.*

*Autre sermon pour le dimanche
de la septuagesime.*

I*Te & vos in vineam meam.* Le fondemēt de toutes bō- *Matth. 20.*
nes euvres, c'est la grace de Dieu, & l'origine de la grace de Dieu c'est son bon plaisir. L'homme ne peut bien faire sans la grace de Dieu, qui la donne à qui luy plaist sans faire tort à personne, car il n'est tenu à aucun. Et pource s'il dōne sa grace à quelqu'un, c'est de son bon plaisir. Il dit que sans luy on ne pourroit rien bien faire. *Sine me, id est, sine gratia mea, nihil potestis facere, & sicut* *Ioan. 15.*
palmas nō potest ferre fructū nisi māserit in vite, sic nec nos nisi in me manseritis. Nous ne sçaurions fructifier, sans la grace de Dieu, nous ne sommes pas suffisans de nous cōme de nous de bien faire, mais ce que nous sommes, c'est de la grace de Dieu, comme dit saint Paul. *Non sumus sufficientes ex nobis quasi ex nobis, sed sufficientia nostra ex Deo* *1. cor. 3.*
est. Et saint Paul dit de soy qu'il n'est rien, & que tout le bien qu'il a viēt & procede de la grace & bonté de Dieu.

Dimenche

Et si vous demandez d'ou vient la grace de Dieu? Il fault noter que c'est de son bon plaisir sans faire tort à personne. Et tout cecy nous est demonstté en l'Euāgile du iour d'huy qui dit : *Simile est regnū calurū hominū patrifamilias qui exiit primo mane conducere operarios in vineā suā*. Iesus Christ dit par vne parabole, que le Royaume des cieulx est semblable à vn pere de famille, lequel a loué & conduit ses ouuriers pour aller besongner en sa vigne. Cest hōme icy c'est Dieu le createur qui est cōparé au pere de famille, à cause du soing qu'il a de ses creatures, car vn chacun s'attend à luy. *Oculi omniū in te sperāt Domine, & tu das illis escā in tempore*. Dieu nourrist toute sa famille: il a soing des hommes & des bestes. *Cura est illi de omnibus*, mais specialemēt il a soing de sa famille qui est l'Eglise, laquelle est comme vne maison, *que domus sumus nos*. Et le pere qui a la prouidence de ceste maison, c'est Dieu qui nous aime tant qu'il nous nourrist de la precieuse chair & sang de son fils bié aimé. Il nous nourrist à sa table, & pouruoit de toutes autres choses qui sont necessaires à vne maison. Nous auons son aide pour resister contre le monde, le diable, & la chair, & ses bonnes inspirations pour faire des biens, & des bonnes eures. Pareillement les sacremens qui sont en remede cōtre les pechez. Voyla comment il est appellé pere de famille, il est aussi appellé homme, car il a pitié & compassion de nous, il tend plus à misericorde qu'à rigueur. L'homme de sa nature est plus misericordieux, qu'il n'est rude & rigoureux. Et combien que nous n'entendions pas tousiours ceste grande prouidence & bonté de Dieu dont il vse enuers nous, neantmoins nous deuons tousiours estimer qu'il faiēt tout pour le mieux. Ainsi qu'un bon pere de famille faiēt & pourchasse le prouffit & commodité de ses enfans, combien que les enfans ne l'entendēt pas tousiours, car ils peuuent estre mal ordonnez: aussi nous à cause que nous voulons iuger selon l'œil de la chair, & non pas selon l'esprit. Et en iugeant ainsi nous ne comprenons pas bien les faiēts de Dieu: mais si nous en voulons bien iuger, ce sera par la foy qui est la reigle pour bien iuger des faiēts de Dieu, comme l'œil de la chair

Matth. 20.

Psal. 144.

Hebr. 3.

est la conduite des faicts du monde. Il ne fault doncques
 iamaïs murmurer, mais croire & estre certain que tout
 ce que Dieu faict est bien faict, combien que nous ne
 l'entendions point. *Exiit ergo primo mane conducere opera-* *Matth 20.*
rios in vineam suam. L'issuë de Dieu, signifie l'euure de
 Dieu exterieure qu'il faict enuers l'homme, car il ne peult
 sortir de soy-mesme. Et l'operation, *Ad extra*, signifie l'is-
 suë de Dieu. Comme il m'a appellé Chrestien : & ceste
 appellation est dite issuë. Il a prins & loué des ouuriers.
 Ceste conduction, c'est l'esperance du salaire que nous
 pretendons auoir pour le labeur de l'obseruation des
 commandemens de Dieu, comme ie loue vn homme
 pour labourer pour moy en intention de le payer & sa-
 larier de son labeur. Et Dieu nous donne esperance que
 nous serons bien salariez & remunererez, si nous le seruons
 en la charge & cōdition qu'il nous a appelez. Dauid dit :
Inclinaui cor meum ad faciendas iustificationes tuas propter *Psal. 118.*
retributionem. Je me suis adonné à labourer à vostre vi-
 gne en esperance d'estre remuneré. Et quels gens loue
 il? *operarios.* Il veult que vous faciez la charge que vous
 auez. Il n'est pas possible d'estre sauué par le labeur &
 euure d'autrui, qui ne labore soy-mesme, ce pendant
 qu'on a le temps. Les petis enfans sont sauuez par l'euure
 d'autrui, c'est à dire par le merite & par l'euure de la
 mort & passion de nostre seigneur Iesus Christ, sans
 leurs euures, quāt apres le Baptisme ils meurent. Mais
 celuy qui a vsage de raison, pour pouuoir labourer, A-
 uant que d'auoir vsage de raison pour pouuoir labou-
 rer Dieu veult qu'il labore, ou autrement il mourra de
 faim. Et la vie que ie dois gagner en ce monde par
 mon labeur faict en la grace de Dieu, c'est la vie eter-
 nelle. Car ie ne puis estre sauué si ie n'y mets du mien,
 & de mon labeur avec celuy de nostre Seigneur, & de sa
 mort & passion, & que mon euure soit fondée en icelle
 passion. Mais comme nous auons dit, les petis enfans
 sont sauuez sans leur euure & labeur, pour-ce qu'ils ne
 sont pas paruenus au temps & en aage de pouuoir la-
 bourer. Vous voyez que les pauures vieilles gens qui ne
 peuēt labourer ils sont mis à l'aumosne. Mais ceux qui

Dimenche

sont valides & peuuent bien labourer pour gaigner leur vie. Il fault qu'ils labourent, ou autrement ils seront pēdas. Ce n'est pas assez d'estre en l'Eglise de Dieu, d'estre Chrestien & auoir la foy, si tu n'as aussi charité, car Dieu veut que tu gagnes ta vie. Et commēt la gagneray-ie? exerce toy en l'obseruatiō de ses cōmandemēs, en la vocation q̄ tu es appelé. Et en faisant cela tu feras sauué, car elle ne vault rien, & ne peut suffire sans les bōnes eures. Notez que nostre Seigneur nous a prins en son seruice quand nous ne sçauions rien, & puis il nous a appris ce que nous deuons faire pour estre sauuez. Mais quels gages & recompense dōne il à ses seruiteurs? Nous le dirōs apres auoir demadé la grace du sainct Esprit, par l'intercession de la vierge Marie mere de Dieu, en disant deuotement. *Aue Maria. &c. Ite & vos in vineam meam, &c.*

Matth. 20.

Vous sçauiez bien que Dieu par sa grace nous a appelez pour estre de sa famille. Il nous a mis en sa vigne pour labourer. Il ne fault donques point estre oyssifs. Il veut que chacun laboure, qui peult, & qui ne peult labourer, il est excusé. Mais celuy qui peult labourer, il est damné s'il ne laboure. Dieu a dit que l'hōme māgera son pain à

Gen. 3.

la sueur & labeur de son corps: *In sudore vultus tui vesceris pane tuo*. Le pain pour lequel il nous fault labourer, & auquel consiste nostre vie, c'est Iesus Christ nostre sauueur qui est le pain, duquel vn chacun est repeu. Car toute la felicité des saincts de paradis, c'est veoir Dieu, sa diuinité, cognoistre Dieu, & contempler l'humanité de nostre Seigneur, qui est le pain qu'il nous fault gaigner, ou autrement nous ne pourrons paruenir à la beatitude q̄ nous pretēdōs. Ce pere de famille, c'est à sçauoir Dieu, a conuenue avec les ouuriers pour vn denier iournal. Il a fait marché & pact de ce q̄ les ouuriers doiuent gaigner. Et ce marché c'est d'un denier. Il vous semblera par aduenture que c'est biē peu d'un denier. C'est assez car il vous fault noter la conuētion du denier iournal: c'est ce qui est es-

Matth. 19.

crit en l'Euāgile: *Si vis ad vitam ingredi, serua mandata*. Si tu veux estre sauué il fault que tu gardes les commandemēs de Dieu, que tu les mettes en execution. Si ie ne laboure en la vigne, ie ne puis loyalemēt demander le de-

nier journal qui est la beatitude & felicité eternelle. Il fault labourer en ce mode en gardât les cōmādemens de Dieu, qui veult auoir à la fin de ses iours le denier iournal, la beatitude & felicité perpetuelle. Et en ce faisant nous pourrons dire à Dieu. Seigneur Dieu i'ay faict en vostre esperance ce que vous m'avez cōmandé. Et pour-tāt ie vous somme de vostre parole, qu'il vous plaise me dōner ce que par vostre grace vous m'avez promis. *Memor esto verbi tui seruo tuo, in quo mihi spem dedisti.* P^{sal.} 118. I'ay eu plusieurs trauaux, peines & empeschemens en labourant & gardât voz saincts cōmandemēs, mais vostre esperāce m'a tousiours aidé & cōsolé, *Hæc spes tua consolata est me.* Ceux qui oyent la parole de Dieu ne serōt point sauuez s'ils ne la mettent en execution. Voila la cōuention que Dieu a faict avec nous. Il est veritable, il tient sa parole & promesse & ne tiendra qu'à nous si nous ne sommes sauuez. Il fault noter que le marché, & la promesse que Dieu nous faict du denier iournal, procede de sa pure grace. Car il n'a que faire de nous, ny de toutes noz euures, car elles ne scauroient augmenter ny diminuer la bonté de Dieu ny sa gloire. Car il est bon, & glorieux infiniment, & n'a que faire, & ne depend de personne. Et par ainsi le marché qu'il a faict avec nous ne procede pas d'indigence qui puisse estre en luy, car il est suffisammēt plein, & n'a que faire d'aucun, mais par sa bonté seule, il a faict ce pact & conuention avec nous Par indigēce qui est en nous, nous conuenons les vns avec les autres, & l'un est plus riche que l'autre, parquoy nous faisons des conuenances & marchez les vns avec les autres. Mais la conuention que Dieu nous a faict ne vient point de necessité & affaire qu'il ait de nous, mais de sa pure bonté & volonté. Car ses delices & plaisirs sont d'estre avec nous: *Delicie mee sunt esse cum filiis hominum.* Et pour-ce Prou.8. il est appelé Emanuel, *id est, nobiscū Deus*, c'est à dire que Dieu est avecques nous. Et c'est afin de monstrier les grā des graces qu'il faict aux hommes. Et s'il rend le contraire il faict iustice. C'est grād chose que pour l'amour que i'ay à quelqu'un ie m'oblige, à luy à la somme de cēt ou deux cens escus par deuant deux notaires, & promets de

Dimenche

les luy dōner. Combien que ie ne luy deuois pas vne seule maille au par- auant : neantmoins ie suis obligé à luy d'icelle somme, & quand ie luy paye ie fais iustice. Aussi Dieu me faict iustice quand il me rend sa promesse apres mon labeur en me donnant paradis : non pas que Dieu soit obligé à moy, à la creature, car il n'y peult estre ōbligé, mais à soy & à sa promesse. Je luy dis: Seigneur Dieu ayez souuenance de vostre promesse que m'auiez faicte. Et en me baillant paradis : il me faict iustice, comme dit saint Paul: *In reliquo reposita est mihi corona iustitie quam reddet mihi in die illa iustus iudex.* La corōne de iustice c'est la vie eternelle que Dieu donne à l'homme pour ses bōnes euures. Et neantmoins c'est tousiours grace quand il nous sauue : car le fondement de tout bien viēt & procede de sa grace. Et pour mon bienfaict pour mon bon euure, il luy plaist de me dōner la vie eternelle. Et en ce faisant il faict iustice fauorable, & non pas commutative, laquelle iustice commutative est entre les hommes, entre les marchāds, car il fault equalité entre la chose donnée & la chose prinse. Mais à Dieu, la iustice qu'il nous faict est fauorable. Et par ainsi Dieu demonstre que l'homme par ses bōnes euures merite paradis. Et le fondemēt de cela c'est la grace de Dieu: car il donne à qui luy plaist sans affection de personne & rend à vn chacun selon ce qu'il a desferuy, cōme dit saint Paul : *Omnes enim stabimus ante tribunal Christi vt referat vnusquisque prout gessit in corpore suo siue bene siue male.* Vn chacun receura selon son labeur. *Opera enim sequuntur illos. Et iudiciū est de mortuis secundum quod scriptum est in libris.* Dieu iuge selon ce qui est escript. Doncques dire que nous ne pouuōs meriter, c'est errer. Je sçay bien que ie ne puis faire aucū bien sans la grace de Dieu, mais l'euure faicte en ceste grace est meritoire de vie eternelle. Il est escript en l'apocalypse. *Quid sancti ambulabunt cum agno quia digni sunt.* O mais vous direz que saint Paul dit: *Non sunt condigne passionnes huius temporis ad futuram gloriam quæ reuelabitur in nobis.* Il ne dit pas qu'un bon euure ne merite paradis: mais il dit que les passions que nous endurons ne sont pas egales à la remuneration que nous aurons en paradis. *Quia domi-*

2. Tim. 4.

Rom. 14.

Apoc. 14.

Rom. 8.

nus premiât vltra condignum, & punit citrà cōdignum. Et la patience que nous auons en endurât de bon cueur pour l'honneur de Dieu est digne de la vie eternelle, à cause q̃ nostre euure est fondé au merite de la mort & passion de nostre Seigneur, car son precieux sang dignifie nostre euure. Vn voirre d'eau froide dōné à vn pauvre pour l'amour de nostre Seigneur est digne de la gloire eternelle. Or ça Chrestiẽs, Dieu a dōcques fait marchē avec nous que nous serons sauuez si nous voulons besongner en sa vigne en l'obseruation de ses commandemens. Il fault donc labourer qui veult estre sauué, car la foy sans les euures ne suffit pas. Et il y a mille passages en la saincte escripture que Dieu a regardé aux euures. *Respexit dominus Gen. 4. ad Abel & ad munera eius.* Et iamais homme ayant vsage de raison ne sera sauué sans ses euures. S. Augustin dit. *Augn. Omnis homo qui suæ volūtatis arbiter est, non potest nouam vitam inchoare, nisi eum prioris vitæ pœniteat.* S. Paul dit. *Certa I. Tim. I. bonum certamen fidei.* S'il ne faloit riē faire pour estre sauué, sinon seulement croire, pourquoy est-ce que les benoists Apostres & saincts de paradis eussent tāt enduré? Aussi l'escripture dit. *Quòd per multas tribulationes oportet ingredi regnum celorum.* Et pourtāt il fault tousiours bien faire en cōtinuation de bonnes euures. *Quia non est inuisus Deus, vt obliuiscatur operis nostri.* Vray est que nous deuons estre si h̃bles que nous ne deuōs pēser ny estimer auoir fait aucune bōne chose. Voila dōcques. *Conuentio facta cum operariis.* Et pourtāt ne soyōs point oyisifs mais besongnons tousiours en la vigne de Dieu. Nostre texte dit q̃ nostre Seigneur est sorty à trois heures, à six, à neuf & à vnze, & a trouué des gēs oyisifs, ausquels il a dit. Que faiētes vous icy, d'estre oyisifs tout le iour sans rien faire? & ils ont respondu que nul les auoit cōduits, ne louez. Tant de pauvres gens qui ne sçauent qu'il fault faire! Ils peuent biē dire q̃ nul les a louez & mis en besongne: car ceux qui les doient enseigner, ne le font pas. Ne laissez poit voz enfā̃s oyisifs, car oyisueté est la mere de to' maux & pechez. Il fault q̃ le maistre, le pere & la mere soiēt en la maisō cōme vn Euesque, c'est pour auoir superintédē ce sur les autres. Il fault que le maistre ayt superintédēce

Dimenche

Matt. 20.

sur ses subiects , & les enseigne . L'homme & la femme doiuent enseigner & monstrent les articles de la foy , les commandemens de Dieu & de nostre mere sainte Eglise , à ceux qui ne les sçauent pas . Il n'est pas deffendu en la sainte escriture d'enseigner les ignoras , car vn chacun doit estre soigneux du salut de son prochain . Tels pauvres gens demeurans au vilage & parmy les champs peuuent bien dire, *Nemo nos conduxit*. Car leur curé & pasteur n'y va pas, mais demeure en la ville, ou en quelque grosse maison, & ne fait rien . Parquoy ie ne suis esmerueillé si les parroissiens demeurent oisifs, car leurs pasteurs ne leur monstrent pas à besongner au seruice de Dieu & en sa vigne . Ils se meslét seulement de despouiller la laine de dessus le dos de leurs brebis : ils ont des vicaires lesquels ils vont voir pour receuoir argent , & pour le temporel seulement , & les vicaires innouent quelque chose de nouveau sur les parroissiens à l'appetit & commandement des curez leurs maistres , & leur aimeront mieux obeïr que non pas à Dieu : parquoy ils se damnent . O que la negligence est grande és superieurs qui deuroient labourer les premiers ! Et pourtant ne se fault esbahir si elle est grande aux inferieurs & subiects . Plusieurs s'excusent disans qu'ils ne sçauent qu'ils doiuent faire pour estre sauuez, mais telle excuse est impertinente, car il fault noter que tous les commandemens de la loy sont fondez en lumiere naturelle, comme dit David : *Signatum est super nos lumen vultus tui domine, &c.* Fault il doctrine à vn enfant pour l'apprendre à aimer Dieu ? luy seruir & l'honorer, & aussi pere & mere ? qu'il ne fault point desrober ne faire autre chose à autrui qu'on ne voulsist estre faite à soy-mesme ? Fault-il quelqu'un pour enseigner cela ? certes non, car nature l'enseigne assez . Vray est que telle nature peult estre perdue en d'aucuns par trop grande accoustumance à peché . Et aujourd'huy nous sommes venuz en ceste meschanceté & erreur, que nous cuidons que vices soyent vertus , & que vertus soyent pechez . Quand c'est venu au soir , le pere de famille a appelé son procureur pour payer les ouuriers , & luy a dit qu'il eust à commencer aux derniers venuz . Le soir signifie la demande

Psal. 4.

d'un chacū de l'euure qu'il aura faicte: c'est aussi la mort d'un chacun en particulier, ou vn chacun sera iugé. Il y a vn autre iugement general auquel vn chacun sera retribué deuant & en la presence de tous . Et cela signifie le temps de nuict, auquel on ne pourra plus meriter: mais le iour, c'est le réps present, auquel on peult meriter & gagner paradis par bonnes euures faictes en la foy & en la grace de Dieu . On a donques commencé à payer les derniers venuz, & tous ont eu esgalement chacun vn denier, autant les derniers que les premiers. Et les premiers qui pensoient plus receuoir que les derniers il en ont murmuré , disans qu'ils auoient porté la peine & la chaleur du iour, & qu'aux derniers venuz qui n'auoient besongné qu'une heure , on leur dōnoit autāt cōme à eux. Et nostre seigneur respōdant à l'un d'entre eux luy a dit:

Amice non facio tibi iniuriam. Mon amy ie ne te fais pas *Matt. 20.*

de tort ne d'iniure en te payāt le denier dont i'ay cōuenu avec toy , prends ce qui t'appartient & t'en va . Si ie veux donner à ce dernier venu autant comme à toy , ie ne te fais point de tort ne d'iniure. Ne m'est il pas licite de faire le biē q̄ ie vueil faire? Tō cœil est il mauuais pour ce que ie suis bon ? Les vns sont appelez au matin, les autres au soir pour estre sauuez. C'est à dire qu'à toute heure que l'homme se repent d'auoir offensé Dieu , pourueu que ce soit deuant la nuict i. deuant la mort , il sera sauué . Et c'est ce que dit sainct Iean qu'il a veu vne cité ayant douze portes.

Ab oriente porta tres, & ab Aquilone porta tres, ab Austro porta tres, & ab Occasu porta tres. *Apoc. 21.*

Dieu demande à son seruice gents de toutes parts, & vn chacun y est receu pourueu qu'il y vienne en la foy de la benoiste trinité. Par oriēt, est entēdue la ieunesse de l'hō me, par Midy sa force, par Septentrion vieillesse, par occident l'age decrepit. C'est à dire qu'en quelque temps que l'homme se retourne à Dieu , par vraye contrition, il le reçoit. Ne dictes donc pas par deffiance & desespoir, i'ay faict tant de maux , mes pechez sont innumerables, mais en foyez marriz & faschez pour l'amour & charité que vous auez en Dieu avec bon vouloir & propos deliberé de vous amender, & il vous pardonnera, moyennant

Dimenche

que vous y veniez deuant la mort . Le bon larron y est venu bien tard, & neantmoins Dieu l'a receu. Et quand on se conuertit à Dieu il ne donne point de remise comme faiët le monde. Le pecheur qui est contrit, il ne le reuoye pas iusques à demain, ou iusques à vne autre fois: il n'enuoye point vn de ses seruiteurs, de ses anges dire qu'il est empesché, & que pour lors il ne peut entendre à luy, & qu'il retourne vne autrefois, mais à toute heure & en tout temps il reçoit le penitent. *In quacunque hora*

Ezech. 18.

ingenuerit peccator omnium iniquitatum eius non recordabor.

1. Timo. 2.

Nostre seigneur en enuoye d'aucuns en sa vigne dez leur ieunesse. Et en cela il leur faiët vne grande grâce: *Quonia bonum erit viro cum portauerit iugum ab adolescentia sua.*

Ephe. 6.

Et saint Paul disoit à Timothée: *Memor esto quod ab infantia sacras literas nosti.* Et neantmoins nous môstrons à noz enfans à follastrer, & à dire des chansons au lieu de leur apprendre les cōmandemens de Dieu & de l'Eglise. Saint Paul dit: *Quod mulier saluabitur per filiorum generationem, hoc est educationem. Educate ergo illos in disciplina & correptione domini.* Et ainsi Dieu ne refuse personne en quelque temps qu'on vienne. Il est meilleur sans comparaison que n'est le pere charnel. Il embrasse ses enfans comme feist le pere de l'enfant prodigue qui s'estoit repenty. Nous ne sçaurions mieux gagner Dieu que par humilité, & Dieu est si bon que si vous auez bon vouloir & propos de vous amender, en disant, *Surgā, & ibo ad patrem meum.* Il viendra au deuant de vous, & vous preoccuopera. Saint Iean Chrysostome demande pourquoy c'est que Dieu faiët ceste difference qu'il en prend d'aucuns en leur ieunesse, & les autres en leur vieillesse. Il respond qu'il les prend quand il les voit capables de luy obeïr. Il voit les volonteze des hommes estre diuerses: & il les prend quand il voit qu'ils veulent & peuuent obeïr, comme saint Paul dit de soy, *Cum; lacuit ei qui me segregauit ex utero matris mee.* Luy qui persecutoit l'Eglise de Dieu, en telle persecutiō actuelle qu'il faisoit cōtre Dieu, nostre seigneur l'a prins, & d'un loup rauissant il en a faiët vn aigneau. La premiere chose que doibt faire l'hōme depuis qu'il est paruenue à vsage de raison, c'est de co-

Luc. 15.

Gal. 1.

gnoistre Dieu. Et si ie ne l'ay faict, ie le veux faire en me conuertissant à Dieu, & cessant de mal faire. Ainsi que le medecin empesche le flux de sang auant qu'il garisse la maladie : ainsi il fault cesser de mal faire : & puis apres fault bien faire, & y continuer iusques à la fin, moyennant la grace de Dieu. Il n'y fault pas estre paresseux ne pusillanimes, mais recourir à Dieu qui est tousiours prest de receuoir vn chacun à penitence. Et iamais penitence & grace n'est deniée à l'homme, moyennant qu'il la demande comme il appartient, & qu'il y vienne deuant la mort. Esau a demandé pardon : & neantmoins il ne l'a pas eu, car il ne l'a pas demandé ne faict penitence comme il appartient : *Pœnitentia locum non inuenit, quamquam* *Hebr. 12.*
cū lachrymis inquisisset eam, quia propter escā vendidit primitiua sua. Il fut symoniaque en vendant sa primogeniture. Et combien qu'il feist penitence en pleurât à chaudes larmes, il fut refusé : car sa penitence estoit simulée, & non pas entiere, car elle n'estoit pas pour amour qu'il eust en Dieu : il pleuroit seulement des yeux corporels. Iudas aussi feist penitence, car son peché luy desplaisoit, mais non pas en esperance de Dieu & de saluation. L'amour de Dieu ne le menoit point à penitence mais amour & affection priuée. Il fault regarder à Dieu, & nō pas tousiours à nostre peché : autrement nous ne serons iamais sauuez. A tout heure & moment l'homme est receu à salut & penitence plus facilement que de boire. Et pour faire cela, sortez de vous mesmes, aymez nostre seigneur, & que vostre penitence vienne de l'amour que vous auez en luy, & il vous recura de bon cuer. Ce nous est vn grand honneur que Dieu nous employe à son seruice. Et plus grande dignité ne pourroit aduenir à l'homme, que d'estre ainsi employé au seruice de Dieu. Voulez vous plus que cela? Et vous dictes *nemo nos conduxit*. Ie ne regarde point à moy ny à ma faute, mais ie regarde aux autres. Le meilleur employ c'est de se regarder soymesme. Il en y a qui ne tiennent compte du denier iournal. Les autres le present beaucoup, & toutesfois ils ne font pas les commandements de Dieu : ils se deffient d'eux mesmes, pource qu'il n'y a point de comparaison à l'eu-

Dimenche

ure qu'ils font au regard de la vie eternelle. Comme si quelqu'un me disoit: leuez vn doigt, ou frappez telle chose, & telle, & vous aurez mille escuz: ie m'en deffie, car l'euure n'est pas digne de si grand loyer. Et poutant il fault faire comme Abraham auquel Dieu dit: *Egredere de domo tua, &c. Item immola mihi filium tuum.* Et Abraham l'a fait, il a creu à la parole de Dieu & luy a obey: *In spē contra spem credidit.* Il auoit cent ans ou enuiron, nature repugnoit qu'il peut engendrer, ny sa femme aussi Sarra qui estoit aussi sterile. Et nonobstant tout cela, Abraham a creu à la parole de Dieu: parquoy Dieu luy a donné vn fils nommé Isaac. Aussi deuons nous croire à la parole de Dieu qui nous dit que par noz bonnes euures faictes en sa grace nous pouuons meriter vie eternelle. L'homme comme homme n'a pas esperance de salut: parquoy il se doit fier & arrester à la parole de Dieu. Et puis qu'il luy plaist de nous faire tant de biens, nous deuons esperer en luy & l'en remercier, en l'aymant de tout nostre cuer, & garder ses saincts commandemēs *An oculus tuus nequā est, quia ego bonus sum? id est cōsideratio erronea est, inquit Dionysius.* De nous cōme de nous, nous ne sommes pas suffisants: mais l'euure venant de Dieu, est digne de la vie eternelle par la conuention & pact qu'il luy a pleu de faire avec nous. *Si vis ad vitam ingredi, serua mandata,* il est escript en l'Apocalypse. *Ambulabunt mecum in albis, quia digni sunt.* Ceste dignité procede de la grace de Dieu du precieux sang de la mort & passion de nostre seigneur cōme dit saint Paul. *Iustificati per sanguinem ipsius.* C'est vne chose fondée en faueur sans acception de personne. *Cum serō factum esset.* Le soir denote le iugement de Dieu auquel il rendra à vn chacun ce qui luy appartient selon ses euures. Le procureur du pere de famille, c'est nostre seigneur Iesus Christ: *Qui statuit diem in quo iudicaturus est orbem in aequitate.* Qu'est ce à dire que Dieu veut que l'on cōmence aux derniers en faisant le payemēt? En cela il demonstre la grace qu'il fait à ses seruiteurs en les remunerant plus qu'ils n'ont meritē. Dieu punit moins les damnez, qu'ils n'ont meritē, & remunerer les bons plus qu'ils n'ont meritē. Et que baille il à ses ouuiers? à cha-

cun

Gen. 12.

Matth. 20.

Matth. 19.

Apo. 3.

eun vn denier. Il fault considerer deux choses en la vie éternelle, c'est à sçauoir la vision de Dieu, & l'éternité. Quant à l'éternité de Dieu, chacun en a autant l'un comme l'autre. Et pourtant chacun voit Dieu. Et voyla le dernier. Mais l'un voit Dieu plus clairement que l'autre comme dit nostre Seigneur. *In domo patris mei mansiones multe sunt.* L'un participe plus de la vision de Dieu que l'autre, & toutesfois chacun le voit, mais selon les eures & merites, les vns le voyent mieulx que les autres, mais quant à l'éternité chacun en a autāt l'un que l'autre. Il peult aduenir que celuy qui ne feist iamais biē, peult precéder les autres, comme il appert de S. Paul qui est venu le dernier des Apostres & il dit qu'il a plus labouré que les autres. Notez que penitēce n'a point de temps. Il peult aduenir qu'un aura fait penitence deux ou trois ans, & par aduēture qu'un autre en vne heure aura autāt meritē que luy: car penitence consiste en ferueur de charité. Que cōtiēt ce denier iournal? c'est veoir Dieu, & Moysē le vouloit veoir en ce mōde, mais Dieu ne luy a pas voulu mōstrer. *Quia nemo Deū vidit vnquā, id est, nemo vivēs mortali vita.* Nous voyons bien Dieu en ce monde par ce effect, & en paradis nous le verrons clairement ainsi qu'il est. Et avec ce denier nous serōs appelez les enfans de Dieu. Et quand nous serons en paradis nous serons lumineux comme est le precieux corps de Iesus Christ. Vous sçavez bien que quand Moysē retourna de parler à Dieu, les enfans d'Israel ne pouuoient regarder en sa face, pour la redondance de la grāde clarté de la vision de Dieu qui auoit parlé à luy, parquoy il falloir que Moysē mist vn voile sur son chef, ou autremēt les enfans d'Israel ne le pouuoient regarder en sa face. Et aussi serōt noz corps plus reluisans que n'est le Soleil. Qu'aurons nous d'auantage quand nous serons en paradis? Certes il n'y a cuer humain qui le peust comprendre. Il n'y a point besoin du Soleil, de la Lune, ny d'autre chose, cōme en ce monde, auquel nous auons affaire du vieil & nouueau testamēt pour nous cōduire, diriger, & mener à Dieu. Mais en paradis chacun sera sçauāt: *Frater non docebit fratrē*: les portes de paradis ne serōt point closes, car il y aura toute seureté & assēurāce. En ce

Ioan. 14.

Penitēce n'a
point de tēps
elle cōsiste en
ferueur de
charité.

Rom. 8.

Dimenche de la septuagesime.

monde il n'y a que meschâceté, on y est en malaise, mais tous biës & liesse sont en paradis. Et voila le denier iournal. Et pourtant ne vous descouragez point combië que vous soyez des derniers : mais ayez bon espoir que vous ferez des premiers & ferez sauuez en obseruant les commandemens de dieu. Il rendra tout ensemble le loyer, & n'y a point ordre de retributiõ. *Ordo ad vocationẽ refertur, non ad retributionẽ.* Toy qui as bien vescu, garde toy bien

Luc. 23.

de t'en orgueillir par dessus celuy qui est venu apres toy, car il peut estre pl^{us} agreable à dieu q^{ue} toy. S. Iean Chryf. dit : le larron est venu à vnze heures, & Iesus Christ luy a dit : *Hodie mecum eris in paradiso.* La femme veufue qui

Matt. 19.

a offert deux deniers au tronc, elle y a plus mis que tous les autres. Sainct Pierre a laissé ses rets pour suivre nostre Seigneur : *Ecce reliquimus omnia & secuti sumus te.* Dieu regarde seulement à l'affection. Peché ne nuist point quãd on se veult amender : & vertu aussi ne prouffite pas qui ne perseuere. *Noli altum sapere, sed time tu qui rectè vixisti.* Qui

Rom. 12.

se stare existimat caueat ne cadat, Sainct Iean Chrysost. dit : i'en ay veu qui estoient tombez en la profundité de peché qui depuis ont esté exaltez à salut. Et d'autres qui estoient montez iusques au dessus des vertus, qui sont tōbez en la profundité de peché. Nous voyons sainct Pierre, la Magdaleine, sainct Paul, dauid & plusieurs autres qui auoient esté grands pecheurs & sont à present en paradis. La plus seure voye c'est humilité, & nul est asseuré que l'humble. La vie eternelle est à tous esgale, c'est à dire que tous voyent Dieu eternellement, ainsi qu'il est face à face. Voyla le denier. Le Soleil differe de la Lune. Et

1. Cor. 15.

stella differt à stella in claritate sic & resurrectio mortuorum.

Matt. 20.

Aussi la vision de Dieu est plus distribuée à ceulx qui auront le plus aimé Dieu. Selon le merite Dieu rendra à vn chacun ce qui luy appartient. Et accipientes murmurabant aduersus patrem familias. Sainct Iean Chrysostome dit qu'il fault prendre l'intention de la parole. Car il n'y a point de murmure en paradis ny d'enuie. Car chacun y est content, mais nostre Seigneur Iesuschrist a vsé de telles paroles, car s'il n'y auoit dissimilitude ce ne seroit pas parabole. *Amice non facio tibi iniuriam.* Origene

Matt. 20.

Dimenche de la sexagesime. 298

dit que nostre Seigneur Iesus Christ en a appellé trois
ses amis, c'est à sçauoir Iudas auquel il dist, *Amice ad quid*
venisti? l'autre c'est celuy qui est venu aux nopces sans sa
robbe nuptiale : *Amice quomodo huc intrasti non habens ve-* *Matt. 26.*
stem nuptialem? Et aujourd'huy à cestuy cy. *Amice non fa-* *Matt. 22.*
cio tibi iniuriam: Nōne ex denario cōuenisti mecū? Et à la fin *Matt. 20.*
de l'Euāgile nostre Seigneur Iesus Christ dit, *Multi enim* *Ezech. 2.*
sunt vocati: pauci verò electi. Ezechiel a veu en escript, *Ve,*
carmen, & lamentationes, & si nous ne faisons penitence,
nous aurons *Ve,* malediction. Tous sont appelez & bien
peu d'esleuz, & de predestinez. Regardons nostre vie &
vocation, & nous voirrons si nous sommes predestinez.
Quapropter fratres, magis satagite, ut per bona opera vestra *2. Pet. 1.*
certam vestram vocationem & electionem faciatis, hoc enim
facientes non peccabitis aliquando. Nous priērs Dieu qu'il
nous face si bien viure & cheminer en l'obseruatiō de ses
commandemens que nous puissions tousiours estre en sa
grace en ce monde, afin que moyennāt icelle nous puis-
sions paruenir en paradis, *Amen.*

Pour le dimenche de la sexagesime.

Libenter gloriabor in infirmitatibus meis, &c. Il y a deux *2. Cor. 12.*
maistres qui sont tousiours contraires qui ne se peu-
uent accorder, ce sont nostre Seigneur Dieu & le mōde.
Desquels deux maistres il est escript : *Nemo potest duobus*
dominis seruire, scilicet voluntate contrariis, qui sont diuisez
& de volonté cōtraires. Il ne peut auoir accord entre iū-
stice & iniustice. Iesus Christ est toute iustice, & le mōde
est toute iniquité. Il n'y a pas de participation entre la lu-
miere & les tenebres, entre Iesus Christ & le monde. S.
Iean dit. *Totus mundus in maligno positus est.* Et S. Paul ap- *Matt. 6.*
pelle le monde *seculum nequam.* On ne voit que bien en
Iesus Christ, & que mal au mōde. Il est dōcques impos-
sible de seruir à ces deux maistres veu la cōtrariété d'en-
tre eulx. Notez que seruir à Iesus Christ c'est tout l'heur
& felicité de l'hōme. Et seruir au mōde, c'est infelicité &

Dimenche

malediction. Monsieur saint Paul en l'epistre du iourd'huy nous enseigne quelles sont les conditions d'un seruiteur de Dieu, & en cognoissant ces conditions, on peut cognoistre au contraire les conditions du seruiteur du monde. Les tiltres d'honneur & de gloire que monsieur saint Paul prend, c'est qu'il se dit estre seruiteur de nostre Seigneur Iesus Christ. Il dit : *Paulus seruus Iesu christi*. Monsieur S. Paul estoit Apostre, prophete, pasteur, docteur, & Euangeliste, mais il ne repute point à grand honneur ces tiltres là s'ils ne sont fondez au seruice de Iesus Christ. Il est possible d'estre Apostre, Euesque, & n'estre pas seruiteur de Iesus Christ, cōme Iudas, car il estoit larron, & affecté à l'argent, il estoit Euesque: car l'escripture dit. *Episcopatu eius accipiat alter*. Et neantmoins il n'estoit pas seruiteur de Dieu, mais seruoit à soymesmes, à son affectiō priuée, Balaā aussi estoit prophete, mais il n'estoit pas seruiteur de Dieu, car il seruoit au Roy Balaac, & luy vouloit optemperer. Donc ce n'est pas grand chose d'estre Euesque, & semblable, qui n'est fondé au seruice de Dieu. Neantmoins ce pendant que l'homme est en telle condition, il luy fault obeir comme dit nostre Seigneur.

Rom. 1.

Psal. 108.

Super cathedram Moysi sederunt Scribae & Pharisei: quae dicunt facite, &c. Le principal auquel S. Paul se glorifie c'est d'estre seruiteur de Dieu, c'est son plus grand tiltre d'honneur. Estre prestre, Euesque, & semblables, ce sont graces qui peuuent compatir avecq soy l'inimitié de Dieu.

Matt. 23.

Sunt gratia gratis data, pour lesquelles l'homme n'est pas tousiours agreable à Dieu, & luy sont données plus pour son prochain que pour soy: mais estre seruiteur de Dieu, ne peut compatir l'inimitié de Dieu: i'ayme Dieu & il m'ayme. Ceste seruitude c'est vne grāde liberté. Taschez dōc d'estre seruiteur de Iesus christ. Et il le est qui le veut estre. Les richesses ne peuuent empescher d'estre seruiteur de Dieu comme il appert en Abraham qui estoit riche & si estoit amy & seruiteur de Dieu. Il fault veoir en quoy c'est qu'on se cognoist estre seruiteur de Dieu. Saint Paul auāt qu'estre seruiteur de Dieu, il fut seruiteur du mōde, & auāt qu'il fust spirituel il fut sensuel, & se glorifioit és choses du monde, & il dit. *Si quis alius videtur considerare in*

carne ego magis. C'est son premier estat. Il a esté persecuteur de l'Eglise, & entre les persecuteurs des chrestiens, il n'en y auoit pas de plus feruens cõtre nostre Seigneur & les siens que S. Paul. Mais nostre Seigneur luy a faict grace en l'appellant à son seruice. De moy si ie regarde seulement à ma force & que ie ne sois preuenu de la grace de Dieu ie demoureray tousiours au seruice du monde & ne mettray point peine de chercher, & trouuer Dieu, nostre Seigneur Iesus Christ. Et pource Dieu par sa bõté, & misericorde il preuient l'homme, cõme vous voyez qu'il a preuenu S. Paul, combien que S. Paul n'y pẽsoit pas, car il se rendoit indigne par ses actes d'estre seruiteur & amy de Dieu. Dieu de sa nature il hait peché: parquoy l'homme qui offense Dieu & peche, il se rend indigne d'estre au seruice de Dieu. D'autres s'en rendent capables, cõme le Centurion qui se rendoit capable de cognoistre & entẽdre nostre Seigneur Iesus Christ par ses bõnes euures, par ses prieres & aumosnes faictes en Dieu il vsoit bien de son naturel. Parquoy combien qu'au parauant il ne cogneut nostre sauueur Iesus Christ: il s'est neãtmoins rendu digne de le cognoistre & entẽdre, & d'auoir la foy par ses bonnes euures que Dieu luy inspiroit faire & a esté mis au seruice de nostre Seigneur Iesus Christ. Et l'accès à Dieu, c'est la foy avec les bonnes euures. Le Centurion donc faisoit de bõnes euures, & ne luy restoit sinon d'auoir la foy de nostre Seigneur Iesus Christ pour estre sauué. Parquoy Dieu l'enuoya à S. Pierre qui luy enseigna ce qu'il deuoit croire & faire pour son salut. Il auoit demandé d'estre illuminé: à raison dequoy Dieu l'a exaucé en sa priere. Il est certain que celuy qui se dispose au seruice de Dieu, il y sera mis, celuy qui faict de bonnes euures selon la lumiere naturelle que Dieu luy a donnée, & demande de seruir & plaire à Dieu, indubitablement Dieu se mōstrera à luy. Car il dir: *Petite & accipietis.* Il se fault *Matt. 7.* disposer & se conuertir à Dieu, & il se conuertira à nous. *Cōuertimini ad me (inquit Dominus) & ego cōuertar ad vos. Zacha. 1.* Nostre Seigneur donc se monstre à ceulx qui se rendent dignes & capables de luy. Nous auõs de *Eunucho cādaci Regine* qui auoit affection d'entendre la verité. Et com-

Dimenche

me il estoit en son chariot Dieu luy enuoya saint Philippe diacre qui luy euangeliza Iesus Christ. Il fut baptisé par luy. Et puis fut sauué. Les Theologiens disent. *Faciendi quod in se est Deus non denegat suam gratiam.* Quand quelqu'un fait son deuoir & ce qui est en soy, Dieu luy donne sa grace. Cela est fondé en la bonté de Dieu. Il est si bon qu'il ne denie point sa grace à celuy qui la luy demande. Et encores il est si bon qu'il prend vn homme lequel de toute sa force recule d'estre mis à son seruice. D'autant plus doncques se fault il asseurer que celuy qui fait son deuoir de seruir à Dieu que Dieu le prendra. Voyla monsieur saint Paul qui actuellement persecute l'Eglise, mais c'est par ignorance: c'estoit vn euure par lequel

Si Dieu fait du tout il se rédoit indigne de la grace de Dieu. Et neantmoins en cest acte derogeant au seruice de Dieu, Dieu qui ne la demande, com- l'appelle à soy & le constitue son seruiteur. Et si Dieu *mande, combien plus tost* la donnera-il à celuy qui la demande en se disposant? Dieu *à celuy qui ne* contrainct personne à son seruice, il y vient qui veult, *le prie & la* il enuoyera bien vne maladie, ou quelque autre aduersité, cōme fait le pere qui dōne de la verge à son enfant *demande?* pour le corriger & le faire prouffiter. Aussi Dieu enuoye de la vexation afin que l'homme se reconnoisse & sa faulte, & qu'il demande la misericorde de Dieu. Nostre Seignr Iesus Christ a rué mōsieur S. Paul par terre: il l'a auéglé par trois iours: doncques vous direz, qu'il l'a contrainct, non a. le vous demande, est-ce cōtraindre de dire. *Domine Act. 9.* *quid me vis facere? Quis es Domine?* Est-ce là parolle de cōtraincte? il est tout prest d'obeir. Il dit Seigneur que vous plaist-il que ie face? Dictes moy s'il vous plaist qu'il vous plaist que ie face, & qui vous estes. Je suis Iesus que tu persecutes, *O Mater Dei!* Voyla grand chose. Nostre Seigneur Iesus Christ donne aucunes fois des infirmités, des tentations & stimules pour faire ouurir les yeulx de la personne, mais il ne le fait pas par force. *Vexatio dat intellectum*, cōme au mauuais riche en enfer, mais il estoit trop tard. Manasses en tribulation il ouurit ses yeulx & recongneut sa faulte comme feist pareillement dauid disant, *Peccauit Domino.* Voyla Pharaon qui n'apas ainsi fait:

car il s'est endurcy aux playes, & afflictions que nostre Seigneur luy a enuoyées pour le faire retourner à luy. Doncques ce n'est pas matiere de mal d'endurer & auoir des tribulations & aduersitez. Mais les vns en vsent bien & en font leur prouffit & salut, & les autres en font le cōtraire. Sainct Paul en a bien vsé, & volontairemēt s'est mis au seruice de Dieu. Ceux qui sont venus à vnze heures ont autant que les premiers qui ont trauaillé tout le iour en la vigne. Et aucunes fois le dernier est mis par dessus les premiers, cōme vous voyez de saint Paul, lequel incontinent qu'il a esté venu il est transferé iusques au troisieme ciel: & nostre seigneur s'est demōstré à luy, sa diuinité, sa nature & diuine efficace: il a veu Dieu ainsi qu'il est. Peché ne nuist point quand on se retire en tēps & heure. Je voudrois pour l'amour de Dieu qu'apres que nous cognoissons nous perdre au seruice du monde que nous nous en retirissions, comme a fait saint Paul qui a dit: *Quid me vis facere?* Il en y a qui disent bien, ie me damne en telle compagnie & telle, & neantmoins ils ne s'en retirent, & ne s'amendent point, mais trainent tousiours leur lien apres eux: parquoy il ne sera pas besoing d'autre sentence contre eux à la mort. N'avez vous pas dit cela? *Ex ore tuo te iudico serue nequam.* Puis que nous entendons ce que Dieu veut, & neantmoins nous ne nous retirons point de nostre vice, c'est signe que nostre affection damnable y est. Nous n'ensuiuons pas monsieur saint Paul, lequel apres qu'il eust cogneu nostre Seigneur il fut incontinent conuerty à luy & à son bon vouloir, & plaisir: *Continuò non acquieui carni & sanguini.* C'est bien signe que le seruice de saint Paul qu'il fait à nostre Seigneur n'est pas fait par contrainte. Ignorance diminuë le peché: *Ignorantia inuincibilis non est culpabilis*: comme si apres auoir fait mon deuoir i'ignore quelque chose, ceste ignorance ne m'est pas coupable. Il y a vne autre ignorance qui n'excuse pas du tout, mais en partie, comme quand monsieur saint Paul a eu horreur & desplaisance de sa premiere condition: il a monstré par cela qu'il auoit peché par ignorance. Et quand il a cogneu son peché il a cessé de mal faire. Pha-

Acto. 9.

Luc. 19.

Gal. 1.

Dimenche

raon auoit des interualles aux afflictions & playes que Dieu luy enuoyoit, & pour la vehemence qu'il en sentoit, il disoit bien que Dieu est iuste, mais il ne s'amen-
doit pas pourtant. Il en y a aussi qui ne resident pas sur leurs benefices, combien qu'ils n'ayent cause raisonna-
ble d'en estre absens, & cognoistront bien qu'ils sont mal, c'est vne sentence contre vous & vn iugement: par-
quoy retirez vous. Et l'autre dit: i'ay tant de peine mes-
mes quand ie dis la messe. Oste toy de ceste peine, & re-
signe vn benefice si tu en as deux, ou le tout si tu ne te
peux rendre cappable pour en tenir. Il fault mourir, &
estre eternellement sauué ou damné. Ce n'est pas ieu de
petis enfans: parquoy il y fault penser. Pensez combien
sainct Paul aimoit son maistre, quand il a entendu que
c'estoit Iesus qu'il persecutoit. Iamais ne seruit au mon-
de de si grand courage comme il a fait nostre seigneur
Iesus Christ. Il n'a point dit: ie confereray avecques mes
parens & leur demanderay conseil si ie dois suivre Iesus
Christ ou non. *Sed continuo (inquit) non acquieui carni &*
sanguini: hoc est non contuli cum carne & sanguine. Quand il
est question de se mettre au seruice de Dieu, soyons
prompts & ne prenons point d'excuse. Il est escrit en l'E-
uangile que nostre seigneur Iesus Christ dist à vn adole-
scent, *Sequere me*, & il respondit, *Domine, permitte me pri-*
mum ire, & sepelire patrem meum. Iesus autem ait ill.: *Seque-*
re me, & dimitte mortuos sepelire mortuos suos. Quand Dieu
appelle, il fault aller & tout quitter: *Quia est opus pium:* il ne
fault point trouuer d'excuse. Vn autre dist à nostre Sei-
gneur: *Sequar te domine, sed permitte me prius renunciare his*
qui domi sunt. Et nostre Seigneur luy respōdit: *Nemo mit-*
tens manum suam ad aratrum, & aspiciens retro se aptus est re-
gno Dei. Mōsieur sainct Paul n'a pas ainsi fait: *Continuo*
non acquieuit carni & sanguini. Incontināt il s'est osté du
seruice du monde, il s'est despouillé pour se mettre au
seruice de nostre seigneur Iesus Christ, il est venu à vnze
heures, & le dernier comme vn abortif, duquel on n'espe-
roit point la vie, & qu'il deust porter & soustenir le nom
de Dieu, de nostre seigneur Iesus Christ, comme il dit:
Novissimè autem omnium tanquam abortiuo visus est & mi-

Galat. 1.
Matth. 8.
Luc. 9.
Galat. 1.
Cor. 15.

hi. Et ou l'a mis nostre Seigneur apres que par sa grace il s'est ainsi apparu à luy ? Il l'a mis en paradis, comme dit monsieur saint Paul en l'epistre du iourd'huy: *Scio hominem in Christo ante annos quatuordecim (sive in corpore vel extra corpus nescio: Deus scit) raptum huiusmodi usque ad tertium calum.* Il a esté raui iusques en paradis, & a ouy des secrets qui ne sont pas à dire aux hommes, à cause de leur imbecilité & incapacité. Mes amis vous voyez qu'il n'a rien nuy à monsieur saint Paul d'auoir esté amy & seruiteur du monde par quelque temps. Car depuis qu'il a esté mis au seruice de Dieu, de nostre Seigneur Iesus Christ, il a esté le plus grand: non pas en degré, car saint Pierre est le chef de l'Eglise sous Iesus Christ, & chacun est tenu luy obeïr. Nostre Seigneur luy a dit: *Pasce oues meas: item, tibi dabo claues regni calorum.* Particulièrement il a dit à saint Pierre: Je te donneray les clefs du Sainct Piere royaume des cieux, c'est la plenitude de puissance en l'Eglise de Dieu. En signe de puissance on donne les clefs l'Eglise sous Iesus Christ. *Tibi dabo claues regni calorum.* Et par ainsi saint Pierre est plus grand quant au degré. Et saint Paul quant au labeur, comme il dit: *Plus omnibus laboraui.* Doncques pour auoir seruy au monde, il ne nuist point pourueu qu'on se repente en temps & heure. Ouy mais ie crains que Dieu ne me vueille pas receuoir. Vous luy faictes tort & iniure de dire cela. Si vous luy offrez vostre cuer par bonne affection il vous receura, & il ne seroit pas Dieu s'il le faisoit autrement, car il a promis de le faire ainsi. Ouy mais il y a si long temps que ie ne fus à confesse, combien que ie l'ay tant offensé: comment est il possible que ie face vraye & entiere confession ? Il est bien vray qu'il est impossible quant à vous, mais si vous mettez vostre confidence & espoir en Dieu le createur, en regardant son bon vouloir, & qu'il est tout puissant pour vous aider, vous transferez les montagnes, & les arbres. Disposez vous, & vous serez au seruice de Dieu, comme dit monsieur saint Paul. Quand vn seruiteur est faict de la main de son maistre, son maistre le regit plus facilement que ne feroit pas vn autre maistre, & est plus fa-

I. Cor. 15.

Dimenche

cile d'un petit que d'un grand. Ce n'est pas ainsi de saint Paul : car il estoit desia grand & adult, quand il a esté cōuert au seruice de nostre Seigneur, & auoit ia seruy à vn autre maistre, c'est à sçauoir le monde, la chair. Il ne dis pas qu'il ait esté luxurieux, mais il estoit adonné au monde, en se glorifiant en la chair, & aux eures de la chair, aux mondanitez comme les autres Iuifs, & dez sa ieunesse il auoit estudié, *Ad pedes Gamalielis*. Il est bien difficile d'oster & arracher vne accoustumance & assuefaction, comme dit Aristote (s'il le fault icy alleguer.) *Consuetudo est altera natura*. Vne coustume equipolle à vne seconde nature. Et nonobstant tout cela, quand nostre Seigneur Iesus Christ est venu à saint Paul, il luy a fait oublier tout ce qu'il auoit appris pour le faire son seruiteur : il en veut faire vn homme de sa main. Saint Paul a esté fait aussi parfait au commencement du seruice de Dieu, comme s'il y eust esté nourry dez sa ieunesse, & toute sa vie. Dieu l'a ainsi fait de sa main. Celuy qui regarde droit le soleil, il a les yeux si eblouis qu'il ne en peult veoir. Aussi quand saint Paul est entré au soleil, au ciel, à la diuine essence, toute sa premiere cognoissance luy a esté ostée, il a perdu sa premiere lumiere, & a esté fait auetgle par trois iours. Dieu luy fit tout oublier, & en fit vn homme parfait, en sorte qu'il ne dit rien que de la profonde charité de Dieu le createur. Mes amis, il est impossible de bien seruir à vn maistre qui ne l'aime. Si on sert par contrainte, il ennuye tant que merueilles, mais qui sert par amour, iamais il ne s'ennuye, mais plustost se complait à seruir. Nostre Seigneur premierement a infondé charité en monsieur saint Paul, en sorte qu'il est impossible de le separer de la charité de Dieu. Il dit : *Charitas Dei diffusa est in cordibus nostris*. Saint Paul se propose estre comme en vn champ de bataille, & dit que nulle creature le peult separer & dimouoir de la charité de nostre Seigneur. Pour bien seruir, il fault auoir amour & charité. Laquelle ne s'ennuye iamais, mais se delecte, & prend plaisir à seruir quelque tra uail qu'il y ait. Nous cognoissons la grande & indicible charité de nostre Seigneur en ce qu'il luy a pleu de nous

Si on sert
par contrain
te il ennuye
fort.

Rom. 5.

donner sa precieuse chair & son precieux sang, & mourir pour nous. Ce seroit grand chose si le pere donnoit sa chair à son enfant pour le nourrir. Et nous voyons que les meres à grand peine veulent elles nourrir leurs propres enfans de leur lait. Et nostre Seigneur nous aime tant, comme les vrais enfans adoptifs, qu'il luy plaist de sa grace & bonté de nous nourrir de sa precieuse chair & de son precieux sang, pour nous tousiours entretenir en sa grace, & nous donner finalement vie eternelle. On ne pourroit trouuer vn plus grand tesmoignage d'amour: *Maiores charitatem nemo habet quam ut quis ponat animam suam pro amicis suis.* Si doncques la mort & passion de nostre Seigneur est le plus grand tesmoignage d'amour qu'il nous porte: aussi le plus grand tesmoignage qui monstre que i'aime Dieu, c'est que ie laboure pour luy de bon cueur sans me plaindre à l'exemple de saint Paul. Vous voyez qu'un seruiteur rache de cognoistre le vouloir & la condition de son maistre, c'est la premiere chose qu'il fait quand il vient en la maison de le servir. Qui sert par amour, il ne craint point d'estre batu, mais il craint de desplaire. Saint Paul est mis au seruice de Dieu. Qu'est ce qui luy plaist? c'est vertu: & au contraire peché luy desplaist. Et pour ceste cause ie delibere plustost mourir, & qu'on m'arrache les yeulx de la teste, & le cueur du ventre que de consentir à mal, & pecher contre mon maistre, car ie crains auoir le mal contentement de luy, & estre priué de sa grace. Mais vous serez batu & persecuté: Il n'y a remede, i'en aime mieux endurer d'auantage, & tout ce que lon me pourroit faire & dire que d'offenser Dieu. La meilleure chose qui pourroit aduenir à l'homme en ce monde, c'est d'endurer pour nostre Seigneur en son seruice. Car tel n'endurera point en purgatoire. Apres nostre Seigneur ne veult point que ie prenne son nom en vain, car il fault seulement iurer, *in iudicio, in iustitia & veritate.* Le seruiteur qui a vn bon maistre, il ne fault pas qu'il se recommande à luy, il en a assez de soing, & pareillement le seruiteur n'a soing que de bien servir son maistre. Aussi si vous auez charité, vous ne penserez sinon que de

Ioan. 15.

*Vertu plaist
à Dieu, &
peché luy des
plaist.*

Dimenche

bien servir à Dieu. Voila mon contentement, ma retribution. Ainsi saint Paul en son service taschoit tousiours de cōplaire à son maistre: apres qu'il a ainsi esté enraciné en l'amour & au service de son maistre, il endure tout & de bon cueur pour luy: on luy ferme les portes de la ville, on luy fait mille maux. Ne vous en esmerueillez point, car comme dit saint Iean Chrysostome: *Magnæ tribulationes sunt comites magnarū virtutum*. Saint Paul qui a tant eu de vertus, a aussi eu beaucoup de tribulations. Il est eschappé par dessus les murailles de la ville de Damasque. Il dit: *Per fenestram in sporta demissus sum per murum, & sic effugi manus eius*: car il se fault reseruer pour vn meilleur bien. Et nostre seigneur Iesus Christ parlant de la persecution personnelle, il dit: *Si vos persecuti fuerint in vna ciuitate fugite in aliam*. Si vous voulez bien viure, vous aurez de la persecution. Le monde conspirera & courra sur vous comme sur saint Paul. Le monde luy a fait des maux innombrables pour le decourager du service de Dieu, mais tant plus il estoit fortifié en Dieu. Saint Iean Chrysostome dit vn bon mot: Tant plus l'homme endure, & est humilié du monde, tant plus le diable endure: car il endure tous les maux qu'il veult estre faits par l'homme: & l'ame est faite digne de Dieu de tant endurer, & ne point succomber comme saint Paul qui a tant enduré & n'est point succombé. Aucunesfois ses amys, les bons Chrestiens luy disoyent: Gardez vous vn peu, & ne prenez point tant sur vous. Et monsieur saint Paul leur dit: Et que faictes vous de tourmenter ainsi mon cueur? *Quid facitis fientes & affligentes cor meum? Ego autem non solum alligari, sed & mori in Hierusalem paratus sum propter nomen domini Iesu*. Car il y auoit Agabus prophete, lequel de sa ceinture auoit lié les pieds & les mains de monsieur saint Paul, en disant: *Virum cuius est zona hæc sic alligabunt in Hierusalem Iudei, & tradent in manus gentium*. Et le peuple, les gens de bien voyans cela ils vouloyent destourner monsieur saint Paul d'aller en Hierusalem. Et il ne s'en soucie point, car il desire grandement d'endurer pour son maistre Iesus Christ. Il ne se soucie que d'vne chose, c'est de

S. Chryso.

2. Corin. II.

Matt. 10.

Act. 21.

Act. 21.

faire seruice à son maistre . Pourueu que ie face bon seruice à mô maistre il ne me peult mal aduenir. Mais nous craignons vne mouche: Dauid auoit des ennemys, & luy estant ieune enfant il frappa Goliad d'une pierre. Sainct Iean Chrysostome dit. Si nous cōparons Dauid à sainct Paul, Sainct Paul n'a pas vsé de pierre, mais en parlant il a surmonté les diables, & le monde. Il sort du feu de la gueule d'un lyon: aussi de la parole de sainct Paul, il sortoit du feu. *Verbum igitur*, ce feu sortant de la parole de sainct Paul brusloit les diables & rengoioit les princes & Empereurs, Sainct Chrysostome dit que le tonnerre n'espouuente point tant les enfans que la parole de sainct Paul espouuente les diables, mesmes ses habillemens estoient espouuentables aux diables & au monde. C'est vn bō seruiteur que sainct Paul: il cherche & s'estudie du tout de cōplaire à son maistre. Sainct Iean Chrysostome dit qu'un martyr meurt seulement vne fois, mais sainct Paul a esté continuel martyr dés le commencement qu'il fut au seruice de Dieu. Amour fait beaucoup de choses. Sainct Paul aymoît tant nostre seigneur Iesuchrist qu'il luy disoit: Seigneur Dieu, vous puis-je faire quelque seruice? *Est Deus verax, omnis autē homo mēdax*. Dictes luy Seigneur Dieu, faictes moy quelque grace. Et que demādez vous: de vous seruir. Et si nous auōs ainsi nostre cueur, nous ne craindrōs point d'endurer à l'exēple de sainct Paul contre lequel on auoit cōiuré. Il estoit en tous dangers. Il y auoit de faulx prophetes semeurs de zizanie & de mensonges qui taschoient de diuer tir le peuple qu'il n'ouyst la parole de nostre Seigneur que preschoit môsieur sainct Paul. Ils se glorifient qu'ils sont Hebreux dit sainct Paul, aussi suis-je moy. *Habrei sunt & ego*. Ils sont ministres de Dieu & moy aussi, *Ministri Christi sunt (vt minus sapiēs dico) plus ego*. Je suis plus ministre de Iesuchrist qu'ils ne sont. Mais vous vous louiez sainct Paul: l'vtilité de l'Eglise le contraingnoit. Il dit les graces qu'il a, afin d'estre en estimation pour la parole de Dieu qu'il presche & annōce, afin qu'elle soit bien receüe. Si vous m'estimez vn larron, vn enuieux, & semblable, la parole de Dieu que ie presche moy indigne, n'en

Dimenche

seroit pas si bien prinse & receüe par vous. Et pourtant à cause que les meschants vouloient des-honorer S Paul, il se loüe, afin que la parolle de Dieu qu'il presche soit bien prinse & receüe. Et que faictes vous saint Paul plus que ceux là? Ie suis plus seruiteur de Dieu qu'ils ne sont, car ie suis en continuel labeur, en prison pour nostre seigneur, & ils n'y furent iamais vne fois pour l'honneur & charité de Dieu. *In carceribus abundantiùs in plagis supra modũ.* I'ay tât de playes, & de naureures. *In mortibus frequenter.* Et souuent ie suis en dâger de mort. *Aiudais quinquies quadragenas vna minus accepi:* I'ay esté affligé par cinq fois quarâte coups, vn coup moins: car ils n'osoïent passer outre de peur de faillir, & n'en dõnoient que trēteneuf: *Ter virgis casus sum,* & il a esté fessé au cul de la charette cõme les larrons. Et on luy faisoit tout cela pour le detourner de Dieu: car il n'auoit point eu cela au monde auât sa conuersion. Escoutez, n'auoir point d'affliction & de tribulation au monde, c'est la plus grande affliction & tribulation qui soit: mais auoir de la tribulation au seruice de Dieu, c'est heur & felicité, c'est paradis. Et comme dit saint Iean Chrysostome. *Est ampla merces, ampla retributio.* On dit, ô que cestuy là est heureux, qu'il meure quãd il voudra, ses enfants sont pourueuz: il n'a point d'aduersité, il est en grace & faueur des grands, il sort & entre, il en taille par tout ou il veult. Mes amis c'est malheur & infelicité que d'auoir tous ses souhaits & desirs, c'est grande angustie de n'auoir point d'angustie & de tribulation. Et c'est vn signe d'electiõ, que tribulatiõ, & le chemin de paradis. Et ceux qui ont de la tribulation soit hors ou dedans au lieu de se contrister, ils se doiuent reiouyr & penser, ie suis en la voye de paradis. Il n'y a dõcques pas cause de me contrister, si ie ne suis pas esgaré & fouruoyé. & ie suis au bon chemin moy estant en tribulation: Car *omnes qui piẽ volũt viuere in Christo Iesu persecutiõnem patientur.* Ouy, mais ie l'ay bien merité, c'est encores mieux, car ce grand mal, & grande tribulation c'est vn iugement de Dieu de n'estre point puny en ce monde pour son peché. Il en y a qui ont bien merité d'estre puniz & penduz qui ne le sont pas. Mais c'est la plus gran-

2. Corin. II.

2. Cor. II.

S. Chrysosto.

2. Timo. 3.

de tribulation que la faulte d'une personne soit inconnue. Tel est heretique & semblable lequel s'il estoit connu par aventure que par terreur de la peine il recognoistroit Dieu, & confesseroit son erreur & sa faulte & seroit sauué. Voila doncques saint Paul en la maison de Dieu, & en son service. Et ainsi qu'une enclume tant plus on frappe dessus, tant plus en est elle plus forte: aussi saint Paul est fortifié par tribulation, comme il dit: *Cum infirmor, sum fortior*. Saint Iean Chrysostome dit en saint Paul *Est coryphæus sanctorum*. Il mene le branle. Sçavez vous bien que c'est que saint Paul? c'est le soleil de tout le monde. C'est grande charité à saint Paul qu'il est mort pour nostre seigneur. Outre cela il dit. *Præ-* 2. Cor. II.
ter illa quæ extrinsecus sunt, instantia mea quotidiana sollicitudo omnium ecclesiarum. Il avoit soing de toutes les Eglises. Voila le corps de saint Paul, c'est tout le temple de Dieu: il portoit en soy toutes les infirmités du monde. Il dit, *Quis infirmatur, & ego non infirmor? Quis scandalizatur* 2. Cor. II.
& ego non rror? Il compatit & souffre bien avec son prochain. Quand aucun estoit empesché & scandalisé, saint Paul bruloit, luy estant à Athenes, il pleuroit pour la faulte d'autrui, son esprit en estoit plus irrité, que s'il eust esté mis au feu. Il preschoit & enseignoit les Corinthes parquoy ils estoient tenus de le nourrir & entretenir come un bon ouvrier, & ils ne le faisoient pas. Et aussi il ne vouloit rien prendre d'eux, à raison de leur tenacité & avarice. Mais ils donnoient aux faux prophetes: desquels S. Paul dit: *Libèter enim suffertis insipientes, cum sitis ipsi sapientes* 2. Cor. II.
Sustinetis enim si quis vos in servitutē redigit, si quis deorat, si quis accipit. Ceux qui leur faisoient hôte & dommage ils les receuoient. Aujourdhuy cela se fait. Un heretique sera plustost mis hors de prison que celui qui ne tient que pour debte, ou pour le geolage, n'est-ce pas grand peché que cela? Et ils nous appellent caphards, mais eux mesmes sont caphards, englueurs. Les oyseaux sont engluez par les ailles: on met quelque chose pour l'amorce, ils viennent pour penser manger & ils sont pris à la glus, & les poissons à l'hamesson: Aussi un englueur un embabouneur, il cache le venin: L'heretique sous couleur de bien

Dimenche

Rom. 16.

il presche , & enseigne faulseré & heresie : & puis qu'il ne dit la verité qu'à demy, c'est vn englueur, vn caphard.

1. Corin. 11.

Sainct Paul dit de telles gens : *Per dulces sermones seducunt corda innocentium*. Ils sont de petits dieux sur vne pelle. Et puis on dit: O qu'il dit bien, & le soustiendront. Et saint Paul reproche cela aux Corinthiens disant, *Sustinetis enim si quis vos in seruitutem redigit*. Vous soustenez ceux qui vous mettent & redigent en seruitude: *Si quis in faciem vos cedit*. Si quelqu'un vous frappe en la face, c'est à dire, s'il vous fait iniure, en vostre presence vous le soustenez: Car les faux prophetes leur disoient des iniures en leurs presences , & les desprisoient pource qu'ils auoient creu aux Apostres, à saint Paul, & à saint Barnabé, les Corinthiens estoient patients en cela. Et saint Paul les appelle docteurs de folie. *Libenter suffertis insipientes, cum sitis ipsi sapientes*. Ce sont les heretiques. Je suis esmerueillé comme vous vous mettez en telle subiection & seruitude,

2. Corin. 11.

veu que vous estes appelez en liberté chrestienne, c'est de ne point seruir à peché. Sainct Paul est grandement digne que l'on parle de luy, car toute sa gloire est de Iesus Christ. Et en parlant de la gloire du seruiteur, on parle de la gloire du maistre. Dieu nous donne sa grace en ce monde, & la vie eternelle. Amen.

Autre sermon du Dimenche de la Sexagesime.

Luc. 3.

Q*ui habet aures audiendi audiat. &c.*
Quand on apporte à quelqu'un des nouuelles qui sont bones il fault qu'il soit attétif à les escouter, il se resioüy de les receuoir: de tât plus que la matiere est vtile de tant plus doibt il estre attentif. S'il est question d'une matiere tēporelle, l'hōme si employe du tout, il ne dort pas. Par plus forte raison s'il est question d'une affaire spirituelle, du salut de l'ame, il fault que l'homme laboure & qu'il soit attentif à ce qu'il cognoist estre bon & expedient à son salut. Et pourtant que Iesus Christ qui
est

en nostre Sauueur, & qui a entrepris de no^s sauuer, no^s veut parler d'une matiere qui concerne nostre salut, & appartient à l'ame, nous y deuons estre bien attentifs. Il nous incite à bien escouter les nouuelles qu'il nous apporte. Et pourtant il dict en nostre theme. *Qui habet aures audiendi, audiat.* Celuy q^a des oreilles pour escouter qu'il escoute. Côme s'il disoit, soyez attētifs à ce que ie veulx dire pour vostre bien & salut, car il n'est pas question du corps, des biēs temporels, mais de l'esprit, du salut de l'ame. Quād Dieu a voulu dire quelque chose difficile, il a fait au parauant vne monitiō, & exhortatiō pour rēdre les auditeurs attentifs, comme quand il parle de chasteté qui est vne chose difficile à garder de nous cōme de no^s, il dict. *Non omnes capiunt verbū istud, sed quibus datū est: & qui potest capere capiat.* Il y a bien à faire à viure en ce mōde cōme les anges, car nostre nature est toute corrōpue. Toutesfois quiconque fera son deuoir d'inuoker la grace de Dieu, il le pourra faire. Et pourtāt qu'il est difficile à faire, il dict au parauant en nous admonnestant. *Non omnes capiūt verbum istud.* Et auourd'huy il a proposé vne parabole à ses disciples, c'est de la semence. Et auant que de la declarer il a dict: *Qui habet aures audiendi, audiat.* Quelles oreilles fault il auoir pour ouir & escouter la parole de Dieu? Il y fault des oreilles spirituelles, & nō pas corporelles. Nostre Seigneur a dict: *Verba quæ ego loquor vobis, spiritus & vita sunt.* Mes parolles sont la vie de l'ame, & de l'esprit. Puis q^l les parolles de Dieu sont parolles de l'esprit & de vie, il les fault doncques ouir & entēdre spirituellement. En la parole spirituelle l'hōme sensuel n'y entēd rien: il nous fault dōcques estre spirituels, & ouir la parole de Dieu cōme dict le psalmiste. *Audiā quid loquatur in me Domin⁹ De⁹.* I'erigeray les oreilles du cueur pour escouter la parole de Dieu. Les Iuifs oyoient bien la parole de nostre Seigneur: mais ils n'y entendoient rien, car ils estoient charnels: *Et animalis homo non percipit quæ Dei sunt.* Mais les Apostres & gens de bien & spirituels l'entēdent bien: *Quia spiritualis homo omnia di-indicat.* Ainsi que celuy qui a bon goust il iuge bien d'une chose, d'une viande, d'un bon vin, mais nō pas un ma-

Matth. 19.

Matth. 19.

Ioan. 5.

Psal. 84.

1. Corint. 2.

1. Corint. 2.

Dimenche

lade, qui iugera vne bõne chose estre de nulle valeur. Aussi l'hõme charnel iugera vne bonne chose estre mauuaise, & vne mauuaise estre bonne: il dict le mal estre le bié, & le bien estre le mal. Et qu'il soit ainfi, regardõs nostre Euangile qui dict que les richesses sont espines, & le mōdain dict le cõtraire. Il trouue grãd plaisir à iouer toute vne nuit, à dancer tout vn iour. Et Dieu dict de cela, que ce sont espines. Le mondain dict que penser au iugemēt de Dieu, ce sont espines, de pēser à la mort, qu'on n'a iamais bien ne ioye, ny de penser à ses pechez pour en faire penitence, ce sont espines, dict le mondain. Et Dieu dict au cõtraire, que ce sont choses plus douces que miel. David dict: *Memor fui iudiciorũ tuorũ, & cõsolat⁹ sum.*

Psal. 118.

Eccl. 7.

Seigneur Dieu, ie ne trouue point de cõsolation en mon esprit, sinon quand ie pense à vostre iugemēt. *Memorare nouissima, & in eternum non peccabis.* Souuienne toy de la mort, du iugemēt de Dieu, des peines d'ēser, & des ioyes de paradis, & iamais tu n'offenseras. Et le mondain dict, que ce sont espines. Regardez donc cõme le iugemēt du monde est bien cõtraire au iugement de Dieu. Voyla les deux parties, il en fault suivre vne: vous auez à choisir. Et pourtant gardez d'ēlire la pire. Quand Iesus Christ parloit de la mādication de son precieux corps, les Iuifs qui estoient mōdains disoient, *durus est hic sermo*, mais le bon chrestien dict: *Verba vite aeterna habes.* Si on me reprend & argue de mes faultes, & ie sois marry qu'õ me reprēd,

Ioan. 6.

*Pour estre
spirituel il se
faut humili-
er.*

ie suis mōdain. Que fault il donc faire? il fault estre spirituel, & pour l'estre il se fault humilier. Le mondain ne se veut humilier, & ne veut endurer de personne: & par ainfi il demeure en sa charnalité: il est animal, il ne goustē riē des biēs de l'esprit. Il dict que cela est trop rude de s'humilier deuant vn plus petit que soy: Mais le bõ chrestien trouue cela plus doux que miel, & la parolle de Iesus Christ est plus sauoureuse q̃ sucre. Mais le mondain n'y veut entendre, & ne peult pas, car il ne veut. Quād Iesus Christ demāda à ses disciples s'il s'en vouloient pas aller comme les autres. S. Pierre respondit. Seigneur Dieu, ou irons nous pour mieux auoir? voz parolles ne sont que vie & esprit. Il n'y a chose au mōde que l'hõme demande

plus que de viure, & le mōdain ne veult ouir parler de la vie spirituelle. Toy mōdain sçais tu pas biē que tu ne seras pas tousiours en ce monde? Et pourtāt cherche la vie eternelle qui ne finera iamais. En ce monde les seruiteurs dient qu'ils ont le meilleur maistre du monde, quand il les laisse chopiner, iouer, & folastrer à toutes heures. Et cestuy là à la verité est vn mauuais maistre, car il se damne en laissant damner ses seruiteurs par faulte de les reprendre. Mais s'il les reprend à toutes leurs fautes, ils disent que c'est le plus mauuais maistre, le plus difficile, & le pl⁹ chagrin qu'o pourroit trouuer, *O Mater Dei*, c'est le bon maistre, car il sauue vostre ame. Escoutez que dict nostre sauueur Iesus Christ: *Eslo cōsentiēs aduersario tuo ci-* *Matth. 6.*
to dum es in via cum eo, ne tradas te iudici, & iudex tortori.
 Toy mōdain, qui est ton aduersaire? Est-ce pas la parolle & la doctrine de Dieu qui te dict, que tu faces penitence, que tu restitues ce que tu as d'autrui, que tu delais ses pompes? Consents à luy ce pendant que tu es en la voye, en ce monde, auquel tu peux meriter ou demeriter, afin qu'il ne te presente au grand iuge, lequel (si tu es trouué cōtraire à l'Euangile & à la loy de Dieu) te liurera au bourreau d'enfer: auquel lieu d'enfer tu auras tousiours grissement de dents, & des peines & gemissemens indicibles. Et pourtant, ce pendant que tu es encores en ce monde, consens à l'Euangile. Quand tu fais quelque chose contre la doctrine de Dieu, elle est ton aduersaire. Et pourtant il fault que tu consentes à elle ce pendant que tu es en ce monde. Dieu est nostre aduersaire quand il nous enuoye de bonnes inspirations qui sont contraires à nostre sensualité & affection priuée & charnelle, à nostre mauuaise & damnable volonté. Il fault alors consentir à luy: car c'est pour nostre grand bien & proffict, mais nous ne le cognoissons pas: comme l'enfant ne cognoist pas que ce soit pour son grād bien & proffict que son pere le punist & corrige. Et nous sommes tous comme petits enfans en ce monde. Prenons doncques toutes aduersitez qui nous aduiendront, comme venants de la main de Dieu: car, qui bien aime, bien chastie. C'est vn grand signe d'amour de Dieu enuers nous quand il nous

Dimenche

Heb. 12.

enuoye des tribulations & aduersitez: *Nā flagellat omnem filium quē recipit.* Ce pendant donc que nous sommes en ce mōde, cōsentōs à Iesus Christ, à la sainte parolle afin qu'il ne no⁹ mette en prisō. Et voyla q̄ dict Iesus Christ, que les mondains sont contraires à luy, que les richesses de ce monde sont espines. Et neantmoins nous ne le voulōs pas croire. S. Grego. en l'homelie du iourd'huy dict: Si ie vous disois que les richesses de ce monde sont espines, vous ne le voudriez pas croire, cōbiē qu'à la verité ce soyēt espines, car ainsi les a interpretées Iesus Christ, & vous ne le voulez pas croire. Cōment donc m'en croirez vous? Iesus Christ les appelle espines, pour ce qu'elles piquēt l'ame à cause de la fin qui s'en ensuit, qui sont regrets à iamais. Et aussi en ce mōde elles trauaillēt les auaricieux, car ils ne font que trauailler iour & nuit pour en auoir, & iamais n'en ont assez. Et quād ils en ont, ils ont peur de les perdre. Et si on les leur desrobbe, ils en perdēt le sens & entēdemēt. Et par ainsi ce sont de merueilleuses espines, qui tourmentēt à iamais, tāt en ce monde qu'en l'autre. La chose qui me doit bien tourmēter, c'est que ie n'ayme pas tant Dieu come ie voudrois. Et il me semble que sont espines, & non sont, car elles sont tournées en miel. Voulez vous auoir vn bon tourment? ayez vouloir & desir de faire le biē que vous ne pouuez faire. Tu es adōné à gourmandise, ieusne, & si tu ne peulx ieusner sois en triste, & voyla vn bō tourmēt. Dictes avec S. Paul: *Vellet mihi adiacet, perficere autē bonum nō inuenio:* L'ay bō vouloir: mais ie ne le puis mettre à executiō, dequoy ie suis marry, & en crie disant. *Infelix ego homo, quis me liberabit de corpore mortis hui⁹?* Qui sera-ce qui me deliurera de ces fascheries, & me fera ce biē q̄ la sensualité obeisse à raison? certes ce sera la grace de Dieu, la loy de ma chair est contraire à la loy de mō esprit, & ie ne l'ensuis pas, & voyla qui me tourmente comme S. Paul en estoit tourmētē, & pourtant il en est loué à present. L'homme spirituel qui voit le bon chrestien qui endure pour Iesus Christ, il le loue, mais les mōdaīs disēt qu'ils en ont grād pitié. Certes c'est vn grād biē, & vne grāde grace de dieu q̄ d'édurer pour Iesus Christ, de no⁹ iuger nous mesmes.

Rom 7.

Rom. 7.

La loy de la
chair est con-
traire à la
loy de l'es-
prit.

Et c'est le tourment qu'il dict que nous deuons auoir.

Quod si nos iudicemus, nõ vtique à Domino iudicemur. Si 1. Corin. 11.

no^r regardiõs noz faultes, & cõtre qui nous auõs offesé, nous gaigneriõs facilement Iesus Christ en nous iugeãt nousmesmes. Si i'ay vne affection d'enuie sur mon prochain, ie la dõteray bié, car ie prieray incessammét pour luy, & cõtre mon affection ie desireray son bié. I'ay voulu mal à vn tel, & ie chercheray son proffit. Vn tel est mõ ennemy: ie m'humilieray, & feray pour luy cõme le cheual pour l'esperon. Et voyla gagner son prochain (*Si pro quia*) i'ay mal vescu le temps passé, ie regarderay en quoy c'est, & m'efforceray de toute ma puissance de faire bié tout au cõtraire du mal que ie faisois. Et c'est ce que dict

S. Paul: *Sicut exhibuistis mēbra vestra seruire immunditie &* Rom. 6.

iniquitati ad iniquitatē, ita nūc exhibete mēbra vestra seruire iustitie in sanctificationē. I'ay adõné mes membres à faire

des eures meschantes, maintenant ie les mettray au ser uice de Dieu. Et cela est tāt doulx de seruir à Dieu. Vous me direz: fault il tousiours estre ainsi, tousiours endurer telle peine? Certes ouy: mais ne t'arreste pas à la peine q̃ tu endures, mais regarde au bien & proffit que tu en auras. La chose te semble elle estre dure & difficile quād tu vois le loyer estre plus grād sans cõparaison que la peine que tu endures? Et pourtāt. *Qui habet aures audiēdi, audiat.* Luc. 8.

Escoutez des oreilles du cuer afin d'estre spirituels. Et fault prier le benoist S. Esprit qu'il esmoue nostre cuer à bié entēdre: car si le S. Esprit ne laboure en vostre cuer pour vous faire entendre ce que ie dis, ma langue a beau se demener pour vous enseigner: car elle n'y fera rié sans la grace du benoist. S. Esprit. Pour laquelle obtenir nous nous retournerons par deuers la glorieuse vierge Marie mere de Dieu en disant deuotement. *Aue Maria, &c.* Il

faut entendre, ainsi que Dieu le nous donnera, la parolle de Iesus Christ, laquelle il propose à ses disciples quād il dict, *Exiit qui seminat seminare semen suū.* Le grād semeur est sorty pour semer sa semēce, c'est Iesus christ. La semēce c'est l'euāgile, la parolle de Dieu, laquelle est la nourriture de l'ame, & saviāde qui la nourrit. Et ainsi il a dict.

Matth. 13.

Non in solo pane viuit homo. L'hõme ne vit pas seulement Matth. 4.

Dimenche

Psal. 101.

de pain materiel, mais la refection de son ame c'est la parole de Dieu, sans laquelle elle ne peut viure, elle est seiche comme bois à brusler quād elle n'a pas la parole de Dieu pour se refectionner, comme dict David. *Aruit cor meū quia oblitus sum comedere panem meū.* Je suis demeuré tout sec, car i'ay oublié à manger mon pain. Si l'homme ne mange, il deuient tout sec. Ainsi est il de l'ame quand elle n'a pas la parole de Dieu, qui est sa viāde. Je suis tētē de desfiāce, qui me releuera? la parole de nostre Seignr qui dict. *Spera in domino & ipse te enutriet: quia spes non confundit, & spe salui facti sumus.* Je suis tētē d'orgueil, de vaine gloire. Qui me reduira au chemin de salut, d'humilité? Ce sera la parole de Dieu, qui dict que Dieu donne sa grace aux petis & humbles. Je suis trop pusillanime: i'ay peur d'estre dāné pour la multitude de mes pechez que i'ay commis: Qui me confortera? la parole de Dieu, qui dict q̄ Iesus Christ est venu pour sauuer les pecheurs, & qu'il est mort afin qu'ils ne soiēt damnez. Je suis presumptueux, & ay si grāde fiāce en la misericorde & bōté de Dieu, que ie pechie à tous propos: & qui me retirera? la parole de Dieu, qui dict que Dieu est iuste iuge, & qu'il rendra à vn chacun selon ce qu'il aura meritē. Et pourtāt il le fault craindre, car avecques ce qu'il est misericordieux, il est aussi iusticier. Et voyla comme la parole de Dieu est vtile à toutes choses. *Nam omnis scriptura diuinitus inspirata utilis est ad docendum, ad arguendam, ad increpandum, ad erudiendum in iustitia.* S'il est questiou d'enseigner, d'arguer, de remōstrer, & reprendre, vous trouuerez tout en la sainte escripture, qui est la viande del'ame. Laquelle viande est representée par la manne que les Iuifs auoient au desert: laquelle auoit tout goust: Aussi vous trouuez tout ce que vous voulez en la sainte escripture. A celuy qui est mondain elle semble dure, mais à celuy qui aime Dieu elle semble douce, & selon nostre vouloir nous la trouuons. Douc ce semeur c'est nostre Seigneur Iesus Christ. La semence, c'est la parole de Dieu. Le champ c'est ce monde, auquel est semée ceste semence. Qu'est il aduenü de ceste semence? elle a esté semée en diuers lieux. Ainsi que le semeur ne sème pas

Psal. 54.

Rom. 5.

Rom. 8.

1. Timot. 3.

tousiours en bonne terre, mais souuentefois dehors & sur la pierre, dedans le chemin, & entre les espines: aussi ceste semence est tombée en quatre lieux, & n'y a qu'une partie qui face fruit. En ce, nostre Seigneur demonstre qu'il y a quatre manieres de gens qui reçoivent la parole de Dieu. Aucuns oyent la parole de Dieu & la reçoivent; neantmoins ne font point de prouffit, car les oiseaux du ciel; c'est à dire les diables viennent qui mangent ce qui est semé sur le chemin, c'est à dire ils ostent la parole du cueur ou elle est iectée, & le font afin que ceux qui l'ont ouye ne la facent prouffiter pour paruenir à salut. Les seconds oyent volontiers & ioyeusement la parole de Dieu, & les sermons, mais ils ne perseuerent pas à ce qu'ils ont ouy en la mettât en effect, à raison qu'ils n'ont point d'humour de bonne deuotion & charité en nostre Seigneur, parquoy la parole de Dieu ne prend point de racine en eux, & par ainsi ils ne fructifient point. Et tels qui reçoivent ainsi la parole de Dieu sont gens de bien quand on ne leur fait ne dict rien, mais à la premiere tentation qu'ils ont, ils succombent, & ne perseuerent pas en leur bon propos. Que me profite-il d'estre Chrestien, si ie ne perseuere en la religion, en l'estat de Chrestien? Que me profite-il d'estre prestre, si ie ne garde ma reigle, ma dignité de prestre? Tels sont bons Chrestiens quand ils n'ont point d'aduersité, & contrariété, comme estoient les Apostres qui suiuoient nostre Seigneur, mais quand ils ont veu qu'on le tenoit pour mettre à mort, ils s'en sont tous fuis. Les tiers qui reçoivent la parole de Dieu sont signifiez par la semence qui tombe entre les espines, lesquelles l'ont suffoquée. Les espines ce sont les afflictions de ce mode. Je me sens en vne facherie & aduersité, & ie ne tiens pas bon, voila la semence suffoquée par les espines. Tenez bon, ne consentez point à voz facheries, & vous vous en trouuerez bien, car vous ferez le salut de vostre ame. Les quatriemes qui oyent la parole de Dieu, ce sont ceux qui la reçoivent ioyeusement, & la font bien fructifier. Et tels sont semblables à vne maison edifiée sur vne ferme pierre, sur vn rocher, contre laquelle viennent les caues, les vens, mais ils ne la peuuent abbatre, elle demeure en son

Il y a quatre manieres de gens qui oyent la parole de Dieu.

Il ne profite rien d'estre Chrestien si on ne perseuere en la religion.

Dimenche

Hebr. 4.

entier, car elle est bié fondée & bien munie. Ce n'est pas assez d'ouir la sainte parole de Dieu, qui ne la met en effect : *Non prodest sermo auditus non admixtus fidei*. Oyons donques la parole de Dieu, & la mettons en execution, & en euvre. S'il est question d'une chanson, d'une fable, nous la sçavons tout incontinant : mais d'une bonne parole, d'un bon sermon, on ne s'en soucie : c'est merueilleuse chose. Et cela ne me sçauroit cōtenter. Vous me direz qu'aussi ne s'en rapporte on pas à moy. Suiuez Dieu, gardez la parole, laquelle est vostre lumiere qui va deuant &

La parole de
Dieu est nostre
reigle &
lumiere,
Iosue 1.

vous apres. La parole de Dieu est vostre reigle que vous debuez prédre & auoir, & non pas celle de l'homme. Ce luy qui chemine en lumiere, il voit par ou il passe, il ne peut errer s'il ne veut. Il est escrit : *Non recedat volumen huius legis ab ore tuo, sed meditaberis in eo die ac nocte, ut custodias, & facias omnia que in eo scripta sunt* Si tu veux sçauoir & entendre quelque chose, prens la lumiere qui est Iesus Christ, & iamais tu ne tomberas en scandale, mais seras tousiours en paix : car paix est ou Dieu est.

Psal. 118.

Pax multa diligentibus legem tuā, & non est illis scādalum. Si tu veux chercher quelque chose de nuit, tu prends la chandelle. Et la vraye lumiere & chandelle, c'est nostre seigneur Iesus Christ, qui dict : *Ego sum lux mūdi*, c'est la vraye lumiere qui illumine tout le mōde. Et quiconque a ceste lumiere, il aime Dieu, il a charité qui ne fait point de dōmage & nuisance mais tout proffit. Amour de Dieu ne fait chose dont l'hōme ait reproche. Et si d'auenture il endu

Ioan. 8.

re en ce monde, ce luy est vn grand bien, comme dict S. Iehan Chryso. Tout ce que l'hōme endure patiemment & de bō cuer pour l'hōneur de Dieu, c'est à la remissio de tous ses pechez, ou à l'augmentation de sa gloire, s'il n'a point de pechez. Soyons de ces quatriesmes, desquels S. Paul parle en l'epistre du iourd'huy, cōme l'Euāgeliste qui dict que nostre Seigneur disoit à ses disciples : *Vobis datum est nosse mysteria regni Dei, ceteris autem in parabolis*.

Matth. 13.

Et comment? Dieu ne veut-il pas qu'elle soit entendu? Certes ouy, mais non pas d'un chacun, car il n'y a seulement que les petis & hūbles qui attribuent tout bien à nostre Seigneur, & rien à eux. Et pourtāt d'eux nostre Sei-

gneur dict: *Confiteor tibi pater, quia abscondisti hæc à sapientibus & prudentibus & reuelasti ea paruulis.* Cōme estoient *Matth. 11.*

les benoïsts Apostres qui estoient vn petit troupeau. Et Dieu leur dict: *Nolite timere pusillus grex.* Ne craignez point vo^r qui estes petis en malice: car il plaist à Dieu de *Luc. 10.*

vous donner son royaume. Si on t'impose d'auoir faict quelque mal, ne t'en soucie, moyennāt que ton prochain n'en soit scandalisé. Si on parle de toy en mal sans cause, & que lon t'opprime, prens en patiēce pour l'hōneur de Dieu. Et en ce faisāt tu acquerras tō salut, c'est à toy que Dieu declare ses secrets, & t'appartient de les entendre. Toutesfois ne t'en glorifie pas: *Noli altū sapere, sed time.* *Rom. 12.*

Humilie toy deuāt Dieu, entēdāt sa sainte parole. Si les Iuifs l'eussent entēdu, ils n'eussent pas peché. Si vous demandez vn exemple, prenez S. Paul ainsi qu'il est déclaré *2. Cor. 12.*

en l'epistre du iourd'huy, là ou est demonstrée la grande patience de S. Paul. L'euure du Chrestien c'est patience, *L'euure du Chrestien, c'est*
mais le commencement de Chrestieté, c'est la crainte de *Chrestien, c'est*
Dieu, & esperer en luy. Et pourquoy? car nous auōs deux *patience.*

extremitez, Paradis, & enfer: Péssez dōques à cela, & n'escoutez pas le monde qui dict: Pensez vous estre sauué? Il vous veult faire perdre la crainte de Dieu, mais tenez bon. Ayez patience laquelle vous est vtile, afin d'auoir la repromission, qui est la felicité & gloire eternelle. Patiēce de bonnes euures prinse pour l'amour de nostre Seigneur, c'est la gloire celeste. Et quicōque faict son deuoir de viure selō Dieu en son estat, il a de la peine beaucoup, laquelle luy administre patience, & patience probation, & probation vne bōne esperāce d'estre sauué: laquelle ne sera iamais confonduë, & ne perira aucunement. Chacun ne vit pas en son estat l'vn cōme l'autre, car il y a grande difference. Ainsi que les doigts d'une main ne sont semblables, aussi n'est chacun en son estat. Et le bō declare le mauuais, duquel il est persecuté, car tous ceulx qui veulēt biē viure en nostre Seigneur pour l'amour de luy, ils endurent persecution. Il se fault supporter les vns les autres. *Galat. 5.*

Quand ie ne sens point le mal d'autrui, par lequel il offense Dieu, ny le mien & mon offense (car il n'y a point de mal s'il n'y a offēse) c'est signe que ie ne suis pas vray

Dimenche

Iob. 16.

*S. Paul a en-
duré tous les
tourmēs que
les martyrs
ont enduré.*

2. Tim. 1.

Chrestié. Vn courage immuable pour l'hōneur de Dieu contre toutes terreurs fai& le bon Chrestié. Et qui fai& faire cela? c'est patiēce. Nostre Seigneur disoit à ses Apostres: *In mundo pressuram habebitis: in me autem pax.* Vous aurez des aduersitez en ce monde, mais vostre bien c'est la paix que vous aurez avec moy. Saint Paul en a beaucoup eu. Et S. Chrysosto. di& que S. Paul a enduré en soy tous les tourmēs que les sain&ts martyrs ont enduré, de quels tourmēs il en recite vne partie en l'epistre du iour-d'huy. Et par ainsi patience luy a esté necessaire. Il a esté mis au seruice de nostre Seigneur, & a esté osté du seruice du diable. Et depuis on l'a voulu retirer & dimouoir du seruice de nostre Seigneur, & le mōde luy a promis de grāds dōs. Mais il a tout refusé, & reputé moins que riē, pour l'amour de nostre Seigneur, il a esté batu par trois fois au cul d'une charette, pour-ce qu'il soustenoit son maistre Iesus Christ, & il y prenoit plaisir. Il a esté nuit & iour au profond de la mer, & n'a pas esté noyé. Qui le gardoit? son maistre Iesus Christ. C'est vn bō maistre qui ne laisse iamais ses seruiteurs: & si tu le fers bien, il fera ainsi de toy. S. Paul auoit tousiours Iesus Christ aupres de soy, & ne fist iamais riē, sans premieremēt luy en demāder cōgé. Il a enduré patiēment par trois fois trente-neuf soufflets. Et si les Iuifs eussent ozé, ils en eussēt fai& d'auantage: mais leur loy ne permettoit le quaratiēisme. S. Paul endure le tout patiēmmēt, & ne se soucie de chose qu'on luy s&ache faire ny dire. Il a seulement soing de bien seruir à son maistre Iesus Christ, & s'assēure biē en luy cōme il di&: *Scio enim cui credidi, & certus sum, quia potēs est depositum meū seruare in illū diē.* Je s&ay à qui i'ay af faire, & suis biē certain qu'il me gardera mō loyer iustemēt. Chrestien, quād Dieu t'appelle, ie te prie ne le laisse pas, mais l'ensuis en luy obēissant. S. Paul di& qu'il a esté en plusieurs dangers, cōme il appert au texte de l'epistre. Et afin qu'il soit creu en cela, il iure fermement, & di& que quād il fut en Damasque, on le vouloit faire mourir, & il fut mis hors, & eschappa par dessus les murailles. Et cōmēt S. Paul, vous ensuiez vous? craignez vous la mort? non, mais il n'estoit pas encores temps que ie mourusse,

& ie ne fais pas cela sans le vouloir & cōseil de mō Dieu. Et apres il declare les visions qu'il a veuës. Et voila cōme il a beaucoup enduré. Le premier euvre du Chrestien, c'est d'endurer patiemment ces tribulations par lesquelles on vient à la vie eternelle, c'est ensuiure nostre Seigneur. Chrestien, garde toy de laisser ton sauueur, & redeimpteur qui t'a tant aimé qu'il a voulu mourir pour toy : il t'a racheté de son precieux sang. Et neantmoins pour vn rien tu le delaisse, pour vn tournois, pour vne poire, & pour vne volupté qui est si tost passée. S'il est ainsi que les *Les Iuifs ont* Iuifs ont esté punis pour auoir trāsgressé leur loy, ne pē- *esté punis* ses tu pas aussi que tu le feras, si tu ne gardes la riennne, & *pour auoir* si tu ne fais penitēce. Faiētes comme S. Paul qui pour l'a- *transgressé* mour de son maistre Iesus Christ ne reputoit aucune cho- *leur loy: aus-* se de ce mōde. Mais que vous ayez sa grace, qui vo' pour- *si nous le se-* ra nuire? Certes nul: mais si ie l'offēse, ou m'en pourray- *rōs pour vio-* ie aller, ny cacher qu'il ne me trouue? Et faute de bien re- *ler la nostre.* cognoistre le pris de nostre rāçon, & l'amour qu'il nous porte, nous l'offensons. Endurons donques patiemment pour l'honneur de luy, & nous gardons de l'offenser, & tout biē & prosperité nous viēdra. Voila dōques l'euvre du vray Chrestien que patiēce. Le secōd euvre du Chrestien c'est humilité, ne riē sentir des biēs, des dons & graces que lon a: estre grand & se faire petit, vil, abiect, ne se point vanter. S. Paul est grand, noble & Iuif, de la secte des Pharisiens, citoyen de Rome, de la lignée de Benjamin. Pour tout cela il ne se glorifie point, mais s'il est question de se louer, il dict que ce n'est sinō en ses tribulations. S. Chrysosto. faiēt vne cōparaison entre David & Goliad, S. Paul, & les diables. Ainsi que David est honoré d'auoir tué le grād geant Goliad de petites pierres: aussi saint Paul par sa parole a destruiēt la puissance des diables, il les a chassés hors des corps & des tēples des Gentils. Saint Paul se vante en ses tribulations, & dict qu'en ce faisant il faiēt l'office d'un fol, mais on l'y contrainēt. Il est aucunes fois necessāire que le sage prenne l'office d'un fol, c'est se vanter & glorifier, c'est un acte de folie. Et pource que saint Paul le veult faire, il s'appelle fol, & dict : *Insipiens ego.* Il veult declarer les visions & reuela- 2. Cor. 12.

Dimenche

tions merueilleuses qu'il a eues . Plusieurs ont eu des reuelations, mais ils ne les ont pas entendues, comme Pharaon & Nabuchodonosor . Sainct Paul est contrainct de dire ce qu'il a veu quatorze ans sont passez , & iamais ne l'auoit reuelé , Il dict qu'il sçait vn homme auant quatorze ans , soit qu'il fust en son corps ou dehors , il ne sçait, mais Dieu le sçait bien , lequel homme a esté rauy iusques au troisieme ciel . Il dit, rauy , c'est estre prins contre son vouloir , car rauir c'est faire violence. Je prie à Dieu que par le merite de sa passion il nous puisse rauir nostre entendement, nostre volonté & affection iusques en paradis , qui est le lieu de toute paix , repos & plaissance . Ainsi a esté rauy sainct Paul . Et qu'a il veu?

2. Cor. 10.

Il respond: *Audiui arcana verba que non licet homini loqui.* Il a ouy des secrets qu'il n'appartient à homme de dire . Et par ce on peult conclurre que ce que sainct Paul n'a pas dict est plus grand que ce qu'il a déclaré . Et en ce il glorifie Dieu & soy , en endurant pour l'honneur de nostre seigneur Iesus Christ Voyla comment c'est que monsieur sainct Paul s'humilie. Le commencement de perfection , c'est s'humilier , recognoistre sa faute , s'acuser. Et Dieu nous excusera par sa grace qu'il nous donnera infiniment en ce monde , & la gloire eternelle en l'autre. Amen.

Pour le dimenche de la quinquagesime.

1. Cor. 13.

N*Vnc manent fides, spes, charitas, tria hæc : maior autem horum est charitas.* Les trois principaux dons & graces que nostre Seigneur nous a faicts, sont foy, esperance, & charité. Ce sont trois dons de Dieu , entre les autres, plus principaux & necessaires , sans lesquels nous ne pouuons rien. Ces trois vertus sont nommées theologales & diuines, l'obiet de ces trois vertus, c'est nostre Dieu. Toutes les autres vertus sont communes à toutes gens, aux Turcs, Payens, aux Iuifs, & infideles, aussi

bien qu'aux chrestiens. Le chrestien peult estre sobre, au si sera le payen & iuste, il rendra à vn chacun ce qui luy appartient, aussi le fera le Turc & infidele demourant en son estat. Le chrestien sera aumosnier, pitoyable, il subuiendra à son prochain, il ne le calomniera point. Ainsi le fera le Turc, & le Payen. Si nous considerons toutes les vertus dōt Aristote parle en ses Ethiques, il n'y a point de difference des chrestiens aux Turcs & infideles par ces eures là. Car ils peuuent auoir tous les vertus morales: mais les payens & infideles ne peuuent auoir foy, esperance & charité, ce pendant qu'ils demeurent en leur infidelité. Ce sont trois vertus diuines, par lesquelles le chrestien est differēt du Turc & infidele. A raison dequoy elles sont appellées vertus diuines, theologales, chrestiennes, car elles sont propres aux chrestiens. Et l'obiet d'icelles, c'est Dieu. Nous croyons en Dieu, qu'il est infailible: nous esperons en luy qu'il est la souueraine felicité, nostre scope, & derniere esperance, & nous l'aymōs pour ce que c'est nostre souuerain bien. En ceste maniere nostre seigneur Dieu est l'obiet de ces trois vertus diuines & theologales par lesquelles le chrestien est aliené du Turc. Il croit en Dieu, & s'y appuye, cognoissant qu'il est la verité infailible & souueraine. *Non fallit nec fallere potest.* Le chrestien espere aussi en Dieu, cognoissant que c'est son dernier & souuerain refuge. Le cuer du chrestien ne peult estre content ny rassasié iusques à ce qu'il soit plein de nostre seigneur, & qu'il en iouisse, il est nostre derniere felicité, & l'obiet de nostre esperance. Outre, nous aimons Dieu pource qu'il est nostre souuerain biē, c'est nostre tout: *Ipse est omnia in omnibus.* Tant plus vne chose est meilleure, tāt plus l'ayme on. Et Dieu est nostre souuerain bien, auquel il se fault arrester, & ne faut plus rien chercher apres. C'est nostre souuerain bien & l'obiet de charité. Voyla donques les trois vertus données aux chrestiens par lesquelles ils sont differens des Turcs, payens & infideles. *Nunc manent fides, spes, charitas:* Auiourd'huy ce pendant que nous sommes viateurs en ce monde faisons ces trois vertus là sans lesquelles nous ne pouuons estre sauuez, Elles sont saintes. Et pource saint

1. Cor. 13.

1. Cor. 13.

Dimanche

Paul nous montre cela en l'epistre du iourd'huy, qu'il nous fault declarer par la grace de Dieu. Nous auons ces trois dons de Dieu. Il n'ya qu'une foy, vne esperance & vne charité: vous ne croyez pas en vn autre Dieu que moy. Nous n'auons tous qu'une foy & esperance, nous esperons la vie eternelle. Qu'aymez vous, ou tend vostre charité? à Dieu, & pource nous auons vne mesme charité, vn mesme Dieu. Ces trois vertus sont necessaires pour trouuer & auoir Dieu propitiateur & amyable. Il est impossible de toute impossibilité que l'homme puisse auoir grace deuant Dieu sans ces trois vertus. La foy, c'est le fondement sur lequel sont fondées esperance & charité: & charité est le complement, & la perfection de tout. Sainct Paul dit: *Est autem fides substantia rerum sperandarum*. La foy, c'est le fondement qui soustient. Nous ne pouuons esperer en Dieu qu'il nous donne la beatitude eternelle, si premierement nous ne croyōs en luy. La foy c'est le fondement & la substance des choses qu'il fault esperer. La foy montre: esperance faict aller apres: mais charité faict demeurer avec Dieu, c'est la principale. Nostre fin, c'est Dieu ou nous attendons, & nous auons esté crééez pour ceste cause à l'image & similitude de Dieu. S. Augustin dit: *Inquietum est cor meum domine donec quiescat in te*. Iamais l'appetit, le cueur n'est rassasié iusques à ce qu'il soit avec Dieu. Dauid dit, *Satiabor cum apparuerit gloria tua*. Il fault venir à Dieu: & par quel moyen? S. Paul dit, *Per fidem accessum habemus ad Deum. Accedentem ad Deum credere oportet*. Voulez vous auoir acces à Dieu? il fault que vous croyez qu'il y a vn Dieu, vn remunerateur de bien & de mal. Et Sainct Paul en dit autant quand il dit, *ad Ephesios*. que l'acces de Dieu est par la foy, & que le premier commencement c'est la foy. Et c'est assez d'auoir la foy: non. Car combien que les diables ayent la foy & craignent, neantmoins ils n'ont point d'acces à Dieu: *Damones credūt & conuincuntur*. Tu crois, mais si tu n'as autre chose, tu ne vaux pas d'estre appelé chrestien: car les diables croient & tremblent aussi. Il fault donques auoir la foy pour auoir acces à Dieu, & avec elle il fault aussi auoir esperance. S. Paul dit: *Spe salui facti sumus: Ac-*

Heb. 11.

Hebr. 5,
Hebr. 11.

Iacob. 1.

Rom. 3.

De la quinquagesime. 312

sedans ad Deum cum fiducia gratie Dei. Et ainsi il ne suffit pas de venir à Dieu avec la foy qui n'a aussi confiance, esperance. Ce n'est pas encore assez d'auoir la foy & esperance, car tout cela peut estre sans l'amour de Dieu. La foy peut estre morte, & aussi esperance, & peuuent estre avec peché mortel. Il y a le troisieme de necessité absolue, c'est charité, aymer Dieu de tout son cuer. Et pourtant quand nostre seigneur eut pardonné à la Magdalene ses pechez & qu'il l'eust receüe à grace, il dist: *Dimissa sunt ei peccata multa.* Et la raison pour laquelle Dieu luy a pardonné ses pechez, c'est: *Quoniam dilexit multū.* Vous voyez donques ces trois vertus plaisent à Dieu, & est impossible de plaire à Dieu sans foy. Le Turc gardera fidelité, iustice, & autres vertus, mais pour tout cela il ne sera plus agreable à Dieu, car il n'a pas la foy: *Et sine fide impossibile est placere Deo.* L'euvre des infideles n'est point agreable à Dieu, car l'euvre tout seul, & de foy ne luy est point agreable. Aussi le chrestien qui a la foy, qui presche & faict miracles & semblable, il n'est pas agreable à Dieu, s'il n'a charité. Et à tels nostre seigneur dira, *Nescio vos.* Saint Paul attribue aucunesfois le salut à la foy, aucunesfois à esperance, & autresfois à charité, pour monstrer que l'une sans l'autre ne peut rien. La foy sans charité est morte, mais charité ne peut estre sans la foy. Et ainsi que la foy sans les bonnes euvres est morte, aussi est esperance: mais celuy qui a la charité de Dieu, il a foy & esperance, est agreable à Dieu. En ceste vie & peregrination de ce mode, charité contient foy & esperance: mais celuy qui a foy n'a pas tousiours charité. Dōques il faut retenir que ces trois vertus sont necessaires pour la iustification de l'homme. Il ne suffit pas d'auoir la foy qui n'a aussi esperance & charité. Et qu'il soit ainsi nostre seigneur Iesuschrist dit à la Magdalene: *Fides tua te saluā fecit: & dimissa sunt ei peccata multa quoniam dilexit multū.* La parfaicte iustice n'est point sans charité, mais si i'ay charité, ma iustice, est cōsommée. Cōsiderez bien les escriptures, & vous trouuerez que ces trois vertus tousiours cōcurrent ensemble: *Nā in Christo Iesu neque circumcisio aliquid valet neque preputiū sed fides que par charitatē operatur.* Il fault auoir la foy

Luc. 7.

Matth. 7.

Luc. 7.

Luc. 7.

1. Cor. 7.

Gal. 5.

Dimenche

viue, operâte par clarité, la dilection de nostre seigneur. Regardez commēt Cēturiō, la Chananée, la Magdalene & plusieurs autres ont esté iustifiez, & fils n'ont pas eu les euures. La benoiste Magdalene, s'est prosternée aux pieds de nostre seigneur, & les a luez de ses larmes, & esuyez de ses cheueux. Le bon larron eut aussi de bonnes euures. Il dist: *Memento mei domine cum veneris in regnum tuum*. N'est-ce pas vn euvre de charité, d'auoir dit à son compagnon en le reprenant. *Neque tu times Deum, qui in eadem damnatione es, & nos quidem iustè. Nā digna factis recipimus, hic vero nihil mali gessit*. C'est euvre de charité d'admonester son prochain. Et le bon larrō dist à l'autre, nous auons bien gaigné la mort: & cestui-cy est iuste, & nous mauuais. Il auoit la foy iuste & viue operante par charité, par laquelle il fut iustifié. Et ces malheureux heretiques disent: pourueu que vous ayez la foy, vous serez sauuez. Ils disent que contrition fait l'homme hypocrite, & de tant plus que i'ay contrition, de tant plus suis-ie hypocrite. Je suis merueilleusement esbahy cōment c'est que nous sommes ainsi vacillans. On nous peut dire cōme saint Paul. *O insensati Galate quis vos fascinauit non obedire veritati?* La verité est si manifeste & si patente: & neantmoins vn tas de meschans nous font vaciller. Il fault entendre que la iustice de l'homme deuant Dieu vient & procede de la foy, esperance, & charité: tellement que pour bien entendre les epistres de monsieur saint Paul, ce nom de foy, comprend souuent esperance & charité: & souuent la foy se prend pour la loy de la foy: *Iuxta autem fidei presupponit spem & charitatem*. Voyla donques les dons de verité de Dieu. Si nous voulons auoir remission de noz pechez, croyons & esperons, & aymons Dieu de tout nostre cuer. Et ces malheureux heretiques disent: croyez bien-fort, & vous estes absouls & sauuez. Et comment fort, comme ce pillier? c'est grand abus. Entendez que sans nostre seigneur nous ne pouuons rien. Toute idoineté à bien faire vient de luy: il veult estre aydé comme le maistre maillon: il veult que nous luy aydiōs. Saint Paul nous appelle cooperateurs de Dieu, car les bonnes euures sont de Dieu, & il nous preuient par

par sa grace & bonté. Et quelque poulsemēt qu'il me face, & qu'il m'admōneſte & donne de bonnes inſpiratiōs, il ne me contraint point: il me laiſſe en mō liberal & frāc arbitre de le faire ou de le laiſſer. S. Iean Chryſo. dit, que *Vita integritas, & bona opera ſimul iunguntur ad ſalutē*. Autremēt ſi ie n'ay les bonnes eures faićtes en la foy ie ſeray plus griefuemēt dāné que ſi ie n'auois point receu ce don de la foy comme dit S. Pierre, *Melius erat non cognouiſſe veritatē quān poſt agnitam retro cōverti*. La principale de ces trois vertus c'eſt charité. Ces pauvres malheureux heretiques ſont en ceſte reſuerie que nous ne pouuons auoir la foy ſans charité. Et S. Paul dit le contraire. En paradis on a charité ſans foy & eſperance, leſquelles deux vertuz ont imperfectiō. Et quād ie iouiray de l'heritage eternal, & que ie voirray Dieu ainſi qu'il eſt ie n'eſpereray plus, & charité demeurera ſeulement en paradis. *Quia charitas nunquam excidit*. Noſtre foy eſt imparfaicte en ce monde, car nous ne voyons Dieu en ce monde qu'obſcuremēt. Et en paradis nous le voirrons clairement ainſi qu'il eſt. Eſperāce c'eſt vne attēte, & en paradis on n'attend rien, on a ce qu'on eſperoit d'auoir. Dōc foy & eſperance repugnent à la beatitude & felicité eternalle, mais charité ne repugne pas en ceſt eſtat de vie eternalle, ny en l'eſtat de la beatitude eternalle. Et tāt plus on cognoiſtra Dieu, tant plus aura on grande charité. Auioird'huy nous auōs charité par la foy, elle eſt imparfaicte, mais en paradis elle ſera parfaicte. Et ce pendant que nous ſommes viateurs nous diſons: Seigneur Dieu, noſtre ame deſire d'aller à vous cōme fait le cerf aux cauēs des fontaines: *Cor meū & caro mea exultauerūt in Deū viuū*, dit le Pſalmiſte. Mais quād nous tiendrōs Dieu, que parfaicte-ment nous le poſſederons, quād nous ſerons en ſon ſein, & qu'il ſera en nous, il ne faudra plus rien eſperer, car *Deus eſt omnia in omnibus*, & vo⁹ aurez parfaicte charité & aimerez Dieu autāt qu'il fault. Donc la plus grande vertu c'eſt charite. Chreſtiēs i'ay dit au commencement que ces trois vertus mettent difference & diſtinction entre le Turc & le Chreſtien. Mais en quoy cognoiſt on la difference qui eſt entre le bon & le mauuais chreſtiē? le mau-

Quand nous ſerons en paradis il ne faudra plus rien eſperer.

Dimenche

Charité met
differēce en-
tre les enfans
de Dieu &
les enfans du
diable.

uais peut auoir la foy & le bon aussi. Et S. Augu. dit, *quòd sola charitas differentiam ponit inter filios regni & filios perditionis*. Il n'y a q̃ la seule charité qui mette differēce entre les enfans de Dieu, & les enfans du diable & de perdition. Le mauuais chrestien ne fait point les euures par amour, mais par crainte. Donc charité est la plus grande des vertus. Il fault encores entendre icy que les malheureux heretiques anathematisez du benoist S. Esprit, mal v̄sans de la charité de Dieu, ne reputēt & n'estimēt point qu'un hōme soit chrestien s'il n'a charité, & disent que le fondemēt de chrestieté c'est charité, & q̃ nul est prestre, Euesque, &c. sans charité. Je te demande Iudas & Caïphe n'ont ils pas esté Euesques cōbien qu'ils ne valoient rien, & estoient meschās? & à cause de la dignité estāt en Caïphe Dieu luy a deferé l'honneur de dire des paroles de prophetie: *Dixit verbū prophetiā*. Et n'a pas fait cest honneur aux gēs de biē qui estoient pour lors, cōme à Ioseph d'Arimathie, Nicodeme, & autres, car ils n'estoient pas Euesques cōme Caïphe. Pourquoy vous voyez bien euidentemēt que la dignité & autorité episcopale n'est pas fondée en charité. Iudas aussi estoit Euesque cōme l'escriture le dit: *Episcopatū eius accipiat alter*. Et neantmoins il ne valoit rien. Donc l'autorité n'est pas fondée en charité: il est bien vray que l'autorité ne peut bien estre exercée au prouffit & salut de celuy qui l'a, si elle n'est cōduicte par amour de Iesuchrist & du prochain. Quād Iesuchrist dit, *Accipite spiritū sanctū, quorū remisieritis peccata remittūtur eis*: ce n'est pas à dire qu'auāt que ie puisse absoudre des pechez qu'il me faille auoir le S. Esprit & charité en mon cueur. Car combien que ie sois meschant & mal viuant moyennant que ie sois tolleré de l'Eglise, ie pourray ouyr vn penitent à confesse & veritablemēt luy donneray l'absolution, & sera aussi biē absoub de ses pechez, comme il seroit par le meilleur prestre du monde. Mais il est bien vray que i'offense, & me damne, car il est dit: *Quod iustum est, iustè exequere*. Puis que nous sommes dispēseurs & ministres de Dieu il fault que nous soyōs en sa grace & en son amour, pour biē administrer & exercer les S. sacremens à nostre salut. Et pourtāt Iesus Christ

disoit à S. Pierre. *Petre amas me plus his?* ce n'est pas à dire que cela soit de necessité, mais pour biē vser de mon authorité il fault q' i'aye le S. Esprit, la grace de Dieu. Moy estāt en peché inortel, mon authorité vault aux autres & n'en reçouyēt pas moins que si i'estois en estat de grace. Mais moy ie me damne. Ie suis meschāt & abusé de l'authorité de Dieu si en exerçant ma charge & authorité ie ne suis en grace, & charité enuers Dieu. Et pourtāt la plus grāde des vertus c'est charité. S. Paul dit: *Finis precepti est charitas.* Si vous auez charité vous vous garderez biē d'estre heretique, larron, meurtrier, blasphemateur, & semblable. Apres il dit. *Finis precepti est charitas de corde puro, conscientia bona, & fide non ficta. Plenitudo legis est dilectio. Verbū breuiatū fecit Dominus super terrā.* Nostre Seigneur a abbrege l'ancienne loy, c'est en la dilection de Dieu & de son prochain. *In his duobus mandatis vniversa lex pēdet & propheta* Il fault vn petit voir que dit S. Paul pour mōstrer la magnitude de charité par dessus les autres vertus. *Si linguis hominum loquar & angelorū, &c.* C'est vne chose dont l'homme est loüé que de parler les langues comme Hebreu, Grec, Latin, & semblable. Cela est vn don & grace de Dieu. S. Paul dit. *Gratias ago Deo meo quod omnium vestrum lingua loquar.* Il fault entendre que tant plus vous auez receu de graces de Dieu, qui ne sont pas necessaires pour vostre salut, tant plus estes vous debteur au salut de vostre prochain. Il n'est pas necessaire à mon salut de parler les langues. Ie seray bien sauué sans cela. Si ie regarde la personne priuée, il n'est pas necessaire: mais Dieu regarde au salut de tout le monde. Il a enuoyé ses Apostres pour prescher son Euāgile à tous ceux qui croiront en luy. Et pour ce faire il fault sçauoir les langues, car il y a diuerses nations qui ont les langues diuisées. Et afin que nostre Seigneur fut cogneu de tous les hommes, il a enuoyé saint Paul, & luy a donné le don de langues pour annoncer sa sainte parole. A raison dequoy S. Paul dit, *Omnibus debitor sum Grecis & Barbaris.* Origene dit sur cela. Puis que Dieu m'a donné le don de langues il veult sauuer les hommes par mon ministere, afin qu'en parlant toutes langues vn chacun entende en sa

I. Timot. I.

Rom. I3.

Roma. 9.

I. Corin. I3.

I. Corin. I4.

Roma. I.

Dimenche

lâgue & maniere de parler, ce qui est necessaire & expedient pour son salut. C'est vn don de Dieu que de sçauoir parler les langues, mais si vous n'avez autre chose vous ne serez pas sauuez pour cela. Plusieurs sont tombez en heresie & en toute meschanceté pour auoir abusé du don & grace de Dieu. Il leur a donné ce don pour l'edification de l'Eglise, & ils l'en destruisent, ils corrigent la Bible & prennent vne translation nouuelle. Puis que vous auez vn don de langues, vsez en bien, & vous serez recōmandables deuant Dieu, en faisant vostre salut. Mais il vaudroit mieux n'auoir point veu son alphabet que d'en mal vser, & nous en sommes ainfi. Si quelqu'un a la lâgue aornée, & qu'il voye le petit style de l'Euāgile, il dit: O cela me fasche, vous n'y entédez rien. N'est-ce pas grāde vertu de Dieu de mōstrer sa vertu en infirmité? N'est ce pas merueilles que la sapiēce de Dieu tant abstruse soit comprinse en si petit style? Vous voirrez vn Cicerō, vn aduocat parler deux ou trois heures, mais aucunesfois qu'il n'y a substance ne demie, & en vn petit mot la vertu de Dieu y est demōstrée. Si vous estes bon chrestien, & que soyez aussi grand orateur que Ciceron, vous trouuerez le style de l'escriture plus fort & plus grand que toute la rhetorique des orateurs. C'est la vertu de Dieu de contenir grāde chose en petit style. Iesuchrist n'est il pas enuolopé en des petits drapeaux? Qu'est-ce à dire sinon que la maiesté de Dieu est inuoluée en petit style? & c'est la magnitude & infinie maiesté de Dieu que Iesus est enuolopé en de petits drapeaux, il n'est pas en vn drap d'or, mais il est trouué en humilité. C'est le signe que l'Ange auoit donné aux pasteurs. *Et hoc vobis signū: inuenietis infantē pannis inuolutū, & positū in praesepio.* Ou trouuerez vous Iesus Christ? sera-ce en vn texte aorné & elegant? S. Paul ny les autres Apostres n'ont point vsé de style aorné & elegāt.

1. Corin. 2. Sermo meus & predicatio mea non in persuasibilibus humane sapiētiae verbis, sed in ostēsiōne spiritus & veritatis. Nā si imperitus sum sermone sed nō sciētia. C'est grād chose qu'en vn style si petit, soit comprinse vne si grande maiesté, il n'y a point, ny iota en l'escriture sainte, qu'on ne puisse dire: *Mahu, quid est hoc?* comme les enfans d'Israel en voyāt la

Luc. 2.

1. Corin. 2.

2. Corin. 11.

māne, ils estoient estōnez & esmerueillez. Parler & sçauoir les lāgues, cela est bon si il est fait en edificatiō & salut du prochain, & nō pas en destructiō & ruine. *Vincētius Lyri- nēsis* dit, que l'ātiquité est sacrée & la nouveauté est prophane. *Prophanas vocū nouitates deuota. Itē, Sciētia inflat.* Ils sont superbes & veulent estre veuz plus sçauans qu'ils ne sont, ils sont singuliers & particuliers. *Nō intelligētēs neque quę loquuntur neque de quibus affirmāt. Item: Qui nō acquiescit sanis sermonibus superbus est.* Si vous parliez aussi biē que tous les anges & tous les hommes, & vous n'avez charité vous estes cōme de l'arain, & du metal qui sonne, & cōme le tabourin : ce n'est pas pour soy qu'il sonne, mais pour ceux qui dansent : & ne fait sinon se gaster, sans y auoir prouffit. *Si linguis hominū loquar & Angelorū.* S. Iean Chryso. dit: Si ie parlois en la maniere des anges qui ont leurs colloques par signes, (car par la langue de l'homme est entēdue la maniere sensible de parler & par la langue des anges, la maniere intelligible) si ie parlois aussi bien que tous les hōmes, & que tous les anges, & ie n'ay charité, ie suis cōme vn corps sans ame. Et au iourd'huy il n'est question que de former les langues. Mais si l'hōme aime mieux mourir que d'offenser Dieu, il est hōme de bien. Encores S. Paul dit: *Et si habuero omnē prophetiā, &c.* Prophetie est plus que parler les lāgues. Prophetie en l'escri- ture signifie reuelation des choses futures, comme est la prophetie d'Esaye, de Dauid, & des autres prophetes. Aucunes fois prophetie signifie declaration & interpretatiō des saintes escritures. S. Paul dit: *Qui prophetat, ecclesiam Dei edificat.* Celuy qui presche, qui interprete la sainte escriture il edifie le peuple. Et neantmoins combien que i'entēde toutes les escritures, ie ne suis rien si ie n'ay charité. Et ainsi que le don des langues peut estre avec peché mortel, aussi fait le don de prophetie, comme appert de Balaam, de Caïphe qui estoient meschās. Et neātmoins ils ont dit & prophetisé des paroles de prophetie, & plusieurs autres reprouuez qui diront à Iesus Christ au iour du iugemēt: *Domine in nomine tuo prophetauimus.* Et Iesus Christ leur dira. *Amē amē dico vobis nescio vos. i. nō appro-*

1. Timo. 6.

1. Cor. 8.

1. Timo. 1.

1. Timo. 6.

1. Cor. 13.

1. Corint. 13.

1. Corin. 14.

Matt. 7.

1. Corint. 13.

Dimenche

scire omnia. Si i'auois toutes sciēces, & que ie cogneusse tous les misteres & secrets de Dieu, cela ne me prouffite point si charité n'y est. On dira: O que cest homme là est sçauāt, mais ce n'est rien d'auoir science qui n'a charité, mais plustost sert à inflation, & estre orgueilleux comme dit S. Paul. *Scientia inflat, charitas verò ædificat*. Apres saint Paul dit. *Et si habuero omnem fidem, &c*. C'est à dire, si i'auois si grāde foy, & si parfaicte que ie trāsferasse & trāsportasse les mōtaignes d'un lieu en vn autre, & pareillement les arbres, ie ne suis rien pour tout cela, si ie n'ay charité, car cela peult estre sans l'amour de Dieu, & pourrois estre dāné avec ma foy. D'auantage, *Si distribuero in cibos pauperū omnes facultates meas*. Si ie dōne to² mes biēs aux pauures, & ie n'ay charité cela ne me sert de rien. Il f'ensuit vn autre chose plus grāde, & plus estrāge, & si *tradidero corpus meū ita vt ardeam, &c* Si ie m'offre à la mort, à martyre, il ne dit pas seulemēt si i'endure la mort, mais si ie presente mon corps pour brusler, & ie n'ay charité, ie ne suis rien, *nihil mihi prodest*. S. Iean Chryso. s'arreste icy & dit. Est il bien possible de bailler ses biens aux pauures sans charité: l'exhibition de ses biēs n'est-ce pas vne probatiō d'amour? & de bailler & liurer son corps à la mort? *Quia maiorem charitatē nemo habet, quā vt ponat quis animam pro amicis suis*. Si ie baillē mon corps pour vous, c'est vn signe & tesmoignage de l'amour que ie vous porte, cela se pourroit il bien faire sans charité? Encores Iesus Christ dit. *Si vis perfectus esse, vade & vnde omnia que habes, & da pauperibus*. Est il biē possible q̄ ie dōne tous mes biēs aux pauures sans auoir charité? C'est l'obiection que fait S. Iean Chryl. & il respōd en vne maniere & dit, que la sentēce de S. Paul est entēdue par vne figure qu'o appelle hyperbole, *per excessum*, pour mōstrer la magnitude de charité, & la necessitē. Il donne exēple, si l'ange venoit du ciel pour vous dire & euangeliser autrement que nous vous preschōs & enseignons, cela seroit anatheme, excōmunié, & separé de Dieu. Est-il bien possible qu'un ange viēne du ciel pour prescher autrement, & au cōtraire de S. Paul? Non, car l'ange est cōfermé en grace, & ne peult dire chose cōtraire à la verité. Et S. Paul dit, & si cela estoit

I. Corin. 8.

I. Corin. 13.

I. Cor. 13.

I. Corin. 13.

Ioan. 15.

Matt. 19.

Galat. 1.

possible & qu'il se fist, ne le croyez pas. En ceste maniere si ie dōne mes biens aux pauvres, & mon corps pour estre bruslé, & ie n'ay charité, ie ne suis riē. Saint Paul vse de ceste maniere de parler pour mōstrer que s'il estoit possible de dōner tous mes biēs sans charité, cela ne me proufiteroit point. Et par ce vous voyez cōbiē c'est que charité est excellente. Autrement par la parolle de Dieu: *cūm facis elemosinam, noli tuba canere.* Quand vous dōnez l'aumosne, ne faictes pas trompeter & sonner la trompette pour estre veu, & qu'on sache que vous donnez ceste aumosne, & que vous faictes tel biē. Nostre Seigneur nous mōstre par cela, qu'en faisant l'aumosne ou quelque autre bon euure, nous deuons euitier & fuir tout appetit & desir de vaine gloire. Et pourtāt il dit: *Attendite ne iustitiā vestrā faciatis corā hominibus, vt rideamini ab eis.* Ceste iustice dont il parle, c'est ieusne, aumosne, & oraison. Ces trois sont appellées iustice, car elles sont moyen pour auoir iustice, & estre iuste deuant Dieu. Doncques ie puis faire aumosne par vaine gloire, & non pas pour l'amour de nostre Seigneur. Et à la verité cela ne prouffite point, ne pareillement bailler son corps pour estre bruslé, cōme font les heretiques qui s'en vont au feu gais cōme perot. L'euure exterieur peult estre faict sans charité. Et pour ce S. Iehan Chryso. dit, *Omnes virtutes possunt habere ritū annexū.* Mais la seule charité ne peult auoir de vice meslé avec soy. Comme vice peult estre meslé avec soy & esperance. La dilection de Dieu ne peult cōpatir avec soy peché mortel ne veniel, c'est à dire que celui qui a charité veult complaire à Dieu en toutes choses, & en rien ne luy desplaire. *Adrianus papa* dit que charité obserue tous les commandemens de Dieu, car nostre Seigneur dit: *Si quis diligit me sermonem meum seruabit.* Celui qui a charité ne se garde & abstient pas seulement de peché mortel qui priue de Dieu, mais aussi de peché veniel qui recule & retarde de Dieu: *Plenitudo legis dilectio.* Aimez dōcques nostre Seigneur: car par dilection on cognoistra si vous estes ses disciples & seruiteurs. Mais vous direz: ie ne sçay que c'est que charite. Aprenez & retez ce que vous en I. Cor. 13. dit S. Paul, & prenez cela pour voz bignets. *charitas pa-*

Dimenche

tiens est. Il n'y a rien plus patient que charité. *Primò* elle endure toute iniure: *Omnia suffert*. Et S. Iean Chrysosto. dit *quòd lōganimis est*. L'amour charnel ne regarde qu'au present, mais l'amour spirituel s'estend & regarde loing. Theophilacte dit: *Charitas magnanima est*. Et aujour-d'huy celuy qui ne se venge de l'iniure qu'on luy a faict: il n'est pas estimé de grand courage, cōbien que c'est tout le cōtraire, car s'il se venge c'est faulte de cuer & mōstre bien qu'il ne sçait rien porter & endurer. Et c'est vn grād cuer de contemner vne iniure, & de l'endurer patiēmēt & de bon cuer pour l'honneur de nostre Seigneur, à l'exemple de David qui ne s'est point vėgé de l'iniure à luy faicte par son fils Absalon, ny d'un mauuais garson appelé Semeri, qui l'iniurioit, & luy ruoit des pierres. Et s'il estoit ainsi que tu dis, nostre Seigneur seroit veu estre pu sīlanime, considerez qu'il a tout enduré patiemment le mal, & l'iniure qu'on luy a faicte, & n'en demande pas vengeance. *Charitas benigna est, beneuola*, elle dōne volontiers. Sainct Iean Chrysost. dit: *Omnes virtutes habent in se suos dolores congenitos*: mais charité n'a point chose, dont elle soit triste, moleste, elle est ioyeuse. C'est chose estrāge que de donner & on prend volontiers. Mais charité faict que donner soit facile à l'homme, & ne veult rien prendre en ensuyuant ce que dit nostre Seigneur: *Beati⁹ est dare quā⁹ accipere*. Et charité faict trouuer estrange de prendre, elle donnera plustost son ame, & tout son sang, que de prendre. Sainct Paul dit de soy. *Ego autem libentissimè impendam & superimpendar ipse pro animabus vestris licet plus vos diligens minus diligar*. Charité est benigne, beneuole toute preste à dōner. *Non emulatur*. Charité est toute au contraire du monde. On dira à monsieur. Auez vous à faire de moy? Je suis le tout vostre. Mais qu'il y en ait en la bourse, il embrasse & faict bon semblant en la presence, mais en derriere il dit mal: *Est qui nequiter se humiliat & interiora eius plena sunt dolo*. Mais en charité il n'y a point d'emulation. Sainct Iehan Chrysost. dit: Charité ne regarde point à son prouffit, mais est contente de se reculer, & que tout le monde s'approche. Sainct Paul dit: *Optabam esse anathema pro fratribus meis*

I. Cor. 13.

Act. 20.

I. Cor. 12.

Rom. 9.

c'est à dire, i'ay desiré d'estre reculé de Dieu & estre effacé du liure de vie pour mes freres pour leur salut. Sainct Iehan Chrysosto. dit: Voulez vous trouuer le vostre? ne cherchez point le vostre, mais à faire le prouffit d'autrui. Et quand Dieu est loué en toutes choses, n'est-ce pas ce que vous demandez? Mangez ces bignets icy & vous ferez rassasier. *Charitas non agit perperam.* Charité ne faict point de mal. Sainct Chrysostome dit: *Charitas non est inconstans, procax, proterua.* Amour de Dieu n'est point inconstant, variable. Il n'y a rien plus inconstant que la foy, & promesse de l'hōme. Il y fault plus de papier pour tousiours escrire, il n'y a point de fidelité & cōstance. Mais l'amour de nostre Seigneur fondé en luy, il est constant. Voicy le temps du diable que ces iours gras on ne pense sinon en gourmandise & à folastrer: il y a des euesques qui vont masquez, c'est ignominie saul l'honneur episcopal, & despenfer tant pour auoir vn habit de moumon pour aller de nuict, & les meres vont avec leurs filles. Tout le tēps de la vie de ce monde doit estre en penitence & ne fault point attendre iusques à mecredy. *In iustitia & sanctitate corā ipso omnibus diebus nostris.* *Charitas non agit perperam.* Vn bon chrestien n'aime point son plaisir, mais seulement considere Dieu en son prochain. Il me faict mal que nostre Seigneur Iesus Christ est ainsi mis sous les pieds, & que nous auons tant peché en affection. Est-ce recreation de se resiouir & offenser dieu? i'espere que nous nous amenderōs par la grace de Dieu, & ferons penitēce: *Charitas non est ambitiosa.* Charité ne demāde point de benefices, d'hōneurs, la grace du mode. S. Chryso. dit *Non est fastidiosa.* Autrement: *Non erubescit, non verecundatur.* Elle n'a point de honte de s'employer pour nostre Seigneur, car Iesus Christ n'a pas eu de hôte d'estre mis en la croix entre les larrons. Il a parlé avec les pecheurs publics: il n'auoit point de honte d'exhiber l'eure de charité: mais vn signe que ie n'ay point de charité, c'est que i'ay honte de laisser mes bobans & superfluitez, craignant qu'on se moque de moy: *Charitas non inflatur,* elle n'est point superbe: mais se complaist en verité. Vn vray signe de charité & amour, c'est de hair

Dimenche

2. Cor. 13.

vice & se complaire en bien. Car charité. *Non gaudet super iniquitate: congaudet autem veritati.* Entre nous prestres nous voulons aller à la guerre: ce n'est pas à moy qui suis religieux de me mesler du fait de guerre, c'est vne signe que ie n'ay pas charité. *charitas nō querit que sua sunt.* Elle ne demande seulement pour soy, mais aussi pour son prochain, car elle sçait bien qu'en faisant le salut de son prochain elle fait le sien. *Non irritatur:* elle ne se marrit point, elle n'est point subiecte à appetit de vengeance, ne facile à ire, mais à paix & à pardonner. *Non cogitat malum.* Elle ne pense point à mal, & n'est subiecte à suspicion. *Non gaudet super iniquitate:* cōme il y en a qui se resiouissent de toute meschanceté: *Latantur cū malefecerint & exultant in rebus pessimis.* Charité ne fait pas cela, mais *congaudet veritati.* Quand elle oyt & entēd son prochain bien viure & faire son deuoir, elle en est resiouye: *Omnia suffert.* Elle souffre les pecheurs & infirmes, & s'il luy font iniure, facilement elle leur pardonne, elle ne blasme personne, sçachant que Dieu permet cela, elle souffre tout pour l'honneur de Dieu, & pour l'vtilité du prochain.

1. Cor. 13.

Prou. 2.

1. Cor. 13.

Omnia credit. Il ne dit pas qu'elle croit bien tout, mais toute la verité, elle croit en Dieu & à l'Eglise. *Omnia sperat:* elle espere en Dieu qui nous a donné son fils, sans prier: combien que nous fussions ses ennemis, elle espere en Dieu qu'il donnera les choses qui nous sont necessaires pour nostre salut. Aussi elle espere de son prochain qu'il sera sauué, & ne desesperer point du salut d'aucun, combien qu'il perseuere en mal. *Omnia sustinet:* Elle est longanime, elle soustient non point vn heure: mais longuement. *Charitas nunquam excidit.* Sainct Chrysostome dit: *Non dissoluitur: non minuitur patiēdo.* Tant plus elle endure tant plus a elle charité. *Lingua cessabunt,* car en

En paradis la diuersité des langues cessera.

1. Cor. 13.

paradis la diuersité des langues cessera, il ne dit pas *lingua*, mais *linguae*, id est *varietas linguarum.* Il n'y aura qu'un langage en paradis. *Et prophetiae cessabunt:* car on voirra Dieu clairement. Mais *charitas nunquam excidit.* Si les benoists saints eulx estans en ce monde ont eu charité enuers Dieu & le prochain, comme Moyse qui a impetré grace & pardon pour six cens mil: Sainct Estienne

pour saint Paul, & pareillement les autres saints, combien plus prient ils pour nous en paradis, ou leur charité est consommée? comme dit Saint Ierome, *contra Vigilantiū*. Ils sont membres de nostre Seigneur avec nous, parquoy ils ont pitié & compassion de nous, & nous impetrent grace & pardon, & leurs prieres sont fondées en amour. *Nunc ex parte prophetamus*. Nostre esprit aujour- 1. Cor. 13.
d'huy est imparfait, car nous voyons nostre Seigneur par foy au saint sacrement de l'autel, non pas ainsi qu'il est visiblement. Mais en paradis nous le voirrons parfaitement ainsi qu'il est & sans moyen. Charité en ce monde est imparfaicte, car nous n'aimons pas tant Dieu qu'en paradis. Et combien qu'elle soit imparfaicte en ce monde, ce n'est pas à dire qu'elle cesse comme les autres vertus imparfaites, car l'imperfection de charité en ce monde, ne vient pas d'elle, mais de la cognoissance. Car si ie cognoissois Dieu aussi parfaitement en ce monde, comme en paradis, ie l'aimerois autant comme en paradis. Nous aimons autant que nous cognoissons. Or nostre cognoissance est imparfaicte: aussi est nostre charité en ce monde. *Maiores autem horum est charitas*. Tout le 1. Cor. 13.
bien de l'homme consiste en l'union avec Dieu le createur. Tant plus nous sommes heureux, & tant plus aimons nous Dieu, & sommes vnis & conioints avec luy. *Qui ad-* 1. Cor. 6.
heret Deo vnus spiritus est cum eo. Tout le bien que nous deuons desirer, c'est d'estre vnis à Dieu, & craindre d'en estre separez. Ce qui ne se fait sinon par peché mortel. Et pource monsieur Saint Paul dit: *Super omnia charita-* Coloss. 3.
tem habete quod est vinculum perfectionis. Je prie à Dieu que nous puissions si bien commencer nostre quaresme, qu'à Pasques nous puissions trouuer nostre salut, ce qui se fera moyennant la grace de nostre Seigneur qu'il nous donnera en ce monde, pour par icelle paruenir à la
vie eternelle. *Ad quam nos perducatur, qui
sine fine vivit & regnat. Amen.*

Autre sermon dudit iour.

Luc. 18.

Domine et videam. La difference d'entre l'homme & la beste brute c'est raison, discretion. L'homme a raison & discretion, & non pas la beste brute. Nostre Seigneur a crée l'homme à son image & similitude, c'est à dire qu'il a donné à l'homme memoire volonté & entendement, en quoy consiste l'image & similitude de Dieu. Autrement Dieu a fait l'homme à son image & similitude, c'est à dire qu'ainsi que Dieu par sa nature & propriété est seigneur & dominateur, & fait ce qu'il veut: aussi il a donné à l'homme ceste image & similitude, car il l'a fait seigneur & dominateur sur les bestes, oiseaux & poissons: regir vne communauté & la conduire il est impossible sans raison, car c'est raison qui gouverne. Et ainsi l'homme est crée raisonnable pour soy, & pour les autres regir & conduire. En cela il y a difference entre l'homme & les autres creatures qui sont sans raison & cognoissance. Autrement, l'homme est crée à l'image & similitude de Dieu, c'est à dire qu'il est fait & crée capable de Dieu, de la grace de Dieu, & de l'union avec Dieu, non pas les bestes brutes. Et ce qui fait l'homme capable de Dieu, c'est cognoissance & raison. En quoy consiste la capacité que nous auons de Dieu? c'est en ce que nous auons memoire, raison & entendement pour aimer Dieu: & en ayant Dieu, nous sommes capables de Dieu. La beatitude de l'homme consiste à veoir Dieu: & les bestes brutes ne peuuent auoir cela. Nous pouons cognoistre Dieu en plusieurs manieres. Il y a la voye & le chemin pour cognoistre Dieu: c'est la fabrique & machine du monde. Ainsi le dit Dauid. *cali enarrant gloriam dei, &c.* Nous cognoissons la bonté, la grandeur, & sapience de Dieu par cela saint Paul dit. *Inuisibilia dei per ea que facta sunt intellecta conspiciuntur.* Nul ne peut estre excusé s'il ne cognoist Dieu, car c'est la voye à tous pour cognoistre la bonté, la grandeur, la sapience de Dieu. En voyant les creatures on y veoid Dieu comme en un miroir, & combien il doit estre aimé & reueré. Et pour cognoistre sa bonté & maiesté, il n'est pas question de foy

Psal. 12.

Rom. 1.

en cela. Ainsi qu'en voyant vn bel ouurage on cognoist l'esprit, l'engin & industrie de l'ouurier, ainsi (par maniere de parler) on cognoist & veoit on l'industrie de l'esprit de Dieu en voyant ses creatures. Ceste cognoissance là est bõne, mais elle prouffite bien peu. Les philosophes anciens auoient ce moyen de cognoistre Dieu, comme dit saint Paul: *Quia cum cognouissent Deum, non sicut Deum glorificauerunt, aut gratias egerunt.* Ils ont trāsferé aux creatures, l'honneur appartenant à vn seul Dieu: ils ont abusé de leur cognoissance: parquoy, *Euanuerunt in cogitationibus suis.* Il y a vne autre cognoissance de Dieu, & du S. Esprit. Ainsi que nous cognoissons les saintes escritures données par le saint Esprit: nous cognoissons Dieu par nostre foy. *Fides donum Dei est.* Il y a aucuns moyens comme par voye de nature, pour cognoistre que Dieu est tout bon, & tout puissant: mais cognoistre que nostre seigneur Iesus Christ est fils de Dieu, & qu'il y a trois personnes en la benoiste Trinité, nous ne le pouuons cognoistre sans speciale grace de Dieu, & de croire cela il est necessaire: car c'est article de foy. Saint Paul dit: *Nobis autem reuelauit Deus, per spiritum suum.* Nous l'auõs par les escritures. saintes, par les Prophetes & Euangelistes qui estoient l'organe du saint Esprit en escriuant l'escriture sainte. Ceste cognoissance qui nous est ainsi donnée par la foy est necessaire à tous. Et c'est le commencement & entrée à Dieu que la foy avec les bonnes euures, Autrement sans les bonnes euures, ce seroit vne foy morte comme celle des diables, *Dæmones credunt, & contremiscunt.* Doncques la foy, c'est le commencement & entrée à Dieu. Apres nous faisons les bonnes euures cõformes à la foy, & auons amour & charité en Dieu. Saint Paul dit: *Accedentem ad Deum credere oportet quia est.* Mais ceste foy ne prouffite point si vostre vie n'est conforme à l'Euangile. Les escritures conioignent la foy aux bõnes euures afin que la foy soit cõsommée & receüe de Dieu & meritoire de la vie eternelle. L'homme est donc fait à l'image & similitude de Dieu. C'est grand chose que l'homme est capable de la cognoissance de Dieu, d'autāt qu'il a raison & entendement. La beste brute ne consi-

Rom. i.

1. Cor. 2.

Iac. 2.

Hebr. 11.

Dimenche

dere que la terre , mais l'homme a pouuoir & puissance d'eriger sa cognoissance à Dieu. Et il vient à estre bien-heureux en ce monde, *in spe & in re*, en paradis. Il est heureux deuant Dieu s'il a la foy avec charité. Quand il esleue son entendement en Dieu , & quil a la foy & faict les euures qui sont conformes à icelle & à Dieu , afin qu'il soit vn avec Dieu, il est heureux , & a le commencement de la beatitude en ce monde . Et quand il n'y a plus de moyen & d'entredeux entre Dieu & l'homme , ny d'obscurité, alors l'homme est parfaict & bien-heureux comme dit Dauid: *Satiabor domine cum apparuerit gloria tua*. Le moyen pour paruenir a eternelle felicité, c'est auoir la foy, esperance avec charité en l'obseruance des commandemens de Dieu. Et en ce faisant , les euures sont meritoires de la vie eternelle. Et l'homme aura fruition de la vision de Dieu faciale. C'est vne grande grace à l'homme qu'il peult esleuer son esprit à la cognoissance de Dieu. C'est matiere de grande iactance quand on y pense bien. Je suis faict de telle condition que ie puis esleuer ma cognoissance iusques à Dieu : c'est vn grand argument de louer & remercier Dieu & le reuerer. Et non seulement ie puis esleuer mon esprit & entendement à Dieu par foy, mais aussi ie suis capable, & mon esprit peult paruenir à voir Dieu, ainsi qu'il est, comme dit saint Paul en l'epistre du iourd'huy: *Videmus nunc per speculum, & in enigmate, tunc autem facie ad faciem* . Nous voyons Dieu en ce monde, mais il y a vn moyen entre-deux, nous le voyons par enigme comme par vn miroir, c'est à dire obscurément, mais en paradis, nous le voirrōs ainsi qu'il est, nous voirrōns la nature & essence de Dieu. Et pourtant saint Iean dit, *Hæc est vita æterna vt cognoscant te solum Deum verum & quem misisti Iesum Christum*. Et l'homme est bien-heureux quand il peult ainsi esleuer son esprit en Dieu. L'homme est tant abiect & vil selon la chair: tout son bien est en l'ame. Et si nous le comparons à Dieu, ce n'est riē, *Vt iumentum ante te, &c.* Et neantmoins si nous comparons la perfection des autres creatures elles ne sont rien au pris de l'homme. C'est grand chose que l'homme est tant vil, abiect & loing de Dieu. Et neantmoins Dieu par

Psal. 16.

1. Cor. 13.

Iean. 6.

sa bonté & infinie grace & misericorde faißt vn esprit avec luy quand il adhere & se conforme à luy: *Qui adheret Deo vnus spiritus est cum eo*. Le naturel de Dieu c'est estre, il dit. *Ego sum qui sum. Qui est misit me ad vos*. Et la premiere nature de l'homme c'est estre rien, & s'il n'estoit conserué par l'infinie bonté de Dieu & gardé en son estre, il retourneroit en rien. Comme vous voyez que la nature du fer, c'est qu'il est froid, & s'il est mis au feu il est chauld, mais s'il est mis hors du feu il retourne à sa premiere frigidité, & ainsi de l'eau, aussi si Dieu ne nous conseruoit & entretenoit en nostre estre, nous retournerions au lieu dont nous sommes venus, c'est en rien. Pourquoy donc l'homme s'en orgueillit, veu qu'il n'estoit rien auât que Dieu l'eust crée & retourneroit en rien si Dieu ne le gardoit & conseruoit? Et la condition de Dieu, c'est estre. Il y a bien differéce entre estre & ne estre point. Et combien que l'homme ne soit rié, toutefois Dieu le faißt capable de luy. En ce mode il est esleué en Dieu par foy, c'est à dire par cognoissâce de Dieu certaine. Le cueur, la raison est esleuée iusques en Dieu, cela n'est pas assez, mais cela nous faißt heureux de cognoistre vn Dieu & l'eternité. Mes amis l'hōme specialement & principalement est faißt pour cognoistre Dieu. Doncques il se depraue & se diuertit de la fin quand il met & prend la terre pour sa fin au lieu de prendre Dieu, le cognoistre & le preferer à toutes choses. Et si autrement ie le fais, ie le fais contre ma nature & ce pourquoy i'ay esté crée, car nostre esprit doit estre esleué en Dieu & preferer Dieu à toutes choses. En faisant ainsi en ce monde, c'est beatitude. Et apres nous paruiendrons à la consummation d'icelle beatitude ou nous voirrons Dieu face à face clairement ainsi qu'il est & sans moyen & entredeux. Or de nous mesmes nous ne scaurions paruenir à ce bien là. Il fault doncques prier Dieu qu'il nous face ceste grace, & que nous esleuions nostre esprit pour paruenir à la vie eternelle. Et c'est la requeste que faißt l'auengle auiourd'huy en l'Euangile, disant à nostre Seigneur, *Domine vt videam*. Et ne demâdez vous autre chose? ce m'est assez. Les Theologiens demandent en quoy

Dimenche

c'est que cōsiste la beatitude: *An in operatione intellectus.*
 Ou cognoistre Dieu ou l'aimer, lequel vault le mieux? S.
 Thomas dit que cognoistre Dieu c'est la beatitude de
 l'homme, & se fonde sur ce que dit saint Augustin. *Viso
 Dei est tota merces.* C'est à dire q̄ la cognoissance de Dieu
 c'est tout le loyer, la vie eternelle, c'est cognoistrevn seul
 vray Dieu, & nostre seigneur Iesus Christ crucifié pour
 nous. Les autres disent que la beatitude eternelle consi-
 ste en l'amour de Dieu. Plusieurs cognoissent Dieu, &
 toutes-fois ils ne l'ayment pas, ils cognoissent tous les
 mysteres de l'escriture sainte & ils n'ont pas bon vou-
 loir, ils sont de ceux dont saint Paul dit: *confitentur se
 nosse Deum, factis autem negant.* Pour sçavoir toute la Bi-
 ble & les interpretations d'icelle, & ie n'ay bon vouloir,
 dequoy me sert cela? Et pource aimer Dieu, vault mieux
 que le cognoistre. Et ainsi concluent les Theologiés que
 ie ne puis aimer Dieu sans le cognoistre, & que la beati-
 tude cōsiste en l'un & en l'autre. Et cognoistre Dieu n'est
 pas sans aimer. Et saint Paul dit: *Si habnero omnem fidem,
 & mysteria omnia, charitatem autem non habuero nihil sum:*
 Or pour maintenant la beatitude parfaicte gist en la co-
 gnoissance de Dieu. Et en quoy consiste la cognoissance
 de Dieu? Saint Iean dit que c'est en amour, & en obser-
 uance des commandemens de Dieu: *Omnis qui diligit
 Deum, ex Deo natus est, & cognoscit Deum.* Et si nous disons
 que nous cognoissons Dieu & ne faisons pas ses com-
 mandemens, nous sommes menteurs car noz euures
 nous dementent, & seruent de tesmoignage contre
 nous, que nous ne cognoissons pas Dieu, ce n'est qu'une
 cognoissance speculative. Je sçay que Dieu est bon, sa-
 ge, parfaict & puissant infiniment. Ou fondez vous
 ceste cognoissance? Nous sçavons de saint Iean que si
 nous aymons Dieu nous le cognoissons. Donc il fault
 conclure & noter que la parfaicte beatitude consiste en
 la cognoissance de Dieu pratiquée. La Theologie ne
 nous sert point si nous ne la mettons en euure, ce n'est
 pas comme la science mathematique, car il nous la fault
 mettre en pratique. Saint Iean deduiet cela en sa Ca-
 nonique & dit: Celuy qui se dit estre en nostre Seigneur

Tit. I.

1. Cor. 13.

1. Ioh. 4.

il doit cheminer en lumiere non pas en tenebres. Notez donc que celuy qui garde le mieux les cōmandemens & qui est le plus humble & plus prompt à soubmettre son sens & vouloir au sens d'autrui & aime mieux estre seruiteur que maistre, il est le plus grand Theologien, qui mieux cognoist & aime Dieu. Il est dit des enfans d'Elie au liure des Rois. *Viri Belial nescientes dominum, immo, ils* 1. Reg. 2.
 le sçauoient bien, mais c'est à dire qu'ils ne viuoient pas selon leur sçauoir & science, car leur vie estoit contraire à la cognoissance qu'ils auoiēt de Dieu. Je suis religieux, i'ay promis chasteté, obediēce, pauvreté. Et neāmoins si mon maieur me commande quelque chose, ie le fais impatientement & à regret, ie murmure, i'ay soing de me accoustrer cōme si i'estois encores au monde. Je sçay biē ma regle, mais mon euure me dement: ma regle porte que ie ne sois point cōtentieux, que ie ne seme point de zizanie: & ie ne sçay pas ma regle, car ie ne la fais pas. Ainsi l'escriture vsurpe cognoissance pour approbation: Dieu cognoist car il approuue. La cognoissance en Dieu est sans cōmencement, rien ne luy est caché. Sa cognoissance c'est son approbation. Sainct Paul dit: *Nouit dominus que sunt eius.* Et Dieu disoit à Moyse. *Noui te ex nomine. i. approbo. Item nescio vos. i. non approbo que fecistis.* Et ainsi la science de Dieu, c'est auoir vne sciēce pratiquée, c'est à dire, cognoistre Dieu par euures, autrement nous ne le cognoissons pas, nostre foy est inutile & inefficace mais la cognoissance pratiquée est mise en euures. *Fides ex operibus consummata est.* Doncques demādons à Dieu: Seigneur Dieu que ie vous veoye & cognoisse. *Domine vt videam*, c'est la meilleure raison que lon sçauroit faire. Autremēt c'est vanité de nous, si nous n'auons la sciēce de Dieu. *Vani enim sunt omnes homines in quibus non subest scientia Dei.* Et pourtant sainct Paul nous remet deuāt les yeulx & dit: Considérez qui vous auez esté, vous auez esté alienez de Dieu, sans esperance du testament de la promesse de Dieu. Vous estes mis en la maison de Dieu. Voila i'ay faiēt du bien à quelqu'un & il en est ingrat, on dit, il ne recognoist point le bien qu'on luy a faiēt: c'est à

Dimenche

Deut. 32.

dire il ne faißt pas comme il deust faire : aussi nostre vie doit estre digne de l'Euangile de Dieu , car autrement c'est vne ignorance de Dieu. *Omnis autem malus ignorans inquit Aristoteles* , s'il le fault icy alleguer . Peché c'est la cecité de l'homme, comme dit l'escriture: *Gens absque consilio & sine prudentia, utinam saperent & intelligerent ac nouissima prouiderent*. Ils cognoissoient Dieu, mais c'estoit seulement de la cognoissance speculatiue . Il nous fault

Math. 5.

cognoistre Dieu par pratique, par euvre. Et pour biē entendre nostre religion, faisons les eures de la religion. Ne detractōs point des autres, car c'est le propre du diable que mettre diuision. *Et Christus venit ut dissoluat opera diaboli*, Voulez vous bien garder la religiō? Viuez pauurement. *Beati pauperes spiritu* : c'est à dire qui craignent plus d'auoir trop que peu & indigence. Il fault chercher suffisance en Dieu , estre remply de sa cognoissance , & comment? faißtes de bonnes eures. Mettez peine de ne sentir que Iesus Christ crucifié pour nous, en despouillāt le vieil homme & en esleuant vostre esprit en Dieu. Et si nous sommes agitez de passions tāt plus se fault estudier à mettre son esprit en Dieu Je diray en moy-mesme. Ne es tu pas bien meschant? Si le Roy parloit à toy , & vn crocheteur te vint tirer par la manche, tu ne lairrois pas le Roy pour aller à ce crocheteur. C'est bien plus grand chose de Dieu , nostre esprit est tant noble qu'il est crée pour aller à Dieu , & ie m'abbaisse tant que ie delaisse Dieu en m'addonnant aux choses terriennes & voluptez de ce monde. Je suis plus curieux de me bien accoustre exterieurement que ie ne suis de penser en Dieu, & à me bien confesser. I'occupe mon esprit à choses vilaines & terriennes & il est trop excellent pour cela : il n'y a que Dieu qui le puisse rassasier & remplir. Et pourtant aimez Dieu de tout vostre cueur & luy dites: *Domine ut videam*: c'est à dire que ie vous cognoisse, c'est grand chose quād on met en pratique & en euvre ceste cognoissance , si chacun garde son estat ce sera vn tesmoignage que nous cognoissons Dieu, Qui est celuy qui faißt ceste requeste à Dieu? c'est le pauvre aucugle. Il est dit en nostre Euan-

Luc. 18.

gile que Iesus Christ s'approchoit de Ierusalem, & vne grande turbe & multitude de gens le suiuiot. Il y auoit vn aueugle pres du chemin lequel oyât le bruit de si grande multitude il a demandé que c'estoit, & on luy a dit que c'est Iesus de Nazareth, & il s'est prins à crier, disant, *Iesu fili Dauid miserere mei.* Iesus fils de Dauid ayez pitié de moy. Et ceux qui alloient deuant, l'increpoient pour le faire taire, mais tant plus crioit il. Nostre Seigneur s'est arresté & a commandé luy estre admené, & luy a demandé: *Quid tibi vis faciam?* Que veux-tu que ie te face? *Domine vt videam.* Seigneur que ie voye, rendez moy la veüe. *Respice.* Regarde. *Fides tua te saluum fecit.* L'euere de nostre Seigneur, son propre & son bon vouloir c'est de pardonner à l'homme, & le sauuer, de bien faire à tous. *Pertransiit benefaciendo, & sanando omnes oppressos à diabolo quoniam Deus erat cum illo.* Le vray propos & intention de Dieu c'est de nous sauuer: il ne regarde à autre chose: c'est vn propos & conseil immobile quant à Dieu. *Consilium Domini manet in aeternum.* C'est vn propos fiché & arresté qu'il nous veult sauuer, nostre Seigneur ne demande que les occasions qu'on aille à luy. Et à la verité s'il ne nous preuenoit par sa bonté & misericorde nous n'y rions iamais à luy. Et encores il nous laisse en nostre liberal arbitre de l'ensuiure, luy obeir & acquiescer si nous voulons, ou non. Souuent il m'appelle, & ie ne le veux pas suiure, il m'inspire & i'y resiste & contredis comme disoit saint Estienne aux Iuifs, *Dura cernice, & incircuncisi cordibus, semper spiritui sancto resistitis.* Il presuppose que le saint Esprit les auoit appelez & inspirez, mais ils auoient refusé l'inspiration & vocation. Et nostre Seigneur Iesus Christ luy mesme dit aux Iuifs: *Ierusalem Ierusalem quæ occidis prophetas & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas & noluit?* Voila nostre seigneur Iesus Christ qui de sa grace nous preuient il me donne à entendre le mal que i'ay faict & encouru par le peché. N'est-ce pas estre preuenue de la grace & misericorde de Dieu, quand la conscience me remord? quand i'ay vne bonne inspiration que ie dois

Dimenche

pardonner à mon prochain , & neantmoins i'y refiste. Nostre Seigneur me veult prendre en sa protection, & ie ne veulx pas estre des siens . Vous voyez d'auantage par cela que la grace & misericorde de Dieu ne contraint le liberal arbitre de l'homme . S'il le veult suiure , cela luy vault à vie eternelle. Et au contraire s'il ne le veult suiure cela luy est à peine & dânation eternelle. Toutes les fois que ie recognois mon peché, & que ie me cōuertis & repens, cela vient & procede de la bonté , grace & misericorde de Dieu. Quand saint Paul ouyt la voix de nostre Seigneur qui luy dit, *Saule, Saule quid me persequeris?* il se soubmist tout incontinent au vouloir de Dieu , & en se repentant il dist: *Domine quid me vis facere?* Et toutes choses qu'il auoit eu en pris & estimation il les a estimées comme siens & fange , pour auoir & posseder Iesus Christ. Et nous ne tenons compte de tant de graces que Dieu nous fait mesmes en nous appelant . Ne delaissons point d'aller à luy par honte & crainte : car cela luy desplait plus que de l'auoir offensé. C'est son propre de receuoir le pecheur à penitence. Aussi deuons nous pardonner à nostre frere Chrestien, à nostre prochain, mais vn qui a si lourdement failly, comme vn heretique, il ne fault pas si tost le receuoir au degré d'honneur. Dieu cognoist bien si veritablement il s'est retourné, & non pas nous. Pharaon ne cessoit de persecuter les enfans d'Israël iusques à tant qu'il sentist les playes & persecutions de Dieu. Et quand il les sentoist, il cessoit, mais ce n'estoit que fiction. Combien que saint Paul fust conuerty : les Apostres ne s'osoient ioindre avec luy , iusques à ce que saint Barnabé leur en portast tesmoignage . A l'exterieur il fault tenir vn maintien , iusques à ce qu'on cognoisse l'homme . Doncques nostre Seigneur ne veult point la mort du pecheur , mais veult qu'il viue. En cela on est semblable à Dieu en supportant le prochain. Et si Dieu par sa misericorde & bonté ne nous preuenoit, nous n'y rions jamais les premiers à luy . Aussi ensuiuez nostre Seigneur en preuenant vostre prochain , & n'attendez pas qu'il vienne à vous , combien que vous n'y soyez pas tenus. Venez ça, nostre Seigneur ne fait il si-

non ce à quoy il est tenu? *Imò*, il n'est rien tenu à nous. Et nous sommes tant contempteurs de nostre prochain. Nous disons qu'il ne vault pas qu'on parle de luy. Ne faisons plus ainsi, mais ayons pitié de luy, & le preuenons en ensuiuant nostre Seigneur. Si vostre prochain vous tient vn dur cuer, allez à luy pour rompre cela & mettez la faulte sur vous. Ne voulons nous point estre enfans de Dieu? ouy. Il fault donc faire cela en ensuiuant nostre Seigneur. Ou fussions nous s'il ne nous eust preuenus, & s'il ne fust mort pour nous? Sainct Paul dit: *Vos qui spirituales estis instruite huiusmodi hominem in spiritulennitatis.* Il en fault passer trois pour vn, sauf l'honneur de Dieu. Ainsi que l'intétion de Dieu est pour nostre prouffit, aussi deuons nous auoir soing du salut de nostre prochain. Vous ne pouuez mieus meriter vostre salut qu'en ayant soing du salut de vostre prochain: *Quia charitas non querit quæ sua sunt, sed quæ Iesu Christi.* Nostre seigneur Iesus Christ n'a point cherché le sien: *Non sibi placuit.* Nous ne deuons auoir autre propos. Sainct Hierome rescriuant ad Nepotianum il dit: *Omnes viduas Christi, aut virgines equaliter dilige, aut equaliter ignora.* Il fault esgalement auoir soing de son prochain, autant du pauvre que du riche. S'il est malade, laisserez vous de l'aller veoir? nenny dea, car nostre Seigneur est autant pour le pauvre que pour le riche sans acceptiõ de personne. Sainct Paul auoit le soing de toutes les Eglises, & s'accommodoit à tous pour les gaigner. Ainsi deuons nous faire: *Nam vnicuique mandauit Deus de proximo.* Nostre Seigneur passe, & cest aueugle crie apres luy pour estre aidé & illuminé. Mes amis ne laissons point passer nostre seigneur sans le prier, sans qu'il parle à nous. Cest aueugle a conceu la foy, & a crié *Iesu fili David miserere mei.* Et ceux qui precedoient l'increpoient qu'il ne parlast, & tant plus s'efforçoit il de crier. Et qu'est-ce à dire? c'est que nous sommes tous aueugles: & la principale cecité vient de peché. Notez que l'homme a esté fait & crée de Dieu, voyant clairement la sapience de Dieu. L'homme estoit entier, & n'auoit point d'erreur de cecité ny de tenebres, & par

Gal. 6.

I. Cor. 13.

Rom. 15.

Eccle. 17.

Luc. 18.

Dimenche

son peché il est tombé en cecité & ignorance. Les Theologiens disent que, *ignorantia prauæ dispositionis est pœna peccati. Erant omnes qui operantur ma'um. Item, omnis malus ignorans.* Malice aueugle l'hōme, & sans le peché il n'eust point ignoré. Ignorance c'est la peine du peché. Dieu amena toutes les bestes à Adam, qui leur imposa leurs noms. Cela procede de la sapience de Dieu. Sainct Iean Chrysostome dit, qu'en ceste sapience de Dieu donnée à Adam, Adam voyoit clairement. Et quand il fut esueillé il dist : *Erunt duo in carne vna.* Il fut faict en grande cognoissance de Dieu, mais par peché il a esté faict aueugle. Et nous tous auons contracté le peché en Adam, & sommes constituez enfans d'ire par nature & propagation. Nous sommes nais aueugles. Adam est tombé en tenebres de peché, & nous tous auons contracté la cecité d'Adā: laquelle peult estre ostée par la vertu de Dieu, entant qu'on s'efforce de se conformer & venir à Dieu. Et tant plus i'ay griefuement peché, l'ignorance est augmentée & la promptitude à mal. Nous deuons cognoistre que nous sommes tous aueugles, & ne pouuons cognoistre la voye de salut. Et que nous fault il doncques faire? allons à nostre Seigneur qui est la lumiere & la voye de salut: & luy prions qu'il luy plaise d'illuminer noz tenebres, & nous mettre en la vraye lumiere de sa cognoissance, *Domine vt videam.* La premiere iustification donnée à l'homme, c'est de la pure grace & misericorde & liberalité de Dieu. Et quand ie suis iustifié, mes euures sont meritoires de vie eternelle, & par icelles Dieu se constituë nostre debteur & nous rend paradis, comme le loyer de nostre euvre. Et ainsi Dieu est iuste en nous redant la couronne de iustice. Les Theologiens disent que l'euvre faict hors la grace de Dieu, n'est pas meritoire de vie eternelle. Et pource la premiere iustice de l'homme vient de la pure grace de Dieu & de sa misericorde: *Quia si ex operibus iam non est gratia.* Et sainct Paul en l'epistre à Tite dit : *Non ex operibus iustitia quæ fecimus nos, scilicet ex operibus precedentibus.* Car si noz euures ne sont faictes en grace, elles ne sont pas meritoires de vie

Mat. 19.

Luc. 18.

Tit. 3.

eternelle. Doncques l'aveugle demande la grace & misericorde de dieu. Seigneur dieu faictes moy grace & misericorde. On dit à l'aveugle, tais toy : mais il ne veut pas pourtant se taire. Il nous donne exemple. Ceux qui l'empeschent sont ceux qui vont deuant. Souuent la multitude des tentations & tribulations nous fait taire. Au commencement ie prie & à la fin ie me decourage, mais il fault prier, comme l'aveugle : il fault crier de plus en plus. Dieu se delecte en nostre importunité: *Semper oportet orare & nunquam deficere*. Nostre Seigneur nous propose la parole du iuge & de la vefue qui l'importunoit : & ce iuge dit, afin qu'elle ne me soit moleste, ie luy feray iustice. Combien plus vostre pere celeste fera il ce que vous luy demanderez si vous continuez en bonnes prieres & oraisons? Pensez vous qu'il vous defaille? La chair empesche à bien faire, comme dit saint Paul : *Non quod volo bonum hoc facio, sed quod nolo malum* Roma.7. *hoc ago*. Ie veux dire mon seruice & bien faire, & ie voy que i'ay tant d'empeschemens, cela me fait taire : ie dis, ie ne scaurois rien dire: ie n'ay point de deuotiō, parquoy ie quitte tout, *Imò* il se fault plus escrire en sa necessité: quand nous voyons que nous n'auons deuotion ny paix interieure. Crions tousiours *Iesu fili David miserere mei*. Luc.18. Nostre Seigneur oyant ce bon homme il s'est arresté: *Stetit, Mater Dei!* c'est grād chose que les prieres d'un hōme de bien arrestent Dieu. Nostre Seigneur s'est arresté à la voix d'un pauvre homme qui luy a dit : Seigneur que ie voye, il ne demande autre chose. Voyla la veüe corporelle: mais quant à la veüe spirituelle: *Domine vt videam, hoc est adauge mihi fidem*. Le meilleur bien & qui induit à bien faire, c'est d'auoir tousiours Dieu deuant ses yeux. Prions en tous noz dits & pensées que nous voyons tousiours Dieu. Voyla vn seruiteur qui voit son maistre, il ne fera rien de mal pour la reuerence de son maistre. Regardons tousiours Dieu, & pour la reuerence nous gardons de mal faire, comme les seruiteurs sont diligens deuant leur maistre. Mais nous ne voyons pas nostre maistre. Disons luy: *Domine vt videam*. Seigneur Luc.18.

Dimènche

Hebr. 11.

3. Reg. 17.

Dieu que ie ne die ne face rien que ie ne vous voye, c'est à dire que i'apprehēdes tousiours Dieu, comme present, ainsi que faisoit Moÿse : *Inuisibilem enim tanquam vident. sustinuit.* Et Dauid dist à Dieu : i'ay gardé voz commandemens, car toutes mes voyes sont en vostre presence. Et Elisée disoit : *Viuat dominus in cuius conspectu sto.* Pour se retirer de mal & bien faire, il fault voir Dieu. Autrement, *Domine vt videam.* Plusieurs desirent de bien faire, mais pource qu'ils ne voyent pas Dieu en leurs eures, il leur semble qu'ils soyent reprouuez. Prions Dieu que nous le voyons en nostre eure, c'est à dire que nostre eure luy soit agreable. Je fais vn bon eure pour l'amour de Dieu, & aimerois mieux mourir que del'offenser. Je doibs esperer que mon eure est agreable à Dieu. Voir ainsi Dieu gist en bon sentement de Dieu. Si ie voy mon maistre se plaie en mon eure, cela me donne courage de le mieux seruir : autrement ie me fâche. Ainsi fault-il esperer en Dieu. Quand ie besongne pour l'amour de Dieu, ne doibs-je pas esperer d'estre remuneré? L'escriture dit que Dieu est sur ceulx qui le craignent, & en esperance ie garde ses commandemens. Il fault donc esperer que Dieu est en mon eure, & s'y complaist, quand ie ne le fais pour l'amour de moy, mais en esperāt en nostre seigneur I E S V S C H R I S T, en m'appuyant sur luy, mon eure est plaissant & agreable à Dieu, il y met son cuer, car il dit: Si vous faictes & gardez mes commandemens vous serez mon pere, ma mere, mes freres, & ainsi en voyant que Dieu se complaist en nostre eure, nous deuons plus besongner & faire de bonnes eures, & de mieux en mieux. Autrement : *Domine vt videam.* La plus grande vertu qui soit en l'homme, c'est prudence & discretion. Car combien que l'eure soit bon de soy, s'il n'est fait par discretion il n'est pas agreable à Dieu. Et pource. *Domine vt videam.* Seigneur Dieu faictes moy la grace que ie voye, c'est à dire que ie ne face rien sans bonne discretion. Autremēt, *Domine vt videam,* que ie voye ou va mon eure, ou elle tend, comme vn marchand s'en va à mille lienes d'icy.

Luc. 18.

Qui l'y meine? c'est le gaing & prouffit qu'il en attend auoir. Aussi en considerant les biens inestimables de Dieu: *Que oculus non vidit, nec auris audinit, nec in cor hominis ascendit*: Si nous le cognoissons nous irions apres avec vne grande diligence, comme nostre Seigneur I E S V S C H R I S T disoit à la Samaritaine: *Si scires donum Dei*. D'ou vient que nous sommes tant paresseux au seruice de Dieu? c'est que nous ne regardôs pas bien à la fin, c'est à dire à la vie eternelle, c'est Dieu. Et voyla qui fait que si laschement & negligemment nous faisons l'euure de Dieu: *Sed va homini qui facit opus Dei negligenter*. Si le Roy promet quelque chose à quelqu'un pour l'enuoyer quelque part, & luy faire faire quelque chose, l'homme y court en poste. Et dieu dit: *Si vis ad vitam ingredi serua mandata*. Et pource il fault courir de grâd courage en faisant & gardant ses saints commandemens. Voulez vous mieux que de posseder Dieu? Et pource crions à nostre Seigneur: *Domine vt videam, scilicet eternitatem futuram*. Et si l'eternité bien-heureuse ne nous induit à bien faire, à tout le moins que ce soit crainte de tomber en l'eternité malheureuse. C'est vn aueugle qui nous enseigne à voir dieu: mais pource que nous sommes és iours gras, on dit qu'il se fault resiouir, & que tout le monde fait ainsi. Et bien tout le monde sera doncques damné. Non sera, car nous ferons penitence si dieu plaist. Or bien nostre Seigneur a dit à cest aueugle, regarde. *Respice, ouure les yeux. Et confestim vidit*: Tout incontinent il a veu. Regardez l'efficace de la parole de dieu: aussi tost qu'il a parlé, l'aueugle a esté illuminé: en vn moment il a veu. Sainct Marc dit: *Qui profecto vestimento suo exiliens venit ad eum, scilicet Iesum*. Voulez vous aller à nostre seigneur I E S V C H R I S T? Regardez qui il est. C'est vn nouveau homme, il est venu du ciel, il fault despouiller sa robbe, c'est à dire le viel hōme, pour venir à nostre seigneur, & se vestir de luy: *Deponentes veterem hominem cum actibus suis*. Le vieil homme, c'est Adam, & sa condition c'est d'acquiescer à la terre, estre rebelle, chercher le sien propre seulement, mal dire d'autrui & sem-

I. Cor. I.

Ioan. 4.

Ierem. 48.

Matt. 19.

Luc. 18.

Luc. 18.

Matt. 10.

Dimenche

blable, Despouillez cela si vous voulez venir au nouveau homme, duquel la cōdition est d'estre humble, cher cher le prouffit d'autrui. Et ainsi vous viendrez à nostre Seigneur cōme cest aueugle qui s'est despouillé: *Exiliens venit ad Iesum*. Il faultoit, c'est à dire qu'il ne fault point venir à nostre Seigneur par contraincte. Plusieurs n'iroient iamais à confesse si le quaresme ne venoit. Et dès le commencement ils voudroyent que le quaresme fust desia passé, & ils ne veulent point venir à la fin, car ils craignent de se cōfesser. On leur demande: Or ça mon amy qu'avez vous fait? rien. Allez vous en doncques. Tout le monde va ioüer & faire grand chere à ces iours gras icy. C'est l'eure du monde, du diable. Nous sommes bien meschans d'estre plus curieux de nous damner que de nous sauuer Tu dis: O nostre Curé est trop long, & de sermonner aux iours gras il n'y a point de propos. Les vns sont ioyeux de la predicatiō, & en font leur prouffit, les autres s'en moquent. Il se fault resioüyr, puis qu'il fault ieusner. Tous biens viennent en quaresme. c'est vn temps diuin, acceptable, ou il se fault exercer à tous biens & vertuz. Et pource, de ce temps de quaresme

il fault estre bien aise, & s'en resioüyr: *Quia hilarem datorem diligit deus*. Si le Roy donnoit cent ou deux cens escus pour ieusner le quaresme, il y en auroit grand nombre qui le ieusneroient. Quand nous n'auiōs autre chose pour le ieusner sinon que de plaire à Dieu, ce seroit beaucoup, & il luy plaist par sa grace de nous donner paradis. Et pource, il fault ieusner ioyeusement & de bon cueur pour l'hōneur de nostre Seigneur. Voyla l'aueugle, il faultoit tant estoit aise, ce luy estoit vn quaresme prenant. Nostre Seigneur ne refuse iamais vn cueur contrit & humble. Il dit à l'aueugle. *Respice*, Regarde *Fides tua te saluum fecit*: L'aueugle n'a pas seulement eu la foy, mais aussi les euures, car il a crié bien hault. Et autrement sans les bonnes euures, on ne peult estre iustificié. *Primò* la foy precede, il a conceu vne bonne foy en luy, qui l'a mené à Iesuchrist. Et Iesuchrist a eu pitié de luy. La foy en l'escriure comprend souuent esperance & charité, & les bon-

Luc. 18.

I. Corin. 9.

Luc. 18.

Macr. 10.

nes eures comme quand nostre Seigneur dist à la Magdalene, à la Chananée, *Fides tua te saluam fecit*. Et icy il dit aussi à cest aueugle. Ta foy t'a sauué, disons aussi à nostre seigneur qu'il ait pitié de nous. Ce pauvre hōme a suyuy nostre seigneur. Aussi quand nostre seigneur nous a pardonné noz faultes & noz pechez, ne suyuous pas le monde, mais Dieu. Il est dit qu'apres que les trois Rois eurent adoré nostre Seigneur Iesus Christ ils s'en retournerent par vn autre chemin, car ils estoient venuz par le chemin de la chair, & nous y sommes aussi venuz: il n'y fault retourner, mais par la voye de l'esprit. Allons à nostre seigneur, & delaißons le monde & sa doctrine: *Nolite conformari huic seculo*. Principalement gens de religion, il ne fault pas qu'ils facent comme les enfans d'Israel firent au desert, qui regrettoient les oignōs, les pompons, les aux & concombres d'Egypte. Il fault oublier ses plaisirs & voluptez du mōde, & n'y fault plus retourner, mais suyuous nostre Seigneur comme a fait l'aueugle, lequel quand il fut enluminé tout le monde en louoit Dieu. Et en ce faisant Dieu nous donnera sa grace en ce monde, & la vie eternelle en l'autre. *Ad quam nos perdu-*

*cat, qui in trinitate perfecta uiuit & regnat
in secula seculorum.*

Amen.



Quatre sermons, non encores im-
primez deuant cest an 1565.

*Pour le iour de la feste saint
André.*

Ioan. 1.



Adter die stabat Ioannes & ex discipulis eius,
duo. Il y a deux choses que l'homme sçait
& cognoist bié de soy, sans qu'aucun luy
en monstre & donne autre tesmoignage.
Il ne fault point donner tesmoignage à
l'homme des choses appertes & euidetes
& qui apparoissent à l'œil. En plein midy ne fault point
dire ny appeller des tesmoins pour m'asseuter qu'il faiçt
iour. Vne chose apperte & qu'on voit deuant ses yeux, ne
requiert point autres enseignemens. Voyla vn homme
pris sur le faiçt: son crime est tout notoire. Il ne fault
point autre tesmoignage. La cognoissance est assez pu-
blique par le faiçt qui est tout notoire. Ainsi disons nous
que és choses qui sont assez appertes & cogneuës, en cest
endroit ne fault point d'autre tesmoignage. Il y a d'au-
tres choses qui sont occultes & cachées: elles ne sont eui-
dentes & appertes de soy. Il est besoing auoir autre co-
gnoissance pour entendre ce qui est occult. Vous voyez
quand il est question de quelque cas qui n'est euident, on
faiçt information, on regarde à prendre tesmoins. Et
par leur tesmoignage & deposition, on viët à la cognois-
sance du faiçt. Le iuge ne m'a pas veu tuer vn hōme, mais
par les tesmoins qui sont recolez, il a cognoissance de
mon faiçt: & selon ceste cognoissance il iuge & decide la
cause. Aucunes fois vn homme me dira quelque propos,
& pource que n'ay pas grande asseurance de cest hōme,
ie n'adiouste pas foy à ce qu'il me dit: & m'enquiers à vn
autre qui le cognoist quel homme c'est. Es choses oculai-
res ne fault chercher autre tesmoignage: mais és choses
qui sont occultes & cachées de la cognoissance de l'hom

me, fault chercher tesmoignage pour en auoir cognoissance certaine & asseurée. Il nous fault entendre & cognoistre Iesus Christ. Nostre sauueur est bien occult & caché. Il est dit de Dieu. *Deus absconditus*. Dieu est abscondé. Dieu est inuisible. *Deū nemo vidit vnquam*, Iesus Christ le fils de Dieu aussi est bié caché & abscondé de l'hōme. Si est-ce qu'il fault cognoistre Dieu & Iesus Christ & en auoir cognoissance stable & certaine sans aucun doute. Dieu n'est pas si appert que le puissions cognoistre de nous sans autre tesmoignage. Il nous fault aussi chercher tesmoignage de Iesus Christ, pour nous asseurer de luy & le cognoistre. Nostre Seigneur nous a mis deuant les yeux certains tesmoins, par lesquels il se dōne assez suffisamment à cognoistre à nous. Le ciel, la terre, les elemens & les euures de Dieu sont tesmoins *Et indices oculares*, pour cognoistre la conditiō, la qualité & nature de Dieu. Si vn iuge ne veult point regarder son enqueste, son information: s'il ne veult ouyr ce qui est allegué contre le criminel, il ne scauroit rien cognoistre du crime. Aussi nostre Seigneur qui veult estre cogneu d'un chacun (car il veut que tout le monde soit sauué) & on ne peut venir à salut sans cognoistre Dieu, il nous donne des tesmoins oculaires pour le cognoistre, tant seulement en ouurant l'œil nous cognoistrions la condition & qualité de Dieu. Pour le premier, la nature & condition de Dieu, c'est bonté & verité. Dieu est bon par nature: c'est son naturel que bonté. Dieu aussi de son naturel est verité: il est immobile, il ne chāge point. Dieu de son naturel est toute sapiēce. Il n'y a rié caché à Dieu. Dieu de sa propre essence est charité & misericorde. Si ie veulx ouurir l'œil, & considérer tant soit peu les tesmoins que Dieu nous met deuant les yeux pour se faire & donner à cognoistre à nous, facilement le cognoistrions. Si nous regardons les elemens, la terre, la mer, & les autres, nous verrons sa prouidence: nous cognoistrions qu'il regit & gouverne les creatures qui sont variables, combien qu'il ne soit point variable, mais immobile. Et c'est ce que dit S. Paul: *Inuisibilia Dei per ea quæ facta sunt, intellectu conspiciuntur*. *Rom. I.* *Sempiterna virtus eius & diuinitas*. Dieu qui en soy est in-

Esa. 45.
Ioan. I.

*Les elemens
tesmoignent
de Dieu.*

1. Tim. 2.

*La nature de
Dieu.*

Rom. I.

Pour le iour

Psal. 18.

uisible se donne à cognoistre par tesmoings clairs & manifestes: comme par le ciel & par la terre. C'est ce que dit Dauid. *Calī enarrant gloriā Dei*. Les cieux dōnent à cognoistre assez sa condition & qualité. Mais n'est assez de cognoistre qu'il y a vn Dieu, qui est infinie bonté verité & charité. Et pour venir à ceste cognoissance, il faut auoir des tesmoings oculaires qui sont les creatures & euures de Dieu. Et est ce tesmoignage si apert, q̄ ne scauriōs aller au contraire? Les euures de Dieu monstrēt biē qu'il est tout puissant. Dieu qui est tous les iours tant iniurié, qui faict luire son soleil sur les mauuais aussi bien que sur les bons. En faisant bien aux meschās mōstre assez sa bōté. Tu l'offenses iournellement & en retournant à luy de bon cuer, incontinent il oublie tout, & te reçoit en son amitié. Il montre assez par cela, *quod non vult mortem peccatori*. Encores Dieu ne se cōtente pas de nous dōner ce tesmoignage, mais nous en donne encores vn autre de sa bonté puissance & grace qu'il faict à l'hōme. Nostre Seigneur nous donne l'escripture. Le premier tesmoignage pour cognoistre sa qualité & condition, est son ouurage, c'est à dire la creation du mōde. Apres nous auons autre tesmoignage pour la cognoistre q̄ est la parole de Dieu, cōme Moysē a esté vn tesmoing & les prophetes. Par les escriptures nous venōs à la cognoissance de Dieu. Et ceste cognoissance est biē de plus grand poix que celle qui est par les creatures. S. Paul dit: *Sine lege iniustitia Dei manifestata est: testificata à lege & prophetis*. La loy & les prophetes nous declarēt que c'est que la iustice de Dieu. Ils nous donnent à cognoistre Iesus christ. Tellemēt q̄ nous auōs

Rom. 3.

cognoissance de Dieu en deux sortes. Par les creatures, q̄ nous dōnent à cognoistre q̄ Dieu est bon: qu'il scait tout: que rien n'est occult & caché à son œil lequel penetre tout, par sa prouidēce il gouuerne tout. Voyla le premier tesmoignage q̄ est des creatures, par lequel nous cognoissons que Dieu est tout puissant, qu'il tient tout sous sa main. Nous auōs vn autre tesmoignage, qui est bien plus singulier & parfait, q̄ nous auons par la loy, lequel nous donne à cognoistre Dieu & Iesus Christ. Comment? Par l'escripture nous auons vn tesmoignage clair & euidēt

Nous cognoissons Dieu par deux manieres.

de la bonté de Dieu & de Iesus Christ. Par le tesmoignage des creatures nous ne cognoissons pas que Dieu ait enuoyé son fils en ce monde. Le ciel ny la terre ne nous donnent pas à entédre cela. Mais par le tesmoignage de l'escripture nous cognoissons la singuliere bonté de Dieu, qui a enuoyé en ce mode son fils. Par l'escripture nous cognoissons son incarnatiō, sa passiō, resurrection & assension. Tout cela ne se cognoist q̄ par le discours des creatures, mais par la bonté singuliere de Dieu, qui transcend tout entédemēt humain laquelle est demonstrée en l'incarnatiō, mort & passiō de Iesus christ. Et no^s cognoissōs cela p l'escripture. Toute la bonté & sapiēce de Dieu nous est demonstrée par Iesus Christ. Par le discours de nature nous ne pounōs cognoistre Iesus Christ dieu & homme: mais pour le cognoistre, est requis le tesmoignage de la parole de Dieu. Et ceste incarnatiō du fils de Dieu a esté annoncée p moysē & les ppheres. Et en cela Dieu mōstre sa bonté qu'il a enuoyé son fils prédre chair humaine au vêtrevirginal. c'est bonté se démettre de sa grādeur pour s'assuiettir & endurer pour autrui. Dieu s'est fait hōme en son incarnatiō & en sa passiō a doné à cognoistre à l'hōme sa bonté singuliere. Vn grād personnage qui se réd familier & se fait semblable au pl^s petit: on dit de luy. Voila vne bone psonne: il ne sent riē de luy. La vertu de Dieu est grāde laquelle est demonstrée par l'vniō des deux natures en vne personne, qui a esté accōply en l'incarnatiō du fils de Dieu. Et ainsi en Iesus Christ on cognoist la bonté, vertu, & puissance de Dieu. On cognoist aussi en icelle la verité & immutabilité de Dieu. Car dés le cōmēcemēt du mode il auoit promis ceste vniō. Et cōbiē qu'auāt l'accōplissemēt de ceste promesse l'hōme ait beaucoup cōtinué en son peché, si est-ce q̄ Dieu a tenu sa promesse: il a enuoyé son fils en ce mode. Voila, en l'incarnatiō on voit la bonté de Dieu: aussi fait on son immutabilité. Outre ce, en Iesus christ on voit encore la sapiēce de Dieu: car par son abiectiō, & qu'il s'est fait petit, a vaincu le diable. On n'eust iamais pensé que nostre Seigneur eut vaincu son ennemy par ce moyen. Or de cognoistre Iesus christ par discours humain, il n'est possible. Il fault donc auoir

*La venue de
Iesus ne se co
gnoist que
par l'escri-
pture ou pa-
role de Dieu.*

Pour le iour

Deux choses requises pour estre sauué. autre tesmoignage pour cognoistre Iesus Christ. Pour estre sauué il fault deux choses, cognoistre Dieu & Iesus

Christ, sans lequel on ne peult venir à salut. Or dõc, pour cognoistre nostre sauueur, nous auons tesmoignage de la loy & des prophetes. Et entre autres, Sainct Iean Baptiste a esté enuoyé pour tesmoigner de Iesus Christ, & donner la cognoissance de Dieu aux hommes & le manifester. Aucunes fois i'auray ouy parler de quelqu'un que iamais ie ne vey. On me le monstre, & dit on: Voyla celuy duquel auiez ouy parler. Aussi on attendoit le Messias Iesus christ: & en ceste expectation on viuoit. Le temps auquel il deuoit venir estoit accomply. Il cheminoit parmy le peuple: & on ne le cognoissoit pas. Dieu

Ioan. I.

a enuoyé S. Ieã Baptiste pour le manifester. *Venit in aquas baptizans, vt manifestaretur in Israel.* Et est aduenue vn fois entre les autres, que S. Iean estoit arresté, & auoit avec luy deux de ses disciples. Est aduenue que nostre Seigneur

Ioan. I.

Marc. I.

Luc. 3.

ce pendant a passé: S. Iean l'a veu. Au parauant, en auoit porté tesmoignage, & auoit dit de luy. *Ecce agnus Dei: ecce qui tollit peccata mudi.* Et aussi. *Venit fortior me post me: cuius nõ sum dignus soluere corrigiam calceamenti eius.* Il l'auoit baptizé. Incessamment portoit tesmoignage de luy.

Entre autres, vn iour il estoit avec deux de ses disciples: nostre Seigneur passa, & il leur dit: *Ecce agnus Dei.* Voyla le sauueur du monde. Voyla celuy que vous attendez pour Messias, allez apres luy. L'un de ces deux disciples, qui estoit S. André suiuoit l'escolle & la doctrine de S. Iean: aussi faisoit S. Pierre. S. André n'auoit point encore cogneu le Messias, il l'attendoit comme les autres. Sainct Iean le monstre au doigt disant: *Ecce:* Le voyla. Tellemẽt que la premiere cognoissance que S. André a eu de nostre Seigneur, est venue de ce que S. Iean l'a monstré au doigt. Et c'est ce que i'ay prins au theme, à sçauoir: *Altera die præbat Ioanne, & ex discipuli eius, duo.* On est bien aise

Ioan. I.

quand on a ce qu'on desire. C'est vne affliction d'esprit à l'homme, quand ce qu'il desire luy est differé. Et quãd on a ce qu'on desire, c'est matiere de grãde ioye. S. André desiroit la venue de Iesus Christ, & en ceste expectation suiuoit saint Iean. Sainct Iean luy monstre au doigt,

&

& luy dit : le voyla. Va apres. *Ecce agnus Dei.* Comme i'ay dit au commencement , pour estre sauué non seulement fault cognoistre Dieu , mais aussi Iesus Christ. Et Dieu a enuoyé des gens en ce monde pour le donner à cognoistre au peuple. En voila vn, S. Iean. *Fuit homo missus à Deo, Ioan. I. cui nomen erat Ioannes.* Pourquoy a-il esté enuoyé ? Pour porter tesmoignage de la lumiere, qui est nostre Seignr. Il en a porté tesmoignage deuant deux de ses disciples, *Ecce agnus Dei.* Le voyla deuant voz yeux. Suyuez-le. En ce tesmoignage S. Iean declare la condition & qualité du Messias. Le Messias est l'aigneau de Dieu. Il n'y a rié plus humble & obeissant qu'un aigneau. D'auantage il faict tout plein de prouffit à l'homme. Il luy sert de vestemēt & nourriture. *Alit & induit hominem.* Outre ce, de son naturel est doux & debonnaire. Il n'a point accoustumé de nuire à personne. Il est humble & patient. Et par ce, ce qu'a dit S. Iean: *Ecce agnus Dei* : il a déclaré la qualité du Messias. Iesus Christ est doux & debonnaire cōme vn aigneau. Vous voyez quelle humilité il a mōstrée & quelle patience. Il n'a pas respondu à vne iniure qu'on luy aye faicte. Dauid en la personne de nostre Seigneur disoit. *Ego autē tanquā surdus nō audiebā.* De son humilité, il s'est rendu humble & obeissant iusques à la mort. Voyla l'obeissance, la māsuetude & patiēce de l'aigneau. Outre ce, vous voyez que S. Iean Baptiste en disant de nostre Seigneur qu'il est l'aigneau de Dieu, nous declare le bien le prouffit & l'vtilité que nous auōs par Iesus Christ qui est l'aigneau. En l'ancienne loy, l'aigneau estoit immolé & sacrifié : & estoit commandé de ce faire. Quand S. Iean dit: *Ecce agnus Dei*, il declare que Iesus Christ est le vray aigneau qui deuoit estre sacrifié pour la redēptiō de l'hōme. Et tout ainsi que par l'immolation de l'aigneau ont esté deliurez les enfās d'Israel de la captiuité de Pharaō, & preseruez de l'ange qui extermina les premiers nais d'Egypte: aussi par Iesus Christ nous sommes deliurez de la captiuité du diable, de la loy, & d'enfer. C'est le vray aigneau qui est venu pour estre sacrifié pour le peché de l'homme. Et par ceste immolation, la reconciliation, & la paix de l'hōme avec Dieu a esté faicte: Dieu est appai-

Ioan. I.

Psal. 57.

Exod. 12.

Pour le iour

*Iesus christ
s'est offert et
sacrifié à la
Cene.*

*La differen-
ce du sacrifi-
ce en croix
& à l'autel.*

fé. Et pource Iesus Christ est appelé l'aigneau de Dieu. Outre ce, *Ecce agnus Dei*, c'est que nostre Seigneur a esté immolé visiblement en la croix, pour la remissio des pechez & reconciliation du peuple avec dieu. Outre cela il s'est immolé le iedy absolu quand a mangé l'aigneau paschal avec ses disciples. Il s'est sacrifié & offert luy-mesme sous les especes de pain & de vin à Dieu son pere. Et to^u les iours se sacrifie par le prestre à Dieu q^{ui} tiét son lieu, en l'autel : & se sacrifiera iusques à la fin du monde pource q^{ue} c'est luy-mesme qui est en l'autel qui estoit en la croix : & en auons vn mesme emolumēt. Il n'y a autre difference sinō q^{ue} Iesus Christ estoit en croix visiblement : & en l'autel est inuisible. En la croix estoit mortel & passible, maintenant en l'autel est inuisible & impassible. Estre veu & n'estre point veu, ne met point de difference en la personne. Et pourtant nous reuiens vn mesme emolument du sacrifice qui a esté fait en la croix & de celui qui est fait en l'autel. Comme dient les Theologiens : *In cruce sacrificium illud erat cruentum; in altari verò est incruentum*. Et pourtant quand on vouloit faire immoler Sainct André aux idoles, il disoit : *On nipotēti Deo, qui vnus & verus est, ego omni die sacrifico: non thuris fumum nec thaurorum rugientium carnes, nec hircorum sanguinem: sed immaculatum agnum quotidie in altari crucis sacrifico. Cuius carnes, posteaquam omnis populus credentium manducauerit, & eius sanguinem biberit, agnus, qui sacrificatus est integer perseuerat & vnus*. Tout le peuple prend cest aigneau neantmoins la chair n'est diuisée: l'aigneau demeure entier. Et *Egeas* homme charnel ne pouuoit entendre ces propos. Or dit S. Iean baptiste à ses disciples : Voyla l'aigneau de dieu, celui qui efface les pechez du monde. Il ne dit pas : *Qui tollet*, aut *qui sustulit*, mais il parle par le temps present, pour monstrier que tousiours la mort de Iesus Christ & en tout temps est aussi efficace comme à l'heure qu'il a souffert mort en croix. Pourtant pour monstrier ceste efficace il dit au present, *Tollit*, & n'vse point du futur ny du passé pour monstrier que la mort de Iesus Christ n'a esté plus agreable à Dieu le pere estant en l'arbre de la croix, qu'elle est maintenant. Et si fault

entendre quand on dit, *Tollit*, c'est à dire, il efface. L'efficace de la mort de Iesus Christ quand à la remission du peché, a lieu dès le commencement du monde, qui a remis l'offence & le peché d'Adam. Les hommes qui ont esté conçus en peché originel, en vertu dequoy ont ils eue remission de leurs pechez ? Par Iesus Christ. Pource, sa mort avant qu'elle fust accomplie, elle auoit efficace. Parquoy Sainct Iean en son Apocalipse appelle nostre Seigneur aigneau, *qui occisus est ab origine mundi*, lequel a esté occis dès le commencement du monde. C'est à dire: Il estoit preueu que cest aigneau mourroit. Et avant sa mort en sa personne, elle auoit ia operation, qui estoit de vnir l'homme avec Dieu, & de faire la paix. Et ceste reconciliation estoit faicte auât qu'il fust incarné. *Agnus, qui occisus est ab origine mundi*. Il y a double operation de la mort de Iesus Christ. L'une est remission de peché: & avec ceste remission il y a infusion de la grace de Dieu. Car non seulement le peché est remis, mais en remettant le peché Dieu redonne sa grace à l'homme. *Remissio peccati & infusio gratia in eodem instanti fiunt*. Et ceste operation l'homme l'a eue avant la mort de Iesus Christ. Voyla le premier effect de la mort de Iesus Christ. L'autre euvre & operation de la passion de Iesus Christ est l'entrée en paradis. Et la mort de Iesus Christ preueue n'auoit point ceste operatiō auât qu'il fust mort: avant sa mort homme n'auoit entré en paradis. Mais aujourd'huy incontinnāt que l'homme par mort est sorty de ce monde (s'il n'y a empeschement de son costé) il entre en paradis. Et pource nous auons bien plus d'auantage aujourd'huy qu'ils n'auoient le temps passé. Et c'est ce que dit Sainct Paul. *Nunc autem propior est nostra salus, quam cum credidimus.* *ad Rom. 13.* Nostre salut est bien plus prochain, qu'il n'estoit anciennement. Car outre ce que nous auons la grace de Dieu, incontinant que nous mourons, le ciel est ouuert pour nous. Et il n'y a que nostre peché qui nous empesche d'y entrer. Avant la mort de I E S U S C H R I S T le ciel n'estoit ouuert. Or voyla l'aigneau qui efface les pechez. Encores indifferemment il dit, *Peccata*, pour monstrier tout peché grand

Pour le iour

& petit estre pardonné & reserué à la passion. En ce monde il y a des pechez qui s'en vont regulierement. Il en y a d'autres lesquels le Roy n'a point de puissance reguliere. Et s'il les remet, c'est de sa puissance absoluë. Comme raiuissement de femmes : estre sacramentaires. Mais il n'est pas ainsi en Iesus Christ. Sa passion est de si grande efficace, que quelque grande cōtinuation en mal qu'il y ait, tousiours se peult remettre tel peché, par la vertu de la passion de nostre Seigneur. Et à ce propos S. Augustin quād il pensoit à l'efficace de ceste passion, disoit: Je n'ay point peur, quand ie pèse que Iesus Christ est mort pour moy. Vn lutherien en dira autant. Escoute : ie ne m'estonne point, Voirray-ie en faisant penitence, & confessant mes fautes deuant le prestre? en faisant cela ie suis biē assuré que ie participeray le fruct & 'merite de la passion, en faisant penitence. Le lutherien ne veult point ouyr parler d'aller à confesse. Or vous voyez l'efficace de la passion de l'aigneau. Mais sçauiez vous biē comment il efface les pechez? *Agite pœnitentiam*. En faisant penitēce vous aurez le proufict & l'emolument de la mort & passion de Iesus Christ. Et pourtant disoit Sainct Luc: *Facite fructus dignos pœnitentiæ*. Faiçtes fructs dignes de penitence. Comme quoy? Sainct Paul dit : *Sicut exhibuistis membra vestra seruire immunditiæ: & iniquitati ad iniquitatem: ita nunc exhibete membra vestra seruire iustitiæ in sanctificationem*. Auez vous faiçt mal? faiçtes bien doreseuauant. As tu desrobé? ne sois plus larron, mais traualle de tes mains, si que tu puisses subuenir à la necessité & misere d'autrui. Je sçay bien & croy fermement que Iesus Christ par sa mort efface les pechez du monde. Dōc ie n'ay plus de peur. Mais pour auoir ce fruct & en estre participant, il fault faire penitence. Que s'ensuit-il apres? *Appropinquauit vobis regnum calorū*. Veux tu auoir part à la gloire de Iesus Christ & au fruct de sa passion? *comparere: tolle crucem & sequere Christum*. Comme s'il disoit: Si quelqu'un se veult sentir du fruct de ma passion, il fault qu'il se conforme à moy & me suyue. Et toy lutherien, tu ne veux estre participant de ce fruct. Tu le monstre bien, car tu ne veux obeir à Dieu & à l'Eglise.

Matt. 3.

Luc. 3.

Rom. 6.

Matt. 16.

Parquoy ne te sentiras aussi de l'efficace de la passion de Iesus Christ. Voyla vn medecin qui me peult bien guerir: lequel neantmoins ne me guerit point pource que ie ne veux pas faire ce-qu'il m'a ordonné. Aussi pour estre sauué Iesus Christ a ordonné le sacrement de penitence: & ie ne veux faire penitence. Donc si ie ne suis sauué, ne m'en dois prendre qu'à moy. *Ecce, qui tollit peccata mundi.* Voyla celuy qui a effacé les pechez du monde. De qui? De ceux qui prennent les moyens lesquels il a ordonnez pour venir à salut. Lesquels moyens tout le monde ne prend pas. Sainct Paul dit: *Non omnes obediunt Euangelio.* Tous ne croient à l'Euangile. Parquoy s'ils ne s'amendent, Iesus Christ est mort en vain pour eux. *Christus pro eis gratis mortuus est. Ergo euacuatum est scandalum crucis: Qui* *ad Rom. 10.* *ad Galat. 2.* *tollit peccata mundi.* Il est tout prest d'effacer les pechez. *ad Galat. 5.* Il ne faict iamais songer apres luy. Aussi tost qu'on vient à luy de bõ cueur, il efface tout. Pourtāt, pauvre pecheur, prends assurance & viens à luy hardiment. Il efface le grand peché aussi bien que le petit. Mais il fault faire penitence. Quand nostre Seigneur est venu, au commencement de ses predications il a dit. *Agite pœnitentiam.* *Marc. 1.* Faites penitence. Et qu'est-ce à dire penitence? Vn lutherien dit: Ie me repens, ie suis vn grand pecheur, &c. Sans declarer rien en particulier. Viens-ça, Le medecin vient à moy, & me demande: qui vous faict mal? ou vous tient il? Quel remede me donnera-il, si ie ne luy declare ou il me tient? Aussi ie me veux guerir de mon peché & me repentir d'auoir mal faict, pour estre guery de ma maladie. Mais Dieu a ordonné qu'en particulier tu declares ton peché au prestre, auquel il a donné puissance d'absouldre en se confessant à luy, quand il a dit: *Quorum remiseritis peccata, remittuntur eis.* *Ioan. 20.* Et tu ne veux aller à confesse: mortifier ta chair, & faire ce que dit Dieu. Mon amy ne t'attēds tirer, tant soit peu, du fruiēt de la passion de Iesus Christ. *Ecce agnus Dei.* Aucunesfois vn pauvre homme est au desespoir. Et allez à Iesus Christ. Voyla l'aigneau: en luy tout tō biē & ton salut est colloqué. Aseure toy en luy & en ses promesses en recognoissant tō offense. Confesse toy & te repens au moins mal que tu

Pour le iour

pourras, & tu auras remission. Sainct André & son compaignon quand ont ouy ce tesmoignage, incontînât coururent apres Iesus Christ. Il est facile laisser le moindre quand on trouue le meilleur. Sainct Iean estoit le parainphe, le tesmoing, l'amy de l'espoux. Et en son escolle estoient Sainct André & ses compaignons. Ils y estoient pour entendre & cognoistre leur sauueur. Pourrât quâd ils ont cogneu Iesus Christ, par ce que Sainct Iean a dit : *Ecce agnus Dei*: ils ont bien entendu que Iesus Christ estoit plus grand que Sainct Iean : veu que mesmes il disoit de luy : *Ilum oportet crescere, me autē minui*. Il faut q̄ cestuy-là croisse, & que ie diminue. Sainct Iean estoit aliéné d'enuie. Beaucoup de gens auoient conceu ceste opiniō de luy qu'il estoit l'aigneau de Dieu & le Messias. Et pour oster ceste opinion & l'esteindre, il disoit souuēt : *Non sum dignus soluere corrigiā calceamētorum eius. Ante me factus est. i. mihi praelatus est. Et verus agnus Dei*. Moy, ie baptize, mais mō baptisme n'a puissance que de nettoyer le corps. Mais le baptisme de l'aigneau de Dieu a puissance

emundare animā ab operibus mortuis. Or quand S. André & ses compaignōs ont ouy cecy, ils sont allez apres luy. Incontinant qu'on cognoist son salut, il ne fault point attendre ny procrastiner. Quand sont approchez de nostre Seigneur ils n'osent parler les premiers. Nostre Seigneur qui voit ces gēs apres luy qui le suyuent, cognoissant leur affection, Le texte dit : *conuersus Iesus*. Il prie à Dieu qu'il se conuertisse à nous. I'ay grand peur qu'il n'en soit bien loing. Ce qui a beaucoup meu nostre seigneur se tourner vers eux, c'est qu'ils auoient grād desir de venir à luy. Noz pechez empeschēt qu'il ne se cōuertisse à nous. Nous cōtinuōs en noz pechez, & n'amēdōs point nostre vie. No⁹ sçauōs biē q̄ noz iniquitez diuisent & font separatiō entre dieu & nous. Neātmoins ne mettōs fin à noz pechez. Parquoy n'est pas de merueille s'il ne nous enuoye pas la paix. Et s'il se retourne vers nous, i'ay grand peur que ne soit pour no⁹ regarder de l'œil qu'il a regardé Iudas pour no⁹ abolir & exterminer. De cest œil dit Dauid. *Vult⁹ autē dōmini, super faciētes mala*. Le regard de dieu est sur ceux qui font mal. Or amēdons nous, & il nous sera comme

Ioan. 3.

Luc. 3.

ad Hebr. 9.

Ioan. I.

Esa. 59.

Psal. 33.

aigneau. Et péséz vous quel l'œil de Iesus Christ est doux, par leq̃l se cōuertit à regarder vn pecheur. S'il ne se fust conuertiy de cestuy pour regarder S. Pierre & la Magdaleine, ils estoient peris. C'est grande chose quād Dieu se cōuertit à nous: quād il meult & poulse la personne pour cognoistre & sentir ses faultes. C'est bien signe que Iesus Christ ne se conuertit à nous auioird'huy, car nous retournons incontinant à noz faultes. [Il faut icy prendre vne doctrine.] Vn pauvre n'ose pas incontinant aborder vn grand personnage. Et pourtant il fault que ce grād & riche prenne le pauvre, & se monstre à luy familier. Toy qui es cōseiller ou presidēt, n'attēds point qu'un pauvre hōme te presente sa requeste. Preuiens le, considere que tu n'es pas vn cirō au pris de Iesus Christ. Et c'est ce que nostre Seigneur dit en l'Euāgile: *Volenti à te munera accipere, ne auertaris.* Tu peux cognoistre le besoing qu'on a de toy: donne hardiessē au pauvre qui est honteux d'approcher de toy. C'est celuy que ie deueroie plus cherir & estre plus soingneux que du pauvre: car Dieu me recompensera pour luy. Nostre Seigneur dit: *cum facis prandium, noli vocare amicos, sed pauperes, cecos, debiles, qui non habent unde retribuunt tibi: & dominus tibi reddet pro illis.* Quand tu veux faire vn banquet appelle les pauvres, qui n'ont dequoy te rendre, & Dieu le te rēdra pour eux. Or ça, Iesus Christ nous monstre bien nostre exemple. *conuersus dominus.* Iesus Christ estant retourné. Il ne fault point mentir. O que Dieu est bon! Que demandez vous? *Rabbi, vbi habitas?* Voila vn bō mot: Que cherchez vous? Nostre Seigneur nous puisse faire ceste questiō. Ce mot (*queritis*) monstre la fin qu'on pretend. Ie dōne l'aumosne: i'acquiets vn office. *Quid queris?* Cherches tu vn office: celle biē public? Tu brigues aux offices de ville. *Quid queris?* En voz brigues cherchez vous le bien public? Et nous cherchōs plustost la mort. Ie cherche vn benefice Ie me fais religieux, ie presche. *Quid queris?* vne abbaye. Ie vois seruir ce monsieur. *Quid queris?* Malheur & malediction sur nous si en toutes choses & en toutes noz actions ne cherchons Dieu. Si aucune fois en faisant bon euvre on cherche l'ostentation du monde, on gaste tout. *Attendite*

Advertisse-
ment aux sa-
ges & grāds
de ce monde,
de leur de-
voir enuers
le pauvre, &
l'exemple de
Christ.

LUC 14.

Pour le iour de S. André.

Matth. 6.

ne iustitiam vestram faciatis coram hominibus. Je fay penitence, Que cherches-tu? L'honneur de Dieu. Remission de mon peché: le salut & edification de mon prochain. Voila bien

Luc. II.

cherché. Quand l'intention est bonne, *Totum corpus lucidum erit.* C'est tout que d'auoir l'intention droite. Iudas estoit à la suite de nostre Seigneur avec les autres Apostres: mais que cherchoit-il? De l'argent. Simon Magus a suiuy les Apostres & a esté baptizé, mais c'estoit pour gagner argent. Et si l'intention estoit bien examinée en nous, nous trouuerions qu'en toutes choses ne cherchons pas

Luc. 9.

Iesus Christ. Quelqu'un vint vne fois à nostre Seigneur, & lay dit: *Domine sequar te quocunque ieris.* Nostre Seigneur qui cognoist l'intention, & voit iusques au fond du cuer, voyant bien qu'il cherchoit des richesses, luy respondit: *Vulpes foueas habent, & volucres cali nidos: filius autem hominis non habet vbi caput suum reclinet.* Et combien y en y a il aujourd'huy qui veulent faire leur maison grande auoir un benefice pour presider, non pour prouffiter? Ainsi a demandé à ses deux disciples: *Quid queritis?* Respondēt, Seigneur nous demandons ou vous habitez. Qu'est-ce à dire, Ou demeurez vous? Iesus Christ est verité. Si nous demandōs aujourd'huy ou est logée verité, nous ne la trouuerōs en nul lieu. Et c'est ce que dit Dauid se cōplaignāt à Dieu, disant: *Saluum me fac Deus, quoniam diminutæ sunt veritates à filiis hominum.* Ou trouue on verité? Je ne sçay. Tu t'en va en Geneue. Tu ne trouueras pas là Iesus Christ en ces conciliabules d'heretiques. Verité est & se trouue en trois choses. *In antiquitate: in vniuersitate: in summa con-*

Le logis de verité.

cordia & consensu. Veux tu trouuer la verité du saint Sacremēt de l'autel: de l'inuocation des saints? Ou la trouueras-tu? Au consentement qui de tous temps a esté en l'Eglise, & entre les Chrestiens, lesquels ont tenu ces articles, & tous ceux qui nous sont proposez à croire par nostre mere sainte eglise. Voila donc comment verité n'est point en Geneue, mais en l'eglise catholique, qui est la maison de Dieu Dieu habite en sa maison, ou demeurez vous? Que dit nostre Seigneur? *Venite & videte.* Dieu soit avec nous, Amen.

Autre sermon de saint André.

A *Ltera die stabat Ioannes, & ex discipulis eius duo.* C'est Ioan. I.
 vn grand heur pour vn enfant & escolier auoir vn bon maistre & precepteur. I'appelle vn bon precepteur qui enseigne bonne & saine doctrine : aussi qui monstre bonne exemple à son escolier. C'est vn grand heur à vn escolier quand il trouue vn maistre qui enseigne bonne doctrine & monstre bonne exemple. Voila vn maistre qui enseigne bonne doctrine & monstre bonne exemple, l'escolier est heureux qui trouue vn tel maistre. L'enfant tient naturellemēt du lait de sa nourrice : tousiours se sent de sa premiere nourriture. Quand vn escolier aura esté bien enseigné de son maistre, il ne sera iamais qu'il ne s'en sente. Ce luy reuiendra en grand prouffit. Entre vous qui auez enfans, vous deuez bien regarder si le pedagogue avec lequel vous les mettez est homme de bien : s'il est Chrestien, & de doctrine catholique : aussi deuez regarder s'il est de bonne vie & meurs. Et fault que les deux soient ioincts ensemble. Or saint André & son frere saint Pierre ont esté heureux : ils ont esté bien instruits : & tous deux auoient vn bon maistre. Ils estoient en bonne escole. Le precepteur c'estoit saint Iean Baptiste. Si on demande de quelle main est fait le maistre ? Il n'a point eu autre precepteur que Dieu. Il n'est point fait de la main de l'homme. *Neque ab homine neque per hominem accepit.* Mais a esté fait du tout de la main de Dieu. Voila vn bon precepteur. C'est grande chose quād on trouue ceste rencontre. Voila saint André qui veut aller à l'escole & estudier. Il estoit pauvre : ce neantmoins pauvreté ne l'empesche de prouffiter. Luy & son frere saint Pierre, se sont mis à l'escole de saint Iean Baptiste, lequel a esté disciple de Dieu : & n'a iamais rien appris en l'escole d'homme. Il fault donc dire & conclure necessairement que sa doctrine estoit saine, bonne, catholique & veritable. Pourquoy ? Il a esté enseigné de Dieu qui est la verité, Outre cela il estoit de bonne vie & exemple, Voila vn bon maistre. Il a la doctrine saine & veritable, car elle est de Dieu. Il est aussi de bonnes

Pour le iour

Matth. 3.

Mar. 1.

Luc. 1.

Ioan. 3.

meurs: sa vie est escrite en l'Euangile. Comment est il accoustré? Il est vestu de peaux de chameaux. Et son manger? Miel siluestre. Il estoit de grande abstinence: tellement que vous voyez qu'il est vn precepteur qui a tout les deux ensemble bonnes meurs, & bonne exemple: bonne vie & b^one doctrine. La bonne vie donne authorité à la doctrine & parole. Monsieur saint André a prins pour son maistre saint Iean Baptiste, & a estudié en son escole. C'est vn don, vn grand heur trouuer vn bon maistre: & n'est possible, mais que l'escolier ait b^one voloté, qu'il ne prouffite. Or il fault icy entédre quelle doctrine donne saint Iean Baptiste. L'escriture dit de luy: *Et tu puer propheta altissimi vocaberis: praebis enim ante faciem Domini parare vias eius. Ad dandam scientiam salutis plebi eius.* Il donne & enseigne science, chemin, voye de salut. En somme il m^ostre à ses escoliers le Messias. Voila la doctrine & leç^on qu'il d^one. Il enseigne Iesus Christ qui est le salut & tout le bien de l'h^ome. Que fait saint Iean en sa leçon? Il dit à ses escoliers. *Ecce agnus Dei.* Faisant sa leçon ses escoliers estoient presens, & entre autres deux, dont l'un estoit saint André. Estant en sa leçon il a veu nostre seigneur qui passoit, & l'a m^ostré au doigt, & dit à ses escoliers: Regardez, voila celuy duquel ie vous parle. Il ne dit pas qu'il viédra, mais le monstre au doigt, disant: *Ecce agnus Dei.* C'est celuy duquel ie vous ay parlé, & avec lequel ie veux que vous demeuriez: duquel ie vous ay dit: *Oportet illum crescere, me autem minui. Qui post me venit, ante me factus est.* Souuent leur a dit: Il est venu vn homme apres moy, qui estoit au parauant moy, duquel ne suis digne deslier la courroye de son soulier: c'est à dire luy faire le plus vil office, & c^otéptible seruice que il est possible excogiter. Je ne suis pas digne porter ses souliers apres luy. Pour monstre l'excellence & dignité d'une personne, aucunesfois nous vsons de ceste maniere de parler. Ainsi disoit S. Iean à ses disciples qu'il n'estoit digne porter les souliers apres nostre Seigneur. Or il dit: *Post me venit.* Car saint Iean a esté conceu six mois deuant nostre Seigneur. Saint Iean dit: Je suis plus vieil que luy de six mois. Et cest homme estoit au parauant moy:

car c'est le verbe diuin: *Qui erat in principio*. Il est deuât la constitution du monde. Il est donc deuant S. Iean: mais comme homme est venu apres S. Iean. Tellement que ce mot: *Post me venit*, monstre l'humanité de nostre seignr: *Ante me factus est*, monstre sa dignité & excellence. *Ante me factus est. i. mihi prelatuſ est*, en honneur grace & excellence. Et pour monſtrer ceſte excellence par deſſus luy, il dit: *Prior me erat*. Cela monſtre ſa diuinité. Tellemēt que ſainct Iean parlant de nostre Seigneur il enſeigne tout. Vn bon maistre il fault qu'il enſeigne tout, non à demy. Or Ieſus Chriſt eſt Dieu & homme. Monſtrer ſeulement qu'il eſt homme, n'eſt aſſez. Ou monſtrer ſeulement qu'il eſt Dieu, n'eſt aſſez. Il fault tous les deux. Et l'humanité q'il a prinſe ne luy a en rien diminué ſa grâdeur. Et luy qui eſt faiſt homme & petit, n'a en rien endōmagé ſon excellence & dignité & grâdeur qui luy eſt propre & naturelle Ainſi S. Iea qui eſt bon maistre & precepteur veut enſeigner tous les deux. Quād les Rois ſont venus en Ieruſalem demander: *Vbi eſt, qui natus eſt rex Iudæorum?* Herodes turbatus eſt, & congregans principes ſacerdotum ſciſcita. batur ab eis vbi Chriſtus naſceretur. Les ſouuerains preſtres dirēt bien à Herode le lieu ou le Meſſias deuoit naſquir: mais ne luy dirēt pas tout: ſeulement vne partie, c'eſt à ſçauoir, *In Bethleem Iude*. O Bethleem (dit le prophete Micheas) de toy ſortiray vn Roy qui cōduira mō peuple. C'eſt biē dit cela: mais n'a eſté aſſez. Ils n'ont dit ce qui enſeignoit ſon eternité: à ſçauoir: *Egreſſus eſt à diebus æternitatis*. Aucunes fois des gens ce qui penſerōt qui plaira à mō ſieur, le dirōt, mais ce qu'ils pēſent qui ſeroit à la diminution de leur grâdeur & de ſaduanchemēt, le lairront. Tels ne dient la verité qu'à demy. Ainſi ont faiſt ces docteurs aſſemblez par Herode, n'ont dit qu'à demy & ont laiſſé le principal: *Egreſſus eſt à diebus æternitatis*. Auſſi vn mōſieur qui ne veut qu'on luy die verité, qui aime qu'on luy applaudiſſe, par punition & iuſte iugement de Dieu rencontre gens qui luy taiſent ou ne dient verité qu'à demy. Or ſainct Iean n'enſeigne à demy Ieſus Chriſt & ce qui eſt en luy. Il y a la diuinité & l'humanité. Il eſt vray Dieu, *Ex ſubſtantia patris ante ſecula genitus*. Et homo eſt ex virgine, *in tempore natus per ſpiritum ſanctum*.

Ioan. i.

Il fault mōſtrer que Ieſus Chriſt eſt Dieu & homme a l'exemple de ſainct Iean.

Matth. 2.

Miche. 5.

Pour le iour

Ioan. 1.

Ioan. 8.

Ce qu'il a déclaré, disât: *Post me venit*: mais, *Prior me est*. i. il est plus grand que moy en dignité. Et pour monstres cela il dit: *Prior me erat*. C'est ce que dit saint Iean Euan-geliste. *In principio erat verbum*. Et en vn autre lieu. *An-tequam Abraham fieret ego sum*. i. Je suis eternal. *Sum*, de-clare l'eternité de Dieu: ou il n'y a ne futur ny de passé. Car en l'eternité n'y a point de successiō, saint Iean Ba-ptiste disciple de Dieu, & qui n'a iamais eu sçauoir sinon de Dieu: non par les hommes ne par leurs moyens: car dès son enfance est entré au desert, ou depuis qu'il a esté n'a veu homme, & homme ne l'a veu: ainsi n'a rien appris de l'homme mais tout son colloque estoit avec les an-ges. Et a esté au desert iusques à tant que Dieu luy a com-mandé sortir, qu'il est venu au fleue de iourdain pour baptiser, pour prescher, & pour tenir escole, & en icelle c'est mis S. André. Qu'enseigne saint Iean baptiste? Iesus Christ. C'est bonne doctrine. Il fault icy noter, que quel-que doctrine ou leçon qu'on nous enseigne, si nous auōs autre fin ou nous pretendons qu'a Iesus Christ, nostre science ne prouffite ny à nous ny à noz escoliers. Et en tout exercice que nous sçaurions prendre, s'il n'y a Iesus Christ pour but & scope, rien de tout. Que plus est, en ayant foy si ie ne tens & aspire à Iesus Christ, cela ne me vault rien. Le charie ma chair: ie donne tous mes biens aux pauvres, rien ne me demeure: Si en ce faisant n'ay Iesus Christ pour but & scope, autant perdu pour moy. Et ainsi dit quelque docteur sur celieu ou est fait métion que la Magdaleine iecta de l'onguēt sur le chef de nostre Seigneur, ou Iudas en murmura. Il sembloit qu'il fust perdu, & qu'il eust mieux valu le vendre & donner l'argēt aux pauvres. Les Apostres aussi en murmurerēt: mais par compassion qu'ils auoyēt des pauvres: Iudas par auarice. Nostre Seigneur l'excuse & dit: Elle a fait vn bon euvre, & non seulement vn bon euvre, mais, *Bonum opus operata*

1. Corin. 13.

Ce n'est assés est in me. Faire bon euvre est cōmun aux bons & aux mau-
de faire vn uais, au ture & au chrestien. Donner l'aumosne est bon
bon euvre il euvre. Punir les malfaiēteurs, contemner les biens mon-
fault qu'il dains, &c. Mais vn Socrates sans cognoissance de Dieu
ayt Iesus fera bien tout cela. Il y a donc grande difference entre
pour fin. faire vn bō euvre, & faire vn bon euvre en Iesus Christ.

Cen'est tout faire vn bon euure, mais vn bon euure le fault faire bien. Moy qui suis iuge, ie condamne ce mal-faicteur à mort : c'est vn bon euure, mais ie suis bien aise de le condamner. Il y a long temps que i'eusse bien voulu qu'il fust tombé entre mes mains pour m'en venger. Or d'autant que ce iugement procede d'vn mauuais courage à l'encontre de luy, ie suis inique, nō que ie face iniustice, mais pour autant que ie le fais par malice. Ie suis bien aise auoir trouué occasion de me venger contre luy. Aussi ie dōne l'aumosne aux pauures, mais c'est afin qu'ō die de moy, voyla vn grand aumosnier. Ie fais vn sermon, mais pour auoir de l'hōneur. C'est vn bon euure, mais il n'est pas biē fait, car ie ne tēs à la fin ou ie deuroye. Ainsi ie dy que faire vn bō euure de soy n'est assez. Il le fault bien faire, faire bien vn bon euure, c'est tēdre à Dieu par iceluy, & auoir Iesus Christ pour son scope. Et pourautāt que Magdaleine ne tendoit qu'à Iesus Christ luy faisant seruice, nostre seigneur dit : *Bonum opus operata est in me.* Ainsi apres saint Augustin les docteurs dient : Croire n'est assez. Vn larron croit, mais non pas bien, car sa foy ne tend ou elle doibt, qui est anheter apres Dieu & l'aimer. Ce n'est pas à dire pourtant qu'il ne croye tout ce que Dieu a dit estre vray. Mais il ne tend ou il doibt, en croyāt ce qui est en Dieu, l'aymāt & gardant ses cōmandemens. Pourtant croire en Dieu c'est en croyant aspirer apres Dieu, & pretendre son salut. Saint Iean Baptiste enseignoit ainsi ses escoliers, luy qui auoit esté enseigné de Dieu. Et toute sa doctrine ne tendoit qu'à Iesuchrist. Quand il enseignoit ses disciples, que leur veult il monstres? Iesus Christ. Pourtant dit bien S. Paul. *Finis legis Christus.* Le but ou pretēd la loy, c'est Iesus Christ. La fin ou Moyse vouloit par sa loy conduyre & amener le peuple, n'estoit pour cognoistre le Messias. Et ceux qui n'ont ainsi prins la loy, se sont perdus. Depuis le monde fait, le moyen pour venir à salut c'est Iesus Christ, & n'a esté possible que nul ayt esté sauué sinon en croyant Iesus Christ estre le sauueur du monde qui estoit venu pour par sa mort abolir peché. En ceste maniere a esté sauué Abraham: *Exultant vt videret diem Christi.* Moyse ensei-

ad Ro. 10.

La fin ou tē-
doit Moyse
publiant la
loy.

Ioan. 8.

Pour le iour

gnoit la foy de Iesus Christ, mais non pas si clairement qu'à ceste heure. Il enseignoit par figure. & par ceste figure & signes qui estoient en la loy, il ne vouloit donner autre chose à entendre sinon Iesus Christ. Pourtant tous les sacrifices de la loy ancienne ne pronostiquoyent autre chose que monstrent le vray sacrifice Iesus Christ pour nous attaché en croix. Tous les sacrifices faits en la loy de nature en estoient figure. Noé a-il pas sacrifié, & auant luy Abel? Tout cela n'estoit que figure du vray sacrifice de Iesus Christ. Et l'aigneau qu'a sacrifié Abel a esté à Dieu agreable. Duquel dit saint Paul : *Fide plurimam hostiam Abel obtulit quam Cain*. Ce sacrifice estoit la figure du vray aigneau, duquel a dit saint Iean Baptiste. *Ecce agnus Dei*. Je veux donc dire que tous sacrifices faits en la loy de nature qui a duré depuis Adam iusques à Moysé, figuroient Iesus Christ. Et pourautant qu'en la loy de nature n'y auoit peine determinée pour punir les malfaiçteurs. Or vous sçavez que impunité fait sembler le mal qu'on a fait, n'estre pour mal. Aucunes fois nous prenons pour nostre excuse: or on ne m'endit rien. De là est aduenü quel'homme s'est oublié, & a prins si grande licence de mal faire que la synderese par laquelle nous cognoissons bien & mal, a esté esteincte quant au iugement particulier, non pas vniuersel, tellement qu'on prenoit bien pour mal. Et c'est ce que dit saint Paul: *Sine lege aliquando peccatum mortuum erat*, c'est à dire. On ne cognoissoit pas que peché estoit peché. Saint Ambroise dit: *Consuetudine peccandi, synderesis, de qua dicitur: Signatum est super nos lumen vultus tui domine, erat quasi extincta*. Que fait Dieu? Il donne vne loy à Moysé, & commande qu'elle soit publiée au peuple: en laquelle Dieu ordonnoit certaines peines selon la qualité du delit pour le punir. Et c'est ce que dit Saint Paul. *Lex propter transgressionem posita est*. Elle a esté mise pour cohiber & punir la licence effrenée que l'homme prenoit à mal faire. Pourtant dit. *Lex iram operatur*. C'est à dire, elle est vindicative, elle punit les fautes, afin que par ceste punition l'homme reuienne à son bon sens. Or la loy de nature estoit insuffisante en soy pour sauuer l'homme.

Hebr. 11.

Impunité
fait iuger
que le mal
n'est point
mal.

Roma. 7.

Psal. 4.

ad Gala. 3.

ad Ro. 4.

Aussi la loy de Moysé laquelle enseignoit le peché & le monstroit, mais ne donnoit remede. La grace de Dieu & le salut n'est venu par la loy, car si elle estoit venue par la loy, il faudroit dire qu'il n'estoit besoing que IESVS CHRIST vint. Notez, La figure ne pult sauuer, il n'ya que la verité. Pourtant la loy de nature, & la loy de Moysé n'ont peu sauuer l'homme. En signe de quoy, Moysé n'a introduit le peuple d'Israel en la terre de promission: mais Iosué qui estoit la figure de IESVS CHRIST duquel dit saint Iean. *Gratia per Iesum Christum facta est.* Pourtant en la loy de nature estoit la figure qui de loing demonstroit IESVS CHRIST, en la loy de Moysé aussi, mais de plus pres. Or en la figure nous ne constituons nostre salut & vie, mais en celui duquel il est dit: *Ego sum vi, veritas, & vita.* La loy *Ioan. 14.* euangelique que nous a apporté IESVS CHRIST, est par laquelle nous sommes introduits au ciel par le moyen de IESVS CHRIST legistateur. Pourtant saint Paul en l'Epistre aux Hebreux fait vne conference entre IESVS CHRIST & Moysé qui estoit en la maison de Dieu comme seruiteur mais IESVS CHRIST y est comme le fils en la maison: aussi de luy vient le salut, duquel dit saint Paul: *Novissimè diebus istis locutus est nobis in filio.* C'est bien plus auoir le fils que le seruiteur. *Hebr. 1.* Tout ainsi que toutes ces figures ne tendoyent qu'à Iesus Christ, aussi ne faisoient les Prophetes. Pourtant est tresbien dit aux Actes: *Huic omnes testimonium perhibent remissionem peccatorum accipere per Iesum Christum.* Voyla *Act 10.* le vray sauueur du monde. Et la loy & les Prophetes ont predit cela & enseigné. Moysé a enseigné cela. Et qui l'ont prins & entendu, sont ainsi sauuez: mais ceux qui n'ont prins Moysé qu'à la lettre sont peris, comme dit saint Paul: *Littera occidit, spiritus autem vivificat.* Pourtant *2. Corin. 3.* les Pharisiens & Scribes s'arrestans seulement à la lettre, estoient mauuais docteurs. Car cōbien qu'elle n'enseignast que Iesus Christ, si est-ce qu'ils ne l'ont point entendue pour leur faulte. Ainsi aujourd'huy comme il y auoit en la loy ancienne des Pharisiens qui par la loy vouloyent diuertir le peuple d'aller au Messias, tant

Pour le iour

estoyent meschans gens, ainsi en y a aujourd'huy de meschans qui prennent l'escriure, mais autrement qu'il ne fault, car par icelle veulent diuertir le peuple de croire à Iesus Christ. Est-ce pas diuertir le peuple de son salut, quand par l'escriure on veult diuertir le peuple d'adorer Iesus Christ au saint sacrement de l'autel? Dire que ce n'est sacrifice, qu'il ne fault aller à cōfesse, c'est mal enseigné que cela. Et tant de gens y a aujourd'huy qui enseignent ainsi, & alleguent l'escriure: voire mais mauuaiselement: car entendu d'ou vient l'escriure qui est du saint Esprit. Esprit de paix & vnion, on ne trouue Dieu en deux paroles. Pourtant par l'escriure l'homme ne sera diuertý de croire ce qu'il fault. Mais aujourd'huy les heretiques prennent mal l'escriure. Comme i'ay dit au commencement du sermon, c'est vn grãd heur pour l'escolier, rencōtrer vn bon maistre & precepteur. Or les heretiques ne sont pas bons docteurs, leur vie est plus corrompue qu'un lucifer. Suis-ie de bonne vie, rompre mon vœu, manger chair en carême, &c? Or ça enseignons nous comme il fault, ceste doctrine de nostre Seigneur qui n'est diuerse quand nous l'entendrons selon l'esprit de Dieu, & que nous n'aurons autre but sinon ie me veux sauuer: & qu'en toutes noz actions nous prendrons Iesus Christ. Saint Paul compare la vie de l'homme à vn qui court, on ne court que pour prendre: *Sic currite vt comprehendatis*. En courant il fault prendre. Conduys toy de telle sorte que tu puisse prendre ce que tu veux prendre, qui est Iesus Christ, que tu sois sauué. Or donne dōc, tout ton exercice à Iesus Christ, lors tu prendras. Comme ie vous ay dit, Voila saint Iean baptiste: tout son but n'est que de mener ses escoliers à Iesuschrist & a perfection. Or saint Iean baptiste estant avec deux de ses disciples, dont l'un estoit saint André, D'adventure passa Iesus Christ, duquel auoit beaucoup de fois parlé saint Iean pour imprimer & engrauer iceluy en leurs cueurs, qui est le tout, disoit: *Medius vestrum stat quem vos nescitis*. Or saint Iean auoit veu nostre Seigneur, car il l'auoit baptisé: mais ses disciples ne le cognoissoyent point de face. Ils auoyent bien entendu de saint Iean qu'il estoit

venu

1. Corin. 9.

Ioan. 1.

venu, *conuersatur, ait, vobiscum* : il est parmy vous, mais ne le cognoissez pas. Pourtant quād il a passé, saint Iean l'a veu, & a dit : agardez, voyez vous, voyla celuy duquel ie vous ay patlé: *Ecce agnus Dei*. Il dit icy beaucoup de choses, comme voulant dire : voyla la consommation de la loy & des Prophetes. C'est le but ou tous ont aspiré. Comme s'il disoit : Voyez vous? Le voyla. Toute la loy, & les Prophetes ont esté verifiez en luy. Comme disant: La loy a prins fin : & les prophetes n'ont plus cours. Pourquoi? Car la loy estoit figure & ombre qui n'a plus de regne quand la verité est venue. Le futur n'a plus cours quand le present est. Autant est que qui diroit, *Ecce agnus Dei*. O qu'un homme est heureux quand Dieu luy fait grace de bien louer dignemēt son maistre & l'honorer. Ceux qui *gracē norunt* dient qu'au grec y a vn article qui demōstre quel aigneau c'est duquel parle saint Iean : car il y a eu plusieurs aigneaux. Il y a eu l'aigneau qu'ont tué les enfans d'Israel à la sortie d'Egypte, & mettant du sang d'iceluy sur l'huys furent sauuez *ab angelo exterminatore*. *Exod. 12.* Ce n'estoit pas le vray aigneau. Mais cestuy est le vray aigneau, c'est celuy qui a tout accomply. Vous sçauiez que quand saint Philippes eust trouué nostre Seigneur, il vint à Nathanael, & luy dit : *Quem scripsit in lege Moyses, inuenimus Messia Iesum filiū Ioseph à Nazareth*. Tu ne sçay pas? Celuy duquel la loy a escrit & les prophetes, nous l'auons trouué Iesus fils de Ioseph, car on l'estimoit tel, comme dit saint Luc, *Adhuc putabatur filius Ioseph*. Ain- *Luc. 2.* si vous voyez que les Iuifs attendoyent le Messias. Et ou estoit fondée leur attente? En la loy, & aux Prophetes. Pourtant à ce propos dit saint Paul: *Sine lege iustitia Dei manifestata est, testificata à lege & prophetis*. La iustice de Dieu sans la Loy a esté manifestée & testifiée par la loy & les prophetes. Qu'est-ce à dire? La iustice de Dieu Iesus Christ. C'est ce que dit Ieremie: *Iustus dominus Deus noster, Alij legunt, iustitia nostra*. Et saint Paul dit: *Factus est nobis iustitia, qua iusti sumus coram Deo*. Car en luy & par luy nous sommes reconciliez à Dieu. Par luy nous sommes iustes deuant Dieu. Or ceste iustice est sans la loy : car ce n'est par vn signe que nous auons trouué iu-

Pour le iour

▲ 7. 3.

Dent. 18.

Ioan. 1.

1. Corin. 4.

Ioan. 1.

Daniel. 2.

1. Petr. 1.

stice deuant Dieu. Neantmoins la loy en parle & les Prophetes. Pourtant est dit. *Et omnes prophetae à Samuel, & deinceps, qui locuti sunt, etiam annuntiauerunt nobis dies istos.* C'est celuy duquel Moyse disoit, *Propheta suscitabit vobis dominus Deus vester, de fratribus vestris, tanquam me ipsum audietis: iuxta omnia quaecunque locutus fuero vobis.* Quand les Iuifs enuoyerent faire ceste interrogation à saint Iean Baptiste: *Propheta es tu?* Ils entendoient demander de ce grand Prophete, du Messias. Pourtant dit saint Iean à ses escoliers: Voila ce grand aigneau duquel auez ouy parler. La verité en luy est accomplie: *Gratia per Iesum Christum facta est.* Et pour monstre sa grandeur dit: *Et de plenitudine eius nos omnes accepimus.* Nous prenons tous de luy. Voicy vn bon maistre que S. Iean. Il fault dire de luy ce que dit saint Iean Chrysostome sur ce lieu de saint Paul. *Hic iam queritur inter dispensatores ut fidelis quis inueniatur.* L'office (dit-il) d'un bon dispensateur est qu'il soit fidele à son maistre. Or le fidele seruiteur ne prend ny s'attribue ce qui est à son maistre. Il sçait tresbien que son prouffit & son labeur est tout pour son maistre. Saint Iean Baptiste est fidele seruiteur & loyal, car il ne prend le bien de son maistre. On vient à luy: Es tu le Messias? On eust bien voulu qu'il eust dit, ouy. Non, non (dit-il.) *Ego vox clamantis in deserto.* Aussi est fidele aujourd'huy en ce qu'il presche la grandeur de son maistre. *Oportet illum crescere me autem minui.* J'ay fait mon temps, mais luy il croistra. Et pour monstre combien il est creu, fault regarder ce que dit Daniel de luy. *Est lapis excisus sine manibus de monte, qui excreuit. Est & lapis ille angularis. Est petra scandali.* C'est Iesus Christ qui a prins chair humaine au ventre d'une vierge: & a esté conçu par l'operation du saint Esprit, sans mains d'homme, qui est creu *in montem magnum*, tellement que vous voyez aujourd'huy son nom espandu par tout. Ceste pierre a si bien creu qu'elle a gaigné tout le monde, & *repleuit terram.* Voila qui est bon. Saint Iean est bon docteur, il enseigne comme il fault, il montre la grandeur de son maistre, & la petitesse de luy. Saint François auoit de coustume de penser à deux choses, à

la grandeur de Dieu. Lors disoit : O mon Dieu ! *Quid es tu ?* Puis consideroit à soy qui il estoit. Et en se regard disoit. *O homo, quid tu ?* Car d'autant qu'il se voyoit petit & comme rien au regard de Dieu, il disoit : *O homo, quid tu ?* Ainsi nous fault faire, qui sera quand en tous lieux & toutes places, en toutes noz ceures & pensées nous magnifierons Dieu. Ainsi faisoit la vierge qui dit en son cantique : *Magnificat anima mea dominum*. Et fault à son exemple tant que pouuons nous depressimer & humilier *sub potenti manu Dei, vt nos exaltet in tempore malo*. Et c'est ce que dit icy saint Iean : *Me oportet minui, illum autem crescere*. La loy a eu son temps & les Prophetes aussi : & tout cela est passé : mais le temps de I E S V S C H R I S T ne passe point, il dure tousiours. Pourtant le testament de Moysse n'estoit que pour vn temps. Le testament de I E S V S C H R I S T est eternal. *Regnum eius regnum aeternum*, dit Daniel. Et la loy n'a point prouffité sinon en vertu de I E S V S. C'est doncques à dire qu'il a esté de tous temps. Mais voicy le temps ou il regne le plus. Voila vn bon maistre que saint Iean qui enseigne ses disciples & commence à humilité. Auioird'huy en l'E-pistre est dit : *Quicumque innouerit nomen domini saluus erit, & quicumque credit in eum non confundetur*. Car il est infiniment riche & puissant : & ne fait point de distinction entre le Grec & le Iuif, entre le maistre & le seruiteur, &c. Voila sa grandeur. Mais quand saint Paul parle de soy, il dit. Je ne suis rien. Voila la doctrine que baille saint Iean à ses disciples. En disant, *Ecce agnus Dei*, Voila l'aigneau de Dieu, il nous montre qui est I E S V S C H R I S T, lequel est ordonné de Dieu pour estre sacrifié en la remission des pechez des viuans & des morts : qui par son sang a merité salut pour nous tous. Encores mes amys quand il n'y auroit article au Grec qui demonstroit son excellence, ceste addition (*Dei*) demonstre assez qu'il est grand : comme en Hebreu, *Montes Dei*, c'est à dire grande montagne, qui a quelque grandeur & excellence par dessus les autres. Ainsi est prins ce mot (*Agnus Dei*)

Pour le iour

i. qui missus est specialiter à Deo patre in mundum ad restaurationem nature humane. Qui tollit peccata mundi. Il ne dit point qui a effacé, ou qui effacera, mais qui efface. *Alij legunt, peccatum mūdi i. peccatum originale, in quo radicaliter omnia sunt: sicut arbor & omnes rami in sua radice.* C'est le peché du monde, que le peché originel: car c'est le peché auquel tout le monde nasquit. Qui efface. Pour môstrer l'efficace de la passiō, il vse du present. Cōbien que Iesus Christ quant à sa passion elle est passée il ne meurt plus. *Et resurrexit in gloriam patris:* si est-ce que sa mort est autant efficace auiourd'huy que quand il s'offrit à Dieu son pere en l'arbre de la croix. Et pour môstrer ceste efficace qui ne passe point comme font les hommes, mais est autant agreable à Dieu que quand il souffroit en l'arbre de la croix, il dit (*tollit.*) Le fruit de la passion est tousiours present. Pourtant auiourd'huy quand tu as remission de ton peché tu offres à Dieu ceste oblation. Escoute, ceste oblation de I E S V S C H R I S T faicte en croix se continue, non en espee visible mais inuisible en la messe, en laquelle Iesus s'offre. Pourtant si on demande, qu'offrez vous en la messe? Le corps de Iesus Christ. Car le prestre en la messe offre à Dieu inuisiblement le corps & sang de I E S V S C H R I S T sous les especes de pain & de vin, en memoire de la mort & passion qu'a soufferte pour nous en croix, suppliāt qu'en vertu de ceste passion il ayt pitié de nous. Et auons en ceste vertu de noz pechez il ne souffre pas quand est auert en la messe. Mais le prestre supplie qu'en memoire de ce qu'il a souffert en l'arbre de la croix il ayt pitié de nous & donne remission de noz pechez. Et saint Iean nous enseigne cela. Entendez vn petit, On dit communēmēt: *Frustra funditur sermo, vbi non est auditus.* Saint Iean auoit de bons disciples, bien ententifs pour ouyr le bien. Le mal ne le fault ouyr. Le sage dit: *Aures sepi spinis.* Pourtant incontinant qu'ils l'ont ouy ainsi parler, ils ont pratiqué sa doctrine. Saint Paul dit fort bien: *Fides ex auditu.* Comment pourra-on inuoyer celuy duquel on n'a iamais ouy parler, & qu'on ne cognoist point? *Fides ex auditu.* Parquoy saint Iean leur a dit: Le voyla. O que

Rom. 10.

Matt. 16.

sainct Pierre interrogé de nostre Seigneur : *Quem dicunt homines esse filium hominis ?* Respond tresbien ! O sire, tu es le Christ, fils de Dieu vivant. Ha Symon Bariona : *Beatus es, quia caro & sanguis non reuelauit tibi.* Ce que dit sainct Pierre, *Tu es Christus.* Sainct Iean dit : *Ecce agnus Dei.* Car en disant qu'il efface, il monstre qu'il est Dieu, à qui appartient par autorité effacer le peché. Et le prestre l'efface comme ministre. Ces paroles ouyes, ses disciples sont allez apres **I E S V S C H R I S T**, & ont laissé sainct Iean. Quand on trouue mieux il le fault prendre. C'est grande chose : il fault bien dire qu'ils auoient vn grand desir & affection de trouuer le Messias & leur salut. Car sainct Iean n'a pas plustost ouuert la bouche pour leur monstrier, qu'ils vont apres luy. *Et sequebantur eum.* Que scauroit on mieux suyure que Iesus Christ ? Sainct Bernard dit : Nous ne sommes en seurreté qu'avec Iesus Christ, Dieu. Mal ne nous scauroit venir estant avec luy. Nostre vie est tousiours constituée en danger. Neantmoins en tant de dangers ou nous sommes enuelopez iusques pardessus la teste, ne sommes soigneux nous en oster. Nous sommes merueilleusement negligens du spirituel, diligens iusques au bout pour le temporel, comme on dit : Il n'y manque rien. Il fault dire de deux choses l'une : Ou nostre negligence est si grande, que veu le peril continuel, & que sommes ia entre les mains de noz ennemys, & n'en sentons rien, ne sommes liurez entre leurs mains, & que soyons preseruez en tant de perils, nostre negligēce a esté que nous sommes ingrats enuers Dieu qui nous garde. Combien y a il qu'on nous presche & inculque Iesus Christ ? l'enseigne les autres, & ie demeure derriere. Quelle tepidité est-celà ? Nostre Seigneur nous pourroit bien dire ce qui est escrit en l'Apocalypse : *Vtinam tepidus non esses, sed calidus aut frigidus.* Pleust à Dieu que tu feusses bien chault par crainte d'estre damné, ou par amour, mais pourautāt que tu es tepide, que tu ne crains ny ame ne Dieu ie te vomiray, c'est à dire : ie t'abandonneray, il nous fault craindre cela. En si grāde negligence ou nous sommes auourd'huy, soyons plus diligēs & soigneux de

Apo. 3.

Pour le iour

Bon aduertis-
sement à l'ex-
emple de S.
André.
Matt. 16.

nostre salut pour l'aduenir. Prenōs exemple à saint An-
dré qui n'a ouy qu'un coup dire : Voila l'agneau de
Dieu, & incontinant a suiuy Iesus Christ. Mais n'est as-
sez de le suyure. Qui veut suyure Iesus Christ doit
contemner soy-mesme. *Qui vult venire post me, abneget se-
metipsum.* C'est à dire, Qui desire estre sauué, fault qu'il
renonce soy-mesme: c'est à dire, qu'il soit nonchalant de
soy, & ait grand soing de Iesus Christ. Et comme dit
saint Bernard : Qui veut faire la volonté de Dieu, il
fault *quod frangat suam.* Voila comme il fault aller. Pour-
tant saint André combien qu'il fust affecté à saint
Iean, quand a cogneu la verité, dit, Ah! Je ne me veux
plus arrester à l'ombre. Auourd'huy nous allons à saint
Pierre, à saint André, &c. Car nous ne sommes enco-
res au but. Mais quand nous verrons Dieu face à face,
nous nous arresterons là, & n'yrons plus à luy. Nous
suyuons auourd'huy saint André, mais en l'inuoquant
fault suyure son exemple. Quand nous serons en para-
dis nous serons au but. Disons auourd'huy à saint An-
dré, Priez Dieu pour moy. Comme nous auons en la le-
gende d'un pauvre homme qui par sa grande accoustu-
mance à paillardise ne pouuoit c'est à dire ne vouloit
se retirer d'icelle. Saint André pria pour luy, & il fut de-
liuré du lien du diable. Mon indigence me fait aller aux
saincts : nous n'yrons plus mais que soyons au pres
Dieu. Lors dirons : *In te requiescet cor meum.* Comme au-
iourd'huy on nous dit : *Cognosce dominum.* Mais quand
nous serons là, depuis le plus grand iusques au plus pe-
tit, *Omnes cognoscent dominum.* Donc saint André a lais-
sé saint Iean, & est allé apres nostre Seigneur. Encore
n'osoit rien demander. Nostre seigneur se retourne vers
luy. Voyez vous la benignité & suauité de nostre Sei-
gneur en cecy ? Un grand, un riche deuroit ainsi faire, un
conseillier. Pensez vous, un pauvre homme sera a atten-
dre à la pluye & au vent durant son disner. Et accommo-
dez vous à iceux. Faictes les entrer & chauffer, accom-
modez vous a eux, humiliez vous : *Humilibus consentien-
tes,* dit saint Paul. Voila l'exemple que nous donne Ie-
sus Christ. Saint André & son compagnon n'osoyent

ad Ro. 12.

parler à luy, & il se conuertit, c'est à dire, s'attempere à iceux & à la condition des pauvres? Mes amis que demandez vous? Dieu les met en train de demander. Voyla vne bonne demande, *Quid queritis*. Rupert dit: Ce mot monstre bien la difference de ceux qui suiuent Dieu. Iudas le suiuint, mais pour faire ses mains. Pourtant nostre Seigneur demande à ceux qui le suiuent. *Quid queritis*? Comme s'il disoit. Vous me suiuez, mais à quelle intention me suiuez vous? Toy qui te fais auourd'huy religieux pour estre demain Abbé: Toy qui fais aumosne, q cherches tu? La gloire du monde. Tu presches, en quelle intention? Cela confond les personnes. Car tous ceux qui le suiuent, ne vont apres luy d'une mesme intention. Sçauiez vous pas bié qu'un lourdault vint quelque iour à nostre Seigneur & luy dist: *Rabbi: sequar te quocūque iers*. Nostre Seigneur voyant son intention luy respond: *Vulpes Luc. 9: foveas habent, & volucres cali nidos: filius autem hominis non habet vbi reclinet caput suum*. Nostre Seigneur luy dist: Veux tu estre en ma suite pour estre riche, & ie suis pauvre? En tout ce que nous faisons, le principal c'est l'intention. Or aucunesfois nous disons tant de belles choses, & faisons tout le contraire Dieu nous demande. *Quid queritis*? L'un dit: Faiétes cecy: il en viendra tant de deniers au Prince. Que cherchez vous en voz intentions: Ils se couurent du bien public. Mais qui feroit bone information de tels emprunteurs & auteurs d'impositions nouuelles, on trouueroit qu'ils demâdent vn pot de vin. Il n'y a qu'eux qui en ayét le prouffit: & le pauvre peuple est pillé. *Rabbi, vbi habitas*? Voila vne bonne demande. Nous voulons cognoistre ou vous demourez. En ce monde nous n'auons que peine & trauail: nous sommes en continuel peril d'estre dânez. Cherchôs ou Dieu habite, qui est en liberté d'esprit. Car Dieu habite en repos. Pourrât celuy q demande ce repos heureux ou il habite, ô qu'il est bié! Nostre Seignr les meine en son logis. *Erat autē hora decima*. Le soir approchoit. Entédez q quand il est questiō du salut, il n'y a heure déterminée. Ainsi on viendra querir vn Curé pour administrer les saincts sacremés, il faut qu'il marche quelque heure qu'il

Pour le iour de S. André.

soit. Neantmoins vous plaignez leur donner vn liard. Et quand est au medecin, vous ne ferez difficulté luy bailler vn teston. C'est bien signe que tenons peu de compte du spirituel, preferât à iceluy le temporel, en faisant le principal de nostre corps. Toutesfois quand on ne bailleroit rien, si fault il aller. Il les a retenus & sont demourez avec luy ce iour là. O quel bon hôte! dieu nous doint telle rencontre. Pensez qu'ils n'ont pas passé le temps à oyssiveté. Pensez vous comme il parle à eux? Ils ont eu bon commencement par S. Iean. Mais quand ils ont ouy parler le maistre & le createur: les creatures n'ont plus lieu au pris d'iceluy. Côme disoient ceux de Samarie à la Samaritaine. *Iam non credimus propter loquelam tuā*. Dieu qui est tant bon, qu'il satisfaiët tousiours au desir des personnes, les a enseignez. Dès le matin ensuyuât, S. André viët à S. Pierre son frere & luy dit. *Inuenimus Mesiam*. Par cela môstre bien le bon desir qu'il auoit. Tu l'as trouué: Tu le cherchois donc. Il nous fault à son exemple admener l'un l'autre à salut. *donec hodie cognominatur in nobis*. Pendant que nous sommes icy en ce monde, enhortons l'un l'autre à bien viure. Mais si voyons deux s'entrebattre, nous les excitôs d'auātage, plus que nous ne les separôs. Nous disons. Te laisses tu battre? Tu as vn pauvre courage. C'est bien loing de les admener à Iesus Christ. *Inuitus autem Petrum*. Il a fiché sa veuë sur S. Pierre, & luy a dit: Tu es le fils d'un tel: Tu as nom Simon. Ton pere auoit nom Ionas. Je te changeray ton nom, & t'en baille-ray vn autre. *Tu vocaberis cephas. i. Petrus*. Rupert dit: Il demonstroit la grandeur de S. Pierre, en ce que luy qui est la vraye pierre luy a baillé son nō, & l'a constitué apres luy, le fondement de l'Eglise, quand il luy a dit. *Tu es Petrus, & super hanc petram edificabo Ecclesiam meam*. Et il pronostique cela quand il dit: *Tu vocaberis Cephas*. Il faut que le disciple se cōforme à son maistre. Ainsi qu'a faict: S. André, qui en humilité & obediēce a suiuy Iesus Christ, faisons ainsi, & il nous baillera en ce monde sa grace, & en la fin paradis. Amen.

Ioan. 4.

Ioan. x.

Pour le iour & feste de
sainte Barbe.

Querite & inuenietis: pulsate & aperietur vobis. Aucunesfois il se trouue des gēs qui se plaignēt auoir du mal, du besoing, de l'indigence. Il se trouue aucunesfois des gens qui se plaignent de pauureté. Quelqu'un dira: Je ne fais que languir en ce monde. L'autre dira: J'ay plus de mal que ie ne sçauroys porter. Je n'ay de quoy viure. Je croy qu'il n'y a personne qui ait plus de mal que moy. Il fault monstrier pour le present vne proposition qui semblera paraenture à la chair, estre paradoxique. A tous ceux qui se plaindront de pauureté, necessité, & tribulation, ie leur respōd, que nul n'est pauvre qui ne veult. Il n'a necessité qui ne veult. Il n'y a personne qui soit en indigence, sinon celuy qui y veult estre. Voyla le propos que nous auons à respondre à ceux qui se plaignent. Vous sçavez bien vous mesmes qu'il y a des gens aucunesfois qui se plaignent à tort. Aucunesfois ie respond à celuy qui se plainct à moy: Ha! vous n'avez que plaindre c'est à dire: vous n'avez l'indigence que vous monstrez auoir. Ce que vous reputez vostre mal, est vostre vtilité. Nous nous plaignons tant souvent auoir du mal: possible à tort. Il fault respondre: Il n'a pauureté qui ne veult. Il n'est en affliction, sinon qui veult: tout vient de nostre volonté. Et pour entendre ce propos, qui sans point de faulte semble estre vn paradoxe à la chair: mais croyez que l'esprit qui iuge à la verité, iugera que ce propos est veritable, nul n'a mal sinon celuy qui veult, (vray est: comme dit S. Paul) *Animalis homo non percipit ea que sunt spiritus Dei*. Qu'un homme sensuel qui se conduit par raison humaine, n'entendra ce propos. Il n'y entend rien. *Non percipit ea que Dei sunt*. Mais l'homme spirituel iugera certainement que ce propos est veritable: Il n'est pauvre sinon qui veult estre pauvre. Si on presentoit à vn homme des biens, de l'or, de l'argent, &c. Lequel se dit pauvre, & n'en vouloit prendre: s'il se plai-

I. Cor. 3.

Du iour de

gnoit apres, on luy diroit: On vous en a presenté: & sans obligation on le vous donnoit. Dequoy vous plaignez vous? Prenez vous-en à vous mesmes, si vous estes mal. Or il est ainsi de nous tous. Si vous iugez à la verité, que celuy qui dit auoir mal & indigence, & refuse l'aide & le bien qui luy est offert, vous iugez à la verité qu'il est cause de son mal. S'il eust voulu vser du moyen qu'on luy a presenté, il fust hors du mal ou il est. Laissez-le là. Or quant à nostre endroit, nous pouuons ainsi dire: Il n'est mal sinon celuy qui veut estre mal. Je sçay bien qu'incontinent nous dirons tous: J'ayme mieux estre bien que mal: estre riche que pauvre. Il est riche qui veut, & n'est pauvre sinon celuy qui veut. Voyla que nous respond l'esprit. Et pour entendre cecy, il fault cognoistre que c'est que mal, & que bien: prosperité & tribulation: suffisance & souffrette. Et quand nous entendrons bien l'un & l'autre, nous dirons qu'il n'y a rien plus vray que cela: Il n'est pauvre qui ne veut: Il est riche qui veut. Pour sçauoir que c'est de bien & de mal, il ne fault aller à l'escolle de la chair: elle n'y entend rien. Car Aristote (s'il le fault icy alleguer) dit: *Bonum est quod omnes appetunt.* Et par le choix que faict la chair, elle monstre bien qu'elle n'entend que c'est de bien: car pour son bien elle choisit le mal: & ce qu'elle estime estre son mal, c'est son bié. Vous direz de quelqu'un qui laisse le meilleur & prend le pire: il n'entend pas ce qu'il faict. Or quand nous voyons que la chair laisse la lumiere pensant que soit tenebres, on peult bien iuger qu'elle n'entend pas qui est son bien & qui est son mal. Le bien de l'homme c'est la croix: *Nisi granum frumenti mortuum fuerit, ipsum solum manet: si autem mortuum fuerit, multum fructum affert.* Nous voyons tousiours que la chair fuit la croix tant qu'elle peult, mortification de soy-mesme: neantmoins ne peult estre bien sinon quand est mortifiée & crucifiée. La chair en ce mō de tousiours est mortelle, & subiecte à toute corruption. Et elle ne peult estre deliurée de ce mal si elle n'est mortifiée. *Non enim uiuificatur caro, nisi prius moriatur.* Ainsi vous voyez que la croix est le vray bié de la chair. Neantmoins n'entendant cela, elle fuit la croix tant qu'elle peult,

Ioan. 12.

1. Cor. 15.

& ne veult viure qu'en delices, qui est son grād mal. Cōme dit bien Chrysostome . *Nihil tam alienum à Christiano, quàm viuere in deliciis.* Car de là vient à l'hōme, la mort & damniatiō eternelle. Et les delices & voluptez en quoy vit la chair , la tiennent en son mal: & elle ne veult point ouyr parler de la croix. C'est dōc à dire que la chair n'entend point son bien & son mal . Or le grand bien de la chair , c'est la croix : car par la croix est rendue incorruptible & mise en gloire . *Seminatur corpus animale : surget corpus spirituale.* Apres que Sainct Paul a fait l'interrogation en la personne de l'homme ignorant, il respond: *In-sipiens tu, quod seminas non prius viuificatur quàm moriatur.* Pourtant souuent dit Sainct Paul en ses epistres: *Mortificate membra vesira que sunt super terram . Et qui sunt Christi carnem suam crucifixerunt cum vitis & concupiscentiis suis.* C'est donc le bien de l'homme que la croix , & son mal que les delices. Neantmoins quand on luy baille option, choisit les delices , qui est son mal. Or ça de par Dieu , si nous voulons donc entendre que c'est du bien & du mal, ne fault pas aller à l'escole de la chair . Pour monstrier la verification de nostre propos . Il n'est mal que qui veult estre mal. Il ne fault pas aller à l'escolle de la chair, on n'y apprend que mal. Le mauuais riche y a long temps estudié, mal luy en est prins. Qui veult entendre la difference du bien & du mal: de la lumiere & des tenebres il la faut demāder à l'esprit. Que dit l'esprit? Le bien de l'hōme est estre vny & ioinct avec dieu. Viure & mourir avec dieu. L'hōme est bié quand il est en l'amitié & grace de Dieu. Le mal de l'homme est estre en peché mortel. Voila tout le mal & tribulation de l'homme. Qui le nous dit ? L'esprit de Dieu . La vie de l'homme ne gist en autre chose, que viure en la grace de Dieu. Et il l'a qui veult. Et est auf si en la male grace de dieu qui veut. Il n'est donc pauvre sinon celuy qui veult estre pauvre . La vraye tribulation & le vray mal, est l'inimitié de dieu & peché . Il n'est en peché qui ne veult . Ce n'est pas peché s'il n'est volontaire. Car peché ne vient pas par necessité fatale. Dieu est iuste, & il punit peché. Or il ne seroit pas iuste s'il punissoit l'homme de ce qu'il ne peult euitier. Mais pourtāt dit

I. Cor. 15.

Galat. 5.

Du iour de

Ozée 3.

Matt. 23.

Acto. 7.

Prou. 1.

L'homme ne
perd rien à
qui Dieu de-
meure.

Luc. II.

Ioel. 2.

ad Ro. 10.

l'escriture : *perditio tua ex te Israel*. Aussi reprochoit aux Iuifs leurs pechez. *Quoties volui cōgregare filios tuos, quemadmodum gallina congregat pullos suos sub alas, & noluitis?* Et saint Estienne disoit aux Iuifs : *Semper spiritui sancto resistitis*. Et Salomon dit : i'ay crié, & vous m'avez tourné le dos. Si vous estes mal, a qui vous en prendrez vous? A vous-mesmes. Quand i'auray perdu mes biens, mon office, ma bonne renommée, ie sçay bien, si ie m'adresse à la chair, elle dira. Voila une grande perte, mais l'esprit dira: ie n'ay riē perdu. Pour-autāt qu'il n'estime cela son biē, il dira: ie n'ay rien perdu, mais que Dieu me demeure. Et il a Dieu qui veut. Il ne perd donc rien qui ne veut. Venez ça : quand on a vne chose pour demander, elle ne couste gueres Il a Dieu qui veut. On l'a pour demāder. C'est ce que i'ay prins pour le theme: *petite & accipietis*. Cherchez & vous trouuerez. Que si tu ne trouues point tu ne cherches point. Si tu n'entres dedans le logis, il ne tient qu'à toy. *Pulsate, & aperietur vobis*. La grace & amitié de Dieu ne couste qu'a demander & chercher. Frappez à la porte: l'huis vous sera ouuert. Qu'estimez vous mal & affliction? Selon la doctrine de Dieu, c'est estre hors la grace, & en l'inimitié de Dieu. Voila le mal. Tu n'es pas en la male grace de Dieu, si tu ne veux. Tu n'es donc mal, si tu ne veux. Car en demandant à Dieu sa grace de tout ton cueur, il te la donnera. Et est plus prest te la donner, que tu n'es la demander. Frappe à son huis. Il dit: *Qui petit accipit : & pulsanti aperietur*. Pourtant dit S. Paul: *Quicumque inuocauerit nomen domini saluus erit*. A qui tient-il que l'homme n'est bien? A luy. O il n'a pas de l'or qui veut. Si i'ay ce qui vault cent escus, ay-ie pas bien cent escus? On dit aucunesfois: Vn tel n'a pas d'argent en bourse : mais son bien vault plus que dix mille escus. Et dea: si ie n'ay du pain, de l'or, de l'argent: i'ay ce qui vault mieux. Et quel bien est-ce? La grace de Dieu. Cherchōs, & nous aurons la grace de Dieu. Mais que l'homme demande efficacement la grace de Dieu, infalliblement il l'aura. Qui est celuy qui ne desire la grace de nostre Seigneur? Ie croy bien que nous la désirons, mais c'est inefficacement. Nous n'y mettons la peine que deurions.

Quand Dieu dit: *Quærite & inuenietis:petite & dabitur vobis.* C'est ce que nous disons conformemēt à cela. La grace de Dieu ne couste qu'à demander. l'entens demāder efficacement. Et qui ainsi la demande, iamais n'est escōduit & repudié: car sa demande est fondée en la promesse de Dieu. Mais il fault chercher & demander perseueramment de tout son cueur: puis s'ensuiura ce qu'il dit: *inuenietis.* Sainct André a cherché nostre Seigneur efficacement, & il l'a trouué. Il dit. *inuenimus messiam.* Sainct Philippes en dit autant: *Quem scripsit in lege Moyses inuenimus Messiam.* Chrestié, as tu autre bié que Iesus Christ? L'homme peult il estre bien sans nostre Seigneur? Peult il aussi estre mal avec luy? Sainct Bernard dit tant bien: *Domine nemo potest malè esse tecum:nec benè esse sine te.* C'est vne compagnie avec laquelle il fait bon. Quelle compagnie? De Iesus Christ. Et ce qui nous fait estre vn & vn esprit avec Dieu, est son amitié. Sainct Paul dit: *Qui adheret Deo, vnus spiritus est cum eo.* C'est pourquoy dit S. Luc. *Multitudinis credentium, erat cor vnum & anima vna.* Charité nous vnit si bien les vns avec les autres, que plusieurs ne sont qu'vn. Et c'est l'vnité pour laquelle nostre Seigneur a prié Dieu son Pere: *Rogo te vt sint vnum, sicut tu & ego vnum sumus.* Amitié & charité nous rendent vn avec Dieu. Pource souuēt disoit sainct Paul. *Obsecro vos, vt idipsum dicatis omnes, & non sint à vobis schismata, &c.* Qu'il n'y ait point diuision entre vous: que vous soyez vn ensemble avec Dieu. Le Dieu de tous les Chrestiens ensemble, c'est Iesus Christ. Or quand nous demandons à nostre Seigneur, & cherchons efficacement, c'est à dire, que faisons ce qui est en nous, pour trouuer grace deuant Dieu, nous la trouuons certainement. Il est encore à naistre qui a ainsi cherché la grace de Dieu & ne l'a point eüe. Dieu est fidele: Il tient sa promesse. *Quotquot promissiones Dei sunt, in ipso sunt.* C'est pourquoy Dauid en toute assurance prioit Dieu, & le sommoit de sa promesse, disant: *Memor esto verbi tui domine, in quo mihi spem dedisti.* Ainsi demanderay-ie la grace de Dieu. Je sçay bié que n'en suis digne: aussi ne la demanderay-ie en ma vertu, mais en celle de Dieu, en gardant ses commandemēs.

Matth.7.

Ioan.1.

Rom.8.

Acto.2.

Ioan.17.

1.Cor.1.

2.Cor.1.

Psal.113.

Du iour de

1^{re} au. 14.

Si quis diligit me, sermonem meum seruabit. Chercher Dieu efficacement, gist en l'obseruance des commandemens de Dieu. Le lutherien cherche, mais il ne veut chercher avec les eures. Il dit que la foy suffit. Ce n'est pas de merueille s'il ne trouue point. Je sçay bien qu'on ne peult ve-

H^{er}. br. II.

nir en la grace & amitié de Dieu sans foy : *Oportet accedentem ad Deum, credere quia ipse est.* Il fault auoir la foy pour plaire à Dieu : Et pourtant saint Paul compare la foy à vn fondement d'edifice. *Fides est sperandarum substantia rerum, &c.* C'est nostre fondement que foy. Sans icelle nous n'auons point de charité. Mais ce n'est assez que la foy pour trouuer Iesus Christ & sa grace. Par la seule foy l'homme ne trouue point son aise & son bien. Nous craignons bien enfer : mais estre là puny, *pœna sensus*, n'est pas le plus grand mal de l'homme. Vn homme s'il entend bien que c'est de mal, il verra qu'il n'y a rien digne estre appelé mal que l'offense de Dieu. O mon Dieu, ou yray-ie si i'ay perdu la grace de Dieu ? Je sçay bien que i'yray en enfer si ie ne me retire. Mais si nous separons (*per intellectum*) la peine sensible de la coulpe, ceste peine là sensible qui est en enfer, n'est si grâde que l'offense de Dieu. On dit que c'est signe de mort en vne personne quand il ne sent point son mal. Et d'autant que aujourd'huy nous offensoys Dieu impudemment, & of-

Offenser Dieu
est vn enfer.

fenser Dieu est vn enfer, tant moins nous sentons nostre mal, & tant plus sommes en enfer. Si nous sentions de Dieu quelque chose, nous craindriens infinimēt plus le peché & offense de Dieu qu'enfer. Mais nous sommes tant conduits d'amour priué, que nous n'auons point autre but. Souuent nous allons à confesse. Qui nous conduit ? Crainte de la peine. Vn meschant n'osera se manifester. Qui le meine ? Crainte de la peine. Je sçay bien que ce n'est mal fait s'abstenir de peché, *Timore pœnae*, mais il n'y a point de merite. *perfecta charitas foras mittit timorem.* Or il fault ainsi chercher. Ce n'est chercher efficacement son bien, quand on cherche seulement par foy. Je croy que Iesus Christ est mort pour noz pechez, & est resuscité pour nostre iustification. Je le croy ainsi. Mais ce

1. Ioan. 4.

Rom. 4.

n'est assez, comme dit saint Iacques. *Sicut corpus sine spiritu mortuum est, ita & fides sine operibus mortua est.* L'ame de la foy, c'est charité. Ce n'est qu'un corps mort la foy sans eures. Mes amis, comme j'ay dit, il n'est mal qui ne veult: & il est bien qui veult. Car le bien de l'homme est estre en la grace de Dieu. Et il est en la grace de Dieu qui veult. L'huis est ouuert, cherche, prends pendant que tu y es: mais que l'huis soit fermé, il ne sera plus temps de chercher. Les foles vierges ont cherché, mais c'estoit trop tard. On leur a dit: *Nescio vos.* Mais quand on fait ce qui est en foy, on n'a garde qu'on ne trouue. Nathanael a cherché Iesus Christ, & est allé apres, quand il l'a eu trouué: Cherchons le ainsi. Centurion cherchoit, comme dit l'escriture, il faisoit aumosnes, ne faisant tort à personne. Il trouue: Quoy? Iesus Christ L'Eunuque de la Royne de Candace lisoit sur un chariot le prophete Esaie, & estoit sur ce passage: *Generationem eius quis enarrabit?* Il cherchoit estre illuminé, & faisoit ce qui estoit en foy. Dieu luy enuoya saint Philippes. Ha Chrestiens! en cherchant on trouue. Il fault icy noter. Les Theologiens dient: & est vray: L'homme ne peut auoir ignorance inuincible de son salut: *Omne quod dat mihi pater ad me veniet.* Quand donc on cherche Dieu, & qu'on le demande en tout son exercice, & en tout ce qu'on fait, c'est pour le trouuer, & son salut, à la verité on le trouue. *Querite & inuenietis.* Que s'il aduient que quelqu'un demeure en son mal, c'est sa faulte. Et pourtant nostre Seigneur reprochant aux villes, disoit: *Vae tibi Corrosaym: Vae tibi Bethsaida:* Pour-autant qu'ils auoient eu le bien en leur main, il ne le falloir que prendre: toutes-fois sont demourez en necessité. Qui en est cause? Eux mesmes. Pourroit-on pas bien dire aujourdhuy cela de nous? Nous auons le bien en noz mains. Comme disoit saint Paul preschant en Arhenes: *Statuens terminos habitationis, querere Deum si forte attarent. cum non longe sit ab vnoquoque nostrum.* Dieu a mis des differéces & bornes. Il a distingué les nations & tēps. S. Paul monstre la prouidence de Dieu. Et qu'il ne couste pas beaucoup à l'homme pour chercher Dieu. *Si forte.*

Iac. i.

Matth. 25.

Ioan. i.

Act. 10.

Act. 8.

L'homme ne

peut auoir

ignorance in-

uincible de

son salut.

Ioan. 6.

Matth. 11.

Luc. 10.

Act. 17.

Du iour de

Sainct Hierome dit: Quand vous voyez *Fortè*, en l'escri-
ture, ce n'est pas qu'il y ait diffidence de la part de Dieu
ou difficulté, mais pour monstrier la liberté de l'homme:
pour cela dit sainct Paul: *Si fortè*. Il n'y a pas grande pei-
ne à chercher Dieu & le trouuer. Il fault garder ses com-
mandemens. O ils sont bien difficiles. Sainct Iean dit:
Mandata eius graua non sunt. O commēt? dit Dauid: *Pro-*
pter verba labiorum tuorum, ego custodiui vias duras. Sainct
Augustin te respond: Les commandemens de Dieu sont
durs à ceux qui craignent: mais ils sont legers à ceux qui
aiment. Qui a mauuais goust: trouue le meilleur vin du
monde mauuais: pour-autant que par maladie a l'orga-
ne du vin (qui est la langue) corrópu Pour trouuer doux
les commandemens de Dieu, fault auoir amour. *Tollite*
iugum meum super vos, & inuenietis requiem animabus ve-
stris. Les commandemens de Dieu ne sont par dessus no-
stre puissance & vertu humaine. Et c'est ce que dit sainct
Paul: *propter infirmitatem*. C'est vne chose facile: ie ne vo^s
commande chose difficile. Et que nous commanderez
vous? *Sicut exhibuistis membra vestra seruire iniustitie, &c.*
Comme vous auez appliqué voz membres à seruir à in-
iustice, aussi maintenant appliquez les à seruir à sanctifi-
catio & iustice. Il est dōc facile de chercher Iesus Christ,
& le trouuer. A ce propos disoit sainct Paul. *Corde credi-*
tur ad iustitiam, ore autem confessio fit ad salutem. Et prenoit
ce qui est escrit en Deuteronomie: Il ne fault point que
tu dies qu'il est difficile garder les commandemens de
Dieu: *Propè est verbum in ore tuo*. Ton salut est en ta bou-
che, & en ta main. Prends-le. *Quoniam si credideris, saluus e-*
ris. Notez icy. Il met la foy au cueur, & la confession en
la bouche, qui monstre l'euure exterieur: & la protesta-
tion de la foy, estre par charité. Pourtant ne trouueriez
que c'est paradoxe ce que nous auons dit, quāt à l'esprit:
c'est à sçauoir (Il est bien qui veult: il n'est mal qui ne
veult) mais que nous cognoissions selon la doctrine de
Dieu, qui est la vraye richesse & la vraye pauureté. Et ce
propos est bien paradoxe selon l'opinion de la chair, la-
quelle n'a point mangé de ce pain. Et pourtant ne sçait
que c'est. Mais l'esprit qui a gousté de la parole de Dieu,
entend

Psal. 16.

Matt. 11.

Rom. 6.

Rom. 10.

Deut. 30.

entéd que la vraye richesse est estre en la grace de Dieu. Et pource saint Paul exhorte son disciple Timothée, disant: *Dicitibus huius seculi precipi non sublime sapere.* Cō- 1. Tim. 6.
māde aux riches de ce mōde qu'ils ne s'esleuent par orgueil: mais qu'ils s'enrichissent en bonnes eures. Voila la vraye richesse, de laquelle il est riche en la grace de Dieu & en son amour. Pourtant le vray bien de l'homme ne couste qu'a demander: & mettre la main dedans le coffre. Comment? *mater dei!* Nostre Dieu Iesus Christ est en croix les bras estendus, le costé ouuert. Prenōs hardiment. Mais aujourd'huy nous sommes tant adonnez aux biens de ce monde. Dieu pourtāt par Dauid dit, que bien-heureux est l'homme qui prend pour son bien le nom de Dieu. Si Dauid n'en eut esté bien armé quand il vint pour batailler contre Goliath (comme on dit) Goliath l'eust mangé en vn brin de sel. Si Daniel en la fosse aux lions n'eust esté appuyé sur ce nom, il eust esté incotināt deuoré des lions. *Sed non respexit in vanitates & in-* Psal 39.
fantas falsas. Qu'appellez vous vanité? Salomon dit: *Vani-* Eccle. 1.
tas vanitatum, & omnia vanitas. Et en vn autre lieu Dauid Psal. 4.
l'appelle *mendacium*, disant: *Filij hominum, vt quid queritis* Psal. 115:
mendaciam? Et en vn autre lieu: *Omnis homo mendax.* Tout homme est menteur. Ou il veult monstrier que tout homme est muable & variable. Enfans des hōmes, pourquoy cherchez vous & demandez la vanité des hommes? Il ne y a point d'arrest. Saint Iean en son Apocalypse dit que il vit, *Puteum abyssi*, vn puis d'abisme. En vn abisme n'y Apoc. 9.
a point de fond. Aussi n'y a il en mensonge. Quand nous pensons auoir richesse, nous n'auons rien. *Dirites egue-* Psal. 33.
runt & esurierunt. Les riches ont eu faim & necessité. Mais ceux qui cherchent Dieu, *Non minuentur omni bono.* Psal. 32.
Iamais ceux qui ont la crainte de Dieu deuant les yeux, ne seront en necessité: *Time Deum: timent enim Deum, nihil deerit.* Ditez vous celuy estre pauvre auquel rien ne deffault? Et pourtāt nul n'est pauvre qui ne veult. Il n'est en tenebres qui ne veult. Vn hōme qui a l'amitié de Dieu n'a point de nuit en soy. *Qui ebrij sunt, nocte ebrij sunt.* 1. ad Thes. 3.
Mais ceux qui cherchent l'amitié de Dieu, ils sont lumie re en Dieu, *Lux sunt in domino.* Or ça, aujourd'huy vn tas Ephe. 5.

Du iour de

de lutheriens antechrists (Dieu les vueille conuertir) n'entendent pas que c'est de bien & de mal. La raison est que pour l'entendre ont esté demander le iugement à la chair. Ce sont gens apostats, ils rompent les ieusnes: vivent en delices. Or ce n'est pas leur bien: car les aises du corps le rendent plus paisible. Mais quand le corps est mortifié par ieusnes & abstinences prescrites par l'Eglise: & qu'en ceste mortification le corps s'en va: il resuscitera immortel, glorifié, fait & configuré à la similitude de la clarté du corps de I E S V S C H R I S T. En le mortifiant ainsi nous attendons Iesus Christ du ciel. Diriez vous qu'un hōme apostat entende bien cela? L'esprit dit il qu'il faille rēpre son veu? Tu dis que le veu de cōtinēce est importable. Et sainte Barbel l'a bien porté. Dieu vueille qu'en ne face pas oublier Iesus Christ à la ieunesse, qui est quand on oublie sa doctrine pour en prendre vne autre. Escoutez: Quand nostre seigneur dit. Tu aimeras Dieu de tout ton cuer: qui est quād nous ne prenōs vn autre Dieu que luy. Apres il dit: *Et tota mente.* Par cela veult dōner à entēdre qu'il ne fault prédre autre doctrine que la siēne. Et qui en préd d'autre, gaste & corrompt tout le demeurāt. *Modicum fermentum totā massam corripit.* Entre vous pedagogues deuez mettre peine entretenir les enfans en la premiere doctrine. S. Paul escriuāt aux Philippenses, dit: *Observate eos qui ita ambulāt, sicut habetis formam nostram.* Suivez ceux qui gardēt la maniere de viure q̄ vous auez veuē en nous Et à Timothée: *Permane in his quae didi. istis: sciens à quo didiceru.* Et mes amis, nous auons esté nourris du bon laiēt de l'eglise Catholique! prédrez vous maintenāt vn laiēt corrompu & infect qui viēt de Geneue? Non ferons si Dieu plaist. Ce sont grandes tenebres & ignorances, dire que depuis mil cinq cens cinquante ans, tous ont esté en erreur. Et ou chercherōs nous ce bon laiēt? *Audi ecclesiam.* Rupert en ce lieu: *Mea doctrina non est mea: cōme on dit: meum & tuum,* font les guerres & diuisions entre les hommes. Dōc *mea doctrina non est mea*, c'est à dire: Ma doctrine n'est point priuée ny particuliere, & inuentée de mon cerueau. Cōme voulant dire: Ma doctrine n'engendre scisme, elle est

Matt. 22.

1. Cor. 5.

Philip. 3.

2. ad Tim. 2.

vniuerselle. Et c'est que nous disons : que la doctrine de
l'Eglise Catholique est vniuerselle & dispersée par tout
le monde. Pourtant si voulez trouuer Dieu, cherchez-le
en la translation & doctrine que tient l'Eglise. Or en la
translation commune y a tant de barbarismes : c'est vn
Latin tant inelegant. Mais en Erasme c'est vn tant beau
Latin & friant. I'ay grand peur que ne ressemblions aux
Pharisiens qui contemnoient Iesus Christ pour sa vilité
& pauvreté, & maintenant sont en enfer. Aussi l'escritu-
re est vile exterieurement, comme estoit Iesus Christ. Et
neantmoins en sa vilité faisoit grands ouurages. Ainsi
les escritures, *Rerum sunt magnarum effectrices: non propter
sermonem, sed propter Dei virtutem in illis latitantem.* Pen-
sez vous que c'est, faire aujourd'huy dire graces en Grec
à vn petit enfant? Louer Dieu en Grec, en Hebreu, tout
est bon. Mais pour cela ne fault laisser le commun pour
estre particulier. Chrestiens, ne sortons iamais de la mai-
son de Dieu qui est l'Eglise. *Quærite & inuenietis.* Et dea-
ie suis long sur ce propos. *Quærite.* Si on m'enfermoit en
vne chambre sans ouïr parler de Dieu : pourroy-ie bien
cognoistre Dieu sans en ouïr parler? Sainct Paul dit: *Quo- ad Ro. 10.*
modo credent nisi audierint? Venez ça : on enfermera bien
mon corps entre deux murailles, non point mon esprit.
Saincte Barbe auoit esté enfermée en vne tour par son
pere : non tant par crainte de sa beauté que d'autre cho-
se. Je sçay bien qu'il en auoit peur. Paillardise est tant
commune aujourd'huy, que quand on auroit sa fille en
sa ceinture, elle ne seroit pas trop seurement. Diosco-
rus pour sa beauté auoit faict enfermer sa fille. *Fallax* *Prou. 30.*
gratia & vana est pulchritudo: dit Salomon. Chrysostome
dit : Salomon par la beauté des femmes deceu, est tom-
bé en idolatrie. Ce Roy ne seroit à despriser si pour ce-
la seulement eust faict emprisonner sa fille sainte Bar-
be. Or il la fit mettre en vne tour : & peu de gens par-
loient à elle. Mais ne le faisoit tant pour eiter le mal
de sa fille, que pour empescher que quelqu'un ne luy vint
rapporter l'odeur du nom de Iesus Christ. Car la pierre
d'aymant n'est de si gråd attraiect qu'est l'odeur du nom
de Iesus Christ. Et pourtant aucunes-fois quand on sent

Du iour de

- quelque odeur on demande que c'est, & va-on apres. Il l'a mise là afin qu'elle n'entendist rien du nom de nostre Seigneur. Son corps est en prison. Peu de gens parlent à elle : mais elle a colloqué avec Dieu : qui est si bon que quand on le cherche de tout son cueur, il enseigne la personne par luy, ou par autrui. Il a enseigné les Apostres par luy-mesme. Et puis a enseigné Centurion par saint Pierre. Quand l'homme faict ce qui est en soy, Dieu ne le permet demeurer en ignorance inuincible de son salut. Ainsi disoit saint Iean : *Vnctio docebit vos*. Dieu enseigne en deux sortes : Par luy-mesme immediatemēt. Dequoy dit Dauid. *Audiam quid in me loquatur Deus*. Et ce parler de Dieu, non seulement illumine, mais aussi enflambe. Aucunesfois Dieu parle à l'homme mediatemēt par vn autre homme exterieurement. Et ce parler n'enflambe, si Dieu ne parle interieurement, qui enflambe le cueur à aimer son salut. A sainte Barbe Dieu a parlé immediatement & interieurement. Laquelle par le discours de nature a bien entēdu que c'est grāde folie adorer vne ydole. Car comme dit saint Paul parlāt des Philosophes Gentils : *Coluerunt & seruiuerunt potius creaturā quā creatorem*. Donc est aduenu, *Quod tradidit eos Deus in reprobū sensum*. Tellement que selon le cours de nature on ne peult empescher l'homme qu'il ne cognoisse qu'il y a vn Dieu : lequel sur tout fault adorer, reuerer & aimer. Escoutez. Le lutherien appelle les ymages ydoles. Nous trouuons par S. Paul que *ydolum nihil est*. Les images des saints ne sont pas ydoles : car elles representent quelque chose. Et n'errons point si en cela nous ensuiuons l'eglise Catholique, qui quelquefois a esté assemblée pour ceste matiere au deuxiesme cōcile ne Nice : du temps de l'Emperiere Irenée. En ce cōcile fut dit. L'image de la croix est sacrée car elle represente chose sacrée : c'est à sçauoir la passion de Iesus Christ. En ce concile est expressement conclud, non par les hommes, car l'aduis & sentence du concile est celle de Dieu & du S. Esprit. Au concile des Apostres qui estoient hommes, quand ce vint à la cōclusion, vont dire : *Visum est spiritui sancto & nobis*. Cōme voulant dire : L'aduis du cōcile qui nous represente toute l'eglise,
- Acto. 10.
1. Ioan. 2.
- psal. 84.
- Le predica-
teur n'enflā-
be point sans
l'euure de
Dieu.
- Rom. 1.
1. Cor. 8.
- Acto. 15.

est du S. Esprit, & est tel. Et pource fut dit en ce cōcile de Nice: Quiconque allegue les sentēces qui se peuent citer des idoles des Payens, cōtre les images des Chrestiens, *Anathema sit.* Qui appelle vne image idole, *Anathema sit.* La veneration & reuerence qu'on faict à l'image, ne demeure là: elle passe plus outre, iusques à la chose représentée par l'image. Or sainte Barbe par cognoissance & lumiere naturelle voyant que ces idoles n'estoiēt dieux, se recommāde à Dieu de tout son cuer, & s'arreste là. Il aduint qu'elle oyt parler d'Origene qui estoit en Alexandrie: elle luy rescrit qu'il luy plaist l'adresser à son salut, l'enseigner à la foy: & qu'elle ne desiroit qu'entēdre Iesus Christ & trouuer Dieu. Qui cherche, il trouue. Origene luy enuoye vn prestre avec vne lettre, lequel l'a enseignée en la foy. Elle se desuouē du tout à Iesus Christ, & fait faire en memoire des trois personnes de la Trinité, encore vne fenestre en la tour ou elle estoit enfermée. Sō pere reuenu de quelque guerre ou il estoit allé, faict venir sa fille deuāt luy, & veult sçauoir pourquoy sans son commādement a faict faire ceste fenestre. Saincte Barbe instruite ia en la foy de Dieu, confesse & dit franchement à son pere. Iusques à maintenant i'ay vescu en idolatrie: mais maintenant cognoissant qu'il n'y a qu'un Dieu en trois personnes, ay faict faire la fenestre. Et pourtāt va dire hault & cler: *Credo in Deum patrem omnipotentem, &c.* Comme dit S. Paul: *Credidi propter quod loquutus sum. Et nos credimus, propter quod & loquimur.* Pēsez vous auourd'huy que nous ayons ceste foy viue? On oit les censures Ecclesiastiques qu'on ait à accuser les heretiques: & on n'oyt mot dire. Endureras-tu mal parler des ceremonies de l'eglise sans le reueler? On se mocquera du purgatoire, nous appelleront idolatres. He Chrestiens, nous sommes trop actifs & prōpts à venger l'iniure qui nous est faicte. Si on me veult oster mon argēt, qui n'est que chose temporelle, ie me deffendray iusques à la mort. Et ie seray en vne table ou on parlera mal de Iesus Christ, & du S. Sacrement de l'autel. Ie ne me dois taire. Ceste fille ne se taist. Son pere la cuide tuer. Par la prouidēce de Dieu elle eschappe. Il court apres: la préd & luy arrache les che-

2. Cor. 4.

Du iour de sainte Barbe.

ueux. C'est grād pitié quand le pere qui doit seruir d'œil à l'ëfant l'empesche de faire son salut. Vn pedagogue au lieu d'enuoyer ses enfans à la messe ou à vespres, les enuoye iouer au pray aux clerics. Vn confesseur dira: Ne dy, ie me cōfesse aux saincts de paradis. Et qui offense cōtre quelqu'un, offense-il point contre ceux qui sont des siës? Si l'offense l'homme, l'offense la femme. L'enfant prodigue disoit mieux que toy: *Pater, peccavi in celum & coram te.* L'ay offensé contre le ciel & contre toy. Chresthiës, n'estoit la bonté de Dieu, dez que nous offensons Dieu les creatures s'esleueroiët contre nous. Apres, sainte Barbe a esté mise entre les mains du Preuost, par les mains de son pere. Et a esté verifié en elle ce qu'auoit predit nostre

Luc. 15. Seigneur: *Tradimini à parētibus.* Vous serez liurez de voz peres & meres entre les mains de voz ennemis. Elle a esté batuë de maillets de fer. Tout son corps n'estoit qu'une playe. Elle est mise en prisō. Ay-ie pas dit. Le ne perds rië mais que mon bië me demeure. Qui est nostre bië? Iesus Christ: lequel l'a restituée en plaine santé. Vn autre iour est reuouquée en iugement & tourmentée mieux que deuant. A la fin, cōme dit S. Paul: *Virtus in infirmitate perficitur.* Iesus Christ se monstre & apparoißt beaucoup plus quand l'hōme est en affliction selon les hōmes, que quād selon iceux il est en prosperité. A la fin le tyrā est vaincu, il la rēd entre les mains de son pere, qui en a esté l'homicide & meurtrier. Et par ainsi a finy sa vie, & est entrée apres Iesus Christ en gloire perdurable. Sainte Barbe estoit à son aise quād elle enduroit, mais la chair ne le cognoissoit pas. Comme le pauvre Lazare qui mouroit de faim à la porte du mauuais riche. On ne sçauoit pas qu'il fust bië, & q le mauuais riche fust mal: mais à ceste heure on le cognoist. L'escriture dit de Iesus Christ. *Oportuit Christū pati, & sic intrare in gloriam suā.* Il a fallu que Iesus Christ ait souffert, & que par souffrance il soit entré en sa gloire. Estoit il pas en gloire? Ouy: car il estoit glorieux dez son incarnatiō. Mais c'est vne maniere de parler que no^s auōs. Quād les choses apparoißēt à l'hōme, lors luy semblēt estre faictes. Voila grāde pitié battre aīsi, & tuer sa propre fille. On voioit bië la peine exterieure, mais on

Matth. 10.

2. Cor. 12.

Luc. 24.

Pour le iour de S. Matthias. 348

ne cognoissoit pas le bié q̄ elle auoit: & la cōsolatiō de sō
cueur estoit infiniment plus grāde q̄ le mal de son corps:
mais elle n'apparoissoit pas: elle a esté cogneüe ap̄es
sa mort. Vous voyez comme par tout le monde on l'in-
uoque. Pour reuenir à mon premier propos, elle a cher-
ché Iesus Christ, & l'a trouué. *Querite & inuenietis.* Cher-
chez-le aussi, & vous le trouuerez. Ainsi faisant, nous dō-
nera en ce monde sa grace, & en la fin sa gloire. Amen.

Pour le iour & feste de saint Matthias.

C*æcidit fors super Matthiam, & annumeratus est cum vn-*
decim. Il est bien heureux qui est esleu & choisy de Act. I.
nostre Seigneur. L'escriture dit: *Beatus homo quem tu eru-*
dieris domine, & de lege tua docueris eum. L'election de no-
stre Seigneur, ne procede pas de nous: mais seulement Psal. 4.
de la pure grace, liberalité, & infinie misericorde & bon-
té de nostre Seigneur: il choisit qui luy plaist. S. Paul a
esté esleu & choisy au seruice de nostre seigneur. Il n'a-
uoit rien fait dont il meritoit d'estre choisy: mais au cō-
traire, d'estre chassé hors du seruice de Dieu: car il auoit
persecuté son Eglise. En cela, il ne meritoit pas que Dieu
le choisist: mais Dieu, par sa grace, bonté & infinie mise-
ricorde a esleu saint Paul, & d'un grād persecuteur, il en
a fait vn deffenseur de son Euangile: il l'appelle vaisseau
d'election. Quels estoient les Apostres? pauvres pescheurs,
& n'estoient estimez du monde, on n'en faisoit conte.
Et nostre seigneur de sa grace, les a eu tels qu'il a voulu:
& les a faits de sa main, & ils ont obey à l'election. Com-
me saint Paul qui dist incontinent: *Domine, quid me vis*
facere? Nostre seigneur a appelé saint Pierre, saint An-
dré, saint Iaques & saint Iean, qui refaisoient leurs rets.
Ils n'y pensoient pas: mais Dieu y pensoit. Il appelle S.
Matthieu, qui estoit à la banque, & luy a dit: *Sequere me.*
Dieu les a choisis, & ils luy ont obey. Ils le suyuent &
obtemperent à l'election. Auiourd'huy S. Matthias a esté
esleu & mis au nombre des Apostres de nostre seigneur

Pour le iour

Iesuchrist. *Dominus elegit duodecim, quos & apostolos nominavit.* Il a fait qu'ils fussent douze, lesquels a specialemēt nommez Apostres, c'est à dire legats, & leur a donné sa puissance, leur disant: *Ite & predicate.* Or, l'autorité de nostre seigneur c'est de prescher cōme il dit: *Euangelizare pauperibus misit me.* Et ainsi, il a prins les Apostres pour ceste charge, & non pas pour estre oyseux & paresseux mais pour labourer. Il est vray qu'il dit: *Ego duodecim vos elegi, sed vnus vestrum diabolus est.* Vn d'entre vous est diable, non pas par nature: mais par imitation de la nature du diable. *Est homicida ab initio*, cōme il disoit aux Iuifs: *Vos ex patre diabolo estis.* Vous n'estes pas enfans d'Abraham qui a fait mes commandemens: mais vous estes cōme le diable, qui n'a soing que d'espandre le sang humain. Donc, nostre seigneur en a esleu douze, & leur a donné sa charge, qui luy auoit esté donnée de Dieu son pere, c'est de prescher. Secōdemēt nostre seigneur a puissance de transmuier le cours de nature, de muer l'eau en vin: il empesche la nature du feu. Quand les trois enfans estoient en la fournaise, en Babylone, ils n'eurent aucun mal. En apres, il guarit par la vertu & efficace qui sort de

Iesus Christ n'a pas fait ses miracles selon le cours de nature. Iuy tous les malades. Ce n'est pas selon le cours de nature: & il a communiqué son autorité à ses Apostres. Premierement, il leur dit: Allez, & preschez. Il les enuoye, deux à deux. Secondement, *Infirmos curate*, guarissez les malades, ressuscitez les morts. Outre, il y a vne autre

autorité & puissance, que nostre seigneur donne à ses Apostres, c'est de remettre les pechez. Il leur dit: *Sicut misit me pater, & ego mitto vos.* Iesus christ a esté enuoyé pour le salut des hommes, & il enuoye ses Apostres pour telle charge. Mon pere m'a enuoyé pour prescher & euangeliser, aussi ie vous enuoye pour prescher, *Ite & predicate*, sans acception de personnes. Accōmodez vous a vn chacun. Outre, ainsi que nostre seigneur auoit la puissance de guarir, il l'a donnée à ses Apostres, & il n'en a excepté aucun. *Infirmos curate.* Guarir vn ladre: & semblable, il ne se peult faire naturellement, si la vertu de Dieu n'y est. Et pource, Dieu operoit par eux: ils estoient coadiuteurs & cooperateurs de Dieu. Pourquoy, on peult bien dire:

Nimis honorati sunt amici tui deus, Nimis confortatus est principatus eorum. La parole des Apostres, c'estoit la parole de Dieu: & le saint Esprit parloit par eux, comme il leur auoit bié predict, disant: *Dabo vobis os & sapientiam, cui non poterunt resistere omnes aduersarij vestri. Item, Ego mitto vos, sicut agnos inter lupos.* Le vous enuoye comme brebis entre les loups, pour les surmonter: non pas par armes, par ruses, mais par mansuetude, par patience. Vous conuer-
 tirez les loups en agneaux. Ce vous est assez d'auoir ma-
 vertu & mon ayde, pour vous garder: ainsi que dit saint
 Chrysostome. Ouy, mais Seigneur, nous sommes brebis,
 & imbecilles: le loups nous deuoreront. Vous suffise que
 ie vous enuoye, dit nostre Seigneur. Ayez moy pour vo-
 stre but. Si Dieu vous enuoye, c'est assez: vous viendrez
 bié à bout de vostre entreprinse: Car il dit, *Dabo vobis os
 & sapientiam cui non poterunt resistere aduersarij vestri. Non estis
 qui loquimini, sed spiritus patris vestri qui loquitur in vobis.*
 Ce n'est pas vo^r qui parlez, mais c'est l'esprit de mon pere,
 qui parle en vo^r. On ne peult resister à la parole de Dieu,
 par la prudence humaine: ainsi que vous en auez l'exem-
 ple au concile de Nicene, d'un Philosophe sophyste &
 heretique qu'on ne pouuoit surmonter, mais par cautelle
 & sophyserie il eschappoit & se glissoit comme vne an-
 guille, dont le concile estoit fasché. Ce voyant vn bon
 Euesque, homme de bien & de bonne foy, combien qu'il
 ne fust pas fort sçauant, il demande congé de parler à ce
 Philosophe sophyste & heretique, ce qu'on ne luy vouloit
 permettre, craignant qu'il ne fust surmôté.
 Neantmoins il feist tant par la grace de Dieu,
 qu'on luy donna congé. Et incontinent il dist à ce Phi-
 losophe: ie ne veux pas disputer contre toy: mais ie veux
 proposer la parole de Dieu, & les articles de nostre foy:
 crois tu pas vn Dieu viuant en trois personnes? Dieu le
 pere, nostre sauueur Iesus Christ son fils, & le benoist S.
 Esprit? & pareillement les autres articles de la foy? Et a-
 lors ce Philosophe fut muer, & contraint de confesser
 la verité, & dist, *Audite eruditi viri, donec verbis mecum ge-
 sta res est, verba verbis opposui, & quæ dicebantur dicendi ar-
 te subueriti: ubi veræ pro verbis virtus processit ex ore dicentis,*

Les Apo-
stres n'ont co-
uer-
ti les hom-
mes à la foy
par armes.

Exemple d'un
Philosophe
sophyste au
concile de
Nicene.

Pour le iour

non potuerunt resistere verba virtuti, nec homo aduersari potuit. Et il se feist baptiser. C'est grand chose quand quelqu'un parle en la personne de Dieu. Chacun craignoit le grand Goliad, & nul vouloit entreprendre d'aller batailler contre luy sinon le petit Dauid, lequel n'a voulu porter les armures de Saül : mais a seulement pris deux pierres du Torrent, & avec l'une qu'il a rué avec sa fonde cōtre le grand Goliad, il l'a mis par terre, & l'a tué. Il dit à Goliad: *Tu venis ad me cum gladio, & hasta & clipeo: ego autem venio ad te in nomine domini exercituum.* Et si nous y allions ainsi nous n'emploirions pas tant d'argent en cheuaulx & charrettes, en Suisses, Lansquenets. Il fault mettre sa confidence en Dieu: car s'il n'y a que l'industrie humaine tout s'esuanouyra. Dauid dit, *Hi in curribus & hi in equis, nos autem in nomine domini inuocabimus.* Il ne fault pas mettre sa confidence aux hommes, ny en la grande puissance humaine: car tout cela n'est que foin, si Dieu n'y est. Vous auez, que quand il fut question de prendre la ville de Iericho, les prestres sonnerēt par sept iours sept fois de la trōpette, à l'étour des murailles de la ville, & elles tōberent par terre. Voulez vous auoir victoire de vostre aduersaire? faites ce que Achior conseilla à Holofernes, qui vouloit prendre la ville de Bethulie, en laquelle n'y auoit qu'un petit troupeau du peuple de Dieu qui resistoit. Et Holofernes demāda: Et qui est ce peuple icy qui me cōtredit? tous les autres m'ont obey, & m'ont apporté les clefs, fors cestui-cy: *Et Achior dux omnium filiorum Annon.* luy dist: Sire, c'est le peuple de Dieu viuant. La cōdition de leur Dieu, c'est qu'il hait peché. *Deus eorum pugnat pro eis & vicit, & non fuit qui insultaret populo isti, nisi quando recessit à cultu domini Dei sui.* Toutes les fois qu'ils ont obserué les cōmandemēs de leur Dieu, ils ont surmonté les aduersaires, sans coup frapper, & leur a fait passer la mer rouge à pieds secs. Mais quand ils ont fait au cōtraire, & qu'ils n'ont gardé les cōmādemēs de leur Dieu & en ont prins vn autre, si tost qu'ils l'ont adoré ils sont tōbez en la main & puissance de leurs ennemis, qui les ont merueil leusement tourmētez. Et pource, Sire, regardez auant que faire la guerre à ce peuple, s'il est pas bien & en grace de

Ce qui est
fondé seule-
mēt sur l'in-
dustrie hu-
maine, tost
s'esuanouyst.
Iosué 6.

son Dieu, ou non, il fault ainsi faire, car les guerres vien- *Iudith. 5.*
 nent pour les pechez. Auant que d'aller à la guerre, regar-
 dons si nous auons offensé Dieu, car cōme il dit: Si vous
 gardez mes commandemens, vous aurez victoire de voz *Leuit. 26.*
 ennemys: autrement, ma face sera contre vous, & voz en-
 nemys vous persecuteront. Et si vous fuyez, ie vous en-
 uoieray la peste. Et pourtant, il fault principalement re-
 garder à cela: combien qu'il ne fault aussi pas contēner
 l'aide humain, mais faire ce qui est en soy. Nostre sei-
 gneur dōques enuoye ses Apostres pour gaigner les loups
 c'est à dire, les hōmes qui viuent comme bestes sauuages,
 comme loups: & pour les renger & dōpter, on y enuoye
 des brebis, ce sont les benoists Apostres, ausquels nostre
 Seigneur baille les oustils & instrumēs pour les gaigner.
Dabo vobis os & sapientiam: Ne soyez point en peine, com-
 me disoit Dieu à Iosué: *Non te deseram, non te derelinquā.*
 Ainsi que dit saint Paul: *Ita confidenter dicamus: Dominus* *Hebr. 12.*
mihi adiutor, non timebo quid faciat mihi homo. Nostre Sei-
 gneur dist à ses Apostres: *Ego vobiscum sum vsque ad con-*
summationem seculi. Il ne dit pas: *Ego ero, vel ego fui,* mais,
ego sum, pour demonstrier la continuelle assistance de no-
 stre seigneur à son Eglise. Il a choisi les Apostres, & leur
 a donné leurs oustils & instruments pour les mettre en
 euure, & les faire bien labourer & prouffiter: c'est la pa-
 role de Dieu. *Et gladium spiritus assumite, quod est verbum* *Ephē. 6.*
Dei, omnis scriptura diuinitus inspirata, utilis est ad docen- *2 Timo. 3.*
dū, &c. Non enim voluntate humana allata est aliquando pro- *2. Petr. 1.*
phetia, sed spiritu sancto inspirati locuti sunt sancti dei homi-
 nes. Dieu a donques choisy les benoists Apostres, & leur a
 dōné leurs oustils & instrumēs pour sçauoir bien labou-
 rer & prouffiter. Quand quelqu'un est esleu & choisy de
 Dieu au degré Ecclesiastique, il fera son deuoir, & se gou- *Celuy qui*
 uernera à son salut, & au salut de ceux desquels il a la char *est choisy de*
 ge. Mais, quād il est fait autremēt, & par le moyen des hō *Dieu au de-*
 mes, & non pas de Dieu, tout y va mal. S Hier. dit sur l'E- *gré Ecclesia-*
 pistre aux Galates, qu'il y a quatre manieres d'Apostres: *stique, il fera*
 Aucū sont esleuz, nō pōint par les hōmes, ny par le moyē *son deuoir.*
 des hōmes, mais par Iesuchrist: cōme sont les douze Apo-
 stres enuoyez de dieu. Et pareillemēt Esaie, Ieremie, S. Ieā

Pour le iour

Baptiste & plusieurs autres. Il y a d'autres Apostres enuoyez de Dieu, mais c'est par le moyen des hommes: cōme Tite fut enuoyé, & aussi Timothée: Ils furēt enuoyez de Dieu, non pas immédiatement, mais par le ministère de S. Paul, qui les consacra, & dit: *Noli negligere gratiā quę tibi data est per prophetiam cum impositione manuum presbyteri.* Et les sept Diacres qui furent esleuz de Dieu par la main des Apostres. Et comme Iosue, qui fut enuoyé de Dieu, mais par Moysē. Et aussi les prestres, qui sont consacrez par l'Euesque. Il en y a d'autres qui ne sont pas de Dieu, mais de l'homme, comme ceux qui sont esleuz par faueur, amitié & consanguinité. Les autres, ce sont ceux qui viennent d'eux-mesmes, comme sont les faux prophetes, qui s'ingerent, *Prophetant mendacia, & sunt operarij subdoli & Apostoli Satanae, qui se transfigurant in angelum lucis.* Les deux premieres manieres d'Apostres, sont de

Venir au degré Ecclesiastique par l'homme & non par Dieu, & que desunt, corrigas, & constituas per ciuitates presbyteros, sicut nō par Dieu, & ego disposui tibi. Si quis sine crimine est. Il faut qu'un prestre soit sans crime, & irreprehensible. Surquoy dit S. le chante.

Tit. 1.

Dieu, non pas les deux autres. Venir au degré Ecclesiastique par l'homme, & non par Dieu est vne chose meschante. S. Paul dit: *Huius rei gratia reliquit te Creta, ut ea quę desunt, corrigas, & constituas per ciuitates presbyteros, sicut nō par Dieu, & ego disposui tibi.* Si quis sine crimine est. Il faut qu'un prestre soit sans crime, & irreprehensible. Surquoy dit S. le chante: *Ex quo manifestum est quod qui contempta lege apostolicum qui preficit Ecclesie, non qui magis prodest, contra Christi regulam facit:* C'est à dire que, qui ne prend & ne constitue le meilleur au degré Ecclesiastique, & qui y peult plus prouffiter, il faict contre le commandemēt & la reigle de nostre Seigneur. Mais amis, ie ne sçay qui en pourra estre excusé, considéré que pour estre capable, il fault estre irreprehensible. *Nec quisquam sumit sibi honorem, sed qui vocatur à Deo.* S. Iean Chrysostome dit: Ainsi que la main sert, mais elle ne sçait pas l'office qu'elle faict, & n'a membre qui sache le bien ou le mal qu'il faict, mais le chef, l'homme le sçait bien: Aussi, ce n'est pas à moy de sçauoir si ie puis prouffiter en l'Eglise de Dieu, mais à mon superieur, à l'Euesque. Ie dois regarder les bons qui craignent & ayment Dieu, non point que ce soit par auarice. Et tels esleus sont capables. Mais ce n'est pas à vous de sçauoir si vous estes capables & irreprehensibles.

Hebr. 5.

Humiliez vous doncques, & ne vous ingerez pas de vous mesmes. Mais sous couleur que cestuy-là est de vostre parenté, vous & voz pere & mere le priez, & vous recommanderez à luy. S. Ierome dit: *Moyse amicus dei, qui facie ad faciem dominum allocutus est, non reliquit pueros suos principatus sui heredes.* Moyse n'a point laissé ses enfans heritiers & successeurs de sa charge, en laquelle il estoit le conducteur du peuple d'Israel: Il a donné la charge à vn estranger, qui estoit d'une autre lignée, à Iosue, qut esleu: pour monstrer qu'en l'electiō il ne faut point differer au sang, à la consanguinité, mais à la bonne vie: à l'exēple de Moyse qui en a esleu vn, qui n'estoit pas de sa lignée: *De alia tribu electus est Iosue.* Mais nous faisons tout le contraire. Les grosses prebendes sont pour les nepueux, c'est heritage & viande à nepueux. Il ne fault ainsi faire. Nostre Seigneur auoit plusieurs cousins, comme saint Iean & S. Iaqués le grand, enfans de Zebedée & de Marie Salome seur de la glorieuse vierge Marie, & S. Iaqués le mineur: S. Simon & S. Iude, enfans de Alpheus & de Marie Cleophe, aussi seur de la benoiste vierge Marie: & par ainsi ils estoient cousins de nostre Seigneur. Et ce nonobstant, quand il monta au Ciel, il ne les constitua pas les premiers *Iesus Christi* en la charge de son Eglise, mais y mist S. Pierre, qui n'estoit pas de sa lignée, pour nous monstrer qu'il ne fault *ne mist pas* point regarder à la consanguinité & parenté, ny prendre *ses parens les* l'indigne & laisser celuy qui est digne & capable: car autrement, ce seroit estre accepteur de personnes, & ferait *premiers en la charge de son Eglise.* on iniustice, dont il fault rendre compte deuant Dieu. Auioird'huy quand il a esté question d'eslire vn Apostre au lieu de Iudas, on a pris S. Matthias, & S. Ioseph le iuste, cousin germain de S. Iaqués le mineur, & de S. Simon & S. Iude. Et pour la sainte conuersation, il est appelé Ioseph le iuste. Apres que ces deux ont esté pris & choisis pour les plus idoines, afin q' l'un d'eux fust mis au lieu de Iudas, les Apostres ont fait leurs requestes à Dieu, en disant: *Tu Domine qui nosti corda omnium, ostende quem elegeris ex his duobus unum accipere locū ministerij huius & apostolatus, de quo preuaticatus est Iudas, ut abiret in locum suum.* Seigneur qui cognoissez les cueurs des personnes, mon-

Pour le iour

Prenez nous, s'il vo' plaist, vostre volôré, lequel de cesdeux vous voulez estre mis au lieu de Iudas. *Et dederunt sortes, & fors cecidit super Matthiam.* Le sort est tombé sur saint Matthias, c'est à dire, que nostre Seigneur a mōstré qu'il auoit esleu saint Matthias estrāger: Pour monstrier qu'il fault garder la reigle de nostre Seigneur, quād il est question de promouoir quelqu'un en office, & en l'ordre & charge Ecclesiastique, & que ce ne soit point par faueur

On ne doit mettre aucun en office & degré Ecclesiastique par faueur humain. humain, par consanguinité, mais fault regarder s'il en est digne. *Non neophytum.* Saint Chrysostome dit, que ceux qui sont les plus recōmandez en la bouche des hommes, ne sont pas tousiours dignes d'estre mis au degré Ecclesiastique. Ho! que lon abuse bié de la reigle de Dieu, parquoy plusieurs sont damnez. Suiuons doncques nostre Seigneur, & faisons par son conseil, c'est vn bon choisisseur: Il ne prend pas le pire, ou s'il le prend, il le fait & le rend le meilleur, le plus feruent, & plus charitable: comme il a fait de saint Paul: Il en a fait vn vaisseau d'election. Des douze Apostres en y a eu vn qui n'a pas perseueré en la reigle que Dieu luy auoit donnée. Il auoit le pouuoir de prescher & faire miracles, comme les autres Apostres, ausquels nostre Seigneur auoit dit: *Ite & predicate euangelium, infirmos curate, &c.* Iudas n'a dōcq perseueré à maintenir sa premiere reigle. Saint Pierre est aussi tombé, mais il n'a pas persisté en son peché: Il s'est repenti & a fait penitence tout incontinent qu'il a cogneu sa faulte. *Exiuit foras, & flevit amare.* Il a merité de veoir le premier nostre Seigneur en sa resurrection. Iudas a bien cogneu son peché, & a dit: *Peccavi tradens sanguinem iustum.* Il a eu douleur de son peché, mais c'a esté sans espoir en Dieu, sans lequel il ne sert de rien d'auoir douleur de son peché: car telle douleur & tristesse, qui est sans l'espoir en Dieu, elle meine au desespoir, & au gibet, comme elle a fait Iudas, *Pœnitentia ductus retulit triginta argenteos.* Et feist confession publique qu'il auoit trahi le sanguiniste. Il feist aussi restitution, non pas comme il appartenoit, mais tout cela ne luy a rien serui ne prouffité: car il n'auoit pas esperance en Dieu, parquoy, *Ipsa aliens laqueo se suspendit.* Il y a deux manieres de tri-

La penitence n'a rien serui à Iudas, car il ne auoit esperance.

tesse, vne qui est selon Dieu, c'est à sçauoir douleur de son peché pour l'amour de Dieu: L'autre c'est, *tristitia seculi, quæ mortem operatur*. Elle est sans esperance. Il ne faut pas tant regarder à son peché, que lon ne regarde à la bonté & misericorde de Dieu. Et d'autant que la seuerité & grande iniustice de Dieu nous deiecte & nous engendre frayeur & craïte merueilleuse. Aussi la bonté & infinie misericorde, nous eleue & nous faict esperer en luy: elle ne faict retourner à Dieu, pour auoir remission de noz pechez. Ce que n'a faict Iudas, mais a seulement regardé à son peché parquoy il s'est pendu par desespoir. Il fault donc mettre vn autre Apostre en son lieu. Vn peu auant la Pentecoste, les Chrestiens estoient assemblez enuiron six vingts, attendans le benoist saint Esprit: c'estoit vne bonne assemblée. Depuis l'ascension de nostre Seigneur, ils attendoient la mission du benoist saint Esprit: Et ce pendant ont faict l'election de saint Matthias. *In diebus his exurgens Petrus in medio fratrum*. Et pourquoy saint Pierre s'est il plustost leué qu'vn autre, en prenant la parolle pour les affaires de Dieu? Saint Iean Chrysostome dit: cela monstre la ferueur de saint Pierre, & qu'il est le plus grand, & le chef de tous en l'Eglise de Dieu. Quâd nostre Seigneur fut resuscité, il demanda à saint Pierre en la presence des autres Apostres, *Petre, diligis me? pascue meas*. Saint Iean Chrysostome, l'expose & dit: *Esto loco mei prapositus*. Le te constitue pasteur & te baille la charge de paistre mes brebis. Outre nostre Seigneur luy a dit: *Tu es Petrus, & super hanc petram edificabo ecclesiam meam*. Il a constitué saint Pierre le fondement de l'Eglise sous luy, car le principal fondement, c'est nostre Seigneur Iesus Christ. Et saint Pierre ayant ceste charge, il s'esleue entre les autres, & porte la parolle pour les affaires de Dieu. Et pour monstre la dignité & auctorité de S. Pierre estre plus grande qu'aux autres, les Euangelistes en nômât les Apostres, ils nômment S. Pierre le premier, côme le chef. *Duodecim apostolorum nomina sunt hæc, Primus Simcō qui dicitur Petrus*. Le premier c'est S. Pierre, nō pas le premier apellé à l'office d'Apostre, car son frere S. André fut apellé deuant luy: & quâd il eut trouué nostre

2. Cor. 8.

Iesus Christ
a constitué
sous luy S.
Pierre.

Matt. 10.

Pour le iour

Seigneur, il le dist à Saint Pierre: *Inuenimus Messiam*, & le mena à luy, mais il est *primus auctoritate & potestate*. Et comme le premier & le principal ayant la charge & le soing de l'Eglise vniuerselle, voyant le nombre des douze Apostres estre imparfaict, il se lieue au milieu des freres, des Chrestiens, & leur remonstre ce qu'il fault faire pour accomplir les escriptures. Il monstre à ceux qui sont cōstituez en dignité & charge sur les autres, quel est leur office, & ce qu'ils doiuent faire: Ils doiuent estre les premiers à mettre la main à l'euure. Ce n'est pas pour faire des monsieurs qu'ils sont constituez en offices & dignitez, ny pour faire voler les robes de soye & de velours: mais c'est pour seruir & ministrer, & faire toutes autres choses requises à leur office & estat, à l'exemple de S. Pierre, lequel cōme le plus humble, il dit: *Viri fratres, &c.* S. Iean Chrysostome dit: *charitas nescit inequalitatem*. Vn homme qui a charité, il s'accommode à tous, pour gagner vn chacun, mais nous en faisons tout au contraire, & montrons par noz euures que nous ne sentons rien de la charité Chrestienne. Ou est la concorde & vnion de l'Eglise? ou il y a vn cuer & vne ame, vn bon vouloir en Dieu. *Multitudinis credentium erat cor vnum & anima vna*. Et S. Pierre se repute comme le plus petit ayant charité. Amour gaigne les cueurs comme a fait nostre Seigneur Iesus Christ: quand il a montré le grand amour excessif, duquel il nous aymoit, quand pour nostre salut, il a voulu endurer liberalement cruelle mort en l'arbie de la croix, pour la remission de noz pechez. Et par cest amour qu'il montre auoir enuers nous, luy estant en la croix, il gaigne & attire plus les cueurs des hommes, & a mieux eité cogneu estre le vray fils de Dieu, qu'il n'a par ses predications & miracles. On se reuge, & le confesse-on en le voyant ainsi endurer pour nous en la croix. Et pourtant il a bien predict: *cū exaltatus fuero à terra, omnia trahā ad meipsum*. La charité de Dieu gaigne tout: Et si les prelatz faisoient ainsi, ils gaigneroient tout en Iesus Christ. Labourez doncq, & vous rendez dignes de recommandation. N'ayez point honte de faire exercer vostre charge & office, & le ministration que nostre Seigneur a fait.

Nous mon-
strons par
noz euures
que nous ne
sentons rien
de la charité
Chrestienne.

faict. Nous demandons assez les charges, offices & dignitez : mais nous ne voulons rien faire . Nous sommes de grand sang, de grande maison: parquoy nous auons honte de nous abessier, & de seruir comme nous sommes tenus selon nostre charge . Estes vous de plus grande maison & de plus noble que Iesus Christ ? Et quand vous seriez du sang Royal, c'est vne maison qui descend, car elle a eu commencement: mais de nostre Seigneur, *Egressus eius à diebus eternitatis*. Et neantmoins, il n'a pas honte de soy humilier tant, iusques à lauer les pieds de ses Apostres. Il s'accommode de parler à la Samaritaine, & aux autres pauvres pecheurs: Et vous auez honte de faire vostre ministère. Monsieur saint Iean Chrysostome dit vne chose qui vous semblera estrange, *in 3. homil. in Act. Apost. Dico vt sentio. Non puto inter Sacerdos multos esse qui salui fiât, sed plures qui pereant, qua hæc res excelsum requirit animum.*

Ie ne pense point, & ie le dy comme ie le sens qu'entre les prestres, c'est à dire q̄ sont mis au lieu de Iesus christ, que plusieurs soiēt sauuez, mais qu'ils perissent. Et la raison c'est qu'il fault auoir vn grand cueur, en se faisant petit & humble. *Episcopus, id est, superintendens*. Il est obiecté au iugement de tous. S'il veult reprêdre, on dit: ho! qu'il est cruel : ou s'il differe, Il est tardif. Il a porté les charges de tous, & a eu superintendence. Si le prestre a charge, il ne differe point à la nauire qui est au meilieu de la mer. Le Roy, l'Empereur a beaucoup de prouinces & de charges sous luy, mais autant de differēce y a il à la cōparaison d'un Curé, d'un Euesque, qu'entre l'eau de la riuere de Seine & de la mer, qui est merueilleusement agitée de flots & tēpestes: Et toutesfois nous courōs apres. On dit cōmunement, Qui respond il paye, Et vous vous mettez responsables pour dix mil ames. *Ipsi enim videlicet prepositi, peruigilant quasi rationem reddituri pro animabus vestris*

Ie ne sçay s'ils sont icy, ausquels ie parle, mais il y en peut auoir qui paruiēdront là. Et pourtant, entre vous peres & meres, ne raschez pas de faire voz enfans grands au monde: mais en la crainte & amour de Dieu, & ils seront assez riches cōme dit Tobie à son fils : Nous sommes pauvres, mais si nous craignons Dieu, nous aurons des biens

*Le prestre
qui a charges d'ames,
ne differe de la nauire estât au meilieu de la mer.
Heb. 13.*

Pour le iour

assez. Ne voyez vous pas les gros beneficiez qui en doi-
uent tant au bout de l'an. & se trouuent redeuables? Par-
quoy, en eux est accomply ce que dit l'escripture. *Diuites*
eguerunt & esurierunt, inquirentes autem dominū non minuē-
tur omni bono. Ceux qui cherchēt Dieu de tout leur cueur,
ils aurōt tout biens. Il ne fault pas qu'ils se souciēt beau-
coup de leur viure, & entretènement temporel. Pensez
vous, q̄ Dieu ait plus de soing des oyseaux, des liz & fueil-
les d'arbres que de vous? N'estes vous pas plus ayez &
plus estimez & tenus chers enuers Dieu qu'ils ne sont?
Nōne plures estis illi? Ne soyez donc point cōme les Gen-
tils qui ont trop grande sollicitude de leur nourriture &
entretènement, *Hec omnia gentes inquirent.* Quand on pē
se aucunes fois que quelqu'un soit delaisié, c'est quand il
est plus aidé de Dieu. Ne voyez vous pas comme Dieu
enuoye Abacuh iusques en Babylone pour porter à man-
ger à daniel, qui est en la fosse des Lyons, & à sainte Ca-
therine qui auoit esté mise en prison, & deffendu de luy
bailler à boire ny à manger: & Dieu luy en a pourueu,
comme à plusieurs autres par sa grace & bonté infinie, cō-
me Elie qui fut receu par vn corbeau. Ne voyez vous pas
que nostre Seigneur a dit à ses Apostres, qu'ils ne portas-
sent rien, ny argent, ny verge, ny souliers, &c. Et de quoy
viurons nous dōc? *Dignus est operarius mercede sua.* Et quād
ils furent retournez du lieu auquel il les auoit enuoyez,
il leur demanda. Quād ie vous ay enuoyez, auez vous eu
defaute de quelq̄ chose? Et ils ont respōdu, *Non Domine.*
Cōfiez vous donc en nostre Seigneur, car biē heureux est
celuy qui met sa cōfiance en nostre Seigneur. Et au con-
traire celuy est malheureux qui se cōfie en l'homme & y
met son esperance & attente. Et en vouloir tant auoir est
vne effrenée ambitiō, vn aura dix croces sur la teste. Ha!
vous ne mōterez pas en paradis par là, humiliez vous. Et
vo^r peres, si vo^r voulez procurer de bōs biēs & benefices
à voz enfās, apprenez leur la crainte & amour de Dieu, &
le iugemēt futur. Et ayās cela, ils seront biē beneficiez &
biē pourueus. Apres mourez quād vo^r voudrez. Il ne leur
faudra point de tuteurs, car le meilleur tuteur qu'o pour-
roit auoir, c'est la crainte de Dieu. S. Pierre a doncques

Matth. 6.

Biē heureux
celuy qui
met sa con-
fiance en
Dieu.

dit: *Viri fratres, oportet impleri scripturam quam prædixit spiritus sanctus per os David de Iuda qui fuit dux eorū, qui comprehenderūt Iesum.* Vous sçavez que le saint Esprit a parlé par la bouche de David qu'il y en auroit quelqu'un qui seroit subrogé au lieu de Iudas, qui estoit du nombre des douze Apostres, duquel est escrit, *Episcopatū eius accipiat alter.* Regardez icy en passant, contre noz nouveaux docteurs heretiques qui disent que ceux qui ne viuēt pas bien, qu'ils n'ont point d'autorité, ny de puissance en l'eglise de Dieu. Et vous voyez bien le contraire, par ce que cōbien que Iudas fust traistre & meschant, il estoit neantmoins Euesque. *Qui connumeratus erat in nobis, & sortitus erat sortem ministerij huius, non ex operibus, sed gratis vocatus est per Christum.* Et son peche est plus aggravé, par-ce qu'il est le capitaine & cōducteur de ceux qui prendrent Iesus Christ, pour le mettre & liurer à mort. Car c'est plus grand peché d'appertement offenser, & dōner mauuais exemple, mauuaise doctrine & mauuais conseil à autrui, que ce n'est de commettre vn peché secret: comme vne mere qui a des habillemens dissolus, qui est adonnée à curiosité & volupté, à iouer aux cartes, principalement deuant ses enfans, & le pere qui iure & blaspheme, & les enfans voyent tout cela, au lieu de leur monstrier bon exemple & leur faire contemner le monde, & desirer Iesus Christ. Il y a des enfans qui ont quelque scintille d'amour de Dieu, ils contemnent les honneurs & autres vanitez de ce monde: & au lieu que les peres & meres en deuroient estre bien ioyeux & remercier Dieu de tout leur cœuer, ils en sont fachez, on leur dit: Allez dōc en religion. Tels ne sont pas dignes d'auoir des enfans. L'Euangile dit il pas: *Qui vult post me venire, abneget semetipsum, tollat crucem suam & sequatur me.* Nostre Seigneur ne monstre autre chose qu'abnegation de soy-mesme, faire penitence: & neantmoins il fault laisser iouer les filles de l'espinette du manicordion, & encores de cestui-cy, de cestuy-la, pour mieux complaire au monde. Il y a si grande meschâceté au monde, que si vous portiez voz filles sur voz espauls, à grand peine seroient elles bien assurees. Soyez donc bien diligēs à garder voz

Laçoit que les prestres soient meschans ce n'obstāt ils ont autorité.

Pour le iour

enfants en la crainte & amour de Dieu. Maistre Ieā Ger-
son dit, que corruption de bonnes meurs, donner mau-
uais cōseil, mauuais exemple, ou mauuaise doctrine, que
ce sont pechez irremissibles, desquels on ne fait gueres
satisfaction. Ne soyons cōme Iudas, le capitaine des mes-
chans, il a esté en si bōne compagnie de nostre Seigneur,
de ses Apostres & de la glorieuse vierge Marie sa mere,
c'est vne cōpagnie celeste. Mais vn meschāt cueur, pour
bonne compagnie ne deuient meilleur: aussi vn homme
de bien, pour estre en vne mauuaise compagnie, il ne sera
pas mauuais s'il veult, à l'exēple de nostre Seigneur & de
Loth, cōme il se fault trouuer aucune-fois par necessité.
Or ça, il en fault donc prendre vn autre, pour mettre en
la place de Iudas. Sainct Pierre dit: *Oportet ergo ex his viris
qui nobiscum sunt congregati in omni tempore, quò intrauit in-
ger nos dominus Iesus.* Il en fault prendre vn d'entre nous.
Il fault qu'un benefice regulier, soit dōné à vn religieux,
*Quia regularia regularibus debentur. Non oportet esse Neophi-
tum.* Qui soit nouueau venu cōme le temps passé, on se
faisoit religieux pour estre Abbé. Et si-non l'amour de
Dieu, à tout le moins sa crainte nous face faire quelque
chose. Je demanderois volontiers, cōme fait sainct Iean
Chrysostome, Qui est celuy qui a tant de soing pour les
brebis de la maison de Dieu, c'est à dire des Chrestiens,
comme auoit Iacob, pour garder les moutons de Laban?
Il y seruit quatorze ans, & y passoit les iours & nuicts en
endurant chault, froid. Et nous n'y pésons point. Sainct
Paul dit aux prestres d'Asie en les admonestant: *Attendite
vobis & vniuerso gregi, in quo vos posuit spiritus sanctus epi-
scopos, regere ecclesiam Dei, quam acquisiuit sanguine suo.* Pre-
nez bien garde à vous & à tout ce troupeau, auquel le
sainct Esprit vous a mis Euesques pour gouuerner l'egli-
se de Dieu, laquelle il a acquise de son propre sang, &
ayes souuenance dit sainct Paul que par trois ans iour &
nuict, ie n'ay point cessé avec larmes d'admonester vn
chacun, *Quapropter contestor vos hodierna die, quòd mundus
sum à sanguine omnium.* C'est à dire, ie vous en appelle à tes-
moings, si i'ay conuoité ny demadé or, argent, ny veste-
ment de quelqu'un, *Argentum & aurum aut vestem nullius*

concupiui, sicut ipsi scitis. Et comment auez vous donc vescu saint Paul? *Quoniam ad ea quæ mihi opus erāt & his qui mecum sunt ministrauerunt manus istæ. Et ad Thessa. Memores enim estis fratres laboris nostri & fatigationis nocte & die operâtes ne quem vestrum grauaremus, prædicauimus in vobis Euangelium Dei.* Si nous estions conduits par le S. Esprit de Dieu, nous ferions ainsi, mais nous ne prenons point garde à nous. *Et omnes quæ suæ sunt querūt, non quæ sunt Iesu Christi.* C'est pitié qu'au lieu de venir au temple deuant la maiesté de Dieu, sa bonté, sa sapièce & beauté, & nous y congratuler & y prendre nostre suauité & consolation, nous allons à la chasse & ne faisons que folâtrer, nous baillōs les benefices aux premiers venus. Iesus Christ ny son precieux sang ne nous est rien, nous n'en tenōs cōte, mais nous amenderōs s'il plaist à Dieu, en mettant peine de seruir à Dieu de tout nostre cuer, & chercher le prouffit & salut de nostre prochain, à l'exemple de nostre seigneur comme dit saint Paul: *Etenim Christus non sibi placuit.* Il n'a point eu affection à soy, mais à nous, car quād il a esté question de nostre salut, *Proposito sibi gaudio sustinuit crucem confusione contempta.* C'est grand chose que Dieu nous monstre plus d'amour qu'a son fils propre. Et neantmoins nous ayons mieux que les ames de Iesus Christ perissent que l'argent. Je dy ces choses, *Non ut detis mihi vestra,* mais par commiseration. Nous sommes tant auéglez & excequez que nous delaissons Dieu & ses commandemens & de son Eglise, pour nous mettre au chemin de la chair, & en la voye de damnation eternelle. Il y a mille escoliers & autres, qui ont des benefices, & en abusent sous couleur que gens docteurs & de sçauoir en abusent aussi, & leur sont occasion de ruine & exemple de damnation. Car ils disent; Si c'estoit mal fait de faire telle chose & telle, plusieurs gens qui sont sçauās ne le feroient pas. Mais ne vous conduisez par eux s'ils font mal. Dieu ne vous les a pas donnez pour vostre reigle, mais c'est Dieu qu'il vous fault prendre pour vostre reigle & conduicte. Et pourtant, amendez vous, & n'attendez le hasart: Car apres vostre mort n'y aura plus de remede. Ne nous damns point à credit: mais faisons

Roma. 15.

Hebr. 12.

Pour le iour de S. Matthias.

les prouisions & choses necessaires pour y euitier, & viure
eternellemēt en paradis. O qu'il y a beaucoup de Iudas &
de traistres en l'Eglise de Dieu *Quis putas fidelis est?* Pleust
il à Dieu qu'ils feissent bien leur deuoir à l'exemple de
sainct Pierre, lequel a soing des affaires de Dieu & du sa-
lut du prochain. Et pourtant Dieu a fait que sa parole à
bien esté prinse & receüe du peuple. Il ne fault pas con-
stituer en autorité vn homme incogneu, mais le fault
auoir bien cogneu de long temps, auant que de le consti-
tuer en charge & puissance sur les autres: car en vn iour
on ne cognoist pas les meurs & conditions d'vn homme.
Sainct Pierre dit, qu'il en fault prendre vn d'entre eux,
qui ayt esté depuis que nostre seigneur entra à eux, com-
mençant depuis le baptisme de sainct Iean iusques au
iour de l'Ascension de nostre seigneur, & qu'il soit tes-
moing de sa resurrection avec nous. Cela a pleu à la mul-
titude. *Et statuerūt duos Ioseph, qui vocatur Barsabas, qui co-
gnominatus est iustus, & Matthiam.* Et ont fait leur priere &
requeste à Dieu, afin qu'il luy pleust leur reueler lequel il
vouloit estre prins de ces deux, pour estre mis en la pla-
ce, & au lieu de Iudas. *Tu domine qui nosti corda hominum,
ostende quem elegeris ex his duobus, &c.* On ne fait pas ainsi
aujourd'huy. Le pere & la mere qui ont vn enfant bene-
ficié, ils retiennēt le rouble des benefices & du reuenue, &
l'enfant n'y entēd rien. Ils se damnent avec tous les dia-
bles. Ne permettez pas en telle sorte que voz parens se
messēt de voz benefices. Il fault implorer l'aide de Dieu, à
l'exēple des Apostres qui ont fait leur requeste à Dieu, a-
fin qu'il luy plaise de leur mōstrer lequel des deux il auoit
choisy au lieu de Iudas. *Et fors cecidit super Matthiam.*
C'est à dire que Dieu a monstré par signe que sa volonté
estoit que sainct Matthias fust au lieu de Iudas. *Et annu-
meratus est cum vndecim apostolis.* Dieu nous vueille
donner sa grace en ce monde & paradis
à la fin. Amen.



~~Handwritten text, heavily crossed out with a large X.~~

Pour le iour de la Purification
de la vierge Marie.

Postquam impleti sunt dies purgationis Marie secundum legem Moysi, tulerunt puerum in Ierusalem, ut sifterent cum Domino. Luc. 21

En l'Euangile du iourd'huy, il est dit qu'apres que le temps de la vierge Marie fut accôpli, elle avec S. Ioseph, apportèrent nostre Seigneur au temple, & l'offrirent à Dieu, en ensuyuant la loy de Moyse, par laquelle il estoit dit : quod omne masculinū adaperiēs vuluam, sanctū Domino Leuit. 12 vocabitur, que tout le premier né masse, seroit dedié & Exod. 13. cōsacré à Dieu. En ensuyuāt ceste loy, la glorieuse vierge Marie, ayāt son primogenite, son premier enfant, elle l'a offert à Dieu, elle l'a porté au tēple, elle est allée au temple : pour offrir à Dieu deux Turtrelles ou deux Colombes pour sa purification. Il y auoit en Ierusalem vn Nous deuons homme iuste, craignant Dieu, attendant la consolation rēdre subiects d'Israel, & le saint Esprit estoit en luy, & il a eu responce à la loy & à qu'il ne mourroit point, iusques à ce qu'il eust veu nostre noz supē- Seigneur I E S V S C H R I S T, & par l'inspiration du rieurs. benoist saint Esprit, il est venu au temple, & à l'heure que les parens de nostre Seigneur l'ont présenté à Dieu, ill'a prins entre ses bras louant Dieu, & disant : *Nunc dimittis seruum tuum Domine, &c.* Or il fault faire nostre prouffit de cela. La premiere doctrine que nous auons de l'Euangile, c'est que nous nous deuons rendre subiects à la loy, & à noz superieurs. La glorieuse vierge Marie n'estoit point subiecte à la loy de Moyse, qui dit : *Mulier que suscepto semine pepererit masculum, immunda erit septem diebus.* C'est à dire : La femme qui aura enfanté vn male, elle sera pollue & souillée par l'espace de sept iours, & le huiētiēme iour, l'enfant masse sera circoncis : & encore apres la femme sera immonde par trente trois iours, & le quarantiēme, elle sera purifiée. La loy dit : *Mulier que suscepto semine pepererit masculum :* Mais la glorieuse vierge Marie mere de Dieu, n'estoit pas subiecte à

Pour le iour

LUC. I.

La vierge
Marie nous
monstre ex-
emple & doctri-
ne.

Exemple de
Iesus Christ
pour nous.

icelle loy, car elle n'a point conçu son cher enfant par semence d'homme, mais par l'operation du benoist saint Esprit, comme luy dist l'Ange : *Spiritus sanctus superueniet in te, & virtus altissimi obumbrabit tibi* : Nostre Seigneur a esté formé par la vertu & operation du benoist saint Esprit, au ventre de la glorieuse vierge Marie, du pur sang d'elle. Doncques, elle n'est point subiecte à la loy de purgation, car elle n'estoit pas pollue ny maculée neantmoins, elle a voulu garder la loy, comme si elle eust esté immonde par sept iours, elle pouuoit aussi aller & communiquer avec les hommes, & ce nonobstant, elle n'est point entrée au tēple par l'espace de trente trois iours. Et par ce qu'elle se rend ainsi subiecte à la loy, cōbien qu'elle n'y soit subiecte, pour la raison que nous auons dictē, elle nous monstre exemple & doctrine: que si aux choses auxquelles elle n'estoit point subiecte, elle a voulu obeir & s'accommoder à son prochain: combien plus nous deuons nous rendre subiects & obeissans à noz superieurs, & à garder & obseruer nostre sainte loy? Nostre Seigneur aussi a voulu estre circoncis, non pas qu'il en eust besoing, ne qu'il y fust subiect (car la circoncision estoit pour le peché originel) & il n'en fut iamais maculé ny d'autre peché. Il a aussi voulu estre baptisé de saint Iean, comme les autres qui confessoyent leurs pechez, & saint Iean les baptisoit. Nostre Seigneur est venu à luy comme vn des autres, pour nous monstre que nous deuons garder la loy, & n'estre point exempts: & d'autant qu'on est plus grand & en plus grand dignité, d'autant se doit on rendre plus subiect, à l'exemple de nostre seigneur IESVS CHRIST, & de la glorieuse vierge Marie sa mere. Saint Paul dit : *Vbi venit plenitudo temporis, misit Deus filium suum, natum de muliere, factū sub lege: ut eos qui sub lege erant, redimeret*. Quand le temps qui estoit prefix de Dieu a esté accompli: auquel son benoist fils deuoit prendre incarnation & humanité, & qu'il a esté né d'une femme, il s'est rendu subiect à la loy, pour nous deliurer de la captiuité de peché, & nous mettre en vraye liberté des enfans de Dieu. Ce n'est pas à dire, que nous ne soyons plus subiects d'obeir à la loy

& à noz superieurs : mais c'est à dire , que sommes deliurez de la seruitude de peché , pour seruir à la loy par la charité de Dieu , qui est infuse en noz cueurs : comme dit saint Paul : *Charitas Dei diffusa est in cordibus nostris per Spiritum sanctum , qui datus est nobis.* Garder la loy par amour & par charité , & non pas par crainte seruite , c'est viure en liberté . Ce qui est fait par amour & charité en Dieu , il est fait en vraye liberté de laquelle dit saint Paul : *Vos in libertatem vocati estis fratres* Nostre Seigneur par son precieux sang , nous a mis en ceste liberté , & n'est pas à dire que ne soyons tenuz d'obeir à noz superieurs , car il nous commande de leur obeir , mais ceste obeissance ne doit pas estre faicte par vne crainte d'estre puny , qui feroit le contraire de ce qu'il est commandé , ains par amour & charité : & c'est la vraye liberté . Et pleust à Dieu que noz lourdaux du iourd'huy entendissent bien quelle est ceste liberté , car ce n'est pas vne exemption de la loy Euangelique , des traditions de sainte Eglise , & de la subiection que doiuent les inferieurs à leurs superieurs , mais c'est vne exemption de peche , de laquelle saint Paul dit : *Vos in libertatem vocati estis fratres* Galat. 5. *&c. Qui facit peccatū , seruus est peccati.* Mais si tu es de mauuais gouuernement , & de meschante vie , tu es seruiteur & fuisse tant grand monsieur que tu voudras , & que tu n'eusse point de superieur par dessus toy . Et au contraire , si tu te rends subiect & obeissant à bien viure , tu es en liberté , tu ne crains rien . Saint Paul dit : *Vis non timere potestatem bonum fac.* Vous ne craindrez point le lieutenant criminel , si vous vivez bien : mais si vous vivez mal , vous estes tousiours en crainte & frayeur . Et noz lourdaux ne peuuent entendre ceste liberté , ainsi que saint Paul l'entend , il dit : *Omnis anima potestatibus sublimioribus subdita sit .* Combien que par le precieux sang de Iesus Christ vous soyez deliurez de peché , encore vous fault il obeir à voz superieurs , *non solum propter iram , id est propter peccatam , imò etiam propter conscientiam.* Et il conclud : *Qui potestati resistit , Dei ordinationi resistit : & damnationem sibi acquirit.* Doncques , nous offensoons Dieu , nous ne obeissons à noz superieurs . Nostre seigneur dit : *Sic eule-* Matt. 18.

Roma. 5.

Galat. 5.

Galat. 5.

Ioan. 8.

Rom. 13.

Noz lourdaux ne peuuent entendre la liberté chrestienne

Roma. 13.

Matt. 18.

Pour le iour

- siam non audierit, sit tibi tanquam ethnicus & publicanus*
- Iesus Christ** Par cela, il commande d'obeir à l'Eglise, ou autrement
commande vous serez tenuz & repurez comme ethniques & publi-
d'obeir à cains, & priez de tous les biens & suffrages de nostre
l'Eglise. mere sainte Eglise. Si vous obeïssez par crainte de la pei-
ne, vous estes en seruitude, c'est là vne crainte seruite : &
charité chasse hors ceste crainte là, & alors on obeist à
Dieu par amour & charité : & aussi aux superieurs. Sainct
Paul entend bien ceste liberté quand il dit : *Omnis anima*
potestatibus sublimioribus subdita sit. Et S. Pierre dit pareil-
lement. *Obedite prepositis vestris, & subiaceite eis.* L'escri-
ture sainte nous enseigne liberté, non pas vne liberté
brutale, en ensuyuant la concupiscence charnelle & volu-
pté mondaine, laquelle prennent & enseignent les here-
tiques. Je suis prestre, i'ay promis chasteté, mais s'il m'en
desplaist, & que ie la garde à regret, ie suis captif, par faulte
de bonne volonté & affection en Dieu, mais celuy qui
par bonne volonté & affection qu'il a en Dieu, garde ce-
ste chasteté, il est vrayement libre, car il se complaist &
delecte en son estat, pour l'amour de Dieu. Et saint Paul
nous exhorte & admoneste *ad Calibatam. Lex enim spi-*
ritus vite, in Christo Iesu liberauit me à lege peccati & mor-
tis. La loy de vie, de grace, & de liberté nous a deliurez
de peché, de la loy de peché & de mort. En la loy an-
cienne, incontinant qu'on auoit failly on estoit puny &
mis à mort. *Irritam quis faciens legem Moysi, duobus aut*
tribus testibus moritur. Et de ceste loy nostre Seigneur
nous a deliurez, en nous donnant la vraye loy de grace &
de liberté, & nous y conduit par amour & charité, &
non pas par crainte. Nous y sommes dirigez par le saint
Esprit. Sainct Paul dit : *Non acceperitis spiritum seruitutis ite-*
rum in timore, comme les Iuifs, *sed acceperitis spiritum ado-*
ptionis filiorum, celuy qui fait par amour & de bon vou-
loir, il n'a point de peine. Amour ne donne point de
peine, mais fait faire les choses, *animo libero.* Au contrai-
re, *timor habet pœnam.* Vous voyez doncques la doctrine
de nostre Seigneur, qui n'est point subiecte à la loy, *quia*
non aperuit vuluam, sed clauso vtero egressus est, ergo non subi-
citur legi, car il est dit & escrit. *Omne masculinum adape-*
- Rom. 13.**
- Rom. 8.**
S. Paul nous
exhorte au
celibat.
- Heb. 10.**
- Rom. 1. 8.**
- Luc. 2.**

riēs vuluā sanctū Domino vocabitur. D'avantage, sa digne
 mere l'a conceu, *sed non suscepto semine*, mais par la vertu *Luc. 2.*
 & operation du benoist S. Esprit, & elle s'est rendue sub-
 iectē à la loy, avec nostre seigneur Iesus christ son be-
 noist fils: combien qu'ils n'y fussent point subiets ne te-
 nuz, en nous donnant par ce instruction & exemple d'o-
 beir à la loy de Dieu, nous rendre subiets à l'Eglise, & à
 noz superieurs, & que nous accommodiōs à nostre pro-
 chain pour son salut, & en charité. Et nous faisons tout le
 contraire, mesmes ceux qui deuroient dominer & mon-
 strer bon exemple aux autres religiōs, veulent auoir exē-
 ption de l'obeissance de leur chef & prelat. Si vous avez
 esté exempts pour quelque cause, & elle vient à cesser,
 vous vous devez remettre en subiectiō & obeissance. Vn *In corps*
 corps sans teste, c'est vn monstre, ainsi est celuy qui ne *sans teste,*
 veut obeir à son chef & superieur, parquoy il se fault reū- *c'est vn mon-*
 nir au chef. Or bien voyla la tradition Ecclesiastique, il *stre.*
 vault mieux obeir que cōmander, & se mettre au bas lieu
 que nō pas au lieu hault & eminēt & par dessus les autres.
 Et ces coquins, malheureux heretiques, qui vous veulent
 apprendre Iesus Christ, il le vous font oublier, quand ils
 veulent abolir les saintes traditiōs de l'Eglise de Dieu,
 & ne veulent que lon se rende subiect & obeissant aux
 prelatz & superieurs: Ce n'est pas apprēdre Iesus Christ,
 ne obeir, quand on ne se soucie point du vœu de chaste-
 té, de pauvreté & obeissance. Je veux estre parfait, i'ay
 tout vendu, & me suis osté la propriété de mon bien. Par
 la vendition, est montré le vœu de pauvreté, à raison de
 l'abdication que ie fais de mon bien. Celuy qui vend, il
 aliene de soy son bien: Aussi celuy qui a fait le vœu de
 pauvreté, il n'a plus esperance de rauoir son bien, pour
 en pouuoir distribuer à son plaisir. Nostre Seigneur dit *Matt. 19.*
 en l'Euāgile: *Sunt quidam Eunuchi qui se castrauerunt, &c.* Qui a fait
 Ce sont ceux qui ont fait le vœu de chasteté, & de con- *vœu de pau-*
 tinence, ils ne se peuuent marier: & dire le contraire, *uéré n'a*
 c'est contre nostre Seigneur. Je suis bien esmerueillé cō- *plus d'esperā*
 me nous sommes si inconstans, & nous laissons si tost se- *ce d'auoir*
 duire. *Miror quomodo tam cito transferimini in aliud Euan-* *son bien.*
gelium. *Quis vos fascinauit non obedire veritati?* vous avez *Galat. 3.*

Pour le iour

Ioan. 14.

les yeux enforcelez: Si vous voyez quelqu'un dire quelque chose nouvelle de la foy, tenez la pour suspecte. Sainct Paul dit: *Prophanas vocum nouitates deuota*. Il fault entendre l'escriture sainte, comme fait nostre mere sainte Eglise, laquelle est instruite par le saint Esprit: comme nostre seigneur luy auoit bien promis. *Mittam*

Luc. 2.

robis spiritum veritatis. Elle ne peult errer en la foy, ny en bonnes meurs. Doncques nous sommes admonnestez d'estre subiects & obeissans, à l'exemple de nostre seigneur & de la glorieuse vierge Marie sa digne mere, lesquels se sont rendus subiects & obeissans à la loy cōbien qu'ils n'y fussent pas tenuz. Il y a encores vne chose à noter, chrestiens: *Postquam impleti sunt dies purgationis Mariae*.

Marc. 6.

Et combien la vierge Marie estoit elle pollue & immonde? Sainct Hierome dit, que l'escriture refere les choses selon l'estimation & reputation des hommes, elle appelle sainct Ioseph, pere de nostre seigneur Iesus Christ, nō pas qu'à la verité il fust son pere: mais seulement on estimoit & reputoit qu'il fust son pere. Il est aussi dit en l'escriture, que *Herodes libenter audiebat Ioannem*. non pas qu'à la verité il l'ouyst volontiers, mais seulement il faignoit & simuloit de le volontiers ouyr: Et pourtant nostre Seigneur l'appelle Renard, disant: *dicite vulpi illi*. Et sainct Marc dit: qu'Herodes vouloit tuer sainct Iean. Et sainct Matthieu qui parle selon l'estimation du peuple dit: qu'Herodes oyoit volontiers sainct Iean. Aussi, icy y a vne telle maniere de parler, quand il est dit: *Post-*

La vierge Marie n'a-voit que faigée, car elle n'est iamais de peché.

quam impleti sunt dies purgationis Mariae, & cetera. Non pas qu'elle eust besoing d'estre purgée, car elle n'eut iamais de peché, mais a tousiours esté plaisante & agreable à Dieu, comme il est escrit: *Tota pulchra es amica mea, & macula non est in te, & cetera*. Ainsi que nostre Seigneur est sans peché par nature, aussi par grace, la glorieuse vierge Marie est sans peché, à raison dequoy elle n'a eu affaire de purgation, & par ainsi il fault entendre que l'escriture refere selon l'opinion du peuple, & non pas selon que la verité est. *Postquam ergo impleti sunt, & cetera*. Apres que les iours de la purgation de la glorieuse vierge Marie eurent esté accomplis, les parens

de nostre Seigneur l'ont porté en Ierusalem, pour le presenter à Dieu. Nous sommes mis en ce monde pour y estre purgez & faire penitence, & apres la purgation & penitence, nous serons transferez en paradis, pour voir Dieu eternellement. Bien-heureux est celuy qui le verra, & malheureux aussi est celuy qui ne le verra. Il y'a purgation d'offense mortelle & venielle, qu'il fault faire auant que iamais entrer en paradis: *Quia nihil ceinquantum intrabit in illud.* Quand à la purgation de peché mortel, il fault que la coulpe en soit remise en ce monde, auant que de mourir, & si on n'en faiçt condigne penitence, il faudra faire la reste en l'autre monde, c'est à sçauoir en purgatoire. Mais les pechez veniels, peuuent ils estre remis & purgez en ce mode ou en l'autre? Nous sommes premierement purgez par le saint sacrement de Baptisme, auant lequel nul autre sacrement se donne: & par ce sacrement lon est purgé qu'une fois, car il ne se repete ny reitere point: Parquoy nostre Seigneur qui est tout bon & plein de misericorde, cognoissant nostre infirmité, & que sommes inconstans & faciles à l'offenser, il nous a donné vn autre sacrement pour estre purgez & nettoyez de peché, & remis en la grace de Dieu. Et pourtant dit bien Saint Ierome: *Pœnitentia est secunda tabula post naufragium.* Et autant de fois que vous y allez comme il appartient, vous estes receus à grace & mercy. & estes purgez de toutes macules & pechez. Monsieur saint Pierre demandoit à nostre Seigneur, s'il pardonneroit sept fois à son prochain. Et nostre Seigneur luy respondit: *Non dico tibi vsque septies, sed vsque septuagies septies: & est numerus determinatus pro numero indeterminato.* Autant de fois que veritablement il demandera pardon, pardonne luy. La peine n'est pas tousiours toute remise avec la coulpe: mais il en fault encore estre purgé, & faire penitence en ce monde, ou en l'autre. Et toy heretique, tu dis que la peine est tousiours remise quand & quand la coulpe, & neantmoins l'escripture te monstre manifestement le contraire: Comme tu as apres que Dauid se fut repenty, & qu'il eut contrition du peché d'adultere qu'il auoit com-

Apoca. 21.

Nul autre

sacrement se

par ce sacrement

lon est purgé qu'une fois, car il ne se

doit donner

repete ny reitere point: Parquoy nostre Seigneur qui est

devant le ba

ptisme.

S. Ierome.

Matt. 18.

Il fault fai-

re penitence

en ce monde,

ou en l'autre.

Pour le iour

2. Cor. 12.

2. Reg. 2.

mis avec Bersabée : Dieu luy enuoya dire que son peché luy estoit pardonné , mais en punition d'iceluy adultere l'enfant qui en estoit procedé mourroit. *Transiuli à te dominus peccatum, sed filius qui nascetur ex te morietur.* Regardez les maux que Dauid a endurez , pour auoir fait nôbrer son peuple , & qu'il auoit aussi commis homicide & adultere , il en a esté grandement puny & persecuté , & meismes par ses propres enfans , domestiques , & seruiteurs : en sorte que son fils Absalon a esmeu guerre contre luy , pour le mettre hors de son Royaume , & septante mille hommes moururent en peu de temps , pour la faute de Dauid , combien qu'elle fust desia pardonnée , pour monstrier que nonobstant que la coulpe soit remise, *Reatus culpa*, la peine ne l'est pas tousiours , mais en fault satisfaire en ce monde & en purgatoire . Je ne vous en scaurois donner meilleur argument , que ce que vous experimentez tous les iours . D'où vient que necessairement nous sommes subiects à mourir , & que nous auons tant de repugnance de la loy , de noz membres de la chair , cōtre la loy de l'esprit . Vn chacun l'experimente , de sorte que le bien que nous voulons faire , nous ne le faisons pas , c'est à dire , que malgré moy , ie sens des concupiscences , & repugnances , & d'où vient cela ? du peché d'Adam , & toutesfois il a esté pardonné . *Eduxit eum dominus à delicto.* Et mon peché m'a aussi esté pardonné au baptesme , & toutesfois ie demeure subiect à endurer la peine , & ie fonde ma penitence & l'appuye sur la penitence que nostre Seigneur a faite pour moy , car autrement ie ne pourrois faire chose qui fust agreable à Dieu , si le tout n'est appuyé & fondé sur la mort & passion de nostre Seigneur . C'est merueilles que les heretiques disent qu'il n'y a point d'autre purgation & penitence , que la mort de nostre Seigneur . Je scay bien que nul sans la mort & passion de nostre Seigneur , n'est sauué , & qu'aux petits enfans qui sont baptisez & meurent auant que de venir à vsage de raison : elle est efficace & meritoire , pour les mener tout droit en paradis , sans leurs euures : mais à ceux qui sont paruenus à vsage de raison , & ont le temps de bien faire & ils ne le font , & ne font pas penitence

C'est merueilles que les heretiques disent, qu'il n'y a autre purgatoire, que la mort de Iesus Christ,

fondée à la mort & passio de nostre Seigneur, ils ne sont pas participans au merite de nostre Seigneur, & sa mort & passion leur est inutile. Je sçay bien, que ma penitence & mon euvre de foy est inutile, & ne peut estre meritorie ny satisfactoire, si elle n'est fondée & appuyée au merite de la mort & passion de nostre Seigneur Iesus Christ, qui dignifie noz euvres & leur donne vertu d'estre satisfactoirs pour noz pechez. C'est tradition Ecclesiastique, & qu'en la sainte Messe, on faict cōmémoration pour les tréspassez, comme pour les viuans: & l'argument duquel saint Paul vse contre les Corinthiens, pour toute resolution, quand il dit : *Si quis videtur inter* I. Cor. II. *vos contentiosus esse, vos talem consuetudinem nō habemus, neque ecclesia Dei.* Pour refuter les erreurs & faulces opinions, S. Paul mōstre vn fort argumēt, c'est qu'il fault faire selon la coustume de l'Eglise, non pas d'une Eglise particuliere, mais de l'Eglise vniuerselle de Dieu. Il y a vn purgatoire en l'autre mōde, auquel lieu il fault paracheuer la penitence, si elle n'a esté parfaicte en ce monde, mais si à l'heure de nostre mort nous sommes trouuez purgez, nous serons incōtīnant portez en paradis. Comme aujourdhuy nostre Seigneur a esté porté en Ierusalē, nous serons presentez deuant Dieu, & ne sera plus besoin d'endurer aucun feu ny tribulation, mais s'il demeure quelque macule à purger, il fault qu'elle soit purgée en purgatoire. Et ce sont les morts pour lesquels il fault prier. Et les heretiques disent qu'il ne fault riē croire s'il n'est expressement escript en la sainte escripture. Il ne faudroit doncques pas croire quōd *virgo post partum permansit, aut permanserit virgo*, car il n'est pas escript, ny aussi qu'il y ait vne Trinité de personnes, car ces mots, *persona, & trinitas*, ne sont pas en la sainte escripture, ny pareillement plusieurs autres choses. Et neantmoins nous sommes tenus de le croire, sur peine d'estre damnez, car c'est article de foy. Saint Denys & saint Basile disent que nous auōs aucunes choses par escript & d'autres qui ne sont pas escriptes, & neantmoins elles sont de mesme efficace & auctorité. *Vtrunque habet eandem vim ad pietatem*, ils sont d'une mesme efficace. Et saint Chrysost.

Nous sommes tenus croire beaucoup de choses, qui ne sont expressement en la sainte escripture, sur peine d'estre damnez.

S. Chrysost.

stome dit: Vien-ça auãt que la foy fust escripte, les traditions d'Abraham, Isaac, & Iacob, & d'autres bons Peres anciens & leurs enfans, combien qu'elles ne fussent pas escriptes, ils les tenoient comme traditions de Dieu. Et pourquoy doncques ne garderons nous les traditions de l'Eglise, combien qu'elles ne soient pas escrites? Dieu n'a pas commãdè d'escrire, mais de prescher & enseigner. Et S. Iean qui a escrit apres les autres Euãgelistes, il a escrit d'aucunes choses qu'ils n'auoiẽt pas escrites, & ce qu'il a escrit, on le tenoit auant qu'il fust escrit, comme apres qu'il a estè escrit. Sainct Irenée, auditeur de Sainct Policarpe, dit, *In libro contra hereticos*, que si les Apostres n'eussent rien escrit, il eust fallu croire à la traditiõ, & au dire de l'Eglise. Et par ainsi les traditions que nous auons au iourd'huy en l'Eglise de Dieu, sont semblables & de telle auctorité, que celles mesmes qui estoient du temps des Apostres. Pour l'amour de Dieu, pensez y Chrestiens, car il n'est pas temps d'y penser, quand on est au profond d'enfer. Je dis cecy pour vostre doctrine, à cause que n'agueres vn heretique fut executé, auquel lon remonstroit qu'il eust à se recommander à la glorieuse vierge Marie mere de Dieu, & il respondit, il n'en est point de besoin, Ouy, mais nous n'auons qu'un mediateur, c'est Iesus Christ. *Vnus mediator Dei & hominum Christus*. Je sçay biẽ qu'il n'y a que Iesus Christ qui nous ait meritè salut par sa mort & passion, mais la bonne Dame sa mere, & les saints & saintes de paradis, nous impetrent que nous soyons participãs de ce merite que nostre Seigneur nous a meritè. En telle maniere, ils sont noz moyens & intercesseurs enuers Dieu. Parquoy ce n'est pas mal fait de prier & honorer les saints, *Imò*, c'est bien fait, le deuous faire. On disoit aussi à iceluy heretique, Mon amy, confessez vous au prestre, & il respondit, il n'en est point de besoin, parquoy il est dãnè avec to⁹ les diables, s'il est mort en tel estat & obstination. Il ne fault pas flechir & decliner à dextre & à senestre, comme dit l'escripture. *Vsquequo claudicatis in duas partes?* Il fault dire la verité, & estre tout à Dieu, ou tout au diable. Tu ne peux complaire aux gens de bien, & aux farineux. Et quand

*Les traditiõs
que nous auons
en l'Eglise sont
semblables à
celles du tẽps
des Apostres.
1. Tim. 2.*

Reg. 18.

Dieu permet qu'un heretique en son obstination aille ioyeusement à la mort, en sorte qu'il semble qu'il soit constant, c'est vne tentation que Dieu vous donne, pour voir si vous l'aymez de tout vostre cuer, & si vous luy estes fideles & fermes en la foy. Ouy, mais vous voyez la cōstance de cestuy-là Il n'a pas peur de mourir. Ah! chrestien, ce n'est pas constance que cela, mais dureré & obstinatiō. Il est des martyrs du diable, car il meurt en soustenant sa querelle. Celuy qui meurt pour la verité, il a apprehension de la mort, il a peur & frayeur: Comme vous avez de nostre Seignr, qui a eu horreur de la mort: Il agonizoit, cōme il est escrit en sa passiō. Et il viét ainsi des tentations, par lesquelles les cogitations des cueurs des hommes sont renouuelez, comme disoit Simeon à la glorieuse vierge Marie, en luy parlāt de nostre Seigneur Iesus Christ: *Hic positus est in ruinam, & in resurrectionem* Luc. 2.
multorum, ut reuelentur ex multis cordibus cogitationes. Sauue foy qui pourra. Sainct Paul dit. *Rogo vos orare fratres, ut obseruetis eos, qui dissensiones & offendicula præter doctrinam quam vos didicistis faciunt, & declinate ab illis.* Rom. 6.
 Je vous adiuere en la presence des Anges de paradis, & vous prie que vous obseruiez ceux qui en leurs predications, mettent des dissensions: c'est à dire, qui font & dient autrement que lon a accoustumé, *huiusmodi enim Christo Domino non seruiunt, sed suo ventri.* Et per d'ces sermons, & benedictiones seducunt corda innocentium. Il est vray-semblable qu'ils ayent vne espece de pieté, mais il ne sçauent que c'est que de vertu, comme disoit Cicero à Marc Antoine (s'il le fault icy alleguer) *Nescis insane, nescis quid sit virtus, & nomen virtutis usurpas.* Comme il est aussi dit d'Arrius heretique, qui auoit plus d'espece & apparence de religion que non pas de verité. Je vous prie dit Sainct Paul: *Declinate ab illis.* Separez vous de eux, *Non deserentes vestram collectionem.* Vous voyez que quand on va tous ensemble sur les chemins, on n'est pas si tost assailly des brigans & larrons, comme si on estoit tout seul, car en estant ensemble on est bien fort, mais si on se separe, on est incontinent prins & tué. Aussi ne

Ce n'est pas cōstance que celle d'un heretique.

Arrius auoit plus d'espece et d'apparence de religion que non pas de verité.

Pour le iour

- 2. Tim. 3.** Vous separez point de l'eglise de Dieu, & ne vo³ dimon-
uez point pour chose que vous voyez, ny pour ces mes-
chans malheureux, *quia sunt homines corrupti mente, & abo-
minabiles, repleti omni iniquitate.* Ils resistent à la verité,
comme faisoient *Ioannes & Membres*, qui perturboient
l'eglise de Dieu : & *Chore, Dathan & Abiron*, en pertur-
bant le tabernacle de Dieu, monstrez vous constans, &
que vous sentez Iesus Christ en vous, & que vostre loy
Matth. 24. est bonne & certaine. Si on vous dit: *Ecce Christus in deser-*
to, in penetralibus, in abditis, és coings & quignets, *nolite*
Matth. 10. *exire*, Iesus Christ est la verité mesme. Il dit: *Quod in aure*
audistis, predicate super tecta: nihil est tam occultum, quod non
reneletur. Et les heretiques se cachent, & ont des conuen-
ticules pour monstrier leur doctrine. Ouy, mais si ie di-
sois en appert, & manifestement, ie serois prins & mis à
mort. Et si vostre doctrine est bõne, vous ne deuez point
craindre la mort pour la dire à l'honneur de nostre Sei-
gneur, ou autrement vous seriez de ceux desquels nostre
Seigneur dit : *Qui me erubuerit coram hominibus, erubescam*
Luc. 9. *& ego eum coram patre meo.* Purgeons nous de ces gens là,
& que le país en soit depesché & vuide. Prions Dieu, que
Psal. 67. il se lieue, & que ses ennemis soient dissipez. *Exurgat*
Deus & dissipentur inimici eius. Nostre Seigneur dort cõ-
me il faisoit en la nauire, & pourtant, il le fault esueiller,
Psal. 43. *Exurge, quare obdormis Domine?* Purgeons nous en ce mõi-
de, & nous serons presentez en Ierusalem deuant Dieu,
en l'eglise triomphante. Ce que nostre Euangile dit, que
la femme estoit immonde, ce n'estoit pas deuant Dieu,
mais ciuilement. Outre par l'immondicité de la femme,
nous est signifié la semence de l'hõme & de la femme, &
que ceux qui en sont engendrez, sont pollus : mais celuy
qui est nay sans la semence d'homme, il est seul saint,
c'est nostre seigneur Iesus Christ, duquel l'eglise chante,
Iesus Christ *Tu solus sanctus.* Et que signifie ce que les primogenites
est dit seul S. estoient presentez à Dieu, & offerts au temple? c'estoit en
en ce qu'il est memoire des primogenites, qui furent tuez en Egypte.
seul cõcen sãs On offroit vn aigneau pour les riches, & deux turrerel-
semẽce d'hõ- les ou deux colombes, pour les pauvres. Commẽt est on
me. purgé par les bestes? Chrestiens, c'estoit vne vmbre & fi-

gure du vray aigneau en la croix, & du vray sacrifice fait en la sainte messe du precieux corps de nostre seigneur Iesus Christ, sous l'espece du pain & du vin. *Et ecce homo* Luc. 2.

erat in Ierusalem, cui nomen Simeon, & homo iste iustus & timoratus. Il y auoit vn homme en Ierusalem, lequel estoit iuste, bon, deuot, craignant Dieu, en attendant la consolation d'Israël. L'escriture monstre comment l'homme est iuste deuant Dieu. Il est aussi dit de Zacharie & de sainte Elizabeth, qu'ils estoient iustes deuant Dieu. Et il est icy dit: que Simeon estoit iuste, mais comment iuste? deuant Dieu. Je pourrois bien estre veu & estimé iuste & homme de bien deuant vous, & ie seray meschant deuant Dieu. Saint Paul dit: *Arbitramur hominem iustificari per fidem.* Et nostre Seigneur dit: *Non omnis qui dicit mihi domine domine, intrabit in regnum celorum: sed qui, &c.* Pour

seulement croire, on n'est pas iuste deuant Dieu ny sauué, car comme dit saint Iacques: *Dæmones credunt & contremiscunt.* Le diable a bien dit: *Iesum noui, & paulum scio.* Iac. 2.

Abraham a eu la foy, laquelle a esté consommée par les eures, Raab aussi a la foy avec les eures, car elle reçoit les explorateurs: & en ayant la foy & l'eure, l'homme est iuste deuant Dieu. C'est la foy dont parle saint Paul: *Quæ per charitatem operatur.* Et quand il dit: *Iustus ex fide* Galat. 5.

viuit. Il fault entendre que l'homme n'est pas iuste seulement, pour auoir la foy, s'il n'a aussi les eures faites en la foy, car auoir la foy sans les eures, c'est comme vn corps mort & sans esprit. La iustice de Simeon, c'est que

il auoit la foy. *Et expectabat consolationem Israel.* Il estoit en attente du Messias, & avec la foy, *Erat timens Deum.* Rom. 1.

L'homme n'est pas iuste seulement par la foy, mais pour la charité en Dieu. Voila la iustice qui est deuant Dieu, c'est que nous ayons pardon & remission de noz pechez, & reconciliation avec Dieu, par le moyen de la foy de nostre Seigneur, & des bonnes eures. Nostre Seigneur dit en saint Matthieu: *Omnis qui audit verba mea hæc, &* Matth. 7.

facit ea, assimilabitur viro sapienti. Il veult que nous ayons la foy, & que nous facions les eures concernantes à la foy. Saint Paul dit aux Romains: *Circumcisio quidem pro-*

L'homme ne est pas iuste pour auoir la foy, s'il n'a les bones eures.

Pour le iour

Rest, si legem obserues. Aussi la foy vous prouffite, si vous gardez les commandemens de Dieu & de son Eglise: autrement la foy vous est en plus grand comble de damnation. *Erat ergo Simeon iustus & timoratus.* Il y a vne crainte seruile & vne crainte chaste & filiale. Que craignez vous? d'estre damnez: cela est bon, mais beaucoup plus d'estre separez de Dieu, ceste crainte là vient de charité, mais craindre de peur de la peine, c'est vne crainte seruile & par l'amour de nostre Seigneur, ceste seruile est chassée dehors. *Charitas enim foras mittit timorem.* Chrétiens, en toutes voz eures, ayez la crainte de Dieu deuant les yeux: & entre nous, allons aux saintes lettres avec la crainte de Dieu. Si les heretiques y alloient ainsi, ils ne tomberoient pas comme ils font en heresie. *Beneplacitum est domino super timentes eum, &c.* Ceux qui craignent d'offenser Dieu, & qui ont esperance en sa misericorde, il a superintendence sur eux. L'escriure dit: *Plenitudo sapientie, est timere Deum, & recedere à malo, est ipsa sapientia.* Voulez vous entendre l'escriure sainte, & que le saint Esprit vous en donne l'intelligence & le sens? humiliez vostre cueur. *Captiua animam tuam in obsequium Christi.* Craignez Dieu, & la crainte de Dieu vous gardera d'errer. Dieu disoit à Moïse qui voyoit le buisson ardent: *Tolle calceamentum tuum, &c. locus enim in quo stas, terra sancta est.* Et c'est vne chose si sainte, que la sainte escriure: si vous la voulez entendre, il fault que vous laissez la chair & l'esprit charnel. Vous estes vn prestre, qui estes charnel, que ne vous mortifiez vous? La terre ou vous estes, est sainte, & n'y fault entrer, *manibus illotis* Pour entrer en la maison, il fault auoir vne clef, ainsi fault il auoir integrité de vie pour entendre l'escriure sainte. *Quia in animam maleuolam non introibit sapientia: neque in corpus subditum peccati.* Et combien que les heretiques diroient la verité, encore mentiroient ils: ils sont comme le diable, car ce qu'ils disent, c'est avec intention de deceuoir, ils disent la verité pour cacher du poison. Voila vn bon hōme que Simeon, car il craint Dieu. Celuy qui craint Dieu n'aura iamais pauureté ne disette.

1. Ioan. 4.

Psal 146.

Eccle. 1.

2. Cor. 10.

Euo. 3.

Il fault humilier son
cueur & es-
prit qui
veult veoir
l'intelligēce
de l'escriure

Timentes Deum non minuentur omni bono, id est, Deo. Et nihil deest timentibus Deum. D'avantage. Simeon erat expectans consolationem israel. Il attédoit le Messias par lequel nous attendons consolation & la vie éternelle. Il l'ensuit le meilleur, c'est que le S. Esprit, *erat in eo. O Mater Dei!* que nous serions heureux, si nous avions le S. Esprit, & les heretiques disent qu'ils l'ont, mais par leurs euvres ils montrent qu'ils ne l'ont pas, & montrent bien le contraire, car l'esprit de Dieu, c'est l'esprit d'accord, & non pas de division. Voila l'argument le plus euidet, regardez bien que les heretiques ne cōviennēt point ensemble: ils sont en discord, mais l'esprit de Dieu n'est point variable. *Ego Deus & nō mutor.* Il n'y a point de vicissitude en Dieu, ny de mutatiō. Et la doctrine de l'Eglise, c'est la doctrine de Dieu, elle durera dōcques puis que c'est la doctrine & la plāte de Dieu. *Et spiritus sanctus erat in eo.* Quand vous auez *Luc. 2.* bō vouloir, & que vous mettez peine de fuir tout peché, tant soit il petit, & de faire tout bien, & ce qu'il plaist à Dieu, le S. Esprit est en vous: car c'est Dieu luy-mesme, *Philip. 2.* *Qui operatur in vobis velle & perficere.* Non seulement ie me veux garder de mal & de peché, mais aussi de ce que ie doute estre peché: Cela est auoir bonne volonté, Et si ie fay ce qui est douteux, i'offense: *Quia quod non est ex fide, peccatum est.* Il fault tout faire en bonne assurance, il ne fault pas seulement estre loyal à Dieu en grādes choses, mais aussi en petites: Et si tant soit peu ie doute que telle chose & telle soit mal faict, ie m'en garderay: cela est bonne fidelité. *Qui fidelis est in minimo, & in maiori fidelis erit.* Si vous aymez bien Dieu, vous vous garderez *Rom. 14.* des petis maux & pechez comme des grands, & ne voudriez estre priué de sa face vne minute d'heure. David auoit pardonné à son fils Absalon, mais il dist qu'il ne voirroit point sa face. Et pour vn peché veniel on est priué de la vision de Dieu pour quelque temps. Si i'ayme bien mon pere, ie ne voudrois aucunemēt estre priué de sa face ou presence, ne qu'il me portast mauuais visage. Gardons doncques fidelité à Dieu, tant en grandes choses, qu'en petites. *Responsum accepit Simeon à spiritu sancto non visurū se mortem, nisi videret Christum domini.* Respon- *Luc. 2.*

Luc. 2.

Malach. 3.

Luc. 2.

Philip. 2.

Rom. 14.

Il ne fault
estre loyal à
Dieu en grā
des choses
seulement,
mais aussi
en petites.

Pour le iour

se, suppose que lon ait parlé. Et aussi le bon Simeon prioit Dieu luy faire grace de ne mourir, que premièrement il n'eust veu le Messias, c'estoit son attente. Ainsi devez vous garder les commandemens de Dieu, & le prier qu'il vous face grace de ne mourir sans recevoir le saint Sacrement. Et Dieu qui est tout bon, & qui satisfait aux bons vouloirs & desirs des siens, il vous donnera sa grace cōme au bon Simeon: cela est bon. Le S. esprit l'a inspiré pour aller au temple, non pas pour y faire ce que plusieurs y font aujourdhuy, qui y vont pour cacquetter, pour seduire vne fille de bien. En voila vn qui ne peut auoir accez à vne fille en la maison, & il vient à l'Eglise pour parler à elle & la decevoir: parquoy, arrachez luy le nez si vous pouuez, c'est à dire, repoussez-le si bien qu'il n'y retourne pas. Si quelqu'un prend vne bourse, on crie au larron, & ne crierà on pas au meurtre contre cestuy qui veult tuer l'ame par peché? Et sous couleur de donner l'aumosne, on gaste tant de pauvres filles, ce n'est pas bien venir à l'Eglise. Entre vous filles, serez vous si hardies de prendre des mancherons, ny semblable? Si les meres portoiēt leurs filles en leur col, & en leur sein, encores ne seroient elles pas trop asseurées, veu la malice du iourd'huy. On ne regarde point à l'age: vne petite fille de six ans, sera corrompue: ce n'est pas mal fait d'aller visiter les voisins, mais vous laissez voz filles en la maison, & ne regardez point à l'inconuenient, & au mal qui en peut venir, & estre fait durant vostre absence. C'est vn grand malheur de desrober les ames en l'Eglise, & en la presence du precieux corps de nostre seigneur Iesus Christ. Je suis esmerueillé que la terre ne s'ouure, & c'est encore vne violence d'aucuns mariages, & si Dieu permettoit & punissoit à la rigueur, comme du

*La fin de se
vouloir ma-
rier ne doit
estre pour a-
cōplir sa con-
cupiscence
charnelle.*

temps de Sarra, laquelle eut sept maris, lesquels le diable suffocqua, & mist à mort, à raison qu'ils s'estoient mariés à elle par concupiscence charnelle, & il ne se fault pas marier pour celle fin, mais pour la fin dont le saint sacrement de mariage est institué & ordonné, *scilicet ad prolem habendam, aut fornicationem vitandam*. Or tout y est encore entier par la grace de Dieu: il ne reste sinon à

nous

nous amāder & faire bonne penitēce , & Dieu nous pardonnera. Venons au tēple en esprit, avec vne bonne ferueur en luy, & nous l'y trouuerons. Sainct Symeon desiroit seulement à voir nostre Seigneur Iesus Christ vray Messias, & Dieu luy a donné d'auantage qu'il ne demandoit, car il l'a veu & l'a ambrassé. En cela Dieu demonstre sa bonté, & qu'il excède le desir des siens, quand il donne plus qu'on ne luy oseroit demander. Le bon Symeon estoit heureux de receuoir ainsi nostre Seigneur, & vous serez aussi bien heureux si vous voulez. Ne receuez vous pas nostre Seigneur entierement au Sainct Sacrement de l'autel? Il dit apres qu'il l'a receu: *Nunc dimittis* Luc. 2.

tu seruum tuum domine, &c. Seigneur Dieu, laissez moy maintenant aller, vous m'avez promis que ie ne mourrois point sans premierement veoir le Messias, & ie l'ay veu par vostre grace, parquoy, commandez que ie m'en aille, & que ie meure, puis que i'ay veu tout mon salut, & tout mon bien & esperance, ie ne demande que de m'en aller, & ne veulx plus viure ny demeurer en la prison de ce corps. Dauid disoit aussi, *Educ de cariere animam meam, Psal. 141.*

ut confiteatur, &c. Et saint Symeon dit: *Nūc dimittis, &c.* Seigneur dieu, commandez & laissez aller vostre seruiteur en paix. Faictes ceste requeste à Dieu, & luy dictes, Seigneur Dieu, faictes moy la grace que ie meure en vostre seruice & paix. Que m'aura il prouffité d'auoir esté de sa famille, & de ses seruiteurs, si ie n'y perseuererai? & si ie ne meurs à son seruice? Et pourtant Seigneur, prenez moy en vostre seruice, laissez moy aller en paix. *Quia viderūt oculi mei salutare tuū, hoc est christū: car salut, vie, grace, remissio de noz pechez nous est acquise par nostre Seigneur. Quid parasti ante faciem omnium populorum. Nostre* Luc. 2.

Seigneur est preparé pour toutes gens, & pour tous peuples, car il est propose propitiateur, & salut pour toutes gens qui luy obeiront & croiront en luy. *Lumen ad reuelationem, &c.* Il dit trois choses de nostre seigneur, il est 1. *Symeō dicit* proposé à tous pour Sauueur, car par le moyen & merite trois choses de Iesus Christ, nous serōs tous sauuez, s'il ne tiēt à nous. de nostre *Secūdo*. Il est la lumiere reuelée aux Gētils. *Populus enim* gueur, *qui ambulabat in tenebris, &c.* *Tertiō*. Il est la gloire du peu-

Pour le iour

ple d'Israel, car il est descendu de leur lignée. Nous luy priérons nous donner sa grace en ce monde, & la vie éternelle en l'autre. *Amen.*

Autre sermon dudit iour.

- Psal. 47.* **S***uscepimus Deus misericordiam tuam in medio templi tui.* Le prophete Royal Dauid dit, que nous auons receu au meilieu du temple de Dieu sa misericorde. Auourd'huy nostre Seigneur Iesus Christ (par lequel la misericorde de Dieu a esté exhibée à l'homme) a esté porté au temple, & présenté selon la loy de Moysse. Et à ce propos dit nostre theme: *Suscepimus Deus, &c.* Vous sçavez bien qu'apres que nostre Seigneur a esté né en Bethleem, il a esté mis en la creiche, & puis a esté porté au temple, & apres a esté manifesté: Aussi, la misericorde de Dieu, qui a esté long temps cachée, a esté auourd'huy manifestée: C'est le moyen par lequel Dieu auoit decreté de iustifier & sauuer l'homme, que saint Paul appelle la iustice de Dieu, ou la foy, non pas la foy morte, comme est la foy des diables, ou des heretiques. *Demonnes credunt & contemiscunt.* Aussi les heretiques croyent, mais ils alienent & delaisent toutes bonnes eures, & par ainsi il entend de la foy viue, *que per charitatem operatur.* Laquelle nous iustifie. Et saint Paul dit: *Deus qui iustificat per fidem.* Un mesme moyen pour vnir & associer ensemble les Iuifs & les Gentils, c'est la foy de nostre Seigneur, exercée par bonnes eures. Et ce moyen a esté long temps caché, cō-
- Vn mesme* me nostre Seigneur a esté caché par quelque temps: Et *moyen pour* puis auourd'huy a esté manifesté au meilieu du temple, *associer les* mais peu de gens l'entendoient. Les Patriarches qui en-
- Gentils à Ie-* tendoient les figures & vmbres qui estoient en la loy, *sus Christ est* comme Abraham, Isaac, Iacob, Moysse, Dauid, Esaie, &
- la vraye foy* les autres prophetes cognoissoient bien ceste miséricorde de Dieu, mais plusieurs autres de l'anciēne loy ne l'en-
- en iceluy.* tendoient pas, *quia quandiu legitur Moyses velamen positum est.* Soubs ceste couuerture, soubs la lettre est cōtenu Iesus Christ, mais peu de gens l'entendoient, & toutef-
- I. Cor. 3.*

fois c'est le moyen par lequel Dieu a decreté de sauuer l'homme, par la foy de nostre Seigneur, sans laquelle nul sera sauué. Les vns l'ont eüe en general, les autres en particulier, la iustice de Dieu est sans la loy, & les prophètes en portent tesmoignage. Ceste iustice de Dieu est, nō par laquelle Dieu est iuste, mais par elle l'homme est reputé & trouué iuste deuant Dieu, & ceste iustice a esté auourd'huy manifestée, & combien que la loy ne faict rien à la iustification de l'homme, ny à la iustice de Dieu, toutesfois elle porte tesmoignage d'elle. Et ceste iustice qui est foy estoit cachée, combien qu'elle soit dès le commencement du monde. *Prinusquam veniret fides* toutesfois bien peu de gens ont cogneu nostre Seigneur en la creiche, c'est à sçauoir sa digne mere, saint Ioseph, les pastoureaux, & les trois Rois. Aussi peu de gens entendoient la loy, car seulement les prophètes ont porté tesmoignage de ceste iustice, de ceste foy. Et quand nostre Seigneur a esté venu, la loy de Moysé a esté terminée & a prins fin. *Quand Iesus christ est venu, la loy de Moysé a prins fin.*

Quand la iustice de Dieu vient au cueur, & faict faire de bonnes euures pour l'amour & charité de Dieu seulement, alors la loy de Moysé prend fin, car elle est de la chair, & faict operer par crainte: mais ce n'est pas ainsi de la loy de nostre Seigneur, qui faict faire de bonnes euures par amour & charité. Et combien que la loy ancienne ne donnoit pas grace, & ne remettoit point les pechez, *quia solum mundabat corpora.* elle ostoit les irregularitez du corps, toutesfois elle estoit bonne, sainte & iuste, comme dit saint Paul: *Lex quidem bona & sancta.* Il appelle la loy ancienne la iustice de la chair, & ces iustices estoient fort difficiles à garder, de telle sorte que S. Pierre dit: *Quid tentatus imponere pondus, quod neque nos, neque patres nostri portare potuimus?* Mais nostre loy Euangelique est facile, car elle gist au cueur, c'est vne loy d'amour & de dilection. *Ne dixeris in corde tuo. Quia ascendet in montem, id est, in calum:* Il n'est pas auourd'huy necessaire de passer la mer pour chercher la foy de nostre Seigneur, qui nous a iustifiez, ny aussi descendre aux abismes: Ou la trouuerons nous donc? Saint Paul dit: *Prope est verbum in ore tuo, & in corde tuo.* Ta foy, ton salut, est

Galat. 3.

Quand Iesus christ est ve-

nu, la loy de

Moysé a pris

fin.

Rom. 7.

Act. 15.

Psal. 23.

Rom. 10.

Pour le iour

au cueur par foy, & en ta bouche par les bonnes parolles edificatiues de ton prochain, si tu vis & fais tes euures comme tu dois, tu seras sauué. Et par ainsi en regardant au bien que tu attends de Dieu, tu ne reputes à rien les peines que tu as en gardant les commandemens. Et pour-

Matt. 11.

tant dit nostre Seigneur: *Iugum enim meum suauē est, & onus meum leue.* Il estoit bien difficile de porter la loy de

La loy de Ie Moysse, mais nostre loy est bonne & facile à garder. *Jesus Christ est* Quand ie dy qu'il n'est pas de necessité d'aller dela la *bonne & sa* mer, de faire peregrinatiōs pour estre sauué, ie ne defens *cile à garder.* pas les vœux & peregrinations, mais on n'y est pas tenu

qui ne les a voiez. *Nisi uouerit.* Le bon Chrestien prend grand repos & consolation en gardant les commandemens de Dieu, il y prend plaisir en esprit: mais le mondain n'a iamais repos. Sainct Gregoire dit, que iamais le mondain ne print tant de plaisir en sa meschanceté & charnalité, que faict le bon Chrestien en gardant les commandemens de Dieu. Au temps passé nostre Seigneur se nommoit le Dieu de vengeance, de bataille: & maintenant, le pere de misericorde, de douceur, & d'amour, & de toute grace & bonté: & sa iustice est reuelée par foy. *Iu-*

Rom. 1.

stitia Dei ex fide in fide. Que ie suis iustificié, cela ne vient pas de moy, ny de mes merites, mais de la bôte de Dieu lequel quand il a veu la plenitude du temps estre accomplie, il a enuoyé son fils en ce monde, c'est à dire, qu'au temps de grace auquel nous sommes, nostre Seigneur a esté nay d'une femme, sous la loy de Moysse, afin de deliurer d'icelle loy ceux qui y estoient. Il nous a deliurez de la seruitude en laquelle nous estions, non pas de la

Iesus Christ
ne nous a de-
liurez de la
seruitude &
obeissance
que nous de-
uons à noz
superieurs.
Gaiat. 5.

seruitude & obedience que nous deuons à noz superieurs tant spirituels que temporels: mais de la seruitude de peché, & du diable qui dominoit en nous, & nous tyrannisoit auant l'incarnation de nostre Seigneur Iesus Christ. Et à ceste heure, combien que nous soyons en liberté, si ne fault il pas viure selon la sensualité de la chair. *Iantum ne libertatem detis in occasionem carnis* ceste liberté, c'est estre deliuré de peché, & auoir la grace. Doncques nostre seigneur qui nous donne ceste liberté, est auourd'huy présenté au temple: Et pource disons

nous: *Suscepimus Deus misericordiam tuam in medio templi* *Psal. 47.*
 tui, toutesfois ceste misericorde a esté exhibée en tout
 temps, Abrahā, Moyse, Dauid, & les autres Prophetes &
 Patriarches l'ont eüe: mais au regard de la grande multi-
 tude, qui de ce temps là ne l'a pas cogneuë, nous deuons
 d'auantage maintenant plus louer Dieu, cōsideré qu'au-
 iourd'huy (qui est le temps de grace) chacun l'a cogneuë
 par tout le monde. Quand la foy de nostre seigneur Ie-
 sus Christ a esté preschée, elle est bien plus manifeste, car
 la verité de la foy Euangelique a esté cogneuë, & n'y a
 plus de figure ny d'vmbre en la loy. Et cela est signifié
 par le voile du temple, qui a esté cassé & rompu. Aussi les
 monumens ont esté ouuers à la passion de nostre seignr,
 c'est à dire, que l'obscurité des Prophetes & de l'escrip-
 ture, a esté ostée, le saint Esprit a reuelé tous les myste-
 res contenus en la loy, chacun a entendu l'escripture. Et
 voyla la misericorde de Dieu manifestée, c'est à dire que
 nostre sauueur Iesus Christ, par lequel nous auons remis-
 sion de noz pechez & la grace, est auourd'huy manife-
 stée au temple, comme dit nostre Euangile. Et pour en
 parler, nous demanderons la grace du saint Esprit, par
 le moyen & intercession de la glorieuse vierge Marie,
 disans deuotement, *Aue maria, &c.*

Il fault veoir comment c'est que nostre seigneur a esté
 présenté au temple, qui l'y a porté, qui l'a receu: & apres
 quelle action de graces luy ont rendu ceulx qui l'ont re-
 ceu. L'euangile dit, qu'apres que les iours de la Purifica-
 tion de la glorieuse vierge Marie, selon la loy, ont esté
 accomplis, elle avec saint Ioseph, ont porté l'enfant au
 temple de Ierusalem, pour le presenter, car il falloit selon
 la loy, que le premier enfant masle fust présenté à Dieu:
 Et s'il estoit de la lignée de Leui, il demeueroit perpetuel-
 lement au temple, s'il n'auoit aucune macule ou defor-
 mité de sō corps: Et s'il estoit d'une autre lignée, il estoit
 racheté de cinq cicles d'argent, & falloit offrir obla-
 tion. Les riches offroient vn aigneau, & les pauures deux
 turterelles, ou deux pigeons. Nostre Seigneur estoit de la
 lignée de Iuda, & en ensuyuant ceste loy nostre seigneur
 a esté présenté au temple, & pour luy on a offert l'obla-
 Commēt no-
 stre Seigneur
 a esté presen-
 té au temple.
Hebr. 7.
Matt. 1.

Pour le iour

Leuit. 12.

tion des pauures, combien que luy ny sa mere n'estoient subiects à la loy, car la loy estoit telle, *Mulier si suscepto semine pepererit, &c.* Et par l'instinct & inspiration du S. Esprit, Moyse mist ce mot, *suscepto semine.* pour cognoistre que la glorieuse vierge Marie mere de Dieu, n'y estoit pas tenuë ny subiecte: car elle auoit conceu par l'operation du saint Esprit, sans cognoissance d'homme.

Luc. 2.

Nostre Seigneur ny sa sacrée mere, n'estoient tenus à la loy.

D'auantage aussi Iesus Christ n'y estoit pas subiect, car la loy disoit: *Omne masculinum adaperiens vuluam.* Et nostre Seigneur nasquit d'elle sans aucune corruption, ny ouuerture, *quia egressus est clauso utero.* Et par ainsi, ne luy, ne sa tresdigne mere n'estoient tenus à la loy: & toutefois ils ont voulu accōplir la loy cōme s'ils y eussent esté subiects, pour nous donner exemple d'obeir à noz superieurs, ausquels nous sommes subiects. Nostre Seigneur en se demonstrât subiect, il a prins la forme de trois personnes, c'est à sçauoir de seruiteur, de pauvre, & de pecheur, en se mettât subiect à la loy de Moyse, qui est vne loy de seruitude & de crainte. La difference estant entre la loy de Moyse & de l'Euangile, c'est crainte & amour. Amour nous faiēt enfans adoptifs de Dieu, & crainte nous faiēt seruiteurs. Le seruiteur ne demourera pas tous iours en la maison, comme faiēt l'enfant. Crainte de soy seulement & simplement ne sauue pas l'homme, comme faiēt amour, ie sçay bien que crainte est le commencement de salut, car par crainte on laisse le mal & faiēt on le bien, de peur d'estre damné: & par bien faire, amour est engendré. Et pource dit Esaie: *A timore tuo concepimus, parturiuimus spiritum salutis. Initium sapientia timor Domini.* Et saint Paul faisant la comparaisō de la loy Euangelique, il dit: *Moyse fidelis erat in tota domo Dei, tanquam famulus, in testimonium eorum quæ dicenda erant, Christus verò tanquam filius in domo sua, quæ domus sumus nos, si fiduciam & gloriam spei vsque ad finem, firmam retinuerimus.*

Psal. 6.

Psal. 3.

Hebr. 3.

D'autant que celuy qui a faiēt faire la maison, est plus digne d'honneur que celuy qui l'a faiēte, aussi le fils est plus prisé & honoré, que le seruiteur en la maison. Et Dieu nostre Seigneur, n'a pas esté seruiteur, car seruitude vient de peché, & iamais nostre Seigneur ne pe-

cha, & ne peult pecher: car son naturel est, d'estre en grace. Et que seruitude vient de peché, il est manifeste en Can, qui offensa en se moquant de son pere Noé: Et pourtant, il fut constitué seruiteur de ses freres. *Qui enim facit peccatum seruus est peccati.* *A quo quis superatus est, eius seruus est.* Et pour ce, gardez vous bien d'estre seruiteurs de voz passions, & sensualitez, car si vous y obeïssiez, vous estes seruiteurs, mais si vous les domptez & surmontez, vous estes francs & libres. Vaincre ses passions, c'est viure en liberté: & obeïr à ses voluptez, c'est estre subiect. Et Adam nous a donné ce malheureux heritage, d'estre subiects à obeïr à noz sensualitez: mais nostre seigneur Iesus Christ nous en a deliurez, si nous voulôs. Et pourtant, regardons lequel nous voulons suiure, ou nostre Seigneur qui nous faict francs & libres de noz pechez, si nous voulôs luy obeïr, ou Adam, qui nous y faict subiects si nous luy obeïssons. Et combien que nostre Seigneur, de sa nature soit franc & libre, il s'est auourd'huy demôstré comme subiect, & a prins la forme d'un seruiteur, pour nous faire libres. Et ce que la loy ne pouuoit faire, nostre seigneur l'a accomply. *Nam quod impossibile erat legi, in quo infirmabatur per carnem: Deus filium suum mittens in similitudinem carnis peccati, de peccato damnavit peccatum.* La loy de Moïse, de soy purement, ne pouuoit iustifier. Et nostre Seigneur luy-mesme est venu pour ce faire, & a prins la forme d'un pecheur, non pas a prins la forme de la chair de peché, *quia teste Origene, caro peccati, est caro in me d'un peccato concepta*: Mais il a prins la similitude de peché, à cheur, & nō raison qu'il auoit les passions communes & subiectes à la chair de peché, faim, soif, froid, chauld. Et pourtant il sembloit qu'il fust peché, combien qu'il ne l'estoit pas. Il a prins la forme d'un seruiteur, demeurant esgal à Dieu son pere. Et en soy disant Dieu naturellement, & esgal à Dieu son pere, il ne desrobbe rien à Dieu. Et neantmoins il luy a pleu de se faire seruiteur pour nous. Parquoy il peult bien dire ce que dit saint Paul. *Cum essem liber, omnium me seruum feci*, Combien que ie sois franc & libre, toutesfois ie me suis faict seruiteur, & pourquoy? *Ut omnes lucrificarem*, afin de tirer vn chacun à salut; Dieu,

Ioan. 8.

2. Peir. 2.

Dompter & vaincre ses passions, c'est estre en liberté.

Philip. 2.

Rom. 8.

Iesus Christ

Philip. 2.

I. Cor. 9.

Pour le iour

qui est tout riche & tout puissant, il donne tousiours & nous ne luy donnons rien. Et combien qu'il soit ceste suffisance & richesse, il s'est fait seruiteur. Et moy qui ne suis rien, & moins qu'un ver de terre, & que pouldre, ie veux dominer & ne veux obeïr. Ie te supplie Chrestien faire quelque chose pour ton Dieu, *mò*, pour toy, car tu en auras le bien & le prouffit: humilie toy à l'exemple de ton Dieu. La doctrine qu'il te donne, c'est qu'il est humble de cuer. Les mondains s'humilient, mais ce n'est pas de cuer, ils sçauent bien faire la cour, & vser de simulation & deception, & puis c'est tout. Nous voulons bien estre obeïs, & ne voulons pas obeïr: Et nostre Seigneur nostre exemple, s'est rendu subiect à Dieu son pere, en faisant le vouloit de son pere, & non pas le sien. *Christus non sibi placuit*, car il s'est fait seruiteur. S'il eust tousiours tenu son autorité de Dieu, qui eust esté sauué? certes nul, s'il ne se fust condescendu & incliné à l'infirmité de l'homme, personne ne l'eust cherché. Vous sçavez bien que quand il donna la loy à Moÿse, les Iuifs disoient: *Nō loquatur nobis dominus, ne forte moriamur, sed Moyses loquere nobis*. Ils ne pouuoient porter sa maiesté, ny l'ouïr, car il leur sembloit trop rude: Aussi il se nommoit le Dieu de vengeance & de bataille, mais en nostre loy, il s'est fait homme, & s'est aneanty & humilié. Faites comme luy, supportez les deffaults d'autrui: faites les petis: disans que selon la tentation qu'ils ont eu, ils se sont bien portez, & qu'ils ont eu grand peine de resister. Mais vous faites les grands, & voulez estre appelez. Monsieur. L'escriure vous dit: *Alter alterius onera portate. suscipite onem*. Faites à autrui ce que voulez que les autres vous facent. Nous voulons que Dieu nous pardonne, & nous ne voulons pas pardonner. Ne fault il pas bien que le maistre supporte le seruiteur? Et Dieu qui est si grand, il se demet & se fait seruiteur pour nous aider & supporter, tant est grand l'amour qu'il a enuers nous. Secondement, Dieu a prins la forme d'un pecheur. Il a fait comme s'il eust eu necessité du purgatiō. Celuy qui n'a point offensé, il n'a que faire d'estre purgé. Et nostre Seigneur qui par nature est impeccable, il n'offensa iamais. Par-

Les mondains s'humilient, mais ce n'est pas de cuer.
Rom. 15.

Exo. 20.

Galat. 6.
Rom. 15.

quoy, il n'auoit point besoing d'estre purgé. Et neantmoins le huitiesme iour de sa natiuité il fut circoncis, & vint aussi à saint Iean, pour estre baptizé comme vn pecheur. Il ne commist iamais peché, & il a voulu estre subiect à la loy, comme pecheur. Que dirons nous d'une si grande humilité? Nostre Seigneur ne s'est pas seulement humilié iusques à estre appelé pecheur, mais luy-mesme a voulu estre appelé peché, pour nous en deliurer, il a voulu estre maudit, afin que nous receussions benediction. Reconnoissez ce qui est en vous, c'est peché, *Quoniam omnes peccauerunt*, confessez le cas & la debte, & dites que vous estes pecheurs, & nostre Seigneur vous remettra & pardonnera vostre peché. Chrestiens, nous auons deux noms: le premier c'est pecheur, *Quia omnes nascimur natura filij ire*. Il fault recognoistre cela, c'est que nous sommes pecheurs de nous mesmes, de nostre premier pere, mais par le merite de nostre Seigneur Iesus Christ, nous auons vn autre nom, c'est que nous sommes faicts enfans adoptifs de Dieu, & auons receu sa grace. Reconnoissez vous doncques, & que c'est que premierement vous auez esté. Il en y a qui sont fachez & mal contens quand leur confesseur leur monstre leurs fautes, & le delaissent pour en trouuer vn autre qui leur sera plaisant: cela ne vault rien. Et en cela ils monstrent bien qu'ils n'ont pas soing de leur ame. Or voila comme nostre Seigneur se demontre pecheur, combien qu'il ne le soit pas. D'auantage, il a prins la forme d'un pauvre. La loy dit, qu'il falloit offrir vn aigneau pour les riches, & deux turtrelles ou deux pigeons pour les pauvres: Et toutesfoiſ Il dit. *Mee sunt omnes fere filiarum*. Et il luy plaist d'estre souffreteux, & nous ne voulons rien endurer. Il se faict pauvre, & nous voulons estre riches. Il est bien vray que ce n'est pas mal faict de estre riche, mais il n'y fault point mettre son cueur & son affection. Nostre Seigneur est nay en grande pauureté, il est mis en la creiche soubſvn peu de foin, au lieu de berseau & de liſt. On le porte au temple, & on a offert pour l'offrande des pauvres, ce sont deux turtrelles. Cela est pour demonſtrer qu'il a plus aimé pauureté que

*Iesus Christ
a voulu estre
appelé peché
pour nous en
deliurer.*

Ephe. 2.

Pſal 49.

*Iesus Christ
seſt faict
pauvre, &
nous voulons
estre riches.*

Pour le iour

richesse. Donc si nous le voulons ensuiuir, il fault aimer pauuereté. La premiere leçon qu'il a recommandée à ses seruiteurs, c'est pauuereté, & nous n'en voulōs point ouïr parler. Ceux qui ont des enfans, c'est à faire à eux de iustement thesaurizer pour eux, mais les prestres, qui amassent or & argent, ils n'ensuiuent pas leur maistre Iesus Christ. En eux doit reluire pauuereté. Et neantmoins, ce sont ceux qui ont le plus d'argent, & qui sont les plus cupides d'en auoir. Je ne sçay si ie voudrois prier pour vn preste qui laisse de l'argent apres sa mort. Aucuns religieux laissent leur religion pour estre en vne autre. Est-ce pour viure plus estroitement? certes non, mais c'est pour auoir des benefices ils n'en pouuoient tenir ou ils estoient. L'ordre de saint Benoist, c'est l'une des estroites religions qui soit. Et neâtmoins vous voyez que plusieurs y entrent, non pas pour viure plus estroitement, mais pour auoir des benefices. Vous les voyez deuant voz yeux, & n'est question de le dire, car la chose est toute notoire. *O Mater Dei!* que feras tu de l'argent que tu amasses? quand tu mourras le donneras-tu aux pauvres? Penses tu que Dieu te sçache grand gré, de luy donner ce que tu ne peux tenir ny posseder? Je te conseille, puis que tu es venu iusques à ceste misere d'auoir benefice, que tu distribuë aux pauvres ce que tu en as receu, & que desafpresent tu changes ta vie. Vn benefice qui est chargé de ames, requiert residence personnelle, & ie ne sçay si tu en peux estre dispensé, car c'est de droit diuin que tu y es obligé. *Quis putas est fidelis dispensator & prudens, quem constituit dominus super familiam, vt det illis in tempore tritici mensuram?* Voila le texte formel par lequel l'Euesque, le curé doit residence personnelle sur son benefice. Donc vo⁹ voyez que nostre Seigneur a esleu & prins pauuereté: Et nous qui sommes ses mēbres, nous n'en voulōs point ouïr parler, parquoy nous sommes bien loing de luy qui est nostre chef, & bien loing d'estre conioincts à luy. Accordōs nous à vn chacun, & nous y accōmodons, moyēnant qu'en rien Dieu ne soit offensé, mais c'est grand pitié, que nous faisons tout à l'opposite. Vous voyez tous les iours charité diminuer. Je vous demande, ou doit

*La residence
du pasteur
sur son trou-
peau est obli-
gation de
droit diuin.
Luc. 12.*

estre amour plus grand? n'est-ce pas entre freres? entre parens? & vous y voyez procez & diuisions: quel signe est-ce, sinon que la fin du monde s'approche? le suis en vne maison pour reprendre & remonstrier, & ie ne dy mot, ma taciturnité approuue l'erreur & la faulte de la maison: car on dit: Si c'estoit mal fait que cela, vn tel qui est homme sçauant & de lettres, ne s'en tairoit pas, quand il le sçait, & en est bien aduerty. Sçauiez vous bien pourquoy c'est qu'il se tait & qu'il ne dit mot? c'est pour auoir des benefices & du bien réporel. Vous voyez les seruiteurs, & autres iurer & blasphemer le S. nom de Dieu, & vous n'en dites mot. Il fault prier Dieu que par sa bonté il nous pardonne, & que nous nous puissions amender. Or ça, pourquoy a lon porté nostre Seigneur au temple? *ut sifterent eum domino.* Pour l'offrir à Dieu, car le premier enfant masle qui estoit nay, deuoit estre présenté à Dieu. Et les peres & meres qui le presentoiēt honoroiēt Dieu en cela. Il est escrit: *Hæc est de tua substantia*, cōme fist Abel, qui sacrifia du meilleur qu'il eust, & nō pas du pire. Celuy qui sacrifie le pire, il est maudit. *Maledictus dolosus qui habet in grege suo masculum, & ut totum faciens immolat debet domino.* Offrir le masle, c'est faire vn bon euure. Tu as de bon vouloir & de bon propos, & tu le mets en execution, tu offres le masle. A qui le dois tu presenter? à Dieu qui t'a donné la grace & le moyé de le faire: autrement, celuy qui a vne bonne beste en sa maison, & il en offre d'vne meschante, il est maudit, c'est à dire, qu'il offense Dieu. Aucuns offrent la beste totalemēt, les autres seulement la queue, & Dieu veult auoir le total, *hoc est*, aucuns seruent à Dieu en leur ieunesse seulement, & deuiennent diables en leur vieillesse. les autres donnent leur force & ieunesse au mōde, à follastrer, & de la queue de la beste qui est la partie de la beste plus debile, c'est à dire leur vieillesse, ils la dōnent à Dieu. & Dieu demāde le tout. Et pourtant, celuy qui n'a offert encores à Dieu, qu'il cōmēce tout à ceste heure, & Dieu le receura. L'ecclésiastique dit: *Ne differas de die in diē conuerti ad dominū.* Tu diras, i'ay bon loysir de me conuertir & amender, ie

Prou. 4.

Malach. 1.

Offrir vn
masle à Dieu
c'est faire vn
ne euure qui
est d'excellent
ce.

Eccle. 5.

Pour le iour

Matt. 23.

suis encore ieune, ie te demâde: si tu as promesse de Dieu de viure iusques à demain, tu en es incertain, qu'attens tu à te conuertir? Les autres offrent au monde, faisans semblant d'offrir à Dieu car tout ce qu'ils font, ce n'est que pour la faueur du monde. Et tels, nostre seigneur reprend en parlant aux Scribes & Pharisiens. *Vae vobis Scribe & Pharisei, quia omnia facitis vt videamini ab hominibus.* Dôt ce que telles gens font, c'est pour le monde: & tels offrent à Dieu le meschant, car ils seruent à Dieu par dehors, & le dedans est plein d'hypocrisie, & Dieu veut qu'ils soyent humbles. De bouche, ils diront merueilles, mais le cueur sera contraire. Ils tiennent le pain en vne main & la pierre en l'autre, leur soing principal, c'est le dehors. Et il fault faire le contraire. Tels payent leurs dismes de mente & de rue, de menuës herbes & non pas du principal. *Hec oportuit facere & illa non omittere, quia quod iustum est derelinquistis.* Vous Curez, vous demandez ce qui appartient pour la vie, & les herbes: mais vous laissez le principal. Nous voulons que les constitutions du monde soyent gardées plustost que celles de Dieu. Et il

Matt. 23.

*Dieu veut
que ses com-
mandemens
soyent gar-
dez premier
que les cōsti-
tutions hu-
maines.*

veult le contraire, c'est qu'en premier lieu, ses commandemens soyent gardez. Je ne dy pas qu'il ne faille garder les constitutions humaines, car aucunes obligent sur peine de peché mortel: mais non pas toutes, mais par-adventure d'aucunes. Ce n'est pas peché veniel de ne les garder, & neantmoins elles sont plus estroictement gardées que le commandement de Dieu, qui oblige à tousiours, & pour tousiours. Celuy qui ne garde les constitutions humaines, il est incontinant puny, & on laisse la loy, le commandement de nostre Seigneur derriere. Il fault donc offrir le masle tout entierement, c'est à dire, toute nostre vie. Nostre seigneur doncques, qui signifie le masle, est offert, mais qui l'a receu? le texte dit: *Et ecce homo in Ierusalem cui nomen Symeon. Et iste homo iustus & timoratus.* Quelque philosophe en plein midy allumoit vne torche, & avec icelle il simuloit de chercher quelque chose, on luy demanda qu'il cherchoit, il respond, qu'il cherchoit vn homme, comme s'il eust voulu dire

Luc. 2.

que lon trouue peu de gens qui vivent selon raison , & cōme il appartient à l'homme de faire & de viure . Nous auons le nom d'homme & ne faisons pas l'euure ny l'effect , car nous viuons brutalement, mais cestuy dont parle nostre Euangile , c'est vn homme de nom & de fait.

Ecce homo , Voicy vn homme. Ce mot *homo* en l'escriture, est prins aucunesfois pour la partie sensuelle de l'homme , comme il est dit : *Cum audio chismata inter vos , nonne homines estis ?* Aucunesfois il est prins pour le Diable. *Inimicus homo hoc fecit.* Aucunesfois pour la raison , comme icy *Ecce homo*.

Quand l'homme ne va pas, ne se gouuerne par raison , il est beste . Et pourtant il y en a beaucoup en plus grand nombre qui vivent brutalement & hors de raison , que non pas ceux qui vivent selon Dieu & raison . Et l'escriture parlant de cest homme de bien Symeon, elle en parle comme en admiration, disant : *Ecce homo*. Comme si elle disoit, voicy vn homme de bien, & digne d'honneur & de loüange, qui n'a guere de semblables . Les cinq personnes, qui faisoient ceste procession, c'estoyent hômes: c'est à sçauoir, Iesus Christ, la vierge Marie, Ioseph, Symeon, & vne vefue. Et cōment estoit Symeon homme ? Le texte dit .

Quia iustus & timoratus, id est , pius & religiosus, paratus visitare infirmos . Iustice, c'est la disposition du cuer selon Dieu. Et Ioseph erat iustus. Le principal de l'homme, c'est le cuer, duquel tous biens viennent ou tous maux. Aucuns font tout selon la iustice de l'homme: & ceste iustice ne vault rien. Iustice,

c'est se disposer à la volonté du prochain, pour son salut, elle ne regarde pas tant son bien particulier, que le commun.

Vn homme iuste doit postposer son bien particulier au bien commun , exercer son office à l'vtilité de la chose publique, plustost qu'à son prouffit particulier. Le preuost, celuy qui a charge de iustice, doit aller chercher les meschans & malfaiçteurs , sans regarder s'il pleut, ou s'il vente: & s'il ne le veult ainsi faire, il n'en doit pas prendre la charge. Tu as vn proces pour vn pauvre homme, tu sçais bien qu'il est en ceste ville , & qu'il est de loing , & neâtmoins, pour ton plaisir tu t'en iras iouer aux chāps.

Laisse ton plaisir, & tasche à faire comme nostre seigneur

Corint. 2.

Matt. 13.

Vn hōme iuste doit postposer son bien particulier au bien commun.

Pour le iour

Rom. 15. Iesus Christ, qui ne chercha iamais ses plaisirs. *Christus non sibi placuit.* Il a tousiours cherché de faire la volonté de son pere. Et c'est pourquoy il l'auoit enuoyé en ce monde. Aussi fais ce que tu es tenu, & que ton office t'oblige. *Symeon erat iustus, & timoratus.* Il craignoit: ce-luy qui craint ainsi de faillir, il aduient regulierement qu'il ne fault point: *Et responsum accepit Symeon.* Symeon a eu responce. Il fault donc bien dire qu'il eust demandé quelque chose. Et quoy? Il auoit prié Dieu, qu'il ne mourust point, que premierement il n'eust veu son sauueur. Il veoyt par les propheties que le temps de l'aduenement du Messias & Sauueur de tout le monde estoit accomply, ou prest. Parquoy il prioyt Dieu, qu'il le peust veoir auant que mourir. Chrestien, fais ceste requeste à Dieu, & que tu ne puisses point mourir sans le receuoir, & ses saincts sacremens, & tu auras Dieu avec toy. Voicy vn

Luc. 1. *Tout ce que fait vn homme qui est en la grace de Dieu, à luy est agréable.* homme de bien que ce Symeon: & qui le conduist? le S. Esprit. Il auoit vne bõne guyde en luy, qui luy faisoit faire toutes ses euures bonnes. Tout ce qu'un homme de bien fait, il est plaisant à Dieu, à cause que le personnage luy est agreable. Aussi tout ce que fait vn mauuais homme, est plaisant. il est plaisant au diable, car ses euures sont par l'operation du diable. Symeon estoit gouverné & conduit par le saint Esprit. Et quand la glorieuse vierge Marie & Ioseph sont entrez au temple, le saint Esprit incita Symeon d'y aller & luy dist. Tu y trouueras ce que tu demandes. Et incontinent il vint au temple, par l'inspiration du benoist saint Esprit, Regarde si tu fais ainsi comme Symeon. Viens tu à l'Eglise pour seruir & prier Dieu de tout ton cueur? certes non, mais c'est pour y caqueter. Et encores tu dis des parolles villaines & deshonestes. Et l'homme d'Eglise ne demande que d'estre depeesché de sa Messe: ce n'est pas venir à l'Eglise par l'inspiration du S. Esprit, comme feist Symeon, qui a plus receu de Dieu qu'il ne luy demandoit. C'est grande chose d'auoir bon vouloir, Dieu luy donne plus qu'il ne demande, & qu'il n'oseroit demâder. Dieu satisfait au desir & vouloir d'un chacun. Si nous auons mauuais vouloir, il permettra qu'il soit accomply, mais c'est à nostre ruine & punition.

Adhuc esca eorum erant in ore ipsorum, & ira Dei ascendit super eos. Le bon vouloir obtient & a plus qu'il ne demande. Le bon Symeon demandoit seulement à voir nostre seigneur, & il a plus qu'il ne demande, car avec ce qu'il l'a veu, il l'a aussi tenu. Dieu fait comme vn bon champ fertile, qui rend plus qu'on ne luy donne. Vous n'avez semé sinon qu'vn boyſſeau de blé, & vous en avez dix ou vingt : Faute de cognoissance, nous ne ſçauons que c'est que nous deuons demander. Nous sommes comme la Samaritaine mondaine & la vraye cognoissance de Dieu oste & estaint toute la mondanité. *Et gustato spiritu omnis caro desipiscit.* Celuy qui a mangé beaucoup de sucre, le vin ne luy sent rien, aussi celuy qui a bien gusté de Dieu, le monde ne luy est rien, la suauité, c'est le goust que nous prenons en nostre seigneur. *Quid oculi non vidit, &c.* *Nunc dimittis seruum tuum domine, secundum verbum tuum in pace,* disons à Dieu. Seigneur Dieu, n'est rien à selon vostre parole, faictes que mon vouloir, mon ame soit en paix avec vous. *Retribue seruo tuo, secundum verbum tuum.* Que ie demeure en seureté de ma conscience en vostre paix & charité, ma vie corporelle ne m'est rien ie ne veux pas demeurer en ce monde, dit Symeon. Et pourquoy ? *Quia viderunt oculi mei salutare tuum domine.* l'ay veu mon salut Iesuchrist, qui est préparé pour sauuer vn chacun, c'est la lumiere qui illumine les Gentils, & il est aussi la gloire d'Israel. Quand il nous a donné son saint Euangile, il nous a mis en lumiere, & nous a osté les tenebres de peché, pour nous dōner sa grace, & gloire eternelle à la fin. *Amen.*

Psal. 17.

Le monde

n'est rien à

celuy qui a

bien gusté

de Dieu.

2. Cor. 2.

Luc. 2.

*Pour le iour & feste de la
chaire saint Pierre.*

Benedictus Deus & pater domini nostri Iesu Christi, &c. Le Chrestien doit apprendre ce pendant qu'il est en ce monde à cognoistre Dieu & soy mesme. L'homme est mis en vain & sans prouffit en ce mode, s'il ne co-

1. Petr. 2.

Pour le iour

gnoist Dieu & soy mesme. Si ie ne cognois nostre seigneur, ie ne puis esperer en luy ny le craindre. Si ie ne me cognois, ie ne me puis humilier, ny esperer en Dieu. La crainte de Dieu & humilité nous sont necessaires à salut. Doncques, il fault que le Chrestien tandis qu'il est en ce monde, qu'il estude à cognoistre Dieu, esperer en luy & le craindre, cognoistre soy mesme & s'humilier. Et sil n'estude en ceste leçon, il est pourneant & en vain mis en ce monde, & tout le temps est perdu. S. Pierre en l'Epistre du iourd'huy, nous apprend & enseigne, que c'est de Dieu, & quel bien & grace nous en auons. Il nous enseigne, qui nous sommes, afin de nous cognoistre & nostre pauureté & infirmité, pour nous humilier. Et que s'il y a du bien en nous, que nous reconnaissons qu'il vient de Dieu, & que luy en rendions grace & louange. Il dit en l'Epistre du iourd'huy. *Petrus Apostolus Iesus Christi, electis aduenis.* Il nous escrit, non pas comme vne personne priuée, mais il nous admoneste comme Legat & Apostre de Iesuschrist. Il annonce le vouloir de Dieu enuers nous le bien & la grace de Dieu faite à nous, & quels nous estions auant que d'auoir receu sa grace. *Benedictus & deus pater domini nostri Iesu Christi.* C'est à dire, Dieu soit loué, & action de grace soit à Dieu qui est le pere de nostre Seigneur I E S V S C H R I S T. Dès le commencement de l'Epistre. Sainct Pierre annonce, monstre & reuelle le mystere de la sainte Trinité. Ce nom de Dieu, signifie l'essence de Dieu, & la nature de Dieu. Il soit loué, lequel eternellement a engendré nostre seigneur I E S V S C H R I S T son fils naturel, qui *secundum misericordiam suam magnam regenerauit nos in spem viuam.* Notez icy que saint Pierre nous enseigne, qu'il fault louer Dieu, c'est vn continuel sacrifice que doit faire l'homme à Dieu. Il doit louer Dieu sans intermission & luy rendre graces. Nous pouons considerer Dieu en deux manieres. Si nous considerons Dieu en soy de sa bonté, & sapience, il est à louer & en est digne: Et pourtant dit le Psalmiste, *Confitemini domino quoniam bonus, quoniam in seculum misericordia eius.* Autrement, nous pouons considerer Dieu qu'il n'est pas seulement bon

Sainct Pierre en l'Epistre du iourd'huy nous enseigne que
est que
Dieu.

I. Petr. I.

I. Petr. I.

Ce nom de
Dieu signifie
l'essence
de Dieu, &
la nature de
Dieu.

Psal. 119.

bon en soy, en sa nature & essence, mais aussi en nous, parce qu'il nous donne & espend les effects de sa bonté sur nous, sçavoir est la remission de noz pechez, sa grace. Et en considerant sa grace & benefices, ie le louë & le remercie : autrement ie louë Dieu, n'ayant point esgard à moy, mais à Dieu, car il est bon en sa nature, cela procede de la pure charité de Dieu, & aussi ie louë & remercie Dieu pour les biens & graces qu'il m'a faicts, de m'auoir crée, de m'auoir faict chrestien, & qu'il m'a donné des parens, gens de bien, qui m'ont bien instruit, par lesquels i'ay entendu mon salut. I'ay esté long temps vagabond, & retiré de Dieu, & maintenant i'en suis pres, ie suis de ses seruiteurs. Et en considerant l'affection &

Nous deuons louer Dieu, & luy rendre graces, pour beaucoup de biē qu'il nous a faict.

bon vouloir que Dieu me porte, ie le louë, ceste louange est bonne, elle vient de la charité de Dieu: mais elle n'est pas si bonne que la premiere, car seruir à Dieu, le louier, regardant seulement à Dieu, cela est plus pur, plus simple & plus agreable à Dieu, que de le seruir pour la retribution, car il y a de l'amour & affection propre & de foy. Sainct Pierre dit: *Benedictus Deus*. Loué soit Dieu, & que nous a il faict? quelle occasion auons nous de le louer? *Regenerauit nos in spem viuam*. Il nous a regene-

1. Pet. 1.

rez en esperance viue: par cecy S. Pierre nous donne bien à entendre quels nous estions anant nostre regeneration. Nous auons esté premierement engendrez d'Adam, nez & conceuz en peché, enfans d'ire & de damnation eternelle, & Dieu qui est infiniment bō & misericordieux.

Secūdum misericordiam suam magnā regenerauit nos in spem viuam. Ceste regeneration est faicte aux saints fons de

1. Pet. 1.

Baptême. Nous estions enfans du diable, & à present nous sommes enfans de Dieu, heritiers de Dieu & coheritiers de Iesus Christ. No^s estiōs heritiers de la mort, & nous sommes heritiers de la vie. Donc nous sommes regene-

rez par nostre Seigneur Iesus Christ, qui est nostre esperance, & nous donne la vie & felicité eternelle. Notez q̄ sainct Pierre nous donne à entendre que no^s sommes regene-

Nous n'auōs pas meritē, au parauant que Iesus

rez par nostre Seigneur Iesus christ, pour auoir esperance viue, ce qui ne procede pas de nostre merite & euere precedente, par lequel nous auons

Pour le iour

Christ nous
faict chre-
stiens.

Tit. 3.

L'homme qui
est en la gra-
ce de Dieu,
peult faire
les eures
qui sont me-
ritoires de la
pieternelle.

merité estre regenez: Ceste regeneratiō est, que ie suis chrestien, & ie n'ay point faict d'eure au parauant par lequel i'aye merité estre faict chrestien, car ie n'auois pas vlsage de raison. Quel bon eure faict le Turc, l'infidele, pour estre appellé à la chrestienté? Il ne faict point d'eure meritoire, car il n'a pas la foy, & l'eure est meritoire, si elle procede de la foy & charite de nostre Seigneur. Et pourtāt S. Pierre dit, que ce n'a pas esté par noz merites, que nous auons esté regenez pour auoir l'esperace viue, *sed secundum misericordiam suam magnam*, c'est à dire, selon la grande & riche misericorde de nostre Seigneur, qui dūes est in misericordia, comme dit S. Paul: *Non ex operibus iustitiæ quæ fecimus nos, sed secundum suā misericordiam saluos nos fecit*. Ie suis chrestie, regeneré, & ie vis en esperance de la vie eternelle, cela vient de la grace & misericorde de Dieu, & nō pas par mon eure. Et pource, l'eure du Turc n'est point comptée pour merite de la vie eternelle. *Quia quod non est ex fide, peccatum est*. Et pource, son eure n'est point agreable à Dieu, car il n'a poit la foy, Dieu l'appelle, il touche son cueur & le cōuertist: ceste vocation & couersion au baptesme, est de la misericorde de Dieu. Et l'homme estant en l'amour de Dieu, il peult faire les eures qui sont meritoires de la vie eternelle. Ainsi saint Pierre dit, que nous sommes regenez par la grande misericorde de Dieu. *In spem vitam*. Comme nous disons, que la foy est morte & inefficace sans les bonnes eures, ainsi que le corps est mort sans l'esprit, aussi la foy viue, c'est la foy avec les eures: comme Abraham a creu à Dieu, & s'est efforcé de sacrifier son fils, par le commandement de Dieu. La foy d'Abraham estoit efficace & viue: *Erat fides quæ per charitatē operatur*. Il y a aussi vne esperance qui est morte, c'est l'esperance que lon met en l'homme, & au monde: & ceste esperance ce n'est que malediction: *Quia maledictus qui confidit in homine, & ponit carnem brachium suum*. Mauldiēt est l'homme qui met sa fiance & son appuy sur la chair. *Quia omnis caro fœnum*. L'expectation mondaine, c'est vne esperance inutile & vaine. L'espere en vain, quand ie suis frustré de mō esperance. L'auray tousiours

esperé en vn homme, & ie le viens à requerir de quelque chose, & il ne me peult ayder, ou il ne veult, & par cela ie suys frustré de mon esperance & attente: Parquoy l'esperance charnelle & du monde est vaine, morte, & ioutile: elle engendre la mort: Vous le voyez souuent aduenir. Il y a vne autre esperance viue, de laquelle parle saint Pierre en l'Epistre du iourd'huy. *Qui regenerauit nos in spem viuam. Spes est certa expectatio futura beatitudinis ex gratia & meritis proueniens.* C'est vne attente de la future beatitude, prouenant de la grace de Dieu, & de noz merites. Dieu est nostre vie. I'espere la vie eternelle, ie m'appuie sur luy & en mes bonnes euures faictes en sa grace, c'est vne viue esperance, non pas pour esperer les choses caduques, mais la vie eternelle: Parquoy celuy qui est chrestien & a autre esperance, & met son appuy sur l'homme: il degenerate & est bastard, car Dieu ne nous a faicts sinon pour esperer en luy, & iamais l'homme n'est trompé ny deceu d'esperer en Dieu: comme il est frustré & deceu en esperant aux hommes. Saint Paul aux Romains dit: *Spes non confundit.* L'esperance que le bon chrestien met en Dieu, n'est iamais confondue, c'est à dire, qu'elle ne rend point l'homme confus ny frustré de son attente, comme il est d'auoir esperé en l'homme, car il n'a pas ce qu'il a esperé. L'escripture dit: Consideriez toutes les nations des hommes, depuis Adam, & voyez si quelqu'un esperant en Dieu, y a esté confondu. Donnez moy vne personne, qui ait esperé en Dieu, en l'observation & continuation de garder ses commandemens, qui ait esté trompé & deceu. Et pourtant: S. Paul dit: *Spes non confundit.* Il estoit si bien asseuré de son attente, qu'il dit: *Scio enim cui credidi, & certus sum.* Ie ne suis point confus pour les grandes persecutions & maux que i'endure pour l'honneur de nostre Seigneur: on ne me faict pas de honte, mais ie sçay bié quelle est la vertu & vouloir d'iceluy sur lequel ie m'appuie, & pource, ie n'en suis point confus ny honteux: *quia potens est, depositum meum seruare in illum diem.* Viuez donc selon la condition Chrestienne, & faictes de bonnes euures, & ie vueil estre damné si Dieu vous default, si il ne vous don-

ne la vie éternelle. Mais par qui sommes nous régénérés ? qui a été le moyen ? S. Pierre dit : *Per resurrectionem Iesu Christi ex mortuis*. C'est par nostre mediateur Iesus christ, par sa resurrection de mort à vie. Notez, que le principal fondement de la foy, c'est la resurrection, sans laquelle il seroit impossible d'auoir attente & esperance en Dieu. Le moyen, l'appuy de nostre esperance, & attente, c'est la resurrection des morts. Et d'icelle resurrection, la resurrection de nostre Seigneur est cause, car s'il ne fust resuscité, nous serions encore tous en peché, & nostre foy & esperance seroit inutile & vaine. S. Paul dit : *Gloria, honor & pax omni operanti bonum*. Ce n'est pas en ce monde que le seruiteur de Dieu est loué & remuneré, mais y a des tribulations & afflictions, suyuant la promesse que nostre Seigneur fait aux siens, disant : *In mundo pressuram habebitis*. Il ne faut donc esperer en ce monde gloire, honneur, ny remuneration & loyer, mais faut esperer de l'auoir en la future resurrection. Souuēt le iuste & homme de bien, est plus affligé & tourmenté en ce monde, que le pecheur & meschant : lequel compare bien qu'il merite auoir du mal, & de l'affliction en ce monde, il est iustifié, & pour bien mentir, il est creu : & l'homme de bien est reputé comme vn meschant, ainsi que dit saint Paul : *Vsque in hanc horam esurimus, & siti-mus, & nudi sumus, &c.* Les meschans sont esleuez en honneur, & les iustes son affligez, comme saint Paul, & les autres Apostres. Et le Prince & auteur des iustes, qui est Iesus christ, il est crucifié & mis entre deux larrôs. Saint Paul dit : *Memor esto Dominum nostrum Iesum Christum resurrexisse à mortuis, ex semine David*. Il n'y a rien qui plus fortifie l'homme, que de rememorer la resurrection de nostre Seigneur. Saint Iehan dit : *Totus mūdus in maligno positus est. Omne quod est in mundo, aut est concupiscentia oculorum, aut concupiscentia carnis, & superbia vite*. Tellement que toute abondance de peché est au monde. Les gens vertueux seruēt de l'atérne aux mauuais. Et la reigle generale est, que *Omnes qui piē volunt viuere in Christo Iesu, persecutionem patientur*. Depuis Adam iusques à maintenant, ceux qui ont voulu seruir à Dieu, ils ont enduré

Rom. 2.

Le plus sou-
uēt l'homme
de biē & iu-
ste est plus af-
figé en ce mo-
de que le me-
chant.

1. Cor. 4.

du mal. Voyez Abel, qui est persecuté & tué par son frere Cain. Il seroit impossible d'endurer les tribulations & aduersitez que nous auons en ce monde, n'estoit l'esperance que nous auons en la future resurrection. Dieu est iuste, & sera retributeur à vn chacun selō ses eures. Et quand ie pense, & sçay bien que ce n'est pas auourd'huy le temps pour receuoir icelle retribution, ie ne seray mal content de ne l'auoir en ce monde, car i'attens & espere certainement de l'auoir en l'autre: & n'estoit ceste attente & esperance que i'ay en Dieu, ie defaudrois à la premiere tentation, ie ne la pourrois porter. Vous voyez que l'enfant auquel appartient le biē de son pere, il ne se fasche point s'il n'en iouist durāt la vie de ses pere & mere, mais apres leur mort, qui l'empescheroit de iouir d'iceluy bien, il auroit occasion d'estre fasché: Aussi ne me doy-ie fascher, si i'endure des aduersitez en ce monde, & si ie ne iouys de mon loyer & retribution, car ce n'est pas le temps en ce monde auquel il la fault receuoir, mais la fault receuoir en l'autre: Mais si ie suis mort en peché mortel, ie suis damné, c'est vne peine perpetuelle: Ou si ie suis mort en peché veniel, duquel ie n'ay faict penitence en ce monde: ou cōbien que ie ne sois point mort en peché veniel, neātmoins ie n'ay pas satisfait à la penitence pour la peine deüe à mes pechez, il en fault endurer la peine en purgatoire: & suis reculé & priué de la vision de Dieu pour quelque temps, combien que ie sois asseuré de mon salut. Et pource que c'est le temps de posseder mon heritage, & i'en suis retardé & reculé, ie m'en fasche & marris: le temps de ce monde, ce n'est pas pour estre bien ayse. Le bon Chrestien ne se fasche point s'il est mal traicté, car il n'y a bien qui ne soit plus aliene du bon chrestie, que de chercher ses aydes & plaisirs en ce monde, comme dit saint Iehan Chrysostome: *Nihil alienius Christiano quā hīc habere delicias*. Doncques, mettons nostre appuy sur ceste attente & esperance: car nous auons esté regenez en l'esperance viue, par nostre Seigneur Iesus Christ, qui est le premier ressuscité, & l'auteur de nostre resurrection: mais qui est ce bien que nous attendons par le

*Dieu à vn
chacun re-
tribuera selō
ses eures.*

Purgatoire.

*Le temps de
ce mōde n'est
pas pour estre
à son ayse.*

*Iesus Christ
est l'auteur
de nostre re-
surrection.*

Pour le iour

merite de Iesus Christ? Sainct Pierre dit, que c'est vn heritage incorruptible. Toutes choses de ce mōde sont corruptibles & transitoires. *Mundus transit, & concupiscentia eius.* Tous les biens de ce monde, & sa concupiscence se passe. Qui est ce doncques qui demeure eiernellement?

I. IOAN. 2.

Qui autem facit voluntatem Dei, manet in aeternum. Doncques tout ce qu'on peult veoir en ce monde est corruptible : & ce qu'on desire est incorruptible, comme dit sainct Pierre. *In hereditatem incorruptibilem, & incontaminatam.* L'heritage que nous esperons auoir en l'autre mōde, il est incōtaminé, & sans macule. Aucunesfois vn pecheur indigne de tous biens entre en vn heritage, mais l'heritage de Dieu, nul ne le peult auoir & en iouir s'il n'est dehors de macule. Peché mortel c'est vne macule qui me priue du tout de l'heritage, & du droict de paradis. Quiconque meurt en peché mortel, il ne iouira iamais de son heritage, il en a perdu son droict. Peché veniel ne faict pas perdre le droict de paradis : car il compatit avec soy l'amour & grace de Dieu : mais il retarde de iouir d'iceluy heritage de paradis. Il y a aucunes macules, qui ne sont mortelles ny venielles, toutesfois elles me reculent & rerardent de l'heritage de Dieu : Ce sont les reliques de peché, c'est à dire les peines que nous deuons porter pour les faultes & pechez que nous auons commis : car combien que ie sois absouls de la coulpe, encores demeureray ie tenu & obligé d'endurer la peine en ce monde ou en purgatoire, & iusques à tant que ie sois du tout purgé, ie n'entreray iamais en paradis. Et ceste penitence ce sont les reliques de peché. Et pourtant paradis est appellé l'heritage incontaminé : car on n'y entre point que premierement on ne soit purgé de macule & de toute ordure contractez par pechez. Et pourtant dit Dauid. *Amplius laua me Domine ab iniquitate mea, & à peccato meo munda me.* Seigneur Dieu par vostre grace & bonté vous m'avez laué de mō peché, & ie vous prie qu'il vous plaise de m'en lauer & purger encores d'auantage. Dieu nous purge, & nous endurons de bon cuer pour l'amour de luy. Et tant plus nous endurerons en ce monde, tant moins endurerons nous en

Combiē que
soyons ab-
soulz de la
coulpe, il
faulz que nous
endurons la
peine en ce
monde, ou en
purgatoire.

l'autre. Il ne fault doncques pas craindre ny estre marris des peinès & tribulations que nous endurons en ce monde. Voicy le quaresme qui vient, nous soucions comment c'est que nous ieusnerons, il sera bien difficile, car il n'est point d'herbes: & bien, tant plus la ieusne est forte, & que vous endurez plus en ce monde pour l'honneur de Dieu, tant moins endurez vous en purgatoire. Et quand nous endurerons toutes les peines & tribulations de ce monde, ce n'est rien au pris d'estre vne heure en purgatoire, tant y est grande la peine. Les ames endurent la peine du feu, mais leur plus grande peine c'est ne veoir point Dieu, c'est la retardation de la visio de Dieu. Et ceux qui sont en purgatoire, comme dit saint Iean Chrysostome, ce leur est vne peine intolérable, car ils se voyent en aage pour tenir & iouir de leurs biens, & ils ne iouiront de paradis, qui est le souuerain bien, iusques à ce qu'ils ayent satisfait en purgatoire. Et en ieusnant vous meritez paradis & rachetez les peines de purgatoire, vous accelerez & auancez la iouissance de vostre heritage & irez plustost en paradis. Et tant plus vous demandez vostre aise & de complaire à vostre chair, tant plus vous meritez de demeurer en purgatoire, & vous retardez de la vision de Dieu, & pourtant quand Dieu a eu remis & pardonné la coulpe & offense du peché de Dauid, & non pas la peine. il dit à nostre Seigneur: *Implius laua me domine, &c.* Seigneur Dieu ie vous prie qu'il vous plaise de me purger des reliques de peché, afin qu'en partant de ce monde ie puisse estre si bien lauë & purgé, que ie sois tout prest & capable d'auoir l'heritage, & vous veoir eternellement. O Chrestiens! c'est vn merueilleux bien que Dieu nous fait par nostre seigneur Iesus Christ son vray fils naturel, de nous regenerer en esperance viue. *Regenerauit nos in spem viuam.* Ceste esperance viue est appuyée sur la resurrection de nostre seigneur Iesus Christ. Et l'heritage que nous esperons & attendons, est incorruptible, sans macule, il n'a point de fin. Et pour y entrer il nous fault estre sans macule, & tous purs, comme est l'enfant baptisé. L'ame est lauëe & purgée par le saint sacrement de

*En ieusnant
en la grace
de Dieu vo^s
meritez pa-
radis.*

*Vne belle pe-
tite craison.*

Pour le iour

baptême, aussi est elle par le saint sacrement de penitence. Et ainsi que l'ame n'entre point en paradis sans qu'elle soit bien nette & purgée, aussi ne fait le corps. Vous voyez que nostre corps est graue, pesant & enclin à mal, comme dit l'escriure. *Corpus quod corrumpitur aggrauat animam, & deprimit sensum multa cogitantem.* Le me seray confessé du peché de vaine gloire & semblable: Et incontinant apres ie me sens encores enclin & prouoqué à mal. Et ceste mauuaise inclination ce sont les reliques de peché, combien qu'en cela il n'y a pas de peché: car ie les sens contre mon vouloir, & en suis desplaisant. Et il en fault estre purgé auant que d'entrer en paradis, *Quia nihil coinquinatum intrabit in regnum caloram.* Et nostre seigneur Iesus Christ par son merite nous a donné entrée à cest heritage. Le m'esbahis mes amis, comment nous trauillons si peu pour vn si grãd bien. Saint Paul dit, *Omnis qui in agone contendit ab omnibus se abstinere, & illi quidem vt corruptibilem coronam accipiant, nos incorruptam.* Ceux qui courent pour auoir le pris, le loyer, ils ostent tout empeschement, afin de mieux courir: combien qu'il ne soit question que d'un bien temporel & transitoire. Et ie vous en fais iuges: S'il est question d'un bien temporel, ne ferez vous pas plus occupez & plus diligens pour l'acquerir que le spirituel? nous sommes tant froids & tepides pour le spirituel, mais s'il est question du temporel, vous voyez qu'un marchand va iour & nuit, il va au deuant & preuient pour l'achepter, mais s'il se fault confesier ou faire quelque autre bien spirituel, on y va si laschement Il fault tirer avec vn hauet, c'est pitié. Saint Iean dit. *Vtinam frigidus esses aut calidus, sed quia tepidus es, nec frigidus, nec calidus, incipiam te euomere ex ore meo.* Pour le present. Dieu dit, *Vtinam.* que tu fusse tout Chrestien, ou tout infidele, mais pource que tu es tepide, & n'es ny chaud ny froid, ie te euomiray de ma bouche, car tu ne veux bien faire par crainte de la peine, ne par amour. Ma damnation ne seroit pas si grieue, si i'estois du tout demeuré infidele, qu'd'estre mauuais Chrestien: car si ie suis damné, dont Dieu me vueille garder, & vn chascun de vous, les graces qui m'auront esté donuées me se-

Sapient. 9.

Apoc. 21.

1. Cor. 9.

Nous sommes tant tepides pour le spirituel.

Apoc. 3.

ront obiectées & mises deuant les yeux en tesmoigna-
 ge contre moy, que i'ay merité plus grande damnation.
 Il y a mill: Turcs qui fussent meilleurs que moy, s'ils
 eussent eu les graces que i'ay eues. Dieu n'est pas tenu
 de me faire plus de grace qu'à vn infidele: & neant-
 moins par sa grace & bonté, il m'a tant fait de biens &
 de graces, desquelles i'abuse par ma meschante vie, à rai-
 son dequoy il me obiectera cela à la mort, & me dira: Je
 vous auois donné telle & telle grace, & au lieu d'en bien
 vser, vous en avez abusé: & par cela il me monstre & dō-
 ne bien à cognoistre que ie suis digne de plus grande
 damnation, comme il est dit en l'Euangile, que Dieu fe-
 ra plus doux iugement à ceux de Sodome & Gomorre,
 qu'il ne fera à ceux de Tyron & de Sydon, & de Ca-
 pharnaum: car s'ils eussent eu les signes & miracles que
 ceux-cy ont eus, ils eussent fait penitence. Et pource,
 mes amis, ie crains qu'au iour du iugement les infideles
 nous condemnent, *Comparatione facta*: car si nous som-
 mes damnez: nous le ferons plus griefuement que les
 infideles. Plusieurs Turcs & infideles font des euures
 qui sont bonnes de foy, & ne reste que d'auoir la foy
 qu'ils ne soient sauuez. Voila nostre esperance, abstenōs
 nous de peché, & soyons froids ou chauds. Soy abstenir
 de mal faire par crainte de la peine, c'est estre froid: &
 soy abstenir de mal faire pour la charité & amour que
 lon a en Dieu, c'est estre chaud, mais celuy qui est repi-
 de, Dieu l'eumira de sa bouche: car crainte ny amour
 l'esmeut de bien faire, c'est à dire que Dieu ne tiendra
 compte de luy. Et n'y a plus grand mal que d'estre de-
 laissé de Dieu. Ne craignez vous point? Lisez les hystoi-
 res, tant des escritures saintes que prophanes, & vous
 voirrez comment pour tel vice Dieu a enuoyé les Pro-
 phetes, Ieremie & Esaie, & on a contemné leur admoni-
 tion. Et en punition de ce contemnement, Dieu leur a
 enuoyé captiuité. Ils ont esté ravis, pillez: Et nous voyōs
 tels maux regner. Ne devons nous doncques pas bien
 craindre la punition? Et combien que nous nous voyons
 si opprimer, & iusques au bout, nous ne nous amendons
 point: Chacun veult estre particulier, & demande le sien.

Dieu n'est pas tenu de me faire plus de grace qu'à vn infidele

Matth. 10.

Desister de mal faire de peur de la peine, c'est estre froid.

Pour le iour

*Nous deuons
estudier à
faire tout ce
qu'est plai-
sant à Dieu,
& fuir tout
ce qui luy
desplait.*

Nous sommes plus aux bombans, delices, banquets que iamais. S'il estoit question des habillemens, il y a tant de nouuelles façons que merueilles. Et au lieu d'imprimer Iesus Christ en noz cueurs, & de noz enfans, nous les mettons au monde, & au plus hault lieu que nous pouuons. Et ou est vostre esperance, vous qui prenez ainsi voz plaisirs & delices en ce monde? Que sera il de vous, quand il faudra mourir? Nous deurions estre si diligens à bien faire, que tout ce que nous faisons vint à prouffit & salut, nous estudians & mettans peine de tout nostre pouuoir, que ce que nous faisons & disons, fust agreable à Dieu, & fuir pareillement tout ce qui luy desplait: car en ce que Dieu ne prend plaisir, la chose est perdue. Or bien, Dieu soit avec nous, lequel i'espere qu'il nous donnera la grace de nous amender, & qu'il ne nous punira point à la rigueur, ains qu'il nous pardonnera, selon son abondante grace & misericorde, laquelle il nous donnera, s'il luy plaist en ce monde, & sa gloire en l'autre, Amen.

Autre sermon dudit iour.

*Iesus Christ
demande la
leçon à ses di-
sciples.*

Nous disions aujourd'huy au matin, que nous deuons estudier à apprendre Dieu, & nous mesmes. Et si nous ne cognoissons Dieu & nostre seigneur Iesus Christ, nous ne le pouuons louer ny esperer en luy. Et si nous ne nous cognoissons, nous ne nous pourrons humilier, ne supporter nostre prochain en charité. Voila nostre estude. Et pourtāt, bien heureux est celuy qui cognoist Dieu & soy-mesme: c'est la vie eternelle, de cognoistre Dieu & soy-mesme. Nostre Seigneur est venu en ce monde, pour nous apprendre Dieu, & à nous cognoistre. Par sa doctrine & miracle, il nous a donné à cognoistre Dieu, & par sa conuersation il nous a appris humilité, & de nous cognoistre. Et ainsi nostre seigneur Iesus Christ en tout & par tout il est nostre docteur, comme il est escrit en l'Euāgile du iourd'huy. Nostre Seigneur a voulu scauoir comment ses Apostres auoient prouffit avec luy,

& ce qu'ils auoient aprins depuis qu'il les auoit appellez avec luy, & à son escole & seruice. Il leur demande leur leçon pour veoir s'ils ont bié prouffité. *Venit Iesus in par-* *Matth. 16.*
tes Cesaræ Philippi, & interrogabat discipulos suos dicens.

Quem dicunt homines esse filium hominis? Nostre Seigneur est venu en Cesarée, & a interrogé ses disciples, leur disant: Que dit on de moy? quelle opinion de moy a le peuple? Il ne demande pas quelle opinion en auoient les Scribes & Pharisiens, car ils en auoient mauuaise opinion, disans qu'il estoit yurongne, gourmand, amy des pecheurs & publicains, qu'il estoit demoniacle, &c. Voila le sentiment qu'ils en ont, parquoy ils monstrent bien que ils ne vallét rien, combien que sont ceux qui en deuroient mieux sçauoir & sentir, tant au cueur qu'en la bouche, & ils sont tombez en leur cecité, par-ce qu'ils ne l'ont pas voulu cognoistre. *Quem dicunt ergo homines esse filium ho-*

minis? Si aujourd'huy on demande, Que dit on, & quelle opinion a on de Dieu? On n'en parle point, c'est aujourd'huy grand pitié, & misere que de nous & de nostre maniere de viure, considéré que Dieu est en si mauuaise opinion & estimation enuers le monde. Et si quelqu'un parle de Dieu, on dit: & qui est celuy là? c'est vn hypocrite. Aujourd'huy en plusieurs lieux, qui veut parler de Dieu, il n'est pas bien venu ny recueilly, mais dit on: voila vn refueur, vn facheux, & veut il estre plus saint que nous? Mais au contraire, S'il veut parler de choses plaisantes, mondaines & voluptueuses, on dit: voila vn personnage de bon esprit, & compagnable, il est le bien venu, car il ne parle point de Dieu, & Dieu est mis en derriere avec les pechez oubliez: c'est grand pitié, que Dieu qui est tant amiable, soit odieux, & que vertu ne reuiet point au cueur, on n'est point bien voulu. Si quelqu'un dōne du passe temps & de la recreation mondaine, on dit, il dit bien, il a tresbonne grace, il le fault tousiours auoir avec nous, pour nous descennuyer, *Les mōdains*
 mais si quelqu'un parle de Dieu, on dit qu'il ne parle pas *ont à contre-*
 bien, qu'il ne fait que refuer, & que c'est vn fol & *cueur, ouyr*
 ydiot. Il ne fault doncques pas demander aux mondains *parler de*
 & charnels, que c'est qu'ils disent de nostre Seigneur, car *Dieu.*

Pour le iour

ils l'ont en indignation & contrecueur. L'escriture dit: *Grauis est nobis ad videndum*, pourautant qu'il contrarie à nos eures, il ne nous est pas bon. Or nostre Seigneur ne demande pas à ses disciples, que c'est que disent de luy les grans, les mondains & voluptueux, mais comme dit saint Luc. *Quum me dicunt esse turba?* Il demande seulement l'opinion du vulgaire, du simple peuple, qui n'est point meu d'enuie cōtre nostre seigneur. Et pource, leur dit-il. Quelle opinion a de moy le simple peuple? Nous auons icy exemple par la doctrine de nostre seigneur, qu'il est bon de nous enquerir, que c'est que lon dit de nous. Origene dit, que sans orgueil on se peut enquerir quelle est la renommée & opinion de nous enuers le peuple, si elle est bonne ou si elle est mauuaise. Si elle est mauuaise, il fault tascher à l'amender & corriger, en ostant le scandale & mauuaise opinion que lon a de moy. Et si le bruit en est bon, taschons à nous humilier & continuer pour l'honneur & gloire de Dieu, & à l'edification du prochain. Et principalement vn supérieur, comme nostre Seigneur a fait, en demandant à ses disciples: Que dit on de moy, du fils de l'homme? Si on dit qu'on est mal edifié de moy, ie me veux garder. Aucunes fois ie me complairay en quelque chose, dont on est scandalisé.

*Si on est mal
edifié de moy
il fault nous
amender, &
si biē il fault
louer Dieu
& perseue-
rer.*

Sum cecus in proprio facto. Et pource, il me fault demāder à vn autre. Est on point mal edifié de moy? Si on en est mal edifié, il s'en fault corriger & amender. Et si on est bien edifié de moy, il en fault louer Dieu, & perseuerer. Aucuns disent, ie ne me soucie que lon dise de moy, pourueu que Dieu soit content de moy. Ce n'est pas assez, ie me dois si bien conduire, selon Dieu, que lon soit bien edifié de moy. Il fault estre bon, & bien faire, non seulement deuant Dieu, mais aussi deuant les hommes. *Prouidentes sibi non solum coram Deo, sed etiam coram hominibus.* Il y a. *Conscientia sibi, & fama proximo* Il fault que l'eure soit faite en telle prudēce, que tant soit peu on n'en soit point scandalisé ny mal edifié. Et que ma parolle soit si saine que par icelle ie ne donne occasion de scandale, ny de mauuaise edification. Il fault auoir prudēce & discretion, laquelle, comme dit Aristote, est la plus

grande de toutes les vertus. *Est auriga virtutum, & habitus electius*. Il est impossible de trouuer vn bon cure, sans prudence. Et il peut aduenir, que combien que l'euure pourra estre bon de foy, neantmoins à cause qu'il est faict imprudemment, il est au scandale du prochain. Donques nostre seigneur demâde que c'est qu'on dit de luy, quel bruit & opinion on en a, qui c'est que lon estime estre le vray Messias & promis en la loy? Les vns d'entre le peuple disent, que c'est Ieremie, qui est le vray prophete & Messias, & les autres disent que c'est Iean Baptiste, les autres Elie, ou quelque vn des prophetes. Et l'opiniõ de tous ceux là n'est pas vraye: car ce n'est ny Ieremie, ny Iean Baptiste, ny Elie, ny aucun des prophetes qui sont le vray Messias & redempteur de tout le monde. Apres que nostre seigneur a eu reprouuë l'opinion du peuple, il demande à les disciples. *Vos autẽ quem me esse dicitis?* Il y a long temps que vous auez eût à mon escole, dictes vostre leçõ, à vostre aduis qui est le Messias? *Vos autẽ quem me esse dicitis?* Que dictes vous de moy? qui suis-ie? Et S. Pierre, illuminé du S. Esprit, respond pour luy & pour les compagnons, & dit: *Tu es Christus filius Dei viui*. Tu es le Christ, le fils de Dieu viuant, c'est toy qui es le vray Messias, auquel cõsiste nostre vie, nostre salut & esperance. S. Pierre a confessé de bouche & creu de cuer la foy catholique. Nostre seigneur Iesus Christ est appellé le fils de l'homme, c'est à dire, le fils de la glorieuse vierge Marie. *Christus, id est, vnctus, vt homo*. Il a esté remply de la grace du saint Esprit, plus que tous les hommes. *Propterea vnxit te deus deus tuus oleo letitie pre-participibus tuis*. Parquoy, quand saint Pierre dit à nostre seigneur. *Tu es Christus*, il confesse son humanité & sa diuinité, quand il dit: *Filius dei viui*. Nous confessons que Iesus Christ est fils de Dieu viuant, qu'il est vray Dieu & vray homme, fils de Dieu & fils de la benoiste vierge Marie, comme il y a au Symbole d'Athanasie, *Est ergo fides recta, vt credamus & confiteamur, quia dominus noster Iesus Christus Dei filius deus & homo est: deus est ex substantia patris ante secula genitus: & homo est ex substantia matris in seculo natus*. Voyla l'opinion &

*Iesus Christ
est appellé
le fils de l'hõ
me, c'est à di
re, de la vier
ge Marie.
Hebr. 1.*

Nous cher-
chons les
saincts afin
que par leurs
prieres nous
paruenions à
Iesus Christ
qui est nostre
fin & salut.

confession de saint Pierre, qui est veritable & catholique & non pas celle du peuple. C'est comme si nostre seigneur Iesus Christ demandoit: qui est celuy qui est estimé redempteur & reconciliateur du monde, auquel consiste la vie & expectation de l'homme? Je n'oserois dire que ce soit saint Pierre, saint Iean ny quelque autre saint de paradis, car mon salut n'est pas en eux, mais ie les cherche pour paruenir à nostre seigneur, qui est ma fin & mon salut, *Quia non est aliud nomen datum hominibus, in quo oporteat nos saluos fieri.* Il n'y a que nostre Seigneur Iesus Christ, qui nous ayt deliurez de noz pechez, en nous donnant vie eternelle, par le moyen du merite de sa mort & passion. Et en son precieux sang, il a laué noz pechez. Et les benoists saincts de paradis, specialement la glorieuse vierge Marie nous impetrent par leurs merites & prieres, que le benoist & precieux sang de nostre seigneur Iesus Christ nous soit appliqué & nous vaille, vn fruit de la mort & passion de nostre Seigneur, c'est la remission de noz pechez. Et ainsi il est souverain mediateur. En qui voulez vous donc colloquer vostre fin & vous arrester? principalement en nostre Seigneur, & combien qu'il soit nostre mediateur, nous appellons aussi les benoists Saincts noz mediateurs, mais c'est autrement: car nostre Seigneur Iesus Christ a satisfait pour noz pechez & par les prieres des saincts, & par leurs merites, il nous est appliqué: & en telle sorte ils sont noz moyens, mais la grace de Dieu ne nous est iamais donnée, que par le moyen & merite de nostre Seigneur Iesus Christ. Quand saint Pierre a eu fait respōse à nostre seigneur en disant: *Tu es Christus filius dei viui.* Nostre Seigneur l'a beatifié, & luy a dit: *Beatus es Simon Bariona, quia caro & sanguis non reuelauit tibi, sed pater meus qui in calis est.* Nostre Seigneur beatifie saint Pierre, car la leçon qu'il dit en confessant nostre Seigneur, estre vray Dieu & homme, le vray Messias & redempteur de tout le monde, il ne l'a pas apprise par le sens & esprit humain, mais c'est le saint esprit qui luy a reuelé. Tu es bien heureux Pierre, de cognoistre & cōfesser la verité. Mes amys, la principale puissance donnée de Dieu à l'homme, c'est la volon-

ré, & l'obiet de la volonté, c'est bonté, i'amaïs nous ne desirôs le mal, mais quand nous voyôs vne chose bonne, nous la desirons. L'entendement est en peine. quâd nous faillons, & iusques à ce qu'il vienne à la verité, il ne repose point, & tousiours la volonté appete, iusques à tant qu'elle soit rassasiée. *Inquietum est cor meum, donec quiescat in te.* Iusques à tant que ie iouïsse du bien souverain qui est Dieu, mon cuer ne sera point rassasié & à repos. La volonté & l'entendement, sont les deux principaux en l'homme. Le contentement de la volonté, c'est iouir du souverain bien, & la creature ne peut estre le souverain bien, car toute creature est subiecte à vanité, mutation & corruption. Et s'il y a quelque bié en elle, ce n'est pas par nature & essence, comme en nostre Seigneur, lequel seul peut contenter & rassasier l'entendement & l'esprit de l'homme. Et tant plus quelqu'un iouïst de Dieu, tant plus sa volonté & entendement est en arrest & à repos. Et pource, *Quem dicunt homines esse filium hominis?* Les biens de ce monde & honneurs ne peuvent contenter. Qui est le vray & souverain bien de l'homme, & qui le peut rassasier? c'est seulement Iesus Christ, les biens de ce monde, les honneurs & faueurs de ce monde ne me peuvent contenter. Vn avaritieux, tant plus en a, & tant moins est content. Qui est donc le contentement & la satiation de l'homme? c'est nostre seigneur Iesus Christ, le parfaict appuy & arrest, c'est quand l'homme iouïst parfaitement de nostre seigneur. Desirez vous quelque chose meilleure que cela? Et pource que le bien que i'ay est moindre, i'en desire vn plus grand. La creature ne peut contenter la volonté & l'entendement de l'homme, il n'y a seulement que la souveraine bonté & verité, qui est Iesus Christ. Sainct Pierre dit: *Tu es Christus filius dei vivi.* Je croy de cuer & confesse que tu es le fils de Dieu vivant, non point comme les autres par adoption, comme nous sommes faicts enfans adoptifs de Dieu par la regeneration du baptesme. Il a esté vn temps, que nous estions enfans de mort, & par le baptesme nous sommes faicts enfans de Dieu: les bons & vertueux sont dits enfans de Dieu, comme dit le Psalmiste: *Ego dixi dixisti, & filij excelsi omnes.* Mais nostre seigneur Iesus

Pour le iour

Christ, il est vray Dieu & vray homme. *Cum in forma dei esset, qui predestinatus est filius dei in virtute*. C'est à dire, en egale bonté & maiesté de Dieu. Sainct Pierre donc dist à nostre Seigneur. Je croy de cuer & cōfesse de bouche, que vous estes le vray fils de Dieu naturel. Et nostre Seigneur luy dit: *Beatus es Simon Bariona, quia caro & sanguis non reuelauit tibi*. Tu es bien heureux de sçauoir cela, l'homme ne te l'a pas reuelé, ny enseigné. *Nemo nouit patrem nisi filius, & nemo nouit filium nisi pater, & cui uoluerit filius reuelare*. Le mystere de la benoïste Trinité n'est point cogneu naturellement, mais par reuelation du sainct Esprit. *Reuelauit autem nobis deus per spiritum suum*. On n'apprend pas cela à l'escole du monde, mais

Les charnels en l'escole de Dieu. *caro & sanguis non reuelauit tibi*. c'est
& voluptueux ne peu- à dire, vn homme ne t'a point enseigné cela, ou par la
uent entendre chair & le sang, nous entendons les vices, *caro & sanguis*
la leçon de *regnum dei non possidebunt*. Les charnels & voluptueux
Iesus Christ. & vitieux ne peuuent entendre ceste leçon, *Quis sit Chri-*
 stus. La sapience de Dieu n'habite point en vn cuer subiect à peché, car vice & peché empeschent la cognoissance de Dieu: Et pourtant sainct Pierre n'a pas appris ceste leçon en l'escole du monde, car on n'y apprend qu'à oublier nostre Seigneur: mais il l'a appris à l'escole de Dieu. Mais quand il a delaisié ceste escole, & qu'il s'est trouué en la maison d'Anne, il a tout oublié & a renoncé son maistre. En l'escole de nostre Seigneur, on y apprend verité & humilité, & en l'escole du monde on y apprend à oublier Dieu, c'est pitié, il en y a que Dieu veut retirer, & ils se veulent auancer au monde, combien que leur conscience les remord & contredit, elle leur dit: Tu te damnes, & ils taschent du tout à estaindre ce remord de conscience. Ils sont en honneur & gloire mondaine: le monde les tire à damnation, & Dieu par sa bonté les en veut retirer, & ils luy contredisent & recalcitrent, il disoit à saint Paul: *Durum est tibi contra stimulum calcitare*. Aucuns tirent aux affections & honneurs du monde, & Dieu les en veut retirer pour les faire aller à luy, & ils veulent estaindre la synderese, le remord de conscience. Ils ne veulent point aller au sermon,

mon, ny estre auertis, afin que liberalement ils puissent mal faire, sans remord de conscience. Voyla ce que apprend & enseigne le monde. C'est ceste pauvre femme paillardre, de laquelle il est fait mention en l'Apocalypse. Elle auoit vne couppe d'or pleine d'abomination, & immondicité de sa fornication, & elle en donnoit à boire aux mondains. Rupert dit: que ce breuuage, c'est l'obliuion de Dieu, car la premiere chose qu'on apprend au monde & avec les mondains, c'est oublier Dieu, renōcer Iesuchrist. La conscience dira à quelqu'un. Tu fais mal, tu te damnes, il te fault faire autrement, & te retirer

de mal & d'offenser Dieu: mais ceux qui ont telle conscience ne sont pas bons avec le monde, car le mōde dit, *Le mōde dit qu'il ne faut qu'il ne faut point auoir de conscience: mais qu'il fault point auoir de cōscience,* qu'il ne fault point auoir de conscience: mais qu'il fault tout faire selon son plaisir & volupté charnelle. Mesamis, il fault rendre compte deuant Dieu, & combien que mon cas soit occult & caché en ce monde, il sera reuelé deuant tout le monde en l'autre. Je ne me damneray point pour personne. Si ie me puis accommoder à tous, ie le veux bien, pourueu que ie n'offense point Dieu, mais ou ie ferois contre Dieu, & dommage à mon ame, ie n'en voudrois rien faire: ma vie, mon salut m'est plus que tout. Le monde donc fait oublier Dieu, & nostre seigneur Iesuschrist, en son escole apprend à cognoistre & aymer Dieu. L'enfant laisse d'aller à son pere, de peur qu'il ne soit contraint à faire quelque chose. Et vne femme ne veut aller au sermō, de peur qu'elle ne soit reprins de ses habillemens, bobances & voluptez, afin qu'elle n'ayt des scrupules. *Scientiam viarum suarum nolumus.* Demandez vous estre reprins? c'est signe d'election & de salut, mais ne vouloir estre reprins, & fuyr correction, c'est chose damnable & diabolique: Et telle ignorance m'est imputée: comme ie vueil ignorer qu'il soit demain ieusne, & afin que ie l'ignore ie ne veux point aller au prosne ny au sermon. *Est ignorantia affectata, que magis aggrauat quàm diminuat.* Allons à l'escolle de Dieu, & nous serons beatifiez comme saint Pierre. Nostre seigneur luy a dit: *Tu es Petrus, & super hanc petram edificabo ecclesiam meam.* Il l'a remuneré pour sa foy. Toute no-

Pour le iour

Toute nostre
fin est Dieu.

2. Cor. 10.

stre fin c'est Dieu, & nostre esprit est contant quand il iouyst de la souueraine verité qui est I E S V S C H R I S T
vray Dieu & homme. Outre l'hôme & la chair n'appren-
nent & n'enseignēt pas ceste leçon, mais le benoist saint
Esprit l'a reuelé, & celuy qui croit de cuer & confesse
de bouche sa loy, il est heureux : & celuy qui ignore no-
stre Seigneur, il est meschant & malheureux : Et pource,
n'oublions iamais nostre seigneur Iesus Christ, ayons le
tousiours en nostre memoire actuellement, ou à tout le
moins vertueusement, en faisant toutes bonnes choses
que nous pourrons pour l'honneur de Dieu. Nostre Sei-
gneur a icy fait de grandes promesses à saint Pierre, il a
constitué saint Pierre le fondement en son Eglise, & le
chef principal. Le nom de nostre Seigneur c'est *Petra*,
Petra autem erat Christus. Et saint Hierome dit : *Quæ à Chri-
sto petra, Petrus nuncupatus est*. Et ainsi qu'un parrain don-
ne son nom à l'enfant, aux saints fons de baptême, aussi
nostre seigneur a donné son nom à saint Pierre. *Christus
est petra angularis*. Il a esté figuré au desert par la pierre,
de laquelle l'eau est sortie, c'estoit la figure de I E S V S
C H R I S T vraie pierre, car quand il fut mis en la croix,
il en sortit du sang & de l'eau, dont nous sommes tous
repeuz & lauez. *Tu es Petrus*. Pourquoi nostre Seigneur
luy a il imposé ce nom de Pierre ? Il auoit nom Symon.
Il est escrit que saint André est vn des deux disciples de
saint Iean baptiste, ausquels saint Iean voyant no-
stre seigneur qui passoit il leur dist. *Ecce agnus Dei, ec-
ce qui tollit peccata mundi*. Voyla le vray aigneau qui effa-
ce les pechez, c'est celuy que vous deuez suyure, & nō pas
vous arrester à moy. Et incontinant ils l'ont suiuy : & no-
stre seigneur voyant qu'ils le suyuoient, il leur demâde &
dit : Que cherchez vous ? ils luy ont demâdé ou estoit son
habitation & demeure, Et il leur dist : Venez & vous le
verrez, & sont demeurez ceste iournée avec luy. Il fault
estimer que ce n'a pas esté sans tenir de bons propos. Le
lendemain, saint André est venu à son frere saint Pier-
re, auquel il dit : *Inuenimus Messiam*. Nous auons trouué,
nostre salut, nostre vie. Il a prins son frere par la main
& l'a mené à nostre seigneur. Et nostre seigneur en le re-

gardant, luy a dit : *Tu es Symon filius Ione, tu vocaberis Cephas, quod interpretatur Petrus*. Nostre Seigneur donc a imposé ce nom, Pierre, à Symon, & l'a nommé. Et pourquoy l'a il ainsi appelé? c'estoit pour monstrier qu'ainsi que la pierre est ferme & solide, aussi la loy de S. Pierre devoit estre constante & stable en toute l'Eglise, de laquelle le chef principal, c'est nostre Seigneur Iesus Christ. Et saint Pierre est aussi le chef dessous nostre seigneur IESVS CHRIST. *Est caput sub capite*, auquel tout le monde doit obeir, & nostre Seigneur l'a nommé Pierre, & luy a dit : *Oravi pro te Petre, ut non deficiat fides tua*. Et depuis qu'il a esté constitué pasteur, vicegerent de nostre Seigneur, n'a plus failly. Outre, nous cognoissons aussi la stabilité de la pierre en saint Pierre, car iamais le S. siege Apostolique ne faillit ny erra. Cela c'est merueilles & vient de Dieu & de sa promesse. Saint Paul estoit bien parfait, & neantmoins en plusieurs lieux ou il a presché, ils se sont retournez à leur infidelité, & sont encore infideles : comme sont les Corinthiens, les Ephesiens. Pareillement saint Iean en Asie, saint Thomas en Inde, & ou tous les autres Apostres ont presché, ne sont pas demeurez en la foy catholique de nostre seigneur IESVS; mais la foy de l'Eglise Romaine, le saint siege Apostolique, n'a iamais deuoyé de la foy : cela ne vient pas de la vertu de l'homme : mais de Dieu. Regardez toutes les histoires, & vous trouuerez qu'il n'y a que le seul siege de saint Pierre, qui soit demeuré en son entier, auquel tous les Chrestiens sont tenez d'obeir sur peine d'estre damnez, & ou est fondé cela? Si tous les Papes viuoient comme saint Pierre, depuis lequel iusques à saint Sylvestre, ils ont tous esté martyrs, on pourroit dire que c'est pour cela que l'Eglise Romaine & le saint siege Apostolique est demeuré en son entier, mais il en y a eu de bien folastres, c'est pour mōstrer que la foy de l'Eglise Romaine n'est fondée & ne demeure pas à la stabilité d'une personne, mais de l'Eglise de Dieu, pour laquelle nostre seigneur a prié : *Rogaui pro te Petre, ut nō deficiat fides tua*. Les heretiques disent que le Pape est seulement Euesque de Rome, imò il l'est aussi de toutes les Egli-

Saint André fut premierement disciple de saint Iean baptiste. Iesus Christ est le chef de l'Eglise & saint Pierre chef sous luy.

Luc. 22.

Il n'y a que le seul siege de S. Pierre qui soit demeuré entier, Matt. 10.

Pour le iour

ses catholiques & le fondemēt & chef principal apres Iesus Christ. On met la grand pierre au fondemēt. S. Pierre est le fondement, non pas principal, mais c'est nostre Seigneur Iesus Christ. Et sous luy Sainct Pierre est le fondement & le chef. Et ainsi que Iesus Christ conserue l'Eglise, aussi fait Sainct Pierre, par sa doctrine & administration des saincts sacremens. D'icelle Eglise, nostre seigneur luy a dit: *Tibi dabo claues regni celorum*. Il vſe de ceste metaphore. Quand le Roy fait son entrée en vne ville, on luy porte les clefs au deuant, en signe de domination, & proteste lon de le cognoistre comme principal & seigneur, & luy obeir. Aussi nostre Seigneur dit à saint Pierre: Je te feray le principal en mon Eglise, & en signe de ce, quand les Euangelistes viennent à nommer les noms des Apostres, Sainct Pierre est nommé le premier. *Duodecim autem apostolorum nomina sunt hæc, primus Simon, qui dicitur Petrus*, non pas *primus* vocatione, sed *gradu, officio, dignitate*: car le premier appelé à l'Apostolat, ce fut Sainct André son frere: mais quand à l'office, au degré & dignité, Sainct Pierre est le premier, il a les clefs du royaume de paradis sous nostre Seigneur: il est le principal. Nous auons donc ceste foy, que saint Pierre est le souuerain & principal en l'Eglise de Dieu, sous nostre Seigneur & tous Chrestiens sont tenuz de le cognoistre ainsi comme le chef & fondemēt: comme dit saint Ierome: *Vnus quidam ex multis eligitur, vt capite constituto tollatur schismatis occasio. Tibi dabo claues regni celorum*. Ceste autorité consiste en deux choses. Le Pape a deux clefs, *habet clauem scientiæ, & clauem iurisdictionis*. Il a la clef de sçauoir & discerner entre la lepre & la lepre. C'est à dire, entre les pechez. Apres, il a l'autorité de lier & deslier. *Quodcumque ligaueris super terram, erit ligatum & in calu*. Nostre Seigneur parle au Pape comme à S. Pierre, & à ses successeurs Papes de l'Eglise Romaine. Le Pape a maintenant aussi grande puissance & autorité en l'Eglise de Dieu, comme S. Pierre, immédiatement constitué & ordonné de nostre Seigneur. Il est en pareil degré, & s'ils ne vivent comme il fault, ce n'est pas à nous d'en iuger, mais d'obeir & executer leurs cōmā-

Matt. 10.

demens : car ils tiennent le lieu de nostre Seigneur Iesus Christ. Ie sçay bien , qu'il n'en y a point eu de pareil à S. Pierre , quād à la personne & saincteté : mais en la dignité, degré & office, ils sont pareils. Le Pape a aussi grande autorité & puissance , qu'auoit S. Pierre, S. Jean Chrysostome dit sur ce lieu, de saint Ieā, ou nostre Seigneur Iesus Christ dit à S. Pierre. *Pasce oues meas, id est, loco meo esto prepositus.* Iesus Christ est le chef, & le Pape sous luy, tient son lieu. Il est doncques le chef. *Et tu aliquando conuersus, confirma fratres tuos.* Confirmer, stabilir les autres, appartiēt au superieur , mais Sainct Pierre a il beaucoup prouffité? L'amour qu'il auoit en nostre Seigneur, le recōmandé beaucoup : il y estoit si feruent , qu'il ne pouuoit endurer estre separé tant soit peu de son maistre, & de sa presence. Vous auez , qu'il ne peut attendre que le bateau, la nauire fust venue , mais il se iecta en l'eau , tant estoit feruent, pour aller à nostre Seigneur. Pour estre Pape, on n'en laisse pas à estre damné . L'hōme n'est pas recōmandé deuāt Dieu pour cela , pour l'office & dignité : mais quād il faict & exerce bien son office. La profession ne recōmāde pas l'hōme deuāt Dieu. L'euure d'un Euesque, d'un prestre, d'un religieux est bon, mais le tesmoignage d'un Chrestien , c'est d'auoir l'euure & la charité de nostre Seigneur, ce qu'a eu S. Pierre. Et pource il est si bien recommandé deuant nostre Seigneur , & luy a faict si grande grace, que la seule vmbre de S. Pierre guerissoit les malades. Quand on sçauoit qu'il deuoit passer, on accouroit au deuant : *Vt veniente Petro, saltem vmbra illius obumbraret quenquam illorum , & liberarentur ab infirmitatibus suis.* C'est vn lieu par lequel peult estre verifié l'edict de nostre Seigneur. *Qui credit in me, opera que ego facio, ipse faciet & maiora horum faciet.* Ce qu'a faict sainct Pierre, c'est par la vertu de nostre Seigneur, lequel a faict de plus grādes choses par ses seruiteurs, que par luy mesme. On ne list point, que nostre Seigneur ait guery les malades par son vmbre. Et S. Pierre l'a faict par la vertu de nostre Seigneur, qu'il luy a communiqué. S. Pierre trouua vn boiteux à la porte du temple , auquel il dist. *In nomine Iesu Christi Nazareni surge & ambula. Et exiens*

Le Pape de present a aussi grande puissance en l'Eglise comme auoit S. Pierre, qui estoit immédiatement constitué & ordonné de nostre Seigneur.

Act. 5.

Act. 5.

Pour le iour

stetit & ambulabat. De cela le peuple en fut bien esmerueillé. Et S. Pierre recognoissant que tout vient de Dieu, leur dit. Péséz vous que cestuy là marche par nostre vertu ? non, mais c'est par la vertu, & au nō de Iesus Christ, lequel vous avez crucifié. Voyla l'humilité de S. Pierre, par laquelle il nous mōstre tout bien venir de Dieu, & nō pas de nous : parquoy, ne nous en deuons glorifier. Ce n'est pas tesmoignage certain, que ie sois bō & eleu, pour auoir faict miracle. Et c'est plus grand chose de vaincre son cuer, se faire violence, dompter son affection pour l'honneur de Dieu, cela c'est plus grande chose que de ressusciter vn mort: guerir les malades, & faire autres miracles: car en gaignant son cuer & mauuaise affection, on sera sauué: mais ce n'est pas vn tesmoignage de salut, que d'auoir faict des miracles. Ie croy q̄ Iudas en a faict, comme les autres Apostres. Et nostre Seigneur dit. *Multi dicent mihi in die illa, In nomine tuo prophetauimus, virtutes multas fecimus*. Nous auons de Balaam, & de Cayphe, qui ont dit des parolles de prophetie, combien qu'ils fussent meschans & mal viuans, mais vaincre son affection aymer son ennemy luy bien faire & semblable, c'est l'euvre du Chrestien. Aussi nostre Seigneur ne dit iamais, vous serez bien heureux, quand vous ferez des miracles, mais il dit. *Beati eritis cum vos oderint homines*, mais qui plus est, quand les disciples reuindrent avec grāde ioye, pour les miracles qu'ils auoient faits, ils dirent à nostre Seigneur. *Domine, etiam demonia subiiciuntur nobis in nomine tuo*. Il leur respond que cela n'est pas maniere de ioye. *Verum etiam, in hoc nolite gaudere, quia spiritus subiiciuntur vobis, gaudete autem, quod nomina vestra scripta sunt in calis*. Sainct Iean Chrysostome dit, que si les Apostres eussent esté auaricieux, vindicatifs & semblables, il eussent esté reputez decepteurs & imposteurs, mais la patience & bonne vie qu'ils ont eue, a autant ou plus prouffité que leur predication. Et quoy ? Ie prescheray bien, mais ie seray veu auaricieux ou yreux & tempestatif. Et nostre Seigneur dit, *Discite à me, quia mitis sum & humilis corde*. C'est le propre euvre du Chrestien, que d'estre humble de cuer. En voyla vn qui naturellement est or-

Dompter son cuer & propre affection pour l'honneur de nostre Seigneur est plus grande chose que ressusciter vn mort.

Matt. 7.

Matt. 11.

gueilleux & semblable. Et on voit qu'il se reuge, & dompte son affection, & faire le contraire de son naturel, est ce pas vn grand miracle? Ainsi ont vescu les Apostres: & à leur exemple, il nous fault faire & viure, si nous voulons estre sauuez. Sainct Pierre estoit le plus grand, mais il sestimoit comme le plus petit suyuant la doctrine de nostre Seigneur, qui dit. *Qui maior est in vobis, fiat sicut iunior, & qui precessor est, sicut ministrator.* Pleust à Dieu, que nos faicts conuinssent & fussent correspondans à noz titres. Le Pape se dit en papier, *Seruus seruorum Dei*: mais au cueur & en noz euures. nous ne congnoissons rien de la seruitude & obeissance que nous deuons à nostre Sauueur & redempteur Iesus Christ. Je ne dis pas pour despriser le Pape, ny son autorité, mais ie dis, qu'il vaudroit mieux en son cueur & par euvre, cognoistre Dieu & luy seruir, en recognoissant que tous biens viennent de luy, que seulement le cognoistre en papier. Aucuns se blasment, & accusent exterieurement, en disant: Je suis le plus meschant & miserable de tout le monde pour ma meschante vie, mais en leur cueur, ils ne se recognoissent pas ainsi. Et à ce propos maistre Jean Gerson recite d'une recluse, qui disoit à ceulx qui l'alloyent veoir, qu'elle estoit la plus grãde pecheresse & miserable de tout le monde, & qu'elle n'estoit pas digne que la terre la portast, ny regarder au ciel: & sa chambriere, qui luy auoit plusieurs fois ouy dire de tels propos, pensoit qu'elle dit cela aussi bien de cueur que de bouche, par quoy elle dit à ceux qui l'interrogeoient qu'il luy sembloit de sa maistresse, qu'elle estoit plus grande pecheresse qui fut en tout le monde. Et sa maistresse la recluse, qui ouyt ces propos, cōmença à crier comme en furie & enragée contre sa chambriere, & luy dist, vous en auez menty, ie ne suis pas telle que vous dictes; Je suis bonne seruante de Dieu: En cela elle monstra qu'elle sestimoit autre qu'elle ne disoit, & que l'humilité estoit seulement en la langue & en l'exterieur, & non pas au cueur. Ainsi en faisons. Et si quelqu'un le nous disoit, nous luy dirions qu'il seroit menteur. *Est qui nequit se humiliat, & interiora eius plena sunt dolo.* L'humilité gist au

Pour le iour de la chaire S. Pierre.


Il fault que
l'humilité
d'un Chre-
stien soit prin-
cipalemēt au
cœur.

cœur, & si ie desire & prens en gré qu'on me reprenne & corrige, c'est signe que ie suis humble, & que i'appartiés à Iesus Christ. C'est la leçon de nostre Seigneur, par laquelle il dit, qu'il n'y a point de vertu, ny de bonne euvre sans prudence. Et saint Thomas dit que les vertus sont cōcathénées ensemble, & qui en a vne, qu'il a les autres. Donc apprenez de S. Pierre, lequel est le plus recom-
dē, pour le grand amour qu'il a à nostre Seigneur, & le suivez: & en ce faisant, nostre Seigneur nous donnera sa grace en ce monde, & la vie eternelle en l'autre. Amen.

F I N.

QVI PATITVR, VINCIT.

*hic liber est meus qui vocat
ALBERTUS MAGISTER
meus*



Pro Comendat. Buxi

24.4

Feb. 28. 17. 09

